


四庫全書存目叢書編纂委員會編

齊魯書社


四庫全書存目叢書

集部
第二七一冊



責任編輯：孫言誠 賀 偉

ISBN 7-5333-0615-5



9 787533 306151 >

EB41/01

四庫全書存目叢書·集部二七一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 52.5 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第二七一冊目次

集部·別集類

陸堂文集二十卷詩集十六卷續集六卷(二)

〔清〕陸奎勳撰

天津圖書館復旦大學圖書館藏清乾隆小瀛山閣刻本

唐堂集五十卷補遺二卷續八卷附冬錄一卷

〔清〕黃之雋撰

陝西省圖書館藏清乾隆刻本

陸堂文集二十卷詩集十六

卷續集六卷(二)

〔清〕陸奎勳撰

天津圖書館復旦大學圖書館藏清乾

隆小瀛山閣刻本

附《四庫全書總目·陸堂文集

二十卷詩集十六卷續詩集八

卷》提要

太史陸坡星先生年譜
雄吳越間繼遊京師與楊
及余倡和城南有浙西四子之目時皆年少書生
也先生後客維揚專從事於六經凡先儒論說搜
羅剔抉攷其異同而歸於至當自著經解若干卷
行世次也厚餘先鳴余二人至辛丑始捷南宮先
生為史官而余僥得倖失洎癸卯始第先生嘗詣
余邸舍為余說詩知人論世援據史傳如置身殷
周揖讓進退於其間又復按節徐吟一句一字與
琴聲相協應座客踴躍欣服以為聞所未聞蓋不
止匡丞相之解人願也詩以道性情固也試觀六
經之作有一不從性情出以泐天下後世之性情
者乎而詩之為教感人尤速入人尤深雖十五國
之風正變殊矣聖人刪而存之以勸以懲遂與義
文之易堯舜禹湯文武之書春秋經世先王之大
法並垂霄壤邵子曰此聖人之四府也豈非不可
磨滅之性情亘古常新者歟宋人有云詩有別才
非關學也詩有別趣非關理也以律唐宋諸家猶

未盡窺李杜韓蘇之能事揆之崇雅尊經之旨失之遠矣先生身涉萬里胸羅萬卷其筆墨光燄耀人心目而溯流窮源皆從經山學者尤宜津逮也君家平原文賦云漱六藝之芳潤夫舍六藝以求芳潤無論其為剪綵之花也即勤工掇拾以成萬花之谷其於根柢濟用豈有當乎前年先生在西湖以詩屬余序又命其甥錢子清許速之再三余學殖荒落心醉先生之經解以為不可幾及至於詩固未嘗以千里畏人而於先生又不能不退避

陸堂詩集序

二

三舍也其何以序先生之詩哉第念次也已為古人余與先生同庚同榜少而結契今皆七十矣聊書此以當一昔之談且以寄厚餘如童子寺竹之報平安也昔先生叔父閣學公序煜詩以煜字南陔即取東長生之補笙詩為比亦隱然以經學相勗至今愧不克副而知已之感未嘗忘也曰序先生之詩而附識之

雍正十三年乙卯春仲青霞洞天外史柯煜拜撰

陸堂詩前集十六卷同年友柯南陔已為之序詩是吾家事童而習之年過四十志在說經不復勞神韻語過籍以後心疾綿延乞病歸里勉強酬應雖窮且老而不能工可歎也夫辛亥壬子連歲奇荒幸而從事志局得以餬口且苗近古稀此中有以自樂詩覺稍進復為粵西之遊遇佳山水及奇花異鳥間亦吟哦而難經硜硜日無暇晷不能如謝客之在永嘉少陵之入西蜀也乙卯冬月易學輯成與尚書今文說戴禮緒言同付剞氏寓粵三載倦遊賦歸五經皆已行世詩本可以不作譬之夏甥秋甥應候而鳴已爾自丁未閏三月至丁巳閏九月定為續集六卷從此天假之年隨時可增然亦何

目序

一

必以多為貴耶或箴予云邇來詩有道學氣得融化之乃妙予謂韻語中能見大意此正稱詩之家所不易到未可輕為詆譏也惜南陔為道山游未從質正我言不勝悵快者久之當湖易窩老人陸奎勲坡星父自序

陸堂詩集目錄

- 第一卷宜樓初藁詩八十三首
第二卷萬里遊草詩八十五首
第三卷石耕韻語詩一百十首
第四卷西笑續草詩八十一首
第五卷格致外編詩六十六首
第六卷橋西新詠詩一百二首
第七卷洛如詩鈔詩九十八首
第八卷五石瓠吟詩一百六首
第九卷涉江草詩一百五首
第十卷覺非小槩詩一百二首
第十一卷潛虬草詩九十一首
第十二卷識真遊藁詩九十九首
第十三卷細草吟詩九十首
第十四卷金門小槩詩七十二首
第十五卷蓼餘草詩七十一首
第十六卷希礪草詩七十一首

陸堂詩集第一卷

平湖 陸奎勳 坡峯著

同里 沈 鐔 荻廬校

宜樓初藁 丙辰八月至己巳臘月存詩八十三首

先大夫歸自嶺南以所居湫隘別建宜樓三楹貯書其中顧小年善病雖性喜吟詠不能多讀書以廣學識弱冠後始列子衿旋遭生母憂謝絕人事兀坐宜樓課孤姪載崑載嵩暇則翫味藏書以銷日月嗣是胸中積有卷軸而於漢魏六朝諸詩亦粗識門徑焉

中秋月夜書懷

陸堂詩集 卷一

碧天如練夜初涼金鴨閒薰一炷香翫月忽驚鴻影度學詩偏愛鯉庭長陰晴自昔同千里兵燹何時靖八荒
時逆藩亂未平祇恐雙親添白髮宵分重進桂花觴幼作是詩嘉善匡才華盛吾家太守賢生兒年十二詞賦自翩翩嗣後體弱多病從祖玉田專課時藝戒勿作詩縱有衡口成者不復存藁矣

二叔父以博學鴻詞改官翰林喜成一律

戲亂敷文德求賢啓制科仙班俄拔擢史局待編摩綠竹呈祥久
高王父初任廣德州署中產連理竹黃芝毓秀多已未歲嘉瑞堂後隙地生厚徑尺此改官兆也一經傳樓學舊里本鳴珂

辛酉八月十四夜喜見月華口占紀事

今宵真見月華圓織女張機也奪妍五色流蘇齊著地三周輪廓欲彌天
月當正午輪之西南角忽吐一白光已而紅黃碧綠漸有二十餘道下垂至地搖蕩久之繞輪三匝見月并不

見天矣

短歌行六章

乖龍流涎燒燕入海有慾則馴死爲脯醢誰云天祿

葆精怡神蒼帝微醉鷄首錫秦元豹居山七日澤霧

彼羊質者逐艸失路解三類垣濕壤酣戰觸蠻愚公好勝

將子移山解四一已上藥可支骨朽千頃澄江不滯心垢

解五 砥詩有鸛譚空有雞生不見日鸛鷄敢號解六

猛虎行

虎當路狐假威虎視何眈眈狐行何綏綏野係利爪挾

虎之腦虎腦欲空性爆跳野係自坐枝頭嘯虎今朝戴

冠鋸牙甘人肝虎兮暮戢翼嗇夫嗇爾食噫吁嘻白門

陸堂詩集

卷一

二

樓下遭縛急

辛澤謠

騷耳服兮白義髻盍思膠舟沉漢南小人蟲兮君子鶴

獨遊辛澤號民寒赤弓徐偃走死于山封造父而爵非

子危哉汧渭馬種繁

諸葛銅鼓歌

石門陡絕烏江奔武鄉廟貌空山存花苗羅鬼驚心魂

隆隆銅鼓陰雨聞真曠主人老好事萬錢購得神物至

土花繡碧燐血殷桐魚發聲思志義面徑三尺口微弇

形模仿惠嶠南記伏波鏐銅作馬式紛紛耳食訛爲鑄

馬援傳得銅鼓 吾聞損益連弩鑿天機木牛流馬檄鬼輸鎮

蠻小術烏足駭出師二表光六虛留侯鄴侯猶却步莫
枉雷門持布鼓不見矜功仗武襄斷碑雷擊仆道左

銅雀硯歌

銅人泣罷銅爵飛漳河恨水流不歸夕陽狐鼠亂成陣

疑塚猶是荒臺非指季豹持姬女分餘香纖綦履阿瞞

遺命辱可鄙不及劉郎葬茂陵黃金盈出新豐市鴛央

紫瓦本下材寶作硯石據何理昔令粉頰愁凝眸今遣

錦心枯欲死雄文弔古推平原竹篠思鄉黠自憐河橋

兵敗虛鶴唳玉碎何如瓦礫全

丁卯省試後同諸兄遊冷泉亭喜聞家大人歸自

黔中

陸堂詩集

卷一

三

驚嶺佳哉聳翠鬟小亭幽極響淙潺耽遊敢闕吟筇健

拜慶忻聯舞袖斑廿四年來熊軾滯前守南雄十八年 六千里

外石舟還可能折取東堂桂書卷傳香一破顏

和劉在園使君處州雜言八首存四

斗樣城連丁樣溪採風試與話陳黎疏田剗土柴官亞

桃隘穿雲劍棧齊谷暖不教埋玉馬囹空那假下金雞

催耕到處堪圖畫紅雨深深荷短犁

祇合拖筇莫挂帆客兒於此鑿香巖春冰鍊影渾無熱

秋水論交了不鹹細滴紅槽因種秫新添綠蔭爲移杉

女冠范氏如相識指與騰花嫩紫衫

料得吟頤欲斷時驚風泣鬼未云奇夢貽才子雙枝筆

陣却騷人一旅師水活最宜烹月早山深莫遣報春遲
龍宗亦有桃花洞前度劉郎近數誰

鬱林著說舊家風片石新移老桂叢廿載秦關梅吐白
六年鬼國鳥啼紅懷中泣王翰印父肘後懸金肖乃翁
況有稚恭詒鼓吹盛名應喚小安豐

春淺

春淺暮寒生夢回酒又醒打牕今夜雨敲枕幾人聽飢
鼠無端點孤檠奈爾青半牀書好在吾意薄雲亭

兀坐

夕陽留不住兀坐思依依元著談何易幽琴和者稀噪
風鴉萬點警露鶴孤飛最惜當階草秋來生意微

陸堂詩集

卷一

四

秋懷

輕縣乍可敵新涼獨向庭隅送夕陽雁較故人難覩面
花同靜女易牽腸便詞舊欲刪元白綺語今能肖柳黃
銀鴨無煙燈半炮秋宵疑煞六更長

和軼南弟

排闥山如螺子青鶴聲昨夜過華亭香浮石葉銷乾露
夢冷桃笙負濕螢祇許多材成玉海漫憐無相比珠庭
楚騷魯酒長年事入世由來戒獨醒

來詩夜闌枯坐添佳句憶鐵南樓醉未醒

不用逃名強閉關匡牀疊膝自閒閒淺杯竹葉穿愁壘
粗飯桃花駐好顏月浪慣鋪三五夜賦情多占有無間
嗜奇欲訊東山李那得元真賣白鵬

用家絲二韻寄酬姊夫沈華九

相思不奈疊山遮况復愁緘蔓尾斜嬌烏紅乾猶是客
秋花黃落已無家年光爛漫流如矢親串團樂散若沙
此際煙江橫幅好木蘭艇子亟須拏

窮入宜山一卷詩煎腸我亦淚漣漣寧期附子幃空日
却屬檀郎簾冷時

李姊惡耗至生母李孺人已沒

蚤雨索教楓染葉蠻煙肯

秋日和蒼林禪丈

秋聲不耐聽寒螢葉葉桐陰逗晚涼紈扇暗憐山吐月
瓦盆低趁豆吹香移來紅桂應招隱老去丹瑩亦葆光
清濁祇今誰自取好憑漁父問滄浪

陸堂詩集

卷一

五

露冷江鄉夜氣清每從月窟悟虛盈香搖簾額扶疎影
紙弄窗腰漸瀝聲算弄巧於肥水捷學書難似壽陵行
寧知一夕秋添線已遺顛絲鏡裏生

檻外風波總莫論茅堂清絕素書存憤禪差近長貧阮
鳳臙難偕善嘯孫沙草半灣鷗鳥宅香風十里稻花村
欲從白社相招處一一為余洗鈍根

哦詩把酒倦還休寒瘦新營百結裘投筆何須誇燕領
攫金那得號龍頭蘆根競吐迴風雪鷹眼斜窺細草秋
剩有素心支許在剡谿谿畔欲拏舟

己巳初度日數同谷七歌

有客有客號眉州落梧碎竹悲庭秋白魚中乾丹鳥濕

吳鉤三尺鳴牀頭黃金虛市不可入誰甘跛足先驛驢
嗚呼一歌兮黯無色鄧禹笑人長寂寂

素月弄光烏影沒老親槁領髮垂白北堂辛苦終吳絲
南窗兀杲點周易敗絮徒爲兒子慚當關請謝高軒客
嗚呼二歌兮歌莫悲不才容我舞萊衣

有母有母隔夜泉披衣坐起恨綿綿天道禍淫而福善
胡爲叫天今茫然及時不作茅容養雞黍空張死後筵
嗚呼三歌兮歌當泣鬼車九首啼雲黑

有師有師好奇服白晝山栖夜水宿醉學劉伶荷鋤埋
狂過阮籍登車哭四七之年野鶴飛歸來揮手何太速
嗚呼四歌兮目泣然一瓣心香爇墓田

陸堂詩集

卷一

本

有兄有兄誇特傑零落邱山悲永訣謝氏封胡皆早年
王門微獻亦連折輸贏總類戰槐檀而我癡迷守螳穴
嗚呼五歌兮歌倍傷風酸吹雁不成行

有姊有姊遠行役三霜兩暑成枯腊窸窣嬌小復珠沉
濡滯蠻鄉竟何益惆悵檀奴解悼亡柿花淚與棹花積
嗚呼六歌兮歌聲涼魂兮歸來道阻長

篋空鉶罄無贏資舌耕心織聊爲之衣食一身如逆旅
妻兒安得免寒飢少成晚達曰有命且勿淚下沾牛衣
嗚呼七歌兮歌且讀燕頤書生飛食肉

擬漢詩四首

蘇屬國別友

孤身託異域頻年阻歸期遙發在茲晨云何慘不怡與
子肺腑交患難矢弗移蹤跡兩浮萍逐水東西馳行者
願已償居者策安施河梁一攜手咫尺判夏鼎清商情
終曲絲竹有餘悲離情如可釋觴酒復何辭

李都尉從軍

朔風起邊塵天地俱色變今我行萬里餞送勞親串揚
鞭汗血駒穿札大羽箭六師塵臯蘭疾驅若雷電期報
國士知封侯非所羨

酈文勝見志詩

紫芝茁齋宮稱祥亦可喜不如產商山采采屬高士晨
夕堪療飢榮名何取爾蘭爲王者香百艸罕倫比蕭艾

陸堂詩集

卷一

七

忽當塗苑枯無定理譜之入瑤琴尼父特感此

諸葛武侯侯梁甫吟

古來封禪者七十有二君越哉齊小白妄欲祠亭云霸
功爭尚力王業務修德鵜鷃比目魚所寶豈異物梁父
俄生荆小邱何擅名我思在泰山終古摩天青

擬魏晉詩十首

魏武帝苦寒行

太行何崔巍勢與浮雲齊坂折車輪摧羸馬風中嘶層
冰厚踰尺嚴寒栗生肌裘敝了不溫况復愁朝飢行役
多苦辛從軍益可悲高樓有思婦遙夜夢關西凱旋及
春日楊柳色依依

曹思王植美女篇

昔時貯金屋今時賦長門未能保紅顏焉能保主恩王
骨何輕盈解作盤中舞仙裾爭欲留禍水孰敢唾入宮
妒蛾眉不如老空谷著簪傲瑤釵葯房謝丹轂靈氛任
爾占蹇修莫我漬青琴既已張猗蘭悄終曲山中雖無
言揚揚自芳馥

王侍中粲三良詩

古禮不殉葬殆非薄君親國禎恃賢才將以貽子孫秦
穆本令主荒哉末命申三良甘絕吭慘矣重泉魂黃鳥
鳴交交哀怨詎堪聞不及齊田橫從死五百人感激由
義風毋勞語諄諄

陸堂詩集

卷一

八

陳記室琳飲馬長城窟行

長城高希望無極萬年千歲填白骨男兒甘執丈六戈
立功塞外捐微軀焉能縮頸困城築忍飢寒復遭鞭扑
代馬之性亦戀羣長嘶一聲凝愁雲欲寄鄉書淚沾臆
祇恐生妻早去室

嵇中散康秋胡行

詩書乃爲榮所益在性情溫飽喪志懷安敗名六籍可
漁寸田可耕挹彼夕露餐此秋英歌以言之詩書乃爲
榮

阮步兵籍詠懷

涼風起天半俄作秋雨灑鬢髮一星星飛光不可把川

流道自存井渫時方舍末俗競名利誰可與言者不材
樗成陰不祥金躍冶我姑酌香醪彈琴明月下

張司空華雜情

秋老燕辭巢日落雞栖桀羅幃逗月光三五圓又缺網
絲挂虛檐陰蟲鳴切切三歲斷音書九迴腸欲結楚渚
乍騰波秦關俄積雪以妾不移心知君無改節

張黃門協苦雨

一足儻商羊連宵雨不止縱非九年災竊虞三版圯陸
處將爲魚乘舟可入市隣突炊絕煙野卉色變紫移牀
長苔衣補籬添柳耳桑中有餓夫道傍多棄子天心亦
渺茫二氣資變理浩歌寫我憂白月挂檐底

陸堂詩集

卷一

九

郭弘農璞遊仙

神龍壽滿萬鶴鹿俱小年秦皇及漢武所好非真仙男
女千百羣入海舟無還桃核何時花金盃出人間故知
萬乘尊不死良獨難我師赤松子升降隨青煙堯舜藉
陶鑄至道探幽元毋徒誇服食方瞳希僊佐

陶徵士潛飲酒

十日九逢晴一雨勢何猛隣叟斷往還舉杯勸孤影一
杯復一杯大道默堪領姬德旣已衰羸秦力是逞焚燒
及詩書儒生落坑窞所以明哲人花源關異境遙遙難
問津耕田鑿舊井朝氣想黃農山窗空延頸盍從醉鄉
遊塵事置弗省

擬齊梁詩十首

行路難擬鮑照

行路難太行之高高插天隴頭流水聲漸遠哀猿日夕啼聞者淚綆縻我車既摧我馬復顛奈何居後不鑒前一跌直下千尋淵朔風吹裂肌烹沙持作縻玉關罕見青楊柳去去勿復長相思行路難噫吁嘻

遊東田擬謝朓

平生慕張邴簪組匪思存申章謝塵鞅步屣歸衡門冶城秋雨多鍾阜朝雲昏亭午景開霽悠然憩東園霜中綴橘袖月上驅雞豚獨遊幸飲興與知已論瑤華堪折贈分義夙所敦

陸堂詩集 卷十

江南曲擬梁昭明

江南草長鶯亂飛柳花如雪黏人衣龍頭画舫送將歸送將歸兩持楫妹桃根姊桃葉

烏栖曲二首擬梁簡文

朱絃十九彈清商月規半射羅幃涼枝上烏啼啼正急妾心輾轉百憂集

錦機織就相思字千里玉人音信至金雀銜珠串雙

紅蟲倒綴蘭花缸

三引擬沈約

五聲倡始中央宮統御四子君道同溫良廣大感而通

右宮

中和既備奏清徵繡夏盛大行將止孔多庶績咸就理

右徵

金祗乘兌叶素商承宣奉職理陰陽萬寶告成樂未央

右商

擣衣擬柳惲

新續閨中夢金微路幾千月沒還持杵霜威早折絲征衫愁帶緩鄉信盼鴻旋空外難傳響含情又隔年

詠早梅擬何遜

其韻

禁寒花信杳心賞是官梅相尋野水次恰遇數枝開月明橫瘦影冰解簇重臺韻寄蕭疎笛香傳澹澹杯吟成還獨笑空見冷曹來

陸堂詩集 卷十一

小游仙詩十六首

十一

異相生成骨偃胸三仙山隔水重重長房縮地纔經寸尚乞壺公與竹龍

袖裏羅浮蝶一雙兒時採藥渡珠江至今月底修蕭譜半爲梅花改舊腔

繡嶺宮開白玉除婆羅門曲獻來初雲容死後無人舞

再莫根尋月姊居

石壁三年字有無王君森森住方壺太清一卷憑誰譯

險作還家項曼都

龜臺阿母躡丹梯聖女仙郎待品題叱石山中先有弟

咒桃籬下不如妻

絳白雙旗導入雲頭銜初拜玉宸君憐他好學人無命
刻苦徒修地下文

暫移家止鳳皇村百歲村翁抱耳孫村在餘杭山中人多壽祇少紅
霞遮一壺路人未信是桃源

燕燕身輕舞玉盤風迴太液弄波湍留仙裙褶何顏色
欲問成書伶子干

謫墮紅埃十八年談諧剛得幾優旃寄言太乙仙宮令
休把雷車小弄權

長眉鎖作遠峰描尚有閒情坐綺寮唐韻晚來書不了
綵鸞怨否嫁文簫

草衣卧冷白雲窩如此猿啼鶴怨何不悟囊中餐玉訣
陸堂詩集 卷一 十三

道人無奈出山多
蠻觸爭酣左右蝸馬蛇百足漫憐蛇獸醺舊已嗤漁父
搏土今還駭女媧

露冷風微月色明許瀟如夢復如生瑤池三百青衣女
畢竟飛瓊最有名

勾漏新將赤箭求華陽舊與白雲游詩書為物皆齷齪
妻子於人亦贅瘤

八公發禿耳耽耽鴻烈何心秘枕函雞犬祇丹雲際去
獨教叢桂泣淮南

年年望斷橋邊鵲夜夜孤飛月裏蟾辛苦織綃勤擣藥
璇宮法律太森嚴

題金陵萬叟畫幅

落墨蕭疎景似真結廬好在泖湖濱三三兩兩白榆樹
多雨多風不惱人葭屋

浪說鴟夷有富書馬牛牽輓上林岨爾曹半是蝶螂智
那得弘羊不算車車販

山居次元人虞堪鼓柁葉韻五首
身是逃虛客心如出岫雲故人渺天末理亂不須聞磻

底驚鷗夢林端狎虎羣閒來檢周易施孟任紛紛
藤枝矯若龍扶我踏晴峰通子渾無賴麗妻獨肯從樵

歸林聚雀僧老寺稀鐘縛竹扉斜掩紅埃隔幾重
藥草及時栽野花任意開曳裾空出走掉首急歸來礙

陸堂詩集 卷一 十三
徑芟叢竹鋪茵倩古苔一樽聊取醉皓月與徘徊
閑閑卧老巢綠影暗槐梢野水清宜鑑秋山淡可交笑

疑分小陸詩確做寒郊剪韭留親故移文未許嘲
寒崖抱禿樹不奈蠟鞋登鶴訝千尋雪松盟一寸冰土

鑪青續續簷瓦白層層餅罄壘將恥猶逢乞食僧

陸堂詩集第一卷終

陸堂詩集第二卷

平湖 陸奎勳 坡星著

門人 黃百穀 稗登校

萬里遊草

庚午三月至辛未三月存詩八十五首

自燕山而閩海復歸故廬舟車跋涉萬里而遙勞

亦甚矣行笈攜書無多又緣率筆訓答未暇苦吟

且時方尚宋遂以家放翁為師體格日降并不能

到宋人佳處存此蓋以誌媿云

讌集煙雨樓和雅坪二叔父

我欲鼓柁窮歡妍抱琴入海師成連不爾當從孫登遊

搜身鳳嘯蘇門顛安能局縮比磔蝟拙辭強謝高車關

陸堂詩集

卷二

一

以此拂劍遠行役雕鏤度去蟲魚編滌湖入春水益落

樓角椒泥久失鮮幾見高僧解淪茗罕聞妙伎能談禪

匝欄差足送遠目放舟與結三過緣乍經社飲翻翠剪

又違寒食炊青煙阮公愛客啓清讌阿咸嗜酒亦冷然

半規月好忽瀉地夜涼風色來無邊轉眼春光能幾何

桃花飄雨柳欲綿因歎宦遊別巧拙新積何嫌後者前

釋之十歲不一調小車片語官九遷但挾如椽高述作

清標台斗中宵懸諺云附驥日千里緇塵敢惜污羅韞

金龜得解四明老轟騰直向壚頭眠

謝別孫嘯夫

交柯綠愛傍池楠不奈飢驅結兩驂數到花風吹片片

剩惟月浪影三三拂雲鳥半羈銀鏃出水龍多吼石函

憑仗短亭歌折柳相思為爾曲中諳

紅杏研膏糝白錫重三節好也纓情謾從新市呼銅枕

聊逐長安關玉杵雁尾魚腮應有耗驚知鷗見了無盟

誰憐一聽蘇門嘯老作廚頭阮步兵

風雨連日舟次錫山

風自闌珊雨自微舉頭幾得見春暉青影柳脚當門護

翠挹山尖到岸微琥珀直須鑱作枕鷓鴣耐可繪為衣

最無慘是孤蓬客燒筍煎茶願總違

寒驢歎

南遊利用舟北走利用車如何乘小衛躑躅行天涯其

陸堂詩集

卷二

二

上烘赤日其下噴黃沙偶爾蹶前足觀者羣笑譁歇鞍

卧草薦意適如還家擘鏡面鰲黑憂生徒自嗟

昔我為蒙師硯石費耘耔今我為征夫脩途綰轡寒

驢飢益疲蹙雙泥淖裏逝將購神駿追風躡萬里邈兮

築宮人黃金虛古市歸休南山南飯牛而牧豕

希夷隱太華逍遙騎白羖鎮作蟄龍卧意若無江河余

生乏仙骨悅志在巖阿不羨王武子編埒金錢多驢鳴

勝清角所嗜良舛訛席富復膺寵人壽歷幾何下泉倘

入耳弔客聲能摹

羊叔子先人墓

一抹沙痕掩翠峰祇應折臂得侯封我來剩有窮途淚

酒與三羊壠上松

下馬剛逢落照時
淒迷野草卧殘碑
隔生金釧分明在
叔子元為李氏兒

望岱

翠發征衫分外濃
峻嶒端可壓諸峰
祖龍酷信仙人藥
不把長生問五松

望祀千年黑黍盛
碧霞行殿接瑤清
武皇若少乾封意
底用遺書購馬卿

自鷺莊山行日長道遠無以遣懷轉覺埋骨山尖

者勝余之飄零無定也作感舊六絕句

和尚澹歸

望堂詩集

卷二

三

金縷袈裟換鐵冠
吳天都作異鄉看
那知一樹梅花下

却抵雙林証涅槃

庚申於東園示寂

業師亦樵

筇竹橫拖五嶽行
卅年不復問歸程
甕頭死後無贏粟

誰與高人記姓名

時刊邑志未得入高隱傳

從叔仲孫

南村曾共讀書來
劃粥燃柴志肯灰
怪然亡年三十二

枉將好學並顏回

伯兄茂先

說雪樓頭共舉厄
胡然問疾已垂危
人間絕少醫和術
浪說膏肓不可為

四兄膚士

荆花一夜折同根
北牖萱枝那得存
生後沒三日料有易名箴
尹在不教長餒若教魂

妹婿柯緯昭

減字偷聲爾獨能
粉姿真抵月波澄
著月波詞可憐不及秦
淮海尚以微官客死藤

道中雜詩

三眠柳眼二眠蠶
荏苒流光綠已酣
喚酒壚邊塵尚染
看山馬上興何堪
此身萍逐鵝莊北
老屋雲遮鸚渚南
絕憶蘇家好昆弟
邀來玉版話同龕

見說長安未易居
鄉心行復戀蓬廬
自來跌蕩羞稱伯

望堂詩集

卷二

四

若此周旋懶作余
夸父渴時終棄杖
阿香宿處竟停車
道中從未聞雷除將一片天
青外花柳煙波總不如

月落游館娃風利
涉揚子栖栖何所為
愛此佳山水

山水不復佳寓情木
與草青多發馬蘭綠
半遮羊棗

鞭梢斜拂小紅橋
茆屋西頭颺酒標
春色可憐何處去

弓腰不見柳條條

踏莎行處路盤巖
巖顛蹶難支馬口銜
妒殺白溝三尺水

惡風如箭走蒲帆

慈仁寺登毘盧閣觀變密大士像訪東廊古松僅

存一本生意亦盡悵然而作

蠟我雙筍屐將為攬
勝行仙舟風引去未由
達蓬瀛城

西古拾提翠瓦而丹楹月朝開廣場百貨操奇贏硬黃
樂毅帖沉綠景山鐫薄羅間阿錫明珠雜赤瓊金碧露
光怪觀者眩其睛神廟昔御宇密戶困輸征瓷牀下火
栗督責無寬程變幻呈法象跌坐垂珞纓白衣妙莊嚴
萬禩留精英傑閣窈以黑當畫竄鼉危欄凭曲角四
顧小鳳城渴睡為元老清齋作巨卿飄飄客子裾迢遞
侯門鯖魚口味鮮腴木廠聲琤琤縹緲暗馬足流水沸
車輪回頭語鶯子欲結寒松盟答云已蛻骨恥逐蕭艾
榮殘照落盧溝紅霞一片明昏鴉棲擇木千羣軋軋鳴
洵美非吾土能無歸興生

外兄張望之之鳳陽同德尹南疑賦贈

陸堂詩集

五

土香紅軟作春嬉花市闌珊到可離剛值我來君又去

白團辜負隔年詩

已秋贈行有開紅更指畫臺
路過我同尋楚尾春之句

柳絮飄風太作狂紫騮嘶去鳳皇岡而今睡穩青油幕

植韭何人笑庾郎

端三日賦似周鬻岳

蒲人艾虎一番新好節何堪客此身公等定非秦士賤

我生剛值阮家貧愁添絲髮成詩吏判典荷衣作醉民

偏是天街行不得衝泥過了又吹塵

臺金不到青衫客何用驢車踏薊門無地望梅應抱渴

有時化蝶也銷魂一錢繡澀扶輪廓半刺紅枯蔓尾痕

憑仗故人公謹在打聽涼雨話燈昏

疊韻與張孝廉伯始

密叱榴花火樣新那知勾作鳳城身研牋不怪東陽瘦

南嶺插架翻愁玉局貧寓中無書日從
明史館借閱但使藜牀供老坐儘教

紙版署閒民何緣得咏荷錢句漱齒香於瑟瑟塵來詩荷
葉如錢

著雨新才
天放作閒身

僕病已忘身是客費君三度履登門來詩性癖只思尋好
友關人處却向客門喜逢

天半蒸雲族懶向山坳咒日魂幽韻比蘭差有骨淡交

如水欲無痕而今學把萊蒿護不怕紅埃刺眼昏

京邸雜詠四首

鞭陀羅

木徑寸銳厥底揮短鞭旋不止軍中戲蹴鞠似捷如風

陸堂詩集

卷二

六

大肚子

放空鐘

竹筒短短開風門胡繩曳之獨足奔牛鳴土窖宮聲存

我為兒童發孤笑好與土鼓賡同調廣場第瑟紛取鬧

響竹

赤頭蠅性穢鄙從何來遽集此揮塵非時宜拔劍太猛

武竹絲聲颼颼使若洒秋雨

渾酒焦包

酒母渾包子焦叫五更聲嘈嘈或云清者不如濁三閭

悲愁漁父樂焦頭爛額為上賓底用曲突謀徙薪

出都四絕句

為憶吳淞雉尾尊結裝一任火雲屯詩材酒態都消盡
四十八朝花市人

謠詠如何到得吾祇緣生小識之無居難怪絕長安市
不獨飢來米是珠

鶴歸不遣山無喚魚去從教浪有鱗似我賃居椿樹口
閒紅夢破一番春

桃花馬小步遲遲歸路三千二百奇盼得一行青綠柳
折來全不當鞭絲

車中遇雨

棗葉枝頭少女風俄然雨集響瀾瀾竹雞苦喚泥真滑
鐵欄橫行步未工那得話於殘燭夜却如聽在野航中

陸掌詩集

卷二

七

爽心幸有峰千朵濕翠明朝更不同

歸途雜詠

一鞭又拂都亭外客况無如我獨閒煙逐雨飛昏似夜
葉隨雲布巧於山忍看復爾垂楊老幸不遲他落雁還
從此朗吟招隱句古香吹滿屋三間

只傍春場住五旬春歸容我作歸人支留酒券何妨負
點檢詩囊獨不貧波面白開魚尾鏡草芽綠襯馬蹄茵
日長似歲渾無遣誰信天涯即比鄰

乍停車子近黃昏喔喔雞聲又出門遠樹籠煙稀見葉
圓蟾印水尚留痕酒鎗死不歸徐邈邱壑生宜置謝鯤
重認江南遊歷處春梁打麥漸成村

縹緲行舟未是危楸枰細帙鎮相隨水能解意多南下
風故欺人只倒吹陶侃尚然縫葛袖周顒久矣別山茨
三千里外頻來去得不秋容染鬢絲

瓜步守風

三板船輕旋開灣風波不敢弄潺湲天教此夕留江北
卧看斜陽紅過山

仙霞嶺

三百六級廿四盤仙霞天險窮躋攀暮雲直犯牛女舍
曉翠橫截大小竿雨花亭子面佛閣怪松惡竹成奇觀
客眸應接顧不暇山腰屹立雙雄關前健兒逞身手
箭落餓梟兔逐狗此輩素養不益國樹德務滋險何有

陸掌詩集

卷二

八

夜郎自大終褻黷尉陀殘罵旋繫首釣龍臺草今青青
誰遣無諸白骨朽

黯黹灘

閩南灘五百涉此險尤多忽濺眉間雪重騰水底梭乾
坤何偏側忠信亦風波不盡思親淚歸雲冷舊窩

烏石山登高東徐行人章仲

粉墨天然肖米山蠟鞋我興未全刪長貧那肯號車下
小異何緣識座間纖月吐眉嬌似柳寒蟬斂翼薄于鬚
誰期渺上思尊者猶占閩江一晌閒

秋風容易損吟腰懶去梳翎撲紫霄緘口正如生石闕
轉腸不異落江潮姜衾菜袖頻年失北軫南轅萬里遙

憶自楓林紅染後酒懷端的減三蕉

紅葉

誰將杜宇血染盡萬山衣病骨應憐瘦殘紅不厭肥緩
隨流水去閒帶落霞飛祇在秋江畔飄零何處歸

閩江送王進士令詒先發

學菴走筆詩成寸旅月帷燈借我鈔作賊正宜摹瘦沈
為龍翻肯逐寒郊九秋脈脈惟心許餘子紛紛總面交
約指柳湖飛雪候沙棠一葉訪書巢

瑤柱至今慳一飽荔支時節已蹉跎紅噴楓嶺常沾淚

青惜屏山淺画蛾免矣郝隆蠻語作懷哉莊鳥越吟多
短篷得趁秋風去獨此飄零後進何

陸堂詩集

卷七

九

閩產八詠和將樂伍相如

西施舌

滑白乳難齊調羹喚女醺採蓮歌一闋腸斷語兒溪

香螺

巧製傾仙醞橫吹和梵音劇憐江畔女斷帶綰同心螺肉
土人呼
為螺帶

龍蛭

飛投海上罌那得附靈虬死媚珠娘色前魚涕欲流閩小
記云

美顏色

紅蟬

爾雅誤蔡謨不如按蟹圖嶺南徵音肉讓爾二螯螯

龍眼

林外拋金彈盤中薦水珠華清慳一笑長與荔為奴

橄欖

不假紅鹽落芳洲拾滿籃君王如納諫此果易回甘

佛手柑

唐宮爭握印漢殿戲釣拳屈指三生事天花孰有緣

樹蘭

海上珍珠樹濃香濕露團湘纍遊不遠九畹但滋蘭

六和塔和石碣無名氏

日與山作鄰句不挾謝朓青腰昨降威微霜生料峭蕭
索古招提佛火碧銜照煙波態萬千所思在壺嶠垂手

陸堂詩集

卷二

十

易成舞掃口難為嘯聃老昔有云常無入道妙對塔說
相輪禪客莞爾笑香餌投緇竿六鼈詎可釣

十禽言

并序

聖俞作四禽言東坡擴之以五余戲為之分合遂
倍其數

不如歸去行不得也哥哥啼過子規叫鷓鴣北走薊門
南涉建湖舟車萬里我勞如何

提胡蘆脫布袴五斗析醒悞人自悞天地指為禪荒哉
劉伯倫華胥遙遙不可即曷若中衢置堯樽

快活麥飯熟蠶絲一百箔老農向鳥嘖嘖言爾有喙啄
菰蒲我無餘麥飼雞雛爾有毛耀身首我獨新絲賣市

口鳥聲云夢飯熟即皮活
驚絲一百泊亦鳥聲

泥滑滑喚竹雞一跌赤我族太元可覆醯惟寂惟寞自
投閭閻井尚有風濤作

姑惡姑惡婆餅焦二鳥啾啾求其曹山頭化為石曷不
牽衣止行役東海死于姑赤旱三年農何辜

得過且過鳳皇不如我寒號我有旨蓄可以御冬李花能

白桃花紅吹開吹落由春風

題達摩像

梵唄休將白馬馱曾於石壁埽文魔蘆花亦是從空幻
奈此紛披六葉何

陸堂詩集

卷二

土

蕭公不解漏因非獨有神光與大衣心淨佛言隨所住
却攜隻履又西歸

排纂先公行實成百韻詩乞竹垞先生誌墓

客路悲迢遞嚴親忍棄捐筑經一歲杳杳隔重泉蒿
目燈為漆支頭硯是軌麥舟無望助葛帔故應憐手澤
留殘卷家風割半甄祇期言信世敢慕孝光前公叔交
情在孤兒行狀全顯親憂耿耿表墓乞拳拳先子生明
季懷才值鼎遷士心初勃勃王道正平平選貢膺殊等
知名注典銓興題仲舉座星映巨卿軒姑射山形峻金
龍水勢潺判詞驚猾吏兵非動飛鳶順治丙戌歲貢足試一
等戊子除平陽府通判餘
孽俄乘景巖疆並舉煙登陴親探甲飭隊競張考板帥

膏塗鷹降人眼化鸛五旬團乍解千里旱尤瘼策馬加

循拊沿村散粥饘時姜瓖亂平陽城固守五旬團乃解復量
誘降其黨魁師後歲飢為粥食餓者全活無算

移牟子國佇望祖洲船浪說田橫霸虛聞徐福仙選鋒
提虎旅航海靖蛟涎壬辰遷登州府同知報帥海時
行等入犯州縣幸舟師禦却之偶攝文登篆

頻調宓子絃孤楚誰刀斫疑獄漫株連孝婦冤沉矣神

君譽赫然駒騰奇夢合鼠竊惡風俊文登有葬婦夜為盜殺鄰里
疑為冤禍諸城隍神夢一馬騰降不休聲有婦子為驛卒訊之
得其情實蓋卒初意行竊入門而驚突出猝加刃焉想不知也五馬之南國

專城及壯年荷亭香馥馥梅嶺白娟娟塵釜炊官署襦

歌叶市廛詎惟消訟牒併不試蒲鞭役重弛犖損茲藏

止鑿鉛丙申陞南雄府知府年甫三十有一梅關當孔道諸蠻驍然日役民夫
糧損抗法爭之平藩特衛入始與山發民鑿鑿其入送廣州王不取

陸堂詩集

卷二

土

靈錫澹公敞法筵丹霞絕異境玉帶夙生緣潘陽開丹霞
傾囊飲助

愛補循陔什愁吟陟岵篇披麻容瘦損截鏡戶喧闐匪

值親喪去幾逢寇亂纏甲寅以司理
公計至離任鴻翔辭顧盼豹隱脫拘

學縱乏大中索還營京兆阡王父廣陳葬地
先人獨費千金困空從鷺割裘

典信鶉懸早有林泉志仍為嫁娶牽長沙原謫地清浪

更窮邊號府曾無縣離山亦少喫乍經兵燹定未獲賦

僑錫賽社供蘆酒班春御筭復催科考願下覆丈額從

先庚申補恩州知府歲早斗米值二千錢吏請開徵秋稅諭令緩之
士民感德輸納者過半前守以增賦得達覆文以弓悉反其舊旅思添

猿依歸心急杜鵑拂衣當暮齒乞病免沉緜仕籍踰三

紀郵程滿六千陶窗容嘯傲蔣徑足盤旋兀弄寒松翠

團藥秋竹妍會惟尚真率養不在腥羶丁卯夏月妄欲論

家乘誠宜慶德延潮源崇講學支和子榮公踵武力耕田

七世祖東隱公司馬吾高祖高祖建陽公明萬壽與康進士傳經代有

以耕讀起家高枝探月桂奕葉珥貂蟬印父承

堂構平居嗜簡編管牀繩欲破桑硯鐵幾穿律細超摩

詰經通陋服虔發揮窮象數蒐討偏山川先子嗜書至老手不釋卷尤好讀易

作詩幾及萬首編定南雄思州二志藏篋文何富宅衷道更淵病夫漿救渴貧

史杖扶顛泥氏孤能卸柳門嫁不愆國恩綸再錫南

雄府任內再過覃恩授中憲大夫鄉飲席東偏戊辰上元邑令朱北早幼成踰濟威

儀獨靜便椿頽常好在護性詎憂煎配我母張恭人偕老青瑤案

如賓素髮孌弟誇三鳳集兒媿八龍鶩得壻冰連玉生

陸堂詩集 卷二 三

孫蕙雜荃羅張門寂寂聘謝帛戔戔訪友時攜履尋僧

或扣舷古音琴綠綺新飯稻紅鮮蕉醺看人醉基圖喚

客詮已能參象罔底用折筵簞白傳心平耳耳山公度勝

焉炎廳胡肆虐皓魄竟虧圓未屆古稀壽旋歸兜率天

享年六十有五共嗟來鶴弔孰與指牛眠佳城難覓將何附曾祖墓下葬于五行紀事空腸

斷傷時一涕連追維思似吳憑仗管如椽在漢中郎擅

於唐北海專韓歐推絕構坡谷許隨肩今代文章伯駕

湖碑版傳五車奇盡賞隻字慮加研夜撤蓮花炬晨騎

杏葉轡公評金冶鏡直道矢離弦傳虞無須米銘元為

捨錢由來軍帥鉞不逮史公權中表劉盧並知交班尹

聯死生寧契開功德藉昭宣昨歲陪揮塵終宵聽數言

靈機隨地觸榛莽立時審判被嫌勿遽臨岐勗勉旃梁

鴻還入越郭隗未離燕子舍人銜恤孤身道苦遭丹楓

俱染血鳥鳥自鳴翻潤筆沉香結緘情側理牋臨風重

引領片石待磨鐫

丹霞僧自破千幅建山街石萌和尚命來弔先公

於其行也賦以誌謝

鵲鳥啼紅過老春煎腸獨有寢苦人架書半蠹難醫俗

門柳全荒敢怨貧幻出浮雲多犬鼠吹來今雨少蹄輪

寧知社裏宗雷輩一束生芻萬里陳

嶺外攜琴十九年相逢澹老即逃禪交如並坐芝蘭室

魂亦同歸兜率天只合鑄金呼島佛那堪解帶憶坡仙

陸堂詩集 卷二 古

石欄無限升沈語濁世空門總茫然

題寓園畫冊八首

蕙

蕙箭滿山中魚鮪越百屬涪翁少所見浪云香未足

芙蓉

鏡下誰年少花間獨女郎楚江憔悴極昨夜染秋霜

菊

籬角燦燦金風吹不死何以鑄好顏挹彼酈泉水

牡丹

卯酒烘成國色肥環較勝梅粧玉田語妙天下定應忘

珠藤

阿誰擲米為珠有客弔藤作紙具玳瑁之妙相又何畏
于二鼠

梅花石榴

冰香斜放兩三枝紅綻安榴夏淺時迸入疎牕橫幅裏
冷炎莫遣外人知

蕉下鬪雞

不信隍中真有鹿昏昏如在覆蕉時守雌合勝爭紅粟
與爾牕腰話儘宜

山茶水仙

粉瓣盈盈沾蠟淚紅盤點點簇銀絲為嫌陶峴白號水仙長蕭

陸堂詩集

卷二

七

楓添寫徐熙帶雪枝

題行像六首

查他山放鴨圖

娉葉眠茵恣意看小鳥蓬占碧波寬可容冷落天隨子
花鴨收回闌曲欄

沈南疑石公山房圖

洞庭七十二芙蓉興曠兼之有石公穴底禹書如可竊
落梧秋怨幾人同

葉荃園秋山行樂圖

我亦平生罕識春搢笄遙羨獨吟身雲林画手真迂絕
如此佳山不著人

邵白崖東海釣鰲圖

劇知襟抱洪於海難說緡竿定有魚觴詠竹溪同作達
掉頭不屑軟紅居

潘星伯紫藤書屋圖

紫藤花底欲尋君消受熏爐一縷雲曾為楞伽作轉語
色身何苦斷聲聞

匡山叔臨流圖

大好溪山屬阮公酒船一棹入空濛養生底用誇中散
算確由來鄙阿戎

陸堂詩集

卷二

六

陸堂詩集第二卷終

陸堂詩集第三卷

平湖 陸奎勳 坡星著

同里 馮鼎燮 山宰校

石耕韻語 辛未四月至癸酉九月存詩一百十首

未申兩歲下帷三餘堂課徒之暇與胡聞衣昆季

倡鴻軒文會時藝頗進詩則偶爾爲之愜意者少

酉春館吳閩一時詩派宗仰蒙叟未免效顰西家

較諸壽陵故步亦相去無幾耳

用後山咸平讀書堂韻祝慈水繹弓翁師

遊梁不得意目耕占三餘繩牀供老坐客至懶瞞需以

之開壽域而失詣修除寸忱走便面醜若蚓蠅呼昧言

陸堂詩集 卷三

元默歲躡屨來受書果哉孝先腹卓爾康成軀蟲篆足

漁獵奚暇龍爲屠後進荷甄埴仁風環越吳帶艸大於

薤當塔碧扶疎嘗擬奏河汾明良千載符致身百僚上

黼黻贊訂謨胡爲絕塵質猶羈太行塗聞達會有時軸

寤聊自娛紅犀酌春酒翫此淑景舒選壻比直卿生男

勝胡奴 謂沈與瞻及長君少游 洋林集鷗鳥妄意嚇鴛鴦雞稽古終逢年

遑用吹齊竿芸閣式相待懷香辟白魚

夢李辰山來晤誦余恐因風動花驚曉之句指爲

義山余稿中實無之因憶客冬夢中口吟云春

在水邊垂綠處戲成二絕句

恐因風動花驚曉此語全非大雅才吾學西崑三伐隨

傾囊還勝所聞來

春在水邊垂綠處此時柳長又毵毵昏燈讀罷因山賦

歎息身如四月蠶

蛟川謝師維賢手植梅碧桃竹蕉槐松六種於學

舍各賦一詩亦愛尋嘉樹之意也

拓紙賦冷香心折孤山叟降格作俳諧梅妻肯嫁否何

似吏隱人惜花獨把酒

巧笑風吹送重臺露拭新碧落移此種武陵香無春能

紅復能白爛漫見天真

頑士鋤半弓戎戎立新竹竹梢翠流墻葉底香滿屋細

參玉版禪斷買花豬肉

陸堂詩集 卷三

右丞亂潑墨雪片壓甘蕉顛師強摹帖敗葉風蕭蕭哦

詩驚冷雨心地覺孤超

綠影撲繩牀黃花障霧縠云是烏遺子鼠耳化形速有

意植三槐咄哉王景叔

子落細抽針歲寒舊締盟我景謝夫子比身陶泉明問

松松亦答如彼影與形

月下登龍吟閣即用便面呂仙韻書似達上人

扶醉衝泥路幾盤匝欄似水碧漫漫忘心便擬投犀塵

好事翻危聚斂冠禪客小來非觸熱孀娥老去不禁寒

如何落拓青蓮子也逐稠人話識韓

與笑拈上人暨座下獅林

木榻寒分芋火紅。逃禪喜不學頑空。硬牋發墨推雙絕。
酷似淮南老惠崇。

欲得驚人句滿瓢。惟憑書讀兩牛腰。眼前誰似昌黎伯。
遲爾推敲過灞橋。

雪後集晚馨齋分得先韻

脩蛇赴深壑。速不抵殘年。打牕聲浙瀝。萬頃餘瑤田。晨
興膚有粟。枯坐寒無氈。伴來折半簡。呼我中濁賢。緬懷
賦雪人。抱渴老文園。黃廬驅馬過。竹林事渺然。傲歌扶
太極。費乃召戈鋌。合并非細故。觴詠真良緣。躡屐趨座
末。有候芳且鮮。迺舉酒政討究。及詩篇。前輩喜劉亮
時下尚雕鐫。蜀犬吠義日。醺雞窺甕天。所貴取材博。鍛

陸堂詩集

卷三

王

出一家言。雅肖草堂吏。騷近李青蓮。昌黎奇獨絕。香山
俗自妍。蕭遠數歐梅。闌入蘇門禪。三唐暨兩宋。壇坫爭
後先。各隨性所好。風氣何與焉。大阮意頗合。即席首頻
顛。昨歲京洛遊。塵沙蔽馬羈。朱門謁如鬼。求富恥執鞭。
便釀價騰踊。羊腍味腥羶。棄去守蓬萊。六籍資漁畋。公
亦賦北征。旋見改南轅。裾書羊氏欣。囊賄謝家不暫爾。
豹澤霧終當龍躍。淵鵬縷話情。慙執筆秋蚓連。譬之徑
寸筵。洪鐘賴以宣。

雪牕和雲間沈翁友聖

雪花堆裏問奇來。落日寒鴉故故催。俗士難諧獮子墨。
塵緣未斷欲妻梅。無邊舊雨牕腰話。是處狂瀾筆底回。

昨夜一燈吟挂劍。八公誰免杜陵哀。

翁以挂劍集相示
為虞山集末作也

逼除用劉山蔚韻

欹枕哦詩倦。即拋雲龍誰肯逐。寒郊得閒且琢三年楮。
無用猶擎五石匏。止水冰融澄似穀。危樓風緊寄如巢。
褐衣卒歲尋常事。今雨相逢有淡交。

歲除前一日甚暖樓東即事

日脚微黃映竹簾。撩人雪淨與風恬。將營荔粉先排磨。
為惜蒿塵不埽檐。覆食屋烏憎且喜。曝衣泔鯉見還潛。
初陽有意驅殘臘。商陸何勞夕數添。

除夕疊前韻

理硯燒燈事事拋。閒身儘可踏梅郊。幾從先竭悲甘井。

陸堂詩集

卷三

四

莫待中流憶苦匏。鸚鵡自能呼宿醺。海棠誰復構新巢。
明年擬作天隨子。煙水漁榔斷俗交。

壬申元旦

蒜髮年時鏡裏新。海山曾否一吹塵。客嫌松樹為蒼叟。
吾認梅花作美人。坐懶忽經初曆破。履貧纔與好書親。
白公詩句蕭疎甚。歡會今番不隔旬。

黑鳥偏盲恐失宜。

是日日食韓詩何
故許食使偏盲

鬱攸又似陸渾詩。
里中前
失火者

相看老屋春何在。自覺狂奴態未離。禁柏清詞搜李义。
漢茶遺墨想徐熙。冷心不為楚音喜。可與言惟瓠子危。

春遊和四明周證山兼呈蛟川謝師

花風聲柳柳初眠。春在橋南淺瀨邊。野步不知身入画。

鶯雛來織萬絲煙

坐龜食蛤與天遊肯作談元第二流漆叟福心如畫化
惱又何物不虛舟

塵染莎衫北走來竹林猶許坐銜杯長貧我欲號車下
特爲山嵇笑口開

重三湖上小集分得楔帖無今二字

流杯曲水重三好故事休爭暫與虞欲雨蟻還封土窟
有香蝶亦戀花鬢嬉游岸嘴苔爲席蕩漾波心艇似鳧
我夢玉溪傳綵筆湔褰人肯乞詩無

黃栗留鳴最可聽到來湖上又春深桃濃水寄情千尺
柳老風欺態十尋解事不須頻捉塵賞音聊復一抽琴

陸堂詩集

卷五

五

於樓指點殘陽外內史山青自古今

重三後二日輓沈友翁

力疾還來襖水濱靈臺肯染一絲塵名山以外曾無癖
吟卷之中獨有神夢斷華亭招喚鶴魂歸滄海控飛鱗
東都自此遺民少忍話風流折角巾

達心久已謝芝苓一枕禪關喚不醒紅樹春隨鷓鴣鳥散
碧天夜遣歲星熒許支亦有門生淚德藏寺僧多從學詩崔蔡將爲
死後銘猶是弄珠樓下水助人嗚咽送歸舫

送徐竹田之嶺南和嘯夫韻

翠嶺天南五朵緡仙羊飛空龍劍蟄劉家花塚碧情情
願採幽香祕瓊笈十霜蹤跡飄如蓬祇今月引夢帆入

有客硯石鋤爲田餅金脫手濟人急溪山大耐搗頭看
肯以熱中求半級迺知子雲老失意悞在長楊筆紙給
越角丹雞恃夙盟春塲一笑逢良執阮屐脩然上李舟
羅身洵可匹許濕蠻樹鉤輶喚勿惱江風澹沲吹白褶
昌黎居潮坡寓惠文如天馬卸韁繫立言不朽藏名山
寧羨終朝榮日及

疊韻送馮丈之黔中

三斗劇談何緡緡一檠照影何蟄蟄蒸肫且作倉猝主
詰旦黔行將理笈黔江古結文字緣供奉龍標先後入
野棉花雜羊桃藤杜鵑紅口啼春急跌坡奔峭銅盆陡
勝躡瓊樓百二級先公舊刺黃土關編戶陳黎諒充給

陸堂詩集

卷五

六

瓠落翻於蝕性便旅月鞭梢懶再執馮君有作垂一囊
芙蓉粉養吳牋濕渭陽情擊躍馬去不惜烏皮裁袴褶
握別溪根柳色青逡巡揀取長條繫行當市義莫歌魚
鴻回望有好音及

匏湖叔挽歌遷延未就讀嘯夫作有觸於心錄附

紙尾兼唁嬾真伯氏

棘人三歲心博博素衣積垢元衣似斂手勿作蒿薤歌
恐使舊淚沾藤紙盧龍茂宰我宗賢特以蕪詞侑清醴
世人重公有孝德惜公才未優于仕驛驢小蹶價何損
井中鼃龜見淺耳我聞尹賞絕探丸又聞魯恭萃馴雉
春溫秋肅惟其時古治縣者無公比鷓鴣一聲不可留

故山且扈香蘭芷從公遊勝阮嗣宗呼我文齊劉阿士
何當重疾犯河魚瑣窗夢破槐安盤竭來漱石羨孫郎
昨歲吹墳偕伯氏吾儕弄墨鮮大過天迺使之運極否
孫郎北牖萎護枝兄亦筑筑作孤子柳絲漂白鵲啼紅
觸景潸然欲下涕三釜已失寢門養得不勉為椎牛祀

蛟川謝師以詩問疾疊韻奉酬

顧影元無日角姿攻文致疾亦何為骨銷險抵金投冶
眉結翻緣酒在厄風定蟬吟聊爾作暑闌桐葉使人知
可堪鬼瘡宵難避只唱花卿妙手詩

拔地箕箒淡有姿傾心那用問奇為憑將卷軸撐虛腹
難似江湖實漏卮六月尚淹溟北運十年已負汝南知

陸堂詩集

卷三

七

生憐東野寒尤甚蓬鬢昏燈獨詠詩

嘯夫北征歌以代錢

壯游不用折衰柳一篇詩抵九行酒煌煌愧乏金玉聲
孫郎聰耳肯聽否人生蓬矢志四方安能抱書老甕牖
大觀況數輦轂下盪胸刮目得未有古市颯沓嘶驂騶
西山縣巨蟠螭鰐側聞松棟五雲飛瀛臺景逼南唐手
閨中好士聞翹材侯家結客致飢漉吹竽彈劍曳長裾
彼亦人豪而忍垢曩年自笑點緇塵枯椿巷裏獨株守
要人烜赫素忤心北食腥羶罕適口始知大力負舟趨
不才底事牛馬走歸來鋤硯聊卒歲幸與孫郎握臂久
有時已響繼清商或者洪鐘答鼓缶夏孟語我將北征

我聞抑塞腸如紐疑義且任籤纍纍吟成孰與定好醜
執筆轉為孫郎謀盡六爻輸鼎上九年運既往慳再得
及此秋風呼鷁首馬揚賦筆壓漢京朝獻明光夕紆綬
雞窗所學足遊刃飲榮詎落餘子後徐卿南轅沈侯北
越壇健者復誰某三泖盤旋一釣輪雙白鷺鸞我與友

長歌贈淮南杜湘草

雨浙瀝風颼颼陸生曉泊淮水舟擊絮之母行高義舊
城年少應短氣劉伶臺上雲浮浮藏身於酒真良謀陸
沉大地猶糟邱釣師為我語陳蹟勿用探秦中杜老是
中寓詩筆橫絕淮以南問訊雲亭路幾許衝雨衝泥折
屐齒屐齒詣門空復還伊人遠在越王山千里共明月

陸堂詩集

卷三

八

耿耿勞相思適從辦香艸檢得黃鸝詩天桃本是倡家
花花飛莫怪黃鸝罵爾時傳喚杜黃鸝越角詩盟有佳
話湘草人呼杜黃鸝家有黃鸝養記
嬌情性罵得桃花沒處飛之句當今哲匠誰頡頏長水朱與
新城王桐華雅勝微雲壻倚樓雖好輸斜陽阮亭呼王桐華
竹垞稱朱斜陽
黃鸝鼎立最標異貌視蛺蝶凌駕央新城長水迭簪筆
杜老白頭不稱意乃知六一非訛言工於詩者窮人具
溪畔木芙蓉吹落鯉魚風蓆帆忽東下把手蕭寺中秋
九渴懷如冰釋與翁傾倒談一昔寒鴉軋軋松影流佛
火熒熒清磬出

田園雜興 有序

綽賦天台惟倩画手退之三堂詩憑心屬和而工

巧不啻目擊余居近市非能日涉田園也顧於歲
序山溪風雪蟲魚卉木心領其趣拓紙疾書得截
句六十首各繫以題小示異於石湖云

晏起

喚起枝頭巧作聲淡黃日脚射前楹
蟄龍有法無人省只說朝來未解醒

催梅

玉腰金翼藏形久漏洩春光也不妨
我已催梅復催雪欲教渴肺著寒香

燕

社鼓鼙鼓競賽神紅襟掠過綠楊津
山茨許爾雙栖穩

陸堂詩集

卷三

九

舌在何當巧罵人

鴨

欄檻新安柳岸邊綠頭自愛枕波眠
我家甫里清如許可要中官打鴨錢

烏噪

抹煞禽經舛候多爭林攫食鎮相訶
鮮民老坐愁城裏乾雀通靈奈爾何

山桃花

盈盈曉露裊紅肥笑向春風日又斜
却怪曹唐仙骨少石梁回首怨桃花

菜花

前溪夜雨千絲密匝地花香錦作堆
田叟招邀浮白去村娃鬧埽踏青回

坡草

岬嘴奇哀通略約一灣流水綠於苔
萋萋爲占江南籍不遇秋風野燒來

閒

數魚活似數花驥洗硯清於洗酒卮
繩牀自抱雙吟膝懶說猶賢去賭碁

橋西

談諧不厭往來頻溪尾村腰盡好鄰
寫贈坡仙舊吟句龜魚熟識走橋人

陸堂詩集

卷五

十

溪漲

蝸角粘窗逼上堂孤村漠漠水雲鄉
貽來牛酒休餐餐記得詩魂滯未陽

村劇

熱鬧膠漆輸良友漫信糟糠罕下堂
今歲豐收麥幾斛村村演唱蔡中郎

紙鷁

巧匠何勞木斲爲風中勁翮有聲傳
通靈一線憑誰綰鷁地飄飄送上天

酒鄰

不計深斟與淺斟銅琶自按夏初臨
山公薄宦愁生死

狂阮誰同醉竹林

嘗新茗

銅官山頂半茶園雨水前頭焙劇乾不分君謨號端士
爭先驛致小龍團

新竹

彼肉食者非同羣百籤書讀南風薰烏皮几淨石屏滑
何可嫩翠無此君

試單衣

藤陰睡破午暄時紗縠中單白勝脂比似去年腰領窄
只贏人說肯吟詩

移榻

陸堂詩集

卷三

十一

燕子銜花過短牆鳬翁逐草卧方塘閒來且作槐根夢
北牖斜鋪小簟涼

微雨

日炙雷轟雨又篩天工情緒亂如絲水衣匝地松生屋
此苦北人渾未知

海上

環海峯峯蘸碧虛振衣直上一軒渠閒鷗對面忽飛去
可是機心未破除

楊梅

酸甜沁齒楊家果盧橘青梅味失調項里堆盤如錦彈
餐心欲犯落江潮

柳

馬蜩曳響微添韻謝豹傳聲暗有思惆悵白綿經再脫
候門無復吐柔絲

萍

平遮日脚魚爲障密襯波心鴨作茵定似荷錢還小樣
漂如柳絮更無垠

螢

葵扇梭鞋坐晚涼野螢穿竹忽粘牆小紅一點剛如粟
照得蠅頭字幾行

桔槔

桑顛赫赫吐朝暉水淺煙生岸圻痕盼殺倒盆三尺雨
陸堂詩集 卷三 十一

眠牛撐放小蓬門

夜坐

鄰翁相對捉龍驄說虎譚題我自快竹底風吹如摺扇
簷牙月挂似磨鎌

蒲薦

避蚊紙帳竹方牀蒲薦沾肌一倍涼白羽扇邊無火伴
祇安石枕夢橫塘

涼鞋

入門不碍魚髭滑出戶應隨筇竹扶說與三千珠履客
清涼爭似澤中蒲

歎壺

蘭畹青青間菊畦花澆不惜手提攜汝容顏色誰能做
斑駁真如吐綬雞汝雲花澆松谷劉氏所藏
予及見之今轉售他姓矣

梧桐

暑氣俄從葉底清晝眠老屋聽秋聲井眉嫩滴垂垂乳
可要吹簫作鳳鳴

熱

秋瓜如蜜集秋蠅散髮風前病未能三伏已經揮汗雨
可堪重作讀木樨蒸

憎蠅

山水屏風六曲舒青蠅點墨費驅除枉將惡夢驚昌邑
王式何曾少諫書

陸堂詩集

曉望

樓角披衣趁曉涼乳鴉軋軋攪林塘遠山瘦爽真無價
底事蒙頭老睡鄉

晚風

搖漾紗帷燭影紅隔牆颯颯響枯梭阿誰換與仙人骨
自此泠然學御風

四更

斷夢如雲懶續成窗櫺窺見四山明秋宵不肯沉秋月
歇五依稀似舊京

不雨

秋蚓作聲龜礎乾天符封雨龍潛淵結眉猜我屬何事

枯死綠苔難打牋

餅

誰肯從容唱渭城飛蚨十萬已通靈當時典午諸名士
猶負寶環紙上形

露

夢紅蘋白使人悲莫趁金風滴水湄妄意玉壺甘臘味
青鞋萬里躡三危

蟬

搏輪天馬苦相凌翳葉何曾得掩形却怪君家最清白
也和楓鬼共飄零

微雨

陸堂詩集

新涼

涸盡詩腸用苦搜墨雲一片却遮頭乾荷葉響紅衣墮
點染陂塘八月秋

秋水

小雨濕埃風又過無邊爽氣落書齋幽花傍砌開逾媚
珍簟臨牕夢亦佳

秋水

冷楓紅點木蘭雙抱岸鷺濤自擊撞不用臨流辨牛馬
古牆橫幅貌煙江

秋鶯

一春歌舌振林嵐秋老風情百不堪倩爾細針銷夏集
袖攜綠橘抵黃柑

曬書

鼠跡蟬窩亂一牀呼童次第暴秋陽駭經縱好無心讀
活世惟憑肘後方

穫稻

稻園堆與屋簷齊天澤寧忘雨一犁明歲西疇分種秫
醉疑爲爾祝豚蹄

瓜架

半弓頑土手親鋤瓜熟經霜架未除好與鄭郎療心疾
不妨高枕讀農書

蟹

紅颺孤燈逐水湄雙螯漫向酒邊持爬沙放入蘆花岸

陸堂詩集

春

十五

秋景疎疎近郭熙

砧

秋夜涼蟾泣玉宇草頭露濕寒蛩語傳聞雞塞靖狼煙
城中尚有擣衣女

霜月

秋燈客睡怨宵長竹柝淒清撼女牆還記蹇驢過趙北
明明月曬板橋霜

晴

霜檐聚雀百般鳴知是初林嫩煦生歷盡十寒須一暴
野人好在背南榮

青蟲

秋絲吐盡如漂梗蛛網黏身可若何知否寒蛩雖策客
燒伊生意不爭多

餅菊

病髮蕭疎不耐簪騰銅浸水晚香含小春花吐爲重九
暗省兒時住嶺南

冬雷

山房礎潤似蒸梅天半虹霓吸磗回輪與老農占甲乙
果然冬夜有奔雷

雪

瘦石枯藤趣有加日邊鴉點一行斜書窗夜覺明於晝
林然坡翁眼欲花

陸堂詩集

春三

十六

菜把

藜糲偏能傲肉糜情親小摘佐杯區濃西睡起園官送
未是詩翁窮絕時

破屋

剝粉牆頭雨滴斑雪花掌大撲柴關屋茅任卷三重去
思與臞儒構萬間

短晷

風透疎櫺織作聲竹簾雪映日痕明羲和爾便推車去
自有孤青二尺檠

竹爐

瓶凍剛知大地寒竹爐培火話團圞倘能煨芋時充腹

後運何勞問懶殘

盆松

矮樹根蟠蛇骨形歲寒聊訂小窗盟
海樓摺疊三重頂也有奔雷吼浪聲

除夕

辛盤零落葛衣涼得歲於今已不望
且趁白甜三盞後平分小夢入春王

查他山程汝諧探梅鄧尉子不果行賦以解嘲

春樹發天巧紅紫何紛綸梅花淡不語
月魄冰雪神甫翁控鶴去大地無良姻
傳聞鄧尉山山插太湖潯老梅千萬樹
樹樹吐燭銀山靜花亦傲交者非熱人
姑僧誕

陸堂詩集

卷三

七

可怪遊女妖不倫公等有妙賞落瓣埽成茵
關詩香入墨命酒風生鱗我獨如蠶縛負此艷陽辰
心疑百籤義面染三斗塵迴憶住嶺表鳩車戲兩輪
還家度大庾南枝放小春荏苒二十載孤露復窶貧
柳花怯臨水一莖素髮新谷蘭感尼父渚蘅怨靈均
士苟與時違觸物長酸辛即看梅信歇仍是寂寥濱
相賞終相擲何如了不親勒回問花客毋使山靈嘖

郭園與汝諧倡和

如倦空盼李膺船甕冷燈昏意惘然絕類燕為依
廡計竟輸蝶有宿花綠守財何處尋如願續命當時倚小憐
客亦蛾眉遭妒者擬將騷筆問吳天

劉家莊子米家船楮墨生涯味索然錦瑟到門竿絡繹
幽花萎地草黃綠尋僧夢斷悲文可文可名通復其詩學甚佳寄婦詩成
肖阿隣子阿隣自何日故園塵事了浪遊瑤水與鴻天

自具區放船歸里

風擘柳初眠洞庭春放船山寒商出雨水緒敢迷天舌
共錢囊澀詩隨鷗夢圓可能邀襲美吳體並流傳

寒食至嚴家帶拜亡母柩

桂醕盈斟淚欲流桐棺孤露漆燈幽紅蜘蛛偏結絲千網
朱雀還賒土一邱有子天涯空躡屨何時死後得椎牛
柳條手種高於屋只便清明繫小舟

寄鴻軒諸子

陸堂詩集

卷三

十八

酒旗歌板憶同羣臂縷春來月減分弟子心疑進學解
先生腹草送窮文短檠多淚何堪剪小硯無年却要耘
果有洛陽田二頃不勞封作武安君

十年枯坐傍書燈務博依然少一能字傲顛蘇時近俗
詩宗瘦島本來僧鼓簧恰恰當牛口捉塵頻頻向石稜
幸讀南華差有味也為蚨蝶也為鵬

園柳垂絲紅桃掩映其側被以新名覽者知予好事也

事也

楊柳含煙復含雨流鶯舌澀無好語本是銷魂賦別人
春三月向蘇臺寓紅豆莊荒柳作顛憐然河東如夢句
河東君詩比去柳花如夢裡向來煙月是愁端射雉三吾亦有情陳如陵木史有射雉三吾集手綰楊枝

挂帆去當年綽約今擁腫底用青青鬬眉嫵樹猶如此
人何堪相逢喚爾相思樹

小桃燦燦蒸朱霞初日曬曬映碧紗玉腰趁香畫入夢
金翼得花晚開衙東風作惡釀春雨片片吹落黏泥沙
豈必燕麥蔓元都重到始發劉郎嗟人生行樂當及時
斬蛇渡馬從紛拏胡麻仙飯得遇否見伊三喚赤城花

同金亦陶文與也程汝諧顧天山虎邱送春

送人行後送春行小艇如鷗綠處撐拂水柳條嬌不折
東風知我最多情前一王錫山
王甫田入都

各卸春衣倒玉餅果然酒氣別能醒程五孤思細草何無

賴偏逐王孫馬尾青

陸堂詩集

卷三

七

誰聽吳姝扇底風畫船迴擊鼓薑薑野薇花片殘陽影
迸入春流作怨紅

與勞在茲乞畫

林屋先生胸有書含咀子史味經腴細瑣亦愛牋蟲魚
裏糧登涉窮奧區迅忽矯健鯨騰虛朝發碣石宿孟諸
一椽歸結大隱居寥寥瓶盎意泊如枕風北牖儼義蓬
揭來壽域開上除范汪名輩躡屐趨兒能洗盞戲鳩車
縱心疎淡寫林岵荆關倪黃半唾餘東坡語妙實起余
高人用筆天然殊惡詩乞繪如沸芋滿筯操祝飯一盂
欲奢未免嗤淳于猶勝靈寶巧發厨

靈鷲偶吟

西湖比西子淡濃俱入妙秋晴泛小舫湖涯恣登眺佳
哉飛來峰搜身學鳳嘯樂踰碧眼仙風吹上圓嶠粒粟
藏法界巨細意難料縮絃成徑寸袖歸伴爐鉞壺中術
不傳誕謾發孤笑取以譬心君玲瓏含萬竅轉學片時
荒茅塞恐遺譙余論雖怪迂坡詩亦輕寵愛水與愛山
何必稱同調

劉莊坐雨題壁

一聽疎鐘夢已殘曉來湖上袂生寒軟條桂著瀟瀟雨
人在秋窗讀說難

秋暮偕汝諧宋傳遊天平諸山

郭園衰柳晚泣露秋士感物將還家西山擁髻結離思

陸堂詩集

卷三

十

得不竟日留艤艦馳奴招邀同懷者烹魚肅肉村醪賒
晚松手摘味甘滑徐徐坐啜毫甌茶楓橋路盡繫枯纜
信足休問岐與又穿林捷似碧眼鷄升麓健於白鼻騮
古松撲衣翠十圍清泉弄影玉一窪香裾粉屨杳無迹
觀音巖轉石門斜法螺小草經霜紅爛若華曼拖纓珈
田叟閒閒埽風葉野犬續續啣竹筴天平孤蘆青芙蓉
逶迤千級蟠修蛇峰峰離立儼山鬼綠毛蒼古紛鈴銜
仙真所窟不在深蕉園兀坐秋雲涯菖蒲九節芝五采
手掬石乳炊胡麻憑陵大叫欲飛去左挹浮邱右洪崖
惜欠虎頭三寸管每天山
不值貌圖持向詩翁誇謂李謝叔范祠
南洋諸君
歸然存靈光屋烏駭客鳴啞啞墟墓陰森起哀敬鐵蘚

歌纏雙辟邪鬻木石非佳子弟名莊轉盼為毗耶蓮池
水洞強播穀瘦僧相束敲連軸興替茫茫愴心魄奚但
胥臺走鹿麕主父餓探沙邱穀故侯老種青門瓜不見
城壕巨賈客錢刀布帛堆泥沙膏肓病入罕良藥仰天
延頸空咄嗟北里妖姬按新曲豪貴輾轉迎鈿車及時
不嫁負顏色淒涼鬚影籠窗紗昔賢樂志在風浴吾儕
痼疾仍煙霞素琴可彈劍可擊浮名付與埴井蛙澤露
何嫌守灌莽剪翎未凝依蒼葭驪龍抱珠蟄層淵蒸雨
潤物終騰擎茲遊極樂後遊續聚糧三月窮幽遐撐笠
靈巖踏寒雪搭筇鄧尉吟春花

筠軒徵詩壽母敬投十二韻

陸堂詩集

卷三

三

僕今牛馬走侍寢疎北堂祿養久未遂望雲黯自傷程
子有孝德融融菽水將語我角巾時失怙獨踽涼母哺
以得食母織以為裳敦詩而說禮慈訓本義方行年甫
半百辛苦接蒼蒼編製雙袖醢醢一觴更與程子
品博奧窮書倉灌根族其實加膏騰厥光宦海足風波
捧檄歸身潔身猶上壁不辱迺顯揚

陸堂詩集第三卷終

陸堂詩集第四卷

平湖陸奎勳坡星著

門人沈鈞韶鳴校

西笑續草

癸酉十月至乙亥十
月存詩八十一首

歲庚午侍二叔父於京邸未及五旬行役閩海遭
先公之喪家日貧授經餬口志亦不願出矣酉秋
被放飢來驅我爰赴朱學使硯席徧覽畿輔諸名
勝蹤跡遠及塞外酒酣縱筆時露商聲或擬之得
仁昭諫以為不利名場而習與性成莫能改也
西冬自鷺莊入山距庚午三載依然失路蹤跡飄
零而戚族英雋者輒化異物作續感舊四絕句

陸堂詩集

卷四

一

姊夫沈華九

忽隨賈傅死長沙蕭紙招魂路亦賒一事令人悲入骨
瘴煙籠處掃梅花

婦弟胡見亭

去疾難逢盧扁倫獨將瘦骨禁吟呻槐宮夢醒尋常事
愁絕同時第五人

李甥荀亭

桃塢傳聞竟不訛聰明底事悞人多無聊我欲吟枯樹
并少韓甥淚若何

從弟與荀

欲憑小弟振家聲三歲重泉隔死生真使白頭枯老淚

莫言太上可忘情三叔父古璣以哭子成疾

遙題顧天山鷺溪草堂圖

南泛蒼溪北石湖陸家今有釣船無不如也翦鵝溪絹
燭寫三隣兩舍圖

溪流曲曲抱孤村石疊危橋槿插門記取長洲好風景
柳花堆裏上河豚

獨酌新豐賣酒家迴思舊雨話成賒尋君忽有江南夢
雨兩秋鴻宿露葭

紅綾珍重剖雙魚未老何堪卧石磯可學城南兩詩伯
雲龍相逐莫相違

寄訓郭芳谷

陸堂詩集 卷四

鴻來燕去各頻頻直欲行歌作隱淪天馬難拘無礙足
山樗易長不材身儼成白屋先除草斬得彤竿便結綸
冷落生涯猶未遂薊門風雨暗傷神

落葉詩八首用王令詒寒竿集韻

紙牕低亞瓦燈昏研墨於今染涕痕芒屨偶然依北郭
竹扉無恙憶南村疎疎影半遮行路颯颯風多攪夢魂
已是秋林黃落盡不堪重失楚人猿

剪江漁艇霎時過白馬騎來渡濁河嵇阮自拚沈醉好
莊騷誰遣寓言多栖鴉不定寒侵露顧免無聊晚欲波
迴憶臨風三起倒苑中人柳怨如何

霜鏡風帆劇愴神續還坐泣岐身因傷枯樹吟情減

翻愛寒林繪手真踏向銅溝凝水骨吹來蓬徑拭珠塵
黃花亦有依人態淡立斜陽媚小春

真憐岑寂悞秋期極訝風情改舊時庚嶺一株冰作骨
謝庭幾樹玉爲姿雁繩中斷遲鄉訊雲影南飛觸旅思
若使牢愁熱得遣悔教萋楚樂無知

獵獵驚看野燒紅五陵衣馬分難同此時曲木收般匠
終古修眉掩畫工別久翠凋南浦路歸遲香亂小山叢
心旌莫怪輕搖動越鳥何曾貫朔風

東臯落日一竿攜涉徧橫塘與曲溪怨許蟬琴微曳響
顛疑柳絮故黏泥鄭虔書柿無停點徐照吟蓬有舊題
寄訊闌窗雙玉女能消幾夜月清淺

陸堂詩集 卷四

三

也駕駱驛入洛來驚人那有陸機才支離漫握松根筆
跌蕩宜斟瓠子杯幻漆吏魂俱蝶夢病維摩室即花臺
春榮秋瘁如環引懶向昆明問劫灰

三冬馬走是耶非蓮葉禪關心事遠一昔挑燈燒古硯
幾番衝雨爛征衣根苗忍使羣羊蹴木末貪看獨鳥依
有好園林歸作主曉星渾似故人稀

京華倡和詩四首同顧伊平王甫田作

銀漢憑誰得泛槎依然瘦馬踏京華藤枝不厭穿花市
芟服何堪卸酒家缺月獨行窺屋角凍禽雙立絮檐牙
而今浪作冰蟲語雲路逍遙亦有涯

茶煮腥甌飯噉沙酒人強把雪冰誇熟語旅况居椿樹

未了吟情對菊花查浦倡菊詩和者甚夥舍瑟好竿猶跌宕倚門倦繡

亦輕華何由得展飛書手刻盡邊聲大小笳開塞不塞內附

簾燈青傍乳爐煙偏覺襟期未灑然或者揮戈能駐日

誰歟琢硯定逢年綠頭解語終須蓄黃耳將書只浪傳

決計買舟攜釣具與鷗同夢泖湖邊

漠漠輕雲釀雪天偶然得句也清圓狡童林外頻拋彈

蛇女爐頭慣數錢蜀道難從居士著江南哀囑寓公箋

悟來不灑窮途淚曾與元師侍法筵

琉璃殿翫月飲南耕叔寓齋

庚春騎馬來京華海波寺外畫看花酉冬袖刺懶干謁

陸堂詩集

卷中

四

疏璃殿前夜看月如玦如珪悽客魂乳爐保取心頭溫

迢遙縱使隔千里有情即在清光裏二分虛屬古揚州

牧之老去紅藥愁霓裳一曲來天上不信虹橋本竹枝

燕臺堆疊幾餅金青衫無趣仍飄零客中何物擬攜便

昔日花枝今月片倒囊三百買飛蛙冰酒無力難難配

登盤酷嗜黃矮菜底暇搜腸了詩債炮鹿烹雞膏我脣

得之逆旅如奇珍明歲索米大難住敢調春風野火句

同查可亭長椿寺買花聊紀所見

一歲花風廿四番紫紅撩亂與人看天然自有繁香在

火逼渠開不耐寒

日脚欹斜頓息風游人緩緩揭花筒春桃翻把寒梅壓

分外枝頭露小紅

蠟得校鞋蹤軟塵街頭壓擔是探春誰家紙剪雙紅綰

惱亂揚州夢裏人

水仙花葉兩清香合供爐邊與硯旁羅幃一雙波裏現

銷魂試檢十三行

人日二首

春望景何春人愁日又人嶺梅虛入夢梁月暗傳神勝

裏禁寒淺花前發興新擬隨雙燕子歸渡綠陽津

足躡西山頂目窮東海濱洪爐雖有力搏土未曾勾皎

皎卧林雪紛紛拜馬塵何如一杯酒留醉艷陽辰

感春二首

陸堂詩集

卷中

五

愁中客緒引如絲雪未全消月落時候滅昏燈微似醉

為吟坡老海棠詩

摘得桃花好噴兒舊薇辜負去年期無慘一吸金盤露

春暖春寒總不知

題張曼翁翠照亭

一把黃茅蓋亭子爽心無數碧嶙峋柳條若為東風舞

移在江南更可人

柏軒詩和甫田

王郎索和柏軒詩贅牙橋舌僕不辭豐臺藥翻碧玉珮

御溝柳裏黃金絲春風吹暖入木心容態變盡元冬時

誰教蕭淡不設色皮膚皺裂枝離披托根板屋露頂翠

營巢將子來蜀尼王郎鬱鬱抱利器月斜燈地書唔咿
柏軒自拜新頭銜刻空俗狀還天倪竹君勁節梅暗香
泥蓮不染松支離達人寓意非留意臭味相似則悅之
或云酹酒得富貴此樹素有靈神司黃羊祀竈術固巧
人鏡芙蓉語本奇木能為人造福命其見鄙瑣猶童兒
軟塵一窖衣被黑長巷三條車馬馳材大無因羅閣下
傲骨惟與空山宜春申祠邊綠正好第二泉水甘如飴
主人結裝將遠歸柏兮柏兮曷不破壁飛去為龍螭

無題六首

繡帳眠遲起亦遲傷春難禁落紅時一雙玉剪拋苔井
三五銀丸貼桂枝有淚空書銜石關無根短夢逐游絲

陸堂詩集

卷四

六

相逢莫話官奴事腸斷風前白拾吹

釵頭白燕顫雙棲盒底青螺簇兩彎甄女有靈飛洛浦
劉郎無夢越蓬山虬司刻漏慵頻數羊引雕輪杳莫攀
不信春風消息好幾回吹老鏡中顏

妖紅落盡綠陰生羅襪羅衣取次更久泊湘江憐鼓瑟
獨歸綠嶺倦吹笙縫人入夜針尤巧舞女因風體最輕
不把金經書小字玉環未免負多情

不贈將離贈合昏別時情緒見時論雨還積悶風還驟
月自孤清星自繁蟋蟀啼殘蝴蝶夢鷓鴣鳴斷子規魂
牧之去後秋嫌老刺繡慵來且倚門

效西昆體
當句有對

小閣情情冷似秋斷雲拖雨傍檐收柳條可意回青眼

為鳥無情竟白頭客子為誰羈漢沔美人遲我夢羅江
傷心不預春藥會粉謝香銷十四樓

判將殊色保殊恩才盡吟郎也斷魂翼比文禽愁獨宿
舌如慧鳥悔多言重游社曲花香減一隔垂虹煙水昏
何日渡頭雙打槳姊名桃葉妹桃根

次韻留別南陔厚餘

久客減藻思落筆輒齟齬如師困疏勒食盡弩亦煮雅
音今不陳牛蛇關險語毋怪梨園伎哆口調鍾呂同懷
二三子龍超鸞鸞舉有作必藏山海波狂可禦窮魚額
已賴掉尾脫鈎距今秋遊北燕明春返東楚三椽縛茅
根一畦灌蔗旅名良媒可接歡盼望瑤臺女交黎金光

陸堂詩集

卷五

七

芝獨與山中許禽鼠竊粟肥寧云得所處

嵇阮竹林麋李杜飯顆邊如蘭結臭味不逐桃李穠陳
編自怡悅要道相陶鎔有疑勿淳蓄墨守般九攻有奇
勿扇秘和指劍騰鋒神山環越水返翠思喬松苦飢聊
近人圓塘鑒別棕澄盞意綿密矧機句沉雄誰分埽門
客昔身今虎鷹寒應丹邱火南陔有小丹邱詩暑愛白蘋風白蘋詩
本北地空羣者麟腹而虎胸何為葉子高所好非真龍

涉漳池

驕陽失職雨不止敝車十日九浮波僕人拂曉戒行李
土門開口臨漳池馬蹄踏沙陷徑寸中流汨汨千盤渦
旋若馬磨沸湯鼎黃湍噴出靈龜鼉我恃忠信以涉險

剗茲風日猶晴和高原綠莎染秋色西屏插漢青栽栽
危渡至竟挂齒頰豈知范史元傳訛澤堅冰結有神力
盡使鼠竊紛投戈抱薪燃火逐真龍冷趣孰與桐江多
春萍漂泊秋蓬轉作舟斷想凌長河老屋參差傍圓渚
水紋風織越女羅明年疾卷釣絲去柳邊生息爭漁哥
連城書院和陳石倉

鍵戶即深巖塵慮日以寡秋聲出古槐斷續嘶蛩馬淞
南好方物蓴滑鱸魚鮓客子泛如萍搔首歌行野舊友
新相知聚影昏鐙下故紙枉乞靈禿筆競傳寫岑樓角
孤吹蕭寺鐘輕打預愁素髮生流光不可把昌陽功引
年雜以豬苓瀉藥籠無棄材誰爲醫國者

陸堂詩集

卷四

八

立冬後三夜夢得十月春寒句

青衫歲歲感霜蓬休認狂歌作惱公露得全身非豹管
移來虛影是蛇弓九秋夢覺桐風外十月春寒菊雨中
濁酒一杯舟一葉季鷹能不戀江東

再疊前韻

三三曲徑掩蒿蓬招隱何來漢八公雪老似鹽還似絮
月新如玦復如弓取材李賀詩囊外浪跡開種畫藁中
縱使薄游游未倦春波隨我欲歸東
泛如萍葉轉如蓬著墨都憑無是公聚窟曾求不死藥
扶桑早挂大言弓文章一卷撐空際日月雙輪逐隙中
笑躡青鞋成底事釣磯無恙泖湖東

和西溪初度詩五首

非而非晴釀小春春燈婪尾酒行均追歡極北分氈夜
續話天南采菊辰紙上鷓鴣難覺世筆端鸚鵡易凌人
此時未證三生事碧海丹崖總渾淪

樓高百尺矚槐屏盡日紛綸說五經馬氏誰呼眉最白
阮家自詫眼能青月來萬木宵橫影雲起千山晝掩形
望斷江南清悄路短亭無數又長亭

懶愁丰度香難攀長羨劉伶醉掩關滿路寒凝車上淚
一壺春染鏡中顏書殘洛下東西屋樹老淮南大小山
已悟羈人宜作達牢愁空使鬢絲斑

悔將雙劍剖雌雄世事吹來馬耳風湘菊遲開霜打白

陸堂詩集

卷四

九

溟茶蛋放雨啼紅美人情斷騷經裏才子魂銷別賦中
北地較南今更苦翻飛輪與越江鴻

竹風卷簾鶴翎梳愛爾爰峰小結廬舊德惟耘范叟硯
驚才長嘯聊生書不圖獲友緣傾蓋未許爲家且食魚
僕亦有莊南泖口掉頭歸去捧潘輿

嶽望樓與嚴吳廬陳石倉倡和

樓在恒陽書院中

城北風號細草乾舉頭西望岫雲攢蕪菁助真人起
河朔杯隨健者殘瑞葉吹縣偏散暖漏壺燄火亦凝寒
已知洵美非吾土倦倚危樓屈曲闌

石墨三升汁已乾當窗槐木帶霜攢鷗波有夢尋山谷
芋火無因證懶殘香氣暗侵雲氣薄鏡光虛竊月光寒

幽并客子俱遊倦，悽緊何堪值歲關。

撐腸渾似壁魚乾，礪齒偏宜石劍攢。不料支河猶蕩析，可憐全趙竟凋殘。雲羅千里鴻書杳，霜析一聲客夢寒。回憶故園春有信，早梅紅綻恰當關。

抱玉荆廷淚未乾，年來辜負筆花攢。不嫌薄酒籌交錯，難挽枯棋局破殘。橘柚最宜南土煦，雁鴻都避朔風寒。寒衾客夢孤飛處，丁字屏山亞字闌。

臘盡夜宿彭氏園林

山額當窗落翠嵐，石闌六六徑三三。薄遊已倦誰投轄，大隱何來此盍簪。觀水樂終尋濮上，放梅春自占江南。染塵未了還衝雪，莫以終朝怨采藍。

陸堂詩集

卷四

十

竟日

竟日行樗野，紅埃眼欲昏。泣岐還問馬，望樹即疑村。山色留真面，梅花入夢魂。日歸身更北，何計逐南轅。

言懷和吳廬

衾寒如鐵夢來遲，話盡燕山欲雪時。皎皎悲泉舞鶴賦，漫漫長夜飯牛詩。學仙不信金能鑄，謁帝翻愁桂作枝。一住珠湖一錦水，可能遙訂耦耕期。

易州度歲雜詠

莽莽舊關河，愁中強嘯歌。樹猶思召奭，山已屬荆軻。城西北有荆軻山燭跋紅凝淚，杯傳白卷波。朔風催短景，青嶺幾銷磨。

親舍杳難望，孤雲晚更移。薄田真累婦，殘帙劇愁兒。鼠

飲何須滿，鵲樓未有枝。十年元自賞，鐵硯或深知。

歲華驚鳳曆，漂泊感狐裘。香土莫黏足，素絲從上頭。六日復見白髮一莖愁窺千里月，夢溯五湖舟。不及隨陽鳥，翩飛可自由。

自由

客況悲岐路，鄉心繞曲闌。梅迎鶴子笑，蕉避竹君彈。避世應萊服，成書豈鷄冠。文河無砥柱，翻覆易生瀾。

春雪和昌黎韻

斗帳沉沉閉，寒威刺骨來。異鄉孤夢斷，隔院曉鐘催。啁禽聲亂，光晶月影猜。風疑生虎落，沙似卷龍堆。淑氣洪鈞轉，暗春候琯迴。霞明鋪屋角，凍解皺池隈。窗草幽

陸堂詩集

卷四

十

初發林花艷，忽摧為誰研。雪賦遲我眺，金臺石室天。鑿瑤枝鬼剪，裁漫空飛碧絮。徑尺掩蒼苔，綃薄柔膚映。酥融素手按，而聲寧貪菽粟種。肯羨瓊瑰印，爪鴻留跡揚。鑣驥絕埃劍，衝霄閃閃甲。耀日皚皚訪友徒，希譽千人祇重財。移時波蕩漾，幕地陰藏鬼。晝直迷妖霧，冬偏慶瑞雷。倦遊因拂席，深坐強銜盃。耳熱呼蕉捲，神閑掃徑開。小山經點染，老樹與滋培。病目拋書久，師心學畫纔。底須防折竹，只是想探梅。伎曲旗亭最，僧詩灞岸該。方規形變幻，凹凸境迂迴。未暇尋三島，無繇認八垓。玉盃凝墨瀋，銅筍撥爐灰。渴尚餘茶瀝，飢惟索芋魁。阮窮何礙達，嵇懶故應頽。圓嶠眠蠶巧，番馬吠犬豕。為真愁

缺齒蚌暗喜盈胎貴擬千間底貧輕一飯推碎琴今古
恨裂笛短長哀水稼俄成識霜沁謾作災盡焚充棟帙
歸挈滿船疊衛足葵多智全身襟不才鶻冠高突兀鶴
髦散毳毼挑菜為佳耳投綸亦使哉蔓延離下棘冷積
竈陘煤淨極聰明勝消完眼界恢園桃還著笑紅白磧
嬰孩

孤竹山堂

古塞盧龍望裏遙堂開西嶽駐輕軺祛衣早耳威猶赫
沒羽於菟恨未消鳥踏松身低翠蓋酒扶人面上紅潮
祇應老泛天隨宅師爾清風映碧寥

十三陵

陸堂詩集

卷四

十二

篡國龍興不正始亡國雉經不正終高崖深谷互更換
銅駝卧棘號秋風秋風號秋雨泣錦屏翠靄愁中滴五
十元老輔一君不縣玉曆滿三百田家女兒色傾城椒
風別殿彈青琴埋香鬱鬱半杯土倉卒攬為天子陵嬰
膚殿衛百廢缺如漆宵黑長明燈紅羅真人開景運菁
莪教澤藏骨髓甲申盡節何寥寥刀鋸刑餘愧簪珥咄
哉壬午瓜蔓抄冤抑方胡諸君子鑣傷元氣台外邪癰
瘻末由指臂使稽首累蟻蟻賊廷誰信人心終不死佳
山旋繞古木平金盤銀雁幽宮局守冢置戶禁樵採此
舉當禮尤協情拊頭若遇雷門叟免教捉鼻吟冬青

柳溝行

黃來沙彌盜弄兵柳溝瞬息行無聲銀符使者開關迎
樓櫓不日陷神京塵飛水淺駭蓬瀛奚翅獨兒聞玉枰
桓桓中山仗鉞征大漠鼠竄迴霓旌面勢屹立雙雄城
一溪洄洑千巖撐億萬斯年鞏太平後嗣失德邊釁萌
被遮土木辱國靈將軍降號恣微行逆侯市馬輸敵情
內亂何由致外寧委鬼應識伏闕廷茹花滿地流淚頻
剗奸踐柞徒英明羣臣沸沸穀洛爭練總餉酤析醢
議撫議勦湯沃羹宮中眯眼荒茅荆地險空負葦嵬形
柴車客子心怛怛轉輪觸石四角生駝驢駝駟珠汗并
山風刮骨沙月橫當歌一盞葡萄傾嗚呼蒼蒼有意鑿
門庭杜宇啼血歸錦屏

陸堂詩集

卷四

十三

偶感

硯北銷磨石是田溪南迢遞屋如傳最無定價身懷玉
薄有浮名口諱錢聽過疎鐘能覺否吟成落葉轉淒然
鞭梢一拂秋原柳不為離人散曉煙

留別沈茶星姑夫以苦語隨風吟為韻

入海無虞足衝天無鴿羽長安九達衢曳踵行踽踽彈
珠慎一為別玉趾再舉息影歸衡茅夢不戀香土渴飲
三蕉葉出宿河之澣涼風吹衣裾別味踰茶苦
孤根水上萍潑潑無定所短翼風中鴻迢迢多逆旅葭
親抵月骨一隔十寒暑我家鬱林石調飢不堪煮碇舟
今攜歸清白兩心許葛帔慚佳兒羅門乖舊侶去住總

艱難藥疾祈贈語

先子刺庾嶺嶺梅白萬枝寒香沁肺腑唱和千餘詩公
詩翻水成兒時愛誦之踔躑騎竹馬叉手還攬鬚覓梨
頃阿通闔敗憐衰師流光捷於矢岐路各參差華表鶴
不歸門柳空絲絲公宦北陵山山月耿夢思伯勞與燕
乙安能飛相隨

鯉魚沉別浦經歲書一通傷哉微雲塔柿花滋淚紅星
沙滯行李厄與賈傳同騷魂招不得迢遞九疑峰強抑
西河慟清齋譚苦空蓮香消溽暑柏翠傲嚴冬重遊金
馬門鬢黑顏猶童翦燈話覩縷街鼓聲聲聲良會慳若
夢陳跡埽如風

陸堂詩集

卷四

十

飲河不滿腹振翮返故林知希彌自賞莫枉囊中琴追
歡甫決月涕下分蘭袷亦欲小延佇羈孤愁夜侵雲蒸
雨潤澤運命割弁沉公今握銅虎神州許卧臨賤子抱
殘帙雄心消白蟬屏當揮直木磁寧受曲針試問馮煖
歌何如莊舄吟

次再送韻

舟子招人換犢車漳河秋漲舊津涯柳枝落翠風還擘
雁翅翻金日又斜子夜離歌長短續春明熱夢去來賒
陸機文賦今無益竹篠東頭苦憶家

登舟口號

一葉沙棠水面迎琴書隨意疊來清免教客夢驚鈴駃

自在秋帆挂月行

延緣客路逐秋鴻歸去來今發興濃不為鱸魚香抑鮓
二分煙水翦吳淞

四女寺

萬疊南雲水次凝歷亭孤客晚揚舠已輸巾幘能終養
莫話冲霄事不經

太白樓

千詩敏捷竟何爲拂拭西風倒地碑曾向君王乞鑑曲
酒壚從此斷金龜

玉峰王質之偕遊南池用杜韻

洛誦草堂句淹留秋水船荒亭還得月疎柳不藏蟬越

陸堂詩集

卷四

十五

雁迴千里齊煙抹半天相逢王大令座冷欲分甌

寄酬金會符兼簡沈文茶星

吳船逐月唱吳歌夢裏橫塘白鷺多旅客倚風三歎息
秋花抹電雨經過獨清豈是蟬吟樹易滿真如鼠飲河

八詠樓頭詩老在苦將方寸學陰何

由黃河放舟抵板閭

剛風拔柳黃河濤孤舟急溜摧心魂凝眸倏忽二百里
椎鉦燒紙酬明神探源難覓奉使槎築宮枉塞羣臣新
天潢倒注有深意歲歲廩國廩麤窮民桃花春漲秋益高
清淮汨汨今渾渾浴鳧眠鷺具底趣節屋蕩析魚爲隣
船子臨關叩首泣大夫算我三倍繆

涉江賦贈同學王賡旦

鯉魚十月遲風信打槳何嫌笑語譁兩戒截留山額翠
六朝漂盡浪頭花歸人失勢猶登駢別路忘情豈鹿麕
約指烏衣深巷口及春不負酒帘斜
極北燃脂苦用心邇來繡譜得金針王郎斫地歌方壯
小陸乘船笑不禁蜨轉誰爭三倍利烏飛自惜一分陰
歲寒欲識相思處凍徹江流未是深

陸堂詩集第四卷終

陸堂詩集

卷四

末

陸堂詩集第五卷

平湖 陸奎勳 坡星音

甥 陳 濟 檢亭校

格致外編

乙亥臘月至庚辰二月存詩六十六首

幼好學仙交冬南歸遇吳翁純一與談淨明真詮
行之年餘盡通奇經八脈顧未能結胎丑冬復遇
天台老僧授以觀心訣匝月竟能入定如董山人
前知後閱楞嚴至卷末凡自謂神通者皆經中斥
為邪魔者也夫由悟而修而證即禪門亦無頓悟
法為容舍大學之八條目而從事瞿曇之教乎乃
專精四子六經旁及堪輿星卜壬遁諸書閱五年
僅得詩一卷題曰外編蓋爾時所好不暇及此也
懷人五首以離羣難處心為韻

嚴異廬

涼風變秋色吹草碧離離孤蓬挂落日三復停雲詩深
交多黃金俗態不可醫舊遊疎戴笠焉用神聽為與君
本懿戚疊鄰兩相知古銅照肝膽狂言亦恕之一真砥
百偽鮮終慎厥初素位行吾道枯菀任所如青松映紅
桂空冷物外姿勿因湘漁勸揚波而歎醵

朱簡在

晨夕挹光霽黯然銷別魂相別莫相泣人非麋鹿羣歸
林本倦鳥出岫亦閒雲麴生聊共醉臧否不復論樓頭

小萬卷芳氣踰蘭蓀抗顏強作師駭雪犬信信璞曾荆
荆關瑟未工齊門胡為寶康瓠而令揮拙斤男兒剖寸
心月白無纖塵勉旃脫穎去改繡平原君

柯南陔

慢亭翻別譜天半響冰鷺丹邱製新律瑣骨行珊珊長
安無顧况索米亦大粒不材食尤齷稜稜短缺彈鞞窮
淚盈把着澀倒囊看稱詩雖小道杜聖豪則韓感子下
砭石故步移邯鄲鵠原好兄弟樹影悲叢蘭謂林壑明光
早紆紫歸奉北堂歡毋為滯太學亮節追何蕃

楊次也

同學推柯楊淵渟鵠飛舉拙哉陸韓卿謀食亦鉏鋤輕

陸堂詩集

卷五

二

紈白於霜上有磨礪語彌年不得讀懊惱沉殷渚燈昏
昨夜風輟斷今秋雨一面慳良緣南歸續倦羽黃鳥絨
玉環葉葉盛筵組攻文兼勗德立接鱣堂武竭情和郢
歌傷手捉匠斧登駟夫何知相憐若古處

沈厚餘

吳興沈家令耽詩瘦惜惜後賢鵠起者許身雙南金金
門結我友孤寒玉樹林蘋洲歸蕩漿餘艷小題襟馬走
幽燕道契闊猶商參捧茲雲龍什報以鷓鴣吟鷓鴣無
枝棲戢翼故山岑半牀書落蠹醉月聊深斟相思托夢
帆曷不撐笠尋枯松語翠竹凌雲保寸心

壽魏里吳子濤七袞兼贈令子樸園

煖入梅枝小漏春綵衣騰笑白頭親幽尋卷軸長移三
歡會柴荆不隔旬天半鷺吟辛繕舍人中龍鰲宋繡
莫將灰字輕書付萬六華年並古椿

如此黃塵昏海角飛揚跋扈欲何為時賢尚戲章康父
先達曾誇揚準兒燕市九秋霜劍滑鶴湖百里雪舟遲
入雲一唱邱中曲冥寫狂搜總費辭

讓王門衍舊清風茅縛三重席再重濕翠只增篁秀削
寒煙不放柳嬌慵招呼日馭游賜谷割取山龕隱麗農
說與世儒休咋舌向臺即是古喬松

吳生胸著海天寬羞澀錢囊不耐看石枕無聲隨露落
紙窗有隙待蜂鑽文人未信難為佛漫者何嫌亦得官

陸堂詩集

卷五

三

松葉一杯涼沁齒紀羣從此罄交歡

輓伯姊

一寸圓毫二尺檠檠樓不櫛是書生桃花落去吟紅雨

天姥飛來喚綠鸚姊夫沈南疑嘗得美夢見天台仙姥云汝前身白鶴童子汝妻綠鸚仙也角勝絮鹽今

斷絕相思簾簾舊淒淒清已知瘦盡東陽客嬌小還憐寡

氏甥

題沈南疑春山絲竹圖

疊得錦牋無限恨拈來紅豆最相思修眉不管旁人妒
宛轉風中唱柳枝

綠楊絮捲可憐白鳥柿花翻無恙紅不信有情山抹碣
能拋綺語小樓東

弔唐六如墓次南疑韻

桃塢塘春憶去年曾留斷句六如肝惜花心性元才子
換酒風流李謫仙

最撩人是楚天雲不抵勾吳月二分欲借小亭橫半榻
夜邀山鬼唱秋墳

紛紛梁肉饜羣官老鳳飢來自啄玕刻意愛山兼愛水
澄心堂紙弄煙丸

吹散春風春雨零吟魂花底覓張靈紅香慣惱情多客
辜負莫釐一角青

數
錫山王甫田來湖貽示十八里橋見懷詩和如其

陸堂詩集

卷集

由

石尤風阻故人船衰柳荒江欲暮天此是吳根兼越角
曉來幾處動如煙

歷盡驚濤又惡灘微吟招隱雪燈殘不知大小山何意
總愛秋風桂露漙

離情脈脈柳條知醉客蓮花玉琰持無奈石場鶯語濕
重來怕檢送春詩

昨秋風月冷明湖僕亦南池覓句孤輪與五陵年少客
臂鷹腰箭口吹簫

秦園舊日雨飄零江北江南似轉萍兼懷和伊平挈我卧遊高
士画林田三畝抱寒汀甫田善題

禪榻秋宵趣不同霜紅葉變江楓臨窗手捉屣如意

轉覺清譚勝阿戎

謫仙詩四首存二

五老峰頭小結緣半生還墮語言詮夜燈抵死雙銀海
牛夢憑空攪玉田梳碧鶴翎風颯颯漏金蟾背月娟娟
可堪吸盡流霞蓋不喚飛仙喚謫仙

何必頭銜列上真眼前風月自清新千秋華表半盂飯
萬里長河一窖塵石室閑來空檢字漁舟捨處又迷津
雲中無數閒雞犬失路偏憐守廁人

睡鄉行

白日苦鹿鹿高枕得閒閒處世若大夢斯語良不然夢
中生八翼飛入濛濛天關虎豹通人言有石不鐫磨

陸堂詩集

卷集

五

兜堅姮娥月規入萬二千戶老仙斫桂香觸斧下視却
枝等糞土十洲蜃結縹緲之層樓長魚跳走穹龜游素
波激射紛翠羽弄珠妓女迴青眸滅沒三神山仙舟風
引過瑞鶴迎門翔靈獨倚草卧子登八琅子晉笙蘋盤
棗食大於餅科奉策籀綠玉文天祕勿洩勞五丁睡鄉
樂子怪怪奇奇柔鄉醉鄉莫與齊揚子太元飛鶴驚重
益繁露蟠蛟螭愚入若無夢胡為覆蕉逐鹿曉得之聖
人若無夢胡為非熊非彫所獵帝者師哀哉人生不能
終入夢天雞鳴起盜賊日烏宿達豺虎車如流水馬如
龍翻手為雲覆手而我悲秉燭夜遊人紅衰碧減無長
春我憐警枕讀書客螢乾蠹老敵其精蒼天蒼天既生

我仲尼安肯迢迢萬古有夜而無明但願化為漆園蝶
夢醒不復窮歷劫

長至寫懷得風字

書齋寂寞達長至百感難消一醉中獨客夢同燈黯黯
嚴城更盡鼓隆隆霧迷楚竹全凋翠雪壓漢茶暗損紅
郭隗臺前三繫馬至今病骨怯寒風

大雪竟日用歐公韻仍禁體物語并不使皓潔白

素等字

老梅十樹聯跼踞石尋詩興不薄滕六曉來大劇顛
雪霰間與霜淞作橫鋪萬頃深一尺水遶雲連態空廓
燭龍尚爾困毒蟲寒光肯被紅爐燦憶昔嶺南驅竹馬

陸堂詩集

卷五

六

樹壘不見葉黃落照熙如上春臺游敵寒從未假狐貉
慘寂忽過鄧禹歲出門願學飢鷹攫北地風簷凍裂指
委頓險似紇干雀骨相貧薄天所限疾歸雙挂柵欄屬
早韭嫩摘晚菰肥此皆奪取爽鳩樂質頑難望鐵鞭撻
腸穢急求冰枕淪生趣隨人自契領仰首問天天漠漠
但得豐年多黍稷何患壓損千林梨彼僵卧者亦太清
我將轟飲發狂謔

西征凱歌集唐宋句和王明府東巖

莫將疲爾闢黃茅唐河隴降王款

聖朝南村今日在前皆鼎鑊吳中回頭轉盼似鵬鴒李陵

遷谷變如須問吳沉魄殘魂不可招王正撫董修娛赤

子鳳城景色已含韶李

迢遞青門有幾關李商淮南梅柳想春還張未解嘲不用

潘邠老蘇受業初參王半山楊萬此處追飛皆俊彦

徐蘇古來靜治得清閒蘇三年拔薤成仁政吳貪懦聞風

合厚顏龍

兩組詩和南疑韻

鴻自冥飛鯉自潛半生危坐九峰尖李潛夫先生壬午歲夢神授

梧半字蘇月昏老桂猶開卷日湧扶桑但隔簾座奪三高

祠下范壇分七里瀨中嚴此翁若不留清節誰與癡兒

破黑甜

挑盡南牕鐵足檠馬和東先生桂宮縹緲舊曾登過江總是

陸堂詩集

卷五

七

無愁帝遜世權為有髮憎雕豆生香真不忝花鈴入夢
竟何憑懷賢合灑秋風淚莫向炎蟲浪語冰

寄贈賈濟川

柳枝三落絮不復作情話春韶去鼎鼎勁弩激剛挂鋤

硯歉秋成一飽雜藜稗苦寒坐斗室獵獵大塊噫雁翅

傳短牋讀罷脫沉瘵索居渺天末車笠盟可壞寧料裕

衫吹肯憶憤揮矚爭名如鬪弈黑白眩方罍爾猶踞邊

角僕乃通局敗玉葉枉雕鏤劍冶虛鼓鞞幸遇浮邱公

得訣吸沆瀣為蝶為鯢鵬達觀破俗械黃樓古名區竭

來尤福界茅檐戴賈父流毒去蜂蠆山農積香杭漁師

足鮮鮓江山為爾助搖筆露光怪雲夢吞八九胸中無

纖芥稊生懶依然擇蟲復爬芥革履雙行膝登頓怯馳
邁哦詩偶押強韻不盡十卦萍蹤枯竹石頗近湖州派
持贈小東坡轉乞老仙畫

題戴康侯三山圖

兩點金焦剩曉青蕭條北固可憐生長江馬渡成何事
我欲三神山頂行

送僧公結廬廬山

不識廬山強說妍病如杜撰清公禪見山谷集花龕五百具底
趣中含太白讀書處借山撐笠上黃巖雜草插槿培松
杉人非麋鹿偶分首爾啜清茶我濁酒古井無源汲欲
乾出門笑向西長安馬遷自署牛馬走三書不報昌黎

陸堂詩集

卷五

小

韓儒者道衰釋有道七齡膜拜丹霞老潛歸於南樵署中爲余說偈法名古短號曰就

黃葉老人萍道人画字寫竹堪絕倒持乞食鉢懸昏燈

雁噪北秀南廬能闇林毒熱甚火宅眼中意中今無僧

偕山寒泉之弟子朝雲疾走一萬里見文殊後語益妙

曾遊五臺詩格益進謂公狂者泥蛙耳詩瓢挂臂山中來潯陽三隱

安在哉白蓮折頸秋不開宋時月照繡經臺

題沈澆村無題詩後

吟苦何曾太瘦生絲聯休認竹枝聲蒹葭舊是湘臯種
逢著三閭別有情

八詠樓頭騁妙才吟香須趁古梅開兒時愛檢閒情賦

却被孤僧恫喝來

長句輓沈南疑

曼卿不樂主芙蓉少霞不解銘新宮玉書下徵蓮斗子
南疑新號蓮斗雲旗雙護白耳龍我儕與天爭不得燭花遊落情
淚紅思君復讀菑村詩夷光鄭旦無治容集裘照眼萬
翠鳥釀花可口千壺蜂人妒此才天不妒前身果否白
鶴童天姥峯尖續殘夢綠鸚一笑煙濛濛蛾眉未信能
伐性風騷何必例坐窮單豹養內虎食外張穀養外病
攻中男兒墮地命在天生死貴賤貧富同死者自寧生
者哭半杯松葉飲不空有文有子堪送老淺語抹煞歐
陽翁悲哉文塚化朽壤悲哉驥子號酸風

送廣文汪紫山之桐廬

陸堂詩集

卷五

九

江面舟行如画裏捺人第一富春山甌留舊物何嫌冷
經授諸生且破閒檢錄儘收茶末味成蹊偏媚李桃顏
明春斗酒從君覓來聽鶯啼緩緩還

並蒹蘭和文益朱十兄

雙頭菡萏乍填詞並蒹艸蘭又索詩露滴小毫添画譜
根攜纖手勝花師魂銷別浦迴眸處夢破寒衾擁背時
趁取瓷缸開未足好分一箭寄相思

題文益月波吹笛圖

荻花風起亂鴉啼鐵笛橫吹調漸低月到湖心圓更好
莫將艇子碎玻璃

月波樓外天如夢沙際拳鷗宿幾雙夜半梅花吹入破

小紅也合坐蓬牕

贈林遺民

怕有遺文勒駕回芒鞋從不踏城隈孤山處士風流在
冷意當窓放老梅

三尺焦桐書萬卷清溪酷似沈尤却我胸亦頗宜邱壑
暇日松陰來叩門

寫山樓聽雨分得雲字

平江劃平壤草色青羅裙巨靈倦斧劈到眼無山文竹
嬾老居士衡疑貌綾紋至竟四代孫高樓凌霞氛滴瀝
碎寒玉匝月耳未聞桐風生微涼落日消朱霽汨汨聚
塵海雷鳴喧秋蚊飄飄西園蓋婆娑東門粉騷客天雷

陸堂詩集

卷五

十

食素襟常乖分時魏文昂平將游廣州萍蹤吹復合清話戀夕曛如坐

君子國辦華吐香薰小作慢亭會鈴鼓歌賓雲

詠史六首

負乘凜姬易鷄梁著曹風田蚡眇丈夫德薄權驟隆希
旨東朝廷請地及考工後房曳綺縠前堂羅鼎鐘漢相
位兄右見與駟僧同用等稱上客來去轉秋蓬魏其不
達識守死為鬼雄椒親景衛霍並侯以軍功

孔孟既沒世俗儒大亂真董生憤下帷滌穢褻荒榛蛟
龍落懷抱成書追獲麟一心矢致澤三策研天方枘
與員鑿鉏鋸不相入媚竈希黃金越哉秋風客征商任
弘羊開邊獎卜式至竟下馬墳澆酒淚沾臆

文成食馬肝方士死何速譚者彌怪迂信者倍敦篤藥
大下走材倚仙求眷屬六印懸其腰百寶恣所欲決河
難復塞採藥終迷津大言欺劉郎斧鑕無完身可憐漢
公主不及秦樓人吹裂玉參差跨鳳雙入雲

曳尾泥中龜衛足園內葵發弩末必竭累碁高則危知
止復知足履道俱坦夷不見新息侯馬革誓裹屍站焉
蒸毒熱蠻海無歸期惹以召讒言妻孥淚縷縷高功指
銅柱猶遭明主疑

北海負盛氣以身翼漢廷巢覆卵不完嬌兒尚琢釘當
時入座者匿影如消冰誰攜樽中物還酌泉下靈迺知
運濁世鴻雁魚在罾遠患宜慎密賈禍由驕矜宣尼語

陸堂詩集

卷五

十一

弟子聖則吾不能言大而失實胡取交忘形

梟雄首孟德橫槊逞賦詩子建八斗才應劉非等夷代
漢當塗高帝心默默允禰生苟知幾懷寶山中隱蚍蜉
撼大樹力薄不自忖統統漁陽鼓末由褫彼魂區區鸚
鵡慧適以戕爾身

閨詞四首擬張承吉

自君之出矣春條藏乳鶯鶯啼不當曲柳眼若為青
自君之出矣蓮子香難寄親手投污泥一花開品字
自君之出矣木葉下庭秋月娥寒共語不願嫁牽牛
自君之出矣漏壺滴心碎白石險化身紅冰暗凝淚

偶寄

掬水忽見月買山并得雲寄聲鶴道者天趣欲平分

賦得風勁角弓鳴

颼颼地籟不堪聞野火燒原帶夕曛伏莽狡兔徒有窟
摩空俊鶻本無羣掌中繁弱開如月耳後忘歸響入雲
誰似子桓終日獵西園置酒更論文

賦得龍池柳色雨中深

玉樹蔥蘢覆玉墀移栽柳宿萬千絲約眉密葉疎含雨
撲絮長條半暎池輕颺風紋行画鷁細調歌舌坐黃鸝
雲卿解唱迴波曲爭似靈和殿裏姿

壽潛采先生七袞

軟蓬纔卸建溪船秋自平分月自圓小作幔亭簫鼓會

陸堂詩集

卷五

十一

幾人值得喚曾參

昨夜麻姑送酒來浮邱虛左挹洪崖可知骨節珊珊者
青綠牙籤也要排

蓮房並蒂生來艷蘭朵同心見亦稀醽觴幾多詩詒在
不須重唱鶴南飛

鵲腦香燒鵲尾爐經樓渺渺接清都年來儘有松風癖
許作華陽弟子無

送學博謝師維賢歸寧波

風流賀老歸山後猶剩芙蓉一角青此去越江秋泛艇
自來馬帳夜橫經蓬心亦解超超著鯨吼何勞短短筵
若到講堂爭禮分戴彭總是未忘形

盤堆首宿自年年三絕何堪老鄭虔獨向醉餘開笑口
相隨月底聳吟肩欲啼桃頰紅吹雨不捲蕉心綠障天
縱使桓生著學識太元未見有真傳

幾番拈管又沉思芥引針投俗未知擘擘蓮房空見憶
也敲殘玉局了無期甚也是也枝頭有意飛山鷓屋角無情
喚子規十七流年如撒箭難忘冰雪立階時

蠻雲遮斷越王臺肯為先生勸駕來昔改南雄府經歷朔雁難將
千里信嶺梅不見一花開何如掉首尋初服且自忘心
養聖胎六尺紅藤雙白鶴大蓬山頂望蓬萊

零落寒氈伴短檠蒙頭白帽更惇惇被池空冷黃江夏
竹淚新彈阮始平已卯春仲丁嫡母張夫人歿夏月復遷雅坪二叔父之變雙煖玉杯無奈別

陸堂詩集

卷五

十二

一端溪石本來清余以端硯為贈稜稜瘦骨憑摧折敢壞蘇湖弟
子名

陸堂詩集第五卷終

陸堂詩集第六卷

平湖 陸奎勳 坡星著

門人 高 嵩 三臺校

橋西新詠

庚辰三月至丙戌二月存詩一百二首

舊居城南徙至三登橋西非得已也昔士衡兄弟分住老屋三間余雖徙而西寧忘東頭竹篠手至橋之命名由魯壽寧父子相繼登科遂為邑中佳話而是堂又王滁州梅之故居也仰瞻昔賢風流未墜即科目文名盡落我手敢沾沾自詡乎哉

移居陸堂詩五首

半畝蒿萊宅經年積網塵執勞親汛掃避俗久沉淪未

陸堂詩集

卷六

一

了名山業新通濁酒隔籬桃欲笑緣此惜殘春地偏仍在市具少不須車將隱文焉用雖貧樂有餘故交三徑月歷劫半牀書錯擬臨江宅空教庾信居北樓高入雲團坐話宵分達亦麗居士儉於桓少君驕兒爭索果弱女自呼芳一力供樵汲何從判逸勤懷哉兄及弟相好莫相尤艸碧詩中夢更香畫裏秋古人堪北面老屋在西頭肯為華亭鶴勞余二頃謀小結浣花村長携癭木樽紅襟飛隔幔黃耳卧當門鄰少苔衣合僧歸塵尾存得閒成五字莫枉夜燈昏

紅椒庵主貽詩用韻酬之

石罅松枝二尺強晚風吹雨冷茅堂不知景陸留題後

何似南朝馬糞王

閒殺窗前解語雞支郎譚塵鎮相攜柳綿自化萍絲去也學青蓮不染泥

豆棚瓜架兩縣聯近水柴門不厭偏贏得定巢新燕子裏鹽還聘小烏圓

答艾廬弟

落筆如彎射兕弓抹他坡老與涪翁貧家幾處添詩料紅雨吹殘一桁風此樓雖冷鄰堪容種柳無心且種松王氏古歡甌一片蘇家清玩木三峰

和劉觀察在園題范少伯祠作

陸堂詩集

卷六

二

詩格文房勝連太荒祠懷古獨躊躇嬌嬈忍使珠圍定細珠為露使骨勢將金鑄無不著機心鷗掠岸故添冷趣月當湖吾家亦有三高侶老向松陵作釣徒

題瞿母苦貞碑記

曾見巴清有故臺苦貞碑在轉生哀桃溪自隔三千界蟾影空圓六百回骸骨已寒彌護惜神明縱老不摧頽傷心莫話瀧岡事并少孤兒畫荻灰

農歌四首

播穀飛飛柳作花蒲塘幾處沸青蛙寧期小滿今年蚤纔動絲車又水車

飯煮冬春菜淪羹枯魚一片瓦盆盛蒲葵扇子堪遮日

卓午田頭去餽耕

次姑葉大芋頭長小甌蒸時滿屋香炊就麥糕先祭竈
勝如富室宰黃羊

小小長蘆煮白波相湖官蕩蟹饅多吾鄉縱有天然利
未抵辛勤種玉禾

西湖舟次呈李運使紫來

綾紋璀璨墨光浮惠愛如公世罕儔欽賜惠愛編額征策無權歸

大賈熬波有利散窮販雲連高嶺雙蛾翠月滿西湖一

鏡秋記取雍熙賢相國也勞轉運駐真州

却林曾折最高枝芸閣宵分太乙藜有客文芒瞻斗北

幾人詩派衍江西登龍不惜攜雙屐測海何堪挾半蠶

陸堂詩集

卷六

三

莫問蘇隄深柳色無言桃李自成蹊

湖上新建十景亭和毘陵季有章十首存六

平湖秋月

御墨分題西子湖風光南渡至今無波開玉鏡從魚躍

影落冰丸與兔俱畫舫只攜重碧泛石臺不用亂紅鋪

平生苦愛元和格是處須探領下珠本龍王堂故址

花港觀魚

雙扉臨水足煙霞荷葉香清勝似花此景揭簾疑上苑

有綠沽酒待官家壚頭一昔將龜換樓角明春放柳遮

且拓烏篷隨意坐聽他空外響魚叉

柳浪聞鶯

袖得香柑好聽鷓小橋流水不須隄可堪青眼都成白

寄語東風莫轉西三起三眠秋柳禿變宮變徵晚蟬嘶

詩人已共鶯鶯老慚愧紅襟漢上題

南屏晚鐘

鯨魚一聲吼南屏諸天洗耳雲外聽浮生可憐種種髮

落日正對勞勞亭貝多著花本淨土少微含曜非名星

五更粥鼓復統統有客無睡心能靈

雷峰西照

從此湖光全到眼山亭結構肯辭難牯牛倦枕林邊石

鼯鼠飢窺殿角竿劫火未消孤窳堵夕陽猶照舊臨安

吳嫌愛唱薰菰曲莫種將離種合歡

陸堂詩集

卷六

四

斷橋殘雪

萬朵吳雲散碧冢尚留滑白在溪橋清分鶴夢何曾醒

寒指梅魂未可招幾見簪投還玉折便教山積也冰消

更無人學逃堯客風裏刁刁挂瘦瓢

和竹垞翁東湖曲八首

月落東湖一鏡秋秋窗夜夜水明樓此中真有西冷意

御墨雙鈎供上頭

柳外風輕打畫桡過雲時度美人簫更誰解唱思翁句

潮似潯陽九派消

鸚鵡洲邊落日催芙蓉堤畔首重迴茶毗一哭冰還老

不看東園廿載梅潯陽一覽水運道人庚申秋大化東園梅下

環海風吹一窖塵白龍山骨小嶙峋蜃園也逐嬰垣死

何地能逢折角巾

李潛夫老友鄭
嬰垣隱居凍死

白馬朱旗照夕曛錢侯靈似霍將軍而今苦竹山名酬香

愿祇信天妃護海雲

蘭秀

周氏

新詩韻最嬌綠窗未老艷情銷還留一片寒山

石鬱鬱深深瘞趙昭

趙凡夫女歸
富湖馬莊

魚籀層層谷泖中菱缸續續馬園東秧田晚種蘆花白

洋舶新裝荔子紅

尋詩艇子弄潺湲小泊煙村水市間野色正宜高處望

戕天移與陸機山

北野探梅分得香飛二字東高谷蘭太史

陸堂詩集

卷十

五

小梅亭畔微陰客夢裏相思隔九霜重問垞南及水北

竟餘蝶粉與蜂黃斜風拂石衫痕亂落蕊黏泥履齒香

連作春陰應有意未教桃李占流光

冷心相對各依依日午雞鳴白版扉有地樓臺仍不起

初春花瓣已全飛

梅值小年花本不
破更爲風雪所敗

礪邊算弄窮諸劫酒罷

烹茶關一旂紫閣高僧今在否軟塵空染芰荷衣

向與
林師同

和目余爲若水乘
崖結語蓋誌愧也

和東表沈甥留別四絕句

昔將入都
就婚妻氏

六年鬱鬱草堂居辜負詩翁蹴雪驢別爾正當南浦綠

夢中錦段已無餘

林下風清近若何絲絲天巧織龍梭可知柳絮吹香閣

不枉何甥艷句多

路出齊東不夜關看山馬上萬煙環眾頭漫說長安遠

祇在紅雲一朵間

壁簡羞爲兔苑賓春宵聯袂蹋燈頻

南唐詞
千鈞一折雄

心盡誰是華陽取酒人

陽月集耕廬以棗園落青璣瓜畦爛文貝爲韻得

璣字

凍雨颯然至跳瓦萬珠璣萍翻魚忽躍竹折鳥亂飛主

賓互酬唱晚色來霏微良會亦天假孤芳與世違紅顏

如春花含睇生光輝銅槃澣燭淚既醉復何歸情多風

絮颺興盡露草晞神巫莫我測示以衡氣機

陸堂詩集

卷六

六

賦得嗜好與俗殊酸鹹

大慚小喜總無因高卧蝸廬任我真茶汁止含一味苦

薑芽已抱十分辛鏡湖月底呼狂客笠澤煙中認散人

爾許生涯堪送老謾言龍性本難馴

南田雨夕用昌黎會合聯句韻

風雅失權輿駸引千鈞重蜩鳩決且笑豬狔突彌勇艷

情錦段裂冷趣玉樓聳百鍊神劍躍一瀉巫峽涌盡仍

鼠粟空席任蒿埃塵折鎗猶有耳明珠本無踵鵬亭藜

蝕露

辰山著放
驪亭集

南疑詩
號苗村

好事何寥寥浮名竊恐

恐探萬一千策道二十七種形甘蝸殼縮性鄙蝸毛冗

未肯窺錢囊亦懶弔文塚宗雷可接歡尹邢休如龍輕

颶助情話微波蕩綺棋絲眉飛蟲驚葉墮游魚洶語鳥
能協律嬌花足供奉質薄柳先零天全樗故腫筮欠孤
僧撐簪拉雙童擁塵尾且勿捉竹根行當拈暝色宣林
鴉商聲靜牀荃醉即解眉結涕不救腰施賄齊慶真蘭
射覆穿關鞏幽人例瀟灑麗官定倡婦集蠅動長喙見
蠟發遙悚六六鱗窈眇三三徑龍茸焉能碎胡琴而令
荆荆珙相送桃花潭相憶梅花隴離多忽萍聚興極各
鴻溶華言謝聲悅苛禮脫欽萃疊和守雌多舉足判基
家駢飽終憐蜚蛾鬧頓忘蛹淺墨雲衣匪微青山驢踊
簞抽筠滑潔整披鶴細氍蓮沉壺中箭鯨扣舞上甬誰
歟苦催詩簷溜勢洶洶

陸堂詩集

卷六

七

題仇英上林圖

仇為崑山周六觀作
長幾五丈歷年始就

飄飄乎凌雲神仙不可學不如遊上林雄心逞獵角上
林之獸何般般奇禽鸚鵡鸞鸛鵬鴻洪河涇渭水納水終
南九峻山銜山雷車輶地星旗黏天嵌離宮兮三百闢
舞女兮三千吁嗟乎五柞悲風一夜起銅盤清露滴如
水武皇猶恨不昇天何怪賁郎渴欲死仇生見獵亦心
喜賦之不能直畫耳廉纖刻劃肖萬形籠罩染渲疲十
指君不見漢家事業秋雲煙不及生綃画力支千年腰
箭臂鷹意差快慎勿詆訶將軍派

論詩口號八首

都尉無端怨別離驚鴛頭白兩參差操教燕尾宮中啄

贏得齊紈絕妙辭

曾檢東阿尺一書浪誇七子盛黃初隆中有客吟梁父
却是曹瞞結網疎

客兒春草情何限水部梅花致不羣便為丁娘歌十索
可能瘦盡沈休文

金粉南朝百不留亂鴉啼破白門秋蕭郎夜夜敲銅鉢
雙語何曾入選樓

內史才多積玉同緣情一語破矇聾松陵已悔牽詩艇
肯學龜堂老放翁

畫眉深淺太論量野火春風自激昂哲匠幾人能致客
不開十五嫁王昌

陸堂詩集

卷六

八

日下浮雲埽不開夜郎銷盡謫仙才早知逗漏金元舞
小令秦娥莫唱來

墨渝紙敵爭千劫頌酒廢花擅一門雙鳥啾啾逢二鬼
更無人解躡天根

雙鳥係注作雙
二鬼見青田詩

珠樓寒月得陽韻

歸路迢迢背夕陽卸帆已帶月痕黃

余從石佛寺歸乘月
登樓同人分韻以待

窺倒影樓明水不染輕埃瓦負霜綠萼候晴開石罅素
娥分冷上釵梁稱詩最愛王摩詰清絕如登華子岡

為沈御李點定白承草即和見懷韻

當窗梅老著花新似與詩家鬬異芬春意平添謝客草
賦情疑煞楚天雲雙魚欲寄人千里孤鳳能張我一軍

除却海山青九點更無秀色可貽君

人日孫嘯夫沈寓帆招集南田分韻得物字

皇姑戲搏土萬劫留空埽鏤金帖屏山人形亦髣佛天
與竟日晴聯袂散伊鬱南垞寬一畝折花供綉佛矯矯
龍之姿何為尺蠖屈蠟屐有勝流算確無俗物酒兵小
折衝詩癖細攻熨東風不速來池面柳絲拂

海船行

海波今不揚卅六沙岸千桅檣不貯珠犀象萬桂靈鷲
斑香但見炭積若平臺木累如崇岡舊著腰帶袖滿箱
嗟哉權奇不及三倍利曷為輕身以試鼉鼉窟宅蛟龍
鄉牙子捷於孫吏人猛於虎白晝五木呼梟盧夜泊第

陸堂書集

卷本

九

船開河澍區區荒浦名埭粵東之佛山閩南之月溪我
來躑躅黃塵迷杞天無時傾楚猿有時亡請為賦大言
彎弓挂扶桑沈莊老農絮語巢東西明嘉靖間徐海通傳入
寇據沈莊為東西巢拾
鐵半斗鎔鉏犂狐頂白顧向天舞海月亭亭正三五

題朱愷仲采蓴圖

卵色平沉四角天柳陰斜艤采蓴船膠牙一箸銷殘醉
香殺鱸魚不直錢

為艾廬題紅葉圖

我愛陳老蓮小筆挾秋氣相葉得霜醉風驚捲不去達
生無窮愁五斗涵至味不見楊柳花點點泥中絮

代父從軍詩為顧公綸作

公綸乃九恒
先生次子

漠北如天遠飛車并日行欲移忠作孝違惜弟先兄覓
火炊沙擲迴風咽雁聲曾經邊塞苦信爾不沽名

追懷分得船字

重三事負一鰲緣赴北新晴上畫船藉草客來衫影碧
滿裙人去浪花圓蝶如無夢空施粉玉自多情肯化煙
合向春風開笑口柳絲長過十年前壬申上巳結同人醵詠
湖濱以梁帖平字為韻

用紅椒簪主韻送嚴孝廉西武之兗州

春風吹別袂氣若秋蕭蕭柳絲不忍折柔櫓波搖搖醪
蒼蒼枕異書星瀚懸孤標天路良可即夢鳴假蕭韶
焉能困蓬戶坐令雙鬢凋梁園映修竹楚澤辜芳椒何
如登春岱雲合兩崇朝聘目指素練聲身凌清霄九點

陸堂書集

卷本

十

煙茫茫夢不醒寒蕉窮富守介節達則充元察聖明念
蒼赤促膝談中宵功成拂衣去叢桂香飄飄破暗得皎
月春熱來涼颺至道一以悟仙蹤何處遙茆葦分上下
斯語期久要同揖西王母青瑣舞綠么三山排七宮變
化金銀瑤回頭晚東海祖龍鞭石橋

穀雨節招同人集南田分賦雨中牡丹得九佳

花事屬吾儕宜晴雨亦佳膩紅冰結淚滑白燕飛釵竹
折都翻佩泥融有篆碑暮雲歸悄悄猶未減春懷

挽情畊村更次又超韻

倚風清淚落潺湲天路高高豹守關直是纖心成痼疾
何曾漱石得餘閒漸窮已悔詩名盛垂老方辭客况艱

碑頌即開千古事不如生與買青山

題吳蓮灣便面

蓮花灣裏斷紅埃敗葉風翻綠一隈欲寫秋塘無限意
雙鷗如雪却飛來

題嬾真兄雲山采藥圖

一邱一壑爲謝幼興咄哉貞白迺好樓居
蟬清則蛻衫壽而贅吞易一丈水火既濟
南垞小隱聊復爾爾一拂先生七松居士

題清溪沈丈豐來齋壁

清溪橋繫木蘭艘玉蕊熒熒話夜缸記取竹風奇絕處
兜牟十萬撼虛塵

陸堂詩集

卷末

土

春日同人泛舟東湖次東表韻

細細吹風敞畫舫淙淙瀉酒入銀鐏杯痕映柳無邊綠
鏡影涵天不改青語外真參惟繡佛意中小築是金庭
寧知苔井淒清處燕子重來未肯停

南田柳枝詞

清絕畊廬掩半扉畫欄曲曲柳依依白綿一樹風吹盡
惟見蜻蜓帖水飛

和煙和雨結同心魚婢偷窺綠影沉道是遠山眉嫵在
秋涼尚有白頭吟

送借公北征

詔許袈裟觀紫宸到時秋月白於銀馬頭更挹西山爽

不礙紅香與結鄰

四月梅風小作寒瀕行且復立河干十年情比桃花水
忍與枯禪一例看

海雲吹雨濕輕裘硯硯溫如玉一方爲是
至尊親錫與蕉團坐處墨花香

蕭寺尋師話夜分夢迴錦段不成紋黯然又作銷魂別
難擬新詩望碧雲

雅集闌得燕子樓

紅粉成灰也未遲舍人刻意一題詩更誰喚醒空梁燕
飛出牆頭罵柳枝

賦得山意衝寒欲放梅

陸堂詩集

卷末

土

寒山獨立詠蒼苔幾許閒心對夕陽但覺摩空真欲活
不緣徹骨斷無香先春的蝶搖銀海如畫蕭疎欠艸堂
爭道杏花顏色好小樓聽雨夢偏長

雪後集弄珠樓分得四豪

春宵作雪寒如此一上珠樓氣復豪塔影浴波知霧散
酒帘墮地覺風高枉將梔子稱禪客特爲梅花愛水曹
僵卧有人呼不起船迴試與訪南阜

懷嬾真兄

送吳蓮灣之湘陰

清絕瀟湘水曾從畫裏看得閒遊最好欲別恨無端林
雪將花墮江風釀雨寒期君探薇麓一雁報平安

竹溪

真如塔火夜繚繞居人尚指裴相島生公講臺石參差
遊人爭詣短簿祠割宅捨僧無不可即今視昔何其愚
昨夢麻姑向我笑海東吹起塵萬窖竹溪三畝徒區區
五髻如來底要居溪聲已斷廣長舌斬竹青青釣健魚
高谷蘭太史徵詩壽祖母俞太夫人一律奉祝
內殿曾頒壽母衣晚懸此日倍生輝容臺禮法歸彤管
鸞掖文章出錦機皎潔一輪天上有起居八座古來稀
板輿御處春無限柳絮池塘燕子飛

賦得細雨濕衣看不見

濕雲欲傍楚天流似霧如煙一霎收肯使薄寒侵半臂
為憐芳草下層樓低空注眼敲油幕永夜熏香潤竹簫

陸堂詩集

卷

三

落盡簷花誰共語雨餘堆疊是春愁

上已後二日集紅豆閣限九佳

小閣情情翠似厓深杯澆澆酒如淮果然三月風光好
想見蘭亭少長皆花信幾番遲木芍顰談一夜續齊諧
誰知燕子梁間語未願雕鏤上玉釵

次星伯韻題薛荔牆

疎蔓纖垣衣恍坐深巖裏騷經且勿陳補注鵲冠子

題蝶戀花扇頭

小草有花若繡野蛾何夢非雲重問六朝金粉裂殘幅
幅秋裙

題施錦泉小影

轉蕙香如君子蟠松爵亦大夫吟盡西山秀句冷然獨
有肩吾

為劉禹勣題畫

怒瀑天然躍似銀爽心不盡翠嶙峋此中若寫陶貞白
又恐將雲別贈人

為徐叔文題照

甸線垂垂綠可憐曉風齊唱柳屯田如何攜得金鴉臂
立向煙江便悄然

鐵舟梅下有感

名園依古寺瀟灑見梅花玉立春寒淺珠圍曉夢餘雨
餘香易斷波定影還斜莫話平泉舊臨風足歎嗟

陸堂詩集

卷

南

晚起聞百舌

虛室俄生白微禽故作聲半春疎曉夢百轉盡閒情商
略憑雙燕丁寧亂乳鶯舌存空自笑無分五侯鯖

上已鶴階招集瞻廬用杜工部上巳徐司錄林園

燕集韻

蝶衣黏粉白鶯背啄花紅樂亦從春得言宜與晉同枕
流無雜夢舉扇即涼風耐可攜新句飄然大蓬

恭擬迎

鑾曲十章

并序

蓋聞合宮乍闢軒簾無疆衛室重游堯天不老貯
金書于宛委如禹神功鑄石鼓于岐陽姬宣鉅典

莫不香流汗簡秘闡黃圖日月助其光華山川與
為輝映欽惟我

皇上稟聖生知法天行健巍巍者廣運之德疊疊者敬
躋之修涿鹿消兵越裳貢鳥齊煙九鼎之外更指
分星周鼎千禩之餘應推過曆茲者軫念河淮爰
勤車駕步金隄而封玉檢

聖人多咨傲之辭觀土銚而問茅檐

天子悉艱難之旨行過邢溝翠帳所在皆春望來茂苑

虹橋其間不夜驚峰艸木挹露生香聖水煙霞留

題入画臣海壖賤士社櫟庸材數兒寬之鋤經羨

子雲之給夢師箴矇誦聿徵王道蕩平蟬嘒蛩吟

陸堂詩集

主

亦助天心陸順云爾

帝德如天不可名青陽吉日省方行三多顯有堯民祝

絕勝萬呼萬歲聲

綵山纔慶上元燈扈蹕千官戒夙興 龍舸浮來春似

海玉河正月已消冰

天孫帳殿倚雲開曉雨廉纖為拭埃一望齊州煙九點

何人不喜上春臺

喧闐魯叟及齊童感激

天家再造功參隴村村流水綠棗林樹樹夕陽紅

浚築工成仰

睿懷濁黃永不灌清淮飛漕轉粟帆無恙浴鷺眠鷗景

自佳

邢溝新柳碧毵毵兩點金焦滴翠嵐窠宇太平真有象
杏花春水到江南

萬壽筵開萬國賓天光雲影一回新玉壺散與金莖露
既醉歡聲動八垠

聞道蛟波靖海門扶桑艷艷踴朝暎仙洲是處生瑤艸

青鳥銜來獻

至尊

西子湖涵

聖澤長高峰南北翠屏張亭臺十里花如繡風暖先吹

御墨香

陸堂詩集

奉

主

丁銀 詔免浙西東花榷燈船望幸同為聽層霄

天語切儉勤從此學唐風

題江亭可銘書屋

書堂清絕掩荆扉乘興還來話夕暉土魯葡萄香瑣瑣

笑陸機避暑漫誇河朔飲拍浮須待蟹螯肥

和韻送劉松齋北行

尊絲摘盡柳湖東泛宅猶餘一釣蓬酒國憑誰參妙理

江神遲爾破長風寒林画手峰攢碧落日吟情雁帶紅

解道香山野火句不愁人喚囁囁翁

鈴鐸催人跨曉鞍敲裘馬首却禁寒踏燈花市遊方壯

索米山茨住亦難鐵硯無功愁鬢改梵書有味覓心安
一九似水如霜月不共京華倚杖看

陸堂詩集第六卷終

陸堂詩集

卷六

七

陸堂詩集第七卷

姪

樹本 豫立全校

洛如詩鈔

丙戌三月至丁亥月
洛如詩九十八首

甲子乙丑間先叔閣學公里居與李辰山孫嘯夫
輩著有當湖唱和集荏苒二十年湖中風雅頓覺
寂寥偕伯機姪爲洛如詩會凡二載彙錄成帙正
之竹垞太史選刊詩鈔六卷風行一時拙集仍存
此名所以誌賓朋觴詠之樂平生不可多得也

賦得風簾入

仿古人試帖體是日伯
姪首集洛如詩會

陸堂詩集

卷七

一

簾旌波影碎燕語前小立銀鈎顫翻飛玉剪圓曉
窺菱鏡碧晴老畫樓煙縷紫甘同夢巢成合比肩薄寒
雲幌外舊恨并梧邊可勝臨風柳溪光照獨眠

即席用范石湖上巳日萬歲池坐上呈程詠之韻
潑火幾番寒食雨江鄉春色已衰遲晴楊有絮黏雙履
夢艸如煙冒一池醉本蝕餘臨絳帖業談刊盡捉虬枝
洛如記取吳中瑞文士由來不廢詩洛如花幹似竹實似
芙蓉有文士則生

大風行用杜樊川大雨行韻

颶輪出穴走萬里月痕吹淡移中央打窗衝瓦曉尤劇
天低四角塵茫茫由來春風若濃醴鶯兒黃染柳線長
杏雲曳空燕將乳桃雨撲地蜂初狂曷爲蕭騷挾秋氣

縱鐙鐵騎鳴刀槍。豈惟林花跡如掃。懸崖松倒百尺強。
將軍跋扈帝亦醉。哆侈任爾箕舌張。漆園傲吏繪風手。
指點三籟何沈洋。勞生無暇鍊金骨。冷然一鶴同飛翔。
且攜十千之美酒。銷盡萬古之歡場。冷心自署天隨子。
餘艷不寫杜秋娘。龍門浪高破未得。蝸牛屋小身能藏。
毋為齷齪拜下風。蓬根飄轉行自傷。

清明曲

匆匆百五過清明。梨雨桃花信幾更。為愛飛花新句子。
官家特勅與韓翃。

誰買金釵十二行。百鬟爭學內家妝。綵繩一霎空中戲。
倒說千秋也不妨。

陸堂詩集

卷二

二

杏花經雨學啼妝。郭外人來掃墓門。孤蝶繞裙飛不定。
青陵知有未歸魂。

後遊須趁采蘭辰。並蒂抽條玉色勻。剪取五絲親結佩。
岸花汀草莫爭春。

東湖春遊詞次松澗韻

朱朱白白花叢叢。春愁深淺莫問儂。湖邊驚鷺清弄影。
翹足有若孤鶴容。

紅牙急拍舞前溪。驚起乳鴉啼復啼。不向柁頭高處望。
那知日在杏花西。

杓頭浜中臘酒開。白沃廟上跳神來。我醉不知逢社日。
一雙沙燕却飛迴。

子規啼破一溪煙。白紵風流亦偶然。月滿十分珠有價。
楊廉夫句試將鐵體按樽前。

觀弈

楚雨陽簾飛。何人技入微。星殘一小劫。雲壓數重圍。石
室年尤促。龍經局漸非。可能拋玉子。跌坐兩忘機。

新柳

誰與東風約。煙條一夕生。端相臨水曲。取次弄春晴。妒
月眉初展。迷天絮未成。博山香在否。怨訴新鶯聲。

初篁苞綠籜

浴佛日禁食葷茹。佛日禁食葷茹。

籜初拔地。瀟灑綠痕敷。鈿尺量梢短。冰丸照骨癯。穿
階苔半損。埽徑屐常紆。密密犀橫甲。掀掀鯨噴鬚。冠成

陸堂詩集

卷三

三

驕芝服。綢脫助豐廚。可待生青篠。東頭倒玉壺。

紅豆閣初夏用太白本無軒裳契素以煙霞親為
韻分得霞字

痛飲徂徠逸可誇。清香還闕小團茶。十年舊雨窗前話。
程笥軒四月濃陰杖底賒。玉版參餘無妙諦。筆牀吟苦亦
館湖中名家。避人合向花源老。多事紅蒸一片霞。

魚戲新荷動

重午劉墨莊

魚島盤千里。蓮塘漲一篙。田田鼓翠蓋。澈澈舞銀刀。錢
小何妨簌絲柔。未可縈月涼聲潑。刺風定影蕭。騷秀色

初懷謝閒情。宛在淞紅衣。秋泣露遲我訪琴高。
論書

作書論工拙不如辨忠邪李斯燔聖籍篆體烏足誇隸
草沿魏晉九例徒紛拏神妙能三品學語兒呶啞顏筋
與柳骨勁若錐畫沙心正筆乃正字字揚天葩誰許蔡
元長名廁宋四家後以君謨易全璧無纖瑕我生腕力
弱落紙塗暝鴉嬾寫不嬾讀細碎捺蟲蝨孫氏破朱子書案詩長卷繆古蒸雲霞金質有
鬚髮俄焉華昨觀畫寒卷孫氏破朱子書案詩長卷墨古蒸雲霞金質有
煅鍊柏性無敲斜寶此大儒筆衆演衰龍紗薰以篤耨
香供以蒙頂茶謂學曹瞞者見猶井底蛙君子視小人
鬼域而豕蛇爾雖擅波磔吾寧挂齒牙論文猶論書八
代勞如麻繁聲過耳烏妍色隨風花文筆聚兩塚敵精
何爲耶及時一杯酒海月涼可賒安能老硯北蕘涎黏

陸堂詩集

卷一

中

枯蠅

賦得故種芭蕉待雨聲

秋聲邀勒小窗前鳳尾脩脩絕可憐種爾却當梅子熟
與誰同話燭花偏輕陰釀盡甘爲露曉色飛來綠到天
雨意不妨兼雪意試參摩詰畫中禪

夜集潘今尼西淒煙舍分賦既雨晴亦佳

雨過綠無際輕舟信所如艸薰西郭路竹潤故人居
曉髮何嫌短占星未覺疎藥苗分數種吾亦戴經鋤

小飲滿碧齋拈得十四鹽

濁酒新筍似蜜甜爲龍未許傲魚潛無人肯鍊珊瑚骨
有女能歌昔昔鹽宿雨翠深三徑竹晚風涼捲半窗簾

蟬琴蛙鼓俱堪聽莫以逢時話郭尖甲戌夏五初君南陽楊君次詩以予赴學使幕遷延不果忽忽十餘年次也庚辰捷南宮同知鄂州河務南陳亦登壬午賢書而予與厚餘名揚諸酒酒閣話者不自禁其言之樂也厚餘得十五殿附錄之於冷清碧作湖歌香奇高勝勝石巖勝友狂研鳥玉珠佳人浮談省羅衫典因香連干霄上情共杯深盡日街巷絕東陽移帶客絲絲外挂歸帆

續團扇辭

辛苦五留連願言藏篋衍莫遣涼風吹縷縷斷如剪
顛悴非昔容團扇感秋蓬那能心化月缺影暫如弓

題孫丹書擁書圖

蕭冷吳江落葉初美人渺渺亦愁余因山幾灑燈前淚
至竟難拋一卷書

漁山謠爲閩中孫蔚若賦

自昔垂綸幾妙子璜書釣得磻溪叟哀哉王孫功狗烹

陸堂詩集

卷一

五

客星之臺東西插漢何崢嶸柴市血化碧朱鳥味不食
鞭竹泣窮山冬青葉葉殘天老發機蛇起陸陰符在篋
燃火讀投竿驚醒冬蟄龍尺木破壁聞腥風拂珊瑚漁郎
一笑逢漱石礪齒子荆語妙將無同

題高澹游墨梅

遺墨山農會稽王冕未許誇枕梅閣畔見來賒冥冥似有開
春手帖上枯條三兩花

日暮碧雲合孟秋中浣松澗姪招集廬西書屋

碧落淡於水雲容夜較清斜曛黏木末斷靄拂簾慈
色烘猶薄絞絞翦乍成白添河射角涼待月當庚鷺宿
天如夢梧彫秋有聲姚姬何峽去青鳥欠分明

吟秋絕句拈得秋漏秋竹

夢與廬山遠疎窗譚苦空蓮花有底相刻意鑄凡銅
材風曉作涼玉骨自清漾坡南營小亭曳屐出煙上

儼唐人詩四首

螢火擬子美

當暑無涼月為螢有末光金沙浮微灝漁火逗微茫
弱不禁紈扇幽能破葯房感秋同楚客庭際怯清霜

何處難忘酒擬樂天

何處難忘酒貴公有舊壚醉寧爭斗石色且辨賢愚明

月影堪對秋風興不孤此時無一醺慵挂竹溪圖

六通
關表

陸堂詩集

卷

六

獨釣擬昌黎

豈有得魚意翛然坐釣舟荻邊秋漲水萍底月沉鉤興
至一杯酒閒飛數點鷗無人知此樂濠上憶莊周

詠曉擬飛卿

如夢復如煙高樓欲曙天香爐撥銀鴨露滋開木蓮斑
驢囑小住團扇供留連雙栖有沙燕怪爾絮簾前

婦誕索詩口占以贈

廿載貧猶客秋風積亦華鬱林清德在朝散告身賒用白
兒女均三索團樂話一家詩書吾計拙努力樹桑麻

詠菱

中秋集張江
亭可銘書屋

水國宜栽菱鷗眠不礙寬接藍天倒浸漾白月平攤古

渡迷煙渚胡繩縛翠竿莖牽絲裊裊葉轉鏡團團了角
翻風軟疎花背日寒李惟熙云菱花背日
故寒菱花向日故暖香炊滿甌秋爽摘
盈簞粉漚雞頭白脂塗荔子丹越來清唱女單舸助情

讀曲歌

儂住鴛湖濱郎歸半遲去斷錦不成絲迴文空有句
笑葉媚初日含情我憐子尖風吹愁眉碧皺如江水
子影照簪井末由生情瀾夢帆泊何處只泊歸仁灘

無題次楊鐵崖韻

二月天街換妓鞦琉璃窗戶薄於紗爐添小炷沉香
紙翦天紅芍藥花格五散盆隨意轉秋千絡索趁身斜

陸堂詩集

卷

七

夜深更酌金瀾酒聽唱尊前穆護砂

秣陵春老物昌昌

王漢詩春
物自昌昌

紫燕將雛上杏梁愛打画橈

王阿敬解歌金縷杜秋娘合尊促坐心長醉峽雨江雲

夢亦涼縱使臺城煙柳在十眉無復內家裝

見否僂羊下碧城珠娘嬌小自含情籠來帳底收香鳥
搗斷樓頭軋竹簾暗麝滿林花作屋乳泉一掬玉為鑿

天慶觀有乳泉
東坡曾作賦絳紗衫子膚如雪病齒何妨啖側生

柳風續續半塘涼樓外山光接水光窺鏡有心簪素索
拓窗無力打黃鸝密香信去終慙面小玉呼來早卸妝

辜負石場今夜月免蟾雙影在中天

分詠中秋故實聞得君山吹笛

一丸月落洞庭波。山鬼招邀話女蘿。不遇老龍吹鐵笛。曲中楊柳奈愁何。

新秋即事和綠崖沈甥

秋聲多在落梧中。嫋嫋不勝昨夜風。何處醉來賒月白。幾人夢裏破春紅。簷低蛛網絲長斷。沼淺蓮房子半空。疊却不知燈又盡。世間真有鳳皇籠。鳳皇籠今雖金題其不察
銀河隱隱白當扉。秋水深深碧浸磯。可歎國香還自媚。空傳龍種不須肥。濕螢似欲爭篝火。倦蝶何心鬧舞衣。聞道翹材新築館。三秋兀坐掩書幃。

中秋後二日飲倪帶黃混碧州堂得陽韻并東令弟紫安

陸堂詩集

品題如在會宗堂。古墨風吹暗有香。滿酒竹爲君子隊。玲瓏石是丈人行。弟昆不隔東西屋。主客何爭下上牀。欲與姮娥報消息。踏輪來闔夜珠光。

葯亭弟招集東園賦得秋露如珠

金風吹未老。珠露曉初零。澤媚黏叢薄。簾光潤曲櫺。無聲圍桂粟。有術釀仙醅。花露仙醅泉客堆盤滌。騷人盥手馨。眼波迴自碧。汗點更逾青。校柳麻姑米。占聯太史星。飲蟬清曳響。警鶴溼梳翎。吹唾從天落。研朱校一經。

筠軒屬題洗研圖

掃地焚香未是清。溪邊一縷墨痕生。硯田自分無凶歲。合與松圓訂耦耕。

題畫四首 有序

梅道人之超軼黃鶴山樵之秀潤與倪黃正相伯仲。董華亭畫旨以一峰爲富春人殆失考也。近來畫手輕詆浙派。余謂詩文之與藝術其盛衰升降皆有運會。存焉曹不興圖卷曷嘗不先顧陸耶。因題元四家畫漫及此。爲維桑吐氣耳。

黃一峰騎馬看山圖

坐愛江南平遠。扁舟一葉夷猶。之子津梁未倦。迴觀側帽吟秋。

雲林小像

寫山靜不逢人。寫蘭香不著土。迂倪善學所南。鄭思小

陸堂詩集

隱宛如太古

梅道人廣輿可筆

問訊梅花故里。銷磨幾許。輟材傍石。龍孫欲舞。撩煙小鳳何來。

王叔明焚笛圖

吹裂一聲橫竹。誰耐論絲較肉。龍性熱不成灰。滿身風雨雲雷。

次醜舫韻送高文念祖重游白下

江波淼淼月溶溶。客向臺城訪故蹤。莫爲無情怨楊柳。秦官曾有大夫松。

滑透尊羹酪。不如烹鮮爭。訂餚殘魚。金陵久已消王氣。

試續周郎細瑣書

宣武門邊一笑逢，可堪如電抹春紅。十年低首竹林老，不獨清談有晉風。

湘蘭遺墨竟無傳，舊院馬湖繡佛新詩絕可憐。未無暇有言得西湖比西子，莫教閒却總宜船。

和劉負生便面詩

滿城風雨近重陽，此景惟憑關一觴。製就竹冠初獵獵，話殘銀燭又浪浪。月來苦憶張三影，花老休尋黃四娘。剩有數株籬下菊，不知瀟灑爲誰香。

筠軒以古硯餉余，茲聞遄歸，用東坡龍尾硯歌韻

申謝兼以誌別

陸堂詩集

卷七

十

賈胡藏珠身不惜，足指三別顯和璧。世間玩好伏禍機，未若寶茲一片石。良農豐歉由天時，禮耕學耨僕弗辭。鵬鳥飛止以臆對，艸元寂寞無真知。晨汲清泉洗墨垢，玉潤砂斑得未有。于闐青鐵拜下風，端溪嫩紫瞠手後。君書超妙鵠入雲，新詩灑灑無纖塵。合之則美離兩傷，曷爲持贈拙腕人。郭園舊雨交先擇，短札長牋見心畫。此後尋君夢不迷，秋月寒花路差別。

刈稻行用子美負薪行韻

筆鋤墨稼鬚欲華，蓬年遠不如田家日費杖頭買新穀。蒙袂差免來食嗟，閒向秋原搔首立。滄雲纖浪微風入，豚蹄操祝願不奢。十斛多收即充給，小鎌插腰笠挂頸。

稻堆高與茅簷並，粒粒如珠汗滴成。花苑夜莫惱鄉井，楓丹柏白霜留痕。殘冬飽飯味義根，生綃剪取繪祖德。毋忘耕讀城南村。

仲冬朔三日集陸堂詠寒松

層陰將作雪，落落撫長松。宿釀攜三逕，危巢挂一峰。支離留我相爛漫，失春容。石瘦釵痕折，蟾孤蓋影重。青門香擣麝黃，海翠黏筇。濤響翻銀漢，風高戰玉龍。竹君心未實，梓子禮宜恭。用商鶴語寒尤甚，秦官且莫封。

題王鶴華臨流圖

松聲水聲聽之神，清挂瓢洗耳。毋乃近名尋詩一囊著，屐幾兩邂逅逢。君作濠濮想。

陸堂詩集

卷七

十一

於忽操擬鹿門龐公

於忽乎不可以爲其又奚爲，羊腸九折坂車輪爲之摧。負伯桃之死友，非有娥之良媒。彎弧力不能以洞七札，去而服賈錢刀。齷齪熏心脾，讀書四十四萬言。金門臣朔猶苦飢，魚脫水而制螳螂。鷹銜羽而嚇鷄已矣乎，南山之南北山之北，爽心清泉礪齒白石黃農去人不遠。今吾將以蘿薜而傲睨乎竹帛。

宮詞四首

昭陽

一燕能傾國，盈盈禍水來。但懸如月帳，不上避風臺。金餅頻窺浴，香膚竟絕胎。豈緣雖雉集，宮寢欲生萊。漢成帝

年春三月飛進集未央宮
承明殿之奇空宮之兆

連昌

樂事翻成恨何如戒色荒宮花銜鹿背明皇時野鹿於宮中銜去牡丹後有祿山之禍
蕃馬突漁陽萬里行匆促雙星誓渺茫舊人俱白髮忍
唱荔支香

延福

高高復下下馬肯念民依寶燭當筵見囊雲上棟飛羽
流尊教主鶴相拜安妃苒母年年綠寒泉骨未歸徽宗詩苒母初生初生均州焚屍投石坑

萬壽

躍龍燕故邱端冕作恭先銀管標三極奉天殿更名曰皇極華蓋殿曰中極謹事殿曰建極

陸堂詩集 卷七

青詞祝萬年戈矛消枕簟宮碑張金蓮事土木啓神仙不分鈴山

老腰與寵獨專

冬杪集肅成書院詠舞蛟石

碧血當年化未曾徐世淳知隨州全家死敵賊庭隅孤石見丰稜縱無米
癖宜呼丈為有蘭言喜得朋神物雨來冬不熱異書光
滿夜將騰鬱林莫話衰宗事草翳苔封一寸冰廉石在蘇州

寶峰探梅

鄧尉山頭林逋宅熟透梅魂兩可惜繁絲急管開瓊筵
流水鉤車墮香鳥紅比桃鬢倡家花白似柳絮泥中迹
橋東地僻百樹栽一片霜華凝讀月魄橫斜尚訝波留
痕蕭淡不受煙籠碧佳人羅袖生暮寒笑倚竹君情脈

脈海棠定惠憶坡老芝艸玉京懷謝客前賢幽賞屬吾
儕茗椀吟筒春拍拍吳娃愛唱曉風詞疎影何如姜白石

鸚鵡湖踏春

迷離一望可憐春有客攜筇欲問津蘭渚煙深花脈脈
柳塘風細水粼粼鷗飛自逐尋詩艇鸚語遙呼作賦人
記取夕陽無限好醉來微岸紫綸巾

春草

丁亥孟春下浣集華詩堂鏡閣

細草含春意纖茸覆一庭窗虛寒尚峭砌曲雨微零貼
水裙腰綠黏天佛髻青艷情消別賦香氣入駑經羅屨
花房暗飄飄蝶夢醒龍池新哀露葉葉吐堯莫

陸堂詩集 卷七

花朝文讌集淮左萬清樓

洵有司花者凌空與色香罰依金谷醉遊擬竹林狂且
勿羅珍錯誰能負景光風番梨落盡春信燕銜將碧透
分佳種紅纏助巧妝俗於是日剪綰繫樹約眉偏惹恨竟體自含芳
艷想貽江錦清閒賭謝囊披襟雲淡蕩擬塵玉飄颻乳
點雙鵝白鵝浮一瓊黃利交何雜還宦境太奔忙擊劍
雄心改研經舊學荒願言師老圃百卉任平章

題明詩綜後

蒙叟詳于詩姓氏有闕略茲書妙甄綜寶之連璧若

竹秋集裁松坳用東坡尖叉二韻

坐愛溪南老屋添松聲竹色此相兼風輕待鳳銜珠寶

雷動催龍長碧髯破黑靜窺燈有燄画空笑指筆無尖
囊中何物堪持贈除是清河剔蠟纖

疎籬點綴幾叢花白馬青鸞未足誇老去香宜熏戒定
白詩我定其
如和作者小來語亦帶煙霞清嚴尚許攜三雅拙速無勞

喚八又最好夕陽看不厭曳筇閒數欲棲鴉

午月之朔漢亭遺孤三朝作詩焚向靈几
漢亭沈生從
學八年春

疾卒遺腹得
男悲中之事

叢蘭無限恨解釋為生孫即此窺圖蓋何曾珍善門好
離宜抱孔英物敢名溫蒲酒新浮綠翻招宋玉魂

飲白龍湫水懷李孝廉潛夫

龍躍不知處空山靈氣多鑪烹太古雪松和夕陽歌無

陸堂詩集 卷十

復逃堯者歸雲冷一窩

三筆六詩書屋聯句二首

角黍

老饕妙體物冥搜到角黍沉魄弔左徒
星坡新聞記南楚

日巧值端陽
尼今律仍調仲呂采采澗中菰
星坡

精雪膚蒙綠綈
星坡青腰束白紵蘆灰瀝溫水
生負松脂燃

猛炬棗紅占一尖
星坡機豆赤嵌空所中髮晒齊童
表東弓足

憐趙女宛肖菱磨稜
星坡松委類龜伏礎蕉待玉指剥
星坡

傲金鍋煮百索名自佳
星坡尼今九淵投亦許水仙招欲來
星坡

蛟精飢莫茹食品勝畢羅
星坡人情佐粒粒糖霜飽兒曹

負筠籃餉傳侶混沌肯受鑿
星坡奇哀慎所與好事滿村

郭表行樂祕禁繁綵帖祝多男
星坡松弱弓關偏旅避兵黏
靈符
星坡下酒羅雕俎侵曉萃石交
尼今盤空作硬語勿緣

石首魚

介子推攬入寒食筮
星坡

大海環東南沙岸三十六黃盤勢孤撐
星坡花腦影削

驚雷欲竄起
尼今汎風颼颼逐幻市騁巨觀
星坡

族貓頭竹攢簾
星坡蛛絲網繫舳橫截連山波
生疾走懸

流瀑弱取強則遺
星坡先鳴後乃哭席帆兩道張
表東銅鉦

一晌鬻粹白水凝肌
星坡病黃荷卸服鋸牙骨若鯢
星坡

首石次球聶切鮮宜羹
星坡盆承腴在腹廚娘手所霜
星坡

座客唇沾馥蒜拳辣欲搗
星坡醞甕酸可漉馬啤願拜塵

陸堂詩集 卷七

生烏鰂甘命僕尾憐汝旁賴
星坡項笑漢陰縮秋化烏能

飛表春來梅正熟病不禁僧察
星坡乾猶勝溪窳禍福生

有胎
星坡尼利害轉如較些些競蠅頭
生眈眈逐虎目作詩

朝魚蠻未雨籌良牧
星坡

喜原集入洋者五倣顏光祿五君詠并用其韻

王繪先
星坡名素

君學能尋源規條守鹿洞良馬影惕鞭蒼松骨支凍枯

苑肯問天好惡寧徇衆文存正始音泐泐美可諷

我友著聊蒼輿衍無解人令子稟庭訓下筆亦有神逸

興飲一石餘技射六鈞冠山有巨壺盍投獨爾綸

楊西汀 名鎮

楊子氣若虹文陣當八面蹴踏東華塵舉滿金閨彥郢
斷成棟隆樂顧騁追電花下一杯酒預擬櫻桃宴

沈若韓 名人

清沈流澤長子為後出秀尺璧精磨礪五絲巧刺繡應
弦雙命中 歲入嘉善序本籍亦指覆 奪幟三設覆耨學慎毋荒灌根實

自茂

子勉弟 名必達

吾宗多仁賢香名垂竹素竭來困衡茅一編檢書蠹池
草發清吟阿連擅才悟不見豹變者南山先澤露

題裁松坳便面

陸堂詩集 卷七

醫俗可稱島佛助勞幸有陶奴瞥見寒松小影打門來

索詩通

遊靈巖遇雨

一峰初獻秀猛雨駭無端徑有奔洪險行如退鷁難鐘
疎猶晉寺松小詎秦官莫負催詩意扶筇上濕巖

月夜過具區望洞庭東西山

並蒂芙蓉三十六攢青浸碧渺無涯漁燈滅沒猶張網
雁影羈孤但啄沙此夜免華寒似水何人煙艇願浮家

晚坐軸寤軒悼軼南弟

虛室重來陡覺寒霜凋風萎菊花園有文故故中壽
不藥明明勝上丹赤子麻衣啼五月素幃漆火燠孤棺

封胡羯末今垂盡 伯氏茂先三兄六弟宗四兄膚 江左何人憶謝安

雅坪二叔父沒于己卯四月

六六丹青侍玉皇平生恩怨可能忘犯寒葛帔依公叔
衝雨乾餼問子桑蘭珮久知憎國犬蒲弓預擬殪天狼
高僧有句傷心劇與種秋墳桂子香 僧棲白詩直教桂子落墳土生出一枝冤始銷

鷹窠山觀日月合璧

兩儀含暉影萬古開羣矇陰精避陽德肅肅無定容上
冬會龍蛇合璧光瞳眈鷹窠本靈窟九折摩蒼穹煙橫
長牆 名山 西雷動扶桑東維時漏四下衝黑指吟筇天雞

乍曉曉磻磻騰金龍義和擎日出熾阿挾月從丹輪裏
雪魄表裏俱圓融化身千萬億蕩漾琉璃中蜃氣散為

陸堂詩集 卷七

十七

霞海水倒連空造物騁奇詭筆舌焉能窮昔余慕松喬
凝神證六通的嶠山頭白瑣瑤潭底紅 丹經以二者為藥生之候 琳札名
可書無乃非中庸棄去守聖籍抗想追儒宗秋陽破陰
翳霽月祛塵蒙澡浴依末光寅清亮天工陋彼逃堯者
州服驕華蟲燭火徒區區寧與離照同

德藏寺古蹟分得華光井

大殿東廡有華光祠今廢相傳井在祠前汲水飲者病輒愈

古井淵涵徹底清漫勞依附五通名滌煩自覺神明爽
愈疾紛傳體骨輕曉汲伊蒲香作供餘波藜藿淡為羹
轆轤有轉何曾竭幄幕雖張且莫爭種得桃花娛永晝
飄來桐葉撼秋聲渾疑坐處天光小未信聞時火燄生
雲母阿誰餐上藥 少室山有雲母井 臙脂枉是葶傾城 臙脂井在壘城 何如

與客嘗新茗消付山家折脚鐺

又賦古銅鐺

異銅所鑄近云俟我行六十里乃知甫至新坊聞鐺聲歎曰止此矣後改鑄本寺鑄鑒於清海塘一夕飛墮

借為鐺石之需塘遂成

小來佛土興蒼涼閒話銅鐺事渺茫篆刻入神逢巧匠
曾吟傳響過新坊規摹無射形殊古採鑄耶溪質倍良
平六紀三符律度騰龍攫虎煥文章撼殘雲影驚聾俗
敲落天花禮法王不分旋蟲懸朽索可堪蝕土卧斜陽
安輪乍飾撐空塔鎔錠還堅捍海塘輸與豐山鳴九耳
年年霜裏韻清鏘

扈

駕賢勞詩為董明府裁來賦用梅里繆賡先韻

陸堂詩集

卷七

六

省耕一路沐

皇仁水北花南盎盎春傳語兒童騎竹馬相隨白叟作
堯民

結幔懸燈沸若雷白蓮堤畔綺筵開野人底事誇芹獻

為有安于保障來

脂鹿煎酥賜獨殊廉能早已冠三吳雉馴競說中牟異

曾見當湖治譜無

小亭特地開三楹坐愛茶甌蟹眼生一穗爐煙供

御墨

賜唐人集

茶香不枉錫嘉名

季冬上浣集解西賦十二水詩圖得冰牀

凍合渾河北蘆牀穩似軀縵牽誇續健輪轉駭雷奔不

浪全鋪月連空一抹坤郵程參水陸詩夢亂朝昏寒互

龍騰盤飢驅鳳亦蹕西風吹客淚染盡葛衫痕

入臘日分儼唐人試帖圖得臘後望春宮儼林寬

青陽初破臘東望可憐春近額梅曾落舒眉柳未勻雲

紅低北極宮紫簇鈞陳拂曉蓮沉箭餘寒玉覆塵驪山

空插漢灞水自縈秦稱意輸荅州天家雨露新

逼除病眼詩以自嘲

久知樂道可忘貧歲晚淒然一病身不為窮途頻下淚

敢將白眼故驕人月輪蝕盡空馳隙海角枯來頓起塵

兀坐支頤成我懶書燈無分夜相親

陸堂詩集

卷七

九

陸堂詩集第七卷終

陸堂詩集第八卷

平湖 陸奎勲 坡星著

仁和 鮑玉瑞 心竹

嘉善 倪源 帶黃全校

五石瓠吟 戊子正月至辛卯二月存詩一百六首

志學有年心頗自負謂能貧而樂也戊子奇旱已丑復大水米價騰貴舉家日惟嗽粥雖無交謫之聲樂意亦頓減矣五石之瓠大而無當曾不及鷓鴣一枝之栖雛鼠滿腹之飲也噫

陸堂漫興

我亦飢驅者沉冥老醉鄉樓高通鳥語井小匿星光品

陸堂詩集 卷八

鷓鴣從無定行蹤大可商相逢宋迂客泣盡卞陵陽

枕梅閣 在法螺額係竹垞翁分書

老幹千年鐵凌寒花特妍詩尋香國裏人坐白雲邊洞達窗延月璫瓏石悟禪羅浮峰四百昔夢又相牽

蓮花峰 在華山之巔

松聲兼竹色助此一峰青絕頂窺蓮萼懸崖摩巨靈石躡麕角蘇斷鶴梳翎極目增吟思煙波繞洞庭

聽雪亭 近支硎山趙凡夫別業

谷簾妙三折 谷簾泉度山第一 漏洩誇百盈 貴州漏洩一日百盈百竭應漏刻 何如千尺

雪噴玉響琮琤水激石無怒耳喧心自清寒山呼不起

春半又啼鴛

欲游靈巖半道而返

美人已黃土談者色猶飛松韻留琴趣蓮香認舞衣寫山緣未了迴棹興全非白州巖間路孤僧背日歸

寄酬遂安陳明府集斯

披拂春風早下車龍川經濟及時舒石英官長清如許竹馬兒童樂有餘綠綺一彈宵對月青簾半捲畫攤書勞君折簡頻相問老柳陰濃愛我廬

取酒華陽去復還依然擷影閉柴關竹邊自媿青雲器李下爭誇玉笋班 集斯名學孔間學公庚午門生 交擬握蘭曾結珮境宜

挂笏且看山舊游絕憶隣霄腋 烏石山巔有隣霄 無限陰情落照間

陸堂詩集 卷八

來鶴篇為嚴近五賦 近五名雲庚午舉人今長洲之明年壽筵再啓有鶴飛集時人以爲瑞云

鶴兮何來崆峒之山廣成洞大還丹轉乘風控青田歲歲伏兩雛雛成疎翻翔清都支硎亦有招鶴所馴鷺鷥鴻不作伍七十二峰碧摩天玉沙瑤草恣容與金閭茂

宰開瓊筵懸弧設悅佳辰連無煩丹砂覓勾漏葛洪鮑姑稱雙僊捧輿復爾娛壽母公餘詮補南陔篇方朔桃

韓終李琅笙鏗鏘廣樂起白鶴翩然下階兒角眼金熊熊霜翎玉玼玼一聲嘹唳頰頂光屢舞低昂兵爪峙吾

聞羽族得氣先集鳥擁鵲秩迺遷矧茲胎禽善變化稟金依火形神全魚生釜中未足歌禾產便坐孰云異清風留伴趙公琴紫庭會見徵書至

季春下浣同呂孚嘉藍衍昆季飲菩提院

尋詩坐愛古漁莊清淨居然選佛場
鋤菜亂鋪金世界跳魚倒射白毫光
疎簾曲檻圓茶夢細雨輕煙殢酒狂
啼鴂有聲春未老風情留與閨黃楊

過拂水山莊有感題壁

山莊閒徙倚一半綠苔侵化鶴空前夢
聽鷓鴣趁好音石鼓迴細水閣爽對孤岑
秋水閣前枕尚潮後對拂水巖
因問柳姬塚生人無住心莊後有柳如是墳

題程筠軒虎阜新居

偶來栖隱處清話兩網繆花午紅香
龍山春翠靄流席經兒自教斗酒婦能謀
藉甚方千里於今屬武王

陸堂詩集

卷八

三

虎阜夜游東山中諸友

斟酌橋邊月清光屬我憐筍蒲兼野味
絲竹斷淫哇埕迴空鳴鐃門荒半縛柴
拍肩人盡醉端不羨洪厓

自題洪厓後身圖

講堂卅沒跡行路車生耳且醉且學僊
子懷非得已

贈寫真周禹甸

周郎風味飲醇醪邂逅相逢玳管操
已悟傳神坡老訣不須頰上再添毫

散衣危帽詎同儔盡日歡場醉亦佳
誰具珊珊璫子骨呼童灑埽待洪厓

贈華亭何嗣宗

素居厭塵網雅好在典墳大易及靈素
幸免祖龍焚畫

前有微義童習白首紛元運氣變化
聞自和緩倫俗工皮高閣腹虛口斷斷
局方試涼熱炮製嘗甘辛譬猶航絕港
奚能通天津又類畊萊田輒以滅裂耘
無怪朝東坡學醫者費人我友水曹裔
洛誦書等身降心作儒醫功與賢相均
治病勘貳獄用藥行三軍辨色察其隱
片言究所因奇兵拔趙幟智過韓王孫
城下忽封刃惠愛如曹彬此中涵妙理
一蹴臻聖神何假上池水分飲長桑君
姓氏勒瓊簡雙瞳貫綠筋僕亦師華陽
求錫十資文若輩腐鼠嚇凡濁烏足云

哭妹婿張江亭

江亭從余學戊子八月以歲喪卒

陸堂詩集

卷八

四

書巢籤軸總灰塵太息聰明解誤人
曾爲六如拈斷句桃花一塢了無春
風流不減微雲壅嗚咽空吟寡妹詩
好把雙珠擎掌上免將金斗熨愁眉

胡孝媛輓詩和裁松道者

少女以情死里鄰猶吁嘻孝德守大常
昭哉彤管垂婦烈與臣忠骨性不可移
衣澣侍中血波浮三閭屍運退力難挽
一死甘如飴謂之幹濟者吹毛索癰疽
連歲苦旱潦載道胥流離蠲征荷聖澤
截漕飽災黎平糶暨興役所司行便宜
可憐窮巷女組織不療飢姑嫜失奉養
捐軀復何辭誰操柳州筆爲勒饒娥碑

九月十七日東湖夜遊飲弄珠東軒用右丞酌酒

會臨泉水句分韻

太白酒浦歌元暉池上酌古賢骨雖朽韻事猶照灼不
飲復不吟神彩坐銷鑠黏壁憐蝸枯吐絲笑蠶縛同懷
二三子連袂出東郭九龍爭一珠靈秀宛如昨曷為珍
市珉而令折蓮鐔沿洄舴艋舟拍浮鸕鷀杓東軒看月
生清光不受鑿入水流碎金碧紋漾瑟瑟幕夜永倍澄鮮
胸襟得灑落朔雁空叫羣秋風任飄穉濁醪具妙理醜
者亦狂藥願從公遊高詠上雲樂

題吳威中歲朝圖

洵有春工在筆端幽香細粉和丹不須巧翦金花勝

陸堂詩集

卷八

五

勾引詩人賦曉寒

阻風清溪作

青蘋吹不息天半怒號多竹舞輕翔燕松鳴隱吼鼉數
峰寒色在獨客暮愁何風伯無勞訟銜杯蘊太和

題竹林讀書圖為高丈念祖壽

竹林先生雅好遊東盡滄海西渠搜砂牀金紫覓勾漏
梅花玉雪探羅浮馬遷遠涉史筆雄燕公詩得江山助
蜂鑽故紙笑拘儒閉戶斷斷守章句豐頤廣顙壽者相
祇今八表神彌旺燈昏能作蠅頭書道遠不扶麟角杖
風香閣上五留連松兮柏兮使人憐孤忠殉國得死所
蒐遺訂異堪磨鐫補撰崇禎忠節錄其弘血化千秋碧朱鳥一歌

山竹裂行路悠悠常苦辛眼前誰是真相識故山好在

讀書堂月波搖漾千簣簪北牖枕風發長嘯此樂應不
殊羲皇伏生授書棘固詩漢廷急詔蒲輪馳天心有意
留碩果且莫邱中唱採芝

自上元連雨二旬頗為農人憂潦

祇喜乘時降寧期極備凶龍雷參夏令正月十五日傳聞龍戲海濱九里亭雷雨驟

人花柳秘春容天漏無乾土年飢半情農樂郊何處所
詩酒興俱慵

剥啄

剥啄聲何怨誅求俗已貧驚心寧乳虎結想宋陽春國
法須懲吏軍儲豈病民去年頒詔紙如海誦

陸堂詩集

卷八

六

皇仁

為魏髯韓題栖鶴圖

龍眠蚩蚩虎卧恐恐元鶴千齡其息以踵
悲來截脰人不可近寵至乘軒天何以全
鶴鶴鸚鵡禍由文賈寶此退棲山寒無語

花朝鮑民有心竹昆玉招集湖舫

花天折簡愛初晴盡日牽舟鏡裏行試問白雲際寺
何如紅濕錦官城笑風桃頰矜殊色坐樹鶯簧弄好聲
戲與酒人論劍術相逢博道了無爭
西浦東橋信所如譚諧何地不軒渠柳絲織水當春半
山簾黏天看雨餘低首青蓮詩俊逸齊名黃鶴畫蕭疎

時華全圖在座
拍浮有客皆同調但欠硬腰薛校書

上已葉笠亭招飲湖上疊前韻

鳴鳩喚雨又呼晴一葉沙棠載酒行紙局賭如塵絕塞
玉山頽似壞長城雲隨飛鳥輕無迹風拂垂楊細有聲
此日臨流天氣好不勞虞哲苦相爭

奉矢投壺謝弗如鵝黃百酸泛車渠楚蘭不採幽如故
齊瑟雖工怨有餘鷗夢獨迷沙渺渺燕飛常帶雨疎疎
同君一唱嬉春曲勝讀蒙莊物化書

繆默菴善墨牡丹戲題二絕

一番幽恨破春窗坐對名花倒玉缸
蕊勝曉來題淡墨不教姚魏擅無雙

陸堂詩集

七

王冕梅花昶竹枝三分鼎立范郎痴
出藍近賞雲間派素面來朝號國姨

米珠薪桂歌以自寬

半生不醜窮妄誇有定力豈知歲屢豐
仰荷皇乾澤旱潦迭告災三農厭糠覈
墓田十畝餘荒艸竊為宅無望饘粥資
徒受追呼迫家寥餅盞空飢鼠晝不匿
濕煙斷朝炊淒涼稚子色豈無青雲交
懶慢甘棄擲伯鸞避熱釜史雲遺雜
我古來清節人義不為苟得我貧天所命
處之若在客曳屣行歌商淵淵出金石

生瘞詩為我松道者作

恒河流滔滔終古無遷變云何曆甲週
覽鏡皺顏面老

死弗用悲勞生烏足戀怒如烈烈火笑亦閃閃電阿兄

乘達識柔儒就佛選妙語轉楞嚴觸處徵心偏嗤彼楊

王孫裸葬適自賤衣冠即委形故邱隨所占栗里繼清

話中條謝荒宴奪境不奪人空明月一片

金棺現雙足貝經酬四恩謂佛無情者見與井甃隣團

藥話龐蘊眠食任天真蓮舌自有香梅帳寧無春枯禪

心死灰覺岸終迷津多生忝眷屬邀視非越秦陂陀丈

五地能了未了因魂氣返空所不如依慈親秦火照同

穴藜羹薦後昆一舉備三善請為勒貞珉

曝書亭牡丹同竹垞先生賦

洛花開百五樽酒醉孤亭寫艷麗溫李操嬌對尹邢穠

陸堂詩集

八

香蒸石榻殘夢輕銀餅風雨催春盡無勞野騎停

綠林棗

事在立
月初三

大風颭颭吼不止夜涉太湖泊蠡市湖中甫脫惡波濤
市上陡遇綠林棗白布蒙頭衣短後刀槩縱橫挺在手
吾無蔡裔若雷聲膽碎二偷殞厥生又無隱德比陳賈
梁上君子遺之帛葛衫絮被本酸寒暴客何意來相干
殘書數卷幸拋置得比王氏青氍毹聞昔李崇刺兗州
盜至扼險鼓鳴樓龔遂單車詣渤海令民賣劍買耕牛
洗心革面各有道或清其源塞其流吳閭舊本輕華俗
水旱瀕年穀不熟白晝公然禦國門誰教舴艋孤村宿
飢寒所迫民無良我行躑躅如羝羊作詩為告封疆吏

弭盜先宜策救荒

用白香山贈友韻祝廖明府浴凡

廖名真年亦庚午門下士

漢代重親民分布賢守令惠愛物皆春精明人在鏡盤錯迺見才脂膏不染性砥俗首禁奢弭災務急病吳邑號極衝宛大莫與競催科賦役繁絡繹冠蓋盛非具兼人姿奚能妙為政官途判巧拙諦視孰非命百里古諸侯操此教養柄掣肘今無虞提躬帥以正

昨歲瞻眉紫繫纜胥江濱閭閻雖輕華長吏良苦辛停雲重相憶轉瞬踰三春豬肝累安邑媿非堅白身佳山足登歷小硯聊耕耘人生敦氣誼詎必多金銀同察有嚴助水操勵釜塵竭來挂吏議失路愴故人典衣飯不

陸堂詩集

卷八

九

足君尤甘茹貧花封暫絆驥廊廟終儲珍昌言補宸職巨手調洪鈞誦禱不及私壽國兼壽民

題陳無逸百合如意圖

小物博親歡瀟灑墨猶濕商風攪秋林疇無阜魚泣

白堤雅集得陽韻

同席者姜學在王疎園程雨亭程筠軒王宇田王笠山吳在天吳重村

艇子尋詩過柳塘田田荷葉也生香比來愛做元和格耐可探驪擅一場

深杯百罰已頽唐獵獵溪風晚作涼一事酒邊眉欲舞如針千頃綠新秧

漁洋晚眺

絕頂漁洋恣意行蒼波淼淼暮雲生一龕佛火星光動

萬斛眾船柳葉輕巨鯉奪門迴水勢羣鴉徙木亂風聲達心愛聽滄浪曲未肯逢人話獨清

月出行

月輔日行周天爬沙妖蟊蝕不盡輪廓皎皎如初圓瓊樓八萬二千戶素娥小隊霓裳舞爰爰霜兔窟中藏紅桂何辜日尋斧參商老死成乖分獨雁嘹唳呼其羣太清纖毫不受浣秋風兮秋風為我埽空薄霧吹浮雲

秋夜即事和倪帶黃

未買天隨一釣舟祇如平子善言愁支頤山色懸虛幌瞥眼秋光卧小樓浮蟻雅輸羅氏芥画眉清過薛家喉寧知水殿消魂處落盡梧桐是古丘

陸堂詩集

卷八

十

題周月來山松小幀

抱朴能餐白石華陽愛聽松風底事翹車客子醉心十丈軟紅

吳中感舊詩四首

金亦陶侃

獨行儒林代有名相逢心跡喜雙清白團書破流傳句蘭不當門最老成

文與也點

待詔風流見耳孫畫中三品善評論昨秋竺塢指筇過黃葉蕭蕭掩葦門

勞在茲激

竹外梅花白幾枝，寒香消領把杯時。曾寫梅竹
居園見贈屠龍縛虎
皆兒戲，自愛人呼老面師。

姜學在實節

風月情懷老倍增，西歸含笑達于僧。詩軒云學在
臨終甚瀟灑霜林葉葉
滋紅淚，諫草樓頭更不登。

雪花菜和番今尼

甕餘菽滓飽僮荒，辟穀無須守故方。搜剔晦翁牙後慧，
詩前野
蔬十二詩含咀謝女句中香。已據義飯名從古，但雜飴鹽
味改常。寄語諸公調鼎暇，山蔬淡泊可能嘗。

閒中

閒中兀坐念穹蒼，漏滴銅蓮故故長。一寸蠟消殘夜雨，

陸堂詩集

卷八

十一

幾叢花耐滿空霜，微吟易犯司倉瘦。薄醉能添小院狂，
昨歲苦飢今苦瘦。天關無路奏災祥。

臘月連雪近歲所無詩以志喜

翹首低碧空，飄揚玉一尺。宜麥有瑞徵，我寒不暇惜。

和藍衍研莊詩

此中幽絕水西灣，世事如風了不開。鼠跡生銷塵半榻，
松身直上翠三間。雲斤有匠能呈巧，石戶何農得放閒。

簾外一鳩頻喚雨，淺天乞與夕陽山。

疏盂無須別注莊，已從舌底破天荒。風迴堦草縈書帶，

日射山花斂麝囊。熱客為誰來袞袞，華年如此去堂堂。

那能不作銅陽醉，辛苦依然鐵硯桑。

留別王穆村用見懷韻

看雲最好是層樓，舊雨相逢盡日留。紙帳蝶飛空有夢，
峯山桂老不成秋。謾嘆小陸無端笑，欲訊安期幾許愁。
明月坡前借隱去，橘奴商略種千頭。

題吳光老梅亭說劍圖

爾許風流勝小僊，生綃栩栩虎頭傳。胸中自有春如海，
兩樹梅花作意妍。
蓬蓬夢破漆園僊，草聖還從劍舞傳。潑地如銀天上月，
殘燈枉自弄娟妍。

藥亭拉飲牡丹下宿滿碧齋作

花時晴最好，一笑引袍襦。綵翦春無匹，妝慵露是恩。名

陸堂詩集

卷八

十二

從琳札豔位在紫薇尊，詩格如郊島，何心伴夕昏。

傳貽書院

在石門縣治東北
宋守文及南作記

天意阮斯文，講學申屬令。南渡小朝廷，孔壬竊魁柄。考
亭職已褫，編管及元定。鼓篋舊生徒，易服改轡行。猗歟
子輔子，風力獨邁勁。千里數緘書，所勗在希聖。鳳簪不
匿采，柏摧無改性。辭祿歸語溪，六籍手是正。烏樛高巍
我，傳貽雅自命。確守白鹿規，驚湖敢爭勝。名與直卿亞
心得了，翁證當時媚。竈者骨朽魂猶張，林栗亦詬儒。胡
紘焉用佞，正道彌光昌。旭日散霧暝，鼎鼎五百秋。懷賢
發孤詠，毋徒拜荒祠。掉首失龜鏡。

呂運使雨村新成數亭用昌黎奉和號州劉給事

使君三堂新題二十一詠韻 并序

昔呂氏溫公撰號州三堂記謂堂之命名所以昭
臣子在三之節其間亭島竹荷韓公各以一詩紀
勝今轉運使呂公構新亭于解西溝池植竹規置
與三堂略同既自以為退思所而御太夫人之板
輿率子弟以校射胥于是乎在汰去冬灰尤複韻
和成一十六章非敢步武宗工卿以就正哲匠云
爾

坐與紅埃遠茆亭結構初決渠春水足潑刺有跳魚
花竹時時秀軒簾面面開塵譚清似玉惟愛許支來
不少紆朱客輸公能事多画禪起董巨詩聖薄陰何

陸堂詩集

卷八

三

海月有佳色岫雲無定蹤庾郎休悵望儉府號芙蓉
積雨苔錢滿翻風柳髮長公餘無箇事埽地坐焚香
利劍所絲紛清能世所聞竭來寬濟猛一掌覆慈雲
乍喜流民少仍憂物價高鹽亭圖八節豐暖亦帝號

繪壁境八節圖曲盡
意于前辦之苦

西湖清見底雀舫小勾留南北峰峰翠移樽到上頭
修竹不解語甘蕉耐可彈璜溪與星瀨萬古兩漁竿
大有林皋趣從消案牘繁交光天水月藻影自翻翻
判才俱練達書味尚幽尋不擇川流細能成江海深
壽母車徐引暄融春半時蘭風吹習習待補六笙詩
白日懸天中台星揭斗北自來心所欽毋取面相識

射棚一以開三耦疇能過拂脊技乃神探心炙可作佐
壯心恥雕蟲秀色讓菖苗倒屣豈或然埽門勃未敢

名園記皆可臨賞愜心曲還公舊沙隄與民調玉燭
室先詢有皆
可園自為記

容堂夜飲詩

醉把容堂一盞春黯然別後愈情親但徠舊雨吹都盡
摩詰空花見未真負我年光雕楮葉讓卿談笑躍龍津
不堪重聽韓娥曲梁月飛來亦染塵

紅豆閣小飲次韻

藥玉深杯勸解醒熟梅風雨快初晴孤僧恫喝無多語
騷客纏綿只此情臨水折來花脈脈背燈話盡月明明

陸堂詩集

卷八

古

不妨拋却農漁具閒與青衣記小名

養拙和白香山

文多翟翳網力盡駒覆轅達者鑒此理拙逸栖衡門嗒
焉坐隱几抱甕時灌園豈以蘿薜幽而傲軒冕尊岫雲
出不歸磻水流故喧尖新妙天下未若默無言寄謝龍
襪子躡屣來源源一斗吾已醉散髮桐樹根

田園夏課四首

豆棚

插竹校網綴花梢攬角果見梵天然主客圖滿灑風月

瓜架

蠻番種頗繁。拔高乃其性。秋蟲蟄地鳴。余懷感衰盛。

茄藤

蘇壤生懸瘤。味與白菟齒。殷勤嫁小奴。多花不多子。

芋區

翻翻荷葉尖。下有茅鴉伏。毋盜君子名。而果小人腹。

用昌黎納涼聯句韻東楊蘿村先生

緬昔奉清塵。彈指百晦朔。劍氣埋幽潛。珠光斂污濁。帖月何由飛。老桂不可擢。稽古徒彬彬。說經枉嶽嶽。亞枝聊踰翻。勺水念泉潄。變化少風雲。交加惟雨雹。偉人居

陸堂詩集

卷八

五

若隣心儀素所慙。茂閣軼素黃。長才匹管樂。啁嘈衆鳥中。丰裁孤鶯驚。忠貞孚巖廊。官階頌懸邈。鑿坡宵視草。兩制隻手握。宮端領坊僚。豎議特弘卓。騎乘天廡選。饌賜銀臺角。門館却苞苴。交游謝剝啄。持此如水心。用酬主恩渥。吟情發天葩。飛動妙難捉。大音銷鐘鐺。小材鏤棟桷。鏡歌列鼓吹。國威宣濯濯。圖經訂亥豕。疑義炳聲華。博辨陞陞碑。弘識鄙鼠璞。沾丐及生徒。挹醴飽餘稱。令子質鵲鷺。鑿透無明鷄。冰雪貯滿懷。笑人空鯨鯢。湖涯一班荆金石。互翫斯禮闈。新發硯。騷壇舊橫梨。別久慳合併。霜髮覽鏡覺春杏。與秋柳榮枯感異兒。少尹總二疏。勇退孰能學。井甘竭必先銅臭。滿亦撲楚

駭二千言多事畏。謠詠圓柳碧。淪連九峰翠。碧砮砮鮮鮮。及時尊滑羹。可數此樂勝。承明玳管日。掣搦重瞻元。眉紫德容愈真朴。四庫籤墨墨。與旨侍商榷。飯誠在肝。馬倪首非噬。啜舊賜有贏。金芳醪許共。款銀青來日。下密勿參講。幄迂石久積。藏妄希善敦琢。

立秋日和艾廬借居念雲堂韻

爾亦雲中鶴。飄然去上林。故人能割宅。獨坐且尊心。興在從花落。吟餘得月深。秋風來一夕。作意散輕陰。

用楊廣巷韻贈會稽顧虎承

布襪青鞵肯重尋。吳天話盡白河沈。神來得句非崑體。醉後濡毫有旭心。與可竹枝含濕翠。老蓮雲影幻遙岑。

陸堂詩集

卷八

六

虎承函學
陳章侯
秋清欲譜相思引。拂石先張鳳足琴。

廨西雅集效元人詠物體各限二律

菊枕擬馬石田仍用香字

僊枕紅粧太渺茫。滿叢菊蕊試縫將。耳根寂靜涵秋氣。心地玲瓏觸曉香。小摘幻成金瑣碎。無言夢破月昏黃。先生自解珍眠食。還向西風翦茱裳。

馴鷺擬張伯雨仍用輕字

細水陂塘雙白鷺。款門客至了無驚。鴛肩脈脈鶴形瘦。垂頂絲絲雪樣輕。楊柳煙疎眠卓午。芙蓉露冷立殘更。生綃曾見宣和筆。一種閒心畫未成。

四居詩和虎承韻

山居

青山相對即吾鄰。欲捐飛仙隔幾塵。小隱梅妻偕鶴子。
一龕無著與天親。白看雲氣封林杪。紅任桃花漾水濱。
直是泉明工造語。此中那有問津人。

舟居

甫里先生一釣船。水心界破蔚藍天。昏鴉怪爾棲無定。
羸駭憐渠策不前。酒海拍浮催月落。蓮洋狂嘯觸龍眠。
故人肯致煎茶婢。且繫烏蓬近竹邊。

村居

花南水北靜者居。五畝不足二畝餘。吟苦曉倚原上樹。
情親夜翦盤中蔬。老嫗解作團圓話。要人懶答寒暄書。

陸堂詩集

卷八

十七

茅堂竹石自蕭灑。誰甘初服焚銀魚。

廬居

風捲嘍啁市語來。柴門雖設不教開。牆鼓立木新編槿。
屋漏移牀暗撥苔。入骨漸摩銅臭味。聚塵變現麝樓臺。
壺中天地寬如許。何苦騎龍一霎回。

題漢壽亭侯像

大勇惟憑氣浩然。兵謀盡在左丘編。君臣一體如昆弟。
將相同時有聖賢。陸口交歡心巨測。呂蒙屯陸口 荆州孤
注勢難全。丹忠豈獨扶炎鼎。吾道千城億萬年。

孟冬朔三日送同學盧仲山北征

柳老不堪折。驪駒向夕鳴。林風寒有信。梁月白初生。詩

外心相許。塵中道莫更。試觀循吏傳。魯孟最知名。

不少金閨彥。曾誇八米郎。看花騎馬足。灑墨動星芒。舊
雨樽頻合。浮雲路故長。鸞鳩思決起。終是墮榆枋。關中以八米為

我生非樂賤。天意未亨亡。厭禍從餘子。推素負故人。蘆
汀重惜別。菊徑小回春。寄語紅板吏。榮枯證所因。

題藍衍辟魔圖

即心輾轉墮波旬。珍重維摩善病身。兔月光寒常似水。
梅花夢破獨禁春。感甄握管曾申旦。窺宋回眸不隔隣。
誰料枯禪偏解語。世間嚼蠟是橫陳。

題趙王孫桃花源

陸堂詩集

卷八

十八

萬疊煙蘿百折泉。楚漁一棹自延緣。居人若不桃花種。
沒齒空山亦可憐。

台星何似少微星。流水柴門盡日扃。不道王孫污坐具。
祇今愁見卞山青。

宜女心兒焚骨入壙詩以哀之

挈女誰書壙。童烏不與冬風中。雙淚滴憑仗。法王憐
茶毘一霎火。羞勝啄鳥為姊妹。弟同歸宿推梨憶。小年

催妝却扇詩為徐南臺賦用梁汾韻年丈韻

海山渺渺接瀛壺。仙客鸞車向夕呼。簾卷西風看瑞雪。
清光遙映落盤珠。

團圓兔影鎮相隨。春入池塘柳眼窺。願把珊瑚架雙筆。

未妨依約画長眉

春日集湖舫南臺有作依韻謝之

平原如海亦麗才
愛傲徐摛宮體來
襟抱清和琴對酒
風光細膩柳兼梅
疎簾過雨多空響
小幟遮燈有墜煤
更與吟儕堅後約
相隨明月上珠臺

湖上珠臺見
世長水集

陸堂詩集第八卷終

陸堂詩集

卷八

九

陸堂詩集第九卷

歙縣

姪

麟徵 仁趾同校

涉江草

辛卯三月至癸巳十
一月存詩一百四首

杭乃故土蘇為寓公江山有助夫詩筆信矣辛卯
春杪赴李鯉使之招授經邦上選定十二唐人安
詩集壬辰陸堂詩學成是冬選刻八代詩揆源委
既明詩不求工自合前賢規範乃知書卷之益又
勝江山從我遊者當於此言得精進處

將有廣陵之役葉待堂贈詩次韻留別諸同學

陸堂詩集

卷九

十

二分明月舊曾遊賦手慙稱第一流周脈隱從蜀地轉
江聲直向海天收生憎客路蒲帆駛辜負鄉園杏粥稠
老矣樊川空載酒已無詩句惱青樓

小檀橋即席疊前韻

料理春衫賦近遊百分盡醉倒黃流細憐野草連心出
懶笑山雲過眼收兩戒截江南北競一龍躍馬廢興稠
牢愁贏得蕭蕭髮底用文章入選樓

選定十二唐人安詩集各系以詩

王右丞維摩詰

不見右丞畫嘗誦右丞詩名高易奪節晚悟良在茲綸
瀾入平淡物理同推移

荊州從事孟浩然

孤鶴唳長天響留影已去鹿門肥遜者畫諾坐賓署寧知意象起乃在無字處

龍標尉王昌齡少伯

少伯韻清鏘徂南百憂繞何處寒芳蘭沅江綠浩渺戕人卒自戕越哉閭正晚

李翰林白太白

是氣磅礴六合駢龍遊高岑屬凡響何況燕許傳我欲金范相供以玉薤秋

杜拾遺甫子美

遭兵常移居憂國不釋口文選理熟精宋元格具有五

陸堂詩集

霸紹三王罪魁而功首

昌黎伯韓愈退之
韓子闡儒關餘藝妙稱詩艱難成一字

貞曜先生孟郊東野

秋蟲弔空堦朔吹鳴窗紙酸寒沁入骨吾無取乎爾下上逐雲龍聯句特可喜

白尚書居易樂天

四始闢運會六義根性情所由白文公長慶獨擅名必求老嫗解毋乃欺後生

杜舍人牧牧之

風流杜紫微有識復有筆海鵲健刷羽天馬驕鬣騰武陵如引嫌空賦六王畢

李員外商隱義山

解愛西崑體什九洎其真翰忠翻指佞悲秋疑感春持比方城尉

甫里先生龜蒙魯望

機山空巉巖後賢詩不競吳體倡松陵高懷在却聘乞與五瀉舟煙水發孤詠

江干雜詠和陳滄洲使君

不嫌白俗與元輕賦罷長檠又短檠湘浦蘭蓀容易老蘇臺楊柳可憐生九閭春色無全夢一舸秋風有別情

陸堂詩集

莫倚江南望江北延緣十里蟪蛄鳴

五湖春水碧潺潺律轉溫吹偏八關畏壘新新堪士式

上虎山同調幾多清白吏詩中車柳字中顏

衡山峻比降神嵩揆藻才多識寓公茶鉞自煎風謾謾蘿牕有隙日曠曠如蔣徑來求仲淒絕坡詩寄阿同

但乞君恩遂初服肯留冰炭在胸中

澄江不少驚人句呼吸宜通尺五天霧市那能朝捲盡風燈何苦夜高懸羣嘲飲泣非良玉自信薰心有薄田

消得元龍湖海氣一篇秋水夢泠然

甌裘零落不勝冬清節何如邢曼容因病識醫三折臂

輸心當面九疑峰
數元弟子應攜酒
睡美先生莫叩鐘
更作寒風釀冰雪
豈令蔓草附喬松

凍雀無因去
紆干烹蔬隨意餞
司寒梅花帶月百千影

竹翠梢煙一兩竿
潘筆已驚霜鬢改
羊碑未信淚痕乾

河流海水俱清晏
慚媿書生策治安

謝表以策見斥詩意成議

懶甚嵇生隱鍛爐
十年踞石冷雙趺
鶴銘雅愛焦山麓

珠顆爭探壁社湖
儘有輕僮工蹴鞠
空多翻覆事搏菹

白門聽過楊枝曲
啼煞羈棲夜夜烏

張吉友索題恩榮圖

吉友尊人諱思恭原任京口將軍

金焦幕府濟川才
扈蹕春深御苑開
特詔花間沉醉

出真從天上
泛舟迴蓼蕭
聖澤晞陽露
江漢軍威動

陸堂詩集

卷九

四

地雷珍重益州遺
挂在丹心千載不成灰

又題凱旋圖

鄂渚巡師挾纊同
柳林飛礮陣雲紅
首庸自昔推元老

莫道韓碑也未公

羌笛如龍唱凱歌
功高坐鎮海無波
輕裘叔子風流甚

京峴山前淚幾多

題計某村教枕讀莊圖

鯢鵬蜩螗非寓言
陶鑄堯舜還義軒
尸居食炁凝胚渾

羨門曼倩皆兒孫
昌黎斷斷苦排軼
馬非馬兮指非指

秀義郭注徒勞勞
得其意者某村子
春明一別十七霜

壯哉鼠雀飢鳳凰
熟讀離騷痛飲酒
曩時畫餅亦希有

芸閣大手訛金根
槐廳舊學忘魯論
飯牛種橘百事無
一可不如紙窗木榻高
枕眠朝昏頰上三毫阿
誰筆藕花供養清入骨
易前有易元又元
挺碎儒關搗禪窟
螢乾蠹老今愁子
掉頭擲去五車書
蝴蝶夢覺同觀魚
濠上之樂樂何如

話舊和某村

翦燈話雨最情親
枚馬原非我輩人
磨折可憐烏玉玦
飄蕭空憶紫緗巾
管錢鬼笑千方拙
食蓼天教一世辛
祇合邀君臨頓里

應蒙故居

和成詩卷作家珍

西湖詩用昌黎南山詩韻

人皇昔御世
畫疆定九圍
南北互網維
山水費窮究
西湖比西子
國色天所授
惜哉白蘇詩
里一而萬漏稽
古莫能彈賞心
亦既觀四山
如佩環百泉
此駢湊天光涵
鏡影微風鋪
浪繡淡埽眉
嫵新濃抹脂
痕透碧柳間
緋桃爭春姿
並茂畫船放
中流孤亭面
遠岫縱橫兩
隄峙斷續六橋
就夏淺駕雛
飛好音嚶紅
囑古祠傍城
闌喬木蘊幽
秀姿留功德
垂有司薦芳
耐蓮葉何田
田解爲雙鴛
覆儵魚戲西
東層樓恆新
構離位矗高
峰入秋轉蒼
瘦揜第陟厥
巔縱目小宇
宙懸崖書八
分波磔妙鐫
鏤

陸堂詩集

卷九

五

南屏有唐人唐屋八分家
人卦中庸樂鏤記篇後人增刊
右司馬溫公書六字傑閣倚雲漢
迴廊勢延袤鯨鐘鞳鞳鳴已逼
初昏候法界啓華嚴緇流錫交造
三潭湛空明月精應坎戊九溪十八澗
一瀉巖實水樂

耳欲清虎跑蟲堪漱草徑漸荒蕪蘆洲紛錯糅段橋境
最幽殘雪融晴晝因茲悟沓潮起滅猶泡漚捨舟詣靈
苑洞口呼猿狖飛來自何所嵌空立不仆適遇鶴髮翁
茶話滌凡陋天竺大士院寶墨藏頗富香像至今存塵
海率狂走王路際昇平天下忻在宥薊馬駿必收荆璞
奇且售豐年多黍稷祭賽答神祐問俗盡還淳革心詎
攘詬浙土望巡遊行宮特加贊巧手竭經營與情展
恂恂西陵王氣雄瀛嶼名蹟舊子虛暨上林欲賦不敢
又竹坡韻蕭疎石屋象陰翬振衣風冷然儼若列禦寇
閒花自開落寧倩鳥驚救淡宕獨江鷗忘機護卵數何
時鹵簿臨重聆鈞樂奏緬維宋南渡君相胥質質中原

陸堂詩集

卷九

六

棄若遺良晨樂邂逅猛將半含冤直臣空絕脰議和固
乖張好戰復眩瞽磐石非不堅滴穿綠積溜一唱衆口
偕前傾後車復愁琴大鼓色絕技娛左右集芳歸似道
南園界侂胄湖水清且漣難洗千載臭史筆類傳訛秘
錄幸書副何處弔六陵枯松竄飢飽神州歎陸沉怪事
遺眉皺鎮山天目崩咸淳十年徽垣二星關德祐元年玉津烏夜啼
延祥雉朝雉無淚洒周顗有髮藏張湊江濤望不來介
馬倏馳驟別是一家春碧翁肯相佑度宗初一事命名別是
一家春者知非佳識平
生戀煙霞癖疾毋庸灸古壁繪龍螭康親宗壽寺宋劉貴地書大
有陳公儲面龍甚奇今廢
斷碑搨篆籀六井昉鄴侯繞城靈液逗壩水減分寸萬
頃資灌耨四賢萃一堂軼事宜訪購疥壁訝爾曹出語

徒誼譎憶從嶺表歸涉江甫童幼屹屹焚蘭膏為儒計
大謬諸經勞丹黃百家供飮餽麟獲疑漢符牛吻駮晉
樞每就隙中窺眼光細於豆周周非智禽發蛋乃義獸
安能談苦空皈誠向祇鷲逝將揚王廷列職廁先後百
齡俄迫半運命仍稽留去自分老邱樊誰與求婚媾幾
次登舞場郎當笑郭袖四門闢

聖聰五年卜

帝狩私擬頌河清柴車圖北首恐蒙画餅譏果腹讓蒸
餹藝苑涉津涯鹿盧宵汲收去巖桂發古香揣摩庶入

穀嘉賓悅革蒿髦士助薪樵拂拭磨尹龜研精季主繇
陽微慎敦復陰長防遇妬斯湖足勾留青睫喜重違平

陸堂詩集

卷九

七

捐鳳皇山遙瞻斗牛宿故人近廉訪侵曉飭廚廩綺筵
羅水陸金鞍耀瓊琇冷雨來催詩虹霓激素雷景物總
靡常宴樂戒弗狃獨羨大猷升長見休徵懋採藻湘之
釜解牛中其膝舉族祀忠宣潔蠲祈妥侑宣公祠在孤
山今猶無恙樸學
懼失傳靈臺省多疚探得驪龍珠斥去胡僧咒輞川踞
裏湖數椽行許儗和靖墓上梅寒香耐可輿有情待月
生卮酒聊報酌

被放後重經湖上

清琴在匣已銷聲野鶴將飛又翦翎獨愛西湖似西子
雨餘相對眼仍青

老柳空腔卧水濱西風吹酒不成春何當一石貽僊姥

爛醉無窮罷罷人

董相祠相傳董道司署
為董相故宅

千秋瞻廟貌漢代一醇儒故宅留苔井祠內有井
蘇而弗汲遺文委

壁魚舊刻繁露
貯司庫蛟光曾夢破麟寶是焚餘往者爭秦鹿依

然閱孔書四詩沿詁訓諸子遁元虛太傳空多淚東方

強自譽傾危主父偃浮薄馬相如直欲撐孤柱寧甘籠

衆狙天爲道所出敬曰禮之興建學言粗效占災術竟

疎詭隨多鼠飽方正不龍聽晚達輪東閣超遷讓小車

人奴開幕府仙侶好樓居老矣江都相荒哉俎豆予陵

訛誰下馬園廢但裁蔬有客勤佔畢孤生恥曳裾冬殘

仍鐵硯秋熟欠黃淤摒擋雙遊履蕭騷一宿廬昏鴉啼

陸堂詩集 卷九

樹杪白月下階除臨去薦杯水心蓬耐可祛

送馮卯君入都

鳳皇翔九天驂騑騁千里賦質與衆殊時至始見美馮

君我良友終歲相磐砥官禮揭弘模性道聞微旨文雄

穿七札語妙臧三耳入室蘭斯馨披襟月無滓華年擢

桂帖價與珊瑚比曷爲操郢斤而久棄梗梓練日上春

官征裘手自理積雪凝寒風問塗爭短晷祖行不盡醉

別思安能已夏侯昔有言拾芥取青紫一第未光紫玉

堂去天咫說經奪重席差強人意爾賤子感霜蓬草衰

變駿齒遑惜竈下焚毋取市門倚敏夢路欲迷貢冠彈

可喜何似莊惠交遙遙淡秋水

晚過董祠慨焉有作

不少千秋業遺經待發揮天心剝乃復吾道是耶非一

逕荒榛合成羣野鶻飛下帷忘日月戰勝始能肥

題竹坡小幀

艮堂讀書處竹風散清樾香細人不知問取坡南月

初春祇念堂小集和于湯谷

一夕清譚有晉風水邊林下屢過從輪生四角空憐驥

劍躍雙丸始信龍勸客且傾無算爵得師如叩大鳴鐘

勒梅故故飄寒雨陡覺春光淡勝濃

登北固山擬謝康樂體

夙志慕臺向升陟足忘疲北固峙江渚蠟屐相娛嬉緩

陸堂詩集 卷九

步一岡隨攬身四山平鐵塔鈴不語石泉影倒窺山有鍾
浮屠及

天誰云天設險淡沲春含姿露桃坼曉萼風柳搖新絲

仁智隨所見化徒奚南爲小吏竊龍子養卒戕獅兒茲

山閱終古江流無還期喟焉賦登樓日馭俄西馳行役

倦津梁聞達謝纁繻遠師久入寂幼從清師校釋火
化東園已三十載心雜徒

自悲

題多景樓

已登第一山復凭樓百尺四顧齊白雲轉覺天宇窄大

江涌銀濤金焦兩拳石洲露魚鱗紋堞隱蛛絲迹設想

三伏時鬱攸坐火宅涼風北面來披襟大宜適我浙八

月潮靈胥怒翕赫雙門束龕藉噴擊地維坼大茲好山

樓縱觀盪心魄海道潮揚子挂帆祇日夕夫差昔會晉

師旋窘少伯後代薛與韓奇兵妙規畫五代錢瑒時薛朗飲白

檀名劃江本下策滔滔送六朝底見化龍益時平海不

波亭微虛列柵放青馬一羣隨陽鴈幾隻薄游春滿懷

酒盡岸巾幘僧鐘磬鞞鳴斜曛半嶺赤埽壁重題詩免

矣朝生客

鶴洲見古梅一枝於心不忘春盡日補作

題鵲聲中感歲華九天霜露不同加從渠桃李爭明暗

待放春山第一花

採桑曲

陸堂詩集 卷九

三月蠶事興採桑城南隅容華映朝日母乃秦羅敷

采采未盈筐狹路驚相值君不陋妾顏妾敢傷君義

長條倩釣釣低枝手可求斤蠶餵箇葉葉二十斤為箇那望十分

收解三桑津環麥壠一色綠雲屯天公不愜意鎮日雨翻

盆解四大姑朝練絲小姑夜鳴機攀花成連理製否嫁時

衣解五欲綵三尺繭見神異經盼長四衢桑宣山有桑其枝四衢即帝女桑麻姑實

誰汝東海波茫茫解六

明志

千秋大雅何由作一寸靈臺自有君皓鶴鳴皋空外應

蠹魚落枕靜中閒讀書不解驚淮雨別風淮雨本別風淫雨見文心雕龍學劍

無成笑斗雲稍喜芬華能戰勝江千車馬漫慙慙

懷龍精舍雜詠書後與黃詞鄭故以懷龍題額

無勞驚小夢吾道亦龍蛇珠美空相銜雲奇祇自遮心

懲諸子陋禮絕二王奢誰分平津閣白衣竟起家

牋雅瑣難竟嬉春暮可傷葦綃欺剝粉紅雨亂斜陽燕

壘勤將子蜂臺競謁王曰子非玩物大塊有文章

雷雨過江城披衣起未明養花輕點注催竹驟研旬浩

浩從灰劫蒼蒼肯玉成一生心不醉漁父尚譏評

蹤跡何能定情懷自可舒月高雲避舍風靜水涵虛既

剖翻憐玉因焚始貴書牢愁雖有作不捨美人餘

小暑後一日和沈天易任城客舍對雪詩用東坡

會飲聚星堂韻

陸堂詩集 卷九

樓梯驅蠅卧蕉葉逃暑無地戲詠雪髣髴坡翁亦快哉

慚媿凱之獨癡絕吳興白戰空前輩貽示不啻寒梅折

冰鳳雛稚嵬以騰火龍磯礪俄而滅乃知筆端有爐錘

未信大造能鉗掣西園公貯萬青峽安州私餽百紫纈

與其炙炭寧握冰我儕賦性本驕屑峨眉天半結精舍

月露風雲過眼瞥招呼白兔搗元霜一匕千齡非嵬說

池上清琴試發聲冷冷躍出焚賓鐵

賣陵七夕

瓜果當筵自勸酬酒酣高唱白浮鵲閒情跌宕輪淮海

分野依稀認女牛纖月那能迴碧漢弱桐未解報新秋

試吹夷則清于玉蓬戶朱門總坐愁

感秋十絕句

一燈風雨伴吟蛩，瘦島寒郊句未工。聽過秋聲無曉夢，又添塔下兩梧桐。

靈臺何苦自憂煎，露下皋禽喚入天。竹篠東頭餘老屋，幾時話雨對牀眠。

杳杳西巖墮月鈞，迢迢河漢隔牽牛。無須別喚橫塘棹，采葛孤吟已白頭。

記與高僧賦碧雲，傷歲松道人木瓜酒美不成醺。可憐八月初三夜，明月何曾滿二分。

一樽濁酒弔迷樓，按迷樓本在長安大業拾遺記楊帝于楊州作迷樓相傳故址在城西北七里自笑浮生祇識秋。蟬啞枝頭風欲化，螢乾草際火還流。

陸堂詩集

卷九

十一

居然慙直比劉蕡，官燭三條漫苦辛。誰耐名經頂千佛，月中紅桂久為薪。

老樹杈枒漏夕曛，一生悵悵是離羣。伯恭死去延之老，嚼辨西江小陸文。

照水心驚得老蒼，登樓爾自昧行藏。上林多少珍奇樹，竹實饒堪飽鳳皇。

幾多蒲柳望秋零，勝似秦松雪後青。莽學周公雄孔子，白頭顛倒有元經。

江上青峰見亦稀，竹西歌吹興全非。北風似解羈人意，相送歸雲拂檻飛。

題王樓村修撰十三本梅花書屋圖

曾於江左諸公集，心折寒梅第一花。今日披圖儼相對，軟紅香土不如家。

似影見墨子飛箱見鬼谷子掃不開，雪香一塢著書來。八公苦戀淮南桂，未是西京大雅才。

又用東坡松風亭梅花盛開韻
橫斜六七依水村，玉堂一昔飛吟魂。添毫入画趣彌永，吸香餐雪娛朝昏。往年小試開春手，馬蹄疾踏清華園。

南宮魯直詩仲寶所解獨經史，沂公有志非飽溫。秋霜慣點詩翁鬢，長繩耐可維朝曦。詒梅老僊促歸夢，焚魚一笑辭金門。却月觀前枝繚繞，五字惜不追仲言。鹹酸莫較味外味，相逢傾倒瑤花樽。

陸堂詩集

卷九

十二

家貧民繪種菜圖題五六言二首
小摘見情親，風味淡而野。嬌首一軒渠，世多肉食者。

過雨數畦甲坼枕溪一徑門，斜摩詰詩中有畫桃花源裏人家。

周希茂持小像至題四五六言三首
鴻戲在影琴妙無言故，我今子離白而平。

庭中何所有，草單月玲瓏。不少名山業，先宜注易通。

稜稜瘦骨雄心栩栩添毫聖手更作轉語何傷漢書下以濁酒

題曾梅庵暗香夢影圖

屈平沉身不作歌，千秋誰復傳湘娥。宋玉賦心多綺語，

至今疑殺高唐雨夢中說夢賢于醒非想之想入窈冥
茫茫堪與十萬里何人鑒賞鳳皇子西方彼美脩然來
此境可憐落畫裏曾君所得頗經奇勢如天馬不受羈
玉面重看有醉纈人生行樂須及時陸堂居士寒無眠
但愛疎影橫窗前假君才藻一二斗再和陳王美女篇

試院側有古柏一株和梅廳韻

浣花吟古柏磊砢見真形此地俄相對凌寒祇自青枝
穆延鶴夢香細補山經寄語衡材者孤蹤易晦冥

書姚司空採礦圖後并序

我郡姚司空羅浮巡按河南時諫止採礦三疏不
報復命繪圖廿四割切比鄭監門茂修書屋所藏

陸堂詩集

卷九

古

特其二也緬維神廟失綱奸璫肆出虎假以冠山
隳為暫民怨于下天怒于上國之亡者倖爾披
覽之餘湯題二絕此芮伯桑柔深惡榮夷專利而
安石天變不足畏之說其為大悖周禮者與

銀冶珠池百利興迨迨閭閻叩誰磨黃來李闕小名豈是難
當賊國脈須知壞定陵

仿歸西塘繪手真民心哀怨帝心嘆若教耕織諳奴婢
不種桃花也自春

和吳豐在感落花詩

妄意東皇特地培可堪一雨萬紅摧先生自種無花果
冷笑春風落與開

定裏阿難亦有情墮從金谷已無生與花說法點頭否
匹是先聞鷓鴣聲

那得星文个个圓打窗寒雨夜如年賤天敢訟狂風伯
不締花緣締草緣

晚自吳江出太湖有懷萊村

論詩千古得朋難棹入松陵路渺漫小市如煙經雨霽
遠山無語向人寒心空櫟柳枝枝顫淚漬楓楠葉葉丹
爭訝鳳雛飢啄粟崑山何處長琅玕

江閣坐雨書懷

洵美非吾土飄零仗酒杯江聲翻傑閣雨勢壓奔雷芳
草憐春盡鄉書引夢回幽居曾作賦見曾望集腐鼠漫相猜

陸堂詩集

卷九

王

賦得更逢晴日柳含煙蘇頌句

柳林添碧色遲日喜逢晴鴉翅金初射山眉澹欲爭柔
絲和夢結艷意比雲輕透漏春猶在低迷画不成暮辭
三雅醉寧料四難并好傍靈和殿爐香滿袖縈

賦得夢裏還家不當歸許渾句

吟魂縹緲一虛舟遙逐吳雲片片流暝入溪西多曲路
秋橫天半有高樓風窓蝶影飛難定火宅蓮花咄便休
不算真歸歸亦可五湖如雪舞輕鷗

賦得為有源頭活水來朱子句

澄江舊愛驚人句伊洛今知道脉存認取細流終不腐
翻憐古井易成涸恒河面皺歸空相見柳秋永脂澤本

寓言石棧天梯三百級憑誰直上問真源

癸巳初夏為周確齋題白描行像

南郭據槁梧今我非故吾桑田海水變物態如人面高

勳華秩黍一炊不及剡藤墨潘千劫垂昔年摩挲醴陵

傾倒圖中同冷面誰云闕寒鐵猶是濂溪舊風月譚六

詩聞八法歐梅趙董齊抹槩我腕有鬼末如何潮乎八

分強作歌春秋花發不稱意短髮星星攪目昔人生有

情那得仙若無我相亦枯禪與翁酌酒且頽然不遇描

摹鐵線李龍眠阿堵之神火可傳

焦山瘞鶴銘歌淮安張弼向作瘞鶴銘考蔡已之秦江潤石見陳澧洲太守知張弼石一方分至於蔡遂亦費之

陸堂詩集 卷之十

松寥我峨嵋四立刀斤刮剔蛟涎澀鶴化不知其紀也

點畫麗完字五十我聞楷法參隸分捷徑亦從換鷺入

華高莫憚青柯坪江遠當問犁牛石江源出犁牛石佛書謂之泥伽河摩圍

居士山岷強人心慕直欲低首捐禿筆橫受廣川通噴

全文漫信歐陽輯山中宰相何其尊十賚紛紛秘瑤笈

真逸自是逃竟者但坐華陽誤爭執前朝寶鼎返南徐

夏不蟄湘潭使君胸絕塵嗜古能以脩綆汲錢愚馬癖

海棠顛相去何啻倍屣拾丞相碑篆燐為魂中郎石經

牛礪織曾全後出家珍藏忍使茲銘永銅堦拓椎萬本

貽同好軟媚豐妍脫故習學儒不成聊學仙咫尺焦祠

渺難及爪皮艇子樓欄鞋狂嘯山頭重鳴吧江衮衮子

曳長綯天蒼蒼兮戴孤笠人壽分無金石堅且酌美酒

餐殘粒不見史皇四目生能書九地啾啾鬼夜泣

雨中漫興

淮雨疎疎日又斜庭隅覓句手頻叉不知幽怨歸何處

兩樹金萱相對花

鹽英淮揚半天下銅山吳鄧匹當年背燈凝續參軍賦

鶴喚一聲人未眠

文苑儒林未可離特標道學見何早懷蛟夢醒荒祠畔

濕翠依依剝柳枝

一杯細雨疎窗酒話到平山選妓時可信玉堂天上客

陸堂詩集 卷之十

暮年頽水最相思

賦得瑤池十丈藕花香真西

如船仙藕乍抽莖玉面青腰妒欲生誰領采香三百女

無雙應讓董雙成

大龍舟幸集芳園開到冰荷五月寒莫唱柳詞香十里

蕭蕭風葉驚鷺看

秋日同確齋萊村希逸過平山堂次壁間韻

窗岫平浮數點煙此生背負好林泉烹餘古鼎心同水

怨田田大明寺西有第五泉歐蘇大有淵源在莫話天龍一指禪

高原騰攫萬蒼虬曲徑蕭疎半荻洲淮海風雲占百變

金焦日月隱雙浮買田陽羨徒虛語載酒紅橋亦勝流
此以宋蘇文忠本朝
前城上同冠浩記蘇公
直都府遼鶴不歸梅漸老孤山得似四賢否史

九月梅 并序

盆梅二本特放九秋闌霜作花假葉為蒂白疑棚
棚之蝶紅嫌灼灼之桃笛韻空閒漫信江城早落
春光小漏誰云庾嶺先開天巧更勝于花師風懷
有助夫秋士巡簷索笑飛來鶴子一雙蠟屐登高
夢破羅峰四百既供以酒載賡之詩譜入羣芳留
為佳話

秋風工翦刻九月見梅花綠蒂舒眉翠冰鬢襯臉霞囊
陸堂詩集 卷九

萸慚臭味籬菊讓清華鶴唳驚寒信蜂探開晚衙餘芳
杯激灑空響笛啞啞春色先江左新妝學內家小年嫁
碧玉仙骨轉靈砂若比唐昌種瓏鬆未許誇唐昌觀
玉蕊詩一樹瓏
刻成

和初冬集鴻柯草堂韻 王樓村修
撰新居

小春風物也酥融一昔清譚酒易空游戲蠟痕都綴鳳
迷離雪爪暫粘鴻抽帆弱水仙如許著屋梅花夢不同
我學摩圍老居士可憐無句秀天東
曾唱滄浪漁父歌松陵回首浩煙波二分明月寒如故
一樹枯楊怨幾多律細偏師宜左次易通素履得平柯
古歡尚有澄心紙乞與真書仿換鵝

賦得歲晏逢花好寄聲 宋羅
州句
東閣重來見折枝翻因蕭冷倦題詩嬌娥已結無窮恨
欲採瑤華寄阿誰

坐雪書感

寒威何意苦相侵盡日簾垂雪已深望遠迷漫花似霧
憑虛堆堞堙為岑冰紈枉自矜奇服玉樹居然借上林
未信鼂江標甲乙能令白氣頓銷沈
欲流不流雲淦淦將集未集風颼颼松枝竹枝倚勢壓
廳東廳西潛形交騷人興盡蹇驢策歌者心艷肥羊炮
莫喚韓公太輕薄千秋為汝留詠嘲
得失難盡且莫爭虛堂坐對白初生災餘歲美民猶瘠

陸堂詩集 卷九

剝後陽微道未亨龍蟄懶窺公好畫蟾孤偏照女懷清
終知真宰冥冥意徹骨凝寒始善鳴
生涯久矣悟浮休墮厠飄茵豈自由鐺耳何知調白雪
練鍼難與貌丹丘尚餘渣滓供兒戲姑待消融豁我眸
有雀一雙梅十五山中是處足淹留

登韻訓辭立寅中

愁裏霜華客鬢侵吟邊雪色夜堂深此時入画梅松竹
何處題名高薛岑岑嘉州集有與高適詩
據登慈恩寺浮圖詩白鳳奇毛飛絕跡玉
龍殘甲蛻成林祇應盡醉三蕉葉宦海仙山總陸沉
連陰不解池南凍空響還聞郭北颺司馬倦游曾作賦
伯桃誓死莫論交驚翻烏鵲枝難揀棘甚紅薑性可炮

飽飯熟眠吾計足先生寧免後生嘲

風輪驚極了無爭瑤草芝田自在生此樂不須頻道破

我窮奚啻得詩亨掀簾暮氣非朝氣拊瑟長清共短清

昨夜飄飄夢天姥山頭猿鶴盡情鳴

酬唱冰天興未休幾人高步逐巢由漫勞翦截蓬三徑

有底憑依貉一丘故態狂奴輕鼎足已來俗物少青眸

試從北固看殘雪如此江山亦可留

董祠題九言絕句二首

董公祠前凍合雪一尺我來日暮惟聞風蕭蕭老柳空

腔顛倒問修竹此時底用玉骨攢青霄

歸鴉六七點墨淡如畫生菜二三稜甲寒可植盡道平

陸堂詩集

卷九

辛

津白首開東閣不知玉杯繁露久成書

補遺一首

蘇州太守韋應物

陶公賦詩後曠代得韋守種樹留清陰焚香消白晝心

靜無煩言其道固宜壽

陸堂詩集第九卷終

陸堂詩集第十卷

平湖 陸奎勳 坡星著

門人 李宗潮 坤四

屈學洙 東萊同校

覺非小彙

癸巳臘月至丙申七月存詩一百二首

寓邗上三歲諸經皆有著述癸巳嘉平月欲講易

象靜坐者七晝夜心花怒開頭頭是道至明年上

元其竅乃閉安性仍鈍而於所見大意有俯仰可

以默証者蓋自丁丑之後歷十六年始得此進境

言為心聲即詩可見一斑也已

冬夜紀夢

陸堂詩集

卷十

一

五經爛熟頭頭是六樂精神節節通親見庖犧談一畫

龍龜無用剖雌雄

十二月十三夜夢見伏羲指示畫卦原委且云得一者聖龍圖龜書皆瑞應爾抱朴子云千歲靈龜其色其舉

銅上骨起似角

雞臆靈簡莫爭多悟後其如不寐何誰信濂溪舊風月

真傳祇在邵家窩

十四夜夢見至聖云堯夫講易勝如伊川

次韻酬姚述綰

紅滴糟牀不用賒醉鄉日月蘊精華尚餘江左清言客

待看春風得意花疎影暗香非俗調龍超鳳舉自名家

泠然一枕游仙夢晚視新宮蔡少霞

閱林和靖詩有嘗憐古圖畫多半寫樵漁句愛而

和之

我亦愛吾廬清吟興有餘栗空狸卧穩花盡蝶來疎可
傲葛巾漉無勞鐵硯鋤離騷二十五解事獨湘漁

戲書宋漫堂玉帶生歌後

石不能言自解愁寮中七客豈同儔可堪滴盡西臺淚
破國重彈焦氏秋

焦氏秋鐵崖琴名傳是賈秋壑故物

鐵崖仙人最賞音寫成萱草墨如金不應攔入文山幕

辜負錢唐孝女心

錢唐女子曹妙清事母孝謹三十不嫁善行草其硯名玉帶袍後歸鐵崖為寮中七客之一硯自可寶矣假亦云雪水初融玉帶袍是一微也

立秋日送萊村北遊

執手復何語飢驅不可留雨蘇千里赤月漾一帆秋市
價緣琴重溪田為鶴謀未須逢若士汗漫作天遊

陸堂詩集

卷十

二

弱歲盟車笠蘭言永不忘貧猶肝膽露老任鬢毛蒼浪
穩浮清濟雲奇眺大房篋中元草在差勝賦長楊

同胡離來震初昆季飲葉子敬寓園

石林高興在一笑啓蓬門渺矣滄浪曲脩然黃葉村蟹
橙鄉味美懷葛古風敦既醉迷歸路秋衫逗月痕

九月下浣一日婢紅英不戒于火自起撲滅手足

創甚怒焉有毀體之憂而重慨命途之多舛也

率意成詠語無倫次

厄運逢陽九剝牀且及膚稱詩非鄭婢負劍少陶奴破
柱疑雷奮枯魚望雨蘇升沉吾分定弔賀總無須

火宅逃何所秋懷氣未平沾衣無限淚閱世可憐生拙

任妻孥役迂從佛老爭西銘探語妙庸玉汝於成

吟魂飄不定巨海接崇山一病遲晞髮三旬強閉關

自瀾入江陰口幸脫風波巧心寧刻棘妙解是推環早鑒清流禍休誇

玉筍班

鼓枕留殘夢寒雞促曙光痛生惟定性醫難漫矜方酒
筆指難屈投筇足不良黃花清供養浹月自聞香

鍛下嗔嵇懶車中泣阮窮天心藏默默入事悞匆匆竟

乏徒薪智而矜爛額功草廬無恙在次第領春風

少日耽文酒喟焉歎逝川頃年阮湯火寒甚倚青甌顯

揚期未遂膚髮受難全尚有牀頭易供余晚歲研

無錫道中

陸堂詩集

卷十

三

酒家戶戶面山開騷客年年犯雪來十里梁溪空若鏡

倚舷驚見鬚毛衰

唐裴字休

涉江

北固青青捲落霞鯉魚風急雁飛斜剪江幾度拏煙艇
不見芙蓉見荻花

清霽樓對雪

密灑樓頭雪雲山並玉遮催詩非舊雨索醉勝嬌花粉

本含元氣縑塵滌萬家大裘如所願僵卧未須誇

名士江東盡扁舟興亦慵清癯君子鶴元冢大夫松初

釀雲衣結將殘月浪衝冬雷翻作瑞麥飯飲三農

臘月朔日蘇州

一帶開霽

從何何爲者光搖眼倍舒極陰成六出不夜補三餘白也難齊物仙乎欲步虛星星催短髮歲晏孰華子

別竹并序

懷龍精舍羅生維并牆東有竹數竿再暮而葱蒨成林讀書興闌坐嘯其下忘形之交不過爾爾上元後三日移寓使院用成短韻以解離悵

在昔杜陵翁依棲必種竹節月疎長身鼓風散幽馥揚土違厥性移栽十損六妒絕天寧僧繞亭餐萬綠懷龍讀書處數竿頗悅目雪覆玉行鞭雷驚犀迸用子母立參差秀色傲蘭菊了閒嘯且歌破寂往而復說經徒硜硜瞥眼五寒燠居停喜驚還蘆祇信宿百卉捐如遺

陸堂詩集

卷十

總總此君獨焉得文洋州傳神埽橫幅

話雨同長洲於在文

尚覺春寒在疎疎暮雨吹空花頻剪燭快語一掀眉梅雪聯何范元禪難去聲許支偶焉商出處緘口又移時

鐘聲下廣庭離坐兩忘形妙道閒譚鬼雄心老授經霧連孤月黑風閃一燈青因念湘潭客何爲判醉醒

晏起

行年五十未能化私喜居身材不材烏雀何心風裏絮野梅如夢雨中開班香宋艷從無補孔思周情老漸灰知止軒南好春日睡餘紅逗半牕來

春感和李斯拔

九十春韶又斬新莫論中隔幾由旬琴音淡淡聞流水雲氣飄飄揖大人雪裏蕉含舒卷意花前燕語去來因試尋錦纜牽舟處可勝天隨一釣輪

和沈民滌

開帙能忘老看花不隔旬王融曲水序庾信小園春雲意流還定山容故轉新何當矜獨樂草草視斯人

題高礪山靜寄圖卷

萬慮不縈抱脩然靜者居吟情春草得書味夜燈餘象外探無極環中蘊太虛寥寥一眺望羣動總煙如阮屐頻年蠟移情一壑雲胎禽霜歷歷紅雨畫紛紛卉木名園記鐘魚古寺閒紀羣交誼在披卷映餘曛

陸堂詩集

卷十

彈琴

美人不可見獨坐撫瑤琴撮指寓遐趣琴難于操應絃非音次之不尚沈聲泠然古月色自在白雲心遙夜悄終曲山空何處尋

新麥

出郭聞好語麥秋令不訛黃雲隨手刈白雪細心磨得食禽何樂忘勞醉者多披圖看九穗宋書符瑞志太康十年秋九月風生瑞麥一莖九穗

日正清和

賦得夏淺更勝春

徐孝穆句首端三日待堂笑唐詩玉重舉洛如招集湖東瀛洲草堂

刺眼綠如許殘紅怨已消未須畏夏日轉自憶春宵句線拖煙重金衣坐樹驕雲奇峰沒骨梅熟水平橋錦繡

還蒼帝離明正斗杓輕衫裁白袷誰較阿龍超

七夕

明星酒熟泛玻璃洛陽乞巧遺明薄暮涼蟬幾度嘶可惜梧
堦閒話好月鈞容易墮巖西

尋真臺上紫雲高阿母宵分降節旄臣朔讀書破萬卷
不甘呵叱小兒曹

夕陽三首

瘦影依依杖底隨一分黃色弄山眉樂遊原上悲風起
可似楸枰劫急時

不在山巔即水湄蓼花紅處狎漁師酒酣爲我敲銅斗
勒馬義和正要詩

陸堂詩集

卷十

六

我愛瓣香老居士咸遠別折洗西崑句子工重踏湖涯薦
杯茗殘陽雖好不多紅紅瓣香集中佳句憫其無嗣特引用之

中秋詠月拈得春槎二字

秋半情懷不減春竹西亭畔月如銀謝莊解道同千里
賈島狂呼滿一輪桂苑可能延賦客清光幾許照詩人
祇憐舞罷霓裳曲東海迴頭旋起塵

底用飄飄泛客槎無邊秋爽落簷牙仙蹤坐愛紫霞褥
怪事空傳金背篡碧月正中揚五彩是說月華絳霄直上吐三
花絳霄花見余紀夢儘多才子吟湘瑟獨有峯青句可誇

沈荻廬索書近詩兼惠端石走筆報之

腕中夙有鬼八法罕一工遭焚指欲折臨池興逾懣

廬清溪秀礪戕養芙蓉款門索我書寶研鐫帝鴻却之

乖惠好受之增媿容爲言新句佳奚啻江上峰錄示古

今體休論偏正鋒詩縱吾家事漸老落凡庸翫月怯韓
子止酒慚蘇公三冬蒜山雪半夜楓橋鐘歸與翻似客
俗狀環相攻呼燈盡數紙無遑草忽忽

作李烈婦傳竟復系以詩

烈婦吾中表烈婦母陸余之族姑能從義舍生五年三世盡百苦一
身并命也灰人意天乎玉汝名聞幽存信筆風雨颯然

驚

哭平仲二兄

先公子八人錫原悲過半阿兄靜者流道宜享遐算胡

陸堂詩集

卷十

七

然卦氣虧壽六魂兮委恒幹握別在端月達語輒淒斷病
隔古難瘳醫藥徒勞亂爾時心惘惘打槳涉江岸魚浮
想寄書鴉鳴怒挾彈炎飈一加鏢惡訃傳耳畔以六月廿七日雖

恨二豎侵實苦五窮絆含殮不及視慊慊以申旦秋盡

返故廬觸目風景換靈樞照漆燈行像黯素幔死者長
已矣生者堪浩歎朽麻冬不溫破突晨不覺况有追呼
胥獐若虎而冠門風日頽靡我腸難冰炭昔何雲族興

今何沙渙散遺言曷進取五十疑已蒜即遣躡清華持
底自把玩百端付一號蒼天詎可嘆

題忠貞范公祠二律

烏石山頭瞻廟貌流支如電抹春紅庚午入閏拜謁祠下表忠

筆凌蘇子古節臣心抗魯公星斗燭霄留正氣旂常
累葉紀元功蓮花幕府風流甚式靖扶桑東復東

珠湖一碧遠山蒼樓外陰濃召伯棠塑像巧踰吳道子

作碑信比蔡中郎霓旌下指蟾光潔華表歸來鶴算長

弄璋樓向設水主著
今余西山塑像建坊證取斯民三代直寒泉秋菊有餘香

築堤行為李嵯使作

淮流合泗本禹迹通江刷河絕地脈隄防涵洩規畫詳

此邦幸免蛟龍宅鑿山鑄頑銅不及煮海功淮揚鹽筴

額征二百萬亭場三十瓜分下上中往者范文正長堤

捍海隅始釋昏墊災永利豐國儲泰州東臺場中央清

浦一道波茫茫洋石尤風起斷行旅換柁長年顏色死估

陸堂壽集

船寸步不得進挾貨惴惴萑蒲取疇為范公補闕略高

高下下勤相度釐使李公清能者命建新隄僉曰諾富

商願輸銀貧商甘奮身奮鍤捷石紛如雲登登芬杵聲

相聞方秋澤水決下河鳩形鵠面流亡多救荒良策在

興役百二十里環坡陀縱遇風濤惡銜艦挽一索支港

架浮梁斥埃謹宵析原田每每仰灌輸整整雁戶那其

居何羨芍藥之陂龍骨渠前吁後喁歌夾路豈知肝膽

在平素權貴斂手避秋曹一筆勾除廣贍庫五馬出郭

鑪然香襲聞是舉眉飛揚書生束髮飽經筭誰無先憂

後樂志力苟弗贍時我違頌酒賡花空老去竭來邗上

五春秋名蹟一一圖經搜陳侯塘陳侯塘邵伯埭邵伯埭晏相溪

素守樞宋滄桑陵谷幾變遷惟人能支天所壞實心

實政享厥名明年快睹李堤成清風何穆如作誦非吉

甫更倩巨手韓歐蘇書功穹碑曜千古明年嵯使病歿
情乎其事中

小除作

檢曆今垂盡真同赴壑蛇嘯餘何礙道閒極也思家雪

老融牕雨風尖墮燭花黃梅偏耐久相對骨如瓜如瓜骨
見人偷

宋范文正公仲淹崇祀兩廡敬識其事

心源印太極道妙燭兩儀疇稟生民秀不於至聖師文

武惟所用卷舒適其宜奚必困蓬萊而高著述為卓哉

范文正名世逢昌期慶曆諸賢中大醇無小疵憂樂關

陸堂壽集

天下自任阿衡伊上書萬餘言復古非救時當其秉鈞

軸一一銳意施元昊亦桀驁折箠不受咎營田建堡若

恩信徠羌夷生聞破膽謠沒瞻繪像祠少孤愴失養錫

類及本文通經尤長易講貫宵忘疲儒宗啓子厚教式

頒翼之身兼三不朽俎豆夫何疑謂議云存先憂後樂之懷樹政
所遺疆之蹟延胡跋入郡學有

闡明聖教之功冠絕載諸中庸為各體
脈之助會發通于周易著說序于春秋書生志迂闊學聖窺藩籬天

德與王道二者塗匪岐河間好儒術六籍賴以垂諸葛

扶漢鼎王佐羣相推淵明標介節千載留真詩忠宣工

奏議鑑戒踰元龜宋季文信國忠義振坤維豈綠失令

終祀典可缺遺前明議禮者陋若測海蠡永嘉迎合智

望墩谿刻姿有舉莫敢廢古訓罔聞知秦顏尚遭斥嘉靖

子康子劉子鄭成鳥容辭懷此頗歷年詔下忽掀眉

升堂子朱子十哲企齊而事在康熙范公位廊廡論定何

遲遲歐陽應虛左司馬還肩隨練日行釋奠頑懦激心

脾事不由春卿

天子特疇咨明良契異代禮樂光萬祗斯文永不墜至

教公無私

重過煙雨樓

樓荒煙雨望中迷二十餘年感舊題差喜思元平子在

謂博山翻憐作達阮公齊庚午春侍雅坪叔父壽集樓頭傾甌乳泛茶亭古捲雪

龍騰水驛西薄暮憑闌風轉急歸鴉無樹可安栖

丙申仲春補作族祖虞卿輓詞

陸堂詩集

卷十

十

惡計遙聞涕欲流邗江水雪滯歸舟歲寒祇盼蒼松健

運剝難教碩果留有德有言繩祖武止慈止孝啓孫謀

巫咸一唱招魂句陡覺空堂冷似秋

季春下浣七日同人集解西賦得春水綠波

風引綠微皺春人何限情雲收螺髻蘸煙細鴨頭撐鏡

影空無礙羅紋熨未平應圖非遠水折柳及初晴鱗札

憑誰報鶯梭作意鳴江潭千頃碧愁絕庾蘭成

分詠歷代詩人闌得江文通

雜體江郎襲錦新金貂曾否悟前因華陽大有松風在

懶作銷魂賦裏人

破顏

破顏惟命酒五十笑浮生手種松猶短心通易未精嬌

能連環語左思嬌女詩嬌語於連環童學壽陵行孫差喜平為福丹砂非

所營

征途

征途未三宿昨夢已還家鉛槧謀生拙桑蓬勗志賒僧

鐘沉海月雁唳雜邊笳十二營平策趙充國封無如屯守

嘉

閨上已和金心齋

鈿車輾轆碾芳塵湖上重游隔幾句柳絮忽粘空外雨

梨雲不斷夢中春渚藏冶綠潭迷路佩結幽香別贈人

寧料湘潭憔悴客仍逢嬖女詈申申

陸堂詩集

卷十

十一

次韻東何二瞻

廣陵嬉春春不賒逢君江上浮仙槎異草直向蛇童奪

禁方那許龍神誇心通八萬四千眼名冠百七十九家

試約道人顯完子大明寺井同烹茶

初夏書懷和晴峰主人

山頭石破啞天雞物理蒙莊迄未齊我愛後池銷夏好

皮陸有後池唱和詩水華香亂水禽啼

黃衣小蝶自飛飛新上頭銜號覺非載酒江湖添素髮

漫勞紅袖燭邊圍

小詩活潑肖蘇黃敲枕桐陰破得忙遍淨有天曾到否

一針團坐了無傷

第三種漁淨天上六十八針頭聽法不相妨礙

月衝簾額玲瓏在電落棋枰變幻多自笑不逢希有鳥
人白見天台司馬子微
著太鵬遇希有鳥賦 半生辛苦學陰何

呼龍弄弄種芝田學佛磨教悞在前三十六宮春不斷
誰云易外有心傳

偶逢道士歌石鼎閒與清公話竹爐詩不知童冠偕游
處見地能如點也無

皇媧搏土戲為人面對廬山可識真烏鬼却嫌溪鷺白
蜜蜂應避蓼蟲辛

東軒依舊理殘編四月風光柳脫綿慚愧林宗巾折角
同舟縹緲望如仙

午日分得關草
陸堂詩集 卷十 十一

一曲薰風唱女伶撩人重闌草青青誰教門下栽茨棘
獨上山顛采苦茶藥錄異名供小摘裙腰芳色減長汀

可憐謝客驛空美翦薙無緣仗佛靈
斯拔齋頭石菖蒲忽發九花徵詩壽母輒賦一章

清泉白石鎮相依花發菖蒲識面稀數合頻携九節杖
香幽徐透五銖衣壽祥證取蘇同叔笙譜流傳東廣微

自有靈臺根本地且憑寸草報春暉
書綠崖當湖百詠後

吹簫人去月悄悄小鳳登壇刻意吟不逐譚朱誇鼎足
譚太守舟石朱太史竹
地俱有驚湖權歌百首 風流漢上續題襟

竹枝宛轉最傳情九點山濃九水清閒醉吟消白日

可憐似舅有賢甥

花龕詩三十六首 有序

不解種花花時輒往觀馬他花皆我花也或詰之
曰既懶於種不得復懶於吟乃追憶所見一花倡
以一律屬同學分之和之其太凡近者我詩不可妄
得乃有佳花而我且索佳詩不得命也花於我何
尤

紅梅

梅格何曾就冷閒紅羅亭子俯清灣天將嫌雪為脂粉
人賤桃花好鬢難得香心兼國色即論酒態壓仙班
和羹若假填詞手第一風流晏小山 晏幾道小山詞得紅梅字香

陸堂詩集 卷十 十二

杏花

嫣紅一樹古牆陰狼藉春風怨不禁看若薺花開佛土
驚聞虎子守仙林杯中落月何堪吸 東坡飲杏花下詩
勸君且吸杯中月 棟裏
生雲好作霖 右丞文杏館詩不知
棟裏雲共作人間雨 昨歲壇邊夢尼父清香窈眇
坐彈琴

海棠

西子湖涯獨立妍 望湖亭邊有
西府一株 韋公祠下兩參天 少月九步
曾醉花下 名花
勝前隋宮綠遠道思浮蜀水船故我未殘胡蝶夢新春
特發海棠顛少陵脈脈真心賞薛 大鄭中
杜愚 何勞補逸篇

玉蘭

繁英直上射朝光合種盧家白玉堂燭下幾行迴粉面

月中小隊舞霓裳畫圖啁雀幽堪對方法煎酥巧莫忘
獨恨亭亭仙掌露馬卿渴死不教嘗

紫荊

紫花掩映白綸巾家具曾移與結鄰暮色淒涼吟杜甫
兒時心忤鄒田真遙遙內相盈千派踽踽西豪第五人
同八人
余行第五
丁亥春別樹忽萎是秋數南弟亡

杜鵑花

一欄千朵亂茸茸名字應憐蜀魄同昨夜月明真有淚
他生春恨不成空斬新榆火分寒食絕艷榴裙妒晚風
迴首子陵灘下宿畫眉叫徹滿山紅

陸堂詩集

卷十

古

月季

研粉鑄瓊次第開山蜂飛去蝶飛迴豈緣芒刺辭雕甍
實少喧涼傍鏡臺我愛風懷隨月轉人傳花信應潮來
朱書朋字從無對明字朱書月
月紅鮮對也絕倒三紅老茂才

白牡丹

玉琢樓臺面舒怪他紅紫結相於妝慵敢勸一杯酒
價重休題萬卷書白牡丹有名
萬卷書首真色殿春逾嫵媚名花向月
自清虛沉香亭北天難曉轉使肥環恨不如

荷包牡丹

花師變態牡丹饒歐九空疎竟失標包裹幾多憐子意
翦裁一種泥人嬌神來不夜針何巧洛感微波珮可

祇是欲歸歸未得蘼蕪山下路迢迢

同心蘭

潘紫施黃敢並驅漳蘭靈異茁紗幬鑲成八瓣花明玉
吸上雙心露迸珠添種留夷情便減微吟梳子韻還輸
劉令嫺詩同心何
處根柢子最關人古餅供養同龕佛無臭無言證得無

繡毯

精舍懷龍夢破時雪毳帶月影參差環留玉德肥何損
綠透珠光價可知天女有心攢素柰春人多恨壓將難
閒閒疇似張員外落盡楊花解賦詩落盡楊花澤不覺
可開老人張豎句

藤花

春光催放紫藤嬌罨畫溪邊打畫桡花市惜惜支短架
精藍面面走長條綵繡步障當風艷擎攫乖龍挾兩驕
爲是見伊攀附急并無清興詠凌霄

芍藥

粉撲釵葦百種誇翻堦一語自名家硯邊脈脈離人贈
酒半迢迢春夢賒消水紅情堪續魄豐臺玉色並流霞
如何輕薄羅昭諫信口詩差勝洛花羅隱牡丹詩芳
藥與君爲近侍

玫瑰花

如許穠華不及春明明紫玉是前身囊香細把思公子
醉顚初勝笑主人玉潔詩主人
淺笑紅玫瑰粉紙獨爭江外艷天台有
白玫瑰蛇珠
誰數嶺頭珍南海詩云蛇珠
千枚不抵玫瑰梁家宮體風流甚却愛薔薇摘
得新

嬰粟

似錦疑雲一望稠馨香雖少亦風流囊遺阿母蠶書細
米擲仙姑鳥爪道樂府新翻得寶子見本具外傳花宮特敕富

梓花

亭亭梓樹長百木與我舊結青雲交平泉易主疎燕賞
蕭寺逢僧觀幻泡黑風繞坪捲靈蛻德藏寺梓樹坪畫為海風所拔紫雨當
砌漂泓坳北墅紅雨山房以梓花命名有花莫飼白頭豕鳳皇將子來安

萱

剗地緣階尺五抽嫩黃遙帶夕陽流詩嘲兒女情何淺

陸堂詩集

卷十

十

譜續先生韻最幽宋史補志同應先生撰庭萱詩莊蝶形神真欲化羅蘭臭

冰淡相求北堂夢斷無消息道是忘憂重有憂

夾竹桃

問是桃溪是竹溪看花容易客心迷劉郎觀裏驚前度
杜老亭邊感舊題用鄭縣亭子詩華頂逢仙龍作杖湘江怨別血
成啼寧知瀟灑洋州筆輸與傳神崔子西

雙頭蓮

茶煙閣外綺羅香朱老廢花特擅場丁丑夏荷花池開並頭者竹垞先生自填綺羅香二闕和者皆不及也秋水盈盈迷蛺蝶紅衣艷艷妒鴛鴦鏡中關我
應無相泥裏根苗各自芳並蒂牡丹連理竹衰門無復
紀休祥先祖未菴公楊梅園舊宅開並蒂牡丹連理竹見第一卷

合懽藍菊

寂寞秋花未是羣小藍染就色氤氳天光過雨宜雙笑
水勢拖煙莫浪分紅桂孤虛憐月姊紫蘭重疊怨湘君
懽懽爲爾燒銀燭睡去還疑化碧雲

僧鞋菊

病減維摩丈室開秋英幻化蝶驚猜更生菊名一樣扶青
竹不借天然映紫苔陶令莫嫌送酒至遠公翻笑過溪
來色空空色元非二試與拈花問鏡臺

茉莉

半夜高樓酒欲醒隔簾香雪攪冥冥好隨白月消煩暑
莫對紅蘭比濁溼諺云清蘭花濁茉莉毳重爲防釵玉滑盆封羞勝

陸堂詩集

卷十

十

騰銅腥不應傾國亡家後猶向花田吊素馨

樹蘭

芳蘭一樹不勝簪補入騷經怨始深淚漬海人珠的的
荇黏魚子碧沉沉柔絲結網憎吳俗小艇裝花省越吟
庚午入閩攜歸樹蘭一本香殺九龍山下客離支未啖也甘心

鳳僊

析種瀛山擅一奇敢將金紫鬪朝曦像風翼自飄飄舉
鳳僊像鳳見論語摘星聖裂月簫應朗朗吹萬卉那能爭玉骨九秋值得
伴霜姿錢塘鳳舞看垂盡傳唱宮中好女兒宋光宗慈懿李后小字鳳娘宮中因呼好女兒花

牽牛

藤枝肆繞葉三尖白丑花開破赫炎須女含芒安淡淡
銀河倒影翠潞潞秋風拂地簪齊墮卯酒烘人酸欲添
曉起看伊增太息長年絕色古難兼

秋葵

川葵五采亂如麻色染新鷺淡可嘉側面露流金作蓋
當心檀暈玉生芽倚風轉覺秋涼爽向日偏憐影易斜
莫認瑣牕人病起一分消瘦比黃花

李易安詞屬極西風人比黃花瘦

雞冠

花友堂前種特殊翠翹玉珥笑區區金風亂蕪千純
繡赤日高籠五色雛影落山香渾欲舞聲消玉會儼
成圖白詩付與玲瓏唱妙豎能如國相無

吳江王慧分事種雞冠幸即秋開成仙佛

陸堂詩集

卷十

宋

名殊珍奇奇賦之狀微刻花友堂詩

秋海棠

小草當牕淚未乾枝枝葉葉浣情瀾泥中綠瘦憐詩婢
牆角紅嬌勝錦官霜雁書空秋有信竹風埽徑暮生寒
山房艷比車渠婉任是花妖亦飽看

吳已發題三聚蘇海棠開大如碗

巖桂

樹聲昨夜送秋來叢桂連蟾大可哀月落淮南成兔窟
風高岱北足薪材一番逆鼻膏燃鼎幾次攀條露濕臺
但與麤金關顏色薜蘿何古盡情開

蓼花

夕陽紅逗水粼粼細穗叢條刺眼新魚戲澈波空啖影

蟲孤抱葉鎖含辛依稀秋浦尋詩處契闊春船喚渡人
誓與椒蘭不相好年年蕭瑟楚江濱

木芙蓉

芙蓉三醉未離披無限秋情對酒卮木末有芳華不易
江干欲渡采何遲恣開天水淒清處分隔春風爛漫時
已被霜威重摧壓蘇公偏道與雨同宜

蘇詩喚作拒霜知未稱細思却是最宜霜

美人蕉

炎風冷雨伴庭除骨媚呼來金屋居可口解調甘玉露
銷魂宜放小紅蕖丁香號母心徒結木樨生兒串弗如
九城志氣州歲貢

樓子念珠十串

誰羨綠天佳話在簪花先學美人書

菊

陸堂詩集

卷十

宋

菊畦黃綴一叢花負杖相看到日斜倦蝶趁香飛又息
寒蛩隔葉語無譁閒吟脈脈風教帽對影疎疎雪點茶
往者配松今配杞陸家生計勝陶家

家當望有杞菊賦

寶珠茶

山茶品目七十二寶珠第一紅苞含素月交光丹焰焰
凍醪發悴春酣徐郎沒骨妙這染坡老少態空嘲談
蘇詩花滿樹

少鶴頭升

花身三丈攢萬朵冷然飛夢滇池南

滇茶以沐氏族錦樓為最大華

桐下八本樹

益高花尤繁

水仙

膽餅合供水仙王礬弟每兀費較量
三太素月寒宮額弄輕黃南華縹緲秋為骨北渚嫵媛

山谷詩山礬是弟梅是兄

冰薄花妝

淚亦香簾捲波紋看去足細舉阿敬十三行

黃梅

淡黃仙額晚臨風梅格端和韻不同陸地華華蓮綴玉
僧房口口磬懸銅麝眠自一香消腦峰逐何勞蜜釀甯
三十六宮春在否橫陳究竟嚼來空

陸堂詩集第十卷終

陸堂詩集

卷十

下

陸堂詩集第十一卷

平湖

華亭

姪

球琳 紹曾全校

潛虬草

丙申十月至巳亥
月存詩九十一首

潛虬者無名指之別名也指不能伸
其在田而不躍者與老聃云無名天地始有名萬
物母莊周云以指喻指之非指不若以非指喻指
之非指也僕非希心老莊者說經之餘偶作韻語
以寫性情龍耶蚓耶伸耶屈耶烏乎名烏乎無名
題舒友觀瀾圖

陸堂詩集

卷十一

下

少年入市達壺公葛陂之竹俄化龍中歲居山習禪定
頑輒磨礱不成鏡六經心醉何紛綸大哉學海日月吞
絕潢斷港吾無取直從方寸窮真源舒君淮揚俊貽示
觀瀾圖咫尺渺茫勢千里松濤漾碧疑雙瞳小者淪仄
者汎決者汙復者汜直涎懸沃涓草交未若大波渙瀾
觀者豪連山合散排銀屋長魚宮龜誰敢驕有時風起
羅帶飄有時月落金盆搖洛妃漢女可望不可即鷗盟
鴻戲求其曹大瀛九州外衍談迂且恠佛說恒河沙數
面徒自嗟我師宣尼不舍歎逝川後來觀海難爲言孟
軻既沒世岐路滋叢煩漆園秋水逞浮藻弘農涉江稔
賦草瀟溪道脉闌程朱三門砥柱狂瀾倒頽上添毫烏

足論圖中知有君形存後身得王宰畫水兼畫山更著
天光雲影古亭子與君行吟坐嘯空塵寰

酬果上人

殘臘逢開士新詩貯一瓢松黏黃海翠霞捲赤城標何
日支丹竈相尋渡石橋木瓜山下句吟口報瓊瑤
九山兼九水遂入小雷音變幻龍投鉢蕭閒月滿襟語
來皆道妙塵外得交深便結蓮花社無嫌濁酒斟

梅里晤畢雨稼屬題厥弟畫竹

春明熱夢與雲俱契濶高陽舊酒徒野艇相逢不相識
廿年重泊小長蘆

遺墨銅陽尺幅傳風枝霜葉淡潏然空堂合喚參寥子

陸堂書集卷之十

與証蘇家未了緣

春分前一日雅集弄珠樓拈得東韻

此湖亦是勾留處春半還吹料峭風琴客刺船歸海上
楊藏中將酒人放眼老江東幽香珍重寒蘭渚兵爪依稀
歸松江印雪鴻私喜西崑同調在月樓千古不成空

戲題高南岫便面

擘香雙蝶過牆頭花氣能將午夢留似爾翻風矜栩栩
故應銜羽笑周周蝶 右畫

詩筆休誇謝五妍情芽幻作鐵絲纏金塘一樣爭顏色
霧裏端相倍可憐右畫 蝶 線蓮

駕湖曲

朱中丞 課士題

鴛央湖水清且漣樓頭含雨復含煙楊柳折殘猶自媚
笑萼初開劇可憐莫言煩暑無由避小舫紅窗信所住
鏡閣依然號畫山檀板阿誰翻白紵八驕六轟方來旬
心喜衣香接偉人坐風散與當眉月問俗頌來有脚春
千頃玻璃浮一碧回橈再訪魚樂國拂珊瑚叟真吾徒
酒盡玉壺醉今夕雙鴛飛飛錦翼連刺有閒情似少年
竹枝唱徹西陵路慙媿風流鐵笛仙

送同學金雷甫入都

仁山理學舊家聲交淡無須車笠盟喜與太微星象協
粉曹玉珮韻琮琤

故紙烏焉細討論千秋風雅至今存近與雷甫補 刊楊守詩集吟餘最好

陸堂書集卷之十

扶殘醉竹石蕭疎映酒樽

自笑窮廬味義根縹緲猶染客衫痕憑君上啓婁東相

光範三書代埽門

遊韜光庵

百盤松竹隱祇園海日江濤涌一軒誰似風流白刺史
巖花相對淡無言

白袷飄飄禮上真石壇秋盡艸如春廿年前走邯鄲道
未是青蘂夢醒人

與馬都統均巖話舊

弱齡策蹇滯京華擊鉢催詩興未賒情抵同根非附漆
話逢舊雨宜搏沙永懷大阮林間酒雅坪叔父向與 尊公結兄弟僥倖兒

曹月裏花時以爲兒中式爲喜趁取煖爐天氣好六橋煙水一舟竿

贈董明府紫來

廣川經術在小試已達時直不阿弘閣廉寧尚繭絲浮雲終可散圓蓋本無私聖水明於鏡相從挹紫眉珠樓高處倚棠樹碧惜惜惠澤與人誦風流宓子琴規恢宜望縣盤錯少同心作吏難如此遺榮慕向禽

呂生快亭四十初度口占以贈

綠鬢如仙四十強蓬山早喜姓名揚一門五相從無敵瑞柳流傳葉葉香

郭園風雨論文處彈指星霜廿五年重見趨庭有令子生朝小拜舞衣妍

陸堂詩集卷十一

四

相於三世比蘭馨羣紀交情未足稱爲我千秋留述作快亭刻余詩學不須殘餅喫紅綾

秀水王明府予未下榻十杉草堂以詩留別依韻

酬之

羣動紛如煙靈臺罕識主山水本一致仁智互領取譚塵散玉霏墨瀟耀珠吐楚蘭幽以馨結契不在語盥手誦新什風颯音太古薄技枉屠龍盛名慚筆虎笑登鮑老場屢伴郭郎舞佳哉畫鷁流允矣紫眉睹草堂媚冬日小蝶飛栩栩離坐待月生清絕水西塢

聞雁

浦重白河沉南樓過雁音寒更悽永夜孤影沒遙岑兵

氣高橫戟商飈暗觸琴閒聲舊相識何事轉驚心

催梅和馬文怡齋

梅岡倚杖獨吟時日淡煙輕圻築遲玉貌三千憐不嫁花風第一忍相欺銷魂香杳聞龍笛索笑盈盈泛月厄已過燈期寒料峭憑誰妙手轉溫文

六浮山閣探梅時比擬西溪信較遲鶴在最宜雲白護鐵寒肯受杏紅欺幾番雪霽移孤棹何處香消吸滿卮好趁花天倚新曲玉簫長對美人吹

解西賦玉蘭拈得文韻

皎皎謝庭樹臨風致不羣蘭盟差有骨玉札本無文斗室虛生白層臺夢入雲偷春鼠耳銳舞月蝶衣紛露挹

陸堂詩集卷十一

五

仙人掌香披君子薰碧蓮參妙相鼻觀已先聞

次韻謝果山

落盡春紅缺報章梅花卅詠歎才長敢從釣客分豪氣來詩韻鈔重祇許詩僧對夕陽醴水無源隨地湧旃檀有性逆風香紫衣一著還山好肘後何人判玉璋

集杜句神仙才有數邱壑道難忘書贈翁羅軒前

輩即用平字賦成六章

小園重製賦大雅共扶輪斗望高南紀巖栖接左神月斜翻碧浪松老躍龍鱗問字無須酒溶溶滿座春驚嬾桂參天翁山茂閣聯偉人三不朽壽福五俱全電響空秤幻雲烘小筆妍畫曉呼共載漸暍墊巾仙

粵嶠紗帷敞冥搜得異才莞香清不貯端石翠曾開畏
壘家仍祝騷林遇可哀謂後南丹霞真福地回首隔紅埃
醉吟無不可坐此即丹上逸足騰危坂初衣浣急流梅
花宜鶴守修竹任鴛求千古論風雅香山與匹儔
竹閣盟車笠歸然霸越壇蹊邊桃李盛膝下弟兄難暮
府開王儉蒼生仰謝安誰云裘萬丈可免洛城寒
點勘牀頭易生涯昧舍藏星催擺驥老春減谷蘭芳樸
學愁終落蓬心喜漸忘稱詩雖小道針砭待離黃

花社得十八嘯

華山甘龍蟄蘇門恣風嘯樂行憂則違偃仰合道妙春
晚偕素心廣花選材料清嚴友松柏細媚締蘿蒿暝雨
陸堂詩集卷十
舍碧愁朝暄發紅笑會規取真率毋庸折簡名損時簋
貳享歡場爵三醺蝶夢何獨醒鶯簧乃同調元談若晉
人涉世亦妨要張公博物者一枝昧鷦鷯力第切轉蓬不上
天車耳生絕嶠心師阮步兵醉鄉可埋照

戊戌三月晦日集述綢祇念堂送春拈尤韻

九十春韶乞小留新詩不減宋鄜州壓闌花好名難辨
秉燭人歸興尚道顰顰江魂千里別冥冥月路一襟愁
東風釀雨晚來急樽酒何堪當石尤

題綠崖比蘭圖

泉明松菊濂溪蓮卉木亦締高人綠獨有蕝蘭媚幽谷
王者之香色比玉鹽官妙手添三毫骨秀壓倒凡兒曹

石欄周遭春水涼有膝可捫書可讀讀書萬卷氣自華
條風習習抽蘭芽披襟臭味澹相似慎勿當門犯時忌
圖中瘦腰者晤對復何語外家宅相陽元成吳興文獻
青箱繼舉杯獨酌蒼月團新沐待整芙蓉冠蕭艾盈庭
棘充路蘭兮采采佩者難

初夏梅垞即席拈得三江

北垞小繫木蘭纓夏淺能將春色降風拂野薇紅落硯
煙消老柳綠橫窗夕陽驅犢過橋堦新月留人倒玉缸
一棹百分狂態在瘦吟誰羨賈長江

詠薔薇做梁宮體仍用江韻

小園芳色占百卉殿春降猩紅堆滿架酥白膩當窗寶

陸堂詩集卷十

光凝露瓊香氣犯星杠吳宮捲珠箔漢殿帶金釭笑拈
能入妙醉舞不空腔刺密驚回蝶叢深吠出苑青眸仍
對阮綵筆暗銷江散畏吟遲罰東西玉一雙

集選句題王庭山小影

崑山積瓊玉尼滿沂水富英奇范觀書鄒章句顏延之道積自
成基張賦歌能妙絕陸意得咸在斯謝靈運寸陰罕停晷陸
月華散前墀沈約園林無俗情陶潛百卉挺歲稔王已有池
上酌謝朓流鶯復滿枝約華容溢藻幄陸皎皎白素絲謝靈運
明晨秉機杼曹植光耀世所希約前修以自勗協茲理不
可違梁駿足畏長坂殷靈鳳振羽儀約八方湊才賢謝靈運
王度日清夷傅咸結念屬霄漢詎存空谷期靈運

題家澄川小影

煙水翦吳淞綸竿隨所寄五月客披裘寧無釣名意

松寒月亦寒秋風捲夕瀾江湖與魏關達者同一觀

七夕和表兄張玉壺

荔塘西畔月痕歛七夕偏憐秋信遲舉手招涼六角扇

入林盡醉百分厄好花勝畫知唐種軟語探元本晉時

欲問桃蹊迷去路爭如河鼓隔年期

駕湖書院詩

宋初迄中葉書院四大推學校職雖缺絃誦道未衰流

風紹兩浙勝蹟名堪追長春與麗澤經師兼人師楊李

介吳越駕水清漣漪天心舊講堂瓦礫窺甍裡有廢莫

陸堂詩集

卷十一

八

之舉地靈空爾爲吳公益朱轡政成甫亞菁莪壇卜上

庠吉日契元龜複閣切雲漢廣庭羅英蕤齋寮間庖福

一一勞綱維延師勝趙德說經擁臯比月季手丹黃陶

汰成瓌奇豈惟興社學名教相扶持前明爭穀洛文運

亦離披陽儒陰入釋清淨探摩尼蒙莊恣談諧金椎控

其願皎日忽生翳大道何多岐三魚我宗兄私淑心所

儀情思發周孔淵源窮濂伊上接子朱子大醇無小疵

學優仕不達實至名迺垂樓頭奉粟主肅拜盛願蒸生

徒式歌舞香風溢湖湄

今皇崇聖學八埏躋雍熙徽國特陞座范公允附祠敷

文額松嶺墨彩騰高楣府主宣德意懷賢創良規觀海

須結筏爲山務崇基儒統別眞贋千載此一時廊廡直

可位俎豆寧非宜陳詩讀春秋非慎勿遺

蚤秋賞荷隸事分得田田

盡道蓮花艷何如蓮葉鮮涼風來水面倒浸綠雲天樂

府儵魚戲小名青兕憐車稼軒小名青兕專房容易老定不妬錢

錢田田錢錢稼軒二妾名

碧甯和述絢

秋窗還剩暑不醉客無回名酒金盃露新詞荷葉盃凌

虛仙骨在鑿翠暗泉來一飲盡一石玉山取次頽

秋日田園雜興限十四寒

莫作悲秋者柴門倚杖觀風禾堅玉粒霜橘耀金團寶

陸堂詩集

卷十一

九

雁曾緘札芙蓉新製冠前溪有明月野步不知寒

觸熱嫌人意秋來眠食安游神支瓦枕捫腹飭菱盤近

社村醅熟梢空竹色寒羊求招未得田父罄交懽

月華行

滌我澄泥硯拂我行波箋薰我篤耨迷迭之爐煙走筆

爲賦月華篇前歲寓邗上月傍雲氣加兒童懽喜走相

報失笑不覺口呀呀此特暈珥豈月華生年十七歲在

酉酉月幾望當午中九野無纖雲孤鏡磨青銅西南月

角忽吐一端白層疊紅黃紫綠碧自天直下垂相去不

知幾丈尺廿四道光一迴旋但見寶月不見天半空搖

曳流蘇然爾時發狂叫聞者歎無緣豈眞月娥老住月

中央乘鸞妙舞飄霓裳抑或天孫須女恣遊戲雲錦倒
挂駕機張神光結撰不可測其事希有理則常是年三
葉刻盡四海寧見之額手稱國禎小者為我增聰明摘
文倏若翻水成哦詩往往長老驚平生游覽具三使靈
胥怒濤勢砰湃海門白漾玉一灣鷹窠峰頂合璧尤奇
觀內月外日摩盪千百九何仙九鯉湖水與山關險雷
轟耳欲聾珠簾劈面捲從來地獻靈遠不逮天工月華
縱光恠老眼難再逢我詩力怯挽強弩枉向雷門持布
鼓圓光聖手情吳生烘染一圖足千古

劉墨莊席上咏秋尊

搔頭船小摘尊絲好在西湖八月時任爾仙人吹鐵篴
陸堂詩集 卷十

老饕祇愛滑流匙

不點吳鹽味較長三高祠畔月蒼涼可憐十丈軟塵起
吹殺秋風也覺香

仲秋胡原仲招集梅垞看芙蓉

小園百卉細平章贏得詩人喚拒霜素面低徊三醉顚
紅雲繚繞五花房衫寒月榭添蟲語牋拂秋燈過雁行
為有吟情追謝客天教蓮朵一時芳

後池猶開
雙白蓮

閏中秋四絕句和平山韻

擬竹擲絲上月樓素娥重踏一輪秋座中誰省霓裳拍
惆悵虹橋是昔游

天公重疊鎖秋門幾許風懷對酒樽頻向牡丹臺畔祝

文紅歐碧好同根

吟秋韻事屬吾儕月彩雲容一倍佳強似丁年閏七夕
天孫惜別兩連簾

疎疎黃雪綴高枝艷艷金芙浸一池誇向竹樓舊詩老

清光何待隔年期

王元之詩難辭終
日看動是隔年期

大雲寺燒香詞

寶鼎濃薰心字香慈雲不散殿中央誰家近水開新店
包子駕央勸客嘗

十五吳娃髮覆肩繡幡曾結佛姻緣小來恰恰逢秋閨

紅柿青菱販滿船

舟子催歸底用忙團團白月照西廊排笙搖鼓無心買

陸堂詩集 卷十

卷十

士

摩合羅兒揀一牀

送晴江禪人入都定省即東澹寧先生

名經頂千佛傾倒是天親已契妙明旨仍為定省人曉
雲輕疊絮秋月白翻銀不共吳船載臨岐重愴神

藉甚嚴夫子聊蒼老著書松心能獨立蘭臭本相於譬
簡通情懷因風問起居黃花留妙句寧止羨鱸魚

太白詩
張翥詩
花句風流
五百年

題姚中舍息園山水畫冊用子美觀嚴鄭公廳事

岷山沱江畫圖韻

重見丹邱蹟風流想玉堂法書兼晉宋高詠薄齊梁繪
事推餘技晴窗發古香佳山藏曲折遠水辨微茫妙鑒

踰柯竹家珍抵吉光宦情雲解散歸興鶴添長小摘萼
粘浪閒栽菊耐霜會心蠟履暇奪秀乳爐旁夢蝶何超
忽名駒自激昂謂平山紀羣交誼在讀書意難忘

喜乾三歸里次留別韻

詔下清門許復除遙歸何啻控仙驢爨炊已息因人熟
雞菊將華愛我廬神禹甘讒空鑄鼎腐遷平準悞編書
二分莫話揚州月朗朗西峰挂玉梳

送徐編修激齋出使琉球

繁星拱北極瀛海納眾流

今皇御宇五十有七載文德武功煥赫超虞周白玉雕
管露瓮浮蒼龍蜃蜃鳳秋秋荷蘭修表研金紙花斑小

陸堂詩集

卷十一

主

鹿安足齒頻伽之鳥黑珊瑚貢自瓜哇南巫里何況琉
球近海東累葉漸染中華風嗣王冊立備典故印文特
鑄銀幣豐前明出使者兵垣暨大行 本朝妙選玉堂
英工詩善書端儀型激齋先生探花最年少午夜校讐
藜火照

帝曰往哉惟汝諧九頓螭均奉明詔三旌六纛馳星輅
虬鬚飄灑麒麟袍還過金閭亭樂事拜家慶壽母笑顏
酡襍還珠履盛男兒墮地懸桑弓輪囷肝胆摩蒼穹用
奇殼弩入虎穴那如仗節穩疥蛟龍宮五桅巨艦長亘
十七丈柁樓針盤屹相向梅花外洋憂銅鉦神魚導引
皇威暢天吳颶母不敢驕一朝徑渡古米礁教那國主

裹頭絢五采迎恩設讌宮嬪親和調邦人信鬼余所聞
巫君帶草呼成羣焚箕鬯少聖籍土田砂礫難耕耘
此行文教重敷宣八條變俗同朝鮮奉神兩廂樂苑正
却金亭子清風傳非祿猶是日甸尼其非天琉球呼曰為非
祿天為甸尼
波羅檀洞環七島海隅不乏名山川土物雖細瑣瑣筆
宜周詳闢鑲樹枝軟堪織荆榴色奪沉水香落際聚體
舊史涉夸誕輶軒紀實拜手呈巖廊副墨假我披覽圖
金箱

重陽前二日登破石山

眺望先重九空靈到上頭霜鐘六寺出紅葉兩山稠巾
墊林宗雨鼎鳴東野秋采菱歌未歇緩緩棹歸舟

陸堂詩集

卷十一

主

四明魏子良以懷青壁主人詩索和
無由玉版戲談禪悽斷如蘭世講緣若墅賭還思謝傳
道山游復失蘇仙囊中孰可撓汪度靜者何期減大年
福命自來難一槩即看寶月有虧圓

書魏里錢丈樵叟兒孫傳後

皇媽搏土戲無窮洛誦兒孫紀壹通譚塵早年傾叔寶
錢仲子勝所字補
三七年三十有四錦綳再世育非熊孫錢年十六卒勝所降凡千室為氏云錢
當再求乳名後即側室金果產遺腹男
庶姬總入共姬傳淑女偏持令女風錢勝孫字幼
女矢志不嫁野史亭
中留信筆幾回激電視春紅

題沈負外禾畊遺墨

達心底用遣楊枝鬢也風流倍可思挑盡夜燈頻展讀

清真樂府致能詩

瀟灑幾叢佳竹石空茫獨坐古亭臺禾畔畫意吾能識
奪取紅檀秀骨來

題奇士魏君傳後

魏維彰字彰
生宋溪人

緯書傳闕下妖夢證黃來不值傾危勢焉知磊落材潛
行曲江路哭上子陵臺鞭竹吟朱鳥人間重可哀

題魏母王孺人苦孝奇貞傳後

魏彰生室別時年十
九至八十二壽終

形史千秋在應標母節奇松蟠貞且壽竹陰孝兼慈已
具丈夫氣休談兒女私生離勝死別盡瘁復何辭

初冬同孔希逸李柳洲登橫山

橫山勢逶迤磴轉不盈百省指葛陂節懶躡謝客屐秋

陸堂詩集

卷十

古

霖凝暮寒冬晴漏朝白力盡蛰無聲夢醒蝶再出造化
鍾靈與山骨貫川脉祖龍揮赭鞭鑿谷用徒役空肖伏
獅形童斷少松柏真逸讀書臺邪蒿翳行迹僧寮響粥
魚短晷俄焉夕酣飲且達生浮名復何益

題王崧原息深圖

秋水沈沈洋捉塵談箇中惟許伯陽參青柯坪上天如笠
來日分君一半庵

蓮葉巾欹蕙帶飄果然丰骨阿龍超華陽弟子今衰老

十賚何勞下碧霄

借公惠夫子履詩以報之

邱壑置謝鯤朝韉違我素阮孚履可蠟媿乏濟勝具借

公飛錫回脫贈夫子屨却之蹈不恭拜嘉意所注緬昔

晉永平烈焰焚府庫斧頭燼固宜漢劔躍堪怖清言致
淪胥道喪紛若驚唐宋迄元明俗學盛章句弱齡坐觀

心團瓢洽機趣後潮濂洛源輒希孔顏鑄冥搜經子奧
細辯豕魚誤矻矻念前勞悠悠導先路踐履苟不純靈

臺亦虛悟哦詩聊報瓊風雪攪旦暮化城隔湖水葉舟
淼難渡昌黎師大顛即此見情懷秘演友曼卿何但重

詞賦俚指車笠盟新者不如故談禪極三季近仁歸一
恕世塗縱嶮巇繩趨而尺步

己亥歲朝雪三日不止同侄輩飲酒賦詩

乍喜迎朝旭何期雨雪驟光凌新白髮寒擁舊青瓊故

陸堂詩集

卷十

主

勒蚤梅信頻撓濁酒權窳天空色相柳絮未云妍

東皇耽玉戲免矣蝕金鴉靈臺宮云元旦
申時日食當既鳴珮朝儀肅騎驢

詩思賒吹回泰谷律橫亘赤城霞聲教流沙訖凍人且

莫嗟時三路出
師西征

春雪無虞早應防夏雨多農占舟入市立春後甲
子日雨神祐璧

投河殘燭花生攬新醅綠勝鵝風流鄭谷句誰爲寫漁

簑鄭谷詩江上晚來堪畫
處漁人披得一簑歸

題張文五芳艸齋圖

藉艸喚愁生靜者得遐寄庭宇春常留誰云綠無意

題汪新衍小影

傳神虎頭特妙度曲水雲最超車子頗能迭唱小紅已

慣吹簫

項里色如錦彈綬山味勝冰漿六月不知煩暑藕花香
罩鴛鴦

為南岫題竹窗遺蔭圖

兩溪竹色最嬋娟精舍猶懸

御墨鮮喜見文孫懷祖德不勞木石誠平泉

結習難忘頌酒篇三蕉飲罷已頽然仲容自屬青雲躍

且莫希風竹裏賢

題嚴我承蒼源小隱圖

漸上鴻于達乾二龍在田出處偕時行詎必人勝天我

友客星裔貂冠世蟬連司農贊廟謨蘭臺湊羣賢家風

陸堂詩集

卷十一

六

守清白素業勤丹鉛觀碑入太學駿足誇無前突兀郭

隗臺黃金不再懸掉首賦歸休擬結巢許緣大條靈輿

區兩湖清且連蒼溪之上流萬疊奔銀泉松聲濤滂湃

竹色翠嬋娟君形托毫素妙處阿堵傳閉園敞十畝坐

嘯足佳眠邂逅參寥子與談玉版禪

念雲堂牡丹和南岫

穠華泥露曉來濡好手邊鸞畫得無玉篆玲瓏名自貴

寶欄屈曲艷相扶花魂苦憶沉香醉詩律微嫌昭諫鹿

興盡一觴還一詠免教月夕影同孤

哭鍾錫子山

乍聞伏枕已心驚揣熱疑寒瘵不成厄數可憐占未濟

探著清未清引

高僧漫與證無生難逢駿馬收金市去秋有任北遊想任

看芙蓉上玉京咄咄書空何限恨翻因枯樹泣韓甥

枯嶺雲霞隔五霜知音愁絕子期亡妙文遠矣罕於詩書儒學何由玉樹

枝連折若無物復於前始信元廬卜未臧貧廡飄零須健婦遺經

幸苦付孱郎此中作惡殊難遣忍向空幃醉一觴

蟄室題壁六首示高生三臺

羣鳥識養羞蟄蟲能墮戶居食各為謀以待陽春煦惟

人萬物靈惟心百體主知命自忘憂平情敢遷怒多慾

壯可唾浮名晚何補所愛斗室寬兼獲異書聚銅瓶花

折枝竹笛香縈縷此中有真樂極靜如太古魂夢亦偷

然不踏東華土

陸堂詩集

卷十一

七

藏身喻一指編詩呼潛虬無用寓有用聊以註莊周破

閒覽方書準繩論最優冬至吹賊風百病之根由微陽

乍來復不敵陰氣道閉關慎起居効勝烹砂硫陸堂下

惟處庭草生意留八分顏蟄室旨趣適相侔縱悟五龍

訣神仙非所求

象立數乃行明明體用殊誰謂義盡卦而由河出圖白

頭皇甫謐八篇廣古書遠不逮伏生厥功金匱軀毛詩

備成數箋疏瑕玼雜瑜義存史文外言例鑿且迂儀禮最

簡奧幸存秦火餘周官集河間聊具經國模家語竊小

戴王制刺羣儒硜硜陳雲住所見亦拘墟孝經良可寶

無遑箋蟲魚隻眼計汝具耳食非吾徒

大樂失真傳故紙襲浮詞旋宮上下生懷此久自疑寸
忱感至聖降庭面命之八風律不奸一語豁心脾人聲
爲樂元五均各攸司金石按節奏主音惟竹絲大韶與
大武九六因時宜制器數考工律度無參差惜哉三掬
管心病難發微近世少變曠能言涉誕欺且循童子禮
聽余談六詩

讀書如登山必自平坡始又若掘井者逢源乃可已欲
速防一蹶求新忌中徒已熟再三繹回甘味沁齒萬竅
心瓊瓏靜中涵衆理體立用能周經通隨閱史六籍寧
空言反身覘踐履進德主忠信養蒙首孝弟四海本同
羣窮則獨善耳伊顏匪異人志學當勉此

陸堂詩集

卷十一

七

一理宰二氣推盪無停輪豈惟物性駁六子本糾紛坎
流石怒激艮止泉喧奔朝旭晞重露夕規斂層雲捲雲
風颭颭然風雨沄沄雷電駭耳目白晝俄焉昏天地發
殺機何況蠢愚羣槐宮蟻好戰蠟燈蛾自焚獨足跳山
鬼雙目眈山君混沌雖可鑿黑白終難分匡牀聊宴坐
戶外如不聞

陸堂詩集第十一卷終

陸堂詩集第十二卷

平湖 陸奎勳 坡星著

嘉善 蔡以封 桐川

沈承點 東陽全校

識真遊葉

已亥七月至庚子七
月存詩九十九首

仁知之與山水性近而情爲之移少年喜動遇大
水輒流覽不去乙亥冬舟觸于阿城閘樊已嘉平
月自孟湖抵江陰風濤陡作幾從屈大夫游乃轉
樂水者而樂山高宮暈頂間將徜徉終老矣已亥
秋孟子役西江雖乏濟勝具遊屐所至間作小詩
以自娛蓋身在廬山之外即真面可識焉豈必讓

陸堂詩集

卷十二

十

蘇公爲解人耶

留別洛如諸同學做謝康樂酬惠連體并次其韻
我廬一畝寬環湖青數峰心靜古能汲道廣時見容聘
書首秋至醇醴永夕同明發指西江別緒攬心胸
心胸相對披行藏未信斯居貧尚厭志材薄酬所知秋
風孤蓬征秋雨敝車馳貞明仰日月少合多睽離
睽離沂金川浙江東有金川派結念康廬山依人忝趙壹下士欽
任延名區啓芸局絕壑搜靈篇有獲由學古不朽期立
言

立言並功德拙速寧工遲匣琴彈流水知者惟鍾期山
月照無寐江雲疊相思及暮賦歸來長竿曝犢時

讀禪辭故交擔書遠遊遨仙壇秋熟釀梅嶺冬含苞高
勲景嬰芮介節標徐陶清商悄終曲聽者謂我勞

下浣二日洛如同人餞余淮左齋頭分賦得鶴限
歌韻

林叟甘爲使梅花共一窩朝飢餐石髓秋爽啖銀河偶
蠟登山屐重聆鼓柷歌鶴田謀二頃心計訝東坡

錢唐江舟次同黃美在作

三港匯錢江入海勢如注赭龕東一門羅剎扼中路霸

胥涌秋濤由羽萬屯聚洄流激海昌吞噉及秦駐民命

其爲魚禹功渺難潮嘯鑄九州鐵永保石塘固征途指

豫章江舸疊裝具蓋傾大小山時與他山先生聯舟今于
坤元姓澤壽尊開隨侍袂連舊

陸堂詩集 卷之十 二

今雨楊東野
亦同行酣酌始平杯朗誦宣城句夕哺潮暗生風便

挂帆去忠信素所敦波濤狎可懼臨發戒榜人延緣定

山住

經富春江觀兩厓暮色

兩岸芙蓉向夕舒客懷渺渺欲凌虛傳神縱遇黃西井

深翠遙紅恐不如

舟居差勝陸行艱淪茗論詩未放閒多謝秋風相送意

迴頭已失富春山

釣臺

雙臺青嶼峨影落澄江底參軍淚何多先生耳欲洗白

雲滄山巔卷舒隨意爾堯舜至今存勲華一彈指鬢年

慕高躅肅拜薦芳醴癸丑歸自南雄時
余九齡展拜祠下嗤彼賈菜傭消子食

肉鄙繼從大阮遊庚午侍雅坪
叔父入閩風帆迅若駛嚴程廢幽探身

遠心則過鼎鼎三十春雪鬢吾衰矣稱詩蟬噪林研經

慮蝕紙牽夫腰環環急瀨沂七里祠宇幸無恙老松半

空倚秋暑倍鬱蒸躡屐還中止遙瞻抵親炙免嘲襪襪

子

蘭江和韻

聞聞參差埤垠低綠江蘭草自萋萋何來貢使同烏弋

瑤球貢使
船泊堤下且住嘗新有白梨文獻中原歸麗澤風光千古

寓濂溪淵源細向蓬窗究此外從人笑向西

葉邨觀水碓

陸堂詩集 卷之十 三

未邦地利興杵臼粒食佐上動下安止厭象取小過拓

溪合激溪溪聲喧耳破蛟織長風綃珠落九天唾村村

水碓連縛柴斗樣大橫木貫碓頭掘地受杭稔穀轉有

倫序春相若唱和尅期精槩出順風糠粃簸葉氏留祖

堂苗裔力肯播柑柿子葉繁利倍竹千箇夏旱雖薄收

幸爾脫窮餓昔余遊建陽敗船仿式作去聲因歎先民巧

得弛我人瘴觀蓬制飄檣師蛛結網邏秧馬助穗蓂木

牛解裝馱西征越三年鐵甲屯邏娑輓餉車躑躅風沙

揚掘堞休言萬里程近遊頗摧挫灘多撐折篙長年水

沒髀心虛忘觸舟意定愜宴坐硯石老耘鋤荷道志力

懷伯鸞甘賃春阿戎枉算磨農圃亦吾師四體免頽情

抱瓮踰桔槔息機且酣卧

過西安縣有懷

戰地推姑蔑災年營宿儲所過獨金嚴三郡皆報早災穴中龍在否亭畔

鶴何如雪瀨侵衣潤雲峰撲面虛循聲繼卓魯垂老尚
備書

自嚴瀨泝信安江僕人揀拾灘頭石子供養三盆
心目俱爽喜而賦之

江行三百里前灘高後灘水石互衝激產子形千般或
尖如馬耳或彈若豬肝脩者蠶展眉凸者蓮整冠琢方
印累案磨圓璧團團龜貝伏巖隙蚌蛤吸淙潺正間備
五采奪目何紛編雲粉白的的箭砂紅斑斑天水碧於

陸堂詩集

卷之十二

四

趙墨君元過潘璫黃蝦蟇青雜以桃花顏形色嫩細數
文理差可觀一波筆三折金玉帶彎環疎疎影入木明
明星走丸異巧出天繪葉舟牽急湍三盆清供養奚必
哥紫官雉書易引睡蓬窗聊破閒歐陽吟月屏海嶽傳
研山寓意肯玩物新交逾古歡蜀滇產關奇其次聞新
安駕央常獨宿僮魚中不乾塔石實六合稜稜七級攢
掩口發胡盧鄒下宜刊刪下璞足再別鮫珠泣盈盤何
地無美質爬羅識者難

椒堰舟行看雨

秋雨颯然至濛濛小米山船如天上坐身在畫中間

一杖肩一瓢隨心妙行止浙瀝響驢車我征越二紀乙亥歲北

歸

昨宵月近人今朝雲擁樹待讀書燈聽話龍山雨

常山陸行

曉風落苧葉宿雨漲回溪寄聲石門山洩雲東轉西石門山雲即雨

擔夫聚若蟻旋磨無休時皮肩擔夫息樹陰鳩形良可悲
舉世填三坑謂皆欲名利枯寂也衡命昧所限閱稼畝與我思樊

清簡樊川宛壁歸老常山

時清戎卒空腰站草萍息猶聞五稔前猛虎攫人食

雨後發常山晚抵玉山遇大雨步初白太史韻

山行無百里入望總低迷秋釀蕭蕭雨鳥呼滑滑泥篋

陸堂詩集

卷之十二

五

中元草續車後赤藤携且住為佳耳石門雲向西
銜雨吾何怨種田慶晚蘇向來詩敗興無過吏催租越
境多豐象從橋亦畏途江樓看山額幾點墨痕濡

江閭即事

暝閣一杯酒興來得句先瀑流近市檻星亂隔江船逆
旅堪談易安心不離去聲禪南山適相對燕坐亦悠然

玉山行

橫峰側嶽環玉斗玉溪一道蜿蜒走豫章門戶豁然開
面浙吭閩淮臂肘我行初涉東津橋猛雨擘暑風怒號
覽輝樓名芳潤堂名俱在未暇訪濁醪一醉殘燭消三衢早
荒稗雜米隣邑豐穰差可喜舡船喚得尖如梭順流直

下鄱湖尾羽衣入夢何翩翩西崑艷體今宜艾表齊在

宋疊山是正氣不亞文文山妻李女同時甘殉節巾

幘足砥朝紳頑玉山高高可頽懷賢太息首重回潛翁

戰死骨不朽荒祠隱隱屯雲雷鄭威烈公前會之後侂

冑金既破碎誰能救更教浪子作平章難向西湖洗遺

臭

舟子詞

舟子輕僂箭撇波玉溪百里片帆過先生已醉三蕉葉

月底新翻懊惱歌

天邊新月兩頭彎水調高低唱阿蠻妾夢偶然窺石鏡

郎舟驚地過鞋山

陸堂詩集卷之十

春水從無上信魚相思匝月斷封書鄱陽一帶萋萋草

秋鴈而今未肯居

饒江西注贛江東一樣操舟運不同祇愛鄱亭湖畔路

湖神面面解分風

柑子纍纍味帶酸嶺梅開謝不知寒狀元吉水真無數

狹路休經皇恐灘

九派潯陽水關奇一麾猶悵左遷時青衫客子今無淚

怪道琵琶不要詩

弋陽晚泊

弋溪景物舊曾諳秋水環城拍拍淪過鼓依稀聞一昔

殘碑珍重抵雙南掖垣經術猶中壘表叔譚給諫觀察家風

本澹菴胡按察士相萬曆間作軍子婦曹祖也循吏書名知不愧獨憐老柳蔭江

潭

午過貴溪

撐笠看山日正中山連城郭水連空重潭貴溪三台并三級不比三台

貴相連水漲不竭象立何知虎踞雄列戟世家存斷礎調梅

相業委飛蓬癡兒誤盡鈴山老若較青詞一例工

橫過東鄱湖尾東野有作和之

湖流今湯湯秋水涸今一葦杭香不見其跨六州包豫

章聯楚界劃閭疆風輕半捲縠羅皺雨過微雜泥沙黃

客行占利涉使帆不用柁長年礫雞醉湖神令公穀魄

垂千春未信馬當七百里一夕風檣送王子明春挈伴

陸堂詩集卷之十

游廬山九十九峯窮躋攀支筇直踏含鄱嶺如龍濺雪

毛髮冷莫教笑口開洪崖辜負全湖好烟景

中秋書局玩月和東野美在

涼風一霎暝雲收接席談諧總勝流桂影平分今夕酒

雁聲遙帶故園秋無勞刻燭誠齋敏且學磨崖黃九道

聽話匡山讀書處初自翁談廬山之勝仙才何地不丹丘

訓李賜公

金簡投龍多福地仙真十二本清癯後身慚愧洪崖子

甲申歲觀小影竹垞翁題曰洪崖後身妙句遲君補舊圖

青蓮居士筆生花何羨龍光應物華池上蓉開休置酒

談餘細品白茅茶

重九游百花洲便過總雲庵訪心壁上人和初白

翁登高二韻

無須痛飲讀離騷晴日芳洲興可陶兵氣已銷花爛漫
市塵不到石孤高湖涯問渡藏香阜亭上支爐涌素濤
寒簷山肩吟未穩却聞獨鶴唳雲皋

紅欄隨意卓烏藤問是風乘是我乘學孟浩然還就菊
讓陶徵士老依僧徜徉山水神猶旺函蓋乾坤句未能
獨幸此邦書大有稻香無俟九秋登

南昌李少峰新建劉敬臣兩明府招飲北蘭即席

和重陽二韻

四難何意此相逢傳響初聞雲外鐘西壁半摧蒼幹直

陸堂詩集

卷之十二

八

羅鏡亭山松 船細捲白波重凝之堂潔真如玉元禮門高

本是龍遙指西山並廬阜空江削出翠芙蓉

不分嵇阮共山王且盡佳辰為樂方鶴嶺隔江懸夕陽

龍沙匝地漾秋光未能止酒還中酒轉覺殊鄉勝故鄉

小與涪翁詩派別已無風雨作重陽

重陽後五日陽谷招看芙蓉率賦一律

未了登高興芙蓉小池霜能添嫵媚午不褪臙脂徑
曲牽舟住譚深覆醖遲欲歸猶佇立涼月正當眉

雨公亭詩為白中丞賦用祁觀察元韻

零壇歌舞例奔忙天意無如人意涼不是至誠通帝座
何由大澤播雲將焦田蒿地成豐歲紅粟先期轉太倉

為報郇膏連漢水書勲千載煥旂常

兩番喜雨記新亭面對西山送遠青性定風雲非變幻
氣和天地亦清寧異花散處螭盤碣流水聲中鶴步庭
慚愧仲文詩律細敢將殘句乞湘靈

心公復主秀峰以秋江返棹圖索題

廬山高吾所思瀑布泉古稱奇峰羅列九十九名藍
五百懸參差開先本是南唐蹟竭來 賜額輝銀泥

四十二年 賜 般若心經虔供養

御書所在龍護持堂開十笏亭四會疇馴白象調青獅

了山一花傳累葉最傾倒者雪嶠師心公滇南秀定悟
兩兼之省親特貌摩詰句餘藝直壓皎然詩十年住山

陸堂詩集

卷之十二

九

究元要入室弟子加鉗鎚五老峰頭識真面紅樓衣紫
將何為邂逅東湖東若梳譚移時閒雲野鶴心性別黃

花翠竹賓主誰法席肩挑卸未得扁舟秋泛江之湄明

春遲我拖筇枝生天成佛非所期行吟招隱橋手捫紀

功碑燒筍剪蔬無一不可意但愁山中斷酒攢雙眉

題初白先生證因圖

閒居試徵心有定亦無定尋味首楞嚴妙與南華並先
生金閨彦詩格亞杜聖脫身許雙峰雲情而月性出岫

春溶溶入河秋寥寥花光淡亭阜玉屑灑談柄悟禪不

縛禪宴坐得清淨觀竅萬玲瓏去來均可證

樂衛譚名理宵夢本所因升沈飽閱歷寧云幻影身冥

鴻從爪戲威鳳難龍駒名山業既就餘者飄輕塵司空
舊亭子三毫添逼真樹石仿鶴樵曠奧良可珍前生亦
白足相從指迷津曷為聽漁父餉糟稱酒民

下浣五日賜谷齋頭再賞芙蓉

池上金芙蓉十分重來心賞帶斜曛分明縹馬增城頂
三百仙娥舞絳裳

隔旬圍坐又飛觴繡障天然色與香允矣蘇公能體物
拒霜從此喚宜霜

章
初白翁見示賞菊詩兼和南鄉小令再賦古詩一

采菊見南山陶詩膾人口張翰喻散金謫仙願頻首春
陸堂詩集 卷之十二 十

秋隨所歷艷與梅花偶世多况隱淪或乃嘲漫更好事
得石湖七十種細剖良玉毬雕圓精銀甲卸紐黃裳色
正中紅紫紛左右後落豈兼葭先零非蒲柳章江土雜
沙加膏灌盈畝結蕊頗纍纍高枝亦間有餽送繞庭隅
次第開霜後山水日卧遊節物踰重九旅興頓蕭颯文
筆轉枯朽陽烏破曉陰布席掃塵垢坐看東籬華暢以
婪尾酒主賢賓復佳追歡午至酉小令仿蘇辛酣歌擊
瓦缶俄聞黃鍾清振自工倭手合毫意邈如申章報瓊
玖慙慙護晚香為壽介大斗

登滕王閣有感題壁

滕閣憑欄四紀移癸丑登閣迄今四十八年西山頭白最相知量金難

買閒風月豈必窮人例坐詩

和咏雪韻

鹽絮形容覺費辭從前月露盡凡姿無端寫片芭蕉綠
絕倒開元老畫師

崑園休誇玉寸寸蕭峰真見鶴雙雙又遲十日梅花信
且對風燈話雪窗

南昌李明府少峰送春牛至初白先生有作屬和
龍沙北望似龍堆積雪經旬凍未開寒送土牛知不妄

東風特地過江來
不數龍麟角與脣輪渠皮裏寓陽春寧期長夜今逢旦
尚有單衣掩臂人

陸堂詩集 卷之十二 十一

立春日疊前韻

司寒遊戲玉成堆此日天門詠蕩開憑仗銅琶按新曲
裂雲飛下赤烏來
鯉魚尾美並猩脣艷曲休歌劉采春一望萋萋南浦綠
銷魂俱是賦中人

除夕用孟襄陽來日歲華新句為韻拈得來字

檢曆已破臘重陰鬱難開舊學漸荒蕪中心生塵埃哦
詩餞殘歲繞廊行徘徊整蛇逝短晷揮戈詎能迴比鄰
沸簫鼓爆竹踰奔雷何以慰羈客蜜醪勸揮杯桦燭三
見跋醉態玉山頽良朋聚今夕起舞歌莫哀載筆千秋
光羅胸萬象該禪話翠巖寺仙訪龍沙臺春遊差可樂

跼蹐何為哉寄語梅花風應候須早來

紀異

初發龍雷候應春何來霰雪凍兼旬

十七甲申曉雷大風兼雨水電次日雨雪尺餘嗣後連陰

人間最忌無禾麥天上偏聞積水薪

積水積薪皆星名陽遇驕陰

仍蔽鋼秦思傾否有經綸長源自負珊珊骨煨芋爐頭

味夙因

屋漏詩二章和陳搖上楊東野

旅次濕牀牀夏屋罕完構播遷亦有道南轅勝北首橫

決蛟離潛餘波蓮滴畫轉憶杜陵詩疇能補天漏饑溺

忘斯民同羣詎鳥獸一室重埽除懷安徒自疚

愛雪兼愛梅冷香洞開禹何期春冰融水厄甚茶瀝人

陸堂詩集

卷之十一

二

云手可援我聞笑必溺危機若江河至道在瓦甃乾坤

窈無權六子猛相敵敵廬昨夢歸糟牀紅正滴

輓李陽谷

重過司農第招魂一哭來詩書空有澤藥石反為災蝶

化非蜺化仙才勝鬼才蓉城渺何處池上冷殘杯

人壽殊難料天心竟不平良朋半載失恨事一身并瀕

死西河淚重泉令伯情因君悟此理生處本無生

柴胥山屬題尊人虎臣先生傳經圖

不媿南溪裔知名已十年許為傾蓋友重認塾巾仙削

後詩能正焚餘易豈全因思枕膝語何似過庭傳

象益札來趣游匡廬詩以報之

昔我游東魯未遑登泰山懷此頗悒悒著書老柴關

屬詣豫章圖經窺一斑結念屬匡君覲面相往還春雷

釀劇雨綠疑合并慳昨暮喜見月朗勝山眉彎申章趣

命駕未至先開顏古洞開榛莽新瀑鳴潺湲六朝松與

僧指點雲霧間足弱假瘦藤峰峰窮躋攀

秀峰寺建

萬壽經壇恭紀一十二韻

御極行週甲熏心禮洞天呼萬歲累萬鋪海界盈千開

府輸忠信芳辰預潔蠲輕裝臨佛土師屬慶

堯年清梵飄雲外疎鐘落磬邊爐燃沉水馥餅供洛花

妍絕頂金經貯中央寶額懸龍從朝獻秀瀟灑夜談禪

陸堂詩集

卷之十一

三

入社非修靜逢僧比瘦權文殊燈影白耶舍塔光圓濟

勝慙無具追陪夙有緣難忘三宿地私擬九如篇

青玉峽用范文正公觀瀑韻

峰頭鶴不鳴亭隅泉可挹氣通源故高脈束流始急潭

影涵空明觸石怒陡立雙龍挾雷飛萬古罕得勢東為馬尾水西

為瀑布泉其穴一也灑雪上青松天繪妙于濕携來謫仙謠陋彼鮫

宮泣樵斧韻丁丁磨厓窺深入

萬杉寺

萬樹參天翠悠哉古德居磴平堪繡馬池細亦通廚雲

解留人卧寺在慶雲峰下花偏向佛舒時前魏紫盛開十移懷舊隱好是帶

經鋤十杉閣先叔閣學公別業在東湖濱

三峽橋次東坡韻

盤盤踰七尖飛梁跨巖溜險若象馬蹲猛與風霆鬪般
匠始經營鬼工默左右迤東轉靈奇一泓聚百寶王淵潭受文流
九十下上判玉容潭水上白下綠小大遶金秦問塗涉九洪指月
滿三穀何物鎮山門有詩惱清畫盡剛遜舌柔白石耐
可漱

入棲賢寺觀五百羅漢画像

來尋三峽橋已失應真閣五百貌虎頭眉目具儼若金鐵山所繪畫者為
我漸許虎頭名從龍坐占松石道行傍龍魚躍似得貫休意微
染泰西作我閱大乘論明通難臆度十六大阿羅眷屬
陸堂詩集卷之十下

萬千各五百詎云多一笑解禪縛曹洞此中興寶光舍
利燐天老俄昇天萌角總凋落石胡角子皆天然疇建東西
寮雲水藉栖托茗話方蟬聯旭影轉林薄香火代有情
衰威感今作

追和朱子白鹿洞詩

鳴鹿走曠野菁莪被中阿洛誦何風風初服何娑娑書
院列四大齋心一來過但愜暮春趣毋耽紫霞歌養禾
先種草培松忌牽蘿秦灰歷浩劫箋疏猶沿訛瀛溪發
其端考亭功最多教學該明誠位育根中和不作天柱
砥人海胥揚波研經幸知津皓首敢移他惠風埽瑤砌
清湍滌幔坡卓爾見道妙匪徒樂澗道

再和朱子二律

濂洛諸儒此集成虛堂遙應四山鳴洞規嗣續絃歌盛
御筆推崇性道明風裏蕭蕭松蓋偃溪邊朗朗月眉生
塵纓待濯何時濯老矣思尋鷗鷺盟
賢宜希聖士希賢高美亭中坐灑然草色有心呈翠倩
水聲何事弄潺湲宗臣遺像猶龍臥賓客清風任鹿眠
少壯光陰悔虛擲半緣學佛半求僊

五老謠

我從白鹿洞遙望五老峯巍巍七千三百六十丈霞光
皎閃煙濛濛初疑玉宸君足踏三素雲又若采芝叟頂
戴芙蓉巾堯時獻圖化作昴宿去千秋萬歲揮手離人
陸堂詩集卷之十下

羣石梁架空那可渡鳴啼猿嘯窅予步查田太史知津
者為言海縣目所觀起方寸被六合一彈指頃兜羅匝
混沌肯受元黃雜云何太白詩但誇屏風九疊雲錦奇
書堂故址無恙否我將停車一問之夕陽下西麓指筇
看不足試從變幻中識取真面目廬山山疏無主峰懸
崖列嶂各自雄五老蒼然笑拊掌爾曹見淺毋乃疑冰
蟲山川隨時出雲雨能感名者清明躬鳳霄果兮蟻垤
崇孔孟當時轍環退老誰能宗

由鹿洞歸秀峰題星子毛明府心齋湖山小幀

廬山已落我手面面青斷芙蓉貫道言尋鹿洞稱詩喜
觀毛公

仙鳥雙影小駐為政風流在茲贈與白雲一片冷然山水襟期

雨阻歸宗之遊

連峰九十九第一數金輪待叩歸宗寺先逢送酒人枯松間有誓猛雨悵無因不盡溪山意初來已識真

復上讀書臺觀黃山谷七佛偈王文成平濠題志百尺書臺勢可憑凌晨還卓一枝藤即心即佛人留眼擒賊擒王我服膺詩老源流江右別儒生習氣晚年增空山幾許如椽筆雨蝕苔荒榻未能

雨後同東野再過漱玉亭

山中夜雨霎如秋瀑響疑從枕簟流重問橋西撐笠處陸堂詩集

卷之十二

六

龍孫怒長過吾頭

石亭高下玉淙瀑洗耳何如洗鉢閒一事差強陶靖節銜杯相對錦屏山

信宿秀峰東心壁禪丈

曾送秋江一葉舟名藍春盡足淹留片雲變隸催詩筆接竹清冷試茗甌樵路自開紅躑躅書臺猶話紫風流誌公錫杖無須借早識靈源在上頭

了山開法了元總高妙無過雪大師再造直同神運殿小來快讀壁公詩森梢萬玉亭交翠天矯雙龍峽關奇題額况逢

當代佛峰峰獻秀共舒眉

心公談九奇峰有古松數株勝簡寂觀爰識一絕支離叟似老龍蟠除却僧家物色難為問秦官餘幾樹置身應不厭高寒

宿雙港

風利發鄱陽湖一日可達章江新洲舟子畏雨夜左蠡乘風亦快哉船頭剪水白皚皚無煩王宰留真蹟挾得開先兩瀑回

看山妙句漸坡老序閣多才讓子安辜負江神能送客雙溪一夜雨聲寒

以廬山詩寄心壁口吟代柬

矯矯松盤寺稜稜劍插天春山心獨醉曉雨夢相牽蠟陸堂詩集

卷之十二

七

展通靈境紅樓隔世緣絨詩聊問訊無取萬人傳

樓敬思過書局索和平蠻詩

讎書冬復春掀眉談武事褒鄂非我曹陽明獨心醉橫水暨淵頭穹碑妙題志惟仁自生勇用力寧關智洛誦

平蠻詩初白翁首倡今古了無二靈川半頑山犇性最毒驚橫行厭人肝蟻視天子吏搆巢藏其魁雷鞭而電熾熊虎

尚桓桓下風甘引避樓侯本儒宗述作秘金匱荒微滯長才小作牛刀戲銅鼓聲淵淵徵歌入橫吹

題南豐傅節婦傳後

節婦清溪陳同邑傅璠撰孤嫂均俱成立匠門先生撰傳

玉性本溫溫月影何皚皚鸞孤舞欲絕雁隻鳴逾哀况乃萬物靈忍使恩義乖竭來游豫章搦管事纂排文謝

樹風教漸摩及笄釵南豐有節婦蕙心冰雪懷十九喪
所天血淚傾如淮激烈甘殉死憫茲膝下孩一身荦慈
備千古曹湛偕顧盼躍雙龍色養循南陔行年甫四表
寶發遭雲霧旌門不及格族鄰心為灰立節非耽名實
至名自該卓哉中壘筆突過巴西臺

復修江右先祠長歌志喜

章江門隅西大街故祠一區庭映槐紀年托始明萬曆
高王父津陽公方伯祠建於萬曆庚戌遺愛直與武陽儕金王弄兵幸無恙戊卒
竊踞腰橫鞍雅坪仲父力清復高閣立戟瞻歲暮二叔父

康熙癸丑三月甲寅寇不躡江省詭言同祿實則乖吏人典守但
牟利設心貪戾猶他豺龍詭言甲寅兵變後廢公然盜賣

陸堂詩集

卷之十二

木

歷五稔挾貲鼠竄天之涯乙未春伯龍將中堂牆門賣與沙井劉南卿得價一百零三兩客秋躡

僑廁書局肅拜栗主身循階上漏下濕戶不閉簸揚糠
粃堆薪黥堂構弗勝汗浹背額諸當路勞簽差辭窮泥

首甘伏罪通犀一燭消黃霾南昌汪使君追契斷還并勅李劉二姓甘伏我祠既歸
涓吉日工匠輻湊木石偕上梁隨例餽首拋仰闔俯拾

喧童娃陳姓讀祝月既望如雲冠蓋飄青緇五月鳩工重建中堂三間門樓

三間六月八日祠堂上梁十六日落成奉主神於祭舍年劉子喬
等十六人為文公奠書院張鴻遠志局查梅餘諸前輩集行禮柱聯輝輝映

棹楔案於陳題長對聯許方伯送匾曰功業流香穹碑墨搨朱鐫牌查太史作記勒石額題陸方伯祠表
揚先哲軫後慮特免稅額沿門排場來髮白減才藻永
茲俎豆抒胸懷空囊剩看一錢涇隙地欠營三間齋後寢

基址甚寬信筆作歌具顯末象賢願望子弟佳

酬接上

冬裘還夏葛交久自情親若水何嫌淡去華祇露真適

從南浦別細把泰和春分手絃殊促傾心醉覺醇解嘲

元又白聽雨舊逾新樓鑰原同調謂敬朱雲屬故人傷西

縱為命所壓敢曰德無鄰官冷仍三絕書多算未貧謾

嗟投虎僕差喜躍龍賓月好譚今夕星疎指隔晨易迷

天姥夢遙謝馬當神甫里漁舟在高歌續隱淪

瑞金楊季重貽示深隴梅花圖因題其後昔小暑

後十日

風番二十四第一耽梅花及時失愛翫梨雪桃蒸霞深

隴屬奧區十萬枝橫斜影好香攜歸雋句奪吾家豫章

陸堂詩集

卷之十

元

五大手文苑揚奇葩歲寒挺松柏骨性良可誇謂陸門先生

風蔚後賢鳳踰而龍拏一卷冰玉吟不脛走天涯画空

具實相仙乎路豈賒炎夏一披覽心爽逾南華

六月下浣二日同人集滕王閣送行拈得閣字

匝歲羈洪州三度瞞滕閣西山不改青南浦流且涸詩
版積如薪才庸筆敢橐昨呼躬子還晨就新洲泊臭味
寧差池江蘿與杜若人非麋鹿羣咫尺形影各且復立
斯須茗熟細傾酌披襟續勝賞廣厦謝炎燭富貴指浮
雲道義相鷺錯蘇張詎吾曹雞黍堅後約鳴鉦轉船頭
好風送蓬脚回望落霞紅寸心寄寥廓
自安仁黃蜂灘牽舟上水日行六七十里苦熱自

嘲

曲曲沂灘河吁嗚勞者歌片帆賒落日雙確狎清波雪點驚飛去綠陰蟬噪多能募干祿宇終媿力田科

去貴溪縣四十里阻風遙望龜峰蒼翠可愛

前朝恨事圻三台香草離離水一隈不奈石尤行且止元夫作意送青來

早飯草萍戲題店壁

草萍歸客路一飯飽山般止水渌分界遠峰青補凹從渠塵撲面顧僕汗流散四紀休兵革居然號樂郊

自三衢抵桐江舟中有觸隨意成詠

橋林十里碧陰濃裊裊秋風結子重不待霜黃誇得價

陸堂詩集

卷之十二

辛

素封從古勝侯封

觸暑遙歸可自由朝辭椒堰晚龍止洗車不灑秋河雨

疑殺天孫也白頭

最好溪山占富春閣中題句了無新締交文叔還多事

擇配梅家定可人

子陵為梅子真婿

抵家作

盡室喜無恙瓜華已後期苦辛穿鐵視容易變霜顏本

論承韓學家風仿謝詩古香留一樹秋半莫開遲

陸堂詩集第十二卷終

陸堂詩集第十三卷

海陽

黃

同里 李 旭 升山同校

細草吟 庚子八月至壬寅臘月存詩九十首

小艸見嘲惟謝傳可解免耳僕奚敢以自況牛兮

食細艸大臣在爾側寧詩雖屬賸作英氣咄咄逼

人與為大猷寧為細艸蓋捫心自省非不樂為世

用無如精力之早衰也

庭桂再開有五出六出者喜成六韻

青桂原佳種金風為改妝過時開爛漫折處細端相五

陸堂詩集

卷之十三

十

辦欺梅白六花闌雪黃清虛移別殿消息報東堂人競

三秋賞天留一段芳最宜傾綠醕重按舞山香

陸堂雅集分題擬漢郊祀歌四首

惟泰元

惟泰一尊肇祀甘泉就汾之陰方澤告虔陶匏繭栗尚

誠貴質鸞路龍鱗美觀盡飾禮因古初順時損益郁郁

乎文遵從靡忒雷鼓喧闐舞衣綵繚燿火冥通竹宮望

拜先哲有言明德惟馨王心無為守一以貞至誠斯感

天清地寧八荒嚮化萬寶告成

德星燦兮壽星爛兮敬祀汾睢寶鼎現兮五采龍文百

和香薰輦致甘泉籠罩黃雲射麋獲之擇吉以祭承休
無疆屬天光氣唯受命而帝者心知其意仙人徠兮巨
跡形壽萬年兮山傳聲麟遊郊兮聳一角芝產房兮蟠
九莖如爪之棗盤中呈脩以玉醴顏加賴海上寧無安
期生明堂聲開萃萬神古禮未湮圖續陳追蹤七十有
二君芳草春長蒲作輪崇封泰嶽禪亭云

天馬

天馬來從西旅毛雪披骨軒舉凝若山驟如雨高尋餘
咬石許天馬來播樂府美漢德倖三五鳳鳴岡麟遊圖
周雅賡虞千舞寧守文毋黷武千里馬命駕鼓

日出入

陸堂詩集

卷十三

二

日車如轉轂憑誰推之入淵隔捧之出湯谷未春即感
秋已冬還願夏黃金有時成韶年莫可假夸父逐日渴
欲死鄧林空自攢青冥蜀犬爾何吠蜀葵爾何傾持蠶
焉能測海水坐井寧復見天星且戰且學仙橋山仍有
冢曷若上崆峒師廣成毋勞我神搖其精享壽一萬六
千齡

擬漢銑歌四首

朱鷺

烏何白鷺何朱鳥啼城郭俄邱墟天子有道守四夷十
里建一亭五里置一墩其間繪朱鷺望遠特翹首寧食
茹不吞鯉王者有征而無戰取殘救民斯已矣

戰城南

戰城南鳴桴鼓鼓聲咽不揚風沙亂如雨男兒結髮事
戎行甘心戰死爲國殤烏鵲啄肉盡俠骨還留香棘門
灞上同兒戲閭外將軍不受制縱理入口其奈何漢法
本來尊獄吏

君馬黃

君馬黃臣馬驪追風抹電精權奇臣馬五君馬六驀澗
注坡蹄歟玉人之相知貴知心琥珀引芥磁引針西登
太行坂鹽車困頓孫陽拂拭嗟已晚北望黃金臺朽骨
見收天上飛黃寧不徠

有所思

陸堂詩集

卷十三

三

有所思乃在輪臺之北車師西尺書將欲寄雙淚墮地
如縷縷前駕鸞後鵲鵲食相呼飛成行獨有蘆汀失羣
鴈警露哀鳴夜過半夫爲鬼雄妻爲嫠百歲之後同穴
期如何中道生他心刀環信誓空持歸自今以往勿復
思心骨悲妃呼唏

擬曹思王樂府六首

飛龍篇

泰山東顏崑崙西倒寓形靡常惟天所造拙哉下士遺
經獨抱揚茲浮名酬彼嘉藻春臺熙熙轉秋皞願師
廣成山居迹埽授我素書默契要道奚假神丹扶羸却
老

鰕鮒篇

鰕鮒游絕潢意若江湖寬鷺鵒翔榆枋私擬岑鬱安素
封儼侯家譙賞日追歡一朝攫禍機保身良獨難悠哉
芟荷服美於鵲鷄冠讒多蠅止棘力薄蚊負山五千關
元妙隻字莫可刪至人秉龍德昇天猶泥蟠

野田黃雀行

野田有黃雀飛飛觸網羅啄粟未及飽危身可若何幸
遇俠少年扶網從高騫爲人排急難天道固當然黃雀
化黃童夢中手加額媿無白玉環銜取報明德

當來日大難

日短短夜遙遙曷不秉燭恣遊遨酒味濃兮花影重吹

陸堂詩集

卷十三

四

竹彈絲伐鼓撞鐘舞衣戍削玉珮璫客醉如泥屋角
烏啼朝旭漸高曳屣安歸

當牆欲高行

天門九重高入雲廣樂一闕杳不聞吾欲叩闕據丹忱
白虎佐豹厭聲信信湘纍孤憤抱石沉身蘭芷蕭艾非
同羣躬耕洵云樂何若親逢堯舜君

桂之樹行

桂之樹桂之樹其種產自月窟寒林中移根下土開謝
由金風淮南好道八公來賓大山小山承蓋扶輪岱輿
之北橫玉梁丹紫黃白羅列而成行桂之樹實如棗得
而食之後天老云何不學仙朱門謁如鬼軟條青青芥

作薪炊珠日索空倉米

紀夢

九月初雞初鳴擁衾醉卧兀未醒衣青使者排闥入有
令傳自城隍神舉汝孝廉事不苟前塗慎勿虧體辱其
親我生命在姬訾宮木蹊虛度寶瓶空蘇書十上終被
放齊門鼓瑟寧未工泣血無須辨荆璞頭腦且勿嘲冬
烘科名坎壈有定數窮久則變變則通郭園昔夢劇可
駭南極老翁貽雙蟹在癸酉六月朔後來報馬客大名龍頭大小
盤中呈甲戌九月轉眼鬚毛衰已及知非歲易象樂律誨諄
諄親見宣尼喜無寐癸巳臘月十四夜富貴於我如浮雲得慧得
福賦畀均勞爾使者指迷津忠信篤敬敢不書諸紳

陸堂詩集

卷十三

五

報捷後解嘲

鏡中華髮不勝簪誰分焦桐遇賞音三十年來秋恨在
風燈焰焰雨沉沉

呈本房常山孔師

半生矻矻檢芸編洙泗淵源不偶然座拂春風蘭意馥
襟涵秋水月光妍藝林引領推宗匠理窟傾心得聖傳
剩有百籤疑義在洪鐘應爲寸莛宣

山鄰玉斗水連甌仕學如師兩見優琴趣自能追單父
雉馴誰復異中牟久拚郢曲希同調幸侍蘇門接勝流
伏櫪敢虛千里志黃金買盡古臺留

采山梁師招飲賦謝

浙西望縣數鹽官才大無虞奏最難案牘如山花底判
匣琴似水月中彈流傳治譜心儀切邂逅師門禮數寬
夾路清風宜作誦山肩殊媿孟郊寒

太史詩名冠嶺南謂樂之五先生雄州官閣喜停驂當年蘭臭盟

言在此日夜香接座探揮霍三才歸意匠縱橫六籍入
叢談許來問字頻携酒情比桃花百尺潭

屈東萊自貌小幀初白翁題曰月館吟秋漫書一

律附尾

獨有秋窗月能令逸興生絃存琴淡蕩花吐筆縱橫雁
信遲千里蛩吟欲二更廣騷還入妙心跡自雙清

為沈虞聞題荻廬圖

陸堂詩集

卷十三

六

我湖幽絕清溪路荻雪因風獵獵斜一畝之宮閑抱膝
儒家樂處勝漁家

藕花主人顏八分坐來爽氣凌秋雲二老南渚暨東樂
白衿風流近見君

畫裏谿山好結鄰瀕年潑醖最情親鰕肥蓴滑俱鄉味
愁向天街蹴軟塵

為東萊題夏冬小影

茶煙颺午風開襟如玉潔新翻剝竹記重繹愛蓮說羽
扇且莫揮山空夏無熱

猩氈點白雪高致孟襄陽五字琢初成奚奴凍欲僵
梅縱可贈何似湘蘭芳

別洛如諸同學

結契逾芝蘭相依等蜚驂月夕暨花晨倡予而和汝真
樂尋孔顏壯行志伊呂凡子或見嚙嚙嘍嘍頗自許科名
安足榮所知非所舉五石甘繫匏三年笑刻楮秋薦亦
偶然戒行勞設俎紅飛江上楓綠瀉樽中醕人生豈鹿
麋于野常萃處素心矢勿渝千里如晤語

臘月中浣渡江阻凍不得達揚州

滔滔天設險利涉五經秋丙申秋杪渡江南回酒望斜依樹冰牌亂
觸舟暗潮瓜步急孤月塔灣浮江左多豪俊慚非第一
流

過寶應懷王樓村修撰

陸堂詩集

卷十三

七

大別俄三歲荒雞促五更梅花仙客夢淮雨故人情鴻
案宜偕隱龍頭遜老成汜光湖畔水端可濯塵纓

贏輪口號

霜月冰天淡客顏陸行三宿度淮關子瑜藉爾長相御
何羨扶輪大小山

夢回風閃壁燈紅心弱翻令耳太聰檣草噓殘聲似雨
五更忙煞鐸丁東

重興集早行值大雪

四圍玉色暎高穹縱不猖狂也轍窮南酒棘喉同北酒
東風刮骨勝西風地當河濁淮清界人在冰巖雪窖中
六校屯邊寒更甚狐裘寧敢怨蒙戎

辛丑元旦

爆竹聲喧花鼓闌勞人草草入新年行踪小住為佳耳
舊事深談意惘然團坐雪窓吟柳絮分曹志局勘烏馬
竭來凍合淮徐路老馬嘶風且著鞭

渡沂水

細浪碧沄沄揮鞭渡馬羣沙迴成履跡凍拆半龜文禹
服何年改齊煙此地分浴沂狂興在一切等浮雲

望岱

兒孫羅列千百峰崧陽飲眼何玲瓏敝車盤盤歷昏旦
矯首始覺泰岱雄欲往從之馬力弱一關一磴翠如削
通靈試詠謫仙詩換骨罕遇青童藥或云道士山巔栖

陸堂詩集

卷十三

八

蕉團兀坐養天倪非龍行兩在足底雷聲呀呀嬰兒啼
日觀捫天餘尺五其陰則齊陽為魯牲牢有秩守祠官
蒼松何年被斤斧少日詆嘲馬相如垂死猶陳封禪書
敦和率神樂乃備升中告功禮寧虛比目之魚茅三脊
不貴異物貴明德古來傳者七十君秦皇漢武烏足云

山行雜感

飯麤酒薄價逾增不遣征人賦曉行却怪徂徠稱魯望
至今惟見虎縱橫山寇竊發行
者俱有戒心

峒山一宿記吾曾急雨奔雷散鬱蒸夢斷竹林二十載

阿咸狂興冷于冰

庚午隨二叔父南行
值雷雨分宿峒山寺

溫溫德器重吾兄老死邱園道未亨鶴自解飛牛自卧

山頭何處覓佳城

傷二兄
未葬也

樂令門風素所敦慚非洗馬擅清言百端對此茫茫集
未暇緘書問故園

贈陳農部集斯

三臺推妙選五字壓羣英柳憶閭亭折香誇粉署縈中
孚原世好吾道詎浮名屈指年光轉先庚復後庚
陸氏莊荒盡惟君古誼敦停雲新句妙剖鯉素書存笑
癖才非海星占客到門十年欣一晤情重為開樽

上已後一日遊陶然亭小飲卧龍松下

十日九愁風塵垢首難掉追楔選城南為歡集長少陶
然亭子寬拓窗窓遐眺黑塹隱空潭天青垂四照客云

陸堂詩集

卷十三

九

封氏墓松枝特奇妙閱世幾滄桑孤立出蓬蘿爪攫鱗
之而踞地卧龍肖所見勝所聞奚但供詩料本性矢不
渝齒高德彌劬杖頭貫燒春列坐互酣叫偃骨矜在胸
仙壺惜未跳逝將黃海遊振衣發長嘯

孟夏朔五日傳臚即事口占

臚唱聲高徹九天腕中有鬼敢爭先玉街緩步隨金榜
昔夢依稀證冷仙已卯春乞夢冷仙祠得兆至宮闕前白玉街三余從中
街行石上大書十二支惟午未二字真金諸視久之二
子五年僅得是日從中街趨出其夢皆顛倒應也

初八日於翰林院演禮

言餘視下肅班行一寸丹衷儼對揚莫道玉堂天樣遠
瀛洲門內幾迴翔

歲歲飛沙院外增頭銜人羨一條冰柯亭劉井今無恙
不見如龍長壽藤

十一日引

見澹寧居

欽點庶吉士恭紀

上苑遊多士天風引珮環折旋依鷺序咫尺觀

龍顏圖史窺東壁蓬壺話舊山青雲慚小阮白首玷仙班

國子監釋褐觀石鼓作

余月既望齋三宿拂曉謁聖來成均維元釋奠次分

獻贊引拜跪何彬彬幼學壯行矢不負褐服已卸拖朝

陸堂詩集

卷十

十

紳平生嗜古漸成癖懷疑首在石鼓文大車徒致由皇
慶東西五五排戟門諦觀一晌發長喟昔賢鑒賞胥失
真或云蒐岐本周成或云段篆見秦斤昌黎作歌盛揚
詠中興獵碣名相循曩歲演說車攻詩轉讀茲什欠雅
馴後周製造去唐近往平馬氏洵解人誰歟賡者尚書
綽誰歟篆者樊趙倫豈料舊物十之一割中作白元氣
存遭屯蒙難天所壽字畫蒼古猶可捫其餘九鼓盡剝
落膚理判若玉與砢余謂九鼓非後周之物薛鄭諸家留榻本音訓詮
次徒紛紜鼎彝書畫悟一切眼光炯炯踰耳聞

題宋西莊傳經圖

六藝燔祖龍漢儒精傳註由茲啓洛閩厥功金可鑄茂

閩首睢陽傳家列經庫嶽嶽少師公德飭神完固文孫
妙繼繩胸次涵雅故西陂亭子寬水草戲鳬鷺如此塵

外觀已得與點趣題名詎足榮觀碑亦快聚曰歸補笙

詩養志樂且孺賤子髮種種勞若鑽紙蠹秦灰手控搏

古香發縑素博搜秦灰發古香假讀帳中書願遺金門步

題龔西崖雲尖步月圖

黃塵白日幾銷磨一闌伊州喚奈何惟有詩人最閑適
顧唐橋畔月明多

曾於陽羨買閒田鼻也風流六百年約指淡交心似水

相思長在白雲天

遣興效放翁

陸堂詩集

卷十

十一

六龍瞬息轉天車炊黍浮名耐可誇雪後懶尋驢背句
春來專看擔頭花不分賢聖頻中酒欲破昏愚且啜茶
誰信客中閒有味楚騷讀罷又南華

輓新建袁辰臣

竹齋茂閣映星躔四諫高標並古賢蝶夢忽醒煩熱界
鳳儀盼斷沈寥天孤忠伯起名常在死孝安豐事可傳
袁辰臣母憂成疾三世論文誰得似靈輶遠道淚潸然

秋雨秋風無限情卅年車笠肯寒盟鬚絲堆雪真長別
酒盞逢花且細傾不料人亡緣疾疾故知天判主蓉城
景差未是招魂手直倩浮邱控鶴迎

寄壽益都秋谷趙公

雲生雨六合翹首瞻岱宗陰齊陽爲魯突兀青摩空顏
曾聖所鑄千古開屯蒙劇談浴稷下能事徒雕蟲我公
秉叡哲貞元間氣鍾心契太元草學貫五經筒蓬山多
碩彥一一拜下風玉衡懸清秋鐘鐻列序東夾路盛蕭
艾涉江感離窮寧弭徂徠謗善藏大茅鋒若輩猶醺雞
焉測寥天鴻林居三十載酒醖隨吟筇周甲誦申甫數
美羞雷同維道堪壽世述作光無窮淵源溯滄海蹄涔
儻見容桃李縱無言舊蹊承蔭穠實徒前致詞爲霖膏
化功謝傳不復出蒼生望喁喁達者莞爾笑母乃易未
通潛見本一揆龍德稟正中

題王子未讀書圖即送之官昌化

陸堂詩集

卷三

十三

學人珍惜是三餘小西巖邊足異書入耳最宜風謨謨
仙才豈必好樓居

桃李花繁不待春瓊臺路隔幾由旬天教涉海非無意
坡老文章日又新

戲贈關凌雲納姬

曼倩方朝郭雲英已嫁裴輕軀寧有價吉夢是良媒珍
重藏金屋風流序玉臺明年湯餅會細認阿侯來

仲秋下浣一日館課恭詠

聖製鮮雲細雨過帆輕

龍舸張帆鏡裏行玲瓏桂月看初生布空爛熳常依蓋
潤物庶纖祗濕莖湛露欲零仙釀熟繁花如繡權歌迎

夜珠不假神魚獻匝地光華愜

聖情

采山梁師行取入都隨聞崔太夫人訃奉輓二律
相莊玉案昔如賓三郟交推閭德淳丹穴養成威是鳳
員正直上節高筠守貞獲壽堪垂世移孝爲忠足顯親
昭厥管彤知不忝一吟楚些欲沾巾

越江迢遞訃音來黯黯秋雲埽不開廢讀北山將母句
愁登九日望鄉臺慈烏集舍原非瑞旅雁鳴空實可哀
聞說生天多聖女易遷宮裏勝蓬萊

爲諸襄七題母氏千佛幢

諸君我友讀書種子天挺厥材經經緯史母氏聖善節

陸堂詩集

卷三

十三

苦而亨粉熊畫荻玉汝于成願以寶幢供維摩室五采
脩脩自十指出包羅真語囊括七籤有號畢舉廣大華
嚴萬壽洪鐘功德協一飛仙之蓋謫幻匪匹帝司百神
聖範羣倫奚容外魔無佛稱尊恩答春暉養潔華黍洛
誦連篇更下轉語千佛一佛非心即心亮哉節孝照曜
古今

題王補雲画册四首

泊舟登蒜山樓閣暮煙紫馬渡詎成龍送盡滔滔水
露滿菊花團夜涼侵白袷對酒和陶詩且盡三蕉葉
牽鼻浮河態儼然画家能事戴嵩傳一邱一壑胸中足
陽羨何勞更買田

我友松陵王潑墨能摹大米肖房山寺門月出無風雨
夜半何人憂歎錄

孟冬下浣九日館課恭詠

聖製階前瑞草呈長至

曠曠曉日映歲疑曆草翻階叶授時臺上星雲占有道
窠中雨露潤無私螭坳瑞應乾符握緹室陽回葭管吹
直爲堯天開甲子芝房何羨產銅池

曹渭符六十初度索句

金門大隱意何如繡虎重來望不虛詩律細能欺沈宋
文瀾壯可壓嚴徐巧心搨墨多奇字知己酬嫌定幾車
最好今冬吹暖律梅花玉雪照階除

陸堂詩集

卷十三

十四

壬寅元旦入朝恭紀

寶曆重開杓指寅朝元典禮肅楓宸八音協律仙韶奏
五色干雲鹵簿陳靈簡未拋心靖獻鵷班初入步逡巡
東風爲啓豐年兆丹陛飄來瑞葉新
鳳樓碧濟集朝英辨色無須避火城仗馬解隨馴象隊
禁鐘遙接靜鞭聲堯天復旦膺多福禹甸回春輦太平
皓首未諳三大禮敢言稽古並桓榮

次韻送同年魯啓人乞假歸養

積善有餘慶家禎獨羨君全空冀北駿深戀越東雲蘭
補循陔什鴻分印雪羣蒼生期再出何但翊堯文
潔白真能養修行未算仙說經推世胄卜宅倚名賢

居

三登橋由宋壽
壽寧父子得名
柳岸難爲別鱸鄉也合旋東來瞻紫氣興發
剡溪船

上元祝萬母李太夫人壽

衡星鍾秀本天然屏敞金鵝祝大年嘯雪好因初度獻
梅花特爲首春妍調琴早播宜家範畫荻重來命世賢
迎養玉堂眞潔白六笙循次譜新篇

彌天紫靄射朝暉有美含章德協坤珠樹分行騰鸞鷟
錦幃繞膝茂蘭蓀西江詩老爭爲壽南國經生盡在門
艷說月輪今夕滿麻姑仙醞正開樽

遙祝清溪沈母趙太君七表壽詩

清沈留家法璇閨有大賢經能誦七誡教可續三遷

陸堂詩集

卷十三

十五

書自好粉社推貞壽芳徽映後先太君之姑吳亦以節著寒香開一樹得
月倍娟娟

送吳令樹之任竟陵

京華令節屆傳柑一唱驪駒路劇駭同臬不須蘭作簿
快心曾識劍藏函鳳皇異采推江左楊柳清陰在漢南
到日絃歌聞里巷好將詩格變鍾譚

題朱第園鋤菜圖

駝峯雞蹠不足嗜藜羹一飽甘如飴自食力者最芳潔
閒園雨過青參差從來嘉蔬忌草竊繞畦旦暮勞網維
白木長錢托爲命爭雄寧若守其雌黃金高臺土花紫
元都舊觀搖兔葵昌黎有言非孤憤願得老圃以爲師

免矣庾郎嘲三韭越哉曼倩嗟長飢駕央湖頭別業在
情親小摘與子期

仲春朔二日院中祭丁歸走筆成二十韻

玉堂祀 先聖厥典肇嘉隆所貴心源契匪獨牢醴豐
凌晨肅冠帶瞻拜依墻東尊者入奠竿儼與成均同大
聲覺簫賸伐鼓撞金鐘其下土穀祠傳是昌黎公五原
誇巨手文望齊岱宗殊勝米海嶽血食梵王宮憶昔列
子衿忼慨填心胸學校觀禮地莫如丁祭崇奈何擁臯
比食肉嘲鄙庸執事罕經生奚能辨九容鼎彝半朽裂
樂舞紛兒童鄉賢接兩廡磨鈍留高風沿習味古意栗
主羅封翁念欲陳末議取謗愁無功今茲觀國光贊引
陸堂詩集 卷十三 十

孟夏中浣三日同年王能始招遊城南花塢讌賞
芍藥賦得長句三十韻

右安門外厭土腴荷田蒲渚連芋區一水灣環映天碧
風景不與江南殊園丁種樹百可意榴鬢松蓋桃根株
就中絕勝數芍藥編籬接畛栽如蔬廿四番風吹欲偏
大放妖冶供懽娛文靖相國昔休沐花塢位置城南隅
一堂洞開繞面味甘井灌注施轆轤縱橫鞞鞞累千萬
異香徹腦淪肌膚白如山腰積霰雪紅如海底攢珊瑚
金帶光芒透列缺紫鳳綽約騰氍毹天孫錦機闢新樣

邊鸞好手難為圖我聞花事盛廣陵佳種艷說玉盤盂
貢父補標三十一通叟續八尤歎譽以今方古邾莒耳
地靈所鍾誠扶輿釵華粉蕊吟未肖翻塔五字嫌清癯
連旬浹月競遊賞或鞭駿馬乘安車催開勿藉汝陽鼓
折贈何啻交甫珠高臺俯窺影交亂青霄光瀉銀蟾蜍
名園萬柳拜下風匏瓜亭子詎足奴公之季子吾同譜
情重折簡相招呼人視蘭亭數過半日未卓午來徐徐
肆望愕眙發狂叫繁華至此寰中無分曹務盡為樂方
碁枰電落鏗投壺艤船浮白罄五斗水陸珍味行仙厨
揭來修門掉塵鞅衣袖半涅眉難舒崇效丁香自開落
韋寺海棠俄榛蕪茲辰恍坐衆香國談諧立使心蓬祛
陸堂詩集 卷十三 七

西山殷雷釀雨勢欲去且復留斯須花情酒態美無極
底用夢想遊清都

三月二十八日館課敬賦

御製詩清和助麥秋

限五排
八韻

南訛新布令嘉社兆來牟長日迎初夏先禾慶有秋清
風塵不起和氣露常浮碧浪千層涌黃雲四望稠陰連
桑幕歷色並柳輕柔入市從人醉餘糧為雁謀虞琴堪
愠解禹甸足膏流

聖代褒循吏懽騰九穗謳

維揚郭雙村家藏香竹杯失去十三年而復得之
作詩志喜并索和章

白門濮仲謙竹罌留妙製盎然發古香犀玉三舍避問
月還醉花名父所珍秘我友雙溪翁豪與太白似飲酒
見天真讀書破難字銀杯任羽化竹根寶在筍貽示詩
一章言言寓淳意轉蓬跡易飄搏沙性難萃物亡喜再
觀况乃手澤繫經書得大弓昭德藉分器持壁假許田
忘親著貶例即小可喻大涉筆非遊戲挈解不失守古
訓敦斯義為歡且拍浮領趣在微醉哆口談勲華白雲
冉冉逝杯水覆坳堂芥舟安足寄

萬壽寺銅鐘歌

廣源開西水竹叢梵剎金碧摩蒼穹就中一般製弘敞
梁施鐵綆懸華鐘欣重萬鈞徑丈二何年冶盡耶溪銅

陸堂詩集

卷十三

六

前代長陵始建國兵戈寧謐財力豐方袍少師特監造

姚道衍

恭靖

小心學士書法工

沈度

華嚴全卷八十一自表及裏

填虛空金剛般若貫兩銃首楞嚴咒環旋蟲曩時留鎮

漢經廠長鳴侯爵蒙褒封後來移置萬壽寺土木窮極

貂璫馮樓頭日俾六僧擊由旬以外聞春容咄哉嘉廟

聽不聰委鬼竊柄茹花紅訛言白虎聲宜啞卧之朽壤

榛菅中銷磨點點滴滴雨剝落調調刁刁風

聖朝百度悉興舉神物久淹還遭逢觀者合十相贊歎

遠勝鼙鼓音逢逢我生好古漸成癖周遭細視指雙瞳

牆東高槐睨斜照柴車欲返愁匆匆願以寸莛發鯨吼

人天震動開羣聾

和雙遂主人書屋初成二首

朝退心如水林間境最悠初營三畝宅絕勝五湖舟竹
砌香微度蔭梁碧暗流羽人何處訪對此即丹丘

陌上塵俱斷庭中草莫除高懷成大隱隨意賦閒居位
置玲瓏石聲聞潑刺魚登臺看不厭好在月生初

賦得自愛寒花晚節香

九月十六日館課

誰道寒花祇暫香天教正色冠羣芳安陽圖築高勲在
栗里樽開逸興長約指金風為勝友靜觀白日到羲皇
芙蓉堪緝黃堪佩試向東籬細品量

大喪紀哀四首

日晷方長至龍顏忽上賓三靈通陟降四海慕尊親憑

陸堂詩集

卷十三

七

几宣明詔遺弓泣小臣黃童偕白叟決路誦

皇仁

遡覽編年史無如

聖曆長武功踰涿鹿文德儼陶唐白水凝虛苑陽鳥匿

大荒

堯崩寒更甚鶴語信悲涼

積雪千山鵲乾坤動威容煌煌陳鹵簿杳杳闕歌鐘卜

地棲靈近

初議移梓宮於南海子鄭家莊
上以地遠仍定於景山壽皇殿

稿文祝告重

小祭大祭
禮文特諭

崇稱欽

聖祖何但埒三宗

精一傳心法

今皇克敬承致哀循服制崇禮護山陵民俗歸淳厚官
方首勸懲孝思齊下武酌雅規無能

苦寒

越客吟常苦寒枝耐可栖爐紅消硯北雪素漫橋西襍
被溫無力燒春醉不迷乍停風裏柝馬又酸嘶

陸堂詩集第十三卷終

陸堂詩集

卷十三

三

陸堂詩集第十四卷

平湖 陸奎勳 坡星著

歙縣 汪仁源 子山

同里 郭兆奎 右垣同校

金門小棗

雍正元年癸卯正月至十一月存詩七十二首

濫厠蓬山每月有課體製匪一既難盡工兩院長
不鄙愚蒙臺閣典冊之文時時屬以擬撰且自首
春心疾陡發不能刻意苦吟出語類多陳腐然而
境遇所遭已僥天幸欲舉爲刪葺敢乎哉若謂金
馬陸沉希蹤曼倩揆諸鄙趣亦屬不倫覽者幸鑒
之詩外

陸堂詩集

卷十四

癸卯元旦

聖孝能崇古元正特免朝日融冰漸薄風拂霧全消主
敬心傳啓協和德並堯綵亭呈鳳曆四海播春韶

恭和

御製

大行皇帝輓章原韻

有序

大行皇帝聖德齊天仁恩匝地久道成化超越古今是
以

龍馭升遐寢寓悲慟我

皇上大孝同符虞帝心喪遠法殷宗祭奠盡誠音容
如觀爰以沈痛形諸永言邁下武之雅音協清

廟之頌什彤庭捧誦悲餘結於攀顙翰院廉駢

班未融於珥筆喬煌

大藻長切孝思愚昧小臣敬抒哀悃謹序

龍去弓遺涕萬行普天追慕湛恩長粵稽湯武功尤盛
除是唐虞德可方鹵簿朝儀欽儼若蓬壺仙閣迴相望
雪封翠岫渾迷目水咽銅溝欲斷腸幕帟肆懸鈞樂閑
几筵三獻玉樽涼緝熙我

后貞純孝訪落清吟邁頌章哀感倍增王已下

神靈默想帝之傍

聖明述作高千古樂利賢親道莫忘

賦得紅藥當堦翻三月初二日節課

陸堂詩集

卷十四

二

禁省常霑雨露施紅蕤裊裊倚堦墀日高影自流丹地
風定香猶拂鳳池豐萼早舒三月候祥光交映萬年枝
爭誇白傳元和格未抵宣城絕妙辭

賦得宮漏出花遲楊巨源句節課限遲韻

玉漏傳何迴瓊林影漸移滴疑春雨細聲與落花遲靜

豈聞高閣微風度好枝

聖朝勤視草遙聽月生時

賦得春暖萬年枝館課限五排十韻

春旭臨宮樹休徵聳萬年枝榮忻得地澤厚感承天盎
盎凝宵露融融散曉煙勢分仙掌迴影動月華妍上瑞
榮光燭佳名憶木傳綠陰先夏滿朱實未秋圓珍比芝

房秀慶踰瓜瓞縣華林標十四花界壓三千虎拜康周
雅嵩呼陋漢編太平枝上鵲鳴盛喜聯翩

賦得龍池草色勻宋迪句節課限五排十二韻

瑞草叢生滿龍池淑氣新紫波光乍轉覆岸碧初勻燕
掠迴雙尾魚依簇細鱗連空橫似帶擇地展如茵不共
花飄砌常隨柳拂津立殘裁詔客捧出弄珠人色好黏
袍重神來得句頻輕塵吹漠漠曲水漾粼粼積翠迎芳
若交枝接素蘋風簾青入鏡月輦繡扶輪裊裊同露露
萋萋自覺春結根欣有托長此附松筠

賦得玉堂喬木長春陰李東陽句節課分題

嘉樹全枝借上林簪毫玉署晝惜惜春光好在庭囑賞

陸堂詩集

卷十四

三

綠意無邊水次尋月到海棠占鵲語風迴古柏引龍吟
共欽

聖主文明化叨沐菁莪雨露深

四月初七日遵

旨上摺午餘蒙

賜克食感恩恭紀二律

幸際重華代咨詢及邇言迂寧諳世務忱不隔天闕敢

謂儒風墜彌思禮教敦一經傳樸學挾藻謝文園

鵠立彤墀久驚聞

口敕宣小臣叨賜食異數許爭先說餅添佳話書蒲

續舊編臨風飄素髮應讓柳絲妍

四月廿四日領到

欽賜表裏二端恭紀

主恩同大造 賜帛偏形庭柳汁依前綠雲容分外青
初衣堪小疊陋室有餘馨擬獻王褒頌殘艷荷寵靈

病裏

病裏從教道力疎安心祇解睡工夫車輪碾地雷驚夢
香土飾風漆點膚東野新詩神索寞房山臨本景模糊
不知三百青蚨在換得金瀾一斗無

喜雨二絕

枕簟曉生涼打窗猛雨至竹雞滑滑鳴如卧開先寺
滿空銀竹橫驚地金蛇幻溝水響琮琤如坐三峽間

陸堂詩集

卷十

四

賦得蘭葉露光秋月

上詩諫切七月修撰

蘭露如珠綴交光月乍生幾番香暑雨此夕快秋晴宇
淨浮瑤彩叢幽潤紫莖粲花無妙筆慚愧飲香名

八月十一日

恩賜內緞全端恭紀

曉曉曉日上舡稜寵錫

天家得未曾一字見褒榮已極

初九日傳旨衙門向來撰文好者列名摺奏

七襄成

匹捧難勝病餘學未遑稽古老至心猶勵飲冰竊喜金

閨羣彥集

受賜者八人前輩劉於義吳震張廷璣陳萬策同年鄧中岳黃之雋錢陳羣

文章報國我何能

八月十六日開列纂修明史官於

乾清宮西暖閣引

見恭紀

史筆慚班范儒臣玷姓名

天顏咫尺近陛楯折旋行通籍俄衰老捫心祇朴誠鏗
然聞午漏向日比葵傾

八月十八日羣臣集齊化門外跪送

孝恭皇太后梓宮恭紀十六韻

厚載坤承德全終禮協宜天經垂奕禩人紀立清時椒
殿隆陰教璇宮式

母儀珠從石紐孕蛻自女樞移言動皆遵矩恩勤獨止

慈知書還示訓服練等為締忽違攀顛慘常銜集蓼悲
數窮神可禱心痲藥難醫一夕柰雷震長空皓月虧

陸堂詩集

卷十

五

驚駭辭黼帳

仙馭返瑤池六膳漿醑設千官泣涕隨

徽稱頻遜讓謚典亟疇咨鳳翼陳儀衛龍楯挽締纒但
愁

靈即遯遑惜足重胝

聖孝超前古陵工慎百司松阿凝瑞靄瓊砌茁華芝

館課秋花四首

鷄冠

浥露花冠潤鷄林種特殊九張攢異錦五彩戲羣雛白
酒澆宜數清言助得無曉風吹絳幘王會儼成圖

杜若

隰草含幽意疎枝帶曉煙色疑葵葉碧香逐馬蹄圓採
擷懸經重宣遊賦苑傳江湖同魏關清夢遠洲邊

老少年

霜容一倍嘉似錦復如霞黃歷三秋柳紅欺二月花憑
誰工寫照假爾富年華愜意看庭草潛心泳聖涯

剪秋羅

秋懷吟不盡傍石數花開砌薄嬌羅綺含稜妙翦裁涼
颺乍披拂小蝶漫驚猜誰似正希範曾分餘錦來

聽王又勅彈琴作

綺歲耽音聲養心究琴旨下榻瞻月房閒尋蔡道士壬戌歲讀書西宮贈月房道士蔡鶴年鼓琴後遇六吉翁襟抱涅不滓流水時一彈

陸堂詩集卷十

六

古淡罕倫比新安王六吉年七十善彈高山流水之音及壯耕硯田穿穴經子史焦

尾持贈客玩物毋取此先子遺琴一張轉贈恒如表弟鼎鼎三十春彈冠亦

偶爾微雨淨街塵商飈颯然起琉璃廠我舊遊見獵忽心

喜王叟絙蜀桐聽之頗清耳月明漢宮秋結怨半空裏

雁影落平沙縹緲湘江水復作風雷引引商雜變徵箏

琶且勿喧雅音聞正始衆賓各稱善主人情未已何以

助琴趣濁醪具妙理程左揆留飲三酌山欲頽歎息吾衰矣得

意可無絃希蹤陶栗里

同館張良御乞休走筆以贈

邗上昔羈寓轉盼歷五稔雅集平山堂髦彥共題品誰
歟擅述作孟陽聲籍甚朔雪與南雲相思但引領丑春

附同譜輸心聲底蘊石鼓手並捫花塢坐連衽每當改
火候輒作文字飲高論邁流俗小禮汰拘謹快聚何陶
陶惜別迺取耿六十五人中踪跡頗殊等豈意鷄鷩羣
幻於青紅屢我友具達識翩然賦思穎一字抵一珠既
之惟恐盡巾車出修門熱夢已獨醒秋深折柳條霜氣
倍淒緊戀豆慚驚駘難躡追風影

癸卯九月從事禮闈次前輩劉洵南韻

姓名誰冠藥珠宮莫負三條燭影紅今歲鞠華香似杏
天家雨露滿寰中

錫謙容臺厠末筵簾旌搖曳嫩涼天研朱管領鈔胥隊

未信修行是散仙關得勝錄所

陸堂詩集卷十

七

鯤鵬九萬信風乘尚有炎蟲未識冰屈指三霜牛馬走

心空及第已如僧

點點浮雲過太虛輝輝白月話庭除目迷五色無須歎

祇合糊名廢易書少日名場屢困騰錄詳說見斤

秋深病骨未全蘇廢學今如澀舌竿重過槐陰辛苦地

不辭擁被強吟唔

又和微韻

高樓畫角振重闌匝地文芒燭太微兀坐菊香猶撲鼻
劇譚露氣已濡衣杯傾竹葉心先醉坂走銅丸字欲飛
爲愛長城詩老在不教今夕負清暉

四瑞詩和馮夢龍

著草

神物天生御宿傍萬年王氣鬱蒼蒼數從大衍平添半
度較黃鍾什倍長雲紫定教龜默守河清會見馬呈祥
可知四聖心源在壁府薇垣夜吐芒

嘉禾

東充南徐麥有秋還聞華黍貢梁州雙岐頌裏仁心決
九穗圖中淑氣流疑向舜田標異種慶從周史獲同疇
豐年盡屬吾

君賜不假豚蹄祝滿算

竹實

清風搖漾萬琅玕拔地捎空秀可餐異事不緣花結實

陸堂詩集

卷十

八

和鳴已見鳳交鸞瓊林顆顆滋神液金骨珊珊轉上丹
為是攬輝依閣下米珠無復話居難

並蒂蓮

綠雲萬疊擁芙蕖太乙池西種特殊珍似仙禽呼並命
嬌於良玉刻雙姝朝霞艷艷神光合夜月娟娟暑氣無
瑞應同房十六子天教元愷贊唐虞

傷同年吳升錫

一生九死復何言進退真如抵觸藩可惜文昌香案吏
僅餘殘喘出龍門升錫為內收卷重病
重昇出已不能言

登明遠樓得中字

樓高一登眺搔首思何窮鼓角聞天上英雄入穀中小

春梅得氣清鑒月當空勢接星臺迴冷然欲御風

賦得清如玉壺冰

冷然冰一片好在玉壺盛四照晨暉潔中涵素抱清寒
光能濯魄朗鑒最知名止水圓明貯空花刻鏤成偶從
仙叟躍再拜阿環擎映徹逾秋爽懸來待月生無塵揮
短塵有價重連城勵志惟堅白靈臺方寸瑩

魚登龍門用元微之韻

健鯉龍之屬三門次第登寧同入水蛤轉羨拂雲鵬御
李情何洽探珠價有憑風雷俄震盪鱗鬣倍超凌奪隘
河流駛為霖海氣澄乾文占利見景運日方升

孟冬九日再登明遠樓疊前韻

陸堂詩集

卷十

九

陽月還逢九憑高望欲窮科名同一槩賢達在其中素
履宜崇讓霜毫莫畫空小春殊物態吹面有和風

賦得冬日可愛

三冬晴最好四望色欣欣高嶺延朝旭疎林冒夕曛軍
中同挾纈甕裏自撥雲轉覺盾堪畏彌欽衰有文溫風
先入律香國久名薰共慶離明照葵心仰

聖君

賦得林端見早梅

鄭述
誠句

上苑陽回早香傳雪裏梅清光珠幾琲冷艷玉成堆菊
壽堪同伴茶紅護作魁膽餅休折供鐵笛為吹開調鼎
台階職吟壇水部才南枝何爛漫湛露與栽培妙手蕭

疎星娛心激艷杯羅浮峰四百踏徧白雲隈

賦得瑞雪兆豐年

瑞葉天街舞占書兆屢豐絮疑飄綺閣玉解戲蒼穹娥
月宵連白卿雲曉映紅一犁贏雨足三尺盼春融灞岸
來吟客壚頭有醉翁納禾逢樂歲珥筆繼幽風

次洵南留別官舍韻

牆頭還過酒話盡白河沈潑地賒圓月飄空碎急砧偶
然鴻爪戲恣意燭花吟假我蔡光照青麟管共簪

寄祝睢州師五十初度

兩儀運真宰四岳環高崧中州風雨和蜿蜒氣毓鍾華
支行睢渙魏我仰司空經緯贊廟謨光霽紹儒宗匝地

陸堂詩集

卷十四

十

膏澤流至今棠蔭懷

澤蒼公典試我浙後即巡撫江蘇

我師妙繩武壯歲踐

瀛蓬一朝移柏臺緩步桓馬工昌言陳巖廊弼教刑制

上疏請
定律例

薊北形勝區雄關控居庸特簡任屏翰率惟

揚清風無塵鏡朗朗有脚春融融平生矢致澤移孝還
作忠六笙補華黍百堵栖征鴻敷歷徧中外業殊道則

同陽月屆初度半百懸桑弓集雪俄朝霽梅梢呈點紅

師門恩義重載酒宜過從懷鉛拘職守壁簡抒微衷翹

首大房山紫靄瞻濛濛馬佇微黃羣羨黑頭公

十月廿六日

上御門引

見欲以州縣用翼日仍蒙

恩留內感賦二律

靈犀一點透銅龍留得冰銜斷俗容才謝士元非百里
學慚臣朝富三冬行藏忖度渾無具中外馳驅信所從

館師請留纂修奉旨依其所請而用浩蕩

君恩逾覆載花萼何敢寄疎慵

班生遇

瀛洲翔步忝微員似此光榮不偶然子固亡親難乞郡

主復登仙未工採藻蒙殊錫永矢懷鉛得見憐

念書學文未
爛更治回春恭和

御製十三日忌辰韻

陸堂詩集

卷十四

十二

溫室虔思

聖祖顏宮壺漏滴曉凝寒初陽來復駒馳隙浹歲餘哀涕

涌瀾乾健自兼坤德厚山崇彌覺海波寬羹牆道契神

原接風木心驚語倍酸

聖孝純誠寰宇頌宵碑照耀普天歡仰瞻

睿藻逾周雅賡和無才媿錄肝

仲冬廿一日

御試散館賦得冬至陽生春又來

限一東五言
長律九韻

寶曆逢長至初陽溢地中先春回淑氣協律布條風壁

合雙丸麗珠聯五緯同書雲占景運調樂仰神功葭室

吹偏應銅池凍復融露滋留桂翠雪霽逗梅紅敦復天

心見乘乾

帝德崇祥光斗柄北煙靄日華東擬獻明堂賦簪毫媿未工

散館紀事二首

分班九叩禮逾恭題紙宣來朶殿東清漢書共二十六人於太和殿前分班行三跪九叩禮兩館師捧出黃紙御題各跪領試表長至欲臨陽已盛詩成心喜日方中

寧期享月暖於春議事廊房獸炭陳向例初夏散館在乾清門外因天寒移黑白大臣議事房內設十二木欄無列火爐誠隆恩異數也香茗一杯煩渴解體元咸頌

大君仁首題仁者以天地萬物為一體論

賦得一點梅花天地心

上苑梅開小雪中儵然點白勝繁紅直從太始留清氣

陸堂詩集

卷十四

三

轉以無心識化工影逗碧波風淡宕香飄書幌月玲瓏宵分親見庖犧畫盎盎春回六六宮

南郊禮成恭賦

日晏占長至南郊禮最隆上辛涓吉卜先甲致虔衷祀

埽臨箕畢干振萃虎熊千官隨法駕

天子宿齋宮在滌牲牲潔維馨黍稷充鳳笙鳴謁謁露鼓震聲鑿鑿質用陶匏薦誠能燿火通明威

上帝赫効職百神忠主敬涵三極調和應八風大猷欽

列聖至德配高穹允矣園工祭揆諸地塏崇折衷憑戴記

集議陋元豐雅化超前古

宸心達四聰無私參大造特典告升中蒼玉浮煙紫青

陽漏日紅願言隨豹尾獻賦比揚雄

賦得講易見天心張說句限二冬

易卦標來復陽光轉仲冬天心窺朕兆

聖化際時雍一點梅痕白紛飛雪意穠占風從廣莫調律首黃鍾理道能該數神奇本寓庸氣機初動盪物態儘包容擊壤生新悟庖犧儼再逢臯比施講座關洛並儒宗

前輩沈操堂以同巷詩索和

重修原不斷聲聞積習寧辭琢句勤金市奔騰空驥足

魁之瑶天游戲是鴻羣迷離幾度窺梁月諷諭無端托楚雲

雲少日論文心跡在忍將車笠重區分

陸堂詩集

卷十四

三

巷南巷北雪泥高湖海元龍氣尚豪座上清言憑麈尾牀頭春色剩香醪人疑異學標三耳自笑藏身靳一毛看到柳絲黃又碧津亭若個怨勞勞

題操堂碧浪泛輪圖

拂珊漁子謾垂竿眼底鷗波海樣寬更愛窪樽亭畔石年時澆酒不曾乾

未了青山白水綠緇塵漆袖自年年何因觸撥鄉心動

甫里先生有釣船

閱牧齋跋費所中詠古詩戲拈一絕

半生鉛槧有何功心學無端悞所從觀到鳶魚真活潑

不因理亂讀中庸

送萬懷岳之任金谿

停車一致語欲別意彌慙從政如游夏論文在紀羣人
同館至契

聖朝尊外吏望縣策高勲暮月何由可無論清慎勤
上幕東谿水傳聞色似金奇峰三十六入畫是雲林
牂卧麥場穩鶯啼花塢深青簾朝捲處閒暇自調琴

題黃實君洞庭讀書圖

我聞洞庭湖面七百里瀛海以下難為水河伯向若且
勿驚萬頃澄懷自堪擬東坡昔日臨臯游飛鳴刺有雙
鶴子竹外梅花逗小紅謾謾松風來閣底耳目玩賞無
盡載較量莫如書味美更持何物下吾書酥醺一斗斯

陸堂詩集

卷十

古

可矣虎頭妙技擅三毫同譜於君首屈指年同年實西陽
奇字搜已徧合向蓬山探秘史龍馬精神天所鍾奚假
逢仙餐石髓嗟余善病久廢學心源直與晉井比吳淞
煙水歸夢迷緇塵逐逐車生耳世間惟俗不可醫絕倒
摩圍老居士

冬月復患怔忡愈後自懺

頭須如許白猶作後生誇蕉飲蘇三葉書讎惠五車驚
眠來耳雨觸目是空花藥餌扶衰疾吾生亦有涯

養得

養得心安已自誇蘆簾木榻敢求奢風聲過耳還成夢
月色當頭不憶家綠竹喜依箸下酒青山解閱趙州茶

用雪
醉居第一禪居二細樂外此從人亂似麻

近狀二首示洛如同學

近狀何堪報所知魚書雁信兩參差曾經柳岸銷魂別
難和贛洲妙手辭簾晃一燈風黯黯鏡飄雙鬢雪絲絲
夜深夢作白鷗去却是江湖凍合時
故人落落曉星移竊比鷓鴣借一枝劇路飛沙長不斷
冷官策蹇未妨遲酒錢肯乞蘇司業丹訣空傳李內芝
轉憶草堂叢桂發披襟容易候秋期

代東四首

藉甚高陽里於今止二龍書帷仍蠖屈宦海是萍蹤秋
燠莫空插春池草自穠客來應歎息雞黍為親供寄諸民

陸堂詩集

卷十

三

玉樹謝庭滿青箱王氏傳明春宜鵲起九日憶樽前漆
盡燈無焰塵封影尚懸何能助窈窕長負鶴令篇寄伯機
不見逾三歲平安有信存巧憐炊少米健想坐持門嫁
女難牽犬含飴好弄孫對法教老年得冠誥一倍感
皇恩內寄

父病何從佚母慈可奈貧直須才矯矯不但貌恂恂益
友薰其德家風玉此身魯齋垂訓切富貴本精神寄兒

次張天農癸卯生朝韻三首

海闊天空寄此身靈臺那肯著纖塵曾飛鳥影呼仙令
新上頭銜作散人飲到微醺能養性詩經百鍊自通神
歸與獨有淞南好白水青山瘴得貧

直從週甲溯唐初天農生自耄而期算儘餘井洌故知時

舍也玉良寧使價藏諸漆園一叟揮談塵寶氏諸郎讀

異書莫向江潭賦搖落仙山樓閣望中墟

昨夜樓頭雁影過微茫遠水不生波分襟鼎鼎年光換

擘簡迨迨鄉思多喝月樽前殊跌蕩撥雲杖底任拖娑

泖湖居址相鄰並一路嬉春發權歌

俞太君九十誕辰族弟子貞乞詩為壽遙寄十四

韻

柘湖連海山雲氣占瑞霽王母報行籌遐算躋九秩茂

閨本紫芝早擅林下質及笄賦于歸靜好鏗瑤瑟詎惟

族鄙欽直與鮑桓匹憶昔侍御公崑青公艱危矢國卹大

陸堂詩集

卷十四

六

屢雖不文丹忱取貫日忠孝留門風後賢妙續述實家

桂扶疎荀氏龍超軼德積慶自延康強而逢吉黃菊飄

晚香娑羅蘊真實衆賓爭祝釐進酒甘於蜜金門獨飽

繫郵牋托鳬舳貞壽揚管形媿乏中壘筆

陸堂詩集第十四卷

陸堂詩集第十五卷

平湖

甥

姪

趙宗鳳池同校

黎餘草

癸卯臘月至甲辰十月存詩七十一首

季冬八日授職檢討後十日明史開局派作萬曆

四朝列傳考稽排纂者經年藁本粗定伏觀

聖政聿新民安物阜

親耕詣學諸大典次第舉行而又青海平定宣播捷音

盈廷作爲詩章頌揚盛美固不敢以謏材自匿其

短也其他懷人玩物之什無關重輕存諸篋行聊

陸堂詩集

卷十五

七

以遣興云爾

散館定後作

芸牕圖共史冰簟影連余自比木居士人呼鐵翰林鮪

識蓬池味槐移玉署陰叨恩無以報敢怨二毛侵

東紅椒菴主

莫唱山松行路難且從初地覓心安僧蠅人謂機鋒露

擇蟲天生骨相寒疏水曲肱差有味黃金大藥笑無端

校書一半仍訛舛未必星精植杖看

鼎鼎年華石火敲欲黏日月苦無膠未醒京國塵勞夢

轉憶湖湄冷淡交大力調獅憐失手覆手有調獅圖高峰擲筆待

誅茅行藏千古須商略肯使移文岳獻嘲

寄懷仁趾鳳池兩姪

歲序驚如下坂九雁飛耐可附平安東西老屋書還聚
大小仙山桂未殘心慕籍咸常作達德齊元季始稱難
追思九晚聯吟處對酒茫茫起百端

介庵公著九晚閣詩詞
少日從遊叨陪鴻恩忽忽
年矣

除夕口占

殘冬猶剩夕陽痕爆竹聲喧達九門夜坐不添商陸火
羊裘十載幸留溫

餅罄囊空也不愁奴星漫結草爲舟明朝六十平頭健
一醅屠蘇自勸酬

耕藉詞三章

陸堂詩集

卷十

十

藉田千畝奉宸威

鑾輅親臨秉耒耕大禮慶成風日美東郊花柳盡敷榮
太平

天子重民依繡壠三推嘉種滋隊隊朱旗風裏拂歌翻
三十六禾詞

星臺一望氣網緼牛宿光連農丈人預擬簪毫書大有
天心民事本相因

恭進

聖駕親詣太學大禮慶成詩

并序

皇帝御極之二年重道尊師季春月朔

親釋奠於文廟五氏子孫聿來助祭禮成

上詣彝倫堂

命監臣坐講聖經尚書諸王以至胄子拱聽者數千人
歷稽前史未有若斯隆盛者也

侍從拊舞情

殷敬賦長句稽首以獻曰

宇宙網維三極貫帝王統系一中傳尼山木鐸天開聖
壁水園橋代鑄賢寰海即今時際泰我

皇首出道乘乾勵精圖治心無逸聲舉臨雍禮倍虔繕
部先期崇廟飾容臺越宿省牲牽九衢日麗迎

鑾輅萬騎雲從擁翠輦龍勺象樽呈法物鯨鐘鼉鼓盛
宮懸駁奔五氏簪紳集執事千官組珮聯止

輦入門

因道重升階成拜作恭先咸平朗朗鏘金奏畢獻融融

陸堂詩集

卷十

三

結篆煙允矣尊師

親釋奠麻哉彰教

御經筵倫堂中正舒黃幄學舍周遭習綵旃虎旅夾階
雖且肅鴉班分翼靜而專明新大旨資陳說精一微言

合究研濟濟章逢胥拱聽煌煌

制敕特昭宣就瞻雲日生何幸舞蹈庭墀度不愆吉亥

虞庠輝復旦逢辰堯曆煥中天詎惟潤色追三古實有

光華被八埏忠孝性成憑激發秀良質異荷陶甄化行

鑿齒雕題域雅備菁莪棧樸篇天地清寧誠可贊君師

政教

聖能全謬誇漢納三雍對遠邁唐增六館負

聖廟治廣直
省進學額數

以億萬計羅布藏丹津子身遠竄釜魚檻須不過
丐其旦夕之命而已夫虞帝之格有苗為期七旬
殷宗之克鬼方勞師三歲若茲

聖武之遠揚捷音之神速蓋古來史冊所未觀也

余陋恭聞宣捷懼忤情殷謹拜手稽首而獻詩曰

我

皇建極體乾元肅肅鈞陳護紫垣心惜寸陰符石紐功
勤營衛本軒轅禁中頗牧思如渴掌內韜鈴德作藩咸
喜波恬青海外金山霞彩結降旛

帝文炳煥武功超烏弋黃支遠奉朝小部愚同蛙躍井
六師健勝隼凌颺仰承

陸堂詩集

卷十五

本

廟算雷霆合 特錫南車珍露泔地拓流沙盡西域惟

聞愷樂奏雲韶

禹畫雍疆控析支漢家都護抵車師版圖脈指河西入

桑柘陰看隴右彌在昔投戈甘約誓於今走險自猜疑

玉關已報休傳箭邊徼何勞再折笞

部落形如小鳥依鶻音未革敢飛飛前禽尚欲開三網

苞蘖何能越九圍允矣攻心乘地勢煌哉伐叛振

天威車書一統光華日自外高穹安所歸

采薇常武煥天章露布聲中林舞長雨洗早瞻輝汜漢

歲豐還慶寶連倉

聖圖永廓清寧並兵氣全消日月光共道鷹揚能奮迅

寧知兢業在巖廊

據外原憑內治恬

神謨直與性功兼 法宮旦旦歌天勅僚采師師訓日

嚴海外情形披朗鏡極西雨露決窮簷盈廷願獻堯天

頌

聖量崇弘倍引謙

病中自遣

三春溫熱苦相煎茶酒都非性所便祇訝兒時耽學慣
得閒高枕味殘編

淡中滋味足全軀數米炊成粥一盂莫倩方書醫老懣
惟宜靜坐學僧跏

陸堂詩集

卷十五

七

杜聖韓豪辨个中不關學識可能工老夫自抱雙吟鄰

閒看斜陽作意紅

謾詡新詩鬪彩霞靜觀一霎悟浮華丁香紫白俱憔悴

有底春風得意花

三年馬走困金鞍一點浮名戀北扉病裏思家有何益

明秋真為菊花歸

頭責詩 有序

病中無聊追憶平生過舉形諸吟詠以當懺悔云

頭責新成子羽文從前過悞可除根遠慙瘼母膝曾子

病後秋毒病已初春病 長羨周親鄭義門 志至今力不能為 風水東

湖橋不礙 已卯壬午脫科庫友歸 詩書先澤置空存 余不飲力斯二

兄亡後一夕暮田丙舍俱難開冷雨清明欲斷魂

雪案螢窗智力殫歲華速似轉銅丸聞人也喜傳眉嫵

學子偏教議食單何肉周妻都是累生天成佛故應難

學仙二年學佛一而今點勘牀頭易夢裏無緣叩杏壇

學仙二年學佛一而今點勘牀頭易夢裏無緣叩杏壇

浮名底用滿江東麝鼠翻憐五技窮安聽有金埋牖下

秀鐵應呵叱見鬼張弧作啞聲

宅柘湖容寄傲未將高價買青桐

春場幾度逐兒嬉振履蓬瀛已後時無敵強人閒說劍

猶賢愛客坐敲碁白池賞處詩多拙阮轍窮來酒益悲

陸堂詩集

卷十五

人

夢得風裏黃鸝句續成之

獨有珠湖繫客心六橋三寺柳深深何當小艇尋詩去

風裏黃鸝颺好音

閏四月十三日

上御午門樓行受俘禮恭紀六韻

青海忻聞捷彤廷凜獻俘六龍扶繡轂五鳳颺金鋪東

鉞資良佐連雞獲醜奴憑高瞻

日表從衆効山呼絕響名標野舞千德邁虞梯航來萬

國王會展新圖

市聲

市聲侵曉集聒耳似蜩蟬祇訝錢刀重翻憐口食忙家

山餘杞菊塵海厭津梁已得尋蘇訣安心是藥方

觀婁子恒邵兩峰對奕

玉子花叢落楸枰石澗依祗緣分白黑彼此入于機

妙算誰得先觀者憺忘暑深柳一蟬鳴局終了無語

六十自壽詩

我生歲旃蒙荏苒週六甲依然貧賸索居謝欸狎憶

昔朝氣銳有如劍出匣失意偶逃禪鼻端悟一指五十

為經師宣演伏鄭法所希名山藏榮於鵲冠插忝竊條

冰銜寧慮百僚壓哦詩聊自壽牀頭酒不乏鳴蟬送晚

涼越紆御單拾弦月光漸圓浮名恍電攝明秋竣吏局

陸堂詩集

卷十五

九

歸休荷畚鍤盟心三徑松解語一闌鴨頑健感皇天酸

蓋便吸呷杖藜逐老農謳歌

王化洽

題董思翁長江畫卷

尚書三直兼六草餘藝通禪畫亦好上轡黃倪凌沈文

尺幅家珍抵鴻寶仙舟持節觀楚風金焦兩點摩蒼穹

螺螄溯流越千里漢沔湘澧爭朝宗巫峽驚濤鬬霹靂

岷山導江紀禹績芒鞋直達疏伽河人豪心折徐霞客

翻浩浩湯湯達左海中舍化機不可言

九日遣興

一醖羅家白重陽醉不勝鳴空多集鴈蓄勢獨盤鷹黃菊稀難摘高臺懶莫登石湖秋泛棹濟勝憶吾曾丁亥九月從石湖遊治平寺風日大佳

五更書感

孰如聲倍急近在古牆陰夢破寧爭鹿鐘聞却碎心履霜成絕調范希文安禪履霜霜標人呼范履霜凜雪奉良箴樹樹飄黃葉因知秋氣深

晚秋懽咏

病減三秋尚廢書閒觀廟市一軒渠宜鑪滴乳誇顏色輸與文昌亮尾驢慈壽寺西元福宮文昌祠有宣德間銅鑄一驢

郭園賭酒折花枝行樂當年恐後時自笑頭鬢今盡白

陸堂詩集卷十五

十

前塵未斷一絲絲

裏湖是處足幽尋霜葉經秋醉一林過客不須澆米汁美他石佛本無心

迢迢朔雁緘芳訊淒淒東華蹴軟紅辜負桂花開五出

閒園容易隋秋風閒陸堂桂閣仍有五出者

元和新格擅微之宛轉廊房屈曲池又見芙蓉紅淚濕

半生悔作女郎詩

蹋臂遊梁跡已陳山花山鳥夢頻頻杜陵老去傷才盡

那望殘膏丐後人

夢珠亭貽示無題詩戲東二絕句

松吹新編足起子夢中調笑宛如初蟲蟲已是憐間合

燕燕何勞賦隻居二語夢中所見

寒谷何曾釀得春淞南應許結為鄰無須勸酸圍紅袖一尺鱸魚最可人

晚眺

平臺閒徙倚西嶽故峇峽閱世交寧淡懷歸夢亦遙星爭天宇出鶴借海雲飄心慕箕山客林間挂一瓢

題金雷甫蓮舫雪寒二圖

潛躍本同觀溫涼挾異趣萬柳亂鳴蟬靜者意斯寓虎頭擅添毫把卷得良晤新製華陽巾閒脫飛雲屐香飄遠益清畫鷁隨所往宛在藕花莊西冷最佳處

清襟一壺冰茂績天下選曷不貌拳帷而乃圖策蹇監

陸堂詩集卷十五

二

田衝玉雪七賢興匪淺歐公憶勝游輟轅華軒冕妙句得自然髭鬢寧待撚僕亦生遠心掉頭謝香輶

題張甥客槎秋齋行樂圖

鄉媛書儲百軸華頂蓮開十尋幕外秋光飫眼未妨冷醉閒吟

贈錦空留玉案得鱸好配尊羹試問賦愁平子何似江東步兵

閱明書得詩一十六首

狼煙埽盡播甘霖開國弘謨世所欽神武獨攜三尺劍敬勤常惜一分陰何難命酒弛兵柄可藉奔雷警殺心聞與周郎談細瑣金陵王氣久銷沉

西山空堵半邱墟讓帝何曾出燼餘錫錢驚聞括代將
持籌幸免錯先誅一家詎忍兵連結四載堪憐號革除
蒲柳至今隨意綠漫勞遜國檢殘書

半邊月落影髮髯異表偏於酒肆逢靖難可能逃一字
守文猶許埒三宗玉華峰外餘空壘木末亭前剩幾松
辜負讀書真種子麻衣就義最從容

讒言自昔搆中涓監國翻虞令問宣夏德未衰真有子
宋仁相類獨無年親喪朝退仍縲服民隱疏聞減稅錢
見說君臣多燕喜銀章特錫篆繩愆

詔却駟虞貢遠蕃成康繼美太和存將材英國推元老
相業西楊備達尊喜雨偶然題素扇吟蟲聊爾貯金盆
陸堂詩集 卷十五 十三

大紳曾有迴天力三字許謨好太孫
東朝人去外庭空冲子徒矜校射雄差勝宋欽能復辟
翻嫌晉悼主和戎諫行密勿纔更化骨朽貂璫尚表忠
僥倖奪門成底事天教曹石盡凶終

兄終弟及運方艱國重君輕義莫刊南內何當疎禮節
北庭未免厭迎還前星示變機謀拙司馬持危戰守嫻
好與妃嬪遊地下裕陵豈必勝金山

玉姿渾厚欠精明蒙業難期輩太平椒寢過時偏擅竊
台恩去位肯忘情積冤西廠無端設絕域南交底用征
獨有成客堪愛翫雞缸價重等連城

敬天法祖念民依洪治君臣特可儀禮備元僚歸且綬

靖文感深都憲死寧辭戴澤梁燕河屯戍勞千慮闕里宮牆
煥一時聞道閨門王化始百男惜未詠螽斯

將軍威武勅親裁南朔巡遊百戲該敲出風雲龍舸艤
看殘煙火豹房灰莫愁風雨子留遺種絕訝針兒養禍胎
玩弄逆藩歸掌上儒生洵有過人才

卿雲瑞應楚江臯大禮爭援漢定陶繼統自宜伸委曲
稱宗誰敢破堅牢醮壇幾下王喬鶴秘殿何來方朔桃
一例青詞承主眷邊材未信桂溪高

離光繼照散陰霽海外剛峯直節聞取酒不須金買賦
錫緡惟見馬成羣經通三字姿何美祀舉諸儒說故紛
可歎元燈傳震澤別施匠巧斲雲斤

陸堂詩集 卷十五 十三
倉粟贏餘士馬騰府權銳意任江陵蘭徵吉夢偏生愛
蟲蝕盟言大有憑禁藥閣如遮密霧曹司吟似結層冰
微音不忝稱慈聖九朵蓮花法界登

紛紛牛李肆譏彈野史楊家足備觀江右楊惟休別著泰昌日錄徑主風
癩持赤挺枉將劫藥試紅丸半生疾疾心雖達一月憂
勤力已殫選侍那能為呂武移宮激烈本無端

楊左諸臣碧血消有明廟社日飄搖當朝委鬼奸逾瑾
滿地茄花禍比燒仙露不除朝飲渴宮香還趁夜眠燒
色荒祚短堪垂戒爪髮何勞淚裏綃

平臺名對無虛日拊髀誰堪愜懷書水書蠡天意改
練兵練餉廟謀乖揮刀忍見三官盡進帛羞令一豎偕

幸有埋香坏土在子規啼徹錦屏崖

自題寶齋齋并序

余年五十自號覺非居士今當週甲精力日衰爰倩友人書寶齋齋額夫齋之爲義不在用財亦非徒寡欲之謂思多傷神語多傷氣看書多亦傷目傷心妙哉齋乎寶之寶之莫以是爲延齡劑耳

鹹齋適口絮添袍六秋平頭慶所遭寶齋主人閒註老覺非居士醉吟陶十年道力何曾進四子詩名祇自勞

浙西四子南陽大也居外

穀櫟堂寶齋余更覺勞好與整龍談睡訣華山青處接天高

陽月送陳自曾南歸即有粵西之役

春明門外駐羸驂且作臨岐一晌談濃霧濕衣綠起早

陸堂詩集

卷十五

十四

暖風吹面愛徂南樓頭豪氣原無匹洛下浮名轉自慚
聞道炎荒成樂土九龍八柱盡情探

冬夜不寐作

病夫入冬夜不寐側耳聽盡長短更風侵被池凍欲結
汗漬心坎俄驚悸平生頗抱濟川志惜哉垂暮始策名
有若老馬強負轅足未致遠愁歎傾簪毫美政不勝紀
觀耕詣學禮慶成一日萬幾勞

聖主疏附奔走羅奇英救災特下江浙 詔柔遠復罷
河湟兵韓碑柳雅擬未得此身慚愧登蓬瀛

陸堂詩集第十五卷終

陸堂詩集第十六卷

平湖 陸奎燾 坡星著

門人 郭世昌 星來

弟 士熊 觀旂同校

希礪草

甲辰十一月至丙午臘月存詩七十一首

晚而通籍効力不遑奚敢矯語曠達比蹤隱淪惟
是夙疾縣延積衰成老館職難供素餐滋懼長至
夜忽夢友人貽余希礪畫幅披覽之下爲之憮然
夫夢成於想亦當有因未識何時得賦遂初也

白雲期做樂天體

六十年太老四體不支持二語純用樂天入冬苦眩暈拜跪禮

陸堂詩集

卷十六

十五

難施致疾必有因惜哉鮮良醫痰火風三者執方姑試
之藥餌久無功靜坐養心脾何必覓盧扁己病當自知
中歲研六經宵分強沈思心膏漸銷鑠搖搖如簸篩於
今食又少遇事恒忍饑子後輒惺然交媾失坎離貽患
及頭腦草木焉能治惟有盈觴酒清和性所宜譬若居
黍谷俄頃回春熙好友既倦尋異書亦懶披簪組本外
物龍鱗信天時盡賦歸去來永與白雲期

夢友貽希礪圖稱余小羨主人占一絕紀之

病餘霜雪滿頭侵名利俱無艷羨心擬乞

君恩遂初服好從山水問清音

新製兔皮掛成賦以解嘲

輕華非我好禦冬一羊裘晨伴座上種宵壓牀中稠相
於若客友應應到白頭得新而棄故俗情領自羞今茲
寒較甚况當病初瘳四鼓起朝謁霜重風颼颼口噤膚
欲裂顛掉馬能休客云西夏免其皮溫且柔綴以白狐
腋縫以青絲紬十金才費半功與黑貂侔聞言即買製
既暖復何求城陰多凍者慚惡為身謀

食藻鯽

壯歲賦北征鞭馬裹饑糧藥州古孤竹一水浮蒼浪是
中產名魚十尾購盈筐不肥亦不鮮大遜河之魴客久
損眠食掉頭歸故鄉心織筆舌耕鼎鼎三十霜僥倖捷
南宮翔步登玉堂驚股雖免割蓬鱸焉能嘗傳家有朴
陸堂詩集卷十木
學報國無文章養福道在儉安茲藜藿腸豈效何曾虞
宗輩珍異羅食方朝來指忽動雙鯽遠道將烹調下醇
耐風味頗逾常凡物少為貴我身老亦妨買山貲未儲
釣水興難忘悠哉信天翁一飽嗤鵜梁

述夢

維揚一老僧丹砂書靈符云可療百病但取誠意字七
粒肖桐子吞之有若無我嬰眩暈疾世少元化徒庶假
空王力翹首望來蘇俄經七晝夜夢入高門閭先慈偏
祖坐儼然生形模訣別廿六春先慈張夫人沒於己卯仲春月悲喜一
時俱為言尚脩德豈必耽紆朱舉手捫吾頂負痛失聲
呼覺來病忽瘳拜起不倩扶父母堂上佛斯語良非誣

用楊嗣
先生事

已過大雪天氣猶暖作尋樂詩六章

心源千載幾人同疏水簾瓢樂在中縱使文章驚海內
已如點雪着爐紅

嫩竹無聲拂短牆寒花有意傲嚴霜下簾點罷王輔韓

伯康易一炷閒添醴醇香

汗青頭白疑仍在札闥閱休語合芟未必新書全勝舊

敢將鐵筆判賢奸

鷗飛似雪見高標松偃如龍訂久要莫道寒威欺病骨

晚來酒量進三蕉

尊堯著錄見非迂擊壤吟詩與自殊風雨欲來車不出

陸堂詩集卷十木

免教平地歎崎嶇

捫腹從誇飽菜根敝裘偏喜遇冬溫登臺何處堪留眼

萬古西山翠一痕

擬子夜四時歌

瞥眼春過半山桃樹樹紅縱教開便落寧敢怨東風

乍見蓮葉翻俄欣蓮子摘坐石莫嫌涼殷勤話通昔

唧唧聞啼蜚栖栖送歸燕誰識月娥心橫窗秋一片

同雲釀密雪曉起寒切肌松柏雖後凋亦自戀冬曦

歲暮養河作三慎詩以自警

慎言

出口迅於風駟馬追不及更事謾云多拊心疚難釋縱

未滋物謗已虞損道力三字磨堯堅佩之永無斁

慎動

兩儀本若環誰甘守寂靜萬彙朝如煙吾寧尚馳騁失
足多康莊而況九嶺境慎動希古賢光風坐消頌

慎思

人爲萬物靈心乃百體主云何思之過飄忽類羈旅物
我畫相牽心口夜相語蔓草不挾根此中無淨土

乙巳元旦

龍飛三歲歲在巳月正元日政教始

聖心純孝欲免朝百僚固請乃得 旨賀表呈案 敕
勿宣穆穆皇皇肅瞻視梯航萬國來貢琛遠訖暹羅近

陸堂詩集

卷十

四

交趾陽鳥是旦光瞳矐條風應候占歲美堯民耕鑿心
何恬禹甸山川色可喜客冬卧病幸稍開下簾元坐觀
老子上德不德本至言外身身存具妙理多生嗜好銷
磨淨未忍忘情呼綠蟻三盃入腹四體融春意平添斗
室裏高車大馬貂狐裘望塵續續投名紙聞者謾應主
不聞俗例奔忙奚取爾今我年開第七秩行年六十有一雪白
頭鬚墜兩齒疾感醫王有神效老疲筋力亦鮮恥浩如
煙海一身藏邈矣蘇公敢竊比

即事四首

膜拜旃檀憶小年春初白塔許攀緣重經玉竦閑搔首
樹影波光總似煙

論車雉免卸城灣大嚼屠門一飽難却喜開東魚價賤

馮生銑在不須彈

靈佑宮西市販存料絲剔墨見何曾天街別有豐穰景
小盞糊成五色燈

春宵轟飲故人同博得衰顏也暫紅思與鳳皇鬪毛羽

寒號直是可憐蟲

日月合璧五星聯珠詩四首并序

雍正三年二月二日庚午日月會於營室五星

亦同時聚舍蓋自帝堯在位史紀其事閱四千

餘年而復遇之誠希世上瑞也乃

聖心彌謙辭賀者再謂

陸堂詩集

卷十

五

上天之申眷由

聖祖之慶餘願與臣工愈加乾惕永集純禧焉小臣固

陋幸際

昌期志切頌揚恭獻四律

聖主乘乾德化隆神明合撰應高穹規涵尺璧雙丸麗
采貫珍珠五緯同穆穆祥光環極北霏霏瑞靄繞垣中
太平有象占靈祐

寶曆無疆頌屢豐

遠勝榮光曉塞河燭天瓊彩煥星羅璣衡叶律春陽盛
象緯交躔淑氣多

至德際蟠符健順三辰翕聚協中和 鑾坡喜紀昌時

令兩葉青冀綴玉柯

洪鑑一氣播網緼七政均調仰

聖君景動月輪遵日馭光騰天宇彙星文苑池蓮瑞同
房見

帝藉禾佳九穗聞錫祉更瞻營室會曆宗千古並書雲

二曜五星占聚舍超符合牒慶如林照臨朗應昇平運

昭事誠通奉若心福錫臣民

皇建極勲高虞夏道惟欽簪毫莫罄廢義翹首

堯天雨露深

不得為盤山之遊次韻寫懷

夢想三盤不計年畫圖省識豈其然煙霞枉是張靈境

陸堂詩集

卷十六

六

蘿薜從教斷俗緣杏谷經春紅過火梵宮閱世冷於傳

如何韋曲花無賴苦戀城南尺五天

春來花信頻頻換老矣風懷一倍禁亞竹窗邊成獨酌

亂書堆裏惜分陰喜偕秘向閒舒嘯悔學羊何費苦吟

商略行藏都失據可憐華髮不勝簪

再給翰林院檢討 敕命二軸恭紀

玉堂盡日檢芸編兩度推 恩雨露偏冷徹冰條銜似

舊傲仕官階紅鈴寶篆色彌鮮捧輿夢斷難將母先父
品封過生母李孺 煮石歸來並學仙留滯周南無寸補
人再蒙 教贈

轉慚遇

聖已衰年

喜綸兒補授中書舍人口占二截句

桃裛深紅柳碧滋春來人荷化工私掄才未許齊中舍

踏迹偏教到鳳池前甲辰歲雅坪叔父考授中書

詩律居然遜

睿鑒書名敢望壓同曹北扉原與西清近直上蓬山鈞

六鼇

銷夏雜詠

新梧葉長碧惜惜促膝虛窗話素心最愛月痕涼似水

枯砧三百坐來深

天公雨露向來私救旱寧忘一溉時可惜絲絲裁露土

抽梢二尺已離披

陸堂詩集

卷十六

七

暝寫晨書老不辭欲歸猶欠草堂賞無心批抹閱風月

雜誦香山諷諭詩

風定平鋪一幅綿荷池魚戲葉東西註莊別有閒情性

秋水佳篇勝馬蹄

準擬歸休理釣篷二分煙景剪吳淞阿連句好憑誰畫

鴨陣瀾翻看水容族弟又超倡銷夏詞

秋霖

秋風吹不競夜雨滴還多鞭馬難如此防川計若何天

心藏秘密吾道慎識訶佇望來西爽山山展翠螺

誰信師繁露能令雨轉晴松從瓦上茂蛙在釜中鳴浩

浩波千頃沉沉析五更河魚防宿疾詎敢憶蓴羹

題張雪為秋林開卷圖

湖西清遠推吳興水紋鋪練山矗屏張君毓秀擅筆旨
揚托周雅研漢京驪龍懷珠豹澤霧綺歲業已飲香名
尚友古人具隻眼豈徒故紙勞鑽營虎頭寫真勝脫活
坐挹朝爽神空冷秋風歛起怒松竹波濤洶涌刀鋸鳴
不須端居感時物讀書且數歐陽生

題蔡柯亭偷閑圖

鶴子一雙清迥竹君千個碧滋閑事翻成忙事譚餘合
賦新詩

石鼎茶歌初沸禪中有味不枯更著吾家修靜虎溪三
笑成圖

陸堂詩集

卷十

九月初三日

八

圓明園謝

恩恭紀二律

御蹕臨西苑鈞陳宿衛重山光連水態秋今儼春容啓
事鳴珂集賡歌案筆從長楊千萬樹夾道瑞煙濃

駕班添喜色厚祿荷栽培特旨增漢官俸米雨過林逾翠風清

境絕埃乳茶徐賜及蜜餌競攜回口敕偏賜翰林官茶克食最豐袖

重九日蓋平閣師招集東臯菜園即席分賦四律

新開綠野近東郊約客同登九日高菜圃滿畦蹲雨甲
微雨松齋雙幹漱風濤民依耕鑿猶堪念

聖治勲華豈易遭雜誦香山舊吟句

帝心應未舍伊臯

燕居猶自惜分陰小築天然意近深百卉窖藏迴暖律
連筒井汲勝甘霖茅亭與曠兼奇賞玉澗幽潺有會心
下下高高因便利始知經濟在山林

小橋三折水流渠木葉霜凋倚杖初招鶴山房閒亦可
觀魚沼止樂何如風光淡蕩雲歸壑心地玲瓏月到除

疑義百籤今盡釋獨慚易學未成書甲午春手輯易學至今尚未脫藁

自哂高陽舊酒徒白頭珥筆侍金鋪偶耽雨景尋黃菊
還聽秋聲撫碧梧詩律老來渾欠細心膏病後頓疑枯

小園荒盡三三徑夢裏歸帆落柘湖

陸堂詩集

卷十

又成五六言截句

九

老覺光陰速萸盃五泛來西山青到眼扶醉且登臺
霜犯籬邊菊朵雨滋席畔苔痕好趁晚晴天氣留看刈
稻東屯

十月廿三日

圓明園侍班恭紀

禁苑鐘鳴候清班鵠立齊親賢當畫接勤政自

天題御書勤政親賢扁額舜典幾時勅湯銘敬日躋赤欄迴處

山翠落橋西

十月三十日慶賀

聖壽

敕賜翰詹官扁綾恭紀二律

萬壽當良月千官蚤肅容雲紅高拱極山碧隱呼萬祝
聖堯仁溥承謨武孝宗鸞書頻却賀匪但挹謙衷

殊恩霑玉署喜氣溢鵷羣價重千番紙榮分一束纁中
央標拓色領得邊幅煥龍文待乞

君王墨歸山好卧雲

聞朱穀人表姪歿於蘭谿詩以哀之

履貧乃士常曷為縈懷抱頻年嶺嶠游依人謀一飽筆
札頗擅場新詩格亦好得金奉親懽天真能自保瘴鄉
損眠食病顏日枯槁居停已投牒裴行何草草同舟有
季弟載之同歸不幸之幸瀝忱事醫禱艱難抵婺州屏魂即幽渺

陸堂詩集卷十六

迎喪泣孤嫠苦辛茹荼蓼司寇澤未湮門風希汝紹六
尺懸銘旌惜以文學了商飈摧叢蘭搔首問蒼昊

輓慈水翁師

漢代說詩推申轅皓首並赴安車瞻伏生九十懶應聘
壁經教授口詁喃形不撓神靜者壽齒與德劬名常兼
我師經師亦人師心貌俱古飄修髯貢入成均衆延頸
蜚遜自矢天山占有子蚤折東堂桂深源世兄舉燕居
祿養猶未霑弱冠下帷藉陶鑄客秋遠道傳魚緘勗我
立身弘致澤母襲藻采矜冰銜答書弟子今白髮難以
蒲柳齊松杉投簪歸來願超侍宵分究析疑百籤日月
湖頭好風景斑鳩拄杖與乘籃期願表黃公里紫藹

光昭翁洲嚴惜哉碩果俄彫落江東後進失所瞻及雞
絮酒將不得招魂涕下粘茸衫

丙午元旦退朝恭賦

班聯陰濟集變龍一聽鳴鞭肅九容仗列螭均天咫尺
筵開麟式日高春午後進宴演樂官家元會儀尤盛屬國朝

鮮禮最恭是日朝鮮使臣朝賀見說東風先入律朔三日立春踏
莎行處珮琤琮天氣已暖

立春日酒後題壁

醉墨欹斜興自濃新春免矣病交攻試參物態閒多味
欲透名關靜有功茶沸忽驚跳瓦雨花香彌愛入懷風
無須五岳探幽勝心太平菴屬此翁

陸堂詩集卷十六

紅梨花亭着花最盛口占一律

風光多在艸亭前開到紅梨分外妍
嫩雪點衣欺柳絮
癩癩留額勝花鈿雨餘乍喜丹霞射月關
頻催絳蠟燃
庖事放翁誇蜀郡三春祇為海棠顛

再詠白梨

判將真色鬪繁華可愛朱花愛白花
五瓣粉團舒素面
一叢墨點透黃芽夢迷玉礪雲無定影繪螺窗月又斜
為爾洗妝頻釐酒不禁迴首憶天涯

送同年喬丹葵出守嘉興

孟晉京雒自年年

聖代遭逢不偶然韓子文章銓部重歐公風月翰林傳

賑饑紅粟移鄰邑續食青甌賦阪田此去椒堂妙為政
龔黃應讓使君賢

夾岸垂楊擁翠旌金闌勸飲不勝情同心引善推行簡
斷事如神邁智明西澗春潮資灌溉南湖秋水映澄清
七城繞郡俱蒙潤為報兒童竹馬迎

同年馮禹拜輓詩

梧桐葉大兩疎疎惡計傳來淚欲枯落筆紫濤凌海岸
披襟白月照天衢方期酌史千秋炳詎料移家一少徂
酒是椒馨燈是漆清魂猶有赴招無

同譜如蘭六十人馮君大小最情親投簪赤縣還承
詔夢賜有索米金門遽殞身九四離又驚是識日襟著

陸堂詩集

卷十六

十一

得離之三千沙界證無因故知判作芙蓉主搔首何勞
九四

憶松花草

地濕易蒸菌厥性半含毒枯蒼蘆頗香曝乾作野遨別
種呼松花紅黃色可掬春腴秋復鮮味之鄙食肉憶昔
游乍浦見輒盈筐鬻下酒盡雙餅海天盪心目虎阜巖
扁舟雨餘茁山麓小摘佐朝餐清吟興亦足荏苒歷廿
年浮名羈輦轂頭白賒汗青心疾屢休沐仍傭仲升書
免索東方粟肥甘非所思淡泊聊充腹脆梨號果宗黃
芽壓蔬屬豈無銀盤姑價高寔弗錄風物懷故鄉餘齡
寄艸木砵鱸值薰晨戀否桑下宿

秋老二首

秋老思五谷霜楓葉紅詩尋煙水際人在畫圖中別
說矜三耳何知憫二蟲捲簾看皓月心地倍瓊瓏
秋老思圓仰鱸魚一尺強牽舟還載酒開卷自焚香唱
和工吳體拍浮入醉鄉初衣尋未得羞對菊花黃

十月幾望頭暈仆地有頃乃甦悵然而作

吾人生無根柔脆甚卉木七情內隱傷六氣外紛觸即
遇虛扁倫難挽壽命促壯歲好學仙通關頗迅速後乃
逃於禪定慧兩具足虛悟鮮實功舍旃守初服六經與
四子鑽研廢餐宿矻矻十數年冀玷儒林目衰晚竊冰
銜擣辭枚馬逐雖賒逢池鱸已飽金門栗排纂勝國史

陸堂詩集

卷十六

十三

晝盡繼以燭賢奸判至公好惡敢任獨心膏日漸銷脾
弱聊啜粥銀海暮地搖玉山頽然覆厥疾類中風可一
不可續俚指同氣中惟仲齒踰六其餘不及艾而早登
鬼錄自顧本孱軀幸未填溝瀆庶庇感皇乾竭來獲多
福月滿還張弦寒威並暑酷天運猶轉環卅輻共一軸
達此應投簪詎惟暫休沐適性尋水石延齡藉杞菊藥
言聞老聃知止庶免辱

恭進

聖治光昭河清獻瑞詩

參贊符天地勳勳邁帝王三靈昭協應六宇萃嘉祥德
盛貞元合兵銷日月光占生呈聚舍測海貢遐荒復報

河清瑞彌欽世運昌律音調大呂歲次紀敦特漾碧逾
千里騰嶺徧八方輕風浮素練匝月映華璫澄澈同淮
濟渟泓接豫揚正四年十二月初九日自河南陝州至江南桃源縣黃河澄清月盡色猶不改
瀾迴安砥柱源遠瀉鉅潢永利漕艘涉毋勞健石防
天床由降鑒

主聖正當陽撤饌曦臨午求衣夜未央樸淳移海會兢
業在巖廊致孝

親耕藉崇儒

駕詣庠軫懷惟兆姓

特簡是賢良

聖政書難罄休徵應自長懷柔神效順澤潤歲豐穰佇

陸堂詩集

卷十六

十四

見榮光塞重聞龍馬翔九功超夏禹一畫闡義皇章極
疇中正如川福溥將虔心胥獻頌珥筆遂摩颺威鳳宜
棲閣卿雲待捧觴隆平億萬載

寶曆慶無疆

和東坡歲暮三詩

饋歲

玉署久羈栖職司類書佐舊雨心相於取重寧在貨果
餌聊饋遺任嘲窮措大衝冷鷄常懸索醉餅屢卧勝于
多寶塔光華分半座我貧猶在客了不資馬磨尚友得
髯蘇母美高軒過譬彼淵明詩代遠堪繼和

別成

歲行有底急舉錫勸遲遲我車無停轍鞭馬末由追同
懷二三子聚首六一涯寒冬指松柏見知洵有時位不
期令僕性亦厭輕肥病久瘳堆霜覽鏡心徒悲少壯不
自惜老至寧復辭養生讀嵇論能無感積衰

守歲

二酉空蝕蠹五難拔蛇殘冬迫短晷秉燭相邀遮平
居戀睡鄉恣意遊無何今夜逐兒童爆竹聲喧譁酒薄
醉輒醒街鼓聞再過中庭俄集雪作勢整復斜否泰轉
若數信足防蹉跎三慎銘座隅頑健詎敢誇

陸堂詩集

卷十六

十五

陸堂詩集第十六卷終

陸堂詩續集第一卷

平湖

同里

盟松別葉

丁未三月至戊午
臘月存詩八十二

心疾轉劇筆墨久疎春暮乞假南還
者聊復牽課作答道中遣懷語多輕率即在家養
疴亦未暇苦心雕琢也淵明云三徑未荒松菊猶
存太白云青松白石實聞此言余不能煮石充飢
餐菊益壽然則息壤之盟永永不寒者舍支離叟
其誰與歸

閏三月下浣一日乞假得請束裝出都述懷二首

陸堂詩續集

卷一

閒關上蔡書斯道悟徹趣透得名利關方是小歇處
弱冠踞詩壇中歲研經庫孤落性所便釋褐齒垂
暮飢索一囊粟寒擁百結絮拔藻詎足矜乾沒良可懼
上有

堯舜君臯益胥贊助瀛館秩雖卑千秋信史寓何當老
病兼投牒乞歸去柴車出國門懷 恩且延佇

本蘇

夙愛坡仙詩尺幅恣遊行幸推江海情適我魚鳥願

詩

低首縛朝衫涼燠七面換心膏逐日銷旅鬢堆霜霰

春盡返南轅和風飄甸線鄉園近三泖煙水翦一片人
生有定今智巧未能算試問摩天鴻何殊飲河颺乞身
已衰朽寧寓正清晏相逢石戶農負耒甘作伴

用湖字飛字酬香樹

六載披荒帙依然山澤臞藏身憑豹霧分手握驪珠丹
訣咨三叟吟情寄五湖

黃墟

傷共青城郭
延楚諸同年

莫因今舊雨契闊感

受說峰青句令人逸興飛

製荷衣知命言言達勞生事事非豈緣春水綠徒羨鰓

魚肥

和雙遂先生韻二首

池館追隨白傅賢抹他花酒客三千寧期羸馬經長坂
轉肖黃楊厄閨年祖帳磐桓心不醉漁舟蕩漾跡如傳
江湖老作閒鷗鷺猶夢紅雲一朵邊

陸堂詩續集

卷一

達心久媿竹林賢賞酒墟頭價十千白石免教辜舊約
金丹聊可駐衰年調梅鉅手寰中重點易微言象外傳
行矣不須求鑑曲清風明月本無邊

別南岫

三世如蘭誼不同自慚筋骨已衰癯摘文學遜劉遵父
告老年齊范蜀公書屋借居情款款羸車首路興匆匆
昌期正屬文明晝莫羨冥冥飛海上鴻

過趙北口

瀛海恒山路不窳新堤迴望亘長虹開屯定獲千箱利
救旱寧以一溉分塵胥老槐依舊綠波翻落日盡情紅
羹湯洗手無勞竹香熟鱸魚就泖東

蒙陰道中賦示張又薦朱愷仲

同作蒙山客飄飄類轉蓬歷勞顏面墨岑寂酒盃空密

樹城張雉危橋澗飲虹三平行斷續風鐸韻丁東

佳茗推蒙頂於今雜土煎一甌嘗苦硬五字琢輕圓馬

老途逾迥舟藏壑故便息遊吾計定藜藿飽殘年

山行雜詩

巖城近喜銷烽燧庚子冬過新泰有遊擊勝友偕行恣劇談山色曉看

晴亦潤泉流午飲濁猶甘盍簪夢斷齊煙北采藥人隨

越鷓南爲是羊公清德在柳陰濃處暫停驂羊流店新傳太傅祠

塵染衫襦去復來脩塗觸目小驚猜挂帆車上貪風力

勿水道中有挂帆車者繚繚山巔竭地財棠陰山中野營處是處勾留輕蝶夢何人

陸堂詩集卷十

管領野微開素書堪讀酒堪飲從此居身材不材

後感舊詩有序

羈宦京邸荏苒七年親故多頽謝者丁未初夏南

歸道出鵝莊作後感舊七絕句

嚴太史山隣

渠閣芸編老自披歸休五稔促騎箕太史翁已亥歲已休七年八十巨原度

勝從茲絕鄰笛山陽莫更吹

廣文翁師繹弓

老住翁洲蘊太和富堦萊袖舞婆娑却嫌伏勝年猶小

口授尚書誤已多得壽九十有五

潘文學今尼

西濠夜雨一燈孤金盡牀頭顏色枯壯年揮金如土竟以貧死邠老家風

葉上舍待堂

五字唐音妙入神三升魚酒見天真江南何處無芳草

絕憶風流鏡閣人丁亥正月待堂招集鏡閣賦春草六韻詩

胡文學震初

卧病漳河動越吟遙聞惡計淚泔泔可憐無子脩魚菽

夜夜孤魂聽梵音沈於彭澤寄棺海潮菴中

從祖玉田師

方瞳炯炯夜離書嬰鑠爭誇九十餘直上龍湫觀海日

無須弟子昇籃輿

陸堂詩集卷十

族弟幼驥孝廉

庚秋桂籍喜同登陸九文章世所稱一上春官成痼疾

不教餅餠啾紅綾

舟渡沂河口占

沙嘴車輪馬欲僵沂河四月渡無梁杖藜獨立呼舟子

容與中流看夕陽

羸車行

三霜病足徒行難小車黑衛差便安吏局常朝例得免

觴詠賓朋均謝遣積衰成老宜歸休巢許下務非我儔

且駕短轆寫羸翁晨著征衫午餘飯籠街赤棒豈不尊

官途顯晦有命存少游妙語感新息歎段還鄉足衣食

銅陽酒海恣拍浮青騰一醉百不憂甫里先生老泛宅
手拓烏篷釣笠澤隱几今吾即故吾六十未化仍迂疎
假年點勘義文易潛見隨時合龍德北山之北南山南
長林曲澗幽可探誰道歸歸便得青充淮徐路交織
輪蹄十步九折旋輸與騰空騷疾疾赤日杲杲障天
客中感舊心茫然前邨風聲驚地急白楊颯沓如奔泉
首夏渡黃河風雨將作既濟喜成長句

河自揚疆東赴壑勢若萬馬飢奔槽清淮刷黃力漸弱
海口濬導沙仍膠桃花春汎喜無恙痕長六尺波頭高
敝車盤盤甫休息凌晨欲渡呼輕舸風聲怒號水關猛
打槳入溜神飄搖墨雲倏散雨點歇老鼃長魚不敢驕

陸堂詩集

卷十

五

一笑拳衣登彼岸迴望冀充天寥寥

聖治百靈俱效順河清上瑞忻逢遠達包四省久匝月
洪濤一碧舒蛟綃謫才難擬參軍頌獻詩聊復隨羣僚
老病得閒亦不惡盡魚細瑣行將拋五湖是處足鮭菜
如梭釣艇身親操聯吟未須挾簫管觀物自可談漁樵
世間得失塞上馬人情愛憎屋頭臬郵程三千雜水陸
與為勞薪寧苦乾此行脫險有天章木瓜酒美浮三蕉
維揚晤且碩贈瘞鵲銘搨本

歲行在重光授經寓邗上焦山陰莫躋觀碑神頓旺華
陽本仙才胎禽注閒曠一朝感化去叢帛事葉華磨堞
書銘詞波磔勢排宕風雨久剝落谷陵發悽愴居僧涸

過客叢本傳舊樣好事陳使君懸賞挈深浪徒致松寥
亭卓立儼孤障墨本馳寄余作歌勇不讓裘漢置篋中
遊燕乃道喪年五十五平生嗜金石躡屐徧搜訪漢篆跡模
糊唐分姿跌蕩獵碣岫嶼碑廢古亦遭謗斯銘品入神
念之屢惆悵南還遇程子相見問無恙臨別贈雲通珍
於百朋貺吳船柳葉輕江濤夏始壯廉石底用攜蜀琴
並清況一字一驪珠如探無盡藏

自梁溪載酒歸里

四月梅黃雨氣昏鴨頭船小石溪根憑誰點綴松三徑
已慣飄零酒一樽
征車迢遞感飛蓬歸客衰顏借酒紅輪與醉鄉王學士

陸堂詩集

卷十

六

不知吳苑有秋風

題伯機姪楓林愛晚圖

樹裏斜陽一抹紅小車輕輓認游蹤
不道秋山有醉容

用東坡西齋韻題陳檢亭三蕉書屋

幽栖興如何琴書亂一牀軒南植三蕉雨後扶疎長坡
飲量自雅旭草心非狂綠意蔽天宇海暑延清涼淪茗
助微吟口吻含異香爐煙裊晨沉水牋紙碾麥先不道寓
目眩魚泳鳥飛翔澄波弄藻影林杪憂脩吭是身類芭
苴柔脆感浮生靜居銷白日悠然到叢皇

題松澗焚香埽地圖

鴻爪堪遊戲天花作道場湘簾捲也得韻極小宗香
明珠蘭露涵黃雪松花展一室自寬然塵容不到眼
砌下紫風流枝頭黃栗留稱詩憐鄭婢盡日引春愁
小阮寃清狂魏公偏嫵媚翠眉可療飢曷若醇醪醉

題張甥龍威浣華圖

稱詩至乾寧衰颯不堪諷名集數浣華章相故天縱書
巢有後賢筆旨兩飛動秋景逾春韶幽花足供奉美人
暨香草騷經所資用雲物疑高唐儒雅師屈宋古枕碎
青莧神仙亦大夢矯首一避觀霜天鴻影空

鍵戶

鍵戶無嫌市語譁殘書幾卷足生涯曉吟未穩風聲過
陸堂詩集卷一

午睡初酣日影斜蠅馬幽琴聊蔽葉塘螂怒斧特迴車
眼前物理能參透何必心空轉法華

八月上澣詣松江飲珠亭卧雲草堂

南朔疎雁書十年勞夢寐此會良足珍未飲心先醉草
堂臨北溪木石饒野意著作藏名山雕鏤羅枕秘肝膽
露一真談諧了無忌男兒可憐蟲蛭驅互依倚宦海寄
萍踪飄飄難再聚新知縱極樂遠輸夙契重碧勸三
蕉燭花翦珠穗何物最驚秋蟋蟀鳴曲砌涼颺拂衫襟
纖月破陰翳悠然鼻觀通古香逗紅桂

張君吟樵招飲辭之以詩

巨手燕公世所聞梅花格調最清芬寒帷未慰蒼生望

握槩猶同博士勤玉潤過從忻撥霧今時鳳儀旦晚欲干
雲今予初不因偶染河魚疾肯負仙孟菊蕊薰

飲蓉齋姪書屋得寬字

族誼交情馥似蘭十年契闊重追歡若齊官與標三絕
文範家聲美二難捉塵臨風茶話永捲簾得月酒杯寬
秋先是處堪吟賞山莧花開滿藥欄牛膝一名山莧
著花紅纈可愛

重陽後二日下榻石隱山房和拙宜上人韻

萍飄宦海自年年秋老重來此問禪祇許細參唯識論
何妨度去悟真篇三生離合非虛影一字推敲有夙緣
他日與師尋華頂碧桃花底袂相聯

僧房九月忽放榴花蓉齋過訪斐然有作依韻酬

陸堂詩集卷一

之

安榴開九月遙暎夕陽紅座識參軍異吟消邪老窮過
溪如畫裏登壇小窠中捉塵譚玄要居然有晉風

屋後隙地種菜數畦雨餘茂盛喜而賦此

自我違故鄉早餘瀆大水穀貴菜亦荒十室九如洗況
乃食指繁啜粥需斗米敝衣典欲盡老屋堵半圯歸休
荷皇乾歲豐多稔黍一飽已過今敢效肉食鄙南榮地
數弓蕪穢久不理呼童攜長鏡藝蔬間尺咫苗生俄甲
拆一望綠瀾瀾肥菰壓嫩莧苦蒿讓甘薺好雨昨夕滋
行畦頗志喜豈惟便淪羹直可備冬茹茲韭朝庾郎折
葵感王子清齋非佞佛淡泊明志耳于役倦津梁健門

謝賓旅啖齋讀殘書識味逆茲始

題沈甥東表小瀛洲垂釣圖

頻年厠金閨寸心寄鸚渚近水映遙峰一壺藏六宇垂
老始息遊謝病寧高舉園中似舅者精神聚阿堵把釣
亦偶然志不在魴鱖柳塘細作波塔鈴閒自語煙艇欲
浮家倡予而和汝瀛洲小盤旋突過蓬山侶

同八弟誠民汪甥希升集龍威藝舫賞菊得寒韻
幾種新名篆屈盤拓牋吟對夕陽殘銀鈴差勝晶球白
錦荔還輪鶴頂丹隔座浮香春酒冽分牕弄影月光寒
梅花一樣爭殊色莫作山中隱逸看

壽述細姚丈

陸堂壽集

卷十

九

杜陵句堪諷七十古來希先生靜且樂迥然躋登茲重
陽喜無雨爽氣透袂衣況有傲霜菊黃白綴東籬典午
兩賢達高風邁等夷散金足愛翫豈為鱸魚歸養真衡
茅下懷此貞秀姿天趣將母同人境殆過之熙熙上春
臺何慮秋風吹趨庭皆鳳子呵責寧費辭百卉恣意開
艷若珊瑚枝結交逾二紀敢負松石期鴻戲偶露爪雞
栖憚為儀人生行樂耳須富貴何時繪圖擬香山曳杖
頻追隨不惟飲美酒兼可哦新詩

嫩迂書屋聯句

一字吟安堪壽世萬花香透不沾身星坡欲攀白傅吾何
敢幸少楊枝惜別人編述

趙价人乞東籬詩口占二絕

師範南亭衆所誇夜深還埽講臺花倚樓何處添吟興
海上山山捲落霞前明陳南宮今任美縣主簿

散金不畏曉風吹小蝶尋香杖底隨縱使季鷹留妙句
黃花千古屬東籬

對雪漫興二首

連宵結素雲徑尺鋪良玉老眼醉生花高歌月澹灑
秉質由清虛作勢破凡俗我生托長鑱空山飽黃獨

戊申元旦旦同觀旂弟小飲因約探春郊外
自喜年符卦翻因病釋勞藥爐煨芋便應榻積書高酒

態輸中散梅魂應水曹初晴應計日扶杖訪南阜

陸堂壽集

卷十

十

遊孤山見紅白梅花盛開

煙艇入孤嶼蒼茫視昔同四賢澤未艾心折是逋翁殘
雪黏林白初陽射影紅江樓漫吹笛默坐領香風

桐溪汪丈鷗亭一門五世詩以賀之

聖錫家聲德茂存點頭今喜見元孫經傳毛鄭爭傾蓋
社訂宗雷懶杜門散氣崑庭紛積玉香風蘭圃徧生蓀
得從杖底咨丹訣絕勝堯衢挹大樽

長句贈馮山宰

男兒弧矢志四方利濟民物扶天綱否則鍵戶友古人
研精六籍窮三倉二者均足自怡悅行藏早定毋庸商
馮君大樹之苗裔柘湖立戟誇門第同卿奏議汗簡垂

孝廉詩筆虛舟寄欽仲先生美君文采珊瑚鉤帳中枕底

奇書留摩胸冰雪不諧俗高蹈直與羲軒遊僕亦平生

鄙溫飽抹月磨花堪送老適意惟憑酒一盃敏捷千詩

蠹蝕葉為我雕鵲發棗香就正宗工惠同好結交那用

多黃金如水如膠判此心續續幽馨茁蘭草咬咬樂意

鳴春禽嵇琴阮嘯真同調把臂相期入竹林

法書瑞寶歌有序

漢晉法書暨唐宋人真蹟吾見亦罕矣戊申春杪

為清溪遊沈子荻廬出示法書瑞寶乃吳中王文

恪公所藏也歷年寢久不無闕遺就所存者足為

珍玩爰作斯歌識諸冊尾

陸堂詩集卷十

十一

南衙岫嶺埋荆榛嶺山碑板燬秦素王古篆世罕識

夏侯譯本妙入神東阿才藻富八斗跋語直與章草倫

右軍自運勝鍾體大令八法能傳新唐宗臨摹愛禪帖

在廷虞褚堪亂真手勅二通留秘閣墨光璀璨逾千春

過庭奉詔書舞馬勢若天庖騰麒麟謫仙乘醉騁狂草

清秋一賦悲蕭晨昌黎巧思傳毛穎真蹟遠勝鐫瑤珉

宣和君臣共審定緝熙殿寶迹未陳米蔡蘇黃擅工巧

紫陽筆力尤嶙峋咸淳特賜賈秋壑悅生私印朱猶新

入元鄧氏復藏弄後先鑒賞題朝紳前明轉歸震澤長

錦綉什襲稱家珍作記千言極推重惜存其半餘漂淪

荻廬主人雅好事購之不吝雙鳥銀我來適值風日美

滿堂花酒娛嘉賓老眼摩挲三歎息奇物遇合良有因

文房清玩足怡懌豈比象齒憂焚身漆叟逍遙具達識

楚弓塞馬得失均麻姑擲米聊作戲海東見否揚灰塵

即席賦贈荻廬

相送花潭已十年重來潑盞意殷然探奇欲拂珊瑚樹

嗜古如登書畫船鐵畫剛峰仍嫵媚蘇海忠介真蹟風枝梅柳最

婬娟吳仲圭墨竹卷捧與爭羨檀郎賦難忝承歡覺汝賢

飲沈夢得書齋賦十二韻

重泛清溪權來登大雅堂九山佳勝畫一水靜涵芳結

契蘭為譜傳家墨是莊入林偕小阮謂若奉杖得元方今編

逸足騰千里潛心讀一箱岐塗非學術大塊有文章景

陸堂詩集卷十

十一

值清和好遊耽興會長柳濃蔭宛轉花安蝶勾將細雨

催詩客薰風帶酒狂殘更燒短燭圍坐闌飛觴擬續醉

鄉記如臨華子岡秋期吾敢負蠟屐共徜徉訂於秋旦遊吳松山

和笠亭移居詩

竹翠荷香小結廬軒牕面面貯清虛一鷗剩有牀頭酒

特遣鬚奴借異書

綠鬢蕭疎四十強佳兒書卷共傳香由來名士居無陋

莫問青楊與白楊

哀忠詩為永寧令高則原賦

異政清猗魯范齊鸛鵲山下鳳鸞栖養難誰遣招羣醜

釋甲先知構禍梯絕命吟成逾琬琰跳嗟氣吐似虹霓

寧期貴志歸泉壤作誄淮愚展氏妻

次獅峰前輩韻題姚物堂卧龍松下小照

慈仁骨蛻遊難續

甲戌入都題
寺松已盡

封氏枝存偃若龍淡宕襟期

冰對映蕭疎髮影綠分濃極立自喜詩名盛好事誰攜
酒盞從轉瞬騰霄作霖雨康廬不數九奇松

賽神行

有序

戊申孟夏疫氣流行市民賽城隍神于西郊繼以
嶽帝霍侯四門供張月盡乃止雖驅厲有驗顧物
力亦大耗矣張惕龍感慨然有作走筆和之

梅風吹兮作寒戶疾疾兮蟬連迓神駕兮屬瀆職四封
兮民人主醴潔兮牢豐值驚翻兮坎擊鼓曰暘而暘兮

陸堂詩集

卷十

主

宜雨而雨雖嶽秩兮祝公籍生死兮代宗與天齊兮漢
制崇呼神保兮前導勅炳靈兮後逆霍侯行宮兮在湖
之澍輔少主兮伊周侶靖海氣兮晏如永食報兮斯土
神之來兮威福憑婦孺膜拜兮觀者傾城晴似霧兮燃
鼎宵若晝兮懸燈結綵山兮綺閣黃金衷兮珠絡比玉
雪兮嬌嬰飄長袖兮戌削月闌異今日爭新羅海錯兮
供山珍際時詘兮素舉羌不信兮俗貧緬楚黔兮尚巫
鬼九歌宣揚兮自屈始雲中有君兮不遺帝子滿堂目
成兮牽蘭佩芷懋三風兮十愆酣歌舞兮恣遊盤踞虎
豹兮九關為我告皇乾兮民力殫難犬得寧兮災疫罔
干胥沐浴兮

聖澤無忘今稼穡之艱難

題戴康侯半硯齋圖

高哉戴處士匿跡鴛湖涯不須子宦雖但愛友梅花一
畝化蝶居題作半硯齋無用藏大用吾道寧非邪興至
偶弄墨妙與荆關儕七影足幽趣曾與秋潭
繪破曉七影三山入奇懷
又觀京山
三山圖龍戰亦倉猝馬渡何紛拏滄桑不到眼傲骨一邱
埋予于崇禎乙
卯葬宜洲時寶茲真隱蹟襲以數宮紗硯破人自完懷賢
頻歎嗟

戲題戚南田便面壁鏡兒

勝蝶曹蠅意匠同端相合喚可憐蟲栖心祇抱團樂月
絆足難乘縹緲風四壁蕭條延飲客一錢羞澀伴吟翁
陸堂詩集

卷十

十首

傍簷却笑蜘蛛隱大腹惟憑結網工

七夕集笠亭池東草堂賦十影詩

鶯影

愛爾風標潔臨流態儼然江空還小立月近且孤眠
行絲痕亂窺荷鏡樣圓閒情寄秋水夢去碧如天

雁影

為聽滿湘瑟來從月底飛岬沙明有跡渚水曲相依
隸留波磔商飈觸氣機天空聊作戲雪爪是耶非

帆影

高舁渾莫定一葉恣夷猶綽係吟邊境東野詩高
湘隨書裏
秋碧黏芳草過紅趁夕陽收漫約僊舟濟松陵家可浮

峰影

夕照堪留眼，遙山不改青。倒流蓮沼，止移向竹窗。橫街雁飛無碍，巫雲夢未醒。祇疑身入畫，妙句乞湘靈。

塔影

宛似書空筆，曾無鳴鐸喧。相輪雲外涌，燈火浪中翻。變化由阿育，神奇說報恩。古牆看到倒，往物理故難論。

梅影

羅浮花似雪，昔夢欠分明。疎冷從無匹，迷離獨此情。瘦筇支略約，尺水貌娉盈。最愛橫斜句，微吟到月生。

蝶影

明明雙鳳子，風定也飄揚。了不驚紈扇，翩如夢石牀。倦

陸堂詩集

卷十

辛

鍼衣滅迹天，繪拍留香可。惜花叢友交，飛已褪黃。博物志：黃極。

黃極

鞭影

東指復移西，敲詩路欲迷。灞橋驢拂背，燕市馬驚蹄。石漾隨煙柳，依稀墮雪泥。山公揅爛醉，月裏倒提攜。

罍影

魚莊閒曠，吾樂意在江湖。燈映三星動，波翻片月孤。蘆蓬衝雁鷺，潭底罩珊瑚。欲問磻溪叟，璜書網得無。

鬢影

晚妝猶未卸，坐對月彎環。蟬薄迴雙翅，雲濃漾百鬟。留痕依鏡檻，分綠上眉山。不耐星霜點，秋聲感樹間。

題秀水曾君山高士畫松

唐賢畫松者，古幹受張璪。畢宏品格入神妙，宋元罕傳。匹今代羅飯牛酒酣，挾道筆壯蘭半壁，撐濤聲撼欲出。鴛水狎鷗翁，逃名甘隱逸。踞石偶科頭，拓胸常抱膝。寓意寫一松，摩雲高聳翠。形莫改支離，心惟蘊真實。聚珍裏，鶴綾異香薰，婆律渲染，咄俗工竹樹徒蒙密。

四明魏雲山以卧石圖索句

昔聞孫子荆，枕流欲清耳。下士識拘墟，仁智理互取。我友好山居，龍蟠悟厥旨。懶化漆園蝶，任戰槐宮蟻。酣卧不計年，天幕雲騰趾。渴當吸玉漿，飢還烹石髓。臯鶴即兒曹，巖花如笑語。叩壺貯心胸，唐仇非倫比。庶幾黃井

陸堂詩集

卷十

辛

西仙骨絕塵，浮煙雲作供。養九十髯猶紫，拄杖青柯坪。

茅菴半分與，新交圖南翁。舊事廣成子。

九月朔三日飲陳耐菴書堂同曹白却作

烏蓬一葉帶斜陽，秋老重登萬卷堂。玉簡洞中奇欲探，蛇圖局外靜堪商。小桃夾竹矜殊色，新月舒眉送晚涼。頭白主賓俱健在，傳盃愛玩紫萸香。

重陽前二日哭第四女淳

夜珠空向掌中誇，巫去醫來亂若麻。痛甚凝兒將遣嫁，驚心聽鬼車。長女亦縱使登高能解厄，更何情緒賞黃花。

過雨花菴次佛雨上人韻

艇子尋詩路幾盤祇園秋老葉聲乾楓顏半醉紅飄在
菊意如人淡倚闌敢以仙機爭佛慧須知島瘦勝郊寒
妙香微清無寐一卷楞伽月底攤

題俞樾塘詩卷後

稱詩有定評仙才勝於鬼尚友得髯蘇青蓮之繼起元
季罕嗣音鐵體亦靡靡天秉莫能強學力差足恃輕塘
湖中秀詩成若翻水不屑數古賢新穎特可喜昔予耽
吟哦謀篇創自己就正竹垞翁始精文選理三唐暨兩
宋一一工摹擬多師是汝師得訣由于美君才壓流輩
時與坡老似七言古律絕金鉞實賴此遠溯李謫仙古
風追正始五律響遏雲斷句花生綺取法期最上四靈
陸堂詩續集卷十

七

休挂齒狂言幸勿遺騷壇首屈指

却徵行寄珠亭

九山蒼蒼環碧海我思伊人居宛在弄珠檻接小杯湖
額名珊瑚之鈎鈎文采今代化理超唐虞立賢不為方所
拘有司承詔廣薦辟王路驤首爭馳驅君才異但飽
經史練達直與元之似兩庠推轂同一辭惜以遭喪事
中止五馬南來重咨詢有為有守邁等倫忍使斯人委
邱壑微書數趣母遠巡烏啼子舍淚常墮大義凜然持
不可何當衰經強呈身願俟榆槐三改火瀝忱却聘非
近名古來忠孝理相成此舉高風激頽俗作歌為擬董
生行

題錢介維山水小幀

荆關畫品越凡才秀潤還誇北苑來老樹千章雲一抹
九山何減小蓬萊

錢翁蘭譜舊相於茗碗詩筒興不虛小筆風流猶未墜
雲亭蠹盡半牀書

夢中得老貧一聯續成之

避人盡日掩柴荆捫腹窮年飽菜羹老覺光陰成過客
貧猶推解屬浮名曲肱有夢尋真樂習坎維心得小亨
一笑不知緣底事槐宮蛾子正紛爭

雪夜再閱蘇詩識以長句

兄時愛玩坡老集河伯向若驚汪洋梅溪分類覺瑣碎

陸堂詩續集卷十

太

編年施註差為良考核莫如初白翁梵書雲笈廣弗詳
開雕無力剩蒙本借鈔珍重逾琳琅公詩在宋推巨擘
天才勃發難禁當浩氣神龍游六合積學異寶羅千箱
上埒謫仙追杜韓下啓黃晁兼秦張我衰嗜好百不染
獨於詩酒心猶狂同雲釀雪照夜白批點未竟指欲僵
相賞妙在字句外國色寧藉脂粉妝扁舟到處有西湖
惠州有西湖禽魚草木生輝光錦塘縱橫因地利諫草激烈排
天閭心懷致澤足經濟奚但弄筆工辭章半生憂讒涉
詩案風流千載彌芬芳惜哉輕詆程叔子不獲兩廡隨
歐陽晦菴亦撰參同解以禪入詩夫何傷

陸堂詩續集第一卷終

陸堂詩續集第二卷

平胡 陸奎勳 坡星著

受業 呂崇嶠 巨山校

經樓剩葉已酉正月至庚戌九月存詩八十四首

癸巳冬杪擬撰陸堂易學困於心疾報業久之嗣後供職史館不遑說經乞假以還校刻春秋義存錄漸有成書乃棲居點易諦思象變辭占夜寢輒忤忤心動精力已疲易學其終無成乎夫窮經之不能而徒與朋儕倡和小詩銷磨日月為可歎也已酉上元前一日集茂脩書屋得香字

傳柑節近綺筵張料峭春風晚作涼竹徑飄燈紅壓翠

陸堂詩集

梅窗點雪粉含香秧歌轉憶京華盛茗話偏逢親串長

一掉鮑船期盡醉不禁小阮發清狂

遙和雙遂主人東園自遣韻

絕憶名園近水邊春風處處散禽煙朋來自喜開三徑

鼎食何須破萬錢竹澗啼鶯聲闌若花房宿蝶影條然

醉吟大有閒情在妙理寧輸第一禪

春分日集陸堂擬古律二首

折楊柳擬梁元帝

春光已過半南浦送君行折贈一枝柳天涯無限情清淚流難盡蛾眉畫不成飛花化萍葉奚敢負他生

關山月擬盧昇之

何意天邊月相隨似有情由他圓又缺只是晦而明秦

關百二險蜀嶺萬千程莫怨吹長笛梅花白地傾

呂生快亭邀遊虎阜次符塘韻

題壁俄三紀癸酉歲送春曾題斷句嬉春復此遊草香隨履轉鶯語隔

溪流白石車前約黃壚觸舊愁舊同遊金亦南顧天山書友晚霞烘若畫

扶醉且勾留

為快亭題濯足圖

洗腸圖澄跡頗惟洗耳武仲亦近名不如濯足萬里流氣吞雲夢凌蓬瀛眯眼紅塵吹一窖紛紛得失雞蟲爭就中插腳計誠左長松白石堪移情滄浪之歌感童子強分清濁與足纓相期洗心藏于密義軒易理研其精

陸堂詩集

題驛山上人畫石

一片瓊瓏石叅來得大乘似雲初出岫過雨未消冰瘦影還疑島雁形微見能不見南能直至今飛卿句佛頭青一抹胡眼碧千層抱處何須璞摸時剩有稜側聞仁者壽靜勝足凝承

初夏同第園登道場山絕頂

曉泛碧浪湖午尋道場山茲山俯羣岫繚曲難躋攀一方涵止水萬綠遮禪關浮圖高插雲綵色何紛端震澤小於栢金庭煙靄間急雨颯然至無乃天緣慳訥師開法處如南樓隔坡仙時往還手書鎮山門道風激頽頑潛見本異轍寒燠如引環吾儕一綢屣濟勝窮幽潺酒酣滄佳茗忙事俱成閒奚必鑿坏居始覺塵慮妄

宿石隱山房間杜鵑作

蜀鳥從何來僧窗啼不已竹樹綠影交於止得所止感
深杜陵翁再拜殊過禮我衰久鍵戶遺經尋墜緒何緣
結眉稜直受飢驅使束裝賦近遊喜逢東道主蓮峰暨
虎阜瘦節撐月底三宿別閭亭迴繞沔雲水山堂樽一
窪白鵲松十里舊蹟未全荒荏苒踰二紀癸未春
游吳興寓形宇
宙間太倉渺稊米行樂當及時清福敢盡取炎風御單
袷春韶去如駛酒罄且典衣泉甘還置遍天道虧即盈
物情淡彌旨歸與理輕帆勿勞頻聒耳

六月三日集述細弊廬拈得九佳

坐愛薰風拂小齋酒邊團聚舊吟儔月娥未許光芒現

陸堂詩集卷十

三

龍友何愁羽翼垂十九棋枰爭狹路三千花界騁奇懷
避炎豈必圖高隱黃鶴山樵與自佳叔明有夏
山高隱圖

和林使君鳳溪五十初度二首

好趁生朝締酒緣庭槐綠影並君遷虛舟偶觸寧含怒
僂石無儲肯受憐自信冰心銷溽暑人云海水變腴田
赤砂莫漫尋勾漏五十初當服政年

妙墨揮殘百幅綃異書讀盡兩牛腰新綸待賁天南鶴

舊澤猶歌郭北樵交誼比蘭元極淡吟懷如雪未全消
卿雲屢覩寰中瑞敢約巖棲挂飲瓢

偶患暑瘧沈安世貺小金魚走筆誌謝

齒長氣血衰畏寒尤畏暑書齋窄於斗欲逃詣何所敢

飯不覺甘飲醇乃作苦豈冒君子名而遭瘧鬼侮聞君

蓮花池東西戲葉底丹魚嘯子繁唐種蛋相似多情造

宜祿攜贈六七尾古毫供案頭藻彩涵鏡裏恣意水中

天清涼沁肺腑却暑亦多方桐陰敲玉子茗椀戰旂槍

浮爪暨沉李雅不及觀魚心靜疾去體活潑現化機潛

躍悟易理莊惠濠上游具樂無逾此

糖霜行東紅椒菴主

童時朝夕喜食飴殘牙脆晚難醫治糖霜味美禁不得

養贏利用草木滋聞人茂學號博洽吟口誤訓舖糟醅

考古非創漢郊祀柘漿已見招魂詞孫吳交州獻蔗餠

南州石蜜名尤馳唐宗遣使歷西域熬糖方法勞施焉

陸堂詩集卷十

米十

甲

後來遂寧製珠絕蔗田徧植繖山陲崐崙一種可生嗽

杜蔗乃與煎霜宜削鏹覺碾百器具榨牀下汁凝如脂

封貯漆甕判形質假山最上次團枝嫩紫色壓淺黃白

歲有定例供龍墀趙宋宣和尚汰侈王黼特設應奉司

常貢橫加數千石霜戶失業靡子遺舊譜七篇刊王灼

堪補聞見留新奇祇今臺灣產獨盛平堆白雪羅清琪

天時地利有遷轉洋船攜載乘潮期譬猶君謨撰荔譜

涪州唐貢無人知昨歲旱災蔗枯死糖價三倍踰平時

儒生淡泊足明志酸齏鹽鼓聊自怡遠愧涪翁工作頌

漫勞珍寄雍熙師

曝書拈得一東

丹黃千百卷移向草庭中曉日明秋水文光燭太空殘
寓除蠹粉餘濕盪梅風老至慚虛腹奚堪曬郝隆

重脩大成殿落成敬賦二律

崔巍 文廟枕鵲湖三紀重瞻輦壯圖泗上微言尊聖
哲丁期釋奠盛生徒朱門列戟森雲樹畫棟飛鸞貫斗
樞聞道九淵爭獻秀可能有客探驪珠諺云九龍爭
珠大物將至

形廷文教煥唐堯闕里新宮聳碧霄此地趨風來衆彥
兩家應識話前朝桂枝清沈先高折葉榜宗英繼奪標
廟學創自陸沈兩姓訖功已今酬酒仰天祝兩家科第不絕後
甲子科沈公碑發解已酉科家文東公繼之八謂今言如券云熟復宜黃脩
學記頭街漸魏署冰條時以碑
記見委

詠五色限五言小律

陸堂詩集卷十

五

涼雨過天邊孤燈夜悄然前勞刪舊史長物擁殘種敢
寄南窗傲山眉較昔妍

軟條金粟綴香滿屋三間開卷不知老夕陽猶在山微

霜露鴨脚葉落掩牕關

海東初出日桃熟幾經秋病眼看成碧壺冰貯不流醅

顏非郊酒薄愁與微羞

未許詩無敵空憐鬢似銀流虹光自異傳粉色非真欲

結香山社何來送酒人

開缸嘗墨露拂紙試松煤賴有傳燈室愁無得月臺耽

吟吾夙習底用片雲催

詠物四首限七言小律

水鎗

中央貯水激雙筒木匣西洋擅巧工銅管縱橫噴驟雨
青旻直上挂長虹七輪妙扇丁緩輪與神機制祝融

抖絲燈

堆紗剔墨百般妍夾料絲燈鈕氏傳花影細搖凝碧水
月光交映蔚藍天鍊成不比琉璃脆樺燭高燒照舞筵

船帳

粗葛裁成細竹撐越航三板任攜行休矜蓉帳留賓醉
特愛菱歌入夢清可惜漫郎生性癖枉將方皂壓圓卿

掛山龍

尾橫細孔喻能張巧製銅龍二尺強入甕宛如虹飲澗

陸堂詩集卷二

六

築工不厭蟻浮漿桔槔故智猶堪試適我無勞記醉鄉

題谷蘭先生遺照

秋林宴坐遠塵囂愛竹何須渡鐵橋嘹亮清音四十里

人間猶剩九靈簫

一水洄漩竹石繁怡情北郭有名園鄰家莫漫吹長笛

度勝今無山巨源

中秋後一日集陸堂催桂得庚韻

老桂疎疎綴玉霏托根憐爾背南榮碧滋冷露全無力
香逗秋風別有情重駐冰輪娛此夕亂飄金粟證他生

迴思五出留住話瞥眼年光又轉更

醉月用東坡和鮮于子駿鄆州新堂月夜韻

朝氣挹黃農吾生嗟已後霜枯半池蓮風擘一溪柳庭
桂香乍蒸吟壇手敢袖撲面無纖塵羅胸有衆宿好月
不遠來晶盤挂簷溜寬舞破睡昏免藥支骨朽誰耽身
後名負此枯中酒未醉且莫歸銅壺耿秋漏

閩漢書作

史才爭數馬遷優細閱班書豈匹傳人表朦朧分九等
藝文尚權待千秋雲亭欲壓廣川子新室翻嫌博陸侯
藐視儒生高崇外戚指文須知建國少詒謀

直道何時不在民漫云英武勝寬仁設科取士名尊孔
並海求仙實踵秦萬石傳呼良可恠柳蟲蝕葉竟如神

中興五鳳煌煌業惜與商韓作後塵漢武極盛而衰事
已後無足論矣

陸堂詩集卷之七

閩晉書作

文石休誇典午祥平吳宮寢盛妃嬌哀愚適慧同傾覆
賈醜羊妍總禍殃天遣五胡爭豕突民謠一馬化龍翔
夷吾江左無全業爲欠新亭淚幾行

史料多堪入志林遜陳簡潔范宏深劍光蔽鋼猶騰漢
墓碣淒涼更產金忍使義書齊凱畫夙知阮酒勝嵇琴
心情不類桓宣武移柳何嫌長十尋

寓昭慶止觀堂

秋山涵鏡水翠竹闌僧窗旅夢須臾破鐘聲百八撼心
君觀自了魔母戰方降不見參寥子空談折慢幢丁酉歲
曹觀宜

說戒

重陽前二日登寶所塔用東坡九日黃樓韻

茫茫興替那可說古殿荆榛迷惡發錢王撐空惟剩宰堵
坡登陟不愁苔經滑軟塵掉首賦遂初料理青鞋與布
襪憑誰強弩射潮迴北楮南龕勢吸呷西湖潯泓利灌
漑白蘇兩堤勤畚鍤從來天道如轉環肯以春生廢秋
殺山灼甘泉流乳酥江間恠石橫羅刹置身高地風力
猛林杪驚鴉聲軋軋重陽節近喜逢晴催詩未遣黑雲
壓法門亦復感滄桑石佛金軀半缺齏溫酒且支折脚
鐺啜羹聊煮折項鴨茲遊興盡索空垂已負秋期泛茗
雪

爲吳興鄭芷畦題毛朱二檢討合像

陸堂詩集卷之七

人

圖中二老昔追隨學海千尋未易窺賴有雲溪同調在
葭蒼露白共尋詩
西河詩話越韓嬰離舫經腴翔考亭著作何人稱繼起
兩峰南北峙空青

聘妾詞爲檢亭賦

珍重溫家舊鏡臺相逢碧玉破瓜纔秋宵一聽吹龍笛
縱使量珠換不來

龍川才藻艷朝霞圓泖迎回輶轡車好與綠天增韻事
美人書格擅簪花

慶雲篇有序

雍正七年十一月二十六日慶雲見於曲阜五色

輝煌歷年未申三時之久適當闕里 孔廟上梁

觀茲嘉瑞良由

聖天子重道尊師至誠感格是以普天溥海胥慶文明也懽懽之餘作歌以紀其盛

光華萬古垂芳於我

皇聖聰天所縱洙泗遙遙接道統兩丁釋奠 躬自臨

五代追封典特重闕里廟貌謀更新發帑不惜千萬緡

琉璃光浮儼金闕玉圭製古由楓宸幸月上梁消吉旦

慶雲薦地從空現臣工兆庶壯觀瞻延頸拍肩生歡羨

飄如威鳳羽續紛凝如靈芝色氤氲位占南離巨坤英

陸堂詩集卷十

本

時當正午逾未申八采迴環日輪底翠葆璇機艷莫比

允矣 聖德格高穹休哉景運標青史九州四海煥文

明非霧非煙瑞霽騰中天盛事今重觀漢鼎唐圖焉足

稱黃雲覆汾鼎見漢書唐德宗時澤州刺史李錫上慶雲圖

鳳來儀

鳳來儀世道昌於何所台山陽監督尚書廣義觀運化州天台山鳳凰翔集耀九苞

煥五章善哉鳴音笙簧羽百族紛朝王羞亦鯉飲玉漿

暮雲紫從東翔萬姓瞻樂無央巢阿閣紀軒黃應靈

舞蹌蹌表姬瑞棲梧岡敷文德欽我

皇格蒼昊凝休祥臻上理垂衣裳

題沈元望印譜

雲篆龍文寫不如誰云鐵筆技之餘山橋古致雪漁秀定要胸中萬卷書

絕學憑君譜四聲石林還喜發新硎曾於荻雪稱高弟此後偏教藍謝青

用東坡贈段屯田韻題虞山汪茶圃弄槎圖

青雲縵山巔朱霞倚天半丈夫負奇懷寧甘坐愁歎河

海納細流浩淼足遊翫兩儀爭迴旋連山乍合散移情

操水僊抱琴作良伴枯槎隨天風快若驟乘旦圓嶠暨

方壺羅疎列几案異香花茸茸眼底紛縈亂羽人授丹

書塵容得洗盟世事擬基局關捷莫如緩機石縱傳疑

天人理本貫邇近展斯圖卓然起懽快陰陽互爭衡低

陸堂詩集卷十

十

昂任土炭論交重素心相從問芝館性亦近煙霞志不

在飽暖里句續三巴怡顏博一粲

半硯歌為長洲王越南賦

文士由來抱硯癖高價不惜千金易海嶽妙筆圖研山

東坡佳句題月石王郎廷尉之後昆寒瓊一片貽清白

故第宵分露光惟蘇壤爬羅得半壁香泉洗滌三摩娑

貞觀兩字留深刻太宗天縱神武姿文治直與姬周匹

臨池酷慕右軍書虎卧龍跳能入室虞褚歐陽列侍從

裨帖臨摹互鈎勒吁嗟乎昭陵寢殿俄遭焚蘭亭真本

人間出珠襦玉匣感滄桑詎若茲硯壽千百月輪雖缺

神則全不雨時時逗靈液于闐青鐵未足齒何況香姜

殘瓦礫佇看翔步登瀛蓬大手如椽煥典冊鐵面尚書
即墨侯爲爾文房加九錫

續朱子十二辰詩

金刀却鼠詎足矜屠垣解牛悟養生猙獰虎魄亦入地
何如兔月當空橫龍德初潛後或躍可惜光陰蛇赴壑
留滯周南笑馬走觸樊幸免羝羊若猴桃着花臨堦除
雞窗語妙真起予謝却蠅營與狗苟叅餘玉版還燒豬
種菜和黃藥邨莊集中韻

雅愛蔬香佐一尊長饒白木柄堪捫花開便是黃金界
野語從人笑不根

閒柳依桑稜稜斜行畦過雨又抽芽盤餐不假園官送
陸堂詩集卷十

佳種新移自落瓜

題述細秋吟春醉亭

閒園供日涉秋九復春三黃葉霜微脫紅桃露太慙
圍矜別派彌勒許同龕吟醉不知老浮名一笑堪

題塞菴錢相國春夢圖

幹濟資良貽丹忱惜未孚披芸曾作傳甲辰歲明史館派作列傳望露復

瞻圖貝錦傷心極銅龍入夢無萬緣俱放下一默守文
殊

張孟堅移居詩

二間茆屋繞畦蔬絕稱幽人仲蔚居詩卷樂爐滿酒其
莫嫌家具少於車

久知豹隱勝龍德水榭煙邨小結廬規我弱亭臨丙舍
居在光
基之東
輸君綵袖捧潘輿

五月菊次南岫韻

幾番梅兩點蒼苔耐久金英著意裁不是司花貽別種
祇緣得氣許先開幽香肯待涼風發傲骨能空熱相來
記省坡仙逢菊候便呼重九泛茱盃

雲山廖公死節卹贈詩

良玉藝不學精金煅彌堅忠烈本天性歷久寧就湮
南昔倡亂閩逆陰與連挾詐名百僚羣蟻附腥羶維時

范忠貞一木撐危顛麾下得廖公諱有功廣東廉州人以前義州城守嘗平賊爲范公前馬義

膽摩青天腰刀最鋒怕誓死相周旋入門睹狂形怒罵
陸堂詩集卷十

聲轟聞亮徒刃交下血內俄騰濺制府被拘繫割炭留

遺篇就繼甘若飴魯公儼齊省宸濠圖不執孫許軀同
捐未聞先驅者激烈如公賢巍峨九忠祠照耀西湖邊

雖沮叅末座毅魄閔重泉文孫善繼述循績紛流傳今

聖主前芸編足徵信特卹超官聯論內閣奏案只獲旨加贈三品銜輝煌瞻

御額大節何凜然舊史職闡揚觀縷弱臺宣英風起頑
懦琬琰堪磨鏑

夏日伯機姪邀集軸寤軒用揭曼碩過何得之先

生故宅三首韻

叅佐橋頭老屋弟昆不隔東西對酒百端俱集海山歸

處休迷已亥春夢與雅坪仲父同遊海島彈指十二年矣

村釀莫嫌滑辣野蔬堪擷新桑縱教荒盡三徑強似折腰督郵

雨過頓消煩暑招來白月勸酬誰道士龍善笑能禁平子多愁

八聲唱和詩并序

客秋作十影詩是集以八聲命題夫影非易繪聲亦難尋大費推敲終落纖巧脚焉嚙矢之唱敢異同調之賡

松聲

空山清嘯憶吾曾募地松濤萬壑磨有底不平勞口吻

陸堂詩續集

卷十

車

也知無力助軒騰石邊發響琴三弄冰秋銷聲月半稜獨羨曲阿風謾謾經樓卓立最高層

竹聲

蟬琴蛙鼓不堪聞竟日蕭蕭對此君清耳夜窗疑戛玉爽心秋閣欲捎雲溪流笛韻干波動林逗茶煙一徑分悔與阿戎談竹裏蘇門鳳嘯本同羣

琴聲

夔鼓輕鐘世罕知賞心惟賴七條絲難忘危石幽花底況遇風清月白時淡淡徽音還勝寂寂琅琅指法莫嫌遲海天別有移情處未信成連是本師

碁聲

碁枰十九子三百有時電落鶯鶯層霄青霞洞邊竹澗繞白鶴觀裏松風飄賢於轟飲避溽暑幽比張琴祛煩囂反敲透點劫方急局外閒談喚爾曹

蟬聲

長晝炎炎類小年綠陰濃處噪新蟬寧期天半涼風至別有人間微調傳獨樹清標餐墜露空山幽咽撫云絃不煩夢裏頻相警我亦遽遽化蝶僊

雨聲

點滴空堦夜徹明騷人夢境自餘清心交舊雨非今雨名畫無聲却有聲楚渚疑聞霜葉落巴山閒話燭花生濕鬟六六留丰韻豈獨江雲擅賦情

陸堂詩續集

卷十

西

桔槔聲

眠牛斜枕綠槐陰傳響高天待作霖颯颯秋風披似毯濺濺溝水韻於琴悠揚郭北連樵唱嘔軋橋西雜櫓音老圃晨興甘抱甕笑渠翻覆有機心

欸乃聲

三板吳船捷似梭桴桴月子夜來歌斷鴻顏影悲如許獨客驚眠喚奈何雲裏魚山仙梵散竹枯湘水怨情多憑誰細譜清商曲一櫂秋江採芡荷

飲蔣迪夫同年西原草堂

竹徑塵無著書堂與可陶涼秋亦昌雨焦語下醇醪香動桂如栗聲清雀在臯遠山橫一石濟勝敢辭勞

西原好月色賓主共流連健筆欽中論謝齊光風寄洛川

題震澤巖心傳小影

湖石玲瓏坐撚髭滄浪千載妙稱詩偶然寫出黃花態
不恠人呼老畫師

縹緲峰頭霧澤姿江東俠氣重裘絲紫雲一色橫天半
認取干將出匣時

用朱珣叔韻輓沈寅中

春草依然碧重來隔死生斯人不可作故宅有餘清淮
雨驚前夢江雲滄別情盛家橋畔水未許濯塵纓
獨行於今少臨風起歎嗟我桑耶食力琢句總名家蘭

陸堂詩集卷之十

紙龍蛇在齋盤首藉賒空憐鄭三絕遙指赤城霞

題張掖西薰葭書屋圖

臨水款門畫不開訪君為載滿船墨小詩已見風流筆
乘興還須賦海來

秋宵愛聽讀書聲似鳳如龍好弟兄一望菰園煙水闊
邨能不動渭陽情

煙雨樓聯句

南湖也是勾留處制府李公重從古斯樓獨擅名共指輕煙多在

樹伯或或云積雨不如晴隔林僧梵因風遠龍別浦漁歌

過耳清爲近仙舟頻駐節星坡雲斤不日便攻成伯

宛在冰壺玉鑑中龍來遊大小喜從公畫家北苑形難

宵伯記事昌黎體最工亭燕曲欄秋水碧星坡窗啣古塢

中秋後三日集古直廬以公子調冰水佳人雪藕

絲爲韻拈得調字

炎夏多伏陰入秋乃和調晚禾醉垂頭蚤梗炊長腰今
節慳天綠檐雨滴終宵虹橋空夢想月娥不可招昔我
有先正弼直繼臯陶貽此一畝官插架萬卷饒曲砌羅
異卉小山香軟條雨餘際秋爽折簡相招邀吟壇八九
子唐宋分揚鑣景光恣批抹物性窮宵翹悠然在蒲魚
迅矣凌風鵬飛鮓談轉清剪燭興未消願爲漆吏達敢
效元龍驕七發良起子錢江觀弄潮

陸堂詩集卷之十

再賦留得枯荷聽雨聲

蓮塘秋老葉聲乾暮雨蕭蕭滴未殘塵外幾多詩味在
山有莫訝孟郊寒

賦得九日樽前有所思

重陽對酒不成歡往事追思指一彈士行母亡空卜兆
二母忌日在昌黎女小漫題棺淳女七嚴霜特遣楓容醉積雨
九月十三偏教菊朵殘師友于今都鶴化謂香山詩師憑誰鍊取九還

丹

劉墨莊移居詩

秋花石底淡無言舊雨樽前了不喧已遣詩人居北郭
肯教才子擅吳門

半村半郭最宜人桑竹情情好結隣從此掩關無人事
戲魚搨本又翻新

季秋中浣集龍威岬舫賦食蟹用韓孟闕難聯句
韻

尊滑鱸魚香秋風亟相待吳淞歸去來茱萸金錯彩醉
鄉即華胥淳意脫危殆卧甕捉無嫌持螯與仍在巨蟹
應宿垣帶甲張牙鐵爬沙穴沮洳輸稻遊龍擅多足性
躁擾橫行氣礪磊十二圖爭摹一一形難改嶺表紅斑
斑建陽白雌雌異種產汾湖紫匡價索倍辣宜擣薑芽
酸合薦醢醢製醬堪速賓莖羹頗接餒誰甘齏甚悞徒
受爾雅紹景光月當午時物市鬻灰堆盤客半餐漑金
陸堂詩續集卷二

七

爾何罪燈閃溪路迷斷截波流浼縛急腥涎凝禍同象
齒賄君家元真子煙艇浮江海飲啄師信天飛栖學意
急蓼塘小夷猶漁唱續暖乃清風落後賢書堂額世錄
孽蟹萃吟儕駢壇捷奏凱作達且共咸感知始自醜醉
膠助情話小鮮善烹宰就糖味失真食草詎足採

題岬舫石田翁畫幅

相城真蹟世間稀林靜溪流坐釣磯底用微名爭畫苑
故知多事染紅衣

題江松坡小影

古來賢達輩淡寧養天真貞白愛松風經樓迥絕塵七
松栽隱巖遙結五柳鄰凝滋化江珠挺節橫龍鱗俯視

羅生卉柔曼非等倫汪君江左彥清時之鳳麟乍獻季
子編勝飲周郎醇畫師技添毫栩栩能傳神奇石疊雲
岫怒瀑拖泉紳吉兆十八公黑頭歷要津飛躍應乾德
光華闡坤珍佇躡金門步豈必偕隱淪

陸堂詩續集第二卷終

陸堂詩續集卷二

六

陸堂詩續集第三卷

受業

志餘存葉

庚戌十月至壬子七月存詩八十首

我浙通志脩於康熙癸亥歷五十年之久復事繁

輯當路猥以屬余辭疾至再不獲已而應之竭心

膏疲目力兩更寒燠始卒業焉苦無餘閒作有韻

之語然而湖山潤色景物生新雖白蘇在前其敢

斂手藏拙乎就中題像諸什稍覺煩冗而兩分舊

今神依梁月亦未敢盡從刊落也

湖上紀遊詩

陸堂詩續集卷三

聖因寺

孤山截湖澹朝碧暮紅紫南巡屢駐蹕雲構倚空起歲

行俄再周勅改聖因寺龍牌供上頭仰瞻凜尺咫

帝仁與佛慈流注乾坤裏迎鑒曾獻詩華髮感舊史

丙戌春仲撰
迎鑒曲十章

玉泉池

源遠流益清方池半畝餘脩鱗具五采澆潯意自如紅

亭繞曲欄天影涵空虛差勝濠上觀策杖歸徐徐山風

涼沁骨歲晏孰華余太液從賡歌敢忘在藻魚

飛來峰

茲峰挾飛勢橫障雲林面摩天石骨奇拔地樹根纏紅

黃維楓楠秋深與霜戰乳洞曠而幽斜曦漏一線楊髭
恣斧鑿頓今真色變冷泉終古清枕流聽無倦

石屋洞

南高蜿蜒來石室尋丈闕折旋形似螺洞底窈莫測虬
松出巖背過雨蒼翠滴欲登徑斬絕小坐培足力禪宮
亦銷沈名園半陳跡賈廖昔耽遊題名浣石壁

錢王祠

龍山蹟就湮改卜湖之湄五王歷百禩功德咸瞻依秋
潮避犀弩古木榮錦衣東南藉保障匪直能知幾蘇礪
再募勒體肥挾媚姿雉羹斟老彭俎豆可已而

白雲山莊

陸堂詩續集卷三

二

翁莊擅後湖白雲尤豁目奔泉赴石門飛巖射朝旭八
十更何求栽桐得新綠墻衣葺荔生池玉菱芡足由來
解畫理為園庶脫俗蘇軾主
人畫斯勝良可歸玄廬惜未築

家周士賓之招遊湖上

湖上重遊已十霜霜林如畫半紅黃飄飄朔吹生波殼
壘壘清言佐急觴鳳嘯無聞漸大阮粥沙有味愛元方
時大田
留都門

且蒼姪書齋有甘蕉數本綠潤可愛連朝霜重詩

以慰之

韻事由來話綠天瑣窗夜雨更偷然信從嶺上驚霜早
風掩牆西得地偏不醉肯同楓墮落縱彈寧讓竹彈始

却嫌莊叟能齊物椿菌猶爭大小年

次賓之送行韻

寒山紅葉正當樓愛翫新詩刻意酬策杖同尋三竺園
投竿仍戀小瀛洲疎窗曉夢因風斷殘帙輕裘爲雨留
且待柳眉映桃頰六橋緩緩作春遊

補硯歌和曹古謙

吾儕遊藝書林中蛟龍入夢星羅胸銛毫利用中山兔
軀煙力搗黃海松端溪硯材勝歛品鶴眼白點豬肝紅
琢而泓澄洗之礪蘇黃鑒賞將無同鶴湖曹子天挺秀
賦心詩筆超凡庸餘技三真兼六草蜜戕齒紙臨池工
青花一片勤拂拭十年舊雨相磨礪碎壁失聲亦偶爾

陸堂壽集

卷三

三

皮閣未免塵埃封太璞復完應志喜補天鍊石巧手逢
綾紋作蓋倍珍惜成器始信璫諸功君子比德矢不渝
堅貞如玉褪厥躬

辛亥上元後五日集潭北草堂擬太白將進酒

將進酒絲竹羅女樂二八舞婆娑今我不樂日月其邁
玄鬢雙凋懷當以慨學佛性未覺求仙神已疲銅山金
穴有時盡風臺月觀俄焉摧不若山吏部阮步兵彈琴
叔夜荷鍾伶六代繁華指江水酒人至竟留芳名

詠錢拈得七虞

大地由來肖冶爐藕絲最愛古形模變成圓相還餘臭
參透方心也覺愚杖挂祇容消酒債囊空未厭索詩逋

春風拂處榆垂笑絕勝翻飛子母蛛

清明日西湖公燕呈制府李公

聖湖裏外六橋連二月清明景倍妍到處涵濡新雨露
公餘點綴好林泉蔬香布滿黃金界桃艷烘成絳玉天
盡日嬉春臨水次同舟縹緲望如僊

天生畫本足躋攀面面青螺玉帶環繡簇花光迎日月
龍蟠墨彩潤湖山小童角戲翻身捷別舫笙歌選調欄
有酒如泉人盡醉當風吟嘯一舒顏

春社次厲太鴻韻

柳絮春來未化萍輕寒惻惻戶常扃劇談今古資羣彥
懸榻東西溢雨廳社日翩跹雙燕至風番次第一花經

陸堂壽集

卷三

四

湖山有美堪吟賞人傑憑誰應地靈

上已後一日陳任齋先生招飲就莊賦長句十韻
新晴追禊湖涯芳草如茵一道斜結構數椽臨水次
裊黃萬卷疊書車傍池富有玲瓏石夾砌爭開爛漫花
別浦歌聲傳几席高峰黛色對簷牙丹青入畫宜拖屐
玳瑁鋪筵儼泛槎隄柳風搖深碧線海棠天翦嫩紅紗
杖隨長者游偏勝星應賢人話豈賒擊汰飄飄衛宮驚
迴船軋軋噪林鴉第三橋畔扶殘醉上一層樓眺晚霞
可許壺中分日月細談伏火養靈砂

題就莊傳經圖

一畝儒宮築蕭疎枕硯阿心傳言外得書味老來多綠

陰分窗柳清香拂檻荷瀟溪風月在不數卻家窩

湖光天一色游息戶常扃搜盡囊中秘鑄成座右銘謝公親教子韋相世傳經述作高千古南峰不改青

荷生日蘇畊餘拾諸西湖賞荷即席成長句

青芙面面涵天宇西湖六月了無暑風香冷然速益清
十里荷花嬌欲語金塘漱灩湖水平田田萬柄綠蓋撐
洛妃曉試凌波步紅衣綽約飄珠纓豐華全舒十八瓣
小樣蜂房玉蛹健錦邊粉白色爭妍品字雙頭珍可玩
凡物希者稱殊尤寒梅一枝寄隴頭水華生辰當盛夏
絢爛乃與天道侔蘇君好客羅樽俎掉舟直達花深處
塵談永日憶忘歸會心瞥見條魚戲畫船燈樹紛水嬉
摩訶詩續集卷之六

芙蓉石歌

同確士意林龍威作原九言體

德壽宮中芙蓉一片石至竟偃強卧地摩高空并西鶴
樵雲林貌未得天生透漏小樣飛來峰呼作丈人且具
袍笏拜雖云米老性癖寧足恭藍瑛圖石孫秋續寫梅
負牆端拱侍立猶行童梅石碑尚完好往歲依栖琳宮今權署春
煙秋露苔蘚滋漠漠光堯付托得人備尊養玉妃奏樂
儼在廣寒中一石一花品題經御愛古梅老去魂夢難
再逢德壽宮古梅明人多題詠吁嗟乎光寧四朝奸相傳衣鉢天目審明
早識王氣終朔雁來過浙潮候不至江山半壁轉眼飄
如風六百餘年澆酒重對汝摩挲銅狄感慨將無同

中秋對月賦得碧海青天夜夜心

月娥不語怨宵分皎皎寒光替夕照海示信期空有浪
天留真色了無雲女牛莫惜長相別蟾兔應憐老作羣
道是三生華萼界隔牆釵釧響猶聞

季秋下浣一日公讌西湖芙蓉盛開拈得二冬

天生絕艷是芙蓉湖上秋光淡亦濃暈碧裁紅二十里
凌波弄月萬千容尚書愛客羅珍饌學士耽吟倚瘦筇
前雙沈西園有詩蓬蕩泛舟多樂意此中涵澤到鰣鱸是日觀魚東湖

夢得山中謝客一聯續成四韻

年過六十始知非敢道先生戰勝肥薄醉盡情刪舊草
微涼作意入秋衣山中謝客書還讀夢裏尋僧屐可揮
摩訶詩續集卷之六

天意放慵須領取繞庭百卉自芳菲

題張愚亭洗桐圖

茂閣推江表名園繼午橋秋花香匝地榮木勢千霄縛
帚呼僮玉浣塵汲澗遠丹山俱是鳳清響越雲韶
偉略卽膏播華年萊綵嬉承家真不忝至樂耽踰斯疎
影涼風颭高柯白月篩山莊閒過訪桐葉坐題詩用杜句

與長洲沈確士論詩

學詩雖異派論正由孔門秦火勢酷烈三百今章存漢
代馬枚輩循循增窺籬藩建安始分體格調徒攀援風多
雅頌關興少比賦煩波流迄梁陳浮藻失真源唐制尚
試帖刻舟留劒痕一望荒榛中啾啾羣鳥喧李杜及韓

白隻手摩崑崙壁如百川匯成此四瀆尊上可追魏晉
下以開宋元余選唐人安詩集補注大白子集選之遺山中州集小
筆空瀾翻不及列朝詩霧滄雲霞屯新城宛三昧李阮妙
悟文石吞詩話推毛朱西河鳳禾雙鸞騰八代同一揆拙
選非狂言君論尤醇雅寸寸積瑤崑偕書揚典譚並易
蘭乾坤豈屑與羣兒遊談逞無根捫日擬黃燭指月為
金盆

寒七繪月中清露點朝衣圖索題即用焉起句

月中清露點朝衣回首餘稜昔夢非余與寒七同館四載早信江湖同
魏闕不勞鷗鳥証忘機

絳帳生徒未足誇千秋絕學在金華行藏豈必關時命

陸堂詩集卷三

看盡朝霞又晚霞

題徐彖餘仗劍乘槎圖

上士早聞道鍵戶繹經旨幼學壯乃行乘風破萬里卷
舒各隨時德業均由已三吳號才藪徐君首屈指中論
壓黃初宮體續正始循聲播淮南至竟芬口齒三臺寫
生綃藝與虎頭比胸襟涵海若列岳等稊米千鎰雖在
匣神光漾秋水汗漫作天遊屠龍亦戲爾

脩志經年歲暮歸里率筆成四十韻

昔纂勝國史慈光耀天祿公慎矢不渝才識媿未足心
疾之假旋駒馳五寒燠易學艱成書麟經幸著錄當路
俄見徵軫衰抵志局南權解宇寬趙宋留芳躅光莫德

壽宮養志羅卉木奇石號芙蓉拔地翠可掬古梅惜已

朽畫師摹尺幅閒步風刀刁酣歌月漉漉西園偕玉筍

瀛山老尊宿鼎立詎相輕籤疑敢自蓄先正數方山編

摩隻手獨微嫌雜史列人物列奸酷本朝吳農張氏

輩去取不徇俗為期四匝月雕篆何太速魯魚悞失糾

典故十遺六彤庭勅再脩握槊倍祇肅矧逢岳牧賢

廩庖餽粟肉受任寧憚勞分曹務交勗目昏神亦疲日

盡繼以燭聖湖富煙景稍暇得休沐及春桃霞蒸當暑

蓮香馥金芙媚淺汀丹楓醉幽谷唱子和羣雅卅幅共

一鼓迴憶客西江吮毫大志續折衷初白翁迂石附良

玉謬為哲匠稱被以國士目條冰竊清銜舌耕擁便腹

陸堂詩集卷三

行年復紀亥屈首仍硯北著書有數存奚庸叩冥漢王

宰畫山水義不受迫促刻楮鍊純鈎良工肯示朴髻影

日堆霜筆鋒老漸禿湖邑遘蟲災淫雨損嘉穀豐歲轉

告凶貧家困饑溺急呼艇子歸殘帙且高束卒業待來

茲丹鉛汰繁複徵獻凜龜鑑披文樹征鵠庶幾獲康楊

同工而異曲

蘇門殉節詩

忠孝秉天常婦烈與鼎峙劉范書管彤香名閱萬紀青

浦葉家姑名劉英子十洲先生女孫及笄嬪蘇氏兩度抹春紅離驚悲

鏡裏著膝少遺孤拊心甘殉死長號視舍殮七日絕勺

水瞑目辭尊嫜游魂覓夫子墨胎隱首陽周薇誓不齒

子與執親喪哀勝却漿醢少女豈緣情捐軀性所矢尹
陶雖曰賢激烈無踰此不因飢腸鳴疇知節莫比

題李潛夫先生遺像

海上行歌作隱淪從渠淺水幾揚塵九山卓立青如舊

苦憶風流折角巾先生撰作
浦九山志

老妻白髮能偕隱太息無兒慰暮年不是素交王陸在

蜃園遺草散秋煙家亦樵師與王寅
相共刻蜃園詩集

逼除感事作

整冠束帶迎雜賓匆匆歸里逾二旬脩蛇赴壺曆垂盡

廩無餘粟炊無薪湖中連歲慶豐稔原田萬頃誇畇畇

百川滙流瀉三泖早潦亦少飢饉民今秋螟螣忽告災

陸堂詩續集卷三

根苗齧斷如荒榛入冬霖雨復匝月高腴汙下全遭屯

轉漕特許改折色閩郡額手稱

皇仁米價漸平腹可果有若黍谷迴陽春我生食貧甘

淡泊盤蔬草草留酸辛遠媿子雲識奇字款門送酒來

頻頻

寫懷

金石歌聲寫素懷庭隅曳杖獨徘徊連年風雨休無應

比屋奢淫禍有胎從茂叔遊知樂在奉黔教食敢嗟來

墓田十畝荒蕪盡猶喜黃梅帶雪開

壬子元旦三首和述綱

月額俄飄雨梅花耐可探香山年望七栗里徑荒三檢

歷新逢子相風轉自南海紅開一樹冷艷帶春酣

上皇風不隔雞犬亦翛然翦勝寒猶閱堆瓊質未堅草

堂詩裏聖賀監飲中仙為謝欸門客吟餘一醉眠

歲朝檐鵲噪心疾脫怔營老態惟疎懶貧家少送迎撫

松閒得趣折竹靜聞聲舊友羊求在高談歷晦明

倪幼貞表叔得雄彌月招飲同豐在作

湯餅筵開喜溢閭湖中世德重經鋤春風蘭箭香初茁

夜月花鈴夢不虛他日國華推八米自來家訓守三魚

物自為三魚
先生門孫提戈挈印知無取付與鄉媛萬卷書

題愷仲采橘圖

林間霜點半紅黃風拂茶鑪冉冉香不用寫愁追橘頌

陸堂詩續集卷三

冷然詩思滿三湘時自湖
南歸里

輓吳興鄭芷畦

一曲寒溪抱草亭主人上應少微星名山興遠思禽慶

遼海風高重管寧吟罷松窗翻白帖茗餘繭紙仿黃庭

懷賢豈獨題私謚私謚文
德先生終古無慚有道銘

書局遣興

頻年已覺二毛侵猶向書幃惜寸陰舊侶影惟依白月

近游信亦抵黃金二語夢
中得初聞燕語商新壘復見桃霞蒸

滿林欲問嬉春楊鐵笛可知山水有清音

題笠亭笠屐小像

紅釘雙屐為花留撐笠尋詩興最道許爾天才似坡老

不從海外破羈愁

魚洋山人菁華錄曾雕小像摹前賢我友詩情兼酒態
一時貌出何翛然

和吳琳巖留別韻

孤陋由獨學麗澤羣仁資立德兼立功以次勤脩辭上
繪下締繡五采炫彰施墳典暨正索振古垂今茲異流
堅且僻吾道公無私卓哉士矯矯鄙矣氓蚩蚩鯨音特
震動蘭臭寧差池吳興本才藪叟也尤工詩金相質比
玉矩方圓中規山水領其趣經史獻厥疑詠物更絕倫
刻劃日孜孜蘇黃巧未盡瞿謝義多遺只期自怡悅了
不求人知蛾眉易招妬文雅翻見疵氣誼仗知己晤言

陸堂詩集卷十

士

惟淑姬輪翁賢似舅擢桂亦同時金門舊簪蓋故山仍
肩隨豈屑與凡子壇坫爭妍媸蹤跡感參商一杯難重
持束書掉首去浩歌苦雪漏屋梁瞻落月形神永不離

同典三姪賦得宿花蝴蝶夢魂香

一叢花裏卧春駒輕燕翻風態不如寒謝梅魂成獨笑
幽憐蘭臭本相於薄勻勝叔雙鉤粉細疊麻姑五色裾
誰信蒙莊能物化夢中栩栩醒蘧蘧

飲林鳳溪寓齋牡丹始花嫣然獨秀戲題二斷句

苔痕浼不得一朵立多時寫照空千古沉香亭北詩
酌酒酹名花倚欄許平視尹邢縱相憐有一不可二

四月之杪同稼翁芭君繩武伯機遊丁家山

新闢丁山勝斜連第四橋移花鋪曲磴鑿石露草椒飢

眼節枝卓涼心茗椀澆雙亭今得地來往白雲超兩峰指
雲水子

向在平北今移置山
麓南北四峰俱在日遊

天然具眾美好在對賢祠躡屐尋詩徧迴船關酒宜竹
綢雷過脫荷蓋雨來支烏柏絳霜醉秋山果後期

庭草著花羣蝶飛舞覽之頗有天趣戲東太鴻襄

七

爾雅不釋名六朝無賦手魏收本麓材屢號挂人口大
小海眼邨裏來滕王繪形靡不該好事臨川謝蝴蝶詩
三百篇矜敏捷風神那得栩栩活我庭野草發幽香蝶
舞差勝遊蜂狂何必羅浮峰四百麻姑仙裙關五色轉

陸堂詩集卷十

士

如車輪蔽如席即此粉白灰黃十餘隻打圍忙戲來花
間對之不覺神蕭閒驚飛魚躍同一理化機隨入自領
取心生妙在無所住蝶兮蝶兮任爾騎花驀地過牆去

題張雪煩聽松圖

陶潛歸栗里高致與松盟集霰寒生色奔濤夜有聲醉
餘吟五字琴罷月三更藉甚靈和柳渾忘綺歲名

續谷招飲即席賦贈

蟬花居士多藏書丹黃一一窮居諸古詩雋比晁无咎
小詞艷過秦太虛志局相從日蒐討入夏折簡頻招余
山雨忽來亦與新桐碧色流階除章家食方盡可以
白鮮尤愛烹江魚俄而羅列飲罷百勸客以次斟浮蛆

宮計定汝下逮宣成正嘉萬陋彼金銀犀玉瑪瑙紅車
崇自陋户小力難強三雅既醕拋其餘人生賦命有定
分富厭梁肉貪茹蔬即如食酒亦天性或膏滑滴眉弗
舒或五六斗盡一石海水汨汨鯨吸噓竹林阮劉耽荒
宴憂時憤世聊咨且那及洛中司馬真率會勿沉勿酒
竟席顏溫如深譚淺酌興自永欄街月出歸徐徐

苦熱

壯膽招涼風云何因毒熱高天騰赤烏入夜閃列缺寢
食俱失寧筆研亦徒設晚蟬吟槐陰甘瓜浮井冽或云
南山中僧廬徑幽絕燕坐了無暑勝於服飛雪聞言發
長喟底事強分別人心務知足天道貴中節去夏多伏

陸堂詩集卷三

三

陰良田稻罕結十室九空匱飢者取麴屑今茲際三苦
老農迸汗血大地雖焚如頗為苗所悅

飲趙淳夫南華堂

焦月全無暑南華別有堂小樓臨石磴高柳並池塘鵲
舞延朝爽蟬嘶逗晚涼相招河朔飲吟興自飛揚

續賦銷夏詞六首

牀頭三易費鑽研輔嗣遺書見亦偏能使清河玄學進
却嫌象數兩茫然

玉子丁丁暑氣徂水邊林下石臺鋪一先未盡傳心訣
巧妙翻成演武圖

梓樹當軒碧影深無絃聊撫半牀琴吟蟬底事高冠簪

一味悲涼作楚音

炎天好是醉為鄉河朔樽開水一方藝越秀蘇俱下品
可能仙釀寄餘杭

竹篠橫窗煙裊裊松枝拂座玉霏霏精廬絕賞三生石
卓午金鴉不敢飛

柳塘披拂綠陰多歸櫂風微水不波且向後湖醉明月
有人隔浦唱菱歌

補十景詩四首 有序

辛巳仲秋和毘陵李有章十景詩僅成其六興盡
而止轉瞬三十餘年亭臺重葺大勝昔時信筆補
作四詩不暇計其工拙也

陸堂詩集卷三

古

蘇堤春曉

裏湖西面外湖東一道長堤卧若虹士女畫船撐別浦
王孫駿馬踏芳叢簾簾妙曲穿雲表偃月新眉落鏡中

乞與蘇公添韻事小樓環繞杏花紅
辛巳秋堤上改定
一樓環繞絕勝

麴院風荷

尋花兼得酒因緣官庫曾開趙宋年冬日近寒輸夏日
白蓮淡雅勝紅蓮留人薄醉炎初散入夜清香遠並傳

誰料金沙流曲澗宛如玉帶一圍圓
金沙港來自靈三近
築玉帶堤連成環碧

兩峰插雲

南高北高兩峰奇亭當路口頗失宜妙想忽移一紫嶽
天然迴抱賢王祠書屋數椽浮畫舫藤花一簇蟠神螭

李制有早船山此中大有白雲在笑問華陽欲贈誰
牛朱志卿甚茂

三潭映月

芙蓉十里開如錦此地花繁見未曾橋堦到今藏曲折

鳥魚從古樂飛騰本名放生池新種芙蓉日盛水紋裂帛涵三象掩影懸

槌幻幾層悟得萬川無二月不勞策杖訪高僧

秋湖闌酒歌

商飈一霎吹殘暑澄湖徹底波淪漣藕花十里香未了

鷺鷥曲渚栖聯拳新秋佳景宜領略今我不樂徒驚煩

沙棠之舟呼並載六橋裏外胥盤桓園基且勿賭打魚

那用觀我儕闌酒須盡興百壺通送如奔湍惠泉味減

蓮鬚白花露色壓荔子丹入釀金華覺太醺開甕紹老

陸堂書續集

卷三

主

熈微酸琥珀光浮車渠枕苦萬墨漬藥玉船或從洋舶

致二種玻璃瓶滿傾當筵紅毛燥欲裂口吻葡萄溫可

達湧泉更有鮮濃誇家釀一斗價值千銅錢參條熬膏

增客壽桃花搗汁嬌人顏自來名酒尚真色雜以藥物

非天然潯溪水泉最清潔烏巾古法留淵源風味浙西

推第一宛如花王詩仙畫狀元大瓢小杓各取醉雅集

詎可無名篇座上花生青鏤管囊中粉養芙蓉殘吟成

盡免金谷罰繪圖差勝蘭亭賢

題曹哲庭白牛村居圖

我愛白牛居士千秋景仰賢良見說風流未墜樂爐茗

碗詩囊

作序久輸元晏攜樽深魏子雲暫處照酒乞序憑仗才華八斗越

壇橫埽千軍

一幅江南煙景依依楊柳綠痕妙句曾留淮海斜陽流

水孤邨

題汪息園吟詩遣興圖

稱詩非小道法戒並皇墳虞廷歌勅天八伯揚卿雲三

百採周史六義流芳芬漢唐迄宋元通人代有聞訛亭

錦段貽開卷名香薰此中具真樂矯首凌秋雲汪君桐

川秀論交托紀羣小詞匹秦柳新句尤續紛越壇騁霸

才能張我一軍披圖勝良覲踞石揮綬紋脩竹遙朝爽

古槐冒夕曛印壑縱有志廊廟終邊君蠡湖風月佳過

陸堂書續集

卷三

主

從敢憚勤刻燭金陀坊聯吟達夜分

題同學盧仲山遺像

友誼如膠漆師門共切劑酒香勤問字月白細敲詩治

譜追三異清名凜四知羅蘭開滿砌不讓頰頭枝

鮑慎言書室落成以賓月額其額

一枝新結鳳皇栖瀟灑寧辭額手題快事仙葩移海上

嘉賓白月挂天西酒籌引興梓深爵書味鉤玄合網批

疊就峯山兼與曠好將尺幅寫鵝溪

擬松陵集酒中六詠

酒星

百物應元精何況天祿酒竹林阮劉輩鍾毓良非偶合

芒捧太白杞漿傾北斗詎知帝亦醉錫土翦鵝首

酒筭

釀酒猶觀書咀華棄糟粕截竹製輕圓清泉驟噴薄缸面渌浮蟻春意已燠灼陶公洵不羈漉罷巾可著

酒淋

愛此六尺牀滴瀝真珠紅巨石壓輕浪脩綆垂渴虹膏流朽質餘味寄希聲中嘗新釐一斗我師王無功

酒旗

前却亦多景杏紅楊柳青檐際出酒標風颺何時停衡品有定論賢濁聖則清黃墟感舊游一醉俱忘情

酒樽

陸堂詩續集卷三

士

懶持金屈厄厭呼鵲尾杓田家老瓦盆取醉亦大樂憑誰勸孤影對月且吟嘯堯樽置天衢澆風返渾漠

酒鄉

華胥去人世知隔幾由旬三杯傾白墮遂與黑甜隣是鄉足娛老已至無回輪寶觸任酣戰簪組如殘塵

嚴學師吉人屬題雁蕩圖

名畫如仙豈易逢圖係王延直作龍湫大小立峰峰靜觀已得臥游趣脚復張琴和古松

雁池祿祿接青冥橫嶺平坡信杖行傳語與公休製賦欲將粉本抵金聲

陸堂詩續集第三卷終

陸堂詩續集第四卷

平湖 陸奎勳 坡星著

同里 程光昱 旭初校

曠真草 壬子八月至甲寅九月存詩八十五首

梁昭明序陶集云論懷抱則曠而且其夫曠非難所難在真耳余家無恒產藉筆耕以糊口其境似不能曠然心不綠境移也至若景光之流連琴書之翫弄親朋之暢叙花鳥之品題有真性斯有真詩雖人代迥隔淵明而得其大意不必規規求肖於格調矣

虎邱煙月詞

陸堂詩續集卷四

一

憑欄小憩石場東一笛清歌縹緲風辜負秋煙和夜月

兩年朋舊斷詩筒 庚戌中秋連夫快亭相繼招遊虎阜

幾家圍戶斲花塍結伴漁娃唱采菱不道今秋爽露早

晚晴猶做木樨蒸

斟酌橋邊月一輪嬌絲急管酒行頻臨風剩有青青柳

不見苔南小隱人 懷純翁前筆

賢祠佳景擅山塘屈曲紅闌水一方茗話小亭遲月出

枯荷葉葉尚飄香

金虎銷沉年復年壚頭重結酒因緣二分煙水三分月

未許初更便轉船

從西崦登元墓山遊聖恩寺抵西灣而返

艇子尋詩興不孤名園竹石半銷磨虎山橋畔西崦讀
水曾染奇光一點螺

佛殿宮碑記 聖恩鑑公位下幾兒孫四宜老桂吹香

盡猶剩秋衫舊酒痕

已丑秋與張氏昆季賞桂

攬勝西灣喚竹堦諸峰天外墨雲稠禹書謾淺龍威丈

贏得梧宮一片愁

遊穹窿山

穹窿推福地千仞凌青霄殿宇藏一窩烜赫諸神朝細

懷鐵竹師

施先生別號鐵竹道人

雄劍誅蛇妖感動簪冠侶結構雲水

寮至今馬鬣封鐫碑表山椒峻嶒若帽峰攀躋敢憚勞

震澤三萬頃尺幅飄銀綃因歎寰區小良由置身高昔

陸堂詩集

卷四

二

余鍊金骨馭氣飛輪尻壺公久不逢仙籍名難標棄去

研遺經竊祿漸冰條歸休耽林壑一節恣遊遨茲晨覽

絕勝頓覺心地起何必隱句曲香燈禮三茅

和陶飲酒二十首

有序

淵明飲酒詩其意初不在酒也東坡和陶祇自寫

其境遇遂覺不甚相肖余雖不能為淵明寫心願

猶在離合之交就中言酒者較多則由性之所好

不覺流露楮墨間

故人貽美醞遙夜斟酌之既醒已復醉如歷太古時中

年非早悟閱世悔在茲脩短有定數何必勞稽疑籬邊

綴殘菊霜重難自持

為惡若陸淵積善如登山險夷在方寸可知不可言寡
過迄未能學易將假年周情與孔思耄矣安所傳

老樹猶著花人生豈無情明知一杯酒賢於身後名

相映蝶飛毋乃夢莊生墜車了不損顏山復何驚題句

聊自娛匪由刻意成

鴻雁解避寒羣向南土飛稻梁謀未遂中夜鳴何悲空

梁有棲燕欲去猶依依瞻念遠遊客流浪久忘歸江鄉

歲暮飢何以扶羸衰伐檀冥河干勵志毋相違

一屢寄闌闌鍵戶思避喧雖知世不諧所貴心無偏偶

然偕朋好曳屣遊秋山登頓十數里夕陽催我還牀頭

酒未空取醉復何言

陸堂詩集

卷四

三

蓬生知其非揚子審厥是衆人騰口說譽至復遭毀潛

心醉六經浮華何取爾不見南山霞倏忽散如綺

秋柳何疎疎白雲何英英世皆尚華色吾亦賦閒情二

儀轉若環泰至否自傾河中馬負圓山巔鳳和鳴禮樂

興百年毋嗤魯兩生

菱鏡久染塵妍醜無定姿寧料荒棘中長卧虬松枝蘭

佩矜志芳鵲冠戒服奇壯年駒過隙既老復何為酒中

多狂言疇能恕不羈

昔余遊匡山是處心目開山中人意靜葛天與無懷釋

老雖異教情好何曾乖

用虎溪三笑事

上京路不遐卜宅耽幽棲

從此視好爵藐若塗中泥枯桐發清響里耳俱不諧林

端有歸鳥晚色漸低迷縱揮魯陽戈日御未可回
達人尚和光清士守廉隅踐履稍不謹出門即岐塗讀
書未終卷苦為日月驅涉世忌孤芳糟工饜其餘漁父
倘見招然疑懶卜居

疏傳出國門故人胥祖道賜金詎足誇得酒可娛老山
水餘清音不飲亦枯槁何必中聖人濁醪味大好生年
若朝槿榮名未為寶逝將從盧敖汗漫游八表

老農求一飽躬耕歷三時但願天降康詎必與世辭聞
道苦不早覺悟由今茲新詩取適興舊史空傳疑流俗
多市心覲面還相欺舍此一畝宮皇皇將何之

貧者士之常累心不在境飲中具妙理吾寧甘獨醒顧
陸堂詩集卷之四

兔兔生明萬古坐消領云何禁挾書殺盡中山穎白賁
本吉占文名戒彪炳

雪霽天氣佳叩門喜客至剪蔬相對酌不覺已沉醉僂
石雖無儲未足亂胸次壽乃五福先人於萬物貴榮公
善自寬其言有深味

孟軻昔有云以仁為安宅富貴如浮雲去來無定跡非
立不朽三安用齡滿百稀髮不受梳積衰已成白子雲
耽草玄一跌良可惜

壯歲頗好學鑽研徧六經寧期精力衰易說終無成徒
羨稽古榮何堪厠老更朔風一夕至百草萎中庭徹裏
未暇補牀下蟋蟀鳴非傾盆底淥曷以陶吾情

壠頭白楊樹蕭蕭來悲風孰能載營魄而不遊環中宿
草傷仲德覓梨喚阿通一醉姑置之天道猶張弓

肉食多鄙夫未失先患得神龜亦朽甲焉能祿吾惑中
壽無百年所履任通塞葆真以治身緒餘及家園持論
雖萬當何如守一默

對酒愧平生為貧甘祿仕解組賦歸來義在不失已柳
下和之聖救民肯蒙恥原生守其廉無患及隣里雪意
送殘年轉盼月窮紀藏書堆滿屋於焉得所止寒松期
久要盟言良足恃

性善秉生初緣習損其真洙泗有微言荀揚非太醇
從蘇詩別元譚盛江左故紙生鮮新聞說桃花源山深可
本作津

陸堂詩集卷之五
避秦桑間鳴雞犬偷然隔世塵如何劉子驥欲往徒殷
勤豈若購名酒情話招所親五湖一葉舟此地余知津
荷葉綴初衣白鷺歌醉巾金張暨杖馬均非吾輩人

歲暮雜感

老至逢荒歲窮愁詎可言問天疑夢夢閱世憫元元
水資枯轍窮桑感餽殮一冬幸無雨消受敝裘溫

蠹賊傷田稼爰居避海風告災聞數郡積習見三空平
糶勞官長行糜救老癯早春還望雪宜麥兆年豐

癸丑田生日雨次日大雪喜賦

微雨淨紅埃還欣瑞雪來滋蔬旋甲拆浸穀斷蟲災
不夜非因月先春久望梅剡溪遲訪戴滿載一船

畧

早春集述細弊虛送湯谷之奉化

孟簪逢霽雪判袂惜芳春花好傳吳詠風輕渡越津囊
琴拂焦尾樽酒漾紅鱗山色四明近應懷賀季真

擬昌谷正月樂詞即次其韻

金花剪勝春乍歸堆空白鵲雲遲遲窻腰草色青含姿
沿堤柳裊鶯兒絲東風料峭屏山冷庭梅點雪不覺暝
登樓望遠芳心折辜負雙鬟綰百結

上巳集十杉亭楊海農繪脩禊圖各拈蘭亭序中
平韻分賦二律得殊字和字

禊席招邀舊飲徒清談不與晉人殊淋漓酒盞推蓮子
陸堂壽集卷四

六

次第花番到鼠姑隔浦怒雷堅竹節拂簾酥雨潤花鬚
十杉亭畔蕭疎甚幾點遙山淡欲無

蘭紙催人七字哦春光過眼不嫌多可容曲曲杯流否
奈此青青柳裊何虛室映波如畫舫小車穿徑有行窩
唐臨晉帖猶珍賞誰道能忘舊永和

送春詞

同是銷魂賦裏人誰家花塢獨藏春天紅落盡愁如海
尚有薔薇摘得新

特為春風一祖行柳陰濃處小舟撐詩人盡道斜陽好
未抵前溪看月生

初夏集笠亭池東草堂賦蒲觴拈得二蕭

春歸莫怨萬紅消澤畔新蒲綠意饒養得銛鋒能切玉
占來寶氣欲干霄難逢仙杖看花柱不礙文禽戲水嬌
已過采蘭重結佩公孫妙舞自飄飄

龍威三十初度詩

粵稽靈素書上壽百二十或為嗜欲侵中下判等級賢
甥南軒裔壯歲甫而立蒲月挂桑弓同心蘭臭集辭以
母在堂恒言老未及奚敢勞親知勸飲榴花汁余謂士
有志毋庸闕捷給孝友擅門風荀陳堪平揖詩文翻水
就體寧尚艱澁竭來勦志局分門隻手緝大還九轉成
西江一口吸仙佛羅奇踪勝睹夏雲霄所稱仙釋門
最稱博洽祝嘏
不計年才名光耀熠開家占煥煥多男賡蟄蟄蚤晚薦
陸堂詩集卷四

七

昌黎觀碑理遊笑經明道自通青紫如芥拾

夏日放湖招集賦得雲裏帝城雙鳳闕

試帖體
用雙字

宮闕紅雲擁觚稜疊影雙曉光騰日御夜氣肅星杠玉
潤金莖露珠輝赤羽幢斗城門啓鑰朵殿壁搖鉦袞冕
瞻三捍梯航集萬邦鳳池賡一曲綵筆未輸江

漫與

誰道老來律細未妨信手塗鴉詩中兼有畫意小筆風
流一家

熟梅雨多可喜第一中冷設誇買得樵青小婢試教竹
裏煎茶

日作河朔豪飲斯為避暑奇方不信飛霜一七能令大

地清涼

採雨

熟梅天氣雨廉纖
地奔雷繞四檐
智蟻還從臺下聚
垂龍未許壑中潛
花紋筆架先期潤
濕土星光應候占
高屋建瓴新瀑挂
當空捲幔碧波添
趁時滿擬盧巖積
煉性分投熾炭湛
鴻漸三篇經可續
玉川七枕量能煎
已過蟹眼生魚眼
寧斷紅鹽點白鹽
別墅客來敲玉子
名藍僧到握虬髯
銷殘京洛緇塵染
破得江鄉海暑炎
自喜天泉供飲噉
何勞水遞計郵籤
清香縹緲既同沈
餘潄淋漓座少嫌
散髮桐軒神覺爽
典科頭松丁意俱恬
寄聲花社如雲友
莫應却醪似蜜甜

陸堂書畫集

卷四

人

詠史四首

歲星隱金門既歿乃見知
執戟等俳優直諫空爾爲
當窗窺阿母竊桃翻受訾
董生策天人立志毋詭隨
玉杯暨竹林著書千禩垂
至竟下馬墳醺酒涕如靡
平津起牧豕白首荷榮施
三公蒙布被故人敢獻規
始歎曲學阿終致今名虧
和王仲宣
秉德尚艱貞結交戒涼薄
漢季海水飛橫決靡安宅人
倫具妙鑒後先推許郭尺
獲困泥塗鷗明振寥廓兀坐
穿繩牀介節標史籍咄哉
攫金人蒙恥殉怨壑龍尾勝
龍頭真僞判自昔誰能志
廟廊而甘老山澤
和方太冲韻
西園萃冠蓋啓讌歡相娛
酒闌邀唱和意合忘親疏
馳

翼展碧漢駿足驥雲衢東吳多雋英視之有若無偉長

擅青土公幹振海隅七子盛辭賦兜鑿鄒武夫八紘設

天網珍猶珊瑚珠儲多文須尚質大智貴若愚東阿頻徒

封日夕與憂俱用盡八斗才責躬徒上書
和張景陽韻

典午多清流阿戎頗近利度勝推巨源微嫌據高位不

及嵇阮傳琴嘯豁胸次酣飲暢玄談掩關杜妄轡圓月

轉眼虧堅冰應候至竹節干青雲蔭茲一席地行路縱

艱難骨體忘軟媚聖人秉龍德身世寧兩棄
和鮑明遠韻

喜雨得九佳

經書六月雨想見恤民懷穀變雲生漢淙潺水上階稻

畦滋漸秀山翠濕逾佳好結羊何侶尋詩曳蠟鞋

陸堂詩集

卷四

九

七月晦日集龍威祈舫分題得香扇

吳趨摺扇好招涼灑雪勻來勝麥光花逞最宜纖手握

風愁遙帶峭兒香隔年蘭臭盤猶在一片湘煙夢正長

繫得前朝宮樣陸絨書珍重寄檀郎

蟋蟀聯句

秋聲從何來
姚廷曲
砌暗吟蟀燈花綴玉蟲
陸奎房
櫳

張寶瑟節候動涼颼
葉之溶
倚徙當落日螢火閃帝梧
馬燧

曾蝶衣化兒橘怒斧郵鼓蟬
陸載龍
危冠戒持鵲號寒警

軸空
陸燦
咽露愁砧密物雄悔不藏
倪人巧
誘之出搜從

敗壁陰
張雲錦
攫取斷葦疾儲珍置金籠
葉憐孤
覓雲匹

奮髯赴廣場
延攢
斂翅犯嚴罽月額非雄材
奎勳
紅鈴信猛

質得彩攢三花之息爭閨一室征夫怯衣單曾思婦嬾

髮櫛露白轉淒涼風尖助啾唧悲秋繁有徒御冬

百無一青蠅食未甘銀棺葬奚恤宰相空貽經雲騷

人戲捉筆勤儉緬唐風感時頻疊膝

霜降後一日蘭畦招集鮑莊看芙蓉拈得八齊

淺碧深紅倚檻齊小坐分題閒應候霜娟娟

秋水為神醉不迷雅愛一樽莫細把淡宜雙笑菊同畦

西湖十里開如繡花豔何勞唱大堤古辭大堤諸女見花豔驚郎目

秋懷和昌黎韻四首

秋爽入虛牕遙山姿秀曼趁涼讀我書亭午不暇飯垂

老耽靜閒浮名謝欣願菊笑競著花揮盃寧待勸得意

陸堂詩續集卷中

欲忘言自一遞生萬玩易了殘年疑義訪遺獻弔月咽

空堦寒蛩爾何怨

秋陽皎若水鷺鳥徒威凌掩關謝俗客何來被凍蠅元

譚析堅白冲襟忘愛憎雙松訂久要無夢瞻觚稜清霜

染落葉白月搖空冒躡足窮八表神遊吾亦能

孤燈垂玉蟲徹曉破幽暗石耕贍餘生內省了無憾蒼

葭宿鷺窺紅蓼游魚瞰尋秋偕素心滿酒如菊淡道尚

因能亨境免窮斯濫儉歲雖頻仍過眼亦云暫山險節

莫措津迷艇可纜牀頭四聖易研朱日點勘寂寥子雲

居寧儲粟一甌

高高白榆樹當門葉聲乾老鳳繼苦飢所食須琅玕稻

畦穗已卧橋園實又團大化有真宰誰謂居難安學海

淼無涯颺風起狂瀾循諷足徑卷銷磨惟墨九奚羨新

息侯矍鑠騁據鞍

長至前三日雪霽陸堂集字

層陰愁寂歷小集愛朝晴樹老冰稜散簾疎粉屑輕吮

毫成語妙弄軫覺聲清適典應中酒青燈最有情

和淵明詠二疏韻

霜重冰忽堅鴻來燕早去固知軒裳榮不逮泉石趣俗

情懷便安誰能志遐舉知止免殆而賢哉兩疏傳祖餞

東都門歎誦滿岐路親故日權譙簾金安足顧受寵敢

忘思投老非邀譽自古明達人祇在識時務干旄謝世

陸堂詩續集卷中

緣工園履我素百年若羈旅臨流發深悟恃智必有失

毋庸逞千慮善終由謹始積微乃成著

擬陳伯玉題山水粉圖

支筇杖兮山之巔走玉龍兮波洄漩松不雨而含潤竹

非風而捎煙圖中三叟兮顧我笑曷不息心兮參道妙

睇塵霧兮昏昏涉蓬壺兮森森金馬關兮瓊為臺舟欲

渡兮吹之迴瑤華芝草兮縱可拾燕昭漢武兮非仙才

逝將騶白螭兮入雲躡羲和兮返轡吸天酒兮一盃歷

浩劫兮萬千歲

瑞香和楊誠齋韻

獨有攀枝耐雪侵也施簾箔護深深幾番瑞靄紫紅袖

一段風流照素襟別名風流但覺疎林通麝氣何勞香阜悅

禪心老龍睡談如相授誰復金閨歎陸沉本名昭香

早梅和朱子韻

雪中梅意早含芳盡醉何辭倒索郎別久銷魂催破夢
寒絲微骨暗飄香交光鏡檻姿如笑點白溪橋跡有霜
道眼預知春漏洩吟情都在杖藜傍

梅花和放翁韻

誰信吳兒木石腸沿溪愛翫野梅芳雪中時玉連宵白
風裏梅檀逆鼻香自有精神涵水月不勞脂粉貌徐黃
徐熙有折枝梅花黃筌有梅下白鷗圖寒林一聽啁啾鳥忘却羅浮是夢鄉

登葉梅和吳草廬韻

陸堂詩集卷中

三

攜樽東閣訪幽蹤驀地江城異種逢千葉白攢蓮瓣小
花鏡云重葉梅花頭一枝香疊粉痕濃花光映水描難盡玉
質憑空琢幾重見說渡江春信早不嫌迴雪舞從容

集古直廬詠天竹子拈得真韻

致得殘冬宛肖春珊瑚珠顆顆露精神曾逢仙叟親燃火
懶向花源再問津倚市壓他錢樹子浮湘疑殺淚粧人
投瓊枉是嵌紅豆入骨相思未算真

元旦立春做白香山

我生再遇甲寅年月日同支不偶然兩寅月料峭春風初
入律蕭疎斗室自書聯竹梢帶雨姿何潤梅蕊禁寒態
亦妍在昔譚經爭坐簞於今覓白聳山肩幸盤下箸燕

生熟椒酒傾壺判後先釀雪懶看雲意薄報晴喜聽鶯
聲連莫嫌巧甚放無米却笑貧來座有檀遠宦灘江雙
鯉斷去冬不得潛心義易一燈研客稀省踏苔錢破孫小
從渠竹馬牽七十老翁安所羨惟應鼓腹樂堯天

放歌行

六經昭昭如日月俗師佔畢守殘缺羣盲相將悞落坑
枉罪祖龍火酷烈南海北海此心同性道何曾肯漸滅
漢註唐疏聊補苴瀛洛始能探理窟朱子羣推集大成
無忝升堂繼十哲象山姚江亦入豪門選差殊歸一轍
中年有志希儒林親見庖犧非恍忽周孔頻頻入夢來
詩禮春秋義洞澈壁經柳梅屬屬本樂律劉班盡勸說

陸堂詩集卷中

三

是中甘苦難名言兩鬢秋風任駭眉罕期垂老一第涸
餘冰深窺頭銜竊史學日涉經學荒聞看浮雲歸意快
負郭田無十畝存終歲銷磨烏玉珎古稀已屆妻齊眉
頌酒賡花自怡悅世間得失抵雞蟲仰天大笑冠纓絕

雅集池東草堂拈得塔燈

石戶層層啓華燈面面呈本來高華特放大光明四
水虛能映千花怒欲生未妨偕老衲瞻禮到殘更

寓金剛寺

晉天啟間善果法師攝金剛經
此夜放光明陳少卿捨地為寺

古寺留碑刻飛樓倚水濱大慈能濟衆至孝即通神
供奉大士前殿乃周宣靈王香火巷曲迴高駕鐘疎悟夙因輕寒梅未綻誰
道易爲春

自半山宿臨平關口

扁舟如畫裏山翠喜盈眸縱使重關撤寧辭一宿留初
陽金幻樹積霧水疑洲霧浮水面望若洲形春半桃花放遲余載酒
遊

傷愷仲

未暇入郭宿先驚惡計傳有兒能繼起無疾遽翛然夢
破莊生蝶寒餘王氏瓊老親俄失養遺恨隔重泉
髻齡遊泮水習禮獨專場幾度秋風起還賒桂子香文
名高入洛詩意半浮湘門下凋零盡東晉李嘉方四相繼下世援琴黯自
傷

賦得杏花開盡不知春馬騷句

陸堂詩集卷之四

十四

名園鞦韆杏交花不分連宵雨似麻夾路風尖遊屐阻
當空月黑酒杯賒仙才太白虛聞喜國色夷光老若耶
多少惜春人蚤起倚樓閒聽市聲譁

七十自壽集李杜句

久辭榮祿遂初衣李人生七十古來希受客滿堂盡豪
傑杜黃雞啄黍秋正肥勸酒相歡不知老李百壺且試
開懷抱赤霄元圃須往來杜骨青髓綠長美好早服還
丹不世情李卧病江湖春復生已悲素質隨時染杜何
用悠悠身後名我似浮雲殢吳越李當時歷塊悞一蹶
自斷此生休問天杜鼓櫓漁歌趣非一東風吹夢到長
安李信有人間行路難腐儒衰晚謬通籍杜皆道揚雄

才可觀翰林秉筆回英盼李娟娟戲蝶過閒慢劉向傳

經心事違杜寒灰寂寞憑誰暖王牕玉見櫻桃花李此

身那得更無家江山路遠羈離日杜雲愁海思令人嗟

賢哲栖栖古如此李老夫卧穩朝慵起白馬却走身巖

居杜乃在淮南小山裏袖拂白雲開素琴李洞門對雷

常陰陰未將梅蕊驚愁眼杜落花辭條羞故林白首下

帷復何益李庾信羅含俱有宅三伏炎蒸定有無杜荷

花初紅柳條碧高堂粉壁圖蓬瀛李宛在中流渤澥清

悄然坐我天姥下杜萬壑度盡松風聲男兒百年且樂

命李長鑱長鑱白木柄石田茅屋荒蒼苔杜六龍所舍

安在哉鸛鵲杓鸚鵡盃李南天三旬苦霧開杜清風明

陸堂詩集卷之四

十五

月不用一錢買玉山自倒非人推李

龍威以四律為壽依韻酬之

吾生膚髮幸歸全潑盞何辭醉濁賢入座儘多方外友

比隣錯擬地行仙蓬蒿滿徑隨風掃書卷堆牀與屋連

自古研經堪益壽不徒申伏享遐年

九派珠湖接九濱尋詩艤艇綠楊津久嫌正則為騷客

獨羨正明是素臣積算三元先有甲計功一日在乎寅

雲亭寂寞航玄草好事何來載酒人

辜負尋山幾綳鞋不須忤俗號垂崖疎牕聽雨舊今異

曲渚流杯少長偕三徑孤松成左紐一龕繡佛共清齋

老年笑口頻開處竹馬童孫戲繞堦

梧葉驚秋耳畔聞海天月色任支分才非康樂空懷祖
直不咎縣魏致君舊墨依依無去燕遙山續續有歸雲
經樓並坐聽松韻寫與良常十齋文

中秋後三日集池東草堂待月限七虞韻

不用聲華擬顧厨酒懷多似列仙癰風添潮勢堆晴雪
雨洗蟾光皎夜珠急管欲催千里共疎星難替一輪孤
樊川句好憑誰續縹緲秋山夢小敷

投壺用少陵觀公孫大娘弟子舞劍器行韻

投壺禮經具顛末魯薛鼓節圖負方席間設中校勝算
主賓俯首時一昂壺脩儼若寶鼎鎮矢貫捷于驚鳬翔
賜灌敬養交致辭松醪竹葉浮盃光景孫雅歌號儒將

陸堂詩集卷中

十六

千秋范史流芬芳誰遣玉女恣游戲天翁電笑眉飛揚
自來熟極定生巧鼻端亞盡斤無傷即今遊藝得幾人
我黨嚴生推第一腰支小蠶輕受風醉眼肥環嬌臥室
友人嚴一圖最擅此技有風擺柳楊妃春睡諸名色往歲嬉春鸚鵡湖賭酒分曹暢永日機
深厭看商山棋時違懶挾齊門瑟正容母取背立投和
氣翻嫌倒激出斲輪老手能應心道在不徐亦不疾

重陽後二日同醒士月濤訪桂翁園

秋晴汎野艇黃雪滿山堂月窟留真色花叢無此香
鼓碁誰賭野月濤奕入第二品讀書自專場使露軒主人鳩杖扶殘醉微吟

送夕陽

菊飲二絕和蘭畦

賞菊南樓興不孤新吟刻意仿髣蘇花時再展重陽節
酒量三蕉進得無

月窗透漏影翩翩絕淡如人也覺妍偶向楸枰爭小劫
未須拓紙繪猶賢

過寶華寺志感

誰信滄桑事禪林話轉多榮名晞草露遺骨冷山阿以幸基為葬地科名雖盛世有遺蹟殿小金容在年深石刻訛如爭墓裏劫過
眼爛樵柯

連日遊茶磨諸山噉松花薑過多毒發於足因作

詩以自警

石湖諸峰繞高秋寄萍蹤山行翠撲衣四望俱喬松居

陸堂詩集卷中

十七

人摘鮮菌鬻錢佐朝饔契闊經九稔兩午歲在京有一笑俄憶松花薑詩
相逢煮肉暨烹魚可口勝肥醲詎知是物性濕熱隱交
攻毒發左右脰行動須扶筇我生早志道懂懂絕朋從
素髮今垂巔岐趨戒鮮終飲食本細務不慎災厥躬尤
物類鍾禍奚但草木叢作詩自懲艾萬事遵中庸疏食
與菜羹至味在其中

陸堂詩集第四卷終

陸堂詩續集第五卷



同里

姪孫

銘三

駟思同校

粵西紀遊集

甲寅十月至乙卯十一月存詩九十二首

粵西撫軍金公招爲秀峰書院山長誼不獲辭東

裝就道自浙東而江右而衡陽歷五千餘里始達

桂林夫江右余所熟游衡陽粵西則夢想而未至

者也昔人云詩得江山之助余暮年才盡間有吟

詠正如老樹着花都無媚致其有負於佳山水者

多矣

陸堂詩續集卷五

將往粵西留別康花同人

屈指賦歸田七度更歲籥對酒互康花追歡寂寞粵

西來聘書犯寒理征索故人紛致詞此舉待商權齒髮

日就衰雲山况綿邈勞已以徇人母乃鐵鑄錯俛首慚

樂言秋期屢渝諾少壯爲經師老矣詎能却文教訖還

荒國楨儲棧樓吾道本無私傳貽備三樂矧聞桂林

山天工巧鑊削小李着色畫濃翠憑空落縱乏濟勝具

一節恣吟嘯新句續騷鸞攜歸正同學

自上河抵江頭率意成詠

山青如送客歲晏孰華于關吏勞相笑行囊但有書

親故念遠行殷勤具盃酒

宜侯姪開庭前
輩僕爲祖饒

此心毋相忘不在

折楊柳

筆法何由進江邊看晚潮從前雕玉葉空使髮毛焦

過嚴灘作

富春山色頻年別粉本依稀記井西冰鮮忽翻烏鰂影

林寒絕少畫眉啼溯流七里乘風捷回首雙臺落照低

不分耽吟方處士香名直與子陵齊

寓常山懷象九孔師

疎林冷雨宿荒城遺老猶傳舊令清老去師恩渾未報

愁聽縣鼓應雞鳴

乙卯元旦

歲行仍在乙八秋喜新開

余齒七十有一

海鶴飛無跡山樗壽不

陸堂詩續集卷五

材有孫能奉杖遲我近尋梅取醉憑厄酒吳雲首重回

雪霽過山宿江埠

埤垵銷殘雪荒雞促曉行東風寒不減卯酒醉還傾溪

水環煙舍山田半火耕重來題五字荏苒歲華更

庚子初秋於草

長橋臨急瀨緩步越東津玉斗山容壯金鷺柳色新歲

豐無逆旅貨聚少閒民明發呼舸子江干戍鼓頻

由瑞洪涉東鄱湖

榜人爭利涉擊汰自歌呼牲醴雖陽廟風帆彭蠡湖雲

生山影邀春及草情蘇行止身如寄今吾勝故吾

抵南昌瞻拜先方伯祠

祖德蕃宣餘畏壘師門風義屬江西榮枯物物關天意
蒼柳庭槐碧色齊

豐城道中阻雪

買魚沽酒宿江干夢覺蓬窗漏未殘昨夜星辰今夜雪
鴉翻樹杪不禁寒

風雪交加阻客船休從雷今夜占天雙龍久向延津化
牛斗中間氣黯然

龍頭滑磴怯躋攀龍頭山去豐城十里聞道題詩滿壁間寺新舊自于寺樓題壁
起推蓬舒倦眼倪迂枯木大癡山

樟樹鎮

贛江表江兩派聚古鎮灣環稱富庶相逢野老話前朝
陸堂詩續集卷下

陸堂詩續集卷下

三

此是文成誓師處針兒孽子性本惡妄自弄兵窺神龍
樵舍轉戰俄就擒不聽婦言空隕涕燕師靖難有天幸
是謀可一不可二帝星明明在翼軫盲眼宵占終失據
先生習靜能前知嘉靖邦國留題志茶寮三泐成削平
功高未免遭讒忌豈若授徒研諸經歸老陽明一席地

陽明祠在會稽山

過分宜縣

鈴岡峨峨青未了讀書堂皇跡如掃徒然心愧歐陽妻
無奈趨庭聚宵小桂洲爰立亦太驟暮年再出殊草草
牛李相傾自昔然罕聞西市誅元老三台星圻井就枯
十歲孤兒究難保分宜嚴氏若雲興以理揆之半難曉

君子脩吉遇其常窈窕何須問天道

江行讀易二首

春江生綠意乘興扣舷歌乾鵲爭投樹條魚戲撇波客
塗嘗險阻易理費研磨悟得兼山良華嚴語覺多

水宿方踰月風和已帶薰玄談王輔嗣詩瘦沈休文偶
作依人鳥閒看出岫雲一杯桑落酒微醉養天君

再疊前韻

何計銷長路惟當對酒歌午炊煙過嶺晚渡月隨波舊
物留瓊冷餘生任墨磨鷓鴣才子最語妙不爭多

若愚為冠

祖南風日好一路草微薰兀坐探義象深求悞象文猶

陸堂詩續集卷下

四

懷越艇雪忽近楚山雲襟被餘溫在何心羨郭君

蘆溪陸行抵萍鄉

燕尾溪流細細裙腰草色層層側帽微吟未穩金鴉樹
杪紅昇

筍輿偃仰半畫村落蕭疎幾家可惜不經度嶺拖筇飽

看梅花

螺頂岡盤下上基枰田畫高低微肖龍池山景

但欠黃栗留啼

乍冷乍溫天氣無風無雨山程舊館羈留一宿萍鄉更

鼓分明

次兒庚戌入粵亦寓張名南家

萍鄉換船作

陸行費且勞乘船差利便風水兩相遭厥義取諸渙首
路指錢塘江濤頗浩瀚舟形如官龜急灘解回漩玉山
喚舳舻子價視三板賤頭銳尾益昂雙鷗關輕翰行踪類
萍遊榜人此復換安東木馬船底深容列案陽橋左右
撐筏窓中央牽去聲忽若駿足奔蒨帆張過半楚雨恣朝
眠湘魚供晚飯迢迢佳海路計日登彼岨絳帳許談經
緇衣賡授粲風土縱宜人行藏須自判我家天隨子吟
情老不倦製就小烏蓬漁隱名堪羨逝將歸吳淞煙光
剪一片却笑陶水仙三舟競荒宴

自淶口入湘潭界

扁舟經淶口東望近長沙春水浩無際夕陽影復斜樵

陸堂詩續集

卷五

五

人窺虎穴漁子折桃花

此聯用交股法樵人頂夕陽漁子頂春光

夷險憑生計湘累

枉自嗟

湘江櫂歌八首

湘江淼淼片帆輕野曠天低畫不成豈有謫仙花管在

深宵風雨颯然驚

綠江柳影綠何如一幅生綃自卷舒我亦歌醺思盡醉

不勞苦口勸湘漁

水面人家住竹簾鳴雞過午聲啾啾已向天涯倦行役

櫂郎休唱惜分釵

天半高臺指道鄉南衙山色晚蒼蒼囊中剩有錢三百

郵驛沽來勸客嘗

補辰剛充酒量俱淺

鄰舟娟娟通清歌玉笛吹殘喚奈何贈與湘靈新句子
楚山青比越山多

暮雲春樹望中迷帆轉衡陽路更西長短亭踰七十五

鷓鴣何事向人啼

常寧湖口列煙墩畫角聲聲斷客魂牽艇怕經猴子嶺

猛如獅象恰當門

縹緲煙江日溯洄一春多雨又聞雷有緣待看湘山佛

湘山光孝寺有無量壽佛肉身不逐峰頭旅雁迴

泊舟浯溪觀顏魯公所書中興碑及唐亭鏡石諸

勝

浯溪聳峭壁其巔立唐亭見之眉欲舞繫艇支紅藤平

陸堂詩續集

卷六

六

生愛顏書正筆藏丰稜爭坐及多寶珍賞逾百朋是碑

稱雙絕摩崖儼張屏上元訖今茲閱歷千餘齡鬼神隱

呵護雷雨靡奪崩手捫縱可讀墨榻嫌未能左方嵌鏡

石膚理如玄冰用水一拂拭纖毫無遁形卓哉元次山

杜老所服膺賊退寬賦役流亡萃春陵政事兼文學作

頌揚中興得公十數輩列郡分猶星萬物盡吐氣天地

還清寧歸休戀山水卜居此地曾亭臺與且曠宸樽醉

輒醒勝蹟以人重合祠薦芳馨惜少屋三間洒掃容孤

僧遠峰翠的的曲澗聲泠泠耽遊日欲落長嘯風堪乘

仙音續韶縹緲雲中凝

過永州懷姜賦山

我同門賦才天所秉秋水漾芙蓉盈箱疊錦連
步躡蓬山清談酌劉井赤縣假一麾政異不在猛量移
得永陽騷人舊管領黃溪小石潭哦詩對佳景循聲達
九閭懷恩勵水飲荆南用武地承平息烽警作論非好
名褰帷鎮以靜今任上荆南道葉舟帶清相極目波千頃韶光迅
於電行蹤汎若梗昧念立雪時未由重披衽

二月望日喜至全州境內

屈指今宵月又盈東風吹轉一帆輕遙岑待我舒歌嘯
遙望黃沙大嶺峻峭天半斥堠如人解送迎粵界初分天驟暖湘源已近
水逾清心安且就灘頭宿徹夜潺湲聽不驚

舟過屏山塘僕人折得堯李二枝供養餅內喜而

陸堂詩續集

七

有作

能紅能白露天倪老眼看花霧不迷始信春風披拂處
空山桃李自成蹊

靈渠歌九言

靈渠之水三十有六曲下下高高創自秦史祿桂林象
郡賴此通咽喉何異五丁鑿山開巴蜀湘江源頭遠出
海陽山勢若建瓴滔滔流向北鋒嘴一激西者分為瀕
人巧奪天水性亦馴伏周遭城郭廨舍及市廛捐金伐
石歲歲勞脩築陡門對峙離立儼重關就中插竹懸簾
貫以軸後陡既盈前陡始開放扁舟下溜奚啻撒箭速
軒車客子脫險慶安流商賈買遷赴期往而復乾闥坤

蜀從古罕全功禹跡不到僻遠成荒服祖龍鞭一入海
誠大愚是舉利溥勳崇允可錄奇兵破越戈船下白天
間道平靈糧艘輓入谷山上有澤於理非恠奇壑水為
渠其利倍溝瀆原田每每滋潤無旱乾一夫不斂千家
春萬斛況逢

聖世天地悉清寧岳峙川流百神歸約束陽朔靈源

御額炳千秋仰瞻新廟崇弘裡祀肅

贈中丞金公震方

蓬萊山海毓奇英七葉貂冠重漢京碧繞灘江開幕府
瘴銷滕峽播威名隨行鶴子霜毫長夾路棠花香氣紫
聞道公餘清似水下簾猶自擁書城

陸堂詩續集

八

冰心一片九重知嶺表陽春到不遲八載政成瞻泰
象百城風動惠嘉師靈泉甘雨膏流野芄棫菁義化及
時珍重山堂懸榻意敢因衰白謝臯比

贈學使徐恕齋

海內同文日儒林領袖時紫綸膺特勅清節慎無私
五管香名播雙江化雨施梓材經斧削駁足受金羈龍
箕能開贖蟬囊好療飢立伸寒暖氣仰報闕廷知珍
重魚書寄迢遙鳥路馳星巖青到眼洋酒綠封篋東道
欣逢主衰齡媿作師未窺三易與猶蓄百籤疑心許冰
壺映才憑玉尺持高天鵬振翼滿月桂寒枝文望齊南
斗衣香繞鳳池韋平應復始官禮待疇咨擬作清風誦

黃綰辭故山芝可採寧敢負昌期

三月中浣九日進秀峰書院賦示從學諸子

疊綵枕後巖獨秀峙前峰四顧曠且奧講堂居其中落成消吉日招邀簡壹通入門升堂階折節勞諸公章逢數十輩再拜禮虔共抗顏強作師媿與昌黎同帶草潤時雨蹊桃披春風書院數四大白鹿堪為宗居敬兼窮理要語開羣蒙粵西本邊微文教今昌隆茫茫儲械樸萃萃栽梧桐湘灘二水清桂橘諸山雄既稟生民秀得勿加磨礪正誼不謀利明道敢計功晨夕瞻斯額希賢根址崇講堂以正誼明道為額余作學規以存心立品遵朱註窮諸經專精制義練習後場為六條目心君宰百體存養母放慵人品判真偽立志祛妄庸四子暨五經循次

陸堂詩續集卷五

九

當研窮秋期轉盼及官燭三條紅揣摩在平時詭御乃賤工由來多忝稔天以報良農幽莽而滅裂豈緣旱潦凶廢學誦濫竿倦教識啞鐘山長景吳子程耄耋矣礙厥躬

遊疊綵巖小憩風洞和海昌師元韻

白袷風吹陡作寒天然石室坐來寬心驚佛閣臨空際目送漁舟過急灘謝屐可攜纔咫尺粵吟未富且游觀幾人釋得為師患鹿洞遙遙接杏壇

嫩晴天氣好追歡登頓無踰四五盤面面有松嵌石鏤山山如戟插雲端扶筇遠眺神猶旺淪茗清談興未闌洞內有泉清而不竭預想巖邊栽紫竹迦陵音響並和鸞

種蕉

甘蕉帶雨植堦前預想清陰六月天拙腕那能臨醉帖先生自愛背窗眠

立夏書懷

筠簾半捲度薰風適我真如六一翁雨過山容青欲滴夢回月影白冰空莫嫌薦几談何易折肱去凡見東方朔傳須信單瓢樂在中指與移情方便法海天從此化琴工

嘗陳豆

海昌相國攝蠶豆種歲於桂林今呼陳豆

蠶眠非我土豆筴忽嘗新實少腹猶果沙邊醉幾巡經月不沙名齊金氏薯外曾祖金省吾巡撫福建有金薯亭味敵陸家尊植物留遺愛農歌久未湮

陸堂詩續集卷五

十

題葛敬夫采藥圖

杜老微吟處寒山作雪時松聲猶在耳石磴欲何之黃獨苗初盛長鑱柄可持得聞餐玉訣閒與白雲期

徐學使恕齋席次遇雨作

剪燈愛聽蕭蕭雨天末論心此一時淳酒特緣公瑾醉永淳酒未最醇鉤魚偏動季鷹思玉鉤魚出柳江狀似鯉上唇寬三寸許曲如鉤白如玉條水宦况清如許斷聖風斤巧莫窺轉眼秋香飄桂嶺憑君分與最

高枝東坡有分桂詩

題老人峰

閱盡滄桑首獨昂題詩為祝壽而康頻呼石丈心如醉一別銅仙夢已涼儘有煙雲叨供養漫勞薜荔補衣裳

古稀自分僥天幸敢乞蒸丹小餌方

王真以蔡升小餌法授劉元慮得仙

暑夕

茗話山堂欲二更難逢月白與風清毒氣不減武溪曲
吹笛何來轅寄生

立秋偶吟

暮地商飈驅暑熱早禾垂穗碧茸吟成獨對前山雨
睡美頻驚犬寺鐘放櫂依遊還足弱拋書老病亦心忪
揭來自喜居無陋種酒釀人一倍釀種酒地十年不
清而醇亦覺可喜

七夕恕齋招飲

林空如雪釀離支巧夕筵開醉不辭颯颯梧風消暑氣
前屬
處暑啗啗語報秋期傳聞金筑烽煙滅時望仙巖月影

陸堂詩續集卷五

土

遲詎料天孫頭已白洗車吹剝雨絲絲

望獨秀峰次金長孺韻

誰與鑿混沌卓立書空筆五巖接六洞靈嶠輪第一采
藥鮑葛偕尋山臺向匹濟勝今未能鑿鑿困足疾花時
閒小車晴晝亦不出授書駭梁柳註易陋王弼毋庸鍊
純鈎而枉飾珠璣平生頗知幾臨老天所逸濁醪醉外
斗食銚供廿七秋收幸有年稻畦比如櫛前峰送青來
矯首望翠律寧知脫鞵鷹尚類處禪蟲細彼讀書巖松
風韻蕭瑟五詠斥山王偃偃生汗栗廟宇新斷度迴廊
競丹漆蒲邸屢變更雨花留丈室靖江舊府今改貢
院山麓有龜牛寺金君我
同譜搜奇喜著述舊題在壁間塵外歎起軼犀智過洪

漣轆轤轉脩綯硬句倣昌黎睨視賈島佛

夢與同人賦四時讀書樂得樂處亦難尋瀟溪好

風月句續成四首

樂處亦難尋瀟溪好風月自我來山中謝客常七八春
氣俄焉深堦草叢叢發

朝氣想黃農義車挽未得避暑倩麴生憎蠅勞子墨夏

日縱云長不學究何益

涼颼颼然至墳典可幽尋苟徒耽蟲篆奚以殷儒林秋

聲渺何所落葉遙山岑

風雪常閉關何暇蠟我屐裘傲性猶溫服之永無數冬

曦洵宜人細點南牕易

陸堂詩續集卷五

土

通守錢璠亭貽酒甚佳報以一律

監郡情何厚閒來話夕曛佳山同愛翫名酒最清芬秋
入孟中薤香生甕裏雲金蘭如作譜莫訝紀兼羣

夜夢初白翁

箋註蘇詩恐失傳證因何必定生天菊籬舊摘人頻異
話兩迢迢十七年已亥秋同在
西江賓翁

廬阜同遊句可誇桂巖攬勝興全賒不知道力何由減

夢裏驚看富貴花夢見大紅牡丹
二朵極麗

廿八日揭曉書院登賢書者十人信筆作詩為得

雋者志喜為失解者排悶

講習歷三時摩雲盼高秋選才備國楨草鹿麋呦呦潘

子雲偶寄籍名居最上頭其餘極巧力張孤貫采侯幸

逢伯樂顧驥首鳴驂騶春風催杏紅搖漾鞭絲系致身

須壯盛乘銳母淹留惜哉商冷輩商宗聖冷嘲作梅戴文光藏卷俱優文奇

未見收謾說古戰場明珠忌暗投余昔困場屋鬱鬱增

繁憂受教三魚師金針與決疣爲己乃實學利名非所

求如何不知命一斤生怨尤志趣若斯陋自顧成材否

持此最諸生破涕舒清眸虬松寒並翠谷蘭香轉幽方

寸具真宰冰炭皆浮漚潛心還讀書與義恣冥搜

重陽節後寒疾弗瘳因有梧州之役

離江秋盡菊無華獵獵風聲入翠牙誰與孤舟添別意

遠峰含翠自天斜沿江諸山形俱不整

陸堂詩續集卷五

陽朔推蓬看畫山昭平灘勢減潺湲此行且就梧州暖

愛話團圓一晌間

楓林霜薄未流丹銅鼓嶺邊試一觀豈比蘇公來海外

祇因癡鈍欲逃寒蘇詩老人癡鈍已逃寒

夙習焉能夢裏空升堂終愧杜陵翁老年親見歌羅景

十月春寒菊余少日夢中句菊開以之命題

食嘉魚

封川亭畔吸江湖一種嘉魚風味饒漁子送鮮才二尾

酒人乘興又三蕉紅張巨口方鱸鮓白貯肥脂勝豕脰

底用詩翁誇丙穴南烹已遣客魂銷

黃楊樹子詩遙寄玉簡先生

木譜種類繁黃楊號嘉樹唐賢疎品題歐公乃製賦感

時意則深惜少刻劃句是物培養難歷久質如故或云

厄閨年天工豈錯忤長寸復短縮於理大失據我欽玉

筍翁早躡金門步初衣浣湖涯閒心逐鷗鷺書屋額信

天淡泊安其素哦詩越詔鳴揮毫儼鳳翥佑聖接長春

故宮蹟可溯尊養盛光堯花石咸供御玲瓏小飛來至

今留權署古梅骨已朽老桂根未蠹黃楊更歸然孤撐

絕攀附綠葉綴春溫碧柯挺寒沍干雲亮有心速化了

無助勝賞集羣彥摩挲不忍去珠璣盤中呈珊瑚網底

聚弩末恐見嘲載賡那敢遽飢驅遊粵西名酒餞岐路

三秋少雁鴻月梁想風度舊諾矢勿渝郵箋話情懷奇

陸堂詩續集卷五

木定流傳惡詩觀馳譽

大喪紀哀二首

絕徼驚聞

遺詔宣十月十三老人童子泣堯天亶聰蚤立

君師極大孝能兼道法傳益贊陶賡猶業業兵銷刑措

倍乾乾羈臣亦有攀髯痛目斷蒼梧雲樹邊

珥筆當年頌放勳河清乍奏復祥雲

皇仁是物皆能育天聽何方不可聞迴憶徽稱崇

聖祖俄將大統付

新君一如本自無來去花雨長留滿座芬

書燈

粵衰何所有巧製一書燈半月流膏滿方珪作座承

如月背後貯油有孔以安燈草其風尖珠穗墮暗透玉蟲凝映雪

勤何補移蓮寵莫勝雙瞳明若鏡細字草如蠅玄學從

雖進前知任鼠憑鼠有藏名仲能善賭基開名客敲句獨

留僧無盡光明在心空是上乘

榕樹行

樹在鳳梧堂右其根數抱蔭屋舍十餘間蓋百年外物也

老榕千尺撐穹霄芻尼將子密葉巢凌晨啞啞似送喜

入耳差勝寒鴉號昔歲羈孤客閩海無綠啖荔嘗江瑤

榕城命名以多故如樊如屏攢柯條未若茲本鍾地靈

塵劫不壞古蹟標頂肖蘇峰疊三朵根疑趙筆皴單椒

清陰滿空庇廡宇能令伏日祛炎燭落子紛紛響秋雨

陸堂詩集卷十

主

霜黃欲笑梧桐凋小蝶高飛共鳥戲物生豈必求其曹

南華老仙善罕譬入林郢匠風斤搥山樗不材例得壽

漆有用割薰焚燒余謂此論亦偏駁王經三火仍堅牢

偉人須立三不朽肯比木槿榮終朝嘉樹由來藉封殖

韋槐寇柏留風誼

清槐書屋百卉羅生中央闢為箭道牆外可望隔

湖山色余飯後輒為宴坐或與客劇譚不自覺

疾之去體也

世德槐堂舊勒銘清芬一樹倚疎櫺看花且擲仙人杖

校射須顏君子亭病後遺懷頗得句客來離坐半忘形

南山縱有城垣隔盡日舒眉送遠青

題扇戲做吳體

粉姿欺芍藥治性薄黃鸝不作春蠶繭何從結寸絲

雁飛雲縹緲蛩語月迷離一排燈花落秋窗了夜棋

衛孫歸里有寄

從我山房未及暮簾語書畫喜哦詩歸心忽發留難住

別酒深斟醉莫辭遠客鄉關頻入夢暮年風雨最相思

還家拜慶香飄桂好是中秋月白時

明年八月內子七十壽

賦得倦聽空階夜點涼

東坡句

倦聽空階夜點涼天心人事本無常情深已郡吟殘燭

綠盡蘇家話對牀連夜夢二兄弟夏旱鳥虛啼滑滑冬靈山掩

色蒼蒼寧知一枕羅浮夢勒住梅花不遣香

陸堂詩集卷十

主

病減

病減遊仍倦冬寒戶半扃耳雷空外震心樹夢回青

夢覺身近則滿眼桂橘而已枉自耽禪學憑誰鍊鶴形觀父新有得朱

綠點殘經

梧州紀遊六絕句

傳經書院

頻年足蹇倦登臨說難經硯費苦心辜負緇林千尺閑

刺船漁父欲聞琴

大雲樓

樓畔煙雲繞夕欄此州民力未凋殘朝臺一望頻搔首

朝臺劉宋時築在北岡上十四年前舊史官

光孝寺

水月軒南竹樹妍
火山遙對聳吟肩
古銅鐘紀乾和歲
宮監懷恩也合傳

準提閣

高閣金容塵自遠
小橋仙跡杖堪攜
外有因觀一樹無
花果淳酒三升醉不迷

三界廟

三角臨江廟宇斜
船人歡喜見靈蛇
古杭亦有青蛙幻
難比笙歌盡日譁

水井

漫亭荒盡草纖纖
元次山於水井寺
後建漫泉亭今廢
入夜寒窺鏡裏蟾
茲水

陸堂詩續集卷五

七

流甘長不竭
虛名枉自辨貪廉

鵲噪

乾鵲枝頭故故鳴
報余久雨得新晴
師門古古來消息
聞外機謀仗老成
李廣不侯應自悔
傳謂蘇瓊有子莫
相輕
開柯城
封世爵殘年飽飯無餘事
鷗鳥江邊記夙盟

釣絲竹

種析西川畧釣絲
宋初益部方物記謂
稍毒地者曰釣絲竹
月痕似水影差差
攜來阮籍林間酒
補入文同畫裏詩
人愛風清香遠逗
天教筍苦碧長滋
三冬肯結無花實
鳳子何愁不療飢

金錢雞

對花不暇賡蕉紅
茶粉白異鳥來一
雙爾雅名未藏赤

成一律

仄級羽毛向日倍
煊赫孔雀小開屏
鴛鴦互戢翼有文
遭網羅賁極反无
色譚平昧厥聰司
晨喪其職入市祇
見金多生負錢
癖龍麟體尚爾微
禽馬足責作詩爲
解嘲我貧方在客
留伴吐綬雞富貴
兩相通舊歲周少公
吐綬雞圖
夢中閱已吾集有
功名七縱始匡時
句甚賞之補

證道四絕句

老矣何嫌筋力疲
午牕研易夜敲詩
阮孚省蠟登山屐
王烈慳嘗入洞飴
藥物九還堪遜世
功名七縱始匡時
書生習射非遊戲
閒看槐亭中戟支
汪錫爵孫
勤於學射

陸堂詩續集卷六

六

作佛生天非我思
自來庸行即神奇
五倫一世難兼盡
無恠僧伽要脫離
秋月春花續續來
仙山何處有瑤臺
祇緣不識簞瓢樂
始唱人間大可哀

典午清言不可醫
貞觀正義究多疵
畫前指出羲皇易
賴有濂溪作本師

孟莊盡道七篇好
釋老同稱三教非
近喜象山留學譜
穆堂
師編存心惟在慎樞機

陸堂詩續集第五卷終

陸堂詩續集第六卷

平湖 陸奎勳 坡星著

天都 黃瀛 仙洲

姪孫 永漢 南江同校

易外業 乙卯長至復至丁巳九月存詩九十六首

講易二十年尚無成書大懼窮經而不契其源未

足廁儒雅之林而有忝於明志之賦也卯冬養疴

梧州兀坐道南斗室覆勘繫傳說卦傳乃能於十

聖之易一節打通而象變辭占均得要領夏五發

凡繪圖付諸刪氏明春三月告竣從此身心俱閒

將取道東粵言旋浙西於高山而見仁於流水而

陸堂詩續集

見智即詩篇當有進境焉

道南斗室題壁

南來斗室足幽居冬暖旋教百病除淡與世遭霜後菊

樂隨人玩碧空魚一生未免常中酒臨者何曾廢讀書

良象連山叅已透漫勞歲晏欲華予

長至後一日自題山房讀易圖

疇昔夢色攝詔以得一聖畫卦由心源龍龜悉瑞應三

易掌筮人周禮有明證秦火所未焚孔贊易為荆坤藏

商地統出震夏寅正援文強配義繆悠詎足聽文王後天卦說本帝

夷首乾終未濟厥序姬昌定八錯餘者綜天巧分緯經

讀 元儒俞琰字致字 說較勝我生姿稟庸傳義略

考訂象占兩茫然沉思曉徹瞑廿年如抹電研慮尚難

竟授經來粵西師哉桐子命山房頗寬閒槐竹翠交映

牀頭易數卷長夏自涵泳乾何兼寒水良何雜門徑黃

裳非吉占屯難乃餘慶執象苦穿鑿泥數失依僥涉海

迷津涯外宵絕梯磴陰極陽復回夜寐豁焉醒十聖萃

一堂神農黃帝堯舜禹湯皆有易今諸義文周孔是為十聖 鎔成大圓鏡從此見天心非徒

助談柄

綠萼梅

香骨何勞御綺襦真從梅苑見仙姝評花小試春秋筆

那許紅兒並綠珠

玉蝶梅

司花巧匠琢花鬚勝似滕王殺粉圖三十六宮春不斷

隨風飛到玉腰奴

盆中水仙著花戲作

素面塗黃額樣新偕梅漏洩一分春洛妃洵有凌波襪

莫道思王賦感甄

丙辰元旦

欽頒時憲號乾隆元日看山瑞靄濃晨有小雨 西粵版章仍

禹甸南交測驗盡堯封壽能自信惟安土位不求高豈

夢松二紀易書初脫葉在天真喜見飛龍

祈年四章章四句

長鼓軒舞祈年作歌七人八穀利賴尤多

乾五爻占龍德斯溥宜暘則暘宜雨而雨
鹿馭班春物象維新苗程蠻獠一視同仁
五嶺嵒吭三江紫帶用告所司耳屯保泰

畫山行

自來畫水難畫聲畫山欲活藝乃精少文卧遊得真趣
撫琴遙應風清冷桂巖已擅寰中秀未若陽朔尤崢嶸
去冬南來抱寒疾開蓬一霎膚粟生無緣覲面忽相失
奚啻好友慳合并今春溯游始看足荆關董巨空標名
神鏡鬼削出意表特從荒微留丹青謝客永嘉含藻彩
杜陵入蜀揚晶英詩中有畫堪不朽惜未經此浮輕舲
我衰絕少奇險句投贈竊恐嗔山靈偕行戚子通畫理

陳堂詩集卷之六

王

自題五經解後

詩禮遵庭訓經疑漸破除心傳皆樸學義在豈刑書精
粹無過易辭占孰起子周情兼孔思皓首不成虛

入夏風雨不休重午後久晴燥熱作詩自遣

山山摩青穹一水灘百折桂林領十郡度地形陟絕北
斗挂前檐占天象迥別足疾久閉關良維探風穴吹萬
聲飄飄連夕未肯輟四月尚披裘獨客意騷屑雨多便
插秧三農所忻悅轉眼泛綠波激灩觥心凸池蓮遙遠
香炎蒸頗蘊結庶草畏恒暘甘井歎先竭宜人亦未宜
服食貴有節豈必餌飛霜內心始無熱

佳山

佳山晤對豈忘情雨勢空濛寫未成瘠土最難松柏茂
炎天差喜蟪蛄鳴殘書點勘為家具一杖扶持當友生
戊卒歸來開好語丹江八寨已銷兵

七夕用廣陵舊韻

銀河斜界火西流節物蕭蕭滿眼秋絕少世情貽拒救
永無苗俗競歌謳天緣喜不生風浪人壽焉能並女牛
迴憶迎涼曾載酒二分明月古揚州

寄壽豐川王先生

儒能貫三才學必兼六籍偉人稱不朽軒冕視如客兩
廡崇豆登典朝慎選擇我師三魚兄遙遙據一席豐

陳堂詩集卷之六

申

川同道者寰寓推嶽立近接二曲傳遠踏文中跡江漢
擁臯皮紫陽負書笈譚經復論史門下薛姚義集餘
藝迺知兵持蠡詎可測羣公屢薦剡先生謝徵辟高堂
今孟母至性守孝德家訓垂一編顏柳即所莫及今
子刺潯江邂逅紫眉識八十壽雙親錦屏語紀實拙詩
慙肆好聊以展胸臆乾德正當陽求賢詔絡繹春蒲
御安車石渠精考覈奚屑敷桓榮自詡稽古益

初涼寓意

桂館蓮亭躋半湮桂林館在府治西
瑞蓮亭在醫學西拓牕涼意感秋旻新蟾
朗桂能娛客小鼠閑遊不避人隔歲鄉書纔把翫背城
山骨自嶙峋邕州亦有陽明洞陽明洞在天
隆安縣西北磐石題名志

未伸

中秋後二日同孫細林戚撫辰遊棲霞

八月中泮風日和棲霞古寺藏山阿筍輿到門翠欲滴
長松一一纏蕙蘿聽月亭子幽意足七星巖洞靈竒多
二客偕行勸鼓勇石磴繚曲猶旋螺燃火深入路窈黑
膽寒足弱無如何海昌相國昔開府卹孤憫老思滂沱
阜成書院樂造士槐黃繞舍聞絃歌校射奚啻矍相圖
觀水有若彈子渴揮天峭壁廿餘丈惡詩未許勤鐫磨
日華仙人渺何所佛界幸少波旬魔醉吟且傲香山白
談禪差比瓊臺坡袷衫坐久生微涼午鐘鏜鏜雲外過
惜不攜碁三百六局終爛盡樵者柯

陸堂詩續集

卷六

五

送南昌萬師秋闈事竣歸里省觀

千里同瞻皓月光我師藻鑑並歐陽運斤始覺材偏美
選驥還稱德寡良自有千秋真賞識誰言五管少文章
北堂為祝无疆壽桃李新陰比舊芳
書院中王安撫元又魁二
人正榜十六人副榜二人
文運寰中日又新西江風範繼羅陳玉堂槐影儲公望
鐵網珊瑚萃國珍十載燕山遠立雪九秋灘水幸扶輪
師門恩義知難報除是傳經覺後人

別張方伯頤亭年丈

薇省流連別意深驪駒高唱爲知音得諧却李登龍願
敢負緇衣適館心夜雨漫成三易註秋風徒遣二毛侵
因公掉首尋初服泛宅松陵思不禁

冬夜泊舟畫山戲與摩青論畫

把酒重來看畫山山峰離立水潺潺疑經隴蜀雄奇處
轉憶蘇湖淡遠間白傳清音寧讓杜思翁秀骨肯輸顏
丹青同此窺三昧寶滅名浮運可刪

舟出瀧口

瀧口灘東小逗留良剛喜遇巽風柔老年涉險真無謂
客路懷歸豈自由遙白可緣烽隱樹微波難免碓爭流
五湖無數閒煙水祇欠天隨一釣舟

喊灘行

少歲入閩經灘河絲連五百艱如何就中第一數黯黯
直從洲底騰龍梭紙船賴有鐵梢工心安鎮日高吟哦

陸堂詩續集

卷六

六

今來粵西已皓首木馬船穩千石馱大峽小峽上下洋
不愁險絕愁其多助力由來喚邪許吁嗟亦屬勞者歌
曷爲哀聲震天地驚攢欲折迴盤渦一灘喊罷復一灘
入耳不禁心懽懽故鄉好是平江路微風纖浪如輕羅
吳娃嚶嚶唱月子柔艣咿軋隨清歌衰齡作客胡不歸
桂梧兩處徒奔波山房讀易蚤覺悟習坎敦艮理則那
履順能諳逆境苦人心天道均無頗

對菊漫興

小庭亦有菊清晝脚磐桓月色與燈光疎影描闌干流
俗尚黃白花意何蕭閒去冬苦霖雨今冬愁早乾穀貴
稍病民食用防力彈唐魏美儉勤檜下均宜刪歌羅競

賽神習沿五溪蠻徹夜沸鉦鼓繞城擎鰲山此風久不
革曷以豐市闌神道未可測示禮亦良難惠澤一日弛
用猛母寧寬道南額斗室疊膝吟方安垂老減騷情無
假落英餐我姑酌三蕉仍作重陽觀

憶雪

此地三冬霜信少可知滕六更無權最憐潔白安難匹
誰道清虛質未堅梁苑延枚空命酒剡溪訪戴久迴船
老夫病起拖筇杖還與梅花締夙緣

憶湖上桃柳

西湖自是寰中秀間柳栽桃總入時紅顏露濃招粉蝶
金絲煙重隱黃鸝情牽未了蘇家夢遊倦聊為鐵體詩

陸堂詩續集卷本

輸與摩圍老居士榕溪高閣鎮娛嬉臨桂有榕溪閣
由山谷得名

丁巳元旦

掩關辭上客握管記丁年瓦卜猶龜卜花緣共酒緣山
蟠欣帶土桂山奇而骨出不若梧
山有肉境內可致豐饒茶沸忌生煙善易休言易襟

期自灑然

高陽園小聚撫辰新為
綸兒作圖雙玉額新堂任我舒歌嘯從天錫
壽康香清宜斗室菊紫訝炎荒問心軒紫
菊盛開此地生春早虞

衡志未詳

四聲口號

臘尾寒初釀春頭夢已濃隣僧知我意遲打五更鐘
靜居消白日直作羲農想無勞問此生蠟屐穿幾兩

催歸杜宇啼泥滑竹雞叫二鳥夫何知冥心合道妙
彈指七十三此翁猶矍鑠餘事醉蕪禪讀書樂莫樂

初春觀白蘇詩即效其體

既老真難却病魔祇宜盡日飲亡何奇方坡老安心睡
樂事香山信口歌勾漏丹砂寧待養雞胞玄語不多多
春風是處勤披拂綠意先回庭畔莎

東西南北獨吟身自喜摩胸絕點塵赤杖欲窮天末景
青瓊莫諱老來貧野塘鴨子能呼雨山寺桃花強笑春
却恠耽詩杜工部頭銜手版鎮依人

梧江冬暖足遊教況值春晴興倍豪善俗永懷元漫叟
論文粗似柳儀曹泉挑冰井烹香芥碑打羅池真蜜醪

陸堂詩續集卷本

欲賦終嫌非我土古祠煙月憶三高
斗室周遭薜荔牆鄰知人世有暄涼熟吟短律師王孟
偶作行書逼晉唐羈客踏青過柳陌使君移酒自耕堂
魚龍漫衍燒燈燭且盡今宵為樂方元夕徐南洲送席
市人迎燈頗盛

戲題紫羅蘭

蘭園春歸茁一叢越羅細翦紫玲瓏素心若肯藏空谷
袍色何勞借相公

郊遊得句

艇子尋詩興不孤漫誇六甲有行廚琴材挂壁空生蠹
魚眼浮波欲混珠狂客未嫌留故態頑仙何暇憶清都
終年自抱牀頭易用壯能如用止無

鶴令至午聞大風

何意鶴令鳥飛鳴竹瓦東天心原不隔物理自相通詩
愛陶公曠耳噴杜老聾高榕甚靈異晴晝亦生風

易學刊成賦謝諸公兼以志別

大易不受祖龍焚漢後經師昧厥旨幾人親眼見庖犧
罔識軒皇著筮始連山歸藏贊猶存後天配文據何理
焦京管郭一家言鄭王孔李彼善此瀟溪首揭太極圖
畫前有易究所以程理邵數各專門紫陽辭占合兩美
後儒蹈故或爭新難向寒泉稱嫡子我從朱義悟孔翼
十聖一堂證原委抗顏盡日講臯比抉摘菁英汰秕滓
寡過終身終未能辛苦成書歷二紀往者少陵客西蜀

陸堂詩集

九

長鏡托命空山裏艷說諸侯數賜金何若傳經訓髦士
聲公政績希古賢交情藹藹馨蘭芷孝穆文采耀珊瑚
梧州徐君敘九元龍豪氣矜嶽峙平樂陳君惕山州聖追蹤大令王潯州王君恕堂別
解善繼青神史河池史君來初疑義互析籤纍纍校正烏焉豎亥
豕本擬什襲藏名山寧期不脛走都市纂言肯讓草廬
翁弄丸竊笑瞿塘氏心源印合五百秋鋟版行持六千
里粵遊自喜富歸旋寶劍名香詎足齒

上巳對酒作

萬里懷歸一草堂重三節好暫飛觴寒生雨後巾仍裹
吟向花間紙亦香勝友談諧揮短塵老農歡喜揀新秧
風番廿四吹將盡始覺心閒晝自長

觀察王樓山招同憚南泉飲五層樓

飛樓直上啓窗紗檐瓦參差十萬家小雨也堪催播穀
阿香何惜暫推車午後開雷看雨甚快詎諧預擬龍山飲縹緲如登
博望樓遙睇海門餘夕照白波紅映木綿花

題樓山督運圖

玉粒東南貢賢勞仗蓋臣時任江安撫道溯洄青雀舫迤邐綠楊
津邁漢成渠速踰唐轉餉頻鞭撻渾不事決路播

皇仁

淮河今並瀆揚充舊連疆春漲逢三月薰風送萬樨吹
危村不絕浴鷺水中央與至偕同調高吟接混茫同年沈君

陸堂詩集

十

肇慶峽中書示摩青表姪

龍門一汎枕山阿屈曲牽舟豈畏塗三老呼風撐箬笠
羣兒防水繫葫蘆松生絕壁鱗尤活石在深淵眼不枯
迤北老坑視石最佳宛似浙東巖瀨景浮嵐暖翠情重摹

繫龍洲

維帝有息壤根與水沉浮伯鯀敢盜竊震怒羽郊回永
州龍興寺隆起東北陬夷者相率隕神愛寧繆悠迢遞
接蒼梧繫龍亦奇洲三江所匯聚赴海成奔流藉茲作
砥柱長使里井稠士子盛科名聿規風氣道我從羊城
歸小泊舒清眸雨止夾一沙石角森如矛高閣聳空際
榕陰環四周木棉已結子春景俄焉休苦旱須祈穰繁

露術未優神龍奉天符拘禁不自由既具中正德當為
億兆謀潛則波帖飛則雲油油時雨潤良苗山澤咸
豐收焉能困蹄涔鬱鬱蟠泥鯁

豆蔻花

樊川一語妙形容春杪花開喜會逢碧玉破瓜芽絕嫩
晶球結串影交重紅深帶笑應迷目香烈留仁欲沁胸
為爾殷勤張翠幕風光羞殺李桃穠

梧署接到 誥軸恭紀一律

立極逢元祀推恩賞玉除清閒半刺秩絢爛五雲書
贈婦詩還驗昔年贈婦有朝教兒望不虛得從大夫後以微仕
大夫歸路覓安車

陸堂詩集卷之六

為徐子山題梅塢舒嘯圖

放翁詠梅句最工相逢祇恠影亦好石帚暗香自度曲
寒碧西湖壓樹杪從此對花嬾著筆惟泛玉尊拚醉倒
君身本來具僂骨藐視榮名非所寶飛雲履配切雲冠
恣意山中拾瑤草上番竹枝太蕭森東籬菊朵略枯槁
那及羅浮絕代姿綠白朱紅點注小仙袞化蝶翅如輪
導引翩翩勝青鳥春光駘蕩一披圖使我心蓬幕地綠
預期踏遍四百峰香霧冥冥月皎皎

首夏喜雨作

郊前殷雷郊後雨淙淙簷溜枕上聞老農帶笠走相
良苗自此懷其新我無牧民守土責燕居亦釋憂如焚

蕉窗灑綠筠較翠占著得解膏寧屯董生醇儒頗好異
土龍鞭竹徒云云東坡志喜名亭子宜當仰戴天心仁

病齒

病齒妨眠食安心談苦空雲深難漏月樹老易招風理
得思維益氣資調燮功此身期稷契應讓杜陵翁
遺經差有味舍此復何求祇合除心雜無勞羨舌柔戲
魚聞潑刺蠻鳥叫鈎輈那得不歸去菱窩負好秋

夏景

綠陰俄滿地物象喜恢胎聖教探無隱天心宥不才螢
飛窗閃電蚊聚帳鳴雷銷夏宜清淨山居畫作來
柳池萍點化竹墅筍胚胎是物供詩料何人擅賦才冰

陸堂詩集卷之六

花浮古井雨氣結雄雷縱免形為役猶歌歸去來

鑒水

鑒水何殊鑒在民微風起浪碧鄰鄰世情故故添思怨
物用區區辨舊新蓄石久遭周客笑藏珠誰惜費胡身
筵簞小術吾無取古吉環生別有因

適我

適我休云樂意賒從渠老病日增加交梨有汁祛心熱
品鏡多綿助目花可與周旋惟古辣謂永
淳酒難禁聒噪是
官蠟南山雨後回青眇聊復拋書對品茶

靜觀

靜觀萬物本同羣格致無煩用力勤野草亦如庭草翠

紅蘭還讓素蘭芬天邊皓鶴能歸潔鏡裏鴟雞在尚文
鴉子老彭堪一視豈徒富貴比浮雲

無言

無言自昔勝多言見委於今即見源古柏尚容霜後獨
明蟾何取浪中翻樽空夢到華胥國蝶在神遊漆吏園
不學文殊惟一默長留易象証羲軒

輓徐南洲使君

宦況真同灘水清可憐五載最循聲心脾鬱結醫難療
羣紀交深淚欲傾陰盡歸期逢短至膏流夜雨祝長生
是夕大雨魂來豈必依藥社天上芙蓉有故城

司寇文芒燭紫霄額犀爭許繼風標啼殘惡鳥憎何益
塵堂青鬚未老

薰透名香瘴未消助我註成十聖易思君夢斷百花橋
鴻妻驥子悲無極嶺表喪歸萬里遙

遣興二首

娛老無長策閒忙意自殊撥雲堅即粟眠月小窗逢何
鄧非名士蘇焦盡飲徒末由生羽翰豈必戀桑榆

佛龕何寂寂池水故泠泠潭從開葉幽靜下臨荷池心領無邊趣天垂

半面青荷香翻雨蓋梵語通風鈴未許離塵埃吟節且
暫停

七夕賦得微雲未接過來遲

駕錦龍梭且放閒含情了不異人寰難教桂月圓今夕
望斷巫雲隔幾山碧落涼風猶剝暑白頭靈鵲漸成頑

如何一水橫衣帶終歲迢迢似玉關

早秋擬香山

故人有約來偏少臨水登山可自由楊柳丰姿惟在別
雁鴻生計不離秋洞中空貯書千軸天上長懸月一鉤
除却濁醪與麤飯翁今老矣更何求

秋風鳥

春三鼠化駕秋九雀焉蛤物理大難齊飛走鱗介雜我
來粵西俄三秋淡泊寧為口腹謀封川嘉魚偶下箸永
淳宿釀聊潤喉有客持贈秋風鳥云是柳江鯪魚形質
小不知何故感商氣一躍輕飛入林杪鮮新儘可薦賓
筵法製兼能貽遠道妄謂雋味由天然蜜漬糟泔總欠
陸堂青鬚未老

好黃雀披綿浪得名那許微禽矜嶺表

羊城即事

羊城暫艤木蘭艤崎岬秋濤勢擊撞旅況比鴻閒作戲
交情如醴細傾缸王梅治傳玉哥請前輩拾飲素馨幽怨埋花塚阿字清
規監海幢六瑩讀九歌俱盡蝕越壇空使客心降

與樓山觀察夜話率成三十二韻

忠孝植其綱窮達慎所與誰能遺友朋谷風感陰雨交
呂及攀嵇龍蹠並鳳舉同館六十人子淵獨心許閒談
劉井茶覓句豐臺鳴味淡情乃長才斂德可輔東院典
選公允矣佳吏部南牀凜霜清羣推殿上虎病軀乞長
假一別十寒暑空梁想月儀遠道賒雁羽宦境本無恒

視躬夙有主淮疆再轉漕連檣貢倉庾不才天畝食就
養梧江潯忝竊山長名仍與子衿伍故交近廬訪聞之
眉欲舞歲旱作甘霖俗疲戴德宇褰裳一來遊剪燭話
離緒說經窮日夕議事兼今古幸際

堯舜君爲民陳疾苦膝下有聖童哦詩熟老杜早達撞
煙樓何但繼名父尊鄉思轉深行矣別南浦殷勤把一
樽臨歧特致語夏月多颶風孤蓬滯逆旅籤程紀六千
觸熱亦何取相期屆新秋命駕爲僑侶庾嶺接洪都唱
予而和汝聆茲藥石言宜茹不宜吐重來挹霽光並坐
傾肺腑我衰慕臺向君材軼申甫承 詔觀紫宸燕喜
慶露滑江左最風流芙蓉開儉府

陸堂詩集

卷十

三

自三水抵始興道中雜詠

胥水清如故鏡臺景漸非圓碁穿篴落舟中竹篴方眼極細日影圓如碁子碎
雪逐篙飛眼倦拋殘帙秋涼御袷衣八月下旬喜逢王輔嗣始有秋意

談塵入淵微

佛舍因神運空靈據上游千巖紆素練萬古震潛虬足
塞難深陟心安得早休秋雲浮薄甚猶蔽月當頭

英石非吾好韶蕭異此聞天遊輪若士蠻語傲參軍艇
子浮三峽朋儕聚衆薰喜晤蕭廉堂同年張虛谷世好石尤風勢猛曾不擾

心君

丹霞稱福地翹首望江干勝事金曹布汭流水劇乾訪
僧緣未了題壁興俱闌樓山約遊水洞中止三笑留佳話仍從畫裏

看先公與沈丈茶星入升霞訪漁師繪有三笑圖

幻極觀音閣飛崖鑿五丁楊枝分露滴稻色轉蔥青人莫望雨
甚切一彈俄成寶三楓故有亭詩家何范在琢句破幽冥

泊橫塘村喜見新月

屈曲舟行日易斜煙村樹樹有歸鴉始興江上真如畫
况是初三見月牙

至南雄謁先祠敬識長句

祠在府署東龍護園左畔

先公刺雄十八載宋璟盧魚堪比倫竹馬兒童今耄矣
猶歌清德懷深仁丹霞下院號龍護供奉木主湘藻蘋
祠田侵漁存者半章縫典守環相循觀察惠臨具牲醴
肅拜始見交情真洪崖後身默可証忝姑抱送寧無因

陸堂詩集

卷十

五

鯉庭學詩誇蚤慧楊梅對客逾成人種玉亭子足嬉戲
白蓮香遠波鄰鄰角卅從兄返桑梓子生雖署九歲從伯兄成龍歸平湖茲來
鬚鬢渾如銀拙宦虛竊條冰銜貧老就養梧江濱授經
秀峰兩浹歲才俊往往稱朝珍倦游自東問歸路千八
百里行兼旬凌江終古好月色倚風念舊徒酸辛明晨
匆匆度嶺去子孫遠魏桐鄉民

過大庾嶺

兒時庾嶺停車處甲子環周又五年風塵曲江難再覩
古梅瘦影自翛然

名山大半屬僧家淦淦雲流殿角斜空認盧能放鉢石
未循香水問南華

下十八灘用少陵青陽峽韻

一江如游龍石勢頗悍惡章貢俱清流合韻非鑄錯九
曲啣尾來二華小斷削成宵狂象奔又疑飛星落裂帛
波未平激弩力不弱我行仗忠信浩歌振冥漠垂老研
諸經何暇探列嶽秋風生微涼捲盡雲衣薄履險心靡
驚憑高境始廓良坎兩闢奇客塗寧寂寞

再用龍門閣韻

坡老本仙才遭讒竄南土黃公訛惶恐自我堪作古文
山起義師九鼎懸一縷海枯血騰涌天傾骨撐拄矯首
懷昔賢濡臺颯風雨濁酒聊自娛妙繪隨人取暮年曩
行役蕭瑟微似庾湘灘三百灘視茲焉足數

陸堂詩集卷之六

同樓山和東坡韻

江艇同為利涉人行藏商略半由身寧輸郭太稱仙侶
不類坡翁愴逐臣山迥有時橫獨鳥波深隨處毓潛鱗
心亨自覺無夷險此地何嫌再問津

清江道中

高天無際遠山稀容與中流減石磯水漫難期茲土沃
堤堅莫謂昔人非黃檗藉草東西卧白鳥橫江下上飛
惆悵三年困佔嘒而今散髮弄舟歸

滕閣鼎新登眺成詠

傑閣能招日馭回茱萸愛翫掌中盃畫圖隔水摩挲峭
詩版成林委劫灰制府捐金垂不朽新洲剪火始無災

陸堂集卷之六 王筠 詞樓 沈約 今聯袂敢詡登高作賦才

章江舟次別樓山

老病辭山長懷歸詎可留相逢東道主為我具車舟稻
秀瞻田坂鴻飛度頻頭荒祠勞奠竿高義獨橫秋
欲別更何語鋒車指日邊心惟矢致澤道已合經權章
水波痕碧蟾光鏡樣圓西泠娛老處灘路尚盈千

鄱湖守風作

羣生憂倭擾二氣訢和平如何際秋杪乃類海暑行中
單御絺綌揮扇汗猶并或云恒陽若苗槁虞飢成子謂
歲無傷旅客戒遠征化機有定理靜者暫未萌驕陽不
自抑伏陰旋相爭翼午雷電至猛雨如盆傾連朝陡作

陸堂詩集卷之六

舟中讀湯子遺書

寒綈袍膚粟生風伯逞其威竹樹刀槍鳴鄱湖那敢渡
孤蓬野岫橫非藉盈樽酒曷由寧心情

一第馬足園三立堪流芳既解監司組猶拜徵君堂

蘇門孫鍾元 心惟慕濂洛口不訾陸王涵養極醇粹玉質
而金相復舉鴻博科史筆追歐陽江蘇財賦地官吏多
貪攘雀鼠易成訟花酒紛如狂撫綏及再葺風俗漸更

張尚書同北斗喉舌振天綱 入為宗伯 憂讒壽不遐士林
咸盡傷易名久乃定 乾隆元年 故里祠賢良行當繼三魚

從祀兩廡傍

山川有沉阻世情險過之感彼莊周言始然終復疑東

經呂梁洪懸流宅量端丈人能蹈水順性了無私西望
印邨山九折車輪欬叱馭者誰子忠貞矢勿移生初理
本直偽由習氣滋楚風仍剽悍齊俗尚和欺白雲幻芻
狗講張匪所思先覺詎易學效尤徒自卑遺書讀未終
霽月想今儀人詐待以誠要語良可師

行路難

行路難何必瞿唐三峽與夫賴水十八灘即此錦江玉
溪相距四百里石子斑斑清見底既吹劈面風又下淋
頭雨淺水作波猶深淵牽夫力竭愁難前長年三老搖
手呼停船羣山匿影莫可即村釀酸酣醉未得且借莊
騷豁胸臆嶺西久居濕熱攻右足不良須扶筇掉首歸
陸堂詩續集卷末

元

來已稱幸何心敢怨默宰之天翁

龜峰誼

翠色流龜峰頭黑雲瀾龜峰尾日落恐行人孤舟艤江
濱風聲如吼出林虎倚醉酣眠且適我義文易象已熟
觀知險知阻自平安免爾靈龜七十有二鑽

自草萍至常山重懷孔師

抹雷俄三歲停車飯草萍秋深風瑟瑟人老鬢星星入
粵裝無劍歸吳席有經辨香何處燕離立數峰青

過衢州傷同年柯南陔

湖寺重逢潑盞頻癸丑春同寓臨慶青瓊寒盡不生春亡年恰比

朱夫子陶鑄三衢得幾人

浙西四子半周殘惡耗傳來淚欲彈易學憑誰作元晏
故鄉樓指數才難

晚經巖瀨

嵐翠重重繪未真平生此地極知津半規照我關山月
一盞醺人荔子春老屋漫勞香薦菊高臺耐可釣垂緇
年衰濟勝渾無具合抱遺經作隱淪

江舟歎

行盡常山麓買得江埠舟水既不盈尺風還遭石尤寸
進有若拔蛇難半日纔過三里灘茲灘幸無虞餘灘焉
足齒但愁佑帆來續續類啣尾浙東佳景七里灘釣臺
突兀乎其中井西道人留妙繪好事往往指吟筇我昨

陸堂詩續集卷末

元

出瀧風力猛雙櫓爭搖勢不穩佳景由來即畏塗浮生
到此發深省暝鴉啼樹宿桐廬纖纖白月挂一梳二更
風報忽焉作江涌如雷聲聲驟蓬窗窺簾直達明搔首
問天天漠漠恒言故鄉好路窮亦悄悄三年佳粵西授
經希一飽風洞颺颺長作寒徹裘披體差晏安廣南濱
海多颶風春秋兩度喜不逢十八灘梢說惶恐輕颶底
用生遙悚誰期浙水滯歸航雨兩風風連夕狂前多猛雨
坐以險夷順逆寧有常陽侯波起幸而免對酒高歌聊自
遣本性孤清甘守貧況是霜巔畏染塵曷不趨然魯甫
里閒弄漁竿採菊杞蘇湖淡遠作近遊南限錢唐北揚

子

閨重陽後四日抵家作

扁舟計日返衙門尚有黃花對酒樽
小聚高陽題畫幅娛心竹馬兩曾孫

秀峰弟子半元魁歸興都緣白髮催
自笑老年迂拙甚名花一種不攜回

陸堂詩續集第六卷終

陸堂詩續集

卷六

幸

陸堂文集二十卷詩集十六卷續詩集八卷

浙江巡撫採進本

國朝陸奎勲撰奎勲有陸堂易學已著錄是集前有
自序謂在長洲汪琬秀水朱彝尊之間其文內序
問考辨諸篇亦頗博辨然說經好爲異論於近人
頗近毛奇齡尙不及琬與彝尊也

唐堂集五十卷補遺二卷續

八卷附冬錄一卷

〔清〕黃之雋撰

陝西省圖書館藏清乾隆刻本

附《四庫全書總目·唐堂集六

十一卷》提要

自序

梁阮孝緒爲七錄四曰文集隋經籍志因之有集部而曰集之名漢東京所創蓋指班史某人文幾篇某人賦幾篇詩幾篇而言實後人集之齊梁間始有自爲集者王筠自撰其文章以一官爲一集張融自名其集爲玉海江淹自撰爲前後集是也唐分四類與經史子配集部在丁始有倣子建前錄以自序其集者元結文編李商隱樊南甲乙集陸龜蒙笠澤叢書孫樵經緯集是也儒者師古專而從經史子之類雜而從集之類藝文一也雖于道德事功未逮而其指歸不謬于聖賢則千古

唐堂集

自序

不廢矣予業儒誦聖賢之言俯仰時物流行昭著成性情所繫屬習藝文知語言文字古人之所以用心湛溺數十年久而猥積蓋嘗屢證益友參裁已見刪爲五十卷卷分體體各次歲時爲先後附冬錄一卷前目一卷曰唐堂集當潮從子法請以存而予已老矣老則志懈氣衰氣衰則苟自足志懈則不自檢念一生與此事相始終海寧陳文簡公爲詩文知己三十年不渝晚倖一第蒙聖祖擢入翰苑繼以代言受知世宗爲侍從臣

今上紹行制科錢塘徐公列疏薦舉竊愧腐儒遭逢

君相爲古人盛事然而嚮未敢出之者一恥心恐尙玷
缺於古一侈心欲更精進於古今則兩心消而底蘊罄
矣儒者師古必也言之也有物立之也不朽根性發情
理通而氣充法密而神動志足而辭文語必已出字有
來處若是者古之人乎而吾未能信其能一焉否也享
于家者護所短懸于市者炫所長嗤者輕之以覆瓿賞
者重之以秘帳我不爲其護與炫者道也我爲政也而
聽人之嗤與賞者命也人爲政也輕重短長曷逃權度
乎是故不汲汲求人序之而自序之以徐俟之乾隆六

唐堂集

自序

年辛酉歲冬十一月甲子

唐堂集

二

總目

唐堂集五十卷

補遺二卷

續集八卷

冬錄一卷

吾師唐堂先生前後集其六十卷冬錄一卷皆手
定先生行古人之道爲古人之文以文章名當世
久矣世莫不誦而慕仰之曰唐堂先生今文章伯
也然先生之於文章自有原本平日孳孳爲學一
稟程朱卓立不惑深疾夫陸王釋老之說中於高

唐堂集

總目

明而流弊不可止也見於口講指畫又著之於文
闢提正學排軋邪論不遺餘力散在集中可攷中
年讀朱子書意欲有所撰述而不果蓋夙以標榜
道學爲戒潛心力行自少至老自處家以至服官
一以忠誠篤敬由是蓄積光大浩乎沛然雲霞舒
而金石奏萬象俱備夫豈無本而得之哉所以優
于人而可傳之永久不廢者其相信誠在於斯先
生終于乾隆十三年正月甲辰年八十一嗚呼先
生文章爲世作程不待表章而自顯赫於來葉惟
其行古人之道爲古人之文文章不足盡其蘊也



述所聞見以俟君子論定焉門人王永祺謹識

唐堂集

總目

二

唐堂集目錄

卷一

賦一

巡狩吳越賦 并序

石榴花賦 有序

二金魚賦

白鵬賦 有序

雨賦

南巡賦

卷二

賦二

祭賦

秋意賦

擬陸士衡文賦 并序

言志賦

唐堂集

目錄

一

菊賦六首

種菊 灌菊 載菊 對菊

訪菊 采菊

海寧觀夜潮賦

鶴賦 有序

陳朝雙檣賦

白燕賦

彝倫堂賦

石上青蘚賦 有序

螢火賦

連陂懷謝圖賦 有序

卷三

頌

西征頌 并序

學宮造士頌 并序

寶歷頌 并序

三頌 有表 耕籍頌 臨

萬壽頌 并序

河清頌 并序



騷

園中辭四首

有序 種竹辭 種瓜辭 種豆辭 種菜辭

送難羅

有序 贈三吾 有序

頌風伯

有序 小招 有序

卷四

制草

恭擬

康熙大行皇帝廟諡冊文 封

孔子祖爲昌聖王冊文 怡親王冊文

履郡王冊文 多羅貝勒冊文

唐堂集

目錄

二

固山貝子冊文 熹妃冊文

封富寧安一等侯誥命 恭擬

聖祖仁皇帝中元祭文 恭擬

大行皇太后上尊諡祭文 恭擬

大行皇太后安葬祭文 榮妃祭文

追封和碩公主祭文 高天爵祭文

覺羅歪三母那拉氏祭文 追封

皇太后父母碑文 贈太師佟養真碑文

贈太僕卿高天爵碑文 福建陸路提督加贈太子

太保黃陞碑文 王府長史額爾德黑碑文

卷五

序一

手鈔四部書序

路舒馭松籟集序

韓孟李三家詩選序

功過格序

也園送春詩序

有學集詩注序

宋文嚴詩序

呂丹錄詩彙序

謝皆人畫溪西堂藥序

儲沅雲浮青水榭詩序

朱江佩兩粵遊草序

顧小厓九歌解序

續金壺記序

丁晴川詩序

桂羅壯遊集序

書目序

唐堂集

目錄

三

沈氏鉅經堂遺集序

卷六

序二

服膺堂琴譜序

姚衡麓詩彙序

徐媛詩序

周翁歲餘詩序

擬 御製千叟宴詩序

四焉齋會課序

關凌雲詩義序

閩中校士錄序

李元仲錢神志序

李含奇鄧尉山房彙序

黃賓君道山集序

沈氏家譜序

後書目序	黃方偉時文序
昭文縣孝墓序	百春詠序
般若庵樂府序	
卷七	
序三	
酣吟集序	惜分行樂圖序
管窺偶錄序	四香樓集後序
讀史百詠序	嘉蓮詩序
重刻雙峯集序	獨立蒼茫圖序
女士集序	江南通志小序十首
唐堂集	目錄
春秋職官考略序	左傳人名考序
任太君壽勅序	就正集序
平治莊集序	
卷八	
序四	
百歲翁贈言序	楊東野遺集序
學庸千問序	篆學三書序
王忘菴遺集序	西湖志序
陳乾初先生遺集序	山舟詩集序
雲思館詩鈔序	傳耕堂遺集序

路氏譜序	建草堂詩序
舒嘯齋詩序	陳氏齋寧詩序
卷九	
序五	
陳宮傳愛日堂詩集序	穆堂先生全集序
顧侍講小像題詠序	四書大全註疏增刪序
左傳翼序	醉白池詩序
晚唐三傑詩茗類集序	詩經叶音辨譌序
古香閣詩序	玉屏詩鈔序
松桂讀書堂樂府序	洪竹山房集序
唐堂集	目錄
勝朝邦彥畫像序	陸堂文集序
衛氏世譜序	盧文子稀餘留藥序
王直夫江湖閒吟集序	
卷十	
送序	
送宋魯若序	送陳孚中序
送許子遜之西粵序	送王檢討給假還金壇序
別宋介山序	送蔡生北上序
送趙丞之湘鄉序	送馮少司寇序
送王給事視學廣東序	送蔣旌授歸里序

題春暉圖送顧中翰南歸序

送陳和叔之山東序

送程元叔之閩序

卷十一

壽序

壽賈翁序

壽鍾君六十序

壽郁覺關六十序

許翁八十壽序

河南張臬使六十雙壽序

代

錢少京兆六十壽序

代

年太公八十壽序

王樓山副使五十壽序

華豫原六十壽序

黎文學八十壽序

蘇母徐太君七十壽序

唐堂集

目錄

六

唐節婦張氏五十壽序

卷十二

記一

冬夜雨寮記

重修求忠書院記

桂林育嬰堂記

重修華掌書院記

武南書院記

代

黃公堤碑記

代

唐堂記

冬夜雨寮後記

小瀛洲亭記

閩學使題名記

重建澹臺書院碑記

洛南橋塘碑記

奉賢縣藉田先農壇碑記

一團施氏家祠記

卷十三

記二

江寧李氏宗祠記

奉賢縣浚青村城濠記

慈齋記

東壁記

大教場演武廳記

醉白池記

御書雪詩福字記

先編修公遺扇記

飛鴻堂記

松江汪郡侯去思碑記

福菴義田墓碑記

松江府學修建大成殿記

卷十四

遊記

唐堂集

目錄

七

遊鷹窠頂記

登岳陽樓廢址記

涪溪記

泛舟瀟湘記

獨秀山記

遊隱山記

再遊涪溪記

遊豐臺記

遊金陵城西北記

遊莫愁湖記

西湖遊記六首

卷十五

傳

陶宅四隱傳

高唐二先生傳

虎媼傳

楊義士傳

釋大涵傳	李烈節婦辛氏傳
詹明章傳	汪氏父子傳
陳烈女傳	林賡君傳
黃貞婦傳	
卷十六	
論	
荀卿言性惡論	李翱言復性論
姜伯約論	修寺論
杜伯射王於鄆論	隱逸貞靖先生傳論
議	
唐堂集	目錄
錢法議	八
說	
顏厲說	屈原說
明堂五室九室說	化石說
春秋列國說	味經高說
撲火說	
卷十七	
雜著一	
謝巧文 有序	微勾龍文
擬弔古戰場文	奏彈彭瑒兄弟文

戲代文房四子辭別箋	書二女殺三盜
書郭道士祈雨	書孫延齡事
廣西諸蠻志	土官志
卷十八	
雜著二	
學政條約	闡任摺子
明史建文遜國	明史鐵鉉守濟南
卷十九	
雜著三	
答江南志議	黃墩辨誣三首
唐堂集	目錄
紀今吾夢	裘客主人
卷二十	九
雜著四	
詹言上篇 有序	
卷二十一	
雜著五	
詹言下篇	
卷二十二	
書	
設李廣與衛青書	設山濤答嵇康絕交書

答路西駕書	與家廷宣書
答呂丹錄書	答許子遜書
答陳生登江書	寄易師田侍御先生書
答宋山人書	答蔡少宗伯書
與喬撫軍書	答沈子大書
與張孝廉書	答胡舍人書
卷二十三	
題辭	
杜詩鈔題辭	題瘞鶴記
題管子	題荀子
唐堂集	目錄
題韓非子	題劉蛻文
崆峒文題辭	題書譜櫺本
題嚴滄詒畫龍	題研旅壽冊
題曹生摹印冊	黃元杜澹園文鈔題辭
雕蟲集題辭	題沈東亭所藏書畫扇冊
題徐今吾手書詩卷	題顧小庄冊子
題張實甫畫卷	尋梅草題辭
西湖集句題辭	黎生詩題辭
豐溪存藁題辭	題家訓珍言
張檢討黃山卷題辭	沈元望印譜題辭

題朱初晴畫冊	題胡孺瞻遊藁
宋貞女詩文題辭	題海寧相公墨蹟二首
吟風詩題辭	邵君遺集題辭
題靜庵詩鈔	題天慵子
卷二十四	
跋	
國語跋	陋室銘篆刻跋
跋顧良哉冊子四首	跋蘭亭帖
壬申文選跋	羅浮紀遊跋
跋文衡山書卷	跋督運圖序
唐堂集	目錄
跋辛丑題名記	朱初晴緩步園記跋
書鄒侍講吾過篇後	林大僕履歷圖跋
跋省心錄	大歷十才子詩跋
高小湖檢書行跋	
箴	
五宮箴五首 并序	
贊	
劍池贊 有序	詩神贊 有序
自題小像贊	鍾馗食鬼圖贊
魁星贊 有序	傅節婦贊 并序

長史庶常遺像贊	明工部郎中單匡廬像贊
和鳴圖贊 <small>有序</small>	自贊小影二首
奉賢徐令像贊 <small>有序</small>	詩興閣主帶經圖贊
增壕小像自贊	又贊
神農畫像贊	
銘	
器銘四首	時巖銘 <small>有序</small>
賜視銘 <small>有序</small>	眼鏡銘
墨牀銘	煙笛銘
卷二十五	
唐堂集	目錄
墓表	十三
誥封儒林郎翰林院修撰待贈資政大夫程公墓表	
敕授文林郎翰林院庶吉士吳君墓表	
墓志一	
先考府君權厝墓志	殤子墓磚銘
誥封一品夫人劉氏墓志銘 <small>代</small>	
唐孺人墓志銘	任憲英墓碣
懿孝女墓銘	敕授承德郎刑部雲南司
主事監理河務程君墓志銘	
誥封太宜人林母力太君墓志銘 <small>代</small>	

卷二十六	
墓志二	
顧湘南墓志銘	翰林侍讀趙公墓志銘 <small>代</small>
先考編修公遷葬墓志	家贊侯墓志銘
張快亭暨配吳氏合葬墓志銘	
誥封中憲大夫累贈昭勇將軍陳君暨配杜淑人合葬墓志銘	范秀才墓志
卷二十七	
行述	
伯兄行述	敕封孺人亡室王氏行述
唐堂集	目錄
祭文	十三
哭路西駕文	祭覺羅滿總督文
祭鶴臞陳師文	遙哭宋介山文
哭殤孫光義文	中元祭孫光義文
祭海寧陳文簡公文	
卷二十八	
四六一	
惜分陰賦	萬寶告成賦
爲吳父老賀	萬壽表
爲浙督謝 賜	日月合璧五星連珠賀表

聖祖御製全集表	芙蓉塘紫藤花詩序
鳴春草序	九日閒園訪桂序
關侯文獻集序	壽陳相國集唐詩序
徐位山湖居詩序	菊影倡和詩序
送雁黃上人遊羅浮序	與路舒馭乞貓啓
元夕謝表兄鼇燈啓	冬日謝許湛明惠茗啓
與謝皆人啓	答高制府尹程二撫軍公
聘修志啓	與宋大參澄溪書
答沈學子書	
卷二十九	
唐堂集	目錄
四六二	古
壽陳撫軍序 <small>代</small>	張泉使六十雙壽序 <small>代</small>
陳母王宜人五十壽序	曹巢南七十壽序
代花縣送施明府歸雲間徵詩啓	
徵何母六十壽言啓	徵宋大參七十壽言啓
徵馮母壽言啓	徵邵母陸太恭人壽言啓
徵王槐軒五十壽言啓	
卷三十	
四六三	
戲賀燈戰勝書 <small>有序</small>	戲檄蟋蟀

討白髮檄	試石門士子檄 <small>代</small>
王鉤斜銘 <small>并序</small>	駁徐文長讀絳記判
跋王韓傳	黃寓莊先生誄 <small>并序</small>
路孝廉誄 <small>并序</small>	陳母宋夫人誄 <small>并序</small>
祭曾秀才文	公祭張京江相國文 <small>代</small>
代桑太宰靈壇祈雨文	代浙督撫祭海神文
卷三十一	
古樂府	
雞鳴	步虛詞
塘上行	悲歌
唐堂集	目錄
日出東南隅行	對酒行
陽春曲	東飛伯勞歌
江南五首	猛虎行
獨漉篇	野田黃雀行
攜手曲	古離別
烏生八九子	秋胡行三首
獨酌謠	雙燕
淮南王篇	邯鄲才人嫁爲厮養卒婦
巫山高	薤露
結客少年場行	權歌二首

白紵舞歌	上之回
君馬黃	碣石
秋風辭	
四言古詩	
洪烈節 有序	江之石 有序
稚竹 有序	夜行八章
閩路五章	大江四章
蠶之食葉	詩者何爲四首 有序
摘荔	
卷三十二	
唐堂集	目錄
五言古詩一	去
雜興	雜詩三首
馬鞍山古洞	避暑古墓
月下	幽憂三首
乞雨詩四首 有序	乘月登燕子磯遠返
八月十九夜登虎邱遲郁宣夏楊彤士不至	
答陳叟	愁霖曲
答鍾廣思	躬耕
王五舅爲我督耕東阜風雨晚歸勞以詩	
大風雨聞海嘯之異	羅將軍詩 有序

巳卯歲人日同廣思訪履階上人	
白髮一莖	詠古二首
情詩	旅中苦雨書壁
補雜體詩三十首 有序	詠懷
寒夜	
卷三十三	
五言古詩二	
蠶女	遣緒五十韻
感興	潘氏姊妹雙節詩
答寄顧良哉	宣城梅淑伊投滿聽樓詩
唐堂集	目錄
陳儀部招遊西園觀荷三首	七
平山堂	渡淮
舟行漫興	謁仲衛公廟
題吳季子挂劍處	白楊
病寓泊頭鎮陳院長書來賦此却寄	
周寒谿太史惠投印須集賦贈	
投贈查悔餘太史三首	寒谿索詠蝦蟆石用昌黎韻
韻	辛卯歲秋將適粵西答陸
勉之送行之作	寄謝皆人
寄儲禮執太史泥雲孝廉昆季	

信陽州用杜陵發秦州韻	新鄭古槐
獨秀山	桂山
棲霞洞	劉仙巖
白龍洞	舜山
隱山六洞	水月洞
還珠洞	堯山
粵中送范耕南旋里葬親兼寄春江澱山	
送朱江佩	紅葉
癸巳歲五月再往粵西道出嚴衢用康樂韻三首	
舟泊南昌夜雨同雁黃上人談	
唐堂集	目錄
徐叙九擬攜榼滕王閣不果其夕招飲舟中值暴風雨	大
一	予自四月辭家赴粵既歷
五今六月尚在途中悵然有作	
黃昏暴風泊舟大江口	兵書峽
甲午歲人日登疊綵獨秀諸峯	
桃李花	答毛進士姬潢三首
湘水	
卷三十四	
五言古詩三	
路舒馭招賞菊花以采菊東籬下爲韻五首	

刈圃中草	灌王瓜籬豆諸蔬
舟夕	合江亭次韓韻
放言	浣影亭分得山字
又得溪字	寄陳六坦之
酬沈厚餘太史三首	送陳進士聞野
顧小厓會試歸以予久無音問到京師疑已不在人間	
一見宋文嚴遠問訊告以無恙始及他語宋述之因賦	
此	曹謬廷過寓齋夜話
聞陳師洛逝	寄丁二荀侯楊二十七東
野	懷儲五汜雲謝二皆人
唐堂集	目錄
昔有老鳳凰	家居接大司空公手書
春暉堂寒夜小集	答贈查中翰
釋褐日謁	賞菊
聖廟行禮恭紀	得沈子大書
勝雨	未至泰安輿中作
日落西南隅	寧化道中雪二首
楊柳店曉發	次陸勉之韻長溪道上
贈曹謬廷歸里葬親四首	雨行
白石渡次韻	詩境
鷺鴛塘	

鴻雪齋

東壁山房

宋介山投歲底詩次韻奉答

鼠銜墨

遷居城西谷陽橋庭有老

梅一株

戊申歲臘月庭梅盛開

題姚西孝廉臥龍松下小照

已酉歲三月三日舟次青浦

次日大逆風

朱鳳翔挽歌

瘞筆

庚戌歲重陽後四日邀同

人遊橫雲山二首

小赤壁

夜登天馬山

次日遊細林山

唐堂集

目錄

手

至奈山憩宣妙慧日兩寺

絲東奈騎龍庵繞出山背

至沈氏墓舍問途塢巷而返

送盧二月川之武林四首

食蒿苣莧

有示

卷三十五

五言古詩四

論詩二首

夏霖篇答徐今吾五月風

雨苦寒之作次韻

復雨疊前韻寄陸香林徐

今吾

今吾例押前韻答予夏霖

篇復疊往代柬

香林一日兩示步韻詩即

倒用韻答之索其再和

雨中頻得陸徐疊韻詩賦

此止之

前詩去後陸徐適各有詩

來興不能已復答

香林又疊韻頌予仍答其

意

今吾又寄喜晴詩至時方

雷雨

又答香林見寄

次邵編修北屋寓館種竹韻

寫邇州李心構題乾坤一草亭圖

小山詩

有序

送尹制府入覲六首

吳侍御招集五柳園

舟行卽事

宮傳陳相公寵貽五言手書綾幅步韻奉酬

唐堂集

目錄

主

孤山放鶴亭

上韜光未至

六橋

訪參寥泉

葛嶺

日日泛舟

今吾投近詩數篇戲步其險韻一首奉答

張文五書墨荷野兒詒予題詩云好對玉堂翁亭亭水

鏡中一泓涵未盡見藻夕陽風意寄遙深賦九韻報之

題朱龍田秋吟三首

欣善堂文讌

顧小厓編修告假歸里燈下過我小飲

乙卯歲正月十三日雪後大晴是夕宮傳公張燈設宴

於愛日堂飲罷賦別

元夕宴會浙制府署

題小山梅樹	封司寇張公同顧太史在西溪招觀梅花日疾不得往繫括答柬語爲詩
庭前盆栢高三尺小鳥巢其中	掃地
題老樹軒圖	渡江
紅花埠曉發	驟輿
墨香樓眺雪	盆景有六月雪者枝幹三寸許夏秋開小白花甚盛不已感其弱植微命違時標
漁貽以五言	醉白池識集
登高	秋圃
唐堂集	目錄
戊午歲首春集醉白池	元夕雷雨
秋早請雨得雨	越七日又雨
賦得和靖妻梅	雨舟過嘉善懷陳明府
霜暖	庚申歲正月二日大雪
次早雪未已	誰謂
卷三十六	
七言古詩一	
鴈鵝	易水歌
月下歌	大風行
冬雷行	日食行

題林良孔雀圖	雨中採豆歌
迎神曲	落花行
崑山晤家萊友廷宣話舊用陳檢討詩韻	贈友納姬用前韻
同路西駕訪梅鍾氏廢園	疊前韻
甲戌歲暮感懷疊前韻	獻歲苦雨元夕始見皓月喜賦倒押前韻
螢燈曲	蹋鞠行
夜雨屋漏起坐有述	杜梨行
鴻門歌	書雙松歌
題十二雀圖	帥府燈火歌
唐堂集	目錄
風雨怨歌	吳宮篇
路舒馭招設石首魚	打穀詞
秦淮曲	送大兄之補陀
雞冠花歌	狎虎行
琥珀船歌	鹿尾
催花詩	小桃源行
燕歌	竹米歌
桃樹開棉花歌	海寧聽潮
觀潮	
卷三十七	

七言古詩二

次楊東野韻贈之兼索新篇

陳宮詹公謫查德尹太史於雙清草堂予與東野與坐

明日東野以牋索詩疊韻賦寄

東野許疊韻見答久不至戲促之

得東野秀水署中札并疊韻詩復往一首代東

賞移堂觀黑猿孔雀

舟中語四首

瓊花曲

功德山觀音寺是隋帝迷

樓故址

舟阻淮關對月

東八牖歌

招漁人

唐堂集

目錄

吉

中八牖歌

西八牖歌

刺梅園古松

長歌答陸勉之

陳世南太史招同顧俠君查學菴恒侯汪顓三飲丁香

花下

少宰公招集豐臺觀芍藥

儲汎雲用予招漁人韻爲詩見贈次答

風歌

雨歌

水碓

熱遊歎

夜篷歎

飲袁州葛使君郡齋賦贈

次日避暑郡齋夜飲至雞鳴始別

望嶽

湘江行

操舟歎

獮女歌

灘舟將發毛姬潢出送貽詩筵賦酬

東王公歌

忠藏作

湘江

送丁二荀侯之南寧

丙申歲三月初五日同人賞桃花

初六日復飲花下

初七日雨窗對花小酌

初八日飲丁晴川齋

初九日餞花

澄懷堂賞桂

贈樓靈川

卷三十八

七言古詩三

唐堂集

目錄

圭

月夜聞鶴

王進士愚千尊人雙壽詩

答梁仙來

沮洳行

題朱工部鹿田長松消夏圖

遷寓名其齋曰鴻雪

送吳觀侯歸閩

移寓

次老杜偏側行寄外城諸

同年

渡水

風吹傘嶺松樹歎

後松樹歎

孟春二十二日夕

途中大雨

挽舟嶺

雨

送馮夢巖之開州任

題高侍郎指頭畫魚

秋園歌

雨

騷興行

次韻徐今吾庭中牡丹花

歌

連理紫薇歌爲廖明府行

素賦

寄賀何孝廉履上得子

過張封君增射園已遣力送酒至舍復留小飲玩秋色

題胡孝廉泰舒秋山射獵圖

禽言

題棧道圖

姚平山却薦詩

題張子重所藏宋石門書

松竹

仁壽峯歌爲張吟樵作

題王宮贊志山萱庭侍養圖

唐堂集

目錄

美

月夜舟行口占

題高彥敬秋山圖送顧小

厓入都

趙主簿東籬詩

酬今吾貽蜀椒一株

題奉賢舒明府節母冊

庚戌歲清明後六日舟行大風雨

又四日歸舟晴

疇昔篇寄焦徵君

飛鴻堂梅花歌

題雲山無盡圖卷子

題趙子昂畫

題朱初晴畫關雉

盆松一株移植小山

卷三十九

七言古詩四

丹陽小驕

興化太守歌

題江船證會圖

題春明需役圖

華豫原寓樓觀塢燈

高座寺白牛閣觀梅花是

日間聞孫殤北崖挈我解憂至此

又過永興寺觀梅

張氏雙節詩

清涼山莊圖歌爲王進士符躬賦

江寧送李闇成使君

徐今吾得子

題王太史漢階桐陰小立圖

風潮歎

海嘯歎

迂老行

送任翼聖會試

唐堂集

目錄

毛

答寄焦徵君

天一酒歌

黃山松歌

答張文五

小山歌

題馮少司寇書載松圖

乙卯歲立春日大風雪時在海寧

答珠巖

無米歎

深秋梅花

高小湖八十得子

京師寓雪同蔡孝廉立甫小飲

次答馬九員外招飲不赴

石刻陳搏書福字歌

題謝侍御石霖首夏軍中學易圖

贈馬墨磨觀察

荏平道中見刈麥

車中歌	蹕車謠
池上篇	愁霖篇
舊歌	甘雨
冬歲歌	已未歲九日宿潁月軒
鄧學使索題王石谷摹李龍眠鳴泉圖	
書蘭歌次韻答僧寄舟	苦晝短
贈侯主簿	觀競渡歌
敬盧松歌爲家魯望賦	看花
卷四十	
五言律詩一	
唐堂集	目錄
登報恩寺塔絕頂	賦月
送友	寄程着山外兄於咸寧
五言效梁簡文體二首	夜發燕子磯
甲戌歲春日	書齋晚雨
丙子歲秋羈郡城暫歸所種菊盛放旋復出門賦詩別	寓齋親菊
曉征愁普照寺	暑夜
秋夜	遊韓園
贈裴修承舍人	夜思
雨舟夜泊	
喜雨	已卯秋感雜詩三首

詠昭君	贈杜將軍松如
詠雪次路舒馭韻	庚辰夏日卽事
大風雨	歸船
冬暖	雨中雜詩三首
夏日	鵲
人以鵲充鵲食諡之	江郊
雨夜	樓上
舟中賦得之字	夜泊得眠字
江上野步得蕪字	酒後雜杼歌泣八首
丙戌歲花朝雨	春夜
唐堂集	目錄
夏夕對雨	芭蕉
夏日詠風	夏雲
丁亥歲元夕飲愛日堂觀燈同席有蘇松常人	
夜雨不寐示呂丹錄時大旱	
八月十四夜陳宮詹公招同諸子賞雙桂於南樓楊東	
野先去卽事寄憶	九日訪桂閒園
宋文嚴攜詩卷相質	泚溪夜泊
儲沅雲示浮青水榭集賦贈	
爲客	和雙清堂詩題十八首
五日旅興	野泊

出京口	豈不
初寒憶度兒寄食友人之塾	
初霽	是夜月明微步
庚寅歲八月北遊四首	登江天寺浮圖絕頂
金山三首	遊江都員氏雷氏園四首
露筋祠	寶應縣碧霞元君祠
漂母祠四首	懷楊東野朱南州陳方大
以試事在杭	卽事
燭花	東昌鄧氏見山樓
中頂西南一區具水木之勝	
唐堂集	目錄
眞定過趙子龍故里	方順橋柳堤
許穎道中	信陽道中
江行雜詩次工部發秦州韻二十首	
卷四十一	
五言律詩二	
全州道中古松數十里	桂林雜詠四首
碧堂坐雨	復夜
阻淺散步	聞城君廟
樟樹鎮阻風	舟泊瑞洪狂風微夜
舟飲拇戰	北蘭寺

泊舟散步	舟行熱甚遣悶作詩八首
中山滄	暑月浮湘無如今夕涼美
賦詩酬前苦熱之責	濯足
夜泊	晚眺
甲午歲正月十日出桂林城南見李花盛開	
流影亭夜飲	江寧喜晤胡襲參謝皆人
乙未初春病起小步庭中	向過鄱陽湖尾皆巨浸今
由瑞洪出湖狹岸可步趙家漚已涸迂道柳林	
飲王寶傳修撰寓同許子遜	
送族兄宗夏之柳州帥府幕	
唐堂集	目錄
舟行二十餘日風雨今辰始晴和二首	圭
泊南昌大風雨	瑞洪
登嚴州北高峯	舟中無酒
蒸賦 御製沙柳暗藏橋	寒月二首
宜休堂詠燈	送樓敬思之任廣州
送徐武三之昌黎任三首	寒月
庚子冬病中雜詩六首	凝園文讌
送沈子大庶常告假終養二首	
送王進士隆川三首	寄呈趙秋谷先生
送魯啓人歸養	壬寅歲除夕立春

賦得宮漏出花遲	綠雲書屋坐雨
送元允修之阿迷州任	勵滋大關東院地雜植時
弄喜賦四首	七夕雨飲張東亭太史齋
宿起居注館	趙北口
曉行	泰安州遇雨
竹	仙霞嶺
入閩	南靖道中
自羅源縣至福寧州道中作六首	
白鶴嶺俯視白雲	將至龍溪林橋可愛
武溪	路旁梅花
唐堂集	目錄
永定道中二首	車田嶺
汀州官舍二首	曉路
夜行興中口占得六首將至泰寧縣	
贈	小鳥
豐樂過渡	上巳日
宿太平驛	丙午清明二首
浮雲	諭士
延平舟次	萬石灘
梨嶺	江郎石下
白鬚	太山

卷四十二	五言律詩三
枕上	修明史列傳
閨戶	贈宋介山二首
答介山見酬次來韻	陶然亭
次韻別介山	出都
歸路	獻縣道中大風雨
謁羊叔子祠	舟中枕上
不寐	戊申歲夏日閒居六首
聞歌	牆下雜蒔秋海棠淡竹葉
唐堂集	目錄
齊作花	曹諤廷半涇雜詩索和四
首	賦得燈影看鬚黑
次韻答朱初晴二首	已酉歲人日
穀日	早起時欲往鄉
舟行黃浦逆風巨浪	過南橋
依韻酬徐今吾見寄時在陶宅二首	
題陳氏三蕉書屋	冒雨登細林山
送吳滌川試宰粵東	四更起見月
新年	今吾招飲古春堂
六月二日又雨	泊舟弄珠樓懷陸坡星

家昆圖侍郎招同邵北崖飲寓園	寒夜小集次韻	曉發	陳方伯招同邵編修王檢討周教諭飲瞻園	分詠桃李堤爲華豫原	舟有會稽官人題詩用韻	晚泊	喬撫軍留飲同僉庶常	同王觀察沈太守飲蔣太史西原草堂	約華孝廉同赴秦淮舟過	唐堂集	目錄	無錫暮雨不及造各命儻相問	題淳化旅壁	金陵姚程張三君邀集許氏亭館觀牡丹用少陵詩韻	贈徐大中丞	西湖寓樓風雨眺望三首	賜硯樓坐雨	丙辰歲清明喜晴	旅宿	贈盧侍御	別閩中門人	別都下舊知
---------------	--------	----	-------------------	-----------	------------	----	-----------	-----------------	------------	-----	----	--------------	-------	-----------------------	-------	------------	-------	---------	----	------	-------	-------

張東亭折贈建蘭供瓶	丁巳歲中秋雨	貽陳方大編修	錢通政舟中夜話	嘉平之望爲臘盡日偕顧	侍講蔡孝廉遊橫雲宿張司寇青來閣三首	戊午歲九月壬子夜震雷雨雹大傷稔稻乙卯夜驟雨	井溢自此陰雨匝月未傷之稻亦朽作甘到口天忽奪	去後且及予以詩呵壁	青村寓舍牡丹未殘	風雨	閒居四首	黃雪山莊	贈鄧學使海廬	無錫昭華豫原于南野草	偶拈十一尤韻三首	唐堂集	目錄	堂	庚申歲驚蟄日晚大雪	吳閭晤盧抱孫運使示新	詩時有塞外之行	寓楓橋法華禪院	劉讓宗墮水詩	卽事	鄉行夜雨野泊	張勤旃蔣畧栗麗春滿庭	卷四十三	七言律詩一	擬迎	變詩	納涼	春草四首	孤村	柳花八首	丙子歲書事二首
-----------	--------	--------	---------	------------	-------------------	-----------------------	-----------------------	-----------	----------	----	------	------	--------	------------	----------	-----	----	---	-----------	------------	---------	---------	--------	----	--------	------------	------	-------	----	----	----	------	----	------	---------

丁丑歲生日三首	雨中春感
和吳綏符詠楊梅	頭風
青村晚酌	遊王司空賜金園
遊靈巖	題法螺菴壁
登圓妙觀彌羅閣	寒山寺
冬柳	閨思六首 有序
戲詠蘭人	無題
暑夜	清明
和許湛明歸田韻	巢燕限乾字
紫藤花限班字	虎邱
唐堂集	目錄
白雞冠花	范笏溪數過不值今始接
賜喜贈	毘陵呂宗陶索和早杭詩
和楊東野山樓聽雨詩	和七夕前一日隅園池內
並蒂荷花	白桃花
中秋前一日讌集雙清草堂賞桂得天字	
自海寧還舍至出門得雜詩七首	
西湖漣漪亭觀五色大魚	登吳山
哭范丈笏溪七首	安國寺晤雁黃上人
丹陽道中四首	甘露寺
阻風瓜步是日暴集	晚泊陸漫閣

題金龍四大王廟	河上二首
泗亭	都山
太白樓	南池
登光祿樓	魯仲連臺
御溝春望	出都
陸少宰公出撫粵西次韻	題黃鶴樓
武昌懷古四首	留別大中丞公
自京口溯醴陵至湘東頗多灘石舟行甚艱二首	
楊古度招同諸子秦淮社集	
鄱陽湖水大發自木樨灣瑞洪至趙家匯田廬浸沒舟	
唐堂集	目錄
過感賦	舴艋六首
昨歲五月舟過鄱陽湖畔值水溢詢土人云三十年來	
所未見今甲午歲五月歸舟復經此大水更甚	
阻風木樨灣喬木延脰納涼樹根	
分詠金谷	菜花二首
丙申歲六月九日陳大中丞招陪王太守憲尹沈編修	
厚餘丁孝廉靜山家太學宗夏風洞小飲觀劇卽次中	
丞公刻石詩韻二首	陳大中丞招同王修撰寶
傳顧庶常俠君飲揆天閣下觀劇	
贈宋觀察	秋山晚眺

張吟樵招飲出家伶演劇 送陳別駕履仁之河工

卷四十四

七言律詩二

辛丑歲四月十一日 澹寧居引 見恭紀

次張良御移寓詩韻 答儲六雅

金臺懷古 讀座主屠大中丞海塘紀

事詩次韻寄呈二首 壬寅歲元旦早朝微雪

十月五日早朝 詠白菊花二首

癸卯歲四月七日後左門恭紀

送孫廣平任徐州學 賦得海潮湧日

居堂集 目錄 未

寄鄒原褒秦中 七月十一日恭紀四首 有序

八月十一日 召至乾清門 賜內府緞二匹恭紀

八月十五日奉 旨以 充 日講官起居注恭紀

八月十六日恭紀 有序 早朝侍班恭紀

蒙陰旅舍次穆堂夫子壁間韻

李莊曉行計明日可入江南境次前韻

春日延津校射 連江道上

養福寧州 曉發寧德縣

重過鹽田驛 宿楓亭驛

龍溪道中 南靖道中

曉發 林田嶺

永定道中 上杭道中二首

正月十日始晴 宋介山錄其有感李杜詩

見示次韻答之 別東壁鴻雪蔬卉

九日涿州道上見紅葉 整陽旅舍 有序

和友詠灰 又和詠塵

送吳東平令永福 曹諤廷以半涇九日桂杏

豆房之作索和五首 陶宅故居論盜符者

送胡七孝廉二首 送葉進士子敬謁選兼懷

韻曹二翰林 贈高查客次嘉蓮詩來韻

居堂集 目錄 未

次韻答焦徵君 送朱初晴司訓高郵 有序

葉員外洲若寄晚香倡和詩卽次集中韻代東三首

登報恩寺塔 遊雞鳴山

王蘇祭沈使君郵示阻雨燕子磯倡和詩賦此却寄

鼎程撫軍次其梅花詩韻 賦得雁點青天字一行次

尹制府韻 過吳閶呈宮保尙書高公

謁海神廟 浙督程侍郎索詠寶珠山

茶 送林二編修省親假滿還

朝 六月

送廖撫州 落葉二首

幕府載酒遊西湖	過臨平
贈黃山松	送顧小厓入都
醉白池	過沂州葉都侯出迓止宿
賦贈	青駝寺曉發
恭和	
御製十月廿五日得雪詩六首	有序
題勵少司寇竹溪冊	哭曹掌科謬廷槐南歸
丁巳歲閏九日	次韻答林太史二首
戲詠危危日	賦得小山叢桂
放眼	譙會飛鴻堂賞梅
唐堂集	目錄
送王侍御省親假滿還朝	早
章氏節烈詩	
卷四十五	
五言排律一	
和元微之會真詩	雪中紀興十六韻
詠漢高帝得窗字	丙子歲七月二十四日記
事	戊寅歲七夕
寄郁宣夏	府學上督帥張侯一百韻
呈陳宮詹一百六十韻	上學院蔚州魏公四十韻
賦得杏花春雨江南四首	有序

登北固山望大江	吾生四十韻
呈樊司業三十韻	
卷四十六	
五言排律二	
粵歸至衢州遇呂丹錄適粵	
粵中送丹錄貢試先還江左用前韻	
同人集聽雪齋賞牡丹得同字	
贈王冰菴太守二十韻	贈叢太史五十韻
上李蔚州三十六韻	賀勵滋大新婚
恭賦 御製清和助麥秋	賦得春暖萬年枝
唐堂集	目錄
丁未歲三月一日恭謁	早
孝陵	
景陵	二日陪祀
景陵時以河清祭告	張珠巖邀飲園中看紅葉
七松草堂三十六韻	晨起
試博學鴻儒不成自紀七十韻	
詠庭中積雪同門人蔡廬二孝廉分得九佳	
丙辰歲除夕同林太史陳李二孝廉分得隆字	
曹湛斯八十	籬菊十六韻
賦得春風扇微和	廣東王臬使書至寄酬三

十韻	許明府生日詩
范二魯望貽盆梅盆蘭索詩	
卷四十七	
七言排律	
養鶴二十二韻	有序
贈桂林張使君	呈大司空公兼示方大編
修三十二韻	贈尹制府四十韻
西瓜燈十八韻	張封君招同蔣郡博觀梅
小飲	春雪十六韻
假山十二韻	
唐堂集	目錄
五言絕句	聖
古意	挽蔣翁
春夜	王鷗渚以竹蝦蟆焚偶兒
壑所諾生前之索	春歌
石尤風	雙橈
雙影	河上逢雁四首
盧溪對月	月二首
湘江三首	青藤山人書荷
院中桃花	白鷺
橫塘渡二首	湖上曲

舟中枕上	口號
萱花	香草
題海棠書扇	有序
題徐仲嘉書梅三首	
踏雪出長干次北厓韻	春城紀遊六首
逆風三首	新春
盆梅	洗竹六首
旅宿	有序
途中日暮宿店尙遙	
小砌牡丹	
見蜂採蘭心拱背而飛	盆松盆榴尹總督所贈十
年矣剪茸賦二首	
唐堂集	目錄
六言絕句	聖
題馬逸畫魚三首	京邸口號三首
山路曉行三首	次早又作二首
庚戌歲七月七日酷暑與蔡	立甫奕俄大風雨甚涼遽
霽口占二首	乙卯元夕後復雪二首
分詠得盆松	李亦吾攜尊醉白池月下
酣飲四首	賦得風約半池萍二首
卷四十八	
七言絕句	
園竹新成	魯殿和顏領集中鬼語

看花竹枝詞	詠史三首
題雪儀書便面美人	題醉太白圖
聞落花聲	乙亥歲除夕二首
塞上曲四首	遊仙三首
夏日口占涼字	秋夢詩十首
蚊蝶花	玫瑰花
客窗懷顧良哉	題范笏溪書水樓玩月便面
陌上用吳越王陌上花開緩緩歸語爲起句	爲楊慶門悼亡
題畫馬	庚寅歲中秋夜登虎邱
唐堂集	目錄
大悲閣放生池	任仙祠
聞家書已發至今不得見	海浣曲二首
九日登陶然亭	磁州
渡漳水	渡黃河值大風
湘行雜興二首	月夜同耕南江佩坐澄懷
堂	觀顧若周畫粵行山水圖
讀指南錄	爲客三年中未淹一歲之
席舟中偶閱徐大臨太史湖鄉雜興詩因憶故園風景	
野朴可娛惜徐韻成五首	滕王閣
嚴灘絕句	鄰舟聞雁黃上人朗吟戲

作	豐城
自臨江而上水漸清澈	葛袁州索題進邸遺照次韻二首
舟行聞鷓鴣聲	贈楊叟
夜泊對月	湘江晚行
謂予試作文投湘神乞順風以速舟口占答之	舟海瀟湘風帆久度舟子
廳書口號示兒	送春詞次陳鍾庭學士韻
二首	有感
辛丑歲閏六月望立秋次姜自云韻二首	
沈孝廉勉之和立秋詩見投用韻贈之	
唐堂集	目錄
蘭陵雲庶常納姬二首	題畫卉二首
集鄧東長修撰齋聞鄰家演劇	
口占	閱王臯謨小山集題贈
旅次見張良御庶常題壁詩續二首	渡河
傾蓋亭	建陽道中
宿葉坊驛菜圃	困關送春
卽事	落陽道中次臨川先生題
過仙霞嶺	題梅花帳額
壁韻二首	
答人問荔支	小夢

瀛洲亭遲同館	長卿
太白	趙北口
賈林渡	題徐仲嘉所藏先人花草
畫冊二首	枕上口占二首
示內四首	題范耕南小照
題畫鴨	題重刻顧見山水部詩集
二首	題顧小厓小影三首
題畫	酬陳徵士慧香次嘉蓮詩
韻二首	口占贈戴獨逸
次徐今吾元夕詩韻二首	題秋江疊嶂圖二首
唐堂集	目錄
雞啄螳螂書扇	錄支硎至華山過天平謁
范祠三首	謝戴侍御卯君餉墨露酒
寄王觀察樓山	陳燭門學博惠百益酒二首
寓樓望西隣玉蘭盛開東院梧桐未榮也時痛殤孫而	賦
賦	題李草亭書寒江送別圖
巢燕答陳進士亦韓次韻	謝皆人賣船詩二首
同年惲郡博書竹菊老少年貽予條以詩次韻奉答三	首
首	陸二淳川孝廉惠女貞酒
癸丑歲暮雜吟四首	甲寅歲正月十四夜雨
見蛺蝶樓蛺蝶花戲詠	張寶甫作書詒我求之十

五年矣三首	遂初園卽事呈相國六首
北魏傳修期八十餘諱言老每自稱六十九然則我年	彼以爲壯也戲爲絕句
今日泥沾三寸濕明朝麥長五分苗句不苦泥淖而有	利物之恩賞之
謝二皆人索和	途巾曉霽望西山
詠蘿蔔燈四首	有序
房門	過怡園廢址感作
烏聲	池上垂釣
韻八首	題朱初晴書冊次其自題
阮香秋色詩四首	有序
唐堂集	目錄
贈蓮花	自校集目
卷四十九	詞一
西子妝	咏破鏡
采桑子	閨曉
之歌之甚協也	浣溪紗
一叢花	虎邱五人墓
定風波	月下渡江
卜算子	憶漢月
歸田樂	東路西駕
感皇恩	虞美人花

關百草	雨中芍藥	南鄉子六首	暑夜用歐陽
洞仙歌	夏曉	一叢花	見乞花人
西平樂	感興	探芳信	春溪卽事
摸魚兒	擬關盼盼燕子樓詞	黃金縷	擬司馬相如妓
相見歡	春雨	羅敷媚	惜花
張燈殊盛而風雪阻之		曲遊春	已卯歲元夕里中
前調	夢	翠樓吟	魂
祝英臺近	贈鏡	女冠子	庚辰歲元夕
疎影	詠梅爲友悼亡	二郎神	秋夕對月
唐堂集	目錄	哭	
一枝春	有爲聽浴詞者嫌近曼卿正之以雅		
應天長	秋夜	月華清	八月十二夜月
前調	十三夜月	前調	十四夜月
前調	十六夜月	前調	十七夜月
前調	十八夜月	霜天曉角	同鍾廣思過僧
舍		踏青遊	卽事
齊天樂	詠蓮蓬	雨中花	春閨
浣溪紗二首	夏間	少年遊	聽琴
臨江仙	飲友所歸路口占	瑣窗寒	咏霜
五綵結同心	咏荷包牡丹	杏花天	落花

玉京謠	詠十姊妹鳥	南浦	詠帆影
菩薩蠻	芭蕉新葉	鵲橋仙	吉祥草花
迎春樂	五更枕上聞鳥聲	沁園春	寄范笏溪代東
瑞雲聚八仙	洋續芭蕉	解珮令	花上作
清宮花	燈花	新雁過妝樓	詠菊
卷五十			
詞二			
南陽臺	庚寅重陽夜淮關對月		
長亭怨慢	九月晦日	減字木蘭花三首	辛卯歲
		破陣子	粵西春日
唐堂集	目錄	哭	
清平樂		越溪春	壬辰歲三月十三
寒食日用歐公起句		迎春樂	山陰
秋蕊香	樹挂	三姝媚	白鸚鵡
惜紅衣	紅鸚鵡	齊天樂	勝王閣見亡友董
晴川次吳夢窗韻二首	石刻與此和之		
水調歌頭	三衢舟次遇陳方大適與西賀其秋花兼送		
其行		齊天樂	再登滕王閣次前
韻		澡蘭香	癸巳歲閏重午阻
風舟中次夢窗淮安重午韻		阮郎歸	豐城道中始聞蟬
浣溪沙	舟中咏月		

蘭陵王 湘船對雨 解語花 見江岸草花濤紅

可愛而賦 卜算子慢 漁父

湘江靜 雁公陸湘江水中淋漓大笑索予詞紀之

好事近 木蘭花

桃源憶故人 衡陽舟次懷徐叔九在長沙

一痕沙 漁船 青玉案 賦得輕羅小扇撲

流螢 居立秋矣燕子方營巢於富室之楣檐而賦此 雙雙燕 予雙度兒來粵節

探春令 閑房僧鞋菊 前調 禪室美人蕉

滿庭芳 詠夜來香 齊天樂 三至滕王閣用前

唐堂集 目錄 辛

十六字令

看花回 八里莊飲杏花下 錦纏道 豐臺觀芍藥即宿

城南花塢 沁園春 詠蜀府扇

青玉案 予有醉鄉夢境圖記或笑之賦此解嘲

念奴嬌 飛起 蝶戀花 關凌雲納姬予授

賀詩因命姬出拜復贈此詞 滿江紅 題凌雲長沙妓傳

品令 贈梁仙來納姬

江城子 贈馮禹拜納姬 踏莎行 厚載門外荷池小

漢宮春 出朝門循玉河而

行揚花堆徑如雪 探芳信 午日重到荷池同

鄒太史泰和 隔浦蓮 同李太學西園繕

池觀荷花酌茗而返 鳳池吟 題顯滋大郊居圖

小照 東風第一枝 詰女士袁寒

室中天 江寧寓中寄題張

進士奕山學園居即次原韻 前調 五疊韻和初食園筍

前調 五疊韻和中秋夜同雪莊賞桂 前調 四疊韻和賦綠陰

前調 六疊韻和曉晴看梅花 前調 七疊韻代東

滿江紅 癸丑歲六月十二日同人泛秦淮

桂枝香 甲寅歲九月張封君招同蔣教授賞桂湖日又

唐堂集 目錄 辛

贈黃雀奉和來調并索其酒 雨淋鈴 秋夜梧桐雨和徐

太學今吾 新雁過妝樓 本意

疎影和鄒侍講詠像生花 法曲獻仙音 鄒學士處御

史顧中翰傳鈔予詞意賦

唐堂集卷一

華亭 黃之雋 石牧

賦一

巡狩吳越賦

并序

華亭

黃之雋

石牧

皇清大一統重熙累洽日月修朗穹壤豁闢厥唯河流
星帝親至河上閱視遂巡吳暨越省方問俗飭封疆大

吏提擢百司乳哺赤子覃澤布濩婉於古虞周天子燔
柴時邁者矣臣獲伏海隅無知固陋不能紀述盛事以
垂百代且文學侍從之彥橐筆遂歌斯有其職者非校

唐堂集

卷一 賦一

一

塾草莽所敢越願道路籍籍頌

聖德洋溢於耳厥心淳焉不自禁止伏念臣生二十有
二年矣徒飲食 盛世無所報效嘗嗜慕古人爲文章
遂謁誠彈忠悃叙所聞爲巡狩吳越賦且夫賦盛於漢
上林甘泉長楊皆侈靡炫夸文雖麗於事什不得二三
斯賦之作雖鋪揚末工竊比於詩歌夏諺與民偕樂太
平之盛頗能形容與揚馬風勒之旨異其辭曰

天既清地既寧皇仁浹王道平湯湯河流拱衛神京河
臣奔奏載經載營厓 九重之惕厲兮冀水功之速成
躬臨而督視兮擇吉日乎朕將行粵以祝犁芒落之歲

丙寅孟陬穀日丙子良辰豫遊太僕展軔趣馬命騶
騶白灤渠黃山子之屬天閑非不備也繁廐而不御匪

若周穆荒唐倉皇以蹈虛也裔裔郵郵飛衛伏飛之倫
後車非不可載也卻而不得從匪若漢武孝成遊觀侈
靡之馳驅也祇命農部給緡光祿時振臨幸之地不擾
齊民一粒一漿於是義仲遲遲以御輪兮太皞皞皞以
媚光青帝檄四野使騰景兮句芒扇百卉令布芳蒼龍
蜺蜺先啓途兮翠鳳颺颺隨以翱翔翫翫浣道蜚廉掃
塵猶狂隱跡傍徨藏神陪阿遐巡夔宰窺奔百神拱立
以肅待兮五雲菴靄集於闕門

唐堂集

卷一 賦一

二

天子迺冠綴珠之冠襲織龍之衣張羽葆曳雲旗駟紫
蚪駟青螭旌旌雄虹旌雌蜺轟金根縹華芝煙霞繖繞日
月光輝黼黻明瑟鹵簿離襍羽騎飛揚侍衛威儀萬馬
羈馱千蓋葳蕤絳鑾之音瓏瓏兮慶絡繹於道中旣前
驅至河上兮留從騎於山東 翠輦涖止河伯卻步羣
魚沸鬱蛟龍莽互浩灝潢漾沓波漏霧伐竹捷石決渠
荷鍤之輩歡欣而鼓舞將託

一人之鴻庥冥洪流於萬古
上於是指隙方略密授濩度朕將適吳越省風土上會
稽兮謁神禹歸過此兮安流渡於是發淮河幸維揚曉

竹西顧雷塘繁華富庶蒼士叢商袂帷汗雨開郭彌鄉
援隋氏以爲鑒諭斯民以義方職思其居無已太康麾
文鴛以先征發櫂歌而渡江樓船取足代步兮詎用錦
纜與牙檣張驥席鳴簫簫流光齊擊汰揚子波恬不
賊滑若綾明如畫烝徒楫王于邁入潤達常到吳之界
維吳民之望幸兮若渴餓以須唯恐其稍遲及 駕至
止紛兮若家人婦子迎父之遠來扳耄提孺山朝海歸
側肩連裾且拜且窺幸覲

天顏歡聲如雷巖谷爲之官應道路塞而衛之於時星
鳥方殷夾鍾始律好風東來新月西出踵上元之景光

唐堂集

卷一 賦一

三

待天衢之警蹕敞閭闔於吳閭張繁麗於廛術十里百
里城東城西家插檠以夸崇戶構幕而恥庫魚油龍油
之錦金蠶火蠶之絲鵲鳳雲霧之綺藍碧赫護之綈或
輪於巴蜀或出自青齊紅奪日豔翠失天碧五色珮纒
腫橫眸逼金谷步障比之無色武夷亭慢方之不得翔
陽隔闕而不下游焱迟迟而他逸宵征焯燦以晃耀晝
入迷離於襞積五武一綴十跬一縈間尺則玉龍出舞
尋丈則金牛跳騰賸璘翕赫鏗鏘琤琮珠圓蕩荷鏡古
繡菱日照則目不給色風吹而耳不暇聲此已極江南
之詭麗乃民猶以爲未也彼繪綵與金玉爲華璜而始

備爾其駿烏下潛噤昂在東門門錯星戶戶流虹煎炕
膏以然蠟燒鳳脰以膩銅鼉暴脊以受炬蜃出脂而助
融夫其巧妙奇怪刻鏤纏糾熊熊煌煌不可殫求或爲
蚪龍作鱗之而展甲敷爪鬬珠躩踞赴蚴條裊乎其駭
人也或爲狡猊雄毛毳毼突發出自踞踞而娛彭亨猗
猗乎其逞靈也或爲駒駉驃駿之狀鞍韉藏煙障泥爍
亮或爲麗姝鞦韆想像熱心赤膽疑隔綰帳駢關猱聯
青葱冬籠乎其耀睛也別有猱猱鯉魚戰場浮屠寸人
豆馬秦臺漢都烽舉而戈騎合開燎熏則將相環趨其
他歌兒舞伎彈絲壓筵僂僂重飽老鯨鯨擊煙火焱流

唐堂集

卷一 賦一

四

硫硝霧塞觸鼻入腦摧精暢脈乃歲之常不足縷識惟
偕樂以同民兮亦遊豫而度侯攬古吳之名勝以撫綏
兮將觀獵於長洲諸守臣於是修置網造罕車設罟獲
絡兎置單綱正張罕目離斜中遶桮杙彌埜布羅出驍
媒攜馴四熏宋猊牽韓盧青骹白爪鷹鷂飛隼之類勃
起而怒揚距而磨牙材官武士勇賁捷忌鳴鏑以馳奮
槍而試若繁弱之勁弓搜夏服之束矢將以逞其發矍
之才落雕之技腦走者之蹄血飛鳴之翅期以明日校
獵而講武事也

天子迺謂吳土秀削初春暄妍非合圍之地豈肅殺之

天 諭令罷止將雍容而閱視乎山川爰蕩龍舩駕言
出城陟虎島之噴舫兮俯劍水之灝溟過生公之講堂
憇可中之舊亭廕菩提而數摩尼散曼陀而拯衆生移
鑾輅於靈巖今上琴臺以徐行攬嵐光之縈衣兮灑
宸翰而賜僧眺震澤之瀕淪舉瀾兮誠三萬六千頃之
不可以葦淩時則春濤乍發具區盈滿波光倒震水痕
濕賦淩瀟沈瀟汨汨汗汗胥山沈浮洞庭合散

皇上顧而樂之迺遐思夫泰伯之初撰閭閻據之而雄
夫差恃之而玩春申之居匪久淮張之業伊淺暨泊鄧
尉梅英爛開羅浮兩山奚足誇兮大小二庾亦未之或

唐堂集

卷一 賦一

五

儕被離殷麟含雷以吐鄂兮芬蓋秘葍氣散而風回鱗
皴續紛霜糝以皛皛兮蒙朧飄蕭雪墮以皚皚似御爐
焚煙傍袞以龍浮兮又似乎禁中飛玉張網而蝶來其
他木勾草萌葩藹蕤榮蔕含不能狀陸機不識名莫不
天天欣欣以嬉

君王不序風信爭先向陽翫不滯觀未殫吳淞越領
延載吉行發橈旛道嘉禾通臨安引微乎杭之爲城也
雄壯輦高塗寬衢潤百騎竝馳十車齊發關闌寂待旄
倪靜列 輦轂過之肅肅伏謁詎喧闌於隘巷藉歡呼
而騰越於是陟吳山之椒俯覽江山城郭人煙魚米唱

然發嘆此錢鏐之所割據宋高之所遷徙錢則乘偏隅
而締造不終宋以棄全宇而門戶自閉豈非得失眠其
所修安危繇於自致若夫靈隱天竺飛來昭慶厥有明
聖標其絕勝爾乃緋桃呈腮翠柳舒眉杏開鎖澗梅殘
壓堤駕艦於跨虹映波駐蓋於棲霞淨慈乃上湖心之
亭以周覽西湖之奇汪洋淡沲蒨冶輕盈遊儵穴荇大
鯉寒淩學翼鷗鷗伸頸交青命呂師集鳥船敲吳榜叩
越舫施風雲擦放鳥雨翔鵲鵲濡喙以刺魚禿鷺昂尻
以覓鱸白鷺披絲而偃仰箴苾戴翠以資緣鴛鴦屬玉
出沒而聚散灘灘鷺鷥浩蕩而翩翻鯪鯪鯪雄雌貫

唐堂集

卷一 賦一

六

行而就陸鱗鱗鯉鱣大小接翼而出瀾莫不雙珠目溢
尺玉鱗欸貯禽嗟而欲嘔效魚尾而互牽顧而樂之物
不可暴返旆入郛以渙 辰告慶 黼座之甫溫雪紛
糝而下冒髮髻浙瀝飄飄絡索補綴山梅萋迷林鶴春
雲呈瑞豐年斯託灑

聖主之餘仁隨馬頭而婢約遂以霽之明日渡江上會
稽祭告大禹求治水之宜沐浴齋宿吉蠲敬心潔享溪
毛精羞炷燁宗伯導儀太常奏音戾於禹廟仰昭俯該
靈旗有無畫廡光怪周垣馳道昏潭潭焉因深兮松栢
寄窳而屣屣梅梁蘭栢鴻潢潢焉藻古今龍蛇擾擾以

淋漓我殿遂寢宮幽幽焉肅穆兮神鬼最屬而嵇邈迺
升於基廼上於堂廼進瓊廡廼奠椒漿拜起整栗竽瑟
浩倡禮獻樂侑祀事孔明盞盛芳苾羊牛馨香祝乃傳
大禹意嗜好飲食錫

帝壽康元圭丹書禹貢匪詳爰奉 睿覽以治河防斯
時也和颺優游徧於於越祥雲油湧江水砥滑畢事而
出六龍騰踏山陰道中目賞景愜回鑾觀風

天心大說命大官調羹駝峰肺勺藥蒸淳母香緹齊
凝三漿六膳克食滿盈賜扈從小大暨江浙文武燕饗
會醺式歌且舞醉酒飽德羣頌

唐堂集

卷一 賦一

七

聖主於是吳越耆老白顛髮長耆豪年八九十以上者
數百人進曰臣等沐浴浴德戴高履厚歲在焉逢乘輿
南狩欲有所敝說懷抱未剖今茲復邁臨幸江左雖婦
女童穉疲癯躓瞽皆踴躍願見

聖貌爲一生增福祐爲子孫留純嘏熙乎風天下以春
風浩乎雨天下以春雨猗與休哉唐哉皇哉康衢之謠
華封之祝何足比數惜三吳之山皆部婁陞隘未能興
雲雨誌帝載今宜豫命博雅通古之士草封禪禮儀備
珪幣物采他日還都道由泰岱刻石頌功德聳出於七

十二代

天子退然若不勝曰咈哉朕以大河未翕宵旰焦勞公
卿負薪百姓寒交敢忘實效而飾虛號乎其命錫稅租
赦囚罪增爵秩崇卹謚予老人帛肉給糗獨衣食且而
吳越土薄而人奢務炫俗而無畜家諸父老歸諭子若
孫崇尙本行削去紛華毋爲不類以違敎化廼鳴倉虬
之秋秋建龍旂之猗猗發東南兮北指駐石頭兮遊觀
祀勝國之陵寢閱陪京之江山泛雲物於秦淮陟浮圖
於長干爰涉江而渡河兮業由地而安瀾乘陽氣以行
令今事罔不超古而軼前於是旋國都坐殿廷受朝賀
享萬齡

唐堂集

卷一 賦一

八

石榴花賦

有序

梁昭明譏淵明閒情賦白璧微瑕不作可也文章之
作安得篇必譚道幅必詮理筆墨所到至道至理自
然盜溢奚瑕之有宋相璟賦梅花殫極比興皮從事
慕其鐵腸石心而有此美作遂爲桃花賦以擬之予
庭內安石榴甫盛著花亦攬其體作賦頗致其形容
不繆於詩人之旨云

滔滔夏至今草木莽莽百華俱失萬綠滋長方將觀物
理之變遷懷炎蕞而想像於是南薰朝來噓拂庭階氣
通於柯澤浹其荑忽焉粲焉奇葩麗魂始而望之皎若

赤霞舒其光卽而視之若火燄燄紛紛以揚葩兮又若
好女出遊爭豔妝炎炎鬱鬱呀呀勃勃非猩斯染非繪
斯裂日塗林之嘉種和陰陽而茁發徒觀其包蒼之
團丹含蓄嬌不可卽則麗娟之纓欲痕體也迺陽漸開
曄發朱顥微露其懷則孫壽之笑猶齟齬也疎枝散蕊
東倚西企則龔孔各據望仙與結綺也密蒂連柎狎獵
紛敷則秦韓共鬪游龍與流水也曉禽啼夢出霧而涌
而倦於動則太真睡足而將起也宵月印衣紅裙粉袂
因風下低則靜婉舞終而未已也先吐一萼以傲叢綠
則飛燕擅昭陽以爲姊也片紅蚤飛墮於雨泥則虞兮

唐堂集

卷一 賦一

九

別垓下而爲鬼也攢條麗榦熱色爛漫激射人面則季
倫圓錦絲以鬪妓也隔箔出屏閃閃熒熒費人目精則
季長遮絳紗而藏美也千擬莫窮其形百方莫罄其情
博望之所移植頓遜之所著稱猗歟繁英爛兮中庭婉
嬋若高唐之神女兮而顏非玉綽約若姑射之仙子兮
而膚不冰稟火精而頰豎乘朱明而弄嫵微啓絳脣嬌
然欲語若曰矢妾心之似石願留意於由房彼桃黃與
梅標不過一華一實之相當榴則不徒以色亦占多子
爲祥惜其晚出不遭文王登諸二南厥木惟良

二金魚賦

主人晨興惻惻不懌據檻寫衷倚牆展覬益波圓潏錦
鱗躑躑主人曰樂哉二魚乎羌寧馨之適也二魚乃睛
張火珠鬢鼓血珀枕丁憤紫尾丙怒赤若蘊宿苦急欲
自白前訴主人曰子非魚不知魚之阨也在昔幹金枝
火厥秋維麥羣自上洋種類孳殖遇好事者檢容選式
易賄於君登之瓮甕興居失調水天遭疫親黨十餘接
踵墮魄二魚幸存供玩昕夕然而穿荇觸額吻沫哽噎
苦難覩縷略陳厥愚其在夏燄沸波隘垣午炙蕉煨失
廕藻烹不熄匪沼伊盆跨不盈尺罪豈俊臣火甕斯逼
蟻穴一扁涸此餘瀝仰首曬蠶護腹暴脊旬命宵涼避

唐堂集

卷一 賦一

十

死霖隙宵縮晝修霖什晴伯實媼生以貢媚作鬼藪之
逋客旣而背秋涉冬勺水寒滴護萍波腐蔭艸霜蝕盎
禿霰凌簷凹雪擊頑水腹堅凍合四塞冰力怒展呀然
益拆余穴厥中顛倒僵踣剖山爲棺若葬於石主人憐
我斲冰拯厄驅龍出鉢俾余藏息冒箬幬絮茶竈之側
陶兮杳杳孔靜幽墨杯水味腥躡踪路黑曖昧逼仄不
能一刻余居之所劇苦而主人乃矜爲厚德方春暄午
啓鉢而索越浴於盆若歸故國歷暑復蒸臨秋更瘠今
者朔氣妃呼威霜刮剔余方趨死不暇如擣而怒而主
人不諒是重余心之隱惻也主人顧二魚而喟曰而獨

屠堂集

卷一賦

主

白鵲賦

有序

也見黃子而悲黃子亦悲之乃作賦曰

刷宇宙之奇濤鑿太素於混荒原其立志詎不欲挺姿

唐堂集

卷一

十二

鸛之上彼圖緯而貴珍此真者而不尙已矣夫青蓮之

求雙鳥兮覽白璧而惆悵延清之放六翮兮哦白雲而惆悵世賞奇其無人抱孤衷而絕望矣曩韓子之所覲烏鸛鵲以偕白感二鳥之登朝路徘徊而太息若予之值白鵬兮均淪落於泥塗韓以妒異遇而摛詞兮予則憐同病而操觚重曰以凡鳥之籠籠白鵬兮心出於霄身抑樊兮伊誰之咎吾勿欲言兮

雨賦

乙亥夏仲淫霖不休木居士局趣然惆悵然方睨天而愁有金公子者馳使奉書以稱曰若知我雨中之樂乎夫雨宿潛蚪之鱗自振溟澥之上戴泰山之雲冒東南

唐堂集

卷一 賦一

三

而至不崇朝而上下乎霄壤其始至也離離襍襍塵濛濛潤鴛瓦下雕墀徘徊窺簾閒澹敲階久而相忘大吐厥奇聲合沓若龍舟灑明珠勢旬轟若虎陣喧鼓輦乍合乍散驍卒之發弩一縱一橫蛟女之織絲吾登樓卷幔而賞之蓋不可摹以辭且吾曩者名橐馳時珍葩專蘭畦徧雲窩虞就焦於杲杲喜天澤之滂沱滋根沃葉津莖潤柯神膏一沐燦其鮮花若玉環出浴乍拭之膚玉又若靈芸別淚初搵於衫羅若夫別構園亭新鑿山池桔槔軋軋涓涓漸漸一昔而足初不知雨之爲曉躡屐而臨之已渺渺其無涯鼓微風扇輕颺涵回瀾蕩

生漪蓮葉搖錢綠萍自開游儻鱗鱗鳴蛙喈喈呼蓀橈命小姬冒雨出泛濕其羅衣菱謳蓮歌唱晚不歸爾其殺雨乍收土甌初坼鳳團未烹雲龍雨炙惠泉非奇品中冷不入格於是素幙廣張甘霖彙滴甕甕盈器汨汨將羊腸及蟹眼視槍關而旗敵奚俟甘瓜與朱李俾煩襟其盡滌且而未悉夫簷溜之爲狀也沈沈淙淙如波如瀧削層樓而下低彙萬瓦而合衝堅擣石以春礧橫歎牆而薄窗奚必往觀康谷水簾之激射差彷彿乎龍湫瀑布之鴻洶當雷有湖石焉嵌巖坳突竇缺玲瓏高下承之窵坎於空鏘若中宮商穆然叶絲桐又似乎聲叟南檜之水樂與夫坡老蠡口之石鐘且吾苦夫嚮者之未雨也車馬擾門紅塵喧嗽欲一中聲色之娛而曾不得一暇朝今則靜掩重門罷御華堂入於羅幃居於洞房單縠太薄玉肌生涼開甘釀酌霞觴皓齒左勸朱唇右嘗團圓暈赤雙鬟印香歌霖鈴而悲來彈淙水而愁生歌曰雨蕭蕭兮百事無君能醉兮妾能扶環佩濕兮衣裳濡暮行雨兮巫之隅歌已復彈起舞迴翔竹肉競奮雨聲雜揚采恩雲煙簾櫳瀟湘繡帳深沉綺疏昏黃忘其旦晝以縱淫荒此時唯恐風止雨霽違陰就陽白日烈照暑溽汗漉俾我歡娛不得久長此亦極

唐堂集

卷一 賦一

四

風雨晦冥柔曼嬉戲閒暇流連之樂也居士豈能不遙慕之乎木居士乃怒焉有愴於心援翰塗素以郵答之曰若公子所稱是猶膏粱無知之談統袴自喜之語夸一已之私而昧二氣之序也吾聞十日一雨雨不破塊是謂豐年茲以海邦塗泥陰潦相綿麥爛於田蔬朽於園菜畦成渠瓜阜爲川農人嗟咨行旅辛艱誰不含悲茹歎如僕者又其甚焉當夫斜陽之將暝也淒兮其名風酸兮其欲雨壓眉而降刺耳而注彼則一絲兩絲我乃千緒萬緒羌棄殮而就枕冀相忘於栩栩不寐而覺情摧意惡繩牀丁零紙帳蕭索傍榻頻侵偕泥共落豈

唐堂集

卷一 賦一

五

壺箭之傳更何來漏聲之剝啄被何池而致濕枕何山而下瀑起剔孤燈之澹澹乃不能照其帷幕坐待雞號入吾書寮東風吹廊楞紙夜漂腐椽耿耿啼曉而欲瀉壞欄薄弱袒背而任澆涎蝸奮角乘潤而上登粉蟬卷尾避溺而竄逃筆牀被漬而賴麤書篋遭霖而字潮青衫白帔敗斃而難御芒屨布襪徽墨而不銷荷笠而行宇下徒跣以決堂坳人謂徹廬足蔽風雨乃吾家居若歌泥滑於荒郊歌曰泥滑滑兮行不得迨餒寒兮壯士無色親老兮無以爲養天乎人乎風兮雨兮誰使我至此極吾歌於寮婦歎於厨突下生竈釜中出魚濕葦若

桂脫粟如珠桂豈可常蕤珠豈能畜餘有目其啼有腹其虛苔綠篋售蟻黑衣襦褰裳而下機杼涉波以摘蔞蔬絕無爽塏但見沮洳於是琴彈不韻壺擊頻缺水沈無煙尊壘告竭巷南北之友若河漢溝東西之水如溟渤白晝黯兮疑宵半朱夏彫兮似秋末身索兮其就枯心悽兮其欲絕故雨氣中人復使濕侵入肌寒賊於骨筋攣不舒頭瘍畏櫛和違榮衛慘結脈穴僕方欲扼號薺之喉涸躍蜨之血撒畢星使悔過亟名還我日與月於是公子使至竊意憐子桑爲裹飯之視不意倣子建作喜雨之什故略叙其窮愁以少箴其嫚褻若夫寒暑

唐堂集

卷一 賦一

六

南巡賦

巡狩吳越之又十年歲在己卯

上諭羣臣曰朕在位三十有八載海寓寧謐之日久矣日者小醜不共朕親出師用靖西鄙唯是東南之民飛芻輓粟亦頗屢矣重以歲之不時水潦海臻降割一隅蓋靡日不思往而嚶煦之是用南巡狩以繼已巳之舉其唯何時僉曰

帝德閎峻軫念南服以時邁兼省補乘春爲宜

上曰朕惟古聖王首以孝治天下今遠離京域實不忍

遑

皇太后晨昏其奉以偕行適以二月之吉 乘輿出都
汎河南下三月壬午至蘇州癸未免江南三年之逋賦
赦其罪人丁亥 萬壽節於行在受賀戊子適杭州暨
紹興蠲赦浙江如江南四月辛丑還蘇州乙巳適江寧
乙丑回鑾渡淮而北於是江南督撫總帥臣鵬翮臣肇
臣岱臣雲翼等自迎迄送忠敬有禮宣 上德抒下情
相與以有成也有問者曰昔者人君恭默思道垂拱深
宮龍集乎層霄辰居乎九重默存而天下化不下堂而
四海時雍有事而出則五校屯雲十車奔霆素蚪六駕
居堂集

卷一 賦一

七

倉龍四騰霓旌蔽日羽蓋捎星一警一蹕萬騎千乘且
復駐纘以塞聰冕旒以蔽明龍藻以表服鴻臚以傳聲
故咫尺實以凜其威尋常不得見其形豈好爲其繁重
迺隆慎於朝廷
今天子雄才聖德趨前報古陋唐宋之君狹秦漢之主
一遊一豫不遑寧處十矜兩至衝風沐雨汎舟南下不
嚴鹵簿天顏自降與民告語意者先聖後聖不必其一
揆古今帝皇若是其異趣哉應之者曰客所謂窺蒼蒼
以圓隙而測洋洋以缺勺也僕欲發揮蕩平之王道講
說當今之禮樂纂二南述四岳加六經脩八索蠲兩都

凌五柞恐子未學不識

聖德之弘深至道之廣博以爲茫然河漢驚走而遐御
也姑言其淺近易知者則豈不聞南人之頌乎頌曰

天子之南巡兮俾我壽而康俾我富而臧

天子之來士女其穀農其有慶

天子既來省耕補不足惠我無疆又作頌曰臣拜稽首

天子萬壽

天子大孝奉我

母后萬民則之底於淳厚願我

天子與天地久俾我子孫世見巡狩客試誦此則釋前

唐堂集

卷一 賦一

六

疑解今蔽雖有歌咏未盡亦無庸僕復贅矣問者憮然
自失遂巡而進曰有是哉先生之間博而識沈乎走實
購瞭罔知日月之照臨覽不擴古慧不通今先生頃頌
兩詩以爲淺近則胡勿能窮高而極深盡以舒長之化
日太平之寸陰爲我通其條貫而發其聲音走願澡心
雪慮以聽焉且曩歲在巳巡狩吳越之界先生作頌累
千百言躋

皇清於三代今缺焉不紀諸翰墨母乃使人疑子銳昔
而鈍今勤一而倦再乎應之者曰客言甚辯僕敢不尋
其端而究其緒昔者朱明中衰綱紀廢虧

高帝發祥長白正域醫閭化始於三韓澤專於東陸
文帝紹之創業未半雖欲拯中原之塗炭戡南國之危
亂來狩吳越巡行江漢時尙有需勢則未徧旣而竄鯨
肆起蜂蟻喧失鹿潛角於逆闖浮馬延喘於江干
章帝布昭聖武整旅入關電掃雲逐河澄海恬日光月
華與天地參東漸西被一統幅員制作甫就鼎湖墮髯
雖方嶽廬乎宸衷而巡狩之文缺焉及至
今上握乾符運天網絡

三后統八荒洗滇蜀之餘腥療閩粵之殘瘁武功旣成
文德洋洋舉鴻博摘樂章宴瀛臺聯柏梁柴望祭告時
唐堂集 卷一賦 无

邁其邦甲子一出已巳再行恩波淪浹于兆民草莽簞
軒於九閭邇者西塞跋扈赫韜親征滌淨沙漠徒御不
驚凱旋頒詔播告八方

天子殷然有思謂我東南赤子黎庶不望見顏色者又
十年許踴躍冀幸以紹前舉不往慰諸謂我究武於是
召丞徒揚旌麾由翁河下江淮重臨南國告我羣黎粵
觀夫至止之日左剗木之舟右飛龍之蓋羽林繡衣而
鼓機黃頭分行而擊汰畫鷁銜尾以順流雲旗回風而
映帶守臣溯水以嵩呼父老臨涯而肅拜

天子於是服便服冠常冠當陽坐遊目閒所以表儉示

勞公聽竝觀大霽

天威深展慈顏與羣臣以可親接萬姓以同歡則見夫
隆準垂耳龍顏日角堯眉舜瞳神采昭灼尊其瞻視望
之儼若威而不猛怡然以樂於是華顛曜髮紛僂僂以
前迎兮黃服燦爛斐以成章黎屯黔首喧駢闐以瞻仰
兮青畦專散肅以成行黃童紅女回翔中闕而未敢出
兮白晝虔恭頓首以焚香蓋其節屆 萬壽慶集千官
維莫之春於萬斯年螽斯麟趾繞膝而上壽兮鸛班鸞
序拜手而朝天兕觥醪醑躋堂而效悃兮寶鏡璀璨競
獻以昭虔遂使闔閭謳歎塗抃舞農女睂揚漁樵腹
唐堂集 卷一賦 丰

鼓其他樸秀頑豔都鄙吹厘與聞鳳輦鸞旗之所過獲
觀五雲六龍之所迄其欣欣喜色懷仁頌

聖者綿千里而如一是以大江效靈而出奇東海呈祥
而表瑞具區洋溢其恩波錢塘浩蕩其陽氣鍾山發妙
於金陵會稽貢精於石匱白虎敦囿於邱顛金牛婆跏
於湖尾斗女較燦於重霄山川增妍於勝地日月當春
而倍明風雨停天而若避凡此見

聖人之乘乾天行而 乘輿之不可不遐暨也以孝率
先寢膳勿違則奉

太后以偕巡焉深宮冲年俾知民艱則率 皇子以共

勤焉以賙荒饑截留漕艘何仁之膏焉以蘇敝劫賜復
蠲租何澤之敷焉恤商旅損羨額善閭市之政也優俊
選增學員弘庠序之教也灑翰給扁以勸紳寮有慶之
典也賜金召見以獎纖藝以器之道也緩刑宥青文命
下車之泣也興廢舉逸重華闢門之詔也登臨遊歌成
王之登卷阿也會同講武宣王之駕甫草也軒轅襄野
之御不足爲其咨訪也伊耆華封之觀不足爲其頌禱
也五玉三帛不足爲其震疊也一遊一豫不足爲其熙
皞也集古昔之大成洵

今皇之獨聖軼百王而上驤超三代而前逞且夫商周

唐堂集

卷一 賦

主

以後之君所以高拱深居不欲輕出者非不知肆觀之
爲嘉禮時邁之合典雅頤或以萬幾之集叢勝居位之
日鮮寡將欲之而不能抑能之而不暇

今上膺祚既永運德有餘太平玉燭優游施舒故能跨
殷騰周踵唐武虞每十年而南幸亦二月而東驅事協
於周頌典婉於虞書騰歌於夏諺忘力於堯衢竊觀

聖澤之所覃浸羣生之所沾濡輿情之鼓舞民物之歡
娛以視昔者甲巳之舉亦已十倍其初豈非存神者以
過化爲驗翔舉者以繼美爲良乘道德以爲驂服泛仁
義以爲舟航詩書趨以爲程途禮樂時以爲糗糧來唯

恐其不數出唯恐其不常遂可六五帝四三皇出河圖
集鳳凰朱艸萌芽甘醴流唐俾禹咎顛散之徒演爲聖
經者數章以上追而下垂與乾坤乎久長雖有墨屎狂
穉猶將發誓披覽而講求其詳也况客疑蔽未深有不
如豁暗以燭而沃雪以湯者哉問者乃擊節而起曰聞
先生言若聆黃鐘而奏咸池小子不敏敢乞頌詩流播
江海終身誦之於是敬作 南巡頌一章凡十韻以授
問者其辭曰

皇清受命隆崇崔嵬閎如天兮

聖人御世瀾淪汪洋灝如川兮垂四十載增高單厚綿

唐堂集

卷一 賦

主

以延兮軫念下民山左江左兩瀾間兮以舟以輿載雨
露行隨路溥兮乾樞坤紐日躔月次不停旋兮我

皇律之至再至三南駕鑾兮滄海無波黃河安瀾

皇心歡兮彼哉封禪七十有二何足言兮草莽作頌質

實施摯垂萬年兮

唐堂集卷二

華亭 黃之雋 石牧

賦二

絮賦

謝太傅家居封胡羯末侍道韞來遲坐於其次於時夏始春餘庭植扶疎芝蘭駢茁玉樹紛敷俄而輕風起楊華落連翩冒除溫柔緣閣太傅顧道韞而曰此所謂風絮者也若曩之比雪也以之今不知又比絮以何也能則試爲我吟焉道韞斂袂而稱曰叔父不見英華之凡著於草木者乎苞附函蕊展萼肆葩芳須麗日妍辦攢

唐堂集

卷二 賦二

霞雨吹風激委棄泥沙在樹則憐愛飄地則咨嗟感盛衰之倏忽變欣戚之參差無論漢宮奇種魏殿珍芽近如金谷園中之卉河陽縣裏之花莫不善英銷歇枝幹離斜者矣豈若夫楊柳之爲物也降精天上託命宮中依人婉媚繞屋蔥蘢葉秀則長眉增嫵條舞則纖腰擅工人方賞其風流之態翫其青翠之容忽不覺其飛華之旖旎落英之蒙茸也則見夫天暖陽遲雲陰作熱微蓓奮決素蕤歎裂濛濛雨散霏霏玉屑東西搖靡上下賄頤將停又舉欲黏而脫攬之卽留搏之不結闌窪而未盈處歲而全潔噲荻花之蕭瑟笑飛蓬之陋劣表其

唐堂集

卷二 賦二

精白則清虛逍遙嘗其輕薄則顛狂飄瞥鋪遊人之髑髏而不坐灑離客之涕洟而匪濕舞小徑而頻慘窺硯池以潛入綴遊絲之源搖縈綺疏之狎習高士揜垣而慵掃佳人倚闌而閒拾蓋其爲物也蒸以日力則鬚髻毳毼皓皓墮墮乘以風勢則悠颺徘徊被麗烟埃集於衣裘則釀蟲穴隘蠕糾蠹敗墜於流波則浮藻隱蘗漂蕩破碎其始來也如此其終往也如彼殆知天之造物兮靡弗工物之化育兮不可止且夫刈葛作絺漚麻可布此焉難服奚名曰絮益綿統於虛聲用苴著而何取恥君子之過情亦何苛於覈汝徒以因風之倭姿漫天之纖質使才士撫景而流連上流對之而吟悅窮比興以求肖議敷陳之巧拙昔以雪爲似絮今以絮爲似雪折衷叔父請歌一闕太傅曰辨哉左顧幼度而命之歌歌曰昔爾吟矣雨雪霏霏今爾吟矣楊柳依依楊柳生華風起以飛不爭色香天然芳非何必河陽及金谷白今風絮重庭闈

秋意賦

四時之氣皆傷人兮蘊於秋而獨深秋亦胥被萬物兮我何獨驚焉而不可禁雨則或疎或密斷續無性兮雲則忽濃忽薄浮蕩以何心日光澹泊無力相映照兮風

氣尖側若伺隙以搗擣窗戶無人啞啞自啓闔兮庭葉
攝攝似有人之足音嗟爾蛩其化之化身兮方自歎而
自吟或哽咽聲不能出兮又曼緩以鳴暗疾疾徐徐何
酸涼兮若不可乎遠瘠兒童不知其悲兮紛逐響以見
擒余憐蛩之微眇兮亦託命於古今不知蛩之爲我我
之爲蛩兮疑造物者之一體而同姓悼余躬其胎秋兮
縱春夏亦憤恨而蕭森天之秋與我之秋觸發兮忽不
覺相入之浸淫聊假寐以思逕兮夢五運之乘金撇鷹
隼以霄舉兮躡罡風而擊閭岑穿月窟訪鸞女兮杯元
霜其我斟羅襦胡然襲薌澤兮拂叢桂之芳林芙蓉幻
唐堂集 卷二 賦二 三

作美人兮顏紅顏其抱衾繡丹楓爲余裾兮泝黃鞠爲
余襟秋若曰吾不負汝兮尙奚悲而涕霑余一笑其忽
寤兮黃蝶翩然過花之陰覺此身簌簌仍墮秋中兮杳
前夢其焉尋吾不知天遣孽收故相嬲兮抑白帝矯天
命以見侵不知他人當此何如兮何壓余肩之不可任
悵蘭臺盍畢攬兮留騷辨之餘祓吾欲攬秋意而還之
彼蒼兮懼微衷其不歆

擬陸士衡文賦 并序

晉陸士衡文賦具述文士所以用心幾於不遺毫髮而
中列文體十端甚切而詳有明楊用脩嘗戲續之曰序

原始而要終記制器而尙象且謂二語俱全聖經更無
彈射然則士衡所作尙俟後人補遺乎夫其賦中所陳
義蘊盡發雕鏤萬象牢籠百物勝于摯仲治文章流別
劉彥和文心雕龍遠矣茲試風簷奉命擬作奚窺尋其
萬一殆不免刻鵠畫虎之誚云爾

溯洪鈞之毓秀苞靈異於一心蓄大塊之萬籟發太始
之元音攝寸穎於風雨調尺楮於陽陰藉腕力以迫赴
達微思而不禁湧言泉而汨汨垂筆露而沉沉蓋有不
容已於中者而文於是乎生焉夫其縑細整帙弓軸聯
環華如繡虎高若翔鸞貴簡練於金玉騰光怪於山川
唐堂集 卷二 賦二 四

觀天人以合撰擬日月之竝懸既百讀而不厭遂千秋
其可傳人但嘉夫鉅麗而不知撰著之所以然爲約略
其指趣可該之以數端繁姚姒之典謨若姬孔所演述
味八伯之廣和彈南風以應律矢悃悃之雅歌定煌煌
之特筆美炳炳以洋洋固彌華而彌質此聖經之大文
儼穹壤而莫及廼鳬繹之盲左暨龍門之腐遷繙遺書
於石室藏傳史於名山發天葩之爛漫窮物態之翻翻
叙事而首尾如見摹神則鬚眉畢全此史家之妙文垂
金石而不刊彼漆園與柱下或談天而炙轂寫靈氣於
荒唐製奇章而歷錄欲牢籠夫萬物盡收羅於半牘堪

破膽而媿墳亦盪冒而奪目此諸子之奇文每流傳三鼎足若夫湘纍憔悴蘭臺風流或吟騷以問天或賦辭以悲秋紹以差勒之奇麗踵以小山之清幽坎與突於洞壑皴斑駁於螭虬洗蝕土之碧血濯埋光之精鏐寶楚辭之翔體每展誦而生愁苟製雲蠶宋摹神女沿流入漢其體大舉長沙弔溺之篇西蜀凌雲之語縱淵雲之奇姿翔江鮑之俊侶構想則綺組織其胃襟染翰則珠璣生其咳唾萬彙奔赴於指間百怪飛揚於臆腑羗六義之一端賦獨雄於千古緣情綺靡流連景光聲諧絲竹韻協宮商限五七以刊句別古近以裁章屹臺閣

唐堂集

卷二 賦二

五

之雄峻渺山林之蒼涼野人寄其興逸怨女寫其思長可以消俗祛鄙掃愁寓狂好色而不爲淫怨諱而不及傷或天驚而石破或水流而花香或絃繁而管急或風利而帆揚此言詩之大概未足以罄其蘊藏若乃記序叙其源流論議據其懷抱碑誌道其景仰諫祭發其哀悼經濟宣於疏奏治法彰於詔誥傳贊所以繪眞發策足以闡妙七以聯篇徵博銘以片語扶輿寓答問於詠嘲演連珠於葩藻知文類之不一唯綜核其大要是則爲文殊異爲心實同必其中之有物通蓄之而途通荷剽賊以益短或雕飾以索工雖偶得於須臾度移時而

必窮蓋以文爲心聲心爲文主心或感於哀樂文遂轉其機杼良辰賞心美景樂事性靈曠其不拘神情浩以無滯思脩脩其欲仙言霏霏其如陸快抵掌而高步笑掀髯而雄視走龍蛇於江海極行文之豪致風冥雨晦困厄窮愁鄉閭狎侮貧賤貽羞日閉門而賦恨藉子墨以消憂涕與筆而俱落魄與思而竝遊心鬱結而彌苦文悲哀而愈遁既心爲之中主亦氣作其外輔沛若江河之懸浩如風雷之播每一鼓而無前俾筆花之芒怒既氣爲之外輔亦機從而內圓絲縷縷其細入瀾滾滾其廻旋每有轉而無竭俾文陣之如環既圓厥機用染

唐堂集

卷二 賦二

六

以色金碧燦爛五采炫飾濯濯蜀錦於春江絢吳楓於秋陌既染其色遂調其聲黃鐘大呂鏗豁嘈呶儼鳳唵而鸞嘯笑蜩螗之蠅鳴諸好備矣而文於是乎成焉嗟夫古最重于立言齊德功而不朽賴文士以華國與天地而竝壽羨福慧之雙優何名實之胥茂倘有才不讓夫古人跡窮棲於猷猷晦青蓮之萬言闕客兒之一斗冀特達而無階怨沉淪而不偶邀孫敷之顧盼愧將前而復後荷張華之拂拭幸雖埋而漸剖斯因文以感愴遽輟翰而斂手

言志賦

詩序曰在心爲志發言爲詩爰廣其義而賦之

萬物之靈者唯人人身之靈者唯心官其中而運妙達諸外以舒忱神明苞乎萬象兮歌謠通於八音聽珠玉之聲歎兮識光霽之胸襟內醇疵之殊蘊兮外雅鄭之判吟故虞書有后夔之命詩序得卜商之深原夫上古渾敦人心沕穆醇醇悶悶標枝野鹿既知識之胥泯亦謂言之奚屬詞寂寥而無聞爲尼山所不錄緬耆姚之喜起兮發睿慮於明良曰鼙鼓與軒舞兮寫卿景之光昌紉緜纒而復旦兮煥乎其有文章苟以意而逆志兮知廣運之無疆暨如迄子心聲可諷壁經繙洛汭之歌

唐堂集

卷二 賦二

七

葩語系猗那之頌逮豐鎬之風淳兮洎曹鄴之俗衰羌以雅而以南兮亦正變之別裁視此衷之貞淫兮語或和而或乖勞人抒其鞅掌兮寥戾稽詣以笏推思婦攄其幽怨兮倉兄憤恨而鬱埋勃忠孝之憤悱兮沛淋漓以裴回蕩士女之流佚兮濫靡靡而媚諧美如景風之動地兮善萌芽而春起刺如凜霜之殺草兮惡蕭索其秋洗鉅可對越清廟兮纖亦謹夫視履叶絲桐以愬哀兮奏笙簧而傳喜文不可以害辭兮辭亦未嘗以害志知者洞其肺腑兮昧則徒翫其文字羸劉而降鏤飾爲工晦神明于雲翳獵浮采之丰茸雖擢華而揆藻匪披

肝而毓胸思未必其無邪兮言亦何取乎由中繫靈均之放逐奮愚忠於騷雅在蘭陵與長沙誌幽貞於荀賈繹韋孟之諷諫兮洵軼班而逾馬味泉明之恬退兮庶凌曹而鑠謝迨杜陵之悲壯兮厘不恕夫宗社暨考亭之醇正兮坦性靈之陶寫彼餘子其紛紛兮言纒纒而盈冊慨天真之澆漓兮已自遜于三百譬翦綵之絢爛兮不根株而奚植非言之以足志兮雖文之而何益唯夫得性情之正兮始爲風雅之宗志苟晞夫聖賢兮羅萬理於心冒偶怡情而寓意兮迺弄月而吟風般總總其禽魚兮助風諭之雍容志欲樹夫功名兮蘊經綸而

唐堂集

卷二 賦二

八

思展吐忠辭以宣悃兮發大義於緇卷達閭闔而無惡兮矢精誠而彌顯或游心於次寥兮入無聞於八虛言超超其絕埃壚兮與日月乎齊驅或發憤之爲作兮蚪偃蹇而彪怒雖沉痛而不可道兮猶膈臆之如訴若夫圖榮慕廕趣俗辭諛含毫而憂觸忌搖筆而思炫奇流驚辟與趨數唯泄瀉而促訾是肺腸之卑瑣爲識者之所窺彼無志之可言又焉發而爲詩亂曰詩以言志歌永言兮咏歌不足又流連兮匪曰抽秘詎騁妍兮有概於中用自宣兮小子作誦獻大賢兮唯思無邪矢勿諼兮

菊賦六首 爲沈恪庭太史作

種菊賦

造化兮手中儲秋翫兮迫春功傳芳馨兮餘澤延澹蕩
兮遙風於是就木驗芽巡籤記花繁叢剔扶宿土搔爬
左却老而還穉務存直而去斜欄邊離立儼成行小葉
盈盈已載香培泥酌深淺覆箔相陰陽日長人暇因閒
得忙勤藝植之攸始聽發育於東皇時則小雨施寒嫩
晴炙暖謹護青纖徐看綠滿

灌菊賦

倚水爲母以器作天不雲施雨避日引泉彼庶卉而待

席堂集

卷二 賦二

九

澤矧嘉種其嬋娟秋繽紛而報我胡培澆之不先爾乃
綆汲籬陰筍攜徑曲瓊液膏融金莖露浴泥疏疏兮入
潤苗亞亞兮受沃葉灑灑兮流根榦沾沾兮倚竹夫其
劑濕調賜連秋接夏花養據書枝刪入畫皆抱甕之餘
勞或雨中而稍暇

訪菊賦

懷別兮寒籬穆渺渺兮三時與佳期兮將至絀不盡兮
相思徑隔煙深園藏霜淺路砌纔舒陶階乍滿遲高人
兮來未來循幽塗兮遠復遠倘相見而一笑還相逢而
恨晚若夫融風問柳豔日尋花情馳冶麗態暱天斜未

若淩霜冒雨入谷緣涯足以締芳盟于隱逸結知己於
煙霞

載菊賦

漁艇桃花空復尋吳橈采蓮秋已陰船空岸遠人閒趣
深胡勿蕩此輕舸黃華並邀篷窗葉礙瓦盎枝撩香近
水以蕭瑟影橫舟而動搖傍花同坐歸路非遙不是鄂
君擁繡豈其少伯攜嬌於時野水如羅繁英映波陪芳
狎秀擊漿爲歌歌曰幽姿盟晚香同澤復同裳烟波渺
何許與爾入沅湘

對菊賦

席堂集

卷二 賦二

十

黃衣兮素裳翠佩兮紫囊紛紛總總兮盈坐芳菲兮滿
堂面面相邀津津欲語影度吟邊枝交飲所盼四壁而
無言伴一燈而延佇亦映曆而軒眉復誰賓而誰主噫
嘻此是深巖道士遠古逸民胡乃西施褒姒粉擬脂論
菊若有知將遁跡塵埃之外棲神寂寞之濱宜其終日
相對而聞若無人

采菊賦

五柳初歸寒香滿衣階前日薄瓦上霜微祇驚三徑太
涼重簾向寂人澹如花窺籬偶摘爲插鬢而贈人亦攜
瓶而供客拾華滋於勁條養金精之餘脈誠託興於南

山雖采采而何惜遐枝合態觸手成香何辭滿把是謂
折芳釀山醪而味冽浸谷液而齡長寧芙蓉兮奚以擷
茱萸兮未當

海寧觀夜潮賦

滌森乎海之爲狀也隘鹽官而一束石防繞郭以蜿蜒
沙汭沿塘而塤贖日則洪濤春涯夕則巨波鬻幅漸圻
副以侵堤劣數百武而不足居城之中者間潮聲卽然
足以駭矣蓋極天下之詭聽奇矚也若夫玉律秋深金
波夜永蟄丸激盪鱗穴溟淖城柝換更萬籟欲靜發皇
耳目流連光景於是宮詹先生以九月之望引蘭契呼

唐堂集

卷二 賦二

土

桂舫挾文茵攜醇釀往而候潮於南溟之上焉至則顯
宇淒清陰厓慘慄饒舍低迷墻鈴蕭瑟嚴肅宵眇曠朗
騷屑幕天席地箕踞促膝凜錯趾之宜愼懼海神之我
卽無何塘之外埂之上月皎蔚藍風噓沆碭晴宜縱步
晤偏入望紛遊蹤其已經匪後來所獨創然後知出險
可以探奇而嚮者其猶想像于是降雁齒躡虬鱗沙街
履影逐身橫極目間無人俯仰足臨水層厓隙隔仄垂
外二分膽疎懸而強制興蜚颺而不馴幸宵汐猶未上
竊獨慰夫驚魂渺澹池以如練熨平波其細皺縮萬頃
於一幃化對面于煙雲涵星浸月天吐海吞上下一碧

黏空無垠恍岱輿之咫尺冀安期之可親然而慄慄焉
踳踳焉疑所蹈之非土或靈怪之化身儼蠅輪而運運
必傾倒於蛟門因是以低聲塞默曳踵逡巡曾不能以
一瞬覺東南之有聞知大聲其將發亟返走而在臺若
有恃以無恐信高岸之未湮維時夜在丙月方午煙網
縕露淒楚客皆傾耳而聽若有所睹或飲或罷或坐或
舞潮則故徊徨而來遲也有若松風始吹竹爐初沸纖
觸一絲微騰一氣察其遼遠千里奚啻忽焉隆隆倏兮
浪浪淋淋翔翔呀呀踳踳駢田衍溢彭湃磅唐素車白
馬相持相戕時昂時藏以頽以頽億磴屑麥萬釜沃湯

唐堂集

卷二 賦二

土

出地若宮鳴空引商陽侯莽互陰火縱橫馮夷天吳後
至而受戮三閭伍胥前驅而啓行俾風掃而電馳聿臻
近於吾傍儼宸隆之可捫洵礪突而莫當雷霆劈歷側
地而迅起鯨鐘鼙鼓震天而考撞懼秋雲之脆薄欲破
碎兮愁孤城之何足供其簸揚鼉足亦未必能卓立兮
鵬背幸不壓乎南方客有與海爭雄者索酒狂蹈呼勿
毋戰捧觴淋漓汗袖悲漫容儀顛路笑語放誕咤貝闕
之可乾咄長鯨之如蜺責海童以獻查將乘之兮泝銀
漢角響圖影焚爆炸威聲流鉅野火激天池銀花散薄
金星陸離驚枕上之陽襄醒入夢之伯夷成連擁櫂而

來聽膠鬲熬波而出窺彼海濤之揚靈兮胡能不感慨
而記涎涎突蛟起盛怒未已自吳祖坤矯首厲尾若節
制之師既盟城下遂移旌而西指將決戰於錢塘雪射
弩之前恥軼南龕與北赭志斬關而破壘堂堂正正綿
亘百里崩轟旬旬不可嚮邇儻而來兮儻而去來賸賸
今去迤邐吾跂足望遠而目送兮杳不知爾前途之所
止於是僕本恨人憤懷傷懷天空海濶我獨銜哀前月
之園浪跡秦淮今夕何夕此焉徘徊痛流暉之如矢悲
壯志之易灰渺乘桴其難濟寄一慟于天涯倩爾谷王
爲予枚發澡雪精神濯磨肌骨刮滌腐臍盪滌髮耳

唐堂集

卷二 賦二

三

目澹澈皮毛洗伐殼蜩翅汗漫之遊殆盡息望洋之說
宛若淩虛聽鈞天又若御風登月窟何必弔二娥於湘
雲夢孤鶴於江月既而玉繩低珠斗轉餘波沸嚴霜翦
綠蕪濕紅燭短薄寒中人索衲就暖朗魄送歸怒濤已
遠聽城隅有吹簫者羌和歌而徐返歌曰秋行碧虛月
寫之夜潮應月上不遲逸情豪上誠吾師冥搜渤澥之
詭奇洪荒何人鑿大壑萬怪壘硿爭窟宅中蘊神山產
靈藥我呼秦皇杳不諾汝答響兮然疑作聊復秉燭兮
清夜遊賓從醉月東海頭人生不樂負清秋滄溟可枯
白石渺今夕之遊樂無極

鶴賦 有序

撫署畜鶴步入余庭院中玩其蕭閒澹靜偃仰自得
拳脰而立宛領而息展翼而步疎頂而食似黠似騷
似癡似傲亦無聊之甚也爰賦之曰

九爲頂兮竹爲趾脩厥頌兮穹厥體衣編躋兮質則癯
影媚好兮儀甚偉爾其趣煙裝謝雲壑羈虞羅走塵濁
充下吏之微費入鉅公之廣幕用備員於清甌敢自殊
乎燕雀然而僚吏臺胥之輩尙知貴之以其爲鶴也予
曰非鶴也公侯祿之則爲臣高隱畜之則爲子歸遼則
丁氏僊人過黃則蘇家道士使其縱翻雲霄翔驅溟渤

唐堂集

卷二 賦二

古

渴飲流霞饑啄紺雪清風白露爲知己黃石赤松爲同
列既弟鳳而昆鸞亦舞雲而唳月今乃爲耳目之玩而
彼豈樊籠之物是以神情蕭瑟意態優游陰鳴笑和寒
話誰酬亦不媚鮑昭以乞贊亦不標嵇紹以招尤亦不
邀支遁鍛羽之惜亦不貽淵材敗道之羞一若與人兮
無預與世兮何求彼且不知慕府尊榮之樂又奚識吾
曹羈旅之愁耶

陳朝雙檣賦 限韻

黃輿毓秀蒼昊佑靈不遺奇於植物綿千禩而揚聲張
傑思尊之域吳王射雉之城緬代遙而物古詎雨蝕而

風傾源彼南朝翳惟陳季嘯樹木於蟠根蔭重圓之古
寺匪松而鶴亦與馴豈竹而鳳猶能臥象叶耦而不奇
數以一而生二檀施閱祗樹以遐幽開士芘叢林而娛
志亭亭角立嶽嶽竝居日精月華枝扶葉胥物老而光
怪溢腹歲久而菁英蘊腴歷隋至唐迄於宋初幡鶴鉢
龍兮長子孫而相見道塵梵劫兮變滄桑而白如水霞
不足爲其凌暴雨露偏能助其發攄亦粵政和肆爲囊
括徒艮嶽之寄嶽渺名材之桂枿索圖畫於海陬命臣
勳而搜奪託根雖固今勢難支中使之誅求取精實多
今力能致上穹之嘖喝不苟且以俱生肯資緣而乞活

唐堂集

卷二 賦二

主

靈霍礪礪以呵護列缺碎匄而問豁赫斯雷火顯示天
心相駢柯之偃蹇轟一木以蕭森懾寺人而色沮羗捨
去而不侵逾得貞株驗古靈蹟垂今淨域勝三槐之府
高標逾八桂之林大夫松方斯未逮將軍樹其何以任
噫噫卉木無知蘊蘆若寄馳譽良難播芳非易被栽培
於龔孔麗華之手邕茂於臨春結綺之地者豈乏四照
稱珍五衢表異玉樹則花盈學士之庭璧月亦桂滿姁
娥之第而乃隨清風冷煙而胥泯訪枯株朽根而失記
徒淪落於憑弔之懷佚宕於騷人之意惟茲嘉植系籍
陳陳罹患難而彌顯傳奔葉而如新其頌也亦膏流而

火入其存也儼栢葉而松身天隨子品題而增重花石
網磨涅而愈神是以籍甚芳名遭逢大雅采下邑之物
華每取諸而勿舍比雙檜於二陸重雲間於日下俾寓
物以興懷暢臨風而抒寫

白燕賦

社晴剪雪春午拂霜水晶簾畔雲母窗傍衣非鳥飾礫
不紅裝低窺瑤戶輕投玉筐表殊姿於元鳥來雜綴於
青陽爾其星影雙流水痕一指比鶴猶纖方鷗更狎襲
趙后之縞衣趁王郎之白帟月光澹其不呈花香冷而
欲壓於是珠櫳乍啓銀蒜半垂全縈落絮悅曳遊絲是

唐堂集

卷二 賦二

主

耶非耶立而望之尾涎涎今時相見翩跚今來何遲
掠蕊迷蝴蝶捎波警鷺鷥公子愛渠能傳粉麗人憐爾
肖凝脂拂淡妝而下上舒素翰以差池浴杏雨而彌潔
湮芹泥而不緇若乃紫領遜奇斑胸削色符德秋金伴
形雨石蘸冰綃以無影穿綠陰而有迹年年芳草斜陽
處處梨花寒食宜乎袁侍御彈智以繪神楊提舉唱聲
而炫客歌曰春江碧兮春林紅白燕飛飛斜受風尋常
梁壘怕塵泥願入玉堂水署中

龔倫堂賦

誕惟我

聖天子培士樹人禮陶樂熏建首善之地隆辟靡之文
追勲禹之輔翼躋華夔之直溫軼思服於岐鎬廊樞虞
於鋪賁元士胄子州處羣萃之所美以奠而以輪有堂
歸然而崇其額曰彝倫焉瞻仰夫堂之爲制也廣厦帡
幪高阿軒翔連楹七間繚以垣牆構楹枝梧以交加兮
椽變隣編而縱橫粉檉綺錯蠅蛸以礪矻兮甌甌藻合
燭朗而頤貯紛轍轍以峨峨其相焜映兮枹振揭孽架
乎雕甍白間離斐鱗比以翕闢兮丹柱柴虎鼈立以矜
莊穹穹焉窿窿焉苞元氣而蒞萬象兮夫何昭融於鏤
之嚮陽也其上則宸藻日輝天章雲爛臚三言以高
榜曜金碧而彌煥紫泥丹璽冠其顛蔚藍空青填其畔
鏤鏤四周瓏玲陸離蟠螭跳龍作鱗之而鴻熊焉蚴
蟉官窠以相糾兮陰陽軋舞而蹀躞爛昭昭焉嵌空崕
岬以頽燭兮拱厥中而衛之繁御墨之所在百靈護
千祥藹莊嚴肅穆冒乎無外登堂而講學者對越在上
廩乎仰昊蒼而祇帝緯也其外則廣砥準平左廉矩正
登降維級崇庠就磴席爽塏以洞達聿居高而擅勝其
下則坦墀脩甬如砥如矢以貫乎前之謬者蕩乎平乎
可布武而措履荷蹠趨於棖闢洵路義而門禮若夫喬
柯翊道古木陰曦柏肅肅以衡立槐陰陰而仗齊高枝

扶疏蒨葳以參天兮宏覆幬而不衰老翰輪囷離奇以
拔地兮又有似乎介士拱侍之威儀芳艸嘉卉被庭綠
階春風羅靡時雨霏微含生意而罔薙詎雜之以葦施
其旁則率性脩道誠心正義崇志廣業六堂鱗次以翼
峙於兩廂爲齒冑之所肄陽馬旁敞而競馳綺疏交聯
而互綴釋菜者雲集鼓篋者櫛比判左右以就列胥仰
彝倫而受治於是

天子蓋嘗斟酌姚姒子姬之成規臨雍問道之鉅典六
赤舄馴倉龍戾乎橋門幸乎澤宮爰坐斯堂顧俊闕聰
集東序會稽宗標經籍析異同挾六藝之菁髓發四子
之薈叢天澤之分嚴橋梓之德庸抗鄂韓之雅闢睢洲
之風同人罔斁五品協從昭兮若揭日曠兮如發矇於
戲魂哉煌煌乎極盛至治道德之所崇也鼙鼓而軒舞
之以積於今久道化成鉅儒篤生於是蔚州公實掌成
均敷化大行攜春華兮采秋實鐘大鳴兮蛾時術掖嚮
上兮董不帥扶撐正學兮勃宰理窟士隸國子者靡勿
蒸蒸繩繩欵欵屹屹于于趨風矯矯變質晉樸邀於譽
髦兮比鴻鈞之造物雖遷秩於宮相而僉曰父師不可
失也

帝曰僉哉爰命兼攝時則孝感公甫以司業來蒞請共

襄職和衷協誨月有課季有試大昕鼓宵雅肄天下卓
學個儼非常之材連茹而拔就斯堂而萃焉極一時之
盛遭殫千古之美事粵稽夫此堂肇基經始於元八合
識之所指授必閭赤之所誦傳鴻荒草昧儒道混焉許
衡姚燧之徒出決波涓涓以源其源建閣曰崇文以度
經而集賢搜擇融液舊俗以悅暨乎有明改閭爲堂易
以今名規摹因陋弘整彪剏歷永洪與宣正亦漸熾而
有徵然未若我 朝右文

聖主作於上體道儒宗翊於下日積月累風行雨化雕
宰鑄顏誦春弦夏別扶爬羅仁釋義稼彬彬郁郁杏壇
唐堂集 卷二 賦二 九

何亞蓋涵濡七十載可謂深矣薰蒸十五國可謂遠矣
乾坤絪縕以輝奇嶽瀆扶輿而毓善琳珉剖璞以呈質
鷗鷺離丹而貢產白渠洽賞於臯陽赤箭攢羅於和扁
龍虎興則風雲從之鳳凰翹而梧桐萃萋相感召之有
神兮何有於影附響應之畢來齊總總以臻臻其上騰
兮謁思皇而耀羽儀廼有江介鯁生與觀國光檐簷躡
騰負笈羸糧舒佩成賢之街奮裾崇教之坊烏拱翼雁
列行與夫俊造茂異之倫周旋揖讓躋乎斯堂藻德於
一規之璧水範行於數仞之宮牆仰昭俊駭肅乎不懈
退而作頌敬敷其概頌曰圓穹方輿參人其中重唯倫

兮秉彝天生孰綱維之在成均兮彙蒐帳閣有堂以容
懿德熏兮惟

聖作君惟賢作師士如雲兮金鎔玉琢儲材於豫利用
賓兮敷之誨之以垂鴻庥億萬春兮

石上青藜賦 有序

予性喜苔蘚憶在京時不可得牆陰偶見寸綠輒攬
置盎中潤以水而玩之既里居堂東偏舊象數石石
又予性喜也雨久蘚翳蔓及半庭幽趣屢於心目情
不能已吐而爲賦其辭曰

谷之陽兮石棲甘處晦兮履卑類有德兮潤身髮翠豐
唐堂集 卷二 賦二 十

兮膚碧肥稜其骨兮羸盤礴縛而衣之兮無虞葺功空
嵌兮連礪礪天曦不照兮曾陰多願化蠟兮穴遊悅衡
岱兮在家緊名山兮洞壑好蒼青蒼蔚兮蔽深宵染一
卷兮亦化工同託地兮奚鉅小春夏之淫霖兮不傷以
孽寢延緣兮先後來引予眎兮清雨瞻埃壚淨兮茵席
敷美垂髻兮滑體紛黛綠兮僊之子襲穆襪兮猓猓毛
濕且寒兮以山鬼鬼不習兮僊不臨望天涯兮傷夜心
汝非非兮來暉羗娛我兮情深潭昔邪兮土瓦蝕附麗
高明兮萎不澤相斯宇兮寥以聞善因依兮末朝夕蘚
蕪離兮江有聲雲油油兮雨冥冥不出戶兮幽賞知則

希兮愈榮

螢火賦

有物於此暑生而秋薨日匿而宵行流光含吐或翕或張懷炬不煖曳燎不揚風雨雖晦曷噓曷滅月星雖眩鬬影子子翩兮其飄以忽也纖兮其無肉骨也閃閃兮不獲定其然與熄也曹諸夏蟲區於羽類以碧以青無聲無氣臣愚不識請之炎帝帝曰此其蕩遊而靡所歸老者邪朋飛而無牝壯者邪不韜其芒以自葆者邪狎於人以炫耀而命以殀者邪明不足以衛生而忘其腐草者邪濕蒸以爲父蔑化以爲母昆燭而弟燐炯腹而唐堂集

卷二 賦二

圭

連陂懷謝圖賦 有序

昔新城王尙書居魯連陂作懷小謝詩懷陽美謝山人也好事者繪圖以傳山人今詒予書繆推賦才幸不朽斯事夫賦亡於唐以後之律明盧楠不偏於古而謝榛好焉所難於知音也爰叙而賦之

緊大人起於東方兮弭節於魯連之陂興岱雲溟波之瀾鬱噴欬兮橫天地老而不衰息煙水於一隅兮扇熏

馨於九垓唯葦鷗鷺之狎處以蕭寥兮奚埃埴之能來倚池亭以空吟兮心不懌而坐馳目送飛鴻於千里之外兮殷遙遙焉而締所思彼美人兮江之許子慕予兮修以嫫吐心聲以爲媒兮藐姑射之仙侶婉昔連之高潔兮加以今連之風雅郁春草之霍靡以芬藍兮偃西堂而延佇世鑒真其無人混攀嫫以和女渺南國之獨處兮睇荆溪於何所目成旣已無期兮徒奈何乎繁者悲所思之縹緲而不可卽兮心若游絲之縈繫凝之可通鬼神而貫金石兮散之恐颺逝電滅而追不逮役虛無於夢魂兮掠景光於雲氣川浩浩之不可越兮塗唐堂集

卷二 賦二

圭

綿綿之不可至搖風雨以合離兮溯洄游於髣髴匪留之於繪畫兮炳斯心之寸丹來者曷知嚶鳴之流韻兮人一倫之所敦翡翠警兮風蒲翻葦延緣兮漁樵閒此中之有人兮靜相思而無言攄窈冥之幽懷兮卷軒豁跌蕩於乾坤俾一瞬兮永存將千古兮永存

唐堂集卷三

華亭 黃之雋 石牧

頌

西征頌 并序

皇清以武功定天下

太祖

太宗龍起東陲遺甲猶汗

世祖入關劍躍其光

皇帝續三后截海外殪滇蜀難閩廣幅幘十倍於前代
觀象百集於山海於是橐弓歸馬彈琴歌風泮渙無爲

唐堂集

卷三 頌

文命四馳乃康熙三十五年春厄魯特噶爾丹鼂跳窮
邊鴟集積鹵踞克魯倫河構四十八家部落以闕我西
北之藩

皇帝赫怒躬自禡師七校雲騰八旗虹臙銅鑣曉炊革
鑿畫鼓天威燁臨小醜宵遯親追至土喇河大敗之於
昭木多冬復駐蹕鄂爾多斯撫降遏援明年春由寧夏
出塞蕩滌西氛西海烏思藏國人望風迎附哈密國人
俘獻噶爾丹之子於行在噶爾丹勢窮道迫遂飲藥自
斃於阿察阿穆喀台

皇帝凡三幸沙漠斬絕戎莽雪山青海之外版圖蒼赤

萬里一視回鑾奏凱歡動朝野或疑小醜么膺腦不足
塗一帥之幟膏不足潤一卒之鏑今大將費揚古孫思
克輩鷹揚虓虎之材折筭笞之有餘奚爲

天子自將哉然臣考載籍夏后之戰有扈殷高宗之克
鬼方周成王之伐淮夷踐奄宣王之伐徐方誓於書象
於易歌於雅頌皆躬臨行陣用彰天討蓋其時皆繼世
守文之主百姓壯穉不識兵革士娛而馬遊使非一人
出六師作安能壯元戎之氣而奪叛人之魄哉故往往
事半於推轂功倍於築壇而況今西征之師廟算神武
尤超越三代而上之當必有文章之士誌武功垂宇宙
以與雅頌訓誥埒彼之銘燕然碑淮西者雖詞采彪弭
旬耀金石不過紀將相之能惡焉靡矣於是草莽臣之
雋不揣鄙陋私纂爲頌一篇其辭曰

唐堂集

卷三 頌

二

於皇大清地與日方西越流沙東接扶桑窮髮瀚海稽
首來王罔或不順以取蒞烹蠹爾西醜摩爾螳斧以嘯
厥旅以闐我口伺我文治不究於武敢效蟣蝨嘬膚於
禪

皇帝赫怒爰行天討曰此蟣蝨亦煩牙爪朕有萬邦守
在邊徼朕有六軍以誅無道爰命親征動於九天山神
輓粟地祇出泉鼓行無西駭以喙焉帝曰寇窮剋戈勿

殲乃旋於京醜遁復來遁而復來驅之如摧曰再曰三有叠其威讐於猘禽獮獮屢施吾聞王師如電如霆如雨如雲如風之行吾聞小醜如猓如鼯如散獸禽首如角筋曳其巨元款壁上貢以示絕漠一靜不動師以義行兵以德用武功既成拜手作頌

學宮造士頌

已卯歲

皇上南巡見讀書士子日盛詔學臣試童子每學增入五人臣謹拜手爲學宮造士頌而序之曰嘗讀記言黨有庠術有序國有學比年入學中年考校其在鄉學者

唐堂集

卷三

三

謂之秀士殆周制云其教甚詳獨不詳其人數蓋廣收博儲不爲定限以見教化之盛漢武帝時用公孫弘議置博士弟子五十人鄴縣有文行者詣太常受業如弟子一歲輒課試有秀才異等輒以名聞昭帝舉賢良文學增弟子員滿百人成帝時增弟子員三千人皆在國學教不逮古而人數較詳東漢明帝永平二年親臨國學令期門羽林之士皆受經帥郡縣各行禮於其學校然兩漢於郡縣學聽守土有司廢興無定制梁武帝天監四年分遣博士祭酒巡各州郡立學而後魏獻文帝天安元年立鄉學與今制近大郡學生百人次郡學生

八十人中郡六十人下郡四十人至隋仁壽元年詔廢州縣學僅存太學唐制京都學生八十人上州六十人州縣學僅存太學唐制京都學生八十人上州六十人縣中下縣各三十五人下縣二十人教不逮古而人數加益若曰此以內經生鴻儒濟濟焉多也此以外不得以虛聲附和匪材濫冒也亦賢君慎選擇廣儲蓄之意兼焉云爾我朝仍明之舊其滿洲蒙古烏金超哈皆得入學應舉教澤所及逾大

唐堂集

卷三

四

今上卽位數十年以來以漸增益三吳之間大學四百人中學三百而贏小學亦百人而贏歲科所入以學爲差多者二十餘人儒益彬彬焉今復詔廣五人者而抱槩席硯單門寒賤之士爭引領盱衡而來也曰試哉夫一邑中之種學績文而未隸學籍者詎定五人五人之幸試而幸隸學籍者詎盡種學績文之彥也乃士氣軒舞百倍平日者事之感動以意而俗之獎勵以幾今夫郡縣學一賢大夫倡之名博士助之未嘗不蒸蒸思進於善若天子高居明堂萬幾不遑卽留意振作僅及太學首善之地蓋遐邇邦下邑執懸絕甚也而我皇上廣勵學宮培植人才之典徧於州邑身經而面命之故誠意之孚於人也深而有造於小子也大士生其

時親親

聖主之遇我厚鄭重無已必爭自濯磨五倫明三物興以漸進於古之爲士者其幾卽在乎此樂育材則菁莪誅學校廢而子矜刺聖人竝存雅鄭以驗王化盛衰是故廣額造士其事爲極盛其歌詠所係亦極大廼今之頌不可無作頌曰

皇帝御宇文命四訖浹歲積年三十有八載太平玉燭巡幸河壩途周吳越敷敷型俗進髦士與言皇皇念學宮毋鞠園蔬俾古治不還既廉其實嘉多士郁郁不慙聖賢 詔學使者既畢正試補五弟子員譬有三十人

唐堂集

卷三 頌

五

咸飽經學可與遊序僅取十五半得其所半不得舉又取其十過半得直終枉其五肆殫增入靡有遺者斯全厥所取曩歲

皇帝臨雍釋奠坐彝倫堂講易乾卦尙書堯典以勸師生手製孔廟碑御書勒石闕里宮牆禮部省試擴厥故額羣無留良踵事繼美補試入學底小子於成古之人無數譽髦斯士豈唯文王綱宏目密羅才如魚曷有不獲有限者數無限者意式獎南國王政本根培植鬱慈爰獲士之力漸仁摩誼化大澤永與天地無極

寶歷頌 并序

天欲使大清之世永永又安綿億萬年故以四海內外蚤付託

聖天子俾享無疆之祚永爲世主蓋自紀元以來至於今六十年矣王公大臣謂虞夏以後從未有之盛屢表請受慶賀

皇帝謙讓不俞

聖德深遠固非常情所能揆量伏惟

陛下御極旣久聖神文武仁智勇信集古皇帝王之大成累萬筆舌不能盡所謂乾坤之容日月之光不可繪畫者也易云天地之道恒久而不已日月得天而能久

唐堂集

卷三 頌

六

照造歷者十幹十二支相配每六甲而天道一周七政運行亦以躔度爲紀如循環周而復始
陛下與天地合德與日月合明兩儀無窮盡二曜無紀極則

陛下歷數亦無限量來以往驗數由理決於是公卿以下咸爲文章歌詩以康颺盛遇洋洋乎炳炳乎聲文備焉悅八伯而下之臣會試京師恭逢履端并舞欣躍忘其舛鄙亦竊爲頌一篇以上比嚮謠夫元氣運於上而百物動於下春而鳥鳴秋而蟲鳴靡歲不然臣生長康熙中飲天地之和被日月之光久矣雖舛鄙猶文於蟲

鳥不能嘿焉而願以鳴 太平之春秋極於永永其辭曰

昌朝一統

聖主萬年維天地久維

皇亦然肇六十年康熙之紀維

皇帝壽與天地比擬其金樞運其璿圖綿六十年一如其初郊廟致虔慈寧盡孝立賢惇族遠猶辰告恤刑好生勸織勸畊淮黃親蒞地平天成崇孔尊朱庠序大啓鴻博無遺思皇多士藩平三逆邊靖六軍揆文奮武乃聖乃神久道化成

唐堂集

卷三 頌

七

皇建其極光天之下飲和食德古皇帝王德萃

聖躬古皇帝王功孰與同而所無逸兢兢慄慄歷六十年日慎一日稽古義黃昊頊嚳堯舜禹之紀孰逮我朝天地日月循環亘晝甲子萬千既週而又

三頌 有表

臣聞聖人御世功德隆盛必有珥筆之士作為文章導揚美善鏗鉤震耀昭示無窮我

皇上繼天立極勵精圖治雍正二年春二月親耕藉田三月朔詣辟雍是日也我師大捷於青海適當凱旋之日文德肆洽武功遠揚典謨雅頌所稱咸萃一時臣既

具疏稱賀復自念遭逢

聖主疊觀盛事臣又極蒙恩寵獲以文字爲職不於此時有所頌述何以效涓埃答高厚方奉命校士斯夕未遑輒從道路飲食寤寐之間凝神注思句累字積凡四閱月撰成耕藉頌臨雍頌平青海頌各一篇雖天日之容匪臣愚陋所能仰摹而職守所繫竊附古者記言記動之末以垂永久謹繕寫進呈伏祈 睿鑒臣稽首頓首謹言

耕藉頌 并序

雍正二年春二月癸亥

唐堂集

卷三 頌

八

皇帝親耕藉田於郊先是詔禮官太常博采前制以聞禮官具禮儀上制曰可迺諏吉行事先期

皇帝致齋二日至期陳鹵簿大駕至先農壇門外王三大臣十人暨文武諸臣咸從既至降車臨壇燂燎初然

皇心肅凝贊引導駕樂具入奏

皇帝詣先農前行三獻禮畢迺就耕藉位耆老牽牛扶犁以待協風應和春雲覆野萬姓咸覩

皇帝躬秉耒三推土脉墳動旣往而復三王九卿五九以次耆老覆土農告終畝駕乃還齋宮大合樂勞酒從

臣暨耆老上農咸賜繪布遂布告天下督撫郡守縣令各舉行勸農之典仍令歲舉老農給與品秩以示優獎神人胥悅歲乃大稔於千萬世臣考之禮天子爲藉千畝醴酪粢盛于是取之以重祀也元日祈穀上帝親載耒耜以重農也

皇帝卽位以來舉念行事罔非篤孝敬貴農穀旣無逸於宵旰於是耕藉以洽大禮心誠於中典順於外非漢唐奉行故事所可幾及萬一臣奉使閩學未及與保介之後謹撰爲頌一篇鋪陳盛典以備樂歌其辭曰
天篤我

唐堂集

卷三 頌

九

皇以聖繼

聖握乾御符仁義中正二年仲春協風應令親耕藉田以孝以敬禮臣具儀核於禮經維王大臣與

帝合誠六龍旣駕于畝東耕匪曰宸遊載禮以行順時覲土土膏其動俾民于農先嗇斯重神光赫熹誕降嘉種蒞我耘耔懞懞萃萃

皇心怡愉玉步安舒秉我耒耜幸我農夫承祀以豫勸農以儲三推一墾敬與禮俱惟王公卿或五或九惟上農夫合力終畝禮成而宴饗醴勞酒賚耆賞農

天子萬壽廼諭郡國徧行所司以田以農澤與事偕嘉

禾瑞麥神祇悅來昭示萬世永保佑之

臨雍頌 并序

臣聞美教化移風俗未有不由太學始昔我

聖祖昭明道法親祭闕里升配先哲設五經之局纂紫陽之書咸正無缺佑啓我

皇帝聖明容知超邁百王嗣位之初推恩孔氏自至聖以上五代咸錫王號開恩科舉孝廉方正天下櫜囊躡屣之士輻輳並進遠訖四裔之長亦皆喁喁嚮風遣子入學

皇帝曰予茲釋奠於先聖先師以樂育我多士惟季春

唐堂集

卷三 頌

十

月朔協於吉日

皇帝曰臨雍鉅典也而史冊所載章奏儀注率稱幸學今朕親詣學宮行禮稱幸非宜自今以後其改幸爲詣於是備法駕入自橋門舍輦以步衍聖公暨五姓博士咸與執事禮樂備舉

皇帝親祭釋菜心容肅穆在列咸敬分獻畢升輦至彝倫堂登座命講官執經敷陳大義多士咸喜

皇帝曰朕將廣從祀增博士弟子等員復五經解額以表章先儒嘉惠來學諸臣其詳議之乃回鑾錫宴賞賚以次舉臣備員視闕學捧讀

聖諭謙而彌光崇儒右文度越萬古天下之士觀感懷
動其疇敢不兢業鼓舞以敬應

天子臣謹宣布

上德俾山陬海澨皆知

皇帝尊師重道廣厲學宮不以文以實之意輒忘淺陋
爲詩以獻其辭曰

粵稽前聖道統相繼自虞迄周立學盡制我

皇御世道備帝王折衷孔子理學大昌詔我成均首善

之地興賢育才教化攸繫告於羣臣朕其詣學先聖式

憑罔或不肅吉日乙亥季春月朔匪幸之云惟詣是告

唐堂集 卷三 頌

湯湯辟雍有翼其宇

聖容肅肅拜跪興俯大鏞載考賁鼓有數

帝升於堂講道論德圍橋聽者維萬千百

帝曰欽哉匪文是飾惟教化是崇以爲多士則

帝曰先儒從祀廊廡孰罷宜復孰缺宜補孰爲之考崇

聖是輔孰爲之後以博士舉

帝曰諸生克肄五經復其解額以勸賓興

帝曰諸童矜老不青廣其庠額樂我文明大中小學計

人而升於樂辟雍

皇訓其極訖於闡疆亦罔不飭誰其布之臣司學職

平青海頌 并序

洪惟我

皇上受命於天四海內外罔不臣服渺茲青海遺寇實

繁國初羈縻弗絕

聖祖之世扎什巴圖兒稽顙納款

聖祖懷柔遠人封以王號列爲外藩仁育至矣而羅卜

藏丹津者介遠恃險弗悔弗圖跳梁蠢動烽火以告

皇帝曰茲小醜敢背大德若勿討無以答

皇考於在天乃命總督臣羹堯爲撫遠大將軍授以方

略曰往討青海之負恩者元年冬十月進師所向皆捷

唐堂集 卷三 頌

賊凡三領其軍其黨相率降乃命提督臣鍾瑛爲奮威

將軍授以方略曰踵征之二年二月壬子師進丙辰直

抵釵達木獲其母暨酋長等八人賊遁已未追及之獲

輜重男婦牲畜無算青海平三月朔凱旋捷聞

皇帝曰是可告於

皇考以無忘武功也於是祭告

景陵以吉日獻俘吹拉克諾木齊等於

太廟

皇帝御午門受俘頒爵賞於大帥以下有差臣伏稽往

籍虞帝格有苗以七旬殷宗克鬼方以三年未有旬日

之間蕩平絕漠功烈若斯之神速者也

皇帝張撻伐之業永靖邊徼以紹

聖祖赫聲濯靈之緒大孝神武誠宜勒石學宮昭示無
外臣職忝紀言不勝踴躍謹拜手而獻頌曰

赫赫明明

聖祖之緒我

皇受之允文允武八荒我闡雖遠不禦孰居青海昔沛
之膏長子育孫不薨而苗既豐既殖稂莠乃驕蠢彼小
醜自相蹂躪犯我邊圉距張角奮

帝姑宥之曷煩兵刃寇狡厥謀連結黨與三赦不悛曷

唐堂集

卷三 頌

三

其宥汝張皇六師薄彼西土桓桓虎臣捷於風雨二月
初吉策入其阻鳥駭獸困矜甲坐鼓相彼青海在覆載
中背恩不諛自罹於窮俘馘百萬昭我武功青海既平
諸部以寧守在四裔萬國來庭

帝曰欽哉

皇考之成既獻厥俘用康禋祀告厥成功九廟咸喜大
賚於廷以洽百禮

皇帝大孝弘此武功乾施坤載禮樂具隆小臣億頌以
告澤宮

萬壽頌 并序

欽惟我

皇上天縱神聖智仁文武體乾行健功德日新與天無
極是以御宇三年以來敬天法祖用人行政近而殿陛
遠而海外心思之所周聰明之所及靡有或遺盛德大
業鴻功湛恩堯典禹謨所未殫壤歌衢謠所未罄而我
皇上方聖不自聖治益求治而不遑自逸也臣仰觀我
皇上續承

聖祖仁皇帝之緒首以孝治天下一言一行不忘

聖祖付託大寶之重而主敬以爲之本於是器使百寮
廣開言路中外文武大小臣工之賢否黜陟必當八旗

唐堂集

卷三 頌

四

軍民四海農商之利弊洞悉無隱大智也蠲免賑恤起
廢疏滯詳定律例洽於好生又特減蘇松浮糧除前明
之遺累養億萬之民命大仁也郊廟必親禮樂畢備詣
雍講學耕藉勸農崇禮孔子追王五代開科廣額博舉
孝廉加額五經風勵學校頒行

御製勿黨論

聖諭廣訓萬言於天下以陶淑風俗至文也指授方略
平定青海皇威遠播邊陲乂安簡任武臣自提鎮以至
末弁皆面加訓誨人地相宜水陸求靖至武也四方章
奏親自覽斷御殿御門日召羣臣論政屢頒

上諭剴切曉暢事事周詳至勤也實心實政純一不已
至誠感神孚格上下天心協應日月五星聯珠合璧至
誠也臣聞久道莫過於天而成功亦莫速於天是故日
月靡所不照臨雨露靡所不霑被星雲靡所不昭回風
霆靡所不震懾璿璣靡所不運旋氣化靡所不感召而
我

皇上智燭仁育文敷武揚誠孝敬勤建極而與天同體
固宜握符凝命以受億萬年無疆之福臣備員侍從橐
筆記注既又奉命視學八閩遠在五千里外重荷眷寵
晉秩坊僚感激無地伏念臣無寸長惟以文字受殊知

唐堂集

卷三 頌

五

竊殫心竭才謹撰

萬壽頌詩十二章章八句獻之黼座以附虎拜稽首之
義其辭曰

皇帝御世如日麗天中和建極體元乘乾德彌六合功
覃八埏爲天下君億萬斯年

皇帝御極純孝盡禮續承

聖祖夙夜敬只惟天之經惟地之紀爲天下君與天同
體

皇帝之智明目達聰靡遠勿燭雖幽必通惟人與政洞
於宸衷照臨四表與日月同

皇帝之仁膏澤如雨養老惠農百姓安堵蠲租恤刑萬
物得所溥天之下樂而鼓舞

皇帝之文典禮弘昭崇師勸學祀廟配郊風和藉畝春
麗園橋星雲糾縷煥乎聖朝

皇帝之武不怒而威雷厲風行肆其靖之凡厥武臣以
暨偏裨寧謐嶺海永安四陲

皇帝之勤行健不息慮周萬幾政先百職親覽封章宵
衣旰食勵精圖治不遺餘力

皇帝之誠經綸無疆旁乎神人上格穹蒼五星二曜聯
合獻祥天地交應極於光昌維

唐堂集

卷三 頌

六

皇帝之德大與天則肫兮淵兮建其有極乾兮惕兮所
其無逸維德動天綿千萬億維

皇帝之功高與天同溥海內外從欲嚮風民物樂育陽
春融融維億萬年之福集於

聖躬集於

聖躬介茲萬壽高明博厚歷於悠久如川方至如山如
阜

天子萬年臣拜稽首稽首拜手作爲頌詩衢歌巷祝采
風是司遠自閩土奏於彤墀昭播

聖治萬世永垂

河清頌 并序

欽惟我

皇上乘乾御宇大德廣運敬天法祖勤政愛民治功巍
煥光被萬國是以七政之符呈於天嘉禾之祥著於地
時和年豐之慶驗於人感名徵應既若斯之盛矣乃雍
正四年十二月至五年正月黃河水清歷河南江南陝
西山東之境凡二千里傳記言河清爲至聖之大瑞又
云聖君政理之所致我

皇上宵衣旰食勵精圖治用行政盡善盡美兩儀六
合之內皆太和所洋溢光明所洞照天用申錫苞符俾

唐堂集

卷三 頌

七

河水獻瑞以協應於

大清之朝超越古昔垂諸永永而

皇上謙德愈光訓辭兢惕尤爲前此帝王所未有詩之

言河者曰懷柔百神及河喬嶽又曰允猶翕河考其時

未嘗有澄清之奇猶且著爲頌詩形容盛德况

聖朝嘉瑞厥地厥時既長且久又非但懷柔允翕之謂

臣之雋歡忭踴躍謹拜手稽首獻頌一篇其辭曰

皇帝御宇至聖至誠孝治天下仁育蒼生與天同健與
日同明勅幾以敬勤政以恒乾象坤符嘉瑞叠呈維天

卷

聖屢進而增曷以著之黃河水清兩旬所見四省所經
綿二千里從古未曾河宗四瀆水首五行河水爲瑞萬
瑞合併

帝曰欽哉昊天是承感應之理

聖祖式憑錫茲介福告於

景陵載申河祀載勗在廷訓以敬慎賚以恩榮懋昭謙

德以答嘉徵榮光馬圖史冊所登河清之瑞義昊同稱

維天眷

聖協應太平受天之祐億千萬齡

騷

唐堂集

卷三 頌

六

圖中辭 有序

予束髮學千時之文今齒二十七矣戰藝三北退而
耕一畝之圃葵莧豉菹以養父以甘其土之出夫勞
者必歌其事倚耒而吟妻汲甕而和之海風吹襟庶
草咸怨其辭曰

煙纖雨兮冥冥遷新翠兮遙汀鳳之尾兮上拂雲搖悲
風兮夜則聞春龍蠅蠅兮泥一握震雷號兮出其角蒼
肌裏肉兮蜿蜒而拏攫待淚點之斑斑兮寒梢響其湘
簾篴之幽兮徑之深若有人兮高節而虛心吾所思兮
在江南

右種
竹辭

鼯鈕叮嚀兮種瓜暮鈕叮嚀兮種瓜瓜不茂兮可奈何
葉碧兮蔦黃人皆飲餘兮我猶不得嘗何東陵之五色
兮穗隕其芳子母鉤帶兮結愁腸目盼之兮後園窈窕
水兮澆其根霞反照兮早有微理厥蔓兮復何言瓜辭
黃蘆兮西鄰斷苦竹兮北園經復緯兮繩網有文牽
紅成帳兮蔓藜藜穠有花兮白或紫襲帶暨刀兮取形
似刀豈能裁兮帶曾不可以繫徒甘厥口兮莢與子菽
水儉兮雞豚缺濯秋圃兮七八月皇天佑物兮纍纍發
克盤格兮供白髮豆辭
莫歌種菜辭一歌種菜辭使我三日悲學爲圃兮身作

唐堂集

卷三

尤

傭墾曉矚兮兩晝功綠一寸兮葵霜風春乍及兮老敗
厥叢勤撥之兮不實筥選而烹之不耐咀羅數畦兮淺
半釜曩收兮半釜今祈爾兮苗盈圃繞之飛兮蠶蝶晝
蒙蒙兮小雨菜辭

送難羅

有序

黃子家居連邁菑屯坐臥自疑感星者言有羅在命
垣是爲難星凡十有八月相與爲祟八自前秋朔出
於今月晦然則茲殆將出也於是誦其惡而送之
惜汝羅何所讎而來與吾爲敵猗星爾名而不星爾德
猗炯炯之目饑饉口猗坐於離以與火耦猗竭來吾宮

吾初不知猗至豕之秋拂亂所爲猗巖巖巖君年在載
猗霜髭緒顏齒堅齧猗期頤之齡操券以決猗俄罹於
殃高山頽跌猗垂手斂曉成永訣猗不孝何事遭此殞
滅猗天崩其角秋雨洩猗鳥之啁噍蹢躅以絕猗惜汝
羅矯其首而螫蜚猗憂服哭哭遘羣小之寃猗寮前重
垣築三四歲而沒苔痕猗鼠謀穿墉構譏言猗朝往城
郭夕返邨猗暑雨沾體炎日燉猗風潮潑路成湘沅猗
拳衣踏龍幾漂翻猗白霜切屢鞭瘡跟猗夜半行路鬼
火昏猗白日所值皆厲魂猗惜汝羅奮其身而揭猗猗
方期爾脫又虐我冢子猗九歲之童烏能吟子美猗昨

唐堂集

卷三

辛

夕嬉舞明日死猗病無此遠必罹惡鬼猗翠眉丹頰化
爲春蔦猗詩卷彌勒入棺以殉其體猗謀然肉委不可
以復起猗吾不忍言之如刃斲髓猗惜汝羅徘徊將出
掉其尾猗羅是何物毒至此猗是不可與羅一朝居猗
亟錮良日縛舟輿猗浦梅作花柳茁舒猗奠椒酌桂吹
笙竽猗僕夫在門歌驅駒猗卑詞哀求縱所如猗出此
雞垣以入狗途猗幸毋歸來乎擾余軀猗

睇三吾

有序

辛卯歲冬一遊浯溪有記壬辰癸巳之歲兩過其下
欲登焉俱見撓於同侶目與逆送殊難爲懷作睇三

吾辭以誓之

睇渚之溪兮江一涯白石粼粼兮礧礧欽磻溪有房兮
葦芳葑水鏘鳴兮雲詔作浣且聽兮澹宜壑魂窈窕兮
安其宅往贈之兮所折馨時揭其淺兮今與麓平放悲
兮惻惻宛中抵兮騁望蘿荔兮翳之曷來兮曷往我所
思兮在道州溪上之清風兮與水俱流渾迴波兮榜不
機與魂睽兮余心悔激非渚之流兮負厥齒斜陽晚兮
呀谷幽他日歸來兮誓淹留

睇岵之臺兮青龍從白石巉巖兮棧齮以肖峰雲詆蕩
兮臺之址化爲鸞螭兮驂予美靈鼉出兮夜來歸倚玕
唐堂集 卷三 騷 三

醉吟兮舍此安棲鬱灌莽兮晦崖路霑雨作兮在祠下
若有人兮招予悵橫流兮不可渡我所思兮在平原臺
畔之磨崖兮與石同根蓋蜀誓兮靈武鑠斧藻之兮於
顏元岵迴迴兮終古期不赴兮靈無怒葆胡繩兮壅杜
衡他日歸來兮誓容與

睇唐之亭兮穹峙隅白石齒齒兮相糾扶下瞰江水兮
濯吾趾篁爲髮兮落爲膚聲鑿樽兮腹坎窞齋淪窅窅
兮醪碧澈漫郎遊兮不歸裴哀空山兮使我心悲仰桂
檉兮松牖期佳人兮何時我所思兮在山谷窳南邁兮
此焉宿哀亭左之遺識兮勸誰讀世後古兮唁前吾眠

吾宗兮彌不先上湘灘兮擊汰願再陟兮舟艱蘭露啼
兮相雨泣懷彼美兮心不懌諾煙霞兮唐勿忘他日歸
來兮誓相羊

頌風伯 有序

乙未歲正月大風連日夕不止昔韓退之有訟風伯
文予辱不敢訟轉而爲頌云

壹何蓬蓬兮机隄儻蕩乎莽蒼之間青郊黠閭兮滄解
簾翻不知所自來兮綿三鼉昏而不還古稱春之風煦
嫗以悅人兮而奚恤矩而改度曾不見吾廬腐桷缺瓦
罅隙之百出兮詎白間之可禦填然決土囊以濟衆竅

唐堂集 卷三 騷 三

三

今雖室處何異夫中露宵襲綌綌以飄搖兮寒中余之
右肩旦舉寸穎猶千鈞兮腕詼臂之無權日復中余之
左目兮赤紋侵臚碧眇以蒙眈夜焚膏而研朱兮點乙
眊其不接悞焉知風之祟厥體兮羗曷敢乎怨咨挾雷
赴闕里其必變兮借雨之大麓以弗迷小子睇鴻臚而
不及兮思背聖訓之所詒耶詠之以譏暴兮荆謔之而
誚雖彼洵潛壺而溺蠻兮肆輕才以相嗤曾不諒大塊
亦有何樂兮其憤懣鬱怒亦余之髣髴積不平而一噫
以洩之兮遑復計乎殃物苟欲禁蒼蒼以不風兮八胡
爲乎條歎彼退鷁雖與隕蝕同苗兮恐翠繳亦不勝其

爲穀姑伏枕而塞聰兮以慎護吾膏腴遲飛廉之霽威
兮娛柳下焉於春晝

小招 并序

小招者緣起於髮冢也雍正四年桐城張純喪其父處
士君未錫明年將諏日葬往河南圖葬資於所知歸至
六安州七月丁卯大雨戊辰雨甚是夜衆山齊發蛟水
溢數丈漂人畜廬舍棺槨無算是時桐城亦發蛟純急
歸則其舍已毀於水其父柩已漂失其妻與子已溺死
純則無暇他求首求柩而搶呼狂馳於蛟所經道以達
於江之澳凡月杳無有先是處士君性孝卽薙髮必
唐堂集 卷三 墓

龔藏之曰受之父母也積久與身等至是舍雖圯而髮
龔滯泥水幸存純既抱恨於未葬又遠離啁嘯蹢躅逾
二年計不可得柩乃泣奉父髮於母墓葬之竟陵唐太
史建中爲志銘稱髮冢云志之言曰先王防民患至深
遠自東遷後政久廢生民遂有意外不測之奇禍不能
養生喪死無憾如伐蛟之令至今行也而焉有此純以
示予亦欲一言以慰其親泉下者予謂非蛟爲之天實
爲之天苟降災其土豈惟禍淫雖仁孝猶不免豈惟蛟
雖無蛟水火刀兵猶不免天既降災其人雖已葬水之
力能破墓決冢以出之非因未葬也雖純在家率妻若

子合三十指以捧持挽留其親柩必徒以其身同殉於
洪流非因遠離也銘之言曰有天焉又曰招其魂予既
衍天說復仿楚辭爲小招其辭曰

噫吁噫乎哀哉張君之魂之藏也蛟之水君木不可以
游些濤湍瀕洞漂疾不留些前和旁翼激以投些衝戛
破碎靡散若漚些不知君之木其裂與孳些蛟之水君
膚不可以親些土石涌軋挾以入江之漬些濺沒盪汨
腥涎吐屑些晦黑顛觸蠕介鱗些不知君之膚銷亡與
存些水之天暝而不可仰些羲舒滄鬱靈霖猛些旬隱
粉汨耳徒轟轟以騰響些君欲戴天沒首無影些水之
唐堂集 卷三 墓

地不可以措足些橫流無垠混混以濁些儵忽百千里
不知所宿些君欲履地漂浮而不能卓些水之水不可
鑒以吸些淪濫睂須淘啗血些生翫其清死虐爾以淪
滅些盍生爲彭屈而死與埒些非君實趨蛟所挈些君
胡爲兮不歸棲此髮些水之鬼不可與相逢些沈菑淪
劫一昔同些有萬其家娃嬰空些含冤茹恨以赴大江
些何忍爲芻侶而仰見其鞠凶些君盍歸來乎安畝宮
些骸骨逝波髮尙攀攀些噫吁噫乎君之髮親體所遺
些日苗月豐難逾時些篋而弄之積蕤蕤些曩麗於元
今以爲尸些血榮腦華靈憑依些高墳翠如結於妻些

恆不可復而冢可居些冢之中窈其有容恣長眠些重
昏未夜息露喧些漆炬若螢燄纖圓些鬢髻以披羶首
斑然些隨之融融樂百年些冢之外厥壤崇庠宜嚮背
些青楸白楊蕭如繪些幽篁女蘿蔽而不隘些旁可萬
家薨收不敢蔑些兆之同穴娛百代些噫吁噉乎魂歸
來永於此賴些

唐室集卷四

制草

華亭 黃之雋 石牧

恭擬

康熙大行皇帝廟諡冊文

乾符廣運超萬古而獨隆鴻號丕昭配兩儀而竝立創
垂永賴巍蕩難名欽惟

皇考大行皇帝道貫三才恩涵九有冲齡繼序肇增昭
代之弘模久道化成式廓熙朝之景運敬

天法

唐室集

卷四 制草

一

祖盡制盡倫濟世安民允文允武極孝思於尊養郊廟
尤虔篤慈愛於宗支勲賢必恤用人立政欽明被四表
之光赦罪蠲租怙冒溥萬方之澤禮樂興而刑罰措水
旱弭而河嶽靈既好生之如天復神武而不殺兵威所
指反側皆消廟算在心遐荒永靖收歷代未收之屬國
開從來未闢之輿圖治河則神謨捷於禹功巡狩則懿
德多於周頌誕敷文教幸魯而崇萬世之師勤御講筵
尊朱以表六經之學金聲玉振帝王集其大成精義入
神道德通於游藝綜六十餘年之謨烈美不勝書稽三
百一帝之簡編古來未有唯手定長治久安之天下而

心懷憂勤惕厲以終身仰靈爽之式憑考彝章而肆祀
僉謂席守成而兼開初統中外以定太平功高百世而
不祧禮洽羣情而稱祖中和建極聖則大而化之乾健
體元仁者善之長也敬備顯揚於

君父敢申昭告於神明謹奉冊寶上尊諡曰

合天弘運文武睿哲恭儉寬裕孝敬誠信功德大成仁

皇帝廟號

聖祖於戲秉謙德於生前屢辭尊號定徽稱於今日彌
切追思伏冀於昭于天克昌厥後紹庭陟降賴申錫於
無疆入廟顯承凜監觀之有赫永綏奕祀式荷弘庥

唐堂集

卷四 制誥

二

封

孔子祖爲昌聖王冊文

道統開天溯聿修而念祖家聲毓聖緬有穀以詒孫崇
師超五等之尊褒綸遞及命爵推再傳而上鉅典有光

維先師

孔子之祖伯夏胄出王公代生賢哲守高曾之矩矱潛
德彌彰蘊詩禮之淵源貽謀自遠載篤其慶遂鍾異於
集成有開必先爰揚休於繩武朕懋嘉遺澤特晉崇階
追封爲昌聖王錫之冊命於戲承前啓後名高青史於
世家酬德報功秩等素王於宗國膺茲寵命永示顯揚

怡親王冊文

禮重分封貴貴必先於列爵情殷同氣親親首建於維
城聿隆茅土之頒股肱是賴用作藩屏之衛綸綍有光
式序天倫永惇國典咨爾允祥乃

皇考聖祖仁皇帝之第十三子朕之弟也至性過人冲
懷契道篤孝思而彌摯能竭誠藹善氣之可親無慚
愷悌亮績而益彰勤慎和衷而克盡寅恭爰沛新恩誕
膺崇秩授以冊寶封爾爲和碩怡親王於戲班爵攸宜
對棣華而旣翕展親爲重分桐葉以無愆永期令問之
昭勿替嘉修之懋祗承明命用迓洪庥

唐堂集

卷四 制誥

三

履郡王冊文

禮在展親重維城而錫爵治先敦本盟如礪以建封情
因棣鄂之榮分茅有典義取蕃屏之大頒祉攸宜宏沛
新綸光昭成憲咨爾允禔乃

皇考聖祖仁皇帝之第十二子朕之弟也賦性明通懷
才敏練處貴胄而兼司禁旅統馭有方襄大事而迭任
賢勞紀綱盡善綜理諸曹之劇務參稽一代之鴻章協
贊嘉猷寵膺上爵茲以冊寶封爾爲多羅履郡王於戲
分珪伊始惇式好於連枝供職惟勤顯丕休於奕葉懋
建王家之績永承帝室之藩勿替嘉命

多羅貝勒冊文

茂典推恩貴克膺夫名器寵章錫類爰昭示以訓辭式
渙新綸祇承顯秩爾允禩乃

皇考聖祖仁皇帝之第十五子朕之弟也屬在懿親今
當壯齒持躬匪易當思禮度之遵居貴勿矜宜凜恩榮
之責特頒爵位往奉園陵用封爾爲多羅貝勒錫之冊
命於戲策勵有加望橋山而感慕愆尤庶免荷圭組以
敬共嘉命是宣欽哉罔懈

固山貝子冊文

禮在展親必因材而授祿孝惟錫類亦循序以推恩獎

唐堂集

卷四 制草

四

掖攸施光榮爰逮爾允禩乃

皇考聖祖仁皇帝之第二十子朕之弟也訓行自昔服
教有年尙期家法之克循勉成令器爲布國恩以昭示
用沛新綸茲封爾爲固山貝子錫之冊命於戲惟儉惟
勤庶無慚於受爵必恭必謹宜益勵於持身勗爾嘉修
欽茲明命

熹妃冊文

朕惟贊宮庭而協慶端賴溫恭班位號以分榮丕昭淑
慎珩璜有則綸綍宜加咨爾錢氏毓質名門揚休令問
柔嘉懋著夙効順於中闈禮教克嫻益勤修於內職茲

仰承

皇太后慈諭以冊印封爾爲熹妃爾其祇膺異命迓景
福以咸綏光輔坤儀荷洪庥於方永欽哉

封富寧安一等侯誥命

恩隆錫命懋嘉將相之才禮重褒封弘獎邊庭之略能
矢心而報國宜崇爵以傳家式渙新綸用彰舊績爾大
學士富寧安立品端方居心純篤

皇考知人而善使最能統馭軍中大臣潔已以賢勞不

媿對揚朝右朕推恩賞賚頻施三錫之榮眷念盡誠堪

作百寮之式析珪示寵晉秩增輝茲封爾爲一等侯准

唐堂集

卷四 制草

五

予世襲錫之誥命於戲榮因宣力用鼓勵夫官方爵旣
承恩益靖共於爾位欽茲明命永荷洪庥

恭擬

聖祖仁皇帝中元祭文

雲馭難攀彌切驚秋之感龍顏莫覩永違愛日之歡當
新穀之旣升傷心視膳屬涼風之始至愴念垂衣展敬
明禋銜哀孺慕欽惟

皇考治隆萬古道貫三才憂勤六十一年殫精神於宵
旰怙冒千八百國極履載以尊親赫濯武功智勇著創
垂之烈光昭文德中和弘位育之謨萬幾悉斷於宸衷

九有胥登於樂土至仁廣運熙皞難名大聖集成高深
莫並久道合天行之健何期一旦登遐流光悲物候之
遷忽已中元屆節昊天罔極仰靈爽之長存大火初流
悼音容之漸遠奉几筵而尚食依然玉饌香凝薦寢廟
以嘗新唯見金盞露冷瞻涼既易久虛溫清之儀夢寐
可通曷慰晨昏之慕昭明在上悽愴何窮嗚呼月照層
霄望宸遊而路杳霜零闕殿撫時食而痛深思優恤於
羹牆見聞若接享馨香於牲醴涕泗交流伏冀
聖慈俯垂歆格

恭擬

唐堂集

卷四 制草

六

大行皇太后上尊諡祭文

道協坤元垂母儀於萬世文崇渙號對靈爽於九天稽
彝典而捧金函光昭琬琰奉明禋而陳玉几肅薦馨香
欽惟

皇妣大行皇太后柔順承乾含弘應地勤儉播周姜之
化克嗣徽音聖慈叶堯母之祥丕宣義訓仁風光被宏
怙冒於彤闈壽愷凝承享康寧於紫極方謂受四十六
年之顧復莫報劬勞庶幾合千八百國以尊親永綏福
履乃益抱鼎湖之痛而幾忘椒殿之安寒暑曾幾何時
風樹已不及待搶呼曷極欲問寢視膳而無從尊養奚

申唯祈廟易名之爲重展隆儀而定謚難罄敷陳加鴻
號以揚休用垂悠遠中心銜恤大典告虔嗚呼壹教如
新悼慈顏之不再徽稱有曜銘懿行於無窮伏冀降監
在天居歆臨下闕宮肅穆長昭弈世之顯揚寶冊輝煌
允賴萬年之幽贊

恭擬

大行皇太后安葬祭文

鸞馭上升仰宮雲而愈杳龍輶夙駕望陵樹而增哀音
容當永闕之辰攀號莫逮窀穸舉慎終之禮悽愴何窮
緇吉告虔含酸致奠欽惟

唐堂集

卷四 制草

七

皇妣大行皇太后柔順承天含弘應地徽音克嗣六宮
資壹教之深顯號丕昭萬國仰母儀之盛備晨昏之奉
養欲報劬勞合中外以承歡方延福履何意瓊霄緬邈
一旦登遐忽已玉律推遷經時抱痛悲纏黼黻典隆祔
葬之文淚灑珠邱禮重棲神之宅蒞幽宮而肅事瞻臨
道以銜哀嗚呼定省長違神靈如在緬松楸之在望愴
切終天奉禋翟以何由痛深朝露罔繼曉露鬱佳氣於
萬年園寢秋風薦馨香於寸悃伏祈昭格俯鑒明禋

榮妃祭文

協贊壺儀藩輔彰其母範敷揚哀誄几筵備其朝章式

薦馨香用申軫悼惟妃逮事

聖祖備位宮庭襄內職於椒闈自膺多福享崇禧於朱
邸方慶高年乃遽薨徂良深悲愴敬陳奠醑布告靈幃
嗚呼禴翟徒存痛遺徽之已杳苾芬用享溯冥漠於未
遙惟靈有知尙其歆格

追封和碩公主祭文

下嫁楊書

誼重金枝世雖遙而可溯名垂彤管禮有待而加榮沛
封號之新綸慰王姬於重壤爰申奠醑式告几筵惟公
主乃

太祖高皇帝之妹朕之高祖姑也誕毓天潢于歸戚皖

唐堂集

卷四 制草

八

克盡宜家之道肅離久著於穠華會逢開國之初疾
遽悲於溘露地因遼遠百年而封典未膺朝有彝章一
本之恩榮仍在茲追封爲和碩公主遣官致祭嗚呼篤
懿親而授冊光貞泉臺眷冥漠以薦馨恩霑牲醴靈其
昭格尙克歆承

高天爵祭文

抗敵不撓純臣之亮節憫忠有誅卹典之隆文恩榮疊
被於曩時奠醑載頒於今日几筵式煥精爽如生爾高
天爵歷守建昌克悼大義淮嶺甫擢已殊守土之官鄰
寇肆侵仍竭棄城之力變生境內身陷賊中脅降則痛

詈亢詞被繫而潛謀圖復事未成而罹害心視死以如
歸

聖祖仁皇帝軫悼實深贈官予蔭取忠烈以命謚諭祭
葬以崇褒朕追念舊勞上承

皇考勸忠之意俯聆奏請下慰爾子盡孝之思加贈立
碑遣官致祭嗚呼生前義憤貫碧落而長存門內寵光
賁黃泉而不昧靈其來只尙克歆承

覺羅歪三母那拉氏祭文

淑範流芬既備尊榮之典遐齡篤祐尤隆軫卹之恩念
蘭閨之長辭臨總帷而增愴爾那拉氏秀毓名門禮嫻

唐堂集

卷四 制草

九

內則式昭懿行閨幃仰其芳型克享大年宗族推爲壽
母

聖祖仁皇帝頻加存問屢渥寵施數珠象服之頒輝生
鶴髮扁額白金之賜光賁魚軒入謝則命坐咨詢居恒
復遣人賞賚凡茲優禮用慰高年憶前歲之違和朕親
臨而問疾見其所居湫隘曾爲特賜室廬御極以來眷
懷尤切年踰八袞許乘輿而入宮官及二孫俾食祿以
霑惠便蕃錫予炳曜門庭謂當娛老於暮齡何意溘彫
於朝露賞均存歿賜帑加恩痛緇音徽勅官申奠嗚呼
會城不返追令問於珩璜冥漠云遙展隆儀於酒醴靈

其不昧尙克歌承

追封

皇太后父母碑文

朕惟自古帝王崇戚畹以推恩奉慈闈而錫類則必溯發祥之自體報本之忱酬以殊榮加之峻秩賁絲綸而有曜光琬琰於無窮所以廣孝思彰盛典也爾魏武世德鍾靈高門濟美矢靖共於環衛夙著賢勞標譽望於班行彌稱恭謹既盡誠而報國復整肅以齊家爾妻□氏素習女箴能嫺壺教蘭綺資懋襄之力內則勤修珩璜著式協之休中閨作範篤生

唐堂集

卷四 制草

十

慈聖實惟積慶之貽加錫寵章用廣展親之澤茲追封爾爲一等公妻爲一等公夫人其公爵給與子孫世襲酬舊勞於已往宣嘉命於來茲嗚呼璇源衍慶介圭佐象服交輝珉刻揚休幽壤與豐碑共煥尙其昭垂奕葉以永示眷懷

贈太師佟養真碑文

朕惟恭勤報國追卹攸隆忠勇傳家推恩自遠生則鞠躬於王事歿而綿澤於後昆是宜寵綽載新貞珉永勒所以光昭世美優答前勞也爾佟養真乃舅舅隆科多之曾祖蚤預從龍夙勤汗馬臨陣而勇能摧敵勞苦功

高見危而奮不顧身舍生取義率其長嗣同日捐軀罄其家兵一時蹈刃

太祖高皇帝憫武臣之盡節賞人戶以示旌是以忠義之門慶流奕葉勲賢之裔光啓三傳繫惟戚畹之榮實篤蓋臣之報朕用嘉遺烈特晉崇階追封爲一等公加贈太師諡曰忠烈嗚呼凜然生氣金石不磨卓矣家風淵源可溯尙其銘諸華碣表於幽阡用以垂貴堂封增輝河嶽顧不偉歟

贈太僕卿高天爵碑文

朕惟蓋臣臨難而矢忠卹典追崇以表烈恩綸備錫哀

唐堂集

卷四 制草

十一

榮不盡於一時文碣增光禮秩有加於曩日可以酬節義而慰孝思矣爾高天爵乃大學士高其位都統刑部侍郎高其佩之父歷官著績守郡有聲未蒞淮司忽遭鄰變乘孤城而百戰拒敵愈堅值裨將之貳心被擒不屈迎王師而事泄蹈白刃而心甘義不顧身危能授命賊平之後

聖祖仁皇帝特賜褒旌贈爾罔卿諡爾忠烈凡諭葬予廕恩已疊加唯賜祭立碑久而未領朕軫念孤忠無忝人臣之報國深嘉詒穀克令卿相以承家光啓門庭榮增泉壤是用給爾禮部尙書職銜勒碑於墓嗚呼生能

殉節歷往古而不磨歿且承恩示來茲而有耀於以不
昭珉石式表松阡垂諸永永不其偉歟

福建陸路提督加贈太子太保黃陞碑文

朕惟勤勞闔外允資師武之材彈壓海隅久樹元戎之
望生既干城之攸賴歿而泉壤之有光珉刻褒崇繪言
卹贈所以昭國恩勸臣職也爾黃陞雄才素裕忠惻性
成効力戎行歷官邊徼遂佐粵疆之鎮海嶠知名爰移
浙甸之旌江城講武既而八閩資其控馭陸路統於駐
防居官則廉潔小心蒞下復嚴明有法兵民和輯嶺海
奠安特加宮傳以酬功旋許高年而予告方謂家居食
唐堂集 卷四 制草 三
祿可需藥石以延齡豈期疾在身甫就林泉而長逝
實深軫惻用錫彝章諡易嘉名贈加宮保給其祭葬以
備哀榮於戲陞越流芳馬鬣壯長松之色桓碑紀績龜
趺騰大纛之光貽此休稱昭茲來許

王府長史額爾德黑碑文

朕惟閔賢勞而賜卹所以勸功追隆典以闡幽亦由教
孝雖松楸之已舊俾堂斧之如新爰降絲綸用垂琬琰
爾額爾德黑乃奉天將軍噶爾弼之父昔仕藩僚屢隨
軍伍身能奮勇歷戰陣而愈雄職在從征著勤勞而不
伐功因暫掩賞未及身今爾子願以優叙之勲請爲臚

褒之典朕軫懷卹舊獎効力於師中俯允陳情許推恩
於格外俾勒文而錫諡且加職以樹碑於戲不辭盡瘁
於生前名標華碣仍被寵光於身後榮賁幽阡爲臣子
者尙其式諸

唐堂集卷五

華亭 黃之雋 石牧

序一

手鈔四部書序

鈔易書詩春秋禮記周禮各一卷爲甲冊曰經部鈔左傳公羊穀梁國語戰國策史記漢書各一卷爲乙冊曰史部鈔老子管子晏子孫子列子莊子商子鶡冠子荀子韓非子呂子孔叢子淮南子揚子各一卷雜錄諸子一卷爲丙冊曰子部鈔賦騷樂府詩雜文自皇古迄於漢止鄴中諸子之卒建安年者亦系焉各一卷爲丁冊

唐堂集

卷五 序一

曰集部或曰自祖龍之醖而先秦之文缺焉不備矣漢以至於今書日充積小酉不足爲其匱東壁不足爲其府而子截以炎劉之業其失也漏予曰如子言脫吾不幸而蚤生爲魏晉人將不得而讀書也耳聞目見盡於漢矣其曰留吾耳目以待潘陸陶謝韓歐諸人之生而爲書然後藉以擴吾之觀記乎吾縱不蚤生魏晉之世然經自歸周孔元經中說支矣膚矣史自歸左馬臚約以下俳矣纖矣子自歸莊列抱朴石匏淺矣龔矣駱矣西漢而止賦自晉而止文自漢而止厥後一振於唐一變於宋耳惟詩自漢而後遞遷而極備而截以建安之

業者從其類也三代秦漢之書如天地日月日用衣食也無所逃也六朝唐宋則如幽尋乎山水羅致乎珍錯非禁其必然可恕其不然也或曰秦漢以前詞艱而義深注疏百出猶懼其晦蝕也而子取諸傳注訓故而空之而僅存其文其失也瞽予曰如子言脫吾不幸而又蚤生爲漢人將愈不得而讀書也夫王肅杜預王弼范甯穎達師古之徒未生而吾先出或百年或數十年其將忍死以待王杜諸人之生而訓故以資我之講解乎又不知王杜諸人之果先乞注於誰也夫讀書者一以爲糟魄一以爲筌蹄吾微之而參其理之所以明顯之

唐堂集

卷五 序一

二

而玩其章之所以成譬彼山川則掇其秀譬彼日月則攬其精譬彼華萼則落其實石石而鑿之晷晷而測之葉葉而掇之爲業勤矣而所獲者僅矣翫其章雖樸遯渾噩如虞夏人之言而辭旨可以爲吾法參其理雖龐雜悖謬如七國人之言而智辨足以爲吾采或曰然則流覽焉默契焉而畢其事已耳奚必殫竭爾窮歲累月劬手而費時執藝而遺悟其失也瞽予曰如子言脫吾不幸而又蚤生爲周秦人將愈不得而讀書也昔者繭未紙兔未筆刀刻竹簡或木版爲書謂之鉛槧是終此四部者將終其身爲治削也既成牛馬汗而不能載

也今吾以數年之力而約之於盈尺之數弓與七略四庫者敵取攜不加便而吟覽不加聚乎如之何其驚邪宋衡陽王手自細書五經置巾箱中曰巾箱中有五經於檢閱既易且一經手寫則永不忘葛洪云予抄掇衆書撮其精要用功少而所收多思不煩而所見博譬猶摘孔翠之藻羽脫犀象之角牙也

松籟集序

昔者黃子將讀松籟集而有慨焉人之少也率其性情流動滿盈內而詩書之氣外而天地之象絪縕觸發心唱手和使胸中所見盎然流於楮墨於是文章以樂而

唐堂集

卷五 序一

三

多昏冠之後縈以世慮饑寒內迫異類外侮學雖進而易雜業幾成而又荒於是壹鬱無聊不平隨心之聲一寄於歌泣於是文章以憤而多文章者所以傳其憤樂之理者也嗟乎文之傳不傳有命昨見人以殘楮襲餅乃鈔本詩藁也有畫省恩渥語流年七旬語有送董思白太史詩意其人搢紳而壽者又嘗過酒家見以刻板析而蒸酒則方太守禹修所梓鍾山人染蹠草也夫豈非自道其所憤樂鈔之刻之而欲傳之者耶乃其後如是昔慶虬之撰賦勿貴於世詭曰長卿時遂推重張率作詩虔訥詆之詭曰休文訥大稱賞人厚耳而薄目貴

遐而賤邇其震於耳者霆也而眩於目者靈也於遐也以其爲翼之蜚也而於邇也以其爲足之踣也王仲任曰前人之業菜果甘甜後人新造蜜酪辛苦曹子建曰人懷盈尺和氏而不貴不大足慨耶吾輩貧賤年齒未壯聲名未立徒有志於古之所謂立言者比興以爲詩訓詁以爲文易春於傳以談道叙事志高氣盛妄欲傳後以爲不朽而憤樂乘之日以滋多又安知異日不爲麤餅蒸酒者耶辟刮竹以爲箏之弦春風起聲鳴鳴然過而不存折蘆吹之以爲笙伊伊然鳴隨壞而棄之慨未已乃發其集讀之自其詩以逮雜著哀怨愉怡暢厥性情之所至而能式於古則起謝路子舒馭曰吾慨者過矣吾蓋自慨也吾之籟黃蘆苦竹也非以慨子也子之籟松也可貫四時可壽百年曩有陶隱居者嘗喜聞之曰可滌十年塵胃是集之謂也

唐堂集

卷五 序一

四

韓孟李三家詩選序

夙嗜古詩博觀漢魏六朝之製自謂有得既購長吉讀之奇而豔既又讀東野詩奇而古繼又讀昌黎詩奇而肆三子者之業雖不同其奇一也其奇雖不同其源於三百篇一也迺共抄撮爲一部顏曰三家詩選云抑非獨三子而已由源以疏其委則於宋得謝翱於元得

楊維禎於明得徐渭復彙而鈔附之夫其鯨呿鼇擲指胃擢腎汗瀾卓踔俾寸穎尺幅之間幻於鬼神僊靈而不可思議變於蛟龍風雨而不可捉搦遂於天根月窟而不可登詣尙得以世俗傳習聲病之學與之較分判而劑法度哉蓋嗜之者有年自顧材力庸謏縈幽而未至伐險而僅獲乃去而洋溢於他人之津域以自寬縱而不受約束於數君子者又有年外借詩貴和平廣大不宜鑱刻剝削之說以文所不及其實縈幽伐險之難非筌蹄之謂也故取舊本序之以志予之所嗜在此

功過格序

唐堂集

卷五

五

嘗讀韓柳家言韓之言曰賢者不遇不賢者食報造物者所好惡異於人耶抑漫不省記聽其死生壽夭也柳之言曰天烏能賞罰人功者自功禍者自禍望賞罰於天者甚謬二言者雖有激乎言之然驗之頗確史遷論淵跖先之矣然而爲因果之說者曰善惡有報其理本諸易尙書顧不盡然則如之何曰爲善雖得禍猶當爲善爲惡縱得福終必不肯爲惡若是者君子也爲善不必福萬有一得福則勸人曰天固福善也爲惡不必禍萬有一得禍則戒人曰天固禍淫矣若是者君子也脫必善蒙福惡買禍吾恐注生之斗賜福之官皆開竇

且日役雷霆水火以昭報於九州而伺暗室者目必眩奏天曹者舌必敝錄黑籍者腕必脫乘是而漏網者又多矣何也善人寡不善人衆也而勸戒人者則曰若曹偶而遭幸而免姑俟以觀其後夫善惡猶錄兩也禍福猶稱鍾也雖折其衡君子寧減惡使輕而增善使重此沈子赤輪之書所爲作也吳道子畫地獄變相兩市屠沽酒肉不售顧不聞屠沽易業者則道子之畫終未能盡化人於善而冀因果之書之足以化之不能矣故莫若舍禍福之報而專言善惡以爲必諸天不如必諸已吾但謹爲善不作惡而已禍福非所知是則既不謬於

唐堂集

卷五

六

也園送春詩序

歲在癸未三月之晦同人集於也園賦詩以送春客酌而各曰送春禮乎曰無之聞之月令迎春東郊春可迎也亦可送也堯典之命曰寅饒納日日可饒也春亦可送也客曰其來何自其去何之其交代何所何不見其回首焉駐足焉眷戀而踟躕焉何東皇之少情而何爲乎送諸曰吾非送天之春也送吾之春爾天之春往過

來續無有窮紀我之春歲逝而歲減自孩笑以至於今其爲春也多矣學問之未積功業之未樹道德不彰於身膂力不庸於國而分寸之陰駒過電滅不爲我少留春若曰吾之視爾不爲不勤矣否際而泰乘復來而剝往歲有長月有逢日有益吾一年而一至而改觀者多矣而爾盡然如故也抑至者褻習見者厭將去恐不速奚戀之有嗚呼春之去我非忽也可因是以惕吾志而迫吾程不則忽忽爾芒芒爾蟪蛄爾蜉蝣爾客曰思深哉其非流連光景之謂曰抑有進焉夸父逐而魯陽揮猶之無益耳沂水舞雩之春至今不去也

唐堂集

卷五 序一

七

有學集詩注序

虞山先生當有明之時文章稱科名聞譽配官階卓犖乎完人哉初學集可親已以甲申止其集者著書於是終也昔江醴陵自宋齊入梁老而才盡虞山入國朝婆娑六十餘老人矣假而其才亦盡則有學集烏能復作有學集以乙酉起者著書復於是始也他文無暇論讀其詩若干卷閱博瑰麗雄奇激悍不知其非少年伐索絕墳泛濫佛老析而釋之秘隱發露讀其注不知其非異書白髮龍鍾之叟而肱腹筇扛健筆以霸視天下者復二十年知其人未能以畫蛇得酒已也泉明一令

也而詩爲晉詩廉夫一提舉也而詩爲元詩嗚呼虞山則實可奉爲我朝之詩之弁冕以霑丐後學饜飫餽腹使人仰流風而趨爲宗匠者矣聞順治中公過雲間倡和高會堂有金處士是瀛者贈詩曰畫舫滄江載酒行山川滿目不勝情漢宮一閉千官散無復尙書舊履聲虞山詠數過頰發赤明日引舟去或謂其衷有不獲已者故時時見於歌吟冀後人之因文以察情蓋一篇之中得什七焉則吾不能知也是集有刻本遵王之注無刻本今海寧朱君梅將攜往廣東刻之而姚君炎先取而鈔之且求序之注中如紀弘光左寧南等事及矯

唐堂集

卷五 序一

八

宋文巖詩序

東海之隅昔一詩域也蓬山金氏倡東臯之社玠右王氏日千吳氏佐而佑之敦槃好會三君子狎主齊盟唯時率大國之賦以從者北垞宋氏昆弟也號稱極盛云自予爲詩而故老蕩然無存矣闕闕艸野固不知詩爲何物詩禮家亦相戒吟弄謂帖括是妨若比於狎遊博塞之事嗚呼蒼昊無風月黃輿無葩卉宮商暗而不鳴

孔鸞黥而無色者海隅如是殆久矣而北垞有孫曰文
巖則起而學詩吾聞北垞昔嘗師吳氏吳氏之學遂於
性情馳驟於風雅而持論則嚴金氏之善誘人也雖塗
歌巷畧其能道性情之至者皆可以爲詩而吳氏之善
拒人也曰詩豈易言哉於是詩之道尊而其爲塗也隘
尊則望而不及隘則苦而難入海隅數十年無詩者匪
直習俗使然其室之有由也文巖未冠學詩今三年矣
日益進善發揮才情而亦不損其格調且帖括之士也
顧擺脫俗戒獨肆力於詩以自見試卽高等非有志之
士不能旣嘗以其業相質又乞序其詩以見志最哉文
唐堂集

卷五 序一

九

呂丹錄詩藁序

天地有自然之詩風雷潮波時鳥候蟲其爲聲也靡
有音韻節族之所以然不待聰者能聽之然天地不能
自寫其性情特假夫萬物之聲以吟弄焉不能喑嘿而
已而人則口可哦手可書顧謂可無詩以發其性情吾
弗解也且夫人欣感動於中疴癢切於身發爲嘯笑吁

戲呻吟哭泣皆詩也特不能詩之耳使就其音而實之
以語言文字剗諸其句讀範諸其體裁卽詩焉也已吾
所謂詩者如是今有人於此學贍而才蔚性醇而情摯
考其業則國風雅頌叩其詩則曰不能吾弗信今天塗
之謳巷之畧權而歌牧而唱無假於毫墨而有合於節
族其言情寫性有至焉者雖風雅可繼也然則權能歌
牧能唱而獨謂士君子不能詩豈理也哉歲丁亥春識
無錫呂子丹錄所謂業國風雅頌者也顧曰不能詩與
之居半年一旦能詩而後信向之果不能詩也今越二
年矣富且工於是又疑向之未必果不能詩也乃辱以
唐堂集

卷五 序一

十

其藁屬序皆近作然則二年以前其果不能詩耶不能
詩者且能詩而謂人可以無詩終其身愈勿解矣呂子
於唐人之作沉浸熏蒸之故其古近五七靡勿唐學也
過此以往其有限量乎其必能工乎詩人之所不能工
者矣唐高達夫年過五十始爲詩數年體格漸變有作
卽傳誦人口蓋五十以前無詩也古今事必有耦君其
耦達夫者耶然達夫好譚王霸之略尙功名節義竟以
詩掩君遂於理學將無亦以詩掩耶予髫髻有事於詩
積二十年而富與工俱不逮又將無徒知嘯笑噓噓呻
吟哭泣歌畧之爲詩而僅獲與蟲鳥爭響者耶

畫溪西堂藁序

鍾記室謂阮嗣宗詩陶性靈發幽思言在耳目之內情寄八荒之表陶淵明詩文體省靜殆無長語篤意真古辭興婉樞蘇學士謂韋應物柳子厚詩發纖穠於簡古寄至味於澹泊然則清微淡遠之篇其聲爲元聲其色爲真色非才氣學問可倣摹而得之也嗚呼其不作於人間久矣揆厥所由下士塗澤耳目猥徇時好者無論上士性或孤詣問塗期別志或奢取收效期博輒謂冲澹之製不足騁乎奧奇之觀於是劇心鉅胃以致幽而詩情不融鯨呿鼇擲以示雄而詩境不靜其於阮陶韋

唐堂集

卷五 序一

十一

柳之所稱格乎不相入也取味於酸醎之外古且稀矣豈望今之人哉吾友謝子皆人康樂之裔生義興山水之鄉其人清臞而醞藉其詩雋妙而幽遠觀其人知其詩讀其詩想其人意者晉唐以上之人而不濡染於輓近者耶一何鉛華埃壒之不侵至是也新城先生極口謝子詩遙相慕爲神交新城亡謝子在京師爲位而吳之極哀與予晤語曾不及俗唯相勗以不朽之業而汲汲於朋友若是者其性情豈今之人哉宜其詩之引予於深遠寥廓而味之彌旨也獨是謝子偃仰畫溪歎歌於隴煙林靄之間意與象合以寫其眺聽之所得靡不

出塵表矯霞外今者過燕市鄭紫之所萃也而淡泊以遊得毋慮飽腥醲者咀之以爲無味而不顧耶降心以改趨吾知謝子傲然不屑矣

浮青水榭詩序

黃子鬱鬱之粵土自燕歷趙魏過河南適楚閉置騾輿中終日不得把卷旣至武昌揚舫溯大江而上達於衡永瀟湘之間山益峭而刻水益清而激目之所飽寓手則餒卽景或及造境失之如是者數矣偶發篋得浮青水榭詩其心手所赴饒削呈露之妙噫何其與楚粵之交山水合也蓋儲子汜雲世其家學昆弟相師第五之

唐堂集

卷五 序一

十二

名擅絕騷雅而困蹟於少壯拓落未遇故其爲詩益工如松迸石如龍離雲如劍韜匣漏光滿室如金藏什騰精出土寧澀母滑寧峻母坦卓爲一家蓋山水之僻處楚粵之交者亦如此汜雲每見予必與言詩予之詩嘯殺繁急之音多汜雲輒加獎挹評閱者再然予別汜雲通楚粵羈旅萬里家書斷絕未知妻子飽饑煖寒旣無可語則縱遊於桂山灘水間俯仰嘯呼而顧不能發之於詩遙念汜雲翱翔京邑奮髯揚睂爲騷人生色真邈乎天際哉是日也遊隱山六洞還熟復浮青詩泚筆序之以踐宿諾隱山者舊在西湖唐李渤所開闢爲桂林

名勝之最今其地故在也而土人罕知至不能舉其名然則或習而忘之或遇之而不能發其奇而汜雲之詩則人人能道之楚粵之山水不如也

朱江佩兩粵遊草序

天下可遊而不可遊太平日久薄海一家輪蹄帆楫之往來無禁無警故曰可遊然而遊有道宦遊上矣其次賈遊其次幕遊藝遊若夫儒衣冠而出門櫝文字而投謁踽踽景畏往而困耳不如裹足已矣故曰不可遊夫兩粵古所謂僻遠荒微也非罪人不往故韓柳蘇黃皆以貶謫至而今之遊士攜一僕擔一囊鼓一櫓迫爾而

唐堂集

卷五 序

三

赴之如下堂階然者何哉蓋粵之巖壑奇詭既天造地設以鈎致人又無關津道路之遏阻至於人情有通塞則姑往以下之獲知已幸也卽不幸而失於人者半得於地者亦半夫何憚而不遊然則吾所謂不可者未嘗不可也朱君江佩自武林溯江右通南雄復還南昌上衡永達於桂林謁陳大中丞公而下其榻者兩逾月於茲矣江佩適可遊之地而挾不可遊之具其具蓋詩也然所至輒爬羅其地之幽異靈怪一洩之於詩而又遇知已於我中丞相賞而嗜好之卽予極陋江佩亦與倡和於灘煙嶺雨之中酒酣浩歌以相樂也而江佩之遊

於是乎無不可者矣抑何幸哉江佩之詩聽寫性情發揮萬象富於才而敏於構當其同作予方袖手曳步仰屋梁而凝思而江佩搖筆輒就靡不鏘金石而絢雲霞雖不知者猶能慕之其得稱知已於宗工宜也非幸也於是將應二月之鄉試歸有日矣哀其詩爲二卷而屬一言於瑞予謂江佩嚮者伏處東海之涘足跡不越數百里乃其所賡咏已多豈待借江山之助以與方寸相發哉故無遊亦詩詩不從遊生也至其盱衡世故欲吐懷抱而試其奇不屑屑爲騷人而已然則無詩亦遊遊不藉詩重也故江佩之遊與詩可離爲兩者也而此偶

唐堂集

卷五 序

古

而一之耳

九歌解序

顧子小厓嗜騷類予而解騷勝予觀其於九歌可知也緬昔靈均身材高妙遭非其時歎歌傷懷始變四言爲曼音而九歌則短章促節以協當時祀神之樂其旨有無縹緲陰意靈怪其辭香草美人猛獸奇鬼陸離荒幻不可方物解之者或沿或鑿而本義如霧矣予故以不解解之小厓出諸家之後剖別前人之是非而裁以慧識綜以精理與騷相融使靈均之旨如面語口授靈均之辭若刀砉解接舊而不爲沿標新而不爲鑿然後

悔不解解之者自靈自暄而不可與達古予於小厓望
勿及也顧九歌意味醲郁本自尋索不窮宋玉九辨差
足繼軌若王褒九懷劉向九歎王逸九思曹植九詠陸
雲九愍流遠味漓無從置解蓋創則見新倣則見陳作
者不幸而處其後也至諸家之解匪沿斯鑿衡準未立
小厓起而持其定蓋始事見隅繼事見衢解者又幸而
乘其後也予向見陳章侯九歌圖則愛之今見小厓九
歌解則又愛之予情之不忘於九歌也深矣之衡湘延
睇其雲水如讀九歌而靈均之音不作空江無人泣下
低徊歸而讀九歌解又如身闔靈祠神叢之席而親聽

唐堂集

卷五 序一

五

九歌之盈耳也則是小厓媒我於靈均也抑小厓非獨
善解九歌其於他篇皆絕幽伐險訂訛裁僞而能言
其所以不屑相襲於沿若予讀離騷而謂原不死於沉
其說頗辨然未免近鑿小厓論世懷襄度地江郢上下
椒蘭左右唐景而後著書去兩者之弊是其學遂而識
超豈以才情掄覆古人哉

續金壺記序

倉頡造書而鬼夜哭所以鑿混沌之竅洩天地之藏者
莫烈於書與造化者之造人也等耳目支體人也材幹
有奇庸姿質有妍媸人累億萬萬而人之名者少猶之

點畫波磔字也體格遞變結撰出奇字累億萬而書
之名者少古有椎心掘冢穿被穴視以成其名者是故
人有神有聖而書亦如之姚君衡麓性既善書學復篤
嗜抱牘以請者戶嘗滿方以爲苦而不得卻嗚呼吾不
知其書之進於古將奚所底止也嘗抄撰皇古以來迄
於元明書家之事倣宋釋通之金壺記例得若干卷而
索予序其端予閱通之所述頗多紕繆如引易書契取
諸夫而標其題曰諸夫逸少父曠而前旣謂虞之猶子
後復謂虞之子漢書陳遵傳有與遵同姓字者衆起迎
之而實非孟公遂謂其人陳驚座乃曰遵每書一座皆

唐堂集

卷五 序一

六

驚長安諺谷子雲筆札江淹賦嚴樂筆精李白弟謂白
揮翰霧散皆言其文不謂其書唐人語論詩則王維崔
顥論筆則王綰李邕筆謂文章與詩對舉如沈詩任筆
三筆六詩之類亦不謂書至若賈逵石碑生金之事更
無預書法意此堯一知半解割裂剽竊以附於著述視
衡麓所輯次代別類井井鑿鑿者相去奚啻莛楹而彼
已流傳至今矣予嘗謂不特造化者之造人有命卽著
述之傳不傳亦有命若賈子說林致虛閣雜組之荒唐
碧雲駮之誣讒書叙指南之蕪陋而其本皆稱於世至
於明道講藝紀事摘藻之作或身處貧賤繕寫刻鏤之

無力而蠹爛於敗簾零落於醬瓿者自古不知其幾矣是書也事備於通之詞核於通之夫是以無虞其泯泯也曰續者謙言耳不且若積薪出藍哉

丁晴川詩序

曩遊京師在今相國太倉王公座上識丁子荀侯公視學武林時所得國士也公譽予詩於丁子而稱丁子文於予予始與荀侯心相知既而少宰海寧陳公出撫西粵招賓客置幕府俱行而查德尹太史則亟稱武林丁子既相識乃知爲荀侯弟晴川也而長於申韓家言夫申韓所爲引繩墨慘礫少恩晴川恂恂謹厚與之遊未

唐堂集

卷五 序一

七

嘗有疾言遽色知其學非僅讀律而止則時時與予言詩自京通粵馬蹄鶴首之所經既達桂春節秋展之所至靡勿有詩風風乎肆好也陳公嘗言督撫幕客往往崇高聲價歲以千金爲壽吾不知其何所資益而徇名若是故貽太史書丁君館穀視黃某不欲以司空城旦書加於風雅晴川聞之欣然入幕及是愈知其夙所兼長而不急自表襮爲尤難蓋其少時卽從其從祖葑園先生遊飲於家學在蕭山又親炙於毛西河先生生平足跡所歷閩廣楚豫齊魯燕趙近而兩江之間山川風月復有以助其情性而發爲歌歌是安得不兼風雅長

歟晴川語予嚮以病而毀其藁者盡矣茲遊粵之章具在子爲我序以存之諾久之而未應也今且別君歸矣叙其相知以當贈言也者寄語荀侯世重雙丁武林何讓鄴下哉

桂羅壯遊集序

予將適粵雁黃上人約與偕卽示予桂羅壯遊集謂將道桂林達羅浮故曰桂羅是遊也倚中丞公故曰壯實未有詩也旣行隔舟唱和凡六十日旣至桂雁黃得詩百二十餘首予得詩九十餘首相雄以爲樂及其往羅浮予作序送之乃雁黃自羅浮還未至端州而化矣中

唐堂集

卷五 序一

大

丞公旣葬雁黃於桂之郊復檢其遊藁命予刪定而攜歸海昌刻之雁黃之詩字從臍鑄句由胸琢時有匠造非復人間之物而闇與古會可使天驚鬼泣至其樸豔迭陳巧拙競變讀者自擇而已予爲刪存桂羅之詩一百九十餘首釐爲四卷附鹽官剩草一卷而序其緣起如右嗚呼予來也見雁黃筆下有詩口中有詩與日偕益今歸也但見雁黃紙上之詩而其口與腕已化爲湘煙嶺雲矣而又刪之予其忍人也哉何能無愴然於懷耶雖然雁黃生平詩繁富矣最後爲是集而刻之者中丞公定之者予殆學佛者所謂緣耶因果耶然則存亡

聚散亦緣也因果也無足悲者予不學佛則宜其愴然也

書目序

先世播遷無書童時所見五經大全通鑑小學古文珠璣詩刪海篇而已先人則時時為予購書既長見里中藏書家皆零落鬻其書已入有力之手迨予詢索則殘蠹間存完好者不多得每就試崑山江陰江寧節縮脯資購二三策或友勿知余所嗜輒以書贈遺總計之裁五千卷向家居時從路氏宋氏借書閱之後館海寧陳氏借雙清堂藏書閱之其姻崑山徐氏所藏最富欲過

唐堂集

卷五 序一

九

傳是樓健菴先生藏書處閱之而奔走無暇雖叙九健菴孫數藝初子相邀終不果往僅取其書目檢二百餘種以舟載至海寧閱而還之凡書曾借閱者即不復購自恃腹笥且購無力也然而家之所有如家人婦子雖久疎一見即洽借觀者譬天涯遇良友一時非不傾倒款洽一別而不復晤則契濶寥落欲想其音容而愉悅不真矣以是嘆書之不可不購且藏也雖然亦視乎能讀與否能讀則已足成吾學而有餘不能雖汗牛充棟無益耳予數年來北走齊魯達於燕南走楚豫達於粵舟車往返計三萬里而學問荒落無所就今齒四十七矣顛毛漸白鳴

呼已矣康熙甲午歲九月之望錄書目竟隨筆題其首幅至此忽投筆而止

沈氏鉅經堂遺集序

一堂一搆一弓一箕父之克有子也無子則何如日師之有弟子也亦然昔在帝王曹氏之於魏蕭氏之於梁皆父子擅風雅其在仕宦肩吾與信摛與陵瓌與頴曾與至而其他豈更無父子並擅風雅者特以貧賤不振或無門人弟子為之撫拾散佚故不聞於後歟抑果父子並擅風雅者之僅有也觀伯禽之不能繼青蓮宗武之不能紹杜陵可知已金山沈翁聖作老於詩嗣君幼清和之幼清無子貧賤以沒而沈翁繼隕於是平日嘔

唐堂集

卷五 序一

十

心撚髭之句飄為荒煙冷風即倖存什一於白蟬之飽餘而莫之省憂其門人郭子予恬集其兩世之詩將傳諸梓而屬予刪定之予於沈翁父子不相識朝而讀其詩暮而想其人夫沈翁既以註誤去諸生窮愁牢騷以老謂賢子有聞行昌大其業以熾我燼而竟死矣白頭隴種顧其後斬焉止矣幼清亦謂幸不墜前人緒長傳高堂冀發憤有為以張大其世顧席青瑣以自畢婦先溘逝身又踵之父子魂魄相見當痛哭於九原而一聞郭子為之表章則未嘗不可破涕而為笑也屈原為左徒揚雄為侍郎顯矣而其歿也以宋玉景差唐勒侯芭

桓譚諸弟子之力其文得免於湮晦夫失之於家收之於門亦事之僅有也嚮微郭子雖予有志發潛闡幽亦不知沈氏父子矣凡人於父子師弟間亦論遇合若何耳勿論顯晦通塞也

唐堂集

卷五 序一

三

唐堂集卷六

華亭 黃之雋 石牧

序二

服膺堂琴譜序

近世南曲繁興桑濮靡濫之音聽而忘倦好事者競習箏琶簫阮以悅王公貴人之耳而古調幾亡嗚呼考聲音之道余因以慨世之不好古也庖犧氏之製大舜文王之操寥廓濶絕屏焉勿習習焉勿工工焉而勿聽則將奈何哉嘗聞金壇段生丹霞善鼓琴既遇於方伯黃公之幕請鼓一再行小窗妮妮恩怨爾汝之音移情而蕩心坐客皆悅余退而語客曰夫段生何不爲高山流水清徵清角而發此靡靡之響哉吾有以知其心之可悲也莊子謂大音不入於里耳折楊皇琴則噓然而笑段生慨時俗之不好古而故降心貶手以取娛悅彼其神蕭然而其貌穆然者道也進乎技矣他日果寄其所著服膺堂琴譜屬予題其端讀其自序皆與余言合夫遠之而天地萬物邇之而性情心志變之而雲霞陵谷常之而君臣父子夫婦俱取而約諸七絃十指吟猱鉤剔之間以發其淵微窈眇之趣固非淺見眇聞耳剽目慨而得之也段生好學深思遠遊博覽而後進乎技噫

唐堂集

卷六 序二

一

其琴中之古人歟譜中釐正古調凡三十餘曲而附自撰小品於末簡昔桓譚善鼓琴惠鄭聲戴顓鼓琴並新聲變曲此宜段生之所吐棄不屑而仍復自存於譜者不當悲段生之不生於古而諒其不能不有求於今耶

姚衡麓詩稿序

董仲舒云予之齒者去其角傅以翼者兩其足言乎兼者之罕也大理右軍不賡韻言平原懷縣未工隸法匪其願不及此亦天賦有以限之或曰此乃古人所以不可及歟戈而兌名丸而僚傳承蜩之痾僕斲輪之扁貫蝨之紀昌皆以一藝入於聖而人莫與抗予曰是不然

唐堂集

卷六 序二

二

張旭山行之句米黻垂虹之作淪淪乎詩人矣然其名也以書揜何則造物者如貪程才者嫉擅齊能者爭先考古者慎許班固曰藝由已立名由人成是故由已而工之其兼也什猶得一由人而名之其兼也伯不得一姚君衡麓既善書復恃其才力以及於五七有韻之言不數年而其詩哀然成帙夫麒麟解廐挺一角而與象方牙則絀矣鳳凰焦鳴搏兩翻而與驥爭足則縮矣衡麓不自滿其所詣而務兼收以爲快天不得限人不得奪然則董生所言亦唯可以概麒麟鳳凰而不可以概衡麓吾又嘗論之書難而詩易書貴而詩賤周之時

宮人奄者役夫棄婦皆能吟咏故曰易以書傳者唯太史籀無其匹故曰難記稱考文文者書也王天下所重故曰貴左傳曰瞽爲詩國語曰瞽賦賦者賦詩也歌吟之事特樂工伶人所爲耳故曰賤圖難而卽易非名高也遷貴而就賤非厚實也奈何乎衡麓安易甘賤而徒以兼收之故不滿於造化而見忌於人也哉

徐媛詩序

徐學博十峰先生老於風雅者也曩出一編詩示予曰是學爲詩者予見其思靜以婉氣秀而辭潤曰是工爲詩非徒學而已先生遂磨墨濡筆授予評閱之而不知

唐堂集

卷六 序二

三

爲何人今年秋將往京師過先生別先生出一編詩所謂續繡餘者曰子序之則前所閱詩半在焉始知爲先生愛女適沈文恪公之孫恂夏者所作也先生固老於風雅配張夫人亦善詩前歿已二十年而所著繡餘集行於世續之云者其有孝思乎古才女子若班昭著女訓道韞著叔左芬鮑令暉劉令嫺著兄徐淑蘇蕙著夫宋若昭等著姊妹不聞其母之能文唯前朝我郡張引元引慶母王鳳嫺嘉興黃雙蕙母沈紉蘭吳江葉純純小鸞母沈宜修母女皆有集然各自名其集若不忍忘其母而曰續之云爾願爲嗣音母爲絕響其有孝思乎

詩言志歌永言徐媛之孝思可謂永言矣詩多近體其於父母昆弟尊章先後靡不溫柔敦厚源於詩教至如仰視天無星俯視月如霜月正人影短月斜人影長奚異漢樂府恨浮雲冉冉其將至今蔽皓月而不明奚異楚辭哉歐陽子序謝希孟詩謂其母好學通經以成其女又惜希孟不幸爲女子無由章顯於世有巨人重之斯不泯沒乃其詩三卷載宋史藝文志固章顯而不泯沒已然希孟不聞其父之能風雅也若徐媛既有母之續又先生爲之父則何必歐陽子序之始不泯耶

周翁歲餘詩序

唐堂集

卷六 序二

四

曩予里居有金華賣藥王翁隱市中老而貧善詩時與唱和花酒間今其齒七十有六矣自來京師思得如此人者誅茅郭門之外樹陰水涯嘯歌相從以爲樂則邈不可得蓋嘗懷想及之常熟周翁魯工善鼓琴又善詩其子和奉其歲餘一編來示予和平冲澹脩然埃壙之表然則王翁以詩隱於藥而周翁又以詩寫乎琴皆其有託而逃者耶聞其居則環堵一室聞其人則白髮蕭瑟優游太平之時而無營於世詩曰歲餘其操羽弦白雪之音乎所謂高士也逸民也夫天下之騷人韻士窮老於嵎巖荒江者衆矣彼其避熱而遠引棲寂以自樂

者胸中誠有所不屑也惜故所識賣藥翁久不見其詩而周翁則唯見其詩而已人且不可見況得聞其琴也哉

擬

御製千叟宴詩序

館課

朕荷上天佑命之篤列祖申錫之厚長撫區夏歲月彌久朝夕惕乾不敢以老自逸而在廷臣工宰輔以下庶僚以上亦類多厯眉皓首之人蓋其致身以供職者匪朝伊夕矣君臣相對老而愈殷揆情與分不能一日離也今六十一年春攝提重紀元日受朝瑞雪斯降廼命

唐堂集

卷六 序二

五

次日賜滿洲宴於乾清宮越二日賜漢人宴亦如之自百歲至六十者咸與焉其一千二百餘人宴畢進諸臣而告之以宵旰不遑之忱勗之以夙夜匪懈之義西陸闌海之午平早乾水溢之午息宜益上下襄贊以祗天庥諸臣拜手而退各紀一絕句彙而獻之曰千叟宴詩若干卷朕惟唐虞之廷臯夔稷契計其年皆耄耄老臣也賡載之歌星雲之詩傳諸史冊至今想見其盛非若後世柏梁龍池賞花釣魚徒爲恬嬉以相悅也今茲之宴欲追執觴祝嘏養老之風今茲之詩亦得元首股肱不忘庶事之旨期與千叟彌共勉於悠遠而後來耆

艾以歲而增且使四海內外咸知崇老尚齒相樂於仁壽之域不亦善乎

四焉齋會課序

謂必揜蓬據梧師心獨造冥然悍然以爲文遂一出而膏馥天下膾炙衆口者千百人無一焉夫按圖而索駿不謀於九方泥譜而揮絃不容於雍門吾見其終身聾瞶而莫之披發也記曰今人與居故羣萃州處則心安而不遷離羣而索居則過易曰麗澤詩曰攻錯皆是物也昔者楊提舉聯詩社於吳淞之上而詩盛陳黃門倡幾社古文之會而古文盛近世春藻大雅二堂之彥以

唐堂集

卷六 序二

六

制舉業相切劘而負重望者多擢第以去而時藝亦盛三十年來流風歇絕矣饑驅者餬口於四方泣玉者垂首於一室嗚呼士厄於貧賤至於雨散星落聲氣不通其可傷也已今者郡城諸君子發憤振拔糾合同志歲有會月有課就吾友曹子謬廷而遴梓焉其力可謂勤而其懷可謂中矣復邇其業於京師以示予予固知其會文以集觀摩之益匪以侈交遊也刻文以廣就正之路匪以獵聲譽也志古之志事古之事其不以搶榆炤井者自多也審也予用是悔少壯時屏處鄉僻不交一賢晚而蓬轉梗泛於少人多石之地耳目寡陋學殖不

昌今又不獲歸奉檠敦以從其後慨與慕叢雜於懷而強序之以塞諸君子之請若言之當歟否歟卽藉是以質吾謬廷

關凌雲詩義序

賦駢樂府五七言詩詞南北曲降而愈下然無不發源於三百懽怨其聲音舒促其節族以傳其人之性情而咏歌之者色爲之動情爲之移意爲之消雖體有高卑調有古近惟不謬於好色怨誹之旨故君子取焉而吾獨鄙夫誦三百者離其面目口吻雜亂其聲音節族以爲時文而命之曰詩義影響於箋疏局趣於法脉拘攣

唐堂集

卷六 序二

七

於體製甚矣其雖美而勿肖也又况近日擬題勦文掛枝東竿之勿若者乎賴南關子凌雲忽以詩義數十篇屬余序以行世夫凌雲殆不知予之夙鄙夫此而謂厥所有耶抑既知之以而相嘗耶余姑試讀之則誠時文也而何以聲音節族之皆詩也而何以口吻之無非詩也而何以忘其面目之非詩也亦賦亦騷亦樂府亦詞曲含咀三百之精妙以充溢其中豈凌雲之文哉是凌雲之詩而已矣豈凌雲之詩哉是古勞人思婦忠臣孝子之詩而已矣夫相馬者曰牝而黃及其至也則牡而驪此忘形而得神也蠶之食者桑也而吐者絲蜂之採

者花也而醴者蜜此以精而入化也然則凌雲蓋得詩人之性情而神焉化焉以出之者乎

閩中校士錄序

學使者軺車所至試一郡竣事卽出一郡試牘以行他郡他郡士爭購之奉所選以爲揣摩高下佳惡罔勿相準若形影聲響之速轉移風氣而關係文運是故試牘不可不慎也予奉簡命視閩學始錄遺繼月課然後巡校自興化始而泉而漳而汀邵而建延至會城及福寧而歲試畢嚮聞於人凡學使者必分委人以閱文之事而第自定其殿最而已於選文也亦然是以其事易

唐堂集

卷六 序二

八

而速予謂

天子專授以校士之任核行而外惟文是衡夫衡文之衡何在乎勿躬勿親而珠遺而竿濫是瘼厥官也必臚陳卷帙雁序鱗次目覽而手披惟日不足繼以宵燭夜漏未已愁枕卽起丹黃甫畢而馬首又戒途矣至則復然總計所閱卷十萬有奇業去取甲乙之矣復彙所錄文而擇其高潔醇雅善挾題旨者如千篇重加評點於肩輿旅店之次旣爲時無幾而閩地剗剗人又甚少不能遽成帙夫試牘所係重故必親其事而慎其出觀其事故不暇慎其出故緩今先播其已刻者以行而可徐

俟其全也麟鳳異狀而以靈竝稱星雲殊象而以麗齊美閩士其但高潔醇雅善挾題旨以爲趨母藉形似爲揣摩則得矣

錢神志序

晉魯元道作錢神論諷世之饕財黷貨者隱姓名爲蔡母氏其文載藝文者視晉書尤備其語詰其思憤閩汀李元仲當明之末因之而作志溯自周秦迄於明止爲卷七爲例十二則非以爲諷也莊而不諧平而不憤宏包肅括法戒昭矣元仲若曰錢者經世之大務上自軍國經費下逮閭巷匹夫匹婦不能一日闕盡若王衍舉

唐堂集

卷六 序二

九

阿堵卻口不言錢國家焉賴此宰輔爲至於言利之臣鮮克令終附益非徒聚斂寧盜親之以爲兄守之以爲虜愛之以爲癖入之以爲臭府之以爲怨階之以爲厲明刑鬼誅銅山崩金穴潰悲夫錢者人之大利害存焉網羅舊聞不可不鑒也於是賅貫二十一史諸子百家旁及稗官野乘仙釋鬼神之事自后王君公以至氓庶鉅而理財經國俸餉稅課之典細而負擔販鬻之業源於礦產冶鑄而極其流於窖藏銷毀間繫以論斷咸公正中庸指切事理言之無罪聞之足以戒夫元道謂錢能操決死生役使人鬼也而剗諡曰神而論之百世之

上元仲則謂其能濟世利物害盈福謙也而襲其故號而志之於百世之下厥旨頗殊而志則大矣或疑幽冥果報荒怪之說儒者勿取曷爲雜采之元仲蓋以經史利病告君子而以稗野禍福警小人俾世無知愚賢不肖勸之則屑舞色飛手拊足躍戒之則毛骨痒栗心魄懍震錢所在卽神所在可資而通不可狎而溺而後爲人心世道有用之書非以詡博物叢諾臯夷堅者也元仲曾孫倅俅予先後所取士倅上書求序其遺書爲發其苦心以垂法戒不同於元道之詠嘲忿激者如此

鄧尉山房稿序

唐堂集

卷六 序二

十

李元賓死同年生韓退之誌其墓辭甚悲苟非元賓之才才而二十九歲死退之當不若是悲也悲同年私也悲其才而天公也事有曠世而相類者古人之辭不可及而其情未嘗不同也嗚呼予讀李含奇詩而悲之含奇名咸始名鍼先世紹興人居吳以盧龍籍中康熙六十年進士改庶吉士其爲人貧而善病工爲詩雖夢中亦作詩有瀛洲三載夢湘水一帆秋之句明日備告諸同年謂將謫官於楚者居無何病篤將死見羣胥吏云自永州抱文牘至判決累日旣而蘇言之家人越一日遂死家人撫而號復蘇曰無號予官永州吏騁候門

久余去矣遂死年三十五諸同年哭而醵金斂之餘付其妻馮氏攜一歲孤扶櫬歸吳而其詩所謂鄧尉山房稿者則其族弟西間鈔藏於京師未幾其子又死嗚呼古云有子爲不死而含奇於是乎死矣雖然尙有詩詩不傳而含奇於是乎死矣予自閩還西間亟持其詩請予序而傳之詩凡三卷卷首皆自序蓋其手編也其爲詩氣體高澹詞旨靜穆思幽而致冷顧不類李長吉之僻詭奇險以逞其才之鬼也而其死則與長吉曠世而相類始予疑長吉事甚怪今觀於含奇可信也嗚呼含奇蚤喪父母又無子孤嫠哭斃天之扼才幾何不并其

唐堂集

卷六 序二

十一

詩泯之予旣不能如退之之誌元賓以不朽含奇又何忍不如牧之之序長吉而任其詩之泯以重亡含奇也哉然長吉之中表兄惡長吉而欲泯其詩含奇之弟悲含奇而欲傳其詩元賓集三卷今所傳詩僅三四首含奇集三卷俱可傳古今人之事又相類而不相類也含奇亦予同年生

道山集序

道山居翰林六年以老乞歸巴陵哀其已未刻諸詩賦屬予序以送之會有阻之者不果行歲丁未閏三月召見圓明園鬚髮皓白顙色渥赭偉人也年七十矣

天子曰是御史材遂改官監察御史而予之序適成序曰道山自今詩賦可以無作矣裴晉公顏平原程明道等皆嘗爲監察御史後各以勲業節義道學顯而不聞以詩賦傳道山十三歲入學食廩四十選成均五十六領鄉薦中間教授鄉里奔走道路而歌咏其所見聞時謂國風六十四成進士改庶常授檢討奮其揆天之麗藻以鼓吹盛朝時謂雅頌此學士詞臣之職也今簪筆戟豸日討國計民生之利病吏治之賢否而講求之其奚庸於詩賦道山楚人也屈宋之騷雅洞庭之雄濶破其風鍾其靈天才勃發老而愈工蓋其性使然豈官

唐堂集

卷六 序二

三

之所能移哉且韓愈柳宗元元稹杜牧之徒未聞以御史廢吟咏而吾撓道山使無作何居蓋

聖天子圖治勵精宵旰求賢周覽羣翰林而畀道山以是任非謂其能調聲律頌光華而已必將收人材之實效用裨益於我國家爵雖七品而職爲言官立於廷與黃髮之元老相可否則道山棄其雕龍雕蟲者而展抒其夙學方自今始矣卽不撓道山道山自不作也嘗念遠祖江夏公由郎中歷尙書令守魏郡事業多有而所著賦書牋奏僅五篇耳乃范史列諸文苑傳道山之集較富矣倘戀其積習爲之不止吾恐事業雖卓卓

可表見奚免後人僅以文苑目之哉道山予同姓名秀字實君道山其讀書處因以自號然則他日功成而歸道山之上詩賦地也詩賦時也予雖老尙能序之

沈氏家譜序

列子謂燕人而長於楚者老而歸燕過齊魯之城社或給以爲燕也愀然變容過冢墓以爲先人之壠也泫然而哭及真見燕之城社冢墓悲心反減今傳會於疎遠之貴顯而聯其譜情至禮盡曰吾伯叔兄弟也而於真伯叔兄弟而反減其愛心者何異哉人之情如水然挹此以注彼溢於彼者必涸於此是故君子近其所真近

唐堂集

卷六 序二

三

而親其所真親沈子邦城吳興隱侯之裔族繁蒼雪間其在華亭則大小學士之後人衆矣邦城獨溯其本支之始祖由記室公至其父州丞公凡十二世各立一傳以爲家譜而藏以示子孫夫邦城由明經仕六合教諭能勤其官

天子召見擢爲縣令將繩督學公之武而昌大之其子大成弱冠能古文爲先世作傳者也沈氏聞人在君父子間擢英者見威喜飛節而知其根於松也飲流者見簡潔胡蘇而知其源於河也觀人者見邦城父子而知其爲令德之後也是譜也祖乎隱侯遠矣則不之及族

乎學士疎矣則不之及就其近以親者專及之而情於是乎專上治祖禰專於孝也旁治昆弟專於愛也下治子孫專於慈也枝無寄焉派無滯焉由十二世以及之雖百世可也彼遙遙華胄傳會其祖矣諸胡帶令傳會其族矣自古譏之而今人不慚苟若是譜之能無以偽亂真則幾於君子矣

後書目序

歲丁未之十月罷官歸囊篋無所蓄獨蓄書倍前遂并前所貯合爲目錄經史子集之正大者共二萬有餘卷餘雜細者八百八十餘冊不計卷附焉曩夢中得句云

唐堂集

卷六 序二

五

產業僅添書數種者是已而惜乎已老矣目老而昏艱於視手老而倦艱於披口老而乾艱於讀心老而衰艱於思然猶彊勉朝夕把一編老妻見輒諷曰是取第作官歸矣尙吾伊欲應舉耶予自惟幼習舉業誦孔孟程朱之書講求性命仁義之旨以闢發題目弱冠爲詩古文以迄於今世則鄙爲辭章之學者也辭章者曰一人之所謂文也易曰修辭立其誠詩曰出言有章書曰辭尚體要而世概以爲風雲月露夫四者天之文也道無往而不在則何文不可以見道然吾見近世辭章之學必推虞山錢受之乃其崇奉金華宋景濂也曰道譬之

日程朱見日於牖隙文憲見日於扶桑廣狹至不同量生盛明之世而墨守程朱終不能仰青天而觀白日其言狂悖至此蕭山毛大可以博學鴻儒入翰林而著書詆譏朱子更甚謂宋儒腹中無書始歎驚辭章者之溺於文愈深所讀書愈雜而離道愈遠則亦不善讀書之過矣昔座主儀封張宗伯公每見必深言辭章不足爲學宜相聚講論性道予謂孔孟程朱之言當心體力行不在聚講標一理學儒者之幟也縱效昔人撰述語錄講義則宋元明儒剔抉盡矣安事雷勦矧今學者半染姚江非盡洛閩正宗說鈴書肆絲粉塵蒙無益與辭章

唐堂集

卷六 序二

五

之學等乃予溺於文久於道終已無所發明而蹉跎老矣昔之所誦什不記一今之所誦什不熟一書增而學減爲可恥也聊錄其目以傳於家且自訟焉

黃方偉時文序

道性情者歌詩也抒經濟者論策也談名理者說解也夫時文何爲者也斷聖賢之語以爲題分對偶之股以爲體古有諸無之也唐取士兼用帖經墨義觀其記誦章句而已宋熙寧中從王安石議罷帖經墨義而試經大義論語孟子義通用先儒傳註及已說此時文之始而徽宗時臣僚論場屋文弊論尙偶儷題雖無兩意必

欲釐而爲二以就對偶寧宗時臣僚言有司出題強裂句讀破碎經文宜禁蓋宋時已不免譏議矣元自仁宗設科目取士因宋制以大學論語中庸孟子設問用朱氏章句集註而以已意結之限三百字以上各經義五百字以上明因之爲嚴承開講之體至於今不廢溯其與也六百五十餘年嘗見安溪李公爲相時孳孳講授時文竊謂急小務非政體後乃服其用心正而救世切也其言曰子弟授諸經畢卽令誦先輩說理之文吾總夫晚出者之未卯角輒已笑宋人之腐此殊有關係又曰功令使士子遵傳註將率天下尊經學古遊於聖

唐堂集

卷六 序二

末

賢之路又曰吾汲汲勉子弟以制舉業者欲其藉此以通經明理制舉業而能發聖賢之意雖佐佑六經可也竊推其旨而後知時文實關人心世運徒論策經濟其弊也流於摶闔縱橫綜覈權術而爲戰國徒說解名理其弊也流於高談清言簡肆脫略而爲東晉徒歌詩性情其弊也流於聲色綺靡輕浮妖冶而爲梁陳人心爲而世運從之矣時文雖非古極其弊不遜流於廣遠空疎然其家孔孟而戶程朱繫此焉是賴故大人先生樂道之予厭爲時文散佚不惜近稍葺所謂唐堂制義者而家方偉適以其時文索序夫方偉固長於詩歌古

文淹貫經史高置其身於先秦兩漢唐宋人之間者也乃孳孳時文不能釋爲之愈工而身滯諸生無所遇然猶講授其徒老而不倦其猶安溪之用心歟敬而誦之爲述所聞以張之

昭文縣孝墓序

善乎漆方伯之斷斯訟也曰古名賢之墓每非一處一衣冠一爪髮流風餘韻令人仰而生敬不敢疑其爲非取遺蹟而泯之也况其後裔乎蓋吳郡之常熟新分爲昭文縣距縣三十里曰梅里有吾黃氏始祖文彊公墓俗稱孝墓云史載公江夏安陸人仕後漢爲尚書令遷

唐堂集

卷六 序二

七

魏郡太守卒於延光初至今千六百餘年矣而墓之可据者有二一則宋乾道初蘇氏於其地掘得古碑乃東吳張紘撰誄薛綜修祠之文可辨者二十餘字知爲公墓詳見吳寬郡志鄧黻邑志一則其地爲孝字圩有黃莊江夏橋孝浜環墓免糧田一十八畝有奇休古林族人億持其圖志來告之雋如此吾宗譜可按世而稽者實始自公支分派別蕃衍於吳楚徽浙間皆公苗裔也勞邑侯以境有名賢之墓奉方伯指旣懲其他姓之侵者而釐正之又樹之碑而長吏之事畢矣設祠以祀之置田以守之俾世世保護於勿替非後裔事耶曩遇歛

潭渡族人曰瑚言楚雲夢縣有公墓幾泯而復諸宗力也今又寓書於億以告之雋言昭文孝慕事其猶漆公之意也夫古之孝者或刻木圖畫肖其祖父而奉之刻與畫非有血氣之通也非若土石之可永也且猶惻惻想像以寓其孝思綜綜去公未百年碑可徵信則其爲墓非僅刻與畫而已爲告諸宗庶幾若萬葉之庇根衆滴之歸源而集事恐後也乎

百春詠序

雍正七年春三月棲陶宅之舊廬戒從者謝客有叩門者業謝去入復於予曰客沈氏謝之去矣客何狀曰于

唐堂集

卷六 序二

六

思白矣曰然則艮亭也出戶闕之南走麥隴上已遠遺童子追之及至果艮亭也艮亭爲人坦夷伉直學博而家貧落拓嗜酒與詩湮諸生中老矣且夫貴者炎富者膾野人鹵市人儻襟裾者膾穢穢者憎若是者我不願見也我畏夫胸無學而口不道儒者之言者若艮亭固我所願見也自學者之不以予無似暱就予而質其言者日至門應之不遑而乃見所不願見廢時而失事於是艮亭遽搜其袂出一卷書曰然則我亦有言以相質所謂百春詠者也讀其序則路舒馭鍾廣思之文也路之文婉麗鍾之文峭折皆足以序艮亭之詩而無愧曩

予與路沈鍾三子各著詠物小賦十章徐廣文十壑梓爲同聲集蓋此時壯齒暇日居陶宅南北西相距各三二里相聚輒講學談仁義不倦問役翰墨爲遊戲相樂也忽忽至今垂三十年矣厥後予出而三子處晦明風雨倡予和女或詠或序不改誰昔之樂而予寢饋於疎逖塵網於羈旅鄉閭於夢寐勿樂也迨歸而已老矣亦暮之春終日掩扉灌園狂風淒雨不知有春而奚有於詠而艮亭斐然有作於九年前穿根脇窟躍大冶而鑄化工健哉恢恢乎其質之者詡之也予竊慕夫曾皙之詠春也風浴數語藏題百而所謂詠者無有子夏所

唐堂集

卷六 序二

七

序詩人之詠灼華秦葉其正也贈芍秉簡其變也尤莫善於姬公春日載陽之數語藏題亦何翅百而此外三百五篇遂絕無敢於詠春者一聖一賢之一詠一詠而無詠而艮亭敢於詠之且百之壹何學之不謬於聖賢如是予不能爲曾之詠尙能爲卜之序序之者欲列於路沈鍾三子俾後世讀者知有陶宅之學也而惜乎十壑已不作矣先是予弱冠時與舒馭暨王與貞路西爲陶宅四子詩今已死其半觸之泣然

殷若庵樂府序

小雅怨詵國風好色怨詵之甚者曰豺虎不食好色之

豈者曰死則同穴何言之痛切而深至也唯其意存諷刺故曰不亂不淫豈唯三百哉農謳權歌皆有至情至理使人勃然欲興嗒然欲喪言者無罪而聞者足以戒若湯義仍之傳柳杜吾不知其何所懲勸也導淫放妄尚已其存也時以文辭麗工耳即文辭麗工而又旨深乎風刺動而不繆於三百者不愈足存耶路二奈氏少時遊戲為此其文步驟玉茗而其意有所寓微文刺諷亦痛亦至竊怪斐然著作之才不談道論文降而施諸併優之伍以揣其所欲言古所謂立言者果如左耶大入先生正色責之謂得罪於風雅其何辭以對雖然文唐堂集

卷六 序二

辛

字竿木也人物孤但參鶴也託之於比興而遠寓之於聲容而近文之以風雅而深通之以宮譜而淺體不同耳旨易殊焉

唐堂集卷七

華亭 黃之雋 石牧

序三

酣吟集序

孔子刪詩載齊風而延陵季子聞歌齊曰美哉泱泱乎大風風徧十五國而獨大齊之風豈非海岱之氣毓靈孕奇於其人發而爲聲者三代之遺聲無他國靡麗纖嗇之響故大歟漢時詩既列于六經齊人轅固生善治詩教授最廣是故齊薦紳學士之於詩其天性然也詩言性情而風之所感者又大天地神人山川草木時序物態喜愕難言之意象皆於詩人之胷焉蘊而抒之聞之者思慕興起異時而相感如逢其人婁邑侯德州蕭君梓其祖素心先生詩索序以行世予先得其五言律讀之冲融澹迤自然之音發於弦外其抒於性情也正其風之感人也清其篤意真古辭興婉愜一陶彭澤也德州故齊地泱泱之風扇揚而韻流孔融王粲顏延之李白之徒之膏馥沾丐於不已近時歷下新城沿其波迴其瀾而先生鼓吹風雅於其間一宰延陵卽賦歸去來追彭澤之清標逸韻於千載之上以與三百遇爲溫良之歌而去其喬志之音季札而聞之也未有不歎其

唐堂集

卷七 序三

一

風之大且美者矣顧彭澤後人不愛紙筆文術而先生之孫以名孝廉爲賢今期月政成誦先芬述祖德使婁之人想見其家風世澤所由來源遠者流必長根深者枝必榮益歎先生之詩似彭澤而積慶裕昆則過於彭澤昔杜審言以詩名初唐其孫甫承家學而大之冠絕百代婁侯之文學政事彰矣安得竝攬其新製一以爲穀之詒一以爲武之繩尤快人心目耶孔子刪詩無吳風蓋其始荒遠采詩者不及今延陵之人咏甘棠婁人賦羔羊皆吳地是將采爲吳風以例古詩人美在位之大夫者

唐堂集

卷七 序三

二

惜分行樂圖序

古讀書求道之士其爲學也可獨可俱可苦可娛可急可舒可遊可居曾皙之偕童冠一風幾何陰一浴幾何陰縱之於水泉林木間而詠不廢若鑿壁升屋之徒索處暗室前無父師屹屹然乘夜之隙光以繼白日者其趣不同也傳記皆稱之施氏芑洲家有園有水泉林木營偕其師二人子四人挾策操翰其中遂繪爲圖名之曰惜分以乞諸名詠而屬予序其首夫一門之彥於一境之聚也而上暢日月之光中遊聖賢之藝下適山水之性得沂雩之致而勤燈月之思讀書求道之君子不

當如是耶橋梓之相依華萼之相隨主洽其賓弟親其師而貌怡怡而其志孳孳記曰敬業樂羣斯其爲學也斯其爲教也彼蘭亭有父子桃李園有昆弟西園有賓友乃悲陳迹於俛仰感光陰之過客若及時行樂唯觴飲宴遊之不足是懼或且難以音樂姬釋好事者尙圖之而記之夫逸少太白子瞻輩皆讀書求道君子也而所爲若是則夫由大禹陶侃之志以爲志者不又異趣耶彼亦樂也此亦樂也將奚所適從惜陰者能辨之

管窺偶錄序

昔晉人譚理勃率自喜高論老易引人著雲霧裏故洮洮清言禍人不已宋儒立言必切實近已如衣服飲食

唐堂集

卷七 序三

三

煖凍飽餒式遵斯臧違之則否然標曰道學爲忌者所詆脫箱厥口不設語言則有聰曷聞脫擺厥指不載文字將胥爲瞽人然則奈何曰答問語錄解連義闕悶醇而渾淪約其旨而豁之庶簡括易循若程子魯直所作條列縷陳君子言道不下帶存如膏燭照夜如霜鐘警晨讀者如藥發汗如棒擗痕曷謂管窺謂聖經如天先儒議論如日月今窺見昭昭之多用自鑒毫髮非曰謙辭道學立言也僅管窺之而管錄之以朝夕省察此謙辭云爾實可以爲津筏持寄示我俾序其末我未聞道其

曷敢膝口而鈴說默驗我躬尤悔叢出莊誦斯錄若度若律若爲我發匪直我是發亦於學者有述我願學者人惜一管靡勿可見天母輟其窺曠然洞然敬而序之以廣其傳以公諸士林佩此格言

四香樓集後序

笏溪范先生集既刻成予喜而誦之不禁潸然也於是先生之歿二十年矣初予未識先生見其文震爲古人康熙四十五年春先生渡浦訪予盛氏之塾主人不識也辭以出他日又來予果出也主人辭之先生怒去曰吾百里來而屢拒我匿國士不令見客何理耶予歸大

唐堂集

卷七 序三

四

輿喪作詩其半云高鴻渺渺過無跡凡鳥匆匆去未題如殺綠楊絲萬縷曾牽范舸在長堤他日挈舟至西郭外造先生廬亦不遇又輿作詩其中聯云兩心印合偏違跡一面緣慳尙費思旅榻伴愁眠月曉歸航載夢過江遲當是時先生亦遙以詩相贈答爲神交他日先生又至始相識握手雖甚徧索予文譽爲才子期許以遠大他日予報謁識耕南春江澱山皆同予郡庠也遂以子姪之禮見而先生引爲忘年交益驩先是海寧宮詹今大學士陳公遊我郡求士於先生則首以予對曰吾未識其人見其文公索文則持徐先生十峰所刻同聲

集去公歸而寓書先生招予也先生既識予遂報公以其冬迎去自是往返必過先生信宿先生亦數下楊海寧古今詩文之源流新陳雅俗毫釐之辨人品之隆污學術之真僞靡所不論論輒合如是者未四年而先生病矣明年歿矣於是痛先生之遂爲古人也歿之歲伯仲謀刻四香樓遺集謂予梓成日當書其後予敬諾越二年而陳公撫粵耕南走數千里乞序於公又五年公序成又一年而耕南與予締姻又二年而予宦京師又二年而晤春江於吳病矣明年耕南至予閨幕聚最久又四年而予罷歸則春江病劇矣又二年而春江歿矣

唐堂集

卷七 序三

五

三十年中哭其二世而予亦老矣仕學廢墮無以慰知已於冥漠爲痛且媿也嘗論先生之學探索奧博出人耳目之外心細而靈出人思慮之外其才新逸穎異出人手筆之外草藁富矣覆舟穹窿山下失之遊黃山或盜其篋又失之暴風吹散湖中又失之故刻止此先生十五歲時謁吳梅邨祭酒令賦桃花篇千三百言極賞之晚乃悔其少作自刪去葉忠節公席上賦欠山詩亦不存其末云有客夜歸迷舊路隔邨樹黑遠疑山見於忠節手翰若此類可惜也且夫先生立不朽之業而刪落不自惜山靈水神又如之賴賢子孫裒輯歷二十年

始流播以傳世譬諸希有難得之寶獲之而喜可知也撫遺文而愴知已則涕之所從已

讀史百詠序

直而溯之曰千古橫而極之曰一時一時之人不可知論未定也何也心未易明而末難保也不利之疑叛孰殺之疑酷報越之孝討卓之忠故曰不可知千古之人可知而不可知心跡彰矣始末詳矣史牘之吾目與口及之也故曰可知然而讀而如無讀者寓目也是謂無目讀而詠詠而如無詠者滕口也是謂無口天有風地有水童騷知之而善言風者必若莊子曰衆竅爲虛善

唐堂集

卷七 序三

六

言水者必若管子曰量之不可使概此雖目及之而萬不能如此其形容諸口也况論人乎况論古人乎故曰不可知且夫論古人者患有四苛索者誣也黨護者阿也勦說者庸也翻案者妄也平其心而明其目以達諸其口祛其四患若徐子今吾之讀史斯善矣其讀之法若何吾不知讀之工力幾何吾不知吾知其讀者知之於其詠也其詠自周訖於明凡百人舍百人無可詠乎若曰就所尙友者及之云爾舍百人無可友乎若三就所詠及者以例之云爾心契乎聖賢則嘿而不宣心遠乎仙釋則存而不論心絕乎奸惡則屏而不錄而於

是百詠者如榜蕊珠姓而氏之如簿金蘭兄而弟之如畫凌煙睛之點而毛之添靡勿活如演梨園比肩接踵衣冠揖讓於其堂音以歌容以舞靡勿肖雖千古猶一時也心與跡昭始與末該綜一傳於七言四韻之中史而詩之可以興可以觀其在斯乎昔班固詠緹縈始標其題曰詠史於是三良二疏五君四賢八哀之作以類從矣唐詩人之爲絕句多至百者汪遵胡曾味古蹟孫元宴詠人物故事周曇詠人皆猥弱不足振耀千古若徐子之水鏡其目而金石其口洞然而照之鏘然而鳴之其於詠史也始無媿同時朱子初晴亦著詠史詩百

唐堂集

卷七 序三

七

二首其體同其題什九同讀者比於元白皮陸而徐子謙曰吾奚詠史哉吾讀史而已於是又知繫詠於讀史與繫詠於史殊也

嘉蓮詩序

閒居無俚時時弁以自娛夕則汲水灌溉晨起衰露視之生意咸足欣然得先儒吟風弄月之趣而不以告人中有盆蓮四自五月開至於七月不絕吾嘗誦詩矣臨之荷華陂之菡萏不得如荇藻壺葵出南園詩人之口而歌於鄭陳變風嘻何微也乃聖人竝存之於經屈靈均之忠也欲製以爲衣葺以爲蓋周茂叔之賢也鍾愛

焉而崇以君子其他佛老氏所牽引無論若古忠賢之寓意於物洵有取爾也非苟而已吾之蓮旣盛百葉而紅者又佳最後雙莖挺蕊而出水相去有咫漸高則柯交而蔭連比附整齊無毫釐參差也兩而不睽耦而不狎若父母具慶若夫婦相莊若兄弟友于若朋友麗澤嘉哉蓮乎人見而嘉之予如之何勿嘉夫其生而偕生長而偕長曲而上也偕曲而上花也偕花造物者偶然造之非休祥之謂然而周風楚騷所未詠宋儒所未說合天道嬾人倫諧物理異乎世俗所號同心竝頭者之猥褻也錫以嘉名曷媿焉將繪之而集能詩者詩之先

唐堂集

卷七 序三

八

爲之序以竢

重刻雙峰集序

奉賢邑宰靖安舒君出其遠祖平叔先生書一冊曰雙峰集凡六卷文八十餘首皆儷體古近體詩一百二十餘首明末族人舒曰敬所序刻者朱墨塗乙紙斷爛矣將重刻之而屬序於予謹按先生名邦佐平叔字宋淳熙八年進士餘善化主簿遷衡州司錄參軍多善政紹熙末以疾乞歸嘉泰中授通直郎卒見李大異所撰墓誌載西江人物志中而宋史列傳藝文志不載其人與書唯趙希弁讀書附志載舒平叔雙峰猥藁八卷開禧

丙寅劉德秀爲序意先生在時所定故謙言猥藁而曰八卷墓誌曰九卷今六卷何也墓誌云字輔國又不同何也德秀之序不附於集又何也載考集中與朱子周必大留正京鏗岳珂張杓輩往復之作工而達閭侃而無亢卑類陸宣公奏議斐然經術詩格亦高顧不大貽燦與同時范陸尤楊竝古之人與書其不泯泯者幾希可慨也夫然而豫章之木藏山千年以名其郡豐城之劍藏土千年射斗而出雙峰之文藏家千年君刻之予序之以行古之人與書其果足不朽耶相之也有神其出也有時夫亦曷虞其泯泯也君嘗摘集中家訓屬金

唐堂集

卷七 序三

九

壇王給事澍大書座隅故其爲政慎勤而慈惠廉而不苛邑人愛戴之抑源於祖德遠矣

獨立蒼茫圖序

通州李草亭嘗對鏡自寫其貌署曰獨立蒼茫前後上旁題識滿焉蓋二十餘年矣歲壬子春示予序其首昨贊乾坤一草亭之圖從杜也是圖也亦從杜舍其家太白兩杜是謀何哉且夫太白之不同於草亭者跌蕩翰林流落夜郎耳草亭善書則與王維鄭虔同而亦非太白所能同至若繡腸錦心揮霍才藻摧嶽而凌滄同揚眉鉅公之座換酒名流之席豪情軒舉俯歷一代同航

嗜山水巢雲棲碧同廼不李而杜何哉李狂杜獧李以氣勝杜以理勝一游俠類英雄之事一儒者繫聖賢之徒草亭窮經篤學高材不遇而守道益堅面癯以長蒼稜露爽肖太白少而肖少陵多貌其貌心其心則安往而不杜耶杜之獨立在歌聲舞袖翠幕銀榜之餘而踞蹠落落其言曰聖朝亦知賤士醜一物自荷皇天慈隨遇安命樂道之意流溢遊衍於蒼茫之間草亭道貌穆然胸次灑然置身物外遊目塵表其遺世而獨立者誠獨也前視少陵將無同則少陵遂不得以擅其獨也孔子嘗獨立曰學詩少陵學之亦獨立曰詠詩草亭又學

唐堂集

卷七 序三

十

之其深於詩也可知

女士集序

閩媛吳慧鏡序皖方夫人如耀集謂善文之人卽佛人善文之心卽佛心不作男子女人相而如耀評吳媛徐小淑詩謂吳人好名無學不獨男子爲然使如耀生於今見女士集而誦之當不復用此爲譏議也嚴儀卿以禪喻詩謂詩有別才非關學也三百中婦人之作可謂善文者矣彼詎嘗編纂墳索點竄謔語講肄卦畫改削版簡誦皇娥倚瑟之歌王母白雲之謠以儲聲采矜與博哉感其時物撫其性情思慮之所及而颺乎溫柔

敦厚之旨則周天子陳而觀之尼山聖人錄之而不刪矣安問其學不學也且夫學之爲人倫焉學之爲淑身宜家焉可謂善學矣女士毓於王則孝其親則篤其弟妹嬪於陸則事嫠姑則相賢夫則教佳兒佳婦以暨其家靜好整肅悲哀愉樂之懷一發之於咏歌嗟歎得二南之遺而不繆於風人其學也如是是故溫溫乎女也雖離乎其婦也煦煦乎其爲母也不爲寫經繡佛之習而其詩若禪悟超聲聞辟支而上之使慧鏡見之必又夸詡之以佛心而非女相可知已女士吳人也未嘗好名名且歸之孰謂方夫人之言也信集二卷曰蕙窗

唐堂集

卷七 序三

十

曰寫意令子筠屬予論而序之乃今而知筠以妙年兼文行工書繪者由濡染於母夫人之教深也

江南通志小序

十首

畫地以爲省土地者三寶之首而人民政事從之故志者先焉江南尤省之大者自周秦迄於元錯壤犬牙名號互異明畫其界而國朝因之蓋沿革者屢矣不改者山川也城郭宮室關市之屬輒與時遷移焉其郡邑或沿唐宋或從近代今或陞州爲郡析縣爲縣無華靡之地矣一督兩撫之所治雄視鄰藩遙拱京國封疆誠重大哉就圖爲說而表其沿革若疆域以下次第及之

遺蹟皆入焉爲類十有二爲卷四十有八作輿地志第一

敷土者必濟川管子所謂水者地之血氣如筋脈之流通聖人之治世其樞在水也江南一省江淮河海皆在焉田疇所溉舟楫所通漕粟所運厥利鉅矣偶而決溢患亦匪細具區震澤三江五湖著於尙書周禮其地在東南四郡之間一水之所源流故首志之次第以及他郡長江古稱天塹淮黃運艘之要害也海周於東偏大川之防曷其可弛哉我朝水利倍全於前代而猶時厯九重之思誠握其治樞者也故紀載綦詳焉爲類

唐堂集

卷七 序三

三

五爲卷十有三作河渠志第二

水土平然後財賦出江南居什九唐韓愈已言之元明以來蘇松尤重

今上毅然一旦而減之湛恩汪濊近古所未有上下江之間戶口繁賦役均課稅平豐而積貯歉而賑卹治法美哉有治人逾美矣農用入政之首也故備列之煮海之利鹽筴興焉漕粟之所繇則江右浙楚胥賴匪直一省之脈絡而已泉刀之流土物之臧利用厚生志乘所必暨也爲類十有一爲卷二十有五作食貨志第三富而加教教以繼養故學校興焉歷稽令主鮮不於是

汲汲者誠以士爲民之首倡率風俗爲俊爲造以爲國家之需胥在於教與學故子衿之詩不作於盛世自聖門子游以文學倡東南千百年來此邦最稱多士我朝尤加意作人儲之膠庠肆以書院視學之臣分地而試之厥事維鉅哉砥行績學期無忝於宮牆紀載者重之俾學宮試院之修廢舉墜有考爲類三爲卷六作學校志第四

穀梁子曰有文事必有武備後世兵與民旣分而軍旅之事始專而詳大江上下自昔多雄藩重鎮近代設險益密而我朝於水陸形勝之地碁布星列尤措置得

唐堂集

卷七 序三

三

宜烽堠無警士馬飽騰蓋蒐閱訓練精矣除戎器奮武衛奚待聽鼓鼙而思將帥哉自歷代兵制訖於今旣核繁之江海之防尤詳焉逮於舟騎若郵政之於陸船政之於水亦附及之爲類五爲卷九作武備志第五文武之制備矣蒞之者官也唐虞肇州置牧以任其外周禮州長縣正之屬益詳江南自吳楚設官稍變古制秦改郡縣置守令自是爲國爲郡爲州爲道爲軍爲路爲行省爲南直隸因事號官要其上下僚吏相統相屬若使臂使指之効則同也旣列其官而繫以人又擇其人之賢有治行者紀之以風有位故曰不惟其官惟其

人爲類五爲卷二十有五作職官志第六

宦江南者職官也江南之宦於朝與他省者必自選舉始古虞周取人之法備著於經漢以來猶近古隋唐設科目至今相仍進士之名實始於禮王制而後世以辭章選舉與考德行舉才能異矣然名賢大儒多出其中江南尤盛國朝元魁之材相望不絕科目能重人人亦當使科目重由今溯昔臚而列其名則賢否可鏡也科目而外出身之途不一上之求之期於無遺賢是在下之應之者統而記之爲類四爲卷二十有一作選舉志第七

唐堂集

卷七 序三

古

選舉詳而後人物顯江南自春秋時季札子游產於吳老聃管仲出頽毫之間風氣肇開矣漢後千八百年道德政事文章之徒麟麟郁郁著於華夏雖天地所旋斡山川所毓孕亦乘乎其時也國家敎養垂百年所皆長而搜擇之者有加靡已賢士大夫以勲德忠孝儒雅文學稱者皆克踐其聲以揚於世婦女亦厲其名節無愧於旌典錄古及今詳且慎焉爲類十有二爲卷四十四有四人志第八

文獻足則能徵江南人物之爲獻詳矣文可略乎漢儒授經在沛碭間至宋新安朱子傳述大備故宣歙多說

經之士自餘史才詩學諸子百家之書大江南北爲尤盛固天性使然亦文學流風結習於翰墨彬彬乎千載著述之林也矧多藏書之家卷帙充棟津逮者不罕今考漢隋唐宋諸史所載藝文之目撰著出於江南者雖書或軼猶載之耳目觀聞所及郡邑乘所錄參擇而取焉爲類四爲卷六作藝文志第九

志爲史之一體以史之志名其類而表與傳皆入志者所謂各從其類以類聚者也其爲九志所不能入而又所不可棄者天時之一災一祥前人之言一行歷代之一政一事傳聞之一信一疑繫於江南者不能更僕

唐堂集

卷七 序三

五

數矣網羅往古參伍而鉤稽之其詳備尙難焉若片羽碎金之有用則識者所不遺也易有雜傳禮有雜記史有雜家竊取其名漫羨而無歸者歸焉爲類五爲卷十有三作雜類志第十

春秋職官考略序

官備於周春秋秦之秦楚晉其尤也是故漢因秦官者倍周官今唯行人御史太僕職方仍周名而所職異周禮諸官渺不可稽矣况列國之勞錯乎其見左傳者孔穎達輒据周禮通之顧散漫不屬至春秋職官考略之書出然後瞭如也百官之號因其事莽墨仿古其世不

延北朝魏周行之未久卒不可復隨代制宜古官名號可有無久矣然稽古者自堯以來而鄭子能繇少昊以上溯虞夏史墨能從少昊以下迄高辛泯泯二千餘年洪荒官制炳然垂後左氏錄之至今又二千餘年程子落生考古而作是書今之郊墨哉

左傳人名考序

左氏叙事讀者若目覩叙言聲音笑貌俱出讀者若接於耳唯叙人則或名或字或官參錯不一微註薈焉不辨也嘗見草野鄙人語刺刺有所述則名字互稱或稱其所稱習者知之他人莫喻惟其質而不文也左氏之

唐堂集

卷七 序三

夫

文極矣唯此不自覺其樸野而不知檢會未計及讀者之利便否也而程子曰此乃其所以彌文也創爲參錯其稱所謂物相雜謂之文也然不可爲則因取一人兩稱至五六稱者彙爲一書俾讀者無薈焉

任太君壽軸序

荆溪任太君以賢母著非以母賢母而又賢也予交翼聖每道太君事輒若淚承睫者蓋翼聖未三十而罹貞懿先生之喪又三十年而喪太君則太君之年八十有二矣當八十時翼聖會試京師同舉士皆以擢上第娛百歲親爲假詞成軸而其言既不讎故孺慕久而悲不

忘前史載賢母能教子非其父不能教也人壯強時遊學仕宦走四方則其子自孩抱就傳迄於成人唯母尸之或不借老稱未亡則子之出處窮達休戚母實其之然而以能教子著者宇宙寥寥可數也母能教子則其所處又必有不幸焉而非爲母者所樂也若太君何待以能教子著哉其事姑章母兄相夫子宜家人高安相國所稱慈孝女宗者乃其所以爲賢也故曰非以母賢然太君妊翼聖時坐不邊立不跛胎教豫矣貞懿授徒於外且先卒翼聖事母之時倍於父是故學粹而德醇窮經守道固印原於太君之教者深軸中之詩能言之

唐堂集

卷七 序三

七

故曰母而又賢也是故太君之賢非因子始著者也因子愈著者也我朝雕麟之化行女子被旌者無算皆名節婦不名賢母夫賢母若太君一何寥寥哉或有之而不知知之而不傳子以母著母以子著

就正集序

黃子曰六經如日月如江河言其明且通也明而晦之通而塞之職誰之由由說經者此立一說曰聖人之旨爾也彼立一說曰聖人之旨又爾也後之人又立一說曰彼兩說者聖人之旨不爾也穿一理窟墮百穿而不可出斷一事案糾萬髮而不可理漢以來至於今蓋若

案塊積蘇矣孔子之爲經解也各蔽以一言簡賅而不可易孔子既遠漢晉唐之儒詰其義周程張朱發其理至我朝

御纂五經之書出而日月之光益以明江河之流益以通世之儒者可以無說矣說之者非襲斯鑿庸者襲之鑿者鑿之則不如其已或曰如子言虞璣衡夏樞華而專畢矣則是欽天之官不庸於七曜而治水之使不馳於四瀆也已不說經而尼人之說經曰爾何必說經則樹峰泰子之文子又何以稱焉蓋樹峰年少嗜經嘗撰所著詩文之集冠以經說一卷讀易偶記二卷周禮隨

唐堂集

卷七 序三

六

筆一卷而謙言曰就正以屬序其言洞然而明也其理沛然而通也或曰然則子言何如黃子曰樹峰之文非說經者也說說經者也說經者以襲與鑿聚訟而不已足故臚而列之裁而擇之俾晦者明靈者通子不觀夫訟乎健訟者逞智舞文工其牒訴以匍匐訟庭而日受譴焉兩造紛爭辨狡斯勝辭弱則負其牒訴雖工不足存也聽訟者理晰於平日而識趨於衆人兩造紛爭片言而曲直決其爰書遂可存之以爲法樹峰之文非牒訴也是爰書也彼聚訟而此解紛者也今天子方求通經博學之儒而樹峰蚤築味經寓以味經

其應時而起者乎繪日月之光挹江河之流若是又何必不說經

平治莊集序

江南省志載蕪州流寓有閩吳香爲先生諱彥芳者順康間人也昔在宋世以進士起家坐事罷官寓吳好爲詩古文有滄浪亭集者蕪舜欽子美也越六百餘年而香爲亦以進士起家坐事罷官寓吳好爲詩古文有平治莊集香爲一何類子美哉人謂吳君挈家寓吳類梁伯鸞以閩人寓吳類鄭所南然梁值明時無故悲噫去國辱於傭保鄭入一統之代踐土食毛數十年瞻懷故

唐堂集

卷七 序三

九

主悲憤終身其所著述是皆已甚殆狂狷之過君出處行事適於中道發爲文辭瑰奇而冲融梁鄭之所爲香爲不爲也儒者策名通籍欲報主効忠急行其道而論効以去雖曠達若子美猶未免吐牢愁於文章而香爲不爲也曩予在閩故家雲仍爭獻其先集得縱觀焉而臚考之講道論性諸書尙已詩古文自唐歐陽行周黃才江宋嚴儀卿謝阜羽明高仲禮林子羽輩訖於鄭繼之王道思名益隆集愈富然鄭學少陵而滯者也王學南豐而流者也香爲生其鄉崛起爲古學晚而流布於吳會自言詩追正始文追周秦而不能爲大家今之爲

大家也者宜香爲不爲也不爲大家也者宜香爲之能
自大其家也子美旣寓吳復仕爲長史以卒年僅四十
一而香爲優游林泉壽八十有餘則子美不如香爲然
子美得歐陽子序其集而予文謏陋不足發揮作者則
香爲不如子美

唐堂集

卷七

序三

子

唐堂集卷八

華亭 黃之雋 石牧

序四

百歲翁贈言序

百歲者匪直一家瑞一鄉瑞斯天下之瑞今海內期頤
大齊之名數奏 大廷若景卿鳳慶恒見而不止蓋天
下太平極盛久矣崇老尙齒符驗若是其廣也禮言養
老其等差始五十極於九十明百歲之稀聞僅見固耄
耄所覲幸於一間而不可必者也乃近而在一鄉親而
在一家曷能不尤夸異歌詠之曰國之光曰家之慶哉
唐堂集 卷八 序四 一
吾宗高枏次翁先生名均邦當雍正之十年正百歲先
是 恩免一丁賜肉帛者再三矣今大臣遵例題旌
詔許建坊目爲人瑞人瑞者爲其身言之則人中之瑞
也同而異之之辭也若曰盡人也獨翁其瑞矣爲斯世
言之則以人爲瑞也虛而實之之辭也若曰瑞者何翁
之人是矣唯翁孝慈於家惠愛於鄉入而孫曾出而鄰
里熏其德而化之是故人完而天全理庸而數超且夫
本客逃穹巖而不知歲月入中山者三十醉而百年過
矣是烏乎壽箕子以冠諸富康寧之首而厠之以德壽
不酬德時謂徒德壽不繇德時謂徒壽翁殆兼之哉吾

家故事叱羊坐龜近於齊諧唐述儒者所不道神漢之水何必不腥螻冥靈之樹安知非液楠瑞也者背而台爲翁歌雅齒而兒爲翁歌頌宜矣予雖老異日至故鄉拜翁於堂計已踰百歲而上則視予猶孺子也夫猶以爲可教也

楊東野遺集序

謝客論才以斗石計大小殊也柳州論文以銖兩計輕重殊也均之才也如海如江滂滂乎排沙礫驅蛟鯨以上下乎潮汐以爲文則可謂大矣均之文也千鈞之力萬斛之積壓其曹偶若泰山當之者類首至地則可謂

唐堂集

卷八 序四

二

重矣鰕生輕材小言詹詹以規撫古人之單辭片語遂侈然自謂和氏之璧然而人不貴者雖曰文人相輕乃其所挾持固纖細而不足舉也海寧楊二十七東野才鴻而文豐溯源於堯謠舜歌周風楚騷導其流於唐宋之交神遊千古手揮八極目營四海口唾九天緣情體物捭闔百變而莫之窘窮人以爲廷秀復出前無盈川後無仲弘嗚呼其豪於詩也予昔所親見首爲之類者數矣夫聚散存歿之感人生所不免人心所最傷也予與東野同遊宮傳陳公之門公時爲詹事里居才東野予始相識聚最久既別去聞東野與查梅餘先生唱和

於鄉又唱和於江西若王裴韓孟之比肩而予未之見也既東野以明經教習相遇京師復暫聚既又別去聞東野客宗室王孫所王孫學詩重東野每一篇出輒手錄之而予亦未之見也未幾東野逝矣令子元白編其遺集詩十四卷詞一卷謁予求序於是前所見與後所未見者畢見之鏗戛光燄如生如新如聚首時嗚呼孰謂東野死者鴻毛遊絲飛揚風中不若隕星墮嗣之重且大也雖然予則烏能無感哉

學庸千問序

學庸千問者上海姚青疇先生所著書也千者統解也

唐堂集

卷八 序四

三

不翅千也問者半辭也有答問者也青疇博學善譚理逢原心得師之者衆疑而質之諸諸爾積而次之于爾聖經賢傳自宋儒後詮釋義理亡慮數百家後死者蔑以加矣黨枯者陋鑿空者詭謂發所未發而不知前人已見及之特艸藁之所芟除定本之所刊落而不存者也則糠粃已謂抒所獨得而不意他書亦有之徒吻合於往籍雷同於故紙者也則糟粕已至若翻駁攻訐以爲辨臆創生造以爲奇尤無取焉青疇之書因而不陋漸而不詭抉曾思之根奧抽朱子之條理其心愜焉雖時論亦採其心不愜焉雖先儒不徇遵註者什商註

者一而其崇註而勿敢倍者心與口無二趨蓋於經傳章句若鑑之初淬於藥而無纖埃障也若鉢縷之綿密而靡勿貫也出諸口若道蒼素而數酸醎也筆諸書若毫釐銖兩之程於衡尺也問雖千雖不翅千吾尚惜其少也又多乎哉譚經之書以問名者劉楨毛詩義問范甯禮雜問顧歡尚書百問歐陽修易童子問而四書有朱子或問則晰理益精省聖賢之言益酷傳聖賢之心益微以顯其有問也引之而愈出其無問也設焉而不窮彼亦一口也此亦一口也口與口相發而嚙者醒暗者豁咻者息吃者達是故青疇氏不憚問也不厭千也

唐堂集

卷八 序四

四

其諸或問之源流乎善待問者如撞鐘小叩小鳴大叩大鳴一春一容然後盡其聲千問之鳴隨大小而應之蔑不春容以盡聲是則青疇氏固學者之鍾也豈言之簧說之鈴捷巧纖賁者可同日語哉青疇名烈明經以老著書滿家其孫鉅先奉此索序以梓行予媿於理學罔攸發明有未安者不能起青疇而問之用備千之一惜夫

篆學三書序

世之不識字者猶結繩以前人也其識字者則漢魏以後人也不識唐虞三代先秦之字矣唐虞三代識倉頡

之古文春秋戰國識史籀之大篆皆範於六書至秦李斯拆古文大篆以製小篆遂盡燔詩書滅古文之迹以獨行其小篆然六書之法尚存故後漢許慎遵之間附古籀以作說文至於今不滅然同時程邈既助斯作小篆而又自爲隸書即今楷書亦口以亂之隸書行而六書之法泯薛綜無口爲天有口爲吳不識吳字魏孝文三三橫兩兩縱不識習字童謠橫目非四字兩日非昌字占夢十八公非松字三刀非州字若此類不勝紀而謠占胥驗是鬼神亦不識字蓋其所識唯漢以後散隸加以行草八分字體日變象形諧聲之義蕩焉不講唯

唐堂集

卷八 序四

五

說文獨存雖尙多僻字陋解闕文然古法犁然而世但用之章印碑額臨時備稽覈摹肖形畫而已曷嘗有溯原窮委理毫析芒若唐李陽冰宋徐鉉錯句中正等之人哉我朝康熙中詔大學士李光地等集儒臣用篆文寫六經四書而欽定之誠以聖籍嚴重不得以徒隸佐書相襲今盟類莊誦如對漆書石經而玉堂金匱之藏未徧於葑屋竊歎生平徒生死於文字中爲經書之蠹魚而不識篆文即不可謂識字金山楊顥若氏名錫於是起而述明說文著書以存古垂後而乞予發其著書之旨云保氏所教六書班固謂象形象事象意

象聲轉注假借六者造字之本鄭元謂象形會意轉注處事假借諸聲許慎謂一指事二象形三形聲四會意五轉注六假借序次互異學者滑利過目而莫之省楊子闡明厥義定許氏所次爲不可易謂書契代結繩皆爲事而作事寓於形形成而聲從聲從而意見轉注假借其後起者遂錯綜小篆肌分理劈貫串融洽於是乎作六書例解古有音無韻未有反切自周顒沈約爲四聲切韻徐氏遂依爲備唐韻之反切載入說文然世所行說文韻譜徒以部首次四聲又於每部中次四聲既非許氏始一終亥之舊而仍不利於緝檢楊子依四聲

唐堂集

卷八 序四

六

之韻以便今從小篆之文以存古蓋慮夫隸行草之繁變而亂古也東字以韻束韻以篆而字體正慮夫字書於本音之外難取方音古詩賦爲叶音繁變而淆本也東字於篆東篆於韻而字音正於是乎作秦篆韻編隸行草既與偏傍點畫舛澗孳乳多譌字俗字流傳名人法帖多破體別字賦家子家多造作奇字闖入字書矜富務博文盈數萬溢於說文九千三百五十三文之舊而繆維念滋楊子就今隸以溯秦篆剖其近似疏其譌俗其分部則從并從附省約便易以資小學於是乎作正字啓蒙短箋予乃序之曰聖人作書契百官以治萬

民以察字之義大矣哉自古文籀篆廢而不著說文始出以講明六書不墜保氏所教叔重之功宏矣歷代君臣爭妍鬬工於散隸行草而忘厥所繇至宋雍熙時鼎臣奉詔校定此大有功於說文者自後若戴侗周伯琦楊慎魏校朱謀瑋趙宦光之徒代有著述得失互見若顒若所論著不附庸於說文而遵守許氏有發明六書之功其視諸闕賜布奉敕雕板遇未遇異耳淮南子載倉頡始製文字天雨粟鬼夜哭其事不經高誘注謂文字與詐僞萌人舍本趨末必致饑餓天故雨粟鬼恐爲文所劾故哭似有激之言僅可施諸程邈以後之散隸

唐堂集

卷八 序四

七

行草波折姿媚徒以急就干祿甚至士季摹真跡以肆誣君廊惑草書而致叛其禍害洵有如誘言者豈宜以加倉頡之文象於奎義取諸夬功侔於馬圖龜書者乎三嬪而爲小篆規模嚴整不可以人廢顒若氏慨不得見黃帝宣王二史之大全乃沿秦相以窺古法沉浸之久屢伏靈通滋味豐足鬼神來告以爲日用不可闕而範圍不能越者咸於是乎在則是書也烏可以無作吾嘗竊歎雖倉籀之文而存人亦不識也雖斯篆不識也雖散隸行草猶不識也嗚則能識形於稀句濶狹連斷之間識聲於從聲從省聲之界如顒若三書者然則書

以金壺之汁刻之蒼華之玉副墨藏諸二酉雖誦偏於五都於以崇字學貽六書厥功不繼許徐諸君子後哉

王忘庵遺集序

汪鈍翁太史之傳忘庵先生豔稱其繪事比諸石田叔平今之高士也顧不稱其詩其不知先生之工詩歟其知其工詩而偶遺之歟生同代居同郭不得云不知先生之詩極工不得獨舉畫而遺其詩也詩之名爲畫掩則先生之詩之工不得掩於畫猶夫先生之人之高畫不得而掩也予修通志彷彿太史之傳列先生於隱逸云古詩人之隱柴桑里者曰陶元亮隱鹿門山者曰孟浩然

唐堂集

卷八 序四

八

然陶之曾祖爲晉宰輔勲績著史策而元亮蜚遐田園猶夫先生席相國文恪公之餘業而棄其榮利蕭然若寒畯孟之貴友邀與偕之京將薦諸朝而浩然就所知飲愆期不赴猶夫先生當姊婿宋文恪公秉軸屢招入都而屢卻故其詩冲融澹漠蕭寥閒遠若不經意有陶孟之風然陶有誤落塵網之悔孟有不才主棄之嫌先生無之也故自號忘以明志解衣盤礴忘乎其爲畫也嗒然若喪其偶忘乎其爲人也唯忘能忘唯忘能詩而後乃忘乎詩者之爲詩也陶孟云乎哉先生歿四十餘年其季子師貞刻其遺集若干卷授簡屬予序予讀

之物表霞外軒如躍如於方策間而渺伊人之不得見也而幸見其詩見其詩而遂求見其畫則一縑一楮流傳人間者皆藏弄以爲拱璧不輕易出之而其家亦因是以少所蓄聚至是始以芙蓉白鷺見詒考其題識五十年物矣予一日而見二珍如見先生焉於是驕太史之見畫之易不若予見畫之難爲倍喜見畫而遺其詩不若予見詩而兼得畫爲倍幸也古來兼二事之長莫若君家右丞先生之詩中畫畫中詩何減右丞若其屏功名於蚤歲閒適終其身無凝碧秋槐之句則右丞不如也而史傳亦僅豔稱其繪事以爲學者莫及而不稱其詩但曰賦詩而已以是知太史之傳先生合於史體也史家謂丹青絹素之久而漫滅也又不能家給而人貯也故形容以傳之謂詩則繕鈔刻鏤有腫子者胥見之故無待於稱故太史雖不稱而予已知先生之詩若陶孟之不掩於窮約若右丞之不掩於藝能者先生與太史復生必共許予爲知言

西湖志序

代

西湖志前督臣李衛因修浙通志而及之首水利次名勝因水利而及堤塘堰牐橋梁因名勝而及山水寺觀園亭祠宇古蹟藝文終以志餘外紀凡四十八卷臣蒞

唐堂集

卷八 序四

九

浙三年鏤版始成謹序之曰浙會城以江海爲門戶而西湖其壺輿也是故西湖之水重與江海埒考厥所繇以迄成事雖地利則然顧不以時設明聖靈驚始見於漢晉間不甚顯至唐宋始大著然興廢亦屢矣我

聖祖仁皇帝五幸其土天章御製以褒揚寵命之

今上發帑興修以紹大功而後溥博闡麗超歷朝而垂萬世地猶是也唯過重熙繁治太平極盛之時以至於此人見湖水之畜泄通漕鹽以利國溉田供汲以利民濟舟楫以利商旅而知九重之軫念深而睿慮周也人見草木禽魚之蕃廡與馬權槩之絡繹而知

唐堂集

卷八 序四

十

聖澤之淪浹於民久樂樂而利利也人見法王之宮名賢之宇高士之廬輪奐鳥翬瞻仰恐後而知盛世之民嚮化慕善風淳俗厚感天和而饒物力也苟其不志帝德曷以昭天心地力曷以彰人風曷以傳故今之志宜什伯於前志之美者非美於其紀載而美於其所紀載者也夫西湖天下所在有之而杭獨著者豐於水者膏於山此則環山爲岸行於水者阻於陸此則隄互築接水放於荒遠寥濶而此則麗於城郭錯於園廛水虞其濤波湍悍而此則淨如練平如鑑其原不涸其流不磨其土宜種植其風氣藏聚其水清甘曩詰所謂天造

地設者也是以度越諸川而擅名於代蓋九百七十餘年匪今斯今矣而臣謂繫於時者白蘇趙楊諸臣狀奏題請幾至廢格以倖有成績豈若洞自宸衷渙號出綸之易吳越割據南宋偏安以詡繁華恣游衍豈若

一統販章巡狩省方之勒遊宦過賓之歌吟毫札豈若

天語之貴山人僊釋所棲託豈若

神御之尊名人之題額碑版豈若宸翰之大九百餘年以來有之乎無之也故曰唯今之時爲然且夫志水者詮其利志地者標其勝自昔已然然而葑田芟蕩水簾桑埂未嘗不數闕其利而損其勝今自翠華臨幸

唐堂集

卷八 序四

十一

以來四十年於茲湖之內水益浚而深隄益培而廣寺益拓而新祠廟益增而麗卉木益蒔而滋湖之外渠益通而流田益潤而腴

聖天子瞻懷於上士庶農女歡說誠敬於下封疆大吏帥其寮屬以仰體優慰因利踵事歲繼月繩相積於永永則是湖之沛恩波流惠澤者億萬年無疆而是志也傳世行遠立言於不朽可徵也臣樂觀厥成颺言於策與有榮幸矣

陳乾初先生遺集序

海昌以理學鳴曰陳確乾初先生者當明之末與同邑

祝淵開美皆及劉山陰之門祝死而先生不死入國朝乃宏演山陰之緒言見諸許三禮西山理學傳黃宗羲梨洲所撰墓志詳矣其著書外則詩文集藏於家其曾孫九高奉之以乞予爲序予惟理學家唯宋朱子詩極風雅比興之旨道性情合意象稍擇去其什二三則粹然大家若邵堯夫流派龐俚庸腐決乎詩之藩矣王陽明謂以文講學務曉暢其意不得繩以古文之法爰用俗語時句作講章語錄體潰乎文之防矣而先生之詩憫時憂道篤摯悻悻鬱於風騷其文義理爲主論辨爲輔其議禮尤裁斷古今省括中肯綮厥大凡篇皆有

唐堂集

卷八 序四

主

時見兄至古貌古言輒肅起敬聽其表率宗族可知已竊慚晚學末由闕測理奧張皇其所蘊洩而徒詹詹效鵲稅於前也

山舟詩集序

躬行近德濟物近功著書近言士於三者一無能焉而曰吾韜晦不求人知者庸也驚虛聲以欺世曰吾樂善而達用且有文者妄也是烏得爲有道之士哉蓋晚而聞千山周君而君已前歿二年矣吾門范嶧其戚也持其詩以眎予曰其言若是幸序之明日持其傳以眎予曰其人若是幸序及之夫君之好行其德於宗族鄉黨朋友而不倦決大疑拯大災有功而不伐人人能道之徒以居不相近出處不齊耳之而未目也今適目見其詩而如見其人嗚呼可不謂士之有道者哉郭林宗舉有道不應高尚其志中郎謂其考覽六經詩書是敦顧無一二篇什傳世而是編也備體古近溯源風雅汎濫陶韋儲孟唐宋諸家鴻而鍾呂細而錯鏤動而雲波靜而月壑如摩尼珠隨方現色如春蠶繭觀物肖形而要歸於忠厚和平之旨噫其能言者與昔徒聞其中乙科不仕砥行秉禮獎訓士類以爲林宗之流也而未聞其詩雖無詩已足傳況目見其詩又若是哉今序而行之

唐堂集

卷八 序四

主

庶幾作碑無愧之遺意則雖未識君君之精爽必覽爲知已而答響於千山煙雨間未可知也

雪思館詩鈔序

寧慧而矜乎將頑而壽乎寧遠遊而忘軀乎將闔戶而槁項乎終賈振衣於綺年鄒枚曳裾於朱邱唯辭采之鉅麗則金石銷泐而文譽不泯臺池變遷而遊跡永存是故懷觚翰志桑蓬沒世而名稱君子奚疾焉予試闢古學得候官陳繩騶季者能詩士也又十年相聚武林則時時稱其亡兄不置純其名驥仲其字也弱冠遊京師補順天博士弟子由貢選授國子監教習以高材能

唐堂集

卷八 序四

古

詩遊於滿漢貴人所交盡吳越名流與王樓邨張匠門顧秀野郭于宮吳寶崖相唱和其母夫人亦能詩凶訃至公卿以下製誄輓赴弔者數百人奔喪歸里營葬費復出適楚依典試李婁山通粵依總戎裴某遂卒於惠州年三十有二悲夫驥仲豈不知剗心鍼腎之傷生不材無竅之延命觸犯寒暑之勞瘁安神閨房之逸樂哉士各有志謂庸庸以倖大年不若嚙齧而收令名也昆弟四人其命字也上騏驎騶下伯仲叔季而驥仲猶八龍之慈明三虎之偉節矣叢蘭方茂一枝先隕春輝甫翳寸草繼之嚮非流黼藻於士林寫笙鏞於文苑則

其彫落已二十餘年魄逝而骨枯草宿而木拱散爲飄風蕩爲冷煙僕亦烏知三山旗鼓間有所謂陳驥仲者哉曹子桓云文章者不朽之盛事驥仲之擇術善矣於是騶季痛姜被之淚慙恐寶珠之帙蠹謀重梓其所著雪思館詩鈔增以未刻者共如千卷謬謂予知詩以序見託夫僕亦嘗弄墨拈穎於陸輪江舸之上幸獲白首意者吐屬未工聲譽未彰天亦有之脫技若驥仲名若驥仲曷避緋衣赤虬之名耶得作才鬼勝於頑仙輒爲論人生修短之數在此不在彼而其詩則誦者識之不在林鴻王偁下也其以雲思名詩者遊而不忘其親也

唐堂集

卷八 序四

主

傳耕堂遺集序

唐劉蛻卜於土吉遂冢以藏其文此則卜於火如秦兆之餘也陳無隱氏之先世士傑翁當明洪建間築閱耕軒於南橋屬方練諸公爲記序銘詩以傳則其子叅政神孫祭酒詢之事也又二百五十餘年而至無隱氏生明季殖學蜚文遭逢鼎革隱淪以終所著詩文曰傳耕堂集傳耕者傳其先世閱耕者也厥後厄祝融子祖壽燬額而奪之僅而後獲二三策此編是也其孫明經基弄之久卜於木如棗梨兆吉卜於金如刀削兆吉則鑲版以傳而先以屬予序詩六十餘首清拔高雅修慙編

尤多名言雖頗參二氏而於人倫物理發揮精切可佩
可銘人不由心得而驚記誦以爲學揚子所爲書肆說
鈴也言無物而盾綴仁義心性以爲明道之文韓子所
謂陳言剽賊也無隱豈屑爲之哉夫物多則富少則貴
富其所著而火妒之貴其所存而金享之瘞諸土而朽
不若雕諸木而壽故人莫吉於有賢子孫也故曰詒孫
子曰無念爾祖一詒一念陳氏有焉無隱名蓋字屢赤
身隱於國初而言顯於今相去將七十年危不得顯
矣其出遲者其垂永也

路氏譜序

唐堂集

卷八 序四

末

予生長陶宅交路氏之有文學者蒼霖先生諱垓舒馭
諱徐來西駕諱鳴夏瀛山諱登雲美其門內人文苑郁
而譜系未之詳也諸君先後卒簡若乃始示其族譜求
序考唐書宰相世系表路氏出自帝摯子曰元堯封於
中路後以國爲氏而譜舊序稱軒轅封支子於路按黃
帝封炎帝之後參盧於路亦作潞非支子若帝摯子則
黃帝之支裔矣路氏諱隋者在唐爲宰相其後人從宋
南渡族繁不可稽故是譜斷自由上海開港遷華亭諱
華之父始垓其十世孫徐來十一世登雲鳴夏十二世
孫也譜作於其八世孫夏津令宗周九世孫吳縣訓導

用成而後人增續至今十四世焉按譜華之父失名以
丁產甲吳中明高帝籍其家誅戮極慘華及於難其母
張抱幼子逃由至陶宅西依其姻以居既長名繼留冒
張姓再傳猶被讎讎遣一子戌餘遇赦而後復路姓夫
明祖之籍富民豈獨路就松屬若曹瞿呂陶金倪諸家
非有叛逆反亂謀也徒以擁厚貲而罹極禍覆宗滄族
三世不宥虐如秦皇能容烏氏保巴婦清明祖廼用屠
其民史必本實錄當時纂述爲尊者諱故隱其猜忌殘
忍之跡不載往往見諸野紀家乘然後知譜之可以直
史漏也當是時路氏不絕如蠶紐綿至六七世蔓成名

唐堂集

卷八 序四

七

族文學仕宦著矣其遐而遷齊遷秦邇而遷常之陽美
者胥隆隆焉皆繼留之後也天豈屑徇世主之威權而
不佑善昌德哉子孫其念先世之顛踣而後寢盛知豐
財不足恃而種心殖學之可大以久則若符離臨淮之
人物繼繼出焉曷有既乎抑唐時路敬淳以儒學稱尤
熟於譜自魏晉以來推本其世著姓略衣冠系錄則敬
淳且能譜他姓而是譜但及華亭陶宅本宗他路姓不
濫牽引簡括詳慎得著述體蓋譜學有繇也華亭旣析
縣陶宅今屬奉賢

建草堂詩序

叩友徐君端臨名給事子以諸生獻詩於

聖祖南巡時卽受知面試詩復稱旨入南薰殿纂書
優叙爲閩之浦城令九載引疾居林下至今又十餘年
其名在京國其政在閩其性情在詩詩無往而不在也
康熙間同予試京兆君以承明著作公卿知名年又強
也風采奕奕適上而冲懷商榷藝文之精弱良桮不合
於程度不止此其意何難騰觚稜而直上以黼黻清華
而竟屈首於百里才捧檄行矣雍正初予亦仕閩甫入
疆賦詩贈答交驩而去繼予自京師旋里君已歌歸去
來相遇枌榆之陰握手談詩意氣不減疇昔而相顧皆
唐堂集 卷八 序四 大

舒嘯齋詩序

有以舒嘯齋詩謁予求序者東郊趙君也予友徐今吾
先生退而序之以雕木矣予何序則且言嘯旨嘯詩作
歎曰其歎也歌曰條其歎矣江沱之悔中谷之慨雖載
諸聖經趙君生盛世履順境無取於此若東方生嵇阮
成公綏之徒其遺音有傳者乎夫蘇門山人之嘯聞半
嶺若鸞鳳因霄國人之嘯聞百里音若笙竽君之爲
詩也祛其蟲號蠅鳴之寒纖而叶於歸昌裁其甕音正
韻之粗俚而諧於震靈斯無負嘯矣予論詩主聲君之
詩所舒者嘯也斯聲音之道得矣東郊故詩藪予猶及

唐堂集

卷八 序四

九

交郁耀覺關徐基十峰各雕所唱和於木歲月其邁聲
銷響歇矣追蠡尙懸綿駒間出此丁而彼嚶前于而後
喁吾門沈大成盧畏盈皆年少能翕於風雅金木竹箭
之所生藪其鍾而不竭乎君鼓吹其間異時大音發於
東東爲震震爲雷出其聲以鳴於世不但登東臯以舒
嘯而已則予與今吾雖老自我西郊尙能爲同聲之應
也

陳氏端寧詩序

予序女子詩一爲徐廣文女一爲陸太學母皆生存而
其父若子乞言以章之晚而序周文學妻陳氏端寧之

詩則年二十六死矣周爲贅壻而從師遠方故詩多愁思之什既盡哀於舅歿而盡瘁於父病以死惜哉其才而歿也或問予何數序女子詩予以孔子之刪詩也毛公所序莊姜之綠衣燕燕日月終風共姜之柏舟許穆夫人之載馳宋襄母之河廣衛女之泉水竹竿凡發乎情止於禮義者咸取焉而朱子傳則屬之后妃大夫妻宮人賸委遊女思婦棄妻該正變之風極比興之體蓋成周文盛雖閨閣胥嫻文辭習謳吟亦婦言之一故采風及之秦燔詩書而虞姬戚夫人和歌春歌唐山夫人房中歌以傳皆猶有周末之遺風也而後乃陵夷蕭寥

唐堂集

卷八 序四

壬

腐儒老生誠翰墨非女子事然雖行如卓蔡而白頭之吟幽憤之詩尼山復作末之或刪逸矣矧幽閒貞靜範禮義道性情者之爲之也惡得而廢諸夫其溫柔既合詩教慧心妍辭或過於男子而吐之於音同於候蟲時鳥筆之於書化爲冷煙飄風不亟章之以言則天閨山川之靈氣而淹匿其秀采爲大可惜也我朝文化煥美成周無論海內就吾郡士女若張汝傳之繡餘王雙鳳之玉榮袁寒篁之綠窗何韞潔之惻篋皆見其雕本斐然有作盛矣世無采風刪詩之人幾何而不泯泯也予豈通志列女傳增入孝女才女若端寧不可謂孝且

才哉不幸蚤世其夫刻其所著紉蘭草其夫族兄比部郎謁公序之復介其中表范君來曰必先生一言而論乃定予見其詩備衆體咸工緻可錄固不待予言章之顧不能默而已焉者深惜之唯恐其不章矣

唐堂集

卷八 序四

壬

唐堂集卷九

華亭 黃之雋 石牧

序五

陳宮傳愛日堂詩集序

兼三尊而并四科史難其人今乃親見之若宮傳相國陳公蓄德敷政以其餘事著愛日堂詩是也公自應科入仕以迄 賜告而詩必與俱隨其時事以名其集凡十餘種愛日堂其統稱也公昔歸養

聖祖御題堂額以賜故名其詩不忘君父焉子編修邦直釐爲二十八卷鐫梨以行世公以之雋及門久頗能

唐堂集

卷九 序五

一

識其所以爲詩者授簡俾書其末公之詩之雋誦而習之矣學有本言有物蘊諸道德性命之腴而吐其忠貞經濟之華者也是故應制之詩麗而法紀頌之詩闕而摯遊覽行旅之詩章而遠閒適遺懷之詩暢而真贈答燕會之詩恬而至紀時詠物之詩典而切清廟明堂黃鐘大呂之音既如此其洋洋也山川風月清談幽賞之懷又如其其渺渺也其時昌其遇隆故其詩有美而無刺有正而無變其於出處之道也正君父昆朋之倫也盡故其詩溫柔敦厚醇乎風雅而劑以唐人之體裁節族焉於戲盛哉周公之爲風耕毗桑女園叟獵夫征人

思婦一一挹着曉而扶肺肝名公之爲雅軍田土宇之

大厲銀館濯之細流光於阿風振華於梧鳳二公洵宰輔中之詩人也歷事文武成王齒皆逾百紀於論衡若漢相張蒼百有十歲雖著書然無詩匡衡說詩而不能作唐相燕公曲江郁然爲詩宗然皆末年七十宋相文潞公最壽而詩不名公今年八十有五矣前一二二年謁公於遂初園惠貽五言長篇和七言絕句親見公之興騰舉而思泉涌也因憶前三二十年從遊觴詠親見公之鵠鰲象渡而餘子之汗流而走僵也金玉之堅其響恒厚麟鳳之神其采恒縟日月之古其光景恒新公之

唐堂集

卷九 序五

二

精氣充固而發揮不窮亦若是矣且以公之耆碩爲兩朝國老處則東山洛社出則安車蒲輪遇新天子仁明首出宇宙太和入覲而繪星雲之容矢詩而發韶鈞之聲若周召風雅作於成周聖子神孫之世知不以林泉集而止之雋雖白紛尙能誦習之

穆堂先生全集序

道有統文亦有統虞夏商周道盛而六經四子之文出其統一周秦而降析道而微傍道而岐背道而離然其文則皆炳焉蔚焉與天壤相終古雖有文可以貫道者而祇謂之文焉其統分鄉魯之統子雲仲淹僞爲經而

不得與廣川昌黎衍於一綫至周張程朱而其統乃一
檀左之統傳於馬班揚馬崔蔡漸衰至於唐宋六家而
其統乃一前代景濂希哲道思熙甫之徒欲承六家之
統而北地婁東奉檀左以與之角而兩不相下然其後
無繼者夫貌古者書施規賁而無情飾辭者鏤冰畫脂
而無氣趣時者決籀潰防而無格弊伏於所徃始極盛
而流漸衰也沿及我朝文盛人衆可屈指者亡慮十
數家散而無所統於是穆堂先生出焉其行已接物立
朝服政靡不踐履於道融液六籍寤言姬孔昭灼於穹
朗剖析於豪芒顧未嘗以談道講學附系於程朱之統

序五

卷九

三

也而著於文者操唐宋之體製以滙南雅訓誥之指歸
萃羸劉之精嶽峙而瀆流颺馳而霞起郁郁炎炎苞括
宇宙陶鎔墳索騰越百家而旬耀一代自經國蒞治碩
論閎議以迄詮理言情叙事之篇窮洪纖而極正變二
氏之言不得而溷焉然後知以文貫道卓然紹厥統於
大家者在是而豈他貌古趨時飾辭者所得而分之者
哉先生於文取永叔子固於人才取介甫於學取子靜
不出其鄉而奄有前古誕唯賦奇於天孕靈於地是故
發而爲先生之人之文者如此或謂先生嘗葺朱子晚
年全論考朱子繇婺源遷閩纔二世而繼其鄉楊羅李

之統學者以閩配濂洛先生繇歙遷江西亦二世而繼
其鄉歐陽曾王陸之統學者稱臨川先生蓋未嘗不於
朱子符節合也集內外共一百餘卷同門李檢討光燾
序而刻之而予識其所見者附焉

顧侍講小像題詠序

小厓先生始以孝廉膺時名也攜其鏡容首屬予題
絕句三旣而以編修入覲也復以其觀梅小影首屬
予題絕句二今以侍講告歸合二冊所贊詠刻之而屬
予弁言則

今上爲皇子時題詩在焉逮及卿相以下凡數十篇郁

序五

卷九

四

乎盛矣夫人孰無面而亦無同面故唐舉許負之徒挾
相術以測貴賤壽夭而顧凱之曹霸等又以傳神寫真
擅其能而人亦欲託之丹青以自鑒然天之生人非徒
面而已莫不有心而性情統焉故睟面必根心相與畫
其孰能達之小厓以仁義之性發忠愛之情油然而溢
於

聖祖挽辭之六章

先皇帝見而感動鑒其心之純於天理也擢爲儒臣俾
侍

今皇上讀書遂大展其學問以酬知遇蓋其性情心術

兩朝洞鑰入於淵微豈徒德容道貌之日三接哉予竊
悔嚮之題詠之疎賴羣言而始備可以補畫者所不能
畫而何可不彙之以傳其畫耶尙書載形求唯肖而得
良弼史公見畫留侯狀貌是形貌圖寫今人爲行樂之
具古者則以之物色賢才而證明勲業事綦重矣則又
在人而不在題詠也小厓少予三歲用文學締交三十
餘載其間或南驅北轍不相聞仕宦出處相先後而交
情如一日揚子曰朋而不心面朋也予豈謂子面如吾
面乎蓋心相知久矣予出漁樵農牧圖與小厓之圖相
對梅清鏡明自慚形穢則相實定之而又不在于畫也

唐堂集

卷九 序五

五

四書大全注疏增刪序

孔曾思孟之言大如天包古今所稱儒者於中或窺而
漏或測而鑿朱子之書出若地之承天一氣合而萬象
明詮理譚道講學者無所遜於天地之外人乃不敢疑
四子而疑朱子至謂功令遵朱肆舉業弋科名不得已
而趨之便於小目儉腹蹇足之徒而不足以東高奇曠
遠之士夫朱子教人以大學語孟中庸爲入道次序作
集註章句句斟字酌至五六十歲時始成歿前三日猶
改大學誠意章註蓋終身任之明聖道維人心彰世教
豈預知後代爲講說題目之用哉故其言蹈常指實若

悅口之糜飯適體之裘葛無毫毛游談越思而洩聖言
之精微無遺蘊裁漢唐宋人之詰義無纖疵雖聾瞽猶
能披發之而或視以凡近瑣屑倡爲高論渺義標一宗
旨而趨者若鶩伏莽於性理立幟於心悟傳染蔓延流
爲狂妄若近世毛氏極排朱註著爲一書不曰朱註改
錯而名四書改錯噫四書也而待改錯乎疑朱子疑孔
曾思孟之階梯也以予所見聞執四書以訾謗朱子者
衆矣同里楊京昀韭氏專爲朱子之學始則博采或問
精義輯略暨文集語錄語類凡朱子之言用以發明四
子爲一書宜興儲大文六雅爲之序而其書未出也又

唐堂集

卷九 序五

六

爲之數年叢宋元明儒之講解岐朱者黜合朱者涉鎔
銖分寸赴其權度而附益之擇精語詳易其名曰四書
大全注疏增刪如千卷欲與三魚遙喜並馳而屬之雋
爲之序竊謂觀天文者遊心目於長空太虛之表有無
離卽而莫之據依也曷若宅岫夷南交以測日按九州
以驗星之分野就山川國邑以望雲氣而後寒暑災祥
切於人事靡有或失朱子著足進步務從實地以與天
通窮高測深不遺卑淺諸儒循塗以告譬猶鼓記里而
車指南也而後聖賢之文炳日星章雲漢不爲瘴煙淫
霧所蒙若楊氏之尊朱子可謂功勤而學正矣其附錄

五十餘則割棄陸王剖析儒墨歎塾師之刪朱註及坊刻五經刪本日恐異時有四書刪本出也其憤憂至此理窟不名談塵不揮靜坐覃思以毋忘童子時之所習白首而卒業焉曰吾道如是而已

左傳翼序

孔子作十翼以爲易傳左氏傳春秋昔人亦謂聖經之羽翼凡紀二百五十五年之事且及於惠悼百十四國盛衰遷滅之迹咸在本與春秋各爲一書非公穀釋經者比創史之體備文之法乃范武子謂之豔富而誣韓退之謂之浮夸者蓋左氏好以成敗利害論人而喜神

唐堂集

卷九 序五

七

怪夢寐醫巫卜筮童謠占驗之事疎縱於瀆倫犯上之大罪而嚴密於耳目手足之小節所愛敬則溢爲美辭所賤惡則殫厥惡態其所網羅國史皆一手潤色因事造文故戰陣辭命聲容意氣家人父子細碎繁瑣雖人殊國異經其敘述若化工之造萬物也而誣與夸不免矣至若臚一代之典章發全經之義例不繆於崇禮修德守敬之旨先經後經以明原委依經錯經以尋枝葉爲功於春秋者鉅考事修辭者千百世咸祖之自鐸椒虞卿作抄撮賈誼作訓故至劉子駿杜元凱孔仲達而章句義理愈備益精顧評騭文字未暇也宋儒專論事

理真希元始選入古文於是元明以來至於今選本及專本論文者日衆專論文而富豔莫加焉桐城周筆峰氏撰左傳翼若干卷主論文而及於事理者也繼之自隱桓以至定哀時移世變洞然於其胸衡之自周魯齊晉以至附庸戎翟若入其境而接其人瞭然於其目發之而新疏之而無不通不鑿智不矜勇不僭義積之培之而翼於是乎成如手文爲魯夫人是魯史因桓公而飾爲禘祥之說母子如初是鄭莊實感潁考叔而能孝寺人貂漏師若後世宦官弄兵內操非漏洩軍事子玉剛而無禮乃子文舉以爲政者復衛封曹之請弗致瓊

唐堂集

卷九 序五

八

至於河神皆正大光明後世薦引柔媚而拂須吠竇之徒出秦穆用孟明可爲百世用人法繞朝贈策非馬樞是書下二語於簡策以贈士會非口說若此類高出世儒不可枚數其言衍而暢辨而決如繭吐絲抽繹而不窮如山出雲騰涌而疊現所采近人之評必前列而唐錫周馮天閑兩家爲多猶杜之集解采許惠卿穎子嚴孔之正義采沈文阿劉光伯而自成一家之言也旣數易藁復剪裁塗乙殺前一夕猶手自刪改嗚呼勤矣左傳之風力文采譬猶鸚徙海而鳳傳天翱翔載籍之上無藉後人之翼之也今而加之翼實有所以翼之者吾

見所以翼之者將挾所翼者而偕蜚也翼傳之與翼經功相差已嗣君寅亮乞予序其書坊人請梓急已索藁去因記憶其一二議論而序之

醉白池詩序

陸務觀題粵山曰詩境摩崖刻之予搨本歸示張東亭太史鐫版贈予以顏所居之室室僅容膝啓牖望天濶不及咫尺無可詩之境也強而境之則亦強而詩之醉白池則詩境也境有水可詩蒹葭境有石可詩崇邱境有樹可詩樛木桃天境有竹可詩淇澳水有魚可詩嘉魚魚麗魚可釣可詩竹竿樹有鳥可詩綿蠻境有堂可詩

唐堂集

卷九 序五

九

斯千堂之外觀農於畎畝可詩載芟良耜堂之中留客於壺尊可詩初筵既醉顧子珠懷有此境也以有此詩也故以池名其詩凡所至遊覽憑弔暨人事酬答非盡池上之作而胥統彙焉梓成以索序夫詩雖曰性情豈不以境哉入廟而思敬過墟而思哀思因境而遷也衛之音趨數齊之音敖辟音逐境而化也成連之琴也海水汨沒山林杳冥情緣境而移也伯昏無人之射也登高山履危石臨百仞之淵技以境而神也謀野而獲登高而賦語言文字安在不繫於境哉有醉白之境而後有珠懷之詩山深而木則美水折而玉則華地靈而人

則傑故有境而無詩不境其境者也美蔭之瘖蟬也有詩而無境自境其境者也暗壁之吟蛩也境與詩泊然而相遭油然而相生藏焉息焉而如是出往焉遊衍焉而亦如是者吾之所謂詩人也且夫境何常之有窮通順逆喧寂夷險不同之極致矣詩人誠根理以發辭範義以閑情殖學以運才貞遇以言志則何境不詩處而澗阿衡泌閒居之詩境也場圃河干家食之詩境也出而山川原隰征夫之詩境也清廟明堂顯相之詩境也而豈一池之可限哉是所望於顧子端木氏論處境而通於詩詩之爲境也廣矣若予之境不境詩不詩而冒

唐堂集

卷九 序五

十

濫其名於厥居則忤甚

晚唐三傑詩茗穎集序

宋嚴儀卿畫晚唐於盛唐軒盛而輕晚爰立初盛中晚之界其於風氣聲格之流移頗準近世錢受之詆譏滄浪決其隄而潰之顧錢氏晚年之詩塗竄梵言釋語穢滓風雅而醜詈嚴氏之以禪論詩比於日翳熱譴是明欺枯竹朽骨不能起辨也吾嘗平心論之嚴氏曰雖唐此其晚也其不逮盛唐詎唯嚴氏夫人而見之錢氏曰雖晚猶之唐也其不侖唐人之矩詎唯錢氏亦夫人而見之晚唐詩家數十以小杜溫李爲之冠牧之之豪邁

義山之瑰奇飛卿少遜而富豔配之斟之諸家猶呂姬之伯嬴芊之雄不儕偶於五與七矣或出相門或附宗室姓氏昭於唐史詩卷留於天地可不謂人傑哉宜宋草塘從九百年後追而傑之而鼎峙之曰三也夫四唐之爲唐猶四時之成歲帝神遞嬗溫暑涼寒之旋幹無迹而氣機蒸變於自然及其至也而畫然判矣晚唐猶冬也數十家若虎交雉化芸生荔挺泉動水堅蕃然以呈顓頊元冥之象而驗之不爽三子者則操白露變霜之精力具北雁隨陽之神智開其運而轉其風是故舉三子可包晚唐也昔吾友查可亭刻晚唐詩鈔首列三

唐堂集

卷九 序五

上

子各百餘篇彼兼及數十家而嚴此專及三家而寬若稽田載犁載堡而疆畎一新越陌度阡良苗芃芃改觀已其諸所謂茗穎者乎

詩經叶音辨謠序

陰陽五行自然之音風囑于雷殷虺水大磳訇而小窾次木伐而下土築而登因其音而制字以實之因其字而諧聲以讀之孳生而不窮焉詩三百篇音之叢也古人文辭多用音而詩尤專以音爲節族於朝於廟於堂上下於房中於里巷風俗行神示格歌忠泣孝移情悅魂颯颯決決者匪直文辭而已唯音則使然大哉音乎

唐堂集

卷九 序五

上

然其流屢變音學繁興搜而擇之難矣予幼誦詩頗解四聲翻切雙聲疊韻客持經書隔坐唱某某反何音卽應音某合者什九偶不合者方音不同耳而所謂見溪羣疑之三十六母宮商之五音七音喉舌唇齒開發收閉微茫曲折則未之究何則淺嘗而遷嗜任臆而憚勞徂時而荒古爲學之通病然觀近代毛大可邵子湘之論音竊不然之晚交劉子讓宗示其所著書而服焉繇其覃思篤學神悟理解納天地間陰陽五行之音於靈府觸之於字而無不遁等借純次本標隔標正紐旁紐其道精熟爰就三百篇而發抒所蘊辨別諸家若理楚絲而析秋毫操是橐籥以往破三墳窮五車足矣我朝文治賁明太平之鼓吹尤盛安溪李相論切字之法分母之理南北古今之音又以國書十二字頭爲得天地之元聲阿厄衣窩烏爲歌麻支微齊魚虞七韻能切諸韻而不爲諸韻之所切其論極深渺而獨心服顧寧人之書予讀顧氏五書不蔓引等音字母唇齒商徵云云唯博採三代秦漢之文辭而參定其古音犁如井如如刮矇者之瞽而昭白日至繩人叶音之譌輒謂毛詩四聲通爲一韻似以宋元之詞曲例商周之雅頌殆所謂自然之音者耶劉氏之書亦遵顧氏厥有駁正自

謂攻瑕護瑜良然夫太師陳之則爲詩奏之則爲樂皆音故之以而後人叶之者或騎牆鑿空發的而不盡中自顧氏作本音而詩可不叶而自叶自劉氏作叶音辨謬而詩有一定之叶而無餘叶其理同學者繇是可以詠詩可以審音可以識字其效同

古香閣詩序

脣靡藩滑側釐光一卷烏絲織鳳皇老輩吟壇勍敵少洛如會裏看飛揚詠到人倫寫到情鋒毫鏤出最鮮明山川不吝精華洩又見風騷陸士衡此予曩題青棠詩卷之二章也老輩謂同年陸堂也青棠之大父行也陸

唐堂集

卷九 序五

主

堂舉洛如詩會於當湖奉槃敦皆名士其一青棠也名天錫字畏蒼者也人倫者青棠一歲孤母夫人育而教之從弟念劬亦孤青棠爲詩溢孝友之至情於紙墨之上故云也夫子論詩事父事君者倫之惇也興觀羣怨者情之肫也是青棠學詩之太原也浙學使舉其優行者亦以其篤於情而明於倫也青棠亟亟揚其世母與母之苦節顙有司而請旌故其詩皆南陔白華之情文也當湖之秀鍾其兄弟同負俊才如晉二陸故方諸士衡也方諸士衡者專以才而名之也若士衡之矜氣躁心青棠則消除而莫之萌也嚮館榮於予小阮魯望學

登所始獲一接其風度也旣而郵其詩索序此前二章之所爲作也旣而索之不已缺焉而未之諾也今歌鹿鳴與計偕梓其詩爲行卷造吾廬而申前請於是取前二章之義而釋之也釋之也者序之變格也將見青棠之信友獲上而發摠忠孝爲笙鏞爲絺繡者其斯卷之爲之權輿也則予雖老憊或尙能爲謚之序都也予所識當湖名士若笠亭抱青今語開山鐵珊筠客諸君見此文必相賞以爲質而不誣也兼訊陸堂以予之釋詩序詩爲何如也

玉屏詩鈔序

唐堂集

卷九 序五

古

雍正初急吏治材兩關所舉進旣例銓又出庶吉士爲州縣五年復詔天下學校生員可任民社者郡邑以名薦大吏考驗等差以聞大廷召見而登用之奉賢學生君惺齋繇是試江西星子令君明太師文貞公元孫仕宦其世業也尊人宿儒教子一經是故浸飫家學未冠籍博士弟子試於鄉十積不售居恒以相門華胄經濟自雄盱衡天下事沈謀銳氣一往辟易旣淹滯於矜佩久發憤爲詩至是始膺薦辟撫藩交獎遂引見乾清門授一官計是時年及艾矣服政六十日遽罷歸夫懷抱利器以治盤錯卒卒不獲摠所長大彰聞於

世則益伏邱園攻歌詩謳吟太平以自樂會顧氏醉白池有風雅之聚乃亦闢東軒狎主倡和而後三始識之胡髯暗腹談笑聲徹藩垣外蓋俊爽坦率士也矣必諱數題問某體某韻衆方吮毫覃思已鏐鏐滿紙先座容起頗不能飲觴政交作則鼓勇拍浮抵掌扼腕讀世始俗淋漓酣嬉倦而枕石臥矣風止殆似古人云星子晉彭澤地太尉陶長沙公曾孫以徵士作八十日令易其極相似耶詩間亦學陶而精悍之氣不掩則人各有真性情也詩之真者性情者之爲之也人生於世閱歷深者屢其味着好至者收其報昔之佔畢風雨信宿於場

唐堂集

卷九 序五

五

松桂讀書堂樂府序

漢采秦楚之聲而立樂府孝惠二年有樂府令夏侯寬文景時無所增更於樂府習常隸舊而已知不始於武帝延年蓋至是而極盛大備云人曰樂府興而三代之樂亡顧玩其辭實有六義之遺不同者音耳魏晉繼響浸淫至南北朝起鄭衛之聲雜羌胡之曲唐人若李杜

元白韓孟李賀張籍王建之徒振古矧新炳焉與漢同風至宋元以詞曲充樂府而漢以來之樂府遂亡明大家往往擬作咸有可觀于鱗翁離東門行等篇剽摹斷爛不作可也考漢郊祀房中樂載於班史鴻文鉅製歷代取法而迥莫能逮朱鸞等曲則或澀句讀艱訓詁但以諧聲有音無義故後代按曲易名篇句亦別固知膠柱不如改弦其他曲部哀積汗漫難竟所謂長篇短篇清調瑟調法已不傳矣予少壯時頗好之仿其辭旨音節斷題取義不盡合於本章以肖自喜以贗自愧俄而曰不爲而姚子平山獨優爲之今梓其詩用樂府壓卷

唐堂集

卷九 序五

其

淇竹山房集序

古近體次其後體各有名人爲序而首以樂府屬予嘗讀幾社詩吾郡前輩必討源風騷批根漢魏味必醲至聲必高渺不似世人狎習凡近視唐以上爲洪荒黠者署古題於三五七言而嚇曰樂府枯也而釵之脂也而璞之然乎哉平山匠意冶句曼衍百餘篇無不神解吻合意其游心冥悟迷追司馬協律輩相和於鏡歌鞞舞之間而得其不傳之逸響歟世有賞音安知不胥被之茲匏視彼雙鬟餅師謳黃河而歌渭城者何如也予請以黃桴土鼓先之

予童時聞距所居數里有朱氏贅婿新安吳君弱冠負
妙才應雲間郡邑試受知魯守南令名噪一時又聞其
歸故里督學許公擢冠徽郡爲諸生旋食廩自是不相
聞者五十年縉雲訓導朱君其旋自新安來數以詩質
予一日偕其婦弟來謁奉一編所謂淇竹山房集者再
拜而進曰吾外舅吳映川先生之作也歿五年矣孤贊
平將雕木以傳而乞一言爲重受而讀之卽曩所聞吳
君者也乃今而見其書如見其人則心喜遂釐爲十卷
而序之曰吳氏自御史少微公崛起新安本經術以文
體顯唐代其源遠矣前朝文獻若程克勤宗伯汪伯玉

唐堂集

卷九 序五

七

司馬彪炳國華席榮膺之勢凌厲震蕩海內靡然從之
明史載於文苑匪直其才超也亦地實使然昔王充論
呂覽鴻烈人不敢訾一字者家富官貴也貴故得懸諸
市富故有千金副誠哉是言映川山居奉親授徒講道
以其餘事爲詩賦古文滙家學之源流斐然作者而淪
落不遇明經以終以彼其才卽施諸廊廟臺閣何渠不
如程汪而地則限之是故文人亦有幸不幸焉予所見
歛宋和介山文入先秦詩入漢魏迥超近賢寓京師以
老予贈詩曰文苑他年傳黃山一布衣後客死無子所
著雪晴軒集未刻予葺通志載其姓名於文苑以爲無

愧映川則有賢子佳婿刻其遺書而求千里外不相識
之人而豈知卽數十年前極相慕之人而序之以視介
山不又有幸不幸耶凡人事之離合顯晦有數存焉千
古文人蓋同此一慨也

勝朝邦彥畫像序

讀書如讀史畫周公負成王者興畫紂踞妲己者衰畫
古人者所繫人心世教非尠也操畫政在上則雲臺煙
閣必功臣將相一時之傑雖高士名流不得與操畫政
在下若王弼州所贊吳中往哲畫像則鉅公名卿以至
壽翁山人咸載史料有明三百年文獻具矣微別於史

唐堂集 卷九 序五

太

若史列賢奸畫往哲則善善長未見宵壬之醜顏而就
列者徐熊徵氏遊吳見而慕之念吾松人物何減吳歸
而亦畫勝朝邦彥登錄如弇州但弇州不能畫而就人
畫政不已操肖否未可知熊徵能畫所畫又非尋常人
從故家大族名士之裔得之皆前朝佳手所覲面傳神
者與本流傳臨摹宛然當其得意解衣盤礴明眸朗
元黜忠烈耆德騷雅隱淪之徒周旋阿堵栩栩而欲活
而一代之興衰亦寓焉是操畫政在人而不若操畫政在
已且天能生賢哲不能使不死旣已形銷骨朽矣追而
起之丹青之上縑素一日不壞則形軀一日不滅畫之

功與造物者侔古之人歟曷幸而生今人之手哉既成屬予做弇州爲贊弇州之世明未有史故述行事作傳贊以待采擇今所畫或著明史或見郡志固不待予贊一辭孫可之曰文章如面熊徵所畫之面皆文章也雖子長何史爲故但序其事於端熊徵欲畫予像附見用酬序勞予則未暇若 興朝歷今百年雲間邦彥彌盛業操書政倘蒼萃爲之則傳贊予不辭若弇州之在明言明焉

陸堂文集序

衛武吉甫周詩入也篇什外無文章京毛服鄭漢經師

唐堂集

卷九 序五

九

也傳注外無文字天賦其材質有量而人之役其心力者易竭故兼難陸堂先生生今之世兼古人所不能兼以立言郁乎盛哉易尙書詩禮春秋之學出而吾奉之爲經神解頤折角者退矣古今體詩正續之集出而吾又推之爲騷將撚髭嘔心者卻矣最後自刪訂其文集爲二十卷寓書屬予繫以辭受而讀之泚泚乎其海乎騰騰乎其龍乎鏤鏤乎其星斗乎目炫心震而烏乎測之吾方以湛深經術微言精義者測之俄而議論叙事颺颺而霆擊老生宿儒舌橋而不敢下吾方以載籍極博考据辨證者測之俄而清思遠旨吐棄一切才人學

人無所置其喙吾以高文典冊挾天華國者測之而幽而尋諸煙霞林壑樵音梵諦罔勿宜吾以虛明超悟澄心見性者測之而繁而試諸經世濟物稽朝章條時務罔勿達吾測之以繩趨矩步謂其以法勝也而又或端倪變化猝然尋之不見其首尾吾測之以渾淪包舉謂其以氣勝也而又或羅縷切實如布帛菽粟之用吾測之以周情孔思謂其以理勝也乃今而後曰庶幾得之矣要唯斯文以爲已任夢寐道而心腑靈故蘊之也精以醇發之也闕以肆而猶自謂道不足而文勝夫文之所在道之所在也吾雖無以測之而有以知其行遠而

唐堂集

卷九 序五

五

傳後必也於是陸堂齒尊而言立蓋予晚而交陸堂自同入翰林見初月而叩月生於西之說談二雅而聆夏革之義白駒黃鳥之所以相次知其長於經同撰文稱旨受內段之 賜而知其長於文同充明史纂修官知其長於史贈予闔行以詩知其長於詩是時羣書未出也已不能以一端測又弊濶久雖知之而未盡也迨次第梓行其副墨而供予維誦則既推奉如前所云矣至是盡讀其文則又有若今所云者雖測而知之譬猶跳鼃而望洋躍蜃而雲翔流螢而映列宿之光如之何其能序之耶

衛氏世譜序

譜猶史也衛康叔之後以國爲氏世籍衛州汲縣其著於漢魏晉北朝隋唐之史者或居河內或東海或安邑或陳留或居代或居洛陽或河東而遷秀州之華亭者至宋而允恭公始見於譜至禮部侍郎膚敏公始以華亭人著於宋史其從子文節公涇生華亭之蕭塘而文節祖朝散大夫闕由華亭遷崑山之石浦文節曾孫圭又由崑山遷常熟今宛山其派也文節九世孫弋又由崑山遷嘉定故華亭崑山常熟嘉定四邑之衛皆祖文節而各聚爲族顯名者衆若都督僉事青宣城伯頴著唐堂集

卷九 序五

主

於明史亦華亭人族蕃居散譜系或缺宛山裔孫某倡其羣季大修世譜合四邑之世系可稽者次第之而嘉定輯華亭自浚常熟淇芳咸與考訂之役以予與華亭諸衛兒女嫻也使序不得辭按文節公嘯興孝光寧之朝爲南宋名臣而史不立傳其及第歷官執政罷薨僅見於三帝本紀宰輔年表而已其贈諡亦不載其疏劾韓侂胄陳自強奏舉李燔真德秀陳韓范應鈴趙必愿徐範而諸人傳中又絕無一語及文節其弟湜作禮記集說有功聖經而儒林傳亦無之豈張起巖歐陽元輩偶逸之邪抑故削之邪有一於此不可爲史官隋之王

通史無傳而附見於唐書弟績之隱逸孫勃之文苑其爲名儒昭昭也宋史無公傳而散見於言行錄歷代奏議郡邑志其爲名臣昭昭也文中也文節也而史失之惡在其爲良史哉文節逮今六百載縣縣繩繩其賢者建宗祠而修族譜務精以覈豈唯譜是修雖史才何慊焉歎其祖德深矣

稀餘留藁序

諺云相匠易爲匠難昭明梁文匠也合周秦漢魏晉宋齊梁人之製而相之其選若繩墨乃其自造賦七序啓剗摩設色不離六朝相文若相馬之皐易而爲文若爲唐堂集

卷九 序五

主

錄之慶難惜乎三十而歿也吾郡有文匠曰盧文子先生合唐宋八家之製而相之又相杜曰闢又相左曰分國若考工然是豈易事哉及其所自造周規秦矩章相變化見者驚猶鬼神而國工爲之則不難當是時先生老矣斲輪者年七十得手應心捶鉤者年八十不失毫芒曰稀餘由七十而之八十之所作也而惜乎前此之不留也凡賦記序論書說五十七首其孫月川梓行之吾於洛誦益歎弓冶之良

江湖閒吟集序

漳浦王子直夫負重名繇教習叙勞出宰金山縣俄罷

僑涖涇日著詩寫其小雅離騷之心以當絲竹菴江廣
圃雜於權謳樵唱賞音無人則遙慕黃子爲鍾期蔡邕
也者郵新集千餘篇而寓書以告曰道少孤誦先人遺
書長而嗜詩無師授邑侯四明陳公授列朝詩集則嗜
吟嘯學使歸安沈公授唐四家則嗜摩詰授宋四家則
嗜放翁乃縱觀古今以靈妙變化爲上卓犖自然者次
之雕鏤藻績不與焉時同學蔡梁村侍郎藍鹿洲太守
治古文道治詩並驅爭先二君序道鹿臯集詳之矣旣
遊京師質之海內巨公而名場俠窟聲華相競不敢以
淫哇亂大雅故所存絕少所謂京華藁高安朱相國仁

唐堂集

卷九 序五

三

和沈侍郎爲之序自是作吏江南簿書間之期會迫之
註誤及之彈劾隨之而我歌且謠不以患難廢此江湖
閒吟所爲作也或曰其江湖而有魏闕之思也或曰涖
涇者左申江而右泖湖也瓦礫之中或墜金玉淘之汰
之庶幾有之昔左太冲所學未逮班馬揚雄而三都至
今傳者有元晏之序也先生豈無意乎將執鉛槧以從
而受繹徽焉黃子受其詩讀竟而序之曰潮州退之海
外子瞻江湖直夫厥詩配焉靈妙變化孰有加於其所
自言爰述書辭以冠簡端

唐堂集卷十

華亭黃之雋 石牧

送序

送宋魯若序

宋君始仕得廣東布政使司之經歷其署在廣州距吾
松四千七百里計五旬可至君到任以四月而以正旦
行何豫耶古稱宦遊君殆以春之九十爲遊計邪當其
辭青林拂白苧徘徊金閭之間發軔三百里猶出門屏
而下堂塗也由是而江行達於豫章名山巨浸之映發
攬之而溢於腕覽之而浮於睫乃自此遠矣鼓楫十八

唐堂集

卷十 送序

一

灘至庾嶺則又雲皚皚石齒齒造物者所設以盪風騷
之胸而給羈旅之賞也由是舍舟而陸以抵乎廣州廣
州大都會也尉佗之所經營陸賈楊孚之所紀載其土
之所產水銀丹砂鍾乳珠璣銀錫其飲食麵木酒花蠔
粉糟鮓糖霜菡醬其果人而檳榔綠欖丹荔花田栽素
馨澗生蒲九節奇峰靈洞名泉巨浦仙踪異蹟不可勝
原得此以爲遊之地重以春之正二三月爲遊之天而
又宦遊也奉 王命官茲土其樂不什伯於遊者之爲
遊也哉君又工畫足之所經目之所注灑灑於胷而淦
淦然流諸其手甫下車吾知雲氣之全涌於囊也

送陳孚中序

陳君孚中從其從祖巡撫公赴京師予亦還江南竝舟浮湘岐路臨分孚中贈詩二百八十言曰非以求和也雖然亦望子之以言贈我也予應之曰君欲聞文章道義之說於僕歟則僕失學無狀慙於大道爲益鮮矣抑欲聞涉世千祿之說於僕耶則僕乃不善涉世千祿之尤者也雖然鑒而戒之則亦庶乎其可以益矣夫僕形骸土木舉止犖軋罔識趨避見侮狡猾盡鑒其蹇而逞於黠有觸卽發心急慮短取咎獲戾尤悔已晚盡鑒其躁而馴於婉禮俗離脫心思散逸幹旋不週此顧彼失

唐堂集

卷十 送序

二

盡鑒其疎而純於密相機必鈍趨炎不蚤營求舛錯遇事執拗盡鑒其拙而入於巧執德不弘嫉惡太嚴動輒露角笑乏脅肩盡鑒其方而妙於圓唯理是泥拘繩束準不知權變泛應輒窘盡鑒其迂而趨於敏交必決擇言報未同懷刺漫滅徑實勿從盡鑒其介而務於通酒誦無聊牢騷發憤傲睨不覺劇談無隱盡鑒其放而飭於謹黑白太分至察無徒人趨不趨去邪若汙盡混於黨而戒其孤喜怒易形機械盡剗內撤城府外露肝膽盡習於險而戒其坦事去粉飾言根見聞色取所羞質實不文盡緣於僞而戒其真是是非非率我胸臆繇中

徑行浩氣所激盡便於佞而戒其直夫方介真坦孤直僅可古處不可合時騃拙疎躁迂放僅可自適不可諧世僕蹈之而亦自鑒之而亦且戒之而成於性而膠於質而未有以改也若夫圓通謹敏婉密美德也誠可爲已利黠巧險僞黨佞凶德也然可避人害遊於天下而有利無害遊孰善焉贈人以言而俾其人有利害無害益孰多焉僕惟冀有益於君故不憚自暴其過如此

送許子遜之西粵序

湘灘予與子遜舊遊地予去粵四年山川道里之險遠固時時有所驚愕於心者何子遜不憚役役經里門如

唐堂集

卷十 送序

三

傳舍通荒微若樂土子遜其不近人情也哉雖然士生於世不入承明受筆札爲司馬長卿之文章卽當訪名山大川爲司馬子長之文章子遜故樂此而不疲耶子遜抱負異才年四十餘不第於春官遂觸炎暑走六千里外依人於嶺表僕僕於瘴鄉此其意必有不得已而爲此者予聞粵之撫軍高公學使徐公交延以模楷其粵士故子遜之應之也如赴其家都人士爭挽留之則望望然去然則子遜非不得已也誠樂之也夫違志之舉慷慨而趨之非意之遭倉卒而赴之此豪傑之所不免而儒者所謂安命隨遇待時也子遜之心惟予知之

而獨恨其違舍予以去也故爲疑辭以送之

送王檢討給假還金壇序

記曰事君難進而易退漢階王先生爲名諸生二十年始舉於鄉又九年成進士入翰林年五十餘矣其進也可不謂難乎先是詞臣病假在籍者休致

今上元平悉起之四年詔病者許暫予假不休致於是漢階遂乞假以去距其授檢討甫三年其退也可不謂易乎雖然予疑之蔡澤之諷應侯曰四時之序成功者去陳希夷之器錢若水曰急流勇退先生之功未嘗成而流未嘗急也且夫先生挾用世之學仕於朝曾

唐堂集

卷十 送序

四

不少抒其偉抱以自見又嘗

天子廣用賢才之時而遽乞假去得無循其序則臘耶裁其勇則過耶或曰先生之離其鄉而來也良常曲阿之雲林釣遊之區泉石之墟違而去之五年矣烏禁其不思誠思之又乘其機烏禁其不歸然則世或離其鄉倍於五年之久離其家無力以致妻子之聚其思奚減於漢階顧願欲歸而或時有所未可勢有所未能例有所未合中類抵藩之觸而外涉雞肋之戀其於先生之行也疑之乎美之乎

別宋介山序

介山予鄉人客京師三十年不歸矣始予一至京師見

介山詩於僧壁再至京師見介山文於族人所願未識其人洞洞然不存一介山於胷中也三至京師始識其人盡讀其生平所爲文於是胷中時時有介山今別介山歸矣而介山未歸恐一日不見一日胷中有介山十年不見十年胸中有介山其奚堪我胷中擾擾焉日念一介山也哉古六經之文一變於戰國再變於東漢之季三變於宋戰國變經而爲子奇詭馳驟別開疆域也東漢之文滯猶不失六經之樸茂凝重漸於魏六朝初唐而靡矣北宋之文緩猶不失六經之昌明條鬣漸於

唐堂集

卷十 送序

五

南宋元而濫矣而介山之文則溯秦漢而規檀左譚理論事老莊也記叙盲腐也詩亦如之然予試以問長安之人又不盡心傾介山者則文章之源流向背可知矣此其爲介山之文乎可慨也已昔者韓慕廬陳滄洲孫莪山諸公先後交於介山最知介山之文欲貴之欲富之欲歸之往往圖未成而死或去於是介山貧賤落魄年六十有八不能歸矣介山曰予安得歸哉予安得歸哉斧資金百葬親金百買屋構一樓金百田園數畝金百飲食待賓客金百嗟夫介山之賣文也而安得此多金耶然則介山其遂不歸耶然而介山歸則未能富

則已富矣貴則已貴矣著書十萬言囊括盡千古不可謂富乎抱道自高布衣而不屈軒冕可不謂貴乎然是而歸勝於畫錦也爲介山圖有金亦歸無金亦歸可也請與介山論歸疏廣賜黃金賀知章乞鑑湖歸也季子金盡裘敝長卿家四壁立亦歸也譬之於文介山不肯汗漫其文於無所歸是故叙事歸左史議論歸子詩歸漢與杜高門厚藏以成其家乃獨汗漫其身而不歸然則介山之力餘於文而獨不餘於身焉以圖歸豈可也哉或曰丈夫者天地爲逆旅八荒爲階閭可以歸可以無歸是說也願介山勿聽予先介山歸矣介山何日歸

唐堂集

卷十 送序

六

慎無使予胷中擾擾焉念介山也

送蔡生北上序

蔡生立甫之北行也志甚勇昔人譏弁州傳鉅公輒及其爲庠諸生時試高等廩學宮爲非體蓋生平出處人品宦績卓卓繫其大者食餽冠軍小事也國學者選於庠諸生而登之也納粟入監者人視之則不如庠諸生然其中掄大魁爲鉅公聲采旬耀於天下在我朝亦衆矣立甫之行也儲其廩膳束修之所入將援營田例入監就鄉試於順天而旁人議之曰非計也廩十二年科試又第一方領批赴南省期近矣一旦棄去不惜且

夫等舉也而必北之遊衝埃犯暑桂玉羈旅予曰勇哉生之志戀棧鴛也跳坎鼃也冀之馬溟之魚皆自北立甫行矣空其羣耶化而飛耶授此文以壯之

送趙丞之湘鄉序

爲吏者長子孫居官者以爲姓氏非古常法也予歸里未三歲我吳撫軍凡五易我松郡守六易婁邑令亦六易其官或真或攝或黜或改蓋不使上下狎習以滋玩長奸而婁主簿趙君則在任五載始積前訓導俸遷湘鄉丞以去君嗜風雅蚤游於阮亭竹垞崑山滄洲諸公而寓志東籬贈言皆海內名士故簿婁或方之賈長江

唐堂集

卷十 送序

七

云湘鄉今屬長沙郡自東漢始設縣唐緊宋中楚名區也君往而貳其長於邑無所不當問得餘暇嗜風雅如簿婁時乎

天子急吏治雖下位抱偉才者得達於朝不次擢如裴周侯以崇明丞署華邑旣實授尋超擢我郡守若是者屢矣君往湘鄉策助績以疎大任是宜不徒嗜風雅爲高如彭澤所爲也予嘗泛舟長沙湘潭醴陵間詠歌江流弔屈賈於蒼莽而民情土俗之醇漓不問焉者過賓事外也君往湘鄉受事於其土達其政以風南國庸非承職乎徒日哦二松間君必不爲曩趙侯繇長沙郡

丞擢我郡守君之兄子也而君今又承其屬縣循吏一門相望後先楚誦興矣丞之不次也爲周侯丞之相繼也爲趙侯予竢其來矣

送馮少司寇序

聖天子知人善任使儲才百司而收效六卿如此其捷以彰也昔虞廷十二牧不參九官出爲方伯入爲卿士唯周室有之必其才器宏碩敷歷庶政而有餘又學問淵穆老成愼密以作之本是故措諸中外罔不攸宜若周禮小司寇以佐秋官掌邦禁職綦重焉非懷仁輔義明允篤誠不足以勝任而樞李馮公遂由藩伯爲是官唐堂集 卷十 送序 八

自公之蒞上江甫半載擢副都御史晉今職身未行而官屢遷歲一基而命三錫公飲然而人羨之謂除轉何數遭際何盛仰惟我皇上之用人也於羣下之賢能等差若日月之照臨纖毫無所遁其登而庸之也若星辰之位置遐邇高下各當其所其推遷之需疾先後若涼燠雨暘之幹運於自然因時而及應候而至是故蚤識公於州守引見之日歷試之郡太守四郡觀察使以老其材而不爲滯連擢屏藩卿貳以去晝日三接而不爲驟也人習見公所治漕粟錢穀之事賦政於外以表率其屬者業優優爲

之一旦入朝貳爽鳩侍 黼辰厥匪懈於新猷麗而爲斗台沛而爲霖雨者不知更當何如而吾謂不待異時而知之何則唯有體者而後有用譬諸大木縱之爲柱衡之爲棟皆明堂之材也譬諸美玉園之爲璧方之爲琮皆清廟之器也體之全矣唯用所適是大臣之學也夫具大臣之學以行其道書臯謨甫刑之所陳易噬嗑中孚豐旅象辭之所繫五聽三刺之禮備成之制既原本經術蓄之深深舉而施諸槐棘之間油油如也達之於六曹而不窮者也公行矣

天子治益求治期於無刑虛席以待番番之黃髮而我唐堂集 卷十 送序 九

郡清河公方攝大司寇事喜哉良哉公至上而弼諧下而協恭臣隣感名和氣翔洽吾方爲公歌卿雲不徒爲公味甘棠

送王給事視學廣東序

雍正十一年冬吾鄉東麓王先生以吏科給事中督廣東之學政 陛辭奏曰臣侍輦下逾十載家有兩母偕年七十餘違色笑久今奉 簡命使粵願取道於家得一覲母唯

皇上之賜

上嘉其孝詔給假省親一月既至騶從導擁於郊車蓋

闕溢於門奉 敕書於堂拜母於闈里閭豔之謂希有
盛事雅之四牡所以勞使臣也曰豈不懷歸王事靡盬
不遑將母又曰將母來諗昔之盛王俛體臣隱而反覆
慰勞之僅見於虛辭然已肆為燕饗之樂垂之聖經矧
今日上下之情通公私之義盡懷歸而歸將母而將實
事昭著不令人感激慕悅者乎先是 朝廷加意廣東
之士增設學臣分治之肇高廉雷瓊羅爲嶺西而廣韶
南惠潮連爲嶺東則今者君之履也羅浮庾嶺曲江之
勝胥隸焉使者駐會城以按諸部無涉海之險閱五十
三學之人物而整齊次第之若漢楊孚唐張九齡趙德
唐堂集 卷十 送序 十

匡冊宋余靖崔與之明梁儲翁萬達之事功論文叙之
德望陳獻章湛若水之理學孫黃佐梁有譽之文章
豈今無其人唯山有木唯其雕之唯廿有金唯其鑄之
君之爲歐冶匠石於嶺海之微也詎惟粵士慶實 朝
廷之慶公明者校士之矩而不可偏也
今上御極而後稱旨叠諭學政澄肅於上士習觀摩於
下聲教暨訖無有遐邇况東粵山川人文磅礴發皇之
壤哉人必有優而無劣文必有醇而無疵雖鄒魯未能
崇其醇抑其疵優之而不濫劣之而不枉則可以作其
氣而同其風培其根而收其實寬以敷之誠以動之大

以容之嚴以尊之徒曰公徒曰明未足盡之也君居言
官既以言語爲職今爲學政政事之所出文學之所司
綜三科以貫之矣四牡載途而諗

天子以將母是冉閔之行也仕以行道忠孝之間道莫
大焉學以明倫君親之間倫莫大焉於是假期屆矣而
遂行詩所謂載驟駸駸者也夫奔奏王事以儲大用者
方權輿於此行而

聖朝之錫類以祿養其親寢熾未艾可知也世有詩人
叙其事以美之被於聲歌則宵雅復作矣

送蔣教授歸里序

唐堂集 卷十 送序 十

蔣先生濟航稱予古文而序之謂讀予送趙丞序始濟
航之文根柢孟子出入周秦諸家大不類今之古文宜
予稱之耳濟航曷爲稱予得無亦以頗不類今之古文
耶其不類同也同乎不類之謂類也易曰同氣相求各
從其類也濟航以名進士教授吾郡值趙丞爲婁簿晉
湘鄉丞求予文以壯其行雖遷官然回翔下僚故勗其
奮功名以自振拔亦求文於濟航則極稱予文無以加
不肯作夫虛衷者吉讓善者昌面諛背誹者惡爭長倣
短者凶違凶惡而趨吉昌觀濟航之於文其爲人可知
已顧以卑位微秩既不足行其道爲諸生所誤被劾以

去雖罷官其色怡然其智浩然歸而歸耳豈以一教授
得失可榮辱吾蔣先生哉於行也亦求予文以送之曷
哉濟航著書守道以立不朽天之所以豐之者至矣嗚
於官庸何傷

題春暉圖送顧中翰南歸序

何所事君親而已何所志忠孝而已子不忍一日忘其
親溫清終其歲定省終其日不得已而遊也不遠其遊
也存則懷吧咭之思亡則有蓼莪之悲唐詩人亦比其
心於寸草而欲報三春之暉者也臣之不敢一日忘其
君其皇皇如也亦然無錫顧先生震滄覃思閱覽明倫

唐堂集

卷十 送序

七

之士既失怙連擢高第以榮其母太夫人名揚親顯矣
以中書舍人 名對不稱 旨罷遂歸而事親不復出
予視閭學強致幕中未幾太夫人春秋八十力辭而歸
蓋家既貧又不祿仕不免爲遊子斯圖所繇作也迨予
罷歸杜門不相聞者九載會開博學宏辭科內外大臣
各以予與震滄名薦於 朝不期而集京師則震滄泣
然出是圖俾序名賢佳什皆八十時祝延之言而太夫
人已前歿四年矣嗟夫震滄痛不復見其親見圖如見
親故挾之水陸三千里寢食羈旅而不離於身可不謂
孝乎移孝作忠事君於是始矣昔

聖祖肇開是科人材鼎盛家買董而人班揚越今又六
十年

世宗詔於前

今上繼之闢四門頓八紘雷動雲集而卿相慎重其選
不逮昔什之三予不終試已矣賢才若震滄不獲階此
以升諸公而抒其事君之志宜其抱是圖而遙歸也雍
正之元歸奉其親乾隆之元歸奉其圖事亡如存孝思
未矣求忠臣於孝子震滄其終不出而事君也乎

送陳和叔之山東序

吳有鳳其離長洲而摩阿閣也有貢之者至則無所巢

唐堂集

卷十 送序

七

恒苦饑乃去而翔於太山斯豈鳳之所樂耶或曰意者
其非鳳也誠鳳曷爲其若此則請觀於鳳厥采錯五色
厥聲中五音膺翼燦以章節足銷而諧誠鳳已唯鳳宜
其恒飢而不樂也然則世無知鳳者歟夫人而知其鳳
也奮其苞而衆著於人之目也引其吭而衆著於人之
耳也爾爾自鳳耳人無所用諸天之賦鳳有命此其鳳命
耶九峰之陽有鳳焉失其故池而遊人間與鳳相遇相
樂也一遇於秦淮再遇於燕臺每見鳳輒退而慚已之
非鳳焉且夫五樓雙闕羣鳳之所萃止也而是鳳也不
能一日棲食其中者何耶粉黛豔冶不憐姬姜孔翠華

紛奚待鳳皇鳳其行哉濟河海岱之間有鳳焉其德
依資其竹實可以療饑鵬息而鴻冥增修其德而
鳳者之爲鳳也而後一飛而翹翹傳于天一鳴而離
于高岡而後乃衆著於鳳之非非鳳矣若夫九峰之
則衰矣

送程元叔之闕序

乾隆二年春舊同安令程君元叔以閩制府薦得名見
殿中復其官仍赴闕需缺昔丁未之歲

憲皇帝特選用下第舉人試以民社而元叔與焉齒甫
壯就視石渠芸閣以繩其祖不欲汲汲小試於吏治而

唐堂集

卷十 送序

古

引見之日溫綸訓勉如家人遂感激奉命往闕至則署
泉之同安僅三月而去闕前後大吏材元叔惜其放廢
俾協理各鹽塲以收其效者殆十年所矣至是復承
明詔以行吾知元叔可慰廉頗用趙之思而閩人且相
慶而迎郭伋之再至也閩吾舊遊地山水雖峻險然奇
而靈民俗雖狡悍然慧而易喻理學之邦也誠撫字而
保障之以仁行義未有不馴以化者守令數易非民之
福嚮使元叔十年之久握符治民必大有造於其邑不
俟今日矣然因是以材彌練識彌廣人情彌習則元叔
今日之爲政其大不同於同安時可知也今大吏之權

雖重謂必善事其長無所曳掣而後克行其道猶世俗
之見耳蔽賢爲不祥而同升謂之文其事在彼也聽之
而已若夫被

兩朝之恩親見

天子歷一邑復受一邑而父母之內盡其心外盡其職
其事在我也最之而已夫大臣之起家孝廉縣令者衆
矣存乎其人豈必豐於命哉

唐堂集

卷十 送序

五

唐堂集卷十一

華亭 黃之雋 石牧

壽序

壽賈翁序

郡城有隱君子曰賈翁年七十而無子所居環堵敎授生徒聞於外者唯絃誦之聲輿騎日往來於達之衝誼藹塵埃澹然不知也似古之有道者蓋少時嘗籍諸生云翁既工真草書日益有名益自晦以爲藝不足以息身物不足以留意譽聞不足以多取神明不可以過役靜以觀化動以因運而已翁歷世變閱人物既久且多

唐堂集

卷十一 壽序

彼其求貴而與賤終新榮而與困老噉黃蘗伴白蟬吾伊之音未畢而鬢髮已蒼然而轉素矣孰若翁之有得於其中而遊於物之外淡然世味飲天之和以遣其歲月而邁往其千古者哉予嘗論列翁之世以文著者於漢有誼於唐有曾誼年少登朝驚動人主迺其齒不及翁今之半而有孫嘉曾孫捐之曾與其子至世掌絲綸而翁則無之故物理有長短之不齊者然則人之祿位名壽子孫之事皆不足據以爲優劣要其所守之道所游之藝爲可以盡已可以樂天而已矣翁把予臂乞一言因爲發其盈虛短長之理如此非如俗壽言例也如

俗云云則俟翁八九十爲之

壽鍾君六十序

吾里鍾君既周一甲子而謂黃子曰吾先曾祖遂昌翁以隱德爲郡縣大夫師獲年九十餘伯祖給諫公燁赫仕路蜚聲揚光而年止四十豈富貴與壽不兩致耶黃子曰然夫富貴非所以壽人巖居泉飲之士澹泊寡營無外物以戕其生恒與喬木大石同貞而竝固四皓三叟之徒皆是也鍾子曰是不然必以不富不貴者壽耶則太公召公身爲公侯而壽皆過於常人何以稱焉黃子曰然則德者壽之基也子曰仁者壽無德而有年是

唐堂集

卷十一 壽序

竊天地之頑氣以自私其身譬猶禿木怪石徒擁腫頽駸而已矣不可以言壽鍾子曰善哉子之論壽余幸而著其以不富貴故耶豈其以德耶黃子曰俱有焉自君之以視爲田而舌耕筆耒以薄收其秋終歲之入僅盈一饒晏然自飽其味固以淡而彌未矣財貨惠人爲德有限詩書澤人爲德靡窮然則六十者特壽之始也鍾子曰然則文之以不朽予可乎黃子曰異哉君所爲求文者夫世俗必往於勢位之門頭銜圖記淋漓屏障爛熳煌煌以誇耀一時君乃獨向寂寞菰蘆中之無名氏者乎哉辭不獲則謂鍾子曰是卽君之所以能壽也是

所謂不炫富貴者也澹泊而味未者也尙德者也

壽郁覺關六十序

古來文士與天地並存者以名不以年以予所記憶未至六十者如禰衡謝莊二十六謝惠連李賀二十七蕭統三十一賈誼三十三謝朓三十六嵇康四十陸雲四十二陸機四十三柳宗元四十七任昉四十九鮑照五十孟浩然五十二元稹五十三阮籍潘岳五十四韓愈五十七蘇洵五十八杜甫五十九然而其名千萬年無疆雖觀齒齡背不得與比壽焉若夫揚雄劉向顏延年王維白居易陸游之徒齒則尊矣就世俗而論又不可

唐堂集

卷十一 壽序

三

以無年人致其名而天錫其壽天與人並隆不尤偉耶歲甲申之九月值吾友郁覺關先生之六十而其名之滿人耳也固久矣自其尊人以名進士仕崇禎間文行赫赫先生世其家學弱冠試諸生輒冠其伍食廩於婁垂四十而貢入成均其文章歌詩浦之東溲之西有口與目者靡勿吟且覽也遊於門者日益多經承指畫口授皆成名士天嚮之以位而豐之以名名之所存且無論年何况位哉予晚學庸陋先生時進而嘉獎之引爲忘年交則使天而加之以位其延攬寒賤當何如多天而加之以年其成就後學又當何如多吾又以知先生

之賢也夫十幹十二枝相偲數周諸甲復環而生國家大一統在甲申歲明年乙酉賓興與開科之歲合則先生降生之年也由是舉於鄉登於朝如公孫弘對策第一故事則位以副名名以享年詎不可必哉天地間理與數並行年位皆天之數也予之必諸其數者必諸其理也

許翁八十壽序

漢龔遂以明經爲官年七十餘守渤海其地多盜遂令之日持鉤鉏者爲良民佩弓弩者執之頃之盜皆化爲民乃教民種榆植薺葱蒹葭畜雞買牛事恒業數年

唐堂集

卷十一 壽序

四

渤海大治班史列之循吏傳獨遂以壽稱而許翁湛明之佐和州也和瀕大江支渠別汊蛇蟠其間盜每伏艇於隘出沒蘆洲葦泊中而職防江者往往旁誘於西梁之遊擊下督裕河牛屯之兩巡檢問其要害不知也或不戒則獲罪去耳翁則日擊楫溯流自和之上游裕河口十五里而張灣二十里而牛屯十里而姥下而太陽而石跋而芝麻諸河上下沿江百餘里間察其夙可以叢盜者嚴其汛守時其巡警盜乃無所匿漸解散化爲赤子又繪圖著說俾後人循迹可考於是五年而郡大治憶何其與龔遂治渤海類也當是時年亦踰七十矣

翁自年十六爲錢塘諸生文章名一時既而遊京師擢明經高第然而輾轉場屋數十年不得舉故其平居謠會遊覽鞍馬舟楫酒柸吟詠之間發爲詩歌悲壯淋漓及其屈首佐一州則又守分循職未嘗有颺去不屑之意是不獨爲循吏實儒林文苑兼有焉似又非龔遂之所及也所不及遂者遂蒙褒名晉官水衡而翁則以州佐引退既退則偕其夫人婆娑林泉以相娛優游偕老齊年八十又不聞龔遂有是也

河南張臬使六十雙壽序

代太倉相公

古昔聖賢好言福易書詩尤致意焉以爲天人相與之

唐堂集

卷十一

壽序

五

符券富貴壽考夫婦父子人倫之樂皆天所持以福人而非濫予也必視其人積德累行隨其輕重鉅細以報之若權毫釐而校分寸倖者不得覲宜者予之又從而增益之雖欲辭之不可得張君以進士起家爲禮部郎已有聲旣而衡文六詔也若冰壺持憲七閩也若福星及其移節中州蒞民行政百善具舉矣天子知其賢特允撫臣薦而司河南之臬夫刑者德之反也法者恩之對也蒼鷹乳虎獨非人也哉而君家釋之史獨稱其平蓋從梁豫來者嘖嘖遠路間謂我張公惻隱過釋之也且匪直張公乃其夫人所以相夫教子

者不欲見稱於人而遊君父子間者皆能誦之蓋君之積德累行內外符合世濟其美如此於是官京師者謀撰辭以侑偕老之觴謂余子與嗣君伯仲同年之好其言也信夫余之心儀君也久矣雖不乞言猶將勇於爲之也嘗謂古之稱夫婦者伯鸞德曜也而朱輪翟茀不被其躬矣稱神仙者劉綱簫史也而芝蘭玉樹不產其除矣稱有子者三鳳八龍也問椿萱其具慶乎稱有年者四皓九老也問簪纓其接武乎鳳凰翼而兩其足麒麟角而爪牙伏非天之畜以全福予人人自不勝兼耳今君之富貴壽考夫婦父子人倫之樂以膺天之福宜

唐堂集

卷十一

壽序

六

而非倖如此古稱六十爲下壽下之爲言始基也由此而上之云爾

天子頒歷六十年而君適當周甲之齒協德而應期懋修而增祥余耄矣尙能歲執筆記之

錢少京兆六十壽序

代海寧宗伯

粵稽帝堯之代其臣錢鏐斟雉以饗大廷封爲諸侯至八百越四千年而我

皇上盛德永祚與帝堯竝當紀元六十年之八月而錢後人少京兆公適稱六十之觴於是鄉之大夫士畢集咸至以介眉壽或奉酒以祝曰公之曾祖中丞公

大功遭讒懼議齒不及耆祖將樂公守土禦賊壯年殉難卹典缺焉天之報施善人必於其子孫嚮之豐功亮節鬱積懋軻而未永其年者胥將於京兆公是酬見宜壽或奉酒以祝曰公之父封給事公抱道守德高尙不仕享富壽多男之樂當八袞時公綵衣獻咒羣從伯叔年皆大耋衣冠甚偉綺皓一門至今豔稱以爲浙之人瑞夫公之肖其父者多矣是宜壽或奉酒以祝曰公以名進士起家歷治州邑所至教養過於名杜海擢刑曹刑垣獻獄陰德過於于公旣陟同卿

唐堂集 卷十一 壽序 七
天子夙知公才特移少尹以彈壓京轍繼自今勲與年

俱進階與齒俱高爾熾爾昌正未有艾是宜壽於是各以其意授余欲余櫟括其語於篇以爲侑觴之藉余乃從諸君子後奉酒以祝曰今

聖主以高厚悠久之體臨於上當萬壽節在廷諸臣各疏其齒以獻皆七八十歲老人視京兆公猶少年也君家錢鏐於商時爲八百歲則追溯其斟羹饗帝時其年大約與京兆公相似夫臯夔稷契皓首一堂錢以斑白周旋其間而其後獨以壽聞則是壽也者乃京兆公家世相傳固有之物源遠而流長者也若夫先芬祖德紀之國史載之家乘其理繁治劇棠陰遺愛粵晉之人

皆能道之官於京朝熙績亮采則又受知於當宁流傳於都輦矣今欲推原所以宜壽之餘而覲縷以實之則是世俗祝嘏常辭耳豈所陳於神仙苗裔之門耶

年太公八十壽序 代遂寧家宰

今陝督曩撫我蜀時蜀之紳士吏民感恩溯源知所以撫蜀一倣太公之所以撫楚謂我蜀實隱受公之福而未由致其頌禱之私者十年於此矣康熙後壬寅春值公八十蜀之仕於朝者始得達鄉人之積思奉觴爲壽且乞予言頌之予家於蜀同隱受其福者也予惟國家當極盛之運久道之

唐堂集 卷十一 壽序 八

聖人作於上則必有名世偉人生於閭閻勲胄之家爲之世臣天又錫以純嘏眉壽以顯朝廷之瑞若有虞三代所稱國老是也公尊人從龍入關爲名進士佑啓於前公繼起翺翔禁苑參密勿於綸扉之上歷有成績天子以三楚當彫勅之後非得其人不足拊循彈壓之特簡公開府武昌興利除弊振綱飭紀而境內大治上嘉乃勲手書澤流江漢四字賜之以示褒勞楚蜀接壤餘光被於鄰封蜀人之往來沔鄂間者皆能稱道之蓋至今屈指楚撫賢者必推年太公云然公性恬退謝政歸京邸後天下之樂而樂以未盡抒之抱負貽諸庭

訓長公以之治吳次公以之治蜀治陝皆公平日所指
畫口授身雖燕居而矢志報國精神勇往不自知其年
之八十也予稽往籍商之伊巫漢之韋平唐之晟愬宋
之韓范世濟其美矣而厥壽未聞公獨兼其盛豈非天
眷我朝篤生人瑞爲虞夏國老以來所未有則於公
之齒可以規世運非直一身一家之慶而已憶四十年
前予與公偕奉命出使外域周旋甚久深知公天性
忠孝心力百倍常人鍾天地敦龐醇固之氣光裕於無
窮不待今操觚侑爵而始信也往籍所稱堯侍中而賢
大夫周柱下史於今見之矣

唐堂集

卷十一 壽序

九

王樓山副使五十壽序

參天之松寒霰薄之其消也愈青剝犀之劍土花蝕之
拭而出之也愈銳貞者其性不可改也利者其才不能
敝也語曰礪礪者易缺礪者易汙易缺汙者必其非
礪也而後可擊鐘呂而嘶之涅瑤玉而阜之吾未之
信焉安居王子樓山自翰林爲吏部郎轉御史主試貴
州遷給事中出爲湖北參議所在敬歷著聲而被劾去
官

天子知其性可託而才可倚也仍命持憲江南江南
之人說之予別樓山八載因是復相見丰采猶昔計其

年五十矣當樓山之被劾也內省無疚坦坦施施滋其
膏而養其鋒旋奉名引見有河工之命不果往
一年中無官守爲散人大臣得以舉遺佚

聖主得以試諸羣有司之上俾董率厥下以展所長嚮
之霰俄而睨矣嚮之蝕俄而淬矣松玉其體故爲政也
有質而有文鐘劍其用故爲政也有聲而有光禮五十
服官政吾觀樓山膺力方剛宣勞十郡年曰艾政方未
也猶憶進士習儀時深陽史學士謂之曰君與明三
原瑞毅公同姓名勉旃異日勲名當不讓則對曰唯按
三原由翰林歷大僚巡撫江南位極冢宰年踰九十樓
山今當其年之半而治績駸駸相及一秦人一蜀人壤
相接也來宦吾地皆自西西於方爲兌萬物之所說也
是故樓山至而人說之賦如松之詩以祝之

唐堂集

卷十一 壽序

十

華豫原六十壽序

天欲擇人而降之福其擇之也必於其身必於其家而
及其降之也或偶而不恒或闕而不備非天之慳惟人
之艱周覽久之而後得之曰錫山有人焉其學行可以
追古人著書滿家行德於宗黨推諸邦國裕如也猶孳
孳而不已帝曰爲善日不足胡能不爾福其材智可以
躋高位擁厚祿而四十得一官旋棄之五十舉進士不

第名隆海內抱負未杼也曰足矣有田以甘其食有廬以適其體曰足矣帝曰知足胡能不爾福於是內充其精神志氣而外利其耳目手足於不衰六十如少壯也以福其身帝曰爾昆弟俾之式好帝曰爾夫婦俾之偕老帝曰爾男女有七有五帝曰爾子孫子又有孫四世中外踰六十人以福其家華先生曰希閔何以得此於天哉人之慶予之懼也著辭以自警曰壽命長矣負景光矣往者莫償來者自創矣有忿必懲如燎莫揚有欲必窒如水得坊一言快四座傷一事失悔莫當其辭如是則其心冲然若大壑其何所不納福咸注之矣湯曰

唐堂集

卷十一

壽序

七

天福善而箕子臚其目易曰神福謙而泰之九三晉之六二既濟之九五屢言之風雅頌尤言之不已若曰福有根惟德其培之其滋也有蔓惟善其覃之信斯言也莫若華先生嚮者天所擇於錫山而得之者也

黎文學八十壽序

所謂世家世其家學也非徒爵位之謂曩予按試汀之寧化黎爲盛汝舟其望也君尊人楚有先生繼厥世業與南州彭躬菴寧都三魏同里李元仲族人魏曾南公劇文礪行譚經講道無間日君童子侍側濡染之日久其於學猶滲於水而爛於火也弱冠懼耿難將展其業

忽自感奮題於座右曰英雄難中起忠孝逆境成益折節攻苦遂試冠其曹然十赴舉三薦不售屢試高等未食廩摧頽蹉跌以至於老所著百苦吟吾知君昔之苦非祇百而已君尊人豈不願君之以文學兼爵位顧豐此齋彼而竟以諸生老哉然而學成危難之中能不墜先緒以詒子孫可謂克家也已李先生之修寧邑誌也以土地人民政事爲綱體峻文潔可式於天下及與黎先生往復商榷其所以修札短牘散見寒支集中乃知黎先生於誌與有力焉君親炙庭訓必習見聞之予在江寧亦有江南通誌之役惜隔君數千里未能遙接其

唐堂集

卷十一

壽序

七

緒言以私淑兩先生心切切馳汀寧間也君之子良行率孫璫謁予館舍數往來問業將行而請曰吾父齒將八十願乞文於先生爲壽幸授吾兄良德以歸二良皆善詩各以其業見璫亦有文黎氏祖孫父子兄弟薪傳浦叩而不絕予所見聞四世矣其於文學猶前蔭而後襲者於爵位何憚乎哉而君歸然爲耆碩以光邑里又非徒家之慶而已介肴於堂旨酒滿觴歌聲出金石律出予文誦之吾知君今之樂無央也

蘇母徐太君七十壽序

金生於礦玉生於璞必誕鍾秀靈孕毓深厚而後

於世也望之堅光叩之和聲而世之用之也爲鼎彝爲球璧於是寶其器者每樂溯其所由產曰某土曰某石載之圖經名以流傳世之有子以顯其母者亦然然當誕鍾秀靈孕毓深厚之日鬱積磊砢以育養造就其實者在岷巖遂谷人所不知之地其功力度非尋常可及不然凡爲土石多矣是故世之有母以成其子者亦然山陽蘇君人之金玉也少以駿材遊京師有聲起家竹溪尉多勞績凡十三載數能贊佐其大僚長吏楚撫舉之遂赴闕引見儀狀頎偉條對楚事大稱旨卽拜郡司馬池州缺卽授職當是時一登仕佐郎超遷正五

唐堂集

卷十一 壽序

主

品池江南大郡山陽距池又同省庸人俗子皆慕羨其遭遇之奇命運之達世所無有而識者謂聖主明於知人而善用人史冊紀載曠典盛事名臣循吏固其所當然而不足異也蘇君旣蒞郡江督稔知其材檄留會城一切艱鉅事他人不勝任者悉以委之身愈勞材愈著績愈多勢不能還蒞郡遂迎養母夫人於江寧旦晝在公蚤夜入侍母承歡膝前而母夫人自家居至竹溪以迄於今安貧崇儉持月齋勤紡績組紃猶昔也唯教蘇君所以盡臣職報國恩守官箴勤民事者則視昔倍什伯而不止蘇君嘗謂服官以來旣

之不及見又無嚴師唯母訓實兼父師幸獲以祗承而不致隕越者實雖母是賴然後知蘇君之發而爲鼎彝球璧之用者繇賢母之養成於岷巖遂谷之中有素也蘇君同母弟亦以材効用河工玉昆金友肩隨王路而蘇君子及弟之子已九人以治以琢皆麗水藍田之所蕃衍者也母方七十親見子孫若此然則又十年又二三十年官益高孫曾益盛封誥益頻坤爲土堅以凝艮爲石致以厚賢母之介福固所當然而豈倖也哉某等應當事聘修通志開館江寧蘇君協理志事得時聚首因知母賢夫蘇君以百務蜩集之身又於志館事靡

唐堂集

卷十一 壽序

古

唐節婦張氏五十壽序
古稱壽母不稱壽婦夫人年二十四而喪夫二十九而喪子未可稱母年五十未可稱壽張子月丹再拜而頌其姊之苦節以乞言嗟夫若夫人者斯之以言而以談頌福之媿嫗哉夫人爲江寧唐子虞臣繼室虞臣以學行爲人師載通志孝義傳旣娶之明年舉一子而卒家酷貧敗屋三間夫人鬻以喪葬無所棲乃抱其孤依母家乳血嘗膳至六齡矣歲時祭夫爵酒上饋必倚几勸

哭孤必跪擁母膝而哭相和嗚咽相牽曳以成禮人不忍見聞無何痘瘍當是時夫人之必欲死者至性也則從其夫則撫其孤有同穴重聚之樂而其父母昆弟之必不忍夫人之死又至性也憫其女悲其姊拯之拯之幸而得生曷暇計憚廢之苦哉夫歡娛佚樂者繞妾膝離子女晏興而蚤偃荒時而惕日景光隙駒耳若哀傷創痛之人晨起則捐膏沐以勤十指而急女紅旁睨日晷安得而晷也一餐而飢安得而腹也既暝篝燈紡績達於夜央衾簟既以寒形影既以單燕昵之笑闕嬰孺之啼絕悽然惺然安得而旦也則夫人之度一日如一年

唐堂集

卷十一 壽序

五

年消一夕如一歲正不易到此五十也夫人之五十踰於頑福嫗嫗之百年也如之何不可稱壽耶不幸有子而無子如之何不可稱母耶傳言神仙甫片刻而人間已數世彼百年若隙駒者處神仙之境者也此半百若隙日者處人間極不可堪之境朝夕霜磨煉以至老者也其節也卽其壽也節者婦道壽者母道也計夫人爲室女二十二年新婦一年未亡人二十六年則其代處臣以奉血食於先祀掃松楸於祖塋者唐氏之鬼祝夫人之長生而不死方靡有已時 朝廷盛舉旌典夫大竹膺綸錫章壽將載列女傳以配處臣繼自今月

丹之乞言以頌其姊者正靡有已時矣則屈嬰聶嬰之爲姊不幸而夫人幸也

唐堂集

卷十一 壽序

六

唐堂集卷十二

華亭 黃之雋 石牧

記一

冬夜雨寮記

陶宅有溪折而西跨以登雲橋躡橋之趾而廬者冬夜雨寮也或曰冬寒夜晦雨慘寮隘志乎不得志者之所居也或曰義取諸董遇讀書之三餘而益以屋之餘爲寮而四者也寮面東有廊寮左隅入一室斗大也曰如舫舫面西舫左隅入別室尤小竅屋以引光蓋因敗屋而塗墍之窗戶之者也而其疊石移木也則皆黃子身

唐堂集

卷十二 記一

一

爲之俄而傭俄而工俄而主人翁寮之中几案間物空如也世俗必求奇古法物以盈之所謂辨說書畫涉獵骨董燒香煮茗皆趣之皮毛者也寮之庭草花數種盆水漪然畜二魚焉舫之中積古書數百卷舫之庭堆亂石如羣羊其別室則唯一榻一枕然而東風挾霖至則寮漏西風挾霖至則舫漏夏旭出於東則寮蒸炁而西也則舫蒸所謂不蔽風日者何陋乎而黃子能居之蓋其始爲里某氏之居聞有跨橋而轟然者進士坊也其東北隅有巋然而翼於原者文昌閣也四三歲時所聞如此逮稍長而過焉則墟矣寮不足記也因寮而感者

足記也康熙甲戌歲七月記

重修求忠書院記

華亭縣治之西有書院曰求忠以祠明忠臣方正學先生蓋建於萬歷間楊御史廷筠張守九德修於崇禎間某御史近稍荒圯矣督帥一等侯咸寧張公飭材庀工整齊崇煥之學使侍講韓城張公扁之曰名教綱維而試士以碑記於是求忠書院如始建如正學復生而寢處笑語於其中也予惟靖難時事文皇以桀驁之材而處強國藉口削藩逼兄子而攘其位自以爲子紹父業有其所當有耳故讎視忠建文者而惡之特甚乃建文

唐堂集

卷十二 記一

二

諸臣亦惡文皇之所爲寧滅死不悔若鐵鉉暴貽黃觀景清之徒位爲大臣引分趣死下至補鍋樵乞之民投水赴火如歸而謂高帝所留貽以輔幼主如先生者肯委蛇事二君效管仲王珪之所爲哉或謂文皇草莽諸臣獨隆禮先生願衰麻擲筆以激其怒以八百七十三人之命成一人之名覆宗殄祀未免過於義傷於仁且先生之前文章節義冠一代者莫若文信國信國所遭者元祖也不過斷首燕市耳文皇學識不讓元祖其讎忠賢未必過元祖矧此時非有易姓遷祚毀宗廟變社稷之事也而諸賢束縛馳驟之使無地可容如先生又

其甚者也故激而爲刀鋸鼎鑊之奇刑以糜其軀甚而殲十族烏得謂非賢者之過嗚呼殲名教而弛綱維由是說焉啓之矣聖賢之身爲萬世而生非計一時也君涖大位而逐之父傳嫡孫而奪之先生以爲文皇材可輔明運可昌吾道可行功可立而君父大倫必不可亡也寧覆宗殄祀勿恤以植綱常於萬世故李自成之變殉難者如林是先生風之也受禍尤烈故風感尤神有信國以存其國有正學以存其君此大中至正之道而豈過也哉然則尸祝滿天下而祠於松何歟蓋先生族雖滅一幼子遁於松爲余姓既蕃衍遂復其宗於是先

唐堂集

卷十二 記一

三

桂林育嬰堂記

人之生也自凡庸以至聖賢豪傑必由嬰始使生而有短折之道則雖彭聃松喬不能以自永是故古昔聖人曰恤孤曰懷少曰慈幼與孝親悌長之事等重我皇上胞與民物湛恩汪濊老者賜帛肉百歲表其闕壯者錮賑屢矣又軫念襁褓諭各省建育嬰堂以遺幼者而天下於是無一不被澤之人西粵僻遠鼎革時數罹

癘癘今太平久生聚漸蕃然土瘠而民愚瘠則食不加益愚則理不深喻保無有棄嬰乎而誰與育之吏部侍郎陳公撫粵之三載政以次舉乃擇桂林棲霞巖之旁隙地築宇焉以爲育嬰之所屋舍若干間乳姆若干人衣食之費醫藥之儲若干緡條其法以授有司使奉行且以善其後可常遵而不廢夫上帝好生

聖主育物百官有保赤子之責人各有其嬰至不能育而忍其死則其父母可憫也人方爲嬰非有作爲不善自速其死之罰也徒以不能自食又生於無食之父母遂至於不育則其嬰可憫也天與君咸欲育之而守土

唐堂集

卷十二 記一

四

者弗圖則嬰非不育於其父母而實不育於爲民父母者何則其力殊也孔子式負版以重民數公謂今日無棄嬰異日增戶口故斯堂之建其事體爲最大所係爲最急堂成命予記之以告牧民者曰以嬰視嬰而善其法以育之如今日所畫事止此矣乃民之無知猶嬰也不能自謀其飽煖猶嬰也誠亦以嬰視民而善其法以育之則事有不止於此者若保赤子斯曰民之父母

重修華掌書院記

國家重熙絜洽久道化成薄海之內蒸蒸僚於文教桂林象郡僻在天末太平之治洋溢及之椎鄙獷野之夫

咸能詠謳

帝力有聲有文矧膠庠之士哉其不甘以僻遠自外也宜也西粵自鼎革時固用武之地也今之士乃數十年來生養造就之人已能聽志文學不自棄於僻遠聖天子存神之效若是然而考其業則奇俊少而凡庸多何也今夫卉木其性向榮也雨露匪不徧也而置之荆榛則惡矣登之園榭則美矣今夫珠玉其材足貴也山川之孕毓未嘗不同也而委諸沙石則隱矣聚諸几席則顯矣

天子爲粵士之天地以長養之而守土者任其自放於

唐堂集

卷十二 記一

五

荆榛沙石之間士將奚賴管子曰夫士羣萃而州處閒燕其心安焉不見異物而遷焉今之郡縣學宮本以萃士而士有終歲不至者其秉鐸者未必賢而肄業者無所資也是故助學宮莫若書院所謂園榭几席也考桂林郡宋有宣成書院明有桂林書院俱廢獨我朝定州郝公撫粵日所建華掌書院尙存然亦圯傾敗駸茂草鞠矣大中丞陳公曰此粵士之所以奇俊少而凡庸多也脫增舍使居給餼使食延師使教聚書使讀日課而月程何凡之不奇何庸之不俊乃倡藩臬道守諸君捐貲葺之爲講堂爲讀舍脯修薪米膏火之費備具以

蕭山毛進士遠宗爲之師檄下九郡願來者聽暨集舉以易額請公曰西華本一山河流至其下不得通巨靈以掌擘之爲兩而河因以達士之性猶河也其蔽於習猶山也今付之以掌而擘之使通於以潤澤天下舟楫蒼生繇此其基也旨哉命名其仍之時予在公府記室毛先生屢質以所試甲乙之文日新月異私爲粵士賀且爲粵士喟嗟乎莫或啓之因者艱矣莫或紹之徇者孤矣太平既久文教洽焉而風未逮鄒魯學未溯濂洛非士之過爲其上者之過也郝公建此三十年耳願廢寥闕必待陳公而後修舉之豈前此者視爲不急耶

唐堂集

卷十二 記一

六

功期於有成事要於可久今可謂成矣思久之故爲記以詒來者

臨川李穆堂夫子撫粵西復華掌爲宣成以祀宋張宣公呂成公作記云華掌郝公別號不可以生祠名書院然考汪鈍翁撰郝墓志銘甚詳諱浴字冰滌又字雪海又自號復陽無華掌之稱臨川先生或別有據乎

式南書院記 代沈南寧

法制有限而教化無窮書曰綏服揆文教又曰聲教訖于四海南寧古邕州地遠在綏服之外四海之陲距

王畿九千三百里會城亦千餘里漢土雜處溪峒連接其民未可以速化我朝文教覃敷無遠勿届中丞公復以大儒來撫粵土鼓舞士民而躋之於仁義禮樂之域我豈亦油油然不變嚮風矣然而所隸六州縣之人物猶未能與上國竝某不敏承乏下吏

天子方重邊郡二千石之選特命大中丞薦疏來守是邦深懼隕越無以仰副德意下車以來蒞除其俗之敝者而興舉其廢墜區區之心期以禮義教化斯民而與進於善蓋于今三年矣夫士者風俗之本也禮義教化所首及以倡四民者也然而聚之無其地導之非其人

唐堂集

卷十二

記一

七

則其功不立其效不興竊不自量仿王文成敷文書院之意擇地一區建設義學招諸生肄業其中而延浙貢士丁君世燾爲之師區區之心日夜引領曰董率之濯磨之使我邕人淳然鬱然頡頏大邦庶其有成乎然未敢必也則又相告勉曰是不難倡之者力任之者專趨之者誠繼之者永無欲速無怠終夫然而不成者罕矣義學在郡治之左講堂五間庖廂附焉義田若干畝魚蕩若干畝以供饋粥膏火之費凡用白金若干兩皆竭予私橐不以煩州縣材木瓦甃務堅以固期於永久既落成報命中丞公公大書其額曰式南書院取詩式是

南邦之義且貽記令勒石而予又私叙其事以示後之君子時修葺而舉行之豈唯予之幸實邕士之幸

黃公提碑記

代宋大參

西粵僻壤其俗惰窳犷悍其山水峻險今沐

聖上之化淪浹數十年復簡昇賢者爲封疆大吏以撫綏漸摩之其俗則嚮風從欲矣而峭激湍悍之在山水者則天成地設非人力所勝蓋自古而然灘江與府江合沿境內之郡三曰桂林曰平樂曰梧州邑五日臨桂陽朔平樂昭平蒼梧通湖湘而接廣肇若咽喉然然而數百里內地勢高下相去數十丈危礮險灘牙錯

唐堂集

卷十二

記一

八

櫛比於其間怪石戢立流沙淺深無定春夏之交雨行水漲勢若建瓴順流而南則星流矢激溯流而北則尺退寸進舟師篙工稍不戒輒觸險陷溺小則壞舟大則損人方伯黃公過之而慨然曰此其非粵之小害也爲一方興利除害者大吏之責也除道成梁王政之要也任勞貽逸垂之末永不世之功也我西粵自撫軍陳公來修廢舉墜灑掃其弊而留利於民者不勝計矣繁茲水道楚粵商旅之所經米鹽百貨之所通九郡百萬戶之所仰給以爲命其利害大矣是予之責歟乃歸而言於陳公下令治水道且獨肩其役陳公大喜力贊決之

於是捐貲募民相度形勢淤者疏之隘者廣之大石礙舟者四十餘所則刻去之磯險者五十餘所則鑿平之病涉者二十七所則橋梁之設渡船以備救援立竿常以戒客艘之冒險行者築營房增哨船以資護衛營客舍以待休息建伏波祠以保障江流刻石曰作好人行好事又大書忠孝二字刻於石以教誨往來之人凡費錢四萬餘緡閱三月而竣予憶歲甲午夏由肇溯桂至雷磅礴湍激舟翻帆偃水面倒行十五里以援免今年復於是月過之則安瀾恬波若不知有危磯險狀者及抵桂詢之方伯曰撫軍之令也詢之撫軍曰方伯之力

唐堂集

卷十二 記一

九

也而奈何歸美於余方欲碑之以記方伯功子來甚善幸命名以文其實予考昔賢修濬川防爲一方利則感功頌德者必因其姓以姓之若鄭白賈強之渠房裴之渠白蘇之堤鄭陂桓溝韓井呂灘之類皆見於紀載今撫軍誦方伯疏築之功甚詳宜名其堤曰黃公堤路曰黃公路云余兩適西粵見二公和衷協恭以相與有成每心儀之以爲朝廷慶爲粵慶於此又知不伐已功不掠人善者皆古大臣風也

唐堂記

國初先人自郡治棠子橋徙陶宅之西偏買屋而居蓋

七十餘年矣予舞象時見父兄葺修此廬而額其中曰寶善堂者至今亦已三十餘年予兄弟析箸時先人以此堂授予而居其中者至今亦二十餘年屋老歲深踵增無時宋櫨斜仄垣墉疊圯淫雨則上若漏卮霽潦則下若流渠縮項而趨選步而行甚者棟斷榱脫將覆壓是懼予邇歲棲棲四方以謀生之不暇歸輒仰屋而嗟若入荒祠古驛之中大詰曰若考作室厥子乃弗肯堂矧肯構梓材曰若作室家既勤垣墉惟其塗墍茨吾先人繕完室廬用庇予於風雨旣不能恢闢光大其門乃復委諸蟪蛄伊威而憚捋茶之勞愛綢繆之費謂承家

唐堂集

卷十二 記一

十

何康熙五十七年二月歸自西粵始稍葺修之楹之通者隔異之門之寬者狹小之平其穹莖其罅澤其黝燥其汚爲廊以紆其出入之徑築牆以障其講讀之所增闔扇以遠其內外之別薪倉磨舍曝庭厠溷略具而已而主之者堂也亦因是以加隘不足容三字之額乃更之曰唐堂而會計其鳩庀之需凡用木大小七十八株板九十九尺瓦甃三萬一千四百枚石灰暨沙四十一石油漆膠煤鐵釘銅鉸羊牛毛共一百四十五斤匠二百四十七工貲取諸粵遊之橐工竣而橐罄矣予故倦遊將作息此堂以讀先人之書教先人之孫暇則灌園

種蔬老耳昔元次山銘唐亭曰年將五十始有吾亭懷
心自適與世忘情義蓋取諸此

冬夜雨寮後記

有是寮也以迄於今二十有五年矣屋本南嚮昔強使
東嚮虛其東櫓之下以出入而屋樑承其脊甚重漸壓
柱陷地二寸許楞窗闔闔胥礙承塵上積漏棟東北交
各斷爛尺餘其拉然頽然崩摧者可虞也庭之東鄰人
以爲牛宮牛觸壁壞洞然對之可憎也於是計莫若改
寮南嚮而壁其東嚮既足以枝上重又可以障鄰隙時
則唐堂既成寮役廼與廊爲兩間闔隔於南加環堵焉

唐堂集

卷十二 記

主

索石蒔花以自娛度經史其中以自課課兒徒寮之額
於西楹東則如舫附之予昔之記曰俄而傭俄而工俄
而主人翁蓋是時年少志大喜勤謂若版築運甓者事
而詎意斯寮也者新而敝且壞又復新之而吾猶故吾
也道德學問名位事功一無所增所增於昔者惟度音
兩兒子亦能爲傭爲工以襄予漸衰之力而未知其能
讀書其中如吾少時否也吾昔爲寮吾父顧予恤而勞
之今吾子將逮吾始爲寮之年而吾父已不及見吾今
改寮之日能無痛於中耶戊戌歲之冬記於壁使兩兒
讀之

小瀛洲亭記

閩學使署之東偏翼經堂也堂之南有亭而甃石爲方
池四周之杠焉以達池左右植竹木其南則芭蕉如林
蓋昔學使與大僚酬酢宴遊之地也予至無所用嘗虛
之間往登焉觀水以明志亭之舊額嫌同殿名予謂甚
肖翰林院之瀛洲亭也遂易之曰小瀛洲云瀛洲之說
出於列子謂海中神僊所居頗誕儒者所勿道昔唐武
德中作文學館以館十八學士人慕之若僊謂之登瀛
洲然妍邪若許敬宗者亦廁其選是何足以垂世而至
今稱之者豈不以水者聖人之所取海者學者之所觀

唐堂集

卷十二 記

主

詩曰所謂伊人在水一方言賢者之高而不可狎也書
曰若濟巨川用汝作舟楫言其才之可爲世用也是故
學士大夫往往取象於水以言道而極之於海以言學
是瀛洲之說爾不然登者不爲少矣毛伐而髓洗之君
子奚取焉而予又於此而小之者何居小洲乎小亭乎
夫君子之道無大小合之爲大斯之爲小道無往而不
在者是小也天子儲才於京師以供其用而學臣奉天
子命儲才於其邦以待用是積小以之大也非小則大
無基蓋嘗俛仰此亭上棟下宇以待風雨取諸大壯而
其象辭曰君子以非禮勿履又嘗環顧此池而知坎者

水也其象辭曰君子以常德行習教事習教以明之履禮以行之期與閩士學海而至於海斯至之矣是故焉夫自畫於小也望洋而驚阻自遏也盈科而進漸以達也若是則奚小乎洲址乎其下而上崇隅乎其外而內充若是則奚小乎亭於是將集閩士於亭而告之而後是亭也予亦有所用之

閩學使題名記

粵稽提學所自始宋制諸路設監司一員提舉學校掌州縣學政歲巡所部察師儒優劣生員勤惰而專舉刺蓋或置或罷云元世祖時設各道儒學提舉司正副二唐堂集

卷十二 記一

七

員掌府州縣學校考試文藝厥職皆與今學臣同明初宋濂王禕爲江南江西儒學提舉蓋仍宋元舊制而洪武十九年以駙馬都尉梅殷通經史命提督山東學校雖旋罷厥名亦與今學臣同正統元年始設提督學校官南北直隸用監察御史他省按察司副使或僉事而高超始以僉事督閩學餘無考景泰元年停提學憲臣六年始復南北直隸御史而不及各省天順六年復設各省提學而游明以僉事任閩滿九載進副使仍任閩前後凡十二年視學最久於是相繼視閩學者終明之世不廢我朝因明制其副使僉事稱學道惟北直以

翰林爲之稱學院康熙二十三年江浙亦改學院而閩省之以翰林督學稱學院者則始自四十二年沈涵也繼之者楊篤生御史也亦稱學院提學之設專爲國家儲人才考校士子之文行而進退之厥任恭重翰林給事御史出與督撫抗禮而副使僉事隸於按察司爲督撫屬官有不歸其上而挈其肘者希矣然而存乎其人兩非其人雖院且爲督撫屈兩得其人雖道而督撫不預其學政兩得其人兩非其人則各相濟以便事一得一非則傾閩自唐以來理學文章節義之士代興以迄於今盛矣朝廷作人於上學校儲才於下其中學臣

唐堂集

卷十二 記一

古

承宣而督率之非其人器者窳材者斲矣得其人鑄者金雕者木矣相繼非其人嘉禾日以荒而稂莠日以興相繼得其人鯁鯁養爲蛟龍而萌芽滋爲松柏故曰十年樹木百年樹人提學者樹人之人也夫百年而樹人之人數十易矣其賢否何如也雍正元年冬予奉天子命督閩學慨然思慕昔之蒞斯任者欲稽其賢否以自勸警而閩志職官內無彙紀學臣者時時散見於臬使之屬及郡縣志各書乃博採而次第之考其氏號科目爵里闕其未詳者名宦則詳之將勒石置諸學壁會巡試未竣奉 名還翰林而勒石之事不果行繼三

者河南程先生予同門友也將郵焉以成之

記未寄刻今錄姓名於左
前明正統朝吉水高趙天順朝豐城游明成化朝
凌周孟中江陰任彥常南昌劉子肅當塗鍾誠弘治
初泰和羅景山陽韋斌安福劉丙溧水范洪正德朝
左與杭濟慈溪楊子器慈溪錢萬安劉玉發姚朝
鐸嘉靖朝仁和邵銳宜興吳仕臨海金貴亨發源清
黃貴溪江以達錢塘田汝成玉山夏凌南昌熊汲慈
溪張謙應城周珣萬安朱衡南海盧夢陽臨海金立
敬興化宗臣增城胡庭蘭丹陽姜寶隆慶朝奉新蔡
國珍麻城周弘祖萬歷朝崇陽胡定吳江顧大興鄧
趙參魯麻城耿即登新水王希元太倉王世懋富順
熊敦樸豐城徐即登新水王希元太倉王世懋富順
饒景輝豐城熊即登新水王希元太倉王世懋富順
和聲建德鄭三俊泰昌朝嘉興譚昌言方應選秀水岳
鍾惺黃岡周之訓崇禎朝益都王濬錢塘樊時英青
浦何萬化崇德吳中嘉靖朝之水豐宋儀望鄞縣陸
泰萬歷朝之無錫鄭迪光富順宋豫卿天啓朝之錢

唐堂集

卷十二

記一

五

重建澹臺書院碑記

賢者遊歷所至其國人慕悅於數千百年樂道其姓氏
以誌其山川祠宇勿之謬也則其精爽必徘徊於此邦
之人而嘉惠之慕古崇道興學美俗咸繫於此嗚呼何
可廢也吳郡長洲縣之南傍尹山有湖曰澹臺史記謂
子羽南遊至江從弟子三百人即其地湖因以名尹山

之巔有澹臺書院宋時尹和靖讀書其中明練壘設義

塾焉宋學士濂記之歷年久湖存而書院廢昔子羽之

與子游交也在武城子游一人受其益在吳子游一鄉

之人受其益蓋子游既還南明夫子之道以化其俗勢

亦孤矣子羽率三百人爲過賓於吳而子游爲東道主

一時講道倡和當何如惜其事不見經傳越千百年澹

臺氏之居轟然與言子之里相望兩賢在天相主賓也

而於是吳之流風餘韻益綿久而不可歇嗚呼武城之

經不由宰之室不至尹山書院經乎室乎澹臺氏有知

其樂於此而悲其廢也決矣何也以吳人之慕澹臺知

居臺集

卷十二

記一

六

治臺氏之不厭棄吳也康熙中尹山寺釋某始謀重建
彭太史定求爲文以募貲稍集矣未舉也雍正初某某
等復請於當事以興是役於是乎落成而記之夫澹臺
氏爲孔門賢弟子書院之建沿宋及明蓋尸祝久矣而
一旦居人惑於堪輿言而廢之廢之何易也復之者不
在吾儒而在浮屠氏且太史氏毫楮之力不爲弱集眾
資以購椽甍不爲少而至於今始成之何難也然卒
遂其慕古崇道之志妥先賢而復義學澹臺氏必陰拔
導其子弟以答吳人學興而俗美其在此舉也夫子游
氏亦甚樂其鄉人之有是舉也夫

史記索隱云今吳國東南有澹臺湖卽其遺跡所在
正義云按子羽墓在兗州鄒城縣據此則謂子羽宅
陷爲湖又云墓在湖旁者大謬賢者不宜罹此厄宅
旣陷安得墓葬若歿後宅陷子孫何辜蓋子羽偶經
吳地未嘗土著江西進賢縣亦其南遊遺蹟吳人謂
其晚居吳者非也 并論

濬南橋塘碑記

天子方興水利以利民守令之賢者各疏淤浚流於其
所治而吾邑南橋塘之功遂成松郡承西南諸水由黃
浦入於海浦支流而南曰葉謝塘又南而東曰南橋塘

唐堂集

卷十二 記一

七

達於青邨港亘東西四十里溉田十萬餘畝西浙鹽艘
所出入也其間支渠曲汊咸道於塘以注之譬咽喉然
喉通而腑臟飽血脉行塞則病顧視潮汐之進退爲羸
縮焉當潮之從浦來也甚勇則洶洶挾泥沙而入去則
洶洶而衰不能蕩泥沙以出故塘易淤而港之潮汐不
通灌畦則農病運槎則商病康熙三十一年里人宋際
莊徵麟曾倡疏之至於今又漸塞而淺矣前郡守周侯
旣下車相松屬邑之水而次第濬之於是諸生宋文同
等以南橋塘請侯曰善下其牘於前華亭邑令今郡守
周侯侯曰善度其經費之所出而速興之凡一百八十

丈爲一里一丈之直錢一緡直出於田凡十有八畝而
濬一丈旁莊行若干里丞謝鏐里人韓珩司之旁南橋
若干里丞靳夢熊里人鄒維宣司之旁青村高橋若干
里巡檢張從訓里人宋椒業司之時雍正二年三月也
明月而工竣四年秋文園來京乞予文紀其事且曰是
役也兩周侯令於上而後興丞巡司里長者奉於下而
後成廢餐寢奔走風日於四十里之內者文園不敏幸
始之幸終之以告成事於兩周侯不誌於石是隱兩周
侯之功無以示後之蒞斯土居是鄉者之雋里人也塘
之利固已稔之矣蓋濬是塘之明年而

唐堂集

卷十二 記一

六

天子析華亭之東爲奉賢縣塘隸於奉賢城郭邑聚由
之以達漕餉魚鹽行旅倍昔矣塘旣濬加便焉功一濬
是塘之明年
天子命沿海護塘改石焉以築之塘旣濬柘林之石由
是而運功又一濬是塘之又二年
天子詔江南督撫臣治蘇松諸水與東南之水利茲塘
旣濬無費於庫帑功又一則其利非但田可溉鹽可運
而已前周侯旣歿爲神於我郡而今周侯以邑令超擢
吾郡守政行於八邑有功者必食報利物者必受福予
於兩周侯益信故誌其大者而疏濬事宜則列於石之

陰

奉賢縣藉田先農壇碑記

今上卽位之二年春親耕藉田三年四年藉田產嘉禾八月詔曰禮天子爲藉千畝諸侯百畝則耕藉之禮有過於其令地方守土官俱耕藉羣臣集議以督撫臣等以祀先農具禮儀以聞 報可五年頒於天下先是新華亭之東並於海爲奉賢縣其治在青村至是歲八月爰立藉田築先農壇垣而門之壇之高廣主之尺寸牛種箱耒簠簋豆籩如部頒式六年七年祭耕如儀耆

唐堂集

卷十二

九

老曰邑新造也邑有藉田祀先農創舉也

聖天子帥臣下以重農垂永久爲定制宜刻石誌鉅典於是試令黃君介諸生吳經以謁之雋文其辭謹按田之禮載於月令祭義周禮國語自天子至庶人皆重民食也謹祀事也是故周宣王不藉而號公諫之漢文帝親耕帝藉晉宋齊梁後魏北齊迄於唐其令主皆行之然終綱日書藉田不數見宋太宗仁宗元武宗之世躬耕藉亦僅矣明制唯登極之初親行藉禮餘則京尹代之若我

皇上之歲歲舉行不怠則自古未有也州縣大小節

侯伯子男之國考之史雖宋元嘉中耕藉立先農壇班下州郡縣悉備其禮而若何制度行事俱不載意具文而已若今有司之率土奉行歲歲不廢而黜其惰弛者則自古未有也古者耕之日必祀先農於壇先農神農也卽周禮籥章小雅甫田之田祖禮郊特牲之先嗇是也奉唐虞以上之聖皇臨於壇以俯監我耕位尊而氣靈非若勾龍柱葉爲人臣者之可以乾溢變置也禮途重矣惟耕最重故禮重今以一縣令而罄折拜稽於唐虞以上之聖皇之前秉耒九推以比於卿諸侯事亦榮矣惟耕最榮故事榮重其禮榮其事守土之官其曷敢

唐堂堂

卷十二

三

不震動恪恭精意敬事以爲民祈報乎奉賢瀕海其地宜棉菽與稻參其俗煮鹽網魚黠者操奇贏逐錐刀之末遊手而好事老死猷澮者必愚民耳馴儉不屑與伍而胥隸得而叱縛之矣耕之業人視之賤甚今遇先農之壇觀於所藏祭器農具種黍稷盛之儲而問厥所由乃憮然知耕之如此其重也及見邑長朝服而操耒九推九返丞尉執青箱以播種此農夫事耳官乃親爲之且知是日也

天子親爲之公卿督撫親爲之見其所未見聞其所未聞如躋三代如遊千畝不農者能不動思慕歆羨之心

相率而緣南畝而農者孰不歡忻鼓舞相勸以爲我業如此其榮也俾我民務本而力田則風俗以淳多稼而有秋則富庶以成敬神而奉公則禮教以興一舉而衆善集者耕藉是已我朝

世祖順治十一年

聖祖康熙十一年皆親行藉田禮

今上法

二祖以重農與祀又逮及臣下俾各謹於其所守之士何田不治何穀不蕃何農不勸何祀不誠上行下效徧於四海觀奉賢可推而知也

唐堂集

卷十二 記一

圭

一團施氏家祠記

一團舊隸松郡之上海雍正三年析上海爲南匯縣今隸南匯瀕海一大聚也其著者曰施氏施氏之有聞者曰象三氏自其高祖某以上居水仙塘曾祖某始遷一團之盤門口歷祖某考某三世皆獨傳考處士君生四子霖霖雲鎬象三鎬字也子又有子弦誦之聲溢衢巷郁然盛矣吾友路舒馭氏之言曰施吾嫻也其伯仲叔季仰承前人之志立祠墓左前爲門後爲堂各三楹左右繚垣中儀門甬道堂上設龕奉高祖以下至於考主鼎爵盤匱奠獻之器咸備列宗規以教子姓置祭田四

十畝以供享祀額其楹曰施氏家祠蓋康熙戊子歲事也不勒石以志恐後人之久而弛也業二十年矣必得能立言而可以徵信者志之而未之遇也君舊史氏幸里居故介僕以請他日王宮贊志山氏亦曰施吾嫻也其昆弟皆好禮又他日舒馭來促文曰礪石以須久矣予乃言曰古者君子將營宮室先立宗廟今士庶家祠堂亦是也祠也者所以奉祖禰合昆弟示子孫也牆屋既設百物既備祭之日洞洞屬屬莫不油然而動祖祖親親之心而相率於孝慈是故祠也者禮之大者也朱子謂祭始祖似禘祭先祖似祫始祖謂祖所自出先祖謂

唐堂集

卷十二 記一

圭

始祖以下高祖以上嫌於僭故不敢祭祭自高祖始今施氏建家祠牆屋設也具祭器置祭田百物備也列宗規能率下也奉高祖以下四世不僭上也求文以志明示後世教也施氏之好禮如此左傳載殷民七族施氏第二得姓爲最先而雲間之施多通顯今遷一團者方四五傳子孫已濟濟能讀書秉禮以昌其世未嘗胄子騫而拜汾陽嘻不其偉歟樹枝南北向而本於一握之根支水東西流而出於一勺之源歲遠時移或不無苑枯濬塞之殊而本原之生生不已者不可謾也今施氏不謾其所生以敬宗睦族爲急則豈惟今日尙其椒衍

昶絲克世守前人之禮訖於勿墜俾吾文不爲徒作而
是祠也洵足型俗而式鄉匪直齊家而已

唐堂集

卷十二 記

三

唐堂集卷十三

華亭 黃之雋 石牧

記二

江寧李氏宗祠記

宗法廢而報本合族之禮衰君子曰祠與譜猶禮也譜以言祠以事然而譜者文人學士之所知族之推鄙稱駭不知書者不知也祠則有祭祀之事登降拜跪畢至感集以行其禮雖婦人孺子胥知有其祖與其族人故尊祖敬宗收族莫先於祠視譜爲尤著江寧上元縣東南四十里曰咸田村大姓李氏所居也自宋朝奉郎李唐堂集 卷十三 記二
公職從高宗自汴來卜宅於此析其名以名其地實始遷有爵位者爲始祖云居久而蕃世以醇謹爲家法仕者有政績隱者有著述務耕讀勤貨殖者比屋而然舊有祠祀始祖以下今其族千有餘人歲有事於祠則庫隘不可容其十八世孫儒林郎候選州同知曰仍治字元士者賢而有禮者也擇地於山水之陽改建新祠工未竣而卒其子歲貢士義超國子生義起庠生紹聞踵而爲之經始於雍正五年落成於八年由門而堂而寢環而垣之規模宏遠矣祭之日主者助者尊卑長幼執事之人班於祠內仰而臨之以祖肅肅如也而衆著於

孝俛而合之以族怡怡如也而衆著於仁仁人孝子之思流動觸發於優恤之下肫固於人心而不可釋而其家可知已式於鄉鄉人化之而其風俗可知已記曰宮室既修牆屋既設傳曰宮室不設不可以祭古之廟今之祠也儒林君父子先後汲汲以新此祠也可不謂能讀書急先務者乎於是紹開來謁予誦其兄之言以求記予惟建炎而後時代屢更江南故家巨族或播遷無定居未有歷六百餘稔二十一世聚族萬餘指而無他離徙如李氏者詎非其先人德教所留詒後人又善承之肆能世保其廬井子姓以縣於今日長養

唐堂集

卷十三 記二

二

聖朝太平日久彌熾而昌觀紹間兄弟彬雅知大體可推而驗已李爲著姓唐世立廟祀老子謂所自出爲宋儒所譏咸田李氏之修族譜詳於朝奉君以下而南渡以前略存世系不夸引旁及今建祠亦式於度君子曰咸田之祠與譜猶禮也爰授以文俾刻石示後世念祠悖族如今日詩曰子子孫孫勿替引之

奉賢縣浚青村城濠記

吾郡諸水以涇港塘滙名者百數奉賢者涇之一也華亭既分遂以名其縣治在青村故有城池而廨署倉庫學校之立費甚鉅自設邑以來已再易令皆僦南橋民

苦以視事靖安舒侯至則度地胥宇周視城隍而慨然曰此濠也而衣帶水曾不治之若匪直無以戒不虞舟行曷通鹽運曷濟田禾曷漑營縣治必先浚濠濠西接青村港浚濠必兼浚港奉賢號難治令肆應無暇日蓋遲之二年而始集事云考青村城明洪武十九年築池廣二十四丈深七尺餘萬歷二十六年又濬之面廣十丈底稍殺焉深一丈六尺迄於今百有三十年矣日趨淺隘地瀕海土高浦潮不至久不浚宜其屬流也我朝康熙中暨雍正初守令嘗疏水及於青村港然亦六七年矣九年四月舒侯下令按量均役計畝均夫稽冊

唐堂集

卷十三 記二

三

程工獎勤儉儉里胥之弊鼓役夫之勇車戽電舉畚鍤雲集度港至濠凡十里廣之深之闊月而工畢水洋洋來蕩滴港濠之間繞城而流可以濟艘可以灌畦可以衛郭商集旅通農怵於田曰唯侯之力侯既自紀其時事來告予曰募募之有是役也爲農田水利謀亦爲縣治謀將解署倉庫學校以次第舉而代者行至矣唯是濠港之成勞願託於文辭以垂後人書河渠志溝洫史氏職也幸無靳予見侯之蒞斯土也而與人誦之曰舒佛若名父杜母不足盡之者卽斯舉可徵矣誌於石俾侯之德與水俱長則予文不可無也

瑟齋記

坐有箴器有銘弦有佩枕有警古聖賢用以省疚而祛疾者必有所寓意焉觸目而治心則遷則改然後其德立江安糧道之署有瑟齋樓山王先生退食燕居之所也樓山既名其齋瑟而告予曰吾行年五十而知昔之非也以寬與疎是故去聖賢之道遠反是者內治嚴而用功密病庶有豸乎繼自今隨所往而靡不建瑟齋以居之子爲吾明瑟之義與吾寓瑟之意載之於辭吾得而誦焉予按瑟義不同世本瑟潔也使人精潔於心也詩瑟彼玉瓚鄭箋亦云潔鮮貌白虎通瑟齋也所以懲

唐堂集

卷十三 記二

四

忿室欲也而毛傳釋洪渙之詩瑟矜莊貌孔疏依之謂外貌矜莊然大學爾雅最先出皆以恂慄釋瑟備則在內而非外明矣故必從朱子嚴密之訓而瑟之義始定今天包涵廣裕從容不迫寬之美也悠悠泄泄怠緩縱放寬之病也大綱濶目羅羅恢恢疎之美也挂一墮萬罅漏百出疎之病也樓山外寬而中嚴貌疎而神密未嘗有是諸病也乃猶有取乎瑟以治之磋磨無已以益致其精如是且夫嚴密也者亦必善用之而後盡美而無病嚴則主敬不懈密則純一無雜主敬不懈則非禮不得而犯其隱純一無雜則人欲不得而間其隙非禮

去而天理還人欲消而道心長斯樓山之所爲嚴密也是故身修而道凝其爲政也良而在邦也達若猛厲威烈以爲嚴煩瑣促數以爲密而豈樓山名齋之意哉洪

與之卒章曰寬兮綽兮猗重較兮善戲謔兮不爲虐兮美君子之德張弛得中樓山自謂寬與疎而治之以嚴密矣張而不弛文武不能也則寬與疎皆美德而不爲病居敬行簡之謂也衛武公悔過而作賓之初筵之詩於一飲酒而欲立之監佐之史及其耄也作抑戒以使

唐堂集

卷十三 記二

五

未能作抑戒也就予乞言若命予爲監史而攜提之由是以往古今人孰謂不相及哉詩小序賓之初筵刺幽王抑刺厲王夫招其君之過而爾汝之小子之睿聖者爲之乎朱子依據韓傳楚語而悔過自儆之事始定太毛之繆鑿多類此宜釋瑟之無當也

東壁記

曩予入都館大司空今宮傳海昌陳公家坐臥之室在堂左屬門人方大太史書東壁二字揭於門之楹旣而館大司寇靜海公家寓室亦堂左屬同年令閣學滋大亦書此以榜其楹後自賃居亦署二字於左室有東

壁詩今浙督上蔡程公招予論定浙志館於官解誠本堂之左改射圃而新建者也宏高軒豁蛤窗鬆几修廊曲楯潭潭如也前庭雜植羅漢松玉蘭緋桃北種竹箭巴苴野花纖草蓊蓊也坐而眺西垣之外喬木茂樹若山中翳翳如也臥而聽雨風鳥雀之聲穆穆如也其次子十五歲能大書遂入屬書東壁二字以額之予所至皆居東壁亦奇矣紀方者必首東今年太歲乙卯屬東方木生方也於予心人宜而天文壁二星主文籍天下圖書之府又於著述宜息焉游焉視前之三東壁其光何如也天津侯爲相開東閣以延賢人至今稱之

唐堂集

卷十三 記二

六

乃其言曰寧逢惡賓毋逢故人今幕府新起十餘舍所延盡嘉賓而予以故人款洽甚厚勝昔人多矣他日公入相客館且更闢而予竣事去則茲所稱東壁者益遂若鴻泥燕壘耶柳州東亭真州東園以柳歐陽記傳故爲記以授後之修浙志者

大教場演武廳記

國初設重兵鎮松江康熙元年提帥梁公化鳳始轄江南全省軍務開府郡治之南廼度南門外曠地闢演武場於官紹塘之上以操習軍士而建廳事焉若古所謂射堂閱武堂者歲久頽圯後爲帥者遇迎喜祭謹暨大

蒐閱則立柵爲臺張布爲幄以往視事事竣則撤歸蓋解宇之設距今七十餘年碑石湮廢文字闕失渺乎莫稽矣雍正十二年冬遼東補公熙來蒞斯任既至撫卒伍汰老羸稽部曲勤訓練歷寒暑不輟期年士馬飽騰旌旂鉦鼓日整以嚴甲楯矢矛弧矢日堅以利公顧而色喜謂此郊坰廣場坦迤數百畝而不翼然臨之以廳事非制也爰疏於朝發帑以興建之前爲閱臺基崇三尺廣七丈周袤十三丈中爲演武廳三間廣五丈深三丈高二丈一尺有奇基崇五尺左右設角門後廳三間廣三丈八尺深減三之一高視中廳而稍殺焉繚垣

唐堂集

卷十三 記二

七

周其外其東爲東廳旁爲從舍又東爲側廳西嚮高廣有差東南樹帥旗西南築鼓亭規橢閱敵壯軍容而表觀瞻者始於是乎夫備欽惟

皇朝大一統

神聖繼承太平之日久矣餘武備之不忘也大江上下重臣大帥位置若星斗而吾郡逼處大海江湖四通尤稱要害提臣控制遼瀾然建牙之地居重而馭遠靡不臂指立效首尾環應誠得其人也麾下之營六將校大小員四十有八馬步兵五千趨距命中魚麗鶴列皆虎貔之材程技角勇有其地發號施令有所則事可以

常集而期可以數至矧立春霜降典禮之所行也三軍
踴躍於芟舍之下四民瞻仰於堂皇之上歡抃肅敬僉
謂公之爲此急先務識大體矣非徒美觀壯威而已爾
落成於乾隆元年春正月公命參戎王君應元屬予製
文勒石以垂後來

醉白池記

予遊醉白池主人顧思照殊懷氏自亭林遷宅於此池
方而擴可三四畝據宅之右池東有老榆槎枿二百年
物軒廡其下臨流可坐曰老樹軒以長廊池西畝畝
連亘限之以籬籬疎可眺也池南兩三人家窗戶映帶

唐堂集

卷十三 記二

八

婦孺浣汲望若畫圖池北堂臨之敞其四面堂北與西
竹石環列又北則池尾遶而東又北有隙地可構屋蒔
卉木亦籬限其外焉此順康間顧水部見山所別墅
也堂中額曰醉白池王太常煙客八分書也水部歿六
十餘年主數易姓池幾荒壞珠懷以同姓來居之頗爲
葺治日與詩人徐樵李進蔡顯郁造輩詠歌其中遂爲
西郊勝地而他閒曹勝流亦時倡和贈答備拙如予亦
曾與焉主人因求爲文記之竊謂園池亭榭唯富貴人
力能有之然貴人往往牽率仕宦不能一日享林泉之
娛富人飾金碧貯聲伎相者長鬣侍者曲眉用矜其俗

豔文章風雅蔑如也騷徒寒賤性近煙水則一畝環堵
樊圃偏仄欲想望黃泥鹿柴而不可得人與地相遭吁
其艱哉若白太傅居池上寫樂趣於韻語景物熙閒宛
在目睫韓魏公慕白而築醉白堂於私第之池水部君
又彷彿韓而以堂名其池池雖不同其源流可疏已然蘇
長公作醉白堂記謂日與朋友飲酒賦詩此樂天之所
有而魏公之所無者水部集中皆宦遊之詩唯思舊園
一篇有西郊原隰繞宅禾黍修篠方塘之語疑卽指此
然則魏公勤勞政府水部馳驅王事咸不能樂樂天之
所樂而顧子一諸生宴然有池亭之奉延其同志喁于

唐堂集

卷十三 記二

九

宮商狎魚鳥睚水石浩歌長吟聲聞於野因醉白以追
白傅以寫其樂者又不但池上篇而已所慮異日策名
天衢役役軒蓋車馬之場故園風物徒懷渺渺回憶今
日之樂如斷夢如隔塵則奈何何况俯仰百年星移物
換寬閒寂寞之濱幾何不與金谷綠野同盡孰知乾隆
之初醉白池上有嘉賓賢主倡酬之盛可以紹樂天而
驕魏公者哉則予之記是池也綜今昔溯原委匪直爲
池主人永其迹試卽諷斯文於水木間水部有知當亦
聞而擊節矣

御書雪詩福字記

皇帝乾隆元年 御書自製雪詩搨本一幅又龍箋福字一幅歲除以 賜南書房翰林院編修今侍講臣成天蓋非中外大臣內廷近臣不得與也侍講榮

君賜合裝爲巨軸藏之明年告歸里捧示前左春坊左中允臣之雋屬識 恩寵以詒子孫云臣惟雪者五穀之精福者九疇之全信南山之詩曰雨雪雰雰繼之曰生我百穀是唯豐年之瑞而

聖主猶軫念小民之祁寒矢音揮翰以容儼廷臣者若此其剴摯也則夫承休徵而欲斂福以敷錫庶民何所不至哉易書詩皆言福洪範臚陳其條件天人感名之

唐堂集

卷十三 記二

十

理莫切著於福必因人而施是以

聖主樂書之以 賜心膂之臣而其臣獲受賜以爲非常之榮上下泰交唐虞莫加焉侍講受

世宗知遇

今上御極念甘盤舊學命入 內廷既以理學文章爲勲績亦時時奏論天下事慎密不泄人罕得而知也引年乞身 溫綸嘉允晉今秩贈言滿朝比之疏傳賀監於是追瀚烈之高踪而嚮用德壽康寧之福蓋臺以往何莫非

君之賜耶臣昔荷

聖祖選置翰林又以撰文受知

先帝遷擢賜予寵溢其分蒙 恩退伏十年所矣侍講

遭際

兩朝始終眷注蓋福之厚薄有殊而歲寒冰雪之操未嘗不同行將追逐於香山洛社間雨暘時若於上人瑞娛遊於下洵太平盛事哉今者瞻仰 宸章光華糾縵目眩心悚曷窺書法之聖神謹叙其事備史氏之採匪直一家之榮而已

先編修公遺扇記

嗚呼此先贈編修公手澤存焉也扇摺疊金薄而一面

唐堂集

卷十三 記二

二

包宜壑爾庚書自作九日詩儵存阜帽掩秋堂在客扶攜弔大荒射地已無千草碧傲天猶有一花黃蒼涼市氣含山雨慘澹村煙帶屋霜爲報東籬休載酒近來心事醒偏狂先生明進士入 國朝故感愴節物如此書法純似米黻一面華南田樵書梅蕭朗老嫗自題小行書甚工云書家寫生右徐熙易元吉而小左黃氏父子政在天真人巧耳宣和主稍能斟酌之明興獨石田翁能入熙室而伯虎於黃氏有出藍之美然兩公寫梅不見有設色者往往以水墨爲之濃淡多致自當有象外意耳予於蓴綠頗喜烘染雖乏天趣要不出驪黃外或

亦斟酌於徐黃兩家之間耶題識戊子歲先君年三十時也嗚呼垂茲九十霜矣不肖十歲時卽珍弄之垂茲亦六十年懼其剝落裝池爲卷子憶先君子事祖母孝與扇枕不搖扇却蚊之事相類甚多而稟捐不肖已四十餘年之久奉展遺箴想先君子壯時於揚風障日之間優懷容聲儼在其上輒心痛知古人藏母遺書扇間篋流涕同此心也

飛鴻堂記

管子曰十年之計樹木終身之計樹人言人之力十倍於木之力也是故尋常之物若名芟秦封五柳三槐之

居堂集

卷十三 記二

三

屬必因人而著其不因人而著者桑之棲日桂之種月賦之出沒雷電豈不以其物之靈異絕特哉然而物無奇庸必因乎地杏而壇漆而園頌詠徂來書紀嶧陽而我郡之飛鴻堂遂因梅而大著堂在吉麗橋南明參政任勉近思居此爲光節堂後屬陳參議嗣元承一易今額萬歷間陸應陽伯生所書至 國朝則姚弘啓藻巖居之始以梅著姚殿堂屢易主予嘗一至爲賦詩乾隆三年張問卿之次君二銘購爲別業四年春二月朔是客飲堂中予在焉堂前玉蝶梅一株中立傳自姚氏時手植呼爲梅弟至今殆百年日精月華之所聚也

蚪游龍雷奔電駭一臂穿墉而東出西則綠萼梅一株年未老亦如屈鐵若有意與老梅競又若相附者是日也雲晴日暄萬蒼肆開若醉若笑傾其一座蓋負其靈異絕特不屑與彌山繞嶺者爭名而託處斯堂以自高而此堂之能毓靈蓄奇妃厥奇偶以滋飫其性天而不以歲月計者固交相恃也客舉酒屬予爲記勒石予環顧客獨予老雖老尙幼於梅使吾曹及梅之齒有能精神文采若梅今日者乎吾又以知人之力不如木之力也然斯堂之建更前於梅百年一旦遭逢得人一藩一城一簾一牖靡勿改觀增色然則物華地靈不又胥恃

居堂集

卷十三 記二

三

人之力而名迺益著哉二銘世宦年少有用世才其或不能伏處斯堂以戀是梅也而歲俱吾曹林下之遊則作記之勞誠不得辭而人與物與地胥恃文也以未則文亦不爲無力秦風之詩曰有梅又曰有堂實無堂似堂而堂之也此則咸有焉賦詩可乎

松江汪郡侯去思碑記

乾隆四年冬蘇州守缺

天子念東南都會劇於庶邦 命大吏遴通省賢守之最者遷其任遂舉松江守汪侯以聞先是是年之夏侯入觀

帝心簡在故旋任未幾遂得 俞旨以五年三月行松
人相聚而言曰我侯去矣煦育我八載而一旦愁寘我
何蘇之幸而偏受其福則又曰我松受福先之矣霖雨
之膏不私一隅陽春之暉不遺一隙幸也密邇鄰封河
有潤而壁有光則又曰以侯之賢繇是而屢陟以保障
我江左隸宇下者皆其赤子也其無憂遐棄則又曰雖
然如今日之離懷抱何予乃諗於衆曰史循吏傳稱太
守吏民之本漢宣謂與我其此民者唯良二千石今郡
守權位異於古其親民則一侯之前松守數變易唯侯
獨久又最賢夫賢才雖竝稱而才不必盡賢賢則不患

唐堂集

卷十三 記二

十四

乏才所謂循與良皆賢也微許以示明谿刻以示公繁
瑣以示勤鷹擊毛摯以示嚴子子揚其才以釣世名而
民已陰受其困故身懾而不心服侯爲政持大體靜鎮
不煩以愛民爲心植良苗而寒稂莠故賞怒泯堂皇之
上而教化浹草茅之下入邑之民如芘春臺如暴冬日
睦文武率僚屬掾紳士馭吏胥和平而不可干清操介
節豪髮苞苴無染所謂唯飲吳水者八年如一日其賢
如此他若理鹺辦銅權關凡所兼攝則又長才肆應沛
然而有餘也史稱龔黃鄭鄒之屬所去見思何武歷任
至三公所在無赫赫名去後常見思然則赫赫之名處

馳雷激過而寂然易若與民相安無事積歲月之深長
而陰受其福至於不可議如侯者哉侯始至值壬癸祲
沴之後休養生息以迄於今感召天和不疵癘而年
穀熟田畝價倍焉

聖主尙寬大之治不責旦夕近效侯既從容有成績而
名亦日章遂移雄郡異時倚毗之重枋用之大必權輿
於此又豈我松所得願借乞留者哉第人情習近安久
同一守也而彼此易地同一郡也而新舊易官是故漢
張酺守東郡遷魏郡百姓垂涕魏顏斐守京兆遷平原
吏民遮道誠不忍舍其去也松人之相聚而言者猶古

唐堂集

卷十三 記二

十五

人之心也予故次其辭志諸石以見凡治郡宜以侯爲
法侯名德馨宇一菴又字香壑河南夏邑人

福庵義田墓碑記

昔崔瑗在洛遺命何地不可藏形骸勿歸鄉里梁鴻客
吳死葬要離墓傍骨肉歸於土魂氣則無不之檀弓記
之矣不則旅櫬一厝而歸葬無日上雨旁風暴露何慘
也瘞者無地任者無人有之矣心力兩違事亦弗集拊
羣骸而妥衆魄美哉仁義之舉也世恒以爲難閩人之
客吾松者昔建福庵於婁縣白龍潭之西以祠天后因
庵側構屋爲客死者寓柩之所柩聚漸多積久斯敗康

熙中郡守龔君閩人也就庵北半里許買田八畝有奇築普同塔瘞之而留其餘地以待後人閱今又五十年巢然實其屋而虛其土蓋盛事之難繼也客於松者莫適爲主以多自證以同自諉仁心義力固無所指諸吾同姓復光閩產而松籍慷慨任事乾隆四年宦京師之閩士大夫因焦庶常惺持言知有福庵之地與復光之人秋八月監察御史陳君等三十人共爲書寓復光屬董其事又移書徧告閩之會館暨文武之官斯土者輸貲以贊厥成其明月南滙令施君叟丞呂君先後偕復光至庵簿籍棺若干朽者若干清其地之四至估葬

唐堂集

卷十三 記二

六

之費若干復光乃爲募疏而之所告之輸貲者冬吳淞叅戎陳君歸自京師謂復光曰是焉用募爲需則緩專則決君第爲之費吾獨任崇明總鎮陳君其父行也曰是獨爲君子乎吾其襄之於是聞而樂輸者亦稍稍集矣五年春三月庀材鳩工蠲吉歲事甫旬日空其屋中之棺而盡入諸土別而葬之聚而墳之伐石立碑而屬予爲之記美哉斯舉也惟復光奔走於始惟施呂二君主持於中惟二陳君肩於終非始不立非中不行非終不成而又溯其始則非陳御史等之書任無其人而又溯其始則非龔太守之田瘞無其地周禮墓大夫令

國民族葬今地域不於國而羈異邦貽穆不於族而萃羣姓則雖非邱首之正而不致原隰之哀者惟閩諸君子篤鄉里施恩枯骨仁人義士之用心也若陳君豈唯心不更力爲仁義乎哉世有能繼之者天佑陰德人欽善行鬼貽冥報皆於是乎在御史名治滋癸巳進士候官人總鎮名倫炯侍衛同安人叅戎名鳴夏甲辰武進士惠安人施君名士箴歲貢呂君名日登甲辰進士皆晉江人營葬事者丁君名其顯癸巳武舉人晉江人復光名厚應松江府學生同安人庶常名以敬癸丑進士則吾郡人而倡其說者

唐堂集

卷十三 記二

七

松江府學修建大成殿記

聖道之高美譬諸宮牆宗廟入其門升其堂非七十子莫與焉然今之士果有志於聖人不待適魯習禮其家然後不能去也凡郡國皆可景仰而至之漢以來州縣學任守土有司興廢唐時廟祀孔子徧州縣故多廟碑宋徧州縣皆立學故多學記凡有學必有廟以奉孔子配享從祀承以兩廡名之曰大成殿云是先聖先賢先儒之所聚也其制爲極重松未爲郡日唐則西北而之蘇州五代宋則西南而之秀州歲升州學鼓篋舍菜遼矣元始建置爲府因縣學爲府學居國之陽象取諸離

士之州處無越竟勞而介乎三吳雄郡之間已四百六十年於此明嘉靖時劉遵制易像爲主以別於老釋最合乎古邦彥之繇是出者拔武於前代至

皇朝尤盛而殿之繕修亦屢矣日月既深風雨不除梁壞垣毀遷延及於邇歲科目寥闕幾不得與他郡比先是賢守令倡修輒阻他事乾隆五年春郡守渭南劉侯堯裔始至謁廟曰是不可緩叅令容城胡侯具體自河上歸遂與華亭令孝感陳侯陞誠協謀出貲遴端慤之士八人分告於紳佩無不響應敎授廬州汪君衡勤董其役六月經始九月落成翼翼枚枚改舊觀儼新構矣

唐堂集

卷十三 記二

六

今夫萃八縣而式九學美富固其所也聖人所南面而臨非必茅茨土階也賢者所左右而侍非必陋巷環堵也廟貌旣以新禮殿旣以崇豈但壯觀瞻昭閣峻發文章科名之兆哉入門升堂羹牆如見子臣弟友之思慕禮樂中和之觀感油然而淳然人人自期異日可從從之列則今日之修舉爲不負之雋曩隸郡學久年過義學見邦大夫崇儒興敎國人趨義樂人心之同驗世道之昌故謹記歲月於石而備書其姓氏

唐堂集卷十四

華亭 黃之雋 石牧

遊記

遊鷹窠頂記

鷹窠頂在嘉興海鹽縣距海寧七十里濱海皆山而是頂則最東南極於海俗傳十月朔遊入於此觀日月合璧予按漢律歷志注太初上元甲子夜半朔旦冬至七曜聚斗牛分夜盡日月如合璧史紀之以爲瑞不宜於是山數見之也今康熙戊子歲九月晦予友王研農買舟邀予暨朱南舟姚大章同遊以考驗之陳曾貽者則

唐堂集

卷十四 遊記

一

嘗遊焉者也訪而挾與俱日晡舟發至袁花鎮而瞑予四人以曾貽爲目曾貽不自信訪諸片/問道於巨舟子曰何問哉取道黃灣莫便也於是予五人又以舟子爲目夜將半水淺舟不進南舟曰此去黃灣不知幾許里况鷹窠耶脫滯留則至頂而日高矣皆曰然卽穢舟皆登岸命一舟子束炬爲導一僕篝燭以從路出桑間如蚓茅深露濕行三里許至黃灣有岐路叩居人間之曰東也然實不知東仰而見山黢然起北斗挂山角大章言斗所在爲東北因旅而東曾貽謂至鷹窠頂者必踰談山嶺此是也舊聞嶺有虎或有益於是予七人則

肅肅行人光中見若毛而蹲甲而立者輒相叫呼以自壯頃之聞海潮聲又聞吹角聲爆竹聲私幸鷹窠不遠矣益奮以前約上下其嶺五六里四顧皆連岡如行坎窞中且又岐路問舟子不知所出羣藉草坐遙聞犬吠聲曾貽獨循吠聲而前行半里闕無人心怯乃大聲呼其羣俱前而田中一守稻農驚起咤曰何爲者告之故則曰東去二里許陟談山嶺嶺顛有古廟廟前路但南毋東但上毋下又三里許當至耳衆訝且笑曰談山嶺尙在前耶然則嚮所踰奚嶺也曾貽始悟曰然則嚮所踰葛嶺也衆皆怠且悔是時炬已燼僅一燭若螢然星唐堂集

卷十四 遊記

二

復入蒼翳中索人居果逢一浙米姬問得之乃如其言往果至鷹窠頂之麓曾貽指麓東路恍然曰吾曩歲舟從澈浦來由此路入不謬矣自麓至頂不二三里有磴九曲每過一曲曾貽輒大聲曰一曲矣若謂其稔遊者旣抵雲岫寺有僧攜燈樹間導而至頂自登陸凡歷市一嶺二里二十餘刻二十餘炬二燭三而後至頂及至則暗中遊人成聚矣海陷其東南窪而黑久之則光發於天海之交橫亘數百丈色如淡朱砂復有淺青色拂其上深黑色託其下又久之則黑中穿漏見若橋者若林木者若人馬連隊南行者兩蚪相值者又久之穿漏唐堂集

卷十四 遊記

三

山上者紆道也歸途遇刈稻叟相慰問此昨曾貽所從問道者也葛嶺南望多聚落此昨吹角處疑爲鷹窠者也夾路有喬松異石此昨所見蹲且立者也抵舟日中矣或曰鷹窠頂以產鷹名或曰鷹從海外來羣集於此實不產鷹

登岳陽樓廢址記

康熙辛卯歲九月吏部侍郎海寧陳公出撫廣西予從凡陸行一月至漢口卽渡江登黃鶴樓凡兩登兩雨有從岳州來者詢之曰岳陽樓較黃鶴何似曰圯矣郡守將新之猶未也恐危登者毀之矣予則廢然失又急詢

唐堂集

卷十四 遊記

四

之曰樓址存乎曰存可望洞庭乎曰可予又色然喜予意在湖不在樓也既溯江而上十一月朔抵岳州大雪始同人約共登以雪皆敗約予獨躡袍革履登岸踏雪陷一尺仰望郭西門若在上雪壞道滑不可階幾躓者屢矣從者掖而上至郭門則城甕罅裂數木枝梧其間勢若立崩者樓故在城頭依城爲磴道有門鐫不得入索綸壯於縣而入則空無所有城卒指雪中隙地曰此樓址也旁有亭曰此梅亭也中實榱桷楹之屬曰此樓故材也予又悄然以悲唐宋人之侈述其勝如彼今雖欲得斷碑殘刻而不可見如此耶予聞岳州民貧

俗敏守令休息整齊之不暇何暇爲遊觀計哉夫遊觀之大者莫如洞庭然而日也八百里之浩淼爲雪所障而予目無所縱天寒水縮所謂浮乾坤而沒太陽者爲沙所隘而予懷無所暢亦不辨其爲天爲水爲雪爲沙獨於眩瞀荒茫中見君山如黛黑而已因思夏秋漲之時晴曦朗魄與湖光相映發其所見必曠必奇宜古人之喙口竭思以殫諸其形容而亟欲得此樓以貯其勝也於是悵望久之湖風撲面雪壓雉堞若將傾陷然遂循故道而下時城中官吏迎送撫軍與騎踐雪成泥愈不可行既登舟見諸同人則予又侈然傲以所不及見也

唐堂集

卷十四 遊記

五

浯溪記

稚時愛誦元次山集見所銘浯溪山水之勝蓋嘗神慕之康熙五十年十一月某日舟過祁陽城下值大風雨登岸而問人知距縣五里許川路所必經明日曉發將至延望舟前有峭壁數十丈作蒼黛色者闐然時水際則已色飛也旣櫂櫂壁下石與面對寒翠來染入清漪激於磯間雨太作上崖則土削路隘劣容一履同人猿接而過先觀所謂鏡石者嵌巖厓間如漆也役夫汲湘水磨拭之則洞然照見面目衣冠而寒江穹岸隔水村

落林木皆在鏡中循巖而西入子亭斷崖如雙闕飛橋跨其顛過橋憩古石堂環顧木石新經雨刷洗幽寒峭蒨心目俱淨復陟最高處有亭亭前大石方廣可坐俯視壁立江濤足不敢垂外卽向所舟前望見者也石上有圓坎卽次山所鑿臼窠樽貯酒以供飲徒者也後人因以名其亭云亭前循石子路右行過顏元祠祠後蟲蠹怪石障天其平處有次山岨臺銘篆刻知祠爲岨臺故址也出祠北數十武有亭翼然攬乾隅見鐫石大書知其爲唐亭也次山好奇創溪名曰涪臺名曰岨亭名曰唐謂皆吾所有也後人遂刻其巖曰三吾勝覽而祁

唐堂集

卷十四 遊記

六

陽之驛曰三吾驛地不以人著哉當是時顏雲壓江竹樹慘澹山靜雨鳴寒氣肅肅同人皆畏其寥峭先登舟矣唯一小沙彌一役夫忍寒從予雨立於是徧觀石刻石無論高下大小字無論真草巨細鑱鏤殆徧或不可讀讀亦不記俯而見一碑庑且泐則黃山谷遊涪溪題語亟讀而識之循橋下故道緣壁行有草書長十尺若大字者離奇飛動又識之而鏡石之左有山谷題磨崖碑詩刻又讀而識之又左讀磨崖碑高與石竟卽次山所撰唐中興頌魯公所書者也其字右行乍讀不省循誦始覺文雄字莊令人起敬則又識之此地元所宅而

有顏之書故後人合祠焉予徘徊石壁間大雨濯衣領不忍去舟中人以磯激不可久泊遙呼予返蓋纜旣解而眼光猶著涪溪樹石上遠而後失

泛舟瀟湘記

自湘潭之衡之未至全州溯西南逆江水而行永州以下爲湘水以上爲瀟水其水曲折與岸往復舟中環顧疑若四面俱斷旣繞而出直不咫尺旋又曲去廻視後舟之帆若從岸上來者帆之風乍順乍逆窗之日乍左乍右東西南北步步易嚮故行瀟湘間日最久江水澄澈經冬縮潦清激彌甚石子磊落於江底色色呈露酈

唐堂集

卷十四 遊記

七

注柳記不誣也旣淺而流益駛岸脚石齒錯伏豁間水激其鬣潏潏淙淙厥響唯厲以警新客水之概衡未間如一而山則衡州之南嶽七十二峰也綿數百里如雲寒天半至永州諸山極皺秀瘦透之致緣岸相逐江岸水步都無坦碕危巖壁削怪石森豎青黃黛綠隨色所現如倚如墜如垣如堞漁舟泊雨於嵌空之下茅舍炊煙於坳突之上便疑方壺員嶠去人非遠長林灌木紅葉翠柯濃染密綴不因寒損其餘平沙荒渚淺蘆衰草皆具騷楚之象時則積雪皚積於遙峰連阜之間峭蒨邃冷描繪轉勝遊目四望書屏隨面而列昔子厚居求

記求山水最多予過未欲留所親于篇什而未悉其名
問諸舟人土人皆不知由柳所述證吾所經其肖也醋
烏知冉溪袁渴西邱石澗非卽在耳目間耶卽不然當
亦不大過是矣曾泊舟一所人稠地勝名曰石期者又
烏知非所謂石渠訛而爲石期者耶將至全江中多用
竹石以壩水水聲彌屬舟愈難上岸旁水輪因波自轉
舟師捩柁過之而歌欸乃皆天趣也大抵瀟湘之間水
紋石皴岸容樹態真化工之爲畫工予泛舟其中悔未
學畫矣

獨秀山記

唐堂集

卷十四 遊記

八

獨秀山在桂林郡城內貢院之背其體正方拔起平地
有峭無漸廣不數畝純石直上五百仞皴駁作蒼黛色
予嘗偕友登焉堂紀旣陞磴道斜仄緣石陡豎齒不容
履必橫趾側步盤旋而上可里許陟其椒荒祠數椽闕
無道釋凭巖四顧遠嵐近屢俱在目曉此身如在危樓
絕塔恐顛欄朽楯因風傾墮者同遊三人一至半山而
返一至其顛而悔一雖至而不言然亦憊矣昔天地造
此山而棄諸南荒宋顏延之守郡時相其東南麓有巖
爲讀書之所不聞登其上也唐張固宋范成大但言如
柱如筆知爲仰望旁摹之辭未嘗入其中也明封宗室

靖江王於粵固茲山於府第之內鑿山通道築室於上
以爲宮嬪之遊觀而後裙屐可以登國朝改藩府爲
試院表茲山於棘園之外而後賓旅可以遊然則我之
遊也不以後古人爲幸哉壬辰歲之元夕中丞陳公張
燈於其上則若山爲樹而燈爲花也老稚男女環山而
眺笑者其聲若濤咸謂目所未覩迺今知有盛世太
平之樂然則我又豈能私之以爲己幸哉

遊隱山記

唐堂集

卷十四 遊記

九

吾嘗欲尋隱山之六洞而問諸土人曰無之且城西有
老君洞不聞有六洞也則或者因老君洞而徧過所謂
六洞者於是繇明月巖徑詣老君洞凡五里許所過山
若百筍迭土鉅細與趾相錯旣至洞瞻老聃像就洞不
鑿成仰而見其頂有宋人詩刻始知此卽朝陽洞爲六
洞之一也則大喜洞右陷石爲大壑有磴級可入若隱
不敢入也出洞左而北皆奇石摩肩鉤衣過之稍西得
白雀洞洞口隘逼解衣側身入天光所及者僅如一間
屋許光盡處爲坎窞諦望有隙光從內出意其可通復
慮積水投石試之硜然作乾響然終不敢入又西得嘉
蓮洞較敞於白雀戶牖旁通瓏璫綈綈幽邃之裏有泉
出泉旁有經土人云通某洞以未持炬不能入又西折

而南石愈奇峭齧履弗顧得夕陽洞時則晴照西顏與洞相射彌虛皆日洞石一片如大箬篷歌而蓋者過半一面缺則若以他石補苴者益怪造物之巧又稍南有洞曰南華中有澄泉洞鑒毛髮土人疊石爲方以瀝於一泓而漬菽萌焉以爲蔬餘地浸潤不可立又折而東則山之陽也又東卽朝陽蓋匪繞其山爲洞者五而北巖洞猶未之見日將匿輿夫趣歸客亦倦欲舍去矣予不甘獨遺其二復導朝陽而北循舊路環山搜之達於南華終不得一田父至急詢得之乃俯率山麓繞石東北行得一若洞門者而其崖無刻識聞隔石人語聲趨

唐堂集

卷十四 遊記

十

而前則北牖洞豁然在焉客與僕已先從他道來佇立久矣皆大笑每笑洞必答笑於是無故愈笑中有潭如洞廣水色濁綠不能窺其源洞外夷曠可眺稻畦數百畝周護隱山噫此卽唐李渤所闢之西湖也旣而廢爲田宋張某復之元又廢爲田至於今不復湖廢而止亦真與之俱隱矣故游屐罕至土人皆不知桂林有隱山也讀吳武陵韋宗卿諸記豈不有慨於顯晦之無常耶

再遊浯溪記

舊遊如夢予自辛卯歲遊浯溪有記壬辰癸巳甲午歲舟三過之不得登擬騷作聯三吾沿波而吟以悲夢境

之不可復尋也今丙申歲二月復道祁陽將至投瓊卜之曰若明日非蚤莫風雨幸得登岸遊則多緋果多緋明日高春過浯溪長年從隔岸牽舟同舟之人皆無泊意予詭稱鏡石神怪以駭異之乃亂流而渡旣登衆皆聚鏡石前而爭鑑焉予獨至唐亭聞溪聲淙淙俯視則索練蜿蜒出於腋右眺且聽喜前遊未及而今及之也旣陟其椒亭已傾楯甃圯毀牛涔羊矢與蓁莽雜豈更斯土者徒夢爲官而未夢見浯溪歟竟使其蕪沒若是然而窳樽猶在乃涸其水而納醪滿焉呼老兵四五輩環坐飲之老兵者卽同舟觀鏡石者也旣而至顏元祠

唐堂集

卷十四 遊記

十一

於是又指示老兵曰此顏魯公像卽書摩崖碑者也此元道州像是鑿窳樽者也又指示之曰此爲晤臺彼爲唐亭然彼老兵者豈知有勝遊之事哉乃強告以所不欲知雖諾諾猶懵懵也如夢也嘗觀太平清話載浯溪舊有怪宋熙寧中柳應辰判永州維舟巖下夜半怪登舟伸巨手入應辰大書一夬字於其掌叱去之詰朝登岸見夬字綴崖上大一丈知石爲怪也今其字尙存而容齋隨筆載此字乃應辰花押自鏡石上邦人謂能祛不祥標飭置神堂香火祠之又載蔣某述夢記云祁陽令齊衡夢元結索詩於知永州柳拱辰夫押字盈丈誠

怪矣而謂能祛不祥邪又傳會以爲怪所乞書者非夢中說夢邪若蔣之述夢誠夢而予之兩遊烏知非夢也哉而記之又烏知非述夢也哉

遊豐臺記

豐臺芍藥甲天下城南花塢又甲於豐臺則宛平相國王文靖公之別墅也予自辛卯歲越庚子辛丑凡三至豐臺歸則皆紀以詩今歲壬寅之四月相國季子南泠招諸同年宴會花塢中予與平湖陸子坡星同車赴之時早甚先一日忽大雨塵清土潤早出右安門褰帷四望晴空如洗樹分濃淡綠色環繞天脚道旁麥穰茅簷

唐堂集

卷十四 遊記

三

水田潏潏有江南風也迂道至中頂其西南一區舊有花木幽勝下車偕陸子緩步於曲流之上因念十年前遊此濃蔭如幄清風起於林下曾有句云柳深衣帶涼又云涼淺選林陰會幾何時柳不深林無陰矣悵然去之將至豐臺居人皆折枝爲樊植芍藥玫瑰雜卉香聞道旁至花塢則南泠迓客於槐陰之下矣是集也凡四十餘人或坐或行或立或倚目無不嚮花者白者盛放紫者乍拆環亭數十畝同人回旋於曲徑中花深沒衣唯露頂項遊女見貴客則徘徊花外久之徐相引去南泠旣張筵亭上坐客皆脫帽解帶高談風流酒行無算

而遠風自來香引色招紅藥翻然如笑如語以爲今日始遇右軍太白之流也日昃有雲油然起東北俄而蔽空同人皆起以爲雨至也而留者尙九人於是扶醉上揖秀閣青蕪綠樹高下一色彌望不斷西山蔚然橫出林杪皆予舊時所見者也今接於目如逢其新俄而雲散雨解斜陽穿漏南泠復洗盞共酌醉而後散予遂與坡星同車歸是日也農甚望雨然竟不得雨

遊金陵城西北記

雍正十年春客金陵舍於城南王進士晴江程孝廉得莘程文學啓生郡人也極稱城西北山川之勝而春時

唐堂集

卷十四 遊記

三

桃花擅人境之絕不遊負人負地負天遂以上已之明日往觀焉賓主十八人或輿或步先後發予偕邵太史峙東周廣文聘侯等五人繇武定橋道江寧縣治而西皆行塵囂間折而北入委巷稍閒靜及訪吳御史宿涵於五柳園曠如也於是始遊五柳園近鐵塔寺繞池有古柳五故名旁列古柏三子戲謂有涵園名宜易柏矣然一柳臥池面拂絲於波翠柳幃之娟然春也柏不如柳之時也池岸置棧穹其上若舫可居循徑曲折至小堂玉蘭海棠方盛開俗以二樹並植爲玉堂宿涵由翰林遷今官歸里

避囂喧棲孤寂風致高矣藩垣頗缺亭榭不具其淵明
乎方啜茗而晴江至遂爲導焉

辭園而北循曲巷出夾路皆桃花步行陟大阜四望遐
邇綿引高下層積居人種桃爲利耳而遊者心蕩神往
目與足咸不暇給則舍而之永慶寺之後至則復然嚮
也目至雖曰逆之尙未卽之今也足至無不身倚手援
紅入巾袂噫愛之虞其狎也然而天灼聖人錄焉

又北行坡陀間有古廟三四人家其屋西臨水俗稱海
子又曰龍窩望花如大阜而佳在隔水雞犬聞門內
婦稚昵昵語若桃源中人此非武陵其天台乎又北行

唐堂集

卷十四 遊記

五

地稍峻俯瞰朱欄翠楯隔一水隋織造園也往則門者
辭曰羣遊女飲於此遂西憩小蘭若亭翼然南向高敞
可眺僧供茗一杯而出又西北行見同人步自間道絡
繹去呼與言則從烏龍潭來遙望潭水渺然可懷而晴
江趣往清涼寺蓋爲東道主於寺中一程君須久矣道
旁皆插槿衛桃花儼僕欲折民大噪秋落其實輸國稅
而隕遊手乎予謂此良農也其理直故其辭壯

既至寺則十八人者畢集登掃葉樓闢西南二牖西眺
大江南睇莫愁湖水光盈盈接天匪直烏龍潭而已然
大風吹日匿黑雲合雨雨降稍止遂登寺後山椒極高

坦北之盧龍幕府東之雞籠覆舟鍾山羣貢於前長江
環西北又匪直樓牖中所見而已處高則見大於此可
以悟學此南唐翠微亭址中有避暑殿皆廢宋至今何
宜亭而久不亭也憑弔慨然遂相率以下飲寺中酒半
而宥涵至天晦不知晷刻縱飲始歸九衢皆燈火矣是
夕雨明日大雨又明日亦雨

又明日霽王程三君子曰能再遊乎曰能則又往是日
也賓主亦十八人賓之易者十二人則偕往遵舊路過
五柳園不入過永慶寺後園仍入迤至地峻處瞰隋園
又有遊女焉至門門者不辭遂入園爲桃源別墅今日

唐堂集

卷十四 遊記

五

映山其水竹花木頗勝亭館梁約布置亦佳所少者石
耳而結翠雲帆聞鶯諸境絕幽麗遊女可先後隱而避
也故得窮其觀一耕無秋數必逢年一試不利不已必
獲一遊未遂再斯得之時東日子又悟學哉

出隋園將東遊鐘鼓樓同人願從者半既至則見其半
亦來登高而望四方無方不花無花不桃也或倚於籬
或窺於垣蔽虧萬家以漫衍及野連麗者若城攢聚者
若幄斷續者若散霞隆窳者若沓錦或依於松栝竹柏
以示樸也或入於楊柳以藏媚也或侶於菜花之黃李
花之白以驕其羣也而予之目已厭矣至雞籠不二里

衆皆不欲東遂西尋虎踞關

虎踞關昔石頭城地武侯言石頭虎踞故名今無關矣將至遊朱主事園朴雅有深致老梅百樹亭臨之想見雪月色香未嘗不惜後時也對門王氏三槐園多牡丹皆名種芍藥盈畝又惜先時也唯海棠數十株及時而盛少憇玩之同人願奢而愛博欲多覽名勝遂去之又西至蓬萊境有菴曰隱仙行其庭海棠一株叢生甚盛自根達於杪皆花而垣之內又一株高出其上若梯若樓循垣入則其地較高故倍之而樹實相等亦叢生與垣外敵盛蒸朱爛紫奪人目精平視旁睨衆莫能吐

唐堂集

卷十四 遊記

六

一辭桃華之愛遷於海棠矣頃見關廟樓賢禪舍皆有之不誌者嫌少也王園多矣然不若茲二樹之豔以富也韓道士者年七十有六古貌皓鬚蒼靜穆若仙太真睡足之諧淵材無香之恨爲道氣奪去不萌於心烏知冷謙張三丰輩不御風娛遊其間欣然遇之矣益留戀不能去按其地皆石頭六朝重鎮戰守必爭之所城壘四塞漸陵夷爲園圃寺觀寥曠演迤不知幾何年矣雖曰形勝奚必恃險哉

時王程三君仍設席掃葉樓下遂如清涼寺前日見山麓有石碣曰耿先生敦學處歸而考傳先生名定向黃

安人明嘉靖進士雖學主陽明而督學南畿時建書院以明道彰教爲已任顧歷今未遐曷無片礫撮土存者而梵宮佛宇尙供吾儒一再之遊息可慨也達於寺跌庶役諫呼以捕松鼯鼯捷於猱跳而不居爾其奈何投塊則那旣入寺登眺如前日寺旁通善慶庵有室南嚮幽潔高朗前與峙東奔此今又奔而樓下須久矣復縱飲醉而別

歸途欲道烏龍潭羣輿夫不願也則爭舁同人疾走去唯予偕峙東往焉叩妙意禪林入將暝矣僧引至汪氏別墅款竹扉亦多花樹不暇觀徑繞出屋後潭忽在目

唐堂集

卷十四 遊記

七

嚮渺然懷之者茲泐然臨之極眺無際放於遙緣左軒檻倚水者劉氏園右朱至高墉爲靈應觀不暇遊僧曰異日觀荷最宜而竹肉要眇之聲發於鄰家水寒日落杳冥翳薈如聞海上之絃移我情矣遂歸

兩遊也咸十八人蘭亭則少矣桃李園則多矣不必古之同也嶺而不湍觴而不流花而不月酒而不詩不必古之同也若陽春大塊遊目騁懷樂柯讓古人哉至於彭殤修短死生之痛浮生過客之感觸於予懷又不獨右軍供奉矣天是古天地是古地人非古人城西北之遊幾何不爲游絲飄風孰使長留此事於天壤則記之

一昔之隔且憶且忘記成寒食日也

遊莫愁湖記

金陵莫愁湖在三山門外並城迤北金陵城中水自秦淮青溪出水關北注大江而湖不與通渟蓄五六里自一區誠與曠幽澹蕩勝觀也雍正十一年六月辛酉偕同志遊焉棹小舟至湖外則登岸道街巷間時正午行赤日中數百武叩梁氏居以入來月閣者東嚮踞湖最勝處城中諸山黛色遙映隔岸稻田連畦遠林一綠目不能極中流滌蕩與天相涵閣之前苗裔作花方盛是日大風翻舞荷葉清芬襲於四支柳陰小立泠然

唐堂集

卷十四

遊記

六

也惜湖內不著一舟鄰家放鴨坐木罌運篙而已茗弈忘暑日西昃始返湖自古來不知作何措置明爲中山王孫別墅樓臺亭榭化爲陳迹惟見荒陂野水蕭寥寂寞之濱而湖光山色不因時爲改觀斯天地之所可貴而人不足恃也顧莫愁一女子非有畸節瑰行垂世傳後而洛陽楚郢旣兩稱之又影附響合於石城地以人著則人之須鬣以生而漸然泯滅於天壤者何也借遊者同年大興邵泰太學江寧張夢桂無錫秦蕙田諸生長洲陸筠陳萬選陸則主人張則土人識梁者

西湖遊記一

西湖距予居三百里羸未遊也康熙中曾寓杭往遊焉自吳山紫陽出湧金門至岳墳靈隱玉泉冬日短又雨閑置輿中如不遊紫陽玉泉有詩差可憶餘若斷夢矣後適粵適閩往返道杭七次率率行旅不暇遊至於今老矣而後乃始遊也時惟雍正十二年之二月甲子夜登舟丙寅過煙雨樓檣而登丁卯至海寧謁宮傅陳相國下其懸榻數日甲戌陪宴留侍郎保隆都統昇於遂初園中至夜酒散別去乙亥晡達西湖寓斷橋之德生庵宋德生堂遺蹟也趙師霽建時以湖爲放生池故名高文虎記云近接城闌左界石函內麗山趾在路慶之唐堂集

卷十四

遊記

七

記二

丙子晦繇十錦塘步至孤山登放鶴亭讀聖祖御書舞鶴賦調和靖墓四賢祠而歸飯已泛舟出斷橋至平湖秋月想見秋月入聖因寺寺經先帝臨幸閭麗特絕寺後層折而上至四照亭士女塞坡磴間訪六一泉則蕭寂無人矣遂放權湖心亭不耐觀人謂湖如鏡亭如鏡奩大小殊不稱亟去之至柳浪

東坡表忠觀碑輒移晷西指雷峰憩淨慈寺過花港
臨於三潭所謂湖心寺放生池在焉橋數折而入環岸
者漸滿以清流想見印月可以澄懷悟道益謂湖心亭
贅疣耳乃從第四橋入裏湖泊丁家山稍上有大白石
峙三面如屏風中可坐頗奇又上則又大白石十餘立
泚水中又奇對岸飛甍金碧爲怡賢王祠至則殿扁不
得入夷猶紅橋碧甃之上已標致不凡及花神廟觀神
像十二男女相半栩栩欲活聞廟中花石與王祠爭麗
亦屬不得入回步麴院想見風荷吟樂天紅藕花中句
神往而已至岳王廟拜墓下日將夕矣靈風肅然舟穿
唐堂集 卷十四 遊記 三

記三

三月丁丑朔命筇輿抵茅家埠過麥嶺謁于忠肅祠拜
墓下而出卽往法相寺禮定光佛寺殘破衆僧繞前募
緣如蠅集然山勢峭拔絕佳喬松巨石紅躑躅相披掩
勞我目甚輿還埠遂赴三天竺聞下中多名勝古蹟昇
者比我於進香人例直達於上不知在山中如行市中
隨衆禮大士時方修建佛剎土木旁午男女紛沓無措
足地下至飛來峰坐翫之甚奇龍泓諸洞無不奇冷泉

亭則無奇而亭隅有泉出於石濺珠跳沫而下則聲容
竝奇入靈隱寺少憩欲上韜光迷道遇沙彌指示從澹
莽沙磧間出得山路盤折益高夾路修竹千霄隱隱若
攢介肅立以延賓入水瀧瀧響石澗寺僧以筧接水縱
橫履間境界幽邃始愜遊趣勞我足甚盡石級則少坐
又賈勇上偕一客一童餘無至者山深竹樹密若雨若
暮度不能至遂下則斜陽在天也飲於酒家果微雨歸
途由玉泉觀五色魚念遊此越二十七載魚不如前之
美而碩況人耶是日寒食也

記四

唐堂集 卷十四 遊記 三
戊寅清明節蚤起攜二僕下樓轉庵背陟寶石山凡百
餘級甚峻至保叔塔荒矣僧欲淪茗憫而卻之昔人以
塔臨湖比美人臨鏡鏡則光明何爲捐膏沐而甘蓬垢
也下尋智果瑪瑙二寺亦荒無遊者遊亦炎涼哉趙太
學潤川爲主人復邀往孤山再過聖因寺從熱處行經
關夫子廟內有垂簾一室而賣卜者闐無卜者四壁皆
詩繪坐與譚甚閒冷有致日午燕集於顧莊共六人皆
我郡人而湖遊者一大醉兩人扶而去亦湖山間畫
意矣

記五

已卯被禪不之水而之山泛舟泊南屏尋高士塢明孫
一元所隱居今爲汪氏業稱壑庵甫入臨一池規圓如
西湖之如鏡也又入有石厂可坐數人又入有摩崖八
分書家人卦樂記中庸泚泐不可讀云是司馬溫公書
四周多奇石夫西湖三十里內幽覬若此者詎少耶不
編搜是予過也舍舟縱步蘇堤自第一橋重過花港歷
二三四五以至第六橋至麴院而堤始竟絳桃錯於垂
柳猶盛開菜花浴其下紅黃碧綠粲如金錦寒食清明
連上已天又晴嬉春者祭墓者禮佛者騎者輿者舫者
步者纓弁者裙釵者織於途迄西泠橋白堤而未已山
唐堂集 卷十四 遊記 三

記六

庚辰授程制府留官署四日念湖上有未遊者甲申辭
而出復至寓則堤上桃花花俱落矣四照亭牡丹殘矣
湖中荷葉出水矣是夕微月步斷橋爲雲揜乙酉過大
佛寺亦荒廢大佛者傳是秦皇繫纜石所繫殊誕妄又
往智果寺叩僧扉探參寥泉在菜圃中得參寥子詩集
以歸乃上葛嶺凡二百餘級至僧舍爲買似道遺蹟僧

引至蓮閣指買像述其妾姓名葬處是何足齒可知僧
之俚矣顏一室曰洗詩泉窗中錢塘江在望而西湖甚
小此則他遊所未見者又上爲葛仙禪院所見同僧匿
不見客客無遊者寂然空山疑仙靈尙往來其中也此
皆最近寓者遠若龍井石屋兩高峰諸勝擬明日遊丙
戌大雨不可遊有出城買舟相招者謝之坐寓樓望湖
上諸山隱現煙雲中俄頃萬變甫撫入詩旋易容態改
從其肖忽又不然湖光則如平時始知水靜而山動矣
丁亥別西湖留未遊者以俟異日戊子至石門族人方
攝令留署三日辛卯望鼓棹歸癸巳抵家距出門已匝
唐堂集 卷十四 遊記 三

唐堂集卷十五

傳

華亭 黃之雋 石牧

陶宅四隱傳

姚汝嘉號愚默華亭陶宅人朴茂有古風爲鄉里師年八十餘讀書不倦與楊仁壽李暉華文瑾結社以終老仁壽號漁隱天台人通春秋學元季亂避地來陶宅以星禽之術自給授徒里之巨室陶氏工詩文章書子景和洪武間爲東昌守以酗酒誅戍仁壽遼陽其帥學鮮于樞字仁壽最工鮮于字帥得其書大喜問所欲仁壽

唐堂集

卷十五 傳

一

曰某年七十欲老死鄉里耳帥釋仁壽歸陶宅號生還叟八十七而卒文瑾號雲林無錫人避亂奉母來陶宅積學好古教授鄉里卒年六十二姚楊華三人俱忘其字李暉字叔如號稼翁冀北人父可王爲華亭尹遂家陶宅博學善詩文兼精醫術著稼翁集湯液本草若干卷今其書不傳嗚呼此所謂陶宅四隱也然名不甚著僅著郡志中其沒也皆葬純陽庵側予訪其墓或相去數武遠者半里許皆童然一土邱在寒流荒吠之外碑石僅勒姓氏乃萬歷中里人鍾薇所立夫四皓避秦隱商山晚爲呂后屈節猶名高千載而四隱之名且不得

與同時楊廉夫陶九成並使非鍾君一片石雖其塚墓

亦犁而爲田矣越二百八十餘年而有休寧朱賁字吉

白者亦來隱陶宅以卒賁文公裔也崇禎中以歲貢爲

某邑訓導尋署邑令明末致歸其同學金翰林聲倡義

守徽糾士民繕兵甲旌旗五色耀日大閱與賁乘而觀

之說曰起起者干城哉賁曰此子弟兵也不足恃後如

其言以敗 國初至陶宅教授於里人路氏一日讌會

梨園演明莊烈帝出鬼門輒避席起立及縊煤山則掩

淚遜去嘗有弔四隱詩曰四皓漢家地肺英陶溪又有

四先生我來瓢笠隨雲住東海譜中贊一名時年亦六

唐堂集

卷十五 傳

二

十餘之雋兄兆長嘗師之

高唐二先生傳

予之友之已死者二人曰高集曰唐子遴集始名懿堅字文越號青城曾祖承祚翰林祖秉某父汝燧集負才宏放屢困童子試年幾強矣發憤走京師依其叔太常卿層雲而館馮光祿家無所遇遂歸始入上海博士弟子員籍歲甲子與予訂交白門明年與同硯席於鄉塾靡日不縱酒角文呼嘯田野水竹間人以爲狂也予家浦東地高門前水西流清泚鑒毛髮每立水涘謂予曰始吾不解十室之聚而乃有子也今觀於水之秀而知

之七夕飲歡甚忽大叫趾痛自此遂以蹙廢矣臥病四載卒年四十七生平好談禪且習導引法終身不娶云所著學庸觀理觀復堂古今文若干卷俱在魏氏集故無家其病也依其門人魏太學而終子遜字楚材號東園祖允振封工部主事父昌章文學子遜少試婁諸生第一尤工爲詩家貧甚伯父昌世叔父昌齡從兄子鏞方貴顯獨蕭然寒素也中更父母兄弟兩婦倪董男文凡十餘喪一身寄食於諸從昆弟家詩益工遇益窮與予相識在丙寅歲時年五十一予年十九爲忘年交相聚凡六月狷介寡笑言其坐處當北窗每對窗不知憶

唐堂集

卷十五 傳

三

何事流淚被頤竊窺其性情摯矣忽病膈不食歸數日死死前十餘日猶與予同賦高柳咽新蟬詩平生詩稿錄得百六十篇殆其少作餘失之矣黃子曰嗚呼青城之足非蟲臂也東園之胃非鼠肝也天之奪之何爲哉古人往往速朽其身盲者宮者臍脚者脊落者心如掬燥泥者辟之憐忽鑿混沌之竅雖七日死矣而其竅之靈萬古而生也青城評予文曰清音似鶴異采如鸞少年玉堂才也東園閱予屏花賦見首二句云繁富占夏麗華奪春卽激賞而書之曰福澤人語今予垂三十矣瀟落猶昔而故人之宰木已拱訖爲

後死故悲而傳之俾其雖死而如生

虎媼傳

有爲予談虎者云歛居萬山中多虎其老而牝者或爲人以害人有山毗使其女攜一筐棗問遺其外母外母家去六里所其稚弟從年皆十餘雙雙而往日暮迷道遇一媼問曰若安往曰將謁外祖母家也媼曰吾是矣二孺子曰兒憶母言母面有黑子七婆不類也曰然適簸糠蒙於塵我將沐之遂往澗邊拾螺的若七傳於面走謂二孺子曰見黑子乎信之從媼行自黑林穿窄徑入至一室如穴媼曰而公方鳩工擇木別構爲堂今暫

唐堂集

卷十五 傳

四

棲於此不期兩兒來老人多慢也草具夕餐餐已命之寢媼曰兩兒誰肥肥者枕我而撫於懷弟曰余肥遂枕媼而寢女寢於足旣寢女覺其體有毛曰何也媼曰而公敝羊裘也天寒衣以寢耳夜半聞食聲女曰何也媼曰食汝棗脯也夜寒且未吾年老不忍饑女曰兒亦饑與一棗則冷然人指也女大駭起曰兒如廁媼曰山深多虎恐遭虎口慎無起女曰嫠以長繩繫兒足有急則曳以歸媼諾遂繩繫其足而操其末女遂起曳繩走月下視之則腸也急解去緣樹上避之媼俟久呼女不應又呼曰兒來聽老人言母使寒風中膚明日以病歸而

母謂我不善顧爾也遂曳其腸賜至而女不至媼哭而
起走且呼髣髴見女樹上呼之下不應媼恐之曰樹上
有虎女曰樹上勝席上也爾真虎也忍噉吾弟乎媼大
怒去無何曙有荷擔過者女號曰救我有虎擔者乃蒙
其衣於樹而載之疾走去俄而媼率二虎來指樹上曰
人也二虎折樹則衣也以媼爲欺已怒其咋殺媼而去
黃子曰飾詐害世終以自敗迺其未敗也必有中之者
人苟遇虎而媼者可勿慎哉

楊義士傳

予適臨桂知國初邑有楊義士云義士名執行二字碩
唐堂集 卷十五 傳

五

父福王時廣西巡撫瞿式耜客也少年落魄任憑言人
休咎頗中動無所忌諱幕中人稱其癡菽因自號楊二
癡終已不合去順治六年春定南壯武王孔有德帥師
入湘潭執何騰蛟傳檄至粵粵人懼時式耜以閣臣留
守桂林而張同儼督師以禦我僞公趙印選胡一青
全承僞侯焦璉駐陽朔式耜居中調度諸路兵七年十
一月王破末及全直抵靈川入嚴關諸僞將遠遁同儼
乃乘夜獨泅灘江入桂林見式耜相對泣相誓以死王
既下會城執瞿張令降不從幽之月餘而後殺諸市式
耜被執時家屬匿菽所事發并執菽菽不屈王義而釋

之式耜死執服衰經懸楮錢滿衣行宰宰有聲號哭營
市間見纓弁袴鞬短後衣者輒叩頭請言於王收殮主
人王聞之曰瞿某有容義若此乎并同儼尸許之遂得
葬時有釋性因者永明王時給事中金堡也謫戍不赴
爲浮屠於桂之茅坪菴亦上書定南王言收殮瞿張事
其略曰古之成大業者必表揚忠節殺其身而愛敬之
若唐高祖之於堯君素周世宗之於劉仁贍元世祖之
祭文天祥明太祖之祠福壽是也衰國之忠臣與開國
之功臣皆受命于天以分任乾坤之事天下無功臣則
世道不平天下無忠臣則人心不正事雖殊軌道實同
唐堂集 卷十五 傳

六

源王既殺兩人則忠臣之忠見功臣之功亦見矣抑又
王見德之時也夫殺兩人於生王所以爲功於本朝
也禮兩人於死王所以爲德於天下萬世也請具衣冠
爲兩人殮并擇付親知歸葬故里則王播仁義之譽無
窮矣侍者詣府將投書遇菽知已得請遂不上後以其
書貽瞿氏式耜子梓其書以行而不及菽由是楚粵間
但知性因文字有力而菽泯泯也堡後徙粵東更名今
釋號潛歸有集百餘卷其言菽事甚詳且曰以吾書檢
菽功吾爲竊名瞿氏子爲負德
論曰菽市井不羈之人容於幕末爲知已然遇患難不

遲鈍鉞周旋生死間何其勇也堡旣遊方外慷慨上書已立名五嶺矣不冒人之功以名還之不洵丈夫哉或曰孰式耜同邑人

釋大涵傳

釋大涵號弊雪子旣而合雁宕黃山以自號曰雁黃雁黃之號著而弊雪隱俗姓潘蘇州吳江人也九歲時年饑父母曰我不能活汝於是出爲沙彌就食旣長入靈巖事月函爲弟子月函善詩繼起禪師首座也當是時督撫大吏皆崇佛凡大師率衆弟子所至輒張具供行李繼起從其徒四十人遊南嶽大涵與焉繼起歸而南

唐堂集

卷十五

七

嶽之師獨器大涵留之大涵居南嶽漸有名其徒媚之譏於師謀折其足大涵覺乘夜亡夜雪深一尺至明僅走數里僵臥雪中煦氣自溫復強起匍匐行饑則搏雪食之其號弊雪以此抵麓某蘭若相識僧憐而留之南嶽亦以大雪不能追故大涵得從容自楚歸靈巖寺大涵時已學爲詩未工而精於禪遂參師於溫之雁宕山時聞寇入溫縱殘殺顧亦崇佛婦女避居佛寺孩穉繼名於僧者輒勿殺大涵左右手抱又襁負及牽衣裾而行所全活甚衆聞嶽之黃山勝地也往遊焉得所謂轅臺者居之古屋三間中堂東廚西臥室峯巒起環

勝一侍者棄去獨啖自食其力釋耒則與麓之叢林釋

談禪大涵之耕黃山也土堅廝之有聲忽聞半空有答響者仰視之樵伐木也因吟云築土登登伐木丁丁遂大悟詩從此進後以語人人曰何乃竊詩經語大涵實未誦詩索觀之笑曰彼叠二字實不如三字肖也有富人某者一見大涵敬禮之欲就臺爲菴預輸銅鑄佛像以次設鐘磬鐃鐸有汪某與其隣來某者窮無賴歲除乃相約夜上軒轅臺盜銅謂大涵獨處可制而是日叢林釋遣僮來餽歲日暮止僮厨舍宿大涵夜臥一盜攬其衾覺而起則挺擊其右臂折方急聞厨舍中大

唐堂集

卷十五

八

聲曰爾來來十死百死擊大涵者遽驚逸則僮持炬至榻前手皆血曰我擊殺一盜矣掖大涵起往視之駭曰此來某也嘗傭耕識之於是大涵藝香誦往生咒畢僮僮奔叢林明日叢林釋呼衆昇盜尸掩之負擔鐘磬歸遂留大涵而虛其臺是夕也大涵不死盜以僮力也而僮猶童年又病羸無力大涵云當僮之持炬至也恍惚如見王真君真君者黃山相對之九華山神也其鬚髮面皆赤豈僮之手血被面耶而人以是神大涵謂其道力所致云明年春雷擊汪某廬焚其右臂不死乃以繩絡臂先是大涵右臂折亦以繩絡臂人謂雷報復

益神大涵叢林釋者故住持海寧安國寺既居黃山麓善大涵久之亦頗媚大涵會海寧人欲迎釋歸安國寺從沈翰林宗敬入黃山趣之釋不肯歸而盛稱大涵道力宗敬遂迎大涵主安國寺久之陳詹事元龍假歸里善大涵

上南巡名浮屠爭自獻其能以覲御題詹事數勸大涵出勿聽及以吏部侍郎巡撫廣西書招之大涵遂遊粵泛灘江適羊城縱觀羅浮歸至肇慶微疾說偈而逝年六十七僧臘五十九撫軍葬之桂林棲霞山而銘其塋大涵長身魁梧食兼人不飲酒其學禪一詩二亦能

唐堂集

卷十五

九

書老松怪石輕財好施予檀越餽遺隨手散饑寒者以爲常所居必設像以祀其父母歲時不廢所著語錄未刻詩已刻者黃山草十二卷西湖草二卷補陀南叅集二卷彈指集一卷桂羅壯遊集四卷鹽官剩草一卷黃子曰予嘗問雁黃曰何不有弟子雁黃曰無足爲吾弟子者也吾視天下穎悟可爲吾弟子者唯君耳盡從吾學佛予不應乃與予論詩其過粵也予偕行日倡和其桂羅集則予選而序之者也時兒子元度在側雁黃書子字示之曰子爲人子知子字之象乎父母俱存子也一不存則子矣俱亡則了矣是以孝子愛日又曰

文色字象如蛇故君子遠色嗚呼考雁黃行事議論儒也故不有其弟子又以不能爲人子故終身所至必攜負米圖自隨是豈學佛哉

李烈節婦辛氏傳

李烈節辛氏直隸新安人已丑進士辛禹奕之女通諸生李壤予房師檢討佩五公之第三子也公仕京師獨居會館中不能攜其家壤娶未匝月幼弟塤病辛氏既以不逮事姑爲恨知塤爲姑之愛子也撫之如母病死哭之慟公聞之而知辛氏之孝而有禮既與壤及小姑侍公於京邸堂上雍然閨內肅然也壤高才而善病病

唐堂集

卷十五

十

三月且痢委頓牀第辛氏奉湯藥滌垢穢惟勤不懈病久且不治予往問疾公泣然曰吾憂一喪而致二喪也微聞吾子婦有誓詞吾一棺之無措而堪二耶是夕壤死明日予往唁公偶心動謂堂額有履字復尸也問辛氏哭聲甚微而無續音日中歛其夫繫囊於夫之臂一慟而絕救之始蘇公慰之遂不復哭公屬其女與婢時時同辛氏起居既夕小姑出視父膳辛氏遂給婢他往小姑還不見辛氏曰唉死矣急與婢持燭求之見辛氏已懸厠上梁死矣救之不復蘇明日予又往唁公公同年皆在齊入拜既拜見二尸竝臥面如生於是公大哭

拜者皆哭壤娶甫半載死夫婦年俱二十有二死相距一日學使陳公聞而奏於 朝旌之

史官曰女子以身殉夫始吾聞其語耳今乃目見之其烈節乃若是天賦以性而家傳以教檢討公可謂有子有婦矣先是公族子煥元隨父同知任而死妻孫氏殉之即幸氏姑之妹也同日旌

聖朝風化首及畿輔其女子能以烈爲節嫺戚相望孰謂慷慨赴死易哉若二氏者雖死萬古不死也

詹明章傳

詹明章字義士閩漳海澄人自號履園學者稱兼山先

唐堂集

卷十五

士

生云閩自宋肇理學覃於前明儒者如綫不絕如蔡清林希元陳真晟之徒僅矣明章慨然有志聖人之道其學從太極圖入玩索數年然後豁然自得自謂少時於書無所不讀終屬影見自識太極圖後始覺聖賢言有昧觸處可通既隱不仕遂銳意著書述明天地陰陽之理聖賢之旨參以所自得不爲雷同影附於易尤精遠河圖先後天解說切警發前人所未發然未嘗聚徒講學標幟儒者之林所至從遊者雖衆願慎交蓋窮經篤行君子也既以孔孟程朱之言爲根柢而貫穿六經上下諸史以融會事物之理不肯爲無用之學客粵西

他演點師與爲當事設輓輸法客瓊佐平黎峒終身不

言功明章年十六遭鼎革避亂流離既壯而居亦數遷

由漳徙家潮陽又徙滙川又徙江西之臨川宜黃金谿

又徙建昌始作兼山樓居之晚而後還漳結廬以老則

年七十有四矣性又好遊雖其家數遷未嘗卒歲家居

嘗遊燕京適楚之湖南歷吳越復至燕適晉還遊上谷

歸而入西粵桂林昭梧潯邕至田州抵肇慶再遊晉觀

龍門積石渡河而南泛洞庭登南嶽又渡海至瓊州返

廣州又達寧波渡海客翁洲復適京師而還儀封張公

撫閩禮聘明章主正誼書院始講學當是時年八十矣

唐堂集

卷十五

士

居二年公以其老就漳葺五經書院居之月給廩又十年而卒年九十有一張公既去而相國安溪李公歸里雅重之請一見以老疾辭公愈益重之明章少好吟咏工書法既而日無益人已之事輒棄去所著河洛通解圖卦辨疑大易通義先後天卦畫說易圖卦解義易準羅經解義易經提要洛範啓要四書提要四書朱子全義太極圖解義西銘正蒙解義畜德要錄養正篇莊子同壇班馬合訂詳西轉運略瓊黎事略彭臺紀略履園詩文集心畫緒論凡二十餘種已刻者十之六太史氏曰予適閩漳詹先生之長子尙仁布衣也呈先

生所著書蓋先生前歿六年矣其門人李時明亦漳布衣也來告予曰時明侍吾師在漳久尙仁家盱往來漳野間以故先生書時明所錄藏頗備於尙仁於是盡出先生所著書夫詹先生篤行好學屹屹窮經老而不倦立言以宣往示來豈今之儒哉而其子與門人唯恐磨蝕其著述爭持表章之其志又可樂也予竊計試畢俟代有半歲之閒將整齊閩先儒之書逮於近世安溪公及詹先生所述疏其源流而次第播之會未竣試名還以三日行而詹先生書之未刻者無副本慮道路行篋散佚亟緘寓龍溪訓導俾還其家藏之嗚呼若詹唐堂集

卷十五

主

先生者豈今之儒哉世必有同予嗜而乘力與時以行其書者

汪氏父子傳

汪思遵字建士松江府學歲貢生其父候選州同知鉉之歿也遺命曰吾遊湖州烏程之大觀山土厚氣聚吾樂之必葬我於此烏程距華亭四百里而遙思遵往來營葬地一門弟姪衆拘陰陽家言擇日視年命蓋久而得吉日則康熙五十四年之夏六月也或以道遠天暑難之思遵泣然曰吾親未葬吾六年心如茹刃也今且謀入土有日矣而又焉遲暑從烈日中扶輓入山哭泣

始喪心痛力瘁暴病死年四十五深山中急不得棺陳山人者義士也治木殮之已三日矣酷暑尸不腐如生思遵子顯曾字勉哉亦府學生當赴湖時諸孫不盡從顯曾謂祖葬而不執引紼襄事是不有孫也父體孱弱而獨任勞是不有子也亦烈日中從父行既而思遵死哀痛愈不可狀擗踊號泣震山谷三日夜視含斂畢撫尸一慟絕矣年甫二十吳諭德廷楨蚤器之許字以女猶未婚也

舊史氏曰往予聞建士父子死孝事異之後在閩奉詔題旌孝子節婦督撫時來會稿署名因念我郡如汪

唐堂集

卷十五

主

父子可無媿旌矣既歸里建士次子如倫來謁予乞爲父兄立傳曰使入告者有徵也予謂爲人子者不有其身以殉其父未嘗擬議造作有沽譽之心哀瘁自然以及於死不謂之孝得乎汪氏父子之事與南宋余齊民隋田翼唐何澄粹同諸君者旌於時垂於國史而汪以父子相繼死視諸君爲更酷可無媿傳矣先是李編修錦作傳載其生平言行最詳予俱不書獨死事書齊民號叫殯所須與便絕有司改其里爲孝義里翼舟忠烈終一軀而絕淫粹親歿伏於墓哭踊無數以毀卒時號孝子

陳烈女傳

長洲烈女陳氏明先賢五經先生後父國學生泰來娶
顧孝清之孫女而生烈女名之曰淑容授孝經毛詩
於其甫就精長善女紅然不屑屑獨喜讀左傳史漢能
慕諸葛武侯之爲人工楷書羣從姊妹索書輒書班昭
女誡應之超然吳會閨中之秀也年二十詩字林生大
治未嫁而大治妖訃至則投繯以殉母解救數慰勸止
之聞得其手書殘楮曰旣云望門寡寡者不雙之謂俗
稱室女待嫁而喪夫者爲望門寡云母知其志寢食必
與偕雖佳節唯素妝時向隅泣家人見之則強作歡笑
若是者三載矣灼氏覲其事久而忘也來爲某姓求婚

唐堂集

卷十五

五

女遽乘間自縊遂死年二十四夫家感其志迎輓歸與
大治合葬焉烈女之兄諸生萬選詒予書以舊史氏爲
立傳

贊曰於戲陳氏所爲雖嫁殤非古然能爲人所不能難
哉予所知葑門程樹妖所聘婦宋歸夫家守節何吳郡
多奇女哉遂其志而生違其志而死不幸而以負著同
也若陳氏不幸中滋不幸焉吳俗好遊春秋令辰羣觀
敗刻飾輿舸紛錯於香涇花聖閭粲如雲茶或學工琴
奕筦弦備豪貴姬姜之聘風抑靡矣其大家循門內之
遺訓故守禮法

聖朝歲旌貞節故閨壺之內感激慕義者多也若陳氏
豈惟被王化習家教使然良繇稟於性者烈故矢於志
也決

林贈君傳

吾郡有不仕而不翅仕者曰林先生澤及於世而
天子榮之夫澤及於世而

天子榮之仕者且猶難之則雖不仕勝仕矣先生名企
俊字宮聲先世自閩遷華亭高曾祖太僕公景賜龍安
公有麟父子爲明名宦先生一經傳家其學不專溺章
句凡朝章邦典風土險夷民俗利害河漕鹽屯兵農律

唐堂集

卷十五

六

法靡不燭照困積有叩輒應學使者試而奇之拔入府
翼第一以冠六學時年三十矣旣懷抱經世才念未通
籍未由行其道於君民而封疆大府爭禮幣招之遂出
而遊諸侯間行李所駐務大裨於其政事土地人民俾
其主人必騰賢聲於四境之內其跡徧四方唯蜀未至
至老然後不復出其在幕府章奏文告之辭帷幄咨誨
之謀不私紀載又不以語人利濟一世而已若無與者
太僕仕於朝龍安仕於郡而人知其政先生不仕而督
撫之政皆其政也而人不知也其爲人孝慈好行義遇
家忌日孺慕如生壯喪耦終不繼室太僕所置贍族田

祀田各畝三百閱數世存無幾寸積而寢復之族子弟之貧無力者爲之昏延師而教之葬其從伯叔父凡八喪其師吳騏處士無後其卒也葬之細林山奉主於點易臺而買田歸道院以供祀事其先人嘗貸山陰徐某金未償而徐死無子人無知者徐嫗年八十餘依其寡女貧甚先生徧訪得之親造其廬而倍償之母女感泣失聲待人篤誠無面背訓家以禮著四禮雜式及詩文集藏於家子令愉先卒令旭仕翰林院編修嘗請急歸省

世宗特賜人復內府紬以優老人其榮如此壽至八十

唐堂集

卷十五

七

二終乾隆初贈如其子官

論曰予交太史知先生學問行誼傳著其大者他善事見家乘不遑載也太史稟庭訓於夙今且宣力國家杼前人未竟之用諸孫翼翼德壻最少舉京闈賈夫天之報施非此其身在其子孫矣

黃貞婦傳

黃貞婦程氏字明姑休寧山斗人父國子生鳴周僑嘉善遂家焉少端慧能悅祖父母父母心十二喪母陳能盡哀禮有四弟二妹俱幼父娶繼室徐長明姑三歲父能事徐如陳父愛逾甚逸佳壻得同邑黃智林字之智

林聰穎勤讀父舜民善教子既納徵而病歿明姑聞訃慟絕而蘇請於父欲奔夫喪不則請死祖母朱百計慰勸許成其志年尙小且緩母急乃涕泣奉命屏華飾以素繩約髮無何鳴周歿尤致哀每哭已若有思者祖母疑其急欲遂前志也明姑曰兒不死矣亦不遽行矣吾父歿而吾死祖母老孰奉母少孰助弟妹幼孰撫舅年方強未有子行可緩也遂與繼母理家政有法夜禱於天祝舅生子聞連舉二子而喜蓋在室又十八年弟婚妹嫁矣而後請於祖母朱母徐曰爲女畢矣願歸夫家爲婦且舅六十生辰子婦上壽不可關許之遂行於是

唐堂集

卷十五

八

明姑之年三十有三矣既至贅見舅姑如禮既而操井臼奉甘脆內外井井當是時舜民夫婦忘智林之不存也而明姑每寢息淚霑衾枕慮傷舅姑心則起而愉色自若凡四載舜民歿倉卒大事明姑謂其姑曰兩叔幼新婦責也婦代吾夫非代兩叔也出貲營殯殮無闕禮智林之母朱舜民元配也前卒葬故鄉之古林明姑欲歸舅櫬與前姑同穴而不知道里昇葬之費無可與謀者會前姑之弟自故鄉至老成明練人也遂請見問可否曰可需費幾何曰如干遂質簪珥得金稟於姑而託之前姑之弟亟稱甥婦賢遂合葬兩鄉之人亦爭誦黃

家婦賢也兩叔既娶婦各以前費償寡嫂事嫂如兄明姑待兩叔有禮得繼姑歡妯娌親睦乾隆四年卒年五十九立叔之子爲後先是詔旌貞節里人欲舉明姑以應固辭語其弟曰若我所爲分也命也而敢以邀譽且母徐適吾父一年而寡守節四十餘年尙未旌乃先及我汝亟爲我辭

史官曰悲夫明姑十六而稱未亡人於智林逾三十而歸其家以婦代子慶生葬死爲殘婦以老可不謂矢志不渝恒其德貞吉者哉智林吾宗先祖母嫡母皆山斗程傳貞婦以彰世教亦邦家之光矣

唐堂集卷十六

華亭 黃之雋 石牧

論

荀卿言性惡論

荀卿言性惡非通論也爲戰國之人言之也夫性惡者非性之惡也教不厚學不深習與惡染也性不可見視其所爲所爲既惡一成不變故曰少成若天性又曰習與性成夫如是雖謂之性惡其亦未嘗不可矣上古猛榛角力食肉男女擾雜人如禽獸羲炎軒耆舜禹氏作而民丕變豈太上之人性惡而中古之人性善歟教與否異也然而蚩尤驩兜廉來之屬錯出其間膏聖人之鉄鉞者豈蚩驩輩之性惡而餘人之性善歟學與否異也夫天有常有變當其常則天有權能以善爲號令而持以予人當其變則天無權雖欲以善予人而亦隨人之所取聽其自爲故天命之說至戰國衰世而窮予見夫相謝侮者輒曰爾善人善人云者猶言無用之物耳而黃乳之子類卽桀黠機詐父兄稱之曰能若是而任其所之不爲之閑是亦可謂率性也如是而欲不惡則不可得也幸而聖人在上賢者在位教之以詩書禮義俾學於善則有之矣故善者教與學以入之而後能者

也荀曰偽則非也教不厚而學不深故惡荀曰性則非也是故欲全其性於人專責而天不可恃

李翱言復性論

孟子曰口之於味耳之於聲目之於色鼻之於臭四肢之於安佚性也是以情釋性也宋儒區爲氣質之性理義之性其實理義者所以善其氣質者也氣質稟於天理義成於人李翱曰情者性之動水汨於沙而清者渾火鬱於煙而明者昏性動於情而善者惡情者妄也邪也欲滅情以復性其說本於劉晝吾謂歸惡於情可也離情於性不可也夫性之情如水之波如火之光非沙

唐堂集

卷十六論

二

與煙之謂也水濁則波不清火暗則光不明性惡則情不善目欲視邪色耳欲聽淫聲順之則喜逆之則怒哀則傷樂則淫如是者謂之常情翱所謂妄且邪者也若夫千古忠孝義烈之事亦皆發於情也而翱概以爲情者妄且邪是固有慨於後世之人情妄邪者衆也而又護其性之說於是歸善於性而歸惡於情強離之而使二情之爲言實也情則無僞無偽則邪乃真邪妄乃真妄率其性而無一毫之虛假也翱之言曰情不自情因性而情性不自性因情以明而奈何又離而二之嗟乎人情之變也巧歷不能計靈鬼不能測禹鼎不能鑄秦

鏡不能鑒藉非純任氣質而不濯磨以理義何猖狂縱恣一至於此既爲豺虎必嗜殺既爲鵠鵠必好淫既爲雀鼠必貪竊天之賦性使然而動於情者也雖教之使學爲不殺不淫不竊而不可得人之所以異於是者可教之以學於善也翱不曰不教不學以喪其性而曰情惑其性情滅而性復夫聖賢曷嘗無情哉商書曰維皇降衷下民厥有恒性恒者常也大雅曰民之秉彝好是懿德彝者常也聖賢道其常性之惡情之妄且邪荀李言其變也

姜伯約論

唐堂集

卷十六論

三

伯約之於漢也爲功臣爲忠臣而人不特不功之已也矧臯之不特不忠之已也矧倭之臯之以伐魏也倭之以降魏也皆非也當其數伐魏也小人譙周作仇國論以諷之世遂謂以黷武啓釁亡其國嗟夫伯約內傷漢室之不振外憤篡賊之日熾上報後主之委用下感武侯之知己奮不顧私倡大義討強寇且魏方內亂廢弒相尋爽懿師昭之徒自相戕傾而吳方通好無內顧憂此千載一時也天苟祚漢伯約出師乘司馬氏之圖曹削平魏亂還弋江東漢室一統則伯約之心可以貫天地而泣鬼神也嗟夫伯約之不成豈非天哉天欲亡漢

卽不伐魏漢亦亡謂漢以伐魏亡吳豈以伐晉亡哉且夫武侯薨營中時三軍惶懼懿乘敝掩襲驅一旅以躡巴益不更舉矣賴伯約之智令楊儀反旗鳴鼓若將向懿者而懿始退避全師而還皓聞用事朝臣爭趨伯約獨諫帝斬皓有申徒嘉之風矣洎鍾鄧入寇伯約表請遣軍分護陽安關口及陰平不聽會乃從關口長驅而前艾乃從陰平行無人之地七百里入蜀假聽艾安得入艾不入蜀安得亡當是時伯約守劍閣鍾會以二十萬人攻之不克則固可爲也艾破綿竹而伯約乃帥師救之則猶可爲也孰知譙周已挾主降艾舉漢而授之

唐堂集

卷十六 論

四

於是乎不可爲矣可以死矣及帝勅使降會而又可以未死何也會與艾爭功伯約伴結會心謀使盡殺北將已因殺會坑魏軍復帝位故密啓後主云願陛下忍數日之辱臣欲使社稷危而復安日月幽而復明所謂知其不可爲而爲之者可以貫天地而泣鬼神也使其計成雖勾踐范蠡不啻不幸敗泄以身殉之嗚呼武侯伯約之死豈非天哉伯約爲人勇而有謀正不阿忠不撓武侯真知人伯約真不負知已矣或乃謂其喪師蹙境或謂其降賊貪生又最悖者謂其本魏人不宜數伐魏甚或以姜黃竝稱嗚呼以成敗論人婦孺哉

修寺論

路舒馭聞郡人欲修普照寺乃著論以爲不必修者三大意謂佛本空也而釋氏藉以蠹民曰吾言何如黃子曰唯唯否否姑與子論蠹蠹於書者曰蟬蟬也者穴簡編以藏其身肥其口而書壞則愛書者拂拭而整葺之非爲蟬計也而有似乎藏書以藏蟬蠹於樹者曰蝎蝎也者穿穴輪囷以聚族而長子孫而樹壞則愛樹者爬梳培灌焉非爲蝎計也而有似乎培樹以培蝎何也蝎不能不書居蝎不能不樹居猶之釋不能不寺居也居寺而寺壞則愛寺者傷名勝之不復懼古蹟之就湮從

唐堂集

卷十六 論

五

而修之非爲釋計也而有似乎留寺以留釋南朝諸寺歷唐宋元明以至於今誌輿地者且與山川城郭並傳而聽其壞而不修子能盡天下之寺而改爲閭閻以居農乎爲肆以居工乎爲閭閻以居商賈乎爲庠塾以居士乎不能也能盡天下之寺而築爲場圃乎鞠爲茂草乎不能也前壞而後修此壞而彼修必然之勢也子意以爲口呶而手鉢圓頂而偏衣以愚天下之人而實於佛無毫髮益於世無毫髮益然而儒者之惜聖賢以盜世名也而實於聖賢於世俱無毫髮益者豈少耶於釋乎何尤按吾郡普照寺爲晉陸機別業遺址機龍父世

食吳祿而機入臣於晉昧幾見戮然史稱其文章冠世服膺儒術勤學好禮固所謂儒者也唐乾元中卽其址爲寺一修於宋再修於明記寺者必引機以爲重入寺者顧井甃而思平原蓋見寺如見機焉匪直此而已亭林寶雲寺梁顧野王之故宅也蕭塘崇福寺宋衛湏之第也皆境內嚮微屢之使佛棲宮之使僧守而爲閭肆爲閭閻爲瓦礫區爲荒榛蔓草誰復過廢址躑躅而憑弔曰某人之園亭第宅哉顧陸子孫不能長守先人之一椽而釋氏爲之守奈何而不修韓非子之論五蠹逮於儒俠工賈而儒俠工賈不廢於世唯天地能容蠹不唐堂集

卷十六論

六

容蠹天地不大

杜伯射王於鄙論

國語神降於莘紀內史過語杜伯射王於鄙嘻曷其諄也書籍所載宣王欲殺杜伯左儒諫不聽左儒死之杜伯子隱叔奔晉如是而已韋昭註國語引周春秋宣王殺杜伯而無辜後二年王會諸侯用於圃日中杜伯起道左衣朱衣朱冠操朱弓朱矢射王中心而死夫亦或者以警誅戮之宜慎也而造爲報應之說若彭生之人豕如意之蒼犬者乎則宣王中興之賢主也杜伯賢人也鬼見白日以行弑逆有是理乎不知周春秋何書而

誣罔若此其因內史過之言而緣飾其事耶伯有爲厲殺帶殺段魏其灌嬰守殺武安皆其等儕而杜伯乃至弑君龍比不以施諸桀紂而杜伯忍爲之乎祝聃射王中肩至今以詬鄭莊而謂杜伯敢爲之乎杜伯爲之則殺有餘辜友不宜有左儒而子不宜有隱叔矣內史過招先王之過以對惠王荒怪垢污左傳削之殆盡可參而考也柳宗元非國語及房后丹朱而不及杜伯故論之

隱逸貞靖先生傳論

孝感屠公逸民傳上元朱君真隱傳皆載王先生名應唐堂集

卷十六論

七

憲字德卿上元人貞靖諡也先生孫進士元衡刻之蒿里錄中今修通志旣因二傳列之隱逸而元衡乞繫以論曰

先生隱逸者也或曰非隱逸者也先生章矣生九十年而歿歿至今二十三年間其風如生也其生也冥而不可纂潛而不可拔然州閭士暨四方往來過金陵者人人心耳中有一論道經世王先生也及其著書成而熊熊然耀其光於世而不可匿眡眡然暴於學者而不可掩雖隱乃益章夫惟先生先自章也而海內鉅公名人競起而章之且以與於章之爲榮未與於章之爲恥

是雖歿愈益章烏虜瓢水之耳蔭黃之肩裘索之身雖生如無生也夫焉能致此哉若婆娑乎儒之林翱翔乎文之苑者抑又何人也是故徒曰隱逸殆非也或曰言非者又非也隱逸先生志也且夫掘商顏之芝而食之八十餘年老矣連袂而趨漢廷與夫咽糟餘而鄰國之后聞之而欲殺者先生視五人猶蟻蠓也其行儒其言文又重之以隱非充也非通也非猶夫人之儒之文之隱也人章之耳先生豈樂章哉樂章仕矣靖節仕令貞曜仕尉而先生不仕傳隱逸成先生之志也

議

唐堂集

卷十六

八

錢法議

自九府圖法立而錢之爲用浩浩乎流通二千八百有餘年如粟帛之於身而不可一日廢錢也者寒不可裁爲衣饑不可煮爲食而飢寒之急於錢與粟帛同者何也以交易於俄頃贏縮至便也且也使鹽鹵鍼縵澡鬻之至纖且悉者必使裂尺寸之布斟勺噲之米以交易之不亦銳乎故一日無錢則窘矣大率錢貴則物賤錢賤則物貴今京師之錢極貴矣而百物又貴然富人需物而儲之朱提一售百物可一朝備錢雖貴富人不貴也貧人日用必需錢而錢貴則錢不易得物貴則出錢

以易物而物又不易得是故貧人重困也昔者單子有母子相權之說以重錢爲母輕錢爲子今則銀爲母而錢爲子矣何也銀與錢雖互相易然必有銀而後可以生錢故曰母必有錢而後可以養銀故曰子使銀無銖兩雖市有萬緡皆他人子於我不親也今之 功令曰銀一兩易大錢千此之謂平價然前歲銀一兩易錢九百二十舊歲減至八百七百今增僅八百五十錢日昂而不復平者何哉錢少故也市賈以重價買錢所以牟利也欲使其買重而賣輕雖法亦無如之何矣富貴之家貫朽山積不以布散民間使其流通而徒責輕價於

唐堂集

卷十六

九

市雖法亦無如之何矣且夫錢之所以少也銅少故也然而天下之銅歲輸於寶源寶泉二局而銅日少何耶人情作奸滋偽煨錢爲器也大率大錢千重九斤錢九斤直銀一兩使煨九斤之錢而爲銅以鑄他器則直銀且倍是泉源二局日鑄錢而奸匠日鑄器以鑄器分鑄錢而銅安得不少哉至若採銅之工買銅之吏解銅收銅之官以及藏銅之家販銅之賈各弊叢滋而銅又安得不貴懲奸杜弊而後銅可多銅多而錢多錢多而錢之價可平錢價平而後貧民可活今京師錢數以小錢爲準以大錢一當二幾於絕環鵝眼公然並行變見粵

中所用錢纖薄累百僅寸許與古錢雜用而其俗行之夫郡縣不同市肆異用賈子所不取也

今天子新卽位卽諭農部平錢價以便民鑄雍正錢與康熙錢參用輪廓肉好錢文畫一薄小雜錢不禁自止且於產銅處諭大吏設爐鼓鑄所以多其錢而審其源誠又杜遏奸弊以廣其流而錢法善矣謹議

說

顏闕說

顏闕晚食安步之說類有道之士使困於衣食奔走者能體而行之如之何衣食能困人耶夫人志於安飽者

唐堂集

卷十六 說

十

必役於安飽故不得則滋戚得之則不知足於是役役焉求之無日而快彼其求之不足於外以其道之不足於中也有人於此夜雪大寒爐無炭樽無酒噤瘁不寐乃啓戶裸立於庭則凍甚於是入門焉而雪不霑體則如衣一裘焉及其垂薄帷覆敝衾則如襲一裘焉又有人於此當大暑之夕宿旅舍張帷設簟搖扇益苦熱不能寐聞有坐於牖下者方左右手拍蚊俄而聞其軒則嘆曰嘻我猶不足乎遂熟寐於是旦而問牖下之人曰子何以寐而不苦熱乎曰予念此時之陷縲絏者幸少勝之是以泰然而寐也由二說者亦深乎晚食安步之

術者也可與進道矣

屈原說

屈原似伯夷夷死餓屈死沈雖然吾疑屈子未必沈也既遭放逐不復振舉沈淪飄蕩飲恨而死於汨羅之間既死人悲其忠誦其文曰願依彭咸之遺則曰吾將從彭咸之所居曰思彭咸之故也曰指彭咸以爲儀曰臨沅湘之元淵兮遂自忍而沈流曰不畢辭以赴淵兮曰凌大波而流風兮託彭咸之所居曰浮江淮而入海兮從子胥而自適望大河之洲渚兮悲申徒之抗迹曰寧赴湘流葬於江魚腹中重見疊出遂遙揣之謂必沈淵

唐堂集

卷十六 說

十一

而死矣轉相傳述以爲恨事至漢賈生遂投書弔之曰側聞屈原兮自沈汨羅史公遂從而傳之曰懷石投汨羅而死又曰觀屈原所自沈淵千載下未有不信賈馬者謂其時近稱述必確不知宋玉親受業其門於其死也親爲文以招其魂果沈淵乎必反覆痛陳其事唯亂章曰湛湛江水兮上有楓魂兮歸來哀江南則其死於汨羅可知也其辭上天下地東西南北靡所不招絕無一言招及於水則其不死於沈可知也注乃謂招魂作於屈子被放時哀憐厥命將落欲以延其年壽夫魂雖人之陽氣易曰游魂爲變季札曰魂氣則無不之周禮

夏采注曰復謂招魂也則招魂之禮爲死者設明矣未
有當其師之生存且欲延其年而豫行死者之事者也
是猶淮南招隱篇意者王好仙術賦此以招山澤之癯
而注乃謂招屈原不於江招而於山招未死而曰魂既
死而曰隱騷人雖詭奇當不如此比干不言願死於刃
申生不言願死於綏介之推不言願死於焚子路不言
願死於醢而屈子乃若匹夫匹婦挾其讎怨屢言死以
怖人終莫之顧遂憤決以踐言之所爲耶後人又以招
魂屈原作謂自招其魂如陶潛之自祭則更宜指切賦
水乃翻不若他篇之津津於彭咸申徒者然則謂屈子

唐堂集

卷十六 說

主

死於汨羅是矣而不必其沈也魯論伯夷餓於首陽不
言餓死殆兄弟讓國之時偶遯而餓耳故與齊景相提
並論自列子曰餓死於首陽而史公亦從而傳之俱未
可信西山一歌其啓騷之音者乎故曰屈原似伯夷

明堂五室九室說

并圖注

明堂在國之陽丙巳之方蓋屋以茅四闔八窗上圓下
方王者所以嚴父配天祀五帝布政朝諸侯者也始黃
帝及唐虞三代至周而制大備暴秦蔑棄古禮漢遂不
詳其制據考工記言五室大戴禮言九室後因聚訟不
決三輔黃圖云九室象陽數五室象五行皆無明文先

儒以意釋之蓋漢時已云然矣鄭元主五室而北魏袁
翻賈思伯李謐隋牛弘宇文愷唐柳宣等從之蔡邕主
九室而東漢北周唐于志寧孔志約依之宋朱子亦謂
衍并田九區之意予謂五室言其大者九室言其全非
二也按明堂正東爲木室卽青陽太廟祀青帝正南爲
火室卽明堂太廟正西金室正北水室卽總章元堂太
廟各祀其色之帝而中央爲土室卽太室祀黃帝東之
南爲青陽右个南之東爲明堂左个東南隅同一室也
而分東之北爲青陽左个北之東爲元堂右个東北隅
同一室也而分元堂左个與總章右个同在西北隅之

唐堂集

卷十六 說

主

室總章左个與明堂右个同在西南隅之室也而分天
子每仲月居四面正室每孟月居左个季月居右个左
右者在正室之左正室之右也若處其隅之室之中向
隅而立則所謂左个實隅室之右半右个實隅室之左
半故雖有十二位不得言十二室止可言九室也然東
之南與東之北俱東也雖分左右个俱青陽也則俱爲
木室也則謂之一室可南西與北亦然則南西與北各
一室并中央一室故考工記曰五室也然東之南與南
之東實自爲一室東之北與北之東自爲一室餘兩隅
亦然則正方四室之外又有四隅之四室并中央一室

故大戴禮曰九室也至漢公玉帶上黃帝明堂圖一殿無四壁上有樓曰昆侖唐太宗時豆盧寬劉伯莊議從昆侖上層祭天下層布政魏徵亦云此又一制也宋孝武帝時欲建明堂右司引晉裴頠之議直爲殿以崇祀而盡除戶牖等制從之此又一制也梁制明堂十二間俱南向陳如之此又一制也宋仁宗時依顏師古明堂卽天子路寢之說以大慶殿爲明堂中設五幔室以祀五帝用青繪幕之而飾四戶八牖以朱白繪此又一制也皆破決周制不可爲法若蔡邕謂明堂清廟辟雍太學異名而實一殊謬而王莽武墨蔡京所造尤非古竊

唐堂集

卷十六

古

充朱子意爲圖并注於左方

朱子謂仿井田者以此有方者九區中有井字樣也月令名之曰个者以四隅各一室爲兩位顧夢麟所謂四角方處有一斜線中狹外濶狀如个字也考工記言五室者止就四正面并中央言之而不及其隅隅可以略也鄭註謂東北木室東南火室西南金室西北水者謬東北木兼水何可專祀木帝東南火兼木獨不可祀木帝乎既兼木又何可專祀火帝乎餘亦然言其隅而反遺其正無是理也戴德言九室者正朱子所謂井田制同也舉其

正不略其隅也予故曰五室九室非二也或曰北魏李冲所造明堂三三相重合爲房室爲後人所議唐閻立德亦云五室似明九室似闇所謂三三相重者正類此圖不虞闇乎予曰此舉其大段間架非必連檐接宇也門庭戶牖何不可施

化石說

南中有探石者石陷墮石中日嗽石膏幸不死數年後又有探石者至見之引出體漸堅見風化爲石伊川論氣化而及之曰此無足怪蓋有是理黃子曰旨哉言乎天地之化以化爲其道至於不可思議故曰化工凡所

唐堂集

卷十六

五

化者氣也所以化者理也褒君爲龍以亡周陳倉童子爲雉以興秦禍福之理左慈爲羊趨避之理彭生爲豕如意爲蒼犬報復之理周爲蝶璞爲蠶夢寐之理預爲蛇醉飽失度之理齊女爲蟬蜀帝女娃伯奇之爲鳥哀怨之理哀爲虎令威爲鶴疾病死亡之理鯨爲黃熊而入淵水土之理漢豫章男子爲女晉安豐女子爲男消長之理圯上老人爲黃石剛柔動靜之理若此類思者矜爲怪異變幻之事智者又以紀載爲虛妄不足信屈子曰一陰兮一陽衆莫知兮余所爲二氣之所感宇宙之大何所不可化同理之常至庸而無奇也理一而氣

殊氣變而理不變故明理則不惑

春秋列國說

春秋之國百十四見經者七十五國依經而次之曰魯

侯爵曰邾曹姓本附庸進爵曰鄭姬姓伯爵曰宋公爵曰宿

男爵曰莒已姓子爵曰向姜姓小國曰極附庸曰紀姜姓侯爵曰衛

伯爵曰齊姜姓曰杞姁姓侯爵曰宋公爵曰滕姬姓侯爵曰曹

王爵曰陳妫姓曰蔡蔡姓侯爵曰許姜姓公曰州姜姓都亭于公與桓

天子曰戴侯爵曰薛侯爵曰許姜姓公曰州姜姓都亭于公與桓

十一一年傳隨殺州夢曰曹姬姓伯爵曰穀伯爵曰鄧曼姓侯爵曰蕭

唐堂集 卷十六 說

曰徐子爵曰邢姬姓侯爵曰陽姬姓侯爵曰楚羊姓子爵本荆國曰虞

姬姓曰晉侯爵曰江書侯爵曰陽姬姓侯爵曰楚羊姓子爵本荆國曰虞

曰小邾曹姓本附庸進爵曰鄆姬姓侯爵曰秦伯爵曰英氏國楚與曰項

梁姬姓伯爵後漢曰鄆姬姓侯爵曰秦伯爵曰英氏國楚與曰項

曰六書註僂姓曰麋侯爵曰巢吳楚間曰巴姬姓小國曰庸小國

曰崇泰與曰邾已姓子爵曰萊子爵曰舒麥杜註二國名曰庸小國

此年傳楚滅麥曰吳姬姓子爵曰鄆附庸曰舒庸姓曰偃

陽姬姓子爵曰舒庸姓曰偃庸姓曰胡子爵曰賴子爵曰偃庸姓

曰越姬姓曰邾姬姓凡國皆據杜預註其授受有自且證以

其地唯曰於餘邱杜註國名而公羊曰邾杜註國而公穀

謂紀曰根牟杜註東夷國而曰邾杜註國而公穀

不以爲國其去春秋近不得據杜而國之也若謂不繫

以國知其爲國非邑則下陽號邑州來楚邑亦不繫以

國而不得以爲國而非邑也其曰祭杜註祭國伯爵諸

謂天子曰凡杜註凡國伯爵周卿士曰毛杜註毛國伯

卿士大夫曰凡杜註凡國伯爵周卿士曰毛杜註毛國伯

卿士大夫曰凡杜註凡國伯爵周卿士曰毛杜註毛國伯

唐堂集 卷十六 說

國依傳而次之曰申姬姓侯爵曰夷姬姓侯爵曰魯姬姓侯爵

地晉武公伐夷執夷姬姓侯爵曰號姬姓侯爵曰魯姬姓侯爵

芮姬姓侯爵曰魏姬姓侯爵曰荀姬姓侯爵曰賈姬姓侯爵曰貳姬姓侯爵曰軫姬姓侯爵曰鄭

有女生子文棄諸夢中夢在江夏縣縣則即鄭

曰紱姬姓侯爵曰曹姬姓侯爵曰邾姬姓侯爵曰羅姬姓侯爵曰權姬姓侯爵曰耿

曰霍姬姓侯爵曰冀姬姓侯爵曰道姬姓侯爵曰栢姬姓侯爵曰任姬姓侯爵曰羅姬姓侯爵曰權姬姓侯爵曰耿

曰唐姬姓侯爵曰房姬姓侯爵曰黎姬姓侯爵曰鍾姬姓侯爵曰宗姬姓侯爵曰宗姬姓侯爵

夷戎狄之見經傳者杜註稱種而其可以國稱者九曰

潞氏姬姓侯爵曰鄭姬姓侯爵曰鄭姬姓侯爵曰鄭姬姓侯爵曰鄭姬姓侯爵

曰驪戎姓男爵前漢書注驪邑故驪戎國曰陸渾允姓戎即陸戎曰濮南蠻國注驪邑故驪戎國曰鮮虞白狄即中山國語注鮮虞姓後曰鼓白狄後漢注鮮虞國志鮮虞故國子姓曰楚越皆賢者後而蠻夷之者不以其君以其子國吳楚越皆賢者後而蠻夷之者不以其君以其子國也封朝至僭稱王而後乃蠻夷矣而春秋國之則路以下之居中國有氏號者可以不國之乎至若曰戎氏戎別種曰犬戎西戎別種曰山戎即北戎曰姜戎姜姓戎別種曰淮夷曰狄國語注曰白狄狄別種曰赤狄曰皇落氏赤狄別種曰麇咎如麇姓赤狄別種曰甲氏曰留吁皆赤狄別種皆以種類不可以稱國故曰春秋之國百十四也嗟夫周初列國

唐堂集 卷十六 九

若詩書春秋傳所載即鄭樵韓愈盧彭蜀范彭彭畢呂不見於春秋之世者多矣僅存此也而又滅亡幾半

宿州紀梁譚遂陽宋項郡鄭舒溫徐許沈曹耿霍魏

虞蕭舒參舒庸舒鳩唐頓

胡蕭雍衛陳蔡滅而復存

晉楚滅國尤多霸國恃力改

封建以爲邑周室班爵祿之制蕩焉不待戰國暨秦之

世矣是故皇帝王相生也霸寇王也晉書地理志稱春

秋百七十國但據左傳文所有虞夏商之國若前三

大彭密須之屬及周始封之國若管雍原皆列於數

非也蘇軾著圖說稱春秋百二十四國至今仍之然曰

原杜註原伯采曰韓春秋前曰焦神農後春曰揚春秋

邑杜註原伯采凡祭同春秋前曰揚春秋

滅昭二十二年傳劉曰夷杜註曰密杜註密邑周共曰

子奔揚杜註月邑曰夷杜註曰密杜註密邑周共曰

重見曰盧地名若盧之誤則前滅曰郝經傳俱無

曰奴曰葇沈如葇黃本誤之誤則前滅曰郝經傳俱無

狄戎蠻皆列於數亦非也至春秋二十國年表及列國

興廢俱以周列於數夫唯詩王風列於國風而後春秋

作也有天下之號而下同於國何以爲春秋

味經窩說

無錫秦子樹峰傳經世家也穀詒庭趨弱與壯俱養殮

六經既無以腴言飽厥味而膏梁不如於是名其室曰

味經窩而宿儒老生之文其旨者備矣予不知味烏乎

唐堂集 卷十六 九

言竊謂若水然疏而浚之通經也若土然壅而藝之治

經也若穀然饜而飫之味經也一以爲糟魄一以爲芳

潤味不味之殊也味之者靜氣歛采咀華鉤元息之深

深會之微微而口將溫之而心將營之而神將凝之其

始也戛戛乎其苦以辛也徐而有味焉津津乎其甘也

及味之而不盡焉悠悠乎在酸醎之外也冷煖自知醲

澹因時久乃大獲義理融液暢於無極其於經也若是

雖淫與癖何加焉嗜金者以穴嗜酒者以窟室必遂其

藏而後沉酣恣肆以窮其欲秦子世味一切無所嗜而

窩六經以自肥充實其腹猶若渴飢吾烏乎測之哉

撲火說

予臥室若老僧孤客無童婢伴侶牀前三四武屏以二架圖書充牣溢出几案其隙劣容膝乾隆三年三月甲寅夜方就枕垂帷吹燭見跋將地坐易燭燭燄觸帷帷燎騰騰炎上幾及於承塵予亟起拉帷下兩手撲其燄滅矣餘燼未熄又撲之幸無事然手受傷右四指尤焦黑俄而節間墳起鼠膏塗之久而始瘳嘻是夕也轉敗功於呼吸之間危矣哉抑幸其捷也夫學者私慾忽熾於中因循不治禍患之延不可測究矣大奮厥勇克而去之務使淨盡而後心君泰然是故愆尤起於無心而唐堂集

卷十六

子

唐堂集卷十七

華亭 黃之雋 石牧

雜著一

謝巧文 有序

柳子厚有乞巧文予仿其意託爲天孫答詞作謝巧以相當文則不如所以發憤懣愁或不異焉

歲辛在未日與月加七之夕矣祈巧於家杵存虛果盎設無瓜黃子再拜臣拙於祈禮畧心虔諒而賜之天孫哈然而笑曰巧所從錫相彼巧機或窒厥機下愚不移則日裁巧以作糯烹巧以爲飴爾噉爾齏亦無所用之唐堂集

卷十七

雜著一

爾爾齒動唇觸嫌蹈忌蹇澀作羞羸疎名恚雖欲簧換爾舌鼓易爾輔頰爾終吃吃妙聲不發爾修容澡面懣駭蔽視行踞坐危人見輒倦雖欲翦水於爾腫曉玉於爾顙爾終起起若灰死木枯爾造文字悶濤險怪棘目蜚吻絕少祥瑞此深中腸胃雖萬筆花亦何濟爾營世事顛倒終始步步頓踣適履截趾若渾沌傀儡雖日鑿一竅亦何恃所謂巧者巧者乞之乞之以抑大非所宜且吾聞拜璞以勾玉揖蟀以求珠今子欲祈巧而不於巧祈昔者巴有寡婦清巧於積金出沒丹穴以利衛身莫饗於羸賓而不侵今在天爲饒星子祈得其巧足使

扶緒溢簾不至如今日粟不給餅齊有鍾離素巧於顯
身柔舌一掉遽耦大君黷顏施施位壓千嬪今在天爲
榮星子祈得其巧足使脛翔皇庭不至如今日螻伏不
伸陳有夏株林巧於合人莫逃匪親苟秀蘭芬具悅於
魂今在天爲諧星子祈之能使汝雲集嚶鳴何至如今
日涼涼子形漢有呂娥姁巧於運謨駕英馭雄濶步高
野羣猛馴伏帖帖若治魚今在天爲能星子祈之能使
汝百圖百成何至如今日跛攀敲傾懷飢不興子乃不
此之祈誤於予祈予拙之尤曷嘗巧爲維拙之故藝守
一機促織絡緯蠹蟲是師維拙之故七駕而疲報章不

唐堂集

卷十七 雜著一

二

成東人誚譏維拙之故不貴其瑁委於寒流作犢兒配
維拙之故不密於會一水離之相望卒歲今者子既缺
巧予又盈拙孰若剖吾之出盆子之入賜爾以頑癡昏
愚侗倥鈍訥俾與化俱冥不破於物黃子乃再拜領納
兀兀失失掃拌漑盎以貯新拙

檄勾龍文

月日先嗇檄告勾龍氏惟予日兢兢水旱蠡蝗是憂思
除其苗底其豐以保佑我農人乃黃某學爲稼穡墾阪
田而藝之菽不爲不劬矣然是菽也甫出土則兔齧其
首豈然既揚起牛羊沐其枝穫有日矣人竊其三之一

之田也之菽也三更厄而竊爲甚若水旱苗一國蠡蝗
苗一方則毗必零榮禴理以責望予與爾予與爾亦豈
能晏然將盡心驅除用捄厥苗彼竊者一家之水旱一
夫之蠡蝗也爾司土奈何自擊焉而勿之譏察者豈彼
竊菽者有道邪世或有有道而竊者雖竊菽可也以菽
予竊猶愈於納賕於長吏飽橐於奸胥苞苴於薦紳輦
輸於豪右赦勿問可也如其無道雖不竊菽猶必誅况
竊菽也如女妓則投諸洞如無支祈則沈諸河如蠹賊
螟螣則燔諸火檄到如律令

擬弔古戰場文

唐堂集

卷十七 雜著一

三

計世歷年經途積千爲陵爲谷不山不川嗚呼此古戰
塲之遺蹟而唐李華過之而泣然者也憑高望遠惻愴
平原雲黃漏日草白屯煙竊不勝其俛仰爰紹昔以有
言悲夫軒蚩角血禹苗擊革秉鉞斬苞漂杵攻北五帝
三王以戰則克至於晉帥尸殺秦軍坑趙塗百姓膏鹽
六王腦水溢赤潘苔縈露藁食韓魏之叱蛇鬪燕齊
之道政蠶乍飽涉狐又啼暗鳴重瞳擊邯而西船漂饒
碎割人如雞楚歌喪楚武皇黷武卯金移新白水討莽
無霸偉軀君章短股揮戈則脰脫集矢而骨腐旣而炎
燼鼎據羣角闐崩祁山輻裂赤壁燄騰絕險而登劍閣

平塹而下石城繼以五種剖華糾紛十六島索代與彼
粗此肉繕甲冑爲蠶桑飢戈鉞於口腹靡勿血赭其疆
骸量於谷指掬南川身橫北陸隋鹿賊走太原逐之秋
風揚沙聖人髮肌汾陽壁壘漁陽鼓鞞黑雲壓土紅冰
寒衣蕭條五季靡盬不聞亦有女蒙磨刀務宋元明之
交萬肉遭痛影目病虎醺人鐵甕流冠飄忽兵不停弄
玉石俱焚河山若夢嗚呼治亂環循輪贏豎賭故壘遺
營十地而五當夫彼幟火紅此旌茶白填鼓雷轟競笳
烽逼撞戟逆煙關弓震霹若刈麻管提頭互擲死旣魂
孤生猶創百敗固流膏勝仍墮魄烏蟾駭而不行風雲

唐堂集

卷十七 雜著一

四

憤其樹敵春韶黜其就衰秋雯冥以失色大軍旣散留
此荒原國殤鬼雄白日聚喧鵲號野曉狸嘯寒昏青燐
爛兮照有光碧血凝兮滲有痕嘶喘喘兮驚馬泣腥蠢
蠢兮飢貉吞蟲沙蠕蠕兮土焉蝕風鶴若若兮人無言
嗟腸酸而吻苦曾不可乎殫論且夫兵凶戰危古之所
禁方齊比疾子之所慎一人端拱羣牧撫鎮字民如兒
選良而進唯知衽席不知行陣舞羽有焉交綏亦僅不
戰之煩奚場之恨如我

皇清奠鼎略借兵威鉏張芟李牛放馬歸苦鏞銛劍塵
封鐵衣蜀滇竊鼠聞粵突豨桂璠踵斃耿尙魂飛戰勝

之地罔不耕穡人稠煙密田腴稻肥有登眺之樂無憑
弔之悲豈非太平之極盛而安用尋彼古蹟爲

奏彈彭琚兄弟文

竈神臣蘓吉利稽首言臣聞賞罰由公夏商之直毀譽
海至阿墨無枉王伯執矩尙使譖愬不行吳穹降鑒豈
容魑魅肆喙故殃祥似其善否吉凶肖其惠逆上帝陞
下所以爲萬靈主宰俾羣生得所也臣吉利頓首頓首
臣雖備位東廚不司彈劾然人間幽隱分宜糾察每以
月晦上詣天曹獲從末班白奏善惡職分攸係殫信竭
誠不敢纖毫假借意爲彰匿竊見彭琚彭璜彭璣兄弟

唐堂集

卷十七 雜著一

五

號爲三尸伏處人身分據要害蠢爾微蟲忝竊神號利
人之死得爲列鬼以饗飲食故於庚申朔望背臣耳目
輒至天庭言人罪過覲奪紀算今有士人某者賦姿愚
拙非有巨慝從公議罪按實懲非不過傲骨尙存綺語
勿去妄念時動狂態或萌至若立心慈厚與人溫訥文
章刻苦蹈履謹慎天之報施宜從寬典乃琚等極其媒
孽視若寇讎讒言三至謗書一篋致陛下震怒降之百
殃蕩其遺業耗其日用圖奮輒蹴求全必毀張儀之舌
幾於不存卞和之足無從加刑年逾三十而雙鬢遽宣
家無斗筭而八口同餒與物無忤而見者生憎與世鮮

仇而人皆欲殺衆苦戕其命百罹萃其躬是豈昊天報
應之獨苛良由尸神詆毀之太力利其困憊幸其憂危
歟毒過於含沙羅織甚於貝錦瑯瑯即主臣謹按上
尸神彭瑀中尸神彭瓚下尸神彭璣顛倒是非變亂黑
白虐人利己障日欺天使善惡之報若無天地之憾猶
有劉根之誅未殲其類宗元之罵不盡其辜樊棘安容
豺虎不食若從寬貸任其作姦必使會稽老死於採樵
曲逆終身於食覈牛衣有畢命之子蒯緱無吐氣之人
反令造化招疑穹蒼集怨臣謹劾奏請以見事削瑀等
兄弟所竊神號收付地獄治罪未末消滅不得復到人
唐堂集 卷十七 雜著一 六

身善惡申報委臣專責臣吉利誠惶誠恐以聞

戲代文房四子解別箋

門下士某某等致書某足下僕聞協力而効能者酬知
之義也相時而見幾者自量之智也竊忖先世累有微
勞爵爲公侯兼列州郡施及後裔厠位菰林自分薄德
纖長晦姿鈍質謬荷提挈左右不離退伏思惟踴躍感
激贊襄詩書之固奔走典墳之場謂可罄其素忱殫其
元覽不辭磨澁一任指揮曷敢畏勞卽逸相率遐引奈
何身抱其材而乃遇違其用豈諒文士塗抹顛倒冬烘
主司丹鉛混雜長吏任意而批判害人奸胥舞文而刀

筆肆攸自號通儒騷客玷瀝爲尤豈真名書法書染汚
已甚村塾學究朱墨不分市井小人黑白無辨徒使災
殃蘭兔消耗松石屈辱於鄙夫之案淪沒於庸人之腕
而猶有靦面目忝竊雅流是滓穢之罰無所追而勿比
之罪所必加是願度之高閣投諸閒散待班揚操簡歐
陸衡文蕭曹判事房魏執牘鍾王揮翰馬鄭傳經然後
出而効力欬不朽之盛事勦古今之鴻業此時若有依
違退避匿瑜見瑕臂指不從其效役使不順其心則甘
卽厚誅毀裂擲棄以彰廢物若仍待沒字之碑伴一丁
之目腹負者牽掣肉食者把持永遭沉埋末由洗拭則
唐堂集 卷十七 雜著一 七

僕等寧黥剡溪之面髡中山之首糜身易水粉骨銅臺
不能與俗作緣逢人與比謹白

書二女殺三盜

康熙歲丁亥戊子間大無海濱饑民之黠者相聚爲盜
夜入人室其游手惰民卽因以盜人婦女而華亭東鄉
民高英之妻與女遂以殺盜著高英者田舍翁也繼室
年甚少前妻之女十七歲女之弟七歲其居所謂一家
卹也一日英他出女礪刀割草以飢牛戲謂其母曰吾
礪刀豈唯割草哉雖殺人可立斷也母怪之是夕盜果
至則縛炬持械既闔中門入矣女亟呼其母曰盜至矣

勉共殺盜與其汙盜手寧盜汙吾刀又呼其弟曰無恐當挑燈使常炯炯照殺盜乃手持判草刀母荷鉏盜已入臥室外複道矣道甚狹則一盜持斧先驅與女遇見手中燿然者刀也遽揮斧誤著柱未拔女遽以刀削其頰盜應手死一盜趣入救之挺槍前刺女其母從旁奮鉏擊盜鉏脫急持禾叉迎盜槍長而又短母既逼近盜直刺其胷出於背著壁猶連堪之當是時復有一盜來奪女手中刀相持久刀柄砉然脫刀在盜手柄在女手然盜以奪刀傷指流血而女急投刀柄拔前柱上斧斫盜母亦棄中叉盜助女殺奪刀盜斃之於是羣盜後入

唐堂集

卷十七 雜著一

八

者度不利負三尸遁去而女顧其弟猶手顫挑燈不置也明日視室外血汙地得所削頰於戶樞之下云英鄉人也歸而懼秘勿言後餘盜事發吏跡英家叩所以其事始著嗚呼可不謂負且勇乎

書郭道士祈雨

康熙丁亥歲夏浙江旱巡撫都御史王然帥官吏設壇江口禱雨名諸術者禱皆不雨有爲匿名書投轅門言某鄉道士郭某善禱雨巡撫卽檄下杭州知府張恕可名之知府使知事徐士禮召之知事夜至鄉問其鄰鄰曰郭某與妻子家居不聞其有術也豈仇者思敗之耶

然亦不聞其有仇也知事懼其逸乃晨叩門道士出時卽鄙人耳惶恐不知所爲知事傳巡撫知府命好語慰之且問其術道士曰某固無術嚮者居某山有虎某妄畫符禁虎虎不至偶幸中耳實無術禱雨也知事心易之姑與同載教以小民見長吏禮既至拜知府於庭府觀其狀貌嫚罵曰殍夫耳安濟欲遣去然業已召致姑送轅門道士見巡撫如拜知府巡撫曰無拜君禱雨而雨至余且拜勞君君無拜遂進而訊所以禱雨狀道士曰小民固無禱雨術也奉命以來唯辦一誠耳巡撫亦知其無能姑試之期以七日於是登壇誦經知事主之

唐堂集

卷十七 雜著一

九

至三日不雨知事憐其鄙人無知識欲諷使返曰三日矣奈何道士曰蒼天高不鑒我螻蟻願絕食以身殉遂不食至五日又不雨道士故尪羸誦經跪拜五晝夜勺水不入口兩晝夜則奄奄氣息僅屬知事憐之勸使食道士曰蒼天高不鑒我螻蟻公幸賜我快翦刀明日不雨翦我臂肉焚之以告天卒不食知事竊笑哀之還報府府復嫚罵曰肉臊且棄天天不愈靳雨耶戒勿與翦刀然而明日午雨矣道士始食明日又大雨雨足巡撫賞之白金道士不受去當是時予遊杭之下邑聞祈雨不聞道士事歲庚寅與徐知事同舟入都始爲予言如

士之名今忘之曩予嘗聞廣東旱矣東撫藩臬以雨不應有浮屠大汕者榜其門曰老僧有風雲雷雨出賣當事驚禮致之果雨大汕以是名聞百粵安南國王阮某厚幣招往饋珍寶無算至以黃金填寺額或夸誕而名著或朴鄙而名隱然郭道士無名之名高矣

書孫延齡事

孫延齡者定南孔壯武王之女夫也順治七年十一月王定西粵鎮桂林九年六月僞王李定國自滇來寇驅衆攻城城陷王率妻子自焚死一女嗣貞年十二乳嫗挈之逃民間得免十年將軍線國安巡撫陳維新共逐

唐堂集

卷十七 雜著一

十

定國西粵復平嗣貞既脫難歸京師既長適孫延齡王在時所許字者也康熙三年以延齡功臣壻命爲將軍出鎮衡州六年六月移鎮桂林以王永年孟一茂戴良臣爲正副都統統旗兵屯桂林受延齡節制延齡所居定南王舊第故明靖江王府也延齡既居之意忽忽若失或頭目眩暈不視軍事學圍棋鼓琴臨池搦摹古帖挾彈丸張弩畧取魚鳥以爲樂王孟既心易延齡年少以婦貴無大材略故不屑爲之下而延齡亦驕縱數傲侮王孟遂有隙十二年二月永年尅滅軍餉爲兵校所訟延齡因言永年不法命孔氏赴京面奏而永年亦遣

人問道入京阻孔氏於河南不得進仍返粵延齡由是益憾永年時巡撫馬雄鎮具奏將軍都統互訐事

上遣大臣出勘兩造既去延齡內不自安十三年正月逆藩吳三桂反於滇延齡遂誘王孟等十二人至府盡殺之籍其家而遣人納款於三桂畜髮易冠發兵反逼巡撫以下易冠服繳符篆雄鎮自刎不死延齡收雄鎮囚之殺潯州知府劉浩富川知縣劉欽鄰平南知縣周岱生等以應三桂時提督馬雄駐柳州亦貳於三桂然奸狡持兩端延齡使人逼其易冠不從則詈之又遣其兄延基與總兵官陳全攻雄雄不爲動七月又遣總兵

唐堂集

卷十七 雜著一

十一

官縱成德攻雄爲雄所敗雄亦爲流矢中賴以是愈不睦既而延齡上表三桂稱名不臣不用其印劄自鑄印設官變置州縣視賄多者與善地兵餉不以時給軍士不服十五年軍士忿故將軍線國安舊恩欲奉線三公子爲主於是鼓譟逐延齡夫婦出府殺其兄延基於衡州而立線公子軍士謂市德於線公子而線公子約束軍士頗嚴軍士復鼓譟囚線公子而迎延齡時延齡夫婦逃匿小民孫七家軍士跡至以二輿從延齡疑其逐之不逞且加誅懼不敢出孔氏曰出亦死不出亦死乃匿延齡別室而自出見軍士曰而曹殺我夫婦易耳

不念先定南平軍士環列叩首具陳所以奉迎意孔氏察其無他呼延齡出延齡不敢坐與請以一與昇其婦而挽輿以行既入府延齡慚不能視事謂孔氏曰吾之得復也以卿故軍士念定南王威德以貴重卿卿其握權視事吾願爲閒人矣孔氏遂戎服繡帕首蟒衣日擊鼓升堂理軍務軍士頗服十六年線公子以前事流廣州逃之柳州說馬雄伐延齡延齡聞雄兵至疑城中有內應密籍諸離家無男女老幼夜盡驅之灘水旁每十口一舉刃推置水中至明而畢江赤水不流然實無內應也雄至相持數月引去雄遂致書三桂譖延齡陽奉

唐堂集

卷十七

雜著一

三

命實歸 本朝三桂怒不稱臣益信十月遣其兄子僞將軍吳世琮至桂林給延齡若和好兩家者延齡不知雄之譖已郊迎世琮相見出伏卒斷其首於馬上函送雄所延齡死後十餘日雄病亦死

廣西諸蠻志

猺人喜仇殺左挾弓右負弩矢手執矛履險上下若飛兒時能行卽以鐵烙其蹠厚如繭故雖蹈芒刺踏銳石如平地也其吹則截大竹筍爲釜能物熟而竹不燬暇則獵山獸以食謂食曰飲餽疾病則巫覡吹牛角以禱喪葬用長鼓狀如腰鼓腰長倍之上銳下侈植鼓於地

坐而手拊之有所謂盧沙者亦猺人樂器也類簫縱八管橫一管貫之歲首祭槃瓠雜置魚豕醪糟於木槽以爲禮扣槽而號之十月朔祭都貝大王男女雜運連袂歌舞謂之蹋猺俗尙歌歌皆七言頗取義於比興如云黃蜂細小螫人痛油麻細小炒仁香又云與娘同行江邊路却滴江水上娘身滴水上身娘未怪要憑江水作媒人又云行也思娘留半路睡也思娘留半牀其歌或長或短俱相慕悅之意既歌之復書其歌於布刀布刀者織具也畫花卉與字相間漆之以遺所歡既相得則男子噫鳴跳躑負其女入巖巔插柳以辟人其無偶

唐堂集

卷十七

雜著一

三

者明歲再會云板猺女子髮塗蠟帶竹簪長二尺許用花布覆之如鳥翼狀月餘一洗髮始再梳也衣腹背俱繫唐宋銅錢爲飾裙用五色絨綵織爲文繡短僅至膝有殺縫綴錢於邊幅行則有聲春時則采生香麝子爲佩使其身香氣遠聞也苗猺男子編白雉尾插首銀環穿耳銀箍匝額銀圈飾脰兩腕帶銀釧多至二三雙亦以白鐵暨銅爲之裙六幅布不縫其長繞足卽用爲行纏年少者曰羅漢其女子無銀飾裙不拵膝常暑則赤體以布護之而已謂食曰哽餽魚曰牛牛曰犢食以手搏入口不以碗筯宰畜以剪不以刀俎猺人居深山旣

與虎狎有變爲虎者懷遠人常捕得虎其兩前足有銅鐵釧猺人手必有釧以是知猺所化也康熙二十三年有猺人賈姓者依壻而居年五十餘矣壻漸見其有尾身漸有毛略不省人遂送還其家中途謂壻曰我不至家矣自擲溪谷中跳去後出板江村取民家生鴨吮其血人叱之不能語逐之急則兩手據地爲獸行緩則人行後不知所往

伶人卽猺之別種謂食曰饅餒衣曰登革

猺人與苗猺類

獵人與猺亦類出入必挾弓矢雖睚眦必相擊殺被

唐堂集

卷十七

雜著一

十四

殺者之子或幼未能報則植樹於庭以識之旣與樹俱長則曰是可以報矣卽厲刃往殺仇者仇者被殺則其家亦然獵與民雜處民稱之曰獵牯老其所居曰高欄亦曰麻欄架木爲之兩層如樓上以棲人下棲畜其謂衣曰登布食曰哽餽酒曰哽醪花朵曰花桃花瓣曰花脈其酒最佳色如油而味極醇獵人生子女輒釀酒埋土中子女旣長嫁娶時始發其封以宴賓客餘則或鬻於市好事者售之以相餽遺予故嘗飲之第爲絕品也其嫁娶壻就女家於五里外構草舍鼓樂迎導謂之入寮然亦盛兵爲備小有言卽相鬪殺俗亦尙歌以歌爲

媒男書歌於扇以贈女女織歌於帨以贈男亦尙舞以被覆首而舞曰桃葉舞女子衣短至腰裙長及地皆織五采絨線於青布若錦繡裙尤刺繪極工用七八幅襖積至百餘康熙五十三年元夕予在陳公幕府有節童子爲獵女踏歌者其衣裙俱購之獵女其妝亦預習諸獵女髻向前橫梳爲飾耳環甚大露頸跣足人皆曰肖也獵婦善爲蠱或客於獵與婦私者欲別則約之復來視期之遠近以下蠱謂之定年藥過期則藥發而死如期至則婦以藥解之當其下蠱時人不覺也故中人多死有覺之者爲女字坐則蠱不靈蠱有鬼曰藥鬼藥鬼

唐堂集

卷十七

雜著一

十五

有時去此家附彼家故獵婦謹事之必使其蠱世傳不絕以爲神且能致富其蠱曰金蠶蠱移至他家曰嫁金蠶人謂獵俗淫然我朝有某貞婦者年少夫死閉門事姑維謹獵少年過其門爲竹枝歌以挑之婦聞而哭曰若謂我不能死乎我以姑老耳若復至者我棄姑入泉下矣羣少年歎息去相戒勿復犯卒以壽終王化無遐邇人物不擇地吾於獵貞婦益信

獵人語言與獵同稍勁其兵最强明代羅城縣獵軍驚天韋動地作亂獵兵討平之廣東羅旁獵作亂從廣西調獵兵往平之獵蠻不靖官軍仗力於獵故諸獵頗驕

江浙倭患亦嘗調狼兵今太平日久狼亦無所用之矣其俗幼習歌男女皆倚歌以自配女及笄父母縱之山野間少年從者且數十以次而歌視女答歌之意爲去留一人留則衆皆散男鑄歌詞於榕木擔細字若蠅間以金彩花鳥沐以漆而贈女女則繡囊錦帶以答男遂爲夫婦相傳有仙女劉三妹者往來粵蠻溪洞間登山而歌妹相思曲曰妹相思今不相思待幾時只見風吹花落地不見風吹花上枝其音淒惋以教諸蠻故狼獾獾人皆善歌狼婦甚美人卽拊摩其身勿怪及乳則怒且見殺謂諸支窾皆天生乳則已所成也謂父曰扶我

唐堂集

卷十七 雜著一

去

曰留彼曰往男謂女曰有助女謂男曰友友亦曰友二男女相屬意曰眷心眷意

獠人俗稱山獠推其豪曰郎火餘曰火

獠獠狔獠獠字皆从犬高辛氏犬槃瓠之後也其俗歲時祀始祖則諱曰槃瓠而附會曰盤古廣西諸郡桂林之靈川陽朔多獠獠興安多獠永寧永福尤深阻爲淵藪全州灌陽俱有獠平樂之荔浦獠居十五獠居十二賀縣永安皆獠獠巢穴梧州之北流岑溪有獠鬱林懷集有獠潯州之平南多獠貴縣多獠南寧之歸德有狼柳州獠獠尤多慶遠有獠思恩有狼餘則有土蠻而

原缺第十七、十八葉

雖駸駸向化而文物也哉亦其狡黠而豪者也此康熙癸巳歲作也雍正間德威遠播滇黔兩粵土司效順願歸土餽職者甚多書曰於變曰幸俾一何盛哉

唐堂集

卷十七 雜著一

九

唐堂集卷十八

華亭 黃之雋 石牧

雜著二

學政條約

閩中山結水滙乾坤清淑之氣蜿蜒磅礴自唐常袞肇開文風歐陽詹始舉進士歷宋元明以迄於今名儒偉人後先照耀我

皇上文教覃敷大臣元老暨良有司之蒞茲土者皆能主持風化樂育人才極一時之盛使者恭膺簡命視學而來深懼弗克負荷爲多士羞且使者江左寒畯爲

唐堂集

卷十八

雜著二

一

諸生垂四十年入雍釋褐蒙

聖祖仁皇帝拔置詞館甫二載復以文字受

皇上特達之知不次遷擢備員講官旋即荷茲寵任爲制科以來未有之榮遇倘勿稱職其獲咎亦逾於他人

用是受命以後夙夜祇懼

聖訓諄切銘心鏤肝唯力圖報稱以求無負於朝廷

無負於平昔恐爾諸生及各屬教職未悉使者兢惕黽

勉共相勗勵之意故頒示條約俾共聞知且使者下車

伊始已於閩士風氣領其大概茲所勸戒皆有所見而

云非預爲郭詞勦說循襲具文者比尙其凜遵毋忽

一品行

士莫先於立志志道德爲上志功名次之志富貴下已今士子父傳師授不過期於弋科第得美官甚至一矜自恃蕩閑踰檢辱身賤行而不恤良由志趣汙下而後品因之不端行因而不飭士習日漓士風日壞聖人謂志道志學未有志不立而事成者也志旣卓矣行斯砥焉夫孝弟人之大原也廉恥人之大節也原之弗敦猶樹蹶其本根而欲敷榮以滋茂蔭不能也節之弗立猶水決其堤防而欲安瀾以利灌溉不能也我

皇上踐祚以來崇孝治勵廉恥每諭羣臣以敦實行爲

唐堂集

卷十八

雜著二

二

首務逞才華爲末節期與天下共幾於大道士生其時宜蒸蒸丕變矣使者之來以表率學校爲職而爾閩士中潔修自愛者當必有人乃構訟公庭見輕當事者已不乏金玉之品光霽之行諒不爾也夫文者德之華也行者學之本也使者有人倫風化之責顧弗克激厲諸生敦飭禮義扶植名教諸生之恥抑亦使者之羞若勸若懲法所必行增美質湔舊染於爾多士實有厚望

一文章

文所以載道虛車求庸人不之顧而輪轅弗飾堪重載乎使者疇昔嘗讀七閩之文矣類多蘄絕與秀成一家

言而或少闕敝之局瀕瀚之氣近又習於庸濫膚廓不實於昨錄遺見之矣夫作文者在明理與養氣而已六經爲根本遷固二史唐宋八家爲菁華幅勿論長短格勿論奇正詞勿論濃淡期於發揮聖賢之精義而去其陳言昌黎所云醇而肆奇而法斯爲鉅觀若以枯幸而貌成引以空疎而襲慶歷以蠱莽而託天崇皆爲臞鼎識者弗取也至於風簷寸晷之下勿過爲畏縮拘於一字一句之疵而掩其夙學勿過爲揣摩求夫一字一句之合而窒其天才他若抄襲舊刻以欺一時則剽賊之智愈不足齒矣言者心之聲凡立身行己經濟學術胥唐堂集

卷十八 雜著二

三

於文是驗我
皇上振興文治於恩科闢墨親加評閱甲乙去取又諭衡文者以理明學正典雅醇潔爲主誠謂文章可以規人品也使者丹黃之下有決其異日勲名氣節爲朝廷偉人者則執其牘以爲券多士盍勉焉

一經學

聖人垂五經以教世若布帛菽粟不可暫離漢儒各以一經名家遞相傳授源流甚長晉唐以來迭爲注疏浩汗繁衍而宋儒始約其精義以歸於正我朝因明制取士俾各占一經乃或剽竊稗販刺取題目甚至不讀

全註節取本文以應有司一日之命覲然無恥甚非設科求士之意也昔功令於鄉會試曾以五經中式旋復廢不行者以爲博而雜不若約而精計易書詩春秋禮記全文約二十萬言誠分年限月可以編誦不則專經亦足名家今叩以他經之文而茫然不省誠不可謂通矣若就本經之文而叩其箋注云何意義云何而又茫然不省豈不更鹵莽乎我

皇上湛深經術一言一動必根據經旨凡遇大典禮必令羣臣博引經文以爲折衷又允臺臣奏科試必以經文此正經學昌明之時也爾多士誠淹貫五經三經或唐堂集

卷十八 雜著二

四

專治一經而能穿穴漢唐之箋疏融治宋儒之傳註發揮精蘊者爲經解以紹先儒而詒來者童習白紛可無譏矣使者將採擇而流布之以亟勸聞之通經者

一理學

宋儒游楊二先生師事程子皆閩產龜山則遞傳羅李以至朱子而集其大成勉齋繼之閩故理學之數也同時象山陸氏以先立乎其長者立教一傳而爲慈湖流於沈蕩惟朱子之學直接洙泗純粹精實守其說者爲正而或好言超悟厭棄問學背而馳者不少然主於實者其弊不過墨守訓詁拘牽師說老生學究是刻鵠之

誦也主於虛者其弊至於高談心性蔑棄繩檢陽儒陰釋則畫虎之譏也我朝尊崇朱子之學至矣我

皇上學達性天道俾孔孟內聖外王以建其極誠理教大昌正學興起之日爾諸生生長理學之鄉沐浴儒先之遺澤而可就岐途曲徑以徇矩矱改錯乎宜謹守朱子之說居敬以立其本涵養致知力行以造其極而又融會於周張二程四夫子之書躬行實踐以爲希賢希聖之階此潛修之士使者拭目望之若岌立門戶標榜道學毫無實得而徒滋議論則未見其可也

一實學

唐堂集

卷十八

雜著二

五

范文正公秀才時以天下爲已任使者竊怪夫今之士操觚握槩學爲時文曰吾文士也知有文而已不復留心經濟以儲他日之用凡象緯山川貢賦徭役郊祀律歷積貯訓練典禮刑章皆將責之學問之士而或莫究其原委罔晰其同異一旦身膺其事則舌橋目瞪不知所措國家亦曷賴有能文之士乎我

皇上勵精圖治每諭羣臣各具條奏以覘實學擇其可用者見諸施行所需於經濟者殷矣是必平時講求有素而後立朝遇事元元本本指陳詳晰乃不愧爲有用之通才夫經濟之學莫備於史今之涉獵於馬班范陳

歐陽之書者玩其辭耳隸其事耳若晉書以下及宋金遼元諸史則或未寓目曰厭其繁蕪也甚或不能舉其名不識其撰著之人噫陋甚夫治亂利弊沿革損益一切經世之務於後王尤備諸生盍次第究心按其綱領尋其條貫務期於胸中之有得又旁及於杜氏通典鄭氏通志馬氏文獻通考諸書斟酌貫穿參互折衷而不以時文自局此卽文正之學也

一古學

唐堂集

卷十八

雜著二

六

國家鄉會取士首試制藝矣再試而及駢體三試而用策問殿試則專策一道此以知古文之不可廢缺也今之摹擬時務勦襲舊文以爲風簷副急之用獨不見賈誼崔寔之論量錯董仲舒之策子山之表文成之判皆卓然名家流傳膾炙所當口誦萬遍手鈔萬本者豈誠古今人不相及哉不寧惟是彼外傳長書史家之祖南華鴻烈子略之宗屈宋楊馬之敷陳曹劉陶謝之比興沈詩任筆柳記韓碑皆所當含咀沉浸備著作之體以自成一家古所謂藏名山傳其人者皆是物也韓歐皆以應舉時文爲羞而自命作者故哀然爲大家若僅求工於八股而曰吾文士也不亦慎乎我皇上萬幾之暇時作詩以賜大臣凡有

聖諭宛轉剴切埒於典謨又以序詔詩論遴選館職俾學者知不當狃時文而進於古作者多士生逢盛時苟自淬厲雖韓歐不難追躡不則爲元結穆修開風氣之先可乎聞自唐宋後詩古文之學最盛於明流風餘韻有至今存者使者所虛席以待固不徒在帖括中矣

一教職

古黨庠序擇鄉大夫之賢者董率之今號之曰教官又曰學師教之事大矣師之名尊矣最貴重者士也而又儼然爲之師傳道授業解惑惟師之責願以卑官冗散自處於寬閒寂寞之地至不識諸生之姓氏面目尙

唐堂集

卷十八 雜著二

七

冀教之有成效乎寒毳一片誠清苦也首藉闢干誠淡泊也然而環堵彈琴坐臯比進諸生而課之獎其能者董其不幸者久而薰蒸陶育得一二拔奇之士異日爲名公卿曰某先生之教也爾司教者亦與有榮幸我皇上隆儒重道特諭教職皆以正途爲之加意學校者至矣朝廷不以閒散視學官而學官願以閒散自怠乎可使者不政謂七閩中必無胡安定其人竊恐閒散自怠者所在多有是必勤於其職於諸生之孝友者聞傳者通經篤學留心經濟者及頑梗敗類者分別勸懲據實申報而不叅以私夫諸生之學業卽爾司教者

之職業也訓迪之而不從是幸不謹也不之訓迪是教不先也使將責夫幸者之不謹而肯貸夫教者之不先乎且學使與諸生相見不數而爾教官則既久且親於諸生有臂指影響之效爲功爲咎其將何誘勉旃使者屬望厚矣

一武生

周禮鄉三物教萬民而賓興之一曰六藝有射御焉今用之於武科是也我國家文武並重中年一校三年一大比許偕文士出身復於武場命題祇用孫吳司馬法而益以論語孟子蓋欲通文武而一之化其桀驁長

唐堂集

卷十八 雜著二

八

其理義用意良厚奈何爲武生者徒自菲薄不以爲進身之階樹勲策名之資徒恃爲護符以武斷鄉曲窺伺官府抗糧健訟作奸犯科幾不知韜鈴爲何書弓馬爲何物良可憫嘆我

皇上加意武途雖微員末弁必親別能否鄉會恩科與文闈並舉所望於爾武生者綦重而爾可不仰體此意改弦而易轍乎且爾等果嫻習技勇深通韜略異日干城之選可指顧得之何暴棄若此使者至閩見有投牒懇冤者類多指斥武生告給衣頂者亦多武生可知平日肆橫里黨規避考試無一善狀嗣後宜謹身守法讀

書明理練習武藝講求兵法使者於臨試日校其騎射觀其論策有荒疎悖謬者卽驗其夙昔干預戶外玷辱宮牆其奚寬貸之有爾武生各蚤自凜飭毋貽後悔以上題列條件釐爲八則先行曉諭凡學政應行事宜次第措施而大綱不外乎此使者束髮受書以至服官亦祇此數事循循勉勉願爾諸生及各屬教職以使者之心爲心純繹前說遵而行之使者庶得藉手以圖報稱幸甚如謂老生常談漫不加省則使者懷慚負疚深矣欲容忍寬恕豈可得哉

閩任摺二

唐堂集 卷十八 雜著二

九

臣材質庸駑荷蒙

皇上格外知遇由庶常超授館職充日講直起居旒卽簡任督學閩省曠代殊恩非尋常銜校所可報稱 陛辭之日跪領

聖訓鏤心銘肺腑自雍正二年正月到任蚤作夜思圖維所以仰報

聖恩唯懼隕越復蒙

皇上拔置坊僚兩邀晉擢感激無地伏念臣下之仰承皇上如天之覆幬

皇上之知人善任如天之照臨無微不至無遠勿屆而

臣於巡歷伊始風氣未能周知見聞未能廣及不敢懸擬約指以瀆

聖聰今歲試已周謹將所已行者據實敷陳以仰求無已之 訓誨臣自奉 命以來日念學政一職首在端學術以正人心而厚風俗次及衡文以闡發聖賢先儒之道臣見閩地負山襟海形勢壯固土俗皆能治生兵民皆知畏法良由

聖德所暨者遠

聖化所洽者深是故文武大吏協和于上閭閻卒伍相安於下山盤水屋素稱刁悍之俗者亦皆蒸蒸嚮風臺

唐堂集 卷十八 雜著二

十

灣海外翕然樂業物靡不得其所通省士子讀書循分布衣草屨皆能服禮法守臥碑而其中踰閑犯科者亦所在而有臣念 國家法制既備有司禁令既嚴士子又非不知觀感祇濯而尙或有扞於文網者由使臣未能盡誠意以感悟之故也臣不敏每遇此等輒自憤愧惟仰體

皇上教戒至意反覆開導刊布禁約累數千紙發府州縣等示以義利禍福已禁而仍犯者卽行褫革悔過而自新者亦量予開復又於學宮行香講書之時及生童試竣謁見之日令諸生旅進環立委曲曉諭告以

皇上崇儒育材廣取士之額舉孝廉之行嚴加等之法有善必獎有惡必懲通糧健訟罪不可追又恐言語未必盡通令敎官以上音偏告之或書於紙連數番示之諸生莫不歎然凜然點頭歛容謂

天子如此其父母我師保我而我儕不感激悔悟爲端人正士者非人也繼蒙頒發

聖諭廣訓

御製朔黨論卽選工敬刊分行各學令生童朝夕肄業俟科試所至郡縣務爲講究使身體而力行之闕爲宋儒理學之邦而士子皆沿習舉業唯知時下講章爲帖

唐堂集

卷十八

雜著二

士

括之用臣留心採訪索其著述見諸生中亦有一二好學深思之士能發明理道之奧者意其人行誼必有可取容臣核實而獎薦之庶理學一途人知所勸其行優行劣者現今學官察報寥寥無幾且亦難遽憑信必須詳細核實然後薦黜使無濫枉至於衡文惟制義是憑臣謂不熟經史則根柢不深不參宋儒則理解不確胸無古文則筆力庸法無先正則家數舛而又非爲人沈潛純粹有所實得則亦不能暢然而成章臣作條約以此立敎校試時逐卷細閱其學有師承詞由已出而沉淪於附生因踞於童子者亟賞拔之閩文最盛於福興

泉漳四郡童生多者一邑或至數千所取正額之外尙可觀采臣慮其失意倦廢爲錄備卷批評之語榜示學宮以指點鼓舞之故雖不取入學者亦人人思奮至閩省武童頗嫻弓馬者每有代考情弊臣於外場卽鈐記童臂至期驗收其文字可取者又不能弓馬往往頂替與人臣令覆試筆跡互異者卽行革去惟仰體

皇上慎重名器務拔實材之意不敢使武途始進卽以舞弊得功名也又士子經濟抱負唯古文議論可驗性情邪正唯詩可驗臣於校試制義後另試詩古文一場以覘實學而登其佳者榜列等第現在選刻閩中校士

唐堂集

卷十八

雜著二

士

錄一部發明四書義理及作文之法將來選刻閩古學一部貽我國家文治之盛不獨制義爲然臣伏念昔爲諸生授徒自給評閱文字竟日連夜十試場屋艱苦備嘗晚入太學幸擢科第遂蒙恩督學有造士之職苟非殫精竭誠何以報聖主下酬夙志是故巡校生童視如弟子法嚴心慈手勤語複受任至今服膺髮白忘其勞瘁冀仰答聖恩於萬一又竊念臣起自寒微素無援引蒙皇上特達之知褒臣學問擢臣要職受恩逾深涓埃未報自誓絕苞苴慎衾影乃臣分所應爾無足陳於

君上之前唯是奉宣德化欲使學術人心歸於大醇庶可少酬高厚而才庸質鶩深恐所行未當且無貲力多延幕賓躬自閱卷以至文移案牘下逮纖小事務凡有關學政者必親檢點惟日不給精神就衰恐不能勝任今將科試各郡輒敢略陳愚悃恭懇聖慈再加訓示俾臣益有所遵守以勉所未能庶不致有負

皇上慎選使臣之至意六千里外瞻仰

天威儼如咫尺專遣家人某謹繕摺固封進呈仰希聖鑒臣不勝惶恐悚息之至

唐堂集

卷十八

雜著二

三

明史建文遜國

靖難兵入金川門宮中火起建文帝自焚事載實錄而他書多紀遜國事朝臣從亡者姓名爵里鑿鑿有據史臣謂死社稷愈於毀形遜逃且野乘不足據以入史予謂更姓改物而死社稷者古亦罕矣惟明莊烈帝耳梁士璠自殺唐主從珂自焚綱目不以死社稷予之若靖難未嘗更姓改物明之社稷故在也社稷不死奚庸爲社稷死故建文宜遜國不宜死社稷司馬遷作史記傳荆軻徵夏無且傳衛青徵蘇建傳張良并及畫圖狀貌司馬光通鑑亦自謂徧覽舊史旁採小說史如兩司馬

足矣雖虞山錢尙書之十必無秀水朱檢討之十三不足信辨之極詳然虞山據史鑑乞吳文定寬所撰其曾祖彬墓表以駁致身錄因以駁從亡記謂鑑當成化間禁少弛尙何諱而沒其實而二書乃出於萬歷時決爲僞書按成化距永樂未五十年未弛禁也鑑以處士而求朝臣之文表其祖墓有觸礙者鑑或諱之寬或削之猶夫虞山所謂僧溥洽讎詛長陵爲建文薙髮而楊士奇爲塔銘削而不書也又百有十餘年至神宗萬歷十二年始釋建文忠臣親戚謫戍者二十三年始詔復建文年號朝事附國史太祖本紀後而於是諸書乃敢出

唐堂集

卷十八

雜著二

四

秦焚書漢至惠帝四年始除挾書律至武帝時而獻書者始出亦曰皆僞也何不出於秦季漢初耶冢之書井之史其出距藏或五百餘年或三百五十餘年不謂之僞百七十年而出於轉輪道藏獨以爲僞乎且虞山縱其雄辨而篇末云今日孰非服事成祖之子孫者而必使成祖無所容於天地之間人挾射天之矢家畜吠堯之犬則其回護成祖而盡削建文之忠臣義士昭然矣又嘗考列朝間集載溥治事引鄭曉言長陵間治讎詛薙髮事怒而囚之十餘年因道衍言得釋且曰遜國之事國史實錄削而不書觀洽公下獄之故則金川夜遁

之跡於是益彰明較著無可疑矣又曰鄭氏記遜國事多流聞失真此其最可信者詳稽洽公用以參補太孫之本紀云云在虞山自以明大臣每曰史臣記事有體故著十辨以爲尊者諱其選閏集時已入 本朝故不嫌吐露於筆墨而自相矛盾也至其作建文忠編引建文年譜序則愈昌言不諱矣秀水據實錄以盡廢諸書卽鐵氏二女詩錢謂沈愚朱謂范寬其援摺亦不一處今日以網羅前代之散佚何嫌何忌而必讎視忠義削之而後快哉公羊言所聞異辭所傳聞異辭傳疑則可削之則不可

唐堂集

卷十八 雜著二

五

明史鐵鉉守濟南

鐵鉉守濟南不遺力其事不可略而不書有謂立高皇帝牌位以却成祖爲無此事漢高親見太公坐俎上而曰烹幸分我杯羹爲天下者不顧家文皇智略不下漢高詎肯見空懸數字而遽斂手退此與誘降下鐵板畫布爲城皆類小說演義雜劇中情事豈宜入史予謂左傳文記所叙毫髮生動纖悉如畫處皆類小說演義雜劇中情事特文雅馴耳舜之井廩周公之金縢孔子之微服子路之拱立以小說演義雜劇之文叙之則何莫非小說演義雜劇唯以文叙之而遂載之於經今傳改

本祇曰鉉以計固守不下而盡削去諸事史漢載漢高白登之圍用陳平計得脫曰其計秘世莫得聞註謂平說關氏以進美女間其愛恐之故免其計甚鄙陋故秘之鉉堂堂奉君父以臨臣子有何不可聞而秘之以神牌鐵板布城爲戲劇者豈洵禮義忠信爲干櫓甲冑耶且漢高知項羽婦人之仁故先以吾翁卽若翁之語動之而後云云然已受人唾罵至今文皇將士巨礮擊城城轟轟有聲欲崩矣見高皇帝牌而不敢擊者文皇殘忍尙賴有此而必曰不顧家是并誣文皇也

唐堂集

卷十八 雜著二

六

唐堂集卷十九

卷十九

華亭 黃之雋 石牧

雜著三

答江南志議

議曰按舊志帝王人物各爲門類今十志中祇有人物則帝王宜列人物若創爲都邑之名而載帝王后妃凡志后妃附帝王門之事名從輿地而實隸人物揆之義例大覺未安若漢高帝沛人也而都關中魏文帝譙人也而都鄴所生則是而所都則非則此二帝可刪矣后妃中如漢昭烈之甘后唐憲宗之鄭后宋英宗之

唐堂集

卷十九 雜著三

一

高后孝宗之謝后明英宗之錢后憲宗之王后武宗之夏后皆江南產也四代竝不都此無所附麗則又可刪矣此以都邑載帝王其不可較然也至命之曰古都邑則混帝王后妃於古蹟矣是不若載於人物之爲安也

答曰省志者必專繫之省者而後志之帝王則五帝三王以來一統之君固非一省所得專卽偏安割據亦必連跨州郡非今上下兩江可獨有雖生其地而人物常有帝王豈常有哉故凡志列帝王一門者大非也況周秦而後王亦人臣不宜與帝連稱今立都邑一門而

後可以該帝王如漢高爲沛公項羽爲楚王六朝諸帝

之建康明祖之南京以及泰伯之無錫闔廬之吳漢之

江都廣陵淮南廬江諸王唐之楊行密李昇等皆確然

宜繫於江南之都邑者則紀其姓氏世代年號之大略

原無庸備載其事若史鈔也不然歷朝帝王多矣何擇

而取之誠取諸其都邑而非取諸其帝王也是故今志

有都邑猶各省志有封建割據也封建割據但及王侯

藩鎮而都邑可以由帝而遞及之也是故易封建爲都

邑非創也天文猶天官也溝洫猶河渠也郊祀猶封禪

也食貨猶平準也州郡郡國猶地理也司天職方猶天

唐堂集

卷十九 雜著三

二

文地里也非創也特以帝王之都邑皆往代矣故命之曰古都邑以別於輿地中之城池疆域而與古蹟竝列云爾安得混於古蹟哉至於所生是而所都非者祇譙人之曹魏楊人之朱梁是爲篡賊既非所都不載可也若賢后妃之江南產者則倣劉向列女傳載入人物矣前史后妃唯呂氏稱制作紀范曄違史例作紀餘自史漢三國以迄元明皆爲列傳與臣子類不與帝王相附麗也

議曰按漢唐地圖今無可考若宋之景定建康志元之金陵新志其府縣諸圖大率皆北上而南下由此

以推古之爲地圖者皆然矣至明人一代地圖與我朝

御定三十六張之大圖及各省各府之小圖無不北
上而南下者其所以然者有三以 帝京在北也以
地之形勢北高而南下也又凡物之理多向南而少
向北也近日地志圖亦間有北上而北下者今志從
之請試言其不可如府州圖中以南爲上則山之陽
處處成陰城之門面面向北已大乖物理然猶但載
山川城郭不畫屋宇未盡見其不可也至省城一圖
大小官署悉載豈可使其門庭皆如三晉雲山乎夫

唐堂集

卷十九 雜著三

三

古人北上南下之義有前三說後有作者不得而更
張之况 本朝一統志中之圖又無不如是尤不可
立異創新而紊已成之例也

答曰圖之最古者莫先於八卦而文王八卦方位之圖
必離南而上坎北而下震東而左兌西而右易說卦傳
明言之今所論南北皆方位也南上而北下正以文王
八卦方位圖爲準未嘗立異創新也近代之圖誠多北
上南下而不知所始楊佺期洛陽京城圖賈耽地圖王
曾九域圖之類既無可考是三說者果據何書就三說
論之唯尊 帝京一說則或元明以來之圖北上南下

之所繇耳然所謂 帝京在北者統天下而爲圖故以

北爲尊今一省之圖非天下之圖比也是故潘季馴黃
河圖王篆長江圖白潢西江志諸圖皆南上而北下也
至所謂地之形勢北高而南下書則無形勢也一冊之
上下無高低隆窪之判也所謂物理多向南而少向北
者正惟南上而北下可使闕者向南若北上而南下則
闕者必向北矣斷無因物理之向南而倒執簡冊以觀
之者至謂以南爲上則山之陽皆陰城之門皆北夫城
必非一門東西南北各有方向安得面面向北此無足
慮矣若山之陰陽如畫一山曰某山不過書山名於其

唐堂集

卷十九 雜著三

四

陰耳銘金人之背題石碑之陰視銘鏡款皆然何乖物
理若水則正書名於其陽何獨不及之至謂官署門庭
不可向北則豈不見江西新志亦南上北下而門仍可
南向乎嘗謂懸幅之大圖必豎而張之屏壁之間則可
北上而南下人入門而見之故也書冊之小圖必平而
陳之几案之上則宜南上而北下人坐而嚮之故也此
物理之一定者

議曰按山水固自爲類而其中又有小類如山之有
嶺有岡有巖有壑有洞也水之有江有河有湖有溪
有港也分小類而以州縣分列其下此一統志舊例

以其便於觀覽也曩在一統志館中伏見

御府發出司寇徐公宗伯韓公進呈二書莫不皆然
今於山川類中變舊例而計東西南北之方向道里
無論名類淆亂徒令觀者眩目且其中亦有難盡以
方向道里記者如此山去彼山若干里府縣志本無
明文或一水而繞境數面之類又山有各山鎮山水
有大川巨澤倘惟主方向其如尊卑先後之義何若
謂各分小類嫌於類書之陋則此書之體又何往非
類也且周官職方氏有可証者荆之川曰江漢浸曰
潁潁潁之川曰滎滎浸曰波滎同一水也而別之曰

唐堂集

卷十九 雜著三

五

川曰浸以類相從其卽地志之權輿乎

答曰山海經之紀山也以南北東西爲目而曰又東幾
里爲某山又西幾十里爲某山禹貢之紀水也曰南至
曰北過曰東流曰又東水經亦遵之今亦從其體耳使
今而必欲考其此山去彼山若干里則誠未暇徧觀而
盡識而在東在西去郡幾里去縣幾里則府縣諸志已
明載之矣故於各府州之屬縣之下記某山則云在縣
東縣西若干里南北如之記某水亦如之以縣爲經而
山水爲緯井如也豈可以山嶺巖洞江湖浦港分類爲
經而組織各縣以爲緯哉乃忽欲以一府諸縣之山爲

一類次以巖爲一類嶺爲一類又以湖爲一類浦爲一

類溪爲一類不但嫌於類書也試思山水皆有脈絡經
界序其方向道里則脈絡清而經界定郡邑形勢於是
乎出考山川者循州依縣開卷犁然乃必使錯雜於州
縣之間脈絡斷而經界淆斯則徒以眩觀者之目矣至
謂以方向之故而昧尊卑先後之義則惟五嶽四瀆誠
尊而所宜先者也若各府州縣之山水又何從分晰而
尊卑之先後之耶若以周禮爲證則固未嘗以山爲一
類曰會稽在揚衡山在荆華山在豫又以澤爲一類曰
具區在揚雲夢在荆圃田在豫又以川爲一類曰三江

唐堂集

卷十九 雜著三

六

在揚江漢在荆又以浸爲一類曰五湖在揚潁潁在荆
也則固明明以九州爲經而緯之以其山鎮其藪澤其
川其浸也地志之權輿如此云何不從

議曰按古人陳蹟如已廢之州縣及園囿池沼亭臺
樓閣之屬今有名而無其地無其物者則立爲古蹟
一門此一統志舊例也然則古蹟者所以囊括遺漏
彙萃細瑣取不能成類者而類之若寺觀陵墓則一
統志中本各自爲類矣自二氏既盛琳宮梵宇徧於
天下所載皆今日現存者不與有名無地一例至陵
墓或係帝王聖賢或係名臣達士亦有當代奉

旨論葬者皆不得謂之古蹟也且此二類居然自爲門庭非細瑣不能成類者比混入古蹟有乖義例至於川澤有昔爲通流而今已湮塞者仍宜載於山川本類如古之陂渠塘堰後雖毀棄亦載河渠志蓋此書本非一代之書將使考鏡往古者有所據依不可以偶經遷變而遽削之入於古蹟也且郡縣諸志所載某江某湖而遷變非其故道者自多今豈能一一皆得其實如松郡之柘湖乎削此存彼又不無遺議矣

答曰以陵墓寺觀爲古蹟雖至愚不爲其不可爲古蹟

唐堂集

卷十九 雜著三

七

雖至愚知之今寺觀自寺觀陵墓自陵墓以此二類次於第宅園亭二類而俱附於古蹟之後竝非泯其門類而雜於古蹟之中也如以其附也而謂之混則各省舊志如畿輔志與盛京志皆陵墓附古蹟湖廣河南皆寺觀附古蹟福建則寺觀宅墓附古蹟雲南則冢墓寺觀附古蹟而江南舊志亦寺觀附古蹟未有因其附而訾其混者夫附與混判然也奚難辨之有而自昧其目哉至謂川澤之已湮塞者仍宜載之山川而不可削此正雖議中所謂不能皆得其實故耳若松郡之柘湖則府志明言今查山之西北張堰之東南黃茅白葦之塲皆

其遺跡故江南舊志山川內已削而不載矣今尙留其名而紀之於古蹟中正所藉以考鏡往古有所據依而反曰削之哉若明知已廢之湖而仍載之山川則議中所謂已廢之州縣亦宜仍載之城池疆域而何以但載之古蹟哉

議曰按文章者經國之大業也而月露風雲古人亦所不廢況三代聖賢漢唐豪傑大抵發迹中土而江南自三國以後風氣乃稍稍開始以文采風流著稱其道德事功已遜他國所長唯藝文又削而不錄則江南之書其所以大異閩粵演黔者果何在平蓋藝

唐堂集

卷十九 雜著三

八

文有當錄者三其紀載能具本末源流也其辨証能析是非同異也其緣情體物名勝藉以流傳也三者關係乎志非淺若徒採紀載辨証之文而緣情體物之作概爲汰除則名勝之區黯然減色而所謂人文之盛亦不可得而見矣且凡志設藝文一類例載詩文今專載書目倣漢史藝文隋書經籍二志之例謂以新耳目則可矣而一切詩文編入各類之下如一山一水既有故實當載而詩文多者連篇累牘不無擁腫破碎之嫌且

皇朝御製詩文與往古篇章雜然竝列之於雙行細字

之中亦所當斟酌以求至當者各省新修志多以

上諭

御製列於卷首似宜倣之此周頌先商頌之義也

答曰江南之道德事功不可更僕數若子游季札管仲蕭曹韓信周勃文翁朱邑之徒皆不在三國風氣稍開之後何爲而代江南作謙辭耶且正惟藝文爲江南之所長天下所共見聞不待志之鋪張揚厲而始著若閩粵滇黔之窮搜博采以誇詡其聲明文物也况何嘗削而不錄乎詔諭奏議記載辨證之文關係人地之詩皆附入各類之下一山一水一事一物閱者了然心目不

唐堂集

卷十九

雜著三

九

待另繙後半部之藝文於叢雜千百紙中而後見之也若緣情之詩體物之賦無關有無者奚所用於志而載之若盡名家詩賦而載之何啻插架充棟則何不購選樓閣石倉網羅遺失裒緝風雅以爲江南風雲月露之大觀而必載入志書以傳耶况以藝文載書目則一書奚啻詩文數十百篇著書者奚啻數千百家較之載詩文者之邑不數人人不數篇者孰多孰少將名勝之區不愈生色而人文之盛不愈章明耶前代史例不但漢隋凡奏議辭賦必入紀志傳中而藝文經籍祇載書目其例舊矣胡云新耳目也若

上諭

御製詩文之繫江南者舊志皆列雙行細字中特雜入藝文非體今則冠於各類之前或載於本事之內

聖謨之原委昭如日月矣必欲另標卷首恐孔子尊周之義不在是觀尙書可知已

議曰按今書分十志以統之每志又各分細目以紀之亦可謂綱舉目張鉅細畢舉矣然其中亦有未盡善者如沿革山川疆域城池之屬所當前列者矣次卽有國家之大政鉅典在而今以限於輿地一志遂使門類之本宜殿後者而居然先於賦役河渠學

唐堂集

卷十九

雜著三

十

校兵制失其次序矣又如食貨志所載以田賦漕運鹽政錢法關稅等爲正若土產一項原無關於國計經費至於戶口而亦入之食貨俱爲不倫又如輿地二字漢書藝文志有堪輿金匱四十卷注云堪天造輿地道輿地之說蓋昉於此後人曰坤輿曰大輿曰皇輿曰方輿蓋皆包舉六合而言若一省不可謂輿猶一輪一轂不可謂之車也惟近日州縣志中乃有以一方一隅而命爲輿地者今不當襲其繆也若斯之類旣使衆目拘於所統而位置因以失宜則不如舊志之不立總部而先後有倫行所無事矣

答曰十志者皆取諸史非鑿也既分十志則各以類從若謂失其次序某類宜殿後某類宜居先則漢書先食貨後天文晉書先天文後食貨宋書先五行後州郡百官南齊書先州郡百官後五行諸史皆先禮樂律歷後天文宋史先天文後律歷後禮樂隋書先食貨後刑法唐書先兵後食貨宋史先食貨後兵金史先刑後食貨諸史先志後傳魏書先傳後志若此類不勝紀何嘗有先後一定之例也況今書既以十志爲次序矣而又及於細目不亦銳乎謂土產無關於國計經費及戶口入食貨爲不倫夫食貨所以養民故戶口繫焉而土產皆

唐堂集

卷十九 雜著三

七

民生所資亦貢賦所出經國者重之如禹貢厥貢某某厥篚某某卽土產也職方氏其利某某其畜某某其穀某某卽土產也唐書首紀土貢之物於州郡之下而宋元食貨志所載鹽茶鑒錫絹布等物卽土產也晉書隋書唐書元史食貨志中皆及戶口而金史竟列戶口於食貨志第一以冠於田制租賦錢幣之前故食貨之於戶口土產必詳而勿略也合而勿離也而奚不倫之有謂一方一隅爲輿地者繆則中庸所言萬物載焉者爲地一撮土獨非地乎包舉六合爲輿一省獨非輿乎且輿既稱地道則非包舉六合之解六合者合上下四方

言之其所謂上者天也非地也議者徒以其有總部也而欲散之以遵舊志不知合之爲十大類分之爲六十類一也議者又輒舉一統志夫一統志設官開局將彙各省志彙以供采擇去取而後畫一以成一書者乎抑不動一筆不費一墨徒合各省之志以輻湊而成一書者乎河南通志康熙中所頒於天下以爲式者而卷首凡例第一句卽云省志與一統志不同可見也

黃墩辨誣上

歛黃墩受名自晉歷一千一百餘年無稱篁墩者明弘治後至今或訛篁墩則自程侍郎敏政作偽始考黃氏

唐堂集

卷十九 雜著三

七

譜晉元帝大興三年江夏黃公諱積字元集香公七世孫爲新安太守褒善糾邪旬月化行見陶碑卒於官葬郡之姚家墩子尋公遂家焉子姓蕃衍遂名其地曰黃墩其湖曰黃墩湖厥後由歛而分者徧於休婺黟祁諸邑而黃墩在梁陳間爲程忠壯公靈洗之所居在唐末又朱公師古之所始遷也宋羅鄂州願新安志及程儀同廟記朱獻靖公松撰父行狀朱子撰直秘閣弁行狀及茶院世譜序胡麟程忠壯碑元方回程太守碑胡炳文三賢祠記汪克寬梅烈侯祠記明一統志皆曰黃墩太守公爲我新安黃氏始祖枝分派衍根源於黃墩者舊矣成

化間程侍郎忽僞撰故事云黃本篁字其地多產竹故名後因黃巢亂凡遇姓氏州里山川同已姓者不犯時衣冠避地於此而得全其族者亂定他徙忘其本遂更篁爲黃宜復篁墩云因署爲已號而誑其同官作記以爲墩汚賊姓七百年至是始滌嗚呼山川不能語何不幸而遭此病譴見崇白日魘寐者以爲之辭也然侍郎始尙未敢僞著一書僅繫註於新安文獻志中曰或謂云云其說似有所據或者誰自謂也據者誰自據也然所載文亦皆稱黃墩後附家乘程通傳乃肆然曰篁墩而影附者形諸文耳食者竄諸志流傳後世謂侍郎博

唐堂集

卷十九

雜著三

主

治且自道其鄉里掌故考据必覈豈知其剽羅志中語而文致之者志云黃墩地廣衍黃巢之亂中原衣冠避地者相與保此及事定留居新安或稍散之旁郡其語止此侍郎乃增飾其上下語而謾之爲或夫地果多竹則宜名竹墩奚必變文爲篁若謝靈運斤竹澗王維竹里館杜牧竹西河內竹林東魯竹溪不聞以篁代晉戴凱之竹譜篁竹可爲篁特竹之一種不可以概竹且不聞墩產篁材如慈姥嶺谷所云也徐廣史記註竹田曰篁薛綜西京賦注篁竹墟名旣田旣墟又加以墩不虞複耶且巢遇黃不犯亦聞有是說則其音不同黃而

後冒黃以免者也若黃篁旣同音巢爲賊鳥集馬逝非有文移劄記碑刻之舉何暇辨字之是黃非篁且果倉卒冒改巢去可旋復巢戮愈可復且其時靈洗後人曰澤者起鄉兵拒巢有功授歙州副統帥而師古子瓌亦統兵後由歙以戍婺源則巢第能殘破鄰境而黃墩一片土且爲中原士人之桃源其保此者方張皇威武奮勇逐賊豈效兒女子倉皇陝輪改易冒竊爲迎賊乞哀之事哉且新安山川州里氏黃者夥矣無論他邑卽舉歙黃墩而外唯黃山以軒轅名餘山曰黃牢曰黃羅曰黃藥嶺曰黃塌塘曰黃社曰黃塘塌曰黃潭曰黃呈村

唐堂集

卷十九

雜著三

古

曰黃村園曰黃屯院曰黃阮橋曰黃荆曰黃賦若此類黃乎篁乎一一汗於巢乎新安之黃爲大姓地多繫之如之何曰冒賊也僞說旣行於是嘉靖中作郡志南畿志者肆然大書曰篁墩註云一名黃墩有晉太守黃積墓世傳黃巢寇歙時易之而康熙中作郡志者不能沒其實則益二語曰或云晉黃積守郡卒於官子孫家此故名夫正名也而曰一名以閏之創新於成弘間也而曰世傳以舊之僞僞也而曰或此真也而亦曰或以亂之然而秦人劫於威而呼鹿爲馬而鹿不易形也周人昏於利而充璞以鼠而璞不損質也志者惑於誣而改

黃爲篁而黃不廢文也是故無錫高忠憲攀龍郡人畢侍郎懋康汪尙書應蛟范布政涑鮑太常應鰲於萬歷時序程朱闕里志其文皆書黃墩不書篁也數公皆賢有學者靈洗河南程氏之祖也師古婺源朱氏之祖也墓皆在黃墩明欽令劉伸題曰程朱闕里建坊立祠里人趙滂葺爲志後敏政且百年忠憲序所謂千古靈異所鍾之黃墩比諸尼山者也今歛諸生吳廷彥重刻搗以示予繪各祖墓爲圖甚明而文字則黃篁雜見所載篁墩全據程語其誤後人如此亟宜刊正夫師古吳郡人正其時遜地留居新安者使誠爲篁墩也則必與於

唐堂集

卷十九 雜著三

五

冒黃以全其家至事定之後筆之牒系以留貽後人者奚所憚於巢而勿改焉俾其裔孫文公暨宋元明初諸賢仍譌襲繆而直待程侍郎發之哉梁有蕭幾新安山水記王篤新安記唐有歙州圖經宋有祥符新圖經今盡廢失不存存者自羅志始侍郎乘諸書之亡莫可鉤稽惘然造說以罔世使世反疑願以後諸賢紀載荒陋漫無考訂而惜不見願以前諸書之必篁而不黃也且世卽明知篁墩始於侍郎然一地名耳證之無關於博學所泯者黃耳考之無預於已事甚或喜其新雅互爲傳說一形十影顛倒眩亂而莫之察予不辨是忘祖也

是蔑古也是棄譜也可乎不可也獨不解侍郎爲忠壯裔世居休寧倘愛竹以自署號何害奈何引歛地以實之旣目無他姓又不顧已始祖妥靈藏骨名勝之壤而磯之以爲冒賊姓杜撰唐突殆書所謂心勞日拙者耶其後主會試預授題富舉人徐經被劾下獄勒致仕慚憤發癰四日卒或曰實無之効者誣也已誣古而人誣已以及於死誣可爲哉

黃墩辨誣中

侍郎復起則必曰吾言篁墩志復古也茲引據宋以來文字皆經巢亂改篁爲黃之後之作正汚黃七百年之

唐堂集

卷十九 雜著三

末

證驗而何足與語晉唐吾則曰立乎成引以指廣明猶夫立乎南渡以指晉唐也羅誌其鄉朱述其祖其所見聞所傳聞猶近有以篁而冒黃也者不核正焉而沿襲繆誤以貽後世賢者以下猶不爲而謂朱子爲之哉吾信先生不若信朱子矣且太平御覽非僻書宋太宗時李昉徐鉉等奉詔作而所引歙州圖經則唐時書也載黃墩湖甚明則唐以前之是黃非篁自古記之奚其復蓋侍郎待其父自河間還原籍父爲尙書已及第官諡德直講東宮赫奕震一鄉溯其始祖之爲黃墩程氏也而欲掩黃以自張也無所取諸取諸巢寇歛時遇黃不犯

之事遂欣欣然造作偽說選擇篆字以爲古雅告之族人族人曰然告之同官同官曰然形諸言出一有心之口聾千萬無心之耳筆諸書出一有心之手聾千萬無心之目於是弘治十年自編新安文獻志始載其說自是十五年汪舜民修府志嘉靖二十八年程驥編徽州會志又補文獻志四十四年汪尙寧重修府志天啓四年知縣戴東旻修歙縣志國朝順治三年知縣宋希肅修歙志康熙三十八年趙吉士修府志予雖不盡見其書大抵因之者多矣非能奪之徒以亂之孔子之所惡也侍郎復起又必曰篁墩始顯於世時黃氏非無人

唐堂集

卷十九 雜著三

七

胡嘿嘿吾則曰黃墩之族日蕃遷歙諸鄉及鄰邑或遷他郡子孫之耳目散而不屬矣而其地廣衍若程若朱若畢若吳若趙亦居之或墓焉衆姓之耳目泛而不切矣是時唯休寧約山黃氏以戚畹爲將軍駙馬最貴盛然不與文事烏知家鄉有無文弄墨作偽造誣塗改點竄者而與之爭且不出戶庭私其毫楮而蔑古以自娛也人亦無由知逮其刊播而後衆著於世雖有爭者安知不亦私其毫楮不遺餘力以辯正焉而未及刊播徒藏名山而世不之知也耶慨自莊列假設名號以爲寓言後世操觚之子效者充塞飾偽亂真罪不勝誅充改

篁之意則亦可曰其地爲軒皇遺蹟故名皇墩也可曰某朝有鳳凰止其地故名鳳墩也可曰地產玉故曰璜墩也可曰湖產鯉魚故曰鯉墩也可曰黃墩以地產竹可爲笙簧也可曰璉墩如城有陴也可曰潢墩以湖積水得名也而後乃以巢故而黃之又何所不可妖胚孳乳幻疾傳染詐而荆弁愚而根銀俗而胥蘇錯而瑯琊若此類不勝詰唯一真可以息羣妄一實可以正百謬夫首手跌膚不同體嘯笑不同聲弟姊不同人章張余俞不同族奕弋不同藝篙樺篴匾樨匾籌鈎不同器蕉椒不同蔭菽粟不同味池坻不同水鷹鶩不同禽牯犛

唐堂集

卷十九 雜著三

六

不同獸以其音同也而在意變置之則舛戾貽害一世聾瞽矣乃以萬萬不可易之黃墩而任意以音同之篁易之問其故則曰宅號也是不可一噓哉侍郎復起則又必曰是姚家墩也而可曰黃則黃墩也而奚不可曰篁吾則曰立乎今日以指西晉洵遠而不可稽矣自吾太守公墓於斯尋公家於斯歷世日盛以姓其里鑿鑿可破也且姚墩之爲黃墩自晉以來根於江夏之明著非若黟山之爲黃山自唐以來根於軒轅之荒渺而山至今姓黃不可復改也夫墩之姓黃則更久於黃山也奚其改

黃墩辨誣下

作辨誣後數月在江寧族人大成許見歛潭渡宗譜有臣槐補註亦辨及之即据敏政文以証其自相矛盾然其言畧亟欲購篁墩文集而無由越一載在石門始見全集則其不能逃實處處滲漏者可得而詳焉其篁墩書舍記云予家世黃墩而考諸譜及郡志莫知墩之所以名者近得一說云云所謂一說者即所杜撰之或也其篁墩錄序云始莫知墩之所以名間得之家譜云云既曰考諸譜而莫知又曰得之譜是所謂矛盾者已莫書忠壯公贈誥後云觀世忠廟所藏宋誥五通皆稱黃唐堂集

卷十九 雜著三

九

端避光宗諱惇故當時以端易之今不惟復篁且復墩此語尤謬墩土音墩同端以嫌名故諱之於制誥之文而其地仍稱黃墩不稱黃端元明人之文可証也奚待於復且墩易端而黃不易者黃不可易也使黃可易宋文臣知制誥者何漫無考覈改正而待侍郎始易哉此亦臣槐所引及者其餘瑕隙可指挾則不止於此一篁墩書舍記云大書篁墩二字揭諸故廬且借重於作者一言使後世知復黃爲篁自予始其篁墩錄序云因告於當世搢紳君子得記賦銘詩若干篇以假寵程氏曰自予始明明自謂由晉以至明成化以前無此說而創

爲之也曰假寵程氏明明欲減黃以張於族人而借衆口以攘有之也其篁墩十二味序云或逸於史氏而未書或登於郡乘而弗備或相傳於故老而失真并譏羅志爲大可憾夫史既不書乘又勿備傳又失真志又可憾則其所真知灼見者何所從來豈由石言禽語鬼唱夢囈而得之耶則又明明誣前人於已死而後以肆其無稽之言也故其每作程姓記序銘傳必遙溯元諱靈洗二公而標以篁墩蓋篇篇有之於他姓亦必叙其始祖與始遷之祖而於吾族則故沒其先世之居黃墩者其作黃孝子芮祠堂碑但云本江夏之族自祁門左田唐堂集

卷十九 雜著三

十

來居歛之屯村其作處士黃君禎祺行狀但云君之先名光者自祁門之左田徙黃屯再徙溪北即今潭渡其作黃維天墓志但云其先自霍山徙潯陽唐時自潯陽徙休寧之古林其作明威將軍黃琮墓志但云世居徽之休寧其先多隱德唯作五城黃氏會通譜序則叙及積公爲太守子因家焉而曰始今新安之黃所其祖也尙爲庶幾近似之辭而匿黃墩不言唯作古林黃氏續譜序則曰積公四世孫居郡之黃墩又曰其裔孫得浮梁黃氏所藏黃墩舊譜云云兩言黃墩不能以篁易之譬諸盜人之家珍掩爲已有則屢示於家人親戚唯恐

其不知爲已有者及遇其人之子孫則揜匿不欲言而又時或吐露以自敗吁可怪也已江寧謝公墩以晉太傅名宋王安石居之作詩曰我名公字偶相同我屋公墩在眼中公去我來墩屬我不應墩姓尙隨公人議其與死人爭地界顧終不能爭而至今稱謝墩侍郎實未嘗居黃墩以遠祖之故媚忌其爲黃而欲滅墩姓以爭之則盍徑改爲程墩哉唯自晉以來千百年口習耳順者之萬不能改也乃巧爲同音之篁以亂之取爲已號以牽繫之不以號則名徒離於黃而實無與於已矣視安石不更可議耶吾辨出俾世咸知黃墩地也篁墩號唐堂集

卷十九 雜著三

三

紀今吾夢
今吾數自述其夢有驗辛亥歲除夕夢批新莽頰曰汝何改漢臘莽避走自謂精氣健旺足以懾強暴次年遂得子壬子歲除夕夢斷亂不可憶次年家有疾病死亡之事癸丑歲除夕夢爲詩曰滿城家祭多新鬼爆竹無聲有哭聲天恐今吾同伴少永留諸老話平生自註諸老謂初晴南浦慧香香林唐堂也既覺若新脫藁字字可憶甲寅歲春因首二句故不錄存而述以語予予既喜佳詩又喜備員老伴天示朕兆於夢寐古恒有之初晴朱司訓霞南浦焦孝廉袁嘉今皆年七十四慧香陳唐堂集

卷十九 雜著三

三

也號與地不相涉所謂離之則雙美合之則兩傷者也爭何爲哉至臣槐謂其易黃爲篁因爲號者不過文人遊戲三昧則大不然安石之詩真遊戲耳千古黃墩鑿空誣之以污賊姓而移篁以滅之何等情事也尙欲迴護鄉先達而作恕詞耶侍郎才情博瞻凌厲一時誠文人之雄然著道一編以崇陸而抑朱黜康成於從祀斥子瞻爲樛杌亦遊戲耶錢虞山謂其爲伊川復仇愚而且妄若并無仇於黃而必欲滅之不更愚妄耶聞潭渡人名景瑄者亦著篁墩辨載一木堂集未知於臣槐詳略何如

裴答主人

主人偶出隨身薄裝七日而歸入於臥房門無扃鐃笥
失衣裳曰前一夕盜竭其藏月則問九節已迫冬授衣
卒歲唯裴蒙戎裘之依我或十霜或十餘霜誼非不深
厚矣還幸其屬去而從不知何許之盜寡情叛恩悖理
使我薄寒屢中日出無曜念舊歸咎呼裴而告裴
不悔禍附夢以歸訶其主人盛氣陳辭若曰咄子何癡
昔我之來子爲朝官章之服之清華顯尊坐玉堂趨金
門楊之以蟒繡襲之以鸞文加之以貫珠指之以大紳
出使則體煥於輿騎侍班則氣煦於輝軒我實附子而

唐堂集

卷十九 雜著三

三

光榮子亦賴我而溫磨矢霜霰而不渝敢遐心以竄奔
既而棄組紱歸田廬返其初服焉用麗都冥棲混跡守
道貧居憲有捉襟髡無解襦襜而耕稼疇而漁鹿皮
而薪犢鼻而沽彼采采與粲粲可弗曳而弗婁胡乃配
其面目充其膚革重裘溫煥冰晨雪夕律運冬迴年深
歲積燒之不置服之無斂至於毳毼茸屨皮毛不澤裏
或補苴表亦變易包蒙於縕絮消磨於蛙蝕候暄仍什
襲於篋衍天冷又陸離於服飾吾聞君子不盡人之歡
不竭人之力我事子已足矣而逝不我釋故乘隙而殿
去奚暇盜非盜之是擇且人亡之而人得之何爲而憂

慚也昔自無而有今自有而之無亦天道之消息也
墮鹿之失安知其非夢也寒馬之亡安知其非福也既
乏啓期援琴之樂又無子陵垂釣之適幾及蘇貂之儼
尙學晏狐之齎出不媚長卿之妻處宜遭孟嘗之客已
則昧理訾我何益我之自審不疚不愧或往而覆凍人
之肌仁也或擇而歸吉人之軀知也決絕而不顧勇也
難進而易退禮也時可去則去義也一去而不反信也
不敬我六德而效兒女之態懷戀私暉展轉怨對子嫉
我如仇而我尙於子乎奚愛矧子之出序屬三秋寒暑
之備一室具留囊探篋祛匪但我裴領貂袖龜繒帷布

唐堂集

卷十九 雜著三

三

幃綠綈之被赤罽之袍綿褥綾襖袷錦禪褌絮襪
護膝帕頭以及長紗短葛上締下綈中單半臂冠纓履
烏苧布涼裙霞文軟席青絕兩端黃綾八尺點易之硃
買山之鎰香爐燭剪鎖銅瓶錫几甌枕衣藥丸三百括
囊并包波及東壁焚膏燃蠟昇箱出宅同時並失今不
一獲而獨我之責不亦銳乎子何不安命引厯渙然冰
釋迺尙勞勩令尉榜笞捕役星火敦迫兩月不息流血
裏剝曾莫之卹譬焦明已翔於寥廓而羅者猶視夫藪
澤悲夫至若金玉珠寶實人稱宦囊子則烏有日用尋常
前所臚陳不足當鉅室之毫芒所富唯書插架縱橫枕

經蔀史堆案疊牀籤軸狼藉翰墨張盜知物聚所好
擁萬卷如百城手未敢觸心未敢將徒取長物擔荷跳
踉臨去歎息頌以清名悔入其家奢願不償吾親見盜
之有道故慕悅而偕行也所謂天之君子人之小人或
一語不復申或逢赦許自新例以炎涼之趨避胡能不
此疎而彼親於是主人赧惶無賴塞默莫對裘曰未已
也聞子先人修幹偉軀年七十餘終身不裘子四十前
惟裘亦無晚始戀戀大違其初無乃怙習失志衰耄
愚負鶴和之清芬忘牛衣之故吾聖哲之道曷其背諸
言已徑去悻有餘怒主人乃憮然寤嗒然失汗流浹肌
唐堂集 卷十九 雜著三 五
面赤發熱不知曙寒飄飄大雪擁衾自省倚枕有述蓋
乾隆二年長至日也

唐堂集卷二十

華亭 黃之雋 石牧

雜著四

詹言上篇 有序

心所觸而爲言或筆硯未攜過輒忘記或零賤斷墨
信手散佚書眉刺尾間有存者語非一時事非一例
條析而件繫之分爲上下篇短於折襍線碎於鋸木
屑雜於羹合鑄漏於管窺豹莊周曰小言詹詹名焉
莫宜

日者仁之光照而無不生也雷者義之聲發而無不動
唐堂集 卷二十 雜著四 一

也雲霞者禮之容章而無不變也風者智之氣感而無
不通也星月者信之影證而無不合也

洪荒開闢盤古至羲軒斷無相去千萬歲如荒史之說
邵子元會運世以十二萬九千六百歲爲一元統十二
會一萬八百歲爲一會其說曰天地一終爲混沌始逢
子會歷五千四百年而天漸開明又五千四百年清氣
騰上有日月星辰而共成一天是謂天開於子又五千
四百年查滓搏結而尙溶輒又五千四百年漸次堅實
有水火土石而共成一地是謂地闢於丑又五千四百
年當寅會之半天地交感漸生人物又五千四百年而

人物始盛故曰人生於寅遂於寅下註開物又歷卯辰至巳會凡三萬二千四百年至甲辰歲而堯立則一元之數已去其半故謂堯得天地之中數堯至今皆在午會之中又歷未申酉三萬二千四百年而入戌會之中遂於戌下註閉物則人物俱無矣又五千四百年當亥會之半地之凝結者皆融散唯存一輕清之天又五千四百年亥會終而天亦渾沌矣貞下起元天開地闢如前云云洵然則盤古氏前一元中聖賢忠孝徒付劫灰而盤古以來今一元中之人曷爲竭心力以冀不朽耶以理推之當不其然

唐堂集

卷二十 雜著四

二

天星分野自周禮保章氏以星土辨九州之地所封域皆有分星以觀妖祥天官書以二十八宿配十二州地理志又以配戰國之地夫以星變占禍亂如形影之不失是則然矣如以某星分某地則自漢迄明言人人殊其言不可窮詰若今之版圖較虞周何啻數倍東南訖海外西北更遼濶禹跡所不至豈別有分野之星歟抑星祗聚數州之地而不他及也按分野之說牽牛南逾嶺微蠻貊島夷箕斗盡遼東朝鮮三韓之地昂畢盡北方羣狄之國爲畢分循西北至塞垣爲昴分似不應每州或二宿三宿而此諸宿獨若是之廣又云西羌吐

蕃吐谷渾及西南徼外夷皆占狼星則二十八宿外別有一星矣子產曰天道遠人道邇子長亦謂圖籍祲祥不可爲法則

天之象日暄雨潤雷動風散唯月無所用而視其盈虛以成歲人之體耳聽目視手持足行唯骨無所用而表其面首以成形遂爲萬古不可無之物至若冰雹傷稼風濤覆舟豺虎害人蠹蝸損物而無所不有不然不云天地之大人以心思通造化血氣合陰陽而涕唾矢溺之不潔髮垢膚膩之可憎而與人身相始終不然不云人小天地

唐堂集

卷二十 雜著四

三

陰陽五行之理有相參而著者陽剛陰柔陽動陰靜陽高陰卑陽奇陰偶然莫高於山而石性剛而靜莫卑於川而水性柔而動鼻奇而其體柔以靜齒偶而其用剛以動金生水而水亦生金木克土而土能生木水生木而積浸可以朽木水克火而鼎烹可以竭水土克水而衝波可以決土陽尊陰卑而序陰先陽何也四時之序木火土金水相生也禹謨水火金木土相克也洪範水火木金土則又天地生成之序太極圖說用之金可爲刃木可爲槌用之偏矣水決堤火燎原發之過矣雖五行亦能殺人土以養人爲功故能宅中而成信

後人偽造陰符經以託於黃帝謂天地人物爲三盜而五行爲五賊豈專就殺機言之哉

瀆神佞佛貴賤知愚俱不免然聖人極言鬼神之德及祭祀之事特遠之耳未嘗不敬也唯遠故敬近斯狎矣故祀事有等差祭先亦不疏而不數

相在爾室日監在茲如在上如在左右聖賢狀鬼神之靈顯敬之至矣然非若後世巫保祝獻之鬼神也然鬼神實非有二也鬼神各因其人以爲鬼神耳

門行井竈列於五祀固已若黃庭內經五官六臟神各有姓名而雲笈七籤所載姓名又不同且廣之胷乳肋

唐堂集

卷二十

雜著四

四

脅等皆有神至於劍戟弓斧神見龍魚脂粉膏黛神見志雜紙硯筆墨神見致遠皆杜撰無稽而猴鬼馬鬼鵝鬼見鬼見狗鬼見狐鬼見牛鬼見兔鬼見烏鬼見虎鬼蛇鬼衣服鬼厠鬼見司書鬼見之類博一莞而已

儒者之說由祖父以及子孫繩武象賢詒謀式穀禮曰爲善思貽父母令名必果爲不善思貽父母羞辱必不果易曰積善之家必餘慶積不善之家必餘殃一體一氣報施不爽人乃惕然知所勸戒佛氏之說前世今生後身善惡因果報應昭著洵如斯言則前世趙甲

今生錢乙後身孫丙善積於此家慶集於彼家孰勸而爲善惡積於此家殃及於彼家奚所懼而不爲惡

董子言道之大原出於天此堯舜以來相傳之道故曰先聖之道曰孔子之道曰儒者之道而老子亦言道老子之徒遂專以道名其家而與儒爲匹敵且亦以士名竊四民之一持世教者宜削去其稱號易簡道爲釋老可耳

有人心有道心有理義之性有氣質之性故釋氏亦言心性道有君子有小人德有凶有吉故老氏亦言道德凡陰陽剛柔禮樂政教儒者學者皆兼善不善兩塗唯

唐堂集

卷二十

雜著四

五

孝弟仁義忠恕爲一定字義故曾子孟子皆斷以而已矣三字朱子謂竭盡而無餘之辭以之修身則所踐者實以之治家國天下則所包者廣舍是而談性理講道學各標宗旨爭立門戶何爲哉

道如路然有知而後行者如水陸遠近程圖按之瞭如然後舟車可至亦有行而後知者既身涉其地則山川風俗人物無不在目非嚮者所能懸擬也可知者理行之必履其事入太廟每事問必行與祭之事而後因問而知也明代督學耿公在南畿講良知之學一縣令方欲辨難耿曰爾官知縣不名行縣令語塞直以位歷耳

說命曰非知之艱行之維艱

詩曰有物有則孟子釋之曰故有物必有則物事也則理也下學而上達所學者事也所達者理也而字必字非對待亦非偏舉事在而理寓焉離事而言理則晉人之清談釋氏之頓悟高言性命標示心學鮮不蔑棄倫物糟魄六經而流弊不可勝言矣

六經唯述堯以來易繫始及伏羲神農黃帝而孟子時許行已借神農之言爲異學列禦寇莊周好言黃帝荒唐虛渺僅可以供遐覽助叢談而人心世教不存焉學者誦法帝王載籍極博尙有奇怪不經之說何況合雜

唐堂集

卷二十一 雜著四

六

循董之紀滌無懷葛天而上哉

詩道志書道事禮道行樂道和易道陰陽春秋道名分此莊子之言雖儒者莫之能易也史遷序六經較詳切邵子乃以易屬三皇書屬五帝詩屬三王春秋屬五霸截四經以分配春夏秋冬生長收藏爲聖人之四府而以禮樂當陰陽未免牽合過啓疑學者

宇宙間理與數並行周易爲春官太卜筮人所掌爲卜筮之用吉凶存亡進退之數莫顯於易陰陽性命五常之理莫邃於易盛治之世理定而數不能違衰亂之世數定而理不能奪

周公無逸篇歷引享國永年之主自殷中宗高宗祖甲說於文王未嘗及義農堯舜告君之語切近易入漢初二賈晁董等亦但引泰爲喻所謂殷鑒不遠在夏后之世

詩小序朱子之辨定矣鄭箋孔疏曲徇毛傳於所刺則曰誓不忘君之過不入君之朝不告君以善呼君爲狡童無異寇讎而於頌美之詩毛以爲刺者則極其鋪揚而以數今之不然作結途使聖經皆歇後之輕薄反面之激射朱子所謂壞人心術者

唐堂集

卷二十一 雜著四

七

無臭夙夜基命宥密有似尙書者皇父卿士番維司徒家伯冢宰仲允膳夫聚子內史厥維趣馬馮維師氏民莫不逸我獨不敢休天命不徹我不敢傲我友自逸王親命之纘戎祖考無廢朕命於緝熙單厥心肆其靖之日就月將學有緝熙于光明佛時仔肩示我顯德行有似春秋者侵鎬及方至于涇陽十月之交朔日辛卯日有食之有似禮記者于以奠之宗室牖下孝孫徂任工祝致告大侯既抗弓矢斯張射夫既同自堂徂基自羊狙牛粢鼎及龜其幽風七月似月令

易語似詩者屯如逌如乘馬班如賁如皤如白馬翰如

密雲不雨自我西郊其亡其亡繫于苞桑貴于邱園東
帛爰爰僮僮往來勿從爾思歸妹愆期遲歸有時見不
負塗載鬼一車先張之弧後說之孤鳴鶴在陰其子和
之我有好爵吾與爾靡之鴻漸于千用詩體尙書語似
詩者自帝皐陶五子歌之外厥草惟絲厥木惟條彭蠡
既瀦陽鳥攸居漆沮既從澧水攸同聖謨洋洋嘉言孔
彰既勤樸斲惟其塗丹獲不剛不柔厥德允修至治聲
香感于神明弗慮胡獲弗爲胡成一人元良萬邦以貞
我武惟揚侵于之疆取彼凶殘我伐用張于湯有光無
偏無黨王道蕩蕩無黨無偏王道平平無反無側王道

唐堂集

卷二十

雜著四

八

正直我心之憂日月逾邁春秋似詩者星隕如雨秋蒐
于紉去樂卒事隕霜殺菽鼯鼠食郊牛隕霜不殺草禮
記似詩者孔子消搖歌原壤登木歌之外將上堂聲必
揚將入戶視必下元酒在室醴醖在戶黍醢在堂澄酒
在下陳其犧牲備其鼎俎列其琴瑟管磬鐘鼓修其祝
嘏以降上神與其先祖土反其宅水歸其壑昆蟲母作
草木歸其澤地氣上齊天氣下降陰陽相摩天地相盪
風霆流形庶物露生天降時雨山川出雲月令三言四
言五言俱備

駟鐵小戎秦俗武悍可想忽繼以兼葭之詩一何澹蕩

綿渺能移我情也與山榛隰苓同趣伊人一方卽美人
西方之思而小序謂刺襄公未能用周禮將無以固其
國秦唯蔑棄周禮游至富強使秉周禮幾何不爲弱魯
耶試以序說貼詩語意有絲毫吻合否當是蹇叔一輩
人所作蹇叔送其子與師曰殺有二陵焉其南陵夏后
皇之墓也其北陵文王之所辟風雨也遐思婉致同一
吐屬

左傳劉康公曰民受天地之中以生理學言也韓宣子
見易象其辭春秋曰周禮盡在魯矣經學言也占易賦
詩引書攝禮列國卿大夫皆能之至孔子子貢以辭命

唐堂集

卷二十

雜著四

九

折強鄰而子路墮都南宮救火冉有用矛樊遲踰溝所
載聖門諸事非徒高談清言爲用世之具也

史記炎帝傳八世而黃帝興黃帝至堯一家相傳五世
而後有舜禹禪讓之事則炎黃之世已家天下禹承其
法萬章不宜有德衰之疑矣孟子曰唐虞禪夏后殷周
繼而不及炎黃故學者但述堯以來

生寄死歸類二氏語豈大禹惜寸陰之聖人而言之
一作生性也死命也則切實程子謂唐虞事業堯舜視之
如一點浮雲過太虛語亦過高

有窮后羿逐夏后相擅政八歲寒浞殺羿弑相而代之

歷三十九載而後少康中興至今讀夏書如日月暫食
不覺其中絕之久者事蹟少也王莽纂漢班固詳紀其
事遂使新室十四年後若一代而載漢爲兩

三代之制自秦始皇一變而漢以至於今迨之雖欲復
古臣直勢不能亦無是理孔子之道自浮屠氏一變而
其漢以至於今行之雖欲除弊匪直勢不能亦決無是

左傳人盡夫也父一而已至今以祭仲妻爲滅倫喪心
之語上文鄭伯惡祭仲使其婿雍糾殺之其妻知之問
其母曰父與夫孰親故答云云大意謂夫婦以人合未

唐堂集

卷二十 雜著四

十

字之初固不定爲何人猶諺云一家女百家求也以與
父較故曰胡可比也魏文帝丕問賓客曰設君父各篤
疾有藥一丸可救一人當救君耶父耶衆論紛紛卽原
在坐不言丕問之原勃然曰父也正與此同然是不爲
太子時獻帝在也原對未免啓有父無君之漸此與祭
姬封語皆出一時正論而各有語病

治天下以理財爲先務聖賢論政籌之熟矣不特藏富
於民一語降而管子沐樹枝商子刑棄灰皆束民以就
勤儉故齊秦雖霸術而家給戶足儒者固安貧然無計
仰事俯畜婚喪賓祭雖疏糲韋布一紙一筆豈能天

地出元儒許衡教學者治生爲先至言也非曰卑之無
甚高論也

漢自武帝好儒重經術經生宿儒各以其學授受弟子
得美官至卿相蓋祿利之路然也而經學大昌然醇儒
若董仲舒者罕矣公孫弘希世用事張禹殖貨財擇膏
腴後堂納弟子飲食婦女相對孔光迎拜董賢揚雄臣
莽美新馬融附梁冀誣奏李固皆儒而不醇玷缺者大
矣猶近代用四書五經制藝取科第仁義道德之言茲
誦不衰而不盡鉅公碩儒者徒爲干祿之具未嘗以聖
賢之言身體而力行也唐初首重文學而許敬宗以大

唐堂集

卷二十 雜著四

十一

姦預焉祝欽明爲八風舞致五經掃地之譏若閭朝隱
禱武后疾身伏俎爲徽宋之問捧張易之溺器宗楚客
附韋后崔湜私通昭容勸武三思殺五王文人無行又
不足道已

人之言曰漢文帝短喪何其不察也文帝謙仁不欲以
身後煩吏民服喪故以日易月遺詔甚明宋儒胡寅謂
遺詔所諭吏民耳太子豈吏民歟而景帝冒用此文乃
自短三年之制自景帝始也數詔剖千古之冤而上文
則云文帝減節喪紀以小仁害大義固有罪矣夫帝何
罪之有乃自古指斥者不一羊祜曰漢文除三年喪毀

禮傷義司馬光曰漢文師心不學變古壞禮真德秀曰文帝率情變古然文章正宗評遺詔後云本文蓋爲吏民設耳景帝嗣君也可緣此而短其喪乎又云觀其辭非知死生之說者不能孰謂帝不知學也此西山之定論

樊噲妻呂嬃以呂雉妹故答殺韓壽妻賈午以賈南風妹故杖殺噲有功高祖而身後不能庇其婦者娶以女子封侯至怒呂祿曰汝爲將而棄軍呂氏今無處矣是平日黨諸呂宜其及耶賈充助司馬氏篡弑妻郭槐以妒殺兩乳母致二子俱歿無嗣女爲惠帝后悍且淫午死宜哉充積惡之餘殃也

唐室集

卷二十 雜著四

七

竊韓壽爲夫穢行皆見史傳后死於金酒午考以大杖曹瞞自言平定天下身爲宰相然欲孤便爾委捐所典兵衆以還執事歸就武平侯國實不可也何者誠恐已離兵爲人所禍也既爲子孫計又已敗則國家傾危是以不得慕虛名而處實禍云云歷代權相傳爲衣鉢所謂騎虎之勢不得下

新室視五代之晉漢周則久矣學者惡朱溫欲以後唐繼唐且欲削晉漢周而以南唐繼後唐而直接以宋似也然後唐本沙陀朱耶氏賜國姓耳如五胡漢劉淵冒

漢高祖光武爲祖何可也南唐曾冒徐姓史稱世本微賤自言唐憲宗五世孫與光武爲景帝子長沙定王之後昭烈爲景帝子中山靖王之後亦未可一例也

鼂錯智囊渾沌之鑿竅也安石經術詩禮之發冢也四皓高隱而墮其節舟藏壑而留侯負之而走也五王大功而廢其軀鼂戴山而三思連之而灼也亂世之羣雄競起鄭人之分鹿也興朝之削平諸難庖丁之解牛也高宗不能復讎榆枋之鸞鳩也伯約不能討賊枳枸之鵲猿也五代噍蜺之春秋也十國豕彘之宮室也管商雜霸鼂腹之滿也佛老異端羊肉之膻也呂陶賈易之

唐室集

卷二十 雜著四

七

分黨蝸角之爭也京鎰胡紘之攻道學螳臂之怒也老子柔弱生之徒剛強死之徒以肢體草木爲證卽齒剛于柔之喻極有理洪範以弱列六極通書以弱爲柔之惡過於柔而弱亦無生理

莊子逍遙篇首數語卽陰陽坎離變化合一之旨北者坎方南者離方魚潛族陰類鳥飛族陽類吾聞諸介山云莊周所引齊諧吾疑列禦寇之逸書也唯列子善志怪莊子旨師老聃師列故其書直錄列子之文凡十九章餘亦變化其辭意而加美焉騶衍曰中國九州爲八十

分之一其外如中國者九是實九州裨海環之如所環者又九有大瀛海環其外惠施曰天與地卑山與澤平馬有卵山出口龜長於蛇其志悉怪也戰國之世不可與莊語故誕設肆妄而出之自是仙佛鬼神之書彌不經而充塞宇宙矣

思能造境思之境皆幻也凡思而不得者皆幻也雖聖賢亦有之孔子當周衰晉楚爭伯而思與周道於東魯此必不得之事而夢寐以之至晚年定六經乃實境矣孟子尤非其時思以堯舜望齊梁之主必不可得之事至退而與萬章之徒作七篇始爲實境然天能限人以

唐堂集

卷二十 雜著四

古

境不能限人以思管子曰思之思之鬼神將通之孔子彈琴見五百年前黑長之文王是鬼神通也天下之事莫不有理至無理者夢也勞勞終日伏我以寢寐之頃而又役其神魂營營而爲夢非想非因我不得主若浮雲飄風之不可以影迹攬貯散漚飛蓬之不能以片段團結則豈有是理也然尙書詩論語禮記皆言之左氏尤喜言夢必驗周禮太卜掌三夢之法又設占夢之官以占六夢之吉凶占之可矣夢可聘乎吉夢可獻而受乎至莊列則津津言之王符作夢列篇尤暢發精蘊而曰謂之夢者困不了察之稱故亦不專信以

斷事蓋知其無理也然則無理之理何終何始極靜而動惟寢之夢

文人學士之勞其五官也倍恒人五官之勞亦有差鼻最逸耳有聽受之勞然心聽非耳聽手不停披於百家之編較耳勞矣顧尙有停頃口之講誦終日不輟勞甚於手默其可也至於目而苦矣自朝至日中晷未已也焚膏繼晷寢而後息乃閉目而猶用其心徹夜達旦苦矣哉文人學士之心乎鼯睡不識字之老卒宜韓魏公見之而歎美也

唐堂集

卷二十 雜著四

古

爲人之道知足不辱知止不殆至言也卽苟完苟美難進易退之義然於爲學正相反若奢望若貪得唯恐失之死而後已知足知止則畫讀書可博而不可雜稗野叢殘亂其記憶矣作文可多而不可濫應酬草率傷其體裁矣措思可深而不可晦魔障纏縛損其神明矣立論可超而不可詭穿鑿支離乖其名理矣

凡論道理如孟貯水圓滿無一滲漏而後可若補苴罅縫以免顛撲則已強勉支吾况穿鑿詭誕以肆其臆說哉不如默而已卓吾聖歎何爲也

持業以就正可也銜耀所長以冀人之稱譽則不如藏

拙蓋其長者未必長也集衆以廣益可也傳會相知以邀人之色笑則不如寡交蓋其知者未必知也

古來才士傲誕詭僻佻險無行往往爲人所樂道律以聖賢之轍其背馳奚翅萬里學者寧庸毋奇勿蕩檢以獵譽賈禍

馬援家誠云龍伯高敦厚周慎謙約節儉願汝曹效之杜季良豪俠好義愛人之憂樂人之樂不顧汝曹效也效伯高不得猶爲謹敕之士效季良不得陷爲天下輕薄子誠哉是言聖賢垂訓不過此周公之於伯禽孔子之於伯魚皆是此意

唐堂集

卷二十 雜著四

六

黃石公素書安莫安於忍辱吉莫吉於知足王弼易略例犯時之忌罪不在大國策與不期多寡期於當厄怨不期深淺期於傷心古諺見乞兒與美酒以免破屋之咎皆深歷世情之言有益於人不尠

晉劉眞長謂小人不可與作緣眞見到語卽有子所謂因也陳大士謂偶而相遭急而相隨

貧富貴賤有命然游惰而貧闕茸而賤不足惜尅剝而富鑽營而貴不足羨苟自恃其命通而務榮鶩以肆欲自誇於命蹇而甘庸鴛以自棄人生難得戒之哉無欲則不屈於物大海之魚振鬣千里而終爲腊者餌

其咎也大河之龍千歲安其窟宅因鎔鐵而徙者護其珠也

堯舜孔顏未嘗無苦有道以善其苦而於是乎樂人有此生卽與苦爲表裏爲終始人美富貴之樂而不知其必有倍於貧賤之苦者

諺言糊塗臉水聰明枕五更眠覺或悔悟舊事或了理明日某事某事可數計也卽所謂日夜之所息平旦之氣也起而盥頰之後十忘其五所謂旦晝之所爲又牯亡之也

凡事理必身至其中而後知其細不然扶牆摸壁爲門

唐堂集

卷二十 雜著四

七

外漢終無入手處又必身立其外而後見其全不然坐井而牆爲管中之窺終無若眼處

理一定禮無定聖人緣人情而制禮又曰禮以義起情與義皆理也若取古禮而變通其繁密瑣碎之難行者則何患于文勝古樂云亡或存五音六律於工尺五六凡上之間所謂今之樂猶古之樂必按黃鐘太簇引商刻羽某宮某調卽深知之而能習其器其果一一盡合于古乎

水潤下火炎上雞司晨犬司夜萬物各有性歷堯舜至今未之或變也魚走而牛飛日照夜而冰炙手有是理

乎人具綱常倫理而設心處事獨百千萬變而至於不可測究者何耶豈人果靈於物哉吾歎人之不如物之有恒性也

真則久偽則暫然而剪綵之花搏土之果飾偽亂真列肆而弼之供凡而翫之闢如榮如閼歲月不壞而梅荷蘭菊之鮮英易彫榴柿柑櫞之嘉實易朽人情安得不日趨於偽耶

觀科目所載姓名聞人少而湮沒衆彼擢第服官炫赫一時終腐草土况蚩蚩者氓以暨疲癯短折顛連無告天何必生此曹乃知天以生生之理爲天子遞衍其戶

唐堂集

卷二十 雜著四

六

口以成一代之觀而然又如世人明知土田非一家所常有願殫思竭力爭奪而有之斯亦天所使以助天子一代之賦稅脫盡爲虞芮閒田惟正之供於誰問之蓋既爲天之子則天之福皆歸焉而天子遂斂而錫厥庶民戶口土田皆是也使胥天下而從釋氏男子爲比邱女爲尼絕生生之理一世之後無人矣

天地一氣之所舉不則崩陷矣人身一氣之所延不則死矣充其體則至大至剛配道義而塞天地孟子兩言其爲氣也指示極親切世俗以嗔怒爲氣與酒色同戒乃血氣之氣

壽五福之首短折六極之首孔子七十三孟子八十四伊川程子七十五朱子七十一聖賢必得其壽常理也顏子其變也無此理也武王曰恭則壽子曰仁者壽壽以仁爲體以恭爲用若老彭老聃之壽則又非理之常已

人言古人多壽形體長大今人漸減以驗氣運之醇漓其實不然三皇幾萬幾千歲荒唐無稽子淵共伯未嘗非短折文王十尺湯九尺殷周之尺弱於今尺而晏子要離未嘗非侏儒我朝百歲人瑞時見旌長身大漢時入選唯學術人品民風土俗人情世態不無古今之

唐堂集

卷二十 雜著四

七

慨

唐堂集卷二十一

華亭 黃之雋 石牧

雜著五

詹言下篇

周禮儀禮或言非周公作然其文至矣左之包公穀也如天戰國之文天之所啓也詭奇機巧非人所能爲也周運從之矣故不著人諸子之書或離經畔道亦天之所啓也老莊管荀韓精而不可磨也呂淮南之淩雜粹漆亦可爬剔而擷也

唐虞三代之文整植弓孟子始散之以流於戰國而變化已極四六之整非古也其靡也若宋以後之四六砌成語以爲巧觀虛字以爲活或三四句爲長對或五七字如詩句則六朝古矣

唐堂集

卷二十一 雜著五

一

韓柳之於周秦兩漢一畛域也先之以元結後之以李翱皆是也杜牧孫樵之徒猶是也歐曾以來至於今一畛域也明二李欲跳而上之而抨擊者至今不已世無韓歐孰闢荒土哉

騷之用隘而賦之用廣荀宋發源班馬安瀾魏晉揚波六朝沿流小篇則屢矣律賦興而古賦亡其旣也裴頭贅尾律賦亦亡

簪裾冠帶士之飾也粉黛脂澤女之飾也謂可無飾而因首喪面木葉蔽體則同人道於牛馬圓蓋有雲霞大塊有葩卉皆不待書染而自然成五色是故君子不厭文

立言可兼德功聖經賢傳德也其次晁賈策充國奏武侯表宣公疏坐而言可見諸行事功也其次史漢之叙事騷辨之言情京都之賦物以至韓筆杜詩其言遂鼎峙而立如第以供遊戲消遣爲荒唐杜撰之書已孤負子墨更下而譏嘲穢褻攻訐怒罵以爲文則秦炬之劫灰耳

唐堂集

卷二十一 雜著五

二

少聞之父師不可不具四性吾伊不倦是讀性過目不忘是記性下筆成章是作性心通神解是悟性不可得兼則悟性爲尤急不能悟雖勤讀強記李善之書簾耳雖多作陽五之伴侶耳能悟若點金之丹傳薪之火取不盡用不竭記誦皆爲心得而文章亦靈

戰國策蘇代曰今日不雨明日不雨必有死蚌今日不出明日不出必有死鵲謂鵲啄蚌之肉而蚌籍鵲之喙兩者開也音協語工針鋒亦對有謂今日不雨明日不雨必有蚌脯者以鵲知雨之鳥故也而以脯叶之何拙至此明楊用修極贊雨脯之叶自然奇偶若見兩蚌之

叶當何如擊節賞矣

古人以文爲戲如王褒僮約戴良零丁張敏頭責文蔡邕短人賦之類至韓愈傳毛穎學太史公雖戲而文則創若樊宗師絳守園池記直以險澀戲效盤詰耳乃有爲嗜而註釋不止者

齊梁人作行狀傳志墓銘皆儷體組織爲工言行反晦決當以唐宋散行爲之高可學史漢次亦可徵事跡此昌黎起衰八代之功

唐張說進鬪羊表羊如能言一轉最奇醒然亦莊列諱常家數明黃輝阜潤堰銘序河如能言石如能言用張

唐堂集

卷三十一

雜著五

三

意文亦奇古然從方回山經山川而能語葬師食無所來

有掩人書以爲已作者有以已作而嫁名於人者郭象竊向秀注莊甚至宋之間奪劉希夷落花句而土囊撲殺宋齊邱攘譚峭化書而沉之江所謂寇盜姦究也和疑以香奩冒韓偓甚至李德裕門人作周秦行記以陷僧孺魏泰作碧雲騅爲梅聖俞著以譏大臣所謂譸張爲幻也若是者罪皆不赦

若夫文士之代人作者古有之矣鄒陽代韓安國几賦阮籍代鄭冲勸進晉王陳琳代袁紹檄豫州任昉代下

彬謝修祖墓啓韓愈代張籍與李浙東書或爲記室或爲友朋而徐渭之序代集曰古人爲文鮮有代人者能文者非顯則隱顯者貴求之且不得况令其代隱者高得之無由安能使之代代人者必士之微而非隱者也蓋自傷貧爲人役故曰可以觀人可以考世蓋文與位不必兼故撰文一人而署名一人者多矣然猶酬字潤筆委屬情代未有無因而竊文作賊贗文嫁醜者

宋太平興國中命李昉徐鉉宋白吳淑舒雅等十三人撰御覽引書一千六百餘種包羅汗漫博而無要又章

廣記尤纖雜蓋設局聚衆爲官書未有能精簡者金華

唐堂集

卷三十一

雜著五

四

章如愚俊卿羣書考索前後續別四集廣大悉備裨益學者與莆田鄭樵漁仲通志皆不媿著述

祝允明罪知錄張大佛老爲繆悠縱恣之談以伊尹爲

厲階孟子爲縱橫者流不可爲賢人襲王充李觀司馬光之說莊周

亞孔一人嚴光姦鄙馮道爲大人極詆韓歐陽朱子三

人以韓平淮西碑不如段文昌又極詆杜詩顛倒是非

混濁白黑而妄以孔子作春秋語名其書間有可取者

謂楊雄姦徐敬業忠孝李自萬夫之望韓偓社稷臣种

放鄙夫張浚愚而好自用論文極乎六經而底於唐詩

詩死於宋

歙潭渡黃訓字學古明嘉靖己丑進士歷官湖廣按察司副使著讀書一得八卷其從孫研旅宗夏重刻之凡九經廿一史諸子文集雜家傳志一百餘種自古迄明隨事立論皆闢博正大譚名理證治道是非法戒瞭如也是吾族之善讀書者惟讀如意君傳此何書也而讀之哉中引朱子詩以昏風歸咎太宗論甚正易其題可也又著黃潭文集經濟錄各若干卷

毛西河古文暨詩近賢罕儷晚年說經講學議禮斥漢以來諸儒之謬尤切齒宋賢幾於裸罵而祖阿姚江康熙甲午歲予與蕭山進士毛姬潢相識有贈答詩即西

唐堂集

卷二十一 雜著五

五

河兄子爲之後者時贈刻本一二部未見全書不謂目無古人至此

吾友宋介山善古文每喜以不結爲結言後世之不及先秦者所爭在結處其論曰結處須乘勢結之譬遊客往往不能歸者以時過勢盡也又曰文之結如果之結花過卽果過後卽不果又曰結之難譬狂風巨舟重載落帆又譬盲人騎馬非深於文者不能道介山以明十三陵詩得名文尤高古可繼 本朝宣城吳雨若肅公王阮亭言吳肅公銜南集文品出寧都魏叔子之右而知者尙少

聖祖登遐詞臣例宿翰林院每日赴景運門哭臨予宿敬一亭已就枕同年張符驤良御關上進凌雲坐予榻清談關時義極工可接先輩張曰君文誠佳但多排句如點題用散亦可關良久曰吾見四書多排句耳予因腹繙學庸論孟洵然且悟不但排句亦多叠句

樊紹述澀體不可有二山陰樊氏宋爲時文曰杵鉞胡穉威作序學樊體予戲其艱旨險辭則恒文耳焦徵君贊以詩曰辛苦披尋終守居瑤翻碧激六朝餘九原欲喚歐陽起放見三墳以上書以歐陽常黜軋苗議札闔也予因復戲書杵鉞序後云澗彥升帖括業式

唐堂集

卷二十一 雜著五

六

魁紀公衍言六百七十三歲剗亨辭助語黠塞估聲鏤播豆目若闕翳靈詠盲僮罔弗賦警彈伏死古絳記工澀秦田水月尙判譬砂塗鬼符翁髯効雄拾艱深揜膚近邇虞蒙譙鳳字庸嵌刺僻體句澤抹竄棘文載譙賈爰衆昉攬頃繆根眩霓曹耦怙沮徐譯厥攸指枵唐無纖蘊嘻揚樊翹前江劉亦夏夏趨杏被後死摘缺矧賸底茲極哉曷怪克襲曷設克悠障我旭補覲彪彪橫鳴代伊盤詰屈問窾脈條開刃解駘謀罕有挈保入魏驅夫還繩迺印朋徇嗜矢詠走懼蕩道鞠險流滓豬諸淵映庸獻忠諍言

古人對君尙有痛哭流涕之說况著書行文更何忌諱
有子言孝弟而及犯亂字孟子言仁義而及弑奪字後
人編次論孟當不列之首簡矣詩言性情尤不可拘忌
李賀好用血死哭鬼爲歿徵杜甫好用愁苦涕淚爲窮
相亦偶然事耳

或謂文有詩心便傷大雅夫文必宋以後哉古文中
韻者皆似詩三言四言難更僕數至五七言如東方朔
化民有道對木土衣綺繡狗馬被繢罽王褒聖主得賢
臣頌蟋蟀候秋吟蜉蝣出以陰恩從祥風翔德與和氣
游揚雄解嘲深者入黃泉高者出蒼天劉向琴諷篇高
唐堂集 卷二十一 雜著五 七

臺旣以壞曲池旣以漸趙壹謝友書乾皮復含血枯骨
復被肉應璩答滿炳書高樹翳朝雲文禽蔽綠水羊祜
伐吳疏高山尋雲霓深谷肆無景劉向說苑能生雲雨
爲恩多王褒頌煦噓呼吸如喬松班超請歸疏不敢望
到酒泉郡但願生入玉門關俱詩句
詩也者天地之精鬼神之靈日星之形風霆之聲陶唐
以來綿千萬世不絕也神而龍翔昌而鳳鳴怪而鳴嘯
豕駭劣而魍魎語能者天授而莫能攘不能者老死
而不得其鑰詩之用視賦爲尤廣若海然浩浩者歸焉
涓涓者納焉故不絕

螳出而知雨螢吟而知秋螢之光照讀蟬之蛻療疾唐
小說宋元詞曲雖小文其用奚遜於之蟲董子謂諸不
在六藝之科孔子之術者皆絕其道勿使竝進爲黃老
申韓言也若孺歌童謠孔子嘗取之

古人作詩多想像摹擬之辭碩人之二章衛人只形容
一美字其實膚齒笑盼雖謔浪之莊公且不能道及老
杜麗人行旣曰慎莫近前則遙望秦虢而肌理細膩骨
肉勻不過想當然爾

老杜匡衡抗疏功名薄劉向傳經心事違謂曾仕朝爲
左拾遺失官不復無所抒展流落夔峽間不若衡以文

唐堂集

卷二十一

雜著五

八

學歷丞相封侯屢抗疏陳政治得失是功名薄也二子
宗文宗武不能傳父業不若向子歆校六經七略以世
其家是心事違也暮年失意撫懷觸感語極痛切然衡
當石顯用事畏顯不敢言後屢被奏劾子殺人嘗免冠
徒跣待罪卒以專地盜土免官而子美縱遊楚蜀放情
詩酒以終歌助新莽篡立官國師後怨莽殺其子謀
莽事泄亦自殺不克庇其後而子美身後尙有孫嗣業
歸葬乞元微之誌其墓則於匡劉何慊焉

子美之朴老也而月夜作有雲鬢玉脣之思東野之孤
清也而別妻家詩有芙蓉鴛鴦之喻故知緣情綺靡詩

人本色亦夫婦之倫如此

李賀集無七言律一日讀南園絕句第十一首嫌語氣未完急以第十二首連讀之始知爲一首而誤分者詩曰長轡谷口倚嵇家白晝千峰老翠華自履藤鞋收石蜜手牽苔絮長蕤花松溪黑水新龍卵桂洞生稍舊馬牙誰遣虞卿裁道輓輕綃一幅染朝霞

舊傳長吉七歲賦高軒過序言韓員外愈皇甫侍御湜見過因而命作按長吉七歲時愈年三十在汴州依並晉爲推官未爲員外也四十二改都官員外郎拜河南令四十四遷職方員外郎計長吉在十九二十一歲之間

唐堂集

卷二十一 雜著五

九

間湜於元和元年登進士第爲陸渾尉計長吉時年十六則七歲時湜未爲侍御也

楊太真盡明皇如武氏私祿山如韋氏覆轍在前而不
知戒卒致禍亂縊死馬嵬樂天乃据陳鴻述蜀方士游
神馭氣見太真於仙山樓閣稱玉妃致上皇生前私語
爲信遂作長恨歌以紀其事謂欲懲尤物室亂階而實
則深情麗句津津然夸美之也近錢塘洪昉思撰長生
殿樂府尤極形容清虛仙界登容此等人褒姒不先在
瑤京玉闕耶文人翰墨何以垂警明季蕭山諸生屠某
入西施廟作詩寓諷西施示夢於某督學譴責之命生

赴祠謝罪而免見毛西河詩話豈尤物精靈歷千八百
餘歲而不泯滅吾不信也又西河九懷詞載宋淳熙中
敕封西施爲土穀神曰苧蘿村土地先施娘娘尤怪宜
楊氏當人主者之爲天仙玉妃矣

昌黎言劉闢之族誅也曰婉婉弱子赤立僂僂牽頭曳
足先斷腰脅宋儒謂此李斯頌秦所不忍言而退之以
爲無媿風雅何其陋也後人又謂唐之藩鎮跋扈故極
形容誅滅以示戒耳近代屈大均紀歲饑食人有某氏
婦自鬻於屠以活其夫者作詩悲其義而曰芙蓉肌理
烹生香乳作餽餽人爭嘗兩肱先斷挂屠店徐割股腴

唐堂集

卷二十一 雜著五

十

持作湯何忍摹寫至此謂風雅可乎

常建詩山暝學樓鳥月來隨暗蛩尋空靜餘響嫋嫋雲
溪鐘又青苔常滿路流水復入林遠與市朝隔近聞雞
犬深毛大可改蛩爲螢以証冬青二韻通改深爲聲以
証庚侵二韻通且解之曰螢有明暗蛩無明暗蛩卽蟋
蟀豈有明蟋蟀暗蟋蟀乎聲可聞深不可聞且何者爲
深雞犬淺雞犬乎如此說詩直是冤枉蛩在暗處月來
照之若螢亦有光故月來隨暗蛩則有情致月來隨暗
螢索然矣深字對上隔字深在聞者體出不粘雞犬故
近聞雞犬深則閒居情景悠然若近聞雞犬聲則打油

不成話

錢受之采集明詩博矣我郡馮元成一篇不存而附論於劉子威鄒彥吉之下謂其主東南文玷二十年踏駁補綴虛名無實其他或錄一二首而極口詆譏者則必超北地濟南鄭邠者也至序唐詩英華則貶嚴滄浪妙悟之一言爲翳熱之病惡症傳染其黨馮定遠遂敢置滄浪爲一竅不通一字不識王貽上比之醉人罵坐聞者掩耳走避而已

步韻限韻非詩人所貴龔合肥好用古人韻曰細了好打不知其爲打詩乎打題目乎娛性情標風雅而譬之

唐堂集

卷二十一

雜著五

士

交手足受撈筆之辱形苦境哉陳澤州言應制必限韻則措辭有依傍不游心於廣漠便於速成亦此意

金壇王彥泓曾仕松江學官所著疑雨集皆香奩體編年閱二十有八則少壯迄老舍裙裾脂黛不更措手范武武功屬予鈔寄予題曰韶華有榮落而吐穎長春境遇有苑枯而散津皆綺不惟才情富溢抑由志力彊忍矣如謂庾信太輕崔顥無禮責其傷化病其損格則是矯饒羅敷銷聲於古歌捉搦子夜減影於樂曲才人必芻偏而韻府皆鞞鐸也蓋予壯齒時亦頗悅之其用事咸有來處嘗爲之註終覺其纖褻悖詩教棄之

詩人於月姊星妃湘娥巫女輒構哀思豔辭以致慕悅夫流連光景緬懷古跡何所不可言而必瀆天地褻鬼神能不墮犁舌乎聞有題小姑廟壁而舟覆彭蠡入二妃廟詠詩而身溺洞庭庭者皆以綺語可不戒哉

僧雁黃嗜詩予見其評杜集及徐文長屈翁山等集皆獨出妙意其評文長雪詩八十韻云達官能文者賓客門人子弟檢辭事權險韻助成大篇易耳先生窮居遇雪未必擁貂炙獅而何苦研冰呵凍嘔心皺手以成此幽詭險澀之作若樂此不疲者蓋雁黃自道也予亦因之有感

唐堂集

卷二十一

雜著五

士

林寧黃學榮字文石家編修伯和增頁爲碩著文碩字說工詩善書畫詩極敏捷有聲北雍康熙戊辰歲秋將入都過松賸於學士里齒長於予而分爲小阮席間予索別詩文碩請韻予唱一韻曰刪應聲曰竹林歡叙百愁刪又唱關意其難貫也曰况復清秋月滿關又唱灣曰露引草蟲吟徑曲風吹漁笛度溪灣又唱還意其方出字難用也曰題詩此夕開樽坐獻賦何年奪錦還又唱班曰一卷秉藜須努力成名莫待二毛斑一坐歎爲八叉才松郡間有韓曉童者詩最速客試之甫嚀煙限煙畢詩成請題客指橋燈應聲曰映雪囊螢未是奇請

看朱橋代青藜我來不敢高聲讀恐有仙人夜賭碁時
尙黃煙一二吸可盡洵七步才也若近時繡袋銀箭飽
納黑煙歷半時未灰者可成長安古意帝京篇琵琶行
連昌宮辭矣

古詩必宗漢魏今體必宗盛唐不可視為恒談套語而
徇世俗宋元之好有明一代迭有廢興其正宗不可違
也旁門小乘尙於初中晚求新未有奉宋元人詩為準
的者或不自檢而偶墮宋元者有之吾交詩人許廷鑑
子遜宗太白謝芳連皆人宗王韋嫡派正脈予實愧不
逮矣

唐堂集

卷二十一 雜著五

三

少時與友尺牘驕陽既頽繼以清夜虛庭獨坐涼颼從
水上來扇人雲氛四除皓月愈孤天作深青色手一冊
就月讀之字畫開朗炯映毫髮或起步微吟風窗自開
陰蟲相語肌涼轉寒不知是夏是秋矣稱月者輒以月
當秋夫夏月從炎燄濤蒸中濯浴拂拭而出之以灑人
心慮覺關悟境達此不遠云云何歲無夏月而吟讀之
趣不可多得爲之一慨

莊列以幻語幻事實幻思聖賢不屑也學者則謂之妄
想最宜戒翰林前輩永年冀先生棟知醫予就診脈曰
無疾予曰嘗發妄想恐坐馳神滅戕生之道冀先生曰

妄想亦可却病必現在必不可得人生最適志快樂之
境遊心而入如身有之則神怡精爽也斯語一時解釋
之辭耳未可爲訓雞犬放而鴻鵠至不且爲膏肓之病
乎

昌黎張中丞傳後序言巡讀書不過三徧終身不忘于
嵩試以漢書果然李安溪評謂非情理所有傳述者之
過又言睢陽城中士卒萬人居人戶且數萬巡一見問
姓名後無不識者則尤無此事許敬宗見人輒忘或尤
之答曰君自難記若遇曹劉沈謝暗中摸索得之然則
讀書善忘可曰此書自難記

唐堂集

卷二十一 雜著五

古

宋冢宰撫吳得唐伯虎墓於桃花塢之草間培土護以
周垣建才子亭其上康熙辛巳歲予遊焉墓不封樹垣
土剝落其地爲蔬圃其亭瓦木湮漫欄楯黜毀中有碑
石橫仆不礱不鏤或言始公之建斯亭標其才也旣而
圖惟其行不可爲士則故碑刻缺焉伯虎與祝希哲張
夢晉輩肆志縱狂放蕩於文酒聲伎而世慕尙之終其
身而名後世未可謂不幸也

周忠介被逮時吳諸生王節楊廷樞文震亨等首謁毛
撫一驚白冤節字貞明忠介器爲國士者也旣戮五人
節遂覓革尋復籍中崇禎己卯科舉人其孫熙載予庚

子同舉鄉試謂予曰明史某太史撰周傳原藁有祖名歷數總裁不知何人削去以爲恨持頌天臚筆三四種書爲證洵鑿鑿也

予家陶宅西二里許明鍾封君薇所居著有面溪集倭遺事若干卷徧問其家無之見崑山徐氏傳是樓書目始得借觀陶宅本巨鎮設巡檢司後遷南橋嘉靖間爲倭據遭兵燹史載胡宗憲勦倭事必及陶宅徐渭集有陶宅戰歸序地名甚著而同時文集有稱陶澤者誤

吾松范濂字叔子明隆萬間人著空明子八篇凡數萬言諷切時事幾罹禍晚著雲間據目抄人物宮室賦役

唐堂集

卷二十一

雜著五

五

風俗災異可儲志乘采擇筆頗雄健叔子爲督學耿公定向所取士以縫掖終耿倡道南畿聚徒講學大開致良知之教松郡以諸生楊井孫林士博爲首井孫其兄楚撫孫遺賫慘殺寡嫂以大辟赴獄上博與之曰吾道南矣聞者捧腹事載據目抄

吾松錢舍人葆勳問董孝廉蒼水曰君家有龍何也董曰猶君家有鳳耳董之子晴川隴林南華肥夏日裸坐林曰眞骨董董曰差勝肉林矢口捷給殊典切衛生某身短飯罷坦腹而摩之曰君子坦客曰果君子也衛喜客曰小人長皆用論語予飲范丈笏溪所范舉宋人語

二卷又足一團大腹曰君姓是蟹予舉檀弓語也周冠而顰有綏曰君姓是蠶笏溪大稱賞因思古人雖戲語有書卷氣如雲龍發駭諸庾翼翼麥豆不殊羊牛下來俱雅徒恃唇舌機鋒爲虐諸則學者宜三緘也

禮疑人必於其倫器人者則曰禽獸然而大人虎變君子豹變麟騶虞比文王雉鳩比淑女鳴鳩比君子鸞比周容鳳比孔子以至劉德駒龐統鳳嵇紹鶴則譽之矣畏之爲郭鷹寧虎惡之爲李義府貓楊再思狐賤之爲婁豬艾猥則其人自取也若夫諸葛驢歐陽猴姚崇鶴雀邵簾獅張亢十則以形體嘲笑莊休所謂呼牛呼馬

唐堂集

卷二十一

雜著五

六

無所不可

小說言王質觀奕棋一局而斧柯已爛是仙家歲月促於人間也又言盧生夢富貴一世而黃粱未熟是人間歲月促於夢境也如其言則與其仙也寧夢

假者真之反文之曰僞理之曰贗君子惡之然有公然名之而不諱者六書有假借五伯假仁假義殷通爲假守陳涉以吳廣爲假王韓信求假王晉太元中婦人與假髻孫綽著假面則今皆有之唐宋園池有假山蘇洵記木假山則假之假也今假山尤盛昔以湖石極巖洞雲瀑之巧今以黃石亦層累數丈以樨畫意明知其假

且賞而愛之矣

獲村近堯峰產石多硯材汪鈍翁銘云黃章勳質殺墨宜筆者也姑蘇顧家婦善製硯多做古式王研農贈予顧製獲村石硯正方中砥平陷其四周爲池甚精好又吾松馬家婦善刻字嘗梓許觀察鶴沙詩集許贈詩曰五月行吟寄漢西漫勞紅女爲災梨詩逢鸞鳳能詮解句出歌鬟定品題墨汁有時沾翠黛銀鈎終日費柔荑諸君可有香奩詠消受閨中學印泥以女工助文事亦佳話

江南通志訂爲辨正頗勞今借閱刻本與原藁多舛惜

唐堂集

卷二十一 雜著五

七

遽索去未盡標出分十志者創例而序言分括十門舊志所同崇禎本朝諡莊烈帝而仍福王所諡爲懷宗漢武帝登禮濤之天柱山謂之南嶽在今六安州之霍山漢書注甚明而仍謂卽元時所置之潛山縣吾始祖諱積爲新安太守程元譚繼之俱東晉時今俱列西晉而置程於前至吾松錯誤尤夥今所行松江府志修於康熙二年至二十二年重修而其本未行乃於雍正二年知府楊紹修捍海塘一條引府志康熙六十一年云云六十一一年曷嘗有志哉舊通志載知府止今載及知州知縣各州縣造冊申局極其詳備今職官志華亭知

縣馮廣康熙元年任而直接十六年任之南夢班婁縣知縣張顧恒康熙二年任而直接十六年任之史彬中間李復興孟某俱失載李行均田均役法吳民感頌至今今志內徭役類大書名宦類大書何故職官刪去孟則欲變壞李法而獲罪去者署奉賢知縣徐必昌改昌爲達陶宅四隱墓明載四人而刪其一曰忘其名谷陽改賜科目類康熙甲辰程文彝婁縣人雍正甲辰重見康熙庚戌黃雲企華亭人雍正庚戌重見北榜舉人康熙丙午錢芳標戊午錢金甫俱刪去康熙壬辰董洪即胡宏兩載藝文類華萃集吳懋謙著保素堂集錢金甫

唐堂集

卷二十一 雜著五

太

著皆本朝人而入明代且重見凡此皆予親閱定而紊亂至此豈有意爲之耶予辭歸日謂當事勿列予名今忝載纂輯之首而官銜亦倒後晤長洲邵時東無錫華豫原亦言蘇常多竄改原藁可怪也

翻切之妙方言無字者可切音以出之曩有切吾郡奈何二字爲歟向亨向者極醒然上一字作奴響切尤肖因旁推之詞人曰亨加切人有言而不然之曰烏登切不敢明訴而口自言曰共因切罵人曰蟻牙切呼母曰滿加切怒而睨之曰哀光切推類甚多

聲同而音異凡嬉笑號哭呻吟叱咤之聲達之天下而

無才同聲成文謂之音語言誦讀則隨其方土而無一
同鳥獸之聲無不同牛曰牟馬曰噫吁嘻同也生三犧
此罵彼曰眇彼罵此曰蹇則唯能辨其音者知之故言
聲必及音嬰兒有聲而無音故天下無不同

所謂出辭氣者辭同而氣異如荀息對獻公今日取郭
而明日取虞爾口氣暢宮之奇諫虞公今日取郭而明
日虞從而亡爾口氣促梁惠王賢者亦樂此乎口氣慙
齊宣王賢者亦有此樂乎口氣詡顏幸問齊王大國何
塗之從而致之齊口氣黠齊王問顏幸寡人終何塗之
從而致之齊口氣駭凡同一辭而卑亢喜怒哀緩急不同

唐堂集

卷二十一

雜著五

九

者氣也故言辭必及氣左史叙辭妙處皆有氣在

唐堂集卷二十二

華亭 黃之雋 石牧

書

設李廣與衛青書

大將軍以肺腑親戚專上寵貴傾天下有不得志於其
屬者欲殺斯殺之耳然廣非朽木腐草無口而不言恐
魂魄無所訴故延喘以明區區之心廣之從大將軍於
茲也奉天子命以前將軍援分守職實爲大軍先一當
單于不勝廣之罪勝廣之功廣身當之耳不知將軍何
故必徒廣出東道右將軍之東宜耳廣與右將軍并軍

唐堂集

卷二十二

一

甚亡謂廣辭益堅將軍趣廣益迫道既回遠又無導以
故失道後期至將軍乃必急責對簿廣自結髮至今年
六十餘歷事三帝迭守上谷上郡隴西北地雁門代郡
雲中右北平諸要地與匈奴大小七十餘戰弓鳴祁連
之壘矢著寶顏之石旗動馬馳揚光邊庭匈奴畏廣謂
之飛將軍所不及將軍者命也若以材論天下後世謂
隴西李廣何如者而獨不能見容於將軍即前軍先驅
身當單于未必不利且中將軍有舊恩於將軍而新失
候將軍則與俱翼令立功而遂以是斥廣於遠道乘其
後至又從而罪之夫廣非有心失道後期也使出東道

是將軍有心陷廣於罪也廣老矣寧死於戰不能死於吏意者將軍欲借廣以立威於單于曰若所畏廼吾所折辱而奴隸之者也致之死則死者也則廣又何靳一死而不令漢法重邪所恨者文景所獎許今上所材釋一親貴之臣任心而殺之萬里之外區區之心無所自明耳諸校尉無罪毋再責廣頓首

設山濤答稽康絕交書

濤白濤爲選郎推轂天下士惟足下矯矯若雲間之龍足以光輝王室潤色廊廟故敢選官之日舉足下自代濤所以薦舉而不疑者夙與足下遊於河內之山陽甚

唐堂集

卷二十二 書

二

久相知甚深因欲君友兩盡耳不謂大違足下之旨侃侃示絕請略陳其愚於左右濤聞原壤無所建立不免叩脛之杖臧孫辰知展禽之賢而不舉遂有竊位之誅足下賢如展禽逃爲原壤之行濤知足下之賢熙熙而效文仲之尤仲尼復生其可勝誅來旨盛陳嬾嫚之習簡傲之性人情有之所最不可者非湯武薄周孔足下豈真能羣鳥獸而不返出宇宙而獨立邪然以禮法陳說則足下所不樂聞竊謂放達之旨雖足下猶未盡得也夫無所障礙之謂放與時推移之謂達老子莊周足下所師老子爲柱下史莊子爲漆園吏誠以爲輪爲

輿化往來柱下漆園亦足寓道不必爲官不必不爲官棄之不謂廉就之不謂汙子賤宰邑而鳴琴長孺守郡而臥治道行於仕宦情適於臥琴不相妨也不見東方生之避世金馬門耶而何必高邱之中藜藿之下况足下曾拜中散大夫則何今之邁往而昔之羈屈哉餌芝朮煉金石愚夫之所謀道士之所說不足學也來書云新失母兄之歡意常悽切男女未及成人顧此悵悵如何可言然則足下旣戚戚於男女矣而君臣之義如何其廢之昔惠施爲相莊周不廢往來仲尼皇皇于七十二君老聃與之極歡今濤之交足下於孔李莊惠同也

唐堂集

卷二十二 書

三

足下學老莊而絕其友未爲善學老莊也人各有志不可相強而今而後濤不敢復言雖然狷狹者世之所忌俗侮者毀之所集足下能卽隱耳挾重名標亮節以遊人間懼其不免矣蜩鳩之智喙於大鵬惟俯察故人之意濤白

答路西駕書

辱賜書及古風一篇洋洋數百言叙昔歡傷今索慰貧况規狹衷風雨之夜三復讀之爲之淚落而聲咽嗟乎足下視僕豈素無義不知道之士哉顧遇有外而勢有激中有感而外不能無言也古稱貧而樂者曰顏子然

有郭外田五十畝郭內田十畝奚不樂子與子桑放達
人也十日飢餓則援琴而歌曰父耶母耶天乎人乎奚
不悲然則僕又豈能盜無粟枵無衣累旬不得一醉囊
漙而無一錢乎小時讀江文通恨賦歷叙恨人至馮衍
則曰左對孺人顧弄稚子竊謂此亦人倫樂事何恨乃
衍遭悍妻恨宜耳如僕日閉門同婦春鋤或抱弄稚嬰
歌吟焚澗之下錄錄無所用於世欲不恨不能矣曹陳
思云每當四節之會塊然獨處左右唯僕隸所對唯妻
子高談無所與陳發義無所與展未嘗不聞樂而拊心
臨觴而歎息彼以藩邸聲酒之樂猶作此言嗟乎足下

唐堂集

卷三十二

書

四

不境其境不味其味安知其中之愁苦偏側者僕嘗蓄
私願四得七八品官以從政榮親著書數卷以傳後同
志三四人結社以講學論文年六七十歲以閱歷世故
謂甚不奢今觀之似不可得一而愁之來也譬膠之與
漆固結而不可解古聖賢不言愁屈靈均始發其義而
形容之不意中僕甚深也前後兩札皆道及澄江試事
高誼感人然僕自十五出試有司凡三應科三北知與
此事無緣故廢帖括久通百里者宿春糧行李蕭蕭安
能飽霜露乎所尤不可者老父病三載近復跌損左股
瀕於危甚卽一日百轉側必需僕扶掖又安忍違離曠

月微錄科之微譽平殆非人子也唯足下哀而原之

與家廷宣書

廷宣無恙離絕七載胸所欲言填積如崇邱每冀一見
顏色舒洩所懷思去冬十月相晤謂當傾肝倒膽口若
決黃河耳若張大壑言尙有所不盡聽尙有所不饜也
乃僅廟中片晷之叙道周十步之語憊忽分去而不爲
悵悵者意假館事成卽當朝夕過從復與願違竟成阻
絕廷宣頗憶疇昔玉蘭嶼中之樂乎江城春暮芳艸滿
庭講誦之暇繼以觴味酒酣以往追古人於蒼旻唾時
俗猶泥滓此時自視不知作何等人廷宣亦雅善予不

唐堂集

卷三十二

書

五

以爲噬歲月忽遷索居多恨塵空於禮俗願領於衣食
敵精於賦斂傷心於喪紀觀閱於羣小沉埋於考試塔
然自失其我而赧然不敢見人廷宣於十月廟中密察
吾之形骸神采得不駭而矜之乎自十月以來遇日益
窮窘日益損學問日益荒落志氣日益沮敗人情世態
日益不可觀念爲鄉人隱約無窮便欲奮飛出門走燕
趙叩京師上書北闕賦賦甘泉自度所優爲耳而筆之
鬼神未告吉謀之親戚未見助此無蘇秦之李兌彼無
馬周之常何用是踵若有曳而足爲之裹則又感慨自
奮以爲一室之內聖賢聚焉易書春秋之鴻崇莊周屈

原之浩渺兩周之風雅二漢之文章可以燭溫其理義
采擷其菁藻枕籍百家漁獵萬卷亦足以樂而忘疲矣
不能自秘馳以告廷宣期與其進其道他日以爲證廷
宣果謂章句帖括之業可以終身哉昌黎不肯與斗筭
者決得失於一夫之目而爲之憂樂流俗之是非一時
之利鈍果不足以奪吾志而畢吾事也古語有言人生
三十憂老將至易入凡俗隊中可不儆省廷宣與予咸
當其時矣富貴存乎天知遇存乎人在天者不可豫擬
以自誣在人者不能強邀以從已圖其所可專造其所
可成則處心閒而赴其途也敏沈攸之云蚤知窮達有
唐堂集 卷二十二 書 六
命恨不十年讀書既以自悔并以相勗幸見啓發匡所
不逮

答呂丹錄書

辱賜翰以古人之參謀記室見勗自漢魏晉唐宋大府
幕職皆得自辟置而其職皆官也以故任重有權其選
擢而去者往往爲名臣或嘗謂僕今之所號幕賓者詎
事其主結左右之歡攬權藉勢苟且以取賂遺耳君同
師也而究觚牘之任守道自尊不善俛仰宜也夫既無
古之參謀記室之權之任而又不爲今之幕客之所爲
則涼涼嗷嗷無所建白奚足怪省中地僻人少太平日

久理甚無事主人才餘於任上陳奏疏下披案牒旁剛
書翰食頃而竣待其屬之大僚若腹心郡縣有司若子
弟地方利病軍民士漢事宜促坐商榷卽瑣務末節又
與私人謀之不以煩賓客紙田墨稼不求越俎檢府庾
樓之間聊以永日而已夫丈夫者南逾強仕既未獲紆
朝廷之寸組以展施當時又不能安居教子修名山之
業以垂後世馳驅萬里攜劍縱而詠姬隅旅進旅退歲
月逝矣明鏡告予顛毛華矣乘風攬轡之志讀書談道
之樂鬱於時命困於孤立因是以乖戾滋甚頽然自放
遇達官貴人佞夫智士則塞默不能吐一言而收園竈
唐堂集 卷二十二 書 七
養又無可與語乃遜而之麴蘖之伍以全吾天而葆吾
真當此之時雖萬鍾千乘十資九還猶將摧燒糞掃以
付諸無何有之鄉不以溷適公也於是批根者相警警
求癡者加謠詠而僕厚顏而怙非冥心而不悔何者恃
主人之夙知已而能容我也足下亦知已而乃欲奪參
短簿我手

答許子逸書

已申之月兩接翰言知吾兄阜比講學纓冕傾心體尊
而情不舒身滯而腸自轉凡毫髮事在心目間藉非雙
魚遠貽何由萬里如覩弟才拙肆應性懶逢迎家既寒

貧年復衰晚志伍麋鹿而汗馬首之塵心惡蠅蝨而牽雞肋之味言笑違心應酬瘁力以至却妻子而勿顧見家書而情答戚族問訊友朋寒賸讀之則甚喜報之則不勤何則無暇答則磨墨數起少佳緒則伸紙俛倦兄之兩札併答又遲至半年始成非敢忘也職是故也人言兄欲辭粵還吳蹤跡未知懸念何極芝光客湖南王僉事幕兄謂弟前書不詳其地以遊楚二字蔽之夫長沙桂林境壤相接湘魚衡雁賸素易通何待燕雲遠人復爲筆札贅語恭逢 盛典會試加科兄聞 詔書倍當踴躍在粵幸無懷安於館粲在吳幸無繫戀於邱樊

唐堂集

卷三十二

書

答陳生登江書

登江足下古者人文合而一是故臯益有文而其驪否伊周有文而康來否尼山有文而魑魅否周末文勝莊周列禦寇申韓儀秦之徒百家競出而其文之力至能移人與深者使人沉精冥思百索而不厭刻露者驚心動魄娛目悅耳而不忍舍噫其至矣而其人於聖賢也非岐而趨卽畔而邪於是人文離而二厥後若仲舒孔明以迄韓歐之徒人與文其合焉者也然而僅矣宋儒談理講道本訓詁體不得謂之文而其人之於聖賢

唐堂集

卷三十二

書

也爲肖子爲高弟則宋儒之所以爲文也僕之知生始以制舉之文耳旣而生來謁呈古文之業有祭儀封張公文言幼時卽以行已濟物爲志故受知於公最蚤於是因生之文而又知其爲人世之高論者曰文非所重重爲人耳太上立德故顏閔無著述其次立功故蕭曹無辭采然而天有日月雲霞地有嵐波卉木而人有文章譬諸金玉必發鏗鏘之響譬諸珠寶必吐光芒之色士缶之無聲瓦礫之無光是故質至而文生焉人者其質也文則肖其質而出之者也故曰人文一公車至接生手書纏綿整峭其文較前業勝矣所云先憂後樂如希文存心利物如明道正色抗論如伊川絳往開來如考亭自忘罷鈍願銖積寸累以逮之生之爲人志可謂高而學可謂篤矣而大指又以鄉薦不遇不得祿養其親爲戚戚則非僕之所期於生也君子所病行不立學不成文不根柢於道行立矣學成矣抒其文詞以表見於世而世取之宜也其棄之命也始棄之而卒取之時也生第如所言稱先道古獨立不懼者而爲之不已修其可自主者以徐俟其所不能自主者年甫壯也而親又賢則其願生之科名富貴以榮其親度不若願生之修身砥行揚名後世以顯其親之心爲尤切也修其一

侯其二可謂孝矣奚爲而戚戚耶生欲乞別號以娛親
謹依名取義曰海鶴蓋祝其有年以慰人子之心易不
云乎鳴鶴在陰其子和之我有好爵吾與爾縻之抑又
可以爲生祝也閩縣吳生于岸窮居授徒頗足謀朝夕
吾士能安貧斯賢矣憶生所紀四人吳生而外漳浦蔡
生長淳嘗見其文又見其人莆田游君帥計偕入京亦
相見人甚俊爽而未見其文惟晉江李君丹桂未識也
郤武有孝廉黃衍者字元杜有文鈔十卷俱有體裁其
議論能不謬於聖賢之旨連城諸生有童能靈者字龍
儔能談理者理學疑問數卷甚精不同勦說此二人者
唐堂集 卷二十二 書 十

寄房師田侍御先生書

之雋白侍御先生門下自違杖屨四年於茲憶使閩日
數踵門以求指南數值在公未獲面謁昨夏還京而先
生已前兩年歸里矣中間急於校士日無暇晷道路阻
修闕焉候問既調相國知先生授經某氏脯修頗饒於
官俸云夫古君子仕則行其道去則行其教是以無入
而不自得聞先生昔者議事 朝堂與楊侍御式光俱
不肯附和遂被劾以去易所謂蹇蹇匪躬者也式光嘗

自潮至漳言去國之日與先生並轡出長安門先生謂
吾旋陽城僅千餘里費猶不給君歸潮陽九千里行李
奚所資且吾歸而開門授徒計可自給而君有兩親奚
所資而養焉蓋式光誌前輩之臨岐縱縱猶感形於色
而之雋又以嘆先生之鴻冥鳳舉颺然清風之不可及
也且夫食君之祿而依阿諂諂視大僚意指不敢持已
見可否是非惟恐罹咎而於同官輒相傾以爲智有過
則相怨以爲彼累我去則皇皇若無所歸其無愧於君
友之倫而達進退之義若先生者所聞於世亦罕矣之
雋嚮亦欲行其道於閩自念釋褐甫歲餘受知

唐堂集

卷二十二 書

十一

聖主驟膺超擢感激圖報慨然以變化士習爲已任崇
實行取通經學古之士而約束其不幸者惟酌取蔬蕢
以供朝饔謝絕一切苞苴竿牘方清苦自勵以無負師
訓而力小德薄不勝其任被 旨召回或曰得罪於某
故或曰爲某中傷故言人人殊之雋至今不欲知其果
何人也賴

主上明聖僅鐫坊秩仍留翰林彼何人者氣亦可以平
而技亦無所施矣日以修史撰文之事兢兢自効惟懼
隕越而僦屋雇車日用酬應之費俸祿所入不足以償
所出日積月累斯爲可慮因念先生此時講學河汾傳

道設教之樂視昔耗筆冠柱後時安危佚勞何如當必有分矣世兄英偉一見傾倒歸便附書曷勝馳戀之至

答宋山人書

僕歸里後不敢馳隻字奉長安貴人亦無隻字達窮巷中高士者遠嫌而任顛故也而長安兩種人亦皆別經歲矣從未以隻字先及衡茅唯何瞿兩君曾貴手翰今則足下惠然郵瓊瑤之章宜其藜藿空谷中忽有若兄弟親戚之聲效於側也老杜一月得一束書尚惡其虛問寒暄而不救溝壑僕一年僅得兩三紙輒喜欲狂豈古今人度量相越洵遠耶抑物以難得者爲貴耶來書

唐堂集

卷二十二 書

三

亦寒暄耳乃字字吐心瀝肝出之日讀一過如坐雪晴軒對語而忽又愴然不能卒讀者所謂南北澗絕無從與僕密聊於僕向所密者而密之故日與何孝廉往來又謂見舊儻高某至門不覺淒然淒然其非如平昔從主人來而乍見恍恍如從主人來此中契濶至情非泛交飾言者所能臨時摹擬僕從三千里外摹擬足下所摹擬之至情而烏能無愴然况僕伏處海隅求若足下之所密者而密之如何者則不可得求若非從足下來而恍恍如從足下來如高者則又不可得而徒得此一手書是故安能不愴然得此一書則如見足下來如

與足下密是故又安能不喜欲狂也辱教進退順逆一以吾道處之進非所願也順非所必也嗜退而忘逆任天而安命是所謂道耶少壯時泛濫章句之學於道無當今老矣竊謂見道從講習聖經賢傳中入體道從閱歷人情世故中出聖人論道不離事境者是也幸詳以語我近者詩筆亦廢恐轉喉觸忌於身世兩無益唯舊時撰著已繕寫若干卷承許秋冬之交惠賜大序吾知見序時之喜必更強於見書時之喜何也書一時之寒暄序千古之金石也望愈渴矣曹學博居不密邇晤甚稀尙未有秉鐸地并及賓鴻南翥幸再惠德音

唐堂集

卷二十二 書

三

答蔡少宗伯書

當代名公鉅卿一謦欬一周折郁爲儒宗若閣下者夙已悅心頗首寤寐以之歸里後歷今三年矣從未敢通尺素於輦下故雖悅心頗首如閣下亦如塗人不一致寒暄客歲冬仲敝鄉顧孝廉自京師歸極道其叔父小厓暨閣下念甚切且言閣下欲薦舉之雋於當宁意甚盛繼出手書獎挹逾其涯分雖慚然仰見賢者居心持論度越尋常使人感激而欷歔者累月日至於今又春及矣數欲裁報以鳴區區之心慮江河雙鯉不無浮沈是終已不得達於左右必俟書郵始能奏記斯亦拙

者之效也之雋自惟生平爲人爲學唯孤陋樸實是務不趨於聲氣不習於交游踽涼不悔以至於老幸一第且仕矣孤陋樸實鮮聲氣交游之歡猶之昔也在閩猶之昔也在閩閣下之鄉閣下雖在京所熟聞而洞見者也吳宮保因多士之請而欲題留再任於前宜將軍當送行之日而欲代白情事於後而之雋皆堅以爲不可何則用舍在

大君而行止有天命也不然一撫軍兩給事其奚爨之有而先後含之沙而下之石哉息影以來保其餘齒以謳歌太平於騰濟之上於志足矣於分止矣通計仕宦

唐堂集

卷二十二

書

凡六年有餘在翰林前後凡四十有四月在閩凡二十有八月在途凡四月而其餘皆不仕宦之年月矣則其淹草萊而違軒蓋者自其命而已然矣則其狎漁農而畏津要者又其性而已然矣閣下舉此心則可耳存此說則可耳夷光載路而媒衰老之無鹽山子在閩而市廛墮之歎段則其不可不待智者而決之矣小厓理學文藝事事粹精今朝夕萃聚與閣下有珎磁之合新知培養益深企慕此則塊處子居學日荒落而無所觀法之爲媿也

與喬撫軍書

伏惟閣下政事勞勩爲念承轄奉賢少小生長之地田廬族戚在焉海若不仁秋潮肆虐唯魚鼈見志館歸與徐令晤語有爲今日之急務者謹以聞於下執事雍正六年奉文興築沿海土石二塘專爲隄防海潮而設衛者奉賢民歷捐塘工以協濟華金等縣今華金瀕海漸次築塘獨奉邑迤東近海之處延袤五十餘里北連南

唐堂集

卷二十二

書

若以奉邑所積捐濟之錢自築奉邑之塘爲急聞現徵存九年分捐錢二百十萬有奇解貯郡庫今冬明春隨漕徵收又得若干源源接濟實足以資工費其或未數則嚮協濟華金等縣貯庫餘錢或暫請動支庫項不一二年即可陸續歸款且奉南接壤缺塘之所沖則同害築則同利現在沿海災黎相望於道飢寒迫身鮮不爲溝中之瘠塘工一興雲集雷動不招而至擔運土石按名給錢亦足以資衣食則既拯災荒於目睫之速而又垂保障於歲月之久塘成而望之屏如垣如民人田舍如藏舌於齒蔽齒於唇詎非興利除害之急務乎沈兄

子大造謁幕府藉布堯言於左右不宣

答沈子大書

樓山信至獲悉兄挈家寓鍾山書院教諸生教子甚樂近奉

聖主召見卽日啓行甚喜繼發手書誦之亦云然雖他人猶爲兄詠子淵之頌况荷愛若弟乎乃傳制府趙公之意名東聘儀爛然蓬室俾繼兄主教則驚起而未敢聞命也夫主講席者必傳鵠湖鹿洞之緒言授生徒者必具麀尾虎皮之實學兄洵無忝弟斯劣矣講解則憤排集中帖括則軋茁應手譚經則腹笥匱論文則冒鏡

唐堂集

卷二十二 書

六

昏此夙昔無一長者也加以耄及而志氣頽廢久而筋骨弛一旦束帶正冠強振其精神以危坐一堂進諸英才而傳之以道奚道也授之以業奚業也有惑焉奚解也則僥然不能以終日顧可靦面抗顏爲人師耶弟之自審至精矣且涉歷世事未有不有初而鮮終也無暇遠引江南志館初設督撫諸公交相羅致遂感知殫誠期與同事贊成美善之書發凡起例分類纂葺曷嘗不銳志而齊力哉大江上下地廣政繁網羅放佚事該文簡期以三年庶幾有成而當事屢易藩伯不諒恣其迫促以致棄成人散終淹歲月百手紛更俛仰爲陳迹謳

思若夢境矣浙江志彙綱目昨舉更無遺憾徒以過求

詳備未免繁複浙撫遂以見委謁其愚悃細爲刪節幸稱簡括而全體不敢纖毫遷變何則參私意以矜已能不可謂仁騁臆見以撓成書不可謂智誓不爲也旣竣而歸聞所刪節仍相竄易而主人又去韓子云與其有譽於前孰若無毀於其後卽此鍾山一席二前輩何如哉永終譽之難也量力旣如彼慮事又如此所以決意退縮而不前矣尤不能出者遷葬先人擇地未得蹉跎之久日月邁矣偷湑焉朝露而斯事未舉念之不可駭痛耶詳見答樓山副使札不復縷陳異時負耒先隴之

唐堂集

卷二十二 書

七

側不卽填溝壑遙冀吾兄星雲退食之暇時惠德音如今日甚幸

與張孝廉書

逆旅子棲蓬企先生興居健舉太史帥羣季趨庭之樂神馳意慰行時杯酒繼繼貸囊錢得雇騾與扞蔽風塵非邀明惠不至此然自審非能試鴻博之人所以行者欲從轡下親睹

聖天子新政調舉主親告以所不能然後退而與二三久濶之良師友晤言其志以歸乃舉主旣不可而從吏牽率者又多罕阻之者遂入試夫博學宏辭科唐宋設

以羅非常之士若

聖祖時所薦辟多老宿所試而中選者多採風學雅望是以真材出而制科榮文章彪炳幾與西京埒既自度不足武其後塵而一時馳京師百七十餘人大半鈔利趨捷而圖與角勝果勝庸增重乎故衰哀即謂不得已而後旅進也試之日

天子以爲非常鉅典念天寒召集保和殿自硃書命題郡王監試護軍校尉一人供水茗日昃賜飯暮許繼燭或走相語不禁一何隆崇寬大若此則又自惟以

唐堂集

卷二十二

木

兩朝翰坊廢黜九載仰承

新主旁求盛意大臣剡薦之公哀殫智奮力爲賦一詩一日瞞繡衾既夕草論藁風吹牖燭施者三寒生十指迴運筆度不耐竟書遂出遂不入二場試既而知在不完卷之列束皮不觀人咸爲之惜迨大臣閱卷纔登十五人別呈劣卷七人劾及舉者人又咸謂不終試高也韓子謂古豪傑士若屈原司馬遷相如揚雄之徒進於是遠必知其懷慚乃不自進而已耳然唐試於吏部非若今之御試於殿上也重輕誠不同然屈馬揚韓決無其人其中選者視已未前輩減兩倍之數而不足豈

非人才實難試之明日因自紀五言七十韻詩闔門人陳豈江時以進士教習延安宮見而評註之詩愈有味今寄覽人生六十以下尙思爲咎高行道樹勲業六十以上祇宜老鄉里爲西河河汾以行其教不則陶弘景陳希夷句曲太華以昌其名而求其齒亦儒者之晚榮也何慕乎平津茲趣裝曰歸欲乘臘遷葬四親而援而止之者謂衝寒且無及倘俟春和而行則文旆北來之日下走南歸之日也風便攄懷不盡

答胡舍人書

泰舒足下鳳池紅藥爲台垣發軔私心竊喜通朝籍者

唐堂集

卷二十二

木

吾黨大有人生斧藻之色也賀札未將先辱教言如親警歎至於過情推獎未知何從見僕近作所謂非乞憐震川父事遵嚴者所喻并非幾社諸公所能矯託此實未逮也而竊有志焉周秦漢之文如日星在天至八家十家若韓柳習之可之未叔介甫芭寒色正一脈絡也而後人之不善學歐曾者及并不善學歸王者以滑利冗漫承之譬諸汚溝荒汙始未嘗不發源星海而其流漸遠漸下涸焉盡矣夫堯舜未言性禹湯未言學論語未言理孟子未言易而大文昭焉載鬼一車之怪臂無膚之俚伊其相謔之蕩血流漂杵之慘道理何繫而取

象叙事登諸六經則夫約其旨以爲文者神而明之固自有道矣晝畛於唐以往潰防於宋以來掉虛架規活套塗日趨以寬境日趨以卑夙昔之心嘗竊非之幾社矯枉過正撫徬之蹟露塗澤之色揜然於古昔先民跬步不忘也在都內外城限晤言濶疎不遑商榷斯事今奉教繆鑒無庸陋之習輒引伸其指以相印證足下方筵班列僊文翰經國之業期於不朽必有以貽我也

唐堂集

卷二十二 書

三

唐堂集卷二十三

華亭 黃之雋 石牧

題辭

杜詩鈔題辭

翦鴝鵒之舌而聽其語也冠沐猴之首而觀其舞也居然人也哉而孰則遂人視之也是故非其質而冒竊之者識者笑之杜子美之爲詩也學成四十之前而晚出之以見於世宦薄遭亂困窮顛踣天旣逼迫其肺腸幽與曲折以與鬼神通軋而愈出及夫流離楚蜀播蕩江山之間天又張大其眼耳靈異詭怪以動其魂氣兩者唐堂集 卷二十三 題辭 一併而發之爲詩於是乎集成而獨有千古人臥衽齒肥擁妻子不杜其才與命而空杜其貌與聲噫嘻薄魄之索求兮言之鳩兮行而不失其猴兮歲壬申夏予鈔杜詩帙成矣有見於杜之天念學杜者之非不居然杜哉而孰則遂杜視之也

題瘞鶴記

距予居數百武有故明福建南道參議鍾宇淳墓嘗暇日登焉拂碑徘徊哀榮落之靡常悼陵谷之變遷左顧有斷石微露字跡刮苔讀之乃參議父封遂昌令微所撰刻瘞鶴記也其略曰嘗畜二鶴調其鳴舞善領人

意余玩弄無虛日藉以遣適殘年時淳兒給諫南都尋擢閩中藩掾歸省中途忽患瘡謂余曰昨夢二鶴啄紳病自始不數日而病革方切哀慟蒼頭報余二鶴同辰相次斃矣有人見遙空翩翩乘鶴而去者吁果鶴其人乎人其鶴乎瘞之墓旁以志幽怪之事紀年則萬歷丁酉距今九十餘年矣昔秦繆公歿以三生人殉詩人所爲賦黃鳥也蓋到今悲之而參議以二死鶴殉臨穴無綆縻之涕旁觀無悲鳴之傷讀其事者爲之神遊而起舞則雖謂瘞鶴一記愈於黃鳥三章可也且參議盛時登無座上賓客其智謀靈於鶴者宗族親戚借其光寵

唐室集

卷二十三

題辭

二

以惻喝鄉人其勢重於鶴者近習倖幸甘參養供娛弄其情意狎於鶴者皆不復識其存沒之年月塋域之所在顧以二羽族之微生焉畜死焉葬葬焉碑碑之荒落僅百年而復遇予而讀之而錄之則甚矣人之不如物爲足感慨實涕者也遂昌微時不解文墨子旣貴乃折節讀書博學善詩著而溪集數種斯記其一也後其子二十餘年而卒爲萬歷間耆碩云

題管子

敬仲氏之書談道乎聃周談兵乎武起立法乎非之基理財乎軼之源叙事乎檀左之末銳紀載乎書禮之支

流辨乎施龍說禮義乎離合於軻况也敬仲氏故於諸子總也嗟夫使糾也生還齊爲侯忽也生還而毗之奚必不伯伯奚必不著書或曰不然重耳之狐趙奚以不著書嗟夫衰有文犯有解安見其不著書而泯沒不傳於世也邪名忽欲著書而不得衰犯奚敖可著書而不傳獨仲著書且傳何幸也或曰非自著也

題荀子

齊荀於孟猶齊墨於孔荀子蓋憤而著書者故騷激之音多成相一篇彈哀絲而唱之足以酸春申之鼻矣莊子叙道術九人罕貶詞荀於十二子乃毅然非之且以

唐室集

卷二十三

題辭

三

及思孟其殆有所憤乎夫戰國之將變而爲秦也君以意殺人相以權殺人將以戈矛殺人士以舌殺人殆其性嗜殺邪荀卿見其如此嗜殺也故憤曰人性惡若魯仲連乃所最號善人者且以詭說譎筆殺人荀卿又憤之故曰其善者僞也雖然予以觀於人荀子之言雖憤亦有味其言哉賦篇滑稽游衍則分景宋之體而長朔舍人之風矣

題韓非子

當吃公子之塗腦於秦之草也而李斯方錦衣而過之乃瞬目而斯之腦亦塗於草矣然而人爲非也惜而不

爲斯也惜昔者儀與秦同學儀不及秦故敗秦之縱涓與贗同學涓不及贗故別贗之足斯與非同學斯不及非故言之於秦皇而致之來卽謀之於姚賈而貽之藥嗚呼人之毒也雖同學猶中之學勝者恒見中吁其危哉然斯雖戮非之身實竊非之術以相秦遂以霸其君厥後又誦非之書阿二世而反以戮其身然則非二世殺之也卽非之學殺之也非以韓公子欲存韓而不幸亡於秦侯生以韓客嘗秦而幸不坑於秦張良以韓公族變姓以報韓而幸亡秦韓其多人乎

題劉蛻文

唐堂集

卷十三 題辭

四

唐劉蛻文學周易莊子及其論伍胥之廟爲不足祠祀當易版爲申胥則非也楚人獨無父兄者哉員忠於吳而孝於楚是則可祠也項羽之雄也人曰暴荆軻之勇也人曰矣寶嬰灌夫之義也人曰懷姜維之忠也人曰黷數子者敗人故得而欺蔑之黃子曰員之在吳也增之在楚也夫差之黃池也羽之鉅鹿也卑猶也烏江也詬項伯之翼蔽也長頸烏喙之句踐隆準之劉季也浮湖之蠡辟穀之良也文種信越也罔勿符施與虞人與事勿符也而美符羽與夫差人勿符也而事符屈原之與員同浮江也鄭襄之與施同蠱而煽也尙與詬同佞

也儀與蠡同忍也懷王夫差同亡也亦罔勿符夫屈原范增而謂不足祠祀哉

崆峒文題辭

自西山真氏以唐宋八家接秦漢之後後世遂但知有八家崆峒子起欲創業以自雄乃奉左馬之朔以號令天下而思駕其上志不爲不高矣然太墨守膠執同時大復氏已叛去爲敵國于鱗中與紹崆峒之統其操之顧益蹙叛者蠡起凌遲至今幾欲祧二李而廢之予讀崆峒文彼其見不誠卓哉沉精淬志削穎攬指以窮源於秦漢屹屹焉塞其濫觴提其支流懼溢於防且張膽

唐堂集

卷十三 題辭

五

大聲以恫喝筆墨之士俾靡勿從其功不誠勤而其業不誠固哉但其捭擊古人凌轢時輩未免已甚當李君時人何敢言已過而窺其業者嘗毀日起始於公安竟陵而暢於虞山然謂王李則歷下實不如鄒那謂二李則滄溟實不如崆峒若與茂秦絕交書等作洵不足噓也夫文章之業貴理與法融神與意化而貌之則不化矣蠡與螳之類馬也八駿之類螳螂也類而不類也然使變貌易形而動曰神似飾鹽嫫以例施嬙畫狸犬而署騶磨曰取其神似也又奚可哉愚竊謂羸劉而後文章之盛莫過於唐之中晚韓柳尙矣元結李翱杜牧孫

樵之徒有質有文不失古法若率易流便入南宋以後其譏與補衲秦漢吞剝檀左者等靡而效六朝冗而效宋元僞而效西京皆非文之古也

題書譜樞本

王百穀謂生平好聽音樂而不識曲如人見柔曼輒稱傾城叩其孰爲毛嫱西子政復茫然徐文長謂人有等西施之髮於鄭旦者取其黑與豐而已豈寸度而櫛數之哉予不解書見孫虔禮小楷書譜歎爲精絕及見綠天氏樞本又喜其酷肖有詰予精在何處者以百穀之言應之有詰予何處最肖者以文長之言應之

唐堂集

卷二十三 題辭

六

題嚴滄醕畫龍

咏老杜黑入太陰雷雨垂之句便覺有神龍蜿蜒紙上嚴子滄醕作此畫時想其五指亦作雷雨沉沉也客持以示予毛疎神賦恍如曩在桂林將驟雨聞頭上波濤洶涌聲若決雲潰空急掩卷則寒日在窗晴宇一碧

題研旅畫冊

家研旅先生奇士也遊跡無不至皆自爲詩紀之而詩以遊奇遊以詩奇二者爭奇焉以流傳於人有大滌子者偶取其閩粵之遊之詩圖爲三十二冊而研旅之奇遂羅而聚之於尺幅中大滌亦奇僧也旣以其畫奇研

旅之詩而卽以研旅之詩奇其畫若逞其格墨之力以與研旅角又若游戲不經意以與研旅諧兩人之筆或離或合如羅浮之在風雨可以爲二可以爲一而宇宙之奇已畢萃於此聞大滌作此畫時年已老予不及交其人而研旅與予相識於京師亦年逾五十矣需次一官若鬱鬱無所洩其奇者而雄逸適上之氣不可遏因復遊絕塞而屬予序此冊以充行笥夫研旅旣出已之奇以釣大滌之奇而今又合大滌之奇以釣予之奇予何奇哉而釣之此卽其鬱鬱無所洩其奇者也

題曹生摹印冊

唐集集

卷二十三 題辭

七

一人稱之衆聞而慕之不獨道德行誼也雖藝亦然輪扁之斲輪梓慶之削鐻大而解牛細而承蜩吾未嘗親見之也然而心知其工何也蓋莊子嘗稱之宋子之稱江山曹生之善摹印也至比諸飛衛之射而索予題其冊冊素紙也無可題者則曰姑先題以俟吾未識曹生又未嘗親見所摹印何如工也然而心知其工何也以信宋子信之也然則曹生挾其藝不汲汲鋪張於人而稱之者已如此是故君子務有諸已而不病不知已

黃元杜澹園文鈔題辭

唐宋八家學秦漢明二李亦學秦漢人以其貌秦漢也

而嘗之謂八家得秦漢之神髓而非貌襲也然則貌八家而失其神髓者之愈不足以爲古文審矣元杜不但學八家而得其神髓已也舉韓之奇字斷句柳之長儷老泉之雜霸坡之俳諧禪喜而皆無之其文遂醇於理而鬯肆於辭而莊潔於思而厚彼高談秦漢與痛書學秦漢者皆元杜閒之而不屑者也

雕蟲集題辭

蟲與人並生人亦蟲也蟲亦人也蟲而人之故美刺興焉聖人嘗誅蠅蚋蝻蛄矣徐子周情孔思取百蟲而雕之刺者什九可謂蟲之巷伯矣抑蟲有青蚨者獨遺何唐堂集

卷二十三 題辭

八

題沈東亭所藏書畫扇冊

沈君東亭藏扇頭書畫六十餘紙爲一冊皆明代及國初名人筆也摺疊扇南宋時已有之亦名聚頭扇至明末樂初高麗入貢遂倣其製徧於中國施以書畫故此冊所收自明始夫書畫於方廣絹素易收而藏之也亦易若晉右軍書戴山老姥扇大令畫桓溫扇齊蕭黃圖扇上山水其可馳騁其筆墨者蓋團扇也今之扇高積寸廣劣尺而摺疊界畫其間工者布奇逞能於貴客勸凸之上若有餘地彌見神逸不恭難哉今之

製痕跡易裂損片片不可收拾懷袖未幾篋笥捐矣故收藏亦難嚮非衡山思白輩名流絕藝徒傳惡札雖完好幾何不爲東亭所擲棄而安望其綴葺裝弄比於珍玩哉學至而道精不思賞奇之無人然苟非篤學深心嗜古則世之片羽碎金散失於俗子者又豈少也

題徐今吾手書詩卷

徐今吾詩諷諭開通純乎樂天而去其率俚誇罵之病每作輒書示同好予壻金子敬所得最多集爲一卷屬焦廣期朱初晴陳咸京陸錫山暨予題後而藏之昔樂天自集其詩懼身後散佚藏之廬山東林寺又藏之蘇

唐堂集

卷二十三 題辭

九

州南禪寺又藏之東都聖善寺藏之者樂天自藏也今吾則人集而人藏之先是咸京集今吾詩一卷子敬今集一卷藏其詩者將人一其卷則何減樂天矣唐以前無葉子藝文經籍志所稱幾卷幾十卷皆鈔寫爲卷軸裝潢贈禮古之製也今吾詩既不今而子敬藏之又古流播後世捧觀而傳玩者其遙情一往較予輩嗟賞於同時不信切深耶今吾故善書人謂雙絕尤樂藏之此樂天所無也

題顧小厓冊子

漢人藏弄孟公尺牘以爲榮而子幼以書罹禍尋常翰

墨亦有幸不幸也若張庶常良御王明經范之與小屋
往復唯切劘道學文章之事則且唯恐其稀疏懼其散
佚而奚竿牘之戒哉小屋交天下名士絨札多矣特不
忍兩君之前廢也裝池以表章之時時展對以當晤言
如違其生推是心也其於人倫篤已予歸里後友朋問
訊都絕夫已氏以肆詆毒詈之辭至者則三四輩過而
不存視小屋所遇不又有幸不幸耶

題張實甫書卷

吳中所織絹縱四寸許而橫逾尋如帶然張子實甫作
此畫橫之而寬咫尺相接具數百里之勢目游其中橋

唐堂集

卷二十三 題辭

十

梁村塢歷歷隱現可印縱之而隘則夫水光雲影煙嵐
斷續反若浩乎不知所終極也實甫自謂學元宰而左
麓臺予不解畫竊謂宋元人之能事兼已實甫諾予畫
已十年斬弗與茲爲其從子彝叙作實甫見予題尙曰
不受相促迫否

尋梅草題辭

花者天地之詩梅其詩之高者也是故鄧尉詩藪也予
年十四時嘗遊焉歲辛亥春二月沈學之歸自鄧尉謝
予以所見蓋陳東尹招與同遊云予故倦遊今年亦觀
梅於七松草堂觀梅於飛鴻堂觀梅於繪射園以視鄧

尉喧寂有差繁簡有殺而梅花一也安見二子鄧尉之
所見異於我七松飛鴻繪射之所見耶安見二子今日
鄧尉之所見勝於我十四時之所見耶而奚足以詡我
學之乃出其唱和詩予讀之曰是足以詡我矣天地以
花當詩二子以詩當花佳與梅鬪高多與鄧尉爭競匪
直予童時所無雖今亦無匪直倦遊抑倦吟書其端以
志愧美

西湖集句題辭

東坡題孔毅父集古人句云羨君戲集他人詩指呼市
人如使兒退之驚笑子美沅問君久假何時歸鐵崖跋

唐堂集

卷二十三 題辭

十一

張伯雨集太白句云如冶城銅像捧額珠連座于長干
可寶可玩坡鐵也而傾倒於集句如此近時或尙集唐
工拙多有而高流薄其小巧而不屑則過矣五石補天
七寶合月而渾然無痕者豈其巧之謂哉神運而氣舉
也朱子龍田遊西湖得集唐五律五十首首尾弗穿偶
儼精緻弔古而切事情紀勝而呈意象不知古人之非
我也殆吾所謂謂工者耶嚮使龍田騁妍抽秘於湖山之
間創爲新製以充遊篋則夫宋以來西湖之詩無慮波
屬阜積其果皆出奇而軼倫耶是巧於紀遊非但工於
集句而已坡之羨鐵之玩其在斯乎

黎生詩題辭

閩汀黎生良行挾藝遊公卿間蓋溫厚俊爽士也予試
寧化識之今年冬攜其子瑒謁予秦淮出所著詩曰夫
子其刪存之幸甚吾友陸錫山嘗評之曰樂府近魏晉
五律學杜陵知言哉生詩學蓋得諸其鄉李先生元仲
云元仲以踔厲之才輪囷鬱結著寒支古文初二集其
古文也晚年論詩謂但陶冶性靈標舉興會而不擇聲
調誦之如擊土鼓何以被篴弦紹風雅又謂人貴有詩
意在楮墨之外又論昌谷詩世徒知其怪詭不知其性
地高爽靈潔自能吐洩奇幻然則詩也者根於性發於
唐堂集 卷十三 題辭 三

豐溪存藁題辭

義興任鈞臺補一書示予曰此旌德呂孝廉之始遷祖
之詩也名從慶字世膺後五代人真跡藏於家八百餘
年矣孝廉將刻之而吾叙其十四首以傳子其繫辭焉
幸甚考唐末詩人流離隱遯若豐溪者衆矣然陳陶周
朴唐求之徒其名聞於時詩流傳於世久予壹不知豐

溪之詩何以若飄風冷煙若滅若沒以至於今不絕也
豈惟不絕方始揚之然則子孫苗裔曷可少賢者哉予
能無痛哭古人之沉湮不傳者何限幸而存宜鈞臺呼
予共張之也

題家訓珍言

練也可以爲儒而奚取於珠粟也可以爲粥焉用彼玉
貞懿先生作家訓以膏繡其子孫其辭整句諧韻樸實
卑邇其旨則函鉅細括倫物罔攸不臻翼聖奉行有效
矣是故瑚璉其材而圭璧其身其任氏世珍之盡公諸
世共珍之

唐堂集 卷十三 題辭 三

黃山卷題辭

黃山吾故土生長雲間壯而客遊繼以宦轍晚而窮棲
谷陽俱不得至其地念三天子都若天上嘗讀圖經遊
記恨不奮飛登其椒攬松石而睇雲海年來數念旋新
安展祖墓一陟黃山汪贊善杜林力贊吾行尙聚糧未
遑也而嚶城張檢討天屏過我攜遊黃山詩屬題山靈
洞僊胥爲豪楮所攝名雲膚石骨摩盪刻畫無殘賸者
譬諸家珍吾欲數以炫人反先爲他人所獲以炫我曷
能無媚忌耶然副墨雜編如親遊歷省舟車之費息跋
涉之勞而故山蒼翠已入心目勝於圖經遊記則其功

於我多矣異日歸挾是卷以遊警諸經已經之熟路上
頭崔顥我詩並可無作髭可無斷心可無嘔則於我功
尤多是故媚忌之意消佩服之心生而酬以言

沈元望印譜題辭

石其格鐵其翰籀篆其書觚之闢之精之朱之白之以
給王公卿大夫士庶之便以記名姓氏號之行圖畫書
籍之藏以通官私牋札詩筆封緘之往來以供清流名
士之翫賞其爲用也大矣藝云乎哉而史藝術傳不載
江浙志方伎亦不及豈無人足名之耶有人於此精而
精之挾之爲遊具課之爲日程若大儒之懷鉛槧良賈

唐堂集

卷十三 題辭

古

之售珍寶所至問奇索秘者騰集游刃以應之不窮久
則積爲譜以寄示予丹砂紫泥發其芒采心思呈露學
問流溢若登我於贏劉之上酬酢倉吏而摩挲敦彝也
有道焉夫子之所謂游藝者矣故著其人曰平湖沈學
鏊字元望以俟傳志取焉

題朱初晴畫冊

初晴爲家澹舫作此冊花竹翎毛用水墨爲造化活潑
潑地皆爲飛魚躍之機每幅手書自題絕句所稱三絕
者也此其嬉戲餘事耳生長右文昌時亨盛名七十餘
年不遭際以訓導終身非操選士薦賢之權者貞耶彼

纖長曲藝往往弋奇遇何也明徐文長工寫生自題詩
最夥而畫今不可得在葛袁州解見一二遺墨令人十
日思彼守諸生不終而名在天壤作者奚讓焉則後之
覽此而興慨慕者何如也

題胡孺瞻遊藁

脫有工詩者不以之入金門貢玉堂而匿影鄉曲側目
道路至不能舉其姓氏識其面目豈不可嗟也孺瞻予
里人也而不知一日過吾廬出一編詩而就正焉蓋楚
黔魯帆蹄間所得者靡不和平其性情靜細其音節間
爲詩餘靡不諧婉湛湛乎涉於風雅不淺矣勉旃旣以

唐堂集

卷十三 題辭

五

凌餘山閣學王我亭憲副爲知已已不恨且富其學何
貧乎陶猗壯其才何老乎終賈鶴鳴九臯聞于野矣操
是不息其聞于天乎

宋貞女詩文題辭

不爲鳳凰之和鳴而爲寡鵲悲而孤雁嘆是貞女之命
也宋郡丞敷倫以女景衛許配程司訓訓庵子樹爲妻
未嫁而夫死嚮使不死而一以高門才子一以世家女
博士閨房講習倡和之樂當何如而安得有上父書姑
病顓天疏之剝肝爲紙滴血爲墨也者而安得有中陳
烈婦百韻詩之引六經以立鐵案援同志以證冰操也

者唯既死而後貞女歸其家而居其室而後碎金屑玉
銷流傳親戚間所謂哭者之心豈可想也而或因其名
謂者其美之節因其氏而謂若宣文君之學若若華
若昭之才而對美之非貞女意也

題海寧相公墨蹟二首

此吾族兄宗夏所藏陳文簡公墨蹟二卷兄康雍間大
府爭辟名贊畫政事公撫廣西日兄赴柳州張少保幕
與兄相知深及公爲大宗伯以事至桂林兄在提帥韓
公幕中桂柳相望時事相商權文章道義相期許皆以
魚素爲問答兄積而裝潢之時出相對志知已之感不

唐堂集

卷十三 題辭

去

徒寶筆札工妙而已公誠知人

宮傳陳公墨蹟一卷宗夏兄集之以續前卷者也予與
宗夏同祖太守公康熙丁酉歲在粵撫陳公幕公頌兄
於子曰不但風雅士其經濟抱負不可及因謁兄於桂
林贈予江夏潮源錄時兄適柳州予賦詩送行越十餘
年兄至吳錄予詩於虞山族人以通音問已心儀兄之
不遺舊也又幾年而公逝矣兄客帥府南公幕過訪贈
予祖墓弓口圖津譚黃墩事仁孝溢精字宜其篤知
已問道所由拜陳公之墓而藏其手翰不一而足也

吟風詩題辭

吾友胡君亭川久以詩文著東郊觀風至止者必首采
其文章歌詠以爲盛世之音可以式多士而君冲然若
虛谷樂道自守不馳騁炎熱之場前學使鄧悔廬先生
特舉優以應 詔未行繼至者則別舉諸生今綰符百
里坐堂皇涖民社矣君寥落衡泌同意泊如也門弟子
得其傳者類皆嫻文學工吟咏今之東臯古之西河哉
所著吟風詩集雅淡妥愜清麗芊綿神以自寫其樂天
知命之素懷洵有得於濂溪之趣者恒譚謂人親見子
雲祿位容貌不能動人故輕其書後必有知者如君詩
何論其爲親見歟後知歟必也唱旗亭而繡繡布矣

唐堂集

卷十三 題辭

七

邵君遺集題辭

青浦邵君稼畝孝友而耕隱史所稱獨行者邪或問何
以四教支先行曰文行爲表裏人必先見其表而後及
其裏積中未有不發外者也史列令伯於孝友淵明於
隱逸而陳情表歸去來辭雷奮星昭至文莫加焉文苑
中人孰能爲之哉邵君躬行之餘嗜學多吟著而不自
攜拾既歿令子誠庵爬羅散草哀刻如千卷君族弟吾
同年植庭寓書使予論之今夫珠玉藏川韞山而不能
閱其輝媚瓦甃露處而采不呈也金石之爲物至堅也
鑄然鑿然領八音而鳴韶鈞詩書之氣華道德之膏沃

是故邵君敦乎行樸以固焉雖不文而無不可也根乎
行益以溢焉雖欲不文而又不能然則其文也其即其
行之聲光乎青門之瓜子母鉤帶孝之象五色曜日文
之象藝植之事有然矧禮耕學耨者邪若稽田父畜而
子獲之所詒穀多已

題靜廬詩鈔

鳳羽麟角世必珍之而鳳麟往矣唯既往而愈珍之物
之噪一時過而泯滅者何限質非鳳麟而文徒羽角勿
珍也大司農王公極稱朱君靜廬之詩閩林中翰吉人
吳張太史匠門交稱之厥以風雅震鄉國遊公卿久矣

唐堂集

卷二十三

題辭

六

既登賢書走秦陝所至傾坐客其詩有細論皇蘭二種
中年病軟脚數舉進士不第而死位不達達以名年不
永永以文吾睹其文之存而思其質之往颯颯振振猶
在目也起田不秘其家珍公之於世所謂麟子鳳雛哉

題天慵子

錢虞山以深文代毒口罵滄浪罵崆峒弇州滄溟罵鍾
譚殆有罵癖而艾東鄉附和之以罵王李始猶苛決死
者既乃與同時交遊若陳人中夏彝仲張受先張爾公
輩翰札詆毀用怒罵爲忠告傷雅傷厚吳次尾嘗規諍
之然枋選政風行輓近而叨社墟矣入閩仕宦不振不

若次尾以諸生殉國也艾天慵子集吳樓山堂集文筆
相等選文結社相類惜一時習氣清議干國是虛聲撼
朝班人品薰蕕相去相倍蕕陷辟罹禍而始皆叢於盛
名而不可詰士林氛祲有祥氣有妖氣東鄉之徒皆祥
也以文會友罵何爲者

唐堂集

卷二十三

題辭

六

唐堂集卷二十四

華亭 黃之雋 石收

跋

國語跋

國語者左傳之草藁也意左邱明得列國之史分國而叙其事加之以文辭曰國語其國之無語者未成之書也既而依春秋作傳遂刪改國語之文以入焉左氏才富又好爲文章始作國語務爲博瞻自喜雖厄蔓堆垛而不厭及傳春秋學識益進遂斂其汗漫馳騁之氣刪節選釋而文愈工以變故同一事而國語數百言不休

唐堂集

卷二十四 跋

一

者左傳約以數言而愈明其膚詞贅義咸削而不錄可爲作文修飾潤色之法世謂先作左傳而以其餘爲外傳者非也特其所載平王以前魯哀以後不繫於春秋陰陽律呂四代掌故議論名理多內傳所未及括取之言故世亦傳之至史遷作史記采左傳關則采國語而齊語則後人采入管子爲小匡篇吳語越語漢人采之以入吳越春秋者也撮其精華以爲糟粕矣猶足以膏馥後人國語哉

陋室銘篆刻跋

楷書興而古文亡一切破體苟且幸爲便易無論蟲穗

印史籀斯邈不行已然猶幸以摹印存米顓吾衍諸名士每究心於此勿以雕蟲視之曩予見崑山徐司寇家藏漢銅印千餘枚文字樸古令人對而起敬今見王君會麓陋室銘篆刻幾與古人頡頏世有金石錄博古圖之好而不珍會麓之所製者否

跋顧良哉冊子 四首

尼山雅言暨伯魚所聞皆不及易豈其晚而喜易故有假年之歎而伯魚先卒故不及耶顧子良哉早承過庭之訓今述其易語一篇以嘉惠吾黨如見坐虎皮而揮麈尾也無窮理趣有晉宋兩家所未及者而良哉竟及

唐堂集

卷二十四 跋

二

聞之亦可以爲異聞矣

自虞山論詩世人奉爲科條數十年來耳脣目販者以西崑接老杜以才調概全唐晉王李爲狂瀾薄鍾譚爲鬼趣予竊不然之今讀顧子客窗詩話亦人意中之所言獨於四家摘其繆白其枉則又言予意中所欲言者矣顧子可謂矜斯世之替聲而開其聞見者也

文傳於世而有嗜有不嗜者非其至也夫文以載道然而莊子之文則畔道而千古莫不嗜之者特以其文之神奇工妙譬諸沆瀣琳腴之異味可飽而不饜也故明通如顧子庸鈍如予而嗜之無異情豈非稟文質有其

至者哉然顧子能指挾其畔道之所以然謂莊子元氣
胚胎無人收拾故恣肆洗蕩而出於此是能吐棄一切
酸腐之見而漆園當相視而笑矣

煙賦組刻工潤在二謝雪月之間時露町畦無傷麗則
觀梅賦寄託深遠情詞俊亮可以嗣晉廣平山中五日
賦稟骨楚辭諧聲招隱才有所溢波瀾自老嗟乎唐以
來此事與古遠矣明三百年獨一盧次樸即吾郡幾社
諸前輩力追古製唯臥子獨入其與而世罕表章之者
予向序顧子九歌解知其得於騷最深今讀其諸賦洵
足起衰而裁偽悲夫世之不能而以雕蟲篆刻爲口實

唐堂集

卷三十四 跋

三

跋蘭亭帖

此蘭亭帖何義門以押字定爲思陵臨本按思陵有御
札付孟庾索向子固所藏褚本留十日還意是此時臨
撫而石刻無考因念佳書轉相搨印且爲諸名人咨賞
如此若右軍真蹟更何如水中之月似天上故愛之也

壬申文選跋

古學衰微臧否貿亂規秦漢者爲剽趨班馬者爲販播
拮虛字搖曳長句以爲真古文而實非檀左國策之虛
字長句也而斥博與閎整之製爲贗體既已朝宗八家

矣且詆譏韓柳與字古句爲不純不化流而趨宋元遂

使先秦漢魏之文若鴻溝割而珠崖棄斯所爲大痛也
明崇禎中雲間陳夏諸公倡幾社古文句耀海內一時
邦彥皆才豐學瞻而又善用之深旨宏議堅光錯采務
爲周秦東西京體下訖六朝雖或宗尙太過神變不足
要以酣筆飽墨賈勇振奇不爲枵飯疲茶庸腐虛字長
句自便利而已斐然炳焉苟李揚馬之徒若穿窬而出
視貌爲大家者遼絕千里也嗚呼偉哉盛矣流風及乎
國初壁壘尙存范型不墜若王處士玠右尤卓犖雄霸
於古文不知何時濯然漸滅殆盡薪無復傳灰無復然

唐堂集

卷三十四 跋

四

可怪也近代蕭山毛檢討西河說經講學雖僻妄而古
文傑出世罕其偶少嘗親炙陳公於司李時者也集中
載山陰徐緘字伯調答常熟錢宗伯書曰長者歷引李長
蘅湯若士之言尊景濂熙甫以規撫秦漢爲俗學不如
奉唐宋大家爲質的此大不然學史漢者如孔廟奏古
樂琴瑟祝敵僅得形模故難爲學大家者如古樂之選
變至近時梨園諸曲窮情極態亦復感動頑慧故樂爲
實則彼以古而難追此以今而易襲未可謂易爲者爲
古而難爲者反非古也西河深然其言且夫不能爲而
不爲可也量力而分塗者也不爲而遂謗傷其能爲者

不可也非盲則狂則妬者也其以幾社古文爲贗體邪俗學耶然則宜大家之文塞海內矣抑又何落落也

羅浮紀遊跋

髮慕羅浮讀宋人鄒師正越汝馭記雖辭采未足然山境可彷彿地遠未得至以爲憾既而吳僧雁黃往遊予作序送之雁黃歸至肇慶而卒予又不得親詢其所目擊而履卽者以爲憾今讀金壇史君半潭紀遊六篇如二山合離於几席間雖未至猶至焉何則其文工也造化者造山於嶺表而工文者造山於紙上化工合而文生焉羅也浮也記也離三而合一也是故一讀如一遊

唐堂集

卷二十四

五

半潭止一遊予百讀其文且百遊乃今而後奚憾哉

跋文衡山書卷

衡山書秋聲賦一卷流落金陵市中人勿之寶也歛丞膠西高子遇而寶之囊無錢則典衣以購之是日也一購而得二寶焉其一端硯也高子精書法辨識古人手蹟如家珍出以眎予窗外秋水中大魚撥刺而起若鼓琴之賞音矣

跋督運圖序

樓山觀察之督運也繪圖以紀其事長川高舸觀者美之敬亭太守親親其賢勞則爲序以繪其圖之所不繪

者圖如詩序如史

跋辛丑題名記

天地氣化有聚必有散有始必有終當其聚則偶同耳及其散也變幻各出而莫之測自其始而之終也遷改互異極萬有不齊之態以極於終則同盡予登第爲庶常日與同譜切劇道義文章用世之學問以其暇聚同巷八人爲八仙會以杜陵所詠飲中姓氏人取其一一以自署又以世俗所傳鍾離權呂巖輩分署之每宴會彼以上八仙呼此以下八仙應故爲參錯不得呼姓字呼年兄呼者罰夫習者難戒冒者易忘酒行無算淋漓絕

唐堂集

卷二十四

六

倒亦一時兄弟之樂也乃予首授職亦先罷官巴陵黃秀實君以御史老去官總督者二上蔡程元章冠文治浙平越王士俊灼三治河東官巡撫今侍郎者一滋陽喬世臣丹葵也官按察副使者二蜀王恕中安治江安吳姜邵湘賦三治荆南海鹽僉鴻馨尹思爲冀州蹟而復起爲礪州八人者如春秋之華不相見晨暮之星不多有回憶始聚至今纔十四年矣是時又以六人爲漢書會會則課古近體詩各一古文二倡者武進吳端升申錫齡年死江都唐繼祖序皇後爲楚臬亦病死東昌鄧鍾岳東長以閣學晉侍郎降館卿錢塘姚之駟魯思

爲御史仁和姚世榮公桓視西江學政唯予今日不官亦不死就十餘子變遷於十四年之中若是况同諧百六十三人升沈出處憂樂存歿之感可勝道耶繁星一天而有流有隕時花一樹而或凋或凋氣化之一定者命也其無定者運也皆不可以人事測修德立名以無負

君國俾後世指康雍間某某者君子人也則於斯記有光哉

朱初晴緩步園記跋

與爲驚趨母寧駕蹇與爲趨捷母寧跛緩安步當車疾

唐堂集

卷二十四

七

行無善蹻蹻蹻蹻幸非天損有腓有脛走險以隕君子戒之素履而踐非園園之聊以遊衍曷佩厥弦匪懈匪巖相彼天道寬徐舒展銳進者退捷徑者窘躓山蹢堙行不免君子歸矣不出戶限有咫尺庭壺嶠一畹有跬其步章亥百返境無閤隘理通心坦誦此記辭悟道之本

書鄒侍講吾過篇後

西河之喪子也痛生於心而目液竭焉必有所以不能自遏不自知其然者蓋性情敦篤深於詩者也然卜氏子文學無聞而哭之若是若慎齋先生之季子既庭工

文善書能詩蚤騰鳳毛之譽而三十遽殀宜先生之哭不已而繼其聲於詩矣其不至於喪明者吐諸口斯分其痛於目也憶與先生同館於勵文恭公家既庭甫十七英英適上一飲一弈着宇至今可想玉折蘭摧雖予猶哀之矧父子天性又鍾情者耶奚怒於曾子而亦引爲吾過非過也哀中節也

林太僕履歷圖跋

右圖明太僕卿弘齋林公之履歷凡二十四幅嘗讀董宗伯所撰公傳甚詳與圖相表裏而曰海內以未究其用爲公惜者何也公於隆萬間爲名臣繇庶常改給事

唐堂集

卷二十四

八

歷禮兵二垣章奏多裨朝政治事有聲江陵相倚重焉會奪情公草疏欲論劾之時祖母九十餘父七十公爲獨子年四十八矣未有子夫人泣沮公卽疏上必罹禍如親老不祀何公泣而止遂繇太常乞改南江陵知其遠已也遂改南通政尋遷南太僕遭父喪遂歸不復仕林居二十餘年而卒夫事有輕重而權衡出理有順逆而趨避審綱避威饒蹈艾沈吳越之禍而成已敢言之名與引於疎逃奉吾親而全其孝二者孰重無掇於敗倫傷教而徒詒父母之戚與無虞於宗祧而後徐待仕可爲二者孰順昔程子居言職王安石本與之善議事

不合遂乞去朱子欲劾韓侂胄而筮得遯卦遂焚其書
大儒未有不明於卷舒之道者也公自是有子相繼爲
名臣世濟其美以暨於來孫令旭仕 國朝爲翰林受

聖主爲 親王傅公同時宦族漸然無聞而公之家歷
百七十餘年甚盛益興詘於一時而信於數世豫六二
之繫曰見幾有駟之亂曰詒穀詎非君子之羽效哉履
歷圖不載論江陵事見於公之壻莫君跋中予取之以
發宗伯之緒言云

跋省心錄

唐堂集

卷二十四 跋

九

省心錄今刻林和靖集有之宋景濂題省心雜言謂或
言尹焞撰因焞亦號和靖長於談理又據朱子雜類篇
斷爲沈道原作然則非逋之書誠然至於斷其所以非
逋之書則引世之鉅儒曰逋所優者詩耳法語格言可
以垂世範俗者逋或未之有聞是大不然世未有不聞
道而優爲詩者修身齊家之事父事君之理莫備於
詩儒者岐視詩遂例諸聲色技巧之物而賦比興之學
可廢梅聖俞親見和靖談道孔孟也論文韓李也故序
其詩稱之然則有弗作作非不能宋藝文志載李公省
心雜言一卷注云不知名與景濂所題同豈卽是耶古

有道之士其言傳不爭其名也

大歷十才子詩跋

唐書載十子甚明盧綸吉中孚韓翃錢起司空曙苗發
崔峒耿湓夏侯審李端也宋晁公武讀書志所紀亦同
乃弇州題劉松年畫云十子爲錢左司劉隨州郎員外
獨孤常州盧郎中孫舍人崔集賢之屬舉七而遺三舉
三而誤四何也阮亭分甘餘話云十子傳聞不一江鄰
幾所志盧綸錢起郎士元司空曙李益李端李嘉祐皇
甫曾耿湓苗發吉中孚共十一人或又云有夏侯審舉
十而溢一舉十一而參一舉十二而誤四何也又以發

唐堂集

卷二十四 跋

十

審詩名不著皇甫兄弟不應有曾無冉韓翃盛名而不
之及爲疑鄰幾與宋叔子京同時或各有據若二王則
何不引唐書爲據耶宋艸塘氏錄十子詩跡予據史登
次不誤不遺人有定論可謂能尙友者矣第苗吉夏侯
詩篇寂寥洵難顏諸子而姓氏不泯何也忖其情事
或生平才名參伍狎主詞玷而後人彫落不能張其先
業寢以散亡未可知或一時噉名盜聲援附氣類終已
消涸而虛譽尙存屈指及之未可知吾於二者未嘗不
揜卷三歎也

高小湖檢書行跋

海寧故相陳文簡公嘗語予皇史成

皇朝因明制以爲策府甚晰而予不能盡憶也小湖言及待詔翰林時承

仁皇帝旨入宸檢書有詩紀之翼日繙櫛錄出示予凡三百四十餘言崇鴻雅卓鉅篇哉因憶毛西河集載魏中翰云其室垣壁俱石甃實金龍蟠匱於中用章京四人披甲二十人守視選高年者爲之俾食俸名馬法馬法者虞老也自以居翰林不能一到其地爲歟而小湖叩扇發秘摩霄漢而探壁屋又能鏗麗其辭若奏樂於鈞天者遭逢何盛矣其曰舍人手啓魚鑰奩禁軍伏

唐堂集

卷二十四

七

地聲喁喁卽所謂中翰及章京輩也其曰宸制穹頂竹半笛旁牖冶鐵塗以彤甃幾石室相對立長磴連亘巨璞攻安置金匱二十六籤牌夭矯擎虬龍造端

大清實錄字中右

二祖左

太宗小湖目睹而西河耳聞故紀載有詳略又云銀印一筭留塵封纍纍忍使洪爐鎔則宮傳檢討皆未之及也予亦備員翰林而金匱石室徒遇諸他人之耳目手口能不慚對小湖文獻哉

箴

五官箴 并序

豈惟國有百官夫身亦有之列職惟五予義不充氣志不攝體有官而荒之日與道違則身且不治於是作五官箴以治之箴者鍼也所以愈疢療患者也體有疾有能鍼而愈之者不遠千里而求之矣况在體義之大洗濯之近乎惜辭繁而理儉不足繼四勿之後亦竊取其方爾

大冶鑄像有用必神莫神於目以鏡爾身爲表爲正唯心是因故神昏氣衰視眊精亡變亂白黑豈無青蠅明見萬里迺信其良胡炯炯以視而與心竝盲馳望逐逐

唐堂集

卷二十四

七

不見座隅是謂太鶩目鶩者疎纖毫察察闢彼遠模是謂太厖目厖者愚嗚呼一寸之睫萬象誘之一顧一盼百行就之一見何害名爲之敗偶睹無心身爲之沉尊其瞻視非禮勿觀胸中旣正眸子瞭焉目官司視敢告在前 右目箴

天地萬物羣聲之府畢入於耳靡有禁阻目可閉而不視口可緘而不言唯耳闔闢我無其權故無警不接有觸必先故王者有黠續之塞君子有偏聽之戒商微變律雅鄭淆類譁囂叫詼俾爾心聵必達而聰必治而聾聖人耳順聲入心通小子躋躋衰焉如充胡勿爾聵而

覲然爲容匪面命之言提其耳忠言雖逆良藥爲比恐懼亦式云何不臧耳官司聽政告在旁右耳箴

唯顏有鼻宅於中位呵噓晝夜爰通其氣匪爲私欲以啓縱恣椒蘭薰蕕觸腦傷肺且吾聞穢德雖小聞唯腥潔行雖隱聞唯馨馨香穢汗唯德之爭故有芳必流在臭亦遺豈眇爾一身之肆而唯鼻是隨西施雖美不潔見廢鄭衷蠱惑以剝所愛故曰善不可喪謀不可悖大聖主敬屏似不息爾何惰慢而心爲形役形既外縱心迺內損性也有命理義所謹鼻官司氣敢告權準右鼻箴身之興喪唯口所係盡守其防以遠爾害出之曰言入

唐堂集

卷二十四

古

之曰味厥味如之何醜毒所生肥醲甘脆命曰腐腸羊羹亡國牛飲喪邦厥言如之何愆尤所覃如簧如流與戎名讒白圭何復金人何緘故山上雷下象頤於易君子以慎言語節飲食非口是責而緊誰之責夫齒爲舌垣唇爲齒藩唇齒噬嗑禍福之門禍因迪名禍由逆結逆逆匪遠視口出納一茹一吐胡能不有闕口官司慎敗舌喉舌右口箴

人有四肢運之則靈如彼一國三公六卿心君爲政百體奉行躬迺大治權不外傾孰不欲佚佚則淫生胡爲勿勤勤則善興昔者大禹胼胝後世頌聖陶侃運甕寸

陰是競勞其筋骨動心忍性勿曰吾勇任意妄動勿曰吾慎見義不進勿曰細娛舜蹠一趨勿曰暗室鬼神伺側嗚呼人生實難支體具存幸無微廋利於屈信胡勿師彼賢聖而委於鄉人形官司敬敢告爾身右手足箴

劍池贊有序

劍池水碧黑窮無首尾四面青壁削立若將壓人上有危梁飛跨竅兩肩以汲水此池應有怪物呵護不爾姬光鱗設諸之精亦當潛現其中或於風雨宵晦銅棺寶劍必將發其光芒聲響以洩其餘憤惜乎千

唐堂集

卷二十四

古

百年無人見此也之雋嘗徘徊焉遙想其神靈乃歌而贊之曰

吳閨廬之隆隆兮我奇爾生一匣劍兮死一穴水水哉水哉

詩神贊有序

昔賈島於除夕以酒脯祭詩拜之以爲神也予系以贊曰

靈韻毓胎空幻無血默宰其聲都我腕舌納我禮謁伴我髻羞

自題小像贊

吾具眸子不能自矜不知吾貌於古類孰就日驗形未
分眉目就鑄證形嫌肖太酷移形入畫七尺而縮終日
與對相視不熟吾且忘我知爾笑屬奚形奚影辨之者
俗化一成兩併同歸獨

鍾馗食鬼圖贊

吁噦夫夫也乃以鬼爲肉嚮使辱焉文弱者鬼亦抗而
不服矣唯其悍聶突鬚漆膚睥目狡皮相之鬼能不見
而憚伏耶吾獨惜其插齒柱頤不食紅綾餅餠而徒食
此齷齪者也雖然所食者邪厲耳若逢淪落之才鬼當
必相視而哭矣

唐室集

卷二十四

主

魁星贊

有序

俗傳魁星主文事廼圖其狀黜怪跳舞武而不文何
歟殆昔人因魁字从鬼从斗乃以意爲巨首以象田
舉筆以象ノ音跳足以象人音懷金以象人音舞斗
以象斗以鬼也故貌爲醜惡以象鬼歟已卯夏戲製
小屏模魁星於上以爲硯障而贊之曰

世或盛服曼容而胸中無有此倮然醜者乃跳跋文壇
之右意是鬼才獨得一斗於戲以貌取人失之久矣

傅節婦贊

并序

南昌傅節婦湯氏傳璿之妻峻岫之母也家五年寡二

十二年僅四十格於例不得旌而死嗚呼節婦之行
難矣聞當其夫死時也慷慨欲以身殉母撓之以其舅
姑與其二子遂不得殉於是二十二年中盡婦之孝母
之教及舅姑葬二子成名娶婦有孫而後死可謂如殉
也嗚呼吾嘗不解節義之事學士大夫恒難之而女子
之以節稱者往往而有或曰婦道宜爾也烏足異噫何
其易視夫女子之節且更易視其年四十而非節而竟
不予其旌也然而節婦則固曰婦道宜爾也且不自
矜其節而何有於旌予讀其傳而贊之曰

唐室集

卷二十四

太

苦名雖長而不及邀五十定例之 綸光天平既奪其
所天復不使永年一何待之者缺陷至此然而有行可
傳有子皆賢則所以酬之者未爲不全世之偕老者幸
耳垂之於史不以彼易此

張長史庶常遺像贊

烏序先生儒林之望計才以斗計學以倉遂航性理肆
爲發明平湖陸往復安溪李錄藏志仔道學詎惟
文章齒未及顏而遽彫喪十載名士二年庶常館則前
輩居且同鄉廼於遺照而始識荆寫自弱冠體羸神清
危坐覃思遙入混茫我悲老大步趨不遑介弟仲友索

題其兄我於二張於周於王誌銘詩贊得之其詳原書
周太史錄有哭應常詩張太史起
有蔡誌銘王明經詩有像贊 敬而述之先生如生

明工部郎中單巨廬像贊

權璫奸饒方煽而熱居官不阿遂遭蹉跌英主拾遺歷
試不絕三陟郎官星宿粲列於戲昔也權關無湖冰壺
瑩潔商旅感切而宵人肆嶮繼也典試粵西水鑑明澈
彈羅材哲而朝班胥悅豈非仕宦視乎時夫奚巧而奚
拙名節存乎已故彌久而彌烈

和鳴圖贊有序

卓人王子情其室居吳臯伯通橋漢梁孟故居也慕

唐堂集

卷二十四 贊

七

其高致年三十繪和鳴圖鼓琴相對梅花之下神韻
超絕又二十餘載示予為贊伯鸞質春德曜舉曰曷
能有此林下風哉事有慕古而勝於古者贊曰

萬梅始華有郁其馨相其風土若方若瀛匪神匪仙曷
云能升靜好相友穆然丹青撫絃動操聽不在聲無聲
之聲鏘鏘和鳴鴻光雖高障於閑闕姑射為侶湘靈作
朋臯橋之間流水泠泠

自贊小影坐黃石牧羊
自藏姓字

古之老人曰黃石公不公而收又有此翁
古之僊人曰黃初平亦石而收初平又生

奉賢徐令像贊有序

鳳岡徐君以浙名孝廉宰奉賢紳士愛敬之奸胥蠹
役敗類之民劍愆而不怨善弱蒙恩強暴改行其為
政有道已凡號為能吏者所為君不屑為也值災荒
賑赅瘁厥心力遠惟註誤旋起攝寶山令仍以奉賢
事罷官蕭然旅食可歎也或圖其像而舊史氏系以
贊曰

有偉其軀有皓其須神采奕奕照映海隅霧布姦頑
翳宵徒青天皎日甫一載餘臨政彷彿古出令据書枳棘
百里未暢規模彈丸者邑新析海區厥長九易不遑寧

唐堂集

卷二十四 贊

六

居屈指賢宰前舒後徐吾訪徐君容膝寓廬一僮執爨
杯茗闕如君之過我步而不輿曰食且艱曷逮役夫清
苦絕俗葆道之腴願寫真者家置一圖祝其父母復來
下車

詩興閣主帶經圖贊

灼灼經畝沃沃其土與犁三墳豐獲四府藹之藂之漱
六笥五詩興之閣儒宮一畝耆童髮婢耒耜牧豎馴犬
及雞池鵝岸姑人物盡性天地得所根苗於風幽頌幽
雅斯道孔昭鼓鼓舞舞耕經老農曰謝香祖舍曰香祖
莫適為主糾笠緩帶一籬鄰魯我儀圖之古之又古

增壙小像自贊

金不鑄木不刻唯搏土黃中德肖吾軀坐吾側詩書氣
衣冠式相視笑道在默

又贊

仿孔少府
避合體

其德坎位其色東郊其有月出截土之梢唱兩日罷車
一旦拋公裂八卦元虛二爻共分上下由中以包一芝
生焉離厥艸茅一雀非小登此缺凹既去於旣女又不
叟吻無勿附敬無苟交憶少之時撇如漚泡何所不可
與象相膠

神農畫像贊

醫士索題

唐堂集

卷二十四

七

製藥以肥人之膚革胡爲而其軀若此之瘠也豈心在
萬世雖枯槁而不自惜也是爲大聖人若天開而地闢
也

銘

器銘

四首

古人以腹貯書而我爲之厨空其腹將何如吁

書厨

磨邪滌邪桑之鐵邪

硯

此毛穎之家吾館爾於此交情孔嘉

筆筒

磨墨乎磨人乎遑席之暖乎

墨牀

時巖銘

有序

昔夢水中得一石橫豎鉤五尺許而巒岫聳疊殆千
百麓平滑處有篆文時巖二字余攜置案几用十三
元韻爲銘二百言覺而僅記首二句乃不能忘從而
爲之辭解不文庸愈於寢乎

米袖以溫楊攫而奔我非攫之入吾夢魂出之於波以
列几樽堆皺摩皺煙騰霧翻圍不一尋深峽藏獫狫不
一筵半天崑崙窳窳窟穴古水咽噴遁媯鍊爐一氣含
元巨靈縮小脚手踢捫雷紋火篆蚓蟠血痕謚日時巖
義與難言夢中作銘醒刪其繁人曰夢耳奚真之論米
真失之吾以夢存迺入我夢勒於石根

唐堂集

卷二十四

三

賜硯銘

有序

雍正元年十一月二日

賜日講官起居注翰林院編修提督福建學政臣黃之
雋臣謹銘而藏之銘曰

形如珪方以直也質如玉潔以白也示臣以廉隅不可
圓勵臣以素心不可墨也清而和介而不刻是謂硯德
臣守以爲則

眼鏡銘

人之老也鬢不再齒聾不聰耳膏不縞髮杖不提履目
衰而昏獨賴有此於戲吾耗吾目力五十餘年矣既衰

而昏而不肯息吾之勞者亦唯爾

墨牀銘

墨就硯身滲水墨離硯首汗几製爲牀便臥起涅不緇
異孔氏守其黑似老子

煙簞銘

此嘗草食火飛灰之管盤古以來見者罕今世號之逝
不返嗚呼酒有尊飯有盃

唐堂集

卷二十四 銘

三

唐堂集卷二十五

華亭 黃之雋 石牧

墓表

詒封儒林郎翰林院修撰待贈資政大夫程公墓
表

浙制府程君元章撫院時奉其祖封公狀語之雋曰蘇
軾屬銘祖墓於同年友曾輦吾先祖之葬也亦虛其表
墓之石待子而文之則敬諾既遷浙又趣之雋曰吾每
歷一官吾祖必詒之訓今乃痛吾祖之不及見也子速
文之用慰吾念祖之私公於之雋爲大父行諾矣不敢

唐堂集

卷二十五 墓表

一

謝不文公諱鴻儒字世英河南上蔡人仕太康訓導遷
鄆城教諭以制府爲編修時加一級馳封翰林院修撰
里居者十載而於雍正八年八月之五日卒年九十有
一蓋目覩其孫及第第三人而歷官以至巡撫也公抱
經世之學獲上治民之道靡一不困積燭照於胸目間
位卑無所試晚年始授其孫而時措之於及第曰汝勤
圖書厚始基以儲峙厥用於主試蜀曰務得人毋遺馬
盛衰雄之材視學於閩曰其造士於道德仁藝徒曰公
明未已也汝職猶吾職尊且廣耳尊則教易行廣則諭
易徧落於浙曰東南大邦方伯任愈重汝書生如吏治

何吾滋懼矣既聞其政乃色喜巡撫於皖曰吾老不能身至觀汝政位愈高職愈難稱而學愈易施及公卒未期而又以總督兩浙遷矣而於是痛公之不及見而詒書訓誨之不復聞也公爲文宏壯昌博自童子時應文武兩試督學張公九徵兩首拔之而屬之文庠遂序貢爲學師垂三十年士承公指畫口授文藝咸有法尤勉於倫行以循分裁其奢以達用琢其材兩邑之弟子先後不謀而同辭曰程夫子今胡翼之矣有亡友之子違母訓而比匪人公誠之不聽三誠之幡然爲善人平居以濟人利物爲事陝西旱饑民就食河南噉稅糠公煮

唐堂集

卷二十五 墓表

二

糜具枕箸遣人擔達衢間待餓者食之曰嚮錢乎曰否曰有施家乎曰否人饜之虛其器而返再往亦如之不知誰之賜有癘疫公以世醫製良藥施而療之靡勿起大雪深數尺涅白布爲淡墨色製棉絮衣施凍者仕太康時山東災行乞河南者婦衣不蔽體公出官俸縫布禪裳施之曰以養其恥也仕鄭城時亦如之當是時或沮之曰公富人耶而耗於施不計子孫哉公曰待富而後施溝中之瘠不肉矣吾念一動而不可遏計哉則凡公先後所活者咸祝公長生而久存多賢子孫世受國恩貴於一門後所祝皆符先是制府使蜀時

天子問家世知有祖八十餘賜貂皮上藥及公受封會制府使閩道出河南親捧綸誥至里第公白須髮冠服率子孫跪叩首謝恩如禮九十時又賜人參爲斤三紫貂二十公冠服跪叩首謝恩如初猶記曩制府與之雋同館日同賜貂制府製二冠奉祖若父而之雋盡焉傷吾親之不待也而公以大臺膺三錫而疊受之昔吾吳毛弼但見其孫澄擢狀元第史料已載盛事述中以視公不遙遙哉其生也榮如此既卒而蔡人哀之曰中州失一歲星矣公爲伊川裔世居河南府之登封至文學尙智公避流寇移居汝寧之上蔡公祖也一傳

唐堂集

卷二十五 墓表

三

宗道公以醫學顯公父也母傅節母也配孫山贈淑人同產二人伯鴻猷諸生公仲也子三驟諸生脫封修撰元章父也麟公八十時所生也孫九人元章其長也曾孫十六人公以某年月日葬於某原是惟吾同年之祖之藏後人爲公卿奕世以昌以永固於厥邦

敕授文林郎翰林院庶吉士吳君墓表

同年宜興吳君歿十年而葬葬四年而其孤遇予於京師求表其墓蓋予之旋里杜門不預世事久矣記曰朋友之墓有宿草而不哭予與君交三載笑貌如昨也雖哭庸過乎況木且拱而忍靳一言哉君諱端升字申錫

幼通經學長而以文名世爲人師有法荆南文社推拔
萃者必於君既爲武進籍諸生以五經中

聖祖萬壽科鄉試儀封張清恪公撫吳招入紫陽書院
而聘關西王布衣某爲山長至則叩王所學多金谿姚
江緒言君奉程朱隨筆爲駁詰靡不合張公指王遜去
康熙六十年成進士改庶吉士予始識君白哲而靜性
嚴急故號容川以自規交必擇人倡爲詩文之會擇予
與鄧鍾岳姚之駟姚世榮唐繼祖切劘古學風采可畏
愛久與居習聞睹其言行匪直文學勝也其爲人孝友
爲諸生時歷遭父母喪嘔血骨立及擢第子登賢書輒

唐堂集

卷二十五 墓表

四

涕泣悼親之不待也營五喪嫁二妹撫孤姪費皆出館
穀不以貧故諉葺宗祠贖族女之鬻以完通糧者溧陽
學士今楚督史公高君行延教其子予初識君在史公
家塾見學徒彬彬云

世宗御極之元年四月命庶常上封事君喜得展其宿
抱踊躍敷奏而焚草不泄九月邁疾甫愈值會試爲內
簾收卷官夙夜勞勩疾復作且篤十月三日

上聞許先出聞療治越一日而卒年四十有六方強仕
服官政以理學經濟文章報國爲世大用而費三立之
志以死爲可惋歎也君先世宮保禮部尙書諡文肅公

儼通政使贈副都御史公達可明史有傳曾祖洪達祖
貞元父贈庶吉士楷以孝友稱母錢氏繼母任氏皆贈
孺人君任孺人生也妻錢氏繼室秦氏贈封皆孺人有
淑範先後君卒子三人承舉人候選知縣之俊太學生
求爲墓表者也霖業儒女三人適萬弘道儲元晉王匡
皆庠生孫二人泰聯晉聯孫女二人君卒時予將適閩
哭其喪明年柩還里以雍正十一年十二月某日葬於
濱郊祖塋二孺人附予居遠皆未知耄而入都而後乃
得文其墓知我友之精爽不我遐遺矣禮祭法所謂以
死勤事者非與世咸知君必信予文爲不諛也

唐堂集

卷二十五 墓表

五

墓志一

先考府君權厝墓志

痛哉先府君權厝之墓昔府君作生壙於許墅之恩姑
山麓十六年矣今秋臥疾謂不孝兄弟我死未可入壙
需汝繼母天年路遙費再且屢啓土慮洩山脈既考終
遂遵遺命相地於居宅西南之原而安厝焉冢子兆長
命不孝之雋曰斬焉衰經未遑勾名人銘辭汝其志之
而求里孝廉路先生填諱不孝於是泣血稽顙謹志之
曰府君姓黃氏諱文遠字邁先自號毅峰系出江夏漢
尙書令香公傳七世積公東晉新安太守葬於歙之黃

墩爲新安始祖傳十五世儀公仕唐爲閬門尉閬門今
祁門也遂居祁之左田傳十二世彥俞公宋嘉祐間遷
休陽之上黃休陽今休寧傳八世至政公元至正初遷
休寧南鄉之高倉傳八世至先大父雲山公諱福思娶
祖母程生五子府君其二也生而雄偉異常兒就傅至
長誦書通大義嘗抗膺歎曰男子志在四方安能守故
土爲鄉人性至孝又不忍離父母大父曰遊不汝禁也
爲趣裝遊京口依族長者往來吳會長者材府君爲議
昏富室府君不可曰未承父命會明季多盜欲渡淮濟
遊京師道梗不果乃歸高倉侍養父母娶於山斗程爲

唐堂集

卷二十五 墓志一

六

名族無何大父卒營喪葬畢遭亂白晝兵行劫村聚持
刀縛祖母而索金於府君昆弟曰不者吾斬此媼矣府
君被髮抗刃曰是乃吾母寧殺我無害吾母賊以刀脊
搥府君背曰偏爾不畏死邪卒感府君孝戒勿犯先是
客京口時嘗挾貲獨行江淮一日寇作居民紛紛登舟
渡隔水避難府君後至人多舟重已離岸矣求暫橫不
應念死兵寧死溺一躍上舟竟得渡嘗又與數人避兵
野中遇黃衣騎者腰刀挾弓矢而馳數人散走騎者逐
殺之府君獨折旋行如之字馬直驟則速屢勒轡轉馬
首則稍緩騎者追不及怒叫引弓將發府君乃立待與

語悅連稱好漢而去以誠動物類如此鼎革初途偕伯
父奉祖母遷松江寓東郭棠子橋旣而卜居華亭之陶
宅三叔父前卒四五叔父亦來府君旣屢播遷術者推
祿命支干五行在前朝宜以仕顯今易代當後人封耳
遂專治生累致千金有讎構訟通馬帥幕客幾興大獄
凡數年始解復出遊淮徐山左中州兩浙豫章南楚東
粵足跡無不至蓋府君年五十而始生不孝之雋也前
事得之吾祖母吾母吾兄或府君自語及僅聞其畧而
其間所經輪帆之險夷山川人物之庸詭所交朋友之
淳僞離合及訟獄所歷之艱危與所以禦侮濟變之妙

唐堂集

卷二十五 墓志一

七

用不能羅縷詳也府君雖有昆弟獨奉養祖母程太孺
人其歿也府君年五十五矣不孝時六歲親見府君日
夜孺子泣極哀當是時不孝甫就傅弟之袞兄子元標
元樞從兄之宣從兄子元鑑年相若府君延師聚一堂
教之益市經籍夜剪燭自督課嚴於師以爲常不孝幼
頗穎悟冀望益篤授兆長家秉一意教不孝輩旣入郡
學甲子丁卯鄉試府君必率之行時垂七十雲陽道上
坐筍輿暴日中矂鑠甚至省日跨驢登鍾山拜孝陵問
前朝老宮監遺事遊雞鳴山弔臺城後湖出長干上報
恩浮圖如少年命不孝作金陵懷古賦二千言閱之喜

祖母葬姑蘇之城隍山而府君壽域在恩姑七十生辰
出遊兩山之間撫松踞石泛舟旬日而返人望之若仙
孰意晚歲得疾不孝兄弟產益落瘠畝不收幾缺甘脆
又日夜期之雋成名旋故鄉一展祖墓乃至癸酉秋報
罷後尤傷心有不及待之感延及今夏歷秋而竟長逝
也痛哉府君嚴重鯁直寡言人敬憚之然濟人急通不
能償輒還其券伯父歿撫其兩世孤爲營產完娶祖母
喪葬費獨任之助兩叔父昏送其終既臥疾兩月忽顧
不孝輩曰勉聚十日至十日索酒飲畢如熟寐而逝前
一夕兆長夢府君爲大官升堂視事而之雋見有袍幘

唐堂集

卷二十五

墓志一

八

而立於寢門者府君生明萬歷己未歲十月十一日以
康熙乙亥歲八月二十九日卒年七十有七妣程孺人
生兆長長子也娶鮑繼母費孺人生之衮季子也娶姚
生母王孺人生之雋中子也娶王女四通俞王胡張孫
四兆長生元標娶朱元樞娶滿之雋生元杰之衮生元
桂孫女六兆長五之雋一曾孫一元樞生光祖嗚呼喪
父當貧賤不能易其禮以襄事而用淚和墨於冰苦之
間爲極痛心也

殤子墓碑銘

殤子名元杰小字偶江夏黃之雋娶王所生之首子也

生康熙二十八年及九歲而夭予爲撰殤子賦叙其後
慧喜讀書吟李杜詩得鍾愛於祖父乃一夕暴死於新
正不暇療醫爲恨而死與祖同日爲戊午爲異賦今附
載鳳樹集中一時師友門人輩爲歌詩弔挽之成帙嗚
呼今又九年矣使今而存不戢戢一偉少年耶使我今
日而見一峩峩然十有八歲之子與我今日而徒見磽
磽然白骨之子其哀樂相距何如耶嚮厝其棺丙戌歲
之清明以俗忌瘞其骨於陶宅之原揮涕而銘之曰
骸骨藏於土魂氣則無不之汝慎無他之其朝夕於汝
祖依噫

唐堂集

卷二十五

墓志一

九

誥封一品夫人劉氏墓誌銘

代

夫人劉氏遼陽人故禮部尙書吉水李公振裕之繼室
也父宗弼以兵部侍郎提督江西軍務與公父兵部侍
郎公交甚篤故締姻焉年十七嫁六十七而寡七十九
終子七人女二人孫九人孫女九人曾孫二人曾孫女
四人夫人之歸尙書公也公母朱太夫人以文名閭範
著先是公元配陳夫人善事姑既歿念難爲繼者夫人
旣入門使侍兒微窺太夫人起居言動三日得其概曰
我知之矣旣廟見上堂事舅姑太夫人果極歡謂侍郎
公曰又一桂婦也我以家政畀之矣居久之舅姑相繼

歿盡哀盡贊喪葬之禮服闋隨尚書公官京師尚書益
貴顯望隆若山斗士爭趨之公推轂天下士通館授餐
宴會餽遺無虛日門內食指以千計俸錢之入不足供
歲費二十分之一而公性超俗不問家人產一出於夫
人手拮据之然如酌不竭之府沛然有餘雖公亦不自
知其家之不給也夫人性慈而義時時迎其適熊氏姑
與前夫人之女於京邸而懇懇於骨肉婚姻以體尚書
之心復母諸子如已出可謂賢矣或者謂夫人生長富
貴爲提帥女爲侍郎婦爲尚書妻階一品壽八十一堂
四世享人世極盛之福豈知其少卽瘁心以事舅姑中
唐堂集

卷二十五

墓志一

十

羅大故又值三逆擾亂時兵寇縱橫護持門戶者無遺
力伯子復天孤孫繼之尚書既歿宦無橐矣白首劬勞
以成其子若孫則是縱恣於華廬以爲樂者六十年中
無一日也夫人卒於某年月日生於某年月日於某年
月日葬於某原諸子介予戚請志其墓予書其行之大
者餘則系之於銘曰

遼水之秀鍾厥閭讀書幼與班謝齊隨父來宦江以西
祝融災署印篋遺犯焰提出人稱奇治家之才占小時
于飛吉水五十年偕老老鳳飛上天一紀獨爲孫曾延
渭陽家落倚以安以子嗣伯血食縣王寅轉歷上巳前

平頭八十瑤池筵先七十日遽溘焉墓石有文賢則錄
銘詩以補誌不足九原陶陶此其讀

唐孺人墓誌銘

孺人唐氏文恪公族曾孫又金山衛歲貢生莫子亭遠
之配也莫氏自方伯公以下世郡人亭遠乃葺知樂園
於千巷而移家焉中有晚香圖仿古式營夫婦之壽藏
又建閣以奉斗而孺人朝夕服禮其中迄於歿不懈既
歿之二年亭遠來告予曰吾妻賢凡吾妻之所以賢則
不離世俗所泛舉以頌壹德者則亦庸無奇耳然吾極
不忍其賢而死葬有日矣幸先生不朽之予曰敢問夫

唐堂集

卷二十五

墓志一

十

人所以賢亭遠曰事姑也若母吾母病跪奉湯藥浣中
裙廁踰至瘳不已吾父曰唐史稱孝婦有乳姑唐氏今
又一唐氏矣吾妻艱於子爲吾畜羣妾遇之厚謂爲嗣
續計與我一體耳重其母將以重吾子卽以重吾夫也
妾得子今十餘歲腹育如已子平生好施暑施帷冬施
被死者施棺饑施粥嘗遊余橫至玉峰虎阜支硎靈巖
抵武林之天竺靈隱淨慈隨所至施塑像造殿病一年
矣然日起庀家政夕往禮斗如常歿之日始不起薄暮
忽起呼子女妾婢滿前訓辭畢曰吾欲臥矣爲吾整簪
髮拂衾褥遂自解裘誦誦而逝予曰若所稱果唐

行也孔子言庸德庸言夫婦居室順父母宜家人夫人殆不媿所以賢耳矣儒者貴庸不貴奇予文以表賢也歿以雍正七年之十二月距其生六十有一歲以九年之臘葬園中壽藏而予銘其幽銘曰

莫與唐爲郡望既絲叔以盈賢者壺家愈亨鳳有雛喪厥鳳家知樂穴晚香歌哭斯聚如生魂魄永未松栢藏

任憲英墓碣

荆溪任憲英慕晉朝辛氏之爲人而取其字以自名不短折豈不卓然奇女子哉小時隨諸昆就塾讀論孟則

居堂集

卷二十五

墓志一

七

知齊桓之霸勝晉文讀毛詩則知幽厲積衰以至東遷而有王風聞人讀史則數義炎以迄元明帝王名號無遺者聞人言不記孔子五代則數啓聖以上世系無遺者父口授木蘭行則覆誦一字無遺者父宿儒翼聖也而女時時依父膝講詩書故事卓識別見不能難故鍾愛之曰他日女學士矣母獨待之嚴稍長勤以組紉烹飪之事靡勿嫻既死而母痛之逾於父父方學易而病女禱天求代果死父病不知也瘞而後知益痛之欲一夢見之而不能又二年而翼聖同予客金陵連三夕三夢憲英哭而起曰我女殆欲乞言以不朽已乎明日紀

略以告予俾志諸墓碣凡物之質蠢頑者堅凝而秀靈者空虛物之理平庸者滯留而奇特者飄忽憲英在母二十八月而生在世十五年而死天命之矣

懿孝女墓銘

天長陳燭門愛其女而悲其死哭以詩告以唐堂許銘其墓遂來告曰礪石須矣燭門與予先後出孝感屬公門稱同門兄弟是宜銘女名士更字學恭隨父任池州府教授工詩精書法能作制藝凡燭門之所蜚聲揚光挾持以領東士林者盡傳其女匪傳之也女慧遂盡得其不傳者也是故燭門欲不愛不能也笄而贅壻李生

唐堂集

卷二十五

墓志一

七

於池署辭父母有日矣而母病則日侍湯藥夜疏天求代者凡八年而母死則代母秉家政燭門之家兄弟子子婦皆依以居食指衆而宦極貧女一切措辦當父意急其貧燭門善病窮愁悼亡則時時引說故事咏新詩以釋父憂於是燭門愈不能一日離其女女愈不忍一日離其父以至於死則燭門愈傷其女已嫁而以已故俾不得以婦道表見於李途濫焉以終於室也死之日燭門修志客金陵則愈傷其女三十年相依以生而不見其一朝之相訣以死也是故燭門欲不悲愈不能也燭門之友荆溪任太史昭文陳進士桐城張孝廉爲易

名曰懿孝而予銘其瘞幽之石曰

孰是慧淑而命之不長傷哉名父以名其女以文其土永之於終古

勅授承德郎刑部雲南司主事監理河務程君墓志銘

予年三十識君於筍里又十餘年識君子仁於澄江又二十餘年識君孫樹於秦淮是年君卒於對溪樹自毫奔喪以死悲夫三世之交頓失其二也明年予往弔孤仁捧手哭泣以墓銘請又明年銘成而誌之君姓程氏諱兆彪字蔚書徽之休寧人曾祖祖以贈父以封皆光

唐堂集

卷二十五

墓志一

古

祿大夫妣皆累贈一品夫人封公始卜居松江之上海娶洪夫人生二子長兆麟陝西分巡道按察司僉事次卽君也君幼受業於楊中翰幃其外舅王玠右先生器君不凡命中翰以女妻君弱冠入太學遭母喪服除鄉舉不遇因謁選授兵部司務擢刑部雲南清吏司主事所至以材著曹長咸器之時年未三十也念父大蓋而兄遠仕陝遂請急省親歸里生養病醫死葬盡其孝當是時相國遂寧張公方督治河請於朝擇材以佐遂舉君兄弟君自服闋蒞事在河工先後五十餘年淮黃利害多所贊畫每興築與河卒均勞苦暑雨凍雪指麾

河壩發工如期堅緻不壞若高堰石工安東汎土埽工搶護安山宿虹陳灣蔡道口諸險工挑山清口河築柳園范莊諸土埽工噴竹槌石以丈計且逾萬積勞久至手顫耳鳴病歸於吳以老可惜也然自

仁皇帝視河名君傍輦行五六里顧問詳備賜宸翰寵之以至河督諸大臣相次奏君功績爲河員最數增秩不爲不知君矣嘗攝懷慶河防通判不以部曹貴輕倖事曰爲人臣安往不可盡職且吏治吾好也於是葺學校清壘法整捕務罷供給擾民者修壩牘以利輓輸而資漕漑甫三月以大工旋河上民思之若習久安之

唐堂集

卷二十五

墓志一

古

一旦失之者事兄謹終兄身不析箸於河於家事必諮兄兄歿後爲同官誣累君命子仁銳身自寃卒得白昔誠親王書孝友二字詒君爲不愧云旣宦而貧不能歸上海寓吳養病受子養以卒雍正十年冬也年六十又三距楊安人之歿三十三年矣安人十五歸君賢且孝姑疾侍湯藥姑亡視含殮禮哀俱至君宦京師安人念舅老遣姬媵隨任而已留家奉甘旨賓祭以腆潔嫻戚以厚臧獲以慈喪舅執禮如喪姑勞於家政年二十八而卒君終身不復娶曰疇若安人賢者今年月日諸孤奉君柩歸葬於休寧之先壠安人附焉而予誌其仕宦

孝弟之大者於石其餘言行詳行狀子八人仁爲長女五人孫十人嫁娶咸名族仁試北闕大臣賞其遺卷呈御覽名著都邑少子佩孫樹皆髫髻能文稱賢校間樹尤俊拔善詩爲予誄小山其卒也甫冠所聘婦宋未婚歸夫家守節其教子孫又如此君所著治河書十八卷黃運兩河圖二卷皆適於用予旣悲君之材而位未顯壽未多又悲孤仁連喪其父子也故不辭銘銘曰少登於朝老未罄其用兮淮黃湯湯工則可頌兮祖之長逝孫則送兮鬱鬱其封與婦共兮予差長而銘其幽悵若夢兮他日車過腹不其痛兮

唐堂集

卷二十五 墓志一

六

誥封太宜人林母力太君墓志銘

代海寧相公

林君以州守攝令吾邑賢而有才政聲隆隆蓋迎養嗣母太君於署中稟承慈訓者多也未幾太君病卒督府以海塘事亟題君在任守制給假歸葬於是匍匐詣予叩首流涕而告曰不孝緒光之嗣母孀居苦節以撫育緒光者五十有四載一旦棄捐官舍又不能終守苦次唯是墓中之石敢乞大文以不朽先嗣母俾不孝仰藉以報罔極之德亦死且不朽予不忍其哀痛之誠也諾而誌之太君姓力氏閩巨族祖某封文林郎父某郡庠生娶吳孺人生太君封奉直大夫林鶚英之妻也年十

九歸林凡六年連舉二男子同月而殤越月而奉直死當是時天旣奪其懷中之乳嬰而一一斬刈之又殲其良人於匝月之內禍慘創鉅死不再計決矣而奉直之弟中憲君其婦楊恭人妊將彌月夜祝於天曰幸生男必爲吾兄後俾嫂氏無子而有子可死而可無死越日而生男遂以後奉直卽今攝海寧令名緒光者也時太君年甫二十四耳於是深念撫孤難於殉死遂不死日以教子顯親爲事保抱捧負極其慈就傳課讀極其嚴曰吾名則母而道兼父也不爾將負吾夫并負吾叔奴於是越十五年而見其子入泮又一年而見其娶婦又

唐堂集

卷二十五 墓志一

七

三年而見其登賢書縉也天之抗之如不克者至是而天之酬之又唯恐不厚太君自謂不祥之身不敢與於喜慶宴會亦至是而始稍一伸眉曰吾乃今而後可以報吾夫也又十餘年而見其子宰蘄水又十年而見其補任平湖又三年而見其擢員外郎知冀州又九年而見其以知州攝知海寧縣而太君之年已七十有七矣微疾誦佛號曰吾乃今日可以見吾夫於地下矣而於是乎死矣當林君之歷任繁劇也太君靡日不訓之以盡職報君愛民故所至爲治行最在蘄水時聞中憲之喪曰不可以吾故殺禮必終三年之制其以忠孝教子

如此始以夫亡嫠居惻獨辛苦織作而無怨尤後以子貴由孺人晉宜人象服鸞封而無驕泰至其孝尊章和妯娌慈卑幼惠臧獲持節儉樂施予皆天性然也於戲節婦也而賢母矣使在平居閨巷生則樹綽楔以旌於門死則饗俎豆以祀於祠乃以命婦格於例予悲林君之意故詳著之而略其餘又繫之銘曰

力氏之先作相軒轅臣道協坤妻道亦存裔有淑媛與林爲婚既尸蘋蘩喪二雛鵠夫亦九原極其煩冤淚滂血痕以軀殉魂篋哀其壘嗣以後昆撫孤辛懃以延朝昏醴泉無源芝草無根而堂有萱聿昌其門教誨饗殮

唐堂集

卷二十五

墓志一

六

罔極之恩俾才且賢雲路飛騫妻道既敦母道既尊七十七年霜寒日暄苦節懿言不可殫論考終溘焉杳矣魚軒畢如之墳松栢茈茈妥於地垠以蔭子孫

唐堂集卷二十六

華亭 黃之雋 石收

墓志二

顧湘南墓志銘

使好學而不死顏子亦斟彭之難矣使美才而不死賈生亦乘聘之牛矣湘南之年僅逾顏賈乃賣其才與學以入土則必恒夜出其光燄而莫之闕予烏乎銘其幽然而老彭之述古老聃之傳道皆文也以老而老之耳以文而不以老則湘南奚必爲彭聃湘南一號帆川陳顧野王之裔吳江同里人既析邑遂爲震澤人父庸吳

唐堂集

卷二十六

墓志二

一

江縣學生母嚴氏湘南孝於其父母不徒以文著者也雍正九年冬江南督撫大臣奉

上命修通志開局秦淮知湘南善屬文招致之其家故貧恒出門授徒奉豐脯以養親既因親老謝生徒歸不夙莫離膝下者四年及聞是命違親五百里固辭不可乃出若嬰赤之去懷抱矣予始聞其名既而見其文至是識其人時載籍頗聚始至兩月則徧涉於目而難以冒明年屬艸藁博采藝文旁及人物揮霍銳敏人方矻矻已已滿志暇則鈔述羣書作詩賦序記以應求者若此者一年卒歲歸而母臥疾已浹辰則大懊痛於歸之

不蚤未幾而歿則擗踊不欲生悔恨於其出又念父年老方悼亡不忍重傷父心是時當事因承 詔久刻期以俟乃就家草職官志苦出在左筆札在右淚墨交漬衰經中銜恤盡瘁不自知疾之萌矣及通志將竣聚力合尖方盛暑強適館既痛母逝復懼父衰午汗宵蚊併日而受牘匝月而就藁以遙其歸歸而疾作三月死矣十一年十月也吾故曰不徒以文著是不可以孝著耶自總角卽通聲韻之學長益肆力於古家藏萬卷爲文章體無不備入學冠諸生旋食廩從給事陳君視學山左每唱和輒屈其老蒼章庶常所謂揭德振華引昌黎居堂集

卷二十六 墓志二

二

之目東野者也予聞其名以此今大學士鄂公開藩江左時大會諸名士於春風亭鏤其課業湘南最多公所評凌鏢曹謝吞咽屈宋者也予見其文以此制府尹公旣招致志館及移督滇中從萬里外詒書招往爲五華書院山長書所稱學問淵遠人品醇醇者也書至而湘南已前歿予識其人僅一年有餘而已跡其生平負才學遊公卿間乃於鄉十一試而未舉著書百卷未行於世顯榮其親之願未酬

天子開博學鴻儒科方惜湘南有服不得與詎知不金門而玉樓也距其生四十有六年耳彼述古傳道老於

世而不死者商大夫周柱下史何人哉娶龐氏生一子後激以卒之明年十月葬於同里鎮西天字圩之塋其弟我鈞寓書以乞予銘曰是知湘南者銘曰
嗚呼震澤帆川先生之墓其名我錡其姓顧文無窮勝以壽終

翰林院侍讀趙公墓志銘 代

公姓趙氏諱熊諱字侯赤號裘萼先世出自宋魏王德昭後遷常州之觀莊遂爲武進人曾祖元台祖繼鼎以進士宰公安擢兵部主事考申喬戶部尙書爲 國朝名臣贈太子太保諡恭毅入賢良祠妣龔夫人生四子唐堂集

卷二十六 墓志二

三

公爲長公生之前夕祖夢神人授一軸雲采結蟠二字卽公諱也遂以爲名五歲日誦數千言十歲能文十二喪母如成人禮十五以五經入學書無所不讀試輒冠其曹遂貢成均舉北闈入直 內廷康熙四十八年殿試第一人及第授修撰當是時安溪相國以理學文章推挹天下士公以名狀元掉鞅其間世翕然稱之凡聖祖所臨幸必扈從顧問著作必稱 旨賞賚稠疊爲日講起居注官凡五年陞侍讀又二年以同官牽連被劾落職仍留供奉明年冬以大臣子弟例奉 命往肅州軍前効力初恭毅公藩撫於浙移楚公恒從一切軍

匡重事能助理中程法至是益奮謂不徒以翰墨爲
績借行者逗留西安公先馳至蕭輪餉八里坤者再且
節省腳價銀數百兩方試其材武於戎馬間以圖報
國未幾恭毅公薨於位遂奉命奔喪而還甫扶柩歸
里未匝月哀毀成疾願其子侗敦曰吾兩世受國恩被
誣削籍又以王事父病不侍湯藥死不視含殮不忠不
孝死且晚矣標醫藥去遂卒六十年八月十六日也年
五十有九

天子聞之憫其侍從久且勤慎特還原官雍正十三年
江南大臣允與議以公配享恭毅公專祠云公剛正而
唐堂集

卷二十六 墓志二

四

篤於人倫逮事祖兵部公後讀遺經見手澤輒悲咽恭
毅公由商邱令行取入都而公在江陰應歲試忽心痛
徙步歸祖母白太夫人疽發鬢死遂棄試事營喪學使
者義之待其補試而後行弟鳳詒守太原罹法爲文哭
之後言及輒泣下教弟鯉詒如子叔父申季督學山左
卒公自京馳赴理其喪徐州李蟠慈谿姜震英公之鄉
座主也以科場事獲罪公親送李至奉天又親送李母
歸徐匍匐數千里姜卒於理親爲棺殮陝甘山道莊某
公總角交也妻歿子扶喪歸道死莊聞而傷痛亦死公
在唐也往視殮簿籍其遺橐屬友護以歸其爲諸生時

有宦家女鬻身於富室爲婢公贖之配良士在岳州見
漕艘敗於風咸露宿公設法代償其米石其仁義不但
著戚族師友間而已妻陸氏封安人浙江按察副使自
巖孫女訓導演蘊女能相夫以孝舅姑嫁奩厚屏勿御
恒紡績佐讀教諸子嚴而有度公役於西而恭毅公病
安人治藥餌浣廁臉如子事父勿懈及薨

上遣使臨其喪公卿陪奠安人治喪咸盡禮既隨公南
歸積勞疾作抵家甫七日先公二十一日卒年五十八
子四人侗敦浙江按察副使倅徵儻敦先卒仔敦輝縣
令女三人適國學生蔣宗琰歲貢生李國繩國學生洪
唐堂集

卷二十六 墓志二

五

公案孫六人孫女三人公卒之明年二月與安人合葬
於城東何家村諸孤奉遺命虛其墓石越十四年而副
使君於予爲屬僚哭而請銘予於師門世誼不獲辭遂
銘之曰

生矢力於君父歿乃疚心於忠孝也旣白於身後乃大
享其報也二子善爲政咥克稟遺教也文其閭藏發千
秋之曜也

先考編修公遷葬墓志

嗚呼先府君歿而不孝泣血爲權厝志載世系里居姓
字言行生卒年月閱今四十三年矣甫得遷葬考妣於

斯土也先是府君命先兄兆長擇地潯墅之恩姑山葬我嫡母而府君自爲生墳及繼母歲一至其地所植松柏以藁結徧繫而枚數之二千餘株石柁蔭半畝許既考終遺命權厝近地需繼母天年而葬不孝兄弟遵命奉父柩於陶宅所居之西南厝焉可開門望而目光及之又十四年繼母歿不孝兄弟益貧方拮据喪事拘陰陽議不一乃亦權厝母與府君相望之雋於是饑驅依人北通燕南適粵旣倖登第入翰林充講官出視閩學擢春坊黽勉王事未敢以葬親瀆

聖聽自閩還京一載被劾歸兒輩已移居城西谷陽橋

唐堂集

卷二十六

墓志二

六

外不孝往吳展墓將營大葬與姻戚善堪輿者偕則松栢石柁無一株界石移散旗竿石僅見址童然一荒邱左側矗然他姓墳逼甚戚詫曰安得此而可安窆安哉繼延他葬師亦云不孝念父兄所經營託體魄於萬年而胡乃至此返舟泣自付曰陶宅及恩姑四百里不孝餬口四方以至仕宦幾二十年兄姪相繼歿且十年寒食家祭上厝墓而已久不至恩姑守墓人別居且屢易是故漸被戕賊以底此極卽修治未能復舊觀又安保子孫饒貴歲歲裹糧而至日長月永非計也峰泖之間梓土一區從谷陽橋而北辰發午至先人生而辭高舍

故廬僑雲間歿而辭恩姑生墳遷九峰必冥冥靈許而無恫心於是歸而求之數年乾隆改元始得網林山之南平洋地九畝乙山辛向會錢鼎相國薦舉之雋博學鴻儒不欲行念

聖天子新卽位大小舊臣廢者起抑者申洪恩數沛冀或得邀命以榮葬事旣入都不遇而歸乃以三年之十二月十九日山陶宅厝地遷葬府君於此三太孺人附焉府君歿之二十六年遇

世宗登極覃恩敕贈文林郎翰林院庶吉士案贈編修嫡妣程氏生母王氏皆贈孺人時未有封贈繼母例不

唐堂集

卷二十六

墓志二

七

孝妻王氏以已封妣贈繼妣費氏孺人程太孺人卒於順治壬辰歲年二十五由恩姑山改葬費太孺人卒於康熙已丑歲年八十由陶宅遷葬王太孺人卒於康熙已巳歲年四十六由朱家墩遷葬子三人見前志孫六人兄子元標元樞弟子元桂見前志弟子元和娶廖繼娶李之雋子載前志者殤今二子元度娶范元壽娶衛繼娶張曾孫三人元樞生光祖爲元標後光新娶程元度生光邦元孫二人世綿世延光新生鳴呼歐陽子表瀧岡距崇國之卒六十年日非緩有待也而果服官躋大位贈考妣國公國夫人以及於曾祖祖以榮其親柳

州表其考神道謂葬後十一年天子行慶於下申命崇
贈會得罪不克成先君之寵不孝之雋今距府君之卒
四十三年坐廢不復逢可仕之機而又失之徒緩耳何
待乎德薄福損延及先人乃至手營生贍而違之何以
相見地下唯子孫居近歲時伏臘長守護邱壠培植封
樹不至如遙異鄉之就荒焉且其諒不孝之苦心乎
兄弟死喪孤子棄事支離氣鬱鬱病入心謹載遷葬時
地附前志後可連讀焉考也

家贊侯墓志銘

史傳游俠貨殖跡異儒者而子長津津言之至今如生

唐堂集

卷二十六 墓志二

八

儻遇敦孝弟取予然諾不苟託跡江湖之遊或市隱而
終其身爲君子若我贊侯者當何如稱道也贊侯諱大
佐姓黃氏與予同始祖新安太守公世居休寧之五城
父上揖橋浙嘉善之楓涇始入籍焉贊侯少喪母嘔血
不欲生事父能色養自老至病且死寢膳湯藥喪葬盡
禮若獨子不以諉昆弟伯兄病瘵臥簀子側口遠方每
疾劇悲思共子贊侯輒詭爲其子書納金書中云煙所
寄以慰覺兄兄輒喜疾減仲兄不治生產則數餽遺日
給爲其子娶婦婦死又娶婦伯仲歿則廬居其諸孤而
海食之庶弟爲父所愛憐少子父病憂少子未娶則爲

弟娶父喜曰賴汝畢吾事矣贊侯壯時遊跡遼瀾所至
交其賢豪行善事在滇南雨久牆壞壓人死其俗有退
水法可治急出橐金求術者治之復蘇不相識者也新
安金于鱗者挾巨貲商於滇以贊侯鄉人益交好一旦
疾作往問疾金執手泣曰吾不起矣兒在家阻萬里君
古君子以身後事累君贊侯不應而退于鱗死其門下
客各萌私念贊侯往營斂畢告於衆曰計至而其子來
期遙矣唯諸君與某在請簿其遺貲而封貲以待其子
衆曰金君執手以屬君而君不應今死而爲之謀死者
不知也且計至而其子來期遙矣君奚荒已之業而坐

唐堂集

卷二十六 墓志二

九

待時日乎贊侯曰嚮者之不應不敢輕諾也口雖不應
心既許之矣今日之謀是乃某之所以應之也其子至
而吾事成何廢時失事乎衆愧服于鱗多畜古玩某顯
者索觀贊侯不可曰幸少待其子來矣久之其子至乃
字呼于鱗而畀之貲物無關其子感泣盛陳寶玩幸擇
所愛以酬笑不顧徑去嗚呼此與史所稱朱暉待同郡
張堪事何異哉贊侯既倦遊里居頗饒於財尤以利人
濟物爲事訓子首重五倫求立身行已無愧忤粹然皆
儒者言娶龍灣程氏女事舅相夫待先後有禮贊侯久
客遊秉家政皆程氏力晚以壽母受粟帛於 朝生五

子人昌國學生人琦其三子俱前卒七孫人昌子作霖
斐學生一曾孫贊侯卒於雍正六年八月七日年六十
五程卒於乾隆二年二月十七日年七十五先是贊侯
葬其父母曰異日吾埋骨墓側魂魄依先人於終古故
其卒也人昌承先志合葬父母於祖墓傍地曰古賢里
近楓涇其葬也以乾隆三年十月六日作霖奉父命乞
銘其墓予從史氏後家有君子而忍默諸銘曰
知也無涯遊於世而修於家生也有涯息於里而藏於
阿斯其同穴之原朝於兩尊以利其後昆

張快亭暨配吳氏合葬墓志銘

唐堂集

卷二十六

墓志二

十

平湖張奕樞喪其考二十四年妣八年而後葬其心以
爲同產八人不得祿養二親於生猶冀一旦或通顯以
榮二親於死既又以爲親一日未葬則一日心盡焉如
刀傷於是葬有日矣瀝血爲五言詩百二十韻謁之雋
銘其幽讀其詩而笑忍謝不文哉張君諱崢字如岡快
亭其號始祖魏國公浚綿竹人佐南宋子忒遂居浙三
傳至溥徙鹽官後析爲平湖又五傳至廸居平湖之葉
葭園八傳至泰君王父來章君父也君年十七爲邑諸
生二十八貢成均四十而卒詩所云不孝年方弱嚴親
蚤棄捐也娶吳孺人十九于歸三十九而寡詩云淒涼

慈侍下辛苦夜燈前也五十四而卒詩云丑夏櫻寒疾
兼旬竟不痊也八丈夫子奕樞其長次應璫在璫奕樞
在衡景陽龍光熊弼皆名士奕樞尤八龍之無雙者詩
述其考之行曰祥磨新吐瑞威鳳乍聯翩倚馬千言就
雕龍萬口傳謂君受知督學曲阜顏公目爲麟鳳書無
所不窺爲古今詩文雄俊敏妙未嘗屬草以爲樂今府
志人文苑傳以此其曰九齡喪盡禮隔歲痛尤瘳謂君
喪父時擗踊若成人逾年母疾禱北斗願減算延母卒
不起則哭泣骨立其曰全活功無算拯援力愈堅謂戊
子己丑間浙大饑君賑糜出米數百石典衣鬻書繼之
施良藥以起疫痢者其曰師席遭無妄軍門因伏跽掉
臂如探虎纓冠爲避鶴謂脫其業師汪君於繫曰囊傾
營救急金盡涕騰悛謂中表陸君試入鄰縣學而不逞
者誣以冒籍君解囊濟之而免曰不教屏雀合肯付斛
珠緣顧恤身家寔成全骨肉圓謂有族子貧而將鬻其
女者君力沮而擇士人嫁之今省志入義行傳以此詩
述妣之行則事父太學君母胡盡孝既嫁不逮事舅姑
逢忌日盡誠盡禮慈下施惠故曰在室稱純孝于歸識
事權又曰簪珥周貧乏肥甘告肅虔舉雄既多君欲脩
乳媪則曰何忍饑人子以哺吾子故曰寒溫祇自乳媪

唐堂集

卷二十六

墓志二

十一

祿有誰肩君歿時慟幾絕父諭曰如藐孤何於是布衣蔬糲以持家教子爲事自奉儉延師脯脩必豐故曰中年遭絕慟老泪飲長咽又曰忍寒縫布素適口減腥魚約法嚴於律繩家直似弦至述考之教子曰談經三尺雪課誦一牀瑣啓牖多方切成材屬望惓惓述妣之教子曰九熊勤責備劉薦絕輕儇固窮君子願諱道聖言宜予交奕樞知其昆弟飫家教深矣讀志傳而慕君讀詩而愈晰君夫婦之賢願諸子屢困場屋痛二親之不待日負罪情何極呼天肉盡腹痛腸應寸斷望眼欲全穿嗚呼固不忍卒讀也乾隆五年冬十二月今葬於邑東

居堂集

卷二十六 墓志二

主

北曠圩之新阡詩所謂屈曲城東水平夷郭外園者而予係以銘曰

是唯南軒十九世孫同穴於斯保佑後昆我取諸詩千二百言約而銘之用光九原

誥封中憲大夫累贈昭勇將軍陳君暨配杜淑人合葬墓志銘

閩泉之惠安有人焉能備洪範之五福者曰陳君諱元椿永年字也確菴號也先世自明大叅公以來科目仕宦不絕父贈中憲公沆母曾恭人君五歲喪母事後母許恭人孝十三喪父則許恭人所生女尙幼遺腹子在

產薄俸惻然母子相依爲命既長念先儒語學者治生爲先遂治生以養其母葬其祖父母罹耿逆之亂以智保其家二十八娶杜氏南昌太守鳳林公孫女今累贈淑人者也年十六賢且能佐君治生家益起爲弟妹婚嫁以父遺業盡畀其弟又增益之以悅許恭人心事許恭人五十年如一日其歿也君垂六十矣哭泣孺慕葬父及兩母如禮其以大倫爲根本者如此蓋中年而後舉四子也以家政委淑人而遨遊大江左右間以適其志及歸而教子皆有聞於時長展府學生學使應詔舉優次文輝候選州佐議叙通判次如雄次鳴

居堂集

卷二十六 墓志二

主

夏同以進士爲侍衛遇覃恩封君中憲大夫受祿養兩爲鄉飲大賓孫十四人基績庠生國器武進士曾孫八人一堂四世耄而神明不衰非洪範所稱康寧者乎而力行仁義置田百畝以奉祠瞻族捐金以周鄉黨之貧不能葬者歲以爲常歲饑出米五百石計口日一升又煮粥繼之癘疫死者施棺至二百又施穀二百石以拯無食者歲旱荒獨佃租又額外加免租穀五百石捐貲建大石梁者四曰惠南上田鋪之惠安橋曰惠北之巨濟居仁二橋曰惠北之大德橋橋圯於暴漲重建之修寺廟者四曰惠南半嶺之觀音堂曰惠西科山之關

帝廟曰惠南之天后宮惠北之大士廟皆置田租以奉香火葺義學一義冢亭一旣而惠邑之學宮圯工尤鉅有司倡募而君獨任之委仲子文輝成之自文廟之殿廡門坊以至堂祠圍舍凡麗於學者無不修舉一新會計其先後費財約萬金洪範所謂富也顯不自封殖揮而散之趨仁義若鶩當事交獎通邑騰頌志乘載之則洪範所稱攸好德者莫加焉素強健無疾偶疾遺命子服官勤慎報君卽以報親孫曾讀書行善目遂瞑雍正十二年六月二十三日也年八十有六洪範所謂壽者非耶以子如雄官陝西都司鳴夏官吳淞參將累贈明

唐堂集

卷二十六 墓志二

古

威昭勇將軍而杜淑人先於康熙六十年歿年六十有二贈恭人累贈淑人乾隆五年十二月四日合葬於某原則洪範所稱考終命者也箕子之意五者有一焉卽謂之福而君兼有之且君夫婦兼有之豈天有所私於君君之德名之也故五福又以德爲主曩予視閩學君伯子展孫基皆與試叔季已舉武闈而予俱未之識也今年春季子從吳淞來駐吾郡福菴爲義舉始相識知其承先志好行善及葬考妣奉狀請銘其墓石是不可辭銘曰

敬以崇聖事神恕以濟人利物積善滿家絲絲無訖翼

子貽孫虎炳豹蔚覃之以旌旂重之以綸綍非于天有私乞也天則順其生而莫之拂也歿而葬於土塋今吻蕊兮鬱以世其簪紱

范秀才墓志

范秀才仲和諱穎士吾姻耕南次子也五歲喪母王能擗踊自是每思母輒嬰兒泣孱然依父兄若成人旣就傅四子五經分年卒業次及左國史漢文選八家然後抑而爲制舉義則成童矣仲父春江負俊才顧諸人曰大范三不如小范三也蓋皆行三云奉賢廩生金霄上有妹賢擇配許仲和仲和期以入泮而後娶會府試太

唐堂集

卷二十六 墓志二

五

守吳公奇其文擢華亭第一華亭首邑特慎重其選以冠八縣一衛而縣衛之首或一二未足以壓衆則競造蜚語謗傷諸首解連仲和喬撫軍因劾罷吳守奉旨下有司按訊每訊以縣次必首及仲和則侃侃言曰生不知所謂苞苴竿牘也者知試文字耳使文字而當苞苴竿牘也者必禁文字廢之然後可官不能屈今撫軍徐公時司臬有文鑒檄九人而詔之曰吾爲問官而爲試官試文佳者吾知其公無私也不則其苞苴竿牘者也命數題仲和立就公一閱一擊節獄遂解然已累三載矣時才逾冠云明年仍試華亭補博士弟子員娶

有日矣而金歿久之聘他氏仲和則又期以鄉舉而後娶時其兄械士舉丙辰恩科所稱二范者也刑部郎周先生漁山在籍授徒仲和爲高弟決其遠到而乃今溘焉婚宦已矣乾隆五年十月卒年二十八耳仲和性孝友雖病篤猶以不能一日祿養其親兄遊粵不及一詠以爲恨居恒恂恂謹厚不露才揚已其殮也同學憑棺慟失聲幼解四聲十餘歲卽私爲詩古文父師竊闕之爲予道之嘗在青村親見其賦石首魚等詩而今已矣始予哭其祖笏溪翁旣哭其仲父春江又哭其從兄用晦今一月而哭其季父澱山又哭仲和一門三世五

唐堂集

卷二十六 墓志二

其

君予且不堪回首况耕南哉耕南喪其弟以及弟之二女弟之孫女以及其子迭遭五喪於浹辰之間傷哉何以堪此耕南許仲和以金氏之榼合葬焉而爲之立後故屬予預志其墓冀夫魂之未遙而見之也銘則俟葬之日

唐堂集卷二十七

華亭 黃之雋 石牧

行述

伯兄行述

兄諱兆長字體仁先君冢子也母程太孺人先予二十一年生好行仁義父逾艾兩弟襁褓乃勤治生督家務一鄉推善人益行善事有司催科急里人袁某遭賦爲縣隸嚴攝將赴縣袁曰幸紆道一見黃君而行袁見兄未言兄曰逋幾許額而往甘榜答耶袁泣言知干實艱納兄遽解橐鏹授袁以免陶宅近海有王某偶提小篋

唐堂集

卷二十七 行述

貯食鹽遇捕役誣以私販縛送獄其妻奔號顙抹冤兄銳力出之宋某爲弟婚無貲以情告問所需費給之里人爲語曰有無相通黃長公以行一忘避名也顧薄俗人情難屢予親賂唐某恕兄於先君先君笑謂吾子數待君厚一不如意而何遽恕爲唐曰唯數待我厚而今一不如我意是以來愬里書袁某老且死見其子曰將繼爲書稚弱幸卵翼之遂卵翼之後反噬然兄性忠厚行善事不怠渠道淺淤兄倡鄰人依戶分浚西達於大港劣三十丈許衆協從有沮之者兄迺獨偕兩弟浚渠東出無人之地百二十丈亦達於大港慨歎利權至今

未梗然其學不純於儒好二氏言壯強遊楚豫耳目既廣又閱世變多慨然有出世想在吳閭遇五臺山道士將鑄大鐘募蘇人助銅次及松兄卽受其募松疏代募而松無應者遂自出貲買銅如數輸道士以踐言又選塋工刻旃檀塗金爲神佛像十一位高尺許莊嚴精細龕而奉之先君歿後家益落嫂鮑氏生六子六女先卒其四子一女先後歿唯元標華亭庠生入太學娶朱氏生二子俱殤元標亦先卒遺二女元樞娶潘氏生二子一爲元標後兄旣貧多兒女疾病死亡之累猶嫁五女一孫女蕭然老矣徒四壁日蚤起目挂髮黹手鈔經史

唐堂集

卷二十七 行述

二

家語地志儒先格言暨釋氏語錄皆細楷研朱點注積數十冊燈下輒袒衣捫虱針紉補綻如老頭陀晚乃資所瘞像之補陀謁古心稱弟子法名心竺號德修泛南海者三予是以有雄才屈首皈依淨土小弟中心爲不平之句兄生平無酒食蒲博狎遊之嗜徒以慷慨行仁義蕩其家益困無生人樂唯冀俸予成名每省試必禱祝其俟佛奉道或亦因是顧予艾年淪落屢負兄期望餬口四方十餘年反以門戶累兄往歲春自粵西歸葺故廬兄已爲我嫁大女方幸聚首晨夕償十餘年之睽離乃涉冬疾作竟不起康熙戊戌歲十月二十二日也年

七十有二明年四月元樞又死其孤光祖光新稚貧惟重喪予又饑驅而北矣將行解兄柩嗚咽流涕稍撮叙其一二行事存兄於不死

敕封孺人亡室王氏行述

吾妻王孺人年六十又六亦壽五十年夫婦亦久七品命婦亦榮乃食貧終其身拮据勞勤以至老病死不逮一日訣此予所以盡傷而不自制也妻在而相忘其賢歿而憶之庶幾可以爲賢矣而恨之是予泯之也予其忍人也哉孺人父歙處士仲嘉公謨能詩遷華亭東鄉繼娶劉氏生孺人最幼年十七嫁予嫁之日鄉隣相謂

唐堂集

卷二十七 行述

三

不知牆東王公有女也善事舅姑舅贈編修公老矣姑爲予繼嫡母費太孺人有弟亦娶婦而上有伯叔則又善處嫡姒無何母獨與弟居而析予夫婦別居父往來就養當是時家益落貧無婢僕親執箕帚操井臼炊汲鉏灌以佐饔飧甘旨予所爲作圖中解也夜則刀尺鍼繡或紡績侶予讀書以餘力乳襁孩抱嘗春米墮其胎同學文會治鮭菜供客寘兒病不暇顧以死其勞如是贈公耄而病一日坐械窳憊甚予力挽不能起隔垣呼孺人至左右掖然後起不以爲嫌予竊歎其有賢之道焉旣予先後喪父母服闋餬口於外邇或十里二十里

遐或于浙于京于粵若是者廿餘年以兒女委之衣麤食糲度未能餓頃逸而嬉也予館選之明年冬恭遇覃恩受封孺人吏部循故事止贈及嫡母程生母王兩太孺人而繼母無之孺人怒然曰此吾所建事之姑也而格於例不與兩姑並吾忍獨命服而處乎明年予授編修再遇覃恩亟命兒子啓予請以已封移贈遂得贈予又竊歎其有賢之道焉生平辛苦儉約從予闕署時澹泊如昔不自知爲坊僚學臣婦及歸選郡城鄰媼戚姬相問訊仍指大妻爾既娶兩新婦尙繇米鹽筭餼坐一室中輒終日雖不似昔之勞匪不欲勞不能勞矣

唐堂集

卷二十七 行述

四

血耗氣衰素歲月無參藥之療遂一病而不可救也其爲人莊以靜不輕言笑不任意智慈而不能嚴容而不能嚴訥而不能詭樸而不能機易曰無攸遂詩曰無非無儀庶幾有焉生康熙九年四月庚戌以雍正十三年九月戊午卒是日也

大行皇帝哀詔至之日也予赴萬壽宮哭臨宿焉孺人病甫浹旬雖危篤猶問國喪奈何不能忍死以待也三日大斂始歸而哭之尙如生傷哉生子四元杰九歲殤元度國學生娶范氏通志文苑傳太學笏溪先生孫女松江府學生耕南女元音國學生娶衛氏太學達

孀女繼娶張氏陝西按察副使夢匪先生孫女州佐洪遠女元才十三歲殤女二一適婁學生入國學金思安一適國學生衛浩孫一元度生光義八歲殤孫女三元度二元音一未字昔潘河陽孫馮翊其妻亡藉其哀悼之文以傳予辭采猥茶不足以俾吾妻不泯然生死之情一也虛夸塗飾不敢也纖悉覲縷未暇也姑就所能憶者狀其畧

文作於孺人歿後數日既檢篋篋僅錢二百有奇銀不盈一兩衣裙補綻咸澣淨摺疊是三四十年所服不覺隕淚隨手分兩兒婦俾弄藏用式儉也附志於

唐堂集

卷二十七 行述

五

此祭文

祭路西駕文

嗚呼豈無故鄉遊於冀都豈無正寢隕於舳艫豈無骨肉而視含殮於萍合之役夫嗚呼吾曹寒賸於祭祭後視登賢書難於登天君奮厥翼而吾顏蹶然謂三寸管奪造化權如馬有鞭君著其先駕步不止庶繼至焉聯飛直上亦人所爲紅杏倚雲枝切勿垂十影之駸一馳再蹶一尺之蠖一伸三屈遂旅食者數載而不得具昆弟妻子執手而永訣也豈才果不可與命競耶福果不

能與慧稱耶嗚呼君之與予幼同里閭十九以前相聞未面二十以後同筆共覩踪跡之密密於縫線三十以後各割絳紗以行其學以瞻其家或東或西白露蒼葭踪跡之疎疎於落花旣予入都攜別斜陽送我廟塹以當河梁餽我贐金以當餞觴明年十月君與計偕君燕我粵南北愈乖我之客粵五年兩返君之客燕一去不轉嗚呼人之爲客傷心損神饋遺脯脩莫拯其貧強爲言笑以酬世人夢中還家醒而失真縱其秦越非親亦親縱其參商非羣亦羣不知者謂在天涯黃金繞身其知者亦謂可策高足致要路津其實利名兩微而妻孥

唐堂集

卷二十七 祭文

六

祭滿總督文

公之名北斗同昭公之功泰山竝高宜天錫公以壽而報公之勞胡爲乎棟折梁壞湫逝於一朝使閭天黯澹而無色浙海鳴咽而不濤溯公以宗室之才子奪南宮之錦標摘詞乎鳳沼珥筆於螭坳典試而冰壺遠照司成而玉尺長操爲九重所簡任屢優錫以綸褒躋

崇班於九列騰盛譽於六曹是公之大名播中外者如景星慶雲之麗於絳霄及其撫閩疆而督兩省也則父母乎萬姓師表乎百僚登春臺者熙熙沐化雨者陶陶肅肅者凜其法洋洋者被其膏值海氛之肆擾俾臺灣其動搖伏莽突其封豕洪波翻乎老蛟公乃指麾於談笑之頃而烽煙已澌然而自消是公之大功垂竹帛者如祥慶威鳳之翔步於青郊謂公是黑頭之宰輔黃髮之英豪福與汾陽比大壽與尙父同遙使人知神仙之稷契而富貴之松喬奈何遠騎箕尾乘秋氣而返沆寥哉予於公爲後進幸得侍爲同寮辱公撝謙而忘分時

唐堂集

卷二十七 祭文

七

折簡以相邀談經術則崇理學論士習則戒浮佻言無私及義存久要如坐春風如飲醇醪以翰墨爲贈答若報李而投桃洵古道照人顏色爲道義之交奈何晤言未幾而音容已不可復遭徒使痛柱石之傾而傷松柏之彫也予蓋以試事出而公之凶訃至矣不得與會城之百官撫轡而哀號徒接公之手翰洵血漬而淚澆惟夢公於冥漠悵幽明之路遶白日蕭蕭兮爲吟楚騷秋風瑟瑟兮爲賦大招蹇予懷之莫達尙鬱邑以揮毫薦哀忱於鈴閣藉絮酒之一瓢公其歸來乎馭魍魎兮駐雲旂

祭鶴臞陳師文

星隕東臯滄流泣只月虧南浦桂輪折只大江之風下
木葉只秋來傷人萎我哲只消搖龍蛇盡告我以夢只
溘焉騎尾天門班只孔不慟回翻其慟只招屈之些愧
不能宋只乃如公之人孝友于只明允廣淵顧俊厨只
廉如於陵矯則無只道如太邱化有餘只不言躬行範
以模只乃如公之文弗性天只綆汲津逮窮討治只含
咀葩奇融蹄筌只思入風雲溟滓穿只檄愈頭風詩碎
琴只而不炫以鳴藏深沉只柿蕉之葉供菰林只墨池
一澗杳不可尋只問吳穹既產賢胡爲又拚抑只遵能

唐堂集

卷二十七 祭文

八

驚坐藩不掃室只淮海之豪樓百尺只曲逆之貧門則
席只歷壯強齒未通籍只蘊厥偉抱荒江擲只彼何淵
奇而褐蚤釋只埋首垂耆始鳴蜚只春柳新膏又不染
衣只 昌朝顧俊集神畿只彈冠紛綸駕驂駢只何彭
澤未臻賦日歸只日今七十古所稀只詎懸車之年不
息機只瀾展簸翻怒激磯只旭衢榛莽突封稀只不如
浦之臯娛雪沂只曩侍杖屨在髫髻只既各餬口跡相
左只晚旅京華數侍坐只銜杯講學施燈火只三歲後
閩達笑譚只我旋於京公還南只迢迢峰泖漣以嵐只
魚腹雁足不達函只背秋涉冬聿歸田只往還一葉葦

延緣只察貌雖癯神采堅只疑諸希夷肖厥先只天蒼
其命豐其年只曷不憇遺而館舍捐只彼何松喬厥齡
延只緬維孝思營親葬只馬鬣在臘始造創只相其旁
穴爲壽藏只畢乃大事中心曠只俛睇積蘇日愴悵只
蠶蟻逐逐蜺臬張只曷瞽以噴慕蓬閭只委形去幹飛
騰上只肆老病死苦泯諸狀只闕其元亨雖然秋只侯
芭竟窮悲咽啾啾只龍鱗著書冀羅蒐只生雖和蠶人不
求只沒雖片羽吉光裘只蟬憤勿來蝕不留只矧瞻此
蘭庭玉樹蕃只亦瞻馬帳書帶繁只靈分汗漫冥遊歡
只靈分歸來毋逝而不還只江上之楓秋欲丹只雲車

唐堂集

卷二十七 祭文

九

遙哭孟盤桓只酒光澹澹酌以乾只

遙哭宋介山文

吾遙哭介山介山不遙也魂氣無不之安知不至吾硯
席間乎而烏乎遙或吾未哭而先至或隨哭而隨至抑
或雖哭而不至吾皆不得而知不得而知夫是以愈可
哭也介山羈旅布衣貧甚又傲以古文受知名公卿無
何韓尙書陳河督薨矣孫通政郝侍郎歸矣落拓京師
知已漸稀晚歲乃介曹謬廷以交予而相聚未一年別
矣別甫二年死矣嗚呼介山生前欲序吾集今死序吾
集者誰也吾兩人之相賞以文以介山之不屑爲今之

文也介山三十始讀書四十而業大成遊京師著書三十年而死矣且其爲人亦非今之人與人交有道待予尤古而死矣是故恨誠之晚悲聚之暫別之易而痛其死之速合併數者以有此哭也別二年之內唯書翰一來往耳今夏胡泰舒蔡景正入都又附書以往而介山無來書泰舒有來書則曰介山死矣景正歸則曰泰舒言介山死矣文集乎曰散失不可問矣至介山之所以死或死於貧或死於病或死於禍患或沉病臥簣而死或解脫端坐而死胡蔡不詳也其所著書或以無人收拾而散或有人竊取而散或遷徙室廬而散焚燬漬爛

唐堂集

卷二十七 祭文

十

而散胡蔡不詳也吾恨其遙不得親見介山之死手其文而貯之也吾恨其遙不知介山何故死而其文又何故散也然既已遙矣則安知非嫉忌者佯誚其死道路之人誤傳其死泰舒因不以吾書往而誤聽以爲死景正又因泰舒言而誤信以爲死則是介山猶未死也但願其果未死雖不序吾集可也又安知介山雖死而其所以自訂數十卷之文集依然篋衍而吾他日猶可序而傳之也則又以遙故而疑有萬一之倖可幾也然而別之日介山雖健垂七十老矣家本歛也貧不能歸矣弟駑又無子晚而娶燕產也儼一椽委巷中賣文爲活苦

又二年安知其不愈老愈貧愈苦以逮於死也吾是故信其死以有此哭也介山之文必不朽蟬鼠必不能蝕奸黠必不能剽水火必不能毀雖散失尙冀有葺而藏表而彰之者而其人既死則其骨之歸於鄉入於土吾安能必之吾相距遙矣孰銘其旌孰奠其漿孰求諸原隰孰招諸四方畢如者孰營之餒而者孰饗之而吾安得而不哭也吾哭介山介山聞之乎吾哭介山以文介山見之乎不聞也不見也則介山遙矣唯遙愈哭也

哭殤孫光義文

唐堂集

卷二十七 祭文

十一

雍正十年二月十日戊戌吾孫光義痘殤於家甲辰家信至江寧丁未遣信歸是日雨夜大風雨孤燈照牀淒然心痛爰茹淚抒詞以哭之曰嗚呼吾與汝爲祖孫未八年而遽成一夢乎不先不後乘我之出乃不遑一面而長別乎吾前月十八日辭家來志局汝出入語笑躍如也七日而病又十五日而死其爲泡乎幻乎電光石火乎胡若是速乎汝前月十六日入塾讀書精神益如也孰虞其僅爲二十餘日之人乎論語大學已卒業吾疎點孟子留於家而汝竟不及讀乎汝生於閩閩之督撫暨郡邑之長交賀於門汀守李君手抱汝貽之條鐫

之器謂爲英物今器猶在也而英物何往乎汝孩抱時不啼不臥臥之輒展手足欲起迥異凡兒吾竊喜汝父雖廢於病而有是兒也以紹其後可無憂而烏知喜者之爲夢乎吾以按試他郡旣而還朝與汝離者三年而家書必屬汝祖母汝父母善護汝而烏知屬者護者之爲夢乎吾歸里後延醫以肥汝延師以慧汝斯夕聚首不離膝者四年應對進退如成人因是以彌愛汝而烏知聚也之爲夢乎聚而愛之也之爲夢乎吾今六十有五矣縱天假之年如汝曾祖不過十二稔如汝伯祖不過七稔然猶及見汝之成立今縱又生孫而吾安能

唐堂集

卷二十七 祭文

七

迫待其成立乎汝昔有伯父九歲殤有叔父十三歲殤時吾壯強且猶踏地土痛而堪此衰齡暮齒乎同局華先生六十而抱兩曾孫吾縱不祥而獨不能保有一孫乎吾縱不德而乃報之於其孫乎同局皆宿儒名公將羣錫之挽歌以不朽汝而汝能知之乎昨夢汝裸也而吾橫抱汝又坐之曰人傳汝已死有諸汝不應泣而覺汝而無知奚爲而入吾夢乎其有知也奚爲而嘿不言乎汝殤於痘痘不見於六經子史古人無有果何物也而能操生死之枋乎醫有種痘者絕佳奚爲而年年欲種年年不種以至於此乎而悔何及乎汝之痘凡延五

醫而其中豈盡庸醫乎吾他日歸後叔而迎者誰乎隨姊而拜者誰乎執經而問字者誰乎牽衣而索玩好者誰乎挽鬚而恐喚喝者誰乎念及此而吾其土木人乎鐵石心乎天平光義乎嗚呼

中元祭孫光義文

維元夕後我將出門飲餞於堂與汝笑喧維七夕後我旋於軒而不見汝見汝觀存老淚欲枯借聲以吞胡蠶者木而蔽吾孫徒貌汝貌懸於壁垣雙聽視我頗無笑痕塵埋塾席學庸魯論曷忍視之窗風自翻春聞汝訃驚淅潺湲傳涕以筆以寫煩冤羣賢唁我哀紙百番寄

唐堂集

卷二十七 祭文

七

示汝父以誦以燔汝其見否藏青楓根秋又哭汝語短不繁汝其聞否腸斷哀猿小僕華慶旅病而言謂往汝所卒於江輪今果在否可以引援是頗馴慧心忠性惇倘其相從可侍朝昏更有一語告孫之魂魂魄有知念祖父恩再生我家以弟易昆於傳有之庶藉勿謬

祭海寧陳文簡公文

嗚呼公之生也歲星爛然公今薨矣斗台黯焉豈唯門牆痛泰頤而梁壞遂使朝野悲川竭而山塞在雋一人之感恩知己方銜哀而不遑罄述卽公一生之嘉言懿行亦更僕而不可殫傳唯世道人心之所繫官箴國體

之所先略識其大者而已見公之大全惟公鴻才碩行
不矯不偏盛名高位不炫不專遭逢

聖祖散括閭閻在翰詹以寅恭爲領袖陟卿貳以公正
帥班聯任封疆則推心以置吏民之腹蒞嶺海唯布惠
而遊熙皞之天不赫赫於威武不擾擾以事權持大體
而下陰受其福秉至誠而

上深契其賢司空匪懈宗伯益虔

世宗繼極一德著宣姬公遵渚傅弼濟川相臣之量浩
浩淵淵苞羅技彥細大不捐殷勤吐握才峻滿前寧爲
鸞鳳毋爲鷹鷂寧爲玉帛毋爲戈鋌不茹不吐何韋何

唐堂集

卷二十七 祭文

古

弦蓋其番番黃髮以和平寬厚而襄

聖治者六年歲月則周家尙父精神則堯代彭篯謝安
致政疏廣言旋遂乞休而 予告養耆碩於林泉園築
遂初山廻水沿先憂後樂坐享雲煙

今皇篤眷寵錫拳拳俾如在朝祿米俸錢奈何天不憐
遺至耄期而不延也宜乎 九重震悼而卹典之駢闐
也嗚呼公之培扶元氣於廣廈細旃主持風教於大交
鴻篇者公在而人愛之亦忘之公不在而思若公存世
實莫得而比肩焉也更何從邀國士之遇而能不心愴
而涕漣洳之北行謁公園屋時則新秋公健若仙夕饒

朝臚送別纏綿謂君斯舉玉署花磚恐予暮齒重晤無
緣豈知公此言也未兩月而遽成永訣之痛而雋此行
也不終試而大虛期望之堅窮冬淩落南歸不迨未獲
蚤將其匍匐先遣兒代叩於几筵惟公之靈見紙痕之
漬而不鮮與詞采之樸而不妍知其以淚和墨而刻肝
爲牋

唐堂集

卷二十七 祭文

圭

唐堂集卷二十八

華亭 黃之雋 石牧

四六一

惜分陰賦 以大禹聖人尙惜寸陰爲韻

晝方未夜未艾力必勤時不再飛騰象緯如旋蟻於磨
中荏苒年華已過駒於窗外惟乘時而恐後自愛景光
苟努力之不失徒悲老大此哲人懼白日之屢遷烈士
痛青春之易邁也稽古陶公傳斯法語規放誕於晉賢
溯焦勞於神禹窮年矻矻俄頃戒苟安之懷惟日孜孜
須臾皆無逸之所不見夫二曜之若跳丸六時之似織

唐堂集

卷二十八 四六一

一

杼乎繫日光於野馬安得長繩度晷影於飛鳥必爭奈
黍所謂尺璧非寶寸陰是競較鎔銖而程力十倍昔人
併瞬息以圖功一遵先聖雞鳴待旦方辨色於曉鐘人
靜更闌復焚膏於夜檠恨揮戈其不返詎容半刻之閒
喜添線以漸長安使一毫之剩是以投擲補於流水運
甌甌於暇辰亦想晏安奈日是易窮之日何辭勞瘁使
身爲有用之身鄉晨而問夜何其不遑暇豫陰雨則追
天之未登待逡巡勿謂今日不學而有來日勿謂古人
可愛而薄今人彼夫伯倫悠忽嗣宗頽放論以老莊爲
師人是羲皇而上飽食而昏然終日玩愒已多高眠而

醒已斜陽踈慵曷尙是則魚膏號懶不增估畢之光鵲
夢誇閒祇益襟懷之蕩至若等天地於遺虛喻光陰於
過客惜花蚤起亦憐歲月之不居秉燭夜遊亦恐韶華
之易擲電光石火亦知一瞬百年弱草輕塵亦重千金
一刻是又及時行樂徒爲志士所羞去日苦多終覺虛
生可惜孰若黽勉以希聖賢鞭拍而成學問一簣之土
可高十駕之駑奚鈍毫釐無間肯行健於圓穹儼忽自
防悔偷安於方寸故趨事者嗟日昃之離而進德者利
先庚之與古訓是式如銘如箴凡我庶士云何不欽道
誠遠乎矢一息尙存之志路其塞矣警爲聞不用之心

唐堂集

卷二十八 四六一

二

庶竭蹶於三餘梯猶映月倘蹉跎於一霎樹已移陰而
敢以竹簟暑風效閒居之學士花磚日影任懶性於翰
林也哉

萬寶告成賦

以綴萬邦屢豐年爲韻

天運秋律人趨穫時暮收握算少昊輪貫地四生金協
金風於猷澮府六惟穀慶穀旦於京抵維甌窶汗邪之
胥滿斯士女婦子之咸綴觀夫桂挺八林蘭滋九畹碧
垂鼠耳之枝珠綴龍鬚之蔓紛黃菊以金舒麗丹楓而
錦繁曷若禾麻頽粟宜和載於囷廩穰穰蕃穰可充儲
爲糜飯大田多稼取盈則積歲之千高廩如茨會計亦

求箱之萬是以西北高寒而踰嶺東南卑溼而臨江黑壤黃廬處處嘉禾棲畝茆檐蔀屋家家春酒盈缸以至佐賓祭之盤餐園葵圃菽費厨饗之亨剝苑棗籩饌橘柚垂金苞爛山人雲塢菱蓮湛玉香吹漁火篷窗匪直田家之從華而實者固莖連而穗合抑凡植物之絳生而成者咸賴百而蒂雙十色續繙於場圃百昌充牣於家邦且夫實是異珍萬爲盈數王者不殖貨利喜三九之有餘聖人易其田疇驗十千以爲度視彼木難火齊之貢廷鵠王蛇珠之充庫連城無價飢難煮以爲糧破褐有懷寒奚裁而爲布故曰稼穡維寶而物號有萬者

唐堂集

卷二十八

四六一

三

始足占富歲於頻頻頌西成於屢屢七蔬九穀五雨十風天地不言孕瑰奇於寓內山川能語呈珍錯於土中人謂菽粟稻粱僅籬落溪田之物豈知秘椒酒醴成廟堂璉簋之功故紀時每以年而稱稔報賽期於歲之必豐洵乎重民唯食王政所先火耨水耕農次五行之傳土鼓葦簫幽猷七月之篇落其實取其材歲云秋矣耕而食鑿而飲民皆宴然於是史官書之爲大有天子享之於萬年

爲吳父老賀 萬壽表

康熙三十八年

皇帝幸江南三月至蕪州以織造署爲行宮值 萬壽節大臣稽紳之徒旣設 萬壽道場於圓妙觀花山效無疆之祝三郡父老亦率其子弟踴躍進表稱賀者伏以震爲帝出萬象東生乾作天行六龍南御當日運星躔之次值虹流電繞之期春王三月歷有麟編天子萬年衢皆虎拜茲蓋伏遇

皇帝陛下以神聖姿作江山主十年巡狩東南之翠葆曾經四海又安西北之朱旗一試震雷甫霽湛露重流馳雕輦於松陰泛樓船於河上昊天其子百神就懷吾王不遊諸侯曷度爾乃蒼龍青輅春脚俱停紫蓋黃旗

唐堂集

卷二十八

四六一

四

天顏已近欣逢 萬壽正駐三吳南朝四百八十寺擁其嘉祥震澤三萬六千頃符其歷數時則晴開旭旦黃人捧戴而增明澤暢陽春青帝遲留而不去百官扈從金鑑齊呈千里京畿露囊遙視臣等生同草木居近鯨魚屢沾甘雨之滋復邇太陽之照莫不忘其微賤仰我至尊且欲梯山航海趨鳳闕以進九如何幸就日瞻雲傍虎邱而呼萬歲野獻誠於芹曝

帝用饗夫羹斟蓋天地何嘗計年月無時息足願陛下中和之體與兩儀鼎峙而存巡狩之文如四序環循而至尋常草芥咫尺楓宸旦旦卿雲年年化日

日月合璧五星連珠賀表

欽惟我

皇上道隆位育德備聖神統六宇於中和綿開寶歷合兩間而參贊廣運璇圖人事協而乾象昭

皇極建而天心應爰現奇祥於今日通呈殊瑞於陽春二曜光華既增輝而璧合五星躔次復聚彩以珠聯實由

一人繼志述事之感通遂爲萬世物阜民安之協應三辰同度遠超漢宋以來七政會天直駕高陽之上而特頒諭旨歸於

唐堂集

卷二十八 四六一

五

聖祖六十一載之深仁廣沛 綸音願與天下萬億兆民而錫福仰見孝思尤篤愈欽謙德彌光臣獲覲昌期欣逢盛瑞就乾道而觀治道光被無涯瞻天文以驗人文化成有未從此萬年多福屢占景慶於光天七曜常符頻頌升恒於

聖世

爲浙督謝 賜

聖祖御製全集表

欽惟

聖祖仁皇帝道貫六經文高五典雲章日采出綸皆謨

詠之解玉振金聲依未盡咸英之韻合六十一年之制作無非義畫文言總二十二史之帝王誰及 天章宸翰煥穹蒼而光被垂星漢以昭回恭遇我

皇上至治重華丕承復旦

聖謨傳爲作述重巽以申

皇訓凜其幸由乘乾而治以

聖祖仁皇帝御製詩文函天蓋地超古軼前人咸仰嘉

言之孔彰或未瞻方策之全備哀初集以迄四部珉玉

騰光列大臣而賜一編縹緗耀采由中暨外喜荷

恩榮臣何人斯亦蒙 寵錫心同向日迎瑤笈於

唐堂集

卷二十八 四六一

木

九重命降自天捧琅函之什襲臣謹珍藏 大訓恪守遺編敬則古而稱先凜於昭之在上况兩浙之地爲翠華臨幸所頻經而四集之中有 龍翰詠題之疊見尤於誦讀之下倍生追慕之心感激難名榮施曷極

芙蓉塘紫藤花詩序

芙蓉塘者一溪壁抱四野環朝東瞻滄海晨霞煥其文章南望青林夕秀騰其岑蔚於是清河某先生之墓在焉生而紆紱沒且騎箕鬱鬱佳城滕公是室熒熒漆炬沈彬既來當年卜以牛眠今日瞻其鶴返喬松翠栢千阜之木干雲野蘚蒼苔四時之花蔽地乃其尤盛者紫

藤花也宜都佳種剝水奇姿叔謙純孝既曾偏訪其名
淮海風流亦復醉眠其下藤斯古矣青蚪拏攫之形花
乃粲焉紫鳳藏襪之狀倚樹則和而非黨義似同根發
條則柔以爲剛仁能垂蔭行路者過墟而流連弔古者
攀條而躑躅已時則裔孫來兮麥飯薦餘楮錢飄後葩
逢璀璨輒思春露秋霜樹可盤桓尤感水源木本發皇
祖德藉舊物以寄衷綺靡詩情撰新篇而示容是則懷
尊藏於秋浦季鷹本是大家寫楊柳於靈和思曼實爲
名士未足方此永言臻其至性矣於是東皇逸老南國
詞人爭投咏物之章如赴采風之選僕也蓼莪一廢便
唐堂集 卷二十八 四六一 七

鳴春草序

若夫銅鞮公子廣陌揚鞭金谷麗人層樓吹笛鴛鴦七
十浴縹水之風痕燕子一雙剪觀巢之花片柳眉桃靨
並翠方嬌蜨粉鶯衣齊眠對舞時則宇宙爲多情之器
雲霞有結愛之思解人遣此情移達士由之心蕩然使
韶光環轉淑景綿連沉迷和暢之天跌宕芳菲之地相
忘魚鳥何用關心見慣風花都成閒事矣無如良辰難

駐幽賞何常此中之欣戚不齊所遇之苑枯隨異輕煖
輕寒之畫容易黃昏淒風淒雨之辰無多白日一番墮
夢便欲堆愁十丈遊絲偏能織怨爾乃柔腸曲注慧舌
工調命班管以弄聲染繡屏而生色楊枝燕縷盡惹描
摹花影蛛絲都遭鏤刻而且東風吹處先入綺櫳斜日
照時偏明畫閣金釵鬢滑非無窺避之人寶鏡顏嬌最
有夢思之事寫閨禱之意態鉤佳麗之精神脂紅黛綠
冬郎愧其香奩玉潤珠圓韋穀收於才調裁爲一集鳴
此三春豈非白雪之道音青陽之外紀哉嗟乎妍媸在
腕頑豔因心橋外馬嘶遙妬玉樓之醉樹間鵲泣詎同
唐堂集 卷二十八 四六一 八

九日閒園訪桂序

錦瑟之絃江穎噴花貽予賡覆濤殘研粉霑爾餘香
從來秋興客子偏宜此日花期天公已報問玉壺之甲
第泉石無雙尋金粟於午橋煙雲重九於是舟攜一葉
地訪八林駱丞則冒雨相邀王勃以順風爲助一溪窈
窕路入丹邱三徑周遮堂開綠野蓋閒園者海寧少司
寇陳公義閒之地也半村半郭境擅鹽官一壑一邱雲
連壺嶠山環大小岡巒之勢紛來水隔西東臺榭之奇
競出花花射地何日無春樹樹參天雖晴若雨南方草
木稽含之所未談荆楚歲時宗懷於焉失記彼藍田莊

裏只說茱萸魚藻宮前唯傳蓬菊未有魯靈光之黜儻
久歷三秋漢安世之宵宸彌新九日者也爾乃虹橋未
度拂面皆香龍阜纔登盈眸是聚網緼六合金風玉露
之前雁靡萬重紺雪元霜之亞悅振衣於月轔疑躡屐
於賁禺方謂裴廼孤踪偶尋鹿柴未識荊州一面敢謁
龍門而公則花逕留賓雲亭接士以廟廊之暇日爲巖
壑之主人是固襟華推愛一紙之作合良多亦唯營繭
不遺三吐之餘風斯在指麾松塵則迷徑皆通淪煮茶
旗而塵襟頓滌引入藥欄之內緣已爲天偕遊苔甃之
旁香真可國於是瓊筵肆設穩稱坡凹瑤尊陸離偏陳
唐堂集 卷二十八 四六一 九

樹罇客爲不速何煩商隱之題主曰無歸聊代王弘之
送採月中之桂子醉花下之蘭生有時脫帽花落滿頭
無藉縫囊香收萬斛難辭老芋不知日脚已曉欲去襄
回無奈雲頭有滄因而告歸席左扶醉橋東別有一天
曲折未經之路尙留餘地丁寧重到之期庾公則老子
樓前何曾興淺裴相之小兒坡畔祇覺情多是知北海
尊罇淹留招隱西園冠蓋邂逅登高可謂遊繼七賢歡
逾四美者矣邇夫午餘出郭風近滿城五兩布帆斜侵
濕霧一雙蠟屐判踏香泥而甫遊巖桂之園江烟暫斂
還上沙棠之檝山雨復來豈非人稱好事天助勝遊幻

風日之陰晴快東南之賓主哉十里歸來回首已如天
上三更夢去置身猶在花間爰剪燭以紀遊擬題饌而
得句憶右丞於南垞儼在畫圖酬太傅於東山不如絲
竹

關侯文獻集序

日月經天羣生仰而皆見河嶽在地萬古欽其至靈然
必哀諸太史之書聚於職方之籍展卷則精爽如在傳
世而神奇不刊漢前將軍壯繆侯忠誠炳於日星浩氣
充爲山瀆上下千百年廣輪億萬里儒墨異道而羣奉
爲宗婦孺何知亦肅將致敬奚待編纂汗簡始末金石
唐堂集 卷二十八 四六一 十

之傳採擷口碑纔發丹青之照然而讀陳史者嫌體簡
而易盡覽裴注者惜文斷而未該截操禽權之志隱約
於諱朝駕黃軼馬之材等夷於同傳必俟參觀三志略
見生平曷若蒼萃一家并詳身後夫神遊八極詎專荆
益之間威震千秋奚止建安之末人心天日豈徒慨當
日之老瞞絕倫逸羣不但服一時之蜀相仰其廟貌金
碧有光想其儀容鬚眉欲活豈可尋行數墨略得其大
凡履厚戴高相忘於探索也孫子禮有昭事維虔表章
太備年編世系考据必詳史論祝詞蒐羅已博撰成文
獻集若干卷督帥師公梓而行之於以發皇忠義激勸

八俗載入菰林六丁擁護貢諸史館二酉輝光譬之閔
璿璣以考三辰据紉黃而測九域原原本本降鑒有微
炳炳麟麟精神所聚豈直文加蜀志可補列傳之遺書
類左邱遙恆生平之嗜已哉

壽陳相國集唐詩序

此太學姚炎衡麓之所作也從來麗製定配佳題自古
葩詩嘗繙妙手名卿請賦取膏雨之斷章上宰贈言選
清風而作誦則相國之年八秩而集唐之律百篇二難
既并兩美斯合矣海昌陳公崧蚤生申絳曾書玄絲上
甲而歷宦五十載享長庚以初度八十春溯其供奉

唐堂集

卷二十八

四六一

士

內廷從征絕塞典棘院而登端尹掌槐廳而貳天官出
撫炎方入卿冬正戡戡山斗再爲吉士之師縵縵星雲
又轉秩宗之長容臺曳履眷黃髮於

兩朝綸閣和羹拜白麻於三殿蓋自杖朝鳩刻坐丞相
之小車而遂獵水鷹揚躋太公之大蓋於是螭坳衮繡
虎觀笙簧人奏綺葱琅菜之篇門盈大鶴高松之頌登
縹緲而充棟類璣璣之滿堂而姚君獨出妙裁徐呈新
構從壯強艾耆而排纂細寫頌紋合初盛中晚以駢羅
靈開心孔元白因之壓倒韓錢以是擅場夫天之高也
煉五石而無痕月之明也屑七寶而一色千蠶之蜜不

辨何花所成萬蠶之絲安知食葉而吐事同神運巧奪
化工此豈揚子雕蟲宋人刻楮之可及哉憶僕閩行辱
君唐句盥薔薇而雜誦裝璜瑁以寶藏然猶未若斯之
繁富精純閎深涵括何則人是上台之元老時爲東閣
之大年間親所稀頌颺斯稱譽諸賦京都之偉麗衡思
迭著其兩三傳人物之瑰奇左馬易優於六一也自昔
邀嬉亦耽摭裂膠漆傳爲肝腎工於造倡雲氣吐爲樓
臺幻如觀海君非腐芥每將琥珀黏來我有神鍼幾度
鴛鴦繡出方媿元之尙白竊訝青之勝藍玩此發矚坐
將焚硯茲者歲在旃蒙月當中呂謁潞公於林下又經
賜告三年逢姚合於幕中欲梓壽言一集命予著穢冠
於翦綃率爾揚襟附之鐫玉必騰洛紙人人酬縑價三
千好貯江毫歲歲詠箋齡八百

徐佺山湖居詩序

東華逆旅隣分東壁之光南國耆儒系出南州之望公
卿交口船覓孝廉著作等身榜遺鴻博於是養筆花於
紅杏廻燭燄於青藜細帙授經聊聽邊笥形廷對策許
發董帷方且羊角無前龍頭虛左而園林初願魚鳥故
情見於湖居舊詠者胡爲而相示也固城石臼之閑久
供吟醉太白陽冰以後獨擅居游栗里桑麻輞川風月

唐堂集

卷二十八

四六一

士

謂其閒適達於襟毫當年雖樂此湖陰今日且留諸夢境以待九華春殿黼黻之功已成而後一曲鑑湖煙波之跡斯遂爾嗟乎詩中見畫宛然似我江鄉雁後歸人何暇從君雲路略標弁語以志晤言溯葭沚而相思哦草廬而依樣

菊影倡和詩序

倡者張進士大木三首又和共和者各三首和者姚副使調圻孝廉勘堂張太史東亭繆明經雪莊各三首而黃之雋爲之序曰輕身延壽爲騷雅所必登遺貌遺形則賤毫之難狀雖尋求有迹風雨近於重陽而色相皆

唐堂集

卷二十八

四六一

主

空紅紫歸於一墨瓦盆土缶非臨水上之橫斜蠟檠蟾窗不雜鏡中之光景是故柯條依樣而把翫未能照映多姿而虛無莫卽何處入非非之想恐徒爲咄咄之書不圖一卷之烏絲得覽羣公之黃絹措心思於夢幻四面迎秋削比興於膚毛十層染夜蛻傲霜之骨噓喻如生離冒雨之魂勾留欲現精華畢露規撫燈月之間瘦勁相當刻畫形骸之外資其隱逸闢此風流夫賦物多黏脫之嫌况測影易游移之犯斯則吐芬必切落穎皆宜淡收壁上之痕涼攝牆陰之印美人香草作者斐然才子粲花觀其止矣咀之有味靈均當見而夕餐擲之

有聲靖節亦聞而神答

送雁黃上人遊羅浮序

蓋聞耆闍窟裏皆似鷺之降祇洹林中多蔭龍之樹法輪長現每借巖巒淨土流香最宜岑蔚故廣長之舌寫以溪聲病業之身行如雲影佛門飛錫必遵歸葬之區儒者樂山不逮苾芻之跡羅浮山者震旦之仙宮竺乾之化域也合離風雨崖巘爲兼指掌山川洞天莫大青嵐翠岫四百餘峰璇室珠房七十二所廣袤五百里高出三千丈龍坑鵝嶺花首之所往來鳳谷羊巖景泰之所棲託嘉祐藏經之閣懷迺受戒之壇羅漢名巖阿耨

唐堂集

卷二十八

四六一

古

有塔是則蜜多爲岸彼處堪登般若成航此中可泊特以僻峙南海遠棲東粵蒲團箬笠無糧之行脚難遊峻嶺崇山有累之色身不至一隅南瞻似隔甌萬里博羅誰爲堅亥於是雁黃上人飄然往遊焉上人系由榔菓胎寄落楓繼起傳衣月函授記慧由定出奚襲鸚鵡之車道入山修曾迫芻尼之頂故乘筏而參南嶽豈拂而入天台其在南嶽也噉冰雪而得生其在天台也蹈兵戈而不死因以看雲雁宕大搜康樂之囊旣而移履黃山爰掃軒轅之席而後撮合兩阜自署其呼焉若夫泱泱黃海鋪山之雲萬重蠹蠹丹臺蓋頭之茅一把雨

函經卷鍊得鶴形獨榻松枝巢於鵲側披忍辱之遺綠
林困之而不傷煮折脚之鎗繼侶遭之而不識支那撰
述吟徧林巒唱曲宗風禿盡毫穎所撰刻黃山草雖貫
休之西岳十卷可芻之玉壘千篇較此非精方之未富
時則海昌古剎安國叢林苦慾界之無禪飭空門而求
法上人隨身竿木起脚葦枝擔柳標而下天都振健樵
而臨海邑優婆夷等大衆皈依阿蘭若邊名流往復蓮
開慧遠長攢處士之肴芋熟懶殘肯拂俗人之涕予之
得交上人在此時也墨名儒行文暢流風四品三儉皎
然配式鹽官集彈指詩或寸晷十篇或單題百味補陀

唐堂集

卷三十八 四六一

五

兩卷闢風幡動處之心西湖一編出叙釗聲中之路緬
其卓詣兼厥詩禪論禪則僕病未能說詩則公能備衆
已少宰陳公交同支謝六波羅蜜布施金田四大禪牀
解留玉帶於是撫茲廣右招入楚南予與上人實同水
渡徑並舟駕葉汎彭蠡湖瀟湘而來也一瓶一鉢甫撻
離江之雲千水千山便鼓羅浮之櫂突黔不暇隴望何
食曩者 翠輦南巡赤髭雲集三吳乞士雨浙沙門靡
不呈謳頌以邀榮援縉紳以藉寵圖澄比比綾錦賜衣
文秀紆紆文章應制上人閒雲野鶴不染觸塵息影潛
蹤遠離世諦達官願爲推轂檀越代之趣裝師畫行乎

笑而不答及其尋洞壑訪名勝龍蛇蟠結之墟風雨沈
寥之域則趨之若鶩一往無前枯株劍掌而不懲白水
充腸而忘餓此其勝緣迥俗佛性超凡卽在吾儒亦稱
狂猥夫羅浮距桂林一千 百里耳蓮花長史非無筇
屐之懷蠻府參軍亦有烟霞之癖而恍違弱水若望岱
輿上人躡不借以高飛荷軍持而驀去不慮石頭路滑
奚畏懸崖足酸見其行也能無妒也夫惠能擇居徒奔
嶺外大顛寄跡仍返潮陽皆密邇於靈山未闢揚夫鐵
佛上人遠攜兎角廣撒蜂窗騎蝴蝶而拚飛看鳳凰之
出浴狸奴白牯皆知有師翠竹黃花無非是法坐佛衣

唐堂集

卷三十八 四六一

六

之閣木樨香平飲錫杖之泉梅子熟矣豈不儼登毗舍
之堂直現優曇之瑞哉公如惠越枕虎股而忘歸我笑
師雄夢梅花而未醒

與路舒馭乞猫啓

向畜俊狸忽遊鬼窟遂令黠鼠闖入文場譬之趙國旣
無廉頗李牧爲大將遂使邊境騷然又如漢家急須李
膺陽球爲司隸然後宵人逕跡昨於君所實多其材倘
能應募幽無熏鼠之勞非曰懷貪記有迎猫之例

元夕謝表兄鰲燈啓

銅芝金藕偏曳春風火樹銀花遙烘夜月綺羅城闕佳

人公子之家煙霧江鄉走卒兒童之巷莫不高燒鳳脰
黃膩銅盤亂舞龍鱗紅搖貝錦獨某掃室布席貧類徐
吾鑿壁引光勤輸匡鼎幾負紫姑之節唯炙素娥之輝
嬾已成眠倦而入夢誰敲銅獸披衣倒屣而迎忽責金
釵掉尾揚暑而至衝波出水偏藏炎上之精銜索上竿
尙挾橫飛之勢無煩龍伯豈過嫺皇乃揜華以黑甜乍
燃藜於明爛虹蜺爲線身臨滄海之奇肩屨登堂首冠
靈山之兆

冬日謝許湛明惠茗啓

梅花臘動百草未萌竹葉凍深一杯奚醉束廣微之湯
唐堂集 卷二十八 四六一 七

餅縱煖無奇石衛尉之萍壘雖豪亦俗庶幾元霜解渴
玉沫煎來冬日飲湯冰芽點出則凌霄報熟道人之夢
皆香掬雪就烹侍女之風亦俊何期佳薜惠及寒茅蟬
膏雀舌白絹斜封蟹眼羊腸綠槍待試竹爐初沸借火
爲溫石鼎微煙因風自遠遂走筆而酬孟簡深辱月圓
倘過門而問王濛勿嫌水厄

與謝皆人啓

讀吳君嶽載諸製賦則孫金擲響啓復李筆榮花詞方
意圓體儷態變雖寂寥四章而吟諷百過譬諸攬吉光
之裘片羽千金駕超光之駿一形十影加之詩集彌見

大全無忌有才乃云酷似魏舒必貴詎待相宅因訝陽
美多奇翻恨秣陵見晚極欲罄舊衷展新契而疋疾乍
染體中不佳未能遽踵謝除親酬吳縞先奉評跋煩爲
轉投

答高制府尹程二撫軍公聘修志啓

恭惟閣下經國偉人柱天良弼筵蓬瀛而視草燄燭台
階秉旄鉞以建牙廳馳海甸地分半壁峙列障於東南
星聚三垣照長江之上下是固 楓宸呼吸需鼎足於
鹽梅而在梓里帡幪榮壁光於圭華阻緣帶水仰切冠
山茲因志乘之修謬采總裁之任夫文同禹貢制祖周
唐堂集 卷二十八 四六一 八

官非擅史材奚裨 國典况其地連跨三千里其事倍
繁十五國其發凡六十類而未足其增葺五十載而有
餘之雋疎蕪學殖腹無邊笥之便衰晚年華才慮江花
之盡烏足仔肩勝任共司盛事於黃圖拜手成書克副
鉅公之青睞耶蒙頒寵翰兼賁隆儀方眩矚以滋慚途
屏營而欲却伏念濫竽在昔曾備位於汗青焚硯至今
就閒居而頭白屬鄉邦之公事供 朝宁之大編下以
酬知上而報 國則又恐違嘉命難怙遐思者也容樞
袂以領塵言稟承有自庶操觚而尋蠹簡勉相從敬
稽尺牘先申寸腑

與宋大參澄溪書

璚儀迭飛毛綰互嬾鱗羽曠其不接雲波逸以念駭
分野同一星錯壤少十舍而折芳每墮於騷懷采艾類
陰於風句夢不識路我勞如何緬昔遭逢閣下於兩粵
之間端州則熊軾奉歡桂林則豸冠速客江迎畫舸負
輶矢若若雲座有蘭言操遞鐘者如市走以輅才膚學
旅進維陳靦阮眼而恒青賞馬着之最白燈宵文譏引
厠上賓花午歌筵使傾坐客賭酒而兩軍競張促席而
百罰不辭隨時北海之尊疊到處東山之邱壑至若樺
煙麝息風雨勿聞促拍繁絃竹肉不辨斯固殫逆旅之

唐堂集

卷二十八 四六一

尤

歡圖播蠻方之盛事矣既而先後言旋臨岐相送延佇
移晷用訂後期灘江之魚舜山之樹靡不出波而聽之
俯崖而見之也各抵江左殆將一年蒼兼未遂其溯洄
赤蹕罕通於記室蓋以處賤多違緣貧彌冗嫁女聘婦
將茶維艱壞屋燕園徹桑爲急既鹿鹿而罔暇亦昏昏
而若慵命駕之役固已不遑折梅之寄矧亦無便每類
首而臨洊流引領而歸吳雲未嘗不歎尺素之奚達而
寸心之莫將也昨入筍里廣州方頌及高年頃還儼廬
小阮復過譚近事謂閣下將以中秋之閏大會四郡人
文於虎邱欲牽率以俱來奈躑躅而不果何者宿春未

豫於莽蒼塵鞅况深其糾繹雖勃勃欲前而惘惘自廢
矣敬因便翼虔附荒函問平安致懷想鳴謝悃遐算
陘楮易罄縷情莫宜嚮者拙製蕪詞文采不足而憑藉
忠孝順風建瓴諒已流布於伶倫付託於刪氏幸從雲
巖惠寄一冊

答沈學子書

家隣百武客別五霜曩惠德音未經禮答何則嵇叔夜
之性懶大減應酬江文通之才盡久荒翰墨頃逢遽使
來自五羊辱寓僑書貽之雙鯉警欬如接饑渴頓蘇加
以端溪佳硯凝鸛目之堅光東莞名香歎龍涎之馥烈

唐堂集

卷二十八 四六一

三

陸離五色塵几輝煌什襲三重精忱蘊結拜嘉恐後浣
慰良深足下解學幕就臬臺處處依人年年故我所喜
東道之賢主乃遇西川之偉人蓮花府敞記室翩翩槐
樹堂高賓筵秩秩曹劉所觴詠韓孟所賡酬使逃聽者
風流而索居者神往矣至若鴻篇四六遙屬品題雄詡
再三淨無疵類不但解條豐蔚織孔翠之華粲實能意
匠經營箕星雲之麗密玩其追琢妙矣化裁夫六朝之
信陵四傑之王駱建聲光之極開駢儷之宗負乎尙已
李嶠張說子厚義山瑚簋猶存范模不脫絲斯以降日
趨而卑悅虛字長句爲空靈薄閑解藻旨爲查滓倆矩

改錯破觚爲圓高五帝之壽劉焯警勒帛而喪奇邁九
皇之德鄭戢譏賣菜之近俚蓋陸宣公倡之於奏疏則
論事昌明宋後人施之於雜篇故行文疲茶不知墳典
索邱爲何事是又風雲月露之不如者也我朝陳其
年陸拒石葉元禮章登績諸家展也擅長斐然有作自
慚謗陋未徧爬羅吾黨無錫秦樹峰長洲陳和叔昔與
足下萍水聚於一堂藻鑑稱爲三俊銜杯刻燭嚶古脫
今急景不居舊遊如昨往歲詔舉鴻博而和叔與焉
轡龍虎之文專攻妃耦代羔雁之摯傾動公卿校諸足
下波瀾有餘而縝密少遜張其旛鼓晉楚可以交綏叶

唐堂集

卷二十八 四六一

三

厥壤麓伯仲庶幾同調今唯淮海標金榜筵玉堂錦旋
而榮親雲從而遇

主近日三接沖天一蜚而大鼻陳遘尙羈遊於山左瘦
腰沈約猶棲泊於粵東未遂激昂殊增惋歎運命者天
之所把持也文章者亦天之所節制也角齒限其質斗
石判其才夫俳體之文僕亦爲之矣偶倣蟲雕終嫌蠹
測計工巧則勞倍散行語方家則體淪靡弱塗澤太過
名肥皮厚肉之謝詰屈爲奇詒棘吻蜚喉之謂潮自捉
刀幕府泊乎荷橐殿廷或拘徇時格而志不圓或礙
譯國書而才不踴是故存錄無幾棄捐則多有諛僕爲

專家竊憾彼非知已今瞻新製實幸起予譬諸微戾雨
已錯采而炫睛旂列三辰昭明而發瞽靈珀引芥潛蚪
觸雲故望氣趨風忘失邯鄲之步循聲答響重奏廣陵
之彈七襄殊媿其報章一紙詎賢於從事圖書左右臨
穎依馳賓主東南因風問訊

卷二十八

四六一

三

唐堂集卷二十九

華亭 黃之雋 石牧

四六二

壽陳撫軍序 代某學使

書稱天壽平格易言地道无疆維嶽生申輔作人之壽考問年逾甲服元老之壯猶蓋山來海上負戴以十五菴樹入楚南春秋爲八千歲詢鳴珂之里第家在東瀛贈建鉞之方州府開南極長生有訣出自希夷荒服爲鄰邇於無量則維西粵巡撫大中丞海寧陳公其人也公上國世家 熙朝碩輔科第在韓琦之位遭逢有

唐堂集

卷二十九 四六二

一

蘇軾之榮使車西去擢秀於冰壺扈從北征蜚英於露布花深講幄丹旻攜香日暖春坊彤廷視草領詞垣之仙侶席已傳經參宰政於天卿書皆啓事自其通籍以至掌銓文章報 國者垂三十年寵眷得

君者亦什伯倍朝班傳其盛事宇內著爲美談若乃大臣事主合中外以賢勞哲后知人備廷邊而歷試故旦稟相周必在分陝之後范韓輔宋俱由撫夏而來况聖朝重外封疆皆心膂之臣文命遠敷夷徼尤屏藩之地於是躬膺 簡命出撫粵西爾其地域廣輪控黔滇而接交趾山川險阻雜漢土而聚獠蠻雖被化數十年

之久固已蒸蒸嚮風迺去京七千里而遙未免靡靡成習藉非經綸夙望柱石宏材并一德於 宸衷爲百僚之師表者何以彈壓巖疆奠南天之半壁濯磨遠甸慰西顧於 九重蓋公之蒞粵將一載於茲矣風行牙肅路溢口碑就所親聞陳其梗概夫忠恕之道曾命意於經筵清慎以勤久垂文於 御訓公親承 密旨綏此遠方以安靜和平爲政遊林箚於熙皞之天奉忠信篤敬之心躋蠻貊於仁壽之域使絕徼皆謳

帝力而太平長受

皇恩則是凜

唐堂集

卷二十九 四六二

二

天顏於咫尺每飯不忘贊

聖德之高深無遠勿届爲臣事君無踰公者若夫旄鉞尊嚴豸冠威重庶僚百職羣仰而觀瞻民牧土司亦環而窺伺公虛懷集益每置腹以推心開誠布公如一身之使臂甫下車而具留藩之疏每燕見而訓守土之官揭謙待下家人父子之情和易近人百姓地方之福却苞苴而不納相化爲廉喜彈劾之無加益勉於善則是整躬率屬儼父師之化裁激濁揚清皆聖賢之學問爲上率下無踰公者至若疆隅共事非無將率之臣軍務協謀端賴干城之任公凜遵 宸諭加意輯和謂漢祖

剖符絳灌亦與蕭曹之席唐宗書閣房杜不兼襄鄂之
長况戎政最係國家而武備尤嚴邊域是以和衷愈協
學姬呂之輔周謙德彌光笑蒯廉之在趙則輯睦文武
無逾公者又若士燮騰譽於蒼梧曹鄴蜚英於臨桂玉
簪羅帶亙古稱奇結綠青萍於斯爲盛公宏加剏扶極
意養軒琢磨以玉於成瀚祓以祛其染足踐訟庭之士
則以名教發其媿心文增鬻序之光則以膏火資其進
業十六條 御訓督州邑以頻宣七十學子矜拔奇尤
而親試啓會城之義塾頒手選之新書則振興學校無
踰公者至於巖壑與土地相錯地瘠則民易貧於狽雅

唐堂集

卷二十九 四六二

三

版籍而居俗獷則民難治公多方保赤隨事恤黎禁有
司之苛耗家家照一福星禱上帝之甘霖處處化爲樂
土江鄉農女始慶有年郡縣文移幾臻無訟遇老人而
問疾苦赦小眚以開自新以至流民得所如游脫俎之
魚頑獍無知亦佩賣刀之贖則林養民生無逾公者抑
且部曲兜鍪之士擁衛儲胥帳前貌虎之材激昂桂桓
以講武最厯 楓宸之念故練士彌彰柏府之勤公時
集雙甄親臨七札柳營試馬簫笳發馳道之聲桂嶺摩
旌弧矢壯射堂之色屬員而材堪將佐禮遇特優武閭
之技擅弓刀搜羅殆盡馬騰士飽人盡赴桓法立令嚴

功深步伐則訓練軍伍無逾公者自此數端之外美不
勝書聊從一載之中言其大略則已治績蜚騰於 辰
極規模標的於友邦冠世獨隆望風靡及某夙承蘭紱
近駐星軺慰晨夕於停雲話寒暄於舊雨采風盈耳薰
德醉心茲者律屆應鐘時當覽揆命逢辰而環轉月書
亥而寅收公之麾下遊擊張溥等製錦奉觴頌歐陽之
六一授箋索序撰柱史之五千誠愧無文敢辭不敏夫
祥麟威鳳既鍾千載之靈景星慶雲詎發一隅之照况
聖人萬壽義軒之甲子初週臣隣一心竟契又春秋相
若則彭篴入帝廷而雉饗積歲滋多尙父當耄齒而鷹

唐堂集

卷二十九 四六二

四

揚計年猶晚豈私嶺表長有棠陰然霖雨雖應於三堦
而歲星先臨於八桂宜乎南山松柏競起歡聲西域藕
桃未爲奇物猥屬史官之末欲求傳信之篇也

張臬使六十雙壽序

代華亭相公

漢家博望親觀天孫堯世侍中許諸公主封侯業就辟
穀傳 老之方作相年多食乳有延齡之效姓連天上
張星與寶婺爭輝生應嶽中椿歷共金護並永况家從
吳市方平則脯每摩麟官近綴山子晉則笙常引鶴洵
宜菓銜青鳥瓊筵之棗如瓜曲侑雲璈玉笋以霞爲酒
卓爾張公猗與名宦噉紅綾之餅騰譽綺年含雞舌之

香生輝畫省回翔郎署隆山斗於珠曹出筦文衡映冰
壺於絳座碧雞金馬胥仰儒宗玉札丹砂皆成才俊旋
以家居讀禮忠臣在孝子之門既而服闋赴官循吏合
儒林之傳十聯持憲敞夏屋以庇人一路蒙恩仰福星
之照物奉帷所涖有脚皆春披牘而書此心似水召棠
滿地閩海之碑去思李雨隨車河雒之謳來暮沛郇膏
於兩郡式是中州徹岳薦於九重課爲上考剡章甫
列綸旨蚤宣弼教明刑卽風土夙諧之地揚清激濁
是官僚雅服之人是以手定爰書人知尙德風清狂獄
路不拾遺草且長於訟庭木奚煩於刻吏鹽梅霖雨儲

唐堂集

卷二十九 四六二

五

材持臬之年節鉞屏藩操券晉階之速而且山公風度
內助尤賢房相功名中閨克贊自其囊螢佐讀勤心於
篝火寒牕以至畫鶴隨官莊事於凝香燕寢冰將玉映
何殊鍾郝之風瑟與琴調奚翅鮑桓之雅着齊則雙星
燭漢胎教而五鳳毓丹於是長公司文命於黜蒼後先
援武仲氏踐清華於蓬苑兄弟聯鑣或畫戟以之官或
應星而需次封胡遇末爭攀曲水之花酥醕醢酬不數
燕山之樹張家萬選錢則俱青馬氏五常着無不白宮
袍繞膝雙親未老之時萊綵承顏六泰同年之慶花逢
春好流觴而畫永堪娛桃以冰名添線則日長伊始配

公於西母木炁金精奉南極於北堂壽山福海雖使
劉綱率婦猶輪十屋之籌卽使弄玉隨夫尙少一門之
笏 天家御饌斟雉分來閨苑仙音吹鵝送至三千年
花實曜首遙頌五百歲春秋黑頭預卜僕心儀嘉嫩手
額寵光當弧輓之同辰藉鱗鴻而介壽雲山間阻駕千
里以云遙川阜高長誦三朋而敢後想見雙擎碧琰同
開鄴菊之尊試觀千字錦屏笑比朔桃之餉

陳母王宜人五十壽序

德門星聚映寶婺以增光瑤水花開麗金諶而曜采紀
悅辰於秋律節近常娥推牒系於海邦姓同王母榮分

唐堂集

卷二十九 四六二

六

南極慶集北堂金門曼倩羣供玉桃翠水雙成爭輸碧
藕爲我陳母王太宜人擎鞠脰之觴奏駕歛之曲矣宜
人裔傳緜嶺族著鹽官世德種槐相宅而知甥貴家聲
蠟鳳味絮以敵兄才稱閨閣之最賢作門楣而待字時
則大司空公齒方彊仕海中之仙菓生遲家未充閨天
上之石麟望切宜人于歸叶卜以禮宜家既索震而得
男遂耦坤而爲母方大太史廣寒桂子只占一枝阿閣
鳳雛蚤騰五采紅綾餞側唐時則年正探花青火藜邊
宋代則夜應檄燭潮淵源於鯉對趨庭之訓誠殷憶辛
苦於熊九味藥之功不尠是法古人之胎教備有母儀

宜膺命婦之頭銜榮因子貴當太史登瀛之日正司空
開府之秋桂嶺迢遙溯上游於萬里鳳樓闕寂虛中饋
於一時於是鵲樓迎來魚軒蒞止碧油幢引沙哥領以
仙班緣綺窗開絡秀操其內政五侯門客皆知中樞爲
賢千指家僮胥仰慈闈有主旣而袞衣入覲蘇頌旣同
筮而朝翟弗在堂崔郊復導輿而迓萬石君之休沐整
肅一門穎考叔之嘗羹團圞滿坐姑慈婦聽素泯勃谿
言物行恒胥忘嘻噶益信醴泉芝草定有根源可知孝
竹慈烏皆思酬報謂繼宋文宣而起彌重章家凡爲陶
士行而來交稱湛母時則朱門日麗青瑣涼新明月三

唐堂集

卷二十九

四六二

七

分昨夜之霓裳未歇清秋一半今朝之莫葉纔飄乃宜
人衣楊之辰爲太史捧觴之節河圖中數平分造化於
百齡海屋初籌何待循環於六甲未至木公坐日先聞
縹緲之音况當萊子少年最解斑斕之舞陳希夷之門
第道可長生王子晉之世傳丹能不老於是慈珠伴侶
蓉鏡交遊託同榜以通家敬登堂而拜母詩稱萬福藉
申猶子之情頌及三多兼有生孫之祝夫驪山老母方
逮中年南岳夫人已知長命家有斟羹之彭祖不須懷
肉而歸坐爲擗脯之麻姑從此介眉伊始椒聊之實蘭
茁其芽一歌燕喜之章頻寫鸞回之紙

曹巢南七十壽序

綠蕉陰裏荏苒新涼白苧秋邊迢遙舊雨忽聞剝啄長
鬚來自雉臯如見清揚大手傳其魚素則吾友曹子謬
廷之書也加餐數語遠申家慶之辭損惠千言爲乞史
通之筆蓋君之大阮巢南先生在登高之後爲杖國之
辰琳腴危露稱兕非奇瓊節太霞歌鸞亦厭惟贈言則
榮如華袞而邪說恒泛引松喬亦涉貢諛務期摭實此
俯搜蕪製任恐不勝辱委儷詞解其焉敢先生濟陽華
胄滬瀆世家贈公爲之名父鳳羽皆丹大令是其難兄
馬君尤白由郡庠而升國子階徵仕而作封君百行俱

唐堂集

卷二十九

四六二

八

純兩端可概爲善最樂讀書輒佳也自其循陔以養事
像如生苾芬永其孝思優渥深於孺慕建先祠而尊祖
成兄志以敬宗義田每每規撫小范之遺族譜繩繩觀
縷老蘇之戒爲荒年穀而賑粥路有黔敖作衆人母以
育嬰林無闢穀以至購良藥而施丸散遇貧人而贈衣
幃物與爲胞民忘其瘼是則州閭任卹溥於親疎不但
子姓昏喪資其緩急若夫幼工舉業中謝名場遂耽著
述以藏山每構文章於翻水詩成兩集放言居皆載名
篇文續八家願情閣將行選本入其擁書之室有棟皆
充遊於插架之樓非津奚逮雕鏤風月發玉田松雪之

藏揮灑雲烟扶海岳平原之秘以暨鼎彝絹素難逃博
古之眸他如枹鼓絲桐亦出冠時之手是則立言有本
不朽之三游藝無窮旁通於六其行誼也如此其文采
也又如此然則首瞻雲路必能膏雨濟時跡奮天衢定
以羽儀華國而恒因病肺類消渴於成都故退歛雄心
甘樂饑於泌水自稱小隱遜已爲肥坐享大年間尤不
謾唐考功孫張徵士雲之推挹記序可徵宋憲使于
邑侯宏之本表彰室廬屢造而俱無謀面但以神交靡勿
醉心願爲首類善氣藹然而被物高風卓爾而絕塵論
者方諸倪瓚德且邁之或又擬以林逋福尤景矣於是

唐堂集

卷二十九 四六二

九

綠樽可醉雖戒飲而嘗開黃菊有芳輒寄情而雜蒔園
名五畝酈谷水甘序屬九秋陶籬花滿令嗣中翰敬三
以德門之才子盡孝道於嚴君每晉羽觴用娛孤旦由
艾耆而後斑衣之舞年年幸羯末而前玉樹之行箇箇
今則屆椿齡於七袞增蘭茁之二孫聚三世於錦堂含
飴繞膝集百祥於珂里酌斗介眉唯齒德俱尊卽期頤
可券不特家居海上易添十屋之籌洞有曹仙獨占一
家之籍而已持報謬延藉貽中翰目經繡虎便可懸諸
國門腕可籠鵝王給事然後書之屏障使名賢之覽揆
異凡俗之祝延請看水淺蓬萊吳市方擗麟以進遙想

高首猶揚州亦騎鶴而來

代花縣送施明府歸雲間徵詩啓

昔者渭城朝雨多贈別之章南浦春波有送行之句蓋
顏色素承於晨夕襟裾忽判於東西則漸岸柳絲皆縈
別路河梁月色盡助離情何況夙戀襄帷俄思贈策子
產衆人之慈母鮮于一路之福星哉當其日日放衙一
琴在署時時問俗匹馬行郊幾忘雙鳥能飛方謂二天
永庇一旦驪駒整駕黃鶴隨裝轅唯俄頃之攀杯只須
夷之勸何能不牽衣話舊追尋來暮之歌臥轍留行競
寫去思之記也我花邑施侯峰泖浪仙之羣從浙閩總

唐堂集

卷二十九 四六二

十

制之尊行委贊京師歷官燕楚由來百里頻辱大賢就
此一方還敎小試陸浚儀之爲令人降雲間潘河陽之
治民官居花裏我邑彈丸新設黑子初封割下壤於番
禺剖疲民於南海會稱盜藪亦號巖疆侯則佩紱下車
已許賣刀買犢看山挂笏俄聞戶誦家絃草羨耗於均
平廉飲珠江之水水減贏貲於離政清流香浦之波官解
松花當春愈冷訟庭草色積日偏深雨盡爲膏風皆有
惠入疆問政蚤登循吏之書報最考功應錄御屏之
字如其超擢且欲借留况僅微病何妨臥治而乃公出
種桃嫌五斗以賦歸宦海思尊潮三江而竟去雖越國

之金方鑄而鬱林之石已裴書疏廣而未工繡平原其
不暇夫鸞鳳枳棘原不常棲雞犬桑麻實由誰賜曩則
相忘其德今將何以爲情苟徒截鐙留鞭不傳穎墨自
謂銘心鑠腑無藉棗梨則侯雖默喻其芹私而人且負
慚於棠詠所當發揮離恨暢叙與情表野人曝日之誠
助行路風霜之色譬赤子而離母抱啼豈無聲猶黃鳥
之送春歸鳴偏有韻鴻文巨製盤谷一篇里諺童謠陽
關三疊

徵何母六十壽言啓

地連瀛海揚蓬島之塵家近申江注銀潢之水摘西方
唐堂集

卷二十九 四六二

上

之異果喜說瑤池吐南極之修芒爭看寶婺漫言雌甲
甲子爲元願祝長庚庚寅爰降當天道星回之節正人
間漏末之辰臘意舒梅定憶冰霜之操寒雲飄絮轉思
閨閣之奇何母錢夫人者已丑進士博興令貞石先生
之冢婦處士遠宗先生之淑配也糸出彭城望隆吳越
斟羹殿上司寇則容華之視盈川鼓瑟湘中舍人則道
蘊之呼羯末七章女誠幼注班昭數歲聞儀蚤嫻鍾琰
既叶離鳴於旭旦爰歌黃實於高陽時則博興公花封
解綬竹徑澆書彭澤辭官宦况清於秋水射洪歸里人
情薄似春冰於是處士君開設雀羅甘羈驥歷翩翩裘

馬謝俠少於五陵泄泄邱園奉晨昏於一室花間芳釀
親御監與堂上綵衣常搜盡篋夫人同心櫛縱盡禮矜
纓封冰上之鱗紛紜鮭菜汲河糜之甕樸畧裙釵洗手
羹湯佐重葢於甘旨隨身箴管兼珩珞以問貽故鶴髮
高堂喜謂佳兒有偶而鷗盟舊雨皆知內助能賢無何
池散文鴛雲棲寡鵲鏡鸞初子旋遭易老之姑坐鵬頻
飛又送長辭之舅婦兼子責一身倍其經營力與心勞
七載瀕於匍匐倉皇合禮傾額持家是巾幗之能臣作
閨幃之嚴父柳家熊膽嘗佐晨餐歎母蠶筐偏勤夜績
一枝是桂奚煩剪機上之絲滿座如蘭時欲截叙邊之

唐堂集

卷二十九 四六二

上

鬚是以嗣君甸坤習無執袴綺歲工文業滿縹囊繡腸
騰譽句吐葩壇之豔璧水傳吟名沾蘭省之香金門注
籍不但芝生砌上亦且珠在掌中青鳥夢回託婉姁而
毓質烏絲課就摹清照以倚聲自分月下之繩竟殉煙
中之玉考閨人之節孝知母氏之薰陶是則婦德母儀
身爲之矩他若睦鄰敦族口亦有碑允號女宗宜膺天
眷矣而後半生拮据蔗節回甘三世團欒蓀枝倍秀杯
擎七寶嘗配金母之顏笄飾六珈未曜素娥之首問秦
則坤儀協數三偶符陰計時而坎令執權二陽啓泰雪
會稱瑞留待新年酒亦名春良宜獻歲霓裳降月雙成

叩其琅璫瓊甕流霞萼綠飛其玉笋洵乎籌添十屋爲
今日之權輿潮湧三江似方輿之福履也屬在維桑宜
廣如栢金護麗日佇開鏤管之花玉樹臨風愛縛吟牋
之萼則是捧瑤函而祝嘏美勝元霜鐫錦字以稱傷珍
踰碧藕所冀綠窗外史彤管才人裁組繡於芸編寫芬
芳於蘭畹搗解据實佳集增不朽之篇揆藻揚徽大言
侑長生之酒

徵宋大叅七十壽言啓

若夫書稱天壽報平格於伊甘雅奏崧高協蕃宣於申
甫覓我國老日麗東膠嬰饒地仙星明南極行完維百
唐堂集 卷二十九 四六二 三

倫必首於君親尊備其三德遂兼夫爵齒於是秀眉錫
嘏輿口銘功非復誦經籠雀襲相府之舊儀貫酒擘麟
備吳閭之故事澄溪先生蘭臺妙裔葑水高閎世德則
國著旂常門第則家傳簪紱史稱侍御詒遜馬之清風
人說孝廉有覓船之嘉話叔是賂囊之太傅弟皆採蠟
之鉅公先生毓自烏衣習無紉袴文成卯角潘江陸海
之奇交盡老蒼邕面翰隣之盛東南學者坐撤虎皮京
洛聞人談推塵尾一登鄉貢羣公倒屣而迎七赴賓興
先達張羅以待元才子唯明經及第李謫仙由供奉知
名遂以折角之經師出作鳴琴之邑宰國稱房子地控

恒山爲三輔之巖疆值四郊之儉歲展其驥足敏過龐
元戒以繭絲仁同尹鐸嚮產而償賦損貲以賑饑風行
佩犢宴然五十三村才驗割雞超於二十七縣是以因
良儔趙譚滿去思補任入秦歌騰來暮若夫商城九壤
雍域輿區俗當彫勑之餘境有流離之象仙鳬纔蒞已
號慈君齋馬乍臨羣稱神父鑿渠修岸兼施治鄴之功
入境至庭備有宰蒲之善集啓鴻於野外馴雉雉於桑
中時則邊需告急荒政舉行秦蜀賴其持籌楚豫煩其
博懷國有理財之效管子山高邑多蒙福之人郭侯河
潤 舖展褒賢而注卷銓曹報最以超遷本非百里之
唐堂集 卷二十九 四六二 古

才特晉十聯之擢寒帷山左持節濟東蕭育由茂陵而
拜司隸比此非榮夏侯自野王而除侍郎同其不次爾
乃 國恩深重匪懈彌勤
主眷優崇有加無已親承 顧問游刃有餘屢効馳驅
及鋒而用節鉞屏藩之長卿月相輝臨淄渤海之間福
星遠照時則 玉輅方巡於東省金萱通映於北堂
恩賜雉羹美齊賢之有母 御題龍翰比萊子之爲人
加崇一品之馳彌燦五花之誥雖趙隱侍親而歡宴靡
以加茲崔邠出第而導輿奚能比盛於是深思烏哺乞
養陳情 優詔鳳銜辭官遂志齊國失衆人之母吳中

推祭酒於鄉菽而兼水愛日惟誠樹忽有風終天爲恨
而後苦廬既闕東山非高臥之時及其盤綬重紆西微
實窮邊之地

帝優元老哀毀之餘卿漸高年賢勞暫息降 溫綸於
前席予原秩以懸車時有長君方當出守先生攜琴就
養築圃娛年朱輪華轂門多問政之賓青笠短笻山有
從遊之釋書畫盈舸翰墨作林往來兩粵蹤跡雲龍掩
映百蠻精神海鶴蓋戊戌小春之五日乃先生七袞之
誕辰也稽其出處無愧讀書綜厥生平最能希聖棲華
則誼深同被蘭茝亦交滿斷金松有龍鱗皆著書之歲
唐堂集 卷二十九 四六二 五

月槐成鼠耳惟種德於門閭韋賢世業何必贏黃陰慶
家聲可知襲紫一室備明倫之樂百祥歸積善之家蒼
生屬望他年爲再召之潞公白首安閒此日是長生之
角里方朔引螺而勸酒安期控鶴而陳詞伏冀褒袞儒
宗握珠文匠掃海籌之習語抽江管之秘思豈曰尋常
祝嘏是賦梅味杏之人所當踴躍贈言代獻藕輪桃之
事瑤篇霜素紀日歷於莊椿錦什雲藍傳霞觴於酈菊
徵馮母壽言啓

蓋聞珠胎所蘊鍾川后以毓珍芝草何根稟地靈而發
瑞繇來玉樹培本必深所賴金萱敷榮自遠生有捋茶

之境福定酬勞老爲嘔蔗之年慶由積善何煩南岳餌
丹朮以延齡已親西池折綵桃而紀歷繫惟馮母張太
君珂里名家金沙望族嫺幼儀於閨閣孝比緹縈叶佳
兆於門楣智同絡秀笄年乃字不辭箕帚之勤閭職具
宜甚著裙釵之儉以東星之有嘒致南木之能樛夫子
稱賢家人頌吉夫使鳳凰無恙翼覆九雛琴瑟依然絲
桐三婦佳菜以修中饋簪珥而充下陳譬之疾風不起
萬物勁草之奇狂霰未零奚表貞松之力夫人則碌中
寧僅產一珠山上藁砧蚤罹二豎伶仃門戶雖健婦
以費持冷落庭除冀孤兒之創立於是含酸茹苦鴛室
唐堂集 卷二十九 四六二 六

嘗稱兼父代師鯉庭屢詔謂高門大樹必無墜其家聲
外氏曲江瑞有資於宅相荻灰畫字具有淚痕蘆絮裝
衣胥沾血藩蓋茅容殺雞爲饌已邀郭泰之知湛母截
髮留賓徧達范逵之譽矣然而子桑餓餓十日誰知洗
馬清羸七年善病長吉則嘔心覓句恒貽慈氏之憂稚
圭唯慙壁引光益減寒門之產是則北堂有樹皆錯節
而盤根中谷生蘭屢經霜而歷雪巴寡婦富能自衛比
此非奇魯敬姜瘠以爲勞方斯尙易於是曙雲中翰紳
書慈訓幟拔名場羊角扶搖鴻展溟中之翼螭頭傑直
鳳翔池上之毛謝階之紅藥自翻潘省之紫薇相對賴

封人老母從此嘗羹衛伯玉太君行將錫號榮光伊始
繁祉何涯而夫人年已七十矣累茵列鼎回思負米之
時課績斷機乃見導輿之日萊庭戲綵愉樂倍常蘭譜
拜牀咨嗟起敬夫撫孤辛苦天必大其報施通籍顯榮
人謂宜於福壽歷周六甲加十幹以循環灰動一陽逾
浹旬而添線窗窺青鳥盤壁蒼麟不同凡媼之笄珈應
集仙姝之敷節伏冀金臺椽筆瓊苑彩毫惠以袞言用
體顯揚之志陳於悅旦益彰懿淑之光使中壘傳中闡
徽音於壽母上元席上補真誥於靈妃非惟頌以祝延
是謂孝能錫類

唐堂集

卷二十九 四六二

七

徵邵母陸太恭人壽言啓

今夫芝草有根覃鳳池而近日萱柯不老榮鶴市以經
霜家傳侯種之瓜結成子母族有童懷之橘剖出神仙
羣詫眼中如瞻瑤水俛臨膝下已在瀛洲薦沆瀣於陽
春頌婉矜之嘯昔則唯邵母陸太恭人甫里名閨吳閫
賢媛離襦而嗟何怙味鹽而鮮諸昆唯寡母之相依逾
十年而不字時則封公上京遊俠中饋虛人方續靜好
於鸞絃遂叶和鳴於鳳絲僑居阜廬鄉知鴻案之賢趣
治桓裝室賴鹿車之助蓋陳樓百尺湖海之氣長豪鄭
驛四郊冠蓋之流畢集議酒食則羹湯洗手備問遺則

珩珞衝牙家人之嘻噥無聞內政皆咄嗟而辦至若衣
縫蘆絮不昭騫母之慈艦煮羹魚徒作覽兄之苦庸情
未免古冊所譏乃前大京兆公今州司馬公則恩勤過
於所生教育同於已出援伯奇而爲戒忍使踐霜導方
進以成名何辭纖履仰鴈鳩之如一加花萼而又三養
成赤水之雙珠合作燕山之五桂其能也如此其賢也
又如此大簪蒿裙布儉以習勞錦標花羅善將食報自
京兆鵬程之奮暨恭人象服之膺謂當坐由也之繁茵
免歌家之夜績而乃溘抱未亡之痛渺違偕老之期天
上人間子然黃鵠江南薊北兩地丹雘恒外侮之紛乘

唐堂集

卷二十九 四六二

六

致中乾於薄產齊女門前之月夜照啼痕吳娃宮畔之
霜秋吹鬢影伯子旣馳驅王事清貽封鮓之書諸孤尙
保抱慈懷辛溢九熊之味於是健持門戶已何假於築
臺嚴課詩書宋每勤於設幔晨芟湛髻市豐饌以延師
夜剪仇機篝寒燈而勸學俾無金之不冶羗有玉而皆
雕每遇秋飈爭搏羊角一遊春苑先攬鳳毛孝廉君旣
鶚薦黃圖太史公更鷄翔丹地季子蜚聲於雖水羣孫
挺秀於頴林詔德星奚聚於一門實賢母克昌其兩世
蓋相夫十八載教子三十年逮諸君籍甚青雲而王母
矐然白首矣應鍾轉律新歷紀元吳江之楓葉乍紅碧

海之葱花正綺則太恭人七十之悅辰也六珈翟弗光
映木天八寶蟾輪香騰桂子板輿安坐境如蔗以彌甘
宮錦還趨咳以蘭而轉茂酒名難老侯賡壽母之篇宮
號易遷女列元君之籍盈前段董繞座爲歡同譜箋冊
升堂而拜是則春暉始報何殊趙隱第中婺曜長明遙
識蔡經宅畔不傳彤管曷稱斑衣伏冀擲金賦手袞袞
文心吐紅蘆於毫鋒標題桃核燕紫琳於墨瀟現字李
花俾牖史綠窗共稔魯姜之壹範選詞黃絹爭颺驪母
之嵩齡則譜成霓羽之絃素鸞起舞刻向茗華之玉青
鳥來銜

唐堂集

卷二十九 四六二

九

徵王槐軒五十壽言啓

昔者劉根蒨訓皆舉孝廉鮑靚葛洪俱生仕宦牒紀韓
湘之門第史稱李耳之子孫是知月地雲階臺閣共烟
霞相接琳腴玉瀝神仙與富貴作緣况緱山一鶴晉善
吹笙葉縣雙鳬喬能飛鳥泥流石髓烈傳不老之方脯
摩金盤遠得長生之道則紅蘆素蓮之產慣屬東王青
霜紫電之家最多南極也如我槐軒王先生峯泖高閭
邇邪華胄溯其祖武望重桓聰紹厥家聲位崇姬宮
府旣三槐竝立庭除復五桂同芬芝蘭競茁謝遐爲安
石所知花萼相輝陳誼繼元方而起羣季序倫於珂里

唐堂集

卷二十九 四六二

十

阿咸拙秘於蓬池傳累葉之簪纓匪且有且聚一門之
星宿惟之又之青箱之閱閱誰方白苧之衣冠莫逮而
先生目無執袴手在韋編自其採蠟之年唯有囊螢之
習父兄以爲師友細帙傳香結交皆是老蒼臯比遜席
子安滕閣世詫驚才文考靈光人鈔麗製江左識名門
之彥道傍知公子之佳方空北而得副車遂圖南而登
解額陸平原之入洛邕屢爭迎楊少尹之舉鄉悲船共
覓謂常射詵策而攀花蒞程碑而視草蘇家瓊顛接踵
鳳毛宋氏庠和連蜚雁羽而乃霜蹄偶蹶風翼暫羈便
乘六月之息欲臥東山姑待三年之鳴甘棲南浦蓋其
違城郭而歸栗里固耽衡泌之思亦如選山水而葺草
堂備享園林之樂先廬蔽雨和鶴在陰列第連雲孤鴻
獨遠昔內史之在蘭亭右丞之居黃泥併此張溪之一
曲合成王氏之三高矣於是著書環堵豹言不朽之三
講業趨庭鯉受所聞之二章元成以經爲教不羨金籬
王福時有子皆才允推珠樹長公孫同進士伐毛藝圃
掉臂文壇雲間髦俊胥畏及鋒日下練毫屢經入彀爰
化鯤於棘院而馳馬於杏園光生蕊榜方春之路皆青
榮觀椿堂未老之頭尙黑此其義方孺染養成雛鳳之
聲名家學根源積在老龍之歲月也至若君子勞謙吉

人辭寡澹泊寧靜賞陶令之素心易直子諒用阮公之
青眼彥方則鄉推祭酒公瑾亦交服飲醇守其和介如
聞柳邑之風措諸猷爲可作商巖之雨其文蔚也豈終
避世牆東如蒼生何不待移文山北蓋學是知天之候
而時當服政之年已酉中秋之後十日乃先生五十之
誕辰也節爲公遠銀橋擲杖之餘地是子房玉趾訪松
之處庭饒桂子奉奉月宮居近蓬壺我海屋問年方
艾家可杖而不需介壽有萊衣則斑而甫冠盈門醴酪
燕喜而登觸目琳琅雁行而拜極相門之樂事爲仙歷
之始基屬在金蘭宜傳竹素所冀揆天藻筆搖嶽鴻篇

唐堂集

卷二十九 四六二

主

攜將月斧修成七寶之章補入霓裳奏作八琅之曲瓊
書什襲三鳥銜來珠字陸離雙魚送至俾熊紫氣借
文磯以爭光馥馥丹臺和酒香而不散

唐堂集卷三十

華亭 黃之雋 石牧

四六三

戲賀螳戰勝書

有序

壬申夏讀書柳陰見螳籠下有螳穴忽他螳無數來
攻穴中螳統羣出鬪甚力他螳遽退追而齧之或死
或散而後歸予喜其依予以居而能勝敵非恃厥勇
師直爲壯戲作書賀之

某聞花冠交壘便下尺檄黍民就擒交馳露布執翳大
獲奮臂而志喜在堂決勝掀髯而頌勞惟爾道在一身

唐堂集

卷三十 四六三

居同上古一丸谷口封以晴泥方丈長城築依春檣樓
闕網繆於風雨趨蹌肅穆於班行黃黑赤白之曹物從
其類蠻蜚蠊蟬之衆族聚而居何物與戎妄圖兼弱堂
高密雨叩關登許盧汾國近檀蘿侵敵何來周弁於是
爾等荷鐵入伍戴粒作炊列隊羊林之澤漆鎗三千禡
牙紫石之潭綠韞十萬麗形若象我赤其身大鬪如牛
人聾其耳陣雲墨發則鵝鳥俱瘖血路塵飛則鯨魚亦
困彼遂變蚤不暇化水若流魂魄遠於江蘆鎗架靡於
山竈數決堤之罪首斷夕陽啜撼樹之技身膏野草三
軍旆競渡師芥艦之間一族漿迎過馬筠梁之上滿塗

楚楚相載而歸醉鼻羶薌割鮮大嚼泛浮浮之春酒振
燁燁之繡裳觀此大功良稱快事可卽頒示一柯之郡
共知師武纂入五行之書不忘戰績土峰盤盪大可勒
碑他穴肖翹胥來隸籍

戲檄蟋蟀

夫金行肅殺秋令夷傷天地以義氣爲兵將帥以武功
受賞故鷹隼凌霜而搏擊虎豹因風而跳蕩鷙蟲猛豸
靡勿折衝見奇決勝程勇爾等託命昆蟲賦形么臍亦
具爪牙之用非無介冑之色事傳月令名著幽風張功
甫叙以麗詞賈秋壑謂之重事豈不以往來擊刺對陣

唐堂集

卷三十 四六三

二

雄武作聲以當金鼓振羽以當旗麾厲吻以當橫戈動
股以當鈎戟遇敵無懼而乘時利用哉是故潛見土石
之間選擢兒童之手購以多金命曰上將陶缶建牙筠
籠築壘白飯爲祿食清水爲酒漿期爾與人成功臨陣
無敵也但一鳴而驚懶婦未足言勲至十月而入我牀
嗟其已憊彼觸藩之角躑躅見威翰音之距軒昂恃氣
張道濟表進朝廷王子安文傳宮禁非以獎爭賞競實
欲起懦式屏爾等名號既佳畜養有素一時之勇易鼓
兩造之平易決方聚族以觀勝負懸金以判壯怯鈞其
銖兩兩駟參停相其形容千夫辟易崇臺既陟而高下

通分瑤草一麾而奇庸立辨其各逞爾伎倆展其生平
勝卽賞之金花敗則放諸草野千金博進得失付於一
擊萬人聚觀榮辱係於三捷

討白髮檄

卉木流形苑枯有候露雷及物榮悴因時况兩間所貴
唯人五體莫尊於首觀鬚角而知童茂相華顛而識耄
年號厥黎民概由黑髮是故以毛序齒自古而然唯其
隨候變容至公不謬夫病能藥愈癰可食肥者以展而
復揚髭不然而奚斷惟白髮者涅而不緇子蔓以難除
始伏匿而未知漸覃延而日甚如果齡文在背鳩杖隨

唐堂集

卷三十 四六三

三

身眉長齒豁始配霜顛目眊皮皴纔添雪鬢歲踰半百
鏡得三千理所當然情猶可恕至若顏子淵二十九而
鬢衰潘安仁三十二而毛雜韓博士蒼白太蚤顧左丞
蒲柳先零是汝躁妄爲愆欺凌有罪所當正其刑法示
以戒懲而前人未及批根縱其漏網遂致紛紜橫被錯
雜妄加公道何存獨上愁人之頂英雄無措遂成老子
之名某嘗旁睨而不平欲代諸君而命討何意不悛惡
德逼丁我躬甫登三十已見一莖旁茁二三漸侵雙鬢
對青銅而長歎脫阜帽以增慚使我銳志頓灰雄心漸
蹶周旋老輩已嗤臣壯無能揖讓同儕盡訝吾衰已久

不誅其首惡殲厥元兇易以昭黑白之分明警發之反覆是用禽彼二毛鉏其非種務使根株悉拔苞葉靡遺至若此外縉流其餘薰庶當念垂髫之舊堅守墨胎毋貽焚玉之災同捐霜刃愛猶兼於摩頂利實溥於拔毛從此黑頭便希公輔卽爲黔首亦驗丁年無假手於鉛膏冀成功於指掌

試石門士子數

代族在作時以執同知署縣

古稱就李亦隸嘉禾旣割壤於雷封廣輪葢爾遂埒名於巖邑疆畛犁然犬牙錯桐海之交驥足魏莊歌之治爰稽名勝樂賭風華走馬岡前賸說夫差之壘語兒徑

唐堂集

卷三十 四六三

四

畔遯聞勾踐之亭越絕載而可徵職方統而未盡自唐季析鄉爲縣崇德名焉及南宋講學有堂同文久矣夫涵山蟲其蒼翠秀射斗芒玉灣森以滄泓靈分澗澗女陽蹟香滌脂粉而詩書紀目坡涇畔戈矛而茲誦趙忠定洲錢之產青史勲勞輔慶源徽國之傳朱門理學且掄元於沈晦亦譚易於鮑恂程原道名節軒昂具廷臣文辭膏馥景其前哲覲縷爲多迨我 昌朝發皇尤盛揆天華國才耀於東南距談息邪道明於上下是故石門者築自吳王而 昭代名之爲望縣宿無子路而多士生此爲與區所欲拭目以覩地靈傾心而求邦彥者

也某昔分符於司馬密邇爲鄰茲攝篆而下車盤旋其地更承清白正勉齋榷酒之鄉案滿丹鉛是山谷傳經之業整齊學校爲政所關采擷人文有司之責願游藝以考德竊聞聲而賞音今者

聖天子加意作人廣儲薪燠爾諸生茂才高等雅擅菁莪羅胸則苞蘊三辰笥腹而紛綸二酉何勿騁妍抽秘以占步月登瀛至若年方舞象氣已食牛童可稱神欲企昔時甘頂小而而造佇爲他日淵奇蠟鳳者能方駕父兄窺豹者必借遊童冠是用帙台訓吉昧爽拈題視北分牋揮翰而雲煙五色窗西剪燭論文而光燄千尋

唐堂集

卷三十 四六三

五

雖帖括之研精又風騷之邃古以觀衆戰孰冠一軍蓋文壁鍾奇何限朝華夕秀桂山拔萃定多後勁前茅譬諸採木於鄧林探珠於赤岸收無匿美而出不竭奇矣然後品題其甲乙縱覽萬言不無俄頃之短長尅期三試雖非偃室澹臺敢謂得人此是冀羣伯樂願言相馬珀磁有合金玉毋遐

玉鈎斜銘

并序

昔隋煬帝放誕心情風流製作簾稱蔽日帳字夜酣繪樓慢閣沃甲煎而饒高鳳船龍舟濺明珠而雨響迷樓荒宴分吸金鑿西苑昏酣同嘗玉薤龍鱗春水照蛾綠

以畫螺螢火秋山關曉光而騎馬彈掖庭之娛戲爲香
粉之主持而或巫雲偶散湘珮頻捐術不返魂賦難尋
夢掃落花而成塚抱碎玉以同埋於是葬諸宮人於揚
州之江都環勺藥以爲園繞茱萸而出水南通皂角北
接邗溝宵宵石塔之燈旦旦雷塘之月彼咸陽之閨有
內人斜蓋秦漢葬宮人處也帝乃準其哀緒被以豔稱
曰玉鈎斜云夫自愁深永巷怨絕長門管笑薄而俱灰
尹泣邢而同盡折腰趨和定陶之舞不終歸風送遠昭
陽之歌已歇蕪蕪贈後空唱哀蟬絲履存餘單飛青鳥
淚痕俱涸知誰氏之唾壺薌澤將焉問何人之窮務贈

唐堂集

卷三十 四六三

六

鏤玉之枕已恨蒲殘踐鑿金之步亦悲蓮落以至洛珍
結華之黨璧月瑤樹之流莫不長別玉牀遠辭珠帳委
芳骨於蔓草留殘妝於野花致使武擔石鏡蜀五丁所
經營樂池文柳穆天子所痛悼井中之光夜白墓上之
草秋青未足比此衆香方斯叢豔何況佛堂梨樹裏以
紫茵鬼火玉華化爲黃土使樵牧入芬臺而吟笑行人
望漆燭而歎歎也嗚呼當日近前便頰羞頰千年遺跡
徒掘墮釵築脂刻玉有質皆消注的流丹無緣復見雖
欲招魂幽石之旁現影瓊花之側使隋宮十六院之春
尙綴綵於冥漠揚州廿四橋之夜長同穴於君王也豈

可得哉銘曰

竹西歌吹南部煙花女兒粉黛小婦箏琶頰文糊壤碧
血沉沙中藏杯土曰玉鈎斜雲暗蕪城月明古墓行雨
不迴淩波誰步水剪明眸霞開好輔露萼如啼風條似
舞珠襦玉柙銀海銅棺金蠶飛夜石馬嘶寒皇陵后寢
並付荒殘柔魂纖弱况是宮鬟有情不散無形可復草
影吹裾苔毛觀褥變現紫煙周旋翠燭秋墳重唱夜遊
一曲

駁徐文長讀絳記判

負塗載鬼易語離奇宏貴弔靈盤言詰屈天問之辭蹇

唐堂集

卷三十 四六三

七

溫義冠騷壇太元之句艱深文標藝圃備詩書之全體
成寰宇之鉅觀今按唐樊紹述絳守居園池記鏤骨鏤
心洞胸駭目流傳萬本箋註數家好奇韓子固宜臭味
之投正體歐公偏譽文章之盛而文長例諸畫鬼鄙以
雕蟲不思蓋賈啖楚文長上韻文父蓋賈子蓋芥命之
之日黃汝何異鬼眼何異鬼眼日帶汝其蓋謂父啖茶子啖茶命
其啖楚何異鬼眼理以操決拾乃數之翼奚殊碧激瑤翻斯垂而却之羽斯銀奚殊碧激瑤翻者佈切魯更鶴
好僻况詩宗昌谷而筆抑南陽豈龍肝鳳髓獨可奪菽
粟於吟壇而韎韐空青必欲媚賈胡於文苑是爲失入
未見持平用駁苛詞改從寬議

跋王彝傳

王修罷社唯有生哀王戎食肉猶稱死孝曷若王彝之
居母喪也啜啜嚙嚙之餘擗踊出苦之側盡傷何恃形
瘠爲柴僂見靡依血冰如筋歷哀毀者四旬致沉疴者
九日椒花酒冷慟口澤於杯園護草堂空殉儀牀於經
帶遽辭青昊相見黃泉夫其集傳七葉名在三珠標蠟
鳳之慧姿具冰魚之至性謂當影華組以承家導綠輿
而奉母而歲月幾何死已相繼槐庭未訣蒿里溢歸老
鳳灑酸淚於西河寡鵲泣寒燈於東壁此之孝也曷其
痛哉於是雲岡太史篋爲家乘獎厥門風憐寸草之報
唐堂集 卷三十 四六三 八

黃寓莊先生誄 并序

先生諱樞字辰如號寓莊休寧人金山衛籍順治丁酉
舉人仕武進縣儒學教諭年七十有二卒於官康熙已
巳年某月日也嗚呼哀哉昔者陸機宦晉名先著於吳
江淹入梁業已成於宋先生勝衣績學弱冠登賢龍身
難匿蚤遭雷煥之攜馬汗如珠便受孫敬之盼既而竄
身兵燹杜亦衡茅少陵詩律遭離亂而愈工王粲才名

遜荆蠻而益著於是山河既奠天地皆清璞以剖明珍
猶席待三旬九食彈琴樂饌一簞一瓢考槃勿告遂使
乳潛甘載隼厲三秋孟郊取解之味傳在鄉人張憑孝
廉之船重於京尹時則朱顏始婚半嫁烏孫青瑣未窺
先投紫塞先生則殿前作賦龍顏試其彩毫輦下蜚聲
雞林購其鴻筆陳伯玉蜀中舊製百軸囊攜左太冲維
下新篇一時紙貴然而頻逢轆轤始曰才人不遇煩冤
安知貞士以租庸而註誤遂韋布以沉淪於是假館鉏
經食貧耕硯尺餘寒雪生徒盈江浙之滑一月春風絃
誦接河汾之席俄逢恩例重預計偕公車屢上倦食京
唐堂集 卷三十 四六三 九

華之春微祿暫干勝索長安之米鄭虔耆宿才得廣文
元亮優閒祇求鄰邑青氈雖冷道在明倫白髮已疎功
勤講學方謂儒宮煙火有韓愈之奇吟後堂筦絃亦馬
融之豪舉而乃一年序駛二豎旋來九辨秋深兩楹遽
奠荀卿死所地亦號爲蘭陵坡老暮年人遂終於常郡
嗚呼哀哉先生孤標格外獨立人間道以靜參學由悟
得蕙晚蘭畦之下坐鮮雜賓清風明月之餘室無長物
鱣堂所教盡屬勝流龍門偶登亦成髦選或題曰有守
真賢或扁曰今之林宗凡守令之贈言卽鄉邦之公論
昊天不弔喆人其萎鄭元之歲在蛇丁令之魂爲鶴雨

子介崙匍伏扶棺季君世燁哀毀限命嗚呼哀哉之傷
分爲猶子誼兼及門西州一柩之餘南浦三年之別殯
兄謬督燕製用表素蔬夫誄以章德亦以累行先生之
德行彌著高深小子之文辭何能揚抗謹復序其出處
錄其笑言道予之哀塞兄之請云爾誄曰

在歲之辰予齡曰弱百里負笈執經西郭公語吾父是
兒勤學無忝家駒行爲國鶚季君世燁族子秉鈞切摩
誦誦暇或攜尊談道絕倒狂態不馴公寬於屬嘉我率
真嘗偕勝侶春汎雨余船中被酒醉不知家斜陽初月
大睡如蛇公賞其致不謂玷取公之愛我何其篤也謂

唐堂集

卷三十 四六三

十

當遠翬以文卜也教之誨之又飲食之未玉於成一朝
棄之嗚呼哀哉公之未仕授經里社經其雕鑄皆知名
者如浙書崖陳如婁鹿野傅同里丙章戴大魁天下公
之已仕振鐸南蘭楊時講學胡瑗勤官盤青苜蓿絃響
輪檀藜才星照菊遽霜殘嗚呼哀哉冷署窮官死於何
殯野寺銘旌寒江輿輓煒兄繼殯黃泉省覲舊館雙魂
新原雨燐嗚呼哀哉兩兄播遷他人入室梁燕誰依庭
蘭另苗我來西郭徘徊若失幾婦淒涼言之涕出嗚呼
哀哉公遊碧落予困青衫牢愁轉鬱隱恨徒銜有虛獎
借惟畏談說靈其有知應悲阿咸嗚呼哀哉

路孝廉誄并序

康熙三十六年九月癸卯清故順天舉人候選知縣路
蒼霖先生卒於陶宅里第春秋六十有五嗚呼哀哉夫
楚騷漢樂極於吳晉唱高二陸派衍五茸楊袁擣藻於
明初陳李選聲於前季流入戎朝如林而出山林則王
吳暢其意象縉紳則錢董馳其葩采春藻之英嗣興東
阜之彥狎起司其後勁舍君而誰君之持論謂道本性
情勿眩流輩時遵時革總非真詩杜集最奇亦須變化
故其撰若機流趣盎不名一家始則春堤試馬溪市狎
鷗尋高隱之樵野賡東溟之漁唱斯澹蕩而明靡復沖

唐堂集

卷三十 四六三

十

融而的燦既而挾刺侯門碎琴都下羣公側屣上客騰
尊刻燭敦槃之間敲銅冠蓋之會又或陳琳記室情成
麗製馬周羈旅代草鴻篇則已窮極瀏漓之致鬱暢風
騷之體既而公車屢北需次一官或舟騎之酸吟或田
園之憤作子幼種豆之歌元亮歸來之賦牢騷激昂是
其本色坦迤真率皆其漫興也僕生雖晚其居甚近假
以所業謬辱贊揚北海之於禰衡引爲忘年曲江之於
李泌呼爲小友在問病重陽之後正易簣十日之前尙
與滴露研朱評予賦藁何圖一旦便作千秋風昔周旋
綆廩淚下爰次生平私爲誄筆盡子建贈終之情竊延

年華實之義辭曰

倚如賦藻博德勲名世有代序昌黎所銘支流汎濫衍
於華亭維君挺出滄海胎靈弱歲離龍摩旌郡縣屢冠
一軍曾歷三戰張令揚聲史侯廻盼註譏旋遭子衿不
戀禮何能束與且營飛雄圖鬱抑治習輕肥青絲貫酒
紅齒軍徽寶劍晨舞金叢幕揮故將宿亭王孫倪勝受
侮辭家燕齊遠駕短句驢裝斜帘歇卸砧旅敲秋燈窗
泣夜親王虛左少宰授餐賣文旦旦騰譽門門入雍奪
席試部掄元龍身斗觸鶚羽霜驚秋囀一鳴春鱗四蟄
姊妹承恩蛾眉不入閨竹摧絃天寒雨濕需次一官暫

唐堂集

卷三十四六三

五

旋鄉邑雅堪弋釣頗足田園移松冒阜結槿添樊魚連
其治花鳥填軒彭澤未宰五柳映門謂君驩樂君則願
領命已歷頭語空破膽吾道方屯世途多坎澤聚龍蛇
田荒葭莢老親就木幼子霜沙淚因屢血顛亦蚤華顏
唐悲憤奇怪檀柯嘶櫪老曠喘緣莫邪縱飲耽吟消磨
歲月勁鬪寧灰修鱗遺骨句漏砂烹豐城劍掘廻不一
試齋志而及嗚呼哀哉跡君顛末豐才膏時人皆特達
而何數奇酒黏花壓橋駭馬危歎欣哀怨一發於詩而
今已矣都哉一棺秋墳唱苦孤鴛吟殘木蘭魄味廣陵
鬼彈長眠不曉近淚無乾嗚呼哀哉僕木寡交君何永

別雲護檢雲雪敲聽雪檢雪聽雪先
生書齋名室邇人遙登堂慟
絕筆露腕枯思泉涕竭嗚呼哀哉

陳母宋夫人誄并序

維康熙五十年秋九月二十七日 誥封一品夫人陳
母宋夫人卒於海寧里第時少宰公巡撫廣西以是月
二十二日出都行兩月到任越十二日而家人以訃至
公痛四十年之伉儷判六千里之幽明死別生離蓋棺
不面天涯地角設位招魂淚盡欲枯神傷已甚蓋公勤
勞王事義不顧私母曲體忠忱書皆諱疾是以數月以
來輪帆之上絕稀魚雁懸擬平安舟中寫經則有白首

唐堂集

卷三十四六三

五

偕老之願湘山謁寺則有無量壽佛之祝神廟問籤則
有壽比岡陵之喜而此則頌禱方切彼則骨肉已寒潘
騎省遺挂何懸楊節度油幢未引宜其百倍傷心萬難
慰勸者矣何况母儀婦道既非復凡人可倫巨室大家
又不可一日無主哉之雋忝列門牆見延館塾晨夕俱
張禮同賓師歲時問遺惠及家室方圖報以末由唯永
年之爲慶而粵轅甫憇浙問踵來登堂之拜無期挽輅
之役未與私心愴悼曷可勝言謹按行狀撰爲一誄誌
母之賢釋公之痛其辭曰
廣平望族長洲大家祖乘驄馬父賦梅花如景輔唐如

庠訓宋相業光昌 皇圖倚重庭盈謝樹門繞王槐夏
卿熙績綸閣蜚才掌上珠圓堂前雪舞淑媛無雙賢名
第五我公舞象胄子遊京時維相國位在司成馬帳知
人雀屏得耦如玉斯潤維琴是友雞鳴警讀螢照襄勞
蛟池雷奮螭陞雲高殿唱大魁瀛登獨步榮及笄珈儉
猶荆布天衢直上彌陟彌崇春深

陛下恩逮閭中紫誥五花金匱一品履盛席豐低
惟謂取富貴母貪寧廉謂處仕宦母盈寧謙以贊公
俾事

天子公望如山臣心似水凡爲內助歷四十年人知少

唐堂集

卷三十

四六三

古

宰室有大賢豈唯相夫請言作婦敏練者姑方嚴者舅
豈曰難繼乃嗣徽音豈曰難事乃得歡心職不辭勞念
無扶貴宗族稱孝夫人之謂既因艱育頻爲奇姬藍田
祝盛樛木垂慈廼生女子明珠雙顆幼失所生母兮鞠
我就賢選配循誼加婚太原令子東海文孫廼生男子
芳蘭獨苗保抱提攜過於已出愛之勞之恩斯勤斯日
慈則母曰嚴則師食指雲屯家緣日熾理厨治煩夙興
夜寐睦嫺任卹長幼卑尊儀文周至惠愛普存咏絮諱
才頌椒焚草曰非婦功不以爲寶福慧兼享神仙等儕
夙因現果繡佛長齋願姑嫜壽登耄耋矣願夫子貴擁

旄節矣願夫有子雛鳳生矣願子成名秋鶚騰矣一誠

可通百福齊應而不自祈長年永命甫完婚嫁遽厭塵

埃長辭華屋逾返瑤臺嗚呼哀哉浙粵各天明冥異路

我公有慟淚如泉注人生當此疇不痛愁忍謂我公不

如莊周先民有言至理非謬不朽者名有涯者壽月蝕

星隕不聞天悲山崩川竭不聞地噫帝釋非生仙人亦

死精爽長存形軀可委珠宮結蕊寶座趺蓮久虛一席

以待魚輶彼已逍遙此猶慘怛靈而有知塵緣奚割公

曰唯唯予詎不知維賢且淑胡能勿思嗚呼哀哉悲經

左右痛感旁人官僚匍匐曲酸辛桂嶺堆愁灘江湧

唐堂集

卷三十

四六三

圭

淚布奠旅堂招魂客寺冥冥幔絳歷歷管彤用標嘉懿
莫罄崇鴻嗚呼哀哉

祭曾秀才文

霜彫琪樹血薦臘岸之花冰鋼珠淵淚結寒流之浪樓
成白玉文定屬於王孫閣序洪都壽不加於才子雖尾
騎天上渺渺遊仙而爾墮人間茫茫哀逝維君譜出南
豐家依東海十齡未滿蚤窺宛委之奇萬卷非多并探
胸臆之秘於是纔挹泮流便餐天廩凡經受業皆出類
之名流歷計文衡盡拔尤於高等擅青林之一桂巷已
無人君居青村冠白苧之羣芳邦真有彥爲府學生乃其文成珠

玉抑復行比珪璋不出口銘學三緘謙以居躬卦占
六吉相輝鄂棣情每切於雁行雅結金蘭誼更敦於鷗
侶此其道全五品而尤孝篤二親薌萊袍於膝下曾戒
遠遊烹茅饌於厨間唯知養志雖復懷橘拾椹之彥蔗
薪負米之賢以古絜今相當無媿謂宜楷模東國翊威
鳳之九苞黼黻南邦振潛虬之五彩高堂奉養承寵錫
於絲綸同社追陪叨餘光於車笠願乃一矜未釋二豎
頻侵蒲柳易零參苓勿效輕冰乍結便開小子之衾短
燭初華竟易大夫之簣嗚呼痛哉喪子淵於曲阜纔踰
五稔隕賈傅於長沙唯贏四稔白頭大耋流老淚於西
唐堂集

卷三十 四六三

六

河黃口穉嬰叫遊魂於東郭傷心嗚咽寡鵲之吟刺耳
悽酸斷鴻之響湧滄溟而爲血不足罄此日之深哀排
閭闔以愬冤何以贖斯人之大命奚待黃墟久別始增
遺土之悲所冀遼鶴歸來蚤卜仙人之塚煢煢漆垣澹
澹泉觴風吹刻楮之錢月照懸旌之字使號泣之聲未
終而空虛之響若答則雲車風馬定臨碧落之間孤鶯
落霞不散精靈之氣

公祭張京江相國文 代

八柱崔嵬遽損擎天之手五雲黯澹彌傷捧日之心扈
紫塞以來游騎箕不返謝彤廷而溘逝羹雉無斟圯上

勲名居然炳燦曲江風度忽爾銷沉股肱失而八伯誰
廢復旦柱石傾而億兆無望爲霖惟公嶽降南邦台躔
北斗綺年已口噴紅綾壯歲則腰垂紫綬從容講幄代
塵柄以松枝領袖瀛洲育駿材於薪櫬崇階游陟謨謀
與日爲昭公望咸歸政績歷年最久誕膺帝賚用秉國
鈞膂力方剛曩是黑頭宰相夙夜匪懈今爲黃髮老臣
十八載有餘輔 義軒於盛世千萬人不及推轂禹之
後身蓋其爲相也敬慎公忠寬容謙退淵淵穆穆爲政
則以身先之翼翼溫溫有善則入告於內楓宸密勿
一人倚爲腹心綸閣平章百爾蒙其教誨是以始終眷

唐堂集

卷三十 四六三

七

注出入參陪漠北從征於千櫓江南隨幸於帆桅戎莽
翦除而帖伏狂瀾翕靜以滌泗者固
聖主之雷霆風雨亦相君之舟楫鹽梅其遇合也如此
其盡誠也如此故引年之章屢上彌切慰留避暑之
駕方行獨求扈從恩深兒齒難尋後樂之思喜近
天顏願統前驅之衆蓋七十曰耄不無榮衛或衰乃千
里而遙大有游歌可頌味薰風於塞外黃封借上藥齊
頌度長夏於河橋朱李與靈丹並用謂學彭錢之饗帝
慶初度於大年竟伴黃石以遊仙村有涯於一夢宜
至尊親錫以哀章內府極頒其厚贈 皇子舉奠而弔

臨大臣挽輶而郊送黃沙望遠三台匿彩于修途丹旄
飛還百職齊聲而大慟嗚呼考禹臯之齒大耋有餘稽
聖典之年期願未止以公較之猶少壯耳况中朝者碩
聖人之倚任方殷厚德敦龐上帝之報施何已享平格
於遐齡慰林泉於暮齒紫垣上輔在歲星南極之前黃
閣老人卽松子木公之比何迴尋常羽化徒落翩於塵
寰咫尺顏違遽斂魂於玉帀雖復綸章疊賜轉卹爾敦
垂大名於宇宙返正氣於乾坤亦何由戀關歸來恩
九重之震悼招魂復起報三錫之寵存某等躋履班聯
趨風左右奉典型於元老嘉猷爲百辟之師承色笑者

唐堂集

卷三十四六三

大

有年遺愛實衆人之母音違金玉三月非遙貌金松筠
四時彌久乃凶訃傳於一旦信也非耶何幽明判於兩
途然乎抑否稂莠棟折能無捨地之呼木壞山頽難啓
同人之日吟些則哀不成音執紼而淚猶在手銀河低
湧駐翠於孔蓋之靈玉露橫飛酌碧落青霄之酒

代桑太宰靈壇祈雨文

佛求必應功德之水無邊天遠實親箕畢之星有象
顯以愛民爲念五風十雨而後安 溫綸有夢旱之
言一日萬幾而彌切陰陽變理責在臣王雷雨滿盈功
帝釋今康熙五十年堯天永庇軒轅旁流入夏以來偶

違霑足近京之地漸至蘊隆遂深
聖主之勞心欲爲下民而請命殷勤天語罔非雲漢之
瞻徘徊王言卽是露雷之教在

皇上存心利物訓辭之感名有餘乃廷臣奉職無能元
化之參差在此苟不洗心滌慮仰體 宸衷則是尸位
懷安愈干天象况臣游沐恩波頻叨寵澤在外旣疊膺
重寄入朝復備位上卿職冠六曹年垂八袞忍不罄涓
埃之報冀少分膏肝之憂涓今某日恭就某寺廣延僧
衆起建祈雨靈壇謹跪告哀潔齊將事伏望鉢龍有力
慈雲覆轍輔之天石燕應祥法雨滿郊圻之地金臺之

唐堂集

卷三十四六三

尤

畔沃若雨金黍谷之旁油然膏黍慰 九重之軫恤助
百穀之蕃昌霖雨蒼生滋培赤縣一誠有感政豈暴於
巫庭三日爲期神蚤驅其母魃

代浙督撫祭海神文

伏惟大神廣運天池通流地脈吐納潮汐環護東南山
龕諸以入錢塘佑生靈而保吳越我

皇上軫念海疆肅隆廟祀發帑興役堅築隄塘所以昭
假神庥爲民請命靈祇感應安瀾久矣茲於六月初二
日夜颶風駕浪衝決海塘自海寧至仁和東西凡百里
良由某等封疆大吏愆德干和靈忿有因天心示儆是

原缺

唐堂集卷三十一

華亭 黃之雋 石牧

古樂府

雞鳴

雞鳴寒柵中其時正三更問誰逼迫爾屹屹引修吭人生各有志求衣在未明鞭策恐後時前路艱且長索居每叢過寡黨學不昌彼鳥高樹顛相應以和鳴乘時共努力上與古翱翔

步虛詞

天風生海月起龍蠕蠕吟霧裏幢影疊燭如水花續繡

唐堂集

卷三十一

古樂府

吹仙子仙子降青裙香鸞爲舟麟爲糧太霞曲散節鏘夜半語人氣涼母萬物門衆妙元精合葆光照石流髓滿丹嶠掬飲之鶴旁笑雲腴熱蒸空青紛嬋娟玉女靈桑雞鳴旋上清留一棗綿壽齡

塘上行

塘上菡萏開塘下芙蓉殘一物異衰榮在君顧盼間與君爲仇匹期作百歲歡胡意香蘭花儵忽委霜管房櫺咫尺地遙絕若九關明鏡滿一規朝朝照單顏君視風與雲妾視海與山南山旣以平海水亦以乾妾心終不變君來可剖看

悲歌

悲歌何以當哭遠望何以當歸羈憂之來莫之可治人生如夢不樂何爲曷以療憂安命順時

日出東南隅行

東南有好女嬌麗世所無慕古邯鄲姿亦自號羅敷二八芳華年肌理玉不如被服極芳豔千金飾此軀當春動長懷采桑出道隅自謂傾城質皎皎羞雲茶綺陌紛往來錦幘飾華騶相遇渺不顧各自爲戲蝶輕薄或謂謂爾其孤逐徒一解羅敷日暮歸春風閉高樓曄鏡照玉顏流淚成串珠娵娵春遊女妍笑攜同車連袂解瓊佩

唐堂集

卷三十一

古樂府

二

摻袂遺玉鉤白日不照我小徑獨踟躕鄰婦聞之笑羅敷一何愚世人不好色爾貌空麗都解鬱鬱廢蠶桑奄忽三歲餘漢詔選姪何美色兼善謳東鄰貢處子北里名名妹南威聘自晉西子笑辭吳羅敷欣動色入宮在須臾媒理惜無人自愛何所投妝成長寂寂落花盈戶樞二十猶不嫁徒矜顏色殊解

對酒行

坐以芍藥四香之瓊閣酌以玳瑁七寶之羽觴何以侑之崑崙六么之妙曲誰其侍之邯鄲二八之名倡今日不樂復何待古人墳冢高如岡東風吹酒酒氣涼日影

柳花吹滿牀可憐聲淒淒復急酒杯翻得羅裙濕江水東流豈再歸雙眉不開空爾爲

陽春曲

春陽相鮮新使我芳草茁芳草正愁人東風闕虛室禽語悲落花蝶夢隨殘日悠悠思或牽迂迂魂若失所思杳無端意者在靈瑟良辰當奈何翻令增首疾

東飛伯勞歌

東飛伯勞西飛鵲鵲能報喜鳴以躍女兒妝曉臨華軒聞聲卷簾正對門金吾年少駟馬歸六禮通媒求作妻靈禽知來女心悅鵲鳴苦苦空做舌但催貧女去續麻

唐堂集

卷三十一

古樂府

三

東家定不如西家

江南五首

魚戲蓮葉間蓮女注波看葉是衾與幃魚是儂與歡
魚戲蓮葉東晚涼遮日紅團圓月又上照我雙芙蓉
魚戲蓮葉西鷺鷥眼欲迷汝但見蓮葉不見藕根泥
魚戲蓮葉南蓮葉綠人衫唱罷江南曲喚郎整鼓簪
魚戲蓮葉北高荷闌日色回風吹水翻羅裙乾不得

猛虎行

澤國寡山林虎豹不可居胡然葭葦間藏此猛獸軀土人刈葭嬰其爪鉅殺而不食流血漸漸殺人示勇不食

示廉鄉老入城報官府官遣獵人來捕虎虎已騰風東海去回頭笑與獵人語我今殺人慙且逃胡爲汝邑有虎揚揚殺人而自謝

獨漉篇

獨漉獨漉天寒水縮汎舟不可如鏡照我寒英不春秋雨爛死蚤榮而實勿啗桃李不疑無兄幸人之愚我恐姦人造爲嫂軀淵灰夏盲天入賢罪輕之則癩重之則醢道行避雨松篁古祠風急晝晦室有鬼來陸行無梁水行無舟形如土偶見天地羞

野田黃雀行

唐堂集

卷三十一

古樂府

四

續步適原野中田施網羅稻梁方刈獲啾啾羣雀多雀者爲口腹餘粒飽泥沙羅者爲口腹肥脂秋味嘉我戒羅者言慎莫相邀遮豈無王母使混跡同經過鳴臬螻螳傷終當活黃花關西楊夫子食報由微禽玉環縱勿貪三公豈不歌羅者顧我言關西楊夫子父實名節敦經術致三公活雀史無聞雀旣不足活幸開一面恩

攜手曲

吳是春樹齊作花蹋青女兒美如霞金鞭年少花底出一見相悅如一家解下我紫驢馬攜手同汝遊贈汝玉燕釵盟髮宜竝頭贈汝金鵲鏡紅顏明雙眸著汝紫綺

襦白雪映肌膚束汝紅羅裳纖腰爲抱扶虎釧約汝脫
削葱爲我持鴉襪襲汝足妍跌爲我移勿聽他人言汝
耳垂我秦珠環勿盼他人顏汝目遮我團齊紈我有紅
麝枕貽汝以甘寢我有綠麝氍坐汝以共娛再拜受郎
寵錫殊賤妾何惜纖纖軀解二系女儘歸在路邊禮義自
守人不憐解三

古離別

明月行天上落影入我闔君行不在天形容渺相濶本
是雙棲身側人翻如孤飛天上月明月照長江江水流
不竭君能持刀割斷水妾亦甘心與君絕

唐堂集

卷三十一

古樂府

五

鳥生八九子

鳥生八九子條忽成老鳥營巢伏卵心力枯朝暮一一
飽飼雛養其毛羽相悲呼樹頭風來飛出樹長成安得
不飛去老鳥旣爲父母心最慈但願其不爲臬安望其
反哺時雌老鳥誚其雄不如他家子一飛直過扶桑東
琴依光彩跋日中

秋胡行三首

位高金多鄙哉宦遊人位高金多鄙哉宦遊人高車駟
馬不如路塵望見室家而野之云五歲不覲乃見淫昏
歌以言志鄙哉宦遊人

有女雲茶不如思縞綦有女雲茶不如思縞綦慕他人
姬人挑其妻窈窕在德豈與色偕人倫之始狂且不知
歌以言志不如思縞綦

風俗移人願守禮義邦風俗移人願守禮義邦魯國彬
彬聖賢相逢貽我握椒溺於陳風包羞不戒喪其匹雙
歌以言志願守禮義邦

獨酌謠

獨酌謠獨酌且獨謠一酌澆魂壘再酌開鬱陶三酌仰
天笑四酌哭以號五酌月爲我徘徊六酌雪爲我飄飄
七酌鬼神聚酸風鳴離騷八酌九酌酌不得一尊碧雙

唐堂集

卷三十一

古樂府

六

顏赤今夕頭髮黑明日頭髮白

雙燕

門外不知春浩浩一雙燕子街春到舊壘安痕何處深
鬱金堂前飛且尋堂前麗人年十七倦織流黃未成匹
舉頭忽見雙燕飛故下珠簾飛不出燕子燕子汝補巢
銜泥慎勿污堂坳窗邊紅梨僂所愛飛去飛來尾莫捎

淮南王篇

淮南王骨欲飛藥爐濃煙熏紫微彈琴求道坐殿堂白
晝會食鐘聲鏘鏘鳴鐘揖八公公印首視太空大笑
吐出青天虹我欲渡淮淮水波不見雞與犬將奈何將

奈何歌以思雷被不諧伍被其夷神仙一死魄無冢桂枝連蜷發秋壠

邯鄲才人嫁爲廝養卒婦

秦鹿啓涉狐黔首無室家陳王旣張楚豪桀供一呼武臣略趙地下城三十餘自立爲趙王邯鄲以爲都丞相爲張耳將軍者陳餘趙王旣名國氣體亦已尊邯鄲挾瑟枝一一備宮庭盛餘習點躡彈哀弦羅紈列後房黛綠充下陳中有娉麗女給使爲才人本是小家子生長邯鄲里不學邯鄲侶色藝故雙美蘭麝爲氣息芙蓉作肌理腰支何娉婷屈膝發光彩穠纖稱骨肉謳節

唐堂集

卷三十一

古樂府

七

諸宮徵委身捨讓間有如萍入海君王起草澤不解相愛憐作計遣諸將北徇燕代間韓廣略燕地李良略常山韓廣已定燕王燕之故疆燕人戴新立與趙爲抗行趙王親略燕乘間虜趙王留質求趙地使往輒殺傷耳餘大豪桀踴躍不得將倖哉廝養卒怗慨前致辭吾毚往諭燕夕載王俱歸聞者盡譁笑汝頭何多爲卒經不顧去遽入燕壁馳譏笑問燕將知我來胡爲答言欲得王來意誰不知從容再致辭吾國張陳輩君知欲何爲答言欲得王恨計無所施卒仰天大笑爾曹何蚩蚩張陳與趙王材智皆等儔非有主臣諛徒用年齒推各欲

唐堂集

卷三十一

古樂府

八

分王趙安危利其蓄名爲求趙王實欲燕殺之兩人分王趙遂興問罪師以討殺王者屠滅旦暮期燕將大畏悅歸王唯恐遲卒鼂辭趙去夕御趙王歸是時廝養卒名震燕趙郊張耳愧不及陳餘不敢驕昔在前趙日國有蘭大夫相王西入秦鼓瑟以相娛力能使暴秦擊缶歌鳴鳴秦王不敢慢趙王歸宴如今日廝養卒功豈與蘭殊趙王旣歸國不聞賞錙銖今良定常山身建大功還復命於趙王使西略太原秦將縱反問良尙猶豫問道逢趙王姊華轂連雕輪馬蹄蹙黃埃車騎何喧闐謂是趙王出頻伏謁路塵王姊方醉歸不省李將軍徒使騎報謝良恚不可言貴爲女子屈羞莅其從官追殺趙王姊移兵襲邯鄲趙王遽罹害張陳皆逃奔李良引秦將盡徙邯鄲民城郭夷邱墟宮室化灰塵才人無所歸驚定還自揣此間廝養卒緩急可倚恃英雄混薪炭擇嫁必此子念昔侍君王月日淺無幾虛名奉巾櫛實未親牀第身如冰玉清年亦韶華綺失此倘不嫁何異萍入海廝養旣名士才人亦傾城三星照戶隅今夕吉且良兵荒殺昏禮真色無詭妝不圖爲匹偶天命嫌陰陽昔亦不榮達今亦不悲傷雙雙魴與鯉兩兩鴛與鴦燕女手在盤沛女洗踞牀秦女殿上驚楚女垓下亡不如

此趙女花葉自相當偕老太平日歡樂水渠央或謂秦才人至晉宋始設然迭見漢書傳昭儀傳後漢書馬皇后紀魏志毛后傳及明帝紀注中引魏書意是給使宮人之妙選晉後始定名位耳且所委李純有如馬班所傳者乎吾以翰墨爲媒成此嘉耦不欲效元暉太白詩此題徒發淪落之歎

巫山高

巫山高於雲雲笑山亦媚夜半攜雨來吹作碧涼氣山南山北煙景秋中有香草香欲流神女飄飄居上頭一時雲雨萬古收巫山秋月明滿湘秋水清英皇不可見斑竹淚縱橫

薤露

唐堂集

卷三十一 古樂府

九

坐入彰義門臥出彰義門丹旄前導翠雲何軒軒班然鯉首木戢身上不見鳥鳶下不見螻蟻中亦不見子孫旋風捲沙埃中有鬼伯言地下差勝林下胡必生前歸故園

結客少年場行

吳劍白如雪洛酒紅似血相逢市肆中一見心相結遂殺雞犬盟肝膽爲之傾男兒重意氣家室安足營千金供一擲萬錢供一食游俠能借軀英雄亦漁色生憎老儒腐不中吾曹役豈知聖王世遊民在所斥

權歌二首

白布染皁洗不清磁甌裂縫合不成明星照泥日昏晝暫有晴時終少晴
屋裏纏綿會有時路旁飄蕩更無期風吹落紅穿網過葉底蜘蛛空費絲

白紵舞歌

歌扇歌舞衣舞三五二八紅妝女纏頭黃金買白紵人時裁剪不慕古風動雲行騎綺羅傾城一人如花里兒見之喚奈何

上之回

上之回風伯雨師紛以馳離宮避暑駐六飛龍行天馬行地往復來仁哉沛芑萬方及四裔日月黃道順躔次聖人健行千萬歲

唐堂集

卷三十一 古樂府

十

君馬黃

君馬黃臣馬驪整轡扈行閑且馳吉行五十里千里將安之八駿空負如龍力天廐王良唯遜德臣馬不如君馬良齊而駕之驂與服太平不用武渥洼猶獻馬如其有馬以賜賢者坤乾之貞與乾爲輔

碣石

臨碣石觀滄海徐市童男女無一在但見海水出沒三島出雲霧裏仙人上藥食之長不死大魚擁護不得採

游泳海中若山徙安得彎弓射殺大魚壺嶠間解衣包
裹靈藥還計日噉盡竹伯九遂與天地同壽眼見此海
爲桑田可憐平昔所親愛冢墓纍纍骨月壤相逢後生
無一相識子身俛仰求死不得嘔出藥丸悔何益

秋風辭

蕭蕭木葉何處飛江南一夕遊子歸秋風吹來人醉鄉
桂華叢叢露瀼瀼桂華何芬芳鞠華何未黃暮雲美人
天際翔湛湛江水微有霜側身北望思徬徨秋風一過
衆芳歇對酒莫辭杯百罰豈不見西飛日與東升月

四言古詩

唐堂集

卷三十一 四言古詩

十一

洪烈節

有序

烈節休寧金氏適洪生甫婚洪客遊病歸卒氏乃立
姪爲後爲血書二一遺姑一遺母乃經距夫死四十
二日俗所謂六七也年二十四

巖以嶠兮江以潔兮曰鍾於洪出烈節兮 江有鴛鴦
日爲匹雙厥雙未久拚飛其雄 君子未還子棲子聞
君子既還丞其禱醫 君子死矣妾亦逝矣妾未可逝
君子無嗣 適立我孤適拜我姑適捐我軀適從我夫
月兮其心玉兮其音一鄉有人以式江南

江之石

有序

江之石黃子舟入楚南賦所見也悅其奇悲其荒故
作是詩

江之石匪石伊虎欲渡不渡水蝕其股脣吻呀呀見舟
而怒 江之石如飲於水屹屹負重曷俛曷倚水入腹
吞渴不可止 江之石龍所爲爪攫其泥爰萃爰離蹶
肖唯夥無肖亦可我舟既過佇而望我 江之石神所
鑿帝謂淫巧南荒是擲拚麗匿奇見舟而悲蔽賢者天
於人奚惜

稚竹

有序

稚竹哀幼子也詩人行役於郡幼子元才年十三殤

唐堂集

卷三十一 四言古詩

十二

於家役可緩也詩人躁急先期而行明日幼子卒明
日計至郡遠還撫檻而哭之見屋後有新竹萎者遂
作是詩凡六章章六句比也

嗟爾稚竹其美如碧脉爾出土脉爾解籜幸觀爾成歲
月如昔 嗟爾稚竹其美如珠風雨不仁漂搖爾軀幸
觀爾成萎焉忽諸 匪伊風雨我咎我土土薄植淺根
撥而俯幸觀爾成天命不厚 土之薄矣尙可培之風
之搖矣尙可維之胡寧忍爾去而不知 我之歸矣則
不可候哀我稚竹不立而仆相其筍枯維我之故 稚
竹之生稚竹之歿悔我出矣脉爾不蚤蒼天蒼天悲不

可道

夜行八章

夜行而雨水濕其火夜行尚可雨行殺我 夜火燭如
而雨滅諸我車曷驅我輿曷昇 昇輿之子路不容趾
路易而車涉陸以水 匪直人之辛唯我其辛艱彼蒼
天夜雨不仁 不仁如之何月既昃止胡弗升于天雨
亦綿止 橫流湯湯斷川之梁奪舟而渡昏無水光
濯潦四溢夜慘於晝我命非魚能不恤我後 征夫作
詩哀此夜行誰其和之惟雨之聲

閭路五章

唐堂集

卷三十一

四言古詩

十三

閭路皆山閭水皆灘非山非水曷云其難 維山巉巖
維水激湍相彼平陸亦孔之艱 維彼平陸功突險仄
或臨於淵或錯於石 烈日燥乾行人嬾雨或淖之
行人傾翻 我行之熟矣行而不至亦孔之曲矣雨又
淖之曷其酷矣

大江四章

爲節孝朱貞女作也二章章八句二章章六句

大江之西女星如炬不待於婚天缺其侶天則缺之我
以禮補洵無媿兮相國之女 大江之西女星如斗迺
中迺惻迺井迺曰事我舅姑退哭其偶洵無媿兮司空

之婦 女星黯兮大江之西迫欲見夫兮而病焉醫洵
無媿兮孝廉之妻 孝廉有妻維家之祥豈惟家曰祥
邦國有光仰而眎天女星煌煌

蠶之食葉

蠶之食葉聲如疾雨馬齧於槽聲若濤怒聞之疑似毫
釐千里古病聰者以牛惑蠶耳雖在吾勿信其耳

詩者何爲四首寄焦徵君 有序

此木軒集有詩者何爲一章辭句錯綜自道其作詩
之趣淋漓酣嬉若雲煙之起滅矣竊和其題概論作
詩大旨刊以四言九韻凡四章

唐堂集

卷三十一

四言古詩

十四

詩者何爲緊心之聲宵其哀樂小鳴大鳴天風海濤禽
獸可聽大塊之詩與吾爲勿雕文組采而聲不盈不如
三百叶於瑟笙匪直也聲亦嗜厥味含諸咀諸酸醎之
外聲嗜味漓斯道其晦

詩者何爲以言志也志者何爲乃心之馬騁而騎之何
適而可整轡鳴鸞達於朝野古人之言以風以雅我思
古言曷其先我非志則無雜言則蕪言之不蕪與古相
驅日輪月馭精華大舒

詩者何爲性情之正緣情衆知孰云其性人爲物靈生
而能詠匪學斯擅根於天命易水垓下歌騷之聖質惟

軻羽不倚比興瞿瞿體裁詹詹聲病性不影情圖以人勝雖多則那匪雅匪鄭

詩者何爲有爲而作達其美刺寫其哀樂以饗神示以燕賓客亦有無端發於喉嚨來也無方觸之無著興會忽至驚心動魄田歌權謳討源三百大毛英英必序斯整治而勞之其古糟粕

摘荔爲沈子大題照

荔之薌矣摘而嘗矣與民同者政之良矣君子所及於荔之旁彼都之人謂荔也棠我之適閩不遑食之君子至止薄言摘之荔之熟兮無俾信宿兮古人之風洵

唐堂集

卷三十一 四言古詩

五

可續兮 君子既歸民不可諼有渥其顏有荔其丹誰其肖之繫閩之思古之榮竹今之荔支

唐堂集卷三十二

華亭 黃之雋 石牧

五言古詩一

雜興

二月晴浩浩圓曦盪煙沚百草何芬芳青蕪自霍靡中有傷春人悠悠行水淚蠶蝶驕白日松篁讓紅蘼韶光滿一握囊之寄予美東風吹羅裳羅敷隔流水誰具天涯情揮淚霑蘭茝

雜詩三首

吾聞鍾山神其名曰燭龍張目爲白晝瞑目爲夜中七

唐堂集

卷三十二 五言古詩一

一

政運天上焉用此微蟲蒿莽蔽陰穢能障旭日紅螢燭質細微亦照昏夜朦但論效所施遑問彼異同元豹隱山霧潤澤我皮毛祥麟煌然來隕辱於魯郊奇異實名尤文采天所撓物理貴平淡何必擅崇高薰以香自燒膏以明自消長願保無用蒙莊其逍遙絲布皆可服本自機上分布作縞素色絲成羅綺春載染紅紫豔花色爭鮮新紫綺裁窮袴紅羅製舞裙細腰同結束密與支體親回顧衣桁間縞袂積埃塵綺羅雖見愛私褻不可陳布素雖見棄拂拭有餘芬

馬鞍山古洞

疊石青巘玩媯天圻微嶂千年堆未安秋風吹欲卸門
絕竅兩竇度之頗容跨冥搜莓苔滑勢急不得暇足試
兼手捫睨上復顧下遂憇園巖中黃煙凝初夜天光滿
秋間造作一綫射穴黑不敢窺疑聚陰鬼嚇鑿隧通虞
山造物窮詭詐惜未縛炬尋但見細泉瀉尋山喜詰屈
心目耐驚訝洞壑屹胸中旅窗佐觴竿

避暑古墓

同路西駕橋鮑參集
川遇銅山樵黃精識

大晝灼中土乞涼無佳策罷飲趨古墳樹陰壽千厝奇
藤束虺頭豐苔印狐跡叢陰出寒颼冷冷蕩泉石虛日
不漏隙晨露午猶滴疑棲巴峽深弄煙臥青壁老鴉叫

唐堂集

卷三十一 五言古詩一

二

餘慟人與人相積我爲唱鮑詩海氣慘不白風過落葉
響幽鳥下送客綠草搖清芳去來重憐惜

月下

露洗月滿野溪田蕩如鏡人影墮深秋毛髮刷寒勁牽
牽蛸步移閃閃冢炬映矯首以朗吟青氣蟠斗柄

幽憂三首

潮昔鬢角時中心澹無營蹉跎離冠餘百憂煎我情煙
雨竄九巒夜氣昏一溟出北門四望野水流頽壁獨悽
問之笑一坵香草青

空林野火小鷗羣叫寒歸一鳥風中搖路黑無所依欲

待明月出明月出何遲訓狐雖夜行非匹難相隨
浮邱忽隕命葬之瑤波側子喬感恩私銜淚寫碑石蕭
蕭白楊風吹雲作冰色婉妤歌其顛搔首傷陳跡天靜
日光短寥寥過寒食桃花墓上紅朝榮不到夕

乞雨詩四首 有序

歲癸酉夏旱民構竹爲亭以棲神或佛者以百計相
筮敲魚以暴於道者以萬計若曰使帝恫我而賜霖
焉予爲作龍風雲海四歌俾衆悲吟而禱諸

黑龍爾何開卷尾作清夢日炙涎滿鬣黃昏吐晴蜩于
嗟聾兩竅不聞羣氓慟史冊怖大名靈異厠麟鳳胡爲

唐堂集

卷三十一 五言古詩一

三

日炯炯旁坐視人痛上帝封江湖有水不得用硯池盈
一勺盍取蘇黎衆

飛廉本禽屬爵頭而鹿身意者卽紂臣所以虐海濱當
暑忽爲厲橫空鼓其脣驅雨出六合掃雲歸崑崙噓祲
土裂膚吹水溝揚塵何以不鳴條逸哉思古人

雲爲雨之胎望雲雲渴死俄生東海頭火峰轟丹綺泰
山燔其膚石氣蒸奇紫安得蘸我筆潑墨染炎暑油油
濕一天淙淙下新水

繹絡乞雨亭赤日耀毬彩士氓聚如蟻奔趨忍飭餒救
旱寡奇策曰往顓東海海若聽臣顓臣等無大罪百拜

赦臣罪祀事勿敢怠

乘月登燕子磯還返

舊識若名士勢潤已九年

甲子歲登此

及此月東照沙岸巖

秋舫靈意暗往來靜若拱而延著屐赴其招一徑十數

旋草痕綠漸脫石氣青初涓誰鑿一座屏豁作門限穿

陰木咳衰鶴碧燐圓如錢旁駭奇鬼搏前逐癯猿綠穹

巖樹影中險黑壓遙天山風吹回聲氣餒不得前譬之

訪戴逵興盡中途捐不踏夜峰月去枕秋江煙

八月十九夜登虎邱遲郁宣夏楊彤士不至

月候殊圓缺石態變炎冷燈黑人散時閑若非山境獨

唐堂集

卷三十一

五言古詩一

四

坐侶不來流螢意同靜樹高月難上東向屢延頸秋露

濯夜雲海鏡懸孤炳陟級遙曲廊俯踏煙萬頃微寒滄

生衣毛髮瑩如穎長嘯別茲石帶月眠舴艋

答陳叟

元音流東鄙滄溟鬱風騷鎌山耕青村蓬山樵高橋之

子山陰彥掉頭海上逃隱居事往哲若馳蒼瀟瀟春野

香作花晴溼溼不濤邀我酌濁酒塊壘君與澆園蔬擷

以豐雞臠芬鮮精古意久流連落霞照青阜踟躕不能

別期與鳴雲韶吟髭發奇響魚龍夜騰跳

愁霖曲

曉雨何淫淫暮雨何沈沈空房簷花青滴瀝成哀音羣
紅走何處一綠慘千樹窺水尋見之寒腮泣冤霧苦翳
若塢穴爲汝築春墓

答鍾廣思

差峩滌洞間賞音者子期其裔學有源山水筆下飛惠

寄薤露曲先君聆之哀漆火照夜眠閒恐上宿習憶從

梅閣翁

尊人倚榮先生

嚶鳴以往來宿艸縈吟魂雄骨亦已摧

今人誰無父爾我作孤兒驚颺無靜柯汨汨涕濕衣

躬耕

雨雨如雨膏雨止農事疾溪東有瘠土我亦不遑逸揮

唐堂集

卷三十一

五言古詩一

五

鉏鉏土膚鉏重土堅密袞笠興古悲酸歌晦白日五月

柳外風吹泥上癰膝豆今爾努力鮮綠爭笑出以我耕

爾來而耄老農匹呼豆不磨微波響寒滴

王五舅爲我督耕東臯風雨晚歸勞以詩

管寧亦一龍葛亮亦一龍當其水霧潤草土蟠厥蹤農

圃賢者事爾母鄙耕傭晨徂課鄰犢犁破糞菜封溪風

白搖天墨雨急下衝西日矯不藏怒雷時撞春豆畦生

輕瀾鉏缺下深深谿暝野火出村寺鳴煙鍾人聲響過

橋知是遇雨農厨膠熱以香相與澆濕胸西北有兵事

力田勤輸供蠅蠓相端鐵化爲虬劍鋒醉後顧之嘯功

名匪易逢

大風雨聞海嘯之異用徐文長韻

莫歌海嘯曲一歌白日避小雅亦紀災宜付瞽師肆鼠
年羊月朔寶山黯不翠風橐鼓熱濤雨工夜羅致獐龍
搖令旗聰角聽非贖遣蜃肆不仁督鯨行無義三更取
男女以充魚鼈饋昏昏千萬骨齊入海甕醉水痕利刀
劍割屋裂重闕宰官聞獻款自言能撫字漲退盡往觀
露荷接畦澁頰城燃轉燐荒鎮走冤祟努颺尙獵獵日
影慘以瘁徹廬枕東溟因之孤膽惴疑踏白浪翻數夕
擾甜寐古者不揚波爾今何造次豈不聞王師瀚海

唐堂集

卷三十二 五言古詩一

六

迎樂食

時間北
征捷音

羅將軍詩

有序

程揚外兄歿於威寧都司任貧不能具棺其僚浙人
羅企容爲治後事留其子給其僕資斧得萬里歸骨
又贈金詒書二兄俾葬父母以慰死者心予見羅書
高其義作詩美之

吳越兩鵲鳥各起而飛騫因風率其雌萬里棲黔蠻兩
鵲不相識相逢話纏綿羽毛齊五采來往相鮮妍黔中
稻粱貴吳鵲腸憂煎雌死雄繼之魂魄相後先啁啾黃
口雛目液紅不乾欲負父骨歸背劍不得安欲銜母骨

歸吻血流濺濺越鵲翩然臨哀鳴涕闌干天涯託倚賴

中道成棄捐生於我就食死於我園棺家鄉萬餘里魂

兮畏關山我有橐中金仗助還雲間藏金結素書遙達

仲氏前羅某九頓首伯也叨同官聯翼林箐中嚶嚶聲

相關尊酒每勞苦有時慘無言但言親未葬子道恨不

全秋爰墮將星陰颺吹戟轅孝念永不遂此恨深黃泉

我有橐中金不腆三十鍰半送兄嫂歸半以葬椿萱新

鬼慰舊鬼瞑日得長眠家人王厲輩捧骨故鄉旋小阮

軀幹弱暫留過嚴寒仲也慎努力自古賦鵲原仲氏拜

受書愴痛摧心肝字字血結成行行淚漬殷讀之未及

唐堂集

卷三十二 五言古詩一

七

終涕作黃河湍斯是嚶鳴友義盡恩亦殫自恨生同巢
不得同飛拚藉非羅將軍兄骨飄蠻煙藉非羅將軍親
匪淹旅屢錫類本仁孝豈與游俠班感激持示人賤子
幸索觀交情死生見古道良獨難朋友五倫一此倫幾
已刪藉以風薄俗歌此兩鵲冠

己卯歲人日同廣思訪履階上人

春水渙文漪條風吹綠茸靈辰既屆七卯友復招雙蘭
若人境外流波抱其中雖無以醉陶頗振白社風初陽
暄庭戶流雲時出窗茶煙颺遊絲牽引在晴空坐久齋
聲寂詩禪互稱雄培塿亦有松井泥亦有龍高僧與名

流海一相逢

白髮一莖

松柏饒貞姿亦爲蕭斧愁蒲柳况易衰嚴霜相與搜嗟
子三十二素絲飄黑頭譬彼葦葦一葉先報秋續學
登顏似才華非潘儔顛毛之蚤悴顏白計效尤陽春
世間獨感其陰幽死灰揚當風槁木斷在溝壑非金鑄
成鎔鑠以百憂白日徂冉冉江水去悠悠古人泣碑肉
髮亦使涕流

詠古二首

庶草本貞姿豈肯畏溘秋弱質負奇氣寧爲溝壑憂楚
唐堂集 卷三十一 五言古詩一 八

漢多名俊處今千古留陳韓不足言去頂而歸劉伯也
爲季父翻然甘事仇亞父雖引退重瞳我好逮呂后在
軍中待若妯娌遊從容使還漢賢德消恩讎楚辭四面
起垓下雙淚流妾非亡國人肯與褒姒儔娥姁雖生活
視之如蜉蝣

歸州有佳人稚齒入宮掖謂當擅寵私名冠妃嬪籍長
門多秋風吹我好顏色閒中看芳草年年映窗碧自畫
雙長蛾龍顏職不覲按圖以名幸非不慎選擇付託非
其人恣意填粉墨奈何妾薄命天心自昏黑始計良謬
以後運期變易跳身出漢宮翩翩赴漠北豔譽滿八閭

貴重一朝極安能輦愁黛房中守鬱抑

情詩

淒風殺衰樹脫葉紛雨響豈不樂繁陰天運不可強人
生無百年顧盼成疇曩胡勿勉青春遲暮始悔想蒼素
點毛髮零落等羣莽羣莽衰復榮白日暮復明人老不
復少使我默傷情

旅中苦雨書壁

杜門百日晴出門十日雨雖爲秋旱喜翻作窮途苦一
身如孤舟飄飄定何許羈縻斗室內隙影明窗戶半几
堆詩書一塌隘環堵煩借檻外致狎與作賓主浮圖聳
唐堂集 卷三十一 五言古詩一 九

煙雲殿角出紅樹天然摩詰畫時時挂簷宇愁霖何沈
沈壓我氣不吐忽然思拚飛四體乏毛羽初願旣已孤
轉計又中阻終當歸荷鋤隱約事農圃鳳凰雖苦饑鳩
鵲莫嗤侮神龍雖泥中蛙蟻何足伍揮毫破寂寞酌酒
笑起舞且待陰翳散紅日光下土

補雜體詩三十首 并序

梁江體陵淹雜體詩三十首彈倣古之能事極騷苑
之鉅觀矣所恨河梁贈答李舉蘇遺鄴中倡和劉存
應逸陸家二士龍不繼衡張氏兩陽孟不先景三曹
競勝獨刪老瞞諸謝畢登偏失宣遠爰不量力輒取

所遺爲補擬之亦如其數倣婕妤之思旁及卓蔡援
上人之例兼採支公邕固以單詞備式孟德以樂府
構篇是又別離咏扇之流也至若原篇所設訖於宋
賢融眺之徒驛及齊偶以淹視之實其後死充以備
體諒亦無憾但淹絕才驚艷妙極揣摩後賢猶且度
以分判察諸毫釐不無離合嘖有議論何況拙撰哉
於諸賢爲見刻於文通爲馳漆爾

蘇中郎 贈別

浮雲不自主終朝南北馳大漠多悲風吹我日暮時與
子昔歡宴同勉令名垂一朝時運改先後就彫衰貴爲
唐堂集 卷三十一 五言古詩一 十

春華豔賤作秋蓬姿秋蓬諒無根安得不紛飛越鳥有
南思遊子豈不悲努力各自惜畢此平生期恩誼盡
酒明發誰共持

卓文君寄遠

靈禽有良匹邕邕叶和鳴奈何拚飛去忽然棄平生鳳
鳥不變音君子不變心故人恩愛重風昔念同衾明月
在天上流水在地下秦蜀路非遙人心自相阻春風桃
李花綠葉對青枝願爲歲寒友偕老何不宜

班令史 覽古

楚王爲無道信讒誅黃髮并逮其二子兄收弟獨脫張

弓渡大江哀哉餓殍渴腹幹本豐肥胡能忍飢渴江邊
擊絮女懷貞語不發屈節前致詞幸復相存活恭進膝
前筭杯飯頗羸羸英雄免路殍感激深次骨頰焉面發
紅君子諒不察聊用拯窮困豈望私感切言畢身赴淵
以表平生潔奇行超人外昭昭比日月

張侍中 衛 歡情

今夕爲何夕華燈照芳樽潔手奉旨酒微軀以託君體
貌相齊匹問年亦適均相逢不相棄母乃違青春妾有
錦繡段君有羅綺文錦爲合歡被綺作鴛鴦衾被以覆
君軀衾以藉妾身風昔爲整設蘇合香芬蕙融融氣息
唐堂集 卷三十一 五言古詩一 十一

動爲懼難自陳明月流中天未夜不可晨亦愁肌體弱
變化爲行雲斯樂唯共喻莫持告他人

蔡中郎 邕 賦鳥

微羽有逸姿飛鳴葦苔間飲啄頗自適四顧天壤寬因
風來君園五色歌衆觀文彩雖騰越形神稍拘攣萬物
皆任運何況一羽翰卉木方向榮聊爲棲宿歡

孔少府 融 雜咏

天衢自遼濶白雲起逢逢差我泰山顛浩氣來長風欲
因風雲際專爲霖雨功周決無遺澤上與稷卨同二典
誌勲業皇天比崇隆惜遇非其時鬱鬱抱孤踪

握觥嘿嘿取荷容座上客常滿樽中酒不空願表丈夫節令聞流無窮

魏武帝挽歌

皇漢丁厄運四海以興戎殺氣兆風角蛾賊滿西東豈無秣時者播遷於元兇燔燒洛陽郭新鬼啼故宮百姓惟裁患所誤在爲邦露齒接道里不可容誰無親骨肉流離而路窮祭祀上邱墟時靡適從

徐文學 怨情

房櫳肅深沉寂寥無人語徘徊傷景光春風扇芳樹羅袂輕埃生鸞釵無復顧委自守空房君自在行路行行

唐堂集

卷三十二

五言古詩一

主

久不歸負我情與懷清波無游鱗晴霄無翔羽登樓望天涯常恐白日暮

陳記室 遊覽

晶晶天日高風光展開敞駕言出郊坰攜手眺蒼莽蘭臺悲秋氣羈人益增愴仰觀陽鳥翔俯聽陰蟲響爲備遭離亂立功貴炳朗區區守墳籍何足膺殊獎翳翳桑榆景催促成已往擇木有棲禽求魚在結網懷抱寄放遊迴風掉歸鞅

應文學 侍宴

蓬蒿有小鳥習習難奮飛願言乘春風舉翼上喬枝自

顧微弱質何足依陽暉際會得所託慚愧切鄙私小子汝穎士貧賤成流離叨承旭日照頓顙幽壑姿結交多上客公子酌金罍峨峨建章臺雲霞相映輝酒行樂間作重以瑤華辭遡問日旣昃懽心洽隱微芳風盈四座樂事千載垂

蔡文姬 悲憤

邇否人事屯世亂難自保禮義不蔽身時命天所造憶昔依膝下憐愛託皇考末途遭殄滅門戶忽如掃亂兵相剽掠敢復矜美好零落出中閨飄若風中草馬上別鄉土淚下沾衣巾同行諸女伴貴賤詎能分豈不各有

唐堂集

卷三十二

五言古詩一

主

懷患難同一身相泣復相慰往觀異域春微命亦何惜溝瀆恐無聞姓名聊諱匿家世恥具陳漢相如天德贖我以百緡故鄉固可念還顧二子存欲歸則棄兒欲留懼忘本一心而兩用腸中車輪轉纏縛千萬絲一朝強截斷割肉委之地忍心獨南返尋我舊井里茫茫隔前生同時姑姊妹雨散絕音形豈圖弱女子蹤跡如浮萍往來萬里塗夢不到神京痛定後思痛流淚紛縱橫此軀雖有託榮華不可矜寄語閨中質修德逢太平

應侍中 百一

鬼神體天道福謙且害盈江海能虛受豈與衆水爭人

遊於世途凜若履春冰奚爲當路子豪往殊性情仁義
實根抵富貴如流萍反謂迂者言躊躇昧所稱伊周黜
蓋世欲若韋素行借曰矜才美何以爲阿衡龍亢必有
悔聖人錄爲經搖搖風將至慎矣戶牖銘

傅司隸元夜思

秋序人易悲蕭條况遙夜風吹簾帷開延月入亭榭
墀蟪蛄語荒除木葉下涼氣感我襟喟焉棄杯炙中庭
步踟躕俯仰悟物化星斗參差間銀漢耿如瀉忽聞孤
鴻唳慘慄過我舍薄寒方中人微霜落檐楹陰陽潛運
移榮華坐彫謝修名恐未立流年逝不暇

唐堂集

卷三十二 五言古詩一

古

孫馮翊楚感別

秋雲拂行旌曉騎嘶長阜友朋恩義篤折此河畔柳人
生非麋鹿焉得長聚首幕府歡盡簪獨行違儕偶愴懷
始今日况乃別離後殷勤千里情盡此盈樽酒古人慎
加餐相期在蒼海壽筵有會合終當復攜手去矣勿復
悲悲來成衰醜

傅沈馬威贈友

昌朝開泰象茅茹連彙征彈冠追師錫聯袂嘉同升貂
蟬振芬芳珪爵騰光榮矯矯則陵公功德茂邱陵翩翩
王武子海內垂令名豈惟爲國植於我猶同生騁虞夏

在囿鸞鷟相對鳴野鹿徒嘯侶谷鳥念求朋言旋卽林
藪不遑陪廟廷翹慕形穉間天顏洞丹誠竊索親戚澤
得以遂躬耕尙當爲雷雨浩汗被庶萌庶幾效步趨爰
簡分餘馨

何僕射勅遊仙

鬱鬱蓬萊山澹澹滄海水雲霞溢曾巔日月行其裏精
氣所貫注出我羨門子騎龍遊八極控鶴瞬萬里渴飲
沆瀣漿飢來餐石髓登層求靈藥俯睨嘲徐市幾見冥
靈枯復笑彭殤死不知甲子數婉變方稚齒夙昔願從
遊汗漫自茲始

唐堂集

卷三十三 五言古詩二

五

張著作載七哀

日落天氣陰驅車下長坂莽蒼百里內夜色爲之滿邱
墳塞前途悲吟樵犢返三雄昔鼎峙誅戮日無算白骨
縱橫陳誰歟奠一飯江流猶餘血毛髮委蜀棧能令行
路愁駭屑寒風晚人生無根蒂何况日苦短鬼伯相促
迫國殤肆遊散生前急浮榮既死萬事懶樵唱勿復終
傍徨使腸斷

潘大常尼修禪

節往易感愴春來獨愉怡淥波如膏滑載陽行遲遲何
必溱洧間蘭芍相贈貽洋洋洛水濱傾城出遊韓芳穆

絡繹進繡幃縱橫馳道旁佳麗女珮舄不可思清歌鯉
出躍香草蜨交飛及時永娛戲韶光蕩無涯

陸浚儀雲代贈

錦水雙鴛鴦本爲連飛翼分離豈夙願時勢成阻隔念
我同心人對酒忽不懌房櫳虛窈窕枕徒晨夕牛女
匪未違何況暫行役幸自保芳華無勞傷遠客素書腸
所結懸爾鏡臺側

石衛尉崇邊怨

掖庭歲月短一朝迫行期生辭鳳凰殿騎馬交河滑綺
繡衝煙埃黃沙凝脂疇昔在文祿孰料此驅馳瀚海

唐堂集

卷三十一

五言古詩一

夫

流我淚陰山顰翠眉安能爲鳴雁隨陽復南飛昔聞高
太后和親賴宗支作偏雅不善遠嫁人痛悲漢宮千萬
人賤妾獨乖離幼爲珠與玉長爲塵與泥生活非所懽
常恐赴死遲魂魄不受約或因朔風歸世人寧我諒皇
天庶鑒茲

張曹掾翰春興

陽暉二三月遲遲麗中天穠桃既夭灼鶯羽何翩躚昏
旦變氣候風雨妬暄妍綺疏掩寂寞陌上散流連天意
有虧盈人事無萬全稿葉切秋恨落英爲春憐光陰促
盡滿斗酒娛目前名與身孰急逝將去時賢

曹司馬感舊

結交道已薄人意如濤波豈直死生異已由貴賤差主
父憾仕晚季子重金多廷尉但羅雀故侯唯種瓜情態
異涼熱使我涕滂沱昔與金貂遊今唯韋布過邂逅折
芳馨契濶吟樑華莫謂蓬蒿鄙金石猶商歌寄語雲霄
士塗泥當奈何

王散騎賈羈愁

昨夜微霜下今晨起鄉愁嗟我久西役不及水東流側
身望吾土道里阻且修水程少歸櫂登陸無行輶栗薪
伊可懷簡書切殷憂日暮鳴笳奏能令華髮秋

唐堂集

卷三十二

五言古詩一

七

袁東郡宏咏史

文詞推三閭武功誇伍員既使魚腹埋或令鳴夷殉至
今江濤聲日夜注冤憤大夫謀伯越屬饑飲餘恨王孫
力興漢鍾室以蹈刃成敗總隕身興衰任國運委身而
事主仕已奚喜慍但求聲名垂灰燼固其分

支道人道讚佛

麥秋祥風至花雨滿珠林鐘磬發靈響獅象奏妙音巍
峩釋迦佛生辰屬在今法雲簇五色結跏坐其陰莊嚴
百寶相彌天相照臨芬馥吹青蓮璀璨開黃金揚眉明
珂雪轉喉流唄吟十惱既破除三明亦研深拈華迦葉

笑說法震旦欽優曇耀綵碧靈鷲尊嶽嶽香煙結空界
梵語清人心齊志皈彼岸賴以免浮沉

謝豫章瞻飲餞

西江茂牧伯南樓劇懽宴雙帆分修途百壺共芳餞圓
臧麗肩欄輕霞度崇院繾綣風月佳躋躋湖山變驪駒
發水滌丹鳳迓京縣聚跡念呦鹿差羽感頗燕襟袂悵
今離顏色記後見上客蓮仙班賢主鎮雄甸內知聖席
前外慙仁風扇忝竊廁同寮握手厯留戀歌詩慙吉甫
當筵聊用薦

王太常伯達答贈

唐堂集

卷三十二

五言古詩一

六

西京重枚叔鄴下尊仲宣高文足華國鴻筆能揆天近
世誰方駕夫子實齊肩妙手纂繼組雕鑽窮華鮮開緘
對瑤什百朋投我前榮光溢几席香風生簡編陰雲迴
陽煦寒谷起春煙弄以白玉筍薰以黃金茶百過相顧
詠出口珍珠圓藉非好我甚子墨豈曲傳鳴蜩效鸞音
鉛刀逐龍淵何必有耳目始能辨媿妍

范詹事肅扈遊

山川麗霞日草木熙陽光物盛天宇濶境靈地脈長一
人美遊豫百爾集冠裳繡卉扶輦道玉露零迴塘禽魚
希靈囀簫鼓準長楊攜酒錦鸛煖淩波畫鷁涼和鈴響

花外繆旒自飛揚小臣際盛遇勉陪明良翰墨慙賦
藻枯杓霑醴香勝事難殫述拜稽誦無疆

王中書融郎園

勝地隣鹿園賢藩剖鳳治風攜梁苑清月引蘇臺結寒
懷攬芳煙緣波摘春藻聲知黃鳥嬌鱗見青松老金碧
成繪畫陂陀入賦藥樓藏仙真跡登轉蓬瀛道斯夕樓
此中快焉展懷抱

謝宣城朓郡齋

爲政不辭拙簿書多從容既見霜卉繁復覺寒日融崇
樓延煙景廣庭少吏蹤陵陽爲列屏敬亭入疎窗頗忻
唐堂集

卷三十二

五言古詩一

九

泉石致兼攝軒冕中何用臥巖壑始與嘉逕同憑闌周
四望歲事知稍豐禾菽登場圃春酒樂我農治化積基
月愧未臻淳風

咏懷

東海有膏土沃澤生青楊雨露培其顛柯葉扶其旁
久土膏竭童然在荒涼豈曰無同根翻成扶杜傷培植
已無主所遭皆斧斯霜雪况摧壓安望遷春陽徒守松
柏心肯入桃李場

寒夜

落日暝雙扉脩然謝塵俗東方寒月色墮影在牆尚庭

柯無榮萎風靜轉淒肅仰觀瓦上霜側聽鄰右柚澔然
念無衣卒歲計局促世態奪氣候一時變涼燠幽懷匿
深夜天日不我燭哀吟動棲禽磔磔起圍竹

唐堂集

卷三十二 五言古詩一

三

唐堂集卷三十三

華亭 黃之雋 石牧

五言古詩二

蠶女

浙中盛蠶事吾邑無之
故作此詩歸示鄉里

纏綿身上衣辛苦千萬緒鮮衣盛服人聽我歌蠶女蠶
女十六七嫁夫結鴛侶作家甘勤劬歲寒秉機杼三月
蠶事起樹上黃鸝語妝成不出遊垂簾理筐筥蠶生先
後齊蠶飢當啖茹金環約皓腕采桑往東墅道逢遊冶
郎低鬟首不舉還家剪綠葉哺飼順時序圍爐溼氣驅
密室旁風拒颯颯食葉聲急雨響蘆渚忙月倩女伴助來

唐堂集

卷三十三 五言古詩二

一

蠶事者俗謂之忙月相助為黨與嬌軀本羸弱勉奮腰膂繁紅
枝上稀不知春已去寢食於斯實養蠶家呼何暇相延
佇三俯三起時插簇一尺許微蟲競効命吐絲自藏緒
數日繭乃成滿屋白滑滑桑根釜下炊繭子釜中煮纖
手抽不遲併合五六縷牽引上繰車軋軋無所阻宛轉
動清響家家弄新暑新絲皎於雪十倍麻與紵蛾蛹為
夫妻拍拍相狎處產子實蕃息浴種藏善所促織鳴東
廂流黃照秋炬織帛已成疋寒來不愁禦西鄰養蠶婦
衣裙敝縈苧借問何為爾蠶月運齟齬苦繰一筐絲賤
價售商旅本以完官稅豪右貴通精公私償不足且用

飽吏胥叶上聲一絲不到身奚望篋笥貯同力蠶桑務脈脈受酸楚霜風遠相尋淚下不及抒

遣緒五十韻

孟夏風日佳碧宇淨如滌鮮砌延清芬蕉窗鎖閒寂霽情如春蕩爽氣似秋滴榴英吐新嬌衫子紅的的梅實裏新酸羞澀未耐弊艸薺匝地開離離五色鵲樹午萬籟靜牆角起喧闐乃是三四鳥振羽花間敵不知爭何巢無乃護餘殂坐變嬌啼聲咽啁樊樊續續飛出牆知我愛幽閑黃蜨翩然來殷勤若相覓記得桃花遶夢中與爾覲無言但飛舞舞過綠垣甃綠陰亦以移青蟲

唐堂集

卷三十三 五言古詩二

二

亦以趨脈脈感微吟有句其誰摘賤待何人分鉢復無與擊宮端往迎 鑾吳閭至無錫艸莽恭賦詩集唐煩悵適未敢獻 行在追隨擢江艦唯日對學徒經義相辨析不辭督課勞慙未奏微勸臥閨邊詔笥行歌魏武檣簾垂遲日過門響迴風激愴兮忽不怡案頭檢時歷出門日已久內顧心轉感辛勤仗婦健仰事衰母嫻厨下桂難蕪市上玉難糴未知炊烟中何以充晨浙阿度讀古文疑與可搜剔膝患倘未痊藥枕愼餘瀝阿音亦稊贏莫嫌塾舍逃口吃誦論孟曾否清歷歷阿才甫識字姿貌潔白哲念此三雛者哺飼兼訓遺未知吾伊中

何以免飢怒通稅况及期其急同霹靂未知空囊中何以應縣檄篋諒無可搜釜料不煩櫟應難賴麥秋或者荷紡績羅衣典已盡絲葛貴阿緡何物成單袷天氣漸炎燄圖蔬誰灌漑庭蔓在瓦礫過此櫻笋候月令又鳴鵲空局未有基蓮子苦藏葯強近徒期功貧賤豈親戚愁予四方志寸心碎如春花下嬾銜卮月邊怕聞笛朋聚雜歡笑人散動憂惕遺緒如蠶絲抽繹滿東壁

感興

明月不自愛狼籍照我帷窗櫺西向斜漸覺東向移遙夜轉乙丙幽懷長與隨可憐一寸心愁苗種千絲夢苦

唐堂集

卷三十三 五言古詩二

三

向牀訴淚酸惟枕知筋骨本脆弱何忍見戕摧一身憂所都無計相攻治達觀有莊列逝矣不可追

潘氏姊妹雙節詩

姊過徐蚤寡無子姊適張生子一月而孤同還母家守節

一川畜清源孕出珠與玉一壑凝寒威鍊成松與竹富林雙貞女皎若二曜燭駢柯苗一根勁節壓兩族同氣亦同命唱和吟寡鵠徒勞父母嫁仍就昆弟蓄依稀小年時深閨相徵逐而無團圓歡暗淚分所哭非無雕鳩匹雙雌竟同宿非無鴈鳩心孤雛互相育冰霜聚作堆萬夜浸衾褥直是鑄兩鐵豈曰骨與肉江東大小喬金華釀吳俗天壤得二潘春妍化秋肅

答寄顧良哉

結交貴忘形文章貴有靈顧子兼得之卓爲我范型細
昔子與予南北棲滄溟百里阻秦蜀文字作五丁秋蛩
夢或遇春鳥嚶可聽何當一傾蓋清言洗時腥邂逅孔
子宮聚跡如聚萍并識哲兄面玉立雙亭亭以一而得
二自忘其伶仃道義照肝膽至今心勒銘飄飄爲飢驅
散跡如散星暢叙天所靳聲歎難數聆昨過京兆室几
上光晶瑩就視是君詩懷我揚孤聲袖致瑤華歸糊讀
座右屏豈無懷君詠筆札無勁翎安得傍文窗化爲照
書螢

唐堂集

卷三十三

五言古詩二

四

宣城梅淑伊投滿聽樓詩賦贈

北樓景元暉敬亭細太白風流卓千古騷雅此其宅山
川通白雲翩然遇嘉客恍登滿聽樓風雨起瑤席斯事
屬君家都官美無敵淵源深以遠沿波討三百崇蘭出
芳芽高岡孕良璧吐采爲雲霞光儀乃四射習習谷中
鳥嚶鳴求其匹長離一顧盼搶榆欣鼓翼

陳峻齋儀部招遊西園觀荷三首

歎雲蒸太虛西園隔紅日神往心已京矧復履其室略
約通廊迂植欒蔭階密埃堦杳不到衫履復何必一身
生香中頓覺炎氛失水風翻綠衣淩波豔妝出洛神不

見穠湘靈不聞瑟坐久知菡萏臉際麗無匹幹却脂粉
姿媚作冰雪質我欲從之遊所愁泥沒膝詎忍采蓮花
聊與采蓮實

蓮實何暑柯嚙之齒沁香竹風亦蕭疎披之腋生凉不
知屋梁外何處流太陽主人最愛客茶瓜繼酒漿列坐
雙楸枰兩兩分封疆以爲銷暑謀兼作藥倦方曉藹金
塘東梧陰如繖張樓臺亞嵐翠簾櫳縈波尤身爲蓮花
牽諸勝歷未詳蟬嘶境逾靜魚戲機相忘始信方蓬瀛
一日兩日長

日長亦西匿月望未東吐窗窗豁玲瓏面面撒屏樹尊

唐堂集

卷三十三

五言古詩二

五

疊羅當中碧簫勸賓主豈但予滯留酒徒添四五頭濡
大戶喧拇戰深杯賭荷華暝侍旁若欲笑起舞嗤彼後
來客聞香目未覩忽覺侵坐寒遠聲到風雨蘭釭焰欲
滅荷葉響可數老樹憂修篁颯颯震一圃四顧天地墨
疑在曠野聚此飲擅奇絕河朔不在古

平山堂

順州橫蜀岡仄日下平地頗覺光景促不憚筇屐勤巍
巍平山堂登椒幸一至歐陽疑未遠堂前有高位許我
賓主對不則弟子侍南望江南山環堂貢蒼翠右渝第
五泉左矗大明寺風流變陵谷月明少歌吹蕭條隋大

業寂寞杜書記唯留少師跡所傳山水意我遊燭未秉
光黑碑上字疎林度昏鍾寒衲渴宵睡揖客出門外雙
闔杳深閨隔斷秋高中如從碧空墜

渡淮

莫讀嶽瀆經曾識淮神狀其貌略肖猴其力遠踰象白
首而青軀肆與大禹抗大禹命庚辰一戰扼其吭械寔
馳山足淮流始無恙繼聞李唐時鐵鎖動層浪牽出千
尋淵神氣稍頽喪矇若睡未醒腥涎不可向橫目忽怒
張割如礪礪亮迴身踏波去千載滅形相我昔未渡淮
意謂險無量今來皆安瀾蘆花映秋舫上水雖遲迴中

唐堂集

卷三十三

五言古詩二

六

流頗恬暢明德溯夏后思波沛

今上翠華頻洩止睿慮出獨劍南幸兩河翕東之百川
障陽侯馮夷徒頽首效歸嚮矧此怪物潛欲逞復何望
行人擊楫渡商女扣舷唱明月萬古流與秋互搖漾

舟行漫興

天意不爲薄念此秋中人一路垂白日輝光伴我身不
知寒氣來但覺舟生春盤迴充徐境頗與山水親白雲
冠連岡澄湖皎圖潯羣鳬蔽洲黑帆過警不馴敗葉想
芙蕖漁艇行敝敝平原歇芳草黃犢散已頻翳翳十里
陰官柳搖通津望之浮綠煙誰云霜降辰水村皆入古

津市亦爭新山左今有年詎比曩歲貧小戶飽魚蝦華
屋饒蛾螭悠悠道旁子鴻雁爲主賓常恐西風至木葉
飄河濤爲客心易悲行路味多辛努力愛光景毋爲負

青旻

謁仲衛公廟

在任城南四十里仲家淺

含乳讀魯論衛公我所師安得千載前相對展鬚眉飄
飄到東魯始謁夫子祠門前寒水流屋上靈風吹虬柏
蔭廣庭龍章揭高楷升堂拜稽首陟降儼在茲剛氣本
浩然宇宙藉網維生爲素王輔學術無寸施脚躄荒津
口蕭瑟旅眠時滄溟不可渡吾道誠何爲木戟與蒲弓

唐堂集

卷三十三

五言古詩二

七

貽孝令人悲

仲子崔報父仇事見師覺授孝子傳

垂冕旒爵上公何足榮毫釐夙志在高景門牆幸不麾
瞻戀未能去坐令揚帆遲

題吳季子挂劍處

在東阿之張秋或云在泗州此傳會也

涼風肅古樹葉滿徐君墓枝頭劍已無行人尙迴顧至
今一抔土生草亦劍形地生劍草亦名挂劍惜我逢秋霜不見
頭青徘徊高臺上白日與影語古道非面朋寸心向誰
許魚腸殉閭閻屬鏤賜伍胥吳劍久已辱寒芒此不如
列國多佳士願識吳公子徐君失其名因依今不死我
行齊魯間相識無一人牀頭劍鏽澀剝蝕生埃塵

白楊

何處見花竹愁人多白楊陰陰墟墓間閃閃叢祠旁
穢葉相戛蕭蕭聲作涼千里悲風來齊魯非吾鄉行舟
悵長川泊岸悵夕陽客心無俚賴倚樹以傍徨

病寓泊頭鎮陳院長書來賦此却寄

孟冬寒氣烈弱體蚤見侵爰與牀蓐近不知道路深舍
舟卽陸時疾病正昏沈同行爲我悲相顧淚霑襟假館
事醫禱良友姓若竭悃忱雖覺徐向瘳俛仰內傷心住
且置囊篋行復畏崎嶇俄聞京使來如獲千黃金入將
主人命示我瑤華音知寒貽以裘知羸餽以篋枕上起

唐堂集

卷三十三 五言古詩二

八

稽首高厚敢不欽昨受醫士戒慎勿爲詩淫此夕啓雙
魚油然發清吟矯首溯北風恨非兩翼禽踟躕不能寐
燭花照孤衾

周寒谿太史惠投印須集賦贈

諸體皆委流五言滌其祖漢魏晉宋來作者炳可數有
唐起陳李龔鋤入先矩杜陵肆渾灝傑者追樂府頗疑
歷下言謂唐有其古持論毋乃苛詎能厭李杜昨諷印
須集筆歌而墨舞登涉探性靈楮穎畫風土三千里煙
雲約束字唯五鐵堂石櫃間孰辨非工部走也來京師
秋冬圍檣觴紀行有萍歷欸乃河之澣其篇逾百十其

體錯參伍嘿嘿慙巴飲遲遲就郢斧長城屹當前偏師
竭三鼓

投贈查悔餘太史三首

雲日天所著彩藻終古新葩卉地所作生態環秋春人
文麗兩間雅南振先民代傳本無盡在火豈在薪國
朝倡翼吳變現李唐身新城曰予責隻手開陶鈞詩脈
續不斷先生超其倫

羣倫無異形所異在靈府磨此一片心饒文利斤斧少
壯志踴覽天工仗筆補翩然翔梧庭采采振鳳羽聲華
九重達光儀萬丈吐瓊頰欣同朝勛勦競援武彼蒼嗜

唐堂集

卷三十三

五言古詩二

九

風雅奎壁聚庭戶

未戶敞京洛贊文者如雲或以錫就冶或以璽待斤嗟
予羈旅賤名未沾齒芬有甌不勝覆有硯不勝焚雷門
發噌吰布鼓聲不聞挾冊今何之飢渴願方殷安得雕
蟲技寵以雕龍文

寒谿索咏蝦蟆石用昌黎韻

造物呈匠巧斲石肖蟲貌取諸神意間不在纖悉較股
脚箕兩褊腹背磊羣炮困蝨頤脰縮勢欲奮泥淖蹲踞
無跳趨嘿嘿少聒鬧懷土夫何爲說法未可教來與硯
滴伍坐寐不知覺我飲太史齋日落燈燄爆摩挲以示

予乍疑出池校魚有辟蠹功蟹有治目效零陵鸞翔翻
南海蛇枉撓地骨幻衆生以供人網罟此物似尤酷慕
寫豈但稍得之湍激中洵屬知者樂什襲等印鵲索題
媿管豹鄒枚賦長物惜不遇梁孝曰產蝦蟆晤吾欲理
楚樵

辛卯歲秋將適粵西答陸勉之送行之作

落葉風與飛浮萍水與流豈不偶聚合蹤跡難自謀
子甘依人中懷集百憂忍心遠骨肉強顏對朋儔與君
隔吳越傾蓋由薊邱謂當同所趨方駕雲龍遊皇天虐
寒峻鉏耨等冠雉坐令春榮姿紛紛墮涼秋君年尙及

唐堂集

卷三十三

五言古詩二

十

壯一敗奚足羞南鵬六月息燕駿千金求京洛有舊友
薦雄豈無山嗟予爲飢驅身輕如浮鷗桂林豈云樂道
里方阻修赴之如赴家江南夢悠悠筆馬出國門吾去
子獨留人生非鹿豕而能長聚不慷慨腸自剛忽作繞
指柔因君渭城曲生我別離愁

寄謝皆人

別君數千里一昔夢見之依然宣武門把臂送行時覺
後問明月去來俱不知

寄儲禮執太史汜雲孝廉昆季

昨予燕市遊非以銜駿骨欲尋慷慨士悲歌相激發古

人渺不作千載風流歇同心二三子聚散復倉卒雍容
廟堂器接武在纓笏自顧非其人去若避箭鵠天匠斲
巖洞秘巧藏百粵留待好事者筆力搜突兀蕭蕭易水
風吹我萬里軌駢馬以北望青雲浮金闕念我素心人
夜夜共明月勿謂踪跡疎相思路荒忽

信陽州用杜陵發秦州韻

夢改爲道路謀行行不得遲馬首信陽州山
路雜凹凸天氣兼冬秋登陟頗朗暢惜少巖壑幽壤境
接南服風景荒西疇人煙渺何許名勝無可求求蔭路
無木求渡溪無舟不知千古人胡爲嗜遠遊作客鬢易

唐堂集

卷三十三

五言古詩二

七

白苗若春草稠得意隨境樂失意隨境憂不見金臺邊
獻策羣見收白馬黃金鞍燕玉相款留同是天所生奚
獨命壓頭萍蓬諒無蒂隨風自飄流不如攜美酒到處
堪拍浮大醉看紅日晴空去悠悠

新鄭古槐

左關侯祠內

靈祠蔽寒莽古槐肆擎攫五龍蟠其顛六鼇指其脚晴
天曠陰氣况復日西薄瘦突銅色青膚立雷燄爍中空
而有物風曩露獐惡翹負六尺碑嵌巖樹中著剛堅勢
欲出不肯受束約碑爲樹之腸樹作碑之膜歲久雨露
滋生意轉磅礴枯皮長腴肉包石以爲橐一面幸猶缺

捫字識其略云自前朝時魃爲許鄭虐有令禱此槐
靈樹間作滂沱集頃刻百里療焚灼再拜號曰神銘功
事刊鑿嗟彼衣冠子草木伴榮落我我神槐尊操此造
化鎗年壽遠曷稽狀貌偉可愕老衲敬守護過客慎談
謹不然風雨中拔地入寥廓

獨秀山

怪哉獨秀山筆立五百尺四面削作方一骨聳而瘠團
結旣渾敦堆皺頗劈劃根株深幾許出土若筍坼更無
旁峰緣但見沌石積不知造化初誰矧此奇格女媧補
天時曾鍊蒼黑石意者不中裁荒微供一擲不然奠地

唐堂集

卷三十三

五言古詩二

七

時鼇足爲柱碣意者地脉薄撈破出一隻我來遊其下
恠鬼神跡鼓勇試一躋磴齒僅銜舄如行螺殼中愈
轉愈逼迫如登浮圖上盤旋造其脊遐攬巖列屏俯矚
江繞帛園屢儼圖畫隴畎類茵席所苦山頂狹舉步愁
踟躕目或不敢縱臂亦必須掖下山勢陡峭儼捷誇衆
客我既平地坐客尙半山隔巽隅敞巖穴大於一畝宅
郡守顏延之於此誦墳籍千載令人慨風流幾洽草歎
惜此瑰奇岑寂處荒僻

桂山

卽五
絲巖

疑是渾沌初洪波盛層浪剛風吹腹堅杳作三青嶂突

兀平陸中魁堆孤城上連巒忽破碎斷岫迫倚傍寺門
補其隙磴道斲巧匠折旋出殿陰洞口哆巨吭陰風濟
虛竅暑遊思挾續鞫躬委巷行一曲穿朗暢洞背豁門
戶哈呀正北嚮馬殷此築臺蕪沒起惆悵後人無坐處
煙霞負供養怪石勢將落骨骼太奇創側視築綠垣對
面轉屏障修江從南來春風綠微漲愴兮而忘歸此中
兼輿曠

棲霞洞

在七
星巖

生著幾兩屐此洞殊未經帝儵太逞巧鑿竅穿瓏玲設
待萬里客逍遙駐遊軒縛炬以當日始入光未熒白乃

唐堂集

卷三十三

五言古詩二

七

生於虛耳目紛眺聽石脉結鍾乳歲久皆下零二里沿
曲折百幻模儀形如魚躍層波如柳插淨瓶如犀仰望
月如鳳俯刷翎如獅體黑白如馬身丹青如佛坐蒲團
如女窺畫屏如設禪榻穩如曬魚網腥如櫻復如荔果
威羅窺隙如罽復如毯纓絡懸窗櫺如蟾狀皴皴如磬
聲琤玕又如蕊珠榜高張於廣延又如須彌山倒挂不
得寧擬洞中百景寸步異燥濕折旋殊徑庭杳然昧前
途導者費吁嗟滴如千厦微窄如重戶局高如仰蒼昊
庫如入幽囹縱足不數武歛抑何玲瓏戒心在潭壑龍
潛如蜺蜺當其寬廣時四望俱晦暝束炬光不發照身

如秋螢石痕皆波濤洶如泛滄溟湧洞出陰氣幽昏洞
日星天門誅蕩開凜如遇仙靈徘徊願此憇學道延長
齡我友不同志急走無暫停謂當青天中何久處冥冥
豁如夜初旦隙光射簷瓦繞出仙人田流水縈半汀石
梁當我前出洞風泠泠回首不可思悵如春夢醒飄飄
衣袂濕猶帶烟霞馨不知人間世階葉換幾莢

劉僊巖

策馬出南門土塚何纍纍何不學劉僊餐霞噉紫芝僊
人名仲遠白鶴當馬駒飛去六百年遺跡峙江湄洞留
雲房址巖虛丹竈基我來悵已晚竹樹風參差白日靜
唐堂集 卷三十三 五言古詩二 十四
空山蕭條難見之道人太真樓雙髻古須眉酌我園中
茗示我崖上碑導我舒遠眺山山拱怪奇引我窺幽踪
穴穴生然疑仰瞻高峰顛徑路絕屢屢御風彼何人我
獨不得追塵鞅困道念安能此棲遲

白龍洞在劉僊巖後

其陽仙所居其陰龍所窟石穴穹以幽想見龍出沒作
其鱗之而石膚剝凹凸痕猶挾雷雨勢尙翻溟渤攫石
如攫泥龍力故超越此其飛騰時暑爪之所搯我來畏
久留四顧惘荒忽曩龍倘來歸縮胸幻軀骨嫌人笑語
聲無乃起唐突屏息出石戶神氣慘不發南溪水涓涓

晴雲色青滑暢然怡我情春風吹短髮

舜山

濺濺皇澤灣戕戕韶音洞迢迢珠邱雲杳杳湘瑟夢蕭
蕭竹枝寒設設松影動再拜帝祠下默默立僧衆上陟
南薰亭嵐氣微書棟倘聞風雨夜靈來五絃弄歎息猶
命夔飛揚想儀鳳徬徨倪軒輶江流瀉春凍仰視高壁
巖羽翼不可狃嬖嬖懸崖間鮮碑略堪諷攬勝我所急
山水軼禹貢東望有堯山逝將騁遊鞍

隱山六洞

山水有顯晦冥冥司其權天心惡靈異湮鬱唐以前李

唐堂集

卷三十三

五言古詩二

五

渤經營初名勝遂爛然澄湖繞廣麓華榭羅高巔尊俎
盛賓幕笙歌集妓舫不知何王代廢湖以爲田忍令六
洞奇寂寞委荒煙駕言出西郭訪古諮執鞭誰識隱山
名姑往搜洞天駭辭出數字廢基無一椽峰巒尙怪峭
巖穴仍幽妍朝陽既東開夕陽復西穿俯側窺白雀瓏
玲豁嘉蓮南華滴清波北牖涵淵泉門門各分嚮中有
暗路連惜無束縑資遂慳深入綠山靈解留客客去猶
盤旋胡爲此邦人節屐久棄捐俛仰發深慨因之私自
憐遭際人所爲奇蹟終不遷

水月洞

灘山如象鼻，蒼洲沙相對。下有清江流，放艇逼蒼黛。塢
來水勢縮，齒齒白石礙。拾級緣嵌空，水月洞宛在。誰歟
運鬼斧，玲瓏鑿大塊。規圖肖陰隲，穴竅透山背。穹嚴冒
其顛，宛轉作橋態。漁舟避風雨，可廢十數輩。宋時石湖
老遊此，乃醅愛每乘江漲入。如坐捲蓬內，水風生陰涼。
一吹炎暑退，劉壁誌歲月。蘿薜蝕不晦，蒼洲柳記傳亭。
榭今已廢，此洞儼豁開。近郭可津逮，慎無縛塵鞅。不來
後貽悔。

還珠洞

在伏波巖下

矗立伏波山，空根罅爲穴。哆口灘江濱，以受江水蓄摩

唐室集

卷三十三 五言古詩二

去

豁敞房寮穹，圓印環玦石柱。指其頽著地，一線截二蛇。
頗未肖，徒能學蟠結。記云新息侯交趾，翦叛竊薏苡。載
滿車明珠，起誣譏。過此盡傾擲，冤恥庶昭雪。功高獲疑
謗，怒皆到。今裂宋時擅名勝，風流在碑碣。石壁鏤字深，
龍蛇走坳突。每年鄉貢士，於此餞行轍。尊俎山水間，古
趣超且別。今人蔑視之，恣爲樵匠褻。喧呶運斤鋸，狼藉
堆梯屑。悠悠山水情，曠焉失怡悅。昨遊壺天觀，在屏馬
通肆汚涅。亦入南華洞，在招隱山若爲菜傭設。遂令造化奇
隱隱遭玷缺，情無守土權。快意一振刷。

堯山

桂林山多骨，厥土唯堯山。綿亘出雲雨，太古高孱顏。出
郭二十里，歇馬松聲間。鼓勇奮我足，揮汗力不孱。巖腰
野花垂，猩紅錯紫殷。懸泉若紳帶，瀉澗鳴淙潄。巖石
磴濕指履，不得開上陟。謁堯廟，老衲斜趺班。嚮聞兵燹
後，此地叢神姦。白晝獵劫人，昏黑虎往還。此衲年少時，
趨健能翹關。持刀逐猛獸，制梃撻悍蠻。保護十笏地，不
復委茅菅。廟前天子田，計畝直一鰲。平時搖新綠，不知
水旱艱。靈源爲灌溉，類笑童阜頑。他山紛獻奇，側媚擁
煙鬟。顧此若曾祖，各就兒孫班。

粵中送范耕南旋里葬親兼寄春江澱山

唐室集

卷三十三 五言古詩二

七

相契膠與漆，相思兼與葭。舊雨隔萬里，相逢在天涯。開
口吐離懷，空涌出齒牙。有時嘿無言，相對窗月斜。知已
聚斯夕，在客如在家。穆穆孝友風，披拂到荒遐。同有風
木憾，蓬轉每自嗟。先人未窆，交心痛難搔。爬見君今所
爲，胡能不美誇。著鞭每先我，倏忽脂行車。秋風吹遙山，
薄日照幽花。嗚嗚南雁飛，子影愁棲鴉。羣季相問訊，道
予雙髯華。

送朱江佩

男兒貴特立，依人非本謀。當其未得志，出處豈自由。家
鄉雖云樂，飢來驅遠遊。山川雖云樂，羈旅懷百憂。君心

吾所知他人謂何求粵行半歲餘詩卷塞扁舟小半誌
勝覽大半訴旅愁丈夫貧賤時何往無悔尤所賴得賢
主相忘在遐跡歸計何促迫不住乃掉頭古之河梁人
傷心相唱酬去住各努力別淚安足流

紅葉

生平見紅葉蕭瑟意所關況此江上楓迎我瀟湘間孟
冬霜殺草蓀茁同茅營鬱鬱林中樹妍姿弄朱殷天染
楚江色以壯遊子顏削岸石怪峭瀉磯水潺湲滿眼皆
離騷風日幽且閒謝爾林巒意殷勤送我還

癸巳歲五月再往粵西道出嚴衢用康樂韻三首

唐堂集

卷三十三

五言古詩二

大

東姿暗岑寂人事拙驅馳處則萎遠志出則號子規胡
然蓬蘽質偃偃適路岐種學藉紙田汲古鑿硯池出疆
載何物江舸勞遷移歸途憶富春歲暮霜雪垂山水綠
太重條忽復至斯流光擲道路貧賤輕天涯行役豈云
樂勿使嚴陵知

凌晨逐浪征薄暝傍煙歇義輪何所迫皇皇事出沒晴
暉燦江介濃綠照蒼髮薰風解客心每從帆際發川巒
溯三衢草樹繁五月故國已遠吳前路漸辭越元豹違
南山丹鳳阻北關隱顯雨無與身名付悠忽縱有登臨
歡勝遊安足伐

浮雲蒸四山釀雨濯炎暉涼生煙樹中樵牧猶未歸石
瀨太清淺遊魚何細微翕蓬隘所眺屈首藏陰霏同行
三四舟密若昆弟依天宇濕不斷幕我舫中屏坐令咫尺人逾若千里連嘿嘿領爽氣霖霖難逆推

舟泊南昌夜雨同雁黃上人談

雨從西山來訪我到蓬竹作陣有輕重叶風爲斷續水
涼拍窗進陰氣昏短燭不知城柝深但覺爐燼速旅泊
人易愁吐語雜歌哭胡爲迷禪者了不生感觸朗吟得
意句體適若在屋顏影澹深夜雨歇話未足

徐叙九擬攜檻滕王閣不果其夕招飲舟中值暴

唐堂集

卷三十三

五言古詩二

五

風雨

地主違闕公印友獲徐穉置舟南浦間最得秋水意何
妨舟代閣片篷攝遙翠一幕幸借天四座不踏地江山
眼中景不待拾已致黑雲藏妒心忽催落霞避忽挾怒
雨來忽挾顛風至船窗不暇掩頭上過萬騎照人仗隙
電燭滅濕紅淚神靈闔兩舷盛氣不可制疑鑿篷背入
來看我曾醉我曹自聚飲何預天公事直可令髮白豈
唯使心悸坐客且勿悸餘涼滌炎熾既足勸夜酣復料
妥宵寐子安吟秋筵此景寫未備

一葦

一葦虛其中葦葉裹顛末縱之漣漪內風吹如權撥有
蟾懷遠征穴葦以爲閭窺明窺兩傍逼仄失軒窗時運
當三伏湘楚驕女魃日煮水如沸一葦困炎渴蠕蠕聚
數蟾細香細可振諒既非胡越中况有瓜葛同病相矜
憐胡能復噴喝旋轉規泰地奮擲難自拔唯苦眠食艱
詎知雲水濶庶幾夜釀陰或待雨吹冰延緣出葦傍暫
從涼處活

予自四月辭家赴粵既歷閏五今六月尙在途中
悵然有作

月令雙逢午歷頭三換朔四時失其一舟行殊未覺光
唐堂集 卷三十三 五言古詩二 十

陰閃夜電憐忽不可捉人生幾寒暑棄擲豈堪數烈士
懷壯心方寸起五嶽借曰山川佳何暇往振濯山川而
能語知且肆評駁廊廟亦聘珍林泉亦完璞胡爲老行
役精氣徒自斲

黃昏暴風泊舟大江口

油雲發濃黑天額抹廣帕載龍以爲陣颺輪四激射望
之千里遙忽到目睫下欲掃羣山平喝浪使倒瀉竹樹
嘯萬鬼陰氣聚悲詫聲混百種奇色染十層夜與天隔
片篷出恐壓龍膀一濟衆竅虛淒寒不成夏風過月來
喧艱難走雲幄

兵書峽 在永州東安縣

危壁削峭鐵脚入水橫插標致頗詭奇問是兵書峽書
飛黑鳥跡劍脫白龍甲石罅坼一線二寶併在匣藏自
武鄉侯親手署封押後人儻竊窺怒霆起一霎聞言俱
莞爾天量何太狹三國况屬吳不奉孔明制陣圖及心
書萬古著兵法豈有他秘巧尙煩蘊遺策長嘯不置聾
聊與泉石狎吾欲耕白雲借此耦鉏鋤

甲午歲人日登疊綠獨秀諸峰

粵山小而銳其味若橄欖酸澀中有甘未厭百回嚼茲
山入我目不知幾眺覽陟彼頗艱辛久乃豁心膽煙雲
唐堂集 卷三十三 五言古詩二 十

匿天末刻露不及拚嶺表氣候先春原綠如毯旅人驚
節物能無發深感訪山若訪友相對慰願領不憚屢命
駕交情永以澹

桃李花

人穀春甫新桃李紛媚客花花相對開脂紅而粉白我
生四十餘歲寒迫松柏春華亦不榮秋實亦不獲桃李
何太蚤松栢何太遲搔首問青天天對日不知

答毛進士姬潢三首

扶搖不在天近在桂山下桂山天所躡以備賢者顧清
廟明堂人民社待甘澍暫以六月息來闢茅塞路桂出

夜有光愧予隔煙霧

桂霧何霏霏灑水何淙淙灑水頗清淺安能及越江百

川使東之源出太史公西河先生傳經敵四庫著作妙無雙

家學爲國華華掌奚足容時主華掌書院

華掌久居黑忽多弦誦音時雨灑春風散入草木心有

叩鐘則應聽我瑤華險遂令萬丈光自粵照江南燕石

慙不貴曷以酬美環

湘水

昔來湘水淺今去湘水深水淺舟楫艱清徹悅我心水

深色皆濁行舟無滯淫物理鮮兩慳是非移昨今

唐堂集

卷三十三

五言古詩二

主

唐堂集卷三十四

華亭 黃之雋 石牧

五言古詩三

路舒馭招賞菊花以采菊東籬下爲韻五首

皇天埋瑰姿不使發春蕾何以久寂寞仰詒造化宰黃

華秉正色詎受妖女採秋亦天之秋欲待姑即待

月令載鞠名鞠卽今之菊鞠以窮取義宜不入暄燠涼

秋衆芳歇一替治遊日始於風塵外物色到幽馥

菊笑種菊者覩自比陶公屠狗卽舞陽沽酒皆臨叩求

不媿騷雅聽雪軒之東其次招隱處頗足柴桑風

唐堂集

卷三十四

五言古詩三

一

吾坐聽雪軒舉酒酌霜枝對之一慟哭開花欲媚誰歲

晏天已老始弄十色姿不遜於空谷甘心寄人籬

菊曰主人賢綠尊紅燭下士爲知已死女爲悅已嫁皇

天厄我遲遲榮亦遲謝萬物各有時努力莫悲詫

刈圃中草

勁草欺我弱公然豐一春奪我瓜壺場桀桀高隱身梅

雨壯陰風潤澤相鮮新雖當夏長時胡能庸我仁呼

厲雨鉏刈爲百束薪坐令蒼蔚區曠若熨斗伸位

嘉蔬呈露我貞筠廓清摧陷力老圃誇經綸

灌王瓜籬豆諸蔬

昔逮養親日灌園佐擊鮮親亡事奔走忽忽二十年倦
遊返衡門老圃聊息肩修我灌園業情事悅如前汲水
諒非水清淚同涓涓此蔬親不待此圃親所傳終作抱
身五鼎未列筵瓜瓞如有知爲我根蔓牽蔓則蔽蒼
天根則入黃泉以告我父母貧賤子可憐瓜瓞莫結子
有子亦徒然

舟夕

晚山發寒霽遠樹淨如沐日落飛鳥斷扁舟我行獨
屹上水遲潏潏淺流蹙呼噪歲已暮胡爲事旅宿豈無
婦子歡圍爐聚茅屋忍心別之出與居恃一僕借曰爲

唐堂集

卷三十四 五言古詩三

二

攬勝往還已三復借曰爲賢勞朝籍未沾祿意者爲飢
驅磨寒覓斗粟此身不自主光陰鄰水陸曷以滌羈愁
熾火煮醯醢長吟和灘聲風消半邊燭

合江亭次韓韻

有房

亭在衡州石鼓書院甲午歲五月予粵歸過此大風
雨夕艤舟急流中攜度兒緣壁由斷垣入一登其顛
遠返欲吟無所得今丙申歲正月復道衡陽未至郭
六里許卽循岸散步既至禮七賢祠武侯像尋朱陵
洞天遂登斯亭凭欄俯仰浩歌爰作

維昔冒雨登遊覽計頗左迺腹讀石碑朽骨洞餘唾夏

漲方齧碣奔騰相挾佐倉卒放船去懷若失奇貨一別
三換歷浮萍復此過春陰演岸佳飄舉興難挫紆道碾
沙礫覓古相附和儒林聯七席名相儼一个石鼓山嶽
嶺朱陵洞壑垣垣繼垣衡登立斷碣枕崖臥窗漏吾伊聲
誰歟管文課人乃閉戶學浪跡予則邾危梯躡空亭勇
陟諱疲懦沿沿湘蒸開韶光甫微播煙樹夾萬家中豈
有寒餓布帆指天末安穩亦足賀烈士懷壯心曷敢遽
頽惰恨不逢昔賢軒轅闔其座孤蹤自來往徒踏蘚痕
破俯瞰江水清聊用濯塵泥

放言

唐堂集

卷三十四 五言古詩三

三

滌硯湘江心卓筆衡嶽顛黑雲蘸作墨紅霞裁作牋錄
我平生作合得千百篇襲以英瓊瑤薰以芳蓀荃再拜
貽下女求達娥皇前爲我定聲價筆削幸勿偏湘君展
清臚起操選政權東君司命輩分校不得專花雨吹續
紛紛唾落楚天日子詩與筆才健學可傳宋元頗異趨
秦漢難隨肩位置李唐內庶幾席一瘳請質屈靈均當
謂斯言然再拜受教去自信始頗堅妄欲付造物萬古
垂雕鐫靈魚公磨蟲慎勿齧字穿

浣影亭分得山字

歲歲有春色春去難復還此身不自知又隨春色間遙

峰招翠鬟雜樹媚紅顏嬌鳥且絮語使我蕩以頑于嗟
駒影流寸陰天所怪學殖易荒落奈何耽燕閒繁華涓
與埃尤悔邱與山及此陽景遲努力振驚辱無被東風
笑榮落同草菅

又得溪字

翠巒落斜際一高復一低紅樹發眼前一壑復一蹊荷
非守道人罕不爲境迷天然穠豔筆不雜米與倪遂將
流影亭繪作桃花溪鳳凰麟鷄鷄一枝幸借棲纖羽豈
變化春風仗扶攜花開誰與噓花落誰與擠秉志以任
運昔賢庶可齊

唐堂集

卷三十四

五言古詩三

四

寄陳六坦之

維昔司寇公功成解魚袋閒園開綠野泉石妙如續憶
從落帽節訪花挈朋輩漫刺不敢通繞過西峰背公聞
出款迎談笑接警欬設樽就花罇人花相負戴瀟灑文
字飲洗滌公卿態雨師頗相如濃雲黑電羣催人理歸
棹東偏遊未逮至今夢寐間恍與園景對此時君下帷
文課不暫廢頗思求識面妨讀敢冒昧踰年公騎箕正
值君枕曲予從賓朋後絮酒親往酌冠蓋方雜沓一拜
卽告退既予汗漫遊萍踪無定在往來於西粵三適豈
但再客冬甫僦舟行李已倣載辱君冒雨來雙清草堂

內把袂一傾倒謬荷骨月愛相見抵百朋寵施過十賚

時當朔吹號寒嚴雪花碎就中登湖綿軟溫白靄霽緒

衣觸風霰萬里永銘佩君曩亦粵遊眺聽窮勝概流傳

好篇什庶幾柳范配讀宜盟薔薇裝可用璫璫時予還

江南獨秉園蔬耒遠志與小草根苗每遞代君歸予始

出後先若相悖誦君在粵作每以後期悔不及從酒邊

唱和狎盤敦君家大中丞重望如斗岱數稱小阮才較

衆過十倍圓若珠自走利若劍初淬行見飛以翔蚤入

鷄鶩隊爲國垂黼黻承家劑鼎鼐繁孳歛鍛翻欲奮四

鵬礙敏乏八叉手辨無三尺喙花樣不成錦蛾眉不成

唐堂集

卷三十四

五言古詩三

五

黛頻年役道塗賣文鉅心肺四方口則餽一家色尙菜

中丞我所師十載領塵誨禮意劇綿密優容恕瑕類散

盤綠蟻傾歌扇紅牙賽狂蕩習未渝靜坐性不耐因之

荒楮墨奚囊就燕穢徒有兼葭句叢雜未剪裁相思

在桂江水深雞鳴風雨晦幸寄渺渺懷雲藍博青睞

酬沈厚餘太史三首

天意憐待粵多石而少人一自少宰來地氣靈五春史

公今客遊唱和爭鮮新挾盡巖洞奇天曷能秘珍二公

叶雲象五色俱被身陳沈俱以第登其聚天末而不感

蒼旻

義我太史公吳興炳華閣玉堂家所傳接武翔鳳闕六
千里外燕六千里外粵天欲榮粵土意爲流寓發遂使
瀛洲人此焉踏鞋襪

賤子三客粵登涉頗費吟跌蕩燈酒間時復操南音立
言聖賢事感興風騷深夔曠既以邈敢鳴翰墨林椽筆
冠其顛慙汗浹我襟側聞齒牙論仰見山斗心

送陳進士開野

琤琤者易缺皦皦者易汙世路太嶮巖靜默真良圖君
抱金玉器渾璞廊廟需僕也守懸駸千頃慙不符此別
各努力踪跡殊霄塗倘蒙寒暄問煙雨中江隅

唐堂集

卷三十四

五言古詩三

六

顧小厓會試還以予久無音信到京師疑已不在
人間一見宋雯巖遽問訊告以無恙始及他語未

述之因賦此

茫茫六合間我幾忘我身跡遠性復懶絕罕過寒溫明
月清風時默存心有人問訊一何急知其積念殷友朋
爲性命此倫君所敦相期各努力樹業以相聞

曹謬廷過寓齋夜話

煩暑倦涼夜一燈澹將失科頭不礙人隨月闌我室云
是日中語濶懷罄未畢鬱若青山積暢若黃河溢輸寫
窮鴻纖併在一舌述風雅狎商榷道誼互倡率唯恐東

壽屋遠召紅輪出

聞陳師洛逝

奄忽遽如此胡爲生斯人藻雅振末俗交遊滿通津拙
文謬流傳辱採爲篋珍遂令未謀面一旦蹤跡親雲中
魏夫子帳紗羅衆賓惠儲王蔣輩仲孺六雅聯翩達青
雲或臥花磚日或步慈恩春或歌鹿鳴詩騰踏上秋旻
而君獨彫謝矧我宜沈淪呼亦不呼天招亦不招魂道
德不足恃鬼神不足嘖

寄丁二荀侯楊二十七東野

天雲爲風飄水萍逐浪流離合何倏忽嚶鳥爾何求西

唐堂集

卷三十四

五言古詩三

七

望浙水西悠悠白雲秋不知素心人引領東望不麟鳳
戢文采四散藏壑邱不如羶膩場密密聚蚍蜉

懷儲五汜雲謝二皆人

夜坐意不懌把君詩卷看儲作何蒼深謝句殊澹寒十
載文字交聚散中多端風雪穿屋脊燈花笑未殘髯癯
當此時各事弄柔翰有路可通夢熟寐期更闌

昔有老鳳凰

昔有老鳳凰回翔東海陲辛苦搆一巢頗效鷦鷯枝巢
中有三雛成長將蕃滋長者居西偏幼者居東楫中者
居厥中亦已配有雌非惟配有雌漸且育有兒老鳳冲

天去諸雛門戶衰中子被飢驅羽毛何雛雛北飛向燕
山南飛溯湘灘陸飛宋趙郊水飛章浙滑倦遊返故巢
歲久巢傾鼓桑土雨來急芹泥春去遲挾雌哺兩雛聊
用經營之棲息諒亦足鳳德世相期雛雛念爾祖有穀
誰所詒

家居接大司空公手書

熊熊台星光冉冉燭蓬牖牖埃堆一寸淨若乍經帶嚮
明開瑤械想見墨落手上言春別遙下言身健否中言
懷好音望之等瓊玖郵笥慮浮沉無誤託某某讀罷軒
雙眉餘芬溢我口牽動麋鹿心騰騰越林藪

唐堂集

卷三十四 五言古詩三

八

春暉堂同查學菴姜自芸許子遜陳聞野葉映庭

查見初寒夜小集 分得集字

不知夜漏深侍者皆倦立何來此狂客揮杯正鯨吸盤
飮添未已燭花剪餘濕千載無限情沉沉付米汁曲鉞
不礙引祥鸞不枳集同此歲寒心淺哉誓車笠

答贈查中翰

以我敝帚獻博君和璧看雅格稟古骨騷派揚清瀾鏡
刻至情語使我心鼻酸之子南宮彥翔步青雲端官清
不救貧筆札謀授餐何況窶遊子能無發長歎貨殖賜
所好輕肥赤所安相如固貴郎詞賦名不刊誰謂古賢

哲必欲耽飢寒

釋褐日謁

聖廟行禮恭紀

形廷臚唱回承 恩賜簪組行與芒屨辭釋褐禮自古
肅沐造辟靡循牆僂而俯肅肅列俎豆彬彬對鄒魯小
臣甫新進顧影忘草莽江夏慙無雙阿房倖第五 予名
二分奠左右趨承乏獻東廡 傳臚王蘭生題 再拜三
進爵煙靜香一縷先賢皆西嚮道貌恍如覩低徊發遙
思數仞誰接武千年私淑人儼與聖門伍吾曹濫玉堂
曷可力不努喬木移清蔭禮畢日已午出飲國子筵餘
唐堂集

卷三十四 五言古詩三

九

敬鏤心腑

賞菊

同王性如司馬燕客姚曾
思公桓梁仙來姜自芸

茲花吾所愛愛其澹且寒胡然隱逸姿敷榮滿長安洞
戶甫羅列四壁秋宇寬西風一夜吹香氣如春蘭相對
斟以酌花前無熱官長歌當絲竹願罄平生歡

禱雨

賊母何肆悍商羊銅其舞屢我廊廟憂不止在畿輔市
屠禁鼓刀叢祠考鐘鼓豚筵一何樂蠲虎一何苦雲縈
各有方厄巫詎泥古一心對旻天萬命託
聖主安得雲漢水滂沱化新雨

得沈子大書

乍喜已而歎日展故人牘字裏張鬚眉句中隱骨肉既
言相思勞復以道義勗篤論人才難虛培宜破俗于嗟
長安道遇合無定局或操選士柄任心不任目以意爲
妍媸明殆不如燭或懷千祿具任口不任腹夸談能傾
人其中實無蓄二者交臂亂人才遂淪伏擾擾畫上龍
茫茫夢中鹿敬之說項斯武陵薦杜牧乃如不古處豈
讓君子獨坦塗搖風波後車戒前覆相尙在聾聵厥事
果誰屬持此耿耿心奉書百回讀

日落西南隅

唐堂集

卷三十四 五言古詩三

十

日落西南隅征人尙驅車奚爲不遑夕所急在簡書平
原路超曠遙林翳村墟回首瞻北關八九百里餘日短
賴冬暄僕馬安以舒暝色蒼然至晚寒生衣裾我宿未
知處炊煙誰草廬

未至泰安輿中作

山行一日餘山繞如牆垣童然鮮林石不滴青翠痕敲
鐙馬蹄滑犂确車輪翻我想岱宗意視爾猶兒孫叱令
列道左而以雲自藩蓬蓬白雲中自有泰岱存咫尺未
得見始知五嶽尊

楊柳店曉發

一作羊流店

警枕念行役窗月誤已曉賓從不置奔策馬驚宿鳥人
行三更末愈覺四境悄嘗騰坐征輿直徑度林杪犬吠
知人家霜畦亦以繞遙山夢未醒模糊睡深窈日者客
戒予宵征防竊剽幸我奉

寧化道中雪二首

昨夜燭無燄向明霰已積輿轡出郊原霏雪舞不息亂
之以大片陰風虐有力遙出竹樹青近楓溪澗黑蕭瑟
增泓間一壑佳畫冊我行嗜清寒放眼明野色從役意
不勇擔傭頗逃匿世豈無熱官爾曹任所適

唐堂集

卷三十四 五言古詩三

十一

甫吟白雪篇復歌行路難人方嗟窘步吾忍誇適觀嶺
路石高下泥濘無寸乾昇輿亦人子戰瘡雙脰寒把滑
尙傾跌辛苦力已殫晷短道里長前路浩漫漫載塗值
雨雪喟然傷心肝

贈曹謁廷歸里葬親四首

三山盛梅雨鬱結連太陰况復撫離緒幽思胡能任折
柳不成絲奚以綰歸心歎彼空潭水徒教千尺深
水深江以廣雨大灘以長舟人尙喪哀之子急雙槳布
帆足安穩努力溯而上執手何踟躕掉頭欲長往
欲往留已難且盡今夕歡庭榴灼灼紅簷雨森森寒燭

花短無篋樽酒良清酸詎有青雲人甘我苜蓿盤
盤罄囊亦空何以贈我友離腸千萬結盡此一樽酒勗
勉在道義出處期不苟東西南北人安能長聚首

次陸勉之韻長溪道上官嶺

一嶺復一嶺一度一憂託命昇輿人擔荷詎可卸高
千百級跬步縮不跨難於上青天無乃蜀道亞役夫
雖已顛從者嗟幾啜深篋語樂灌莽泉聲瀉翻喜崎
嶇中雲巒可銷夏攬奇必履危鼓勇不欲罷夷險理何
常達觀爲醞藉

白石渡次韻

唐堂集

卷三十四 五言古詩三

三

我巡斗大州計程五日定崎嶇高岡上危路東西亘踰
嶺卽涉川津吏紛出應腳躡望隔崖萬倍逕與庭小海
方風濤俗名此渡爲小海敢發一韋典果決勇笑由艱險愚嗤
霧吾道正大昌詎効襄擊磬須臾白浪息皎若寒潭澄
塵扇徑過之蛟龍俯而聽斜陽駐輕帆平磯下深汀登
陸穩我心笑語不覺暝與其涉一波毋寧陟千磴

兩行

千山本離離煙雲裏爲一征夫入其中惘惘迷若失于
嗟嶺路險一度一凜慄晴且牆緣磴雨更壁過融瀑轟
耳似雷泥汚脚如漆安得長悅中仰拭青天出昨行苦

炎威今乃藏赤日天以涼贈我莫嫌水沒膝

鴛鴦塘

昔經書翁鋪今過鴛鴦塘啼山無書翁泛水無鴛鴦停
車問居人稱名奚所將答云君何愚名實詎相當雨易
涸溝澮斗難挹酒漿正卯號聞人徐偃稱霸王況今重
本業戶戶先農桑養老畜雞鶩埒欄餘稻梁鴛鴦書翁
鳥聲色俱淫荒兒女耳目玩詬詆安足詳暢然驅車去
采風貯奚囊

丙午歲六月自閩奉 調回京僦一椽隘而潔顏

其客坐之右室曰詩境又南向之室曰鴻雪臥室

唐堂集

卷三十四 五言古詩三

三

在東曰東壁各係以詩十韻

詩境

放翁曩遊粵興與山水諧詩境留石刻大書以摩厓我
今官京師草草僦書齋繫驢鳴右鄰鬻物喧前街囂塵
不可避山水殊睽乖閉戶此靜坐造化形巖涯圓牖東
風和方窗西月佳圖書頗措置几硯亦磨揩天光碧映
屏草色綠上階心曠不在境頓愜騷雅懷

鴻雪齋

寓室號鴻雪昔在曲巷西安居不踰月南北紛輪蹄至
今鴻爪痕猶印西巷泥飛去復飛來雖離仍未攜鴻焉

此寄跡舊額堪重題簾櫳開向陽庭城築就低牆陰羅
秋卉灌漑勞小奚爛漫足五色映入窗玻璃閉門即深
山書卷供吟吟批鳳凰千仞下鶴鴒一枝棲

東壁山房

一房擇西嚮方受炎日鎔布幔張兩幅筠簾垂一重就
中設牀第臥起頗從容瓶花與爐煙謂爲富貴供鬢絲
禪榻畔風月聊過從東牖旭日蚤朝眠不得備可以勵
夙興勿使夢寐濃牖外數弓地環以低土塼我將搆豆
棚摹擬家鄉農量力力心已足華屋全無庸

朱介山投歲底詩次韻奉答

唐堂集

卷三十四 五言古詩三

古

金門有曼倩索米曷嘗飽况之歸遺肉不畏細君惱離
家特路遙穹室猶未掃閨月豈不憐兒女幸非小雖無
團樂歡夢中見亦好君亦羈旅人松鱗著書老胡爲四
壁立攜家長安道鸛鵲典陽昌犢鼻雜傭保詎乏賣賦
金泥沙委秋草翻爲遠山愁言之一絕倒觸我懷鄉心
寒砧夜深擣脈脈不成寐朔風響枯杪

鼠銜墨

寓室大如斗糊潢頗明潔鬱爲翰墨林陰歷日磨涅連
朝失墨三杳杳踪跡絕全者乃一笏殘者或半截室無
外人至心疑童子竊童則疑及鼠此輩恣搜抉妄言姑

妄聽旁談聊自雪斯豈穀果蔬而儲作舖啜昨夜甫就

眠油燈耿初滅案頭窸窣聲隱隱聞曳掣搥牀逐使去
硜然墮而跌急起敲石火照案物羅列唯我子墨卿飄
爾已還別大索到壁西窮追抵其穴我墨橫穴口欲入
幸曲折爾鼠終愚駭發蚤機故泄獲救歸案頭前者視
已蔑呼童往責鼠爰書劇詳切硯既狼藉汚紙亦鴟張
驚復來擾松煙公然縱貪餐欲結斯文緣此緣詎爾結
墨汁不飽腹生吞不懲墮徒思長黠智因之浮筆舌舞
文亂紫朱哇口肆塗蟻聲罪辭未終呼童且勿說與鼠
爭唾餘無乃非豪傑

唐堂集

卷三十四 五言古詩三

古

遷居城西谷陽橋庭有老梅一株

忽見庭東隅老樹繁瑤葩香度曉風細影交西日斜我
歸自孟冬託此爲廬蝸不知有奇裝但見高槎枿陽春
動地至霽旭明窗紗開軒如故人相對靜不譁俾我忘
寒儉顧爾生光華豔以玉號梅韻以蝶肖花此花無世
態媚我冷澹家一樹意已愜大庾奚足誇

戊申歲臘月庭梅盛開

僻性厭城市發春思鄉居庭樹知我心衝臘萬蕊舒豈
因冬氣暖故是梅愛予夏哉食葉時無術爲攘祛痛若
鉤膚切巡簷徒歎歎兒竊害嘉良肆力無遺餘汝曹今

泯滅我樹終晏如不屑爭春華纏綿風雪初冷澹歲寒
友芬芳同一廬恍逢水竹間迥與羣塵疎榮落雖不常
花情忍舍諸翻愁東歸日繫戀此階除

題姚四孝廉臥龍松下小照

天上有游龍地上有臥松人中有劫堂姚寬星宿羅心
胸三者忽併合衆奇以類從橫覽紅塵內萬象皆卑庸
已酉歲三月三日舟次青浦

春來三泛舟輒遇雨爲難助以橫逆風弭力繳不斷吾
生本有涯春去已過半天不自珍惜荒荒擲韶旦風雨
爾何難屢出戰青翰雞鳴發谷陽中路日已宴非不臨

唐堂集

卷三十四 五言古詩三

大

曲流江水方渙渙蕭條祓禊心蘭芍香芳岸古之滄浪
人不知何澤畔縱遭和暢天陳迹亦堪歎况坐篷窗濕
斜吹漏痕亂不如撫高枕夢去遊汗漫

次日大逆風

掃雨吐紅旭岸容解昏凍風則西北來曲與船頭開百
丈力不前片帆技無用詎許起舟子頽敗到儼從姑肯
荒墟在寒食展遙痛此行非遊娛風伯胡太縱石頭利
不泊馬當順而送我亦青史人徒受造物弄劇于暴凌
姜甚于雖狎宋拚篷失霽色白日如在夢作詩檄東皇
風馭轉春鞚速令宗慙乘庶免昌黎訟

朱鳳翔挽歌年九十歲

南極夜光匿東海昏霧蒙哀鶴叫雲際不見嬰鏤翁翁
昔強壯日爲國効匪躬奏績齊楚間賢勞及河工擢
守鳳翔郡政聲何隆隆宦成拂衣退遂以泉石終昨予
亦旋里先辱名刺通城西室非遠一見解渴衷誰謂耄
老年步履輕於風古貌赭兩顴秀眉碧雙瞳拱揖手亦
健應對耳亦聰欲乞延齡方答云無秘功不飯復不酒
唯以藥餌充嘗聞古神仙百歲顏如童翁其漢方朔否
則晉葛洪胡忽厭塵土而竟歸蛭蚶峒香山洛社遊我欲
聚數公老成首彫謝冷落降卿中柳水澹澹綠峰樹斑

唐堂集

卷三十四 五言古詩三

七

斑紅剪紙招君魂騎鶴下碧空

座筆

筆者吾老友旦夕相與歡方竹爲之室暇則居其間古
弼亦已多聚族爲國樂愛潔避塵垢其首俱著冠邇來
文字荒經月曠往還遙意冠之內不潤嗟久乾頃偶理
故業遂呼毛穎前脫帽而露頂老禿半已殘驚視冠之
上封口泥一九乃知是蒲盧乘隙來穴鑽筆管以爲廬
筆頭以爲餐噉噉語吾筆主人興太關經月棄置汝孤
汝鋒毫端我來竊寄居何忍放汝閒嗜汝有至味黔瘠
殊甘酸生子使類我飽此翰墨緣吾筆受敲齧惘然不

得言吾量則已，偏怒鑿土穴，翻么磨爾何物，公然肆兇。
頑吾欲養其銳，爾乃晃其顛，蒼蠅服墨汁，白蟬蛀紙牋。
紛汝肯翹類，闖入斯文壇，俄忽自慙沮，吾不如蟲焉營。
家瘠，吾筆太息，摧肺肝。

庚戌歲重陽後四日，邀同徐今吾、蔡立甫、王延之。

沈學子遊橫雲山，以此中有真意，分韻得真字。

帝鄉一卷石，置之澤國濱，而我幾兩屐，始與煙霞親。
山靈招我來，一舸羅衆賓，款扉踏苔蘚，耳目相鮮新。
秋光染石骨，嵐翠欲滴身，步步入幽邃，截斷人間塵。
皇天畫此山，工爲劈斧，敏若非牆樊，限彌露林壑，真攀緣陟其。
唐堂集 卷三十四 五言古詩三 六

椒遙望泖作隣，右手挹清波，左手拂蒼旻，凭高發長嘯。
遠者古何人。

其二 以山氣日夕佳，分韻得由字。

帝鄉一卷石，萬古秀不頽，意欲逸而去，不與羣峰班。
鉅人力挽之，園亭劃其間，瑯琊莊宏敞，清河塢幽閒。
到處可駐足，養銳窮躋攀，林外疎雨過，九點皆煙鬟。
秋樹既蕭澀，秋花亦爛爛，但覺跳聽佳，不知登陟艱。
何必陸士龍，始足名此山，遊人與有分，留戀不欲還。
東爲橫雲山，西爲宿雲山。

小赤壁 以邀得生屑雲，分韻得屑字。

捷足上絕壁，諸君皆氣矜，觀此巖壑奇，遑曰老未能。
媼天落緒屑爛漫，堆一層峭，豎不著地，秀削爲鋒稜，磊砢連大荒。
勢欲霄漢騰，不知古誰子，辱以培塿稱，齊安著以蘇，相較恐不勝。
人影斜照裏，餘力奮又登，軒軒兩腋張，到此愁飛昇。
緇昔我良友，十峰呼不磨，往來問遺刻，芥蒼無一僧。
四顧起暮靄，隔水明漁燈。徐學博十峰愛此山，因以自號，今尋其石，刻無之。

夜登天馬山 以天高秋月明，分韻得月字。

孤艇泊溪來，落日傍山楸，山市炊晚煙，溪火耿漁筏。
促坐命酌酒，稍稍具肴核，厨人減秋味，蟹螯則偏闕。
尙乘唐堂集 卷三十四 五言古詩三 九

遊興雄鴈政喧，百罰重言筵，窗外水浸半，天月遽起作。
夜遊紛紛著巾襪，前導虛秉燭，清光炯毫髮，扶醉十趾顛。
祇覺石磴滑，堅坐浮圖下，煙雲任出沒，山容睡不醒。
長衾借林樾，歸亦枕牖眠，夢遊境荒忽。

次日遊細林山 以青溪千餘仞，分韻得青字。

舊年細林秋風淒，雨冥冥，今年細林秋天與山關，青泊舟西潭。
下歷歷，尋所經，鞏礪石路高，白雲爲藩屏，晴光蕩着睫。
竹木媚幽馨，真人不可見，徒見殘碑銘，岑寂井澗沈。
寥灩館，昔從山後來，笠屐濕不停，茲行劇明爽，仙蹟何彫零。
山禽似相慰，和鳴悅人聽，勸人急行樂。

何必延千齡

至余山憩宣妙慧日兩寺

以遺構絕壁下分韻得構字

桂擢懶不前芒屨勇不後舍舟步山麓墳塋臥者舊曠然林莽開金碧聲層輝輝煌蘭笋山雲日深望就

先帝遺翰墨攀髯罷南狩愴念咫尺顏小臣淚沾袖衷

哀始能去暑短步稍驟荒涼古沐堂扉缺不待叩慎勿

索茗供應憐衲子瘦下山且東之落葉一寸厚前笋山沐堂即慧日寺已荒廢矣

仁皇帝御書在宣妙寺古沐堂即慧日寺已荒廢矣

繇東余騎龍庵繞出山背至沈氏墓舍問途增巷

而返以林園無俗情分韻得俗字

唐堂集

卷三十四

五言古詩三

二十

山高八十丈庵作龍項求但思縱我目何暇息我足秋

意暄若春萬樹翁以綠北盡而西折坵隴阻遐騶精廬

忽數椽結構頗不俗呼童拂塵視新句手自錄斜暉來

催人歸途迷去躅蔡沈爭取途西東異所欲稻塲豆籬

開農女問相屬指南趨塔巷徑深天影曲豁然山之陽

恍與舊遊續薄暮重踟躕月上一輪玉

送盧二月川之武林四首

半林先生孫文筆肖其祖風雅况家珍如審言有甫助

之江山力天錫以賢主

仕者白與蘇隱者林氏述非仕亦非隱絳紗以授徒吾

願盧郎去名壓西子湖

冒雨遊兩日追憶如夢裏其後七過杭行役負山水安

坐屢名勝吾愧不逮爾

吾黨二三子相望東西郊君獨不得開一權辭衡茅離

索非所歎所重道義交

食蒿苳覽

肉食不能繼買菜尙未艱青青人覓佳烹煮涼食單紅

汁沃白飯味美不可言佐以鹽去聲蒿苳報切片乾下

酒頗甜脆少許勝胎蹠平生藜藿腸慙媿作一官公卿

名譙會守令饋盤餐豐膳出中厨杯炙非冷殘曷敢縱

唐堂集

卷三十四

五言古詩三

主

口腹賦命本酸寒歸來居負郭鉏灌無後園舊種一畝

地荒棄鄉村間翻畏賣菜傭來卽費吾錢昨問魚豕價

太息空汗顏

有示

君子且逆耳聽我歌正聲意氣漢灌夫才藻魏禰衡傲

物而憤世身命隨以傾大壑諒不滿鼎呂諒不輕尺璧

不嫌屈胡蝶何爲驚雅載抑之篇易曰虧其盈鑑人勝

水力攻玉知石情愛深無美疾幸勿嗤老成

唐堂集卷三十五

華亭 黃之雋 石牧

五言古詩四

論詩二首

討源三百篇輒以風自畫里巷兒女情田野桑麻冊力未入雅頌闕與終拒格末由通天心兼之播王迹徒詒月露譏不繫聖賢籍遭逢任顯晦道義則古昔置身騷楚前比興發宏碩

世有理學家輒謙詩末工意謂此小道工之類雕蟲大聖首重詩稱有倫物功體製雖遞降道性情則同小之唐堂集

卷三十五 五言古詩四

彈細密大者包崇鴻鏗句幽渺間天地相貫通儒者切身事詎以綺靡充

夏霖篇答徐今吾五月風雨苦寒之作次韻

夏霖淒淒以寒天宇壓不大生涯寄庭卉濕葉太搖簾或已新著花紅紫亦滴破笠屐不避泥罌盎移滿座蕉窗心跡清看雨捲簾臥芒種後頗早田夫懼秋餓棹聲發乾響秧歌少歡和一雨如雨金農裝濯塵泥田疇喜滂注寒冽不爲過豈曰行冬令而嫌白日挫涼暗聽真宰陰陽雜參佐但勿小暑雷黃梅又翻作翻小暑一聲雷翻轉作黃梅復雨疊前韻寄陸香林徐今吾

偶霽六月朔日影照簾大中車命出門餘滑任顛簸良

友共談劇新詩盡讀破揚眉陸子堂捐掌徐公座歸來

甫一昔雨聲警朝臥起憐花葉垂遙惜蠶蜨餓始信苦

寒篇旨哉可酬和漏屋縮項趨檣衣著肌泥阻絕舊雨

來安望高軒過寂寥雨夫子吟興莫殺挫盡各張其軍

幹材願爲佐不用穎墨嬉雨宵無事作

今吾倒押前韻答予夏霖篇復疊往代東

風雨釀夏寒奇事天所作才人欲鬪奇灑墨以自佐寧使日車匿不令筆鋒挫予時頗詹詹妄謂摹寫過逢實喜雨辭以爲青眼泥淫霖今不已雖風肆相和無乃農

唐堂集

卷三十五 五言古詩四

二

事傷所憂及窮餓爰改前說往讀之必倦臥不虞新篇來瑛琲復盈座君詩譬勁箭赴的鮮不破我詩譬漏箕安足供一簞雞鳴淒晦中愈服君才大

香林一日雨示步韻詩卽倒用韻答之索其再和

老騷健如龍雨詩倚馬作直先韓孟驅而挾元白佐橫側爰盤礴瀾離協頓挫巧力滿十分諷誦耐百過同時南州筆一洗時俗泥喝韻使倒行翻新爲倡和雨深不知寒炊晚不知餓君擅西園才勿戀北窗臥偏師攻長城後至傾一座何恤天根穿三唱鬼膽破巴人前導之秕糠必先籟如入孤注場持小以博大

雨中頻得陸徐疊韻詩賦此止之

古之風人詩往往發憤作今夏淫潦多沴氣爲之佐秧苗或漂溢鉏耨幾折挫農且不遑酣吟無乃過主人筆札濡童子履襪泥去來泥淖中絡繹三四和墨稼詎豐穀字煮不療餓耽詠忘晝餐玩讀廢宵臥吾曹溺文辭爛漫堆四座豈知江城裏幾處茅屋破彼蒼倘媚才箕畢愈掀簸無令風雨深積卷牛腰大

前詩去後陸徐適各有詩來興不能已復答

使韻如使兵一一犯險作靈府若湧泉百怪相輔佐彌彌詩伯鋒不受雨師挫奔命吾已疲寄語懺吾過爲驚

唐堂集

卷三十五

五言古詩四

三

雕龍彩竊窺塗鴉泥瑤賤又飛來曲高轉難和足披聾耳聰能飽饒眼餓因思揆天才間放邱壑臥宜洩胸中奇鬱勃通帝座溜滴階鮮餘日逗雲陰破故引咳唾生霏作玉屑簾簾畫非霽徵尙愁風雨大

香林詩有喜見日色意故云

香林又疊韻頌予仍答其意

淵淵金石聲琅函發新作曹鄴拜下風漢魏參上佐霽日光四射陰雨氣一挫詩格洵愈高譽我則太過謬稱翰墨雄能掃脂粉泥鄭郊七子歌虞廷八伯和往時動人主不免路傍餓士衡吾邦彥風騷供坐臥入洛攜壚

簾

謂尊川孝廉

壓倒張華座落筆五嶽搖讀書萬卷破卽今

施報頌才調益翻簸敢以黃陂小來爭陸海大

今吾又寄喜晴詩至時方雷雨

陰晴何儻忽翻覆如此作知是天公操非可人力佐人生百年中幾許良辰挫胡獨今之良與喜偏太過霽則樂燥乾雨卽愁霑泥世情頗雷同百喙相附和君示喜晴篇爲憫溝壑餓雨賜望時若始得安枕臥奈何讀未終鬱蒸方滿座雷且殷地來電亦劃雲破屏翳伎倆熟頃刻復弄簸白日何處藏颼颼雨聲大

又答香林見寄

愈出乃愈奇君心何物作當其鬼神通疑有風雲佐嚮

唐堂集

卷三十五

五言古詩四

四

因雨泱辰文陣不肯挫聊用建旗鼓消磨長日過今也天空青雲影無纖浣庭曝衣一竿宿薰香百和禮俗沓應酬揮汗復忍餓不如風雨中閒吟而閒臥可以弄賤札纍纍充末座小奚古錦囊梅濕顯已破雖欲負以從路塵恐揚簸鉛筆無可書芭蕉葉空大

次邵編修北崖寓館種竹韻

乘暇行東軒軒然爽心目誰理土礫區小山縮盤谷邵君好事者離離種疎竹其葉青蕭蕭其柯紫簇簇其人榮拂之鬚眉一時綠我來好樓居自喜隔塵俗懸梯十四級登下頗遂曲稍嫌啓窗扉環顧寒華屋而無半弓

地可以肖林麓竹石君寬開几席予卷跼蓋泥三寸松
餅水數枝菊聊慙山野性閉門遠歸轂幸與通步欄曷
肯讓君獨譬彼辟疆園子猷寄遊騶大道公無私近取
良已足前庭雙梧桐陰陰雨新沐寓興與梧竹間欲借鳳
凰宿

爲通州李心構題乾坤一草亭詞

孰以書帶草蓋作問字亭其中納天地其外通滄溟脈
脈此閒坐古貌而修齡問之不我答無乃太白星何不
畫麟閣杜老誇丹青而屈鈞鼇氣鍊爲癭鶴形

小山詩 有序

唐堂集

卷三十五 五言古詩四

五

江寧寓樓之下庭廣三丈袤半之方石砥平不露土
壤雖春不毛也予遇蒼崖綠樹性情輒與暱即不可
得亦盆池卷石尺寸鮮置目前以驗生意觀物理
濯濯者其若茲庭何則從爨下獲宣州白石四洗刷
出之乞於鄰戴孝廉者十三陳郡博者二邵太史者
五頗皆有致若聚羣羊於庭西南隅度劫突之宜而
高下系比之畚雨花臺下土以實之崇三尺縱倍之
衡三之雜蒔時花小樹擇其翳翳坎焉以蓄水養魚
天光動其中而其陽松竹黃楊梅榴之屬相虧蔽坐
而對之如展畫卷鬱然林繚之觀矣其可名者曰偃

樓峰曰見天潭曰介石曰歲寒洞而總呼之曰小山
云夫鳶魚語小小亦大也小魯小天下大亦小也故
曰太山之於邱垤類也事物之理有無相嬾本無而
忽有者吾直寓焉以爲觀耳長保他人之不毀乎則
既有而無又可知也作詩以存之俾異日雖無如有
焉壬子歲三月唐堂居士書

天賦麋鹿姿錫命守林薄人或性與近仁智欣有託大
則山水娛小亦園壑樂小之又小之其多一卷勾空庭
幻部婁白石帝所鑿窪穴藏碧泓豐叢露朱萼跬步麓
已周俯瞰了巖壑云何竊山號妄欲倖五嶽天地如倉

唐堂集

卷三十五 五言古詩四

六

穉國都在蝸角一理通衆形大小無滯著聊當茅蔣遊
蓬人勿嗔囑

送尹制府入 覲六首

斗杓西北指卿雲東南翔騰騰上霄漢紉纓盈
帝閭岳牧鎮方州虞廷佇廢颺姬名分陝日周室資龍
光猗歟我尹公文武憲南邦朝天述所職獻之 黼辰
傍

黼辰日萬幾無逸在宵旰中外咸重臣鶯領託屏翰
帝曰兩江督咨爾來 陞見驛路鋒車馳朝班景星榮
入告密勿地外人不能贊但聞湛露詩又見嘉魚宴

宴賜寵便蕃登朝日三接朝罷趨庭闈章平話勲業調
羹既鹽梅濟川復舟楫六載慈孝心一朝願俱愜家訓
不及私陰陽贊和變橋柯崇茂蔭猗蘭盛奕葉

葉連北闕雲枝覆江南春春臺萬里地廣茫兩江人興
除殫仁智憂樂同一身公不自知勞經緯如有神感人
決瘡寐信宿狝天門夾江走童叟攀臥環征輪

江走童叟如孩去懷抱我告童叟知公行繫億兆福星
耀中朝江海亦明燦

帝念東南陞重來更大好

唐堂集

卷三十五 五言古詩四

七

大好慳輿望其次慰鄙情奉教作邦乘一載佩光榮品
題到小山惠我樹石青猥將蜩鳩質竊附於嚶鳴安能
抒離緒爲作朝天行斗杓何時旋在郊見干旌

吳侍御招集五柳園

分得識字
時共七人

五柳白下園七子鄴中謀主人吳季重七十貌豐健旨

酒流長筵行厨出精膳招邀歲寒友一一江南彥沈約

離東陽

元王喬辭葉縣元
藺冷孝廉船姚焜
池清太

史院泰麗我閒散人敢以老居先報捷聞西師賑災見

南甸大臣勞經營吾曹恣遊衍沉酣杯杓間鄭重感天

眷冬日暄一堂松柏正葱蒨柳條尙垂垂風葉積階面

彭澤祇自飲先生善酬勸短晷爲之舒流連忘日宴

舟行卽事

江舸發東南蓬蓬起北風風雨雖偶然亦在逆境中榜
人迫行路強欲張帆篷吳人謂舟乃鼓斜行人不安厥
躬若杯潑其半硯水側向東筆滑落几案悅濕飄窗櫺
正解戒榜人所見胡不同行險萬無倖躁進鮮克終不
聞波濤下馮夷結幽宮榜人前致辭公語何愚蒙庸庸
守故習咫尺不可通徒具舟楫材迄無濟川功應變寡
妙術宜公所遇窮聞言不能對一笑仰太空

宮傳陳相公寵貽五言手書綾幅步韻奉酬

唐堂集

卷三十五 五言古詩四

八

緬昔強壯日受公國士知四時集歡宴百里縈懷思攜
我到京邑蓬瀛相與期入院朝橫經退朝宵賦詩俄然
轍南北梁月違庭輝升沉結遐念奚翅渴且飢惟天壽
平格 綸言出如絲許之娛綠野以養松鶴姿弟子棲
谷陽開年亦逾耆拜公林泉際山水逐步移山青樹設
護水碧煙差差顏色如神仙手麾筇一枝上御書
林泉皆頌
字賜公今年八十三居遂初屈指三十載蹤跡多合離
文酒重細論日光爲之燄揮毫雲霧散叙事風颭馳健
如文彥博雅於郭子儀春風拂社來舊痕巢意而羽翰
戢已久白首依吾師公贈詩云美君富著述奇文若波
馳美君盛桃李爲國樹羽儀

需老宿僕勿歌已而行借鳳樓手
入爲玉堂師故以二語敬答雅意
贈言貴瓊瑤報章慙
瓦甃乘此歲月永鼓櫓來時時

孤山放鶴亭

千古林君復孤山入其手梅死亦不彫鶴死亦不朽墓
配兩忠臣祠合三賢守豈必仕宦傳隱遯與之耦重名
仰泰岱高風壓培塿亭子如畫裏西湖落窗牖我來低
回留惜也未攜酒酌之嵌巖間大叫識黃某

上韜光未至

明知韜光高老人不能陟手不扶一筇足不著兩屐人
叢半日擾思往蔭松栢窅窅入山路濟勝鼓餘力夾徑

唐堂集

卷三十五 五言古詩四

九

駢修篁支澗絡奇石水流鳴涓涓愈上愈黝碧峭蒨日
未舒養步稍憩息煙靄軼太半翳薈似將夕譬虧一簣
功翻然下絕壁渺渺留餘思山趣在離卽

六橋

西湖好山水變作繁華場自築南北堤遂令士女忙桃
桃枝相對柳柳葉相當其下列菜畦花發爛漫香貽蕩
四時景人情愛春陽及此風日曠遊者尤丰昌如我白
鬢髮照入湖水光亦喜意和暢緩步忘路長

訪參寥泉

緇衲塞湖溪誰者今參寥胡爲尋蘇來方外名亦昭辨

才與惠勤同時皆楚翹道潛尤卓犖詩卷一何起石泉
協吟夢寒食清瀟瀟浸淫七百年一泓闕僧寮智果遺
講寺風物埋蓬蒿十叩人始磨荷鋤爲圃樵左手指方
坎右手操圓瓢請公嘗水味以當烹茗邀此間絕遊蹤
裙屐滿六橋汲古嗜寂寞何必從喧囂

葛嶺

人趨湖上喧我愛山中靜拾級上空亭白日罕人影當
年秋壑熱灰飛燄已冷池閣登遺蹟平章此豪逞窗牖
錢塘江歷歷走帆艇金湯託秉鈞忍使國不末試問木
棉菴何如葛仙嶺雅川得道者訪之凌絕頂渺茫虛無

唐堂集

卷三十五 五言古詩四

十

中依稀見丹井神仙如可求鈴汞煉爐鼎不則屏世緣
功與服食等寄言名利子於茲發深省

日日泛舟

乍駭湖森茫疑與彭具同豈不興濤波水濶易作風有
頃權一葉一槳復一篷如踏鏡面行飄然凌太空安坐
任所之北南而西東割湖分裏外大堤截長虹隨意穿
橋門迤邐靡不通林巒遠萬翠樓閣標千紅舂底只兩
眼環眺安能窮倚舫話賓客供茗呼奚童遙知岸上人
望予如畫中

今吾投近詩數篇戲步其險韻一首奉答

麥秋天宇晴飢風扇和洽種花學園丁下酒取菜甲詩
書久度閣筆墨深藏匣心本與天游頭肯爲命壓怪石
嵌莓苔小樹剪楓柳娛老坐其間不衫復不袴剥啄來
新篇珍重同梵夾盥手沃薇露焚香炷金鴨讀之如異
錦鴛鴦見穿插律細格愈高才大幅不狹青天喜一捫
澹海驚一叩險逼韓孟奇醇得王岑法窗蕉影搖搖庭
竹響雲雲助我吟未厭寫玩入湘簾興來欲摹追意匠
難妥恰始悔鉛槧荒終日把泥錘筆力困于鈞詞源涸
三峽句俚既蠻語字醜亦花押遊戲成報章不足廁牋
劉八斗君何饒七襄吾已乏

唐堂集

卷三十五 五言古詩四

上

張文五畫墨荷野鳬詒予題詩云好對玉堂翁亭
亭水鏡中一泓涵未盡鳬藻夕陽風意寄遙深賦
九韻報之

藹藹吟國風鳬鷺歌大雅葩經敷物華絡繹出腕下墨
濡一何活潑潑一痕寫著筆如化工不爭多與寡濤遠
香欲生斯意宜靜者造物費渲染粉白燕支赭榮落在
須臾翻疑是虛假此雖萬夕陽風塵不能惹玉堂亦何
爲秋水妙荒野

題朱龍田秋吟三首

生薑是君性黃檗是君心結成辛苦句流出哀酸音少

陵尚不死逢秋爲此吟

通皆用杜句

東野進士官猶作寒號蟲何況未得意馬蹄踏春風端
坐學蟋蟀弄聲霜月中

通儒抱道義轡軻非所憂憂來浩無方感此天地秋歌
爲金石聲讀作逍遙遊

欣善堂文

用今五言立秋大雨詩韻

吾黨爲文章期與發光燄晝夜常熊熊萬手莫能掩誰
懷白玉璞秘之黃金檢西郊敞文壇九日薄雲淪今辰
天氣清雨颺微招展晴暉滿秋堂浩蕩不肯斂盍簪瀛
洲數同諸十人先後來以漸各剖所席珍鸞牋浣溪染筆

唐堂集

卷三十五 五言古詩四

上

尖花灼灼硯凹墨灑灑秋水碧一泓叢桂金萬點香杭
匙上滑寒菊籬外閃嗟及郡乘荒莫慮佛頭玷佳題豈
厭多人可奪扇簾時有秋水賦重陽後鴈詩農事初成野飯香詩愛菊說擬松江府志序
諸文事勇廓清膚庸掃塵魔三辰揭其闕五丁鑿其險
賞奇共浮白金谷罰無忝

顧小厓編修告假歸里燈下過我小飲

蕭寥藜藿逕澹蕩燈火夕方欲溫濁醪門有車馬客夙
昔同心友五載霄淵隔何幸逢萊仙來訪漁樵迹剪燭
相視笑鬚皆倍前白雨曾蓄所言爭吐一漏百且與放
量飲良夜虛可惜春風慰索居舊雨得三益楮袖紅未

灰更籌莫催迫

乙卯歲正月十三日雪後大晴是夕宮傳公張燈
設宴於愛日堂飲罷賦別

雪晴午泥收日落夜燈出銀花門外繁連炬堂中密尊
韓濃湛湛煙火喧輝輝廣坐十九人位置予第一漫言

馬齒長須髮霜換漆宮傳悅視之童孺若子姪公年八十四世
南學士方大編修光亭廟亭二孝廉皆在坐疇昔宴此堂大戶詡無匹飲或

盡八斗醉則臥三日今來頗不勝目眩嬰微疾觀燈既
羞明縱酒眩愈溢金谷罰應減玉山顏恐失合歡爵油

油終筵賓秩秩款留情無涯辭退禮已畢踏月放孤艇
唐堂集 卷三十五 五言古詩四 三

寒水流汨汨

元夕讌會浙制府署

筆牀載江舸為讀越絕書

浙志

招邀嘉平朔至止上元

初良會乘佳節廣筵臨前除幕府多賓從翩翩曳長裾
芝玉如聚星客右忝屬予羽觴飛絡繹豐膳羅衆諸燈

火爛以昭有目不敢舒患目未愈但見金輪現中有紅芙蓉

舊年田歲稔四境歡有餘今夕與同樂青天照蟾蜍

憶小山梅樹

揖君虎阜麓歲寒始結交嫁我江舸歸棲之小山坊感
君愛我厚蒂蕾團作苞一身備三色密餘無稀梢獻歲

出門別依戀不忍拋豔陽二月暖萬卉剝春胞客中已
欄漫盆盎紛書巢料我老姑射亦妝紅綠蛟睽連三百
里棄置谷陽郊歸期何能待零落粉黛包羽翼不夾體
肝腸費爬抓吟哦寄相思夢向南窗鈔結愛在一心始
終漆與膠梅梅必我諒落花能解嘲

封司冠張公同顧太史在西溪招觀梅花目疾不
得往槩括答東語為詩

西溪夢見之梅花盛而古陽春滿山莊香意一時吐遙
知迷濛中豔雪擁賓主雙雙貽鯉魚招我入瑤圃兩眸

畏風日一心懶鼓舞咫尺雖孤山遊力尙未努况欲煩
唐堂集 卷三十五 五言古詩四 古

舟車不能挾毛羽準約明年花來與捉談塵花前懽闌
共併作一春補

庭前盆柏高三尺小鳥巢其中

鳥曰主人仁非予擇木智豈無高深林不免彈射累此
間忘於機厚德化童穉殪卵可無虞俯闕亦何忌樹寄

盆盎中予復寄於寄牖戶隱眠食雛穀拜君賜主人敬

謝鳥感頌良抱愧庭雖羅可張燕雀儘遊戲翮如鴻光

借皐懸殊造次突兀無萬間安得寒士庇庇祇及纖羽

荒寒負初志

掃地

不解陳仲舉不屑掃一室曲逆宰天下兆於分肉日微
廬湫隘居礎潤夏霖溢炎歊回燥乾坐可繙卷帙何來
積塵垢雜沓眼前出輕浮播柔惡到處紛且密忤我清
淨心胡能不深疾親任箕帚勞糞除不遑逸曠然十笏
地遂足容我膝

拔草

不解周茂叔窗前草不除詎無佳葩卉意思良發舒藉
莠蕞穠施不辨萌芽初春茁夏滋蔓放肆淫雨餘閒庭
無人跡晨出讀我書莽莽數弓地蟠根作安居大奮我
義勇非類所必鋤難拔不遺力十指鉤戟如快然蕩滌
唐堂集 卷三十五 五言古詩四 五
盡遂可息吾廬

題老樹軒圖

粉墨壽極末萬象託以傳獨此古榆樹其老二百年自
能致不朽豈授繪畫權我推達者心一切虛空綠軒廊
水竹石由人不由天千載積人事如蘭亭輞川非繫紙
筆力泯滅爲荒煙斯圖復斯詠留貽感後賢

渡江

乘風破巨浪快哉親試之大江如劫堂舟亦芥所爲苟
具濟川志鴻纖無異施吾生數經此積久霜滿鬢胡爲
今遠役豈不念衰遲

新皇紹鉅典宰輔舉不私曷敢怙遐心黽勉行及茲波
濤敵秋壯長嘯倚高桅

紅花埠曉發

策蹕淮充間五更已就道西月入車牖窺我睂眼老露
氣明方塘蟲聲發衰草夙興清我心領悟及秋吳衽席
洵可安馳驅亦云好

驟輿

燕趙齊豫間三以驟輿從備嘗苦辛意欲寫筆已慵衰
老復北遊坐歷山萬重机杼盡奇態倍覺心憧憧或恣
其擺蕩如遭篩米農大箕納肉軀簸揚輕以鬆或縱其

唐堂集

卷三十五

五言古詩四

五

敲側互作高低容如乘舴艋去而被風浪衝或爲上下
顛欲如杵臼春一日此偶作其惡猶平庸或爲前後竄
如人肆窮兇危坐擁茵褥支體相撞搭橫陳彌掣曳頂
踵摩成癰攪亂心肺肝顛倒在一胸雷碾撼衆響度物
紛橫縱昨過沂州守餅酒饋十封合貯一鳴夷嗜好風
所鍾攜之趁晨星以備旬日供不知侵衣濕唯觸香氣
濃摸索賸涓滴歎息無歡棕驟兮胡不諒傾覆此醇醪
曷以禦霜露猶幸非嚴冬驟兮倘能言嘲笑問吳儂家
居細斟酌可以娛朝褰胡爲磨辟名來逐塵沙蹤胡不
飭軒蓋騶騎鳴邕邕赧然不能對遙思阮嗣宗

墨香樓眺雪 得樓字

感爾有情雪與我三綢繆一冬幾相見條忽歲已邁寒
晨下九霄笑態舞不休紛紛覓吟侶騷緒如絲抽萬瓦
明英瑤冷光射滿樓凭闌白浩蕩目眩笑暇收衮衮公
卿心穀精占有秋客賤不越位眼前娛清幽爐紅可坐
擁酒熟聊拍浮一醉入鄉夢梅花樹下遊

盆景有六月雪者枝幹三寸許夏秋開小白花甚
盛不已感其弱植微命違時標潔貽以五言

葩豔塞天地寸卉遜孤子雖稟纖弱姿能立清白節炎
酷爾何爲自命以爲雪五出開幽寒三伏吐瑩潔葉綴

唐堂集

卷三十五

五言古詩四

七

冰瓏玲枝棲玉瑣屑違俗一以冷因人萬無熱對之若

貌姑花亦愛予別

白樂天句世間少有別花人別音驚

醉白池讌集

得探字

皇天幹秋律涼至暑漸改高雲碧湛湛廣石青磊磊風
景灑一池吾視若湖海叢桂奮厥時天香坵蔕薈芙蓉
雖未華不用涉江採嵇阮聚酒徒屈賈築驢羣揮杯吞
雲霞灑翰落璣琲緬懷曠代人逝者今安在繁敦績昔
遊流輝儵一載

客歲初夏集此

及此蕭爽辰不樂復何待

登高

秋山何嶸嶸秋水何淫淫秋氣尚未悲白日暄園林林

間隱岡阜聊當龍山岑陵谷有今昔亭毒無昔今登臨
發慨懷今心同古心頽然挹酒卮浩歌吐商音詎中無
射律差學蟋蟀吟觴詠願留跡後人能追尋

秋圃

得催字

西風起一昔籬下黃葉堆不知數弓地秋光何濃來哇
稜賸瓜壺樹陰冷莓苔淺蕪露以滋殘綠霜以催人悲
氣慘斂吾愛天高開清時暢人事灌園非庸才荷鋤謳
帝力摘蔬侑賓壘叢菊酒酌之不遺壯志灰行樂無大
小游目皆瀛萊

戊午歲首春集醉白池

唐堂集

卷三十五

五言古詩四

六

昔逢池上萍厚綠翳鏡面霜雪磨淬之空明水心見春
風澹不波倒影落葱蒨章徒毛髮澄直使肝腑現靜地
值佳日少長集羣彥黃鳥叶筦弦紅梅飾婉孌尊酒談
諧中爛漫入經傳解此文字飲諸餘更何戀水清不濯
纓吾欲用洗硯

元夕雷雨

天陰節易感人老情易傷卒歲敗雨雪拮据完官糧安
得鼓餘興發彼燈月光雷電暮隆隆沛然下滂浪吾生
多憂憫觀此矧不揚遊心入幻妄匹如周甲忘甫登十
一齡嬉樂未渠央

秋旱請雨得雨

十日走官吏秋陽炙田蒿巫厄何忍暴零榮豈不勞繁
露舞白龍蜥蜴求其曹綠章上封事黃冠切心切有淦
朝驟集東旭紅光韜雲頭墮雨絲點滴皆天膏徐徐卯
至酉斯慶匪易遭因念萬田疇如渴飲醇醪津潤不破
塊亦暫閒枯樛晚飯理蓑笠詰旦勤芸薹雨暘繫民命
上帝權所操果達下土誠無慮蒼天高

越七日又雨

晨起見苔濕涼寂宵不聞廉纖宿雨滲漉頭上雲皇
天不靳澤風細吹紛紛久之落點巖檐霑霑聲云云較前

唐堂集

卷三十五 五言古詩四

九

禱祀求翻覺意思勤吾友呼將伯閔農失蔗耘各有位
育志何勞霖雨分徐今吾望雨詩寄語調羹賢宰相好分霖雨到窮鄉有秋可冀
幸不憂如憐焚小試庭一隅卉木霑清芬免我伺潮汝
抱甕河水濱

賦得和靖妻梅有序

歲已未花朝集徐氏東軒賞梅賦詩分詠故事予得
是題宋史隱逸傳言逋不娶無子梅堯臣與逋同時
相識序其集亦云沈括筆談載畜鶴放鶴事而不及
梅其暗香疎影詩爲六一所極稱憑弔者遂兼及梅
鶴殆後人因不娶無子故爲妻梅子鶴諧語非若子

猷之竹君紹述之松官栢士元章之石丈自爲品目
乃至今習傳爲故事何所根據也白樂天憶杭州梅
花詩孤山園裏麗如妝則不始於和靖西湖志引李
日華重修放鶴亭記則謂林初亦婚娶生子洪著有
山家清供一編每稱先人非不妻而妻梅非不子而
子鶴按洪字可山宋理宗時人其種梅養鶴圖說自
叙家世七世祖逋意是來仍族孫傳會所著書亦鄴
瑣李記謂是父子大謬豈子下洪上本有七世孫三
字而葦志者誤削去耶

唐堂集

卷三十五 五言古詩四

三

遜世暱山水童鶴相與棲土物產梅華澹交久不睽幽
閒負靜意配得高士齊豈其翫香影謂足充空閨諧語
諒非實牒系尤無稽嗟予今老鰥麗辭艱品題不如飲
旨酒花外斜陽低

雨舟過嘉善懷陳明府

嘗爲喁與于久爲參與辰一分秦淮翼七歷天涯春袞
袞公卿輩珥貂拖朝紳孰屈宏博才循資使牧民史公
傳循吏終非賈董倫庶幾弦歌宰吾道能愛人一條魏
塘水浩蕩流其仁涼颼吹片颿愁霖已挾旬安得攜笠
展重與睂盤親所期汗青上千載光華新

霜暖

霜暖一陽復庭草欣欲春衰顏顧不如終作枯瘁人清
淨老之學空虛釋所遵同宜聖賢徒憂患時切身松或
遭斧斤桂或推爲薪尙說松桂好負屈何由伸

庚申歲正月二日大雪

冬熱忘五九易歲寒始還節候入臘深欲發春之端皇
天重民命降雪非等閒揮灑瑞應圖縱橫作大觀去年
足豐穰今年愈無患朱門恣豪賞蓬戶亦歡顏老子捲
簾坐硯冰呵正乾飛入數大片融洽濡柔翰陰陽昭至
理近在目曉間清輝可娛悅何暇吝祁寒

次早雪未已

唐堂集

卷三十五 五言古詩四

三

窗明疑天曙不知雪所積臥待雞三號起視瓦一白翺
舞無停姿盈盈已及尺迷離冒益益爛漫封水石壓沒
松竹青奮勇使裂坼修挺復離立功若起廢甃門庭無
人來損我瑤玉跡掃一微徑通茫然自著屐此時樂莫
樂喜氣溢大宅翻慮日出消紛紛應酬劇

誰謂

誰謂夏日長忽忽景晏懶惰無寸功光陰送炎暎誰
謂夏夜短展轉不能旦尤悔集寸心惺然警流汗失我
壯日月枉我老軀幹今歲值閑餘四時去已半腐草螢
火微伏陰雷雨漫撫此系榆景臨風發秋歎聞道嫌遲

暮著書愁渙散嗟彼宇宙人庸庸近無算

唐堂集

卷三十五 五言古詩四

三

唐堂集卷三十六

交還

華亭 黃之雋 石牧

七言古詩一

鯢鵬

海水怒拂青天濕海若親扶大魚立獨攜神力向南方
鱗介無聲相對泣變化髻鬣翔秋空兩翼平行拖海風
戲伸銳喙啄星月蝸石壓背輕如篷日中遊絲一萬尺
不向晴雲索勁翮惱得蜩鳩如眼昏那知雲路風中墜

易水歌

慶卿沉飲奪天醉劍術不向常人試烏頭馬角姿絕倫

唐堂集

卷三十六 七言古詩一

一

白虹垂吻吞西秦夏扶宋意不足俱舞陽年始十三餘
事急何能待我客豈無漸離與狗屠此行六王受其福
八尺屏風障函谷不中祖龍中銅柱七首有靈應夜哭
高家筑張家椎英雄義勇後所師曷若易水千載悲秋
來浪黑龍泣不願臨波聽別離

垓下歌

夕陽黯黯江邊落鐵騎三重圍繡幕風吹楚歌中夜生
貞魂一縷隨秋杓君王努力霸東方尙有神騅戰幾場
皇天苦欲鉏豪桀慟哭泉臺訴項梁古來鹿逐浩無主
蛇旣橫分雉翔舞炎炎赤儀有時灰烏江秋水蛟龍怒

大風行

額項乘坎威太嚴中夜選吏推蜚廉廉也奉命摩其銛
橫入天海摧翔潛吹翻楚江股拉折吳峰尖聲若馳突
百隊出塞之戈騎勢欲捲起千家撲地之間閭重以雲
師四合之靈輿雜以屏翳萬點之靈靈鬱儀紫烏結璘
閉蟾蜍嘯滿野神墮其髯羣靈攜逝昏氣一殲賤子恒
怯窮愁愈添閉門悲吟悲徹天寒淚落紙流漸慚雙腕
戰瘳筆僵睡讀書亦受天帝箝翹待功成定勇退會邀
太皞青眸瞻

冬雷行

辛未歲作

唐堂集

卷三十六 七言古詩一

二

冬十二月日丙午東皇甫作十日主十七日喜遶晴風
欲試春黃昏條忽逢天怒土囊一決天門開踏空撼地
風如雷衝激雨粒急於矢黑龍攪海彈石子一聲霆擊
萬竅聾劈歷一走一千里阿妮礮礮掀紅唇笑影閃爍
刺眼新百靈驕戰息不得月黑滿野旌旆屯青雲脆薄
險欲裂繞簷濺霜擬六月大聖當之必變容走也驚魂
但嗟咄吾聞月令仲春之月始雷雷發聲春分之前三
日令始行詢爾豐隆有底急先期踟躕人間鳴虛堂燭
短眉髮豎敬書炙竹呈瑤京

日食行

壬申歲作

春王正月辛亥之朔午日有食之地上蟻蝨微臣秉毫
爲紀詩先是歷者言前望蟾蜍厄茲朔駿烏愆蟾厄已
微越半月喜此元日晴光圓意者當食而不食詎比小
雅春秋傳俄看艸土漸蕭慘日色照庭黃澹澹禿芒乾
刺不可視印入銅槃水中覽團團赤火精何物敢肆撼
闌入西北隅張吻恣其啖喉間咯咯久不吞銜過哺刻
始一噴羲和憤鬱草草去歸去乃命風伯吹乾坤一洒
白晝之微恥振醒瞢瞢知卑尊是晚風露君不見玉川子揮
涕嘗龍雀欲磔蝦蟇死彼見蝕月尙不平矧此日也尤
天晴神堯之年日近出天變亦爲盛世呈請付瞽師歌
唐堂集 卷三十六 七言古詩一 三

我日食行

題林良孔雀圖

南荒山中雙孔雀狎昵蠻煙喚寥廓雄尾濃垂三尺餘
雖乍翹身露一脚春風吹山竹節高日月滄蕩輝珠毛
畫手隻腕灑墨瀟灑入絹素防其逃前朝遺物挂簾宇
夜見兩禽起翔舞白晝看時金翠靜猶似回眸憐斷羽
對此遙憶徐與楊各留詩筆評林良倘逢此圖作何語
試向靈禽問短長升菴述胡子厚之論云宋馬遠夏竦
不足爲顧吳之術官近代吳小仙林
長又不足爲馬夏之奴僕其抑之如彼而文長題王鶴
亭畫云本朝花鳥誰高格林良者仲呂絕伯矮人信耳
觀觀馬只曉徐熙與崔白崔徐一紙價
百金風韻稍讓呂與林其推之如此

雨中採豆歌

著屐踏泥與泥語豆花落處採秋雨濕葦在竈水在釜
授妻烹之供老父卿不見杜老晨粒未到腹兩脚插雪
刷黃獨

迎神曲

蒲牢響金鼙響革天門晨啓流霞白青藤之章肅上馳
草龍如馬下雲陌欲下未下雲中留靈花甘雨散滿頭
壇官凝睛口無語劍影霍霍揮空秋日輪陷山燭光紫
仙吻垂飲人間水笙簫法曲細於絲玉頰嫣然開笑齒
帝錫汝壽八百霜麻姑傳命鳥爪長羣靈詰畢騎龍去

唐堂集

卷三十六

七言古詩一

四

月靜唯聞松子香

落花行

春庭寂寂花影多東風無聲窗外過一簾遊絲倦如夢
缺蝶舞出青苔窠韶光徘徊欲辭去十折欄干圍不住
顰角斜暉脈脈睛檐頭紅樹飄飄雨美人謂花長在枝
行到花間步即遲枝枝相對呈嬌面葉葉相當展笑眉
當時自恃好顏色當時自饒香氣息作意妖韶媚豔陽
恣情放誕誇傾國那知一片減春光欲留不留空斷腸
春因蕩越身難固色太招搖命不長今朝滿地紅點點
只愁明日春泥染還解相思枝上無露華泣損燕支臉

美人親替落花哀終有落時何必開何年不見花開日
何年不弔落花來天青樹綠人無力誰拾殘紅葬園側
我有剛腸鐵石同亦逢落花長太息

崑山晤家萊友廷宣話舊用陳檢討詩韻

粉牆醉墨塗不歇黑蛇走精繞壁沒兩君燃燭過讀之
絕倒敲落冠與襪君也大笑吾大哭世情肉食騎糠粃
站處多於黑白蠅螫時毒甚雌雄蠅那如諸阮雙眼青
族誼耐久無虧闊鬚髮維龍共螢案狂歌顛舞驚僮卒
鬼事燈青夜榻談鳥書字綠春窗核爾俊嘗生座上風
予擬欲摘天邊字書堂一散事如煙毘陵先生薛生骨

唐堂集

卷三十六

七言古詩一

五

謂萬莊伯昔同廷宣讀書其惟自宿州遊歸今又將赴京師砌壑梁窠別授人狹衢漫刺何門謁
城涼街滑雨絲颺鼻幽花幾回發相逢閉門且弄酒不
省俗兒嗔傲忽日又煎人急似湯霜將殺草嚴於鐵朱
涇之水金山雲莫嗟久跌蓬蘿窟銅魚銀艾彼何人丈
夫亨時亦腰笏

贈友納姬用前韻

綺閣鸞簫吹未歇龍涎噴得腰輪沒冉冉人倚月行
攢瑜無痕踏鴛襪家本長洲近響屨檀眉堆髻厚於麤
瑋梁海燕春哺雛花窠山雞晝啄蝎阿母前頭年最小

梳裹似出廣寒闕呼姨採蓮作權郎索姊搖旗充陰平
擘繡喜織鴛鴦毛浣花愛培梔子核漸識春風十五餘
戲卜琵琶算羅字恰逢白馬朱輪客憑仗雙眸選姿骨
三斛青珠瀉榻圓入門直受紅裙謁風流郎君膽氣麤
那愁短轅避閨詞吳橈竟載錦涇葩寒豔移來亭城發
兩鏡修蛾畫莫停雙眠私語聽無忽但須老此溫柔鄉
肯覓封侯誇建鉞車渠杯深燭笑蕊竿絲細開黃金窟
小窗綠砌雨泥香種滿宜男餘幾笏昔人以笏量地

同路西駕訪梅鍾氏廢園疊前韻

北風雖長風暫歇西日雖短日未沒路子逸人興忽豪

唐堂集

卷三十六

七言古詩一

六

黃生不及整巾襪借徑糟牀麪市間展齒鄰鄰印麤麤
小戶團茶館蜩鼠雜木拱癭鋸蟬喝十畝寒光陷一籬
環築梅花作城闕以方庾嶺真強敵縱比羅浮亦勁卒
古臂麤鱗三百餘決蕊無數難稽核紅椒錯落綻珠璣
青蕾紛紛閃星字欲吐未吐嬌女昏淺淺年華弱無骨
主人給事之子孫自說前朝盛賓謁此園巖壑擅奇巧
花時連觴相勸罰石散池枯已百年墓下筇芭響猶發
月明羅裙窸窣來窺倚梅叢貌恍忽二子開言搔首愁
底事煙霜換旌鉞計緩匝月應齊放莫惜重來醉花窟
壺醪吾貴憤昇禪盤鮮君典魚須笏

甲戌歲暮感懷疊前韻

谿風晨吹青火歇班狸窺寒見復沒
叢茅古巷日痕荒
殘雪欺人上衣襪曲逆門前罕車轍
身癯不肥洵食麤
但曉注書伴蟬蠹不解鑽人作蜂蠅
蒲團蕭蕭侶何物
筆鋒老禿研稜闕擬寫長箋寄天帝
窮愁况值歲將卒
嗟予本是瑤池人嘗呼朔也栽桃核醉入銀河斬怪蛟
戲踞瑤臺射妖孛天帝憎予跌宕姿謫墮東溟鑄凡骨
再拜辭帝帝亦憐天子金門許臣謁塵蹤自省無他過
綺語料復添冥罰侘傺無成二十餘髭須頗從瘦顏發
幾輪軋軋鞭人命貧賤光陰逝何忽只嫌青佩纏筋骸

唐堂集

卷三十六

七言古詩一

七

安望黑頭擁節鉞酒紅於血飲莫遲他年澆不到墳窟
君不見明月徘徊上老塚徒照淒淒翁仲之紳笏

獻歲苦雨元夕始見皓月喜賦倒押前韻

急整青衫搢木笏中庭下拜團圓之月窟騎鶴嬌女靜
羽霓伐桂仙郎停斧鉞滿階碧水滑玻璃一鏡青光洞
絲忽擺脫雨雪乍出來過海一洗倍鮮發雨雪肯何橫
百鬼肆凌罰月姊鎖陰房羞懦敢出謁顧免劇愁敗却
腹下白玉毛蝦蟇隱痛將朽背上黃金骨望舒今夕大
振恢復功氛霾駭散光字字近水來輝妓院燈窺廊入
照賓筵核千場夜酌賞閨妹幾處春愁起邊卒一年月

止十二圓此月先則定先闕豈惟黃生運頗領亦覺嬌
娥命磨竭相憐深夜呼中厨爲我煮菜蒸殘菰一飽還
索覓頭釀百錢又典脚上襪揮杯酌空澆月濕流連中
天忍西沒但願明月之華色與美人之芳顏年年歲歲
盛滿無彫歇

螢燈曲

風飄秋螢墮綵幃拾來請入練囊居明滅微青不自照
豈有餘輝來映書飢枯一宿流螢死堆庭雪花那能俟
壁上良煤知幾重屋頭曲月涼於水貧士螢燈照不長
豪家絳蠟蘭煙香籠紗一半金翡翠勸酒七二紫鴛鴦

唐堂集

卷三十六

七言古詩一

八

此時無燈無不可牀角明珠亦自光不知流螢窗外度
任爾飄過花陰住

蹋鞠行

有序

嚮城楊生少以蹋鞠事前朝諸王後歷奉馬楊諸帥
今又以某守備薦於督帥張侯偶同旅舍索賦蹋鞠

行

衰燈如煙鐘無語對牀楊生帶酒舞自言有鞠蹴最能
雖不蹴時鞠亦騰今年八十健腰脚平生遊侶傷寂寞
烏巾王子霍將軍日日東風蹋細塵秋草今繁何處骨
斜陽猶照擊毬人轅門馬嘶瓦霜白僕射坐中多貴客

生盡爲誦昌黎書徒索予詩亦何益

夜雨屋漏起坐有述

今夕何夕雨勢催徹歲歲愁黃梅揜房就枕強酣睡
不使風霆入夢來浸潤著身始驚寤屋漏牀牀不可住
笑電闕窗滿罅紅顏雷浴濕翻盆注披衣剪燭相照視
牀前水明燭花裏南榮滴露悽悽入心北牖淋鈴聲又起
疑有蛟螭夜蟠壁壞梁決決行湍黑鴉鬼叫嘯昏夜中
靈意蒼茫猜不得嚼肌蚊喙又公行汝曹亦來愁我生
東方沉沉安得明

杜梨行

唐堂集

卷三十六 七言古詩一

九

悲杜梨杜梨誰所栽堂東南隅絢霞日春深繁紅方盛
開濃陰可以庇風雨此是先人手植之名材悲杜梨花
謝子離離味澀且酢不中食何爲撲擊無子遺廟枝刮
葉不待熟坐使喬木遭戕摧悲杜梨青子墜滿庭杜梨
有淚中夜零丁丁擊子如擊心聞聲慘耳不可聽悲杜
梨昔日貴陽春今朝剪拜如朽薪縱使味美過羊棗何
忍當年手植人

鴻門歌 有序

唐李賀朱謝翱元楊維禎皆詠鴻門事詞意崛與鼎
峙千古然俱左袒隆準翁予謂是項王仁厚不殺故

作歌以定此案

鴻門虎光夜半騰客氣蕭颯主氣盈風雷淳鬱儲胥下
酒香入鼻聞人腥坐中玉玦相煎迫赤蛇蠕蠕縮一尺
一家兩劍別雌雄劍合纏綿開不得拳握小蛇將摔之
狗屠食豕來亦遲將軍慈憫包大度開拳放蛇令生去
蛇蚺奔雲曾幾時活我鴻門知是誰重瞳縱使恩如父
只伴殘羹啜一杯

畫雙松歌

兩松離立如兩翁虬髯瘦臂身如龍晴天滿堂蒼雨濕
一派生翠游秋空杪榦勢欲撐屋出畫工力爭捉以筆

唐堂集

卷三十六 七言古詩一

十

怒蟠根牙嚙石笋輪囷餘氣蒸芝朮先君購得歷一筭
歲寒懸之寫深意雪窗相笑一無語高影時陪老人醉
粉墨如新手續乾古意降作丹青看春壠松花吹萬綠
畫松精靈聞夜哭

題十二雀圖

花鳥不知何人作絹理塵蹤圖記落陸離精氣自騰躍
何不畫僧繚之鷹與嗣通之鶴乃畫勞利最小之羣雀
一雀據竹勢軒軒三雀蹲語二雀翻一雀欲下尚未下
竹膚滑趾兩翼掀五雀梅花叢篠裏流目仰呼思上簫
微羽太得浩蕩趣尺幅益益春聲喧我不知此圖取何

義梅瘦篁斑竹十二想如摩詰畫致高雜寫化工見真
意尋其姓氏無署押古詩十九屬某甲絕技往往寄香
冥笑爾呼名池上鴨

· 帥府燈火歌

上元一雨連六日遊興鬱待星月出星自光明月自黑
月黑始形燈火密此時城南帥府開廣場樂作風徘徊
旌旗戈馬暫麾去士女蹋歌連臂來誰持一炬秋螢小
儵忽金蛇迸千道葡萄苗煙裏活紅鶴飛去燒青吳
東西桅竿隔廿丈火氣遙通一時燎撼地雷燔赤壁船
殷天燄捲襄陽堡大魚小魚空際游百尺虬龍急一流
唐堂集 卷三十六 七言古詩一 土

風雨怨歌

荒荒一雨百廿日就中狂飈莽蕭瑟暮雲解駁時未迴
駭電奔雷天又失北園紛紛泣桃樹西牆棠梨落猩雨
燕子春寒飛不來鬼車夜黑哀鳴去陽氣掩抑陰氣騰
雨暘寒燠乖休徵義和如解變理事時令何爲汨五行
去年冬雨歲大無今春多雨傷農夫蠶豆作花愁太濕

小麥涓涓成淚珠妻孥但嗟窘薪粒僕自傷春百慮集
遲日晴絲牽恨長何況淒淒風雨急

吳宮篇

名都連海湧雅樂奏吳趨茂苑笙歌地昌門錦繡區昌
門舊是姬光築反羽觀繞龍影曲二八通門水陸開三
千寶劍東南服刺客風吹體作灰寵姬日照顏如玉
貌宮娥小勒兵一雙隊長更傾城初開笑靨誅麾下
教纖腰識陣名南平鄢郢雄圖傲歸建蘇臺三百丈上
拔姑胥高入雲俯臨震澤圓如盎震澤潮紫碧玉街蘇
臺花映紫金釵射鵰陂外春陽好走狗塘邊日影佳女
唐堂集 卷三十六 七言古詩一 土

兒鶴市紛紛殉新婦齊門鬱鬱埋下邑殘年娛季札中
軍傷指囑夫差魚腸磐郢穿池入贖鼻燕頭渡浙來夫
人解唱烏鳶曲却依馬糞捐膏沐幸釋辱因出石門代
求國色充金屋金屋中間白玉牀上棲翡翠下爲鴛鴦
中餒淚編成轍海外龍涎屑作香吳娃千數承恩澤春
花秋月爭顏色一朝輪與流紗人縱有妍姿騎不得上
城歌舞學三年來與君王試管絃此中粉黛皆塵土彼
美容顏儼帝天浴將水色香肌滑步得廊聲紅屐同紅
屨夜呼嬌婢換香肌春擁醉王眠並醉朝朝眠夜夜幸
情牀第消雄霸罷遣靈威入洞庭常呼白喜來消夏君

王別構館娃宮百倍蘇臺土木功巖似一牀安檻下湖
爲五鏡挂窗中界絲蛟瑟彈吳操駢竹鸞簫吹越調同
上翠臺望四垂會稽不用回眸眺孫聖判教野火焚伍
胥又鼓江波掉側聞西子語吳王長夜荒就慎莫忘自
古銷同地逝水及今流醉答韶光又聞吳王語西子富
貴直須行樂耳鹿走宮庭未必然烏棲臺上何辭死相
攜水戲劇荒遊不省長洲作沼流甘載脂香歸浣浦三
重羅繡臥卑猶此時梧宮秋雨白此時桂苑寒煙碧應
憐鄭旦獨沉身遙羨鴟夷雙避跡扁舟遊戲太湖春夢
入吳宮隔世身江頭一曲菱歌起愁殺同時宮裏人西
唐堂集 卷三十六 七言古詩一 三

路舒馭招設石首魚

野夫四月滄海邊盤中久缺海味鮮鮓鱮鯿鱖雖滿市
囊漚又苦無餘錢故人作詩邀我食讀未終隔先流涎
亟往爲我設午饌卵黃肉醬堆案滿就中一味爲之君
黃金鱗鱗飛巨碗此味乃是石首魚美過江瑤與蟹胥
名饌已徵景純賦化鰓曾志韋耶書老饕下箸違前古
急取腹饒膏甘腴下酒可傾百十瓊膠唇膩吻沾香

玉盤一空直茗芋潤我數日枯肌膚花前小聚亦樂事
長筵廣譙何爲乎君不見馮先生彈鋏求魚賓客輕又
不見樓君卿五侯致膳合作鯖飲食亦因交游異使我
銜杯百感生

打穀詞 東土多種菽謂
豆五穀之一

打穀打穀先築場場如砥平銅鏡光四圍堆穀高若牆
裁韋束竹竹柄長若不用汝相贊襄十指剝擊安得將
束場打穀西場歌腳聲抑揚與韻和就中五音角音多
白日燥脫葉與柯大風西起紛相投腐餘飛揚逐逝波
甌窰穰穰真滿篝三年大無今有秋邑有賢宰仁優優

唐堂集 卷三十六 七言古詩一 四

謂荷
明府符檄不許橫索求能使汪濊

皇恩流鄉農踴躍爭納官升斗餘儲婦子歡新篋滿缸
蔬滿盤殺雞召隣酌且餐蓬頭赤足昨打穀今日衣冠
新沐浴去聽神絃太平曲

秦淮曲 壬午歲作

七月八月清秋天我來秦淮樓上眠秦淮見我顏色改
我見秦淮似昔年秦淮傳是秦皇鑿閭左藉衣供竭作
王氣綿延鑿不沉六朝遞享江南樂前明況此作陪京
愈轉光風動簾幕夾岸垂楊映赤欄風軒水榭幾千間
船王笛吟春午萬檻銀鐙灼夜闌水邊金粉紛無數

豔曲妖姬相顧慕左連渡口接青溪十里流脂失鷗鷺
陳迹俄移六十霜紅亭書閣尙飄香每開桂花名流集
行李紛紛寓水房就中我是多愁客日夜憑欄看水色
夜月朝煙愁殺人何況隔江聞壓笛笛裏音聲細細聞
歌喉宛轉聽難分似將風景山河意和月和雲訴與君
月是宵娘樓上月雲爲孫亮枕邊雲桃根桃葉唯流水
結綯臨春但夕曛子弟風光埋白紵姬妾花霧損紅裙
燕子辭歸黃蝶舞石頭烟景長千雨遊作西風一夜聲
編成南國三秋譜怨曲從教商女彈愁心恰代羈人吐
淪落名場垂廿年雲衢渺渺遠於天萬言繡虎工何益
唐堂集 卷三十六 七言古詩一 五

送大兄之補陀

我兄少壯時義勇而有爲屢作襄陽估不數游俠兒血
性憐貧好施予揮金不惜如揮土孟嘗養客將無同劇
孟叔人堪與伍世人納交憐黃金黃金已盡人負心門
前但羅廷尉雀座上堪鼓雍門琴家貧年老無所事清
齋唯仰慈雲庇不辭結筏渡南洋遶佛場中求及第煎

茗烹蔬餞我兄豈無事業與功名雄才屈首皈淨土小
弟中心爲不平

雞冠花歌

堂前曬錦一何密陸離照眼耀秋日誰道是花不是錦
織錦美人織不出天公夜磨金剪刀剪出新樣龍文綃
直割鸞鳳一片頂雄雞側項不敢驕

桺虎行

周易曾以虎配龍大人之變從以風奈何失勢遠巖窟
俛首帖耳來桺中廣庭不耐遊人覷掉尾欲去不得去
悶倚春風且鼾眠夢入南山最深處醒來昏昏循桺走

唐堂集

卷三十六

七言古詩一

六

童子叱之如此狗咬口欲嘯聲亦悲似訴英雄落人手
鐵鎖鎖桺三尺慳虎欲發威殊太難人競將錢投虎口
虎吞一餉卽吐還此虎亦知人愛錢吐還以博人情憐
聽復與人供狎戲不比飛騰巖壑邊滿城紛紛傳玩汝
惶愧敢誇身是虎人散庭空風起時獨坐桺中淚如雨

琥珀船歌

座客遇酒力不努甘心推我爲大戶每遇分杯到我前
別異不與羣杯伍主人疑我量無匹酒闌復權觥船出
午離離匣彩四溢真珠瀉酒紅瑟瑟酒色杯光血蚶蜆
燭花射處若無酒十指拊滑不留手船頭側卸香滿口

炫目張膽勉一傾覆視知是虎魄成鬱金香潤紋隱現
巧匠鑲刻如天生下篆某皇某年製兩旁行草十餘字
乃是赤壁賦中語意謂坡仙泛月乘此去象牙爲藉湧
浪紋珀船搖動瀟湘雲但不略聞鴉軋聲載酒拍浮此
生足何論舒州杓與力士鎗黃金騰光頰玉理洗而藏
之獻綈几以配玻璃七寶杯以酌西域蒲萄醅

鹿尾

君不聞白鵲血巨蒐珍錯非常設又不聞麒麟脯麻姑
仙厨不易覩人間奇饌猶紛綸黃羊紫駝與素鱗豹胎
熊掌猩猩脣通口不如鹿尾珍秋山伊尼腴且美合園
唐堂集

卷三十六

七言古詩一

七

齊向箭頭死煎角爲膠肉作鬆雕尻截尾尤甘旨肥滑
脂凝白玉肪鮮妍血迸紅晶髓銀刀報切薄於紙噉之
芬香溢脣齒吾聞五侯七貴爭饗賓天寒雪落少獵人
此時此味不易得此味若無坐無色金錢不惜相搜尋
一拌價逾十數金依稀下箸萬錢似不數豪舉剗牛心
賤子惟辦菜園腹郇公庖厨未寓目玉堂學士張晚筵
恰是京師馳一束邀將詩客大家嘗筋頭風味勝全鹿
下酒馥馥神氣舒馮煖堪笑只思魚鰕馨醴美宜風雅
譜入平章第一書

魏崔朝日鹿尾乃有奇味
竟不載書第每用爲恨

催花詩

吾聞月中有桂高崔嵬中秋落子香一堆秋前料已花
早放何不約我地上同時開地上之種天上來中秋將
近蓓蕾纔涼雨晚來過閒庭長莓苔幽蘭已老寒菊晚
黃蕊白萼皆凡材期爾大放香與色一洗滿砌之塵埃
何爲遲我賞花興樹下日行三百迴花手笑我努力苦
不早壯年偃蹇淪蒿萊我亦怪花不肯連夜發雖發已
覺稍遲回殷七韓湘安在哉

小桃源行

有序

戊子歲二月宜興儲允穀汜雲招同太倉王愚千沈
子大無錫秦二南長洲繆武子宋敷倫蔣惟御飲江
唐堂集

卷三十六

七言古詩一

六

陰之小桃源詩紀其事

日高眠熟人叩門儲君招我尋桃源但云聯步出南郭
船泊不知何處村想當先艤桃花渡且逐春風繞城去
踏徧吟邊五里青坐來畫裏千株樹日午渾忘腹欲飢
閒對花枝無所爲劇筍煮茶亦快事翻喜花間船到遲
長堤桃花絢春色堤上冶遊紛似織風箏引線諒碧空
錫擔吹簫趁寒食日炙移牀數就陰俯瞰江水清以深
吾曹小聚亦千古何必蘭亭與竹林坐久忽聞笙笛細
木蘭舟泊花之際登舟不肯百罰辭載酒何愁千斛計
樽前莫待花片飛留取餘歡未忍歸天桃枝上將圓月

蕩漾清光照客衣

燕歌

送客上馬樂未停四筵半醉猶半醒留髡促坐戒苛禮
重與洗盞飛絲醕銅荷高低白於晝夜長不下三更漏
紅錦地衣如水平舞裙踏踏生微皺竹肉宛轉細一絲
燈下歌童疑女兒沉香亭前宵月照薜蘿村外春風吹
時演楊妃西子雜劇暖響融融散花霧不省嚴霜落何處鸚鵡杯
深中酒眠夢中猶逐彩雲去

竹米歌

越人朝飢入米市道逢老翁勸之止君家有米億且移

唐堂集

卷三十六

七言古詩一

九

不信去看竹園裏歸來入竹搖竹枝紛紛小米落如篩
會稽何家不有竹此君聲價騰一時炊之香釜飢噉之
甘粥糜不惟能療兒女飢餘粟且向鄰邦移或云竹有
實叶瑜來鳳凰或云竹生花枯死兼不祥吁嗟東南水
旱歲海荒獨賑未必補流亡目前但取能通腸爲妖爲
瑞何暇詳君不見白榆樹上木無米飢民劍之淨如洗
榆皮味已遜糟糠無皮對樹空流涕可知搖竹勝剝榆
我欲圖之獻丹陛民飢得稻田熟種稻雖荒猶賦粟
郡縣何曾徵竹租悔不稻田皆種竹

桃樹開棉花歌

紅雨落地春風蕩枝頭灼灼開木棉吳中但作異聞說

詩人爲詠紀瑞篇可憐繁華盛江南桃花人面豔神仙
園林三月爛如錦桃葉桃根載滿船寒女炙日裁木棉
逢秋作花黃滿田羅袖香車那肯顧濫竊花名殊不妍
皇天當此出新意略使點綴春色前以示無用變有用
浮樸直取妖浮鐫君不見吳中荒歉連歲年棉花稀少
貴金錢茅簷紡車久無響杼柚不知何處邊欲采桃花
織不得青齊絲履非吳植絡緯蕭蕭促織鳴涼風窗下
吹緝裕安得桃花千萬樹開徧木棉以爲布坐令無襦
皆五袴

唐堂集

卷三十六

七言古詩一

三

海寧聽潮

夜深月黑天不高異聲忽發東南郊乍疑千磴磨玉屑
旋若萬鼎烹雲濤隆隆濕雷霄外碾駭駭戰鼓烽前鑒
撼醒春夢不得睡聞人云是大海潮攜燈直上最高閣
側耳凭欄還向若明星欲墮萬籟靜喧喧只有潮聲惡
黏天搖脫蓬壺根捲地春破滄溟角心愁顏城郡足當
此聲逼近檻櫺旁瀕瀾已到正午方廻身不敢向南牆
仿佛循聲識其狀海水側立青天上帝虬舞舞怪螭怒
乾坤礪礪恣跌蕩吳越鐵幢移不成強弩無力使倒行
魚鹽內徙三十里坐令滄波暫岸平吾鄉亦與海密邇

清夜未聞聲若此漏轉燈青毛髮豎潮聲曳尾西南去

觀潮

白日荒荒挂海側天角浸海海一色平垓如鱗水如龍
不省潮來在頃刻東南陡起一畫青處義濃林遙天墨
巖縷索索斷且連俄曳素練縈其北豁若兩軍分陣出
二影相交忽相蝕黑包其外白怒翻白迺跳梁滅其黑
堆垓滄溟使壁立且立且行向西逼昂頭十尺來復來
橫壓海面成敵仄前水奪隘後水追神靈勞懈不得
騰蹴過眼急於矢切倒沙岸恣吞食碎碎轟轟極動
使我踏地脚無力秋風下天日影寒搔首蒼茫三太息

唐堂集

卷三十六

七言古詩一

三

唐堂集卷三十七

華亭 黃之雋 石牧

七言古詩二

次楊東野韻贈之兼索新篇

滄溟之底蟠神蛟石塘潮汐春成坳漁人採貝網盈筏
估客販寶橋連笈地靈光怪毓奇士玉樹定不生衡茅
楊君矯矯最挺出雲亭豈拒雙扉敲臭味轉深入蘭氣
嚶鳴答響流花梢去年江湖月無彩輪囷丹桂摧秋苞
碧土淒淒蝕雙劍吐燄欲解揚雄嘲互搜好句發塵篋
隤糜潑瀋臨窗鈔韓字疑向堯典竄孟韻頗學殷盤聲
唐堂集 卷三十七 七言古詩二 一

于嗟今人工僞體肥皮厚肉聊充庖相逢風雅出天性
那得不訂雲龍交入春思君積三月脫轄便欲趨東郊
願待貴鏞奏廊廟先約風雨吟蒲茝蜃樓海市正發洩
奚囊勿秘珍珠包

陳宮詹公讌查德尹太史於雙清草堂予與東野
與坐明日東野以賤索詩疊韻賦寄

書堂昨夜多騰蛟雷雨颯颯生硯坳史公鱗甲最飛動
勇欲衝斷黃河筴四坐矯厲盡頭角橫歷後勁追前茅
吟壇飲沽一屋裏閉戶不聞風竹敲百花開盡天暴熱
韶光夜捲三春梢沉沉酒氣綠瀉蟻纂纂燭穗紅含苞

主賓脫略廢儀注分大小戶相談嘲蘭亭金谷亦如此
古人叙記今傳鈔而我硯積一寸垢席間手棘兼牙聲
那知此事且食蛤但勿孤負鄒公庖酒闌人散窗蠟短
潮聲報我半夜交醉頭一臥又紅日催詩片紙來青郊
強起作答放硬語墨水拖沓如泥茭酒邊情景道不盡
二百內字焉能包

東野許疊韻見答久不至戲促之

羨君筆下蠅蚪蛟穿穴平地爲窪坳十指脩脩出神力
束縛險韻牽長箋比來頗許製新句贈我以開胸中茅
胡爲瑤華秘金篋豈其脫稿猶推敲昨見端尹圖上詠

唐堂集

卷三十七

七言古詩二

二

清颺戛戛修篁梢又讀太學扇頭作鮮卉爛爛陽春苞
二詩皆疊韻而獨於我各出納印列弗予招人嘲花牋散几
墨堆硯手閒心癢無詩鈔譬之飢人待哺急屑榆終覺
牙根聳屠門大嚼不得肉使我夢想天家庖譬之逋金
索未至富家不肯償貧交馮煖立意未焚券日望薛貴
收齊郊譬之戰書今屢下馬騰士飽餘芻茭我軍三鼓
若守壁虎皮肯取干戈包

得東野秀水署中札并疊韻詩復往一首代東

奇若晴雲滄怪蛟幽若陰窾紆巖坳燦若蜀錦染金碧
鱗若楚竹吹簫筴麗若樂章之秦柳雄若輅括之歸茅

舉似君詩百不盡惟有擊節無推敲此詩直比難得貨

首夏延至深秋梢肯向葵榴關凡豔堅留晚節開貞苞
低頭拜受今重賜洗心懺悔前輕嘲繡譜金鉞君與度
機坊花樣吾能鈔更唱迭和此真樂洋洋盈耳音無聲
但言勝負互往復循環易理通姬庖豈知三鼓氣猶作
何妨再試鋒仍交吟壇未肯築降壘騷轍行復揚秋郊
尙期瓊瑤琢新製鯉魚勿滯鴛湖茭讀之手用薇露洗
藏之帙以縹緗包

賞移堂觀黑後孔雀有序

楚撫陳公在貴竹時郵致黑後一孔雀二於家畜之

唐堂集

卷三十七

七言古詩二

三

嗣君元之孝廉招飲賞移堂出以示客并屬予爲長
歌

巫黔風日瀟湘天移到圍亭咫尺前奇毛珍羽眼中在
猶帶西南萬里之雲煙煙郵雨驛來同路入門暫隔東
西住孔雀東堂步廣庭孤後西洞棲深樹深樹扶疎悅
野賓儼姿簞弄詎肯馴有地幾曾踏雙脚何枝不可坐
一身老翁之狀兒童趣攫葉騰柯體無處長臂摻摻挂
黑綿隨風又搭他枝去豈無月峽與煙江嘯侶吟雌百
十雙此間殊樂寧懷土不願流聲到客窗況與文禽俱
作客藥欄花砌爲之宅翩翩嫺雅更出羣華衿珠佩風

流格一對圍金織翠身相依相惜異鄉春我冠軒蒼不
同鳥修尾昂藏肯避人何待張屏呈豔舞始令光采生
朱戶丹碧慘儼儼畫圖翎毛惜少邊鸞譜孔都護袁山
公爾來林巒千萬重羈縻得所遊春風軒檻之間聚靈
秀益助主人詞藻雄開筵賞飮蓬瀛裏賓客顧之皆色
喜遐方物產貴如此

舟中語四首

鼠來鼠來吾語汝汝不幸作舟中鼠何不穴李斯之倉
啖張湯之脯乃與吾曹一席之地共羈旅一席一几復
一牀偏仄不得紙帳張夜闌燭暝鼻息動秋衾爲爾蹂

唐堂集

卷三十七

七言古詩二

四

躡場竊其餘瀝與剩糧擅軍餽餒靡不嘗三更墮物冷
且濕起視殘脰在枕旁擾我愁眠眠不得江南夢短消
一刻鼠乎鼠乎至此極今與汝約恣汝食但勿復近臥
榻側于嗟我空有令鼠不遵驅鱷斬蛟真古人

蟋蟀蟋蟀吾語汝汝在舟中劇淒楚清清切切斷續聲
皓月涼風共誰語君不見少年裘馬伴娉婷狎捧華盆
倚畫屏登塲鼓勇決勝負囊裏千金揮不停好將股羽
招榮寵綵勝金花亦有靈而胡爲乎旅人側夜夜助予
三歎息秋牀篝火思依依行盡江南又江北北渡黃河
天早寒孤蛩應念遠行難多情送汝歸江岸草際親朋

話夜闌蟋蟀聞之吟不已逝將隨我江之沚江之沚行
復行一路促迫無歡聲

秋蠅秋蠅吾語汝汝此間非汝往來所何爲不招而來麾
不去黷得清秋變炎暑吾聞爾附驥尾致千里驥本調
良肯容爾畫鷁之德不驥如矧我所棲容膝居杏廬茗
枕甚蕭瑟豈有羞潤爾餘江水深巖風起雙翼纖纖
薄於紙天寒可憐凍欲死蠅乎蠅乎當見幾秋日餘暄
尚可飛寒士忍寒何足依

蟻乎蟻乎吾語汝汝本穴居而土處何時雲水寄生涯
故封回首徒延佇潛與遊人載一船縱使相逢亦漠然

唐堂集

卷三十七

七言古詩二

五

胡爲緣我之几行吾筵延鼻緝緝趨腥羶使我生嗔不
復憐蟻意若曰君勿嗔君不見風餐水宿彼何人慕羶
往往輕千里骨肉漸遠陌路親我家土著無遠步偶爾
飄零附舟去我幸先登君後來翻欲我嫌殊未怨嗟乎
人亦蟻蟻亦人天眼濶大俯視均我量則狹何足論

瓊花曲

相傳瓊花天下無自唐至宋唯一株禁中移植不可活
馳送異種還江都金人南躡肆戕虐此花之根無所託
道士潛栽聚八仙也誘春風伴榮落我來八仙花亦摧
女貞儼據瓊花臺丹木到今已三嬪空名冒濫何爲哉

飛閣雲霄軼太半，開房秋色偏。爛漫帆蜺碑，埋后土祠。
後覩鐵改，蒼燈觀俯視樓陰。百萬家蕪賊未失，舊繁華
當年明月高難問，憶殺瓊花是底花。

功德山觀音寺是隋帝迷樓故址

苔封佛龕蘿壞屋，鬼火如螢照秋谷。阿廢彷彿夜半來，
倚樓自誦隋遺錄。昔年真仙迷至此，三十三丈穿雲起。
遙臨茂苑壓館娃，近視秣陵低結綺。盤龍作帔鳳繡衫，
楊柳梢頭望錦帆。愁姿秀態留儂住，不省西山落日街。
楊花飄零李花白，樓上仙人藏不得。已換迷樓作鑑樓，
鑑樓今又空王宅。我欲拂塵吟舊碑，陰房闕寂青松悲。

居堂集

卷三十七 七言古詩二

六

閨黎不識興亡事，亂打齋鐘日暮時。

舟阻淮關對月

關前斜月明如練，關下濁流奔似箭。紅燈星星照水面，
睡熟鼃龍不得見。誰家打鼓夜發船，舸艦如山首尾連。
玉簫金管聲沸川，開關經過望若仙。此時明月浩無主，
分光欲照前船去。亦注清輝照我舟，我舟三夕爲團阻。
終童裂繻西入秦，段相濯足襄陽春。丈夫何必久貧賤，
此日悠悠行路身。水煙織起秋漠漠，月尙有情不忍落。
又照征鴻嘹歷過，南飛夜度揚州郭。

東八牖歌

滕嶧之水清浩浩，懸流南行急如倒。天河爲源不足乾，
漕艘欲活無寒冱。前朝河臣相上游，築爲八牖關其喉。
以時啓閉慎畜洩，俾八十里無厝流。因之上水勢尤逆，
牖口東得船腰窄。濶河至此逼不歡，憤與北行舟杆格。
水勢愈驕舟愈遜，主人拒客客不恨。舟子從旁力贊之，
鼓勇欲上無一寸兩涯。邪許百丈牽打鼓，鳴鉦聲沸天。
船如癡龍拽不前，頭雖入牖身漠然。吁嗟我船力已努，
此來日與逆流忤。淮黃諸隘勉經過，千里艱辛到齊魯。
船頭蛇蜒頗發嗔，欲出未出性未馴。藏舟於壑力可負，
聚數十夫成一身。翩然而前過其一，三轉紅輪牖始畢。

居堂集

卷三十七 七言古詩二

七

丈夫百折氣亦伸，順境生平那可必。

招漁人

微山湖西不見邊，微山湖北風如煙。意中晴瀾明鏡圓，
翻出水面昏無天。運河泊碇愁簸顛，大塊鼓橐洪濤煎。
湖波染作綠色薦，浪頭拍拍爭後先。四五六點鳬鷗連，
瞪視乃是漁人船。小者撻槳不得前，如梭滑滑波中穿。
大者有帆皆側懸，帆影吹來一半眠。白浪與之相激纏，
使我遠望心淒然。湖坳蓮葉無田田，蘋末一搖清且漣。
漁兮歸來此息肩，與爾隔堤歌扣舷。

中八牖歌

六屆易過二屆難上流直下流欲乾設版爲潛截不發
水滿而溢橫飛湍出眼水痕高數尺行人見此頭應白
斜日停撓待屆開屆開船動昏煙夕紅燒蠟燭替陽鳥
勇者牽舟弱者呼長年手口一時發肩背爭前足不趨
久之始與牖相失東岸柳梢月亦出石佛已過趙村來
枕外夜深喧未畢吾聞汶濟之間河底泥高與南方山
頂齊按碑記濟寧水與徐境山頂齊南旺水又與濟寧太白樓岑齊舟行水面頗不覺
其實三百里內如登梯乘月屹屹方闢水北舟相遇來
何駛人生順逆豈有常他日南還亦如此

西八牖歌

唐堂集

卷三十七

七言古詩二

八

上水船行一月餘自分吾生飽艱險大易之理本循環
否極而泰由來漸北流活活有汶水浸入秋光寒濫濫
河形高低瀉亦急築隘留之勢厓隄荆門阿城皆屬百
里間頻束長湍就防檢來船逆上吾船順順流到此亦
收斂啓其橫限高潏潏直下水痕滑如簞持盈履順不
敢解舟子如鷗飛數點馬門填咽走以喧雀室窺覷望
而儼牽舟使直始縱之兩崖馳影無一親快事遇來爭
多得川路行行劇荏苒惜哉風不與水謀旗尾吹向東
南颭人生盈虛無兩全幸得其一吾何慊青山黃葉况
娛客落霞又取長天染

刺梅園古松

封氏物部
自元時植

下馬入門尋古松不見松樹見老龍老龍臥此數百載
伸縮壯態爲懶容髯胡糾紛春雨刷鱗爪皴裂秋霜絳
麤腰橫陳不解媚強項仰視殊非恭天公壓抑直不得
偃蹇四出相撞春拔地屹屹與地爭下體却被泥土封
不然黑夜徑飛去風雲雷雨尋無蹤龍乎龍乎非爾變
化託林莽世人安得上天與爾澤

長歌答陸勉之

陸君不肯湮鬱胸中奇抱其利器來京師入門一揖意
氣合索筆贈我一卷詩首章評騭到千古終幅謙言首
唐堂集

卷三十七

七言古詩二

九

欲俯就中獎譽差過情使我懷慙汗如雨施我則謬詩
則工筆壘築爲敵國雄吾軍鼓聲久不振那不相逢拜
下風君之祖爲高士麗京先生君之父爲孝子冠周先生高士雲
蹤去不還孝子躡躡榛莽間神龍藏尾彩鳳死各留大
業垂名山君守家學罔失墜文餞射人人退避西泠累
葉生異才皇天詎必無私意丈夫暫貧何足云長安公
卿半識君東南竹箭世所貴倏忽拔地凌青雲麗京爲
改名德龍字誰卷見蕭歸和尚集冠周名寅戊辰歲成
進士後仰遠遊尋親朱檢討爲作零丁見曝書亭集
陳世南太史招同顧俠君查學菴恒侯汪顓三飲
丁香花下

丁香花顏色嬌嫵姿天斜玲瓏結小朵柔弱垂繁丫曉
風簾幙護香雨夜月軒窗浮紫霞懸燈照花花益媚酌
酒勸花花亦醉轉惜昨宵宵半時無人翫花花欲睡俱
奉保直春不開休沐便來行樹間紅螺蠻榼邀才子不
爛醉時不得還易求如花女難遇如蘭友青來客眼好
看花緒得人顏唯進酒諸公狂飲我作歌人生行樂戒
蹉跎君不見紫綰堆地墜珥多春風屢吹將奈何

少宰公招集豐臺觀芍藥歌

嚮聞豐臺之花天下奇目所未到心尙疑譬與蛙黷談
天池近與豐臺之花長相思檢歷翻恨四月遲譬諸兒
居堂集

卷三十七

七言古詩二

十

女盼昏期我公差旦召衆賓以車載酒馬載人出郭往
赴豐臺春日爲曉涼炎未熱風從林僻吹無塵人家半
在花裏任簷入武陵來問津藻野亭中藥欄遶白者較
多紅尙少客怪花開晚花笑客來早坐中予與邵鄭汪
查徐孫呂陳姚王酒狂都作驚蝴蝶花醉無煩典鸛鵲
酒色欺花色花香壓酒香金帶玉孟名藥洵丙魏鞋紅
歐碧名丹從夜郎興酣關入對門去宛平相國種花墅
此非花圃是花海遊人沒項無尋處千枝萬朵斜照間
精彩授我相徘徊僕夫車子且勿催醉眠一昔豐臺下
免後相思腸九迴

儲汜雲用予招漁人韻爲詩見贈次答

昔年萍合吳江邊桃花燒春紅作煙覓句闌落眞珠圓
今年星聚燕臺天談詩論古恣狂顛相戒不受炎燄煎
愧予筆頭花欲薦入洛未逢張茂先唯羨君家棣萼連
有時招我泛酒船此樂勿道公卿前看君搖筆天心穿
車輪之蝨十步懸鬼神夜驚不得眠胸有五色蛟龍纏
壓倒時輩人帖然人生何必終在田瀛洲有水方淪漣
願從把袖且拍肩姑勿戀踏漁人舫

風歌

燕地多風獨少雨粵地多雨兼多風土囊蘋末太顛越
席堂集

卷三十七

七言古詩二

十一

萬竅一怒摧鴻濛夔虺有足不得追北南兩海行蓬蓬
吹倒青春無起色午曦宵月皆黯蒙客心孤迥易哀怨
一聞噫氣三日聾雖則嫌風猶愈雨吹時能燥足下土

雨歌

粵西會城堆萬山雲雨脉脉巖洞間將天蒸作爛煤色
肯許白日乾搖蠻春陰釀爲春雨大阻我遊情捲簾臥
春陰猶露牆角山春雨山頭無一箇

水碓

轉輪在水稻在屋稼秬如塵米如玉誰其爲之機與軸
坎臼在地杵在木橫貫輪心輪運瀑以溪之水代人足

列杵五六杵齒齒一杵入曰一杵起圓輪迥杵水廻輪
急急晨昏春不止溪女鬢插山花紅列坐曰旁如課功
從容揎袖簾揚畢勞逸不與吾鄉同我來如聽一部之
水樂輪音爲兩杵音角

熱遊歎

南風押水水不前日曬檣杪紅旗蕩篙師鄉語不可譯
繫纜當風枕櫓眠連艫夾爲左右翼籠我中船受天炙
大風不知何處吹壓眉篷扇開一尺香爐茶竈火所棲
借作吟助奚忍塵生平定不因人熱此事莫令程曉知
故園雙扉開向野水田嫩綠浸秧把高榆搖陰風滿窗
唐堂集 卷三十七 七言古詩二 主
臥聽農歌唱唱如柳溪子子響一蛙瓜棚重露濡黃花
此中注想涼已足萬里熱遊安足誇

夜篷歎

夜篷捲舟如穴回炎日蒸過餘燄煎水風吹老軟無力
吹不到我枕簟邊畏入篷窗坐篷尾缺月流光濕蒲葦
損邊葵扇涼不招小蚬纖唇毒如虺電作熱閃星密羅
星之大者紅芒多三更露重亦所避綵帳如斗眠奈何
豈無窮人千萬輩我生偶困夜篷內火宅蓮花觸熱開
華胥自有清涼在

飲袁州爲使君郡齋卽席賦贈

一江紅日炙遊子袁州衙齋涼似水使君引我玉壺天
斜陽坐到東月起酒如醞醺絃如語直取冰心換炎髓
風流太守越國賢人口勒碑深九年我來境內遇平糶
始信輿謳非浪傳袁民食米飽欲舞訟庭草長風滿戶
孟公投轄政已開當時置驛道尤古良夜莫辭飲興豪
蠟脂紅膩銅盤高人生嘉會豈易得到此頓忘行役勞
卮酒起爲主人賀福星耀遠霖雨大明年棠陰遮客船
猶憶醇醪香裏過

次日避暑郡齋夜飲至雞鳴始別

涼熱在人不在天竹梧陰陰席地眠轆轤冰井寒沁腑
兩腋有風生颯然颯然之風吹滿署團扇揚之慰黎庶
江鵝書屋小蘭亭虐魅來尋不知處迎涼旣借羲皇枕
避暑復爲河朔飲昨醉斜陽入二更主人笑我狂未甚
合樽促坐今復然觴令寬苛無不全酒中絲竹肉競作
歌童燭下花婢娟露重月斜雲影碎晨雞不知酒徒在
惺惺催人柳岸行離愁獨借江船載

望嶽

白雲起蓬蓬南嶽俱爲雲所封風飄白雲動時露一雨
峯舟中高僧喚我起指點同看青山容依稀石廩與紫
蓋山色與雲相澹濃石廩峯腰雲似龍下有古寺雲彌

縫五十年前剎那頃老衲曾撞此寺鐘爾時大寒獄凍
死雪花夜白八百里衲也蹶躑踏雪行面瘡膚皸冰墮
指朝飢不可忍掬雪喫之味甜美雪以寒作堅入喉不
肯化爲水白頭重來如隔世山容依舊青如此熱客聞
言冷入髓恨不從師喫雪南嶽裏今不見雪唯見雲雲
乎嶽乎堆積不可分

湘江行

前年過湘江水寒清見底淺沙霞錦文小石擣蒲子去
年過湘江澹綠染秋水雖非白粼粼尙覺清瀾瀾今年
湘江忽改觀洪流黃濁搖驚湍烹茶斗水泥數升垢汚
唐堂集 卷三十七 七言古詩二 齒
滾滾濯足難停橈問湘江煙際杳無語昨夜天河翻一
瀉溢萬渚嗚呼炎雨橫攪三日昏逼我湘江清變渾人
情尙且惡澄澈一水操守何足論

操舟歎

生男莫學操舟行路莫上桂州桂州之高與天齊長沙
入湘水勢低瀾迴南上如躡梯舟人磨水千里逆有臂
嫌少口助力肩背腰脚肉所造以鐵用之惜不得舟行
一里汗一石消磨炎晝六十刻嗚呼豈惟舟子苦絕倫
乘舟者亦愁艱辛能使少年成老人

僮女歌

紗籠蠟照絲竹揚連臂蹋歌皆女裝玉盤錯落三五夜
金釵照耀十二行就中二女異妝束云是獫中之施嬌
頭上何所有盤螺向前橫櫛長耳上何所有銀作雙圈
垂兩旁身上何所有衣裙布質五采彰短衣齊腰身袖
窄長裙百褶花飄颻禿領儘教蟾頸出赤脚不向鳳履
藏手持紅燈臂無劍茶蠻曲聲悲涼猩錦地衣起風
力倡導羣女相回舞舞出天下太平字足徵 王化覃
遐荒年豐時和風土樂僮童崽子美如玉飾僞亂真人
不覺過眼春宵色相空安向雌雄辨撲朔

灘舟將發毛姬潢出送詩筵賦酬

唐堂集 卷三十七 七言古詩二 齒
吾生每怪作事遲獨不怪灘江解纜時此時扁舟若早
發安得親炙君須看吾生作事苦不早獨悔此行太草
草此時扁舟若未發可以傾倒君懷抱上馬放船頃刻
間咫尺遮斷江邊山收拾眼光到筵上字字與心相往
還一讀快鴻筆再讀慚過情三讀想見落筆時墨花散
薄硯有聲使我高吟壯行色官舫估舶不敢爭江邊山
頭百千箇疎髻露頂看船過幸爲我謝毛先生日讀毛
詩作新課

東王公歌

東王公家在蓬萊東復東關芬靈古墟之洞府主陽和

真炁之元功配緱嶢於食沆瀣登希有鳥凌鴻濛笑指
變桑之水百迴淺大嚼如瓜之棗千顆紅吾欲遇之不
可得唯見海上紫氣光熊熊東王公爾視塵世如積蘇
胡亦控鸞來樓埃壚中博士弟子暫遊戲義皇上人相
折衷巷口烏衣香遶逕階前珠樹高撐穹廡公顧之樂
無極鶴沙何異蓬萊宮削碧藕烹綺葱手拂姑射足踏
崑崙方平麟脯擘不盡子晉鳳笙吹未終白日已古天
亦老翁纔六十顏如童東王公日飽琅函蕊書之文字
耳厭雲璈玉節之伶工世間喬松之篇飛龍之曲狼瑣
不足奏我贗此歌稍不與俗同駕歟太霞竊音節寄侑
唐堂集 卷三十七 七言古詩二 六

患癥作

春酒以酌翁翁莫拍浮遽大醉忘却作歌之人黃石公
五嶽起方寸壘塊在胃中李白平之亦不倒阮籍澆之
亦不融而我填塞何爲者一寸圓胸貯騷雅更不能容
百輩卿或許醇醪淋漓豁開春來五內忽不寬當心突兀
如彈丸因之損眠食無乃傷肺肝潘生吾鄉之舍鵲力
能消人壘與嶽謂我鬱憤結爲癥不消則恐日夜增憂
亟須埋愁暫寄匹如學仙與作僧猶嗟我之憂愁性所
有不自今始積已久若以排遣爲秘方豈不見李公之
詩阮公酒

湘江

初來泛湘江湘水見底清往返三過之濁乃彷彿涇此
來湛湛清見石還我湘江之本色青銅鏡面新試磨白
雲如綿不用拭以舟爲履踏水平逆風教我徐步行竹
樹蕭瑟人影絕鳬羣拍水飛作聲層巒繞岸濕如浴倒
染春羅半江綠倘能剪取持作牋題贈湘靈寫新曲

送丁二荀侯之南寧

所稱運命何物哉乃能顛倒一世之奇才丁侯胸中豪
氣千萬丈彼蒼百計摧挫爲塵埃輦下諸公爭賞識扶
入青雲則無力丁侯豈是案牘人從此降心思一職需
唐堂集 卷三十七 七言古詩二 七

次聊爲汗漫遊低眉仙倪剛學柔鳳凰鍛羽人易狎鴻
雁稻梁今始謀我爲丁侯擊碎唾壺玉揮手送之灘水
曲悲歌一聲芳草綠

丙申歲三月初五日同人賞桃花

紅霞一織萬樹春性情之類趨芳辰我亦天地秀所毓
何忍獨爲春外人花前釀錢買清酒看不貴豐貴適口
合尊促坐少長集胞與民物皆吾友饒籌錯雜履舄交
幾點桃花入春手天公蕩蕩容我狂腐儒謝笑夫何傷
必用禮法作繩墨大塊不應恣春色

初六日復飲花下

花是昨日花酒非昨日酒酒盡可再沾花飛復能上樹
否繁紅此時猶暮天斜日忍炙桃腮蕙綠苔已是好茵
褥莫更落紅來伴眠痛飲沉沉不知醉一梳月影當頭
墜燒燈照月月照花夜色迷離都不記花亦長不隕月
亦長不朦燭亦長不地酒亦長不空願君夜夜尋此樂
與天與地相始終

初七日雨窗對花小酌

微雨浴花花肌濕我欲護花雨中立花身輕弱不耐遮
雨稍重時花卽斜春雨亦是有情物與花故故相披拂
一樽爲結花雨緣落花暮雨俱可憐人生晴少風雨多

唐堂集

卷三十七

七言古詩三

六

對花不飲將奈何

初八日飲丁晴川齋

桃花滿園悅衆目丁侯私之爲已有自開北窗陳綠樽
恰對園中花半畝微微怱怱三日悔放達晉賢偏聚首
時行物生願借樂借花作題愈酒酒觴政寧苛遑論籌
罰杯不淺何須斗頭盤令徧拊戰興花從壁上觀勝負
桃花笑客太喧呶客笑桃花不開口

初九日餞花

荒湛於酒興未休餘花況爲我少留欲留不留風所命
當飲不飲將誰尤日暮春風似催客落紅如雨真可惜

地上漸密枝上稀遲遲花已去無跡舉杯酌花吾問汝
魂魄隨春到何所唯見千片萬片飛脈脈斜陽澹無語
落花一點酒一杯動人憐處落勝開相聚不樂離別悔
無花亦來與樹對

澄懷堂賞桂

十番盈盈月初滿顧生橫笛張生管費大琵琶朱二笙
潘郎弦子王郎阮何郎隻手彈雲歎金生木魚叶檀板
張三病起羯鼓歇唯聞細曲聲悽婉就中雙童玉色如
秋水腫人頻盼予不愁顧誤呈妙藝飛瓊段董娛清虛
分明疊奏霓裳譜澄懷堂似廣寒府耳有仙音鼻有香

唐堂集

卷三十七

七言古詩三

九

不問桂華在何所桂華近在庭院東桂林一枝高月宮
壺觴已列簾樹下姑待十番猶未終夜長樂闕諸伶退
始出就飲瑤杯紅賤子酒酣顧坐客不覺俯仰悲陳迹
去年花發正此時主人親出白玉卮手書翠袖殷勤字
付與嬌歌人捧持連勒雙卮花底醉景如昨日已隔歲
彼時坐客今已非陳姚別去丁朱逝北樓衡麓歸而雨晴川江佩死矣今
年花發逢秋試主人入領鎖闥事天涯聞樂誰賞音嶺
外銜杯聊肆志燈前唯我舊年身青白眼相對新十
番曲裏一回首月魄花魂愁殺人

贈樓靈川

文士之勇勇絕倫樓侯縛猺如縛腐瘡人之悍悍無比
樓侯殺之如殺豕靈川興安義寧界猺藪肆爲三邑害
搖旗出號推廖三恣相仇殺燒村砦蜂喧獠突覲官司
撫軍遣將撲滅之鋌而走險嗣穴阻負隅之虎攫者誰
樓侯怒髯奮如戟奉巡撫命來殺賊自散橐金募鄉勇
撲殺廖三如蟻螻奏捷轅門白晝中撫軍獎賞第一功
行將入覲告

天子以示激揚由至公我識樓侯是文士選詞玉局稱
恩旨來種靈川一縣花忽將武勇播荒遐世言文士無
所用此舉頗可息衆譁樓侯笑謂胸有數萬之兵甲平

唐堂集

卷三十七 七言古詩二

二十

猺小試奚足誇

唐堂集卷三十八

華亭 黃之雋 石牧

七言古詩三

月夜聞鶴

秋旱一聲如裂帛仰見月痕印晴碧蟾蜍無語鸞不歌
何處飛來鶴一隻不知此鶴悲喜情何事吐爲憂憂鳴
夢回江上淡無影露滴草頭寒有聲遂以清淚超塵境
沈寥天宇夜逾靜我亦長嘯響入雲遙與鶴答鶴不聞
王進士愚千尊人雙壽詩

世不記王公王母之年謂是木金二炁相綿連遇王子

唐堂集

卷三十八 七言古詩三

一

喬爲我說始知其齒十年以長相後先當時弧帨分華
闕此日椿萱同綺筵桃花棗實鶴銜獻紅雲塞斷婁江
邊彭篴驪母太衰耄羨爾年六七十殊翩翩不但行地
爲神仙趨庭繞膝皆名賢長公尤卓犖鴻筆真如椽殿
前奏策一萬字海外購文三百篇青箱世業奏助續富
貴欲奪神仙權王公王母一切非所好以嗜風雅爲家
傳眼前投贈徧海內牛腰麤卷堆吟箋獨黃初平最後
至叱羊錄錄慙遷延預約此後逢十年必當踴躍首唱
蓬萊巔

予許作詩已
一年矣故云

答梁仙來

泰和梁兄斗石才筆尖簌簌花怒開束髮能製白雪曲
掉頭直上黃金臺放眼千古脚萬里化工卷舒出五指
雕鏤物類太洩奇渾沌天公深不喜錫之窮愁資以病
卅年抑塞性其勁佳士終題紅杏名壯夫詎改青松性
玉堂雖晚亦飛騰欲晦爾才天不能能使鳳池冷徹骨
未許春風銷積冰頗聞魚濠柳墅好招我同遊玩芳草
錦囊新句慎勿工莫教又被天公惱

沮洳行

沮洳復沮洳爽塏非我居伯鸞依廡諒焉擇况復不與
德曜俱京畿歲云旱雨貴如珍珠

唐堂集

卷三十八 七言古詩三

二

天子詔禮臣雩禱日無虛六月乙丑申四刻滿盈雷雨
翻九衢雷聲有似釜湯沸雨點直同箭鏃轟炎歊頓解
散鬱氣稍一舒手理舊篋衍卷帙攤紛拏不知脚下雙
履濕忽見四壁如決渠汨汨庭水闕戶入邸舍俄頃成
江湖但願此雨甦萬姓小臣奚惜吾其魚客從故鄉來
妻子不寄書問客故鄉事春旱連夏初吾廬爽塏頗免
沮洳患屏翳不到何爲乎

題朱工部鹿田長松消夏圖

火雲籠街如甑蒸長安毒熱逃不能忽然引我流泉白
石裏見有一人科頭箕踞而橫肱旁有青松髯鬚蔭如

屋驕陽隔斷十數層雖不聞涼風作濤響翻疑有風颯
然而至人飛騰此人向我笑問之亦不謾郎署炙手熱
斯境夢未曾君胡起塵此靜坐眼看松陰不到之處饒
蒼蠅披圖使我憐少陵苦炎始想松架壑欲赤雙腳來
踏冰古之工部鬚眉不可見見此如見少陵面

遷寓名其齋曰鴻雪

京華食祿已二載一硯一筍凡再遷字簾猶挂舊壁上
冀紙又積新窗邊軒庭風月頗儼潔稅賃不復餘俸錢
簾屏几榻百無有徒四壁立空空然同年攜壺挈榼至
賀我新徙情惓惓謂予居此殊不稱衣食僕馬皆不全
而乃子影處華屋阿兄無乃作計顛答言予在江南日
江岸落雪瞻原田有鴻飛來止雪上俄又飛過寒江煙
君不見天地大逆旅何論客舍之數椽

送吳觀察歸閩

吳子今日始色喜大笑揚鞭出 帝里傍人不解歸者
心却怪棄官如脫屣臚傳及第第二人對策已貴洛陽
紙少壯之齒鴻博才如君不媿名太史翺翔木天通籍
初忽聞三上院長書書中屢以病爲說再拜乞放歸田
廬新例翰林不告病病假雖痊猶致政世人醒醒戀一
官與其棄官寧棄命軟紅塵裏出公卿綠水蒼山非宦

情君果石隱學巢許胡來挾策干功名吳子塞默不置
辨但趣歸裝束書卷國門楊柳尚依依送者滿途皆飲
餞或譏懶放或謂癡或欽其高頗近之吳子唯唯掉頭
去此意唯容知者知縱使未知行已決柳外斜陽照離
別

移寓

風吹浮雲忽移雪留鴻爪鴻又飛城南獨寓甫兩月
與屋話別情依依院長靜海公索才宗伯海寧公與公卿知

我良不稀官貧俸薄不自立誰來驅我皆由饑大臣奉
詔守陵去舊客悵惘踪跡違感恩知已胥忝竊朱門傳

唐堂集

卷三十八 七言古詩三

四

食身寧肥豈無故園十間屋妻子餓掩雙柴扉寄語竹
木問無恙好待雲鴻歸日歸

次老杜偈側行寄外城諸同年

偈側復偈側我獨何爲在城北平時諸弟昆屋梁落月
想顏色聚首昔似投漆膠裏足今如限樊棘迢迢南城
南縮地不可得舟行無川路步行無足力輿轎無厚費
借馬無舊識車如雞栖劇簷顛道中來往如郵傳計里
遠近每算地估時早晚唯視天索直五百少四百貧官
不荷車子憐屈首跌坐身曲拳賴以訪友方歡然泉刀
日貴白銀斷今年之貧唇去年無力僱車唯閉戶夢中

有路長酣眠相思命駕不自主操其權者囊中錢

渡水

非登嶺卽渡水登嶺能白十數髮渡水亦酸四五齒吾
生勞苦久已殫采風不辭行路難雨淋日炙何足歎羸
得鍊成方寸丹

風吹傘嶺松樹歎

嶺在上杭縣界

于嗟乎汝不幸生風吹傘嶺大路旁可惜百年千尺之
棟梁上杭官吏遠不顧乃爲居民盜賊所摧戕鑿膚剝
腹利斧劈火芒燒落蒼鱗黑下體俱摧焚剔災高枝尙
舞虬龍力問人云是所以燒炙取松脂燃作膏豈無油

唐堂集

卷三十八 七言古詩三

五

麻與相蠟敢以木公髓液供爾曹當門鋤蘭戶拔薤此
松超出紅塵界于爾賊民何所難挫辱棄捐而後快爲
檄上杭縣令知禁戕松者罪當笞樹人樹木等培植飽
聽風濤下嶺遲

後松樹歎

寧化道中

于嗟乎種松何人種自何朝慣歷歲寒不肯彫今何爲
乎焚者劈者剝鋸者刳根裂腹火炙焦膚立幾株乾鶴
髓橫陳一段麤龍腰若使此松種我宅愛之護之不遺
力鬣鬣翦教蒼翠翠滴鱗鱗洗作碧銅色開花成粉春午
香結實如毳夜深食賓雲客鶴友竹梅微風過之設設

來我攜枕席臥其下一日撫摩三百迴胡爲植向闔山
側山蠻野僞恣戕賊驅車過之六太息君不見老榕擁
腫根萬纏蟠結城社終天年

孟春二十二日夕

孟春二十二日夕東炬代月代不得月俟夜半出照天
不肯黃昏殺地白今日驅車不停軌未到問程餘廿里
千山暝色忽壓着一綫途轍半邊水東炬宵寒焰不揚
如螢飛出星星光沿光按步鈍於蟻廿里伸爲卅里長
予于夜半勢可必陰雨東方月不出

途中大雨

唐堂集

卷三十八 七言古詩三

六

太陰一度三千刻憐得闔山斷春色根深雨脚恣發生
此日滂沱更狼籍我從臨汀指邵武連朝不與日爲伍
籃筍頻衝薄暮煙袍裘又滴平明雨生平愛看雨中山
往往平樓小艇間陸行把滑且啐跌翠黛雖佳情不開
樹影沉沉垂葉重麥光油油綠微動偶從雨隙窺見之
垂帷窗漏玻璃孔安得十丈竿頭裹悅巾隻手拭淨堆
天之濕雲還我曦光曝冠襪竹雞不叫泥滑滑

挽舟嶺

泰寧縣界

一周一折高入天一梯一磴煙雲連行人到此鼓勇上
曲脊曳踵頭欲前登嶺之勢若挽舟負重屹屹赴上流

聳身直在雲霧裏俯聽萬壑松颼颼數武坦平已到頂
更有行人在上頭遠見山山斜照出我行之處雨絲密
始知身在空濛中急下平坡趁西日

雨

山容愁慘水聲惡人坐肩輿鬱不樂打簑打笠橫壓人
雨點如拳半空落路狹一尺曲百弓膏肓滌入春泥中
石子皮滑不留腳踏地地愧勢無功懸崖臨淵不容咫
新漲如油瀉如駛到灘便逞洶湧情威意欲逼魚龍死
俯而瞰之傷我神地險又值天公瞋車馬僥從尙酸苦
何況零丁行旅人

唐堂集

卷三十八 七言古詩三

七

送馮夔鳳之開州任

馮由庶常爲丹徒令辭
免詔引見擢州守

梧岡之上選鸞鳳枳棘試之儲大用大江油油瀉政聲
萬綠棠陰遮鐵甕人嫌彊項掣其肘彭澤飄然思種柳
丹陛愛才呼使來擢授一州大如斗試問詼諧金馬門
何如牧守黔南尊君看漢唐卿相器半由儒林半循吏
題高侍郎指頭書魚

壁上盈盈一池水大魚游泳煙波裏一魚掉尾揚鬚來
一魚昂頭半身起傍二小魚撥刺行藐視大魚爾爲爾
江光湖態白森茫躍鱗濺水濕滿几那知墨汁不到處
乃是盈尺之素紙于嗟指頭點染成化工羣魚活潑爭

噉嚼綸竿網笥且捉住誠恐雷雨飛去爲蛟龍

秋圃歌

荳花紫白瓜花黃風吹雨裏微有香晨起未沐花底立
一洗炎濁生清涼却憶三十年前事同婦灌鋤樊園傍
金門隙地那得此瓜棚荳架如家鄉青蠅營營爾何必
蜘蛛作網徒自密枉纏我葉汚我花不礙盤蔬薦秋實
君不見長安市上鬻多時秋圃始花無乃遲露霜亦聽
天所墜生意不絕方抽絲

雨

長安五六月雨不止江南黃梅移到此怒雷闐闐先

唐堂集

卷三十八

七言古詩三

八

鼓之風聲雜入雨聲裏中庭成河吹浪生小卉垂頭帶
花死屋後荳棚倒濃綠麻繩縛起一籬水吾居屋中唯
下晴出門乾土行不咫濕氣白黥巾襪汗漏痕微黑牆
壁紙傳聞幾輔之田豐五穀霖雨作膏兆秋熟區區衣
物敗黥吾亦足

驟興行

兩驟扛輿輿坐人離地尺餘行絕塵登山渡水不知苦
啓閉雙窗風雨去年觸暑來今年踏霜去驅驟僕夫
心竊疑何勿久在重堂佳而乃不憚行旅苦動走三千
二千路輿中人懸懸請爲歌風昔七閩舟車三載歷

九重召我還京國遂以坊僚歸翰林撰文修史仍供職

承恩愧無涓埃報思過懼若邱山積言官論劾下吏

議坐以諸生姓名籍免官放歸田里間便趣輕裝趁秋

色一別家園七八年葬親痛未尋牛眠行藏夙守夫子

訓況年六十宜息肩北望叩頭謝

聖主一路銘恩切肺腑驟興震撼心所甘登山渡水安

知苦

次韻徐今吾庭中牡丹花歌

徐公庭中牡丹好摹寫入詩以譽花我不見花見詩句
潭東遙羨神仙家憶遊姑蘇積善院一樹三百花橫斜

唐堂集

卷三十八

七言古詩三

九

頗嫌繁豔召妖冶不若芳草荒江涯廿年奔走失花事
忽觀篇中五色霞谷陽橋南吾寓室梅寒桂老蕭艾奢
栽松青只益益盍貯移竹翠未窗櫺遮鬢絲禪榻斷紅紫
落花風中惟煮茶坐使吟咏疎愈拙匹如學語兒嘔啞
爲索來春借花看藥欄珍重抽新牙

連理紫薇歌爲廖明府行素賦

紫薇館前紫薇樹裏裏亭亭動紅霧紫薇樹上紫薇花
纖纖團團皺紫霞花開滿樹不計枝向陽一枝獨出奇
紅泉主人熟玩之乃是兩枝合併之所爲不由后土膏
脉偏不由皇天雨露私乃由主人修德致連理遂以祥

徵爲穀詒河陽縣裏棠蔭好尊人極濠洲亭中棣華早
弟虞鏡 里第復有此紫薇樹木十年以爲寶

寄賀何孝廉履上得子

黃生歸老滄海濱長安寒暄無故人不意八月十五一
日內三接何郎手翰新就中一通讀至末不覺狂喜唇
流津始知燕玉不但能煖老能向天上抱石牽麒麟何
郎校予長二歲六十二前尙無嗣今春首舉寧馨兒那
得不向知已鳴得意我爲何郎喜且愁他年跨釜撞煙
樓阿爺六十未及第輸却兒子年少登龍頭我爲何郎
答我語年雖長汝健勝汝階下行教玉樹繁房中可再
庠堂集 卷三十八 七言古詩三 十

金釵貯納姬生子力既優天下何事不能舉子年十八
父八十又見蘭蓀茁幾許因憶去年在京畿羨君頭鬢
鬢黑腰脰肥深秋一別改寒暑未預湯餅徒依依光陰
亦易去蹤跡亦易違竚從草萊望阿閣老鳳攜將雛鳳
飛

過張封君塔射園已遣力送酒至舍復留小飲玩
秋色

晨起出戶看軒軒一月不到塔射園僕夫昇輿徑至此
預知我意不待言主人一見喜動色謂我朝來苦相憶
綠醅雙甕擔到門君已出門嘗未得便欲辭歸嘗酒去

主人把袂留且住笑指滿園秋色多東堂况有開尊處
籬菊染黃溪葉紅雞冠十色搖西風隔垣晚桂香到鼻
秋水流入芙蓉中人老去不復重逢花逢酒休放空
那知金貂飾權貴那知鐘鼎銘豐功眼前爛漫花滿眼
手裏酒斟不停盞僧何妨醉仍逃禪蓮上人客不須招
奚折東東堂月上我始歸西林塔影寒依依歸來細酌
雙甕酒如對秋園黃葉飛

題胡孝廉泰舒秋山射獵圖

鐵驄金鎧何爲者小隊軍裝獵秋野騰騰風力矚馳間
一桁雲嵐爛如赭儒冠見之驚欲逃豪氣壓倒青蒼高
庠堂集 卷三十八 七言古詩三 十

霹靂聲中餓鴟叫應落霜林毛餘勇可惜無人賈
徒入畫圖寫雄武何不南山射猛虎紛紛兎鹿笑足數
禽言 有序

有鳥鳴林中聲似云慢慢子爲作禽言

慢慢子山是古時山水是長流水日光月景正舒長天
地終無混沌理慢慢子何爲碌碌忙不止

題棧道圖

古稱蜀道難於上青天千山劍戟相鉤連絙空懸代人
鳥度下臨不測之深淵我謂蠶叢以後奇境開車馬負
擔不絕人往廻但聞人行棧道去不聞人步青天來上

天之語胡爲哉君不見客書棧道之山水策蹇無恙秋
光裏雲樹何曲折峯巒亦斗起若謂蜀道險與上天比
何必出門行萬里眼前咫尺已如此

姚平山却薦詩

聖朝汲人野無佚黌校之中講治術 詔下郡守方舉
優姚君掉頭不肯出人生出處各有志所貴儒林合循
吏廣川文學得仲舒洛陽秀才推賈誼姚君兼有猷守
爲雅正四年 詔郡縣學舉有抱負胡不早措施曾哲
風浴酬所知漆雕亦云未信斯聖人一與一說之姚君
詣郡守惻款而力辭墨經視事世所有棘人未是馳驅

唐堂集

卷三十八 七言古詩三

七

時郡守不能強吃以禮自持閩漳諸生王麟瑞曾紀樂
春堂裏事冬療母疾梅實生夜廬父墓馴虎至孝廉之
詔始舉行雅正初 詔我爲題薦朝 帝京擢授太守
轉邸署旋晉御史屢有聲王君應召姚君却盛典相同
志則各求忠於孝古所稱事業他年待揮霍

題張子重所藏宋石門畫松竹

亭亭一株松脩脩兩竿竹撐出太古雪一墨洗蒼綠誰
其畫者明宋旭張君之祖道義敦報以高年多子孫宋
君寫此爲頌言大易有象詩有比龍鱗鳳羽集一門歲
寒歷久兩朝物摩挲寶繪仰貽厥十寸赫蹏萬丈影至

今元氣相盤鬱流傳奕葉爲家珍王珠謝玉奚足倫

仁壽峯歌爲張吟樵作

峩峩太僕公嬰鑠大病後天錫一奇石字之曰仁壽此
石偉然成一峯體格鉅秀蒼翠濃鬱湮久蝕土花繡發
現乍拆春泥封爬剔刻鏤文可讀楷書贊語張王屋蒼
茫百七十八年神物守之貽太僕移峙池上儼作別賦
清草堂名勝增堂中我昔懽宴日突兀此峯猶未會萬
事升沉無不有偶爾遭逢定非偶埋劍必因司空出剖
印自人梁相手對此摩挲令人敬如誦禹碑之岣嵝唯
仁者壽符福徵菱谿仇池皆儼帶君不見君家之留侯

唐堂集

卷三十八 七言古詩三

七

功成亦葆穀城石便思辟穀從赤松子遊

題王宮贊志山萱庭侍養圖

高堂金萱經歲寒繞其下者孫與蘭階前玉樹乃國之
楨幹來自九華春殿黃金鑾十年蓬池坐燕許萬里貴
竹馳歐韓上表陳情乞歸養臣久膝下違問安臣母八
十臣五十家無兄弟臣孤單

聖主覽奏詔報可感激忠孝全兩端遂就北堂裏跪進
長生丹阿母正嬰鑠諸孫亦團聚黃封瀉滿盞紅綾堆
滿盤彭祖斟羹合烹飪方平擗脯調甘酸冰壺水鏡列
几案顧而樂之加一餐空囊清俸恐不繼奉以菽水尤

盡歡槐蔭綠藹藹和氣生門闌王母是曾城之仙燒子
喬又香案之仙官蓬瀛盛事世希有垂作千秋圖畫看

月夜舟行口占

今年山門數泛舟無有一迴無石尤此行卯湖六十里
乾乾至戌猶未休東南風狂暑逾酷月出始覺涼生秋
推篷露立看水影一片炯碎縈船頭弄聲絡繹兩岸意
曳火燭燿當中流暗陰蒼溪小橋出兩三歸網漁燈收
若使順風早到岸那得一川夜景娛我眸况值水蚊聚
昏黑嚼人肩癢扇不得亦因船艙飽受風直入掃除不
遺力人生逆境每有益舟子慎勿嘆風逆

唐堂集

卷三十八

七言古詩三

古

題高彥敬秋山圖送顧小厓入都有序

圖是高房山爲柯敬仲作柯有跋吳仲圭匏菴楊東
里俱有題識董元宰飲陳仲醇家所謂公綸出此圖
相賞者則小厓之祖也後爲孫鍾元所得以贈魏庸
齋魏之孫繩起小厓姍也復還之小厓金管集有

聖祖挽辭

上見而感泣 溫旨嘉獎召見錄用將行出此圖屬題
雍正七年秋也

煙嵐雲壑堆化工秋意一碧開鴻蒙渺渺水木莽無際
乃出房山尙書隻腕中尙書元朝妙山水北苑南宮兩

不死品題精彩四百年歷歷巨眼光透紙虎頭寶繪爲
家珍董尙書跋蹟未湮流傳豫晉走萬里展轉始復還
後人小厓忠孝超羣倫喜獲舊物如獲新馬馭鵠裝有
此僕一幀林巒隨一身山峩峩水瀾瀾文采風流聊寄
此男兒致身五雲間回看秋山雅畫裏

趙主簿東籬詩

龔誦古夫子亭集中有雪後東籬詩阮亭已化二十載
漫堂竹垞皆同時忽焉有客叩我戶投我一編乞一辭
數公名作儼然在墨花歎薄堆東籬東籬者誰客卽是
慕陶愛菊而號之一官拓落嗜好異千載寂寞精神追

唐堂集

卷三十八

七言古詩三

五

嗟予閉戶杜蓬藿戶外車履無人窺東籬爲我斐邑簿
我歸三年杳不知雲間地僻治近古官箴士習此可推
攜持吟卷達姓氏依傍寒卉抽心思劇喜高風逼彭澤
何惜爲燃數白髭寄語勿濫示人讀夫子不生誰賞奇
酬今吾貽蜀椒一株之作

明日立春今日雨冒雨種椒三尺許嘉植遷從蜀地良
徐卿鄭重詩中語薑桂之性老不移雖小已具辛香姿
眼見三年作高樹開花結子紅離離荔枝甜軟非吾好
海棠妖豔匪我思贈以芬烈感知已此意莫令流俗知
荔枝海棠
皆蜀產

題奉賢舒明府節母冊

冷光晶瑩夜吐碧萬毫寫音響金石摹出百年巾幗心
一寸寒霜結爲槩霜之字雪槩字松母自號雪松道人
嘗賦雪松歌以見

志西江寶婺星所宗

帝錫烏頭樹貞閣九天春色廻嚴冬松根雙茁蘭與菊
母二子蘭
軒菊人金萱老枝蔭餘稂伯也蒞我桑梓鄉母訓流
作膏雨沐世人事父又事師母以一身綜貫之壺行無
愧中壘述鏗戛史筆爲歌詩

庚戌歲清明後六日舟行大風雨

去年出門每泛船輒遇逆風兼雨天今年出門選佳日
唐堂集 卷三十八 七言古詩三 去

僱船未得清明前蹉跎始能駕一葉顛風綿雨勝去年
風打船頭雨潑水天光隔斷簫篷底就隙開卷不見字
蒙頭縮項悶欲死晴江日麗波融融好景久不來眼中
扣舷狂叫詰箕畢胡不去爲膏之雨與薰之風

又四日歸舟晴

晴江日麗波融融佳景終得到眼中既無淫淫之苦雨
翻有習習之順風麥青菜黃香兩岸一牛薺草春水畔
紅桃枝邊小婦行綠楊梢裏初鶯喚跌坐船頭眼界開
韶光與我相裛裛皇天豈有私喜怒前日風雨安在哉
君不聞泰卦小往而大來

疇昔篇寄焦徵君

疇昔慕君如古賢一往飢渴四十年我六十餘君七十
同時同里席未聯少時窮居海隅僻足跡罕到城闕邊
中年飢驅入塵鞅翻視鄉曲如旅屢哀晚廢斥百事廢
歸棲西郭始息肩谷陽門前一條水潮汐日與南浦連
而以懶拙掩扉臥况多風雨寒暑未得便夢寐見君如
古賢人澹如月高如煙公卿薦辟不肯出終歲著書談
道而樂天昨借所著書洛誦手勿捐眼鏡壓鼻線挂耳
屢焚燭卽忘倦眠古文自立一壁壘化工在腕天無權
八子且不受束縛何論時尙歸與錢詩歌郁郁擅羣體
唐堂集 卷三十八 七言古詩三 七

靈府一寸天根穿就中古調逼周漢彈斷伯牙山水弦
雖子哀廢百事墮對之起舞勇欲前腐芥曲鍼不自量
一掃禿穎投焦先君不見任華之名至今傳只在寄李
寄杜詩兩篇

飛鴻堂梅花歌

夙聞飛鴻堂前梅一株輪囷芬敷通郡無幹蟠老虬雲
水之鱗爪花堆仙子冰雪之肌膚惜我鄉棲緜宦輟無
緣得向樹下趨鄧尉一遊已夢寐羅浮萬里惟書圖今
春花候天霽暖客來報我花正滿二月九日稍已遲急
走城南覓遊伴一呼雲集興倍添五文學與二孝廉紫

薇舍人不停脚他出白雲曹郎空奮髯周訪公語此

兩公者今不與明日應悔風雨霑吾儕老少頗備數何

必沂水蘭亭兼入門雜沓繞樹底紛紛索笑爭巡簷此

梅生在乙未歲之某月日計壽今已七十七老夫愛其

老態橫諸君愛其香氣溢一種看花論不一總之此梅

故無匹枝上漸稀地上多珍重休教覲面失嗚呼飛鴻

主人已三改飛鴻梅花歸然在白頭宮女說開元鳥爪

麻姑指桑海樹老作花如少時人老無復年少姿人雖

少年老亦易花下不樂將何爲君不見朝貴爭踏軟紅

土家園花開杳不知

唐堂集 卷三十八 七言古詩三

大

題雲山無盡圖卷子龔御字學

龔所書

橫覽不知幾千里縮之僅餘尺有咫妙手學得吾家癡

畫山卽山水卽水作此繪事洵軼羣造化是師心是君

五指奔騰出巖壑一墨蕩漾爲煙雲經營遠近坳突間

位置林屋力已勤畫成不覺意匠苦祇覺融結元氣連

青雲却疑非從毫素寫欲往遊之翫不舍看盡雲山縱

未能願作卷中負薪者

題趙子昂書

東絹糝糊趙松雪畫人騎馬生子子羶裘帷帽寒淒兢

竹耳肉鬢走飄瞥不愁化爲神駿魂雕鞍坐穩塵不奔

年齒已過四百歲今之人馬皆兒孫

題朱初晴畫鬪雞

一雞如重腫昂頭張羽氣力雄一雞如隆準縮項注目

筋骨緊兩雞不知身是雞自謂智勇同胥蠡吳越楚漢

咫尺土險使血灑春燕泥人間作鬪豈佳事况爾微軀

命如寄不憂朝夕刀俎間翻以仇讎視同類芥粉狸膏

既不屑金散鐵距誠何利王勃之檄韓孟詩忍伏殺機

在文字蘸水潑墨畫作圖擲筆一慨雞何愚名爲鬪雞

不令鬪廣場朔朔馴可呼如此寫生妙無價山來雞是

朱翁化

唐堂集 卷三十八 七言古詩三

九

盆松一株移植小山

短龍蜿蜒三十寸鱗甲已老毛蠶嫩雖教偃仰益盡間

靈物豈爲束縛困世人隨類呼作松我疑屈蟠旱地龍

剪拂出之勢天矯一時壓倒桃李穠小山青翠淨如潯

立向山頭不嫌短霑得九霄甘露深撐來十笏清陰滿

年久柯條大於屋風吹濤起響謖謖姑勿拏攫雷雨巾

長伴幾枝化龍竹小山傍有蟠竹

唐堂集卷三十九

華亭 黃之雋 石牧

七言古詩四

丹陽小橋

丹陽小橋如轎式上下金陵載行客雨備昇之輕若飛
遇雨飄搖行不得四竹指挂一尺牀編篾爲蓋如笠張
布帷薄薄竹簾碎我行偏值風雨狂片氈藉我背丈紙
衛我旁何以支上漏劣得油楮方雞栖一面濕蜩縮四
體僵譬在試窠中局趣歸蜂房但無構文苦遊目稍徇
徕生平此路八往復夢斷車驟老空谷偶出不因應舉

唐堂集

卷三十九

七言古詩四

一

來却驚小橋如場屋

槐甲子科初應鄉試首場坐轎號

興化太守歌

不能長聚如鹿豕不意相逢若萍水人生離合無前期
急翦燈花訴悲喜興化太守吾沈兄三年循吏赫有聲
甘雨灑灑江水澈陽春盡盡山月明七閩治行推第一
攝篆海外兼垂名歷典大郡二千石誰使上清得淪謫
徒驚仕路逢貝箕不害臣心貫金石雞肋無味且棄官
續鼻不完仍作客我昔宦遊亦閩中還朝之日君考
功君值一麾出守去我遂削籍歸江東江東之水綠於
萊江東兄弟皆好在百川匯入秦淮秋與爾高歌唾壺

碎頭鬚底事霜皚皚此霜必從興化來去年五十已如
此我欲矍鑠何爲哉

題江船證會圖 有序

王觀察中安官湖北日錢編修主敬元旦夢中安待
之黃鶴樓卽寄書言其夢是秋主敬典試湖南中安
遍被劾奉召入都謂必相左及主敬使還道武昌
中安以交代未去置酒江船談夢之奇驗爰作此圖
黃鶴樓前煙雨凍丹鳳城邊寄楚夢三春遙盼到客船
一醉預期傾酒甕武昌秋風漢水波皇華使者星軺過
昔夢蒼茫隔咫尺湘靈江上青峯多九月歸橈橫黃鶴

唐堂集

卷三十九

七言古詩四

二

謫仙尙倚江煙泊相逢痛飲如夢中佳話丹青寫前約

題春明需役圖 有序

中安旣引見隨有河工之命已趣裝會有旨
待河臣督臣議定後往中安偕其客蕭張寓主敬邸
幾一載日飲茗談道賦詩繪四人爲一圖繫以說會
制府高公薦辟來江南河役不果行
一官暫擲江漢中臣力可試黃河工行旌有待未辭
闕閒過幾番花信風軟紅舊侶錢太史二客周旋亦佳
士鬚眉四照青入天爛漫春明圖畫裏淪茗細論周易
來需之時義大矣哉我不見圖見圖說秋窗一讀三款

絕

華豫原寓樓觀塔燈

華兄樓窗夜不闔窗心恰受長干塔塔王不肯安寂寥
四射光明借油蠟黃昏置酒預待之東南城高月上
遙空暝黑燈燄發火樹十圍花萬枝坐客動容爭賦詩
或說象教盛繁華費不貲或惜物力苦無端沒膏脂或
念鑿壁窮分輝良足悲或弔前朝蹟青燐寒風吹而我
發筆一字無但能注目笑且呼太平氣象乃如此點綴
榮爛爲歡娛橫列百景星豎非千明珠良宵永夜樂
聖世祥光假手呈浮圖長吁短嗟胡爲乎我之寓樓却
唐堂集 卷三十九 七言古詩四 三

無此突兀寂寥唯見秦淮月

高座寺白牛閣觀梅花是日聞閩孫塲北崖挈我

解憂至此

長干二月春雲熱古剎梅花墮香穴綠萼點點成淚飄
紅英片片落如血欲殘未殘老榦蒼嫩枝吐蕊窺斜陽
遊人欲折戒勿折恐見梅塲哭杏塲

又過永興寺觀梅

夕陽銜山四山翠殘屐尋來永興寺新家鼎鑪遠敗垣
未見梅花欲酸鼻幽香引我幽折穿數株老樹佛堂前
借花供養慈雲下抱送麒麟一百年 佛堂懸大士像予默禱云

張氏雙節詩

江寧張氏妻汪氏妾韓氏同守節今王于歲一六十一五十

蔣山稜稜江水寒鍾爲名節皆可觀輪軒采風到巾幘
屈指首及汪與韓連天之姓鳴珂里藁砧藥爐炊不止
一朝抱得丹山雛樛木垂垂纏葛藟寡鵠離鸞水作絃
十年以長成少年隨肩共命婦閨裏松心竹筠堅復堅
予覽額曰夜深茹檠不知苦燈影機絲聽酸語未亡人
見子有孫慘綠夫君在何所垂老 衰綸行賁門喁于
兩母膠啼痕休談三十年前事且撫斑衣盡一樽

清涼山莊圖歌爲王進士符躬賦

君家右軍右丞去矣不可追清涼山莊乃駕蘭亭輞川

唐堂集

卷三十九

七言古詩四

四

而上之山川磅礴深十里花木糾紛參四時亭臺溝塍
巧位置人物車馬酣遊嬉一步一景賞不給意匠構出
萬古奇今代禹鴻臚丹青好畫師必逢佳士逞能事繪
寫人境窮毫釐我來清涼蠟遊屐欲叩山莊不可得清
涼主人出此圖請向圖中問消息君不見化人宮榭三
神山嘉話流傳誰往還只許神遊碧落虛無間

江寧送李開成使君

使君昔剖臨汀竹攝郡循聲動輦轂閩江風浪百不搖
大廷擢之守姑孰使君今綰姑孰符江北諸侯奉楷模
仁風甘雨沛江水水陸行人碑載途使君昔在臨汀日

我來校士筆則筆和衷衛道風雅深悍帥不足當呵叱
使君今在姑孰時五馬訪我秦淮濱郎舍劇談七載別
贈我綺紵鳴相思君昔送我出臨汀索句留別郊之垞
我今送君還姑孰索句贈行淮之溲鄭重手持白羽扇
殷勤口唱驪駒曲喜君爲政同龔黃入而卿相以爲最
徐今吾得子

新聞流傳到吾耳潭東老人老生子老人已有子與孫
子能傳經孫濟美阿翁年紀六十餘煖老忽作添丁喜
吾謂老人非老人童子容顏彊壯身鬚髮黧黑腳輕健
力能生子宜振振或溯老人今以前不弄寧馨四十年

唐堂集

卷三十九 七言古詩四

五

溫柔鄉中邛肯老朝雲祇可陪談禪枯陽生稊無乃過
老陽再索難爲乾桑麻服食果神效鄉信郵爲佳話傳
吾謂此事本常事衰翁病叟徒詫異祇知桃李冬不花
又苦芝蘭種無地輸與老人吉夢多孔釋抱送非繇他
孝穆必逢誌公識少陵復奏徐卿歌可嗤老牧齒相若
年來雖夢亦不作

題王太史漢階桐陰小立圖

鳳凰不飛亦不鳴桐陰小立高且清良常山深覽戢羽
五色耀野爲文明鳳凰池接瀛洲水鷗鷺舊侶翔不止
槐棘三九枝柯繁蒂桐一雙鳳月美却忘高岡倚素蓑

歸來閒立夕陽低不知阿閣雲多處滿院清陰待風棲

風潮歎

壬子七月十六七爲客暫歸甫三日颶風翻天捲地來
挾雨撼空聲若雷俄聞屋脊轟異響萬瓦若拉齊崩摧
大漏小漏天著孔梁塵濕墮煤灰堆又聞厨西倒一壁
壓損竈陘破釜鬲又聞堂北搖老牆脫離天井一尺強
起往視之肆掀簸壁倒猶可牆則那丙子年只一日災
今年連日風潮大于嗟田疇高下方秀禾江湖舟楫皆
衝波宴坐徹廬震號號沿海人家將奈何

海嘯歎

唐堂集

卷三十九 七言古詩四

六

壬子七月十八九羽檄紛馳報郡守上海南滙兩邑人
一旦其魚幾萬口郡守告予往勘災華婁兩宰同去來
日慘不忍齒頰述蘆蕨掩齒心神哀餘則入海不可問
田廬蕩蕩無塵埃崇明寶山同此難靖江江陰亦罹患
他邑金山已發催餉符老夫讀符添浩歎嗚呼禍非由
海降自天靈佑百姓胡爲然山左產麟昭 聖瑞吾鄉
遭水紀堯年

迂老行 題王卓人小照

迂老之實世所無迂老之名誰敢呼品題出自相國口
吳下流傳迂老圖迂老自喜迂爲號風雪榆關磨不到

烏衣門地披瀾裘白恰風流著帷帽隨身欄具劍作裴
丈夫七尺軀昂藏倦遊歸來且韜跡颯颯毛猶未蒼
秦淮開府遊陽侶世好招邀又賓主相思十載江南春
下榻重新譚舊雨于嗟人之迂也豈易哉星宿羅胸錦
繡才不逢知己不輕試那許迂辛比得來

送任翼聖會試

任先生衝風冒雪爲遠行著書百軸入帝京緒其兩
顧結須髮神采奕奕少年不敢與抗衡曾中載籍高過
屋且中吐解屑霏木解頤折角靡不爲出脇穿心縱其
欲君不見公孫弘在元光初對策第一東閣居君尚未

唐堂集

卷三十九

七言古詩四

七

到平津侯君文欲逼董仲舒醇儒經術有流別曲學阿
世君不屑

答寄焦徵君

龍門結址申江隈鼓櫂來踏竹下苔蒼栢磊砢白鶴叫
猶龍之人老草萊清談霏霏眉一堆揮塵未了斜陽催
歸來十日暢精脈吾道不孤見者傾吾欲命工寫作同
茗花對吸杯對奕塵鞅又駕秦淮車申江游來雙鯉魚
烹魚出詩饌萬丈煜煜照我高樓居何以報之慈不如
小山草木皆軒渠

天一酒歌

王觀察蜀咏

醉鄉之人不辨酒甘酸苦辛皆入口就中以清冠其偶
一清可壓萬尊由主人酌我秦之淮酒半試飲家釀佳
清於清江白於水厥味始烈終和諧自錫嘉名曰天一
妙義乃從周易出但得時時中聖人何必中山醉千日
叩其良方秘勿明吾知麴米水所成官貧不辦金玉液
愛爾壺中一味清

黃山松歌

景公作來曰黃山松實非也海作詩誤
張實甫曰君詩非誤松自誤耳遂初之

黃山松夢寐見之醒不逢石爲根株雲作葉點綴三十
六所之名峯好事搜爲耳目玩伸縮尋初無直幹虬膚
丹綠滑不鱗翠鬣黃茸畫中看針尖束束刺眼青高過

唐堂集

卷三十九

七言古詩四

八

人肩無一半杭州司馬吾宗彥輦致唐堂侍几案俯視
凡松推後來庭樹如林此其冠昌谷難爲五粒歌甫里
何當怪松贊爾松離鄉來作客想殺黃山好風格何年
歸訪軒轅跡別選赤松配黃石

答張文五

豈不聞洙水張文五大兒孔文舉小兒楊德祖二十名
與名父齊捷足先登壓其伍紅綾緋袋彼何人肯藉先
生困修脯雞肋一絲泮何樂豬肝一片市何苦幸不向
瞞席掘漁陽又不從射坐賦鸚鵡活得鹽城寒餓身歸
來擊壤涇之潯太平著述富艸萊鴻博紹舉天縱開螻

求鵬怒競騰起吾郡寂寂胡爲哉唐人五十少進士時
乎其時不再來天生季鷹未竟用尊鱸那得淹奇才風
吹珠璣落蓬室星宿在胃花在筆古情古貌三百言盡
盡靈光紙背出驚翔之鳥同病憐一水盈盈遙隔天美
人貽我錦繡段何以報之磨兜堅莫道今人不如古鼎
鈔有耳在天府豈不聞泮水張文五

小山歌

南窗假山號小山高下洞穴堆青巒麻皴山頭湧山脚
著土雜生花草斑山東蟠竹蟬娟綠十竿風雨搖幽閒
山西小池朱白魚活潑潑游萍影間秦淮寓亦構小山

唐堂集

卷三十九

七言古詩四

九

秀緊勝此輪屏顏林泉邱壑屢兩眼粉螺翠禽相往還
東軒別有假山在地雖殺半景足配巖陰老桂依舊雙
谷罅叢蘭種之再石頭呀呬蹲樹根蘚毛蒙茸裏山背
吾心易足無外營兩山胡能不兼愛自言壺嶠屋裏閒
那知世間有五嶽之崔嵬筇屐出門何爲哉一日此中
遊百廻

題馮少司寇書載松圖

落伯內遷與松別以松託友情意切泰淮親寫畫松同
跋墨分明如口說印友揚帆坐對之三松一圖擅雙絕
培溉以待綠野成佇發吳淞載還浙風流留作佳話傳

我亦送行司寇船悔不關心借松看縱使索歸猶一年
萬事遭逢各有數畫中松好嗟無緣雙株堂上蒼髯叟
笑我空慕江外天

予亦有
松二株

乙卯歲立春日大風雪時在海寧

歲朝已雪春又雪甘爲豐年受寒冽西風北風交剪刀
亂翦冰花飛不絕相國名園屋北頭昨曾一涉留青蓮
目青頗亦妨眺覽泥淖更覺艱搜求過龍擬作三日住
坐見韶光困飛絮夜來燭花眩眼花占得晴明看燈去

答珠巖

霧雨壓人眉不舒沈沈白晝逃華胥膏肓驚醒豁雙眼

唐堂集

卷三十九

七言古詩四

十

一串珠子穿車渠諦視乃是招飲詩誇其桂華香襲裾
芳園幽賞既佳事鴻篇欸召尤奇書而我歸賦及伏律
夜淹明蟾日藏日登樓極望天四低悶揜窗扉不能出
八月大水潦已淫三鄉下田潮已溢西成繫人萬萬命
妨我勝遊時其一佇盼晴穹碧靛青乾土不聞響屐釘
銀象樹下席金粟從午醉到燈如星

無米歎

去年有秋苦同少今年秋雨未獲稻供消餘粒盡與殍
霜降之前固已倒炊煙一縷人同居聚食計指二百餘
日強寸腹贏尺口腹豈但尺寸膚日日填之亦何益昨

夜嗽粥糜晨釜淨如拭市中米貴糴無力我學赤松能不食嗽嗽奈此家累多待哺不能辟穀何

深秋梅花

八月九月不肯秋梅花紅白開樹頭胡蝶蜜蜂命不死輕輕薄薄花間遊正逢寒露霜降節雨則淫霖晴則熱土膚出水潤於汗蚊臂如鋒擱成血爾梅本是衝寒姿何故趨炎應不屑人言晚榮呈瑞景一枝寫得秋無影縱使喧妍堪悅人我信梅花心自忖

高小湖八十得子

同時旄叟枯不穉小湖老健如蟠溪非人不煖本王制

唐堂集

卷三十九 七言古詩四

士

繡襦英物方試啼吾友何孝廉薄宦鳳城中年六十三首夢熊亦有徐太學高隱龍潭東年六十四舉次雄吾皆作歌傳美事不使少壯驕衰翁小湖前此六十五一歲得男喜初乳六經三史今讀徧舞象儼與成人伍乾隆元年春二月又見長庚降華閭平頭大耄重抱嬰國瑞家祥一時發吾度錢鏗八百之年紀次第生兒亦如此誰道海中仙果遲纔十五年一結子小湖八十四又得子亦奇事

京師寓雪同蔡孝廉立市小飲

空中散花屑屑新以媚我旅食京華之老人生平歷冬六十餘積疹須髮皚皚如紅塵紫陌久無影到眼似逢

相識初雙扉貧未設簾幔直射茆堂光爛爛得意不知腰脚寒白酒連壺炙爐炭隔垣備保猶醉嗽冷澹曹參割其半瓜薑豉杏敵大烹餘瀝猶能濕孫案君不見縱橫達巷踏未平與馬泥淖忙公卿與爾銜杯止安坐微聽松梢墮雪聲

次韻答馬九員外招飲不赴

簷水之作何離奇開我青眼唯白君筆花掃盡屑沾兒妙趣只從冷境知頃復邀飲貽鴻辭明珠十指紛捧持身雖不往神則馳雪花亂簷掠我癡放喉百讀當百卮欲戰吟場已心醉長城無力攻偏師

唐堂集

卷三十九 七言古詩四

士

石刻陳搏書福字歌

縱橫一掃字三尺骨豐肉腴美風格落墨灑爲鶴味伸揮毫巖作龍筋劃筆力已舒巨靈手雲根尙鏤倉頡迹當年洩祕圖先天天人之交理蘊易聖經所言感召多洪範衍五詩頌百孔顏登因無福窮身名俱泰癡石崇道在自求非俸致安享不在紛華中先生達觀明倚伏孽窠大書徇世俗吾生此字緣頗慳粘壁時時飽饒日結蟠紙上非空言學得希夷真其是福

題謝侍御石霖首夏軍中學易圖

廣漠黃沙一萬里大軍雅列邊州壘風高氣寒山不青

夏始平蕪蘼流水披裘讀書者誰子

世宗之朝謝御史疇昔京師居對門親見白簡堆霜痕
一麾從戎去西徼十載無路通寒暄天心消長綢而復
聽馬賜環重食祿相逢不改舊風采知是義文理精
熟誰寫頰毫粉繪工展圖玩與河圖同臺端佐治藉經
術根柢研朱點易中

贈馬墨麐觀察

騷客如毛幾風雅吾曹屈指鹽官馬板行詩卷千首餘
一一能追古作者相其骨性天所生虹氣一吐無公卿
雕鏤神示發光怪敲戛金石揚鏗訇鮮腴芳味咀愈出
唐堂集 卷三十九 七言古詩四 三

讀三日夜移我情俗儒心眼飽世濁政事科不兼文學
燕許元白命代豪豈以才華損遷擢如君遭逢仕
盛朝關河煙景供雲韶藹兮風吹不遐棄江東亦有山
人瓢

荏平道中見刈麥

五月田中二麥黃婦姑刈獲鎌似霜青布帕頭日炙面
大風吹袂炎不涼春夏燕齊亢無雨發粟預籌勞
聖主田舍幸有十斛收猶盼盼滂沱種秋黍君不見畿南
一路麥大無二寸三寸青亦枯

車中歌

京路往來舟者二人輿一與驟輿四行年七十始坐車
雇直頗廉歸亦易如舟環席穹作蓬方箱半載行囊空
虛其前半供坐臥茵褥平鋪牀榻同犖確震撼亦何怨
蒲輪那及申培公驅以四牡駕適野二羸一驢復一馬
風沙倒捲十六蹄流水驚雷亦瀟灑執轡執綏賢聖儒
尊銜伏軾縱橫徒齊魯燕趙古道至今在而古車中之
人胡往乎使我臨風三太息清華一夢頭已白後車年
少兩孝廉范祖年林惠邦筋骨鈐利眠餐兼夕陽殘月共作息
老子馳驅也不嫌

踏車謠

唐堂集

卷三十九 七言古詩四

古

田婦踏右田夫踏左田夫打鐮田婦打鼓田婦白足運
兩跌田夫赤臂踴雙股身倚橫木脚不停俄頃捷行萬
步武不離輶輶平作梯倒挈飛流注乾土淙淙淘淘水
上坡行人助爾唱秧歌江南梅雨落未多抽起清江浸
綠禾低田尚可高田則那桔槔一木羣脰相摩官嗷俸
米我勞如何

池上篇

剪得吳淞水一角裁做方塘清可濯橫穿綠荇魚爲家
倒浸白雲天是幄主人肆筵池上頭一羣莊惠濠梁遊
老夫銜杯踞上座眼光射水水不流渟泓深貯桂華月

流霞蘸人梧桐秋機絲鯨甲漢武不可見騰車羽輪王
母不可留眼前煙波樂莫樂富貴神仙奚足求一夢初
然生春草一醉胡然接羅倒鳳凰池邊風浪多醉鄉夢
境跡如掃所歷揚子錢塘洞庭彭蠡江湖間至竟不如
此池好我來照水依舊清水中影比去年老白老有池
誇鴻篇黃老無池文不傳借君池上坐一日此日居然
是樂天不信但觀坐中客誰似我白鬚之飄然

愁霖篇

銀河滲底天膚濕潑翻濃雲裹不及淙淙湛湛無歇時
浸爛扶桑一杯汁中庭仰天縮項趨泥損靴鞋敗毳笠

唐堂集

卷三十九

七言古詩四

五

濕沮佃農勿礪穀種田還租有底急問天簡誰作雨師
銕甲滑利淫蛟螭黑入太陰一千刻臍空揮灑恣所爲
禦寒裘屬叛我去前月傾筇從僮兒晴星照路手脚燥
曷不慘晦迷淋漓剩擁布絮潤無煖藍灰滿爐紅不支
雨力未能速人死會逢白日軒雙睂

醉歌

揮杯欲澆天上月酒香黏天青滑滑瑤京肅穆無醉人
故觸愆尤惹僊罰餐餐命短與青蛾王母憂多生離處
我操秘方驕古仙一醉以補萬事闕君不見獨醒徒受
漁父喚九歌聲中愁殺人

甘雨

歲已未秋後一日炎氛不肯捲簾出裸跣對客風未來
剖瓜食之甜如蜜忽升油雲爾碧空大雨淙淙八刻中
沐日浴月類霄壤蓐收爲政第一功雨過新涼上絺綌
花枝壓重低半尺磁甌苗苗拆如斗鼻觀流香淨無迹
移坐當天酒屬客此雨如金落滿田安得十日一繼飽
農澤吾曹嬉遊鼓腹歌僊仰宇宙樂太和向來感慨嫌
其多

象戲歌

學者何事不遊藝象戲造於周武帝三光五行今不傳

唐堂集

卷三十九

七言古詩四

六

庾信王褒載其製後人沿譌爲象碁唐宋以來踵習之
雍門遺語偶符合岑順傳聞尤怪奇車堅馬肥砲衝突
壁擁士象轅列卒夾河陳兵鬪兩雄三十二子刃哭越
相持方互有殺傷將帥死亡已儼忽或再整軍而恢復
或屢出師而覆沒或市而和解或僂而顛蹶或躁舉不
定或沈謀未發或旁人指示而心嫌或兩相梅爭而色
勃青天鬼陣力不遺過眼烽煙便銷歇于嗟市夫牧豎
靡不能著碁遂同擔糞稱豈知此中蘊兵法用心精賢
胡可憎君不見軒轅蚩尤亦戲雨鉅鹿昆陽不過此世
間蠻觸何營營蝸角封疆一局紙

己未歲九日宿瀆月軒

九月九日風雨多遂初園中信宿過花餘金粟巖下桂
葉想紅衣池上荷瀆月軒窗徹三面今日油雲昨夜電
電裏笙歌娛耳目雲端風雨驚歡宴略承尋菊菊未黃
陶令思酒酒滿觴翦燈却話卅年事雨聲與之相抑揚
存亡顯晦百無準造化操籌吹流光西州太傅都不慟
聯吟下榻心摧傷園居主人能接武令狐郎君奚足數
他年曳履上星辰此夕銜杯坐風雨席上盡簪皆舊劬
尙沿疇昔推大戶環看老夫著芋眠夢捉蟾蜍照秋圖
鄧學使索題王石谷摹李龍眠鳴泉圖

唐堂集

卷三十九

七言古詩四

七

冰壺懸秋涼作雨雨窗讀書妙入古耳畔似聞澌澌鳴
何處流泉瀉幽塢分明聲出絹素中水墨皴染堆嵌空
洞壑淋漓滑而澀龍蛇屈曲行未通俄而得勢徑奔涌
其音鳴咽如絲桐濺人衣袂濕不見相對始知繪事工
前有伯時後石谷此是冊中樞本之一幅當時能事相
饋貽傳作家珍貯行篋披尋如在洲島居一部水樂宮
商餘原泉象坎注不竭晝夜涓涓盈石渠

畫蘭歌次韻答僧寄舟

開士畫蘭矚宇涼必題佳什三擅長筆花攜走疲津梁
肩擔日月脚踏霜白雲逢逢來西方杯渡谷水超崑岡

昔朝閭闔今遠望寄舟曾被世宗召見人間天上秋茫茫遊覽
不妨三宿桑相逢令我思雁黃吳江僧工詩書予舊交也同此風格
生毫光寫貽一枝王者香香流水墨吹滿堂歷倒俗眼
皆驚惶

苦晝短

青天嵌日如彈子弓背流光急於矢况行北陸割牛冬
三十七刻一日終老人著衣喫飯畢一客坐談一事出
勿勿不知高下春已使分陰寸陰失不耐油檠照衰眼
唯臥絮衾擁寒膝良時空擲更柝中縱活百年纔六袞
義和昔定黃鍾律何苦伸夜而縮日

唐堂集

卷三十九

七言古詩四

太

贈侯主簿

嘉緒字元經臨海才士以拔貢引見授縣丞來攝華亭簿予門人也

皇天造命不繫才往往遇抑奇士於塵埃驥之鹽車鳳
之棘浙東曾舉鴻博來丞簿尉皆佐民收莫嫌卑位差
微祿官衙如水春草生那得俸餘食梁肉崔藍田哦對
二松公事捐孟深陽坐廕大樸曹務妨修塗初騁力必
勞舒卷風騷入霖雨擎天捧日青史人俯視夷門獨千
古

觀競渡歌

中流鉦鼓沸天出羣龍馱人多似強龍首掀掀龍尾翹
兩舷撻檣排坐密潭浸吳閭城北濠年年競渡龍作艘

我來旅羈植佳節有客邀往爲遊遊船稍治嘉肴船頭
煮美醪窗敞不徒看龍景看其看者千百曹夾岸傾城
面如堵澗河壓斷平無濤龍舟幢幢水心狹五色蜿蜒
擾而狎赤裸吳兒誇善泗翻龍跳波捉生鴨以博士女
歡笑多水嬉豈是拯溺法人弔楚三閭不弔吳伍胥賜
夷千載恨魚鼈何紛拏合蚌相持空費日跳蛙自大徒
深居爾龍雖戲猶有以却借孤忠作淫靡流連日費桮
棹金人散龍歸臥江水

敬廬松歌爲家魯望賦

敬廬庭前階砌窄點綴煙景密無隙見一參天槎枒之

唐堂集

卷三十九

七言古詩四

九

巨松根株穿入嶙峋石離立二松小軀幹神蚪卷舒不
過一二尺軒轅山頂遷植此儼與高松鬪標格主人置
酒屬上客徧索珠璣賚青碧坐中坡老陸坡星太史詩早成
鋒銳足令人辟易我遊醉鄉方懶吟夢聽松風落瑤席
家有一松姿亦奇春船載送東湖湄今見衆松獨不見
知爲友于移贈之竹林檀欒喜接葉棣鄂爛漫紛連枝
枝枝葉葉樛結好坐看松喬不知老巖穴不同廊廟材
勗哉棟梁爲世寶

看花

牡丹暈顙蘭吮舌國色國香紛侍列雨淫寒滯未淡歡

妝飾陽和春一瞥老夫歲月任堆積裘帽不知立夏節
惜花蚤起出捲簾露霖欺人飄不絕嬌蟲媚蝶昨趁暄
躍藻紅魚皺水痕物情駘蕩白日裏胡爲忽復藏朝暾
冒雨看花事已慣寂寥差喜無俗喧縱饒筵殿滿街市
焉有熱人來叩門

唐堂集

卷三十九

七言古詩四

十

唐堂集卷四十

華亭 黃之雋 石牧

五言律詩一

登報恩寺塔絕頂

到眼無埃壘蒼茫入素秋萬家斜照外千古大江流金碧翔霄表虬龍壓石頭長安稱雁塔此亦舊皇州

賦月

三五看蟾窟團霜作一環流光滿天下有意到花間少婦夜相憶征人秋未還莫將滄海鏡去照玉門關

送友

唐堂集

卷四十 五言律詩一

長歌去室家明日已天涯征馬還行李離筵且坐花聚難同豕鹿思預託蒹葭君入張華座言予有莫邪

寄程翁山外兄於威寧

漢廷程不識辛苦作邊臣部曲并州淚鶯花羅甸春大旗衝瘴立深箐叱苗巡清嘯支官俸軍中料不貧

山西河堡時寄予父書曰雖謂百夫有長仍然四軍軍資

五言效梁簡文體二首

望中遙可憐晴日照嬋娟出牆花轉豔登樓人愈妍窗微全翳鬢簾輕半壓肩天工太繁綺畫得此春牋晴絲惹柳條浣女出江臯釵滑頻掠髻裙長故約腰弄

水沾疆濕穿花映臉嬌春潮何乍急催過木蘭橈

夜發燕子磯

暮色連京口秋波下洞庭帆開月影白枕墮石痕青曉夢涼依水漁燈澹落星隔江人夜唱不遣六朝聽

甲戌歲春日

飛絲百尺柔日出照高樓青草嬌無賴黃蜂喧與遊分明大堤曲容易夕陽愁縱有雲茶女相逢不可求

書齋晚雨

天外白無辨樹間紅欲僵燥雷穿雨出驚電滿空翔庭壁蝸文字塵帷鼠戰場晚愁無可寫燈火闌陰房

唐堂集

卷四十 五言律詩一

二

丙子歲秋羈郡城暫歸所種菊盛放旋復出門賦詩別

入戶覺煙滿濃濃秋數團花開羣籟靜人坐小窗寒所惜三時力徒成半日看幽香澹爲夢隨我役江干

曉征慈普照寺

荒寺立殘夜幢寒霜作花晨魚僧未課秋鳥佛同家漸覺月痕淡不知人影斜城南吟曉角聞罷一長嗟

寓齋觀菊

謠詠工羣小羈棲違故園離騷客裏讀秋鞠此間繁一見相與笑終朝無所言嚴霜誠可凜爲爾下湘沅

秋夜

夜涼無可夢秋律寄蟲吟月鏡磨雲急花房宿露深
棹繁遠響河漢迥清陰俯仰悲人事蕭然失壯心

暑夜

寂寂復颼颼溪涼竹更修月痕兼露氣相與一庭流不
寢憐深夕微風憶去秋炎氛如隔世吾性喜荒幽

晤裴修承舍人

不期逢逆旅澗絕十年羸厄酒話疇昔布帆憐遠行驚
心當歲暮送我及潮平古道相敦勉殷勤見老成

遊韓國

在江陰縣東門
有古梅萬株

唐堂集

卷四十五言律詩一

三

悔非春日來孤負萬株梅園主停鉏語東風帶雪開不
將桃杏雜都自宋元裁客子如不信請看樹上苔

雨舟夜泊

濁酒無從貰寒沙此暫依帶冰江汝小衝雨權謳微古
渡明遙火西風濕夜衣淒涼吾所習翻不恨陰霏

夜思

夜思攬蒲團空齋坐臥難暗窗明蒼荷隔屋響琅玕草
長一庭兩燈深六月寒連宵違痛飲孤負楚辭看

喜雨

帝隣禾菽命龍乃下青冥水氣鮮羣卉雷聲滑一筵已

能迎赤旱真欲倒滄溟過雨農歌樂非同昨日聽

己卯秋感雜詩三首

人妄疑高尚予寧薄乙科足應難又蘭若况絕非蛾占
易當肥遯談詩在澗阿先人虛授業慚痛鯉庭過

天行疫癘日人督挽歌忙諛墓金何在招魂語不祥身
閒供役使事小負文章周勃曾貧賤吹簫爲給喪

與物本無競相與何太苛閉門猶患難涉世卽江河雞
肋劉伶怯人情溺尉呵久留真不可魑魅此鄉多

咏昭君

國重一身輕辭宮便遠行有心馴漢堦無禍到哀平豈
屑矜顏色真能決死生季倫不解事昵昵賦私情

唐堂集

卷四十五言律詩一

四

唐堂集

卷四十五言律詩一

四

杜預原儒將時賢拜下風繡旗尊酒外獵馬雪花中傾
蓋江煙黑論文幕炬紅諸生時所賤吾擬去從戎

贈杜將軍松如

雪意浩無涯冥冥萬片斜鶴廻相與舞梅亂一時花寒
色深天地陰風捲歲華饑來吟興索高臥是誰家

咏雪次路舒馭韻

莫教嘲畫嬾清簾奕棋時蟬唱風爲句魚梭水作絲甘
瓜紅雪割苦茗碧濤炊涼意先秋覺何曾團扇持

庚辰夏日卽事

瓜紅雪割苦茗碧濤炊涼意先秋覺何曾團扇持

大風雨

天地大聲轉東南勢欲飄炎氛塵雨失海氣秋風騎牛
馬昏遙岸魚龍急暮潮真成鵬六月可許上扶搖

歸船

江流情不極感觸況秋天日色風吹淡帆陰浪壓偏黃
浮承攏外紅出相松邊行役嗟何泊遙村有暝煙

冬暖

冬暖知難得陽和似暮春雖嫌違月令頗喜活窮民風
雪避無影鶯花出有因貂裘愁太熱未許爾驕人

雨中雜詩三首

唐堂集

卷四十

五言律詩一

五

屈子當年淚蕭蕭流至今散爲五日雨凝作一庭陰江
夏原吾望離騷帶酒吟菖蒲根可采欲采水痕深

五月追呼急官逋百計償故人雖援手古語信醫瘡衣
典鎔鉢盡錢賠斤鹵荒緣簑農佃樂冒雨插新秧

酒旆柳絲灣江村藉解顏先生枯吻待童子酒瓶還愧
乏金龜典休嗔綠蟻慳淙淙梅雨足淪茗亦清閒

夏日

經旬吹舶趨能使火雲涼枯蘚沿陰活晴泥過雨香蛟
龍徒偃蹇燕雀已飛翔便欲廢書去荷鉏溪水旁

鵲

俊鵲如人立軒然非鳥身霜鷺猶未試條嶺且相馴左
臂無雄武當飢亦苦辛刀稜似雙翻知不遠秋旻

人以鵲充鵲食論之

爾質誠庸陋常存邪媚心祇堪將飼鵲何足數馴禽有
日供鈴使回風叶笛音一長猶可活同類免相侵

江郊

投足更何地出門堪向誰古人應此哭秋氣不勝悲潮
急芙蓉謝風高木葉吹無緣見漁父吾未及湘纍

雨夜

唐堂集

卷四十

五言律詩一

六

古寺昏鐘動江城煙景闌市醪姑任薄旅被未嫌單數
葉秋邊響孤燈雨外寒相思今夕路倍使夢魂難

樓上
樓上軒窗豁西延爽氣多萬家秋色染一塔雨痕拖如
畫皆雲物遙吟在薜蘿閒鷗江郭外羨爾適情過

舟中賦得之字

挾劍出門去登舟隨所之關河漸霜雪行役老鬚蒼寒
淺開樽早風嚴鼓櫂遲夕陽川路外楓葉最相思

夜泊得眠字

月黑懼難前吳城何處邊孤舟穿港宿小枕伴霜眠岸
語聞深夜山鍾感壯年客愁與江水日夕共綿綿

江上野步得燕字

荒澁行吟處漁農可問途川原有雞犬舟楫自江湖斷岸雲陰接頽巒水氣扶一陽迴萬象暄景變寒蕪

酒後雜抒歌泣八首

對鏡供一擲生憎寫二毛乾坤餘朔吹眠食滯東臯
散憂兒劣家貧忍婦勞不知塵坭裏老死幾賢豪
最有傷心事潸潸淚作泉親猶依淺土我太負皇天
自髮非疇昔形聲杳歲年明朝逢臘祭何語告靈筵
不知幾州鐵此錯難銷遇合迷無路居游濬不聊餘
憂及弟姪生計讓漁樵袞袞風花老寒霜兩鬢彫

唐堂集

卷四十五言律詩一

七

以我不得意發爲嘒殺音有人相誚責無病強呻吟欲辨且緘口此言非契心昔賢稱鬼訂寄慨最遙深

自名其素曰鬼訂
集言非人所知也

屋後數弓地年年廢灌鋤柳樊摧欲脫竹蔭斫殺疎漢晉傳荒圃興衰到敝廬霜畦蒼莖盛何處著佳蔬
許叟和州佐龍鍾八十人人皆啖老朽吾獨重清貧
昨日扶藜杖相過試茗春微裘在蓬藿誰識舊勞臣
昔日蓬山老詩壇聚飲徒淪亡三十載駭雅一毫無有筆難醫俗微吟輒笑迂好堅吾黨志風月莫教孤
吾年未四十而髮已蒼蒼學未分毫廣愁隨晷刻長蟬

肥知讀解鼠瘡爲儲荒重累添家室難教鐵翻翔

丙戌歲花朝雨

東風殊草草二月未暄和陰雨愁相積韶年急一過不知花信到却負豔陽多留待看紅萼其如春晚何

春夜

尙有微寒意春宵未覺春風昏花外月酒倦燭邊人蠹粉侵屏書蛛絲裊屋塵欲尋孤夢遠猶絆客窗身

夏夕對雨

屋角乳鳩鳴蛛絲趁雨生濕侵湘管潤涼沁越羅輕霞脚翻斜照霓腰截晚晴何爲蕉葉裏猶滴小窗聲

唐堂集

卷四十五言律詩一

八

芭蕉

搖陰遮藥砌滴翠到書函日不紅三伏天唯綠一卷葉翻紛似剪心捲滑於簪風雨孤燈夜淒涼聽亦甘

夏日咏風

尋常吹未覺當暑得人憐南浦藕花動北窗簟蔭偏先秋來不斷驅熱到誰邊縱使噓呵息還教團扇傳

夏雲

神仙在帝庭盤礴繪雲形五嶽貢靈氣一江沉翠屏纖毫寫金碧大幅抹丹青詎盡天官紀紛紛綸駭不經

丁亥歲元夕飲愛日堂觀燈同席有蘇松常人

院燭借金蓮分輝到綺筵還將三郡月併作一庭圓
蟻酣春夜紅蚪蕩海天絕勝芸閣裏蔡火夜深燃

夜雨不寐示呂丹錄時大旱

雨訝今宵得秋疑一夜深聽雖愁短鬢滴豈厭甘霖疎
響遙添葉新涼已到衾不眠應起舞同此憫時心

八月十四夜陳宮詹公招同諸子賞雙桂於南樓

楊東野先去卽事寄憶

酒與花同醉涵秋入一卮怕隨風落早不管月圓遲香
散四筵覺夜涼雙樹知興因人去減叢桂剩相思

九日訪桂開園

唐堂集

卷四十 五言律詩一

九

萸菊西風晚小山叢桂幽人言逢九日此地尚中秋花
近氣如醉園深香不流氛埃渾謝却身在廣寒遊

宋雯巖攜詩卷相質

小宋風流者爲詩入性情年華真維少家學况延清如
爾超時俗何人擅老成奚囊宜古錦中有夜珠盈

洙涇夜泊

市屋當船暗橋門入權輕計程來卅里聞鼓過初更泊
處樓相對窗中火尙明綠紗人影裏堪感路傍情

儲汎雲示浮青水榭集賦贈

渾忘羈旅寂儲子富詩歌轉悔性疎嬾始逢人琢磨江

南春欲盡元氣卷中多不有佳篇什煙霞蕭瑟過
爲客

爲客三春駛還鄉七日賒忍心先寄子餬口復辭家別
緒紛楊柳歸期定藕花翻教疑性僻飄泊愛天涯

和雙清堂詩題十八首

喜見春風還

似與春風別又來吹一番煙光勤接待草木慰寒暄有
信花相約多情鳥晤言勉留踪跡在爲我養林園

春寒花較遲

爲向枝頭問陽和來未來空庭猶積雨芳樹只生苔似

唐堂集

卷四十 五言律詩一

十

失東風信應催朔氣迴去年逢此日記得有花開

柳與梅爭春

梅花顧其態自喜占春多楊柳從旁舞風流欲駕過同
時分月色一種媚陽和縱少相降意其如吹笛何

衣霑春雨時

三點五點雨忽來紅杏邊塵消將濕路花薄未遮天拂
草霑裾重迴風灑袖偏衣香歸已落脫近玉爐煙

當爐笑春風

十五酒姬年當爐大道邊倚風嬌欲語吹面轉生妍對
此飛花落嫣然笑靨圓不知憶何事贏得路人憐

春草隨青袍

春草又年年春袍映可憐
靡蕪遊子路羅綺夕陽川
南浦吹香遠東皇著色鮮
裙腰青不斷縈繞到誰邊

花濃春寺靜

花情厭喧擾閒綴梵王宮
有蝶窺深徑無人掃落紅
佛趺春影裏僧定午香中
穠豔皆禪悅拈來一笑空

春畦亂水間

雨餘田受水畦稜浸橫斜
白道紆溝洫黃心落菜花
衝煙頻下鷺隨地欲鳴蛙
籬落春塍外泥深八九家

東臯春事起

唐堂集

卷四十五言律詩一

士

南畝破芳菲東風土脉肥
架犁枝上喚布穀隴頭飛
柳鳴初聞笛花田欲濕衣
鄰姬年最少新學餉耕歸

江橋春聚船

古步人煙集津橋畫不如
一川平綠漲百舸隘春渠
爭泊喧篙槳尋聲問里居
風低潮欲落閒話夕陽餘

春帆帶雨來

江氣滃如畫煙帆白似鷗
分明攜遠影敲側過芳洲
愛雨懸疑重貪風濕未收
津樓人倚檻目斷望歸舟

春流岸岸深

春水如綾滑桃花新漲時
泊舟篙短短垂岸網差差
流

女臨灘怯酒兒出浪遲
晚來潮又上眠鷺最先知

春風語流鶯

花底隱黃鸝風前恰恰鳴
嬌於兒女話雜以管絃聲
響處春生舌聽來滑有情
綠窗人惜汝午夢不嫌鶯

叢卑春鳥疑

小鳥棲叢竹春巢可俯闕
遲人無健羽搖夢落低枝
羅單猜相近飛鳴怯稍遲
機心吾久息安穩莫驚疑

春華滄江月

一鏡寒涼月都爲春氣融
蕩圓新漲水吹皺落花風
暖岸光猶濕晴川彩欲烘
姮娥此時意不願倚秋空

唐堂集

卷四十五言律詩一

士

攀條折春色

芳菲樹上新欲折思逡巡
豈不惜生意吾將寄遠人
條垂風趁指枝拂露沾身
韶色低相就盈盈滿手春

羅衣舞春風

垂手出屏帷飄飄不自持
袖爲雙蝶翅腰是一花枝
薌澤紛紛散華裾葉葉吹
春風休更急正是欲飛時

春色是他鄉

煙景隨方到鶯花逐地新
偶窮遊處目便感客中身
物候均千里天涯過一春
春光如可貯欲寄故園人

五日旅興

曾與梁間燕飛來其一家不知今地臘始覺向天涯鄉
思正聞雨客窗頻換花殷勤鴈歸夢溪路石橋斜

野泊

未及醒鷗夢驚波搖白蘋江喧船入雨風急岸留人畫
暝無天色秋寒到客身葭蘆雖慘澹依倚作比鄰

出京口

斜日斜風裏揚帆出潤州金山扶塔翠瓜步入江秋巨
浪支舟楫遙灘誤馬牛景純吾惜汝詞賦最風流

豈不

豈不傷羈客明知是忍心諱愁尋笑語隨意失光陰鄉

唐堂集

卷四十五言律詩一

三

思因貧戀秋霜與鬢侵家書應怕作作處淚痕深

初寒憶度兒寄食友人之塾

天氣忽淒緊西風木葉乾因予秋絮薄念爾客衣單失
學當髫髻依人足鼻酸房櫳有刀尺三處夜燈寒

初霽

積雨淹春壞晨曦奪隙隙明綠隨行處染香覺望中生流
水割不斷遠雲堆未平東龍須努力莫更道無情

是夜月明微步

門前地如鏡何處著纖塵有月始成夜此天無魄春柏
思煙外水獨立影邊身翻覺韶華日塵勞欲絆人

庚寅歲八月北遊四首

父母聞之否兒將事北遊歸應遲歲序祭或缺春秋昔
者瞻丹闕高堂戀白頭今朝辭墓處心痛欲淹留

昆弟東西住連宵餞我行強爲歡笑語慰此道塗情惜
別中年後相隨百里羸瀟瀟風雨夕獨舸去江城

出門殊草草婦病未曾痊非忍不成別欲行難遽前艱
辛真累汝強健或由天我自加餐飯柔腸莫遠牽

浪迹疎家訓何由可署兒一經慙作父十脛勉延師漸
長離孩抱休驕恃母慈膝前離更遠爲學驗歸時

登江天寺浮圖絕頂

金山寺題爲江天寺

唐堂集

卷四十五言律詩一

四

曠矣秋無限紛來目曉間所愁江漱麓只仗樹扶山空
濶身何倚風波鬢欲斑石根支穩否未敢久躋攀

金山三首

誰種碧芙蓉懸根歷歷宮樹延瓜步翠霞射蒜山紅寺
衲閒過日江狹急拜風波濤多古意漁丈識蘆中

足下疑無地眼前只有江潤州終日對焦阜一時降孤
客如翔鶴深林亦吠龙老僧吾羨汝敲鉢坐秋窗

望處山如畫來登書未如縱橫秋皎潔尺寸路縈紆江
景呈千古吾心出太虛紛紛題詠者哀艸夕陽餘

遊江都員氏雷氏諸園四首

秋水接邦溝臨窈俯碧流無家不金谷此地信揚州

沒鳥邊路高低花外樓經過偶看竹非爲辟疆留而城一帶

數園相接

十步成一景亭臺隨意安香餘荷葉碎夢落竹枝寒

影黃花圃甚聲白鶴壇莫嫌小邱壑只當畫圖看雷園有題

士園園丁種菊花數百株

秋光連郭北夕照隱樓西峯面周遭改廊腰曲折迷半

空將石度勝處有人題臨水知魚樂鄰家共此溪員園有過

雲洞典泰亭夕陽紅牛樓養素泉諸景

別業員雷外餘園姓未知隔牆潛過竹就水曲分池稍

唐堂集

卷四十 五言律詩一

主

覺樓臺古翻令節展遲春江花月聖吾意入秋宜春江花月

聖是吾邑沈文恪書額

露筋祠

靈風旗上吹披拂露筋祠一夕已不朽羣蚊空爾爲帆

橋終日過碑碣與天垂指點秋眠處湖邊芳草知

實應縣碧霞元君祠

泰山之神示夢築淮堤成功故祠於此

金碧何雄麗靈來風滿堂蛾眉壓帝子鼉足紹媧皇泰

岱分餘際淮流冥一方諸天花雨外功德到帆檣

漂母祠四首

天與王孫餓以彰漂母功活非因一飯留使滅重瞳櫟

釜嫌邱嫂杯羹棄若翁路人能進食愧然此澆風

少年欺帶劍老母念垂竿恩怨一時有波濤千古寒封

侯金自易乞食飯應難最是窮途感英雄淚不乾

伍子投金瀨韓侯垂釣臺江淮多俠女簞豆秦英才亭

長旣成事王孫誰見哀野雞何物媼只辨殺人來

楚漢浮雲過江淮流到今千秋賢母跡一飯古人心祠

黑香煙久碑青蘚色深莫談鍾室事遺像恐沾襟

懷楊東野朱南州陳方大以試事在杭

送我出門後知爲湖上遊此時楊柳渚應在木蘭舟遠

夢難持贈羣賢足唱酬淒涼淮甸月只照雁聲秋

唐堂集

卷四十 五言律詩一

主

卽事

舟車南北路秋草碧萋萋岸綴將薪築河高與屋齊居

然人在坎到處水成泥莫謂安流易黃金鑄此堤

燭花

纖纖紅一團小几獨凭看客路占何喜舟中對亦歡欲

書嫌稍暗試剪怕教殘莫更添餘蕊纏人坐夜寒

東昌鄧氏見山樓

亭榭江南夢松杉濟北園高樓窺大道流水護頽垣

眺嫌林密妨行恕竹繁遠山何必見隙地已邱樊

遊中頂西南一區具水木之勝

出郭意先曠車驅中頂旁知春因樹葉見綠卽江鄉水
淨客心遠柳深衣帶涼貴人饒別墅此地付蒼茫

真定過趙子龍故里

殘碣恒山得鴻名蜀志聞一身俱是膽三國少如君故
里荒真定寒原哭趙雲木棉花似雪誰覓漢將軍

方順橋柳堤

方順橋南去長堤柳作林未因秋遂老猶借日成陰征
馬從教繫寒蟬竟罷吟垂條與落葉交引路旁心

許穎道中

久客諸行役風沙伴此身中州行不盡十月暖如春暑

唐堂集

卷四十五言律詩一

七

短難停馬途長欲倦人遠林何翳蒼思卜隱居鄰

信陽道中

度馬高原上人如行半空茅岡沿燒黑霜葉點坡紅楚
國層巒外申封落照中太平歸轍路豺虎舊爲叢

江行雜詩次工部秦州韻二十首

自武昌至
未州作

川路西南末初爲鼓櫂遊岸雲終日變汀草向來愁禹
貢荊州城離騷楚國秋江山憑弔者蹤跡此騎留

眠食芙蓉舫寬於一畝官樽前鄉思減枕外遠天空簫
鼓驚馴鷺帆檣急順風穩行明鏡裏回首是江東

陰靄嘉魚縣低煙濕遠沙有山藏雉堞隨樹識人家江

岸昏昏過風帆颯颯斜楚天晴不易雲雨賦中誇

赤壁山前過寒煙暮雨時英雄誰不死烏鵲至今悲指

點舟船速登臨歲月遲東風聊與便破浪任吾之

雪勢隨風急風威鬪水強不難千里到誰謂此江長浪

拍同鷗鳥帆馳過驕驕濤聲終日惡應遣鬢毛蒼

岳陽城上立遠望可當歸楚客徒蒼莽湘娥香翠微雪

深湖不辨天濶樹全稀寂寞荒樓址寒濤倚一圍

黛色是君山山跨白浪間四隅傾地軸一水撼天關日

月驚漂蕩英皇笑往還洞庭今在眼那不壯衰顏

雪滑登樓去泥深著屐迴好奇湖上走多事險中來刺

唐堂集

卷四十五言律詩一

七

史邀相識岳州守壺觴待客開翻愁酣醉後弔古有餘

哀

一望湖之潯荒荒無驛亭蘼波禽點白貼岸草沿青沙
帶冬全露漁燈夜作星數船成野泊百里失林坳

岑寂黃陵廟雲陰擁樹繁洞庭寒澹澹湘水日源源過

船遙焚楮荒祠不接村靈妃來往地蘿薜翳朱門

潦縮川途狹沙平水勢低寒光糊草樹赭色畫江泥前

日離湖北安流溯粵西舟行逢盛世道路息征聲

一爲行役客有夢隔林泉風雪孤舟老潭湘萬古傳神

鴉翔榜外賓雁落江邊亦有臨淵羨吾思孟浩然

秦漢江山關人煙十萬家湖南此名郡旅泊有長沙遊
子空行李歸期誤及瓜予在京本欲還吳不意遊粵茫茫尋賈傳古
廟落苔花

涉湘辭大舸忽小坐中天身似鷓鴣寄舟將蚱蜢傳淺
流成漱石寒汲勝烹泉風雨篷窗臥看山到枕邊
日出客心喜放船灘石間一陽生楚國九面得衡山孤
隼晴空下寒蕪綠意還時平無涕淚不灑竹痕斑
只愛清江勝甘爲雁鴛羣東風連日雨南嶽半天雲帆
脚懸無定峯頭亂不分湘靈太慵懶瑟響未曾聞
湘川千百曲曲曲綠煙光帆轉已旋磨崖開猶面牆青
唐堂集 卷四十五言律詩一 尤

山堆寂寂白日去堂堂遺事資搜討吾文愧子長
山水連衡未佳遊阻客歸月明如故國路遠隔清輝舟
任揚帆去心隨回雁飛天南殊氣候冬半損寒威
泥淖三吾下登臨不畏難字侵崖欲裂雲近石無乾漫
叟亭臺古浯溪風雨寒楚南幽峭處天設此吟壇
爲問柳司馬我來君豈知山川歸作者今古幾男兒野
泊依篷雪江寒到硯池文章兼覽勝湘管禿千枝

唐堂集卷四十一

華亭 黃之雋 石收

五言律詩二

全州道中古松數十里洪武中太守章復所植俗謂引路松

夾道萬松寒松毛覆地乾聲疑泛湖海翠欲濕峯巒風
雨龍應化根株石誤看所嗟身異鶴無暇與盤桓

桂林雜咏四首

八桂無餘植家家蠟樹宜山癯真獨秀江淨欲相思
山相思江皆在省城古洞垂鍾乳春禽買書翁土風猶儉朴不解
踏青嬉

唐堂集 卷四十五言律詩二 一

定國鳴張後李定國傳延齡豕突餘孫延齡附太平今

在席元化及稷鉏地入於猗稅文刪仆妖書音嬌小俗書見桂府虞衡志節旄荒微外清靜客 丹除

宜人無毒熱春至亦輕寒吳耐輸佳釀桂林語甲於湖廣廣東泰
音演亂彈鍾伶演劇謂之亂彈匠能爲竹屋人或住麻欄聲教今

南暨諸蠻化不難

雷雨喧炎溽冥冥欲過春鶴哥寧說俊鶴哥即泰吉了狀朴而不易作
聲蚊妹劇堪噴蚊最纖細者日蚊妹其來無聲暗人極委斑竹皆湘女紅蕉

是美人嬋娟情未惡相對異鄉身

環碧堂坐雨

屋背堆山黑簷牙壓樹青塵埃方隔境風雨况孤亭溜
急棋聲亂瓜涼嵐氣醒置身濃綠裏爲客未飄零

復夜

白日復成夜昏昏縱此心每燒一寸燭又送百分陰壯
後老將至生平愁太深名山著書好歲月懼銷沈

阻淺散步

淺灘黏去艇平楚散行蹤煙裏知人住蘿陰與豕逢園
相垂何菓溪女守輪春一抹與郵書塵勞我欲從

閩城君廟

龍母也在分宜縣
山前唐盧肇作碑記

廟踞袁江險陰幽駐客蹤舟師牲薦血神媿燭明容生

唐堂集

卷四十一

五言律詩二

二

子爲鱗長揚靈到水宗奪標人撰記盧肇亦稱龍

樟樹鎮阻風

長途難定日始信計程非順水風相如思鄉天與違泊
船無一事閒坐到斜暉唯見章江惡濤如白鷺飛

舟泊瑞洪狂風徹夜

夜泊偏搖夢枯篷畏熱燈不仁風迫險助虐水生稜船
勢驚相跌湖身怒欲騰飛廉休見試憂患本吾能

舟飲掛戰

兵甲起十指老拳飛一雙屈伸偶然事勝負儼相降夜
席喧紅蠟春醅散玉缸古來多戰壘何異此篷窗

北蘭寺 在南昌

雨餘尋北蘭小徑著沙乾犬故噴芒屨僧猶啓藥欄撲
翁亭外翠解帶竹中寒惜未逢才子滕王閣並看

泊舟散步

空亭聊散步差勝守篷窗沙色黃雙履雲陰黑半江荒
年聽米價大水記船樁何處清涼域招提聞吠羗

舟行熱甚遣悶作詩八首

舟中寒范叔載熱到天涯蹤跡信萍梗英雄悲浪花數
鷗莎毯夢一岸柳絲家涼意吾輪却搬篷避日斜

遇閨炎添歷圖南逆得風舟無逃暑地帆失濟川功几

唐堂集

卷四十一

五言律詩二

三

硯安來窄蚊蠅逐未空冰心纔一片莫向熱時融

漸與簪筓習憑將穉穉呼義皇不可見趙盾與之俱茗

力難銷夏萍踪異泛湖粉蟬尋故紙中少北風圖

園頓安其素敢因飄泊愁炎歊雙五月眠食一孤舟就

蔭頻過樹馳神只向秋天心有爐冶百鍊始難柔

陰雨杳無信順風成久違人唯衝暑立鷺自帶涼飛心

迹嗟流水生平幾落暉西江去年路寒雪一裘歸

五嶺稱炎熱偏從熱處遊天時兼地氣合併到扁舟杳

日欺夸父薰風盛石尤蓮花清淨在烈燄試相投

舟外天空濶唯容火一丸土蒸坡脚紫風炙浪頭丹未

穩遊仙夢難加努力餐同行喫雪老肯否贈餘寒自曉

厄酒迫昏黃翻愁夏夜長銅盤三沐僅斗帳四肢妨

氣團餘熱波心隔一涼怕看江月皎猶吐日光芒

中山谿

雙艇走山罅雙崖關水門乍疑無路出唯見一流奔峯
跌漏斜影磯喧甍斷魂雲堆穿已過綠尚在衣痕

暑月浮湘無如今夕涼美賦詩酬前苦熱之責

畫中來泊舟不悔瀟湘遊漁舍暝猶濕草蟲聲預秋騷

心堪入酒涼夢欲通鷗始值宜人夜單衾冷勿愁

唐堂集

卷四十一 五言律詩二

四

濯足

不知身在船濯足畫中天水借岸爲綠石因湍作圓逆
流支櫓重淺瀨著蘊妍何用分清濁吟過漁父前

夜泊

獨舸棲荒渚杳無人語時林添四岸黑山壓半江敲野
宿鬼神近夜深聞見疑星明月暗處魂夢入艱危

晚眺

樹色參江色都從夕照開瀟湘洵畫品漁牧亦騷材
狀獸皆活石如龍欲來紛紛涼有氣綠淨失纖埃

甲午歲正月十日出桂林城南見李花盛開

城南有穠李萬樹照行人不以暖銷雪何須紅染春
深皆畫葉車過卽香塵一片花明處方知嶺外身

浣影亭夜飲

暝影無由浣迷漾鏡一池霧堆山寸寸簾放月絲絲玉
更分曹飲瓊簫隔樹吹袂羅衣欲薄始問夜何其

江寧喜晤桐城胡襲參宜興謝皆人

道左忽相喚故人歡欲狂積思無片語攜手向斜陽新
著有幾卷遠遊何一方秦淮聚秋翼能不共飛翔

乙未初春病起小步庭中

靜養且遵醫蕭然行藥時驗芽花種活占刻樹陰移砌

唐堂集

卷四十一 五言律詩二

五

草騎無病庭蕪嬾未治壯心銷白日顧影歎衰遲

向過鄱陽湖尾皆巨浸今由瑞洪出湖狹岸可步

趙家滙已涸迂道柳林

風雨雖無霽波濤幸不狂路知新水陸湖險小滄桑
色遲孤櫂寒雲隔一鄉眠沙鷗鷺早應笑客程忙

飲王寶傳修撰寓同許子遜

相識長安市升沈歲序過一窗今雨雪萬里舊關河
了梅花院婢聞桂水波客遊天地窄同醉莫辭多

送族兄宗夏之柳州帥府幕

高義傾肝膽交遊世不如羣公爭辟致十日未安居

前神張少保公上客公愛於柳見經
紀其表至桂林今柳左公復迎入幕舊府龍城遠新秋
歷侶疎郡堪江上別正是溯源初刻黃氏溯
源錄見示

舟行二十餘日風雨今辰始晴和二首

風雨伴歸人章江始見春鏡開波面滑書染岸頭新佳
景非吾土扁舟老此身輪他漁艇上晚飯臥垂綸
賴爾晴暉好始忘行役勞大江春有氣柔楊盡無濤地
以賴經熟天因初霽高酒旗沙岸遠吾欲買香醪

泊南昌大風雨

故作奇風雨碎訇來駭人東皇欺路客南浦仗船鄰箕
畢誠何好雲雷亦太屯慙天休已甚吾飽歷艱辛

唐堂集

卷四十一 五言律詩二

六

瑞洪

塞路皆風雨隨身已月餘大聲喧澤國片窮當蘆水
墨米顛盡雲煙張旭書荒荒彭蠡景倚櫂一歎歎

登嚴州北高峯

高處望峻嶒東風引客登問途溪有女乞茗寺無僧古
磴龍蛇曲春田錦繡層便成巖壑趣積葉擁行藤

舟中無酒

寂寞中流泊唯邀月作鄰風遙沽酒市江笑獨醒人爲
客憐今夕長途失好春誰知醉鄉路隔斷此荒津

恭賦 御製沙柳暗藏橋

遠堤明一水低垂綠楊絲花草路何處往來人不知濃
陰迷曲折斷岸接參差風起長條亂飛虹隱現時

寒月二首

天畔月來去不知塵世寒此時誰耐冷窗外一相看客
子夜初寂京華冬欲殘空庭獨搔首人影落欄干
出戶復入戶閒階難久留可憐今夜月不似故鄉秋無
寐發遙想有人懷遠遊懸知寒夢怯何路達皇州

宜休堂咏燈 分得十五刪

夜夜丹心在光明几榻間燄於尖處碧花向側時殷太
乙豈來下常儀空往還慙慙託膏火深照旅人顏

唐堂集

卷四十一 五言律詩二

七

送樓敬思之任廣州

安得如君者經營西事來邊庭勞甲士炎海屈英才
外清風肅軍前瘴霧開定知褒美詔頻下尉佗臺

送徐武三之昌黎任三首

莫以營州僻山河夾帝京一官初發軔百里亦專城
世業傳章相才名歷馬卿宦途君輩在誰敢薄儒生
紫禁授經餘重讎虎觀書邊陲今所急循吏舊何如出
宰推名下登程迺夏初韓公祠畔路甘雨盼隨車時後
輜早
客中鄉語好日下數相過爲有班荆樂其如折柳何人
離東閣遠寓太倉
相國宅花種北平多歧聽農謳徧因風到薛

蘿

寒月

其奈舉頭處又逢寒月何照人雙鬢短爲客一年多有
影默相對誰家閒肯過夜深天更碧未忍送如娥

庚子冬病中雜詩六首

奇寒欺客子微命託醫人伏枕餘雙鬢浮雲此一身敢
憐心已嘔莫諱病無因良友勞相問迢迢骨肉親
戒酒愈無力添綿已中寒如年愁夜永不寐看燈殘紅
紙鈔方積青錢買藥殫家書姑妄語依舊寫平安

又是挑燈候蕭然與影逢光陰淹二豎人事失三冬

唐堂集

卷四十一

五言律詩二

八

墮一庭雪風飄何寺鐘結緣深藥枕辛苦味兼濃

天色自昏旦擁衾人不知炭消看靜裏簾響惱眠時高
屋氣逾冷疎窗風太吹夢中猶健在曾記撫吟髭

消渴憐司馬頭風索孔璋才華慙不逮痼疾儼相當

古有奇病讀書無善方逍遙養生主吾始憶蒙莊

問疾數經過人來健者多高松皆磊砢枯樹獨婆娑日

下舊相識歲寒今若何一番冰雪後只是戀陽和

凝園文讌

盍簪名下士文酒看飛騰吾道無徵逐人倫在友朋味
從談處見樂亦醉時曾一日堪千古吟壇此數登

送沈子大庶常告假終養二首

此去一何迫臨分美爾歸揚名才子易建養昔賢稀
水原尋樂邱園亦見幾送行翻自慨零落舊班衣
過信家書急因之冒暑行孝思能却病大節在陳情矢
報兼臣子承歡少弟兄當歸應勿藥白漉歲星明

送王進士隆川三首

君行非我意慵作贈行篇離別悲知已園林如息肩
徘徊輦下繼繼暫樽前去馬何倉卒斜陽舉一鞭

故里翻成客他鄉却是家君燕人而寓江南慙予爲地主送雨
在天涯路老王孫草池餘君子花相思是何夕明月照

唐堂集

卷四十一

五言律詩二

九

金沙

爲美歸途樂奚囊穩一擔青山隨馬首綠樹滿江南結

想夢先去臨分情不甘預期重握手無限剪燈談

寄呈趙秋谷先生

北海神龍在身居隱現間飛騰薄天宇文采照江山偶

向靈湫臥因教霖雨開鯉魚溯門下何日此登攀

送魯啓人歸養次靖誠舍韻

以我無歸例陳情最美君愛深堂上日望慰舍邊雲去

去驪初唱飄飄鶴不羣莫嫌囊篋少百軸送行文

壬寅歲除夕立春

壬寅歲除夕立春

壬寅歲除夕立春

舊歷今宵盡元年此日春光陰如過客感慨到微臣宮
漏隨燈未天門待曉新端憂懷

聖孝不受早朝人

賦得宮漏出花遲

春殿靜沉沉紅雲擁綠陰漏聲何處遠花影此時深長
晝聽纔足輕風度不禁微聞香氣內黃鳥和清音

綠雲書屋坐雨

雨氣曉沈沈蕭疎簾外陰斜堆花影重細洗石痕深泥
滓減人事浮漚生道心亢陽春未極得此卽甘霖

送元允修之阿迷州任

唐堂集

卷四十一 五言律詩二

十

蒙詔重重路蠻煙處處家新綸付賢守舊俗化中華翠
遠烏充石紅高吉貝花莫嫌如斗大爲政首荒遐

勵滋大關東院地雜植時卉喜賦四首

不料周垣內偏餘地數弓一時成沃土百卉入薰風觀
物有生意役人如化工平泉饒草木何減此庭中

娛目竟如此繽紛欄砌間豈云耽俗豔頗足慰官閒化
育占樊園經綸到草菅 朝廷憂旱切餘潤及花顏

朝來不欲眠緩步到花邊縱使花稀處相看葉亦憐微
風翻奕奕小露濕娟娟便與紅塵遠鬚眉在綠天

環砌十餘種玩芳三五人階前紅藥句花下紫雲身南

北英華合朝昏臭味親賢勞俱不免莫忘此堂春

七夕雨飲張東亭太史齋

出郭便相過爲歡况幾何暫遊嫌阻雨久客如填河無
月燈能繼因涼酒自多預愁巾履濕難得是煙簑

宿起居注館

襖被初攜直窗扉倚禁鼇金殿鐘外遠珠斗殿前高籟
靜喧秋柝燈深減夜膏曉籌聽欲報不寢待簪毫

趙北口 癸卯歲十一月

策馬幾南道前程急夕陰長堤楊柳合寒水荻蘆深趙
國餘荒壘江南似晚林征鴻衰草外無限路旁心

唐堂集

卷四十一 五言律詩二

十一

曉行

車鐸動征輪雞鳴又一晨王程無暖席宦轍總勞薪寒
驛馬蹄路曉霜驢背人報

君方此始珍重敝裘身

泰安州遇雨

路滑莫嫌雨晴途久已經循環著吳意觸石岱宗靈全
滄山城白微霏隴麥青所聞齊魯旱泥淖亦吾寧

竹

乍喜見修篁檀欒翠作行停車一以過心地灑然京京
邑三年夢家園百箇長翻從遠行役趨走此君旁

仙霞嶺

百折仙霞路雖梯亦不如到天應咫尺行地必舒徐邱壑千層外松篁一徑餘底須愁絕險煙火卜幽居

入關

一路盤如線羣山隘作門昔稱輿輶處峻險至今存淺瀨煎灘石危崖絡樹根不能爲書史書此翠微痕

南靖道中

曉驛征夫路閩南始見霜氣寒貂帽薄聲滑馬蹄僵山骨皴如畫松毛濕有香寒帷母太蚤一面受朝陽

自羅源至福寧州道中作六首

唐堂集

卷四十一 五言律詩二

七

馬首指東北七閩天盡頭觸炎人襍微醒夢鳥鈞輶雲氣千山暝灘聲六月秋可徵文治遠不剩一遐陬行行不一行翻覆道傍情崖陡風偏緊山多雨易生滂沱石磴滑凜冽葛衣輕天脚青如畫前途有晚晴萬仞穿雲去青天亦可梯林喧雷是瀑石醜骨無泥先後攀援上參差頂趾齊嶺頭風太急吹壓衆山低不復履平陸驅車行半空天低千嶺外人落萬山中避賜何方駐摩雲有路通頗聞僊僕語辛苦此從公車馬下平麓僕夫猶樹梢午行三里外又入萬峯交雲過補山鬢林來藏路坳駟騶有飛鳥何處得栖巢

不嫌紅日暄涼意爽征轅山僻花無號林深鳥有言高低秧下水離合竹中村歷險忘行役遐觀是國恩

白鶴嶺俯視白雲

忽驚車外地大海白瀾瀾及至嶺之半始知雲所爲騰騰足下起滾滾眼中移成片飛無跡餘堆又一奇

將至龍溪林橋可愛

著樹百千團纔黃半又丹冬猶森綠葉日每耀金丸客路遙林引人煙薄暮寒靈均暮不盡盡入楚騷看

武溪入汀州界

殘臘太暄晴林巒春意生缺垣人面出小隊馬頭迎草

唐堂集

卷四十一 五言律詩二

七

上已蝶舞樹間還鳥聲簡書無雨雪安穩赴王程

路旁梅花

於此見瑤英昇輿人慢行江南千里夢道左一時情過雨香應澹迴風笑欲生俗塵聊向撲暫得眼中清

永定道中二首

沿溪立畫屏拾草註騷經水箔懸流皎山衣著樹青側肩牛羈角拳足鳥梳翎誰與吟招隱吾將駐步聽林曉濕雲封東南日未濃炊煙村飯早耕墾土毛鬆凡石狀皆豹小松鱗已龍雨餘山似沐媚我作春容

車田嶺

一綫崩崖路徒行石縷屨步虛鼓欲墮拾級隘難共
外二分足臨深七尺軀車田無半里到已落陽鳥

汀州官舍二首

依舊青氈冷風來吹鬢絲隔垣松借看向火茗停炊雀
啄窗間蛙童堆雪上獅蕭然下簾幙萬理靜中知
柝響夜逾寂爐溫寒不勝松聲喧屋雨梅影寫窗燈文
字三年蠹心情一署冰長安故人好入夢看飛騰

曉路

昨宵想又雨曉路滑於油不見花紅濕惟添草綠稠春
從霧裏過水自田中流行役長如此黑頭還白頭

唐堂集

卷四十一 五言律詩二

十四

夜行輿中口占得六首將至泰寧縣

使者起仍蚤傭夫來太遲况兼途詰曲何怪夜迷離話
諄因勞怨喧謹借興癡犬聲何寂寂前路杳無期
前後火相接高低亦可觀零星輝一路陸續代雙九到
處深扃戶無人出看官老僧當此刻入定在蒲團
鶴鷄能夜撮熠耀善宵行蟲鳥非吾事馳驅見此情關
山歲月晚車馬夢魂傾白首甘行役沉冥入二更
不解今宵路愈行翻愈增夢回還覓句火盡又傳燈漸
使飢寒覺嗟無羽翼能樵夫誰隔水欲問杳難磨
消夜費行吟吟多夜已深浪將春數刻拋却月千金露

氣寒侵趾灘聲響撼心古無山水事路黑去登臨
臨叩重長卿負弩道旁迎頃亦逢官吏前來道姓名兩
行籠蠟燭十里出山城投宿應非遠諸君努力行

晴

晴光照此身道路不嫌闊南畝暖抽麥東風輕潑人雲
林正月午溪嶺一天春翻喜前陰晦都經雨濕新

小鳥

小鳥音何俊相呼竹葦叢一枝春露滑雙羽曉煙深柔
土愁陰雨榆枋笑大風羨他岑鬱處應不近樊籠

豐樂過渡

唐堂集

卷四十一 五言律詩二

十五

到處橋梁斷頻來渡口呼不嫌船偏仄惟憾雨模糊淒
切筵篋引倉皇笠屐圖阻修經已慣昏黑問前途

上巳日

雷電一時激滿空疑鬼神荒荒山下路黯黯雨中身淫
潦關民事艱危到使臣不知修禊者何處得陽春

宿太平驛

泥行四十里小憩已黃昏寒食此中路杏花何處村虛
堂聊下榻古驛不關門梁燕吾同汝尋巢憶舊痕

亦宿此

丙午清明二首

不過不逢雨如何能說晴雲興猶浮萍水落正蕩蕩林

濕斷花影山寒無鳥聲遙思吳越勝佳麗紀清明

入洛辭先隴馳驅六載餘地封恩洊及先君贈庶常

似贈薄相幸子孫鋤爲人祭掃禮類疎何日青松下能營丙舍居山田雖瘠

浮雲

浮雲西北馳劍水白瀾瀾拙者亦爲政龍門殊不知金

九暗彈射玉尺空攜持安得謝塵鞅長歌入武夷

諭士

顧留誠不可餽賂亦何安老子貧爲骨諸生義出肝七

唐堂集

卷四十一 五言律詩二

夫

聞慙得士三載拙居官德業相期望蓬池拭目看

延平舟次

數日經灘險於茲頗暢然半篙臨岸水雙槳逆流船野

草香堪拾平沙淨可眠故鄉尊熟候應憶劍津天

萬石灘

俗稱阿彌陀佛灘

萬石灘何險兼之風雨喧舍舟尋笠屐避濕憩亭軒兒

子單寒共生徒揖拜煩淒淒天欲暝憶魚鴈鳴言音見

單衣登陸風雨寒甚有諸生數

梨嶺

散步嶺之曲幽涼疎世情鳥啼山竹暗蝶趁野花明磴

折鼓松影巖坳咽水聲僧房何用憇筇屐愛閒行

江郎石下

江郎石下行衣袂曉涼生野卉香隨意新秧綠有情暫

白鬚

勞心三載內領下白鬚添堪使稚孫將幸無嬌妾嫌鏡

來慙一照鑷在賴重拈少壯如人少吾衰況此占

太山

我行太山麓始見太山高齊魯平如掌龜息細一毛白

唐堂集

卷四十一 五言律詩二

七

雲留日駐青壁與天迢秦篆軒轅策徒縈夢想勞

唐堂集卷四十二

華亭 黃之雋 石牧

五言律詩三

枕上

酒少不能醉燈深猶厭明
蟲秋涼一枕慕靜初更夢
待幾時續題分逐夜成紙
窗何用補臥看月華生

修明史列傳

雪封門外路雖靜不能閒
史料下壺酒冰痕開硯山
呵毫施袞鉞瞭火辨賢姦
便覺遠塵鞅古人相往還

閉戶

唐堂集

卷四十二 五言律詩三

一

閉戶得深境悠然宜靜觀
窗櫺知日短杯水驗天寒
盆盎松三樹丹青竹數竿
便教心地澈何用覓蒲團

贈宋介山二首

次介山送郝少宗伯致仕詩韻

側身天地外偃蹇欲誰依
名士徧相識故園猶未歸
生涯託寸管高臥揜雙扉
文苑他年傳黃山一布衣

巷居徒四壁客至雪晴時
坐憊因人遠塗高與俗岐
道

腴皆沆瀣古貌卽瓊枝
所嗜搜墳索研朱手不離
雪晴齋名

答介山見酬次來韻

相見絕塵俗譬之彈古琴
泠泠不繁響往往有遺音
三代物惟舊千秋傳至今
倘無茲外賞甕缶已如林

陶然亭

依然觴詠地誰到此躋攀
車馬紅塵急兼葭白露開
灌園僧古畫吹客大深山
暫得清心眼秋花滿徑斑

次韻別介山

握手一爲別寂寥楊子亭
長安離舊雨海內已晨星
故土千山翠秋空萬里青
相看同鶴髮嗟爾尙飄零

出都

鄉夢三千里歸鞭始一揮
好馴麋鹿性爲製薜蘿衣
聖主恩仍渥孤臣罪亦微
國門重回首煙樹尙依依

歸路

唐堂集

卷四十二 五言律詩三

二

歸路東南未征車似水流
馬嘶黃葉驛人夢白蘋洲
葦桂何辭老蓴菰正及秋
天高兼野曠不識旅行愁

獻縣道中大風雨

昨甫誇晴爽今俄悲凜秋
塗泥過獻縣風雨隔皇州
行路尋常厄驅車造次休
桑榆饒暮景光霽尙堪收

謁羊叔子祠

西晉勲名舊東齊廟貌新
曾攜泰山雨散作襄陽春
藥可貽吳帥碑能泣峴人
區區戎與衍公已視如塵

舟中枕上

短夢不能記沈沈夜幾更
颼颼忽風起膈膊又雞鳴
難

曉望蓬隙獨醒嫌軒聲是誰名利者水動有船行

不寐

縱有華胥境難遊不寐人樓雖歸後宿枕尚客中身寒
月移橋緩霜鐘著杵勻靜時心愈覺展轉未能晨

戊申歲夏日閒居六首

不覺遷寒暑歸休半載餘門關從閑寂青木尚扶疎雲
影貧安命燈光健讀書周旋寧作我人事近何如
天白日猶在朝涼生薜蘿空庭一俛仰壯志與消磨問
訊雙魚斷光榮二鳥多清時容老癯只此是樂阿

庭中何所有卷石與盆池筇屐不須出林泉欣在茲

厚堂集

卷四十二

五言律詩三

三

花驚蝶夢翦樹落蟲絲汲汲耽幽景休嗟見事遲

術者言而中黃梅早可愁果教提甕數不使灌園休昨
夜棹聲遠因風吹滿樓何當時雨降農事慰三秋

忽聞香氣烈爲爾啓窗塵得樹唯梔子聞花儼故人荒

庭誰灌溉嘉極自沉淪六出洵如玉冷然不可親

乍喜雲陰合俄驚雨點飄新涼動着宇幽意颯江湖今
夜不辭酒老農如得珠遙知秋水足餘潤及庭蕪

閒歌

豈但桓子野聞歌喚奈何只今秋對月於此夜閒歌懸
蟬吟幽砌蚊蚋嘖薄羅

八月醉熱室中吹盛

助予愁緒觸樂事比

郝多

牆下雜蒔秋海棠淡竹葉齊作花

卽此樂歸田幽花媚眼前自從吾遠出不見爾多年
滯染牆陰地涼開秋雨天何曾嫌白首紅翠欲爭妍

曹謬廷半涇雜詩索和四首

園成卽輞川山靜日如年飲酒稽叔夜著書班孟堅天
風臨野濶海月上城圓問字人來着休教讀太元
遙想蓬瀛上神仙亦戀家有貨方葺屋無事只栽花石
古雲生洞苔深樹作槎秋聲松竹裏清簾敞簫笳

池畔科頭坐亭中抱膝哦高情思管樂佳句得陰何樹

厚堂集

卷四十二

五言律詩三

四

倩園丁補花參月令訛

九日桂杏並放

時人莫相妒才調本東

阿

聞說羊求侶經過數泛杯榻雖懸又下門以設常開海
近朝霞入林深暮鳥迴東籬吾愧汝空自賦歸來

賦得燈影看鬚黑

自顧燈前影髭鬚壁上生都無衰白色却感壯年情如
戟猶稱美非膏所染成翻嫌窗送曙銅鏡太分明

次韻答朱初晴二首

曾訪高賢里煙蘿一徑幽著書新歲月詠史古陽秋
史詩百首昨日邀相過茅堂許暫留壯心知不已姑與臥

洲

勺波與卷石何必擅園林此地一命駕諸君皆賞音門

題鳳字少庭掩雀羅深倘不嫌蕭瑟城西莫厭尋來詩有嫌

忘餘論在莫拒叩關尋之句

已酉歲人日

新年一夜雨吹濕梅花鬢陰已占人事歸仍阻老夫擇

是日往陶宅四雨未行冬乾恐無麥春澤喜如珠况復減酬應靜

中聞鳥呼賊居苦鴨噪春朝遙聞春鳥聲

穀日

春已立兩日不逢人穀晴塢昏樓外影展響巷中聲門

唐堂集

卷四十二

五言律詩三

五

掩黃埃斷庭開青草生心知雨亦好何待豔陽明

早起時欲往鄉

早起有寒意出門先視天同雲將釀雪連日未登船百

里路如此一生謀盡然却輸重僕輩無事穩朝眠

舟行黃浦逆風巨浪

只道春風好東行遇石尤空江湖落岸闌水浪春舟來

者輕帆過何人薄暮愁雪消雲又黑寒重不堪遊

過南橋

三女岡前寺奉賢新縣居

時折華亭東境為奉賢縣已歷雨令尚未建署今寓寺中

孤蓬于此泊喬木不如初瀉薄染城市縱橫驕役胥吾

仍欲東去風雨蔽先廬

依韻酬徐今吾見寄時在陶宅二首

閉戶荒村靜閒巡竹徑行地猶餘舊綠天亦耐春晴籬

許獨相守巢看鵲漸成因之念城北紅紫欲抽萌問訊君家

壯丹消息

宛然在陶宅五柳映斜川滄海誠吾道煙霞已昔賢久

知蕉是夢甘以笛為椽稼圃俱能學慙君招隱篇來詩有會

見第千初寧教總數條之句

題陳氏三蕉書屋

築室泖之側三蕉人盛傳蔭如珠有樹居可綠為天展

唐堂集

卷四十二

五言律詩三

六

讀曉涼外微吟秋雨邊能當數番紙滴露寫編年係陸

先生甥以先生年譜見詒

冒雨登細林山

晴旭變層陰狂風吹細林榛蕪雙屐老煙雨一山深弔

古何八墓悲秋此日心荒涼斷樵收誰識我登臨

送吳滌川試宰粵東

宮允孫館卿子

江南吳世家膺薦對金華循吏君其選通才

帝所嘉九遷即霄漢百粵始桑麻莫便輕盤錯徒栽滿

縣花

四更起見月

枕上攬衣起樓西月照身虛窗雖易白殘夜尙難晨浩
蕩連風露纖微絕滓塵人家秋夢裏空過此冰輪

新年

歸矣賦閒居三年彈指餘畏人言絳冕圖像作樵漁
有中申晉渾忘咄咄書閉門尋獨樂俛仰此遮廬

今吾招飲古春堂

衝泥赴春席花已著梅梢杜老八仙飲生客陳胡蔡三
西文學與太邱三世交今吾父子
凡八人卜何分晝夜醉不
禁譁呶風雨友朋樂羣公姑草茅

六月二日又雨

唐堂集

卷四十一 五言律詩三

七

不曉月何令竟忘天有晴已連十日雨又向一朝傾窗
冷重綿薄簾深積水明頗聞插秧處漂蕩欲妨耕

泊舟弄珠樓懷陸坡星

吾友說東湖高樓名弄珠萬家龍外繞一堦鏡中孤此
日逢登眺橫煙入畫圖主人翻作客知我過踪無

家臬圖侍郎招同邵北崖飲寓園

前輩是宗盟掀髯一座傾深談皆道力痛飲亦交情旨
酒春爲字名園秋有聲不知雲壑裏何以紉公卿

句容道上風急遇雨

四載閉蓬牖不知行路艱如何此風雨相值又關山前

路輪蹄滑誰家笠屐閒一鴟聊自蔽紅濕舊時股

寒夜小集次韻

四郡知名士輪帆幾度秋相逢若不飲孤負此江頭行
輩便成席溪毛俱可羞不妨有公事明日上南樓

宿白土

又此投人處春風古道傍一燈今白土雙漿昨丹陽西
去車塵慣南朝霸跡荒不辭爲臥佛平昔幾津梁

曉發

板橋茅店路殘月曉風天自昔飽清景不圖逢老年山
容睡未覺鳥夢醒猶眠兜子攜壺酒衝寒入曙煙

唐堂集

卷四十一 五言律詩三

八

陳方伯招同邵編修王檢討周教諭飲瞻園園是
魏公宅今
爲藩署

誰知公廨裏官窾入溪山斜日巖千洞東風水一灣維
藩爲政美有酒及春閒人影明華燭花深留未還

題邵北崖納涼圖稚子垂竿於側

如何熱官內偏有納涼人使蜀屨山水僑吳藏羽鱗清
風溪外石高柳畫中身早爲傳經計悠然託釣綸

分味桃李堤爲華豫原

城影壓弓河春風堤上多有人居隔岸愛雨樹臨波千
卉雜煙雨一隅藏澗過芳園傳太白吾欲此酣歌

志館秋日

開庭首一搔自節著書勞人語偶然靜秋光何太高
階拾梧子晴石浣苔毛俛仰暫娛樂平生隨所遭

舟有會稽官人題詩用韻成詠

出門幾回老短櫂復長征風脚因帆利船頭與浪鳴遙
山千里約流水百年情何許關身事飄如一葉輕

晚泊

班杜何爲者酸辛賦北征但能隨遇樂焉用不平鳴碧
草新春氣紅霞落日情秦淮久待我舟楫往來輕

次早大風雨

唐堂集

卷四十一 五言律詩三

九

江臯已五更飄爾又晨征風雨忽如晦膠啗殊未鳴耳
根疑夢境枕上迫騷情便載愁千斛扁舟定不輕

喬撫軍留飲同俞庶常

入告關民隱春應議緩征大廷多軫恤中澤尙哀鳴
斗甬飢荒政樽鼎故舊情後先憂與樂一飯繫非輕

同王觀察沈太守飲蔣太史西原草堂

西清舊弟兄散作雁行征幸也此朋盍嘏其爲友鳴天
涯帆外路地主席中情歡會年來少休教離別輕

漕艘塞路予舟不進

時恩旨截留南漕三十萬石濟吳飢自上而下漸漕自

下而

川路帆檣擁知爲粟米征截留恩最渥感頌口齊鳴

千舸蘇民命孤舟動客情漁翁不餓死煙雨一簑輕

約華孝廉同赴秦淮舟過無錫暮雨不及造各命

僊相問華以內子疾未行

江城風雨急舟子欲宵征遂使同聲鳥翻爲兩處鳴道
塗應藏事閨壺亦關情莫謂春來約黃金一諾輕

雨不止

吾行猶小事辛苦片颿征但快鳧翁浴難堪鳩婦鳴煙
嵐青失意雲水白無情菜麥愁靈潦關人命不輕

題淳化旅壁

唐堂集

卷四十二 五言律詩三

十

咫尺金陵道非同萬里征當年屢馳逐南國幾飛鳴老
去添文債歸來息宦情因之行路裏轉喜一身輕

金陵姚程張三君邀集許氏亭館觀牡丹用少陵

詩韻四首

良友招邀至風來一座清徑深時露石幄靜不聞鶯但
使醉春酒何須調御羹名花倘傾國解語又能行

高處倪而瞰繁華百種花連垣光綺縠壓架影龍蛇傑
閣三層峻遙山一望賒商量惟欠水浩淼是誰家

東隣朱主事園擅池水之勝

折枝餅入書瀾若囊盈泉午簟好觀奕春衣宜若綿蕉

叢多若箭苦翳小於錢亭宇清如此笑煩憶輞川

令借清平調杯傳富貴香雖因賞穠豔和喜坐陰涼飛

酒縱橫罰闌花秘密藏少年場爾爾不恥鬢毛蒼子以清平

調三首爲觴政遇卽卽

飲邵編修行藏花令

上游控南服襟帶大江雄憲府多賢者師門有鉅公四

時鈞軸運半壁廟堂通白嶽維桑梓遙承樾蔭中

制府高公席上

幕府瞻台斗賓筵集翰林簪裾丹地舊燈火白門深樞

塵皆經國雕龍必賞音吳儂歌既醉吐握此時心同汪贊善

唐堂集

卷四十二 五言律詩三

十一

應銓沈太守起元邵編修泰張檢

西湖寓樓風雨眺望三首

煙暝湖逾白風生水不波遊船仍蕩槳歸騎欲沾韉山

態隨雲變林聲助雨多始知佳景色不必在暄和

倚檻向風立雨寒春則那連天山不繡終日水如羅馬

過礙新柳燕來安舊巢此時宜笠屐若箇是東坡

風雨阻婆娑樓窗閒意多紛紛歸女急一一斷橋過天

似嫌紅袖吾將借綠簑分明圖書裏欸乃入煙波

玉蘭花

羣玉爲春樹雙鬟借小名晚花無此色庭葉未開聲粉

筆參差點瑤杯次第擎不愁蜂蝶至紅紫莫相爭

賜硯樓坐雨

已涼俄毒熱稍霽復陰霖翳此秋無景令人悲轉深登

樓憶農事搔首問天心大水東瀕海能無愁浸淫時海寧縣

里

世宗憲皇帝挽詞

人伏草茅下

天崩霄漢間昔叨陪豹尾頻夢見 龍顏

神聖傳無極勲華去不還攀號已失路何日哭橋山

丙辰歲清明日喜晴

唐堂集

卷四十二 五言律詩三

十二

清明截雨絲天上轉晴曦萬象此生色一春方得時草

香蜂語到人靜鳥巢知便足娛長晷閒看樹影移

分詠得劉伶

問誰傾五斗從古說劉伶酒德自能頌婦言安足聽不

愁雞肋怯唯恐鹿車醒荷鍾何辭死天教享大齡

旅宿

茅堂古道周雞黍暮相留一飯腹已果百錢囊未羞

塵逢客問白髮爲誰遊倦矣不能答高眠枕簟秋

送金瑒子敬南還

以爾依人去情難爲我留望雲尤迫切抱璞且歸休語

盡三更火寒生一路秋旅窗但僮僕方覺有離愁

贈盧侍御

十才推大歷四傑著咸亨騷雅君家盛雲山晉國明驪
龍鸚鵡水典楚試回聰馬鳳凰城文沾逢商權慙予空老生

君言相慕於十五年

別都下舊知

此遊良不虛師友十年疎京國一懷刺故人頻造廬歡

連文舉酒窮返嗣宗車非我輕離別溪田催荷鋤

別閩中門人

官翰林部曹學鴻儒鄉會試讀書閩子監共百餘人

落落長安陌諸君高誼存十餘年聚散幾倍語寒溫雲

居堂集

卷四十二

五言律詩三

三

路崇稽古風塵慰及門曰歸吾道拙邱壑自爲尊

張東亭折贈建蘭供瓶

不惜幽馨折能令濁暑忘銅餅一水潤襟几數枝涼宦

跡傷閩草騷心發國香攜安北窗側相對亦羲皇

丁巳歲中秋雨

秋律望前好月華連夜明今朝一雨暗終日浮雲生天

登隣佳節人猶冀晚晴從來下土願達不到瑤京

賦得秋蟲聲不去

商聲何及汝淒切到宵分衆籟寒應息餘情戀尙殷似

憐人獨寐未忍老離羣巨耐雙聰耳秋深屢聽聞

貽陳方大編修

山水遂初園吾師疑尙存音容道繪素信宿愴琴樽黃

閣定垂史白頭空及門編詩餘子澤珍重鯉庭言屬校文簡

公林泉集

錢通政舟中夜話

燭剪幾回跋壺添無數斟談非一夕罄別已十年深爲

國勞兼職如君驗古心不才樵牧慣守道慙山林

嘉平之望爲臘盡日偕顧侍講蔡孝廉遊橫雲山

宿張司寇青來閣三首

晴光水上生翠色楊邊橫山舍如金谷行厨有玉羹蜂

居堂集

卷四十三

五言律詩三

古

將花信報僧帶嶺雲迎不遇歲寒友誰同邱壑情

峯因二陸分機石不如雲喚鶴去千載寒鴉盤一羣雪

殘冬日現陰崖尙有積雪霞起夕陽暉至暮赤霞正天已月餘俯仰爲陳

述深杯欲勸君

小閣翠微間窗開面面山月先起地出春待隔宵還鐘

外霜華冷梅邊客夢閒蓬瀛連榻處疑不是塵寰

戊午歲九月壬子夜震電雨雹大傷稔稻乙卯夜

驟雨井溢自此陰雨匝月未傷之稻亦朽作甘刊

口天忽奪去餞且及予以詩呵壁

大電方傷稼淫霖復爛禾眼看豐歲改災入凜秋多

聖主仁爲澤旻天，慘不和窮愁。一野老淚濕菊蕊，

青村寓舍壯年未殘

四十年前事看花，此屋中重過衰鬢。白喜剩暮春紅，閒世根株久當天雨露。豐海隅消客况如對綺羅叢。

風雨

微塵足風雨初伏，一庭秋禾菽備亡恙。陰陽姑不憂，寄占虹久匿涼夢。驟同遊亦復減塵事，無人妨靜修。

閒居四首

退已成歸隱，貧猶艱買山。琴書相伴處，城市一塵閒。自古昭天日，隨時樂孔顏。孤踪思獨往，未許出塵寰。

唐堂集

卷四十二

五言律詩三

五

敢因衰故嬾，蚤起不辭忙。眼鏡兼鈔誦，心機及雨腸。伺魚觀活潑，除載拯彫傷。如此分陰過，能消夏日長。

自嗟心嘔出，指擢未曾閒。幸死聖賢後，徒生文字間。品題叢苦海，著述負名山。十餘年來以詩文就質，質索詩文者不絕。何日逖空

谷白雲爲拈關

誰將嬰鑲稱老拙，更無能錯儘鐵爲鑄。飯唯沙與蒸齒根，方岌岌耳竅且薨薨。舉首天如咫尺，何由拔宅昇

黃雪山莊

家魯望學登別業在平湖昔翁氏園

秋水東湖路，東之有澗阿。樓臺收野泉，石抱厓坡別墅。吾宗得斜陽，一樞過此中。思借隱叢桂，小山多

贈鄧學使梅廬

舟移一水近燈話，十霜羸養道修髯。黑觀入銀眼，明文星麗牛斗舊雨隔蓬瀛。此夕秋聲內，彌深千古情。

偶拈十一尤韻三首

甚矣眠餐損無端，懷百憂精華銷已竭。風雨照相投藜影，虛劉向瓢聲。婉諒由古人不見我，於世復何求。

雪淡塵中味，生涯雨一漚。未青俗士眼，徒白腐儒頭。蒲柳有餘活，桑榆無限愁。不知芻狗內，何處覓莊周。

誰謂畢婚嫁，便成五嶽遊。勞生無佚樂，逆境總愆尤。憤欲離羣去，冷然與古謀。那能長慷慨，睂曉混陽秋。

唐堂集

卷四十二

五言律詩三

六

無錫晤華豫原於南野草堂

舟雨意不適，有山無屐登。城隅人一見，南野話相仍。高陽新編集，惠贈延緣閣集長干舊得朋。二子陪侍昔在秦淮志節此中蹊徑，終年日興飛騰。

今夕宴俞少司農宅

門闌喜色濃，花燭看乘龍。吉禮三鄉併，女家海鹽寓無錫婿家華亭用風嘉姻二姓重。諺謂交門親屏帷明不夜，歌舞煖無冬。冰

上令狐策深杯有醉容

庚申歲爲蟄日晚大雪
人心久寄晴，忽漫雪花生。不雨濕一地，無風飛滿城。春

光二月冷暮色萬家明清景足怡悅何須雷發聲

吳閶晤盧抱孫運使示新詩時有寒外之行

宦海茫無岸萍逢逆旅中文章猶作達滄謫不言功
跡稀今雨流聲雜變風遽年纔及艾天豈厄英雄

寓楓橋法華禪院

虛却上方地遙目欲臨嫌雨香何處落花片向誰拈

楊三更寤鐘聲一月淹佛知名姓否曾說妙莊嚴

姓借予
姓名書

劉讓宗墮水詩

有序

劉君乘秋爽挾所著書遊杭過塘西踞船頭苦吟徙

唐堂集

卷四十二

五言律詩三

七

倚墮水最深處而舟行不知汨汨至底若或推者忽

躍出水面舟人遙望見始回櫂援起無恙其齒開七

秩矣縱觀錢塘江湖而返索予贈詩

文已成翻水人宜號友萍

其別號

是天因坎卦戒雨著驗

經鯨豈爲珠泣龍仍作劍形潮頭歎觀止只喜說滄溟

自序

春情因雨懶乘霽步階除縱目一無翳此心何湛如露

華興卉木物性寫禽魚化育非閒事頽齡見道初

張勤旃時罌粟麗春滿庭花時霽雨置酒招客

天工是染人染作十層勻濯錦幾番雨飛霞萬片春

綃皆國色翦綵必花神客慎毋沉醉化爲蝴蝶身

鄉行夜雨野泊

霽雨增川漲危杠礙客舟蕭然燈火夕泊向荻蘆秋俗
敝天昭警永傷潦失收出門成野宿無限路旁愁

唐堂集

卷四十二

五言律詩三

七

唐堂集卷四十三

華亭 黃之雋 石牧

七言律詩一

擬迎 鑾詩

天王功德出遊多並重巡方與治河萬井陽春隨鹵簿
百昌草木有恩波樓船不數橫汾曲衢巷唯傳擊壤歌
淮海東南胥望幸 翠華兼爲省耕過

納涼

盡日炎蒸入露銷一庭涼吹憶芭蕉繁星織水光凌亂
孤月牽風影動搖人靜碧空疑有鶴農歌清夜聽如簫
唐堂集 卷四十三 七言律詩一

練囊螢火看猶懶蠟燭花前不用燒

孤村

孤村臨水闢柴扉水外疎林夜色微失路畢逋投暝入
乘潮郭索赴燈依三更斗轉秋能語兩岸霜寒月自飛
木葉不須風力下蕭蕭瑟瑟響漁磯

春草四首

江鄉煙細雨冥冥無限春愁茁暮汀往事關心南北路
幾時銷恨恨短長亭東風睡蝶魂俱綠寒食啼鵲血亦青
莫倚芳馨驕日影昔賢裙屐已飄零
蘅皋芷岸舊萎黃野燒風前春又長滿路少年袍欲如

一池小雨夢猶香江南無地不生色樓上有人空斷腸
忍向雉媒嬌處望蹋青心事寄韶光

三泖湖邊碧暗侵五茸城外綠勻陰遊人盡是娛春者
煙景頻年傷我心蛺蝶羅裙腰漸沒狐狸斷塚跡初深
牧兒空愛如茵好中有池臺不可尋

二月三月發衆芳江頭浦口鬱春光晴絲千丈裊煙色
牧笛一聲吹夕陽蓑蓑馬蹄遊子路蘼蕪鳩雨美人鄉
天涯極望延青碧可抵幽情幾許長

柳花八首 本草經柳花一名柳絮

東風吹過綠楊津是處迷濛亂翅塵日午枝頭蒸盡脫
唐堂集 卷四十三 七言律詩一

雲陰水外散初勻大堤暖撲青絲騎小閣晴縈翠袖人
榮落不知花信晚年年拋擲汴河春

無數飛揚柳陌中半因日色半因風也傷節物隨流水
稍異園林怨落紅十丈遊絲相惹去一番微雨未教空
顛狂莫舞高樓側踪跡應憐蕩子同

點點輕鬆陣陣催青皋斜日影徘徊正愁遠岸飄無力
又被流風送却迴隨意偶依芳草住無人只許落花陪
硯池欲入應教懶得籬根雪一堆

曉煙消盡日華新纔過春寒出媚人青眼有時垂粉淚
綠腰終日舞香塵銜來窠裏情懷苦吟向風前比與真

惆悵不曾添夜色玉欄杆外月如銀

美人寂寂守窗紗好景迢迢逐細車空際風鳶元有路
河邊浪蝶本無家桃花紅雨吹相雜榆莢青錢落共斜
形影不曾離陌上夢魂何處繞天涯

園外晴雲細細烘纏綿偏與近簾櫳消將春水花無影
落盡繁英樹不空三月正宜飄玉笛九秋何待轉飛蓬

章臺滿岸尋常見曾惹閒愁到漢宮

百花開盡此花飛蕩漾韶光力最微風裊裊時難墮地
雪濛濛處不沾衣閒拋白日空庭繞亂送殘春小路歸
應笑生來慣飄泊一溝萍影又依稀

唐堂集

卷四十三

七言律詩一

三

藥圃苔階點綴遲閒情唯許靜中知不宜雨裏宜風裏
未見開時見落時墮萼帶來蜂不辨香泥沾處燕相思
鼠姑花下爭題詠誰傍濃陰賞一卮

丙子歲書事二首

江柳江花象太平遙傳西事有經營 廟堂自具新方
畧部落何虞野戰爭邊塞金湯常講武吳兒枉席未聞
兵便當磨盾從軍去露布能於馬上成

漢帝行邊馳細柳

今皇征虜出樓煩袞龍韞韞雲霓照哮虎輦笳風雨喧
一鼓定敵殲冒頓八旗同起禡軒轅遙知天討唯因壘

大將嫖姚那足論

丁丑歲生日三首

三十男兒轆轤頻次寥秋老益傷神芙蓉冷澹日無色
蟋蟀悲吟霜滿身安得蹇修媒佚女空慙皇考字靈均
臣之壯也成何用青史多傳努力人

憂可傷人時命艱紫萸黃蝶恨漫漫樹間風急嗟難待
海上雲飛久失看莪蒿恩難酬鞠育桑蓬事祇弋飢寒
乾坤浩蕩人生隘淚灑西風吹未乾

嚴霜昨夜到庭柯潦倒尊前感興多甲子半從愁裏去
春秋全似夢中過殘花落洞辰安在弱草棲塵壽幾何

唐堂集

卷四十三

七言律詩一

四

莫恃鬢毛看尙黑詩書勲績早蹉跎

雨中春感

天宇凝陰黯未收閉門不省作郊遊一尊寒食花前酒
何處春風柳外樓曲水管絃悲已暮大堤裙屐冷如秋
杜蘅蕭艾紛無別草色今年有許愁

和吳綬翁咏楊梅

詩人工謔口流涎謂占唐妃二美全孔雀奇談驚北海
荔支香味失炎天甘漿滿把何嫌濕紅粟攢膚不礙圓
記得銅坑光福外飽嘗先壠萬松邊

頭風

沉鬱頭風痛不支遷流物態靜中悲待萎園樵春秋急
忽爛樵柯日月遲暴雨翻鮪成尾尾魚子散水畔黃梅上水退風乾黃梅
大雷雨則頃刻罡風吹鳥墮絲絲春晴有鳥逆風而上
為魚海濱人云罡風吹鳥墮絲絲高入雲際罡風一吹
羽毛骨肉化為絲絲下詩所謂浮生消長非吾事一枕
時絲遊絲是也太湖濱人云

華胥得意時

青村晚酌

古堞沉沉暮暑迺主人移席此城隈曾經兵燹彫千井
欲向滄溟酌一杯殘雨且教虹截去好風又帶月吹來
權謳入耳猶蘭雪何必啁啾絲管哀

遊王司空賜金園

唐堂集

卷四十三

七言律詩一

五

闔閭城西秋氣清瑯琊園中秋水明層峯千樹向人書
深澗一蟬隨意鳴最有池臺娛白傅不因邱壑棄蒼生
微吟叢桂非招隱偃蹇空山我輩情

遊靈巖

鐘聲敲響舊時禪霸業荒來千百年兒女英雄終已矣
山川風物尚依然茫茫震澤週遭在杳杳夷光想像傳
著得生平幾兩屐琴臺片石莫辭眠

題法螺菴壁

筍輿松塵稱暄和一徑東風到法螺何處青山尋隱迹
滿城紅女出娑拖洛陽名卉吳中少江左新篇開府多

自料碧紗籠不著雪泥鴻爪誌經過壁間刻巡撫宋公詩五首庭有牡丹

登圓妙觀彌羅閣

傑閣嵯峨石磴通朱欄面面倚晴空遊人似往雲陰外
龍鬼來朝白晝中城郭半圍歸指掌仙靈一氣繞鴻濛
何當覓取松喬術高處憑虛學御風

寒山寺

寒山講席竟塵埃空憶江楓好句裁露立可憐諸佛守
日長不見一人來殿明鬼火知何代閑鎖鐘聲杳不回
惆悵伽藍興廢跡春風爛漫野花開

冬柳

唐堂集

卷四十三

七言律詩一

六

蕭蕭朔吹壓黃昏衰柳噴吭正對門搖落長條經臘早
挽回新意待春溫灞橋風雪無攀處羌笛關山有斷魂
此地寒鴉猶戀宿夕陽流水幾家村

閨思六首

有序

香奩詩刻畫閨穉窮神盡態近桑濮逆風雅聊因其
體戲成閨思諸律不失草蟲采綠遺意

東風侵曉蕩簾波閒看堂前燕作窠心字香灰低睡鴨
手文鈿合退旋螺綠雲有樣慵摹倣紅雨成魂惜踏過
明鏡不曾消古鑄照人顏處淚痕多

未是依稀未是真看邊心事夢邊身字聲不勸空為鳥

伊字非訛實少人望望一千三里路番番二十四風春
最憐遊子渾無著捉得楊花貼錦綢

不隨春色到天涯垂袖欄干倚日斜窗底樹陰移刻刻
樓前帆影過家家書成竹葉纔單个折寄花枝祇半丫
細驗鴛鴦能戲水紅羅衾而繡來差

人在窗紗花在瓶花枝人影伴鼓傾乍寒乍暖春無性
疑猜疑明月不情燭淚漫汚描黛筆藥方誤蕤蕤茶鑑
蜜甜滋味翻茶苦懶倚樓陰聽賣餛

小牋封不住啼珠一任紅冰消睡壺宜愛空名拋意可
當歸佳識改文無散欺獨擲排難轉札怪重鈴赤不符
唐堂集 卷四十三 七言律詩一 七

憶到昨宵停繡處燈花爆損牡丹鬚宜愛香又名意可
當歸一名文無
房深地窄書簾垂虛却春三二月時何處輕風花落早
一窗暝雨燕歸遲隨身唯影燈還如與夢無緣枕自知
誰道遠山能著恨朝來妝淺不成眉

戲味蘭人

練得身形似阿誰吳娥一捻腰肢三春臥起成胎早
五日擎來擁髻遲著意團圓能續命滿腔纏繞爲相思
蓮蓬人太無情緒莫道荷絲勝爾絲

無題

才華宜竝玉堂工別構新題畫篋中吟袖唾沾花樣碧

文綃臂壓汗痕紅硯池浴絮皆春雨墨藩吹香有好風
一縷柔情無限字背人膽寫細如蟲

暑夜

暝色虛堂戶不關夜深人坐綠蘿間苔陰螢火隨風落
柳外漁歌帶月還執扇作涼攜水氣竹牀無夢到塵寰
不知何處客炎暑花影橫窗伴客閒

清明

清明霽色禁無煙禽語花香景亦妍古墓松髯牽紙蝶
平橋柳瘦凝風驚吳王冢畔笙歌路西子湖濱粉黛船
兩地冶遊成夢裏荒村孤負豔陽天

唐堂集

卷四十三

七言律詩一

八

和許湛明歸田韻

江鄉萍合契忘年穀雨新芽共品泉薄俗安知耆舊傳
富兒徒有絕交篇杜陵感慨櫻桃裏彭澤高歌楊柳前
花圖枝蕊扶白髮不將風月到愁邊

巢燕以乾字

玳梁深處巢難暫傍尋常客舍安掠削韶光消午夢
經營風雨過春寒雙銜藻井泥俱軟一剪萍花水未乾
此日依人供翫狎好從秋社試飛翰

紫藤花隈斑字

穠陰結幔蓋溪灣瓔珞垂垂碧未殷奇蔓縛爲虬項曲

繁英梳作鳳毛斑肯將凡豔隨紅卉不中新妝飾翠鬟
幸傍喬柯相倚託春風那許路人攀

虎邱

浪跡頻年到虎邱記來一十四回遊豈因花月酬佳興
半爲經過泊客舟塔背雲深樵徑濕山腰風急樹聲秋
笙歌燈火曉遲暮搔首夕陽無限愁

白雞冠花

昂首階前玉一枝陳家宮院舊葳蕤滿頭圓相明瓔珞
匝頂茸毫落鸞鴛秋曉怕啼霜澹澹夜寒起舞月垂垂
莫嫌老去雄姿減一任金風短髮吹

唐堂集

卷四十三

七言律詩一

九

范笏溪數過不值今始接晤喜贈

墨花噴落四香樓爲覓同聲作唱酬錯認馬卿工筆札
頻勞羊仲訪林邱奉君如佛金曾鑄許我爲龍劍並游
思積話深愁日暝春帆吹過白蘋洲

毘陵呂宗陶索和早秔詩

常州太守奉表貢獻

見說公田種秔宜香秔第一報秋時曉煙厨飯炊初早
夜雨鄰春響不遲流水胡麻春剩屑沉雲菰米晚登匙
天家玉粒先嘉種欲補幽風十月詩

和楊東野山樓聽雨詩

揚雄夜咏畔牢愁簷馬東風戰不休行雨已虛雙枕夢

落花徒感一庭秋蟾蜍有恨長辭月燕子多情怕入樓
燈蕊蛛絲占底事淋鈴聲裏是離憂

和七夕前一日隅園池內並蒂荷花

魚鱗爲屋貝爲堂攜手淩波有靚妝已學文鴛浮錦浪
底須靈鵲架銀潢分開素影風無力逼近紅肌夜不涼
催得穿鍼諸伴侶藕絲同緝嫁衣裳

白桃花

一株豔雪若爲開便引穿花蛺蝶迴渡口月明人不覺
門前春澹客重來獨呈素面臨風笑錯認寒香入夢陪
瑤水玉沙標格好漫隨紅雨落蒼苔

唐堂集

卷四十三

七言律詩一

十

中秋前一日譙集雙清草堂賞桂得天字

琬液瓊酥泛客邊銀雲玉露落樽前秋來不坐無花地
節近先逢有月天花氣太濃熏欲醒月輪未滿看疑圓
華軒良夜千金值颺却閒愁減却眠

自海寧還舍至出門得雜詩七首

繫艇柴門水色新到家仍似客中身蝸涎蝕壁牋無字
蛛網縈窗鎖有塵問典秋衣因買藥待炊晚飯欲沾巾
家人笑探先生笥富有詩篇已不貧

衡茅雲日似陽春文酒流連且浹旬畢卓蟹螯煩左手
馬卿蟬蛸愧前身數弓古籍唯供蠹一杪寒花尙可人

坐處不嫌如斗窄西風門外有埃塵

敗意人來續句難催科作老農看稅愁便可充官帑
煮字何能飽吏餐况值災荒彌郡邑未聞財賦出飢寒
生涯端賴毛錐在半頃黃茅已賣殘

相逢魑魅徧江鄉拔宅何時出一方但可閉門賓翰墨
未能高枕溯羲皇東家深夜驚壕吏西舍哀音哭杏殤
官急繭絲人天札靈均徒有卜吉章

閒賑聞謁說邸抄誅求猶自到衡茅西門豹死無循吏
北郭騷貧少故交衰落更憐昆弟拙飄零判受里兒嘲
天時人事兼相擾守道唯憑硯一坳

唐堂集

卷四十三 七言律詩一

十一

早後江村生計微木棉搖落稻梁稀佃無租入嫌相索
人約金通諱已歸慙對祖先稱臘祭怕聞妻子議寒衣
飢來驅我難家食又逐雲鴻飛處飛

飄飄如葉此身輕雲雁江楓又送行驕未識愁憐稚子
貧難話別悔浮名詩書豈與青雲近風雨能令白髮生
蘆荻渡頭帆一幅寒流千尺是離情

西湖漣漪亭觀五色大魚

寒甃潭潭天影方錦鱗十色曜斜陽人工疑以丹黃染
龍態全於尾鬣藏老衲閉門知護惜兒童投餌看飛揚
此中曾荷

君王顧長使恩波繞書廊

登吳山

尋常街巷引遊踪竹院香巖曲折逢頓覺眼前空澗處
不知身上最高峯錢王江外烟波遠西子湖邊紫翠重
十萬人家圍不住此山矯首勢如龍

哭范丈笏溪七首

頻年浪迹在天涯一櫂經過似到家父子送迎孫揖拜
春秋樽酒夏茶瓜時移事逐滄波遠室邇人嗟白髮遐
從此谷陽門外路天應無月地無花

殘冬問疾到牀帷只有千秋訣別辭謂我緩歸談未劇

唐堂集

卷四十三 七言律詩一

十二

待君來弔見無期爾時慰勸勿勿過今日紬尋轉轉悲
悔恨此身萍跡似不留一月話分離

君寄魚緘元夕開予憑雁使詰朝迴魚緘遙慰座春色
雁使驚傳入夜臺我意尙疑凶信誤忤言親聽哭聲來
喜心一昔翻成夢腸斷難鳴此際哀

若較長生學術過奈君指胃嘔心何著書百卷尙嫌少
爲壽六旬寧遽多才子最難登耄耋先生好去詰問羅

九泉醫藥今誰賴莫爲修文更折磨
曲徑疎窗依舊開重來真爲哭君來銘旌字濕悲新粉
燈盞油深結暗煤此地昔爲賓客坐一棺難起主人陪

少微星向雞窠落越國良金鑄不廻雞窠君

小鳥啁啾有母喪親勞絮酒到江鄉勉留信宿相思慰

還訂過從後會長一載流光存歿異兩家凶禮報施忙

同爲人子悲風木泣對庭前三鳳凰

蒿里歌遲寫痛難春初哽咽到春殘淚痕落紙頻污損

心緒纏哀怕續完季札劍存終欲挂伯牙琴在向誰彈

平生得句求商榷焚作飛灰寄一看

安國寺贈雁黃上人

信步隨春入化城遠公相見勝聞名座唯一佛爲賓主

詩更無僧與抗衡聽講龜魚池裏住經行山水筆頭生

唐堂集、卷四十三 七言律詩一 三

拈花欲笑終頑石禪榻茶煙此動情

丹陽道中四首 時通京師

江水深深深且寒晚峯一指翠微殘秋堅蟲羽如金響

村散牛蹤入畫看蕎麥花繁渾放白楓林霜淺未成丹

客途好景無心攬樂府曾歌行路難

車馬帆檣日日催金陵鐵甕路紆迴大鰲夕照隨村住

古堠秋風認客來千里關山空極目六朝人物已輕埃

何當爵酒呼袁粲自剪紅燈盡一杯

頭顱非昔尚飄蓬伴我秋江一葉風兩岸鄉音聞漸改

數金贖橐費先空山情贈客慵酬對酒力逢愁怯戰攻

舟裏襟懷雲裏月人間天上共朦朧

衰柳林邊鷗鷺啼長川山處片帆低霞明似錦風難翦

岸暖如芳草作梯入洛機雲從此去過江王謝好相攜

織鳥西下成陳迹漁火星星照不迷

甘露寺

寺門東上最岩巖千里秋風木葉彫依舊江山雄北固

流傳金碧剩南朝書廊苔長閒過蝶鐵堦雲深欲降鵬

惆悵昔賢吟眺地馬通如阜健兒驕

阻風瓜步是日暴寒

京口開前衝霧出金山寺下剪江過舟行半月家猶近

唐堂集、卷四十三 七言律詩一 十四

帆立雙桅泊處多風勢一時喧呖棹秋聲今夜冷關河

篋中自有寒衣在隔岸揚州盛綺羅

晚泊陸漫蘭

秦郵迤北浪花渾淮瀆南流勢欲吞列汎記程坊有字

臨河築土岸無根荻蘆洲淺中分水楊柳堤高遠護村

泊近酒家通曲折板橋煙景畫黃昏

題金龍四大王廟姓謝名緒行四會稽人宋末隱金龍山宋亡憤赴水死其神助

明祖使黃河逆流而破元兵遂立廟祀之爲河神云

合併淮黃有怒濤明神忠義此登壇百年雪恨波流逆

千里揚靈血食安瀆本視侯加秩貴河雖有伯比功難

風帆浪舶行人穩展禮龍堂白日寒

河上二首

堯心禹方灑沉災十載頻邀 翠輦來卷埽岸當千里
蒹葭苗水引百川迴河渠溝洫徒前史孤子宣防只霸
才何似

聖朝功萬世書生銘頌媿涓埃

黃河日夜浪潺潺河上蘆花滿目斑聚八九家居近水
綿三百里眺無山地通雲漢源流外秋滿淮徐道路間
一濟巨川思擊楫煙波何處是鄉關

酒亭

席堂集

卷四十三

七言律詩一

五

兩岸人煙隘市河秋光曾染舊陂陀酒亭北去寒流遶
沛縣西偏夕照多落葉不知炎漢事歸鴉何處大風歌
一聲清磬朝元閣欲憇塵勞款薜蘿

鄒山

鄒山頗似江南路直北雲陰接古滕十里疎林時見收
一湖秋浪好安簪高帆過影驚棲雁荒寺尋踪起定僧
未必客途專憤恨遙嵐如黛水如綾

太白樓

在濟寧州城頭廬扉扁額杳無人跡從
斷垣入始得一登頻敗不可凭眺矣

謫僊飲處原鴻雪誰建高樓配季真樓設賀監
及太白像地微可
聞風月住年深已失棟梁新雙扉合鎖荒遺像斗酒揮

毫憶此人碑版莫譚觴詠事任城過客讀沾巾

南池

在濟寧城南
濠亭橋可玩

城隅秋水驚初見杜老東遊到亦曾八月菱蒲吟偶爾
一時溝洫話相仍當年許簿頻邀約此地南池幾廢興
欲署姓名慙客賤蘇碑讀罷思騰騰

登光祿樓

在東
昌府

光祿樓高拂昊穹危人步履盪人胃四圍野色延齊魯
一面雲屏插岱宗城郭盡隨青氣合神仙疑在碧霄逢
舉頭北望京華近檻外煙霞有萬重

魯仲連臺

席堂集

卷四十三

七言律詩一

六

東面聊城曉霧開魯連遺跡最崔嵬高風蹈海誠爲義
詭語遺燕未是才大將可憐賈恨沒此書豈爲解紛來
虛聲處士偏千古日照鮮新射箭臺

御溝春望

御溝漸泮水融融鰲背飛橋亘彩虹春到鰲稜元夕節
暖吹闌闔太平風如雲士女皆天上近日亭臺儼畫中
無限恩波在花柳託根何幸傍軒宮

出都

宣武門前落葉飛朔風吹土上征衣已還舊路仍爲客
只寄家書便當歸野外迷科隨轉轉天涯萍水送依依

金臺儘有留人處偏舉吟鞭歷翠微

陳少宰公出撫粵西次韻

封疆自古有名臣開府旌旄乍遠巡燕國豈徒推手筆
晉公從此見精神 昌朝禮樂無中外炎徼猺獠亦子
民生鎮太平邊事少好儲霖雨報 楓宸

題黃鶴樓

黃鶴樓高壓武昌樓前江水去泱泱正平何處題鸚鵡
太白當年學鳳凰仙跡微茫風雨外騷心搖落漢川旁
楚天極望真空濶木葉寒雲非故鄉

武昌懷古四首

唐堂集

卷四十三

七言律詩一

七

平原處士著岑牟擢罷漁陽此客遊黃祖害才原孟浪
孔融延譽最風流酒間狂態空千古江上羈魂託一洲
銅雀淒涼鸚鵡沒名區同有夕陽愁

碧眼孫郎此建都憑陵中國控全吳危磯冒櫟舂黃鵠
長鎖連江豈赤烏霸業久隨流水去客愁唯對楚山孤
太平城郭周遭在戰壘荒荒隱綠蕪

鄂渚樊山幾度秋大江日夜有東流戰船浪捲陶公廟
賓幕風迴庾亮樓煙雨六朝迷夏口帆檣千里接荊州
英雄名士俱陳迹輪與沙汀數片鷗

高處凭軒眺不開漢陽襟帶一江間已非楚子封時國

誰辨周郎戰處山芳草晴川猶好在白雲黃鶴未飛還
蘆溝日暮悲風起惟見霜林滿目斑

留別大中丞公

風轉蓬科到處隨天涯萬里荷攜持非無伴侶仍孤客
能恕疎狂只我師家累馮驩歌未敢囊空趙壹去何之
江東豈有青雲路徒使蒲飄別絳帷

自淶口溯醴陵至湘東頗多灘石舟行甚艱二首

醴陵江路一千盤清淺寒流逆作湍水面鴨浮看是石
船頭抵觸過皆灘篙喧那許妨吟誦峯轉孱顏失縱觀
風雨定教添白髮儘逢晴日濟川難

唐堂集

卷四十三

七言律詩一

六

鷓鴣曉翅夕陽隈江郭迢迢水驛催鏡片波心清炯碎
斧斨山脚暗魁堆淺流如沸煎船過亂石成齧齧權廻
前路月明知待久平沙穩泊勸銜杯

楊古度招同諸子秦淮社集

二月三日秦淮春二十四人無主賓都來江左知名士
相許天涯有用身六代風流迴白下一時星聚感蒼旻
右軍何事悲陳迹俯仰羣賢事又新

鄱陽湖水大發自木樨灣瑞洪至趙家漚田廬浸

沒舟過感賦

換眼湖光接杳冥此中坡岸記曾經浪花自拍無人屋

樹杪皆成有蒂萍想到避災聞痛淚誰爲守土告明
廷見鷗不解行人感梅雨蘋風戲一汀

舴艋六首

舴艋凌風去不遲嶽雲江樹望中移湘娥明月尋遺佩
山鬼幽篁宿廢祠鸞鳥翼推空遠舉杜蘅根老失相思
漫欺屈賈無助績只辨文章萬古垂

舴艋如梭織不停江流淼淼岸冥冥太陰雷雨船頭黑
終古雲嵐嶽背青風唱喁于揚激楚魂招些只泣騷經
湘靈一曲無人見望斷遙天峙翠屏

舴艋江湖隨所之憑舷照水髮將絲家鄉路隔三千外

唐堂集

卷四十三

七言律詩

元

事業年過四十遲衡嶽亂雲埋楚國洞庭香艸蔽湘纍
煙波南望空搔首下瀨戈船彼一時

舴艋斜穿細雨行炎歊暫向雨中清風閒不管舟遲速
山嶺偏爲我送迎曲岸數帆移石脂晚洲一鷺破煙明
生平真賞唯雲水蕭瑟崢嶸非世情

舴艋中窺井樣天斷虹下與碧波連英雄有淚皆淘盡
神女如雲可畫傳自古衡湘來竄謫祇今騷雅廢山川
蘆漪日暮悲風起吹送漁歌出眼煙

舴艋爲家漁父同綠衰涼曉挂青楓山頻到眼情相狎
客老於遊術未工芳草王孫殘夢裏風帆沙鳥亂愁中

江南只在雲堆處何許關心憶斷蓬

昨歲五月舟過鄱陽湖畔值水溢詢土人云三十
年來所未見今甲午歲五月歸舟復經此大水更
甚

誰爲彭蠡作波臣親見田廬漂沒頻燕雀兩年無處所
蛟龍五月慣驚人未甦險阻羣黎淚暫泊風濤一葉身
客子易愁湖易溢相逢腸斷綠楊津

阻風木樨灣喬木延蔭納涼樹根

翻因艱阻得清涼炎日猶蒸過客航四面石尤連潯水
一隅土梗蔽幽篁人喧不到藤陰路鳥污頻移樹下牀

唐堂集

卷四十三

七言律詩

三

頓使北窗歸思緩尋常行處有羲皇

分味金谷

席上高吟酒數多後堂絲竹況駢羅將軍貲盛輸炊蠟
房老顏嬌罷掃蛾可惜書樓圍鐵騎便隨衰草伴銅駝
宋律流落攜殘譜故址斜陽忍再過

菜花二首

潛踪宜伴菜花居渲染韶光錦不如四野黏天迷隱吟
一壺席地遠裙裾收兒斜日頻吹笛村女晴畦懶荷鋤
剛却草葩兼木蕨好教花史註春蔬
清香冉冉露溥溥百礦黃金冶未乾動地風光吹爛漫

當天日色照團欒人緣紅紫千般別蜂不炎涼一例看
至竟尙存郊野氣莫圖春圖寄長安

丙申歲六月九日陳大中丞招陪王太守憲尹沈
編修厚餘丁孝廉靜山家太學宗夏風洞小飲觀
劇卽次中丞公刻石詩韻二首

不覺離塵踏廣寒縱橫十笏坐來寬侵衣欲濕巖中乳
到耳微喧郭外灘洞以風門消毒熱閣從崖缺補奇觀
山靈此日邀詩酒醉雨吟香共一壇

薰風遲日此尋歡歌按紅牙舞翠盤清簾移當寒谷口
騎陽隔斷碧霄端萬重雲水鄉音集六月巖阿暑氣闌

唐堂集

卷四十三 七言律詩一

主

款洽一時忘鍛羽嘉賓賢主總鴉鸞

陳大中丞招同王修撰寶傳顧庶常挾君飲揆天

閣下觀劇

時在摩慶

天涯到處築糟邱賓主東南第一流夜煖燭花歡八柱
堂深簾影控雙鉤新詞拍遍黃幡綽舊譜鈔將菊部頭
慣聽妖浮吳語好不知身是客端州

贈宋觀察

東國人倫莫與齊上承封水下端溪今子守世傳簪組
皆經術家有堂廉是御題公在山左時御賜邱壑
豈能藏老鳳關山猶可聽荒雞扁舟愛駐離江水占得

長庚夜在西

秋山晚眺

人意蒼涼人影斜疎林不爲翠微遮夕霞金碧明於綺
霜葉丹黃豔似花一笛西風催去犢半節殘日送寒鴉
登臨不憚歸途賸欲攬煙嵐入畫家

張吟樵招飲出家伶演劇

綠沼朱欄面面涼柳風吹動舞衣香入雲絲管人皆妙
放浪形骸客不妨毒暑已銷河朔飲斜陽猶縱習池狂
豈因後樂忘憂鵬霖雨何時出草堂時天早

送陳別駕履仁之河工

唐堂集

卷四十三 七言律詩一

主

楓陛求賢重治河金錢不惜捍洪波禹功久奠鍾吾國
漢史猶傳瓠子歌千里帆檣關轉漕六湖風雨靖盤渦
濟川他日材如許孰與淮陰半刺多

唐堂集卷四十四

華亭 黃之雋 石牧

七言律詩二

辛丑歲四月十一日 澹寧居引 見恭紀

暢春苑接碧霄間 劍珮分趨侍從班 草野姓名通

帝座 恩宸咫尺仰

天顏 九苞鳳羽如雲集 萬歲龍鱗傍日攀 六十五人

齊拜手瀛洲 恩旨重於山

次張良御移寓詩韻

酒家誰爲解金龜 退食孤吟只自怡 花影每當移榻處

唐堂集

卷四十四 七言律詩二

一

市塵偏隔捲簾時 殺青添得書三寸 鐫白攜來鏡一規

同是僦居今稍遠 天街月上費相思

答儲六雅

百年風雅事茫茫 代有羣雄說擅場 錦字屢翻他日樣

芸編終發舊時香 蛾眉芳草原同悅 翡翠鯨魚不兩傷

白雪漸消紅豆死 長留明月印滄浪

金臺懷古

高臺遺址失嶙峋 易水東流幾度春 七十名城齊不守

三千上客隄無倫 無倫曠懷旁及神仙事 餘韻猶生慷慨人

爲讀報書增太息 黃金未寫望諸身

讀座主屠大中丞海塘紀事詩次韻寄呈二首

蓬萊清淺未成田 海不揚波豈偶然 自古東南開缺地

可曾吳越見滔天 兩潮伍員千秋恨 萬弩錢鏐一世賢

今日指麾談笑裏 村村煙火荷生全

孤城逼海勢相吞 海上驚濤欲斷魂 木石豈堪精衛險

人民胥賴我公存 護堤沙長千層厚 隔岸潮來一縷渾

龕楮中間應勒碣 陽侯不敢過三壘

壬寅歲元旦早朝微雪

康熙六十一年春肅肅千官拜 紫宸香象間鍾開鹵

簿 袞龍當殿整鉤陳 九重禮樂新元日 萬歲堂

唐堂集

卷四十四 七言律詩二

二

廉壽

聖人珥筆朝班能紀瑞 觚稜浩蕩雪花勻

十月五日早朝

駕從熱河回宮

金鑰嚴城曉漏中 鳳樓星澹景曠曠 兩行仙仗排雲迥

一色朝纓耀日紅 乍喜回鑾顏咫尺 纔過頒朔象昭

融 詞臣旅退慙無事 猶傍蓬萊仰 陛楓

詠白菊花二首

露浥瑤枝香襲襟 霜華著色曉寒深 籬根傲俗無青眼

柳外歸人有素心 冒雨尋來翻似雪 隨風落處不飄金

滿頭欲插羞明鏡 短髮蕭蕭冷一簪

商飈吹徹草堂西涼月紛紛照影齊有女司花秋本色
何人送酒夜相迷誓將皎潔成高隱悔雜丹鉛改舊題
粉壁紙窗無長物數圍寒玉映玻璃

癸卯歲四月七日後左門恭紀

天子求言到石渠小臣封事奏嚴徐避人昨夜曾焚草
入殿薰風好上書宣室佇聞呼賈誼文園何待薦相如
赤瑛盤子先傳勅餅餤恩霑白玉除是日賜克食

送孫廣平任徐州學

讀書人裏無劉項雕水彭城事若何霸業問來遺老盡
戰場耕處夕陽多如君慷慨能懷古此去山川好放歌

唐堂集

卷四十四 七言律詩二

三

莫效腐儒吟首荷龍門史筆讓嗟哦

賦得海潮湧日

誰將大冶鑄金丸出水黃人捧未乾煙靄萬重藏不住
海天一氣裹成團光開波面騰騰曉影射潮頭滾滾寒
極望東溟方炫目紅輪已上碧霄端

寄鄒原褒秦中次其太史兄韻

相思一夕見無由地隔燕秦數十州才子機雲今竝駕
故人李郭舊同舟黃塵驛路千山曉紅杏宮花九月秋
恩科九月會試爲約舍南虛左席遲君剪燭看吳鉤

七月十一日恭紀四首 有序

雍正元年七月九日滿漢掌院學士奏呈中元祭

聖祖仁皇帝文

上傳旨云很好是誰撰掌院奏庶吉士臣黃之雋撰即
傳旨明日召見初十日臣恭候乾清門外

上御養心殿命中使傳進溫語垂問籍貫居址家世
年紀臣一一奏對畢隨賜紫貂一張

口勅即以編檢用臣二甲進士出身卽於是日特授
編修十一日繕摺謝恩退而恭紀四律以誌榮遇

翰林人奏

景陵篇激賞聲聞

唐堂集

卷四十四 七言律詩二

四

黼座前內侍傳呼知姓氏外臣趨走讓班聯時臣進見在少司馬阿克敦副都御史江珠之後御爐香近觚稜開
雁平謝副使潮州侯總兵之前便殿門開咫尺天獨對承恩方悚懼已流佳話鳳池邊

草茅從未識廣廳

天子呼來近御牀似與家人相告語始慙報國但文章
溫綸懇至榮三接後命從容出九閭臣奏對良久將霄出上諭且待霄

漢陸離雲爛綬豈知身侍日華傍

黃帕文呈日幾迴獨承俞旨到蓬萊屏營柔翰青留

札鄭重豐貂紫合裁

御手檢將龍榻上中官擎下玉牀來捧盈驚寵交心膽
慙媿凌雲作賦才

親承 勅賜拜 楓宸疊觀

天皇后寵綸丹地尙遲除吉士時庶吉士分校議叙免散館即授職者八人尙

侍吏部覆本臣以 玉音已早擢詞臣嚴徐召見皆隨

特旨先到編修在 衆揚馬承恩有薦人 特達受知官 特授一時榮遇

古無倫

八月十一日 召至 乾清門 賜內府緞二匹

恭紀

天上機絲製七襄 褒綸稠疊貴龍章臣奏 皇太后梓宮安葬祭文

唐堂集 卷四十四 七言律詩二 五

奉 旨賜緞一匹又奏修養 奏書陸賈頻稱善稽古桓

榮竊比方題絹愧非辭絕妙酬緣 恩已字相當退

朝擎出驚人目耀手雲霞五色光

八月十五日奉

旨以 充 日講官起居注恭紀

侍從仙班簡

帝心春卿同日聽 綸音是日與禮部尚書張 旨充講官西清地

愧經無筍東壁人叨墨有林雉尾記言花影密螭頭染

翰水痕深 玉皇香案分明近保直彌憂力不任

八月十六日恭紀 有序

是日西暖閣引 見纂修明史官奉

旨云黃之雋學問好以中贊即用

墮隴華旭紫宮西咫尺

天威荷 御題汗簡校讎須學問頭街逕轉此階梯翺

翔丹地頻三錫踧踏清班驟一躋文字纖毫慙報

主勉從天祿照青藜

早朝侍班恭紀

是日 賜茶

羲和扶日照宮槐閭闔秋高 殿陛開香歎 御爐榮

黼黻韶鳴仙樂繞蓬萊金鑾彩扇承 恩坐玉筵天漿

賜飲來親侍 九霄瞻大禮起居藁筆媿非才

唐堂集 卷四十四 七言律詩二 六

蒙陰旅舍次穆堂夫子壁間韻

馬上黃綾勅一封夕陽又駐使臣蹤關山倪仰多陳迹

風雅流傳屬正宗南國雲連寒驛路東蒙月出翠微峯

粉垣漫寫神僊影叱石何年伴赤松壁有書仙

李莊曉行計明日可入江南境次前韻

陸行已歷千餘里忽漫燕齊半月蹤南去有郊曾號國

北來唯岱可稱宗路旁漸繞平平水車外全低遠遠峯

預喜權謳聞欲近片帆煙雨過吳松

春日延津校射

馬蹄芳草綠周遭閱武堂依雉堞高射圃士容浴禮樂

劍津龍氣繞弓刀山頭雲影閒如畫柳外春風靜不驚
鼓吹數聲斜照晚遙情吾欲寄林臯

連江道上

雲雨不分朝暮行登高無復賦中情一鞭既繞青山過
雙鬢頻添白髮生伐石誰家標墓道摩崖何代刻題名
朝齋路左皆勲績付與懸流灑瀑聲

發福寧州

一月長溪校士還筍輿出郭便思閒稻畦石馬何人墓
林莽秋蟲此處山微日釀陰輕似紙軟風隨路曲如環
莫愁連嶺高難陟絕頂涼生襟腋間

唐堂集

卷四十四

七言律詩二

七

曉發寧德縣

徹夜雨聲愁不禁平明策馬上崎嶇雲衣瀑布白高下
林麓稻畦青淺深眼見萬山新木好胸無一點舊埃侵
不知峻險關何事如此馳驅亦快心

重過鹽田驛

鹽田驛外舊郵亭車過仍聞稻葉聲草際驗秋黃蛺蝶
水邊占雨赤蜻蜒野航喚渡潮初長古嶺穿雲路又經
底事心涼忘道暘竹光山影滴衣青

宿楓亭驛

蕭何雨令暨士子送者數百人前歲
試後立碑過獨愧不克當故論之

又到楓亭古驛中粉牆流水舊時同軒車賢令皆王吉

中怡諸生盡戴崇綠蟻敢將消夜求銀蟾恰已挂秋空
仆碑一語須勤囑寤寐頻驚石刻紅

龍溪道中

時由漳赴汀

橫覽山山俯瞰田漳南颿日氣清妍春光已漏綠畦上
秋色尚餘紅葉邊歷亂眼花迎水石叢殘腹葉貯雲煙
馳驅會向征車老鬚髮添霜又一年

南靖道中

水勘木末又經過歷記行程歲月多短夢易驚因斷岸
長途難縮有高坡關山僕馬勞如此弦誦師生化若何
莫謂四方男子事此間未必少槃阿

唐堂集

卷四十四

七言律詩二

八

曉發

黃昏束火卸輕裝又發文旌趁曙光石卵砌塗常瀉水
露珠沾草不成霜綠崖似蟻行踪隘濺瀑如雷落勢強
怪底諸生難作別百三十里尙羸糧

林田嶺

入龍巖界

昨朝經嶺未爲高今似綠梯倍覺勞絕頂仰看天有路
平原俯矚樹如毛翻因曲折行無險所惜登臨景不騷
山僻盜無閒邏卒林田汛裏壯弓刀

未定道中

啜罷閤黎飯後茶又攜煙景上征車松身倒寫垂枝畫

梅靨嬌舒細朶花林外清溪穿小艇籬根綠圍繞誰家
山風漸起吹衣急爲愛寒帷不用遮

上杭道中二首

茅店雞鳴月未沉征裘漸覺曉寒侵荒荒菜子圓頭路
漠漠鵝公嶺上陰青飢驅輕萬里紀遊人老積千吟
一官博得仍行役山水風霜無限心

鶯發風威太作酸僕夫蟬縮馬蹄乾三冬拋却讀書樂

十日趨成行路難由漳至汀綿嶼半歲重霧暗鶴林玉

後見日日黃鞍輕雙渡小溪寒過水以雨小潭併合載

教碧翁助我耽清冷鍊得冰心入寸丹

唐堂集 卷四十四 七言律詩二 九

正月十日始晴

二十日陰今日晴尙留殘雪映窗明歲占人穀雖無色

春轉鶯花乍有情出屋松鱗皆似畫繞垣山翠不知城

簾帷敞處清如水延入紅輪照藥鎗

宋介山錄其有感李杜詩見示次韻答之

科第當年無李杜大名身後與天長文章自古雖糟粕

富貴于人亦秕糠沈醉翰林曾謁帝窮愁工部也爲郎

布衣輸爾千秋業一卷新詩弔盛唐

別東壁鴻雪蔬卉

牆花籬豆繞吾廬就舍相依一載餘豈爲秋來見枯槁

定因人去轉蕭疎寒蛩夜送雙扉月羸馬晴嘶十箇書
亦有故園蔬卉在空江煙雨好耕鋤

九日涿州道上見紅葉

樓桑村外路倭遲何處登高酌一卮北望關山勞極目
南行節物繫相思菊花歸去陶元亮楓葉停看杜牧之
纔謝朝簪任疎懶西風吹帽髮如絲

罄陽旅舍 有序

南歸至罄陽予降辰蓋周甲矣音兒置酒遣王進
士孫同范秀才軟霄爲客而不令知也私作一詩

燕齊秋色送歸轅歌馬罄陽此一村蓬島煙雲空白髮

唐堂集 卷四十四 七言律詩二 十

茆堂燈火又黃昏撥予漫憶庚寅降對客休言甲子尊

有友勸酬兒上壽道傍小飲卽

君恩

和友人味灰

火候成來便退藏縱無光燄也飛揚蠟花夜落銅荷燼

獸炭寒消寶鴨香莫辨前身爲草木休論餘氣有炎涼

胡燒倘信昆明話雨灑風飄正不妨

又和味塵

輕風吹不上窗紗繡陌柯勞擁鉏車塵尾捉時空硯席
馬頭謁處總泥沙桑田杳渺蓬萊畔羅襪荒唐洛浦涯

悟得浮生徒袞袞紅無復問東華

送吳衷平令永福

山廣吉士改行人任
召見特授知縣

江城夾道看征輪曾在蓬萊作近臣仕宦三遷今出宰
馳驅萬里舊行人桂林風土無炎熱蠻洞耕桑亦苦辛
我十年前熟遊地需君爲政答 楓宸

曹諤廷以半涇九日桂杏竝放之作索和五首

尋常物候新翻却花信偏乘霜葉紅香豔互標三徑裏
暄涼併發九秋中金鞍嘶馬誰邊岸玉珮飛鸞何處宮
不及半涇風月好參差佳興一時同

看來非是登高節不見茱萸插鬢紅金粟花開風信裏

唐堂集

卷四十四

七言律詩二

十一

玉樓人醉月弦中肯教青女窺雙樹恰稱皇娥聚一宮
頃刻底須殷七七鄴園也與鶴林同

點染秋容成五色小山黃間上林紅人居蓬閣長春裏

花發鴻鈞一氣中近水樓臺榮老樹滿城風雨隔仙宮

請看九日繁華兆苜蓿闌干迥不同

君需次
學博

遙知色麗香濃處佳節高燒蠟炬紅幻境欲迴滄海上

化工偏到石倉中碧霄寒露爲春雨繡壤花村是月宮

從此好刪黃菊話重陽隸事少雷同

聚首闔山成往迹歸來不記佛桑紅白衣送酒忘秋杪

黃蝶尋春入夢中兩種後先交讓木雙葩冷暖合歡宮

日邊月裏齊齊放未許離騷花草同

陶宅故居諭盜筍者

誰昔園篁一一修柳樊常共此君遊多時已作渭川別
重到不成湘水秋欲養龍孫添百箇忍看玉版被三偷
辟疆好待檀欒影爾亦何妨爲子猷

送胡七孝廉二首

揚鞭又赴計偕車江左才人胡泰舒賣屋已無身外物
辦裝唯有腹中書黃金臺上能馳馬白苧城西好寄魚
爲向蓬萊問仙吏可因秋雨憶相如

兼寄張
考功

長安古意帝京篇詞采輕浮非所先策以言天資國政

唐堂集

卷四十四

七言律詩二

十二

齋爲治事本家傳東華車馬堪縻爵北關公卿解薦賢
身到上林親正健莫教心戀白雲邊

送葉進士子敬謁選兼懷顧曹二翰林

翩翩策馬上金臺驥足何甘百里才勲伐世從家國著

文章源發漢唐來入官道可行膏雨謁

帝名先引上台年少彈冠相慶日邊韶樂廣在蓬萊

顧小
匡編修葉業師曹
謬廷庶常葉婦翁

贈高查客次嘉蓮詩來韻

小湖仙句說嘉蓮逢著洪厓願拍肩幾社瓣香今未歇

翰林雙炬舊曾燃花邊雪月風三友詩歷岑王孟一編

昨過東臯圖畫裏半園秋水繫漁船

次韻答焦徵君

次寥秋意九霄多冷豔其如楓葉何通邑名山歸作者
浮雲逝水任經過隍中有夢徒尋鹿籠裏誰人不幻鵝
只合從君溝畎上同爲耕鑿唱堯歌

送朱初晴司訓高郵有序

予謂儒學職訓士而位府州縣下視若屬吏曷以作
士觀瞻宜優厥品秩與牧民者等

聖主崇儒興學汰異途用科目朝臣遂有條奏如鄙見
者格於部議謂師儒之尊以道不以位是誠一說也

唐堂集

卷四十四 七言律詩二

三

朱先生以名宿重望往蒞斯職殆以道尊者耶宜整
飭者士習也宜培養者士氣也未能滿被其習而徒
沮喪其氣先生不爲

江淮名勝古秦郵胡瑗同鄉出泰州後起千年臨學校
先生一席傲公侯臯比道重爲官守苜蓿餐貧亦宦遊
多少樹人培植事甕湖時雨養薪樵

葉員外洲若寄晚香唱和詩卽次集中韻代柬三

首

忠節垂名宇宙時後賢深繫九重思一矜奉詔聲華
滿三殿除官禮數奇天路風雲光舊業台階日月繡新

知莫因需次還高臥徒泛東籬菊下卮

伯氏精神老愈佳阿咸丰采燦如霞招邀夜飲蕉三葉

契濶秋風棣一花入覲便教僊爵去爲郎疊受寵綸

加好將著述名山手締繡虞廷傍日華前秋赴召時與君兄南田姪

起宗飲於龍潭若獨未至引見日除君蔚州守辭等改部曹

夢魂如在晚香天回首交情二十年赤鯉慣貽來海上

紅螺曾引到花邊乍驚霄漢瞻難及忽把英瓊喜欲顛

百里相思隔煙水叩須愁乏渡頭錢

登報恩寺塔

四十年前此一登江山依舊欲飛騰目精已眩洪荒外

唐堂集

卷四十四 七言律詩二

古

足力猶誇最上層金碧縱橫千劫佛風雲變幻六朝僧
凭欄指點陪京事東北松楸是孝陵

遊雞鳴山

平倚臺城俯後湖豪華千古入煙蕪井欄拭盡紅脂迹

雷火燒存綠樹膚衰草殿基秋試馬斜陽樹影暮啼烏

誌公久在香龕坐能辨紗籠袖拂無甲子歲曾遊此

王觀察沈使君郵示阻雨燕子磯唱和詩賦此却

寄

官舫揚帆轉漕時郵籤報爾去程遲江山六代留才子
風雨三春換好辭古寺撻雲人北望危磯壓浪水東之

鯉魚不少芙蓉幕兩地加餐慰所思

晤程撫軍次其梅花詩韻

白下濃陰綠萬枝牙幢來自皖江時
師門雨散瓊林侶客邸萍逢玉樹姿
剪燭夜明紅芍藥飲醪春滿碧玻璃
不因政績忘餘事翰墨風流是上詩

賦得雁點青天字一行次尹制府韻

舉頭晴碧現鴻文屬草天邊舊有羣
空濶秋殘客潑墨飛揚筆陣好書雲
風痕斜整訛三寫江影高低印八分
揮灑無多真跡在古來烏篆只傳聞

過吳閶呈宮保尙書高公時以督府理巡撫事

唐堂集

卷四十四 七言律詩二

五

閩粵演黔功績多重來江左徧謳歌

帝因鄭重絲綸出公以賢勞節鉞過
上下湖山皆保障東南風土正暄和
台星照近春申水亦仰榮光在薜蘿

謁海神廟在海寧縣正七年建

百川靈怪此朝宗龕楮潮來靜不洶
廣殿棟梁扶日月長堤木石奠魚龍
滄溟盛典貽千載禋祀新儀出九重
重井但幷幃西浙事安瀾餘慶及吳儂

浙督程侍郎索詠寶珠山茶

一株穠豔廣庭中裁剪輕繒出化工
幕府春深花似火寶筵酒煖樹無風
樓層不借臙脂暈猩血全欺瑪瑙紅

何待湖山呈物色眼前小卉象昭融

送林二編修省親假滿還朝

朝天一路引彤幃玉署仙人正黑髭
日永南陔華潔白風高北闕地深嚴

帝王道洽遭逢久

上命佐督賢王幕王薨仍命與閣王讀書

君父恩同

報答兼尙有維桑聞見事好因前席奏閭閻

六月

六月牀頭擁絮衾五更暴雨繼淫霖
乍離郡邑災荒日難測穹蒼仁愛心
屋漏沈沈穢蹟厚覓溝決決水痕深
露塗忍憶農人苦閒臥牛衣冷不禁

唐堂集

卷四十四 七言律詩二

六

送廖撫州

出守名邦記御屏新涼天宇正空青
西江爲政如秋水列宿之官是福星
治行馬班將入傳州民王陸待談經
已歌來暮迎廉叔畫戟朱幡去莫停

落葉二首

倘教樹樹皆松柏白帝其如閒曠何
天地有心翻氣候風霜併力到枝柯
乍添野色雙眸遠却減秋聲一夜多
危綠墮時嗟已暮疎桐消息早經過

蕭蕭木葉下江南著屐扶筇不可探
林外喜呈峯是九門前慵掃徑無三
丹黃隨意飄秋夢風雨同聲入夜談

寫出沈寥天一幅寒鴉枯樹白龍潭

幕府載酒泛西湖

有桃有柳六橋水不雨不晴三月天遠近萬簷花裏寺
縱橫千槩鏡中船賓朋歡洽傾蓮幕士女繁華映綺筵
耽醉未能探索徧且留餘興在山川

過臨平

臨平一路泛晴霞韶景西湖不較差粉黛春來船當屋
壺觴坐處水爲家天鋪紅錦羅桃樹地冷黃金鑲菜花
莫怪逆風行未駛老夫緩緩看繁華

贈黃山松

寓歸隱盆內黃山松高尺許委旁子
伴以卷石登之凡撫軍撫玩日是逢知

唐堂集

卷四十四

七言律詩二

七

已矣索
詩贈焉

小小虬龍蟠座隅紛紛蒼翠撲眉須移從軒后三天子
看作秦皇五大夫短鬣不聞風瑟縮孤根且與石撐扶
引人心眼塵埃外雲海微茫現一株

送顧小厓入都

蓬萊高處望君還楊柳春條此折攀一舸江湖朝魏闕
九霄風雨拜橋山重光運邁成康際舊學文垂史策間
香案前頭集仙侶丹心白髮肯教閒

醉白池

習香字

小憩桐陰坐幽廊一規鏡檻綠泱泱魚跳密藻深無影

燕掠平蕪靜有香農事繞籬分畝澹書圖隔水見村莊
釣磻漁選名流集風雅全勝古辟疆

過沂州葉郡侯出迓止宿賦贈

主人
顧氏
雍正間舉人為府
判亮之部城青之

日照等
縣屬焉

大邦拓地分青兗小國比鄰轄莒郛一鶚才高原過百
雙熊官久已經三

前任廣州鳳陽二郡
今又以知州晉都守郡路旁塵土慚投

談

青駝寺曉發

夜指鞭鞘朔又西羣山擁我入青齊草中疑臥北平虎

唐堂集

卷四十四

七言律詩二

六

月下似聞函谷雞露白千畦霏沆瀣水明一澗浸玻瓈
玉更殘夢何堪續撼醒車鈴與馬蹄

恭和

十月廿五日得雪詩六首

有序

乾隆元年十月庚辰

皇帝自

泰陵還宮越五日乙酉天雨雪雪且積毛詩傳曰豐年
之冬必有積雪可證今年之豐也夏小正曰農及雪
澤孔穎達正義曰明年將豐今冬積雪爲宿澤是又
兆明年之豐也

聖心歡悅嘉惠農事廼庸作歌體天象恤民隱大哉至哉神農蜡祝之辭帝舜南風之詩蔑以加此羣下誦和者盈朝臣留滯京都自惟從史官之後不敢因無位謝賡載因不才廢翰墨敬依韻成六章以符六陰之數譬寒蟲之號末山以聞歸跡耕耦謳吟帝力云爾

空濛雪景望中漫莫辨遙岑與近巒千里土膏俱入潤萬家煙火不知寒天花細剪明於水地鋪平鋪白似純豐稔何須添霰霖雨珠雨玉一時攢

太液波光白欲漫荷門山色翠無鬻人歌周雅能生穀

序堂集

卷四十四

七言律詩二

九

鶴憶堯年未訝寒

國寢孝思餘縞素雲霄恩澤下羅紉欲酬

帝力同深厚萬斛瑤霏到處攢

蓬萊鵲鵲曉光漫橫覽西山翠巒萬甸乍占盈尺瑞

堯心唯恐一民寒後覩百疊爐中火孔雀雙開扇上紈

揮灑

天章同造物霜毫落處萬花攢

喜觀瑤京雪意漫俄看積素冒川巒霽衣欲濕溶溶下

落地無聲陣陣寒月戶斧邊霏玉屑天孫機上織冰紈

化工端爲邀宸藻故遣飛花一一攢

圖將粉本望彌漫大幅天公寫凍巒廣野六花無雜色長安一夜有輕寒黃雲菴靄飄珠琲白地光明耀綺紈人樂太平供賞玩團圓兒女坐中攢

一色雲低四境漫銀爲宮闕玉爲巒三冬柳絮飄何早十月梅花開未寒車馬氣炎消霧縠關山望遠爛霜紈京華旅食知豐歲笑展雙眉不用攢

題勵少司寇竹溪冊

十年不見今司寇爲政雖勞興愈閒昨示竹溪詩畫冊如遊蓬島水雲間君於海澱標三徑我亦秦淮搆一山境地懸殊情略似相從紙上有躋攀衣園亦題予小山詩帖

序堂集

卷四十四

七言律詩二

三

哭曹掌科諤廷槐南歸

一樽契濶話蓬萊回首江煙鎖不開兒女尙貽婚嫁累公卿頓失治安才朔風吹旆歸何急舊雨憑棺哭盡哀我到京華成底事三千里外送君來

丁巳歲閏九月

得清字

秋到今年節氣遙重陽重遇在今朝唯誇白首七旬健誰信黃楊一寸消西郭雲山稍凜冽東軒萸菊尙招邀好從故事添新事月令幽風註幾條

次韻答林太史二首

春水門前滿一渠遊絲白日最舒徐閒聽燕語依紅樹

忽捧鸞牋下碧虛古道敦崇由翰墨故人淪落但樵漁
憑君說向蓬萊侶新署頭銜號隱居來詩廟堂莫道無知已相見時時問

把翫新詩遍杜陵日斜吟到夜窗燈雙雕句裏溫如玉
一片心來潔似冰朱郎懷人今日少白頭應詔去年曾
歸來久廢陽春和只解行歌葉麥勝

戲詠危危日俗以是日記財神可獲財

豚蹄猶可祝汗邪詎吉明禮望更奢上直五連元武宿
下逢八次建除家告虔語秘錢神享飲福筵開酒伴譁
在昔良方人未試聖門淵憲一咨嗟

唐堂集 卷四十四 七言律詩二

主

賦得小山叢桂

淮南招隱成千古雞犬乘雲去不還剩發幽香來木末
併依卷石落人間一邱一壑誰家樹秋月秋風何處山
底向王孫訪歸信但攜吟侶足躋攀

放眼

放眼秋空橫大荒水痕山影天中央四百八十有殘寺
三萬六千無醉場楓葉江南落夜雨菊花何處開朝霜
搔來白首不作達孤負碧翁延命長

讌會飛鴻堂賞梅

老梅玉立似神仙新結留侯世外緣改闢園亭香作海

選選賓客醉爲天况增萼綠成雙樹不到飛鴻計八年
莫悔西谿頻負約君家封司寇公屢招徠西谿觀梅今歲上元前又約願侍講同行俱以路
送王侍御省親假滿還朝

送王侍御省親假滿還朝

聽馬驪駒出里門斑衣豸繡總君恩槐堂勲伐能繩
武柏府謨飲在政言舊雨競吟紅藥句離筵偏負綠醪
尊句葉盛放招客尚期報國乘年力台斗輝光照故園

章氏節烈詩郡人于野章公曠宦楚明亡勤國事節守難陳氏巴陵人以烈殉公之孫進士繼緒徵詩送詠

湖南盡瘁殞軍門史外猶傳軼事存戎馬一家雲影散

唐堂集 卷四十四 七言律詩二

主

關山雙寡月華昏令妻歷險全遺腹貞妻沉淵泣斷魂
巾幘年深潛德在詩云有穀定詒孫

唐堂集卷四十五

華亭 黃之雋 石牧

五言排律一

和元微之會真詩

瑤房隔綺櫺一片碧紗空人面誇桃豔天心愛月朧生
憎單宿鳥不鼓斷絃桐妝粉宜晨露髮花怯晚風詠謝
嫌女伴扶掖仗娃童浴起煙光濕毬回香雨濛身材輕
舞燕首飾重盤龍屈戌填文蛤翠恩落彩虹地連雲夢
浦人似廣寒宮何處春將暮相逢日午東馬嘶當戶立
鸚語入簾通姿勝隣家宋名高吳下蒙俠斜爭瑟侶輕
唐堂集 卷四十五 五言排律一

薄綺羅叢鳥恰金釵挂黃衫珀釧籠婢波留意轉脂肉
近人融解珮憐腰弱遺簪見髮豐芬芳蘭作氣綽約雪
爲躬共命棲原竝同心結不鬆情非年月劃盟豈海天
窮卮酒歡相儘更籌恨易終爐灰消此夜燭炮鑿微衷
明鏡朝朝合交窗處處同裙腰描翠鳥釵股刻青蟲繁
夢睛初灼韶陽曉正暉三生訴牛女兩願矢衡蒿荷嫵
時教黛啼痕不待紅永言顏似玉竊笑首如蓬勝事傳
秦鳳閒情賦洛鴻連枝千歲長比翼九霄冲漫潮人間
樂風懷一夢中

雪中紀興十六韻

不覺簾櫳外瀟瀟浙浙零斜飄柳絮白薄綴蘚垣青澹
蕩紛交影輕微靜可聽巧窺檐隙進軟逼硯坳停冰墨
浮相軋霜毫運未靈芋煨聊近火酒熟好傾餅乘醉籬
根立衝寒橋外經同雲黏海氣朔吹斂人形鉛粒彈鴉
叩緡竿釣鯽腥帘低村黯黯木落野冥冥霰急穿袍縫
泥僵響屐釘梅疎誰氏圃花發舊時馨折取愁還笑歸
來凍又醒閒情鎔水掬高臥板扉局枚馬梁王苑封胡
謝傅庭古人無復作賦詠付滄溟

詠漢高帝得甯字

建國封由項稱高史諱邦給人錢滿貫賈姬酒平缸沛

唐堂集

卷四十五

五言排律一

二

邑金戈奪鴻門玉斗撞蛇分戕白帝驢逝殞烏江屠販
騰騰起髭點戢戢降蕭何功第一韓信士無雙排簪家
庭禮歌風鄉土腔已殲羸氏鹿徒吠蒯生龙貌謝闕氏
豔斜驚綺皓麗羣雄盡刀俎百戰老麾幟宦者君王閭
夫人兒女窗豈知炎漢鼎險被野雞扛

丙子歲七月二十四日紀事

襪被將之郡申江廿里達狂霖愁逆旅濁淖隔朝邪欲
濟橋梁斷無人舟楫稀風波何可出道路不如歸咫尺
蓬萊步盤澗截曲碕那能不厲揭一似失胼胝處處衝
風起荒荒野渡圍蛟龍疑蹴踏魚鼈在幾希吳影家龍

到餘痕露未晞樹何眠柳圃波尚噴柴扉入戶驚微瘳
泥軀獲請讖生平誇破浪今日苦褰衣蔬茗茲聊慰風
潮昨太威秋空喧草木屋漏開屏幃急雨拳爭下陰飈
刃亂揮杜茅供盜竊僑棟壓危機壁作泥龍動瓦爲石
燕飛吾廬猶未也出事已全非豆莢紛搖落棉蕪失據
依何曾遭歲稔料得又年饑鄰邑聞漂蕩天殃豈細微
藉根王衍黑水面屈原肥災異嘶秋夏公卿費禱祈吾
詩傳碎瑣未敢獻 皇開

戊寅歲七夕

禁月七夕事實

天氣尋常轉人間作意憐時欣三伏過節占九秋先白

唐堂集

卷四十五

五言排律一

三

帝乍停蹕素娥將上弦單衣猶耐冷團扇未全捐此日
坤爻外今宵月令連空庭無宿物薄暝出輕煙螢火青
初老蛩音澀漸圓佳期風雨遲良夜綺羅度俗語皆依
古深更共望天微吟耽露立屈指話流年

寄柳宣夏

勝國文明盛尊人譽望賢雲衢方貴顯天步值屯邇公
子稱孤日零丁最小年榮華時已後騰蹕日相先澡雪
將心洗沈雄入道堅名因文苑著詩借翰林傳詩藻會借刻某
史抖擻龍門業蹉跎狗監緣霜鬢曾七戰綺藻益千眠
單闕當司紀童蒙欲授編謬傳覆說作就正運斤前曲

奏知流水神交悵暮天酉秋鍾阜側涼月大江圓同下
劉黃第叨陪郭泰船蘆中欣接武蘭譜許隨肩舊雨鷗
盟處扶風馬帳邊其徒人似玉亦已筆如椽暇日經過
蒲閣郊唱和篇一雙皮陸手五十玉溪絃與門人經
詩各五此道君超絕言之僕慨然機雲千載上騷雅五
其偏選政宗陳子章名流挹董蒼錢斯文近彫喪
俗學恣狂顛何日風迴古羣公墨鏡鮮倘能主壇坫鞭
弭願周旋

府學上督師張侯一百韻

碩輔秦關出通侯漢室崇世家傳帶礪王佐叶彰熊關

唐堂集

卷四十五

五言排律一

四

閱無雙績封疆第一功剖符綿

帝眷跨釜紹門風丹券垂髫守青衿奮翻猗揚登寺
棘拜手觀宸楓組綬皇都貴簪纓宦業隆交遊多
綦戟冠蓋塞街衢珠躡盈千履絲縫儉五總名騰三輔
內位轉八閩中

帝曰欽釐爾侯其念績戎錫韓奄受札命魯俾丁東蕃
國文兼武承家孝作忠輸轅齊步伐旣越起疲瘵坐鎮
唯麾扇行威僅折蔓他年瞻節鉞何日蒞愚情移鎮虹
霓慰隨車雨露濛建牙當泥濘分關對穹窿營汛全吳
松東南半壁叢波濤危出沒崖島蔽朦朧彈壓歸元帥

方隅絕內証坐看一渤澥吞若九雲夢耀野雙甄旆嘶
風八尺駢午潮鳴書蠹曉月照彎弓部曲能掣象賓僚
善發蹤蹶張流磲磳譁鉤走靈霞鳴露紅心的猩鮮紫
色絨羽旄翻颯纒環玦響玲瓏雪躍雙丸劍颺馳十影
聰斜陽旗尙繡餘氣鼓猶鋒給賞領牛酒歡呼榨馬酬
令行千里濶權壓百城雄顧念波鯨靜還教水鷁充金
戈明竿纜竹木綴艤艫樓櫓高衝浪旌麾彩射藻謀猷
該水陸韜略具纖鴻不數投壺祭何論坐樹馮指揮方
暇整學問益謙冲古帙堆盈架新篇積滿筒賦遵平子
法詩重曲江江花鳥環縣凡山川入綺櫳珠圓生咳唾

唐堂集

卷四十五

五言排律一

五

筆彩闢菁葱築苑延騷墨開筵列簋饌應劉才藹藹枚
馬韻泚泚華屋紛蘭蕙雕梁豁蝦蟇南皮嘗客滿北海
不樽空驥驟歸金埒參苓貯藥籠才情標爛漫文酒荷
解懷雅度羊開府奇姿郭令公賢勞修閭制令問徹
宸聰錫予頻先後褒書悉始終顏非違咫尺身實慶遭
逢曩昔邀臨幸神人泯怨悵幾年遙輦轂昨歲在
蒨蒙杭慨南巡奏精誠北極通天心思一顧海角
仰重瞳駒從珂爲勒龍船錦作篷黃江俱御覽白
亭構行宮講武欽侯度觀兵悅
帝衷雨余春萃律三洲書泚泚細柳軍容整長楊獵事

同東都誇帝島南國驗葭蓬雲幌花鋪繡星橋藕綠銅
六師瞻赫奕四壯壯車攻小郭葩爭麗晴原雨不茅呼
嵩喧郡邑就日闔耆童不意居江左何緣覩

聖躬邦惟推柱石道乃訪崆峒投契魚逢水來遊鳳集
桐載歌追紉纓既醉答昭融密旨情逾渥覃恩澤最洪
千秋榮此舉萬口頌無窮遇主何須巷市中定是崧甫
尊刊召穆星宿肅邛彤彤史簡毫類泚銘碑石費礪豈唯
麟閣重况有鳳毛豐琪樹抽靈葉神駒拂異驥瑤章高
賈董蕊榜著岐鄴月殿看聯跡雷門儼衆聲翩翩堪說
驥枻指可歌金德澤存元老祜祥及幼种一門紆紫綬

唐堂集

卷四十五

五言排律一

六

百福降蒼穹祿已彌滄海年應匹華嵩風光晴浩浩草
色暖芃芃淞水三春滑桃花二月烘儲胥煙燧隸桂桓
日瞳矚紫氣來函谷丹霄謁梓潼兕觥浮盎盎鼙鼓考
聲鑿鏡吹青油幕霞漿碧玉笛東方桃蕊何西母鶴褭
氍毹海市呈琛貝江鄉進韭菘槎逢銀漢女石迥穀城翁
博望頭猶黑留侯頰正紅鰕鮑羅妙候絳樂奏嬌儺覲
商人爭祝鯢生質甚稠下材慙倚馬上壽有雕蟲獻曝
何辭賤歌風竊效矇籌應添浩淼嶽且望龍從庾亮樓
觀月韋臯席飲虹金甌行內召勅酒特勿勿
呈陳宮詹一百六十韻

門第高於越家聲重有嬌 盛朝經術貴端尹碩儒宜
獄降神靈毓星占世澤詒挺生出夫子異稟送宣尼二
酉咸津逮雙丁早氣劇珠胎含煜燭錦樣織成蕤策對
五雲現臚傳一甲推人看宮蕊擁名壓榜花散賦纓紅
羅綬軒翔文杏檠翰林棲鸞鸞丹地茁珣琪李白長庚
化藜青太乙持炬蓮朝春賦汗竹史裁祁視草皆華袞
摘文必色絲金聲頻擲地鐵畫况臨池桂觀揮秋魄蘭
亭揭午颺 宸衷賞燕許墨蹟纓絲義苑兼人妙經
筵庶績熙詞言難罄悉紀略只豪釐甲榜需分枝辰闡
顛切惻得人稱玉筍爲國邊瓊枝水鏡公何洞金鑾

唐堂集

卷四十五

五言排律一

七

帝曰咨前秋嚴貢舉中夏重邠岐銜 命山行鄧衡文
水辨淄此時題雁墻不媿獻虬堦前後珠收網分明鐵
引磁量材真玉尺買駿故金羈彩鳳歸萼華華蟲助翼
爲麟臺家學遠鶴禁國華滋望重由敦琢文昭信羽儀
署榮蘇易簡官美沈佺期內直尊供奉同班服講師賢
勞 優詔答休沐 賜書披 時告終養奉 旨 默錦加
新製魚緋返舊舊苗娛親歡舞舞綵攜幼侍含飴寶樹紛封
誥靈椿極壽祺季方腰組艾小阮影華芝入享天倫樂
行搜名勝奇諸山千翠遶碧海一痕瀾秋靜樓聽月春
深檻問鸚聊從泉石趣偶憇廟廊姿謝傳調絲竹山公

原缺第八葉

世態薄於絺頓欲成窮窘渾難脫險巇鯉趨庭已闕雀
訟屋幾隳胯下魚腸賤拳邊雞助危閭閻叢外侮門戶
遽中衰歲稔生涯薄年增學問虧牛衣陪粉淚魚服困
泥肢塵甑薪炊玉蕪田豆落其饑寒侵未免昆弟助無
貲夜壁啼蜻蛉春林叫子規難圖羊角運久被免園羈
秋雨香奚採斜陽蹇怕騎白門空五踏黃卷只孤帷鬢
點安仁素容添季子鰥愁腸付毛穎出口仿湘纍詞意
哀如訴朋儕見輒嘗悽然投篋衍憤欲走天涯此念頻
年積偏嗟往歲癡春王暄海宇

天子狩江陲吳越謳斟雉元劉 詔探驪 行宮差甲

唐堂集

卷四十五

五言排律一

九

乙 御覽定崇庠曲藝趨爭獻纖長括莫遺翹材親輦
轂扈蹕侈旌旗衆競誇梗杞臣時臥萊蔬末由生羽翼
端合瘦容肌自恨談留滯人輕廣數奇繫匏形伴影伏
櫪泗交頤意緒煩無奈文章謝已而擬耕紅葉隴往釣
綠楊坻笛譜吟孤櫂蔬經灌一籬蒿蒨秋放憤槐火夜
烹雖儘可鄰蠶女何妨混馬醫偶同蓮社譙話及雪堂
廬赤壁人爲鶴黃州友是麋兩篇留撰著千載耐吾伊
有某新攜帙何人巧費剗帖摹因孟頫字集册徐基
宗頊嘗集趙文敏 赤壁賦帖爲詩文 鸞毳紛紛碎麟屑細細務喜爲拈翰
墨戲與叶垺篋優孟聊詠楚無鹽敢突施雕蟲違壯志

拆線愧鴻鵠雖破批把盡終成枯葉疑不圖珍敝帚未
許覆殘甌繕寫方供索鵠鏡頗入時板行隨驥尾痴嗜
有鴟夷識面尋張廌逢人說項斯大賢欣聽納小子荷
新知觸撥憐才念包羅得士資昭先求郭隗轍許見韓
琦桐煨琴留爨茅枯酒待醺雁門邀束帶濠汜迓車綏
譬彼岱宗盡奚辭培塿卑又如滄海巨亦引細流漸垂
珀惟黏芥傾陽竊轉葵躊躇搔短髮感激然吟髭行李
裝欄具家筵餞屢屨菊畦黃晚萼葦岸白初曠村曉催
登舸風晴午解維江頭漁網曬洲尾估舫炊破浪過長
水揚帆出禦兒柳妝消黛綠楓頰燕支古埠人煙輟

唐堂集

卷四十五

五言排律一

十

寒藤雉堞垂星雲瞻里第山斗接英者履已三千躡謙
尤六四擣地高探响嚶天半識峨嵋御李心懽洽依劉
跡附麗從師容北面結客盡南皮四十飛騰及孤單老
大悲自憐相見晚始悔進修遲鈍鐵歐煩鑄神鍼鵲與
治範圍攻厥短器使恕其嫠剪拂銷淹恨吹噓療朔飢
豈徒私被澤尤望溥流慈莫戀東山臥行爲北極毗
蒼生思旦爽絳闕待臯夔拒壘釐尊占鹽梅劑鼎彝
金甌三殿卜主鉉
一人仔餘潤霑何限連茹拔可斲願撫毫髮力爲纂股
肱詩

上學院蔚州魏公四十韻

楓陞崇文治槐卿作士模一門紹濂洛四海仰韓蘇輔
世真元老傳經有大儒鯉庭親授受鹿洞繼撐扶炳蔚
騰文采精微咀道腴白華勤奉養丹地亟相需君與親
兼事忠移孝作孚南陔承詔出北閭奉恩趨風度
凝仙仗輝光繞御爐講筵譚伏鄭家學闡程朱橐筆洵
無敵掄材定不誣孫敷知駸駸薛勣相昆吾

帝曰衡文者卿其司命乎瑤華映南國金箭采東吳偃
札風存否梁陳俗汰無所宜開後覺藉以答訐謨夫子
恭膺命天心慶合符春風攜玉尺秋水坐冰壺在

唐堂集

卷四十五

五言排律一

十一

在施時雨人人握夜珠甄陶唯矢慎校閱不辭劬報國
羅襪杞培才拔顧厨大江亘南北不變在須臾氣習迴
隆古風聲範一途琢成皆美玉雕刻到枯株雋也生逾
晚朽然業最蕪飄零同野鶴局趣本轅駒前歲瞻山斗
初冬蒞海區校文先授簡屬賦又操觚彌愧才華劣連
叨賞鑒殊鏤銘深五內服教悟三隅桃李花蹊邁參苓
藥籠輸三春重月旦四郡集雲衢第一仍標牘無雙恐
濫竽提撕思面命辟咎奉傳呼絳帳光風拂青衿化澤
濡竊聆松塵近親炙杏壇俱名語書諸帶鴻恩繡作圖
尊嚴邀浹洽惶悚立踟躕敢不勉如黽渾忘鈍若驚寸

丹傾穎墨依戀謁公召之雋與宜興儲大文金壇王步青長洲惠士奇陳世倌蔣恭棨入謁於澄江公著獎勉倍至翼日上此詩

賦得杏花春雨江南四首 有序

夫化工實渲染之師大塊以芳華為主豈徒香艸足繪平川奚假豔陽才宜韶令一林柔雨裝成嬾嬾之天兩岸輕紅卷徧翻翻之地而當之寂寂花且笑人對此茫茫春其去我于是東山重望南國勝流或因霖雨以寄思或感瓊林而託興借拈舊句分擘新牋濡毫則郁郁生香潑墨而霏霏欲濕嗟乎物在春中詎分稿潤人逢花候最別歡愁情或綠境而移音定

唐堂集 卷四十五 五言排律 三

由心而發譬諸濯錦羣公之麗製何多例以啼鵲賤子之荒言亦出

二月輕陰合連江染物華空濛數點雨醞釀一時花岸岸飄香靄村村濕絳霞枝酣鳩入夢路賸燕迷家水氣黏新碧帆痕滯遠沙長安紅杏好只是在天涯林霏不作霧灑灑化工新著樹如酥漸臨江入畫勻枝妍偏洗色泥輒欲消塵放噴煙中影啼鴛霧裏身一川芳草暮十里板橋春駘蕩情何極花時最憶人春樹紅無賴輕寒欲渡江凝陰作香雨吹濕到花樓羃羃塵漁家屋模糊佛寺幢麴塵經霧洗脂萼帶風降林外

偶聞笛樓中誰倚窗六朝裴殿事付與蛺蝶雙

冥冥花氣重煙雨遶春潭平楚光微暖遙林色半酣酒旗流水外金勒書橋南薄暝迷阡陌寒苞蘊二三蛺蝶隨深巷賣人學問江探漫說晴逾好霑衣興亦慙

登北固山望大江

江水白泱泱愁來不可量登臨皆往蹟憑眺復斜陽揚子東南下金焦左右當此間真地缺從古作疆防西去連三楚中流集萬檣不慙雄禹貢應許霸孫郎梵剎峯頭隱漁帆檻外忙樓招風勢急塔隘日痕涼渡浪山無樹驚濤寺不牆石存想吳蜀魏石孫權與孔明共坐謀曹操處陸游入蜀記云石

唐堂集 卷四十五 五言排律 三

今不存寺僧輒鑊去感蕭梁梁天監中甘露寺有二鐵取一石充數鑊容五十石今不存久矣瓜步千重翠承甍八月黃秋來猶過客家近已他鄉鷺鷥渺何許關河悲未央無慘凭北顧搔首立蒼茫梁武帝此山改名北顧

吾生四十韻

吾生不自立容易別江南官舫依人住奚囊借僕擔路隨秋草熟籤記水程謫浪穀黃猶沸楊絲綠不苑逆風行似蟻悶緒吐如蠶弦望曾周匝關津已二三逶迤河北去落寞客中探白葦低漁柵黃花冷衲菴塵汚牽犢鞅腥撲賣魚籃對景萍同汎言懷藥自含此宵虹暈碧

泊處水探藍人靜開篷艙秋清到枕函蟾輝飄素練雁
影落寒潭感觸情何極生平憶不堪蒲姿零怕早蔗境
噉無甘世路成孤注家儲乏一甌命難醫願領髮已墮
鬢髮鉛刀何當割疲驚不可驂半生徒苒苒百卷費誦
誦忍草裁應徧愁城戰未戡身輕花賊蝶歲歎木奴柑
筆硯荒耕稼圖書拙校勘青雖逢阮籍元肯授桓譚祇
被飢驅慣翻疑旅食生宜爲噲伍軍豈與髯參累百
從人薦無雙只自慙蟲魚聊注郭龍鳥未通郊決起籬
籬鷄沉埋文字蟬愛因東道雅興始北遊酣淪落鄉關
棄樓遶道路耽夢歸頻夜浦目飽有煙嵐客至皆傾蓋
唐堂集 卷四十五 五言排律一 古

呈樊司業三十韻

西蜀樊夫子成均有課程春風多士彙廣坐六經橫翼
北今空馬川南舊跋鯨舞雩源聖學魁紀幹家聲萬里
題橋至羣公載酒迎藜常分太乙星本作長庚翰苑推
坡老文園歷長卿日深 楓陞春秋主棘園盟嶺嶠看

龍躍炎方聽鹿鳴冰壺眞一片水鏡得雙清上考 天
書獎中間畫錦行碧雞新第色白鶴故園情縱喜東山
臥誰容北垞耕會當將膂力重以答昇平館閣延英起
文章敬業成 著敬業 堂藁 臯比申簡命膠序奉持衡何幸雷
儋士頻邀月旦評梗枻饒拔擢梨棗發鏗訇陸賈行猶
暫昌黎化未宏如公超往詰爲國播文明籍甚盈朝譽
哀然稽古榮署冰方炳虎雖壁佇遷鶯望重司成佐風
行國子生論文過張籍薰德駕陽城負笈思瞻岱環橋
仰步瀛彬彬皆胄子落落一吳儉旅進虞庠列先容爾
刺名遊應慚汗漫才敢闢崢嶸腐芥人誰拾焦桐世所
唐堂集 卷四十五 五言排律一 五

輕膺門登在咫盤辟抒葵誠

唐堂集卷四十六

華亭 黃之雋 石收

五言排律二

粵歸至衡州遇呂丹錄適粵

三載相聯濶相逢尙故吾明知書簞賤未忍硯田蕪世
豈無功業天能困我徒洪鈞遠范冶壯志失泥塗回首
南州榻論心東海隅忘年隨老鳳知己策疲鴛小技頻
邀賞狂言亦有愚青雲同有約絳帳互相須爲客飄如
梗依人遠入都陽羣勞夢寐魚素託江湖南北雪陰隔
關山月色俱秋風摧疾隼舊雨憶盟鳬歸去誠何益饑
唐堂集 卷四十六 五言排律二 一

來又欲驅川轡雖麗峭意緒轉羈孤幕府雙轅肅蠻天
萬里殊犬書遙白苧僮語接蒼梧越鳥求其類南鵬望
爾圖豈期君適嶺偏值我還吳事迹如相避離悲信不
誣素心千古託翻手兩人無簪盍崇吾道帆飛出此途
水寒浮鷁聚風急遠鴻呼舟楫停因暫寒暄語不拘那
能傾蘊蓄相與吐須臾改業予爲圃來春詔赦租逝將
親犢牧非以例鴻儒弧矢男兒願篇章盛世需驥寧甘
櫪老蟄本待雷蘇上舍明經擢高文大雅扶及門真玉
筍開府况冰壺行矣遊誠壯懷哉計不迂他年整車馬
雲竇訪潛夫

粵中送丹錄貢試先還江左用前韻

又向天涯別春燈剩照吾雨窗頽翠黛花砌長青蕪幕
恐無者宿筵應散酒徒寒暄非故土出處悵殊塗我僅
遲三月人先各一隅絕塵爭說駿戀棧可知驚怪底思
歸急君言作計愚遙臻不自主刻待肯印須羈旅原非
一從容亦大都貴遵連驛傳高隱託江湖彼則無拘束
斯寧與耦俱窮來身似蠧老去迹如鳬文字工罹困功
名小被驅壯心難久伏歸權不辭孤聞語增予懣謀生
登爾殊青衫耽草莽黃卷費枝梧西亦常時笑南從何
處圖只吟莊舄越相對阿蒙吳見說詩書賤由來命運
唐堂集 卷四十六 五言排律二 二

誣世情看更薄公道聽其無舊侶憐同病前程昧問途
一身嗟西老八口念庚呼堅忍鄉心絕倥偬試事拘闕
山輕往返前後隔須臾米長江東價田通昨歲租丈夫
慙作客妻子怨爲儒君或愁稍減家能備所需如予荒
舉積無計覓萱蘇去羨鞭先著行看翼上扶青雲防隔
面緣藉藉傾壺醉語忘卑瑣高懷恕濶迂尙期機葉渡
刻羽和狂夫

同人集聽雪軒賞牡丹得同字

心不同如面愛花心則同衆情歸國色尤物孕天工嫌
浣無施粉非羞亦暈紅穠妝三月畫豔采五雲烘却扇

宜金谷吹裾薄漢宮嬌來何待語香起不緣風亭倚楊
妃北牖窺宋玉東饒凝垂我輩濃耐答芳叢句脫清平
裏人團富貴中日斜猶戀戀春去莫恩恩是日三酩酊
聊相諱菰蘆未是窮花王吾一姓誰敢與爭雄

贈王冰菴太守二十韻

天涯依桂海人傑遇婁江問秩今踰七論才久莫雙淵
雲知墨妙黃綺驗睂龐舊雨來炎幕前塵話夕釭粉披
芸閣蠹花引杏園號取第誠如拾爲郎豈被撞阮咸旋
出守元稹得名邦署靜調羸鶴村安息吠龙使君甘宦
拙長吏未心降行矣棠留樹歸歟石壓艘邱樊尋鹿睡

唐堂集

卷四十六

五言排律二

三

濠濮選魚缸陳述諸侯笏浮雲刺史幢廿年棲渤海一
擢潮湘灕健不資筇杖豪猶倒玉缸洞門涼颺颺巖溜
響淙淙下走陪觴味蕪詞寫笛腔未諸檀板拍聊譜綠
衣椿蟲篆奚供採龍文許共扛真成華袞錫彌媿里言
唯從此忘羈賤明珠照客窗

贈叢太史五十韻

斗望崇江左星芒射嶺西文章蠻布織姓氏榜花題昔
步池頭鳳頻談窗外雞子亭春咏芍乙宿夜吹藜蕷燭
蓮爲距登瀛月作梯露華三殿潤日影八磚低廿載螭
坳直前年鶴詔齋 昌朝隆學校文教及蠻氏迤彼西

南土曾爲兵燹擠二曹曹唐曹鄭應汨沒雙柳唐柳宗
開皆仕亦塗泥俗以遐陬限風難上國躋 九重勞遠

顯五嶺迨相後不有儒宗往誰將學政提唯公如泰岱
前輩儼昌黎 簡命方推轂輶軒途駕輓遠辭鳩鵲觀
來聽鷓鴣啼粵右誠境確民居雜峒谿華風雖漸啓古
力未全稽公至能前舊人皆賴指迷衡材操玉尺刮膜
用金鑊械樸培薪煎茺蘭去蠹鱗有螟俱類螟是穀不
參稊刻意臺求駿澄心水照犀三年勤翦拂九郡費提
撕化遂行梧柳文堪勒棗梨穿楊胥入穀樹蕙總成畦
丕變何神也文明忽粲兮事同時雨速功與障川齊頌

唐堂集

卷四十六

五言排律二

四

溢輿騰口官清馬瘦蹄廉猶辭薏以明直勝玻瓈地靜
花盈解曹閒酒滿輓風流多掩映月旦有瑜倪舊雨今
開府羣星每聚奎筵前無算爵句裏競探驪賤子叨賓
誼頻年託旅棲芙蓉慙佐幕桃李願成蹊雲路郵程阻
天涯客思淒稻梁羈朔雁水草戀山麋桂苑枝難折芸
編手罷批雞林誰問賈驢背任從奚幸值邑憐榮相逢
阮識嵇所嗟持布鼓未解唱銅鞮元禮龍曾御孫陽驥
欲嘶過蒙瑤翰錫兼荷玉樽攜洗硯磨鵬眼焚香馥麝
臍涼颺初瑟瑟秋草尙萋萋終擁今晨帳沙填異口堤
遙瞻霄際鶚莫忘澤中鰈萍跡無長遇芝肴有暫睽秣

陵欣密邇問訊到耕犁

上李蔚州三十六韻

山斗今誰屬 昌朝有鉅公
楷模推日下 闕閤植雲中
仙李門何廣 靈椿秩已隆
國華資鼎鉉 家學紹箕弓
庭鯉傳經鳳 班鷁接武同
名賢宜濟美 夫子最和衷
自昔池翔鳳 翩然陸漸鴻
史長班掾敵 文陣賈生雄
連炬迎宵紫 花磚映日紅
冰壺心自潔 水鑑物難朦
三楚司文命 千秋振士風
網才皆屈景 碑德徧雲夢
感遇柯亭竹 騰聲玉陛楓

帝心勤胃子 師道選臣工
特以司成簡 欽哉國學崇
虎居堂集 卷四十六 五言排律二 五

皮譚與隴塵 尾發盲聾澡
雪詩書潤甄陶 禮樂攻挹之
真渤解仰止 卽嵯峒 端尹新
躋位成均 素效忠 寵綸榮
再錫纍印 綰雙銅 事爲兼人
攝材因肆應 通鹽梅 期巨
暮薪標託 初終時雨 仍函文
春風在澤宮 四方星聚井
五色氣成虹 桃李門多樹
參苓藥滿籠 士皆囊穎出
人敢濫竽充 小子樊中鷄
平生繫下桐 十書貂已敝
萬卷蠹無功 苦志追淳古
甘心守愿侗 孫陽雖冀北
羅隱只江東 慷慨空題柱
飄零似轉蓬 所難針芥合
未信羽毛豐 杖屨從元禮
塵埃媿阿蒙 不圖憐屈獲
極意獎雕蟲 小草栽培切
洪鈞氣象融 願爲申甫誦
末席賦高崧

賀勵滋大新婚

閨閱生才子 蓬瀛締好緣
佳期金榜後 喜氣玉堂前
翡翠千重蠟 猊狔百和煙
地衣堆錦繡 簾押掛珠圓
韶麗春三月 榮光尺五天
百花菱鑑裏 雙燕杏梁邊
鳩鵲連東第 大司冠賜第
在厚載門內 蟾蜍即上弦
婿初開屏深奏曲 却扇敏題牋
豈暇宵聽漏 何妨日過磚
甘唯同夢好 嫵以畫眉傳
十綵芙蓉褥 三漿瑋瑋筵
成雙星漢夜 第一綺羅年
年十八同 館中 池與樓俱鳳
冠將鬢共蟬 參差吹侍女
跳脫贈神仙 紫府瑤爲樹
紅窗炬作蓮 才情宜宴爾
風采故翩然 樂廣清名合
家崑崙蘇環世 澤延青雲叨
其居堂集 卷四十六 五言排律二 六

路爲賦好速篇

恭賦 御製清和助麥秋

月令初行夏 田功肇有秋
飢風吹隴畝 佳氣長來薊
中呂寒暄協 純陽景物稠
雨岐隨地秀 十斛待天收
晝放輕花妥 晴搖疊浪浮
旣嘗需錢鋪 餉薦滿甌窶
歲以金穰驗 農於火旺求
雨賜知 帝力豐飽贊神庥

賦得春暖萬年枝

化日舒長景 恩光浩蕩天
物華開草木 霽色散雲煙
上苑青陽裏 東風綠蔭邊
融融知煦嫗 霽霽見嬈妍
香縹花成錦 晴薰柳脫綿
遊絲春影細 芳樹午陰圓
璇晷占

三月瓊柯字萬年蓬萊佳氣繞閭闔絳霄連暖律時賜
若神皇望鬱然太和蒸宇宙梧華作歌傳

丁未歲三月一日恭謁

孝陵

景陵

齋沐明星夜趨瞻喬木間 園陵瞻咫尺宮殿聳幽閒
龍脈蟠千里人煙繞百闌東連馬蘭峪西拱鳳臺山

二祖昭明在羣靈擁護還重熙功德洽實錄典謨頌積
系天謀命經營后克敷昌圖綿 國紀大禮展朝班獻
瑞著莖緝承恩栢露潛萬年遵化縣雙闕石門關虎拜

唐堂集

卷四十六

五言排律二

七

虔無語烏號愴莫攀百僚思厚澤誰不淚潺湲

二日陪祀

景陵時以河清祭告

天高地逾厚 陵寢此中閒

神爽臨如在於昭洵赫哉京畿三百里氣象萬千來禁
鑾森嚴立岡巒飛舞廻橋山藏劍履玉殿掃莓苔馬汗
嘶無事龍輦墮劇哀八方餘過密五載望崔嵬舊德羣
工慕 新綸大禮陪

聖朝超萬古嘉瑞協三才竟使黃河溜全無濁浪氾泥
沙忽澄即冰鏡與潌洞

帝曰苞符錫天因燕翼推

景陵馳祭告

皇考夙栽培敬授 親王策恭持 寢殿疊班行盡鵲
驚趨走及駕貽松栢青霄上階輝白玉輿駿奔依日月
像設炫雲雷地迥清如水林深淨不埃禮成臣肅退心
戀馬遲徊回首瞻何極同官莫漫催

張珠巖邀飲園中看紅葉同遽上人

隔水明鴉日始知霜葉侵風吹幾片落日照數層深紅
近花時眼圓生江上心坡陀餘蔭綠略約半溪陰樹有
僧堪書杯逢月尙斟醅顏兼暝色扶醉出秋林

唐堂集

卷四十六

五言排律二

八

七松草堂三十六韻 明人所築戴狀元曾購爲別業有桃源荷池珠枕亭看山程秀才曾直居此

魯直邦之彥人文著谷陽擇居五茸里占勝七松堂松
僅存三樹堂仍擅一方首春遊有約立夏願初償往答
懷中刺因浮郭外航風薰江蕊活日炙岸蕪香蝶際晴
相引鷗邊權不妨到門衣翠滴入座茗煙涼卉木繁無
數圖書僻未詳桃花通別塢珠枕隔重牆遂上崔嵬閣
都由窺窳廊看山雙眼淨排闥九峯蒼此地無人擾唯
仙與鷗朝覓餘緣放悲遊劇更相羊繞步池盈畝通潮
水蒲塘遠意饒菡萏鏡檻逼瀟湘惜未逢田葉無從摘

露房護籬編細槿環沼長新篁搔首植藥側摠心略約
旁榮阿賢者隱風浴聖門狂時則宜經濟君何尙卷藏
卦寧肥作遜年况仕方強毫髮談無憾形骸跡共忘咄
嗟羅几席傾倒晉壺觴琬液頻頻銀絲一一嘗合歡
殊路訂懷舊轉蒼茫此日吟哦處當時歌舞場後來雖
難追前去已滄桑額寫王貽上詩傳戴丙章又經三易
主不過十餘霜剩有名區在宜乎雅士當麻源斤竹澗
更清輞川莊林壑閒爲福詩書發必昌最哉情話久行
矣詠歸忙殘醉攜紅藥斜暉挂綠楊舟移回首望縹緲
水雲鄉

唐堂集

卷四十六 五言排律二

九

晨起

晨起坐前軒吾心靜裏尊生機滿天地樂意在邱樊重
露簾旌濕輕寒篆火溫曉煙開昨景曠宇出初暎偶見
一花落遙聞羣鳥喧盆鱗紅躍藻砌蘚綠侵垣賓客罕
相訪兒童無所言已安情澹泊稍遠俗囂煩類面窺銅
鏡烹漿注瓦罇閒生塵外想懶向紙堆繙守道忘衰暮
爲儒悔情昏詩書紛內美聖哲迥眞源老眼三千界春
風廿四番陰陽行有跡日月逝無痕夢不公卿見形同
木石存太清消滓穢虛忙息攀援伏擬甘違世張羅幸
閉門拙雅崇古處窮亦荷 朝恩井汲澆欄藥厨饗燕

樹根空明朝氣醒流轉夏陰繁灌莽從吾好榮適矢弗
諉底須餐相實只待長蘭蓀鳩杖常觀化 龍飛初紀
元太平一聲叟俯仰信乾坤

試博學鴻儒科不成自紀七十韻

繼述逢

明聖初元設制科大廷勤汲引廣宇極蒐羅翺翺來圖
鳳菁菁集泚我都人千軌沓國士九霄摩鉅典光繩武
新儀燦 保和五題涵學海兩試瀝文河與蹟胸吞籀
纖毫指旋螺羣英咸賈馬佳句必陰何烹鍊金融冶雕
鏤玉切磋日華紅濫灩天影碧瑳瑳軍校森而肅王公

唐堂集

卷四十六 五言排律二

十

藹不苛茶傳中使梳櫛出太官鍋地迥精神眩秋深暑
刻煙雄姿方蹀躞朽質已婆娑昔夢醒何在頽齡出則
那溯懷良用緬縷悉不勝覲少壯書成癖浮沈命作魔
偶圖燕市駿迺鼓辟雍罷擢第衰遲及流光瞬息俄
雨朝棲玉署七載玷鑾坡碑影曾追李亭陰尙憶柯凌
雲邀 時眷染翰寡纖訛 日講絲綸接坊僚組綬拖
衡文閭嶠去陪祭

景陵過史局闌三管朝班厠五純淵冰慙醒醒深雪飛
嬋要拙宦頑如梗飛章巧中落含沙多痕瘡碎壁罕摩
挲削籍歸尋菊爲農學藝禾見鷗盟雨瀨麋鹿伴煙蘿

廢將荒調馬衰姬罷掃蛾鴻冥奚纂弋雉耿未罹囹帶
只初蘭蕙衣唯製艾荷峯環貧士堵谷繞碩人過以日
如增線而年似擲梭餌無徐市藥揮乏魯陽戈剩有丹
心炯徒添白髮曙

重華新日月肥遞舊巖阿草莽間皆起塗泥分久蹉忽
膺東海薦大學上猶恐北山詞文豈成翻水書難作壁

策癩乾偏嗜好灰冷欲噓呵良友紛攀柳清時勸發

軻轍因如火急冠途真纓裝遠舉身同鳥長征力仗騾

據鞍猶馬援遺矢未康頗顛接離階迹來唐紉纓歌

龍飛真浩蕩蚤負忘么麼隨例趨丹凡連名謁玉珂

唐堂集 卷四十六 五言排律二 十一

尙乘朝氣銳何減壯顏酖粉滑牋雙摺油濃墨一渦羽

陵書穴蠹孔壁字盤蜩芹曝傾心獻松雲逐韻哦賦成

斯足矣詩就不遑他薄暮當窗牖輕寒到恰華風高常

扇蠟月暗未升娥便恐眸生腎還疑體抱病江花才欲

盡祖雪意無多詎望金蓮撤空勞鐵硯磨戴星辭桂板

豪筆走阪陀息影寒山子驚心春夢婆且淹霜後柏待

長路旁莎裘趁蒙戎煖裝仍款段好歸江上櫂重理

收時蓑貫酒從蕉革裁花問郭耽隴頭聽擊壤水而看

飛塢鏡對衰容笑書逢老眼搓餘年隨磨蟻幻景任籠

鵝穩坐耆英社高吟安樂窩太平 堯舜日耕鑿候恩

波

詠庭中積雪同門人蔡虛二孝廉分奉九佳

冬日晴無力空庭任雪埋掃難施敞帚踏恐濕芒屨冰

彩欲迷路瑤華徒滿階陰陰成鬱積淺淺作鋪排一鴈

光侵甕雙扉冷入柴纖塵紅不染方壤白如指指堪

橫菊汚痕葉墮槐人閒寒匿影家遠靜縈懷絮已沾泥

賤茶非掬水佳誰知天雨玉拋擲此荒齋

丙辰歲除夕同林太史陳李二孝廉分得隆字

一夜星光裏俄成七十翁此行慙汗漫何處問鴻蒙榻

幸留徐孺賓常滿孔融硯功磨潘黑燭短剪煤紅騷雅

唐堂集 卷四十六 五言排律二 十二

吾軍張鮒籌列陣雄簾旌垂隱隱街鼓起隆隆旅思辛

椒獨鄉心爆竹通流暉催皓首陳迹感蒼穹五嶽遊應

逢雙親報未終兒女昏嫁已畢惟遷葬父母爲未了大事傾陽仍北闕詰旦

又東屋熙洽逢元祀飛騰仗數公堯階蔓葉盛吳會箭

材充舊雨長安陌新春太極宮祥開天影外律轉漏聲

中守歲無歸夢增年及侍重紙窗分宿火饒有讀書功

曹湛斯八十

碩果誰江左賢良方正兼謝莊皆人芬齒頰任助聖資毫

縑日彼邦之彥其人德最潛席珍儒行卓屋漏道心嚴

浩氣吞河漢仁風扇里閭書能倉積底才更斗量尖東

國人倫著南星天象占四門方 詔開十星正籌添鴻
案松漿供夫人萊衣柳汁霑會試徵君花滿幄高士竹
齊簷聞此勞山仰何時慙斗瞻遙紫芝曲央鶴寄蒼

籬菊十六韻

白帝軒猶駐黃華蕾尙絨預圖繁老圃作意映秋衫嘉
種敷榮獨羣芳息影成黃應慙瑣碎楓且避蘿凡流水
方盈谷登高不到巖一籬渾欲放三徑肯教艾擇土棲
圓盎移根託短鏡精華明自鑠鱗甲細如嵌國色枝枝
染天工葉葉劍神仙資口實隱逸署頭銜法製漢宮酒
唐堂集 卷四十六 五言排律二 三

賦得春風扇微和

東皇施囊籥花信幾番催凍意溫暾解雲陰蕩漾開過
林禽語出著地草痕迴寒不妨吹面輕如欲拂埃未聞
聲動竹稍覺氣熏梅酒旆搖猶暫茶煙颺亦纔水邊隨
蕙轉柳下煦人來日聖時風若鳴條安用哉

廣東王臬使書至寄酬三十韻

南海封疆遠西川人物高 九重新簡命百粵古城涼

聽訟姬家吏明刑舜殿臯政唯溫肅劑權不史肯探風
俗歸醇樸猗猗鑾磬還珠合浦孟運甕廣州陶同歲
登瀛者推公命代豪朝班先歷試憲節每賢勞歷節出
爲湖北安徽於此平持臬爲邦速建旄三英之子豹五
緘大夫羔退食娛細帙懷人到緇袍葛紗鮫室紡蘭段
貝宮縹封越關河寄榮逾華袞褒樹香山女摘坑石水
工撈贈列烏皮几珍同金錯刀名卿降綈紵野老媿瓜
桃書喜天邊落儀鸞格外叨因之深感佩那得往遊敖
疇昔親着宇追隨奮羽毛寵頒 天府纖賜潤玉堂毫
歸後厖茸敝田間襍穢半硯荒消子墨灰死爐婆膏溝
唐堂集 卷四十六 五言排律二 四

許明府生日詩

冬日誠堪愛恩光徧海隅青齊鍾太岳白苧剖名區頌
起都人士歡傳邑大夫金貂西漢裔月旦汝南儒茂宰
循良洽頻年德化敷神明涵水鏡清潌映冰壺善類胥
蒙庇宵壬無倖逋田疇豐菽粟藪澤靖荏苒樂土東南
美嘉猷上下孚賢聲高八縣治績冠三吳報最爲期速

超遷計口須慈顏欣祿養子道作忠模萊綵堂前待潘
輿花下扶官衙臨渤澥吾里蔭粉榆曾喜瞻風格深知
蓄道腴台階今發軔歲籥正懸弧仙令旌陽似真人王
斧俱請看琴伴鶴豈但易飛鳧臘應嘉平號祥開大衍
圖蓬萊冰雪菓栢酒滿郇厨宋賢分隱已十六年十易
令唯許君在 longest 乾隆六
年以附薦卓異
特旨引見

范二魯望貽盆梅盆蘭索詩

頓覺清芬滿俄看嘉卉殊春榮新草木葩發舊根株蘭
有叢生貌梅將縮本摹一枝橫幹老百箭長芽蘼翠佩
辭幽谷冰肌出藐姑歌聲雙曲併花信兩風俱鐵石唐

唐堂集

卷四十六 五言排律二

五

丞相江潭楚大夫丰姿逢謝覽氣味合林逋索笑原相
得同心况不孤元功皆老圃故事必名姝華萼逡巡放
風騷爛漫敷連連磁作斗一一蕊爲珠雅睨黃山谷多
情范石湖應教寫生手爲寫衆香圖

唐堂集卷四十七

華亭 黃之雋 石牧

七言排律

養鶴二十二韻 有序

魚乾而腊之曰鯊有鋤者首有骨焉一頭一尾兩翼
兩足其餘一腦骨爲身則諸竅天然以受諸骨無齟
齬宛肖鶴也昔吳祭酒有詩尤檢討有詞惜短章未
暢予贈以長律云

兒童戲事觸惺惺萬物紛紜總幻形薨腊薦盤無棄鯁
胚胎洗髓失餘腥飛潛兩族通融易鱗羽雙身脫換靈

唐堂集

卷四十七 七言排律

一

舉網便看橫赤壁思鱸兼想喚華亭枯魚出穴奚須兩
仙鳥歸遶詎必丁巳分贈殘拋綠砌那知羽化託青冥
泥沙霄漢原環鼎臭腐神奇豈徑庭剔去乙腸存滑澤
瘦將七竅關瓏玲莫嫌銜索空留枕雖不鳴臯亦綴翎
拆卸應鱗鹽白黑糾纏冠距線丹青乘軒縱比車中鮑
墮翻終殊俎上鯁顏勝隨人牽傀儡底煩類我祝螟蛉
子毛斑落軀無羣丙尾鹹消氣不馨入肆妄希千里鶴
冲天端賴五侯鯖利連鵲蚌同時致道合爲魚一息停
偶列螢窗供拂拭究歸蟻垤任飄零唾餘可中浮邱相
貌似應刪范蠡經俗客煮來仍是鮓幽人瘞處爲誰銘

海鯨變虎猶稀覲河鯉爲龍也駭聽雀做蛤時憑入水
鯉成鵬後好圖溟相皮若個求真質翻手何曾有定型
物理推遷堪寄慨小言題向紙糊屏

上太倉王大宗伯四十韻

公於朝久爲威鳳

帝曰卿其翊袞龍舜典咨同臯益稷周官職首夏秋冬
北辰垣輔光逾煥南國山川氣獨鍾江左世家綿伐閔
太原相業震遭逢佩刀贈後興王覽側廡迎來服蔡邕
七葉人人皆有集一門个个可名恭先生菰園尤高選
早歲詞壇奉合縱架上繙書裝璜瑁鏡中及第映芙蓉
唐堂集 卷四十七 七言排律 二

木天史鉞三長顯藜閣文芒萬丈衝宸極已深依日
春親闈更切望雲霓循陔景麗椿庭永賭聖花侵蕙砌
穠行輩八龍年最少家風萬石職尤俱官袍有彩裁爲
服禁嚮殊甘饌入養疎阪不慙我蓼養朝川豈任薜蘿
封事君資父輝千仞移孝爲忠鑒九重素結

主知饒學殖俾司文秉淬辭鋒羅材似鐵頻收網範士
如金悉就鎔既以冰壺增譽問便因水鏡積勳庸朝端
締繡需謨弼閣下絲綸守靖共椽燭夜分官炬朗綵毫
晨拂御香濃在公視草勤無暇退食開樽健不憚前
輩風流工鑒賞大臣雅度著春容

聖神契合頻熙績卿貳遷除途接踪八座特敘儲宰輔
六曹游歷試兵農昌期五百推名世曲禮三千典秩宗
官領王春衷愈協人看華夏望俱顯南宮玉鉉升崇鼎
東序金鍾開大鑄桃李半爲鵷列在芝蘭又作雁行從
孚尹先後騰雙壁魁岸中間伏二峯樹盡名珠爭璀璨
槐原號玉蔭丰茸位如北斗天之舌量以東溟水作胸
聽履周旋思日贊卜既密勿佐時雍明廷眷注川中
梅元老精神雪後松終日翼爲鄰黼展有時吐握引
章縫高門所拔真連茹下體無遺庶采葑雋也飄飄同
野鶴頽然落一吳農文場悉索終邪莒詩學卑微只
唐堂集 卷四十七 七言排律 三

郎廊漫刺敢教通赤牘纖廷可許叩黃鍾泰山插漢寧
辭壤婁水爲江定接淞聊用寫心當摯雉倘能入耳代
吟蛩

贈桂林張使君

郎官出守今張栻儒者爲邦古建陵治績中朝傳偶儻
家聲少宰本飛騰輕肥公子遠時好壇坫吾鄉讓獨登
燕國手推能繼說孝廉船覓盡知憑鳳毛染翰揮如錦
雞舌含香賜有綏列宿每從珂里應流風直與曲江承
朝廷中外咸心膂邊郡西南是股肱鄭重三刀臨嶺粵
迢遙五馬過湘蒸桂林大府封疆首廣右當年戰伐曾

三十載前初奠定二千石至每因仍編氓戶口今稍夥
惡俗戈矛嚮未懲昧滑溝塗連咽穴矜狺狺雜巢櫓
貧民罄家無貯瘠土汙萊穀不升王化及遐終悔
廣明公奏募乃賢長材字兼釐剔加意農桑餼奮
興春勝清境為野天靈顯而稻盈騰帶牛佩犢茲丕
變波虎驅蝗漸有微明比南熏亭畔月清如北牖洞中
冰亭洞皆在桂林廉泉飲得風州縣仁扇揚來式判丞誦德只
今流遠邇酬知真不愧居恒御屏擢錄名先記皇
路登庸秩必增曩僕聞聲殊籍籍知君作郡最稜稜五
茸城裏懷思曼八桂堂前識季鷹萍合便為投轄飲葵

唐堂集

卷四十七

七言排律

四

呈大司空公兼示方大編修

君臣一德新卿長父子同朝舊世家特簡鉅儒臨水
有公本中銓參密勿昔曾外轉蒞荒遐周公分陝風行
草召伯循南化及葭百粵治平徵有驗諸繇消息靜無
譁春溫秋肅推開府日遠天高仰建牙北闕恩膏流
桂象西陲政績冠黔巴六年肆覲宸衷慰萬里趨朝

嶺路賒述職禮優仍扈蹕留京旨下遂宣麻考工缺
向周官補宅揆衡從舜典加漢列三公星曳履唐崇八
崖雨隨車得賢弼亮人人慶入告謨猷字字嘉四序由
冬成會合五雲近日更光華廟廊崇鉉資調鼎府第行
堤佇築沙國倚三槐為上柱庭看一桂長新芽便隨老
鳳翔阿閣久識神駒產渥洼蕊榜仙人溫似玉梧岡吉
士藹如霞三秋藜火頻吹杖一路瀛洲好泛槎史館秩
增先驥驟國書課最走龍蛇蘇瓌有子天顏喜李白
為人翰院誇麗句風翻階下藥錦心日映署中花金將
撤燭添輝烜玉慣名堂絕玷瑕弱冠於今膺特達勲

唐堂集

卷四十七

七言排律

五

名從此展無涯一門星聚賢何媿兩世雲從福正奢好
爵自縻天際鶴餘光猶被月中驀飄零賤子成孤注困
顯名場枉八叉吐握當年曾採非分攜昨歲且期瓜魚
緘冀召拋青笠馬帳重來侍絳紗自恨圃香秋已晚人
嗤途遠日將斜敢同食客彈長鈇倘冀司空拭莫劔况
特異聞由問鯉詎慙行卷類塗鴉

贈尹制府四十韻

聖朝柱石盈中外勲德如公一一兼家在巖廊調鼎鼎
身為霖雨潤閭閻金甌半壁天遙輅繡壤諸侯斗共瞻
欲誦壯猶憑鏤管願因親炙紀霜縑溯從策對金華出

蚤叶班聯玉鉉占岡鳳一飛毛已覲劍龍歷淬刃逾鉅
鈞稽農部程才捷奔奏營田考績添羅士禮閣皆拔萃
所取士會 晉階講帷更擢謙東華軟士座隨馬北闕高
穹月照瞻司臬簡書臨百粵治河旄節副雙瞻九遷觀
縷談何易肆應纖毫寫不厭最是撫吳來喚咻遂令薄
海起疹疔大中丞既明而惠羣有司皆慎且廉清濁激
揚祛鄭紫春秋溫肅化泰黔重臣到處賢勞獨 特旨
傳來衆議僉控制兩江連左右總持百度貫洪纖規模
星布何妨濶號令風行豈在嚴黜吏無欺平概籤惰農
相勸早磨鍊 九重作齊崇牙蘓億兆蒙膏足益霽上

唐堂集 卷四十七 七言排律

六

下名疆胥樂愷東西長塹盡安恬魯公父訓時時佩
現任東閣 大學士 吉甫

君恩疊疊霑 詔曰大軍資筦鑰卿其餘力贊韜鈴揆
文奮武方籌箸府海官山又筴鹽八座分符俱在綰一
牀判筆不停拈重輕繫望裴中立憂樂關情范仲淹心
只有丹春蕩蕩頭纔是黑日炎炎長民輔世非因齒絕
類超羣詎必髯接武韋平堂上席賡歌夔契殿前簷榮
光滿眼雲成朶清鑒當頭鏡出奩天際 綸音哀紀述
江南土俗看摩漸鄙人桑梓春臺瘡窮老尊孤陋巷潛
爲輯黃圖裁素稟謬承赤牘貴蒼兼蓬萊入夢過如霄

葵藿逢人俗未移久仰庾樓千尺杪暫拋阮屐九峯尖
三冬梧葉飄瓊砌二月梅花繞翠簾白下初陽晴決滌
青谿舊雨濕囊籤計期午紀辛壬歷 江南通志開局 適
官重緝甲乙籤翰墨酬知圖龜飽丹鉛請業恣窺覘上
台奉以瀛壺接下里渾忘郢曲嫌乘暇憶懷歌盛事小
言殊復愧唐詹

西瓜燈十八韻

金粟銅荷炙夜脂瑯琊書屋一燈奇但看東壁輝光現
不信西瓜幻弄爲水浸盤中纔果麻珠懸坐上已摩尼
迎涼未許煙生蠟解渴奚須羶用絺繡少瓢多方脫手

唐堂集 卷四十七 七言排律

七

綠深翠淺淺但存皮纖鋒剖出玲瓏雪薄質雕成宛轉絲
小篆屈蟠縈未了回文層綵織多時斜斜整整冰千疊
鎖鎖鉤鉤月一規蒼璧鏤爲高士佩湘波翦作麗人帷
濃濃有色非烘染窠突無痕痕儼儼佛火八楞青琥珀
鬼工四面碧琉璃鑿開混沌皆香窠刻畫夷光總玉肌
紅豔半明仍半掩黃昏相見最相思夏畦摘破圓依舊
宵炬燒乾濕又宜何待鎮心忘酷熱始知剗肉勝良醫
唐輪元夕花應罕宋楮三年葉太遲我頃便同朝日照
空明那畏曉風吹好因消暑供清賞技巧驚人是匠師
張封君招同蔣郡博觀梅小飲 張口占句云三人
一百九十歲蓋共

年六十壽六十三予六十七也予對以成壽百年
三萬六千場嫌有複字然樂天共犯十千沽一斗
相看七十欠三年亦複十字也固句是七老會詩
體遂次樂天韻成之 按宋文潞公亦有四人三
百十二歲句

三人一百九十歲春滿雙眉雪滿鬢山日坐添衣上暖

問春看春眼前誤小亭則微風光潤大石魁堆樹影藏

好待耆英入畫圖履道坊中詩頗俗不知曾對此花無

春雪十六韻 程制府考驗過博
題時在幕中作

豈惟臘雪占豐稔稀叶新年更可嘉淑氣漸能迴栗冽

輕雲猶自舞參影綏綏乍解冰霜凍奕奕徐膏草木芽

唐堂集 卷四十七 七言排律 八

剪水亂飛皆麗景撒鹽攢下已詔華東皇夜散珠爲樹

南國朝看玉作葩六出恰宜調郢曲三陽何獨冷袁家

鷄傳寒話年光轉鴻印泥痕歸路賒待泛戴逵冬後楫

習烹陶穀雨前茶消來綠漲三篙滿陷入青臯一稜窠

火樹燈輪霑欲潤歌簾酒帳壓初斜夜明不惜花梢月

天曙還遮海上霞橋外薄黏驢背傘陌頭輕覩馬蹄沙

平鋪綺岸塵如滌密灑紅窗霰又加柳未成絲先墜絮

梅纔有蕾便飄花層層瑞屑神仙府片片冰心節度衙

假山十二韻

辟疆園裏石縱橫醉白池頭山乍成九點煙霽暮縮本

五方岳鎮借高名參差蒼蔚皆梧竹揜映坡陀到屋楹

何待飛來千佛鏤儘疑釣去六鰲擎江風三日吹難倒

秋江遠天逗不驚袍笏南宮顯後出丹青北苑畫中呈

蘇言本以三峯峙杜詠雲於一簣生直與岱宗垂紀述

應嗤貝嶽費經營此間邱壑無多地相對曉巖有勝情

我築小山徒培塿予冬夜雨寒
前亦有假山君堆衆皴已蓬瀛縱分

廣狹玲瓏敵長倚階除突兀撐大塊何須別眞假且邀

風月共題評 五言絕句

唐堂集 卷四十七 五言絕句 九

古意

金錢買甘蔗纖手削如雪郎食甘蔗心妾食甘蔗節

挽蔣翁翁名作梓字丹叔解音律喜詩花稱花
癡業小兒醫能詩卒年七十九無子

冷雨荒煙下無人識蔣翁一星丹竈火吹作漆燈紅

春夜

庭樹與風語落花成笑聲欄干春月上無限夜深情

王鷗渚以竹蝦蟆焚偶兒座所諾生前之索

泪飛紙蝴蝶血跳竹蝦蟆殤子冢中笑延陵劍鋪花

春歌

前船玉笛聲笛伎似湘靈船行銜尾去船停挨翅停

石尤風

但解當頭逆阻郎無出遊不知南浦外無數欲歸舟
雙橈

郎因釣魚至妾爲采蓮來魚戲蓮花下雙橈忘却迴
雙影

獨繡初更後無聊影不雙銀燈添一盞迴看紗窗
河上逢雁四首

畫鷁裝秋去征鴻叫雨過從來人易老爲聽此聲多
河上相逢處風飄字不人爾南吾又北同是客中身
到處蘆汀好江南千里餘鱸鄉知過否儂欲作家書

唐堂集

卷四十七 五言絕句

十

非不虞贈弋其如覓稻梁飛鳴宜慎重此地是他鄉
盧溪對月

只有月痕青月邊無一星寒溪何處笛我與月同聽
月二首

爲君未爲騰光彩今何如照歡尙不足照愁已有餘
欲落猶未落去地不能咫尺欲往手接之恨隔一條水

湘江三首

江上萬重山一巒深一巒夏雲雜其內添作數峯看
仙人不可尋隔斷青楓林入林躡其影逃入白雲深
林巒當我前冉冉移在後人行不自知翻謂林巒走

青藤山人畫荷

其淡若無筆其活若無紙寄語采蓮人色香在箇裏
院中桃花

牆頭人面紅引我花下步當其未花時不知有桃樹
白鷺

白鷺爾何閒志若不在魚人中無白鷺願與白鷺居
橫塘渡二首

借問江頭女欲渡向何處儂船有兩槳載卿過江去
玉腕障紈扇嬌立首不迴郎船莫相顧妾待渡船來
湖上曲

唐堂集

卷四十七 五言絕句

十一

潑潑水中魚翩翩水上鳬鳬飛魚自躍同入彭蠡湖
舟中枕上

夢回唯見枕船窄不如牀月色有今夜雞聲無異鄉
口號

風吹牆上草搖作有情綠薊門秋欲來腸斷江南曲
萱花 一名忘憂

我本無所憂爾亦難使忘樹之南垣下脈脈傷北堂
香草 又名望江南

花黃莖似竹葉細莢如豆螞蟻名士心爭爲離騷喚
題海棠畫扇 有序

閩署西軒海棠甲辰歲花時受諸君子觴味陸孝廉
勉之屬鄒進士景何寫於便面攜來京索題已越三
霜矣

紅樹今何似春風亦不知分明團扇上昨夜最相思

題徐仲嘉畫梅三首

寫榦不盈尺寫枝橫丈餘何用得許影黃昏月上初
色香味如何攬之欲盈紙遙疑萬花外脈脈一痕水
畫梅有能事純用草書訣千柯走龍蛇一墨掃冰雪

踏雪出長干次北厓韻

踏雪出長干雪晴人馬寒人行衰草濕馬度夕陽殘

唐堂集

卷四十七

五言絕句

七

春城紀遊六首

霸業隨雲散空餘一冶城朝天宮上望不見卞忠貞

舊冶

春色燒平原紅霞卷僧舍我欲聞暮鐘橫臥桃花下

未慶

國姓已數易水木長鮮新試問劉阮輩何如石季倫

魏源

一桁石城山逶迤園墅間今朝花草路昔日是雄關

虎踞

既登清涼寺云有清涼臺風流李後主寂寞使人哀

清涼

如此大江山登樓眺一面安得撤四壁坐空窗見
樓

逆風三首

人帆如勞人驅迫難息肩儂帆如惰女橫牀日高眠
儂帆閒無事儂櫓力衝風若使帆得力那能櫓見功
儂帆閒五兩儂煞忙百丈悠遙與帆語我勞汝安享

新春

屋外春鳩鳴庭前春雪輕東風不知處人靜草痕生

盆梅

唐堂集

卷四十七

五言絕句

七

一尺雨枝寒香堆雪作團花魂燈影裏莫向夜深看

洗竹六首

有序

小山之坳有竹十餘箇纖秀娟好其莖或近根或少
上促五六節如算子殆佳種也四五年前奴子得自
某寺移植此予以晦翁書小山叢竹四字張於櫺連
歲筍候客外今家居日與暱夏初竹萌二十餘選其
斜仄及蔽礙者掘去之煮噉有味留其九既解籜新
綠如玉顧老竹著塵無色汲水潤悅洗之愈碧鮮可
愛譬多子翁嫗膏拭頰沐與童穉同顏見者謂其得
道也卑雅以芟其繁亂使枝榦茂擢爲洗竹與予洗

竹異因系以五言

摩肩入竹枝著手拊筠肌擔水兒童笑主人何太癡
箇箇立石外望之一何深爲君盟沐罷得意搖清陰
狎作嬋娟玩莊同瑟僂觀牆隅三尺地洗出碧檀欒
摩挲如碧玉美質淨無瑕老眼日相對何心去浣花
舊竹洗成新篴萌又一句龍孫容易長看汝過於人
竹來謝老夫云此俗人無祇濯關何事誰傳洗竹圖
旅宿

明月窗前影孤蛩壁下音故鄉千里隔秋思一宵深

途中日暮宿店尙遙

唐堂集

卷四十七

五言絕句

古

風急馬毛逆日斜人影長兼程行不易前路正茫茫

顧水部畫壁竹

遺墨牆頭竹至今風雨斜揚州官閣裏不見畫梅花

小砌牡丹

種向春風裏三年始報花老人多感喟相對日西斜

見蜂採蘭心拱背而飛

微物有天性亦知尊國香世人誰及汝辛螫未爲傷

盆松盆榴尹總督所贈十年矣剪葺賦二首

老友無多剩三松十一榴相依小邱壑耐久作交遊

童穉長於前婆娑樹十年卑枝安故我何必羨參天

六言絕句

題馬逸書魚三首

墨瀋蘸成一水硯池飛出雙魚只愁活潑潑地滾溫溫
前賜書

翠霞別浦曾舍冷澹空江網船宵雅詩中魚藻寫來太
液池邊

一簪芳塘圖畫半篙春水江湖綸竿恐礙魚戲不著煙
波釣徒

京邸口號三首

四路塵囂巷陌一椽冰冷人家窗前雨長新草簾外風

唐堂集

卷四十七

六言絕句

圭

吹落花

修史一卷兩卷撰文十篇五篇玉皇香案謫吏猶作蓬
萊散仙

澆花衣履皆濕採葺指爪亦香或笑居官如此誰知學
圃何妨

山路曉行三首

聞雞店裏天曉策馬山中路遙記得鳳城寒夜五更常
起趨朝

行潦始知過雨飄風不至揚塵半林黃葉迎客一路青
山送人

湖中冰結雞爪坡上霜團鶴毛怪底曉寒六重不知晨
旭初高

次早又作二首

千秋煙裏齊國萬仞雲中泰山人面漸宜霜露馬蹄向
遠鄉關

月寒山路車子火煖茅簷餅師駐步一錢交易計程三
刻羈遲

庚戌歲七月七日酷暑與蔡立甫奕俄大風雨甚
涼遽霽口占二首

風來已驅毒暑雨過又釀驕陽一局輸贏黑白半時翻

唐堂集

卷四十七 六言絕句

七

覆炎涼

炎氛熾於鑠石暴雨急似翻盆惱得天孫河鼓不知白
日黃昏

乙卯元夕後復雪二首

時在浙
省署中

春來五日再雪客裏孤吟雨鄉却憶小山今夜壓低幾
寸松篁

浙浙曾飄相府霏霏又慘官衙自嫌老子吟管只辦寒
窗雪花

分詠得盆松

莫言出土三尺不似凌雲百年請看神龍變化縮爲葦

上箏絃

李亦吾攜尊醉白池月下酣飲四首

相攜水外籬外偏賞紅花菜花太白筵中酒政辟疆園
裏人家

但願醪醕適口不知皓月當頭上牀徒費春夢秉燭直
須夜遊

五六人皆冠者七十翁已頽然莫忘三月十一能抵歡
場百千

芳草當風畫坐明燈代日宵輝飛觴池上既醉踏月橋
邊未歸

唐堂集

卷四十七 六言絕句

七

賦得風約半池萍二首

雲浸波心碧現風排水面青迴重簾鉤外斜捲明鏡奩
中半開

萍踪劃處偏厚風力驅來未全人釣碧澄影裏魚藏綠
痕邊

唐堂集卷四十八

華亭 黃之雋 石牧

七言絕句

園竹新成

怒坼青泥不可封，水圍煙路夜相逢。
太陰風雨須防護，解籜脩脩去作龍。

魯殿和顧領集中鬼語

畫壁風吹半是灰，雕梁雨爛欲成煤。
靈光賦好無人記，明月秋蘿讀幾回。

看花竹枝詞

唐堂集

卷四十八 七言絕句

一

賣花擔上百花開，日日朱門賣却迴。
曾引買花人一笑，今朝纔見活花來。

咏史三首

四君只有信陵君，虛左侯生執轡勤。
長鋏未歸雖未脫，原嘗食客太紛紛。

國士相逢見未真，買絲欲繡智瑤身。
世間漆炭堆如屋，閒煞侯門舊衆人。

武安置酒衆賓娛，酒裏鬚眉憶灌夫。
罵坐底須嫌不敬，諸君曾直一錢無。

題雪儀畫便面美人

風午吹人上簷來，粉痕脂暈動春腮。
分明自寫菱花影，如水雙眸盼未回。

題醉太白圖

天邊太白一星寒，寫入丹青酒未乾。
獨醒由來容不得，只應爛醉與人看。

聞落花聲

風拂瑤英蒂欲斜，綺窗靜裏略聞些。
不知青軟苔欄上，又臥枝頭第幾花。

乙亥歲除夕二首

病中日日呼兒聲，今夕呼耶耶不應。
夜臺幽處不可步，何不呼兒持漆燈。

唐堂集

卷四十八 七言絕句

二

百畝蒿萊歉不收，私逋官稅百無休。
人間莫肯憐兒拙，耶在九泉深處憂。

塞上曲四首

中朝拓地竟三邊，烏弋莎車隸幅員。
敬勞營平年七十，上書辛苦議屯田。

詔賜蒲陶西域醅，將軍食酒倒金罍。
秋營士卒休教渴，又捫羊酥十萬杯。

武皇自將出交河，外國承風款貢多。
城郭已通三十六，錦車持節任經過。

久靖狼烽駐雪山射雕飲馬健兒閒嫖姚雖貴勤勞慣
日日鞍門踟躕還

遊仙三首

新隸仙官俸食芝玉皇巡幸選親隨鳳凰背滑身難坐
穩控麒麟當馬騎

玉女詔容王不如瑤池宴裏眾芙蓉麻姑一坐推前輩
也只垂鬟十五餘

太乙壇高逼月涼斧邊玉屑墮如霜嫦娥厭飲西王藥
另養蝦蟇入秘方

夏日口占涼字

唐堂集

卷四十八

七言絕句

三

碧紗窗敞簾紋光臥拂齊紈未作涼何處綠蕤輕似雪
一竿煙雨釣蓮塘

秋夢詩十首

變現悲歡事亦真此身白日前身秋風一路無拘管
放得吟魂太不馴

依稀疎柳夕陽邊曾有微吟記不全爲覓賞音人世少
從他流落夢中傳

癡語想未成灰酒醒三更落燭煤捫得淚痕兼笑顰
不知身自夢中回

幾回斷續幾模糊睡裏心情覺後無記憶不來尋不見

一窗明月印秋梧

家家秋夢鎖重樓我亦朦朧作臥遊爲惡爲佳分別在
可憐紅日照都休

夢魂不及此身閒夜夜虛無縹緲聞簾竹窗紗關不住
月中飛去月中還

天有窮邊海有涯茫茫秋夢落誰家空梁照影非關月
暗路迷人不是花

半入風飄斷不連半因雨濕碎無圓人生倘欲尋佳夢
莫近小窗風雨眠

憶得叢殘夢幾條隔江人遠一絲飄月痕無定潮痕沒

唐堂集

卷四十八

七言絕句

四

誰證相逢在此宵
到處窮愁未可祛華胥一枕尙蘧蘧近來夢也容愁住
蝶樣描來漸不如

蛟蝶花

舞遍春風倦欲停枝頭小立倚輕盈愛花拚化爲花去
夢裏欲飛飛不成

玫瑰花

摘向初開露未乾穠香豔色稱釵鸞生來合是依人命
定不容渠在樹看

客窗懷顧良哉

傾蓋相知結古心臨歧一紙重千金
張因未回西江活
愈見交情海樣深
歲暮爲我作
借貧之札

題范笏溪畫水樓玩月便面

水干煙鎖家家夢樹杪涼飄夜夜秋
寫得江天太蕭瑟
更無人爲月登樓

爲楊慶門悼亡

一卷紅餘妙色絲雲亭編次已多時
休將淚眼重繙讀
滴損當年贈外詩
夫人著
紅餘草

陌上用吳越王語爲起句

陌上花開緩緩歸歸來花氣滿羅衣
蜜蜂忘却上衙去
唐堂集
卷四十八
七言絕句

只傍美人釵側飛

題畫馬

卸却雕鞍罷却騎放他芳草落花時
章臺街上閒風景
京兆春來只畫眉

庚寅歲中秋夜登虎邱

七里秋塘覆桂花靈鷲燈火弄繁華
惱人最是無情月
月若多情定不斜

大悲閣放生池
在淮安城內

淮陰城外浪潺潺剪得秋江在此間
橋似雙虹渡石
河魚一到不思還

任仙祠
在東平州金線關風子名由小字喜兒爲
儒善詩明成化時得仙呂常降筆爲詩記
蓬萊閒殺任風子見我經過祠下無門
外塵沙南北路
不知催老幾征夫

聞家書已發至今不得見

遙想魚緘欲到難舟船無定路漫漫
前時一紙留何處
鉛料征人已拆看

海淀曲一首
辛卯歲三月十八日

鈿車繡鞵錦裝人色舞眉飛向麴塵
一路衣香
今朝纔識風城春

諸王環拱有池臺馳道朱門相對開
三月梁園花勝雪
唐堂集
卷四十八
七言絕句

不知客右是誰才

九日登陶然亭

肯將才調讓風騷浪滅身名看爾曹
桓孟風流今已矣
龍山不及黑窰高

磁州

繞城楊柳綠陰稠驛馬長嘶古岸秋
風景昵人留不得
一鞭殘日過磁州

渡漳水

漳河渡口少人煙馬影寒流怯上船
北望鄴臺何處是
曹瞞石虎夕陽邊

渡黃河值大風

舟上驟與與上客都緣何事此經過無風無浪不來波
如此風波偏渡河

淮行雜興二首

峭壁臨江鐵色紅欲將危險壓孤篷激流石脚平於紙
一點漁蓑立畫中

碧綠青黃江上山山頭層出翠微間平明一陣瀟湘雨
吹濕嬋娟帝子鬟

月夜同耕南江佩坐澄懷堂

夜徹虛堂受月明坐深談徧客窗情驚他孔雀不成睡

唐堂集

卷四十八

七言絕句

七

騷動竹籠寒有聲

顧若周畫粵行山水圖

粵中境界天所畫顧助丹青不讓天怪煞筆尖纔一寸
造成數百里山川

讀指南錄

顛倒文山欲問天枉教逃餓死無緣朔風一夜吹柴市
隔斷崖山已五年

爲客三年中未淹一歲之席舟中偶閱徐大臨太
史湖鄉雜興詩因憶故園風景野朴可娛惜徐韻

成五首

只合鱸鄉深處棲豆棚瓜架刺詩題天涯金繞非吾願

記得林間杜宇啼

葦花蘆草塞沙汀地近滄瀛水氣腥村落十家無客到

斷雲西北是華亭

提壺市遠夕陽忙望子搖青出柳塘楫枻火紅燈未上

新筍白酒瓦杯香

鷄點疎林雁叫雲誰家紡織夜深間鄰孃手積錢盈貫

欲製湖綉百欄裙

鹿眼芭籬嶺所依甕形窗寶印斜暉棉瓢趁日連場曬

豆猪揚風隔岸飛

唐堂集

卷四十八

七言絕句

八

滕王閣

扶得滕王閣不隳王韓筆力與天垂石亭亭廢無人過

苔長韋丹遺愛碑

石亭寺在閣東數十武祠唐韋武陽公今廢遺愛碑杜牧撰

嚴灘絕句

白界青林樵路長縈紆如蚓入高岡閒雲不肯遮山脚

露出人家竹裏牆

鄰舟聞雁黃上人朗吟戲作

湯休賈島不成僧途有詩名萬古稱喚雪子無官氣味

也牽騷雅入傳燈

豐城

一日路分三日行逆風逆水上豐城粵遊只有五千里
如此纔爲萬里程

自臨江而水上漸清澈

映水離離石子痕澹人看髮醒人魂寧爲淺水清見底
莫學洪流徒濁昏

葛袁州索題進郎遺照次韻二首

一朶紅蕤墮積陰梅花香裏刺哀音手如白玉絃如水

忍寫離鸞別鵲心

琴彈

揜袖慘澹俯百杯葱根十指落晴雷當筵南卓傷心甚

親見青山雨點來

鼓

唐堂集

卷四十八 七言絕句

九

贈楊叟

名去疾字豫中葉忠節之僕博學嗜古著詩詞四千餘篇周餘雜說數卷尤多摘語

今七十七矣猶劇談善飲惜以貧賤老也

奇人最被天埋沒耕田何須太劇貪詩四千篇書數卷

不知誰與作桓譚

舟行聞鷓鴣聲

煙外鷓鴣林作聲縱行不得也須行渠自守汝黃茅瘴

懷白還吾白學城

湘江晚行

湘江日暮客心愁江上同行無一舟崖裏人家煙裏住

笑郎行急勸郎留

夜泊對月

小聚平沙百十橋月明如水潑人航客心翻念陰雲好
不惹閒情去憶鄉

舟溯瀟湘風帆久度舟子謂予試作文投湘神乞

順風以速舟口占答之

莫遣瀟湘草草過故貪風逆看山多落霞不屑吟王勃
雖馬當神奈我何

曬書口號示兒

乃翁守此當籙金莫以鑽研付白蟬糟粕也知無用處
可憐一片郝隆心

唐堂集

卷四十八 七言絕句

十

送春詞次陳鍾庭學士韻二首

多情白日引遊絲爲冒春光駐片時怪煞薊門風信早

亂紅吹過出牆枝

鳳城花發懶相探家在江南又浦南昨夢殘春攜榼去

晴畦一片長紅藍

有感

一聽泥金淚滿頤誰將吉語報泉臺當年少壯趨庭日

曾赴名場幾度來

辛丑歲閏六月望立秋次姜自芸同年韻二首

炎歊猶未別輕羅何處西風繞玉河一葉莫教金井落

桐陰留得晚涼多

塵土東華暑未收
豈花棚下故園秋
江南六月廉纖雨
柳色猶青莫上樓

沈孝廉勉之和立秋詩見投用韻贈之

碧空雲影薄于羅
一夜涼生織女河
風月不須邀熱客
長安秋思沈郎多

關凌雲庶常新納姬人二首

紅絲牽合夢中人
穩稱看花得意身
誇向官衙冰樣冷
滿懷燕玉暖於春

栲栳量金斛
概殊掃眉才子
恣歡娛但求鍾乳三千兩

唐堂集

卷四十八 七言絕句

十一

滿把檳榔更不須

關家嶺南故戲之

題畫卉二首

奇花二種晚香玉出西域翠雀出塞外

入塞依人路已遙
玉鈿翠鈿闌天韶
同時雨露林相妒
國色分明聚二喬

草花名狀失嵇含
絕域春光未易探
廿四番風開不盡

圖將煙雨到江南

集鄧東長修撰齋間鄰家演劇

幽情文酒在蓬萊
何處歌筵相傍開
却惱春風太無賴
亂飄絲竹過牆來

口占

有旨命翰林編檢以上擬撰雍正寶座銘和御製聖祖挽歌庶吉士不與

鳳池毫札日紛紛
前輩風流近五雲
閒擁漢書無一事
幾樞窗影又斜曛

閔王皇謨小山集題贈

當年屏面贊新詩
激賞深邀相國知
家有不癡名士在
門牆深處最相思

旅次見張良御庶常題壁詩續二首

故人歸從赤松遊
高致淋漓旅壁秋
好憶渡江明月夜
模糊煙樹見揚州

高嘯蓬池萬口傳
彩毫珍重賦歸田
莫將奚背囊中句
輕擲黃埃古戍邊

唐堂集

卷四十八 七言絕句

十二

傾蓋亭

亭子翻因古蹟新
一時傾蓋足千春
尼山束帛如華袞
不贈尋常行路人

渡河

兩載梧桐逐鳳飛
簡書催我出京畿
揚帆已入江南境
只是經過未是歸

宿葉坊驛菜園

生平敵盡齋醯來
領儒宮首宿盤猶與菜根緣
未斷一籬風露夜深寒

建陽道中

綠樹重重山翠堆鳥如歌吹瀾如雷征夫若不緣王事
緩步松陰一百廻

卽事

泥凍霜濃儼朔方清溪小艇似吾鄉無端薊北江南北
併起閩汀道路旁

閩關送春

榕江江上萬重山春正還時我亦還我自送春人送我
陽關風景卽關關

過仙霞嶺

重過雄關心膽麤縱攜藜杖不須扶誰言此嶺欹崎甚

唐堂集

卷四十八 七言絕句

十三

曾見閩山險處無

慈陽道中次臨川先生題壁韻二首

塵沙欲汚使臣衣犖确山行馬不肥記得舊年溪嶺裏
繞輿風落野蒿薇

五千里外數歸程羸却楊絲老却鶯日淡風涼行也得
此間宜少鷗鴟聲

題梅花帳額

香滿羅浮之二山澹姿疎態非人間無端吹影落紙帳
惱得詩翁夢不開

客人問荔枝

淪茗烹泉飲却廻江清茶苦絕纖埃荔枝甜美何堪喫
恐有人譏薏苡來

小夢

五更易別朝臣枕一夜難溫獨客衾小夢結來零落去
北風號處雪初深

夢中得
首句

瀛洲亭遊同館

倚欄閒看樹陰斜流水涓涓綠一窪蛺蝶飛來人不至
春風吹墮碧桃花

長卿

子虛賦罷又長門官止文園位未尊使蜀歸來頭白盡

唐堂集

卷四十八 七言絕句

十四

遺書終感漢皇恩

太白

浪江湖幾十春偶將翰墨廁朝紳昭陽阿監關何事
太白原非供奉人

趙北口

赤欄橋接綠楊堤煙水東西極望迷網舍漁船吾美汝
滄浪一曲唱清兮

棗林渡

紅塵舊路憶征驂野艇今來汎碧潭十里煙波平篙水
棗林秋意寫江南

題徐仲嘉所藏先人花草書冊二首

一部離騷香草情
湘靈山鬼淚縱橫
潑來紙上皆風雨

莫道徐熙只寫生

本是芝蘭謝傅家
一池硯雨長根芽
蓬萊種得千年種
何待春深始放花

枕上口占二首

寺鐘街柝悄無聲
夜氣沉沉欲四更
西郭萬家寒夢裏
幾人睡不到天明

被池不暖枕函斜
氣味如僧未出家
鼻觀忽聞香暗度
銅餅小兒蠟梅花

唐堂集

卷四十八 七言絕句

五

示內四首 有序

予讀書賜硯樓下
內云已登第作宦
歸矣尙爲老秀才
應舉耶示之以詩

文字中間老蠹魚
不因應舉上公車
分明卅載前燈火
照爾紡紗儂讀書

官罷真成老秀才
百城仍擁舊書堆
細君只記無柴夜
讀渴親持涼茗來

宦轍曾將家累攜
三年官廨印鴻泥
歸來莫更誇鸞詠
命婦依然措大妻

汝爲年衰廢女紅
故將勤讀笑衰翁
請攜鍼黹兼刀尺

依舊陪儂書屋中

題范耕南小照

粵右閩南昔共遊
歸來皆已雪盈頭
披圖尙見前丰采
柏翠簷深十四秋

寫於康熙丙申歲
題於雍正巳酉歲

題畫鴨

鴨綠波中雙鴨游
翎毛疊影漾春流
不知放鴨人何處
想擬鴛鴦歸去休

題重刻顧見山水部詩集二首

畫省香飄黃絹辭
水曹自古例能詩
廿年郎署從容久
遙籍風流彼一時

唐堂集

卷四十八 七言絕句

六

歷歷輪帆紀宦遊
廬山泗水隴西頭
旗亭舊唱雙鬟處
月墮煙銷五十秋

題顧小厓小影三首

五車續學七襄才
震舉軒軒矧宇開
何待頰毫人寫照
吳爭識顧雍來

撥天鉅手擅鴻文
好近蓬萊五色雲
賦就京都教紙貴
左張研練不如君

當時籍甚孝廉船
塵鞅輪蹄又十年
形肖始能符入夢
不妨畫卷有華顛

題畫

燈曲雲深古寺高石稜如斧樹如毛不知何處佳山水
筇屐依稀到一遭

酬陳徵士慧香次嘉蓮詩韻二首

京國雙眸相對青東雲北樹影離形不圖蕪徑茹堂裏
彈得瑤琴一一聽

花深露重月朧明竹裏螢來可替燈何待秋風吹熱去
故人心是一團冰

口占贈戴獨逸

年八十四橫
杖造予談詩

東海詩人南極星香山坐上總長齡今朝戴老前孫老
此室應圖雙鶴形

孫范字體有華詩前過
予草堂亦年八十矣

唐堂集

卷四十八 七言絕句

七

次徐今吾元夕詩韻二首

判以風光讓少年傾城人逐萬燈圓白頭顧影閒庭裏
買月何曾費一錢

來詩有賣文錢
作買燈錢句

官裏華燈聚看人天邊明月淨無塵月光冷與燈光煖
併作江南一夜春

題秋江疊嶂圖二首

萬頃秋江萬疊峯一帆雨屐太匆匆天生山水勞人眼
只合關門看畫中

平生著意去登臨汗漫遊踪倦自今江路風波山路險
丹青描出也驚心

雞啄螳螂書扇

雞德何曾不好生祇緣蟲醜太縱橫笑他螳斧無施處
容得風蟬自在鳴

絲支砌至華山過天平謁范祠三首

瀑聲無雨乾千尺秋色因僧滿法螺却恨凡夫化爲鬼
不知老收此經過

著屐花山又一迴瘦筇嘗撥暝煙開

辛巳歲春遊
此亦薄暮松陰

直下淩風棧老健猶能濟勝來

天平嶺路木蕭蕭爲訪先賢不憚遙延佇却忘歸櫂晚
月明漁火過楓橋

唐堂集

卷四十八 七言絕句

六

謝戴侍御卯君餉墨露酒

分得聽鸛斗酒來旅窗燈火一樽開愛他鐵色兼霜味
爛醉春回御史臺

寄王觀察樓山

夢斷王弘勸酒時閒教寒菊瘦東籬泉明風雨立花外
爲盼白衣人到遲

陳燭門學博惠百益酒二首

百益酒能來白下六從事已得青州先生實惠豈烏有
子墨客卿笑不休

百益酒來急欲嘗一樽纔瀉一樓香儒宮煙火儘豪舉

分我四瓶金玉漿

寓樓望西鄰玉蘭盛開東院梧桐未榮也時病殤

孫而賦

百杪瑤英牆外身西家風雨寂無人回頭哭殺梧桐樹
不見孫枝長一春

題李草亭畫寒江送別圖

長江風定水無波歲晚天寒客又過一度送行傳一畫
人生那厭別離多

巢燕答陳進士亦韓次韻

江城應不少華軒藻井飛來且細論百尺樓邊容出入
唐堂集

卷四十八 七言絕句

尤

春風穿破紙窗痕

謝皆人賣船詩二首

領得煙波作釣徒愁他風浪滿江湖陸居定比舟居穩
豈知漁青一事無

不賣船來也合貧空拋卷書一溪春筆牀茶竈何時贖
仍署頭銜號散人

同年惲郡博書竹菊老少年論子係以詩次韻奉

答三首

拔地寒梢綠尚深斜簪秋筆幾枝侵憑將紙上千尋影
寫出園中一寸心

十色黃花籬外深一牋秋思晚香侵魏公宦達陶公去
同此淩霜傲雪心

燕支染葉趁秋深側雨尖風不可侵慙媿衰顏難著色
徒教白髮有童心

陸二淳川孝廉惠女貞酒

借酒來澆塊壘胃寒宵痛飲不知冬一時肺腑皆能語
道是多情陸士龍

癸丑歲暮雜吟四首

爲客歸來歲又除一樓風日亂堆書連朝避債無行處
坐擁殘編理蠹魚

唐堂集

卷四十八 七言絕句

二十

隆冬暄暖似春陽月令先行日未長但坐短簷頻曝背
此情端合獻君王

海值災荒禮數刪茅堂徙倚此身閒商量欲挂新年畫
水墨簪簪著色山

誰幾方石當盆池樞僕峯來壓不敬浸入菖蒲三尺水
東風便有碧漣漪

樞僕峯泰淮橋
爲盆池恰受之

甲寅歲正月十四夜雨

細雨如絲濕綠棚兒童疑絕怨無燈天心却悔飢荒後
爲惜脂膏費不勝

見蛺蝶棲蛺蝶花戲詠

蛺蝶是雄花是雌偶然邂逅莫相疑爲真爲似分明在
夢裏蒙莊也未知

張實甫作畫詒我求之十五年矣三首

寶甫丹青後必傳今朝突現此堂前一山一水非容易
藏在胸中十五年

碧綠青黃秋滿山相其風格宋元間感君寫贈分明在
不贈唐堂也不還

彷彿著色倪高士皴染天然張孝廉報以新詩當潤筆
大家不用費酬緣自題彷彿高士設色山水

遂初園卽事呈相國六首

唐堂集

卷四十八

七言絕句

三

午前明霽午餘陰輕雨如絲織水心一槩揮來溪路曲
雙鞵踏得樹煙深

夫子康強貌若仙門生雖老諱衰年追隨綠水蒼崖裏
鼓舞童顏鶴髮前

深杯百罰勸流霞爛醉山中宰相家分到蠻貊吟未穩
幾回別損燭檠花

枕上不聞朝雨聲但聞嬌鳥百般鳴朦朧殘醉兼殘夢
臥卜園林此日晴

清波宛轉綠陰遙林壑情深急待招山靜日長風不起
楊花飄過赤欄橋

太傅東山近十洲神仙樓閣擁丹邱海風好颺蒲帆去
又被煙霞一日留

北魏傅修期八十餘諱言老每自稱六十九然則

我年彼以爲壯也戲爲絕句

古來七十幾曾稀未到平頭更不奇六十九時休說老
儘堪誇向傅修期

塚庄壁題山行遇雨詩有今日泥濘三寸濕明朝
麥長五分苗句不苦泥濘而有利物之思賞之

杜老許身爲稷禹腐儒每引作常談但存霖雨蒼生意
策馬皇都也不慙

唐堂集

卷四十八

七言絕句

三

途中曉霽望西山
身困驟輿心自閒夜來微雨沐西山塵沙不墮征人夢
飛入層青疊翠間

謝二皆人索和

經風緯雅畫溪家前輩漁洋逝可嗟猶喜相逢後影在
長安落葉滿塵沙

蝶庵詩爲林太史賦二首

蝶化爲人蝶亦愁任教栩栩夢中遊人間除却南華子
解得將身化蝶不
花影橫窗月映幃華胥咫尺在京畿此中大有容人處

我亦蟲天一蝶飛

詠蘿萄燈四首 有序

蘿萄卽萊蕪又云蘆服爾雅所謂葵也京師所產白質朱膚厥體正圓截去鬚苗鏤以爲燈刻而陷者若素綃爲之地存者微凸捷業其上下層橫紋界之刻大小花樣枝蔓斷續若繪若繡剗其內而虛之夕炷火焉則光透於表皆純赤華葉心瓣畢現細若指上螺矣上元售於市工巧賈廉紗籠畫障奚爲哉日潤以水可供三四夕始敗予喜其樸豔賞以詩

渾沌微呈鍤鑿痕紙宮書屋稱黃昏底須芳以明莖草

唐堂集

卷四十八

七言絕句

三

窮極奢華只菜根

也費雕蟲篆刻功一規光燄月華同漫嫌技巧能傷道

如此文章敵化工

中虛外朗小燈窠籬落凡胎洗伐過莫以瑰奇輕土物

荻灰藜火伴人多

細剔丹砂巧鏤冰葫蘆新樣買雙層破觚雕朴天然好

燈厥繁華總不勝

過怡園廢址感作

百年何處舊亭臺此地曾聽弦索來

相國季子克宏石宴同年於園中

散池平春不去一枝花在隔牆間

房門

房門東嚮畫堂空七尺明旌色退紅不似舊時樓下宿老妻呼婢話簾櫳

池上垂釣

浩蕩江湖怕畜池池心冷暖少人知老漁唯恐妨魚樂無餌無鉤一釣絲

鳥聲

春回竹樹日初暄禽舌如人妙語言聽到綿蠻兼睨睨國風小雅在林園

題朱初晴畫冊次其自題韻八首

唐堂集

卷四十八

七言絕句

三

水暖春江放鴨迴鴛鴦鵝鵝莫相猜祇今內養無差遣

任爾昂頭掉腳來

弛銜脫轡滾芳塵野草春風自在身只恐按圖來索駿

黃金裝飾去馱人

胡蝶身輕花色嬌一枝豐頰配纖腰禪心道氣無瑕璧

也動閒情費白描

妙筆嚴于棒喝聲寓言寫得闌雞成憐渠爲穀無多日

便想登塲作勢羸

劈空風雨震東阡收豎倉皇笠糾然玉勒金鞍誰氏子

嬉春偏遇豔陽天

榴膚小綻子攢攢乾鵲垂涎在筆端寫出物情酣飽處
不愁林外有金丸

絡緯良宵度不虛一籬煙露荳花初間將水墨秋蟲畫
補入幽風月令書

梅老不爲嫵媚形筆老不發繁華情橫空忽掃一枝出
那管夜來煙月驚

阮香秋色詩四首 有序

雁來紅也王阮亭寄謝香祖詩流目送飛鴻歷歷江
南去好事者因鴻去觸雁來遂易是名謝以詩遊京
師未歸寓書索賦末章招之也

唐堂集

卷四十八 七言絕句

圭

小卉經秋盡著緋雁來時節有光輝笑他燕子春風裏
王謝堂前各自飛

崔白徐熙費耑摩寫生便是寫真圖秋容老圃知多少
小字風流得似無

唐堂秋草沒階墀紅紫尋常不道奇珍重自今須物色
賞心如讀兩家詩

嘉名何必載稽含桃李塲中定不諳賓雁已來人未返
莫忘秋色滿江南

贈蓮花

卓女張郎人狹邪但將姿貌比繁華品題始得濂溪愛

弄月吟風道學花

自校集目

未入名家官樣編心聲辛苦一生傳次山文雜山林體
東野詩多草野篇

唐堂集

卷四十八 七言絕句

圭

唐堂集卷四十九

華亭 黃之雋 石牧

詞一

西子妝 咏破鏡

纔印紅顏又描白髮不耐與人相見
湘奩割碎一輪秋
怪中間舞鸞飛散脂愁黛怨剛刺得情痕片片記當年
照樂昌公主啼珠成串
妝臺畔雙腕擎圓界限冰紋
綻半池秋水儘分明薄倖人不來攜玩知心侍媛愛摩
弄菱花青斷月初弦一樣清光未滿

卜算子慢 春遊

唐堂集

卷四十九 詞一

遊絲乍繞芳樹漸齊偶踏畫橋紅霧柳外高樓一片嫩
煙扶住繚牆邊淺遞流鶯語爲憫惜桃英萬點隨風細
細吹去
窈窕尋私路記草色香痕舊曾相遇欲飲瓊
漿定少麗人憐與枉多情門掩無敲處笑此日吟魂醉
影化濛濛花雨

采桑子 開曉

半房花影紅窗曉日色堪嫌睡味纔甜夢醒春風暖玉
纖
羅衣著罷晨妝嬾故淡眉尖笑倩郎添証以菱花
鏡一奩

木蘭花

夢中得四語醒成之歌之甚協也

柳絲影裏魂棲住侵曉背人尋伴去艸黏飛絮掩行踪
水浸落英迷出路
蘅皋日晚無從遇想在春風飄蕩
處粉香吹結枕邊雲花氣蒸爲牀上雨

浣溪紗

鏡裏紅酥只對看機邊錦字懶催完英臺飛過玉欄杆
鬢壓花鵲春枕薄手搓香碎夜爐寒偶忘日子問鴉
鬟

一叢花 虎邱五人墓

春苔覆堞日痕鴛鴦鳴嘯墓門邊雖藍嫩紫催寒食晚風
裏乳蝶雙眠月底夢回傷心綫騎感慨看江煙
雨眸

唐堂集

卷四十九 詞一

二

酸淚瀉如鉛倚石誦遺鐫澆殘一盞梨花酒浸千尺碧
血黃泉鬼馬踏雲羣雄夜集陰火射墳園

浪淘沙 句容曉發

殘月墮無聲山睡初醒馬蹄得得自敲星兜路秋藤風
過處幾點流螢
遊笈慣飄零此地頻經客程回首曉
霞生一帶人家閒裏住炊瓦烟青

定風波 月下渡江

燕子磯根急浪春浪痕遙颭水燈紅無數帆檣先後發
乘月阿誰能唱大江東
呼起當年吳大帝貪睡不知
船上有英雄獨立柁樓吞沆瀣簫響一聲驚起萬魚龍

鶯啼序 說筆

毛錐憤然躍起向黃生請罵我依汝寒雪秋螢每生鮮
蕊如緒枉勞却霜顛杵杵幾回貶我西風價願退歸泥
冢今宵與君辭也 欲答還慙賤子有罪幸中書有赦
打蕉雨常送淒涼舍君誰伴長夜益州來鸞戩十版鄴
中到雀臺一瓦暫陪君聯個因緣願時聊且 他年脫
穎共爾高飛廁玉堂金馬奉帝詔撰詞木芍草賦長楊
一腕雲煙彩毫濃寫雕犀製格鏤金裝管珊瑚十丈鐫
爲架盟薔薇秋露垂垂灑風靈雨怪遙攜蛇影龍魂萬
里勇赴其下 朝回解囊付與濤姬許玉纖共把慣用
唐堂集 卷四十九 詞一 三

卜算子

蛺蝶不知愁對對春風舞卅字欄邊舞不停舞過花陰
去 燕子不知愁對對春風語丁字簾前語不休語上
雕梁住

憶漢月 代人愁月

沒個有情如爾辛苦尋儂來此夜闌珍重下迴廊驀地
照人憔悴 垂簾渾怕看偏照到綠羅幃裏一泓碧水

浸衾寒那忍卸頭來歷

歸田樂 東路西駕

晝壓蒿塍雨望故人此時城北渺渺雲濃處健否念我
否飲否吟否何久無書寄鱗羽 如予奈何許自唱無
聊傷心句欲爲君道腸斷那堪數嬾耳抑鬱耳恨耳憊
耳愁耳汝若相憐願分與

感皇恩 虞美人花

小綠嬌苔痕軟綃初揭露染春腮印紅纈麗人妝罷莫
倚鮮花爭折看來濃濕處處虞兮血 前生如夢楚歌遙
歌淚影絲絲舞裙裂晚庭風起應惹重瞳愁絕落紅吹

唐堂集 卷四十九 詞一

四

未散同尋月

鬪百草 雨中芍藥

恣意喧妍片雲濃處天無賴做雨成絲弄花如水幾度
斜飄密灑一枝枝是酒後愁情浴餘困態向碧玉欄邊
妖嬈側倚鞦韆鬟低黛 應恨繁華遲暮生未逢春九十
韶光渾不在腮影香沾淚痕珠泥爲憐伊將離識改休
持贈牢抱芳心風前耐曉晴外約佳人玉纖試採

南鄉子 六首 暑夜用歐陽炯韻

野月無家水螢點火照葉花前代采蓮人已去船回浦
夜半鵲鵲波上語

暮艤蓀橈紅樓靠水綠楊橋樓裏誰人呼侍女挨簾
風露三更儂欲住

卸却釵鈿濕雲一朵覆腮蓮自說小名呼錦瑟裙腰窄
喫剩香茶伴獻客

綺榻如煙水亭八面晚涼天嫩色羅裙湘水淥身初浴

一盪荷花吹未足

碧簾痕平免華斜映穀懨懨明偎貼枕屏鬆鬢尾雙眸水
盼得人羞抽臂起

月墮煙中蓮衣如夢掩嬌紅待得輓轡聲靜後星如豆
笑拂荷珠潛盪手

唐堂集

卷四十九 詞一

五

一叢花

見乞花人

繁英如錦護疎籬欲折問蛾眉停梭軟語窗紗裏暈紅
頰欲出伴遲捥鬢礙簾兒裙避蔓屐淺印香泥 唾花
袖底剪刀攜斟酌剪何枝柔紅應手纖纖下膽餅內儘
許相宜花露未乾高擎頻囑休使濕羅衣

洞仙歌

夏曉

一泓曉氣冒庭柯之上露泣風啼發秋想月痕如淡掃
半牕窺人憐欲別未忍淒然獨往 凭欄還獨自何處
騷騷翠竹迎涼遞乾響料此際人家靜掩碧窗綫尋夢
雙眠羅帳天遣我多情不成眠把一卷閒愁藕花邊唱

探芳信 春溪即事

最瀟灑是碧水如油柳灣亂瀉又趁人蝴蝶成團舞花
罈晴堤草綠縈裙帶衫子游絲惹阿誰家粉黛風前澹
羅吹麝 遙岸互遊冶聽絃諳風鳶鞭嘶寶馬暖意熏
人人境頗堪書畫師倘寫溪頭景寫我傷春者問先生
你個傷春難寫

西平樂 感興

欲坐還行暫眠又起何事脈脈魂驚書牕游蟬筆頭嚙
鼠由他網胃窗櫺但望美人今日暮采杜衡兮路遠江
皋帝子蕭蕭幽篁山鬼冥冥獨上河橋佇立行不得慘

唐堂集

卷四十九 詞一

六

斷鷓鴣聲 楚辭一卷湘醪一斗纔悟前身纔懺今生
休想到兩船淚影禪榻茶煙并與紅絃錦瑟白馬花袍
都付東流趁浪萍無奈眼前流連光景花又初開鳥又
初啼月又初圓教人那不關情

黃金縷

擬司馬照贈妓

石竹羅裙幽露眼攜手青臯許結春風伴花雨路泥渾
不管草痕冉冉隨之遠 唱罷愁蛾顰處淺羞記同心
松栢西陵短翠燭照儂儂意軟一雙歸去江蟾晚

摸魚兒

擬關盼盼燕子樓詞

閒春樓小燈紅吐春煙樓外無數相思一夜情多少應

似鬢絲千縷張節度祇剩下鸞簫蛟瑟無人覩淒涼舊
譜任磚繡呀青土花笑綠白日響蛇鼠 元禽至也解
離梁怨語朱門空鎖高樹自埋劍履歌塵散銷歇十年
看嫵張節度又幾遍白楊風掃墳頭路殘紅似雨拚一
縷柔魂冥冥雨裏化作紙錢去

羅敷嬌 惜花

春階花蕾因風綻恰好風吹莫再風吹容我遲遲看幾
時 宵來花片隨風謝恨煞風吹不忍風吹兜取殘紅
葬一堆

相見懽 春雨

唐堂集

卷四十九 詞一

七

金鳧自熨羅襟嫩寒侵帶濕東風拖雨宿花陰 春無
賴吹窗外落花深記取釵鈿墜處待晴尋

曲遊春

已卯歲元夕里中張燈殊盛而風雪阻之

醉與銀花語問一生幾度良夜圓月況入新年早馳情
三五闌蛾時節裊裊春如髮拖逗得韶光明滅怪東風
盡日吹人撲上一衣寒雪 怨煞煙欺雨壓料絃管都
休燈事銷歇多少紅裙競新妝初了望晴愁消窗底喁
喁說天甚事阻人遊屐不曉收意東皇可曾耳熱

翠樓吟 魂

月魄荒唐花靈髣髴相攜最無人處欄杆芳艸外忽驚

轉幾聲啼宇飄零何許似一縷遊絲因風吹去渾無據
想應淒斷路旁酸雨 日暮渺渺愁予覺黯然銷者別
情離緒春陰樓外遠入煙柳和鴛私語連江暝樹願打
點幽香隨郎黏住能留否只愁輕絕化為飛絮

前調 夢

面面紗窗層層綺帳宵來料難遮定依稀遊戲處在明
月花香幽境迷離無影待繚繞天涯尋歡俄頃嗟孤另
幾番隔斷水昏烟暝 夜未眠也難成囑暗風休便把
人吹醒相思仍一路向雲雨前頭先等無人拘領柰一
兩棲鴦來啼金井殘更剩儘拚重做枕寒衾冷

唐堂集

卷四十九 詞一

八

前調 想

杳渺無端將吟忽笑長教悶懣懣地東風相繚惹陡提
向心苗中繫慵拈鍼繡慣蟾蛩領低垂秋波斜睨銜纖指
小腰凭暖玉欄杆字 意緒難與人言在宵冥思路筆
端描細離情縹一縷問遙向阿誰邊寄相思滋味怕薄
倖檀郎消他不起無聊耳轉難拋下隔年心事

祝英臺近 贈鏡

月般圓珠樣潔秋水一泓滿青綠摩挲舊鑄漢時款問
他流落人間照人多矣可曾照玉環飛燕 繡奩捲好
將花影紅窗結做曉妝伴暖捧春纖畫出翠峯遠憐渠

一片冰心受人磨洗甫能得相逢嬌面

女冠子 庚辰歲元夕

去年元夕曾被雪花淹黑到今年穩料春能霽誰知月
怕圓 雨偏連夜雨天竟不成天閣過觀燈興待明年

鰥影 咏梅為友悼亡

東風太惡慣弄香簾粉吹到妝閣瘦損花神乍轉冰魂
潘鬢休教染著當年素手斜陽裏笑書意折枝衫薄怪
尋常一樣時光鎖斷綺窗珠箔 惆悵芳客去後小庭
但剩下無數重夢箇裏吹殘尙帶春寒人不如春有脚
更關月轉郎眠處幸早赴羅浮前約夢醒時軟盡剛腸

唐堂集 卷四十九 詞一

九

怕想額邊花落

二郎神 秋夕對月

秋何許看河影環將秋住柰夜靜庭空天路近對蟾魄
孤飛無侶汝自天邊飄泊慣底偏向愁人延佇又照個
多情蟋蟀整夜窗前私語 酸楚都來攪亂枕邊羈緒
且起親西窗閒偏否放月姊隨風歸去待我着閒愁散
後再打點閒情玩汝莫浪把清光擲向宵來無人處

一枝春 有為聽浴詞者嫌近毀棄正之以雅

絮撲東鄰豔陽斜小泮羅衣香汗蘭湯試否細語杜鵑
花畔窗紗閉響想卸到畫鸞裙欄知尙怯一縷微風逗

得玉肌寒淺 移時暗聞水濃是冰綃三尺輕勻濕偏

梨花鏡裏帶雨自憐春軟闌牆未許肯簾外侍兒金賺
應怕有雛燕雕梁看人未免

應天長 秋夜

一痕月浸窗櫺紙廊外風吹梧葉墜夜無情秋有意拋
個不眠人在此 憶來惆悵事付與畫欄煙水一種花
香露氣分明是夢裏

月華清 八月十二夜月

將近秋分曾交中澣眼光先在天際印出蟾痕略欠三
分圓意思素娥漸釀清輝把六六時光初試相對恰金

唐堂集 卷四十九 詞一

十

釵偏數玉欄全倚 儘費纖阿心計就弦望中間算來
勻配報汝團圓祇過兩三日內未放開揭免瑤宮尙羞
濕跨鸞仙子晴霽有風流裙屐冶遊纔起

前調 十三夜月

如鏡稍虧如盤未滿一泓遙映江上雖則黃昏早濕碧
空銀浪恍追憶旬日前頭還只似小蛾眉樣一餉忽珠
胎撐處桂芽頻放 惹得遊人吟想便急切愁他不成
圓相影已堪憐預擬開筵延賞儘不眠耐過今宵怕明
夕還應相做琴響指金徽暗記夜添秋爽

前調 十四夜月

暮色蒼然明蟾先起絕無雲影來紅照日秋香漸向中
秋過險不爭差些子光陰肯奪個好名先占模範算尙
留餘地一分仍減 彷彿初窺鸞鑑正午纔奩衣側邊
兜掩瞞却人間何處尋他缺陷便捱過十二週時定又
是一層烘染微欠料姮娥不寐勾圓雙臉

前調 十六夜月

相望紅輪仍圓皓魄海雲疎縹緲吐七寶重修依樣昨
宵瓊宇愛清光千里君同稱二八緊聯三五延時料廣
寒再舞一回霓羽 漫信義和庾詵取費葉平分晦期
倒數秋也纔中佳節何妨讓與問夜來踏月嬌娃剩多

唐堂集

卷四十九 詞一

士

少畫橋香霧蟾免願從今休縮一絲兒許

前調 十七夜月

冶興猶濃遊情漫急素鸞初到花裏魄已新添提起前
宵心事恨圓暉圓不多時剛兩轉便難相似遊戲是吳
郎斧快一邊修去 屈指休題七字恐牛女河邊槽騰
驚起回笑嫦娥瘦損而今方始但假借算日爲年恰金
雀鴟鬟年紀妍麗喜秋光未減餘波猶綺

前調 十八夜月

東望蒼茫來何遲也夜寒獨立搔首爲損容顏嬾又遶
人杯酒料此際虎阜笙歌儘今夕翠樽紅袖知否是吳

姬賞月怕遲十九 恰應潮生日候有蚌彩涵波舒光
欲闌一樣清輝覺道盤痕減舊感秋氣不耐繁華偏積
下三分消瘦今後漫隨人冷澹更闌獨守

霜天曉角 同鍾廣思過僧舍

寒流略約楓葉籠菴薄僧立黃花影裏迎人處兩三萼
笑嚙秋澹泊茶煙吹荔幄敲罷一枰碁子看斜日轉
牆角

踏青遊 卽事

做雨裝晴天公畫成花態著幾筆春雲低蓋小池邊幽
徑裏亞籬門外瞥見處風流露桃心性斜撒一枝相礙

唐堂集

卷四十九 詞一

士

風到誰邊殘紅亂粘衣帶又趁著遊絲無賴倚樓人
應不料踏青人在弄鬢影回看近樓花影伸腕拗來斜
戴

齊天樂 味蓮蓬

風清露冷無人處枝枝素波扶起羽淺斜擎蜂窠側挂
拗入采蓮艇子涼生粉袂是細拍輕挑最宜纖指顫顫
勻圓翠盤渾渾嵌一痕水 當時紅豔謝了碧箭圓折取
猶帶香氣多少空房沉吟漫壁惹動愁蛾情事阿誰相
戲道略似人形綠衣黃裏洗硯池邊好將墨繡洗

雨中花 春閨

開看落紅風裏盡悵人去尙無歸信爲客淒涼也知無
奈那忍將人恨 別已多時歸也近未肯把黛眉愁損
豈不曾愁翻嫌鏡裏淚影紅腮印

浣溪紗二首 夏間

頻換生衣著體絲一軀涼玉水簾中紅酥怯向日邊融
繞扇團圓搖似月鴛鴦顛倒畫生風雕牙小柄滑春
蔥

刀闌甘瓜琥珀黏檀犀和液浸春纖寒飈還傷塊冰拈
荔肺沁來頻解渴櫻唇沾處已消炎脂香添取一痕
甜

唐堂集 卷四十九 詞一

少年遊 聽琴

花枝酒盞倦風塵羞認壯年身明月高時小燈低處綠
綺又銷魂 幽情彈碎秋風裏生怕客窗聞離緒七條
愁浪雙結淚點十三痕

臨江仙 依友所歸路中占

小院黃昏寒意重客窗誰共街卮恰宜招飲話相思壺
傾溫酒急燈剪結花遲 促坐談深生夜暖北風何處
開吹更關攜笑出門時溪煙行裏畫霜月醉邊詩

瑣窗寒 床霜

不信連宵江楓葉葉染來都媚芳華換眼做冷裝晴天

氣悄無人三更四更碧空洗刷青如水借小窗月色高
簷風影畫成寒意 此際渾難睡想茅店板橋定催人
起淒淒向曉最惹烏啼心事耐初曉樓陰未銷玉階瑤
瓦添憔悴怕蕭疎鬢影撩他點入菱花裏

五綵結同心 味荷包牡丹

團圓樣小軟薄綃嬌對剪淡紅雙片貼合渾無縫想花
后巧度金鍼繡線穿絲自向花陰繫未視到裙腰溫軟
緘小口牢收密束略放春風吹綻 詔華只容一點恨
安詩太窄藏香忒淺挂得輕勻處也曾惹帶醉楊妃捻
扁倚欄獨自無心佩佩不了羅囊幾串須滿貯故園春

唐堂集 卷四十九 詞一

色寄與天涯人看

杏花天 落花

花鬚著蒂無情緒彈碎却春痕幾縷退紅潑點欄杆雨
風裏吹來吹去 有一片蛛絲兜住有一片燕兒銜取
香魂似與東風語爲我重吹上樹

玉京謠 味十姊妹鳥

密葉藏春羽體弱音輕雅稱嬌名字細數排行應教偏
屈纖指抵多少秦虢風情增一半縱縈才思泉花底爭
如去做昭陽燕子 分明有個風流堪儘瞞人算蛾眉
一隊喚到香閨十姨輕俊難比笑獨宿鸞鳳孤單看泣

生鴛鴦七二花如綺偏愛小名相似陳十娘詩乃拾遺之說也見

南浦 咏帆影

水面貼輕陰趁午風斜斜整整颺去掩映蛤窗晴渾無
定捱著半邊柔艣纔平又側幾番低浸楊花渡綠波如
縷儘藻網尊絲兜他不住遮來一剪江痕又帶若斜
陽添長幾許迢遞隔樽前清陰小落在落紅流處情浮
性薄蕪煙鋪水輕輕度女兒秋浦怕一片低迷壓醒鷗

菩薩蠻 芭蕉新葉

唐堂集 卷四十九 詞一 五

芳心乍展簪頭玉研綾細綳皺柔綠斜日漏清陰綺窗
遮不深嫩涼難著暑響曳蘇蘇雨滴下軟婀娜扇人
風未多

鵲橋仙 吉祥草花

殘脂一簇蔦紅一串綴得秋容忒小苔階風雨見無人
隨意做閒花幽草嬌難插鬢香難噴鼻羞比紫莢朱
蓼祇因些子事關心偕好識牆陰親拗

迎春樂 五更枕上聞鳥聲

閒庭鳥夢花枝暝簾幾扇窗紗靜曉風吹覺朦朧影啼
動了綿蠻性除是我愁邊易醒料難喚春眠人聽動

爾枝頭再睡露重花梢冷

沁園春 寄范芴溪代柬

孤館虛窗記昔同君客興最豪向蛺蝶膏淚處研朱改曲
虹堤齒外浮白觀潮跡散江萍顏看屋月遺夢相尋怕
路遙吟詩否想杏花春雨替我魂銷時以杏花春雨江南詩俱往
今朝嬾做洪喬爲傳簡朱門一一敲但玉煙墨損未同
拾芥珠編書譜須望投桃蟬史殘箋雞窠秘笈炙盞應
留十夜鈔還書債與相思債等總待歸橈屬購王煙堂書所借

瑤臺聚八仙 洋菊苞花

唐堂集 卷四十九 詞一 五

莫比花看枝葉裏分明細感冰紉擠來挨去有意轉做
團圓粉臉輕勻妝鏡內肉紅漸抹口脂間雨三番借霞
雲微換芳顏憐渠風帆浪舶慣傍珠倚玉渡海波
寒夢隔家鄉來伴數曲欄干蛾眉雖悔淡掃又羞學葵
榴太暈丹無人採怕露深難滾懶上釵旂

解佩令 枕上作

深杯易醉深更易睡怪敲階幾聲葉墜此夜親嘗是酒
醒夢回滋味越教人冷清清地一番心事一番憔悴
料難誇英雄無淚秋到情邊忍不了秋之爲氣看明朝
鬢絲添未

滿宮花 燈花

碧煙低紅暈裏結就合歡小朵穿鍼壓線略教昏欲別
情他婀娜 夜初深入獨坐呆看綠窗燈火留三兩焰
解羅衣漫許暗風吹墮

新雁過妝樓 詠菊

半捻萼苔重陽過幽花淡日初開美人芳草隨意變做
秋懷品第楊妃西子樣記曾細寫小名佳費差排映簾
傍檻無數金釵 遙憐芙蓉杜若定知香斷浦毀貌荒
涯未如三徑籬外穀剪綃裁西風又吹瘦影送黃蝶依
依飛去來閒情裏更夜闌相對月地霜階

唐堂集

卷四十九 詞一

七

唐堂集卷五十

華亭 黃之雋 石牧

詞二

高陽臺

庚寅重陽夜淮關對月

就水分涼將煙做暝河邊燈火關珊一葉西風何時吹
上長安窺船小月梳兒樣照行人已怕霜寒對清光看
也應攢鬢也應斑 人家多少垂楊岸想窗深書燭枕
卸雲鬟此際離愁倚舷獨坐更闌紅茱黃菊家千里向
秋鄉寄夢都難算行程不是淮關只當陽關

長亭怨慢 九月晦日

唐堂集

卷五十 詞二

一

聽船外晚鐘敲處似喚秋光夜深歸去人不秋飄零
猶在蓼花渚水昏煙暝知合傍何時住雨檣木蘭舟已
載盡魚風雀雨 無語看阿城一片斷送亂鴉枯樹悲
哉宋玉耐多少薄寒羈旅秋黏骨肉漸教深記念著黃
花情緒儘此夜無眠拖轉西風一縷

減字木蘭花三首

辛卯歲至日

去年長至帶病簋輿來帝里回首吳雲已是三千里外
人 今年長至轉向衡湘攜襪被定有人嗔風裏楊花
不著根

去年長至眯眼塵沙揚朔吹初次遊燕年已踰蹤跡

顛 今年長至身在湘天圖畫裏景妙於前雙鬢霜痕
又一年

去年長至學士樽前曾索醉雖是京華纔浣征衫未憶
家 今年長至萍水舟中談往事一樣天涯翻厭紅燈
亂結花

破陣子 粵西春日

戊夜明蟾窺室午安陽豔烘庭見慣西南天漏雨難得
今朝春放晴閣懷稍減輕 笑靨對開芳蕊嬌歌一弄
流鶯如此韶華如此過空費天公一片情惹人春恨生
清平樂

唐堂集 卷五十 詞二

二

寒侵夜坐月影挨窗過莫遣清輝單照我我是天涯一
個 遙憐此際凭欄舉頭即見西南那得將身貼月便
教看月同看

越溪春 壬辰歲三月十三寒食日用歐公起句

三月十三寒食日天是看花天暖風葉葉衫羅軟被遊
絲引到花邊晴綠皆香落紅如雨迷住春船 傷笛何
處吹聞小語隔林傳幾重花影柳影裏傍輕陰細裊茶
煙金粉一雙蝴蝶人前舞過溪前

迎春樂 山鵲

喁喁軟語窗紗曉比百舌尤圓妙翎毛穩稱腰身俏寫

澹墨邊鸞葉 已夢斷故山春香只合侍雕闌人笑梅
瓶應同珠翠改做珊瑚鳥

秋蕊香 例挂

么鳳飛來春淺五采緊裝花片綠綃一捻紅絲翦配得
天生婉變 釵頭小羽收心篆暗香滿橫枝倒立纖身
軟美女鞦韆索胃

三姝媚 白鷗詞

金籠擎小玉是唐宮遺種隴山疎族異樣嬌妍正澹妝
餘粉素裳初浴髻輦釵懸偏細剪葵花一簇 頂毛一撮
淡黃色
則散放如 嫩染輕黃羞學裙腰舊時妝束 來侍雕闌
黃葵花

唐堂集 卷五十 詞二

三

華屋便怕冷依香趁晴偎曝慧語休誇記雪衣娘子佛
經曾熟我是平原雖賦盡瑤華誰讀剩取迢迢鄉夢隨
伊斷續

惜紅衣 紅鸞詞

轆染明霞襟披絳雪異常妝飾帶微風流炎州孕穠赤
南洋萬里休怨損朱顏標格如昔紅袖雕闌伴天涯藉
客 金梁小立鸚鵡父相逢回身澹無色花前暗自愛惜
影兒隻須倩繡娘鍼線猩血綵絨親擎待去時攜看長
記嶺南相識

齊天樂 滕王閣見亡友董晴川次吳夢窗韻二首
石刻填此和之

依然閣署滕王字江風夜吹鳴尾書檻摧丹文窗卸綠
前日何人曾倚驚濤四起把斜澗西山拍殘妝翠幾許
帆檣問誰顏鬢最憔悴咸亨年少俊筆已將歌舞事
都付秋水浩劫千年危薨換昔聊識霞天餘意塵情暫
洗待宗浪凌風阮途收淚漫惹閒愁又挽憑眺裏

水調歌頭

三衛舟次遇陳方大適粵西賀其秋捷兼送其行

萬馬盡辟易一驍踏清秋渥注種是汗血不負九方求
鞭已輸君先著駕又慙予頻要徒憶舊同遊相見話離
緒江影繞雙舟滕王詠湘靈句總風流算程春到灘
水花氣擁旌旂見折桂枝輕便又茁蘭芽容易得妙

唐堂集

卷五十 詞二

四

齒撞煙樓開府願之喜星聚粵山頭

齊天樂

再登滕王閣次前韻

生衣初試高涼處雨絲尙拖梅尾倦岫堆青狂濤簸白
虛閣重來閒倚遙煙自起儘西郭人家書成蒼翠樹樹
花花關他炎豔未衰悴飄搖江上過客古人難再見
唯見江水粵檣纔歸吳帆又出專狎見情鷗意尊巽巽
洗怕濕後青衫又添新淚一掬才名斷雲殘照裏

澡蘭香

癸巳歲閏重午阻風舟中作次夢窗舊韻

芳辰篆虎故事樺龍客裏竟無人覺風欺閨午浪阻
舟且赴樹陰鷗約記今年搖艇鹽官曾重夢窗舊韻

黍如金剩有餘香黏翦俛仰俄成往事又挂西南一
鉤曉魄絲纏命縷寸厄黃楊旅况預愁邊幕待楊帆重
指湘源澆酒離騷細酌便做到六月飛鵬扶搖羊角

阮郎歸

豐城道中始聞蟬聲

小蓬掀處綠煙忙人家煙際藏雨行深柳半圍牆濃陰
如故鄉風過處一絲涼蟬聲飄客航可憐飄不到義
皇教人思北窗

浣溪紗

舟中詠月

鉤曲宜鉤帳額紗梳斜宜掠翠鬢鵝鏡圓宜照玉腮花
每夜換將奩具好荒江投向客船差掩篷眠去懶看

唐堂集

卷五十 詞二

五

他

蘭陵王

湘船對雨

雨絲急橫剪湘煙數尺隨風去吹破浪花曲引征帆上
遙碧微涼沁過客纔醒炎舟倦色靡蕪岸青暗翠昏一
點模糊釣翁笠雲頭散濃滴漸響拍檣腰痕漏篷隙
楚天環珮淩波濕看百碎漚泡跳波潑潑珍珠無數水
面擲情誰去收拾蕭瑟望無極正北渚愁深南浦人
寂飄來淚影相如泣便日暮孤艇斷魂誰識天涯芳艸
帳冒雨玩未得

解語花

見江岸草花淡紅可愛而賦

沿洲杜若蔽石江離荒廟幽馨惹細花開向無人處幾
點自成風雅嬌紅淡赭是暮雨羅裙吹化題贈他真本
離騷儘付湘靈寫 隨意自開自謝悵蓀蕩輕過寒未
盈把斷崖何處臙脂買空想倚舷臨畫淒涼在野誰伴
汝月宵煙夜須異時移綴漁莊從楚江歸也

卜算子慢 漁父

蓑輕類鳥船銳似瓜軟雪半披雙鬢采葑寒蘭占斷半
汀漁隱捧疎簪伺候湘風緊看遠浦微波自湧魚乘夜
漲而進 一笛清江引待點破滄煙畫情騷韻笑指遙
天又瀉翠痕綠瀟把山光潑得如油嫩正染著酡容醉

唐堂集

卷五十

詞二

六

眼伴鳬鷺眠穩

湘江靜

雁公應湘江水中淋漓大笑索予詞紀之

慣欲浮湘杯自渡乍驚他數鷗飛去波紋既輒汀煙又
滑定黏身不住白晝念清涼匹如散滿頭花雨娥皇夢
短靈均怨長都不是悟禪處 水氣香江味苦一枝蘆
料應踏誤攀扶未起隔洲笑倒有漁娘菱女浸濕趙州
衫七斤重今添多許摩尼潤了爐薰漫熅旃檀半炷

好事近

高臥小船梢仰看插江峯色都被綠痕皺斷是叢篁幽
石 天開十摺畫屏風遮住半江黑仔細亂篙撐處怕

懸崖崩坼

木蘭花

鴉鳩灘畔篁千箇蘿菖洲前花數朵草絲拖水字成之
禽跡印沙文似个 漁磯凹處煙猶鎖却被江帆衝欲
破雙崖杳杳靜無人一蝶飛飛忙似我

桃源憶故人

衡陽舟次懷徐叙九在長沙

吳江煙月章江樹幾片蒲帆同汝湘艇無端分處分也
無非楚 雲山北繞星沙路知被情絲黏住拋却一船
風雨儘我消磨去

一痕沙

漁船

唐堂集

卷五十

詞二

七

沙岸漲痕一畫昨夜水消三尺移過橈頭船蓼花邊
背了半蓑煙雨網喚漁娘同舉客槎指天涯不如他

青玉案

賦得輕羅小扇撲流螢

晚涼纔過窗紗雨正浴罷持紉素簾外無人螢自度微
光一點欲吞還吐飄過花陰去 因風吹落羅裙底忽
漫隨風又輕舉玉腕兜來綠扇住納囊懸向穀暉眠處
閃閃星星許

雙雙燕

予攜度兒來粵節屆立秋矣燕子方營巢於寓室之梢櫺而賦此

燕分來也伴客子天涯共棲官舍高涼心性避却書梁
雕榭只愛閒房靜雅便一寸楷痕相借窺簾軟語呢喃

恰與吟聲撩惹 聊且秋泥補罅 縱壘就新巢已違春
社人家雛早試翼競飛花下偏汝纔營半瓦塊多少堂
前王謝相逢一樣衰遲脈脈雨窗燈夜

採春令 閒易僧鞋菊

綠窗休認倚摩登誤西風行脚料葦枯隻履還飄泊借
綺戶花叢著 紫英摘取妝臺謠道如來拈錯寸跌嫌
踏蓮華濁換小朵清秋夢

前調 禪室美人蕉

阿誰釵釧施蒲團笑燕支一簇看散花天女嬌妝束蔭
懷素菴頭綠 禪心婆子休燒逐異寒崖枯木夜龕聊

唐堂集

卷五十 詞二

八

寄紅綃宿悟夢裏原無鹿

雁公有二題予爲各填一詞
非云綺語知不墮泥犁耳

滿庭芳 味夜來香

天瞑瑤廊香迷珠檻暗裏尋到藤邊小葩柔蒂五山綻
勻圓護煞嬌黃淡綠芳心怕炎暑熏煎涼階晚微聞逗
漏抹麗一時妍 堪憐風細處幽馨軟弱難到樽前借
純扇兜來一縷龍涎記起靈芸小字銷魂甚誰捧嬋娟
休辜摘紅欄寶枕人靜就花眠

齊天樂 三至縣王閣前韻

江帆屢載輕衰到船頭互銜船尾萬船成喧孤踪向寂
仍覓欄杆來倚晴曦乍起見幾個篋輿一行琤翠知是

誰家自慙相遇判榮悴 前年波暗浪濁客心驚絕處
今又清水鷺點平沙人團峭堞纔領些些春意紅絲硯
洗傍三寸苔皮半枝花淚可許留題舊遊詞句裏

十六字令

猜誰拂湘簾一線開無人影風送落花來

看花回 八里莊飲杏花下

紅粉平鋪一片煙花地天好尋何處閒樽坐軟裯不
礙枝邊玉樓人醉否只此堪憐 曲子悠揚度筦絃花
也嫣然日斜春影迷濛裏趁微風潑到人前羅衣飄幾
點隨意鮮妍

唐堂集

卷五十 詞二

九

錦纏道 豐臺觀芍藥留宿城南花塢

海樣韶光直得一身漂去任浮沈萬紅深處露華渲染
濃如許葉葉衫羅總被香黏住 聽吹來玉簫似人私
語嬌柔腸醉雲眠雨向閒亭一枕誰爲侶夜深月上夢
與花魂遇

沁園春 味蜀府扇

羅袖攜來素手纔舒微生嫩涼愛移星細骨半規暈紫
塗膏便而一縷沿黃蟬雀休圖女鴛漫畫寧羨齊紈潔
似霜堪持贈是聚頭識好摺疊情長 曾將粉靨遮藏
奈彎處蛾眉漏一雙喜浴餘滲久不沾痕濕眠時搖倦

偶壓肌香撲蝶嫌輕兜螢恨薄剛展茶煙出瑣窗從頭
看有泥金配色小楷斜行

青玉案

予有醉鄉夢境圖記或笑之賦此解嘲

趙生遊戲華胥住享些子天然趣不是席堂新創語衆
人皆醉浮生若夢雙勳前賢句輕塵棲草風飄絮偶
落人間未歸去縱欲醒時天不許銜杯就枕陶陶栩栩
是我經綸處

念奴嬌

病起

屏低六扇耐朝來慣度藥爐煙影著背寒生簾不捲陰
雪瓦稜猶剩炙炭纔紅呵毫未黑懶起唯耽靜誰來尋

居堂集

卷五十

詞二

十

伴小窗天氣初暝同是千里依人柔情繞指爲惜天
涯病流水年光如夢裏孤負燈前人醒串斷喉珠宇消
心篆繡被多時冷笑拈圖書一團梅竹相映案上有歲寒圖

蝶戀花

此詞

關凌雲納姬子投賀詩因命姬出拜復贈

央取鸚哥簾外喚喚出朱簾平視迴嬌面雨點春山眉
黛遠檀郎彩筆描應慣凌雲和詩云大會蘇洲客散時華亭才子杜新詩遠山眉黛羞

難稱過看當

墟便可知

嶺外春風遙不管儘放師雄夢穩蓬萊

院小蕾花枝團一串旁人倦煞看花眼

凌雲案有三姬

滿江紅

題凌雲長沙妓傳奇

似我緣慳渾不信當年淮海人老去尙招煙月粉恩香

愛一管羅浮仙史筆寫生墨瀉隨風灑使憐才一點翠
棲心居然在珠十斛誰堪買花四照誰能採有燕姬

夢向玉堂人拜

凌雲所納候姬先有夢故歸之緒虎始知多巧遇彩鸞

瑞合酬情債笑樊川空手寫揚州無聊賴此言易燕陳公家伶每演子

夢揚州樂府極流傳

品令

贈梁仙來納姬

蠟照籠金翠透簾外香蘭氣曉光纔動夢華纔醒碧綃
闌內柳樣纖腰臂得瘦腰健未詞來去夏大病洞簫才子解
憐惜人扶持小窗低問熏爐畫扇阿誰之惠子以二儘物爲賀
辨閒情朝罷倚花頻醉

居堂集

卷五十

詞二

十一

江城子

贈馮禹拜納姬

榴花著色染羅裙步香塵淨無痕一片金鈴館裏曉行
雲嫩粉輕黃剛二八燕玉媛最青春玉堂風月定消
魂是何人小馮君索米多時飢朝隱金門從此談諧能
割炙歸遺語綠窗閒

踏莎行

厚載門外荷池小憩

白日愁人紅塵困我葉田田處剛經過者邊嘲鴨浴雙
雛者邊虛艇橫三個便想江南蓮舟唱和鴨兒爭脫
紅裙裏不須推到看花開未花已遣情無那

漢宮春

出朝門循玉河而行楊花堆徑如雪

如許風光被輾紅塵土埋沒多時終朝荷囊束帶簪筆
形屏柳邊花底問何人歸院曾迷渾水見堆雲橋外隔
河小路透迤 僥倖微車羸馬傍垂楊出水獨放輪蹄
何來雪花糝徑惹動相思韶華背我塊閒曹到此纔知
雙鬢影無人厮覷春風一任相吹

探芳信

午日重到荷池同鄒太史泰和

早朝罷趁一扇障塵雙鞵替馬正曉京天氣平池澹如
畫遠風吹聚蓬瀛侶人影垂楊下比前番燕態全輕鷺
情尤雅 好景漸宜夏看萍點錢圓浪文綾研依約江
南倒綠映簷瓦無人競渡空流水引起思鄉話向波灣

唐堂集

卷五十 詞二

三

試覓漁竿共把

隔浦蓮

同李太學西園曉池觀荷花酌茗而返

今朝纔見洛浦無限淩波女或笑揚紅袖人前立風中
舞或與明鏡語嬌相顧或掩羅裙住悄無侶 方塘窈
窕迷藏猶在深處穿梭小艇恨未著儂搖艣花裏茶煙
柳外路歸去餘香長帶煙雨

鳳池吟

題鄒湛大郊居圖小照

三島樓臺十洲雲水纔有如此神仙訝披圖相見似曾
相識韻宇翩然橫榻科頭穀衫猶帶御爐煙紅塵不惹
桐蕉荷竹尺五之天 蓬萊傑直三世有賜書萬卷插

架相傳在直廬深處圓明園左桂枝行處退食歸來履
痕踏不到花前忙何事爲沉吟應制新篇

東風第一枝

贈女士袁寒篁

研粉牋光簪花字楷綠窗詠慣飛絮傳綵筆徵君最
賞翠閣孝女冰心蘭畹爲唐勒梅花題句便費却子建
吟毫江上和填金縷 曾話向鳳池夜雨想讀編苧城
春樹故鄉老去歸來待拾斷紈片羽采風名媛脂黛
香奩陳語願手浣清露蓄薇細寫謝庭新著 焦微君袁
尚吟驚竟陵唐應常建中梅花詩寒篁題詞甚佳金縷
曹農部友夏賞而和之示予京邸歸里後與百字以贈
壺中天 原韻 江寧寓中寄題張進士奕山學圃居卽次

唐堂集

卷五十 詞二

三

朱家角裏料無因縮做對門衡宇間說瀛壺風景好幾
許松窗雲戶不似城居谷陽橋畔絕少山林趣高軒曾
過媿無一字堪煮 約我春泛鷗波秋乘漁艇來訪湖
邊搗想到花香茶熟候不禁色飛眉舞逆旅經年相思
隔水孤負園亭主予懷渺渺九峯三泖佳處

前調

再疊韻和賦海棠

今年白下趁春遊踏遍梵宮琳宇記得隱仙菴裏去一
抹絳雲遮戶豔又裁豐嬌還帶醉滿樹楊妃趣道人供
客雨前芽費頻煮 庵在金陵城北 那識薛波家鄉清河宅第
也有藏春塢花底邀賓吟玩早怕待落花飛舞紅綺鋪

煙紫綿烘日，櫻漫逢賢主。惹人思憶，午晴鶯語深處。

前調 三疊韻和初食園笋

綠過驚蟄，是輕陰地面，薄雷天宇。一寸春泥封不住，欲
遊渭川千戶。籥未成班，萌剛露角，中有甘香，趣嘗鮮老。
餐廟來，隨剝隨煮。知是張廌，閒居山看野蔬，取辦修
簞。鳩吾恐來遊過，荀侯唯對此君吟舞。舊搗痕邊，新抽
影外，看竹何須主。指尖刻粉，記參玉版，禪處。

前調 四疊韻和賦綠陰

洗紅過了，看池塘柳絮，飛人簷宇。露濕煙籠天一曄，不
辨朱門蓬戶。百種菱迷，十分渲染，圖寫天然，趣漁舟棹。
唐堂集 卷五十 詞二 五

破泊來，午飯纔煮。應爲廿四番風，吹完花信，綠暗辛
夷塢。知是誰家雙乳燕，穿過濃陰，而舞碧蘿衣。羅翠黏
展，欲欲訪山莊主。山童遙指樹深人不知處。

前調 五疊韻和中秋夜同雪莊賞桂

何來仙種，是廣寒裁向瓊樓玉宇，曾伴吳剛經斧斫。七
寶同修月戶。葉底翔鸞，花邊馴兔，湊合蟾宮，趣繫纍桂
實。生餐更不須煮。惟有張姓，連天天香飄下，金粟填
秋塢。鹿鳴滿庭芳一曲，滿庭芳實非。勝講霓裳之舞，賓
客淮南風騷，柳上先後推盟主。吾吟招隱，小山叢桂，何
處。

前調 六疊韻和晚晴看梅花

先春欲吐，便瓊瑤一色，鋪爲庭宇。林下水邊，裝點慣雅
稱高人，門戶翠羽輕風，玉鱗斜月，索笑都成，趣滄寒滋
味。竹爐湯茗初煮。遙識鶴徑，風滿嵐光，埒影。鶴徑以
勝地一種孤山塢，幸不折來，傷歲暮幾片雪花，齊舞姑
射神人羅浮仙子，與壽陽公主，依稀不見，且尋香處，疎
處。

前調 七疊韻代東

把君吟卷，羨羣賢歌詠太平寰宇，不但流連花月事空
說。酒家漁戶，鹿柴詩成，輞川圖就，大得王裴趣，譬於甘
唐堂集 卷五十 詞二 五

旨五侯鯖味同煮。吾亦千里懷人，六時覓句，緘寫投
山塢。慙媿填詞，艱壓韻，豈解筆歌墨舞，貂續篇多，蛇添
調，積未免賓喧主。煩爲繩削，合于秦柳高處。

滿江紅 癸丑歲六月十二日同人泛秦淮

水上風多，坐江艇、衫羅輕卸。斜陽裏、聽歌勸酒，滿前王
謝。四面樓陰，蘭藥鷁，十着簾底冰綃。最宜人、團扇藕
花邊，乘涼者。邀笛步、閒情寫桃葉渡，閒愁惹看迷漾。
夜色書成，良夜露濯蟾蜍，銀漢濕蠟籠翡翠，銅盤地趁
煙波妝點太平宵，非造冶。

桂枝香 甲寅九日張封君招同蔣致授賞桂湖日
又貽黃雀奉和來調并索其酒

秋園尚綠看細萼綻金芳樹團栗不似重陽氣候佩萸
尋菊黃陂蔣徑荒蕪後幸招邀飲中張旭罷官開事登
高舊話但傾鄴渌便一醉歸來睡熟戲截字羅池吟
句盈幅集坡書羅池廟碑字三韻十首寄往何意披綿新鮮又香蓬屋黃
雞紫蟹誰堪並和椒糟風味如玉佐觴佳品牆頭籬畔
尚須翹足

雨霖鈴

秋夜梧相雨和徐太學今吾

今去錄示雨霖鈴新雁過妝樓二詞索和云是二十
年前恒親王邸中應教之作會命女伶按拍歌之
極諧梁郭風流至今可想因倚聲和之水痕清淺猶
作鳥爪伎倆所謂見獵心喜者耶

唐堂集

卷五十

六

就黃昏淒絕落響瀟瀟陣雨任金井飄葉但悵恨衾冷
無眠坐剪燈花燼初滅凌晨定把高枝截怕淋漓點
滴心頭咽拚教且儘今夜聲肯向耳根邊歇想到朝陽
翻受三更五點磨折慣撼醒孤枕愁人夢裏晴時節

新雁過妝樓

本意

夜靜秋高蘆花外飛鳴暗趁風飄惹愁撩恨偏到書檻
蘭橈不管何人樓裏住半明半滅小燈挑鎖無慘近窗
聽得拖過煙霄曾經當年話別看斷行字跡染淚紅
綃舊時心事今夜又值初遭橫空甚雲甚雨助嘹唳聲
聲悲宋騷人無侶剩竟牀長簾聞此魂消

疎影

和鄒侍講詠梅生花

何須辨別喜四時不斷花信連接登少園林姹紫嫣紅
芳菲慣引蠶蝶翻愁一瞬韶華老便到了飄零燕燕
遙他柔柔鮮妍耐得綺窗風雪珍重銅餅供養幾會
惜雨水滋潤苗葉鼻觀無香服孔多情一種豐顚嬌勝
繁枝點綴天然態恐誤惹玉纖攀折祇怕教塵染煙熏
不似斬新時節

法曲獻仙音

鄒學士盧御史顧中翰傳鈔予詞情賦

曲裏魂銷句中看舞賞激當年曹范曹重十經范續武
功吾鄉秦博也昔
咸賞過眼輕雲斷腸芳草泥犁綺言都懺任盡他殘鐘
予詞

唐堂集

卷五十

七

散多時省塗染歲華暫擅風情讓人年少吾老矣論
斗麗才頓減輦下塊泥傳編抄將爭費藤刺夢隔蓬萊
詩羣公吟屐猶欠想零金屑粉些子不同凡豔

自序

童子雛篆焚如棄如弱冠而後敝帚積焉歲辛酉所刊而集之者文遺什二詩遺什四嘗憶某地會遊覽其人曾倡酬某題某事已遺之則耿耿若失及見所刊有存者稽擇而錄焉又鄉會試二三場文書啓外有天牘前人或入集亦擇而錄焉名之曰補遺譬之藏器雖有玩賞又念其餘非甚苦窳也亦嘗雖以拂拭焉而不終棄之則雜文詩詞是已譬之食味菽粟無缺矣或備不時之需者亦嘗亨飪及之七箸下之而奚獨舍諸則試墨束札是已編爲二卷就各體次先後云至所撰

唐堂集

補遺

自序

臣傳明史不錄遂湮沒不敢存說經數則寥落不足存集字詩賦或已見他刻纖瑣不欲存前人集成有載者予則遺而不補譬之觀戲大之衣冠揖讓小之嬉笑聲歛登場出色非不各殫能事竿木一散而聲容胥寂矣乾隆九年甲子歲冬十二月甲子

南豐

唐堂集補遺目錄

卷一

雜文

溪濱賦

招靈胥

擬

上以皇輿全覽圖刊刻頒賜謝表

擬

上於孟冬朔頒康熙六十年時憲歷賀表

鄉試策 第三問

會試策 第四問

古文後場序

一畝宮制藝序

唐堂集 補遺

目錄

代陶淵明爲愛菊說

三不可說

萬贊

題疊翠集

題路湘山詩

蠟梅詩跋

尺牘

答曹謬廷庶常

答顧小厓編修

奉復大學士陳公

答謝山人香祖

答林豫仲太史

與鄧悔廬學使

答謝香祖

答王樓山方伯

答樓山撫院

上陳大司空

答金山王直夫明府

寄李淮安

又	答雅太守
答林太常	答王澂川宮詹
答門人范祖年	答門人沈學子
答王文河太守	答王疑箕太守
卷二	
古體詩	
效吳日千鬼語	耘豆
題錢春江小照	乙未春日也園醉後作
粵西送陳北樓還吳	贈陳進士問野
詠史	錢主敬席上送主衡就婚
唐堂集 <small>補遺</small>	目錄
江右分得一字	老樹軒觀魚分得墨字
寓樓望鍾山	中秋詞
湘行曉望	答朱江佩
答姚衡麓贈別用杜韻	題邵孝廉文昌握髮圖
題快帆圖爲廖吳前	寒歌
畫白雲廬歌	
今體詩	
劍池	雨中斷薪米二首
題陳宮詹傳經圖奉次原韻三首	
庚寅歲上巳雨	賦得春草碧色

賦得春還事蠶作	金山敬次 御製詩韻
河干散步	京寓喜雨
邢臺道中	環碧堂
案頭冬蘭	蘭溪縣望江樓同雁黃分
得溪字	出陡
夜雨篷漏無坐卧處	江郎石
曉行	集蔣迥夫西原草堂
賦得往時文采動人主此日飢寒趨路旁	
躬耕	賦得蠶食葉成字
霜降	春感
唐堂集 <small>補遺</small>	目錄
舟中對月懷澄江同遊桃源諸子	
紫陽洞	邯鄲經呂翁祠因卧車中
不及登	子陵釣臺
靜海勵公以大司寇兼院長	
歲試事竣還福州	泉州試院
賦得霜葉紅于二月花	張南華太史有憶詩步韻
二首	賦得山雞舞鏡十二韻限
山字	庭葉
海塘看潮曲	九月望夕姚灣對月
新喻道中見捕虎被傷者	鷓鴣溪

舟中聞蟬

丙午花朝至建寧

蝴蝶

揚州關阻

偶成二首

詞

漁歌子

題柳溪漁隱圖

月下笛

月夜望偶兒燕處

尉遲杯

清明過溪上飲

霜花腴

訪四隱墓

沁園春

之

周永持咏煙詞甚佳然是咏美人吟煙次韻效

八聲甘州

秋蝶詞

步蟾宮

春夜聽雨

魚遊春水

詠水中魚影

一叢花

題書扇

點絳脣

湘行望曉山

斜廬

讀書斜鳥

唐堂集

補遺

目錄

四

燭影搖紅

贈王進士孫同新婚

唐堂集補遺卷一

華亭

黃之雋

石牧

雜文

溪濱賦

康熙年下同

唐堂集

補遺

卷一 雜文

一

及古之人兮吾誰與玩此芳草悲吾靈均之言兮使吾
曼吟一刻而遂老亂曰愁陽春兮噫閨不遇一人兮噫
衷衷溪濱兮噫

招靈胥

有序

歲壬申秋夜泊吳閫有慨於伍胥就舟中作騷體以哀
之胥賢者文招之無愧也

悲長江之中鴟夷衝激兮挾古風雨而到今驚濤隨之
不絕兮誰實諒此臣心臣信修其姱好兮曰永矢夫國
家既俱覆彼鄢郢兮弘霸圖其誰何維構李之不可其
戴兮弛予筮而舞歌塞蕭艾以盈庭兮蓀亦無以自主

也蔓芋蘿于蓀之宮兮哀豔妻之煽方處也彼妖狐洵
頑冥兮顧獨工此謠諑進昌陽以延年兮謂蓀苓之不
若掃蛾眉之婉孌兮悵蹇脩之不迎既無人焉爲理兮
又重之以青蠅長洲之流何瀆濫兮疇則起而沼之不
旋踵其將及兮疇與爲蓀告之蓀不答余之中情兮愕
妖言其不祥屬鏤不加于宰之脰兮竊獨殲此忠良彼
飄風雖狂暴兮亦安忍吹其骨也兩瞳子亦速朽兮猶
及見烏喙之犯城關也委身命于江流兮魚鼈抱其幽
憂彼黃山里女尙戀戀于瀨水兮覓穀綿而來遊丈人
期乎蘆之漪兮曾麥飯之不可少留嗟齊民兮尙相識

唐堂集

補遺

卷一 雜文

二

思公子兮心不測蓀棄我兮荒亡我思蓀兮陴側寄王
孫以綿祀兮矢殉國以一身生抑鬱于末路兮沒揚靈
于江滄麾朱鼉使前驅兮召黑鼉令旁擁噓白浪于吳
越之間兮誰克當此神勇摧餘皇皆驚懼兮撼川嶽亦
震悚也奠椒漿以告之兮其少息以聽余頌也思說前
之蔽明兮與功高而受誅閱千古亦事之常兮其於子
而奚殊昨維舟兮江邨若有物兮擾余夢魂寤迺見明
月兮蛟龍暗而無言彷彿素車白馬兮乘夕汐之沄沄
緬精靈之匪遼兮敬酌之于城之門訊曰已矣哉國中
之人不可與族兮皓皓之體果魚腹兮駕子之車策子

馬驅入吳宮贈以目兮魂歸來乎風百世猶謾謾兮

擬

上以皇輿全覽圖刊刻頒賜謝表

伏以治隆一統廣輪宏無外之規德冒八埏宙合繪有
形之象聚河山于尺幅綿亘中邊籠寰宇于寸毫并包
遐邇唯八荒我闔胥

至聖所鑒臨斯六合爲家具全圖而囊括輝騰玉版慶
溢金甌臣等誠惶誠恐稽首頓首上言竊惟詩詠幅員
之大必云率土溥天書陳疆域之全爰及流沙出自
配星垣于分野始識九州遂朝玉帛于方隅弘開萬國

唐堂集

補遺

卷一 雜文

三

塗泥墳壤覽禹貢而較若列眷大野弦蒲讀職方而瞭
如指掌粵命羲和之宅昧谷岵夷聿稽爾雅之編濮鉛
祝栗以至圖成山海左咸池而右虞淵步到朔南橫大
章而縱豎亥豈但五百里侯五百里甸統寓縣于車書
十有二州十有二山紀版章于刊奠逮嬴劉變侯封而
建置故班范誌地理以洞該四十郡十三部總在雞黃
十六國八百甸何殊蝸角馮嫫持節而通三十六郭但
成奇女之功錢鏐把卷而改一十四州徒博遊僧之笑
一丸函谷屢說泥封六詔昆彌曾教斧畫蓋測海撞鐘
之見既局趣一隅而談天炙轂之書復荒唐千古偕輿

姑射列子卮言裨海大瀛騶生謾語博望乘槎於星漢
矣淵崑崙曼倩采藥於吉雲浪云蓬島夏后兩龍之所
歷周王八駿之所經鼇頭仰戴之區羊腓熟烹之國十
洲迢遞大海之水一杯八極混茫齊州之煙九點此卽
臚陳大塊曷補黃真縱其汗漫無垠奚資青覽未有切
按周天之度人跡可通周羅環海之名地經畢備如今
日者也茲蓋伏遇

皇帝陛下怙冒八紘範圍九域乾綱坤紐既建極于億
萬年西被東漸已衰時於十五國雕題鑿齒且重譯而
來王交趾貫胸亦奉圖而入貢擴販章于前代訖聲教

唐堂集

補遺

卷一

雜文

四

於遐荒極赫連栗陸所未通與霜露舟車而偕逝矣于
是特造輶軒徧臨方域華離繡錯胥隸轄而無遺融結
井條盡臚陳而不紊遂以 皇輿之廣製爲全覽之圖
發天縱之聰明析地紘之脈絡山經水緯彙呈 容照
之中綦布星羅繁列新編之上就高下之極度爲遠近
尺寸則萬里江山以南北之大幹爲區分毫髮是八隅
疆索津亭戍堡遙達番回黑水黃河胥窮原委衡從方
輿分明某水某邱舒卷丈箋瀏覽九垓九有三百六十
度之分秒兼可測天三百六十軸之牽連具能括地費
長房縮脈于千里比此非奇馬文淵聚米于一時方斯

未悉何必鼓枻記里始識郵程車造指南繞通邊徼是
則秉成規於

聖慮似庖羲畫河馬之圖標時夏之鉅觀如虞舜作山
龍之繪爰乃刻諸茗玉密比螺紋印以松煙細於蚊睫
命分頒諸九列俾垂示於千秋一候一尉驚爲初見之
書自西自東恍似熟遊之地偕大貝天珠而並重其赤
文綠字以俱藏 臣等學愧面牆識同管穴未辨岫嶺之
字奚知月窟天根雖窺嶽瀆之經安識洞壑地肺幸承
瑤版方邪之下賁指迷在尋丈之中縱觀璇圖界畫以
仰尋選勝入纖毫之介心隨路轉如雞犬之識新豐日

唐堂集

補遺

卷一

雜文

五

與神遊若鯤鵬之圖南海陸離五色什襲萬重伏願應
地無疆與天同覆六龍輦下皆存神過化之區五鳳樓
前集享贊臣人之長闕地皇所未闕暨訖彌遐圖王會
所未圖披尋莫罄配三才而不息太和長在宇宙之間
洽萬國於大同民物咸遊仁壽之域 臣等無任激切屏
營云云

擬

上於孟冬朔頒康熙六十年時憲歷賀表
伏以璿圖萬轉隨天轂以循環玉歷一周應日輪而御
極文武聖神之廣運新矣又新高明博厚以無疆旦兮

復旦惟太和元氣貫乎天長地久之中而有道貞符驗
於干轉支迴之始仰慶雲之糾縵集麗宇以蓬軒奉朔
騰歡弼天效祝_臣等誠懼誠忭稽首頓首上言竊惟四
象相生每貞恒而不已六龍時御必乾健以自強凡微
歷數之繇延先視端居之密勿彼粟陸驪連之世荒遠
難稽故循蜚疏乞之文雅馴誰擇徒記盈千絜萬爲天
地人三皇在位之年若云咸五登三必日月星七政既
齊之後黷賓夷則諧律呂以敘時強圉攝提配陰陽而
紀歲測搏桑之影因高下以定朝晡抽蓂莢之條驗盈
虛而知晦朔準授時之三統夏以人正而建寅推運世

唐堂集

補遺

卷一 雜文

六

於一元堯得天中而會已遞傳度數足備參稽殷宗七
十五年繼黃炎而僅見周家八百餘歲合鎬維而統言
越在羸劉不乏紀年告朔沿於洛鄧亦稱治歷明時亦
伏丹書徒聞讀識黃龍神雀頻費改元白日再中晝永
唯嗤考誕恒星不見夜明奚補光華甲云四百亥云二
萬高年之絳縣非奇椿曰八千桃曰三千志怪之齊諧
何處海中十屋孰記仙籌嵩下三呼誰傳神響未有建
元一號久昭炳煥之靈符紀甲六週永奉昇平之正朔
如今日者也茲蓋伏遇

皇帝陛下廣大同天照臨如日至誠悠遠而無息數十

年數不勝書聖人久道而化成億萬禩增其式廓仁育
義正集義軒頡頏之大成文治武功爲雅頌典謨所未
載是以天開地闢操橐籥於一人斗運杓旋巨符珍
于交葉粵自紀元之始九五仰其龍飛迄今頒朔之辰
六十登乎鳳歷時當陽月日首初旬絳幘雞人報樓頭
之初曉紫衣鷄侶集闕下以如雲啓金鑰於閭闔之天
鐘聲散霧鳴玉珂于旭旦之旦香影浮煙因敬授其人
時爰 欽頒夫憲歷六甲而周天道以律相生十干以
配地支如輪自轉何事屢稱元二可從其朔以閱萬年
行將增別後前每隨其號而重太歲且辛是日新之義

唐堂集

補遺

卷一 雜文

七

昭有象於光華丑爲地閭之期拓無垠於土宇晝夜驗
對壺之漏彌覺舒長雨暘占玉燭之調難名浩蕩高會
際子皆生長於

今皇年號之中東西朔南示奠安於

至聖歲時之內何論道塵佛劫胥聽 哲后之主持卽

稱願免駿鳥亦數 昌朝之祥瑞于是九官拜手捧瑞

版而祝 九重萬國歡心仰玉衡而呼 萬歲聯珠合

璧繚繞歷元卿雲景星輪囷月吉殿北之芝四十葉奚

足炫奇楚南之樹五百春方斯邈久蓋敦仁享壽理定

而數亦與俱疑命乘乾人勝而天莫能外不但出日無

雷之壤永承王朔于梯航抑且雲堦月地之曹亦拱靈辰而舞蹈也臣等夙蔭春臺胥遊壽域讀史藍調歷知古帝之重時習高赤春秋稟春王之冠月喜邁貞元會合正律吹葭管之先恭逢子丑迴旋是數比恒沙之始霄漢則心惟捧日郁郁乎非煙非雲澤火則歷以明時臣等素者如山如阜彭聃雖壽未聞觀自商周夔高誠寶益易逢諸堯舜伏願三元統運萬壽綿齡式玉式金示保堅貞之質象天象地彌宏覆幬之規使甘石彈推驗之書數不能計而佞喬操導引之術年莫與京不待朱草荷雲其協長春之景無論黃童白叟脣分難老之榮

唐堂集

補遺

卷一

雜文

八

則律歷自此而權輿如四序環連而至歲月不窮于勾股與兩儀鼎峙而存矣臣等無任踴躍懼忤云云

鄉試策第三問

董生有言陽者天之德也陰者天之刑也天以陽生育長養萬物而以陰積于空虛無用之地然而春露潤之者必秋霜肅之天固不因物之畏霜而輟其秋也國之有刑猶天之有秋乎然書曰惟刑之恤又曰刑期于無刑易曰明慎用刑嚮使張密網束濕薪蒼鷹乳虎之徒興羅鉗吉網之政作以是號於世曰吾能聽訟也能折獄也倘德緩刑之謂何而見乃出路溫舒下哉愚每讀

漢唐諸史至酷吏傳未嘗不歎息痛恨于其不仁也今天下之民遊於仁壽之域久矣

聖天子好生之德洽于民心而爰書之定歲不能免猶未至於刑措而不用夫刑措者古有是言而斷不能行於三代以下者也嘉穀茂矣而根莠並生奚而不鋤良禽集矣而鳴梟雜處奚而不驅上以仁恕爲心而狡民窺其意以售其姦而逖於法法網愈疎濶而姦宄愈不萌發尤愈滋而良民受其害則不可以子產之治鄭武侯之治蜀者治之也是立法不可以不嚴而行法之心不可以不仁耳刑者刑也一成而不可變是卽所謂

唐堂集

補遺

卷一

雜文

九

律也而有例以權衡於律之中君子律以擬其理例以通其情則雖寬而法不弛雖嚴而民不冤彼釋之定國之時無所爲例也稟於律而已而至今稱其仁今既有例以權衡於律尤盡善矣苟不藉是以行吾仁而乃上下其手而出入之彼其借例而出入于罪乎則微倖苟免已不可爲訓矣如其借例而故入人于罪也其心之刻鷲不仁尚可問乎夫善執法謂之持平平者輕重不畸之謂法所當出者出之所當入者入之則秀民無倖心而良民無濫罰如其未能則莫若所謂罪疑惟輕與其殺不辜寧失不經者刑官之所當奉爲格言而不可

一日忘者也書曰惟明克允又曰惟良折獄誠臨之以明而行之以良則律例雖多適足以參其平而不詭於法雖淑問之臯陶不能專美也

會試策 第四問

人才者國之楨幹也譬諸作室大者棟梁次者榱桷小者椳栱選之必以其材用之不違其任一不稱職傾圮隨之故必材與材相扶而後成易曰拔茅茹以其彙征吉蓋有連及之象焉互相推挽維繫而不得各行其私也故用人有保舉之法堯之咨岳也師錫帝曰有鰥在下是九官十二牧之保舉也舜之命官也或謀于益契

唐堂集

補遺

卷一 雜文

十

暨臯陶或讓于朱虎熊羆是在廷諸臣之互相保舉也故得人之盛首推唐虞焉周之董正治官也曰舉能其官唯爾之能稱匪其人唯爾之任則保舉有連坐之法實始於此漢時刺史守相得專辟召唐時節度亦得表薦從事判官自夫銓法行科目興用人之途一歸資格而其出于薦舉者蓋眇夫一法立而一弊生銓選科目不足以盡人才而才之出於銓選科目者衆銓選科目本所爲良法而法之壞於銓選科目者亦多于足訪古意而參之以保舉而嚴之以連坐誠如此其慎也我國家用人亦不出前二者而保舉之權則內任之九卿

外寄之督撫誠無異于詢岳咨牧之盛心矣而列朝而薦者或未必其果賢也署名而舉者或未必其果才也母乃推挽維繫而適以營其私也耶古之忠於國者舉其子不爲嚮舉其讐不爲矯舉其僕御與堯庫之士不爲濫是惟君子與君子爲朋乃心公家而非以徇厥私也夫九卿督撫有保舉之權而不能禁其不徇私則奈何是連坐之法不可不嚴也今保舉之例所舉者蒞任而有贓私則罪及舉者所舉者或改任而有犯則不罪及舉者夫人亦何能保其終身不改行易操然改行易操者必僉壬宵小之所爲而非賢者也吾無知人之明

唐堂集

補遺

卷一 雜文

士

不能決生平於夙昔而遽保舉之無論其植黨營私也卽不植黨營私己以輕信而貽誤矣彼負知己之薦舉不圖始終盡職以酬報誠僉壬宵小之所爲而爲舉主者乃以誤信而貽羞于國家流害于民社誠有所不甘甚且營私植黨而猶以改任之後幸罪之不已及也則誠何心哉故凡保舉者一經保舉則無論現任改任視所舉者罪之等差以坐舉之者之等差俾有所畏戒而不敢濫則有所舉罔勿眞知灼見爲所舉罔非眞賢眞才梗相杞梓聚於大廷而天下安於磐石得人之盛唐虞何讓焉

古文後場序

齊物治安出師古文之祖也降而駢儷六朝初唐在厥體亦古矣今試士沿明制列論表判策爲二三場而首重經書七藝謂之時文歐陽子云予舉進士於有司見時學者務以言語聲偶摘裂號爲時文以相誇尚然則應試時文在昔猶譏矧今有司所試時文使古賢冢中復生必更鄙棄而不屑也夫論表諸製昔人備載文集所從來者遠今人重時構而輕古裁以其後也而後之上之懸格以羅其下者意欲得誼錯陵信焉下之力有不及上之的可倖弋而後後場之餽於古逾遼而不可

唐堂集

補遺

卷一 雜文

三

復其姦黠者臨場雜擬剽賊補綴謂之時務愚不肖者承爲帳秘以儲閤需鈔謄雷勦於是乃益殺于經書義之文而聲偶摘裂益甚于古賢所譏使冢中復生其鄙棄不屑更不知何似也予竊慨之今秋背瘍不與鄉試因取漢以來迄唐宋之爲論表判策者次而評之搜擇未富僅成四卷從其名而降之日後場從其實而崇之曰古文世之名存而實亡者豈渺哉經書亡於講章賦亡於律樂府亡於詞曲論策判表亡于時務趨於時不可挽也準於古庶可返也

一畝宮制藝序

誘豪傑而挫之者制藝也然而工其技者可弋巍科操廡仕利莫大焉矣其挫然而豪傑之士思策勲樹績於當代者舍是焉莫階遂耗精嘔血以求工其技比諸叩戶之瓦及其屢叩不售欲悔而改業焉而荷鉏則無力屠狗販繪則無貲自顧其影而頭須非昔矣至老死瓦礫中其挫至此青浦陸子冠吳名瑜少卽寢食六經三傳程朱之書以吐露於制藝之文而技遂大工歲久不售授徒海隅抑河食報齋而奏效渺耶夫事期於效勞其於報沽之而得善賈未必非鼠璞也而皮相者必以爲和璧矣投之而按劍未始非夜光也而耳食者必以

唐堂集

補遺

卷一 雜文

三

爲魚目矣陸子衣逢掖而論文據槁梧而講學村翁里兒習見狎視無所增加於疇昔之氣體遂竊嗤瓦之非王然使陸子他日豹變鵬飛尙將策勲樹績以彪炳宇宙則實賴制藝以爲之階則制藝何嘗負陸子而吾猶憾其利陸子於太晚而已挫陸子於半生也夫陸子不瓦視制藝而治之如玉甘受其誘不辭實能自信其終不爲所挫而以其業索序予之瓦尙存乎今同爲戶外人宜引爲知言也

代陶淵明爲愛菊說

方宅草屋之下秋菊盈庭結籬衛之每當露淒氣肅蘭

枯柳衰感商飈之肇寒悲百卉之具腓而菊粲焉吐葩
挺爲霜傑馨香澹泊與隱君子同操于是漉酒初熟欣
然獨酌或故人詒醞素心相對載采載掇發其幽芬耕
穫之勤暫息塵鞅之牽久絕樂三徑之不荒矣是菊也
紀于月令詠於離騷黃華正色也秋英晚節也劉疴疾
仁也殿羣麤讓也傲風霜勇也厥德備焉昔居彭澤公
田種秫浮雲逝矣唯種菊用制頽齡菊故菊說

三不可說

或問予曰子少而病也長而狂也壯而文也今未嘗不
勞形焦心何以健而不病也未嘗不憤世嫉俗何以愿

唐堂集

補遺

卷一

雜文

古

而不狂也未嘗不游聲揚光而何以樸而不文也予曰
子以此三者謂我不之云乎非徒曰不之也不可之也
自吾之可健而不可病也病誰療我者可愿而不可狂
也狂誰容我者可樸而不可文也文誰賞我者我欲逃
之酒而不可醉也醉則病逃之山水而不可隱也隱則
狂逃之詩書而不可讀也讀則文詩書酒山水我所嗜
也故欲逃焉而奈何其不可也是故曰不可則可曰不
不可也

蘭贊

於戲蘭乎爾何求於俗人而亦媚以香蘭曰黃生吾與

爾等也爾豈以居薄俗而自喪其芳且子品我香人則
以爲未也人所謂香在葱薤之場

題墨翠集

雍正年
下同

相如入室作賦爲工王勃趨庭聞詩有自和鶴則吐聲
是鳳出藍則選字皆青葉子筠客乃陸堂之高弟笠亭
之才子也蜚英聲於綺歲發豔采於錦心俛視時賢徒
精帖括遙追往昔極命風騷殫著書之滿家擢明經而
中選麥云秋矣爾余權於東湖竹之林今接賓筵於西
席挹其芝宇罄厥蘭言遂出是編以相質証緣情體物
鍥萬象以俱工漱芳咀華研十年者不逮五色則隨方
唐堂集 補遺 卷一 雜文 五

題路湘山詩

白社風流最習編蒲之裔青臯雲散俱傷宿草之朋
馭西詎意代興偏逢後勁阮林謝草曾挹丰姿越舸燕
輶遂成契濶俄披鯉素得觀鴻篇刻羽引商聽之妙弦
匏之韻截金雕玉望而騰朶璞之光今夫時號譽髦攻
帖括而違風雅間逢騷客涉皮毛而寡性情求若此之
風調入唐規撫則古者荒濱崛起故壘重輝矣良繇一

門掃染傳火在茲故當斯道陵夷懸絲未墜江花已禿
曷能報此瓊琚盧米何精聊用揚之糠粃

蠟梅詩跋

斷夢荒唐空憐翠羽叢吟雜沓曾記玉麟別標同類之
孤芳獨麗中央之正色檀心暈紫室中則香壓芝蘭粉
額塗黃林下亦姿超冰雪此吾家山谷曾以蠟命名而
范氏石湖因與梅合譜者也然而蜜脾渲染寫生入道
之裝磬口雕鏤動魄凌寒之態體物吁其難矣成章慨
已闕如孰動吟懷競傳花際鶴背吹笙之暇嫋嫋縵音
蟾輪斲樹之餘霏霏鋸屑消寒九九膽餅相對以嘲于

唐堂集

補遺 卷一 雜文

去

角藝雙雙心硯平分其繡藻挾長城之五字乞陋巷之
一言禿翰龍鍾衰筋勉當此稜稜霜重臘意方深倘
能緩緩花開春風亦到

尺牘

自涉人事問答小簡奚翅繁千信手擲去後或留葉
積至雍正七年付之一炬矣見顧小厓有以予札裝
池入冊者亦不復索存今錄晚年數紙以備一體

答曹謬廷庶常

一士

雍正年
下同

嘉平朔喜獲翰言辭指殷切一年有餘之渴懷一旦若
覿面雲腹滯漿不足喻其甘沃遙羨五雲多處以揆天
之手攄其著作鯨銓春麗可勝寤想拙義就正承許三

冬評閱上元郵寄日引領以須度能如期惠然也桂杏
唱和詩前歲秋杪已選定付小婿寄往昨始知尚未達
其疎慵較弟為甚此時聞即奉到矣弟近況更蕭寂唯
讀書作文計可自娛而目昏則懶開卷腸枯則畏構思
二者交廢生趣可知

答顧小厓編修

成天

高足葉君謁選入都會附賀札并答所欲言諒達記室
久冬仲小阮來又得八月所發書一何注念之殷篤也
泉村謹筆一卷已閱定付令嗣處忠義祠碑記因大集
已預寄不及列春和韶令供職之暇著作日多無由一

唐堂集

補遺

卷一 尺牘

七

見奈如輞飢何蔡少宗伯枉書獎勵今遲久始奉報章
其子姪厚叔倬雲樹滋葦不忘故舊各詒名刺因封函
中不能多置答東俱祈致謝閒居相憶則千萬縷情臨
書伸紙則挂一漏百此最不可解容俟續音

奉復大學士陳公

日者當事奉 詔葺江南通志以屬之雋深懼弗勝思
奏記左右求指示為楷模而麟羽闕如翻荷鈞諭之賜
慚汗滋浹客冬始開局較各省獨遲聞河南廣東已成
書浙江將告成江西因白志僅續十年中事然尚越兩
年始竣若江南合上下兩江舊志頗多訛錯又經五十

年未修較各省倍難寔虞蚊負驚歎耳王忘庵先生高
節重望不但汪堯峰傳可徵今擬位置隱逸文苑間矣
夫子大臺之年精采照映奚翅文潞公午橋綠野皆後
樂之地異時鼓一葉侍杖屨其間疇昔風景如在也

答謝山人香祖芳連

長安訂交忽忽逾二十年秦淮相遇亦已十八年回首
舊遊如隔塵劫邇聞著身邱壑益生豹隱鴻冥之美謂
不易聆警款幸兩接手牋充然忘飢渴已賣船詩想見
清風率成二和章一曰宜賣一曰不宜賣天下事無鉅
細固無一定之準因方遇圓靡所不可第辭太爽則意
唐堂集補遺 卷一 尺牘 九
易竭不及足下所工雋永家數耳任君歸便奉報

答林豫仲太史令旭

絳帷丹地間屢蒙垂注詩翰續紛浣慰何似弟慵惰成
性攢穎墨于無何有之鄉京華貴人雖臨川海寧錢唐
三師唯心銘恩誼俱未敢達寸牋瞿謝兩君問訊先施
勉爲小札附府報寄答此疎懶之驗近更寂寂排悶尋
樂則蚤起屑糕飢金鯽玩其游泳提水溉花木生趣益
然長晝客至強之象棋東亭集四書作嘲象棋文甚美
晚獨酌十數小杯蒿苳炒豆下之年來頗多以撰著相
質者將一槩謝絕竊志經史之學亦姑度高閣所謂如

魚飲水冷暖自知信手爲知已述耳承索七十韻詩奉
寄不多知希則我貴也相知問及可代述之

與鄧悔廬學使鍾岳

文星臨散郡一再把晤濶絕俄又十霜回潮金臺聚首
文壇官解到處肩隨正如人家昆弟初入師塾同筆共
硯極其親密成家以後各營其業遂有日疎之勢然恃
素心相印何在踪跡合離耶前秋浪遊入都謂可圖晤
而兄視學兩浙前旌已出國門昨歲南歸屢思詣轅又
恐按部無定遂使帶水若天涯俟巡莅嘉禾百里而近
暢敘渴懷有日矣

唐堂集補遺 卷一 尺牘 九

答謝香祖

夏初敬及門立甫月川下第歸獲寄手書暨扇頭佳詠
稱譽過情赧汗不止遙企主持風雅脩經明道交游益
昌王體侯鯖爭引山人爲重未知溪山晝畫其能忘情
否辱委撰阮香秋色賦深審題旨已難頗窄無可敷陳
亦非久不能體物瀏亮讀來示數絕句皆淺幸不似出
名人手因作十絕代賦非以闢靡用備選擇一二存之
焚硯久今布鼓過雷門希爲藏拙雜儀數則宛似古遺
經道遠未能傾倒著述大全爲恨石霖先生湖南宦蹟
何似郵筒中幸代致懷想

答王樓山方伯恕

遙企藩宣東粵儲鼎鉉于嶺海間三原政績彪炳明史
我朝相如將突過前賢也菰蘆下士欲如陸堂之晚
年遊跡一親謦欬而不可得猶喜德音頻至不我遐遺
夏五復接去臘手書情瀾流溢自慙敝帚陽五伴侶詒
蚩符之不若乃蒙金諾玉成較之賜恤空匱爲一時河
潤者久暫懸殊先此引吭鳴謝許兄子遜問近客五羊
若在儉府何不一行相詒耶

答樓山撫院

側聞下車伊始僚屬和衷軍民悅服以興學育才爲先

唐堂集

補遺

卷一 尺牘

壬

務闡係昔征軺所歷正有司蹂躪士子之會力爲張主
致干俗吏計奏十數年來未知士氣振否古未有欲
整齊士習而先沮喪士氣者今隸大君子宇下一月兩
試培養而教誨之何幸耶使至接手翰商及鼇峰一席
謂出閩士公心非不踴躍自顧年逾七十學問久蕪不
能抗顏爲人師道阻且長嶺峻灘險跋涉艱矣現在梓
拙集親自校對俟竣工後倘精力未甚衰欲往新安展
祖墓出門萍轉作幕府遊去來自由差勝館粲間知
已謂何如

上陳大司空

夫子鴻猷偉抱位三公而式九列繇此綸扉黃閣霖雨
萬方不但門牆之庇爲私幸也昔歲羈旅京華極蒙慈
愛謂枉尺無妨自念呈身屈膝素所不能遽出國門不
獲長親提命然三載以來銜感形諸寤想敝郡黃浦二
里涇大繫農田水利行旅舟楫要津自嵯賈築堤後詒
害日甚今萬民呈叩督撫奉旨會勘洞悉已准奏明
開通倘仍發部議閩郡紳士耆庶所仰賴大力主持者
不淺畧節呈覽希詳閱

答金山令王直夫道

辱采虛聲以大集寄示商榷如入五都之市百寶璣璅

唐堂集

補遺

卷一 尺牘

壬

炫人目精烏能如賈胡一一甲乙其價直耶約而論之
根抵風騷而浸淫於漢魏唐宋以長其柯榦茂其枝葉
故各體精妙吹索無由子建云文之佳惡我自得之誰
相知定我文者倘自嫌才多則唯權衡寸心量加刪逸
僕能讀不能選勉作序應命前後數言頗簡括然未能
揚抗萬一所謂望洋向若而驚也

寄李淮安以下續

陸繡林至深悉政聲洋溢且建淮陰書院以教育英才
賢者爲邦迥不同凡俗也乃荷齒及鄙人臯比虛左竊
愧老耄廢學不堪爲人師故會城之鍾山閩省之鼇峰

皆辭不起再奉手書暨漕督常公關聘勤拳雅誼未敢
堅却茲聞 朝廷開律呂館王大臣以賤名薦舉分修
尤惶悚弗勝俟部文到日卽具呈撫藩以衰齒辭但無
論允否恐講席勢亦難就先札致明容續報

又

書院一席黽勉欲赴而老疾之軀實處兩難深念邦君
造就人材擇師美意講座不可久虛若吾鄉刑部郎謁
公周君^{士吉}庶常惺持焦君^{敬以}皆一時宿望現在本籍如
延訪及之則弟當推轂也專仵馳牘報謝附繳常公關
書聘儀幸垂鑒宥倘謁撫藩談及慎勿較量勞逸遠近
唐堂集 補遺 卷一 尺牘 三

謂當仍留書院反不能諒其衰病矣

答雅太守 爾哈善

頃婁邑傳台諭奉藩臺命敦迫入京弟衰耄苦衷具載
前呈辭內去秋病後素乏參餌口體之養唯謹慎眠起
出入以保餘齒修途逆旅實不能堪 聖朝矜老恤衰
雖現列仕籍亦當引年乞休豈況田間朽質翻能出而
辦事仰祈鑒此下情俾得上達銜戢曷勝

答林太常 令旭

國門判袂唯藉鱗羽往來近知按部巡行前旌無定故
不獲以時奏記時雨之化洽於畿輔固儒宗分內事而

沅膺 宸眷瞬息爲霖又不特橫經之彥霑澤而已使
至接手書衡文視學丹鉛雜陳之餘乃親灑生花之筆
賁及蓬茅古道照人長才肆應俱深佩服并惠刷貲謬
推拙集彌滋慙汗紙帙頗繁未便入郵簡俟友計偕從
行囊中寄呈鄂削

答王澂川宮詹 圖炳

連示鴻篇如入龍宮寶藏目不暇給疑神定氣積幾旦
晝而讀之管闕蠡測歎諸好備矣奉 敕作以窄題而
發 聖謨揚 祖烈班揚燕許宜受凌雲之賞田園詩
桃源記近隱逸花鳥近游藝乃爲相國立言各有體要
唐堂集 補遺 卷一 尺牘 三

三書辨難確當鐘銘考据精核諸詩古體如杜韓和王
川韻尤出奇制勝近體兼四唐而變化自然幸覩吉光
之羽盍亟梓行全集衣被海內耶朱子十二辰詩繙刻
本其韻鼠團鹵冬雄容綠角肉而女譙等無之詞譜詞
律無玉洞桃花一調當是別名未識本調云何唐書列
傳長寧公主韋后所生造第東都韋氏敗主請以第爲
景雲祠則是祠非觀唯三事獻疑枉過不敢當體中佳
時容趨叩午橋以領教益

答門人范祖年 棧士

衰疾迭侵而遐邇輒以詩筆取鬧塵案尙滿絕無閒緒

修尺素達長安故數承問訊闕焉未報稔聞梁園鄴下
館泥旅懷極其充適浣慰何似繼接手翰拙刻印行百
餘部所知購去未有如此披尋精細指陳明切者其訛
字已如別紙各版修改至編次目錄如柳州集乃劉夢
得所編先文後詩明張天如刻百三名家集皆先文後
詩摺子入雜著蓋非論題之大小昌黎集以雜著冠序
記各體之首原道亦列雜著無門類可入也古人年譜
必後人爲之畧見冬錄小序徐李則自作而變其名僕
并變其體若曰此非年譜也云爾然通部錯繆應刊修
甚夥祈頻加摘示將來讀中秘直承明亦無閒緒及免

唐堂集 補遺

卷一 尺牘

孟

閩冊矣

答門人沈學子 大虞

樓山詩集選閱已卒業是杜陵嫡派每篇有佳句故人
遺墨不多未忍任意刪逸畧節去一二其誤字複字望
爲酌改月川所錄亦一例閱定序文附到愴念音容臨
毫於邑竟無出色處且易與前祭文意複故就詩言詩
耳答榮陽公書煩致懷想別後頭瘡糾纏匝月始愈而
癰方蔓發海鱗山翁皆能助虐幸無錢買噉也并及

答王文河太守 喬林

憶話別京口郡齋屈指已九年所春樹之思曷其有極

知以六月之急講學維揚行道傳道儒者隨遇而安固
其分也運使朱君使至并接足下手教安定書院一席
眷及鄙人方以慰蕭葛於故交接芝蘭於賢主樂菁莪
於多士三益具并望風鼓舞奈衰廢已久學殖荒落勝
任愉快自審實非其人心口圖惟竟有虛來指耳報書
還幣俱藉使者并附一牋奉復希善爲道意

答王凝箕太守 敬福

郡志失修已久賢侯留心文獻將具詳上司尅期初始
洵一時盛舉但爲衆論難弟主持則衰朽無能爲役前
經面辭繼又承將蘇郡移文垂訊其中規模有與吾松
唐堂集 補遺

卷一 尺牘

孟

異宜處屬友口悉事切桑梓極宜仰副雅意奈總裁名
目衆謗所歸秦淮前轍敢不鑒耶吾郡如顧小厓著作
之手曾葺南匯縣志吳衷平薦試宏博曾協修廣西通
志皆可延致爲邦乘生色者惟慈照不宣

唐堂集補遺卷二

華亭 黃之雋 石收

古體詩

效吳日千鬼語

康熙年
下同

暝日流竹外日脚如濺血照見竹下墳蘿蔓鎖其穴雙
鬟從何來吐音頗媚潔寒舍不數武叢篁映朱戶倚牕
刺繡人是妾紅粉主客行慎前途日落出豺虎

耘豆

造物量太宏良莠並容蓄易不稍甄別以權委僮僕後
園數弓地半植蔬與竹其半棄可惜理之以種菽惰慵

唐堂集

補遺

卷二 古體詩

下種稀苗若莽首禿庶草耽其旁始尙儻斂縮土膏不
偏潤雨露不偏沐途令宵壬張君子反退伏兒童奮義
憤非類盡芟戮良苗方離離秋穫諒云熟莫謂耕氓賤
斯事贊化育

題錢春江小照

昨予羈旅中丹青寫行樂攜持來東臯乞友詠其畧騷
人有錢君首謁請大作錢君故謙退唯唯姑未却手出
一畫圖亦以題詠索予時筆雖窘私計頗不錯譬之求
珠璣而以瓦塊博欣然許爲贊舒指展卷角展之未及
終卷中人躍躍單衫揜雙袖短襪露兩脚帶既不肯束

帽亦何用著其目如炬光精神紙背託雖坐勢若起生
動不可捉回頭顧小像眇若雞避鶴廢然袖予手下筆
母乃忤名詠況如林呂生最盤礴曲敘畫所由頌紋脂
可摸唐侯三截句風流雜諧噱雖翻道蘊語已借王郎
謔卷尾得長篇路子句何鑿摩挲石鼓文詰屈費皴剝
而我詞源淺一勺易以涸烏能繼如椽弄穎贊褒鄂惟
君先我題庶我就君學錢君顧我言兩人才調各詩成
有難易俗諺理殊確貧人構茅舍艱鉅似麟閣富人建
華堂輕忽等蝸殼聞言遂絕倒十指癢不覺草草題此
篇投以責前諾

唐堂集

補遺

卷二 古體詩

二

乙未春日也園醉後作

對人強歡笑對酒始幸真胸中鬱結事仗此酒力伸化
酒以爲淚一湧如通津縷縻不可制自目流至脣路三
見我慟相對亦霑巾能以淚召淚如德必有鄰王大兄
我慟不覺太息頗其淚老而涸欲墮猶逡巡巡彼荆高
徒燕市以藏身相樂已相泣其旁若無人

粵西送陳北樓還吳

昔士有方者不肯仰視天爲問何所以曰避天之圓斯
語過于激涉世大不然我性本拙迂古民三疾全唯圓
作要藥亟療庶可痊北樓如明珠靈動當我前曹棚善

步武自恨圭棧堅竊願久親炙以漸相磨鐫奚遽理歸
駕安能爲執鞭客遊失厥規叢咎何由悛

贈陳進士聞野

昔人授一官以地爲憂喜今人授一官憂喜亦復爾昔
人以爲民今人以爲己銓政多雜塗參伍非一軌今之
仕宦人腐儒視文士相期展曠足一酒讀書恥

詠史

代有鴻筆人太平藉潤色豈以浮華升亦倚宣厥力作
賦賈長沙能詩蘇屬國流離見節義哭泣表忠直古之
著作手伊姬暨臯稷字比金玉重謨雅絢華飾不閒驩

唐堂集

補遺

卷二 古體詩

三

廉儔千古垂翰墨立言不朽一鼎峙功與德詹詹雕蟲
技奚足飽蠹蝕

錢主敬席上送主衡就婚江右分得一字

雍正

玉勒珊瑚鞭言自國門出遊子何所之西南求其匹迢
迢江上水忍離慈母膝密密手中線願言賦蕢實金縷
吹行旌翔鳳鳴秋律非不懷此都佳期已蠲吉人生婚
與宦滋味甜似蜜難兄兩有之令弟甫得一今年諧玉
田婚于徐故
用雍伯事明年試湘瑟來聚京華春餘光照鄰室

老樹軒觀魚分得墨字

入門迎綠陰高榆百年植其下俯碧池水檻淨如拭臨

流沅塵容湛湛不可測薰風吹萍開樹影倒深黑游鱗
一何樂聚作水梭織噉嚼微有聲撥刺見餘力騷徒類
洗硯文鱗競吞墨既無網餌憂彌佩主人德軒西極虛
敞繁陰蔽日晷恣與莊惠遊濠梁趣可卽

寓樓望鍾山

康熙年
下同

天帝似憐族中苦無物佐我傾酒缸特遣鍾山作佳客
徘徊相對樓之窗十日北向放青眼文光雲氣兩不降
物必遇敵乃殺勇慎勿嗔我相春撞山靈無語如欲語
子臬英異誠無雙豈知秋風壯瑜策又爲洛也吹帆襖
王謝燕泥汗杯塵六朝鐘響驚燈幢凭弔登臨且不暇

唐堂集

補遺

卷二 古體詩

四

徒操觚牘來渡江赧顏欲答不能答白日西去如奔龍
暮煙蒼茫失所在燭花爛爛垂銅缸

中秋詞

秋滿碧空秋夜長綠尊紅燭非故鄉誰家不翫團樂月
是女都焚縹緲香飲散夜深人獨坐簾前花氣隨風過
此時始覺身是客此時對影嗟無那遙念呼兒話阿爺
歲歲明蟾不在家豈不饑寒戀兒女祇因貧賤輕天涯
兒癡不知語酸骨看姊燒香嬾拜月

湘行曉望

推篷臥看湘山曉一抹睡容橫窈窕春禽力小喚不醒

根籍蒼痕青未了小米筆落湘水隅顏唐慘澹塗寸膚
白雲吐山護其首濛濛濕與蒼天糊百丈如絲長煙入
綠簑香染春雨汁遙識林巒切處佳到來又惜經過急

答朱江佩

粵西巖壑天下奇二柳一范能發之吾依幕府爲粵客
亦欲與古相攀追臨行秋風吹易水豈無故土江南思
空囊儉篋歸未得蓬轉那顧家室離況聞同行有鄭鈇
字季雅長洲人可與唱和爲填篋山水友朋樂亦足決計汗漫
輕天涯豈知叩友中道止不復念我成孤羈破古錦囊
在奚背行六千里無完詩爬搜靈秘豈不力獨力子子

唐堂集

補遺

卷二

古體詩

五

終易疲山靈見之啞然笑何物伎倆唯毛錐此邦秀奇
天所惜眼明手快徒爾爲慚惶瑟縮愧聞命筆墨氣象
甘顏衰忽然吾軍勢張甚馳檄急諭山靈知爲我呈露
萬光怪來就雙甄之指麾昨到騷人字江佩助我一族
皆熊貔曾于海壖杼銳穎揭來嶺嶠掀吟髭此年少者
健登涉梳剔更無毫髮遺一日投我三瓊瑤雲煙雙腕
爭奔馳使我神旺勇亦賈柳記范誌安足辭嗚呼吾曹
猖狂落拓世所賤功名樹立期何時名山大業在著述
硯田勿使蕪不治何況男兒萬里去鄉國登山臨水心
易悲酒酣相對姑勿悲君不見粵西巖壑天下奇

答姚衡麓贈別用杜韻

問予何爲鹿鹿不暫住聚如行雲散如霧答云吾亦不
自知所爲如葉隨風不上樹前年曾挂灘水帆萬里歸
家愁歲暮今年又挂灘水帆五月瀟湘舊來路腹下有
足難自主彼蒼顛倒操其故徒使桂江憶萍水又令秦
淮望葭露頭顱非昔四十餘飽看世事多乘除販繒鬻
畚無不可何必儒冠誤讀書他年君若有同志老農老
圃吾能如

題邵孝廉文昌握髮圖

梓潼之神張亞子燕山之英康節氏夢中對畫畫有神

唐堂集

補遺

卷二

古體詩

六

雍正年
下同

栩栩笑容紙上起以手握髮如姬周謂居爾家三十秋
夢覺乃明香滿室霓旌翠蓋光未收是年秋試羊角
竹林諸阮三珠擢德門蕊榜方源源令弟謂北蓬池尤
嶽嶽夢中對畫畫有神醒而畫之畫愈真天人感通有
至理星芒文燄交鮮新

題快帆圖爲廖吳前明府

誰寫空江淨無霧蘆花楓葉點秋趣帆風獵獵疑有聲
綠水船頭開一路漁莊蟹舍何足居雖載笭簍不捕魚
依稀采石與赤壁兩甕醇醪十帙書簞笠樓船尾坐
左望蓬萊右望崑崙乘風破浪此其時作燈濟川無不可

寒歌

乾隆年
下同

十月小春本未寒長安何況多熱官涉到世情則冰冷
炙手不與人相干天公似亦學其態凍容以示不汝歡
連朝紅日匿不暄雪花頻下愁雲漫夜眠絮被如鐵裹
晨擁羊裘似蛭攢當此計唯自煖肚濁醪莫遣壺樽乾
那顧門庭氣蕭索一雙醉眼且橫看

畫白雲廬歌

東谷老人住青浦胸中山水紙上吐能發至性爲丹青
不與尋常畫師伍結廬親摹松柏給事王原首題白
雲額貽詩款識歲月深繞廬白雲至今白我未造廬唯

唐堂集

補遺

卷二 古體詩

七

展圖老手擘畫開規模竹樹淋漓筆墨動精神團注風
格殊傳玩錯疑古名畫豈知近在峰泖隅想見構廬繪
圖日經營慘澹心血枯老人不惜心血枯佳句博得千
明珠册三寸厚紙隙無

今體詩

劍池

康熙年
下同

鬼斧凌空劈中宵石罅穿神鼇潛穴地罔象欲沈天蛟
沫歎棺冷魚腸閼血鮮闔閭荒霸業留得一泓泉

雨中斷薪米二首

晨竈無薪木蕭條似禁煙問鄰驕積桂困我索附錢濕

葦炊相待泥塗負不前屢屢聊可熬何肯受人憐
霖雨三旬久輞飢八口宜傾囷餘半菽易米付晨炊市
價乘霖貴厨煙待饔遲細君謀一飽煮字未爲廛

題陳宮詹傳經圖奉次原韻三首

光風與霽月神采照吟髭綠野春多暇蒼生雨未遲南
陔讀禮日東壁授經時繪寫猶形象丹心微 主知
淵源經術遠家學著鹽官箋處藏金匱譚時到玉鑿紅
牙標軸滿青火映藜寒定本傳來秘研朱黠未乾
坐我春風裏披圖翻渺然石倉花際屋雲幌畫中天問
鯉存私見雕蟲託舊緣蘇門多學士授簡愧庭堅

唐堂集

補遺

卷二 今體詩

八

庚寅歲上巳雨

春不解人意雨何曾有情竟荒修禊節未許踏青行著
屐擬何地落花知滿城天應妬觴詠只爲昔賢晴
賦得春草碧色

望中望不極碧草碧于天遠遠路旁路重重川外川影
連春水影煙入夕陽煙如染復如畫一年新一年

賦得春還事蠶作

百花催月令蠶事及春陽戴勝家家喚城隅徑徑忙最
憐鴉鬢女能祀馬頭孃對鏡工妝束防人看采桑

金山敬和 御製詩韻

卷石汀心立鑲成第一峰廊隨礌勢轉股與湓浪重洞
間能棲佛潮喧欲亂鐘登高饒賦手募不盡秋容

河干散步

船外是黃河河邊秋草多買魚腥入鼻踏土軟粘鞞例
以蘆爲屋全無樹蔭坡江南千里外佳麗惜經過

京寓喜雨

枕上聞屢響夢中知雨天入春殊未見昨夜一瀟然簾
捲灰埃絕庭閒竹木鮮清心誰領取吾已失朝眠

邢臺道中

川原隨日換到眼總新經煙樹刺寒綠晴畦浮遠青犬

唐堂集 補遺

卷二 今體詩

九

聲村裏店人影路旁亭何處江南好西風吹宵冥

環碧堂

頻過棲霞寺便登環碧堂一屏山簇擁十笏地清涼映
竹衣稜綠開萍雨點香平生邱壑意不爲禮空王

案頭冬蘭

騷心花榦裏一室已沅洲出土非春力垂簾得午香滌
來宜入夢寒盡欲懷鄉珍重黃磁斗臨牕近太陽

蘭溪縣望江樓同雁黃分得溪字

望眼舟中隘凭高始不迷遠延晴靄合濃壓綠陰低野
色慚雙鬢江流怒一溪采蘭非所急麥壠勸耕犁

出陡

過陡偏風雪艱危得順流丹楓分水廟白日下灘舟冬
潦雖清淺寒飈況石尤也應勝逆溯百里卽全州

夜雨篷漏無坐臥處

悽絕湘潭夜前身疑左徒雨侵雙鬢短命寄一舟孤患
難行吾素艱辛備此途由來賢達者高枕遠江湖

江郎石

土人祠石爲三王肖像嘗有雲霧蒙石俗
云過者遇晴明見石爲吉

奇石排三片天雲相與黏肩輿過太急躡屐事難兼靈
異叢祠饗晴明吉兆占俗傳吾未信只認是江淹

曉行

唐堂集 補遺

卷二 今體詩

十

朝旭寒無勢難消滿路霜行來人項縮響處馬蹄僵鼻
氣凝髭濕裘毛髮手涼誰云顓頊令施不到炎方

集蔣迪夫西原草堂

三霜辭北闕一夕飲西原唐世同年重吳中古道敦紫
螯鮮出餚黃葉冷飄園沈醉燈花落林梢見月痕

賦得往時文彩動人主此日饑寒趨路旁

乾隆
年

尚恃風騷在林稱時勢殊焜煌三大禮漂蕩一寒儒倪
仰成今昔平生感苑枯不須論命運吾道足豐腴

躬耕

康熙
年

躬耕何得學前賢人事天時總已愆縣檄滿鄉催夜月

農耨幾處轉晴煙
肝胝難運動如筆
硤何殊石作田
麥壠泥犁謀食苦
豚蹄未辦禱豐年

賦得蠶食葉成字

羅敷獨處在春閨
每飼蠶飢採葉齊
三起唾餘紛有象
六書蠹後本無稽
迴文何待絲纔織
流水終非筆所題
憑寫相思寄夫壻
飄零曲簿不堪攜

霜降

霜降人歸渾感慨
黃花黃蝶在庭前
艱難憶慕兒童日
貧賤慙爲妻子天
橫覽歌騷秋氣內
漫依樵牧海雲邊
唾壺口缺空千里
莫使蹉跎到暮年

唐堂集

補遺

卷二 今體詩

七

春感

日落烏飛啄白蘋
溪煙野火最愁人
灑枯屋畔棠梨淚
望杏圖中松柏身
鵲血三更空夜月
草心一寸失陽春
春申江上東流水
那復鉶疊挹注頻

舟中對月懷澄江同遊桃源諸子

安得故人如皎月
此時覲面在扁舟
天涯夢遠成孤往
江上春深憶並遊
載酒犢車花底檻
煮茶僧舍竹間甌
縱期萍水重逢處
古渡桃根又一秋

紫陽洞

在杭之吳山

吳山南去石根蟠
翠滴蘿衣壑氣寒
飛動丁仙人守住

靈奇薩御史題完
有仙人丁野鶴
像薩天錫詩碑
斜眠古柏皮猶活
倒挂頽峰脚未安
吾友指陳殊草草
歸應誇與到蓬巒
呂

錄談吳山之勝
而不及紫陽

邯鄲經呂翁祠因卧車中不及登

李泌當年偶寓言
呂翁枕跡到今傳
黃梁舊飯誰重煮
玉茗新詞亦戲填
事可亂真成物幻
癡難說夢向人前
盧生睡境征塵擾
輸我騾輿一覺眠

子陵釣臺

龍德非爲初九潛
首將名節去扶炎
巢由石隱高堪數
園綺風流遠更兼
難捨客星光照耀
不知同學位尊嚴

唐堂集

補遺

卷二 今體詩

七

披裘坐處青千尺
西漢淮陰事業纖

靜海勵公以大司寇兼院長

雍正年下同

喉舌崇班黼黻才
秋卿曳履上蓬萊
白雲紅藥重重合
棘府槐廳一一開
視草西清高八座
搖光北斗麗三台
黑頭報國丹心許
并作文章政事來

歲試事竣還福州

看徧全閩處處山
征軺觸暑路回環
鬢絲添又三分白
心血銷爲一寸殷
暫憇簾風成澹遠
好依牕樹息躋攀
水村冊子何人畫
著我漁莊屋數間

泉州試院

郡無試院前借明倫堂
科試復假承天寺

暫依蘭若建文場難辨旃檀翰墨香官解此邦真缺陷
儒林隨地有輝光丹鉛永夜勞何惜辛苦當年味又嘗
數仞門牆遙仰止素王端不雜空王

賦得霜葉紅于二月花

擬應制體

乾隆年下同

秋滿觚稜樹樹紅丹霄紫氣望時同霜華著去迴春色
月令移來補化工綵勝剪無分別處燕支畫入淺深中
五雲染就天如錦日麗霞明仰陛楓

張南華太史有憶詩步韻二首

玉堂風月正清佳珠館遙驚說夢鞍桃葉自歸江上楫
馬卿誰挂客中欒擘開苦惹原無米束罷幽蘭不是柴

唐堂集

補遺

卷二

今體詩

三

腸斷白龍潭畔路和煙和雨落花埋

紫臺碧落愴空函仙子華年便脫凡淚影尙能縈別袂
粉痕無復蘸朝衫中曲斷剛腸軟帳裏魂歸餓眼饒
惆悵江南芳草歇茅蒐如血不堪芟

賦得山雞舞鏡十二韻限山字

靈禽協瑞原驚目凡羽呈奇更解顏飲啄有神誇澤雉
翎毛設色勝籠鵬不依箐竹爲棲息便與菱花試往還
錦翼雲張方綵繡青銅水澈好躋攀遭逢見影情何已
匹偶成形技肯閒長袖未紆偏綺豔彩衣無著儘嫺嫺
婆娑頓蹈分明合綽約儀容夙夜嫺林雷翠縈鵲鵲觀

爐煙香惹鷓鴣斑明光似奏霓三疊圓景相看月一環
寫入畫圖殊象外摹將姿態豈人間夔音毛族猶知舞
舜服華蟲本習山曲藝恐難追翺鳳遙欣踰濟在鷓班

庭葉

康熙年下同

孤燈深鎖讀書牕乾葉騷騷響曲廊錯認樹間風雨急
不知月色正如霜

海塘看潮曲

塘外輕陰不覆身阿儂家住綠楊春倚移牆角雙株到
半掩斜暉半避人

九月望夕姚灣對月

同舟有崑山陰平潮人

唐堂集

補遺

卷二

今體詩

四

吳山越水家家月各帶清光聚一舟盼得圓來拚却碎
紛紛迴照故鄉秋

新喻道中見捕虎被傷者

憐君搏虎竟無功腕血淋漓鬪日紅公等休誇卞莊子
枉將成敗論英雄

鷓鴣溪

扁舟纔度鷓鴣溪溪頭不住鷓鴣啼昨朝新婦灘邊過
祇見山橫眉黛低

舟中聞蟬

樹從山脚屋邊生蟬在樹頭京處鳴野老聽蟬深樹底

不知林外有舟行

丙午花朝至建寧

雍正年下同

繁華淳朴驗花叢四十里來無一紅只有繞畦肥菜甲帶香黃芽吐春風

蝴蝶

蝴蝶尋花展翅鬆輕狂難狀舞時容但知紅紫牆陰好飛過磁盆一尺松

楊州關阻

乾隆年下同

橫艦如虹截雨磯遙征偏與寸心違邦侯倘權文章稅卅里揚帆去若飛

唐堂集 補遺 卷二 今體詩

五

偶成二首

醴甘水淡情何別雨覆雲翻事亦常却笑署門羅雀後翟廷尉已徇炎涼

新剪兩株松檜樹伏盆十箭蕙蘭花若與樂天爲伴侶便將清福向人誇

詞

漁歌子 題柳溪漁隱圖

康熙年下同

細取煙波小景描引人想入畫中橋楊柳岸杏花潮那能不買釣船搖

月下笛 月下望偶兒產處用片玉詞韻

好景傷心明蟾墮影遠天空碧河橋佇立妒煞元宵竿笛望西南煙色最深紙錢颺處儂暗識想兒靈趁月登墳東眺淚珠霑臆藤蘿石上記杜老秋詩會諧吟拍兒八歲喜吟秋興詩死前一夕尚詠請看石上藤蘿月已映洲前蘆荻花也蒿正唱苦痛煞黃泉羈客靜無人夜長路遙一團細草幽露滴想無眠見有熒熒翠燭吹未息

尉遲杯 清明過溪上飲

溪頭路看春影一片糊溪樹桃花碧水深時胡蝶黃鸝飛處風箏亂響又芳草熏熏動南浦眼光中海樣韶華趙人行樂爲主何況舊塚纍纍有煙蔓霜蕪魂魄相

唐堂集 補遺 卷二 詞

六

語酒暖人間澆幾點澆不到劉伶墳土紙錢裏東風拖散已大半銷沉在煙雨趁暄妍拚個昏酣酒壚紅粉邊去

霜花腴 訪四隱墓

醉餘野步古剎邊一林柏葉初霜籬腳獨行橋頭鷓鴣過天公畫出荒涼草枯路旁露孤墳幾處寒塘怪頗苦蝕斷碑腰洗泥三讀不能詳此是故元遺老似商顏角綺杯土曾藏野塚橫斜秋靈咫尺何人爲發幽光晚霞夕陽儘長眠不問滄桑正傷心蘆管遙吹有人來牧羊

沁園春 周永持咏煙詞甚佳然是詠美人喫煙大韻效之

珍草丰茸孽縷而勢梳毛以氈貯綃囊小腹荷團氎滿
銀筍曲頸藕孔絲甜碧玉拈鬆絲珠吸熱轉還星星不
用添春纖捻看芳津潤管羅袖指黏唇風舌霧人酣
要唾向郎祛帶笑慘覺香脂沁辣微聞馥馥嬌喉熏醉
細喘懨懨青燼繞灰紅雲又蕤解事鸚哥響繡簾傳郎
語道勝如茗雅賽過醪甘俗以客至當茗且謂能醉人

八聲甘州 蚊蝶詞

乍傷心蛺蝶一雙雙年年攬春紅是誰人裙壞香羅幾
幅偷化東風記向唐宮遊幸妃子鬢膏濃妙繪滕王手
粉染金烘可惜如今淪落只尋常巷陌伴燕陪蜂趁

唐堂集 補遺

卷二 詞

七

江南日暖頻逐賣花傭費相思南園綠草待舞餘踪跡
漫飄蓬牆陰外蟲絲千尺愼重休逢

步蟾宮 春夜聽雨

春寒料峭生鴛被畫簾隙風搖燈蕊如酥宵雨潤窗紗
釵青草已深一指涓涓伴滴相思淚怕隔幔濕痕渾
似應教殘夢度溪迴怯添上半篙新水

魚遊春水 詠水中魚影

澄潭空如鏡暖日涵光煙乍醒浮萍痕破活潑半邊春
影片片花驚閃不開裊裊風動吹還並依樣去來波心
相映惹個曲欄人凭粉餌引來渾不省分明畫裏虛

無如游又定底須一分朱白但見雙雙穿菱荷雲陰
半遮水天催暝

一叢花 題畫扇

半邊明月半邊春安個散花人妝梳不是乘鸞女是何
處蟬聲羅裙雙樹絳桃亂紅流水惆悵少劉晨燈前
影子鏡中身相對耐傳神弓腰舞袖渾忘却喚不下紙
上香魂付與簫簫時珍重怕損翠眉

點絳脣 酒行望曉山

煙沐春容曉妝鏡子臨湘水或盤螺髻或畫長蛾翠
別嶺橫陳倦態慵朝起朦朧裏白雲爲被穩壓腰身睡

唐堂集 補遺

卷二 詞

八

看嫵 詠畫看鳥

正曹鵬春曉爛漫花時相傍弄私語小字消魂甚屏風
外親調粉蛋餞汝黛蛾書處問十看新樣誰補悵京兆
跡遠天涯近媚人到羈旅啼碎東風心緒有隔簾姊
妹同伴相妬不自憐嬌態簾波下無端喚剛雙羽怨痕
易聚對鏡臺羞道看嫵便綠樹紅腮飛不到故山去

燭影搖紅 贈王進士孫同新婦

張正年

春度燈宵月華晴擁芙蓉府仙人樓上紫簫聲曲奏黃
金縷蠟照香濃夜午縱東風梅花萬樹好緣天香鳳卜
門楣烏衣庭戶綵筆當年挾天詞藻誇繩武杏園新

折一枝紅歸馬如飛去便書雙眉最嫵繞郎君吹笙侍
女琳琅佳話記取東牀右軍眠處

唐堂集 補遺

卷二 詞

九

自序

編集而又補遺可以止矣無強忍之力屏棄筆硯因循
六稔藁紙又積爰就已意刪存續爲八卷天實以斯事
勞我生體貌枯瘠引鑑而興大嗟之嗟甫度生辰寒疾
幾殆遂斷墨爲誓而後乃止於此也人之用其心也若
馬然馬力竭矣而步驟馳騁之不已則東野畢之驂必
曳人之習於文也若射然雖楊葉之技不善息氣衰力
喪則養叔之弓必撥而矢必鉤今以虛聲爲人役而不
能拒以夙嗜自溺而不知戒必使其心如掬燥泥之散
落使其著作如裁負版袴之陋醜身與名俱滅則何嗟

唐堂集 續

自序

一

及哉孤處卑棲文非明道講學詩非奏朝歌廟是故以
續之者絕之也仰之乎綺散霞俯之乎風生漪蟲之乎
字食葉鳥之乎符啄木仙之乎湘賦雪鬼之乎勃吟鶯
祭之乎島有脯葬之乎蛻有冢則以是詹詹者還之太
空蕩如也漠如也而況後此之鳥有者乎然則梓存之
何居推釣者年二十而好之八十而猶不失毫芒守
其業亦六十年奚少毫芒失哉存以待離朱者辨之乾
隆十二年丁卯歲冬十二月甲子

辛丑
馬

唐堂集續目錄

卷一

賦

賦序

老壯賦

窮堅賦

頌

楊使君移守桂林頌

并序

序一

錄山堂全集序

東湖弄珠樓志序

六書辨通序

左氏二傳參同序

序堂集續

目錄

一

王樓山集序

吳提督渥恩圖序

并詩

王隱州詩序

曹中翰詩序

印賞序

胡太史北窗偶談序

卷二

序二

詩可齋初集序

閔夢池詩集序

澄懷堂印譜序

俗海詩話序

硯史序

兩淮鹽法志序

代

通鑑綱目前編節鈔序

周勒卣先生集序

讀史臆語序

送序

送覺羅雅侯移守蘄州序

送婁邑胡侯調任南匯序

題峯泖園送王郡侯赴潁州序

壽序

徐則所六十雙壽序

葉員外七十壽序

張太史五十壽序

卷三

記

修建李塔滙延壽院碑記

黃浦二里涇開墳記

蘓郡義學碑記

代

超果寺重修大殿碑記

序堂集續

目錄

二

潮州會館天后行宮碑記

代素農庵記

傳

中憲大夫徐君傳

翰林高待詔傳

國子監助教程君傳

徐明經傳

曹節婦傳

論

盤庚不改國號論

卷四

書

答顧小厓書

戲爲管城子與孔方兄絕

交書

雜著

辭赴律呂正義館呈

普濟堂疏代

文昌閣玉帶河勸捐築洛引

代

煙戒

書陶詩黃子廉

辨韓嚴非嚴遂

論通鑑不載文人

題辭

四白倡和題辭

花信風詩題辭

題顧侍講自為墓志銘

題林氏所藏遺翰冊

跋

唐堂集續

目錄

三

縹緲邨居記跋

跋楊義士傳

跋馮南江訓子手書

九日行龔文讌圖跋

林氏所藏徐興公四冊跋

楊氏雙忠傳跋

跋雅俗文

卷五

贊

老嫗騎牛圖贊

有序

王樓山方伯遺像贊

六孩戲彌勒畫贊

銘

藤杖銘

墓志銘

馬少尹墓志銘

通議大夫太常寺卿順天

學政林先生墓志銘

大學士陳公生妣黃太夫人

人改葬墓志銘

中議大夫湖南糧儲道布

政使司叅政王君墓志銘

墓表

贈儒林郎內閣典籍葉君墓表

學正楊君墓表

祭文

祭浙江王方伯文

唐堂集續

目錄

四

卷六

五言古詩

壬戌歲九日作

古風贈楊使君紫川

約沈大學子盧二月川小飲值雪

薄暮沈盧冒雪乘舟而來因招王二印川同飲願十珠

懷不至

元夕後大雪不止風雨繼

作阻望湖涇金氏莊

甲子歲穀日

立秋日病中作

尋樂

章廣文荀儔張侍御有懷郊遊過舍道桂華極盛知窘

遠步故不相挈

秀水朱稼翁過訪言刻其

祖遺書於揚州	金研廬攜尊醉白池
近重陽尚無菊花消息	花間草堂雅集得飛字
寓梅花書院同查編修張學錄野步觀民圖芍藥	
凌少司馬淮上歸附家書	池上坐月偕子未和叔
行龔納涼主人置酒極樂	昔至
觀梅小集	接門人陸畏蒼滇中詩札
和姚稼邨崇善堂種竹詩	
七言古詩	
顧仲瑛倪元鎮小影畫冊	醉白池醉歌
王宮詹激川分惠	御賜克食用玉川子酬孟諫議寄
唐堂集續	目錄
新茶韻賦謝	次葉員外詩韻却寄
題張實甫仿黃鶴山樵畫	南滙黃氏父子詩藁顧侍
講索題	旌烈詩
酬寄舟上人乞食江邨詩	元夕前二日楊葆素招飲
送常熟趙進士父子入都	豆棚歌
明宣宗賜沈學士墨歌	飛鴻堂觀梅過醉白池留
飲訂東軒之約	東軒紀飲
小餅雜供秋花喜詠	中秋燒香曲
西陸邨桂樹歌	九日詩
丙寅上元雪繼以雨長歌舒悶	

哭歸衛氏女	登細林山
庭前紫牡丹盛開酌之	漢宮瓦頭歌有序
程午橋太史箋義山詩見贈賦酬	
題何子未檐經小照	連日雨
酬程聖貽詒諸刻	彈指閣前藤纏古樹歌
題願遊黃海圖為凌別駕	張二銘邀飲飛鴻堂大木
東亭不至有懷後至	夏夕喜雨
風潮牆壤修築作歌	閩鄉試錄
卷七	
五言律詩	
唐堂集續	目錄
壬戌新年	卽事
忙裏	擾擾
東軒春雨宴集	立夏前二日醉白池爲留
春之飲二首	餅花
檢王少宗伯遺翰泫然	蚤起
無錫顧同年震滄過舍	初秋醉白池避暑五首
賦得別業居幽處	次韻答周郎中漁山
聞蟋蟀	重陽前一日立甫招集潭
上草堂遇雨	病起
新年臘盡日	枕上作

酌酒催梅花	卽景
大風雨泊黃浦	夜行枕上作
月	次查星南太史韻四首
悠然	吳梅里邀同吳劉蕭曹四
翁泛舟城北	紅橋王氏園
蓮性寺新亭子	歸舟大雨泊葑園不得入
次韻寄題尹制府新築	夜泊瓜洲吳步李郡丞餞
於江邨別墅	寒月
懷陶宅舊居二首	范魯望仿昔年送盆蘭盆
梅而不索詩仍答之	賦得開瓊筵以坐花
唐堂集	目錄
蘇石	盆池
門前	閔邸抄巴陵同年黃御史
寶君逝齒錄已九十	臥疾
冬至	
七言律詩	
宋節婦孝行詩	有序
移九月會橫雲山三首	張大木六十初度在七月
苦雨	蘆花帚和霽園二首
雪山莊分得無字	重過東湖葉筠客移尊黃
雨中梅花限十蒸韻	張東亭新居
	四白倡和詩既題簡端亦

次韻四首	海寧謁陳相國
俞廣文歸泰州步韻送之	送章荀儔之銅陵
喜晤尹尙書督府以公事在松四首	
九日集蔣明經詒久書堂	丙寅歲上巳
閏上巳	史閭部墓
蕃釐觀	酬別諸相識
登一覽樓	賦得二月春風似剪刀
海棠牡丹相繼開以詩代酒賞之	
客述綠牡丹因詠	長夏閒居自述四首
高倉	奎詩
唐堂集	有序
病起	目錄
卷八	八
五言排律	次韻答姚安圃
東軒詠寒月限韻	生日對菊創爲一韻體得
六百字	賦得日長如小年十六韻
鄉行涉申江遲友不至舟次成二十四韻	
七言排律	
送門人侯元經調任江寧丞	二十八韻
詠牽牛花十四韻	
五言絕句	

詠諸葛菜花	吉祥草
谷陽門內觀桃花	絡緯
渡江	東壁雜詩三十首 <small>有序</small>
夜雨	采蓮詞二首
楓葉	
六言絕句	
池上雨過口占	東軒桂下小集
落花	偕同人晚步田野四首
稍葺詩境爲課孫之塾	
七言絕句	
唐堂集 <small>續</small>	目錄
山行	題曹采荇詩葉代序四首
見里中赴南省鄉試憶舊感今六首	
楓葉盆景	新植西府海棠春無花立
冬後開數枝一月不斷	海棠
食冬瓜作	朱運使招同人載酒自紅
橋法海寺至蜀岡而返得詩六首	
題賀吳邨嘉蓮圖小影 <small>二首</small>	謝馬嶸谷餽酒兼柬全謝
山時寓馬所	西閣
由篠園步至平山堂歸飲舟中載月而行	
野園訪菊	題秋色上燕城畫冊

雪	論花
郊行	牡丹
午日	大木詒黃雀酒各係一絕
句索次韻二首	冬月甚佳臥疾不見
詞	
五綵結同心 <small>邵文玉納姬</small>	瑤臺第一層 <small>題家贊芬得</small>
得龔圖	惜秋華 <small>詠牽牛花</small>
滿庭芳 <small>屋上鳳仙花</small>	柳初新 <small>重臨陸南香詒伯</small>
蕉詞續集	
附刻	
唐堂集 <small>續</small>	目錄
冬錄一卷	

唐堂集續卷一

華亭 黃之雋 石牧

賦

賦序

馬文淵曰老當益壯窮當益堅蓋深有味乎其言也予行年七十九諸疾開作不能諱老廢斥二十載日趨於固不能諱窮二者有一焉且懼天人將棄之矧其兼之將自棄是懼然而譬諸木其朽也不甘譬諸水其濫也不敢文淵懸論其理故曰當逆用其力故曰益吾親歷而順受之唯取老壯窮堅四言而各繫以賦津津然用

唐堂集續

卷一 賦

自易云

老壯賦

客問黃先生日記言三十日壯七十曰老是猶上槁不可以爲榮下春不可以爲蚤失努力於丁年思取償於胡考逆歲序之遷移變光陰而顛倒且方剛則及鋒而淬既衰則竭滋而莫適欲反厥人事錯彼天道蒙竊惑焉先生曰否否客所壯者血氣也僕所壯者心志也桑榆收效於東隅松柏後彫於卒歲疲夫鼓勇於怒龍烈士感懷於伏驥秉夜燭其尙明揮日戈而不墜願鼓離於大耋存一息而猶毅故不以老弛其擔而亟以壯策

其蹟也若夫錢鏐雖饗呂尚鷹揚聃乎作史朔也爲郎稱王趙佐入相張蒼八公潤色夫鴻烈四皓羽翼於儲皇此其蜚英而騰茂幸繇壽筭之綿長僕所慕乎老壯者尙非諸子所足當豈況安昌嗤新學之小生長樂詡癡頑之老子日暮途遠而未休漏盡鐘鳴而不止挾患失之初心忘戒得於暮齒紛元老之爲誰曷壯猶其可紀者乎必若淇水賢侯耄齡勿惰懿戒求箴賓筵悔過攜提相接于手耳瞽矇交傲于坐臥綠竹猗然而有文白圭皦如其不浣彼辟公而夕惕曷傷悲於老大又若邯鄲上將功與蘭偕一閒於趙括再毀於郭開鬱老材

唐堂集續

卷一 賦

二

於梁楚思用趙以歸來飯斗米而披甲示一虎之非衰羨凜凜有生氣貫千載而不灰至若漢儒轅固黜老忤竇俾入園而刺豕羌應手而卽仆呵平津之曲學嗟側目其何陋較申公之胥靡雖蒲輪猶詒疾卓儕伍于賢良儼朝廷之耆舊又如營平充國漢後將軍先零掃滅無踰老臣上屯田之三奏炳西京之大文趙鼂賈而駕之藐嚴徐之謏聞偉矣經文而緯武煥圖盡于麒麟遇有巴西向朗少師水鏡涉獵文學以吏治勝晚潛心於典籍年逾耄而逾勁發六藝之精華羅萬卷爲性命上企聖賢相晤言下納童冠與辨證復有北朝傳永樹勲

寧朔諱老減年彎弓奮稍箭鏃不知陣上傷露布能於
馬上作當白頭而領郡謂見拘而不樂歎新息其何人
征五溪而嬰鑠是則老以皮相壯以氣舉形容外動而
易衰神明中靜而有主曷假冥靈之年奚問松喬之侶
謝朝華於已披落秋實之是取誠白首而赤心不知歲
月之不我與也且客亦嘗俛仰而觀天地之妙乎黃鶴
警露兮聲清黃菊經霜兮枝傲朔風厲兮隼擊夕陽頽
兮霞照碩果結蒂於寒林枯枿抽條於陽嶠驗柯葉兮
松筠何遲暮兮嗟悼其在人也晚成者器閱年高者德
劭悟晝夜之不停孰謂朝夕不可聞道哉

唐堂集

卷一賦

三

窮堅賦

客曰童子雕蟲壯夫不爲而先生奮其老筆精悍四馳
發蒙振落式靡起衰老壯之說既既聆而親覲之矣敢
問窮堅先生曰不聞先師之訓乎君子固小人濫堅者
固之義也濫之對也客曰然則持其堅爲禦窮之具乎
近取諸身莫堅于齒牙而缺矣莫堅于爪甲而折矣遠
取諸物莫堅于金鐵而冶而汨矣莫堅于玉石而焚而
屑矣且蒙聞鳥窮則啄獸窮則攫是與窮爲敵而不甘
示弱也苟無攫啄之能徒詭堅以自託恐終罹其摧陷
而不可久處約也先生盍稽古以覲陳而闡揚夫卓犖

者乎先生曰唯唯昔者陳平居負郭之窮巷阮籍行獨
駕之窮途留連長者之轍放浪步兵之厨試才分肉之
社作達跼酒之壚斯未可以爲窮安問堅之有無若夫
退之送諸柯古留諸沿窮子之典故假觚翰以爲娛辭
雖工不猶有窮之見者存乎夫既窮不憫不堅憫矣窮
居不損不堅損矣窮則獨善不堅滴其善矣窮則返本
不堅撥其本矣則或捉襟肘見納履踵決發金石於商
歌介茅茨之風節抑或衆濁獨清衆醉獨醒葆吾身之
潔白不改蘭芷之孤馨或不忍故交棄捐相印迺窮愁
以著書至沒齒而不恨或曲陽小試坎塲興朝寧齟齬

唐堂集

卷一賦

四

於婚宦憤自鳴其不遭或五噫避跡賃春臯廡生齊德
曜之眷死傍要離之土或老貧艱食一片豬肝去安邑
其若浼肯口腹以累官或骨體不媚青蠅弔客恨知已
之無人慰羈心於周易若是者錚錚兮其鐵兮硜硜兮
其石兮栗兮其攻之而不剝兮確兮其鑽之而無隙兮
且夫拂亂空乏勞筋餓膚始壹鬱而終達受大任於亨
衢計暫時之堅忍不過浮雲過太虛獨惜夫居鄉以齒
而老窮見遺者之泯泯也一剝而不復甫泰而遠屯處
勢隱絕不及四鄰詭折終寔笑笑不伸此時不可聞飛
鳥疾風之聲況揮官徵於雍門索款於邑流涕霑巾雖

感慨係之適足見其脂韋異與委靡而不振大丈夫不
乞憐於隕穫不墮行於顛沛經百折而不回歷九死其
靡悔直三軍之難奪奚五窮之能祟不同無用之礪礪
豈借不平之壘塊實砥厲以自強合道義以爲配所謂
磨而不磷故曰堅之可貴客竦而聽曰蒙嘗觀人之熾
隆華廡相雄孰援其窮又嘗閱人之窘艱流汚苟全孰
挺其堅今始奉教博識弘佩訓言遂揖謝而退先生歌
以申之曰運命茫茫今隨所遭侘傺轆軻今不改其操
皇天閉塞而成冬兮老物貞固而內敬寧爲澤腹之曾
冰兮需解凍於春韶

唐堂集

卷一 賦

五

頌

楊使君移守桂林頌 并序

民不能諼慕倚青於菴竹伯之所芟戒剪拜於甘棠然
召公布政歷有歲年衛武爲邦至于老耄而後人騰其
詠聖載於經若我松郡守大埔楊君自昔下車之日甫
匝兩朞乃今臥轍之情動關七邑 璽書褒美而遷雄
郡以作股肱輿誦攀號而繞行旌如離帖特則何澤之
施民未爲甚久而迺仁之入人如此其深也邪惟君家
聲伯起清白吏之子孫世業子雲太元經之學問妙年
對策便造玉堂歷試佐銓旋冠鐵柱獨立班心而審謬

不因臺主爲詭隨遂歸驅鱷之鄉暫息徙鵬之月旣而
彤廷召對阜蓋之官視外如中領郡則分符北地求忠
於孝除服而補關東吳爰莅雲間如來天上官承汪雅
之後繼美爲難地當江海之交因時而理君靜以鎮物
不刻覈以銜才公以居心不委蛇以邀譽冬日夏日因
人以施風星雨星從民所好子產之競綵胥泯仲山之
茹吐皆宜琴鶴標清啄魚格信愛士則成人小子月旦
譽髦鄙民則老疾顛連陽春煦嫗杜竿牘苞苴之請託
弊絕陽鱗懲刀筆筐篋之舞文患消沙蠹米鹽通市駟
僧革心漕餉安農姦胥斂手多稔多黍以善氣而召和

唐堂集

卷一 頌

六

祈雨祈晴爲羣生而請命鏡屬僚之賢否衡下邑之險
夷皎日無私福星有曜此就神君任內敷施畧敘大凡
如入循吏傳中覩縷尙多挂漏也

聖天子深嘉二千石之勲績屏疏姓名周知十五國之
風聲地先嶺徼謂五茸已成樂土而八桂首著巖疆聿
將 綸綍以下頒俾擁旌麾而往莅維君子使四方不
憚馳驅爲諸侯師兩地奚殊疆界去吳適粵一江之上
下可通仕桂家潮兩廣之東西較近雖赤子去其懷抱
聞呱泣而安忍棄嬰而皇華迫于簡書欲顧留而無從
借寇何況漢廷邵杜接武南陽唐傑王楊齊眉東觀代

諸城今已相代爲父母昔爲同譜之弟兄舊必告新去
王君仍如在于是薦紳文學抒感戴之忱耆老庶氓發謳思
之諺咸知鄧水敢贈劉錢唯獻頌篇敬書行障送素絲
之五馬藉陳下里之音占彩服於三魚預卜上台之兆
其辭曰

侯初莅止隨車甘澍期月而可以綱紀布再歷歲時政
成治具心銘滿鄉口碑載路歲籥兩周秋律三幹屢觀
年豐易虞人滿舉頭見日忘其溫暖忽聞遠離神寒日
斷官爲姓氏吏長子孫漢廷久任名臣實繁侯來匪久
名達

唐堂集

續卷一

七

至尊敘其循良不可殫論

帝曰海邦著有成效逃彼桂林爾其往敷煌哉 詔矣
河其調矣農惜于田土歛于校商旅愕于塗婦孺嗟于
竈曰此賢使君也而不獲親其色笑矣予從史後曰古
是稽侯實賢勞匪侯汝朕采而作頌願台階蚤躋不忘
江左來惠我羣黎

序一

鍊山堂全集序

天生玠右王先生畀以文爲一代之董韓也中遭鼎革
天又欲使爲我 朝之朱潛溪也宋公文盛行元季順

帝授以官固辭遜入山爲道士明興遂爲開國文臣首
先生文著於明季辭福王召至再伏草野爲農夫

聖朝求賢若渴先生出安見不爲潛溪而隱淪以終豈
天之意哉先生生萬歷丙午幼誦書日盡紙厚一寸壯
入幾社狎主文事爲文高駝秦漢飽經腴饌史華閭麗
瑰奇融液於大道東京魏晉之迹沿波及之詩非漢魏
初盛不以觸其穎降心而操選政雷動颺擊吳越閩楚
大江大河燕齊之彥靡不奉盤敦以從道德氣誼蓋一
世其言藹如也尊人訓新昌從于任莊烈殉國浙東騷
動上江南時務五策皆切中機宜罕用其言者知天命

唐堂集

續卷一

八

有歸乃崎嶇旋里養親樂道爲 盛世之民時甫四十
舊居青邨歸無所棲賃居石筍里薄田數畝躬耕自食
道愈尊名益重海內厚幣乞言者恒卻之郡邑大夫屏
騶從造謁有所咨訪輒不應唯二三親故篤學修辭之
士翰墨往來日從溝畝秉耒微吟暮則篝燈籬落揮灑
酬應野老寒峻各得所欲其著作尤理精旨潔峻邃寫
朗沃雲盪海不自知其神化而學者歎觀止于是天乃
不董之韓之宋之而俾以處士筦文事者又三十年康
熙丁巳歲五月九日卒年七十二與潛溪同潛溪以孫
故斥死萬里先生無後則不同考終又不同出處窮達

又不同且其文體亦不同而以文載道爲不朽之言則同先生始昏一歲喪偶不更娶自新昌歸乃娶生一女雙鳳善詩著玉榮草者也壻楊中翰瞻雙鶴氏有文譽先生老依壻以沒詩文藁多散佚中翰哀而藏之歷今六十餘載而中翰子日徵慶門氏復接羅釐定繕寫足本序記疏策書傳題跋雜著墓志祭文二百二十九首樂府古今體詩三百一十五首作於前明者廿四

國朝者什六分體不編年故前後雜次慶門以予夙嗜先生文且出所藏鈔本相校對遂屬序予則何敢謹考其居遊時代年齒生卒識於簡端先生嘗因門人方穀

唐堂集

卷一 序一

九

乞爲外祖嚴某立傳其末云余亦止一女未知他日有外孫否卽有外孫未知能表章外祖之遺文軼事不淪滅否蓋先生沒時慶門未生也今慶門年已艾以高材生食廩餼手訂遺文用登梨棗史公有子幼中郎有叔子先生可釋然星漢之上矣先生書法奇縱署名若飛鳥沒後數年降箕里人子作書如生時遂購得先生圖記詭稱真蹟售善價予親見其事柳州降神羅池而昌黎信之亦民不忘慕悅之一驗云康熙間史臣撰明史以先生附陳夏傳十年前予偕慶門葺江南通志載國朝隱逸傳僉曰此先生意也然恐非天生先生意也

東湖弄珠樓志序

弄珠樓志六卷平湖門人張龍威著樓在縣東湖之洲上予昔棹舟而登水光雲影目賞不給以無從考斯樓原委爲憾越數年龍威與修浙志西湖志而後及此也以脉予索序夫橫之於九州之廣以有此樓僅一撮土耳縱之於萬古之久以有此樓僅二百年物耳地隘時近乃其名勝甲一邑聚物華而鍾地靈胡可以弗志且夫莫空於天而瓊樓玉樓化人之所宮神仙之所居鬼才之所記見於史籍莫森於海而龍堂其闕屋樓蛟宮騷墨之士樂道之莫纖於昆蟲草木而蘆有衙燈有臺螭有房蠡蚌有戶竹孕兒橘藏叟若此類或荒唐無稽或形似瑣屑宜儒者所不言徒以流傳文字遂不可斷滅矧斯樓之真名勝昭於宇綿於宙者哉阿房靈光滕王岳陽其蹟或亡或存而鉅麗如在目睫由王杜韓范賦記之力故能與天壤相敝也則此樓者異時踵事增華以志爲嚆矢修廢舉墜以志爲飢羊卽至陵谷變遷讀志者亦若蒐逸書紬荒史洵不朽之盛事已抑弄珠龍事也昔人比文事於探驪龍謂得領珠所餘鱗爪無用龍威撰志旣得珠而鱗爪亦成金玉光燄萬丈郁爲雲雨是故文事助天工也龍威年少才俊未四十而著

唐堂集

卷一 序一

十

述富且工有蘭玉堂詩文集紅蘭閣詞東洲閒見錄
國朝詩話詞話凡所壁畫是造五鳳樓手志弄珠其小
者也

六書辨通序

顧若楊子宏樹勲績於字林嘗著六書例解諸書予曩
敘之矣索十稔復成辨通五卷眎予屬賡言焉予釋之
曰不同而同之謂通同而不同之謂辨楊子曰二語盡
吾書之蘊矣則從而釋之曰楊子之著書也其道達於
經綸一比而合之一理而分之凡字之見經傳者以聲
通者以形通者以義通者以轉通者以借通者又或以
唐堂集 續 卷一 序一 主

諱而通以譌而通以俗而通以省而通以字多而通以
字少而通不通所可通失則拘少見多怪若驪黃駟雖
之皆馬也可以不辨矣通所不可通失則混是非雜糅
若董鄴稊稗之皆禾也不可以不辨矣顧若氏彙而通
之以同其不同疏而辨之以不同其同考据精博心力
湛勇以立此不朽之言也贊文苑裨學海用鉅效溥詎
唯奏功小學屢進不竭哉古今字書於君家得兩人焉
漢有子雲氏明有用修氏子雲作訓纂以擬倉頡好事
者從遊學奇字用修作六書索隱自爲序臧否前人顧
若氏之書出而先後三楊成鼎趾已楊子卹居爲閣學

公猶子偕賢昆葆素涵貞諸君相屢寢於家學久今春
送公葬獲登其堂敞雅閒寂著書之境也每泚毫數行
輒引滿小酌牋硯壺尊雜進於前以爲常而不強飯故
善病畏入城市學富而澹世腴文豐而寡俗紛其爲人
和而介者與和者通之謂介者辨之謂是故知人必於
其言嘗讀子雲自序譜謀稱先世周伯僑食采于晉之
楊爲楊氏後有楊侯楊季而班傳从手爲揚是楊揚通
用修論姓氏載晉羊舌氏伯石食邑于楊曰楊食我後
分其田爲縣曰平陽曰楊氏因謂羊楊陽通若是者其
有辨乎否耶然顏師古謂子雲多疎謬王元美謂用修
唐堂集 續 卷一 序一 主

左氏二傳參同序

眞文忠公錄文章正宗始左國其一事兩見者不兩錄
也傳以敘事勝語以議論勝譬海之藏物百寶光怪稠
疊充牣者國語也天之造物神情竅極庸近極奇巧
者左傳也其事同其論同則文同者什一不同者什九
語勝傳者什三傳勝語者什七乃悟國語是左傳草藁
著爲跋欲彙錄同異以信已說然猶疑沮於前哲所習
聞晚得李溫公語先獲我心益自信堅盡錄其一事兩
見者而論定之歲月悠忽輒又廢棄辛壬之交衰疾迭

侵自顧齡頽殖落辭律呂 徵召之命却淮廣書院之
聘日閉其戶味藥之苦少間重理故紙覺魯君子作傳
時節制磨洗國語之迹顯然可摸索而得其神會理
解若侍坐於觚漆間而親見其滿志者未嘗不相親而
樂也蓋閱一載而書成題曰左氏二傳參同云左氏者
子專論文非論事故不敢系春秋也二傳者魏以來稱
國語爲春秋外傳後因以左傳爲內傳西山王宗綱目
亦稱春秋內外傳也參同者專錄其同者而參之事不
兩見者不錄也爲目九十爲篇一百八十有九爲卷十
有五卷首錄其目

唐堂集

卷一 序一

王

王樓山集序

功勤於所職德懋於所治古之名臣也哉然而卽之無
斧藻之容叩之不聞鍾呂之音者未之有也吾於樓山
先生知之樓山冠舉於鄉強仕以文入館選改銓曹臺
諫賢能著於朝出而歷道臬藩以至大中丞復遷藩以
卒所至民思之歲時走祠下流涕稽顙不去觀于浙知
閩粵江楚同也功德感人於不朽豈待言之立哉然而
樓山則長於詩矣學於其師高文良公苞漢魏以式開
寶潮騷頌以達少陵其源流一何深永也然而與予相
聚不多作詩題寄酬贈不過四五篇珍於碎金片羽然

而嘗自編次其詩繫以時地今其客沈學子所藏十二
卷凡三百四十餘篇郁於雲錦精於琳鏐然而按時地
以考其詩生平散佚者不少矣學子感國士知諸孤幼
既經紀其喪復慮其遺文之湮也刻以傳世而問序於
予詩者爲政之餘事也然而樓山之詩蘊之而醇揚之
而清油然而其忠孝之心藹如其仁義之言專門名家莫
能尙已庸以締繡泰符笙鏞徵角不既洋洋乎然而得
於行役者過半簡書賢勞籌國濟時恤民之忱三致意
焉自其遭時遇

唐堂集

卷一 序一

王

主歷試中外二十年亮采熙績馳驅乎康莊而倚伏迭
乘亦所不免封疆壯猶未盡抒林泉初服未遽遂而中
道奄忽此予所爲掩卷太息而悲來也然而千古而下
誦其詩慕其人於不朽矧躬與周旋相視莫逆者哉泚
豪吟披如逢色笑悲過而喜生喜學子能傳先生詩喜
先生既沒其言立然而其言又不但詩而已

吳提督渥恩圖序

并詩

雅詩所歌成周將帥南仲吉甫方叔皇父休父之倫旗
旆鉦鼓織文朱芾卉木庖膾之宏纖千載如繪而江漢
六章敘召虎之功由江淮以至于海具載天王之策命
賜予及銘恩祝上之辭蓋穆公勒金石於祖廟而詩人

述之播爲樂章如此今江南提帥寧夏吳公起偏裨歷封疆重任所蒞台杭崇明黃巖壽春松江亦皆在江淮海之交仕閔 三朝若龍升雲衢游泳自在無有遏阻值太平久無濯征薄伐之勞而講武練兵夙夜匪懈軍威震於水陸自其尊人以武鼎甲至大鎮長君又以蔭得官寵光濟美公尤以忠勤結

聖主之知錫賚殷稠眷注申篤乃作渥恩圖十幀軍容戎器鉅麗明晰以備志榮遇而自爲圖說以示予屬題詠焉夫雲臺煙閣圖畫而爲之論贊者史官之事也紀國恩以昭子孫卽虎拜稽首揚休作考之意因仿江漢

唐堂集

卷一序一

五

遺音歌爲雅什者詩人之事也凡十章章八句 建標我我赤城之霞梓紹其橋先後耀戈及身迎養受福孔多戟轅鈴閣在鎮如家 武林之督制浙東西選將帥材以作中權一門接武若遜抗然人曰非公孰贊雄藩 茫茫崇沙巨海納之自

天子命公往攝之餘皇金革整以葦之翼翼水師樂而懼之三 蟲矣黃巖鎖鑰浙東公往鎮之威望無雙匪直武功濟民惠農文廟義塾儒將之風 蟲矣黃巖錯于山海南閩北遼一驅萬里整我舟師消彼賊穴滄溟浩浩威澤灑灑 述職入覲喜溢 天顏何錫

之孔翎飾冠又何予之駿馬雕鞍承 恩闕下百僚羨觀六

帝曰壽春襟河抱淮改設鎮臣俾統其師戈矛壁壘行陳旌麾軍政一新雷動飈馳 東南倚毗

帝眷崇渥賞延于世任子詒穀并珣簪綬荷天百祿充厥棟梁鸞章寶軸 八 提軍江左開府于松輻員廣輪

湖海淮江公之莅止百度在躬綱目具舉式奠南邦 九

重幄譚兵廣場閱武五陳六花飽騰士馬

天子所予式是南土金碧丹青作而鼓舞 十

王隰州詩序

唐堂集

卷一序一

六

隰州守王君礪齋故相國文恭公家孫也幼穎異公愛其類已且生同甲名而字之雍正初大臣奉 詔緝閱北闕遺卷君預薦

世宗御評謂才擅風華而最進之以經術未幾果聯中鄉會榜聲騰輦轂間顧未及館選值予免官遂偕出國門晨征夕稅秋途三千里輪音鞭影杯酒勸酬無時無境無詩情而獨不及詩君時年踰冠而予婆娑六十老人一月晤言相得驩甚既歸則鄉郡遙隔及筮仕興縣問訊疏隔者久之乾隆初

今上紹開博學鴻詞科君以晉撫覺羅石公薦至京師

才名尤籍籍昔文恭公繇是科高第改翰林君繩武而
起周環六十年應運不爽予亦濫膺相國徐公之舉君
先期郵書速予及至與君復相聚往來學問湛深事理
通達深秋旅對皆詩意也而猶不及詩予既不終試歸
君亦報罷需次郎署出牧隰州睽別又八載矣夫仕者
踐清華備顧問固宜也歷試民社令出堂皇之上澤沛
關河之外其宣力朝廷等耳君甫強仕奮方剛之膺以
述祖德者報國恩樹立何可量卿相之由州邑起家
者多矣君先後與予周旋未嘗論詩中間唯寄示遊西
山詩十餘篇未窺全豹其志豈屑以觚毫自限哉客冬

唐堂集

卷一 序一

七

奉尊人諱奔喪南還予始得其自訂詩鈔四卷讀之歎
王氏千古擅風雅若仲宣子安摩詰近代之元美貽上
皆荆伯莼林以文章爲經國大業詎必離去風騷徒以
天書周禮爲勲績耶然而烏衣青箱並詒謀及之承其
後者政事文學交集於躬而莫可畸廢君於興隳之間
功名發軔方熾未艾矣而詩卷裒然鏘金石之聲爛雲
霞之光予又烏足窺其底蘊辱徵序言因述夙昔交遊
之迹以驗詩人臭味不我遐遺輒忘其衰耄矣

曹中翰詩序

吾友顧侍講小厓喜上海曹中翰鴻書時文一再序之

因推崇自明至今舉業唐虞三代之文在茲左史國漢
衆家莫能尙彼摹左史國漢衆家爲古文辭賦騷雅不
宗理而尙辭戒曹子母爲所奪蓋小厓自謂生平精力
萃於時文別著或推道非意所屬故津津如此亦由未
見曹子他著作但見其試草鄉墨才力闕肆超軼無前
故專稱之然小厓遇合以金管集中之詩非由時文昔
胡澹庵以詩人薦朱子召赴行在使朱子非居母喪安
知不應召而起以詩行其道厚人倫美教化移風俗俾
虞廷之賡歌成周之雅頌復見於宋世胡公名臣豈不
見朱子著書接鄒魯而詩人目之誠有取爾也曹子切

唐堂集

卷一 序一

六

負異稟吾友給事濟寰其從父也雅器之舞象遊庠卽
走京師入雍登賢書禮闈呈薦試中書中選甫弱冠耳
歸而罹父喪讀禮之暇投予詩先後兩冊涉百里而來
問序焉夫曹子旣以時文取盛名又以餘事驅騁吟壇
爲古文辭賦騷雅之鳴矢其才豈可斗石量耶顧不鄙
棄予詒書鄭重昔予制義濟寰所評選居半淫數郵簡
唱和謂予知詩今墓草宿矣謁未英英風流宛在我心
則喜烏能嘿而已竊謂二者極其至皆繫聖賢之道無
可軒輊然詩自天子至于庶人古今所共由大者登朝
廟小不遺里巷而時文唯場屋用之有式焉揣摩而後

命中道一而術不同也故兼到者難曹子舉業童而習之學詩度不過四三年之近而五七言諸體精思壯采動與古今合卽中書所試一論一詩已非時文可限歲月深長曷能測其造詣所極予毫矣及今所見序之且質諸小匡知不河漢予言

印賞序

文字圖章皆道之所察也所從來古矣書契取夫蒼籀朔因而後流爲摹印鑄金琢玉范模銀銅而後流爲鐫石違厥初漸遠庸夫狎今而通人追古斯復乎判矣王山人曾麓年八十目光腕力如少時蚪文蠅篆窮源披

唐堂集

續 卷一 序一

尤

根毫而不懈王中翰雪蕉壯齒投簪龍鱗歲月倏然映北之表兩君雁行也峰泐之間有施氏花影集斷章而取之鏤諸珉觚圖鉅細朱白參互凡二百枚萃而成譜又譯於左方援據說文證及鍾鼎藝苑大觀也既各自敘所用心屬予欸識其首人曰藝也予曰非藝也道也山人精藝以入道是故鉛鋒芒穎抉霄淵之闕藏發現而不竭無以名之名之曰印非皮相者所謂印也云爾中翰學道而游藝是故掇擷葩豔快意於俛仰之騁懷相視而莫逆無以名之名之曰賞非耳食者所謂賞也云爾光燄離奇翊彪於手眼翫好而摩挲者如叔彝仲

盍及考其辭句而始知當世之鴻寶也而黃農去人不遠已惠施多方其書五車曾麓似其博雅莊周逍遙齊物寓言十九雪蕉似其曠達二王之爲此也吾讀印賞如遊濠梁焉

北窗偶談序

偶談者德清胡太史石田先生談字學也書者聖人之所易文者天子之所考理足以感天鬼神通於作禮樂小學云乎哉談何容易韻譜既遙斯高敬邈之徒變滅古文相燼而眞書出孳生於不已字體彌備而字書彌繁說文而降迄于今由後指前辨難駁詰此亦一是非

唐堂集

續 卷一 序一

平

彼亦一是非蠶生蠋起不可勝原太史曰可以談矣于是彙其前後通其彼此剖其是非過予而攜所談以相證也擇精語詳受而讀之匝月始卒業焉竊見眞書興而經史百家之文皆用之謂之正書大小篆隸之所極也行草八分之所出也周禮六書之學具存而不外形聲二者或一聲而數形而事意從之或一形而數聲而轉借從之然而宦人罪吏悍然能變其體製而學士大夫囂然莫定其指歸字書彌繁而字學彌晦今先生談文字源流若治水溯崑崙以達尾閭也談六書若觀象二曜五星之宿離不貸也談反切談字母談四聲談韻

談五音以及樂音若調律鍾呂無宛瓠而宮商無怙慝也其言曰凡著述家指前人之闕失易杜後人之攻擊難則其詳審精密不留瑕隙於纖毫可知故能鯨鯨犀照披聾發聵雖偶談千載不易矣吾郡劉氏能辨字聲楊氏能辨字形予各序其所論著而是書尤苞蘊深廣未易以小學窺測加以毫及殖落無所發明詰詰而已因歎先生林下著書爲不朽盛事而予廢棄頽惰不克立言以自振拔所爲瞻望而歛歛也

唐堂集 續

卷一 序一

主

唐堂集續卷二

華亭 黃之雋 石牧

序二

詩可齋初集序

斐邑侯三韓王君前攝丹陽令同考江南鄉試撤闈始莅斐惠示同門卷藻鑑朗詣品題精覈想見冰壺玉衡懸清秋也心儀君爲文匠吾吳言子以文學科爲宰取澹臺氏之行予衰拙公事不能預閱今三時久名刺報謁外尙未識紫芝簪宇矣而君以詩集一冊屬郡博汪君展轉授予爲序方秋暑熾歊煩輔浮腫試誦之清風颼然起坐間一再誦之一何澹深寥迥簡古冲漠遊我於高涼之域而俗氛塵餒不知消散於何有也又心儀君爲詩仙蓋君與陽羨謝嘯莊交平橋之淹飲陽湖之渺懷靡勿芬馨蘭茝氣息融液故詩品相埒云予交嘯莊三十餘載出處離合不常唯藉川鱗霄翼帛素相晤語君集中賣船阮香秋色諸題予亦嘗染翰遙寄最後寓書招之謂王醴侯鯖爭相引重未知故溪菴盡其能忘情否承答六言二章有垂釣子陵歸去被裘我亦江南語自注今年六十八正嚴子歸富春之歲且索襟抱灑然之居賦名士軒三韻詩緣老疾守醫戒屏斷毛櫛

唐堂集 續

卷二 序二

未有以應今春門人輩計偕入都託其問訊則果踐言歸矣荆溪一曲徒縈兼葭唐棣之思一旦誦君詩而如覩嘯莊也則又以阻秋水者人之遐不若庇春臺者室之邇異時逐鄉耆老隊扶杖道旁以觀化成將因具以誇示嘯莊也兩心交於胷一編釋於口色香微妙真味命烏能默而已且夫詩文者道所寓君之於道也貫之矣言子之言曰學道愛人今以溫柔敦厚爲詩敦淑一邑於弦歌政行俗美爲南國大夫最行且進國風爲雅頌颺其聲於廟堂一倡三歎有遺音者則予之序詩尙能學卜子哉

唐堂集

卷二

二

閔夢池詩集序

非富而富非貴而貴非利而利非達而達莫詩人若也環堵之室歌出金石手握靈虵之珠胸抱荆山之璧可不謂富乎柴桑處士顏謝抗迹鹿門布衣二張遜席可不謂貴乎攻詩城以偏師劇騷壘而無敵可不謂利乎和靖發榮於孤山天隨騰光於笠澤可不謂達乎是故詩人不患窮而患不工有人於此職方之孫中翰之子生產荒落饑驅道里豐才奮命途掖沒齒病捐甥館下壽而止可謂極願領侘傺之遭矣則詩家所稱環道人閔君夢池者也君無俗嗜好獨與詩相終古性情以主

之才調以輔之學以杼之法以組之揚其聲而絲竹鳴舒其光而雲霞翔其倡酬則勝友名流禪榻選樓不以竿牘羔雁王侯其遊覽則禽魚花月澄漪秀隰炎豔羶塵莫之或染其感興則鞭絲筇影孤颿短檣沈寥綿邈情往如贈其言懷則囁恥弦乖玉折蘭摧至性悱惻歛嘯徘徊其詩如是故凡揮霍陶寫中於風雅當其得意追古作者天矯雲龍逍遙野馬鍾嶸第其品嚴羽程其格當不在前賢下矣予昔因王運同光麓而見其人今因袁秀才碧窗而見其詩皆君之玉潤也家太學貫芬編而輯之君之宅相而受業者也君之適宋氏女捐貲

唐堂集

卷二

三

鏤之碧窗以序謁予乞之懿戚相協哀然成集惜前此者其孤葬則挾父書走京邑羈旅湓逝亡其一篋然所存者已富蓄縹囊實騰瑤笈膏馥利其津逮光燄達於宙合唯精粹之可傳詎必紛繁之篇什哉方雄飛之楊弇杜樊川之裴廷翰俱甥也柳仲塗之張景葉水心之趙汝鐸俱弟子也靡不爬羅渭陽之筆蒼萃河汾之紙是集也成其猶古人之遺軌與史公顧小匡詩翁朱東邨既爲毛衛而離之雙美矣予又爲旁出之枝葉前導之穠秣雖穎墨衰慵能不見獵而心喜乎

澄懷堂印譜序

藝之工者疑于神好之篤者忘于癖是故患不工不患無好者患不好不患無工者昌黎嘆相須殷而相遇疎殆不然若葉魏堂之嗜金石古文得王聲振之篆刻而藏焉吳人傳爲盛事矣葉子具區世族居嚶之南翔年少善詩通琴畫好秦漢摹印繆篆之學聞我鄉王子名延而致之澄懷堂出所蓄大小佳石選古詩文名句授而刻之積二千餘方裒之爲譜凡四冊染以丹泥搨以素牋奇光熊熊起而燭天極一時之瑰麗美富巨觀也其藏之也私之爲己有也其譜而行之也公之於同好也推是心也在位必不蔽賢而媚能應物必不掠美而居奇立身必不獨善而遺世然則技非聲振曷拭魏堂之目曲鍼腐芥不留影於磁珀也鑒非魏堂曷舒聲振之手高山流水不發響於弦徽也

榕海詩話序

往予視閩學駐會城日多於他郡福寧最後歲科兩試連爲日亦多今升州爲郡二郡居全閩首尾而壤相接皆環嶺帶海山川靈異蜚螭磅礴孕毓于人材固其所也無諸啓封劉安比之荒微融結至唐而宙合精華始吐洩呈露歷宋迄茲道學事功不勝覲縷風雅之盛亦哀然爲雄國二羽以來疏闡宗派源遠而流益長沿波

唐堂集 續 卷二 序二

四

唐堂集 續 卷二 序二

五

而溯之森乎莫測其涯涘已予校士所至必試詩是時林君洙雲尙爲諸生丁外艱末由物色之距二十餘年始相識以所著詩話八卷乞諭定榕海者指二郡言一何古汲冥搜閱深顯博詩域之巨觀也興觀可侑經典要可翊史簡括可該志乘風趣可資稗野人物可論世尙友事迹可采風觀俗上自王侯卿相下至布衣方外婦孺仙鬼蔑不網羅散失以納諸墨濤硯沼之中始焉洎洎繼焉湯湯漚漚爲廣淵注爲大洋而予乃得沿波而溯之津可以逮而鵠擘象渡之不足勞岸可以登而查乘行濟之不足需也不誠大快事哉予夙嗜吟在閩得詩七十餘首二郡道中作居什之二蓋時久地勝使然惜生也晚不獲見閩之古詩人相與俯仰揖讓而猶幸見此書若聚千百載之閩詩人於一室旬月晤言則林君方公其鄉先賢之膏馥以沾丐海內而予獨先得而私酣飫之快心不逾甚耶錢虞山頗訾閩派而不能揜其光燄謂肇自林氏子羽則詩固君家物且以名父之子濡染於庭訓晚得一官益著書豈曰操南音歟爲越吟歟亦以標國華抒家學也抑非止二郡林君之戚武定守鄭君荔鄉併其餘八郡二州之詩而話之將合全閩以公海內予雖老憊若過時鳴鳥尙將徧喬木而求

友聲何必輟軒之上矣

硯史序

體貞而用宏厥族蕃享年也久莫如硯矣箋之錄之譜之不勝載也米氏始爲史天下古今之史也右史之記事也今涪雲林氏亦爲史一家一鄉之史也左史之記言也若曰卽墨侯奮厥勲績世爲雄長文治粲然筆諸簡如侯國之有史云爾自其大父州守公因甘露以銘其硯尊人中翰藏佳硯尤夥一一爲之銘其父友余京兆其友許儀部周京兆黃大令其中表兄弟陳京兆謝閣學其諸昆暨嗣君胥喜藏硯人人有銘而涪雲匪直

唐堂集

卷二 序二

六

銘而已又工鐵筆勒之石若夏敦商盞之款識也捐之墨若周鼓秦碑之文字也萃而編之爲六卷所載諸君之硯百八十故曰一家一鄉之史所載銘亦百八十故曰記言旁及所藏宋元明今人之名硯若通鑑之前編者爲一卷附錄時賢題詠若史漢之評林者爲三卷于是難兄沫雲氏持其副本乞言不知予之惡於硯也甚歟予故鄉端遊跡所至晉于賞鑒未嘗蓄一佳石惟賜硯先硯敬銘餘未嘗措一辭役硯勢而報硯薄讀是史且心惡焉其何言之有竊惟古之銘硯者曰石墨相著而黑邪心譏言無得汙白紀其事功繼之以訓戒兼

乘樽机之義焉器形下道形上一以貫之矣是史也詞其先芬稱其邦彥揚其友聲仁孝之心油然而銘辭皆光堅響厚追金匱於千古言以載道豈一器一藝之詹詹也者

兩淮鹽法志序

代陳繼堯

皇朝鹽法繫兩淮者已一再志歷今又十八年所都轉運使臣續瞭欲重加編葺請於鹽政臣慶具奏以聞奉旨俞允且循例命臣大受爲之序臣謹序曰天地以自然之利貽軍國之用而佐治平之法者凡食貨皆是也鹽爲最經費之殷繁行運之遠濶賦稅之豐盈

唐堂集

卷二 序二

七

長蘆兩浙河東皆然也兩淮爲最自漢吳王濞因疆域之內煮海以饒其國而唐劉宴專司江淮以鹽利足國用宋明諸臣論議措施多有功於淮漕而可以爲法者經國存乎法行法存乎人理財用人交相重也人有恒言恤竈惠商便民裕國竈生之民食之商爲之國用之通上下而同休戚孰有如我朝之生財合於道至百年而無弊者今以二十五場煎鹽之所產給三十八府二十七州二百餘縣之所需而不患其少額銷綱食一百七十八萬六千有奇之引供二百八萬五千有奇之課而不覺其多何則滯則窒而流則通壅則繼而疏則

充流其滯疏其壅法固如是也

世祖章皇帝酌定明制而除其稅政鹽賦胥歸部曹

聖祖仁皇帝頒幸淮揚沛恩商窺不一而足

世宗憲皇帝減浮費蠲折價酌成本設義倉惠政隨舉而舉迨我

皇上繼述率由莫非以利用之常經行厚生之良法簡賢能而任之也久茲春與秋臣慶臣續踵先後入覲躬承訓辭以播諸百執事是故大法小廉而鹽法治於上提綱融銷緩徵趨運因人情時地而爲之變通旱潦之不時振卹連歲是故窺悅於場商忭於永陸民飽

唐堂集

卷二 序二

八

於楚豫兩江之間而國課所入輸將恐後而鹽法效於下操觚者炳炳洋洋以儲國史食貨志所采擇洵一時盛事哉臣所轄下江郡邑或行浙鹽長蘆鹽其志自雍正中勅修後皆未續舉而兩淮新志獨早出宣皇仁昭官政抒民隱陳商力達窺情稱美備焉臣謹序其大者序成而臣適奉撫閩之命閩惟汀食廣鹽其九郡所行不出四境賦僅及兩淮畸零之數爲政較易往告鹽官取斯志之緒餘以爲法

通鑑綱目前編節鈔序

朱子因通鑑作綱目今謂之正編而仁山金氏溯唐堯

訖周威烈以接於通鑑爲前編敘次評論可攀涼水然

丹朱馮房后生穆王杜伯射宣王釋氏生昭王之世尙採無稽元四明陳氏溯盤古以來冠前編之首備闕畧耳無闕筆削明萬歷時涓上南氏仿紫陽爲前編綱目斷自伏羲始功亦勤矣顧以尊經而削金氏所引五經似也論語孟子仍與百氏並列爲目某年世子昌孝養季歷某年孔子志于學某年魯哀公問政何以爲綱明憲宗詔儒臣修宋元二史爲續編而綱目愈備合而讀之卷帙繁重莫得其要領平山姚氏二銘張氏欲次第節鈔全部以便後學預致書於予屬序旣以河清難俟

唐堂集

卷二 序二

九

辭之矣前編已鏤版所載孔孟以前事尤利於校塾帖括之業購求者衆復致書乞先序以行予嘗謂帝王持世以道德天地運世以氣數道德勝能轉氣數不能離氣數氣數勝而道德隨之爲盛衰唐虞三代道德莫加焉然大水九年大旱七年後世更無此天也射天而震渡漢而溺後世更無此君也有窮中絕四十載其和無至十三年後世更無此朝代也兼三五以爲號降王於臣開阡陌建郡縣剏自秦皇改正朔設年號定自漢武遂歷百世而莫之易不必古聖制作也讓而得天下者莽丕炎溫之徒戰而得天下者漢唐宋以來之令主炎

帝傳子黃帝戰阪泉而代之亦傳子至夏后家天下遂歷百世而莫之易不必古聖禪授也武靈騎射而強房珥車戰而敗不必古聖步伐也王莽假經術以濟姦妄石行新法以基禍不必古聖官禮也若是者氣數主之而人事參焉是故讀史不以唐虞三代畫也因序節鈔而論及之學者由節鈔而進於前編之全由前編而進於正編續編之全若觀於海而止矣百川學海而至於海以其漸也祭川者先河而後海以其序也此其源乎

周勒卣先生遺集序

周勒卣先生集五卷其元孫京伯和氏取壬申文選幾

唐堂集續

卷二 序二

十

社六子詩編次而刻之者也先生偕陳夏諸公倡爲幾社丁前明之季海內名士蔑不結壇坫騫應求或建講學之旌或握選文之枋或標舉業之準始焉響答景附寢而分門樹敵而吾郡諸君子則以詩古文雄視九州談周秦漢魏盛唐之業湛思壯采必赴其的充然而滿志蓋峯泖一區而包梁跨鄴先生領袖其間卓立體裁刮磨毛髓奮身百世之上俛視宋元以還若系塊積燕不以溷迺公偉哉一代之雄已黃門考功擢第登朝節義載明史徐彭舉於鄉舒章薦昭代二宋繇甲科仕宦通顯始事九人外繫籍社中者類多名蹟彰著而

先生獨先捐館以太學終爲可惜也自少壯時涉江浮漢出鄣隨達襄樊憑眺雲夢七澤之勝山靈川后發其心膽不自知爲屈宋化身於是下潯陽泛彭蠡滌桐江而歸狎主檠敦砥礪著述以待時命之至贊廟謨於禦戎代王綸於罪己坐言起行抒厥經緯恢恢矣奈何留滯南雍時事日棘肝衡感槩無聊不平之懷隨所遇而洩之天喪哲人溘焉客死茂陵遺藁飄蕩盡矣於乎幸存一二社刻以有此副墨也而雜誦之可想見風采之適上神骨之俊朗膏馥所被須眉如生而仰止者猶憾不觀其大全以爲藝林一缺陷事也吾又以歎運會之

唐堂集續

卷二 序二

士

遷流而不可挽者在文章亦然當日錢宗伯受之著書持論凡學二國兩京六代三唐之學者斥爲繆種故幾社盛行東南虞山密邇竟若罔聞知者所纂列朝丁集之末不及一人其序某選且謂雲間才士起而噓二李之燼云沿及我朝好尚風氣岐趨彌別遂皆爲雲間派然終不能遏其光燄而淪胥之若先生之碎金屑玉裒然完好如雲霞之麗天金石之殷地發皇耳目聞睹一新賢後人尙欲旁羅散佚蒐求不休壁紗蠻布必將翦蛛絲拂蟬粉呈露合湊以大備高曾之規矩而謂其宏願卽不然而五卷者已足藏名山傳大都奚必等身

滿家然後爲富哉幾社既遷康熙中春藻大雅二堂相繼代興若錢學士彭武岡姜太史陶主事咸以科目顯擅場詩古文乃篇章流傳而專集未見行世後起風流又爲陳迹矣先生生前年位雖細既歿百有九年而重雕卷帙如初出手良繇孝孫克誦其先芬亦惡知非靈氣翺翔乎太清請於帝而得之俾揭日月而行者耶

讀史臆語序

昔賢讀史考鏡得失褒貶臧否據其臆於語言文字間用垂法戒于是有論若曹子建漢二祖優劣論嵇叔夜管蔡論也有贊若袁孝伯三國名臣贊庾子山古聖

唐堂集

卷二 序二

主

帝名賢贊也有頌若陸士衡漢高祖功臣頌也有述若陶元亮夷齊箕子等述也有辨若柳子厚桐葉封弟辨也有詠若王仲宣左太冲詠史也則其文爲五言詩子是有詩史至晚唐人輒以七言絕句詠前史人物故事多至百首明李賓之又取史所載忠臣義士幽蹤亮節擬古樂府百餘篇王元美始病其涉議論繼推挹爲奇旨創造名語疊出蓋詠史至此觀止已吾友吳君樓坪用唐人詩體作讀史臆語二百餘首起訖漢明二祖中包歷代事迹上下千六百年得失臧否若程諸衡尺而發之以資鑄也正史綱目而外間采雜編以博其旨趣

而謙曰一人之臆見一家之臆說則試印之以萬心味

之於萬口而有不愜者吾知罕矣君昔擢第由庶常改

行人出宰邊邑薦舉鴻博見遺升郡丞移疾歸爰以林

下歲月春容嘯歌而爲此嚮使留館授史職 召試中

制科爲侍從臣出其三長修經國之大業以廢颺泰階

郁郁乎著作炳於汗青矣然而設局開館彙衆彥以纂

官書不若司馬歐陽出一人之手成一家之言也或各

持意見聚訟不決或軒冕事繁假手倩人何暇如今日

遙集古人於丈室尺幅中參覈其行事指揮營欸一語

揚之軒轅而仙翔一語抑之匿影而鬼竄簪裾韋布縉

唐堂集

卷二 序二

主

黃粉黛駢肩接武以就裁決靡有濫枉若是其愉快滿

志哉辱問序於予讀之索旦晝嗟歎欣慕以爲是運雕

龍之心杼吐鳳之腸而灌輸溟渤於府臆歎雲沃日以

出之者也臆云乎哉自慙款啓無所揚抗其萬一聊以

臆對而已

送序

送覺羅雅侯移守蘇州序

乾隆七年侯奉 特簡知松江府未幾以賢能擢知蘇州來以二月十七日去以八月十七日纔六匝月耳松之民若積累歲時之久不忍一旦離者則曷以致此唯

侯明若曰仁若風和若春清若秋挹其容藹如聆其言
嗽如相悅服于三英五絨之表神妙且速而人不知其
所以然欲觀指其美而不能罄也試約舉之曰愛士見
於府試及提調學政矣恤民見於減米價勸富戶平糶
矣整風俗見於檄戒奸頑督令自新矣矜老疾見於建
堂普濟籌畫經費矣協恭以帥屬平心以聽訟盡職以
勤事月未朞而綱紀布久任當何如是故瞻戀咨嗟於
留之暫而行之速予以爲在民心則然卷阿之詩曰維
君子使

聖朝用人非常之材不拘常格侯昔爲通政大臣

唐堂集

卷二 送序

古

天子重邦本急吏治謂二千石親民之官俾在外郡歷
任東南繁劇之地所以隆股肱之寄儲屏翰節鉞之選
勝鉅則效廣功敏則遷驟固非一隅之所得久羈異時
踐台斗而麗星雲光曜所及海內胥仰而詎獨遺我一
隅之民哉則侯躋陟愈高遠而吾郡之蒙茫沐膏愈無
涯量也召公奭以周室宗族勲勞最久其循行南國布
文王之政時當在壯強之歲旣去而甘棠詠焉與侯支
系之貴年齒之富化行民懷之事正同乃峯泖間謳思
稠疊又不僅蔽芾九言而已先是 朝廷釐正樂章徵
及之雋自惟衰老荒廢憂懼弗勝侯甫下車部檄同日

至卽詣府陳情懇辭侯據狀上院司往復再三始得請
今獲從耆旄後扶杖而歌憇蒞則唯侯之賜繇是以推
則凡卽民隱達下情體 盛世安老校年之意而以物
各得所爲懷者洵無所不極也乎

送婁邑胡侯調任南漚序

婁南漚同隸松相去百二十里婁得賢宰胡侯而治南
漚則未也大吏疏予 朝奪婁侯以予南漚而婁人之
不悅者半悅者半不悅者曰七載襁哺我而一旦割其
懷候孰爲之褰凍孰爲之衣吏孰爲之範士孰爲之培
農工曷怙商旅曷歸我婁之神君而曷爲乎漚哉曷薄

唐堂集

卷二 送序

五

于婁而唯漚之肥侯之在兮樂而忘之侯之去兮我心
傷悲悅者曰豈有霖雨而一方是施豈有陽春而疆界
是遺豈有賢侯而可以久羈婁漚皆赤子何福而何蓄
他日又奪南漚以予一州一郡一道一省而蒙澤者無
涯其以是調也爲始基乎然則不悅者情之常也出於
私也悅者見之大也發於公也皆理之自然也 朝廷
允部議奪婁侯以予南漚而漚人之悅者半不悅者半
悅者曰我邑之分寔繁且疲譬諸盤錯利器則治赫赫
隣封望侯若神人不可攀躋自天而下福星惠來我漚
之望侯如望歲焉如望慈父母焉膏澤而保抱之登我

于春臺曷不蚤來不悅者曰我儕小民習爲蚩蚩金未受治而躍木未引繩而批侯之來將操我獷悍而程督之警我酣博游惰而約束之創我舞文武斷而窮鞫之我烏能寤寐釋諸懷乎匿之無遁情悔之恐已遲然則悅者懷德也嚮化之效也不悅者畏威也自新之幾也皆道之大行也故用人者一予奪間而俾兩邑咸治焉于是侯侯代行有日矣紳士耆庶謀於舊史氏爲文以送之其爲謳思之文與臚陳在婁之善政謂能撫字如此保障如此倣古輿人之誦之義則更僕難數不勝言也其爲贈別之文與頌禱蒞滙之新政謂必若何措施

唐堂集

續

卷二

送序

六

若何興革倣古贈人以言之義則游刃有餘不待言也故就兩邑之人心而文之以爲言

題峯泖圖送王郡侯赴潁州序

人有遷移而山川不易九峯三泖之麗斯土也久其所見守土者賢否久速自設郡以來至於今不知凡幾人矣乾隆九年之十月諸城王侯疑箕來攝郡事明年六月移潁州使峯泖而能言也必交頌我侯之賢而歎其未久於任爲邦人惜蓋侯自翰林選吏部郎出參議於浙歷治溫處杭嘉湖以海塘事去朝命來江南委用大吏知其賢俾攝常州攝松江又攝潁州于是浙東西

江南北皆以侯爲有脚之陽春隨所至而人喜悅之山川爲之生色侯初蒞松督撫已題潁需部覆旣而特旨俞所請需代者故在郡且八月周咨下邑問疾苦察情僞使民肅然畏翕然服修舉水利興學尙文凡所措施皆爲長久計不以權攝故有朝夕懈其勤厥政事而詒惠斯土者維峯與泖環郡治而親見之故邦之人於其行繪圖以送之若曰山高水長與侯之名俱永峯必不夷爲部婁泖必不縮爲溝澮則召棠必不可翦而淇竹必不可謾仰翠微俯碧流而我心目中如見侯知侯之展是圖而心目中亦長見我峯泖而峯泖亦得從絹

唐堂集

續

卷二

送序

七

壽序

徐則所六十雙壽序

則所徐君直乾隆乙丑歲之二月生日爲六十賢配林夫人先四月亦六十令子卜田舉雙慶之觴而求予言焉侑之古無生日之禮故歷朝文士未有作壽言者近代始盛然王制養老十年爲程六十宿肉三豆鄉飲酒

之禮六十者坐是卽古之舉觴幽風曰爲此春酒以介
眉壽大雅曰酌以大斗以祈黃耇是卽古之壽言君爲
予外孫之婦翁又孫女壻所受業賓戚之誼不能謝不
文洪範冠壽于五福而次第及德明以德致福而知君
之壽有五焉明儒鴻洲先生君之高祖倡明理學著書
傳道後賢世其業以逮君之尊人雖善病五十五始生
君而見君之娶婦入學克享大年況君德潤道腴睟面
盎背者哉根於理者數不能限一也先世三遷譜牒散
缺君竭力蒐輯以敬宗收族珍藏前人翰繪手蹟若球
圖然事親善養志使親忘其老事兄無子而不自知爲

唐堂集

卷二 壽序

六

獨撫兄女之所遺女如己女孝弟所以爲仁仁者壽二
也君爲徵士焦先生高弟饒學宮久薦博學鴻詞以兄
疾革未赴也遊跡所至吳浙燕粵間辭賦之奇與山川
爭南浦弟子多科甲至公卿君尙滯留未遂繩祖纘親
之志盈虛之理嗇其遇者豐其年三也世家大族欲善
其子弟者競延君爲師敷席談經所指授無不饜飫如
是者有年矣他日如轅固申公之徒蒲輪應聘如公孫
弘韋賢桓榮輩以經師取卿相皆在七八九十之歲四
也林夫人爲內助孝其姑甘旨湯藥靡不謹也恤其母
及兄弟米鹽薪水靡不周也訓其子經史詩文靡不授

也操其家紡績繡靡不勞也晚而修齋皈依佛君儒者
不爲二氏學而不之禁白首相莊各得其道焉詩曰宜
言飲酒與子偕老五也君有五壽而長生之術不與焉
故不引君家徐市蓬萊徐福祖洲故事以爲君慶亦不
引劉綱婦弄玉夫以爲君雙慶神僊荒誕不足陳儒者
之前唯歷舉禮書詩之言而進之於易易之咸夫婦之
道也不可以不久故受之以恒咸者偕也恒斯老矣令
子之舉觴美哉南陔白華之義乎

葉員外七十壽序

唐堂集

卷二 壽序

九

吾觀天道速斯暫久斯恒聖人久速無不可儒者之出
處有合焉庶幾無愧所學矣或曰若葉先生雋顯其有
速之道哉一逢掖諸生見

天子授一州辭改員外郎直旦夕間事旣拜 命遽告
假歸亦旦夕間事進驟而退勇以速爲其道者也予曰
鸞園其深有得於久之道者夫生長世閱十五入鄉校
嚮使急功名內馳其才外託貴戚交游之助巍科騰仕
猶掇耳乃食廩餼久屢困省闈學聖人之訓守分安命
年五十二始應 召而出何其遲暮也及遭

聖主軫念忠裔通仕籍嚮使藉資門地結輿援以躋其
遷擢十八年之久何渠不可躋大僚乃需次旋里著書

澹宜之堂詠詩硯小之齋好學無倦多閉戶之歲月忘其爲留滯也而年已七十矣語其友姚子曰谷陽唐堂今八十同里東邨亦七十願得八十者爲文而七十者書屏以作壽朋矣其辭毋以富麗爲也唯簡且質之尙姚子以告因發恒久之義以爲祝竊園雖七十須髮黧黑如壯強時占爲得輿之碩果茅茹拔而楊梯生三索得男非直三玉潤而已繼自今祝嘏之辭充積於門內有追評吾文爲太簡質者度未許爲知言

張太史五十壽序

東亭太史同館前輩也而齒少於予今歲之嘉平年五

唐堂集

續

卷二

壽序

十

十辱知愛深謀所以祝嘏者說禮可乎禮養老自五十始養鄉命爵杖家異振可以言壽矣禮親在不稱老則又未可以言壽也太史弱冠高第策勲翰苑久

憲皇帝嘉其老成命主粵東試稱得人以乘駟事被誣左遷未四十移疾歸里事封公有會閔之行友于二弟閨戶義高夙乎不可卽從兄文敏公少齊譽遭際

三朝倚畀隆赫朝士爭驚趨而太史落落自行其胸不少依藉品度越流輩條然遠哉厥初生時太人占其祥寓於名字長庚奎宿降爲李蘇迥非世之覽揆者已祝者乃言曰禮曰五十服官政太史出東山馳北關清華

侍從之舊臣海躋通顯爲燕公爲曲江爲授經禹爲作

相蒼身名俱泰炳於丹青乎可矣猶未也志道德者功

名富貴不累心又言曰禮曰五十始衰太史臞然玉立

顏渥丹頰毫有白者嗜飲善攝生博精軒岐之方以葆

元炁爲留之良爲蜀之陵爲中條之果松雲逍遙而長

生乎可矣猶未也三霄十洲儒者以爲詭則予更爲之

說詩可乎歌三百以頌五十若肄業及之而稱老之迹

泯焉太史則相視而笑曰可哉詩曰山有榛隰有杻我

觀之子張仲孝友福履綏之亦孔之厚矣冬日烈烈爲

此春酒雞樓于鰈魚麗于留有家白駒有兔斯首或燔

唐堂集

續

卷二

壽序

三

或炙迺左迺右嘗其旨否酌以大斗其帶伊絲其笠伊糾並坐鼓瑟坎其擊缶俾爾戢穀保艾爾後如山如阜如南山之壽如松茂矣惠而好我報之以瓊玖作爲此詩出自口矣彼苗者蔑有苑者柳自今以始歲其有何其久也

唐堂集續卷三

華亭 黃之雋 石牧

記

修建李塔滙延壽院碑記

天蕩蕩缺則補之山峩峩塞則開之人力之大何所不舉矧宮室土木哉然朽詣駁娑帝締皇造而灰滅景絕毘耶給孤之遺蹟雖至淺近亦五六百歲則唯佛之力能役人之力於不能已婁李塔滙之延壽院其一也宋寧宗嘉定六年定海僧元信至里人通直郎錢某建澄庵居之又曰圓通庵度宗咸淳間僧如霑易今額元武

唐堂集續

卷三 記

一

宗至大中里人知宣州事錢大信有記後兵燬僧照重建明神宗萬歷間里人錢大復新之相國龍錫父也國朝世祖順治十六年郡守祖永勳重修逮今又八十稔矣其地夷曠平衍一水環之非有穹巖邃壑深林奧境棲幽而宅靈而巋然居江浙水道之通津五兩百丈往來其許者必泊遊而覽浮圖蘭若之勝焉於峰泖諸名利中有古柏一歲月深遠大如一間屋舟行遙見之洵怪特奇古物也而僧寮閤寂菜畛衡縱玲瓏鳥語相答響而已相傳唐太宗子曹王明爲蘇州刺史故以姓其塔蓋塔先於院云雍正二年院僧矢願修塔暨山門

起禪堂靜室一新矣里人楊文龍復傾家財屬其戚沈

君建圓通大雄諸殿置香火田若干畝而迎寄舟上人

主法席則乾隆五年也儒者恒因泮宮衰而慨梵宇之

盛奚庸哉佛者之居夫安得而廬也晨曦升而各操業

以繇乎萬塗而不相礙宵晷生而各偃牀以成萬夢而

不相襲事之盛衰廢興因運會之適然而相遭時其時

事其事豈能執我見以彊勉氏叩之哉是故諸錢相紹

以有此院也寢而衰開士倡之檀施任之淳而興其適

然而相遭耶天一補不復缺山一開不復塞是縱不能

絮霄壤於終古而補往昔開來禩圓滿通達則力與媯

唐堂集續

卷三 記

二

黃浦二里涇開渠記

丁等寄舟名實如謁記者三四至感其勤故僥舌不辭黃浦松郡諸水之幹其支流不可數計在婁者莫要於東西二汊水岐流爲汊音詫俗誤讀達到切東汊由張涇西汊由二里涇以入所從來久白龍潭北亦有二里涇此則南接浦者浙鹽政聽商人言填於涇口而斷其流者十八年矣積久而害彌甚民不能以終日子是諸生衛自浚耆老徐萬春等千百人奔走呼籲於江南督撫暨鹽政下婁邑勘覆頗以國課所關與成功不毀爲疑賢宰胡侯從河工甫還卽躬履其地詢民疾苦繪圖

具文書上當事曰婁邑水利全資黃浦其西汶水口二里涇南接浦東至掣鹽廳所西通各支河北接倉城達于青浦福泉凡西北河港胥賴是涇進水由運河分流漑三縣之田萬餘頃四方商旅之往來華亭奉賢金山諸縣之納漕米於倉佃之輸租咸于是乎通舟楫厥利民生甚大雍正三年饑商因地近鹽倉慮東西潮入易淤鹽艘難以速運欲遏上流以潑水而以杜私販出入爲辭懇鹽政始築堤乃自西汶截流以來支河潮汐不通皆成斷潢絕港田疇無畜洩患旱潦矣輓輸懋遷由巨浦患風濤矣老穉疲于跋履婦女困于浣汲履勘情

唐堂集

卷三

三

形實通浦要道萬萬不可堵截今掣鹽所河道深廣卽或日久水緩沙積羣商於一歲兩掣時稍爲疏濬河段無幾殊易爲力不宜怙商人一時之小利貽百姓無窮之大害應請亟予開通以恤民隱如或過慮私鹽出沒請於開堤後添設木柵以時啓閉實屬商民兩有裨益江撫張公江督楊公先後據辭入 告奉 旨江南督撫浙鹽政會集再勘候爲民請命持之益堅疏上 詔下工部議而開堤之論始定至江撫議建石閘浙鹽議建魚背石埧多開涵洞皆無關有無楊公獨採侯木柵之說部亦奏 允乾隆六年四月丁酉通邑耆庶及四

鄉之人風動雲集拔剡剡土不日而通洪流湯湯與潮偕來繞涇而歡呼者騰聲若雷旣訖功居民相聚而言曰是役也浙商以侯謬議袒詳搖惑大吏而侯實始終主之宜樹碑勒文以無忘侯績俾與流水俱永夫民有疾痛而不知知之而不救救之權在上而傾縮不以告告之而始銳中懈以止者有之矣興利除害服侯之仁且勇也侯容城人名具體字季微號立峰由歲貢生知山西壽陽縣積軍功服闋補今官歷今五載多善政此其一

蘇郡義學碑記 代雅太守

唐堂集

卷三

四

古者二十五家爲閭閻有塾推之州黨之間其爲閭塾多矣以興教育才使民知禮義濡染於文學故三代之盛無莠民以蘇州會城計之家奚翅索萬數自府縣學而外復有書院人文彬彬盛已顧學宮非籍博士弟子不得入書院則兼及他郡之士選而登之庶民小子單門寒畯名未隸于泮林材未程于鹿洞奚所萃而問業焉 良質銳志徒以居貧處約之故負笈無所從焚膏無所資而游散淪棄可惜也噫義學之不可缺也黨庠術序之遺法也非守土者責與昔言子生斯土以文學爲大賢夫言子豈生而爲大賢哉春秋時周制未泯

其自勿至長必講肄於閭黨之學有素故能擇所趨嚮
奉聖人爲依歸抗行魯君子其仕也以禮樂爲教弦歌
洋洋余不敏夙誦慕之幸承乏守是邦政事以次第舉
考郡之六門舊有義學皆假館寺院無恒產興廢不常
遂倡勸紳士欣贊斯美好義樂輸者衆未幾而事集爰
度地於王府基居國之中及閭胥盤葑婁齊之門內創
塾凡七所計田廬所入之息師生脯脩膏火有備定課
立規以時講學會文其中歲值甲子當大統之百年
聖天子制禮作樂陶淑宇內封疆大臣宣而達之化行
南國而此邦義學之建適于是乎成則夫仰沐 朝廷

唐堂集

卷三

五

德化私淑鄉元賢以興起於文學升秀於學宮書院經
術可以華國禮教可以成俗其在斯乎余願望深矣事
在恒久而不已也舉而行之踵而修之永無廢墜厥功
效何如也故刻石以告來者若捐助之士經理之員之
姓名助銀以兩計助田以畝計塾舍以間計所置市廛
如干其租息如干田之租息如干悉載碑陰俾後有考
雅侯寄書屬代爲記後開格于大吏不行存是文以
不泯賢守美政

超果寺重修大殿碑記

超果寺自唐至今垂九百年郡志綦詳然尙有闕疑志
載寺基本澤河有異僧日憇其上使羣兒以瓦礫投已

不中盡入河遂滿因覆土結庵後爲巨剎則在藏負剎
寺之先未詳異僧何代人也寺建於唐咸通十五年咸
通懿宗年號止十四年方外傳與以咸通七年卒則未
詳寺實咸通何年建也寺始名長壽宋英宗時改今額
東爲天台敎院似院與寺分未詳何年合也理宗書額
曰超果靈感觀音敎寺今曰超果天台講寺未詳何年
易也志載元時寺有塔未詳何年廢也宋景定五年寺
災元至正十六年再燬中間九十三年未詳重建何時
興修何人也寺之大殿俗稱鴛鴦殿以形制兩殿合一
而名非鴛鴦王鸚鵡芻尼之謂元明以來楊錢夏王諸記

唐堂集

卷三

六

顧陳郭諸志原委可考沿入 國朝又百年殿之不修
久矣康熙二十一年寺僧通源一爲整葺
聖祖南巡時僧明穹乞 御書虹光勝蹟扁額駕軼前
代而歷時既深日漸荒圯乾隆八年隱錫庵僧明智過
而心動倡諸善信或解橐或募貲或給匠風馳雲集勞
與費偕肇工閏四月之望迄十月之望而圓通大殿告
成重屋飛甍層梯陟降中奉大士諸法像宏麗莊嚴慈
雲布濩入天瞻禮歡喜踴躍十二月之朔雨華殿亦一
新矣寺之西來堂僧理微介顧明經思照來求爲記夫
帝王之政利民爲急修宮室達溝瀆坏垣牆除道成梁

之屬興廢舉墜輒程以歲月政所不逮士庶私以財力爲之則以好善稱堯王帝釋教殊而理同空覺以爲體而靈感顯應拯災濟難以爲用其於利民也亦切則夫像設濫漫而金碧之廟貌糾落而丹雘之所以棲神佐治普度世人非他宮室垣墻之比而曷其可緩且夫造化乘除天地理數之自然無而之有者造也招提可以基於澤而青虎之巖不存則有不盡有有而之無者化也窳堵末由尋其影而金鰻之井猶在則無不盡無歸然斯殿一寺之觀聽繁焉固其有而有之如創如造沙門檀施以其財力爲功德善矣琢石鏤辭用昭示於將

唐堂集

卷三

七

來全寺之勝次第興復咸自此始也

潮州會館天后行宮碑記

代楊太守

吳閩一大都會也我潮人之宦遊往來暨商旅之藏市出塗者踵相接迺建會館築宮以祀天后既成以余潮產而守松郡與蘇爲鄰屬爲文記之曰人受天地之中以生乾父而坤母故地示曰媼神凡山川之神多妃后夫人稱號上陰敖以輔天佑人厥功懋焉川莫鉅於海環吳閩粵之境皆海也天后尤著靈於海潮之州大海在其南而與閩接壤天后閩產也故東南之邦荷神庥者咸昭赫於不爽旣以靈蹟膺歷代褒封我 朝加崇

廟貌載在祀典福泉興漳諸郡皆設神之行宮於蘇以聚族講禮焉潮之人曰我何敢後哉康熙四十七年五月擇地於閭門外五畝義慈庵之西經始其事至五十六年四月而天后閣落成會軒步櫺堂廡翼如祭獻歌舞有常所香火有常供居守有常資至者如歸其家過者如戀其鄉至于今久矣而舊未有記雍正十一年七月又於閣之前建關聖祠閣之後建觀音閣乾隆八年又將於觀音閣之後增建昌黎祠而總顏其坊曰潮州會館凡歷三十七年而規模始備焉予喜我鄉之人次第經營之有道也宮爲天后而建前說詳矣關公在天

唐堂集

卷三

八

之靈無所不歆格潮人客吳而祀之蓋曰丹心浩氣四海可以爲兄弟何況桑梓是相尙以義也大士在南海之潮音現女人相以救苦度難與天后同功祀之者蓋曰大悲感應保艾我羈旅之人同其休戚是相恤以慈也韓公有德於潮潮人僑寓而不忘祀之蓋曰我邦君存神過化如水之行地無往不受其澤是相臨以賢也馨香所升其爲詣賁吾知免矣當至治之世列聖繼承漸被海內無此疆爾界之殊而幽贊昭假亦因之爲遐邇于時處處于時廬旅答神貺惇鄉誼豈但爲一時盛事哉念斯舉也萃一郡之力閱 三朝之久

然後底有成績列於志乘傳不云乎人和而後神降之福又曰難於慮始可與樂成我潮人其加勉焉相維於勿替則予文亦無負於鄉國矣

素農庵記

韓子言古之民四今之民六蓋事有大小道有同異是故士學稼穡入墨孔孟譏之然而窮達繇乎遇變通因乎時寄託於農以樂其詩書交遊於釋以守其田廬則君子亦未嘗厚非抑深有取焉南漚石筍里之南故處士姚樹棠居之以儒爲業教授里中敦孝友修身砥行自食其力晚無子蓄館祭所入買田數畝築室所居之

唐堂集

卷三

九

旁若浮屠氏所謂精舍者榜曰素農庵耕讀其中以老邑宰陳君書聯及扁爲贈然則斯庵也其卽儒者之畝宮環堵乎甫田之詩曰或耘或耔又曰烝我髦士厥兼而有之者帶經而鋤持竿而誦謬然龐鄭之清風而可譬其學稼穡哉迨其沒也以至于今歲月深矣庵漸荒圯幾何而不墟其及門楊維忠捐貲葺修以完以固延釋駐錫焉十笏可棲一犁可耕以保永久學博徐君旣爲文勒石又以予壻衛太學浩書來求記慨夫俗之溺也孰師死而克損己財俾不廢墜其堂構者人見佛燈幡刹之色煥而新聞梵唄鐘魚之聲穆而深食香積伊蒲

之味甘而芬調開士感召檀越嚮應豈知處士讀書授業能造就其生徒故不忍忘淵脈以成斯美也梓材曰旣勤垣墉惟其塗墍茨言能繼也作室者而有知鬼鬼不猶戀此乎予觀其前勑後因師弟問皆合於儒者之道未可與援儒入墨同日語矣故不辭衰倦而記之夫亦有取乎爾

傳

中憲大夫徐君傳

大夫姓徐氏名榮疇字武三晚自號省庵松之華亭人明太師文貞公階六世孫也祖本高拒魏闢建祠奪錦

唐堂集

卷三

十

衣職以薦起累官左府左都督加宮傳父佺諸生鼎革後家中落及大夫生喜摩其頂曰是能不墜先緒矣年十七爲衛學生試高等務經濟有用之學期以功業顯父沒服闋走京師入太學試八旗教習孫祭酒岳頒得其卷驚爲古人以示張司業豫章讀之曰此必吾郡徐武三此非武三不能曰誰爲武三曰徐武三顧不知耶其欣賞取第一教習鑲黃旗聲噪輦轂下太倉王相國揆中表父行也愛視同親子姪遊公卿間交海內賢豪咸稱徐君用世材會開萬壽盛典館充收掌官分輯春秋傳說彙纂益大抒其經學書成敘功授昌黎知縣

年六十矣人謂教習期滿盍蚤謁選得縣去徒以數應
京兆試坐費歲月及兩館議敘宜加等或又尼之而仍
僅爲縣爲之惜大夫則曰澤民吾分也昌黎故貧瘠又
海饑至則課農逐盜讞疑獄教民知禮義有入暮夜金
者嚴郤之連歲大稔攝遷安及灤州旗民畏懷頌謳溢
畿甸以卓異超拜朔平知府臨去尙捐貲代償民借小
糧千七百石曰是五載來父母我母使受後令鞭筆朝
平卽大同右衛地雍正初析爲府領一州四縣號衝繁
要缺新設之始百務糾紛值軍需急羽檄旁午大夫若
操利器治盤錯廓如也乃建廨宇興黉校勸耕稼詰姦

唐堂集

卷三

士

尤綏部落政行民安有匿尸懸案久夜夢人懇寃旦行
其地果得尸一訊而決捕盜魁喬四方獲適上官檄至
立起解人服其神益熟察民俗利病銳意興除忤大吏
題改部曹去之日旄倪攀而送者道路爲塞循例補刑
部員外郎視漢法良二千石增秩有間矣大夫則謂幸
以外吏登於朝更自喜時增設現審司皆重大案件
平反當情法晉郎中在刑部先後歷諸司凡十年閱僚
長非一人定爰書非一事其稱大夫明允也如一乾隆
間積資俸將遷擢自顧已大耋遂致仕自大學士以下
京朝官爭爲文章歌詩送行兼祝壽卷軸壓舟斯其爲

宦橐矣歷事

三朝仕宦二十年田廬無加於昔樂山水虎邱虞山西
湖歲時至里居遇公事便民者白之郡邑長倡設堂養
老疾行善不懈初祈夢泡子河呂公祠示馬五匹勤其
官致脅肋病復示夢授藥方服之卽瘳人謂大夫虔奉
道以此年八十三卒前一日猶消搖戶外若平時遺命
以道服殮一子昱求立傳者也昱三子

舊史氏曰省庵雖晚達其精氣神智敵少壯馮唐龔遂
曷嘗引年哉性好動不衰嘗徒步過予語及昔所贈昌
黎之任詩記誦如流水遊橫雲欲陟其椒望泖強予偕

唐堂集

卷三

士

行省庵掉臂投足如平地予支杖奮欲前仰視相去幾
矣其洵得道者邪

翰林高待詔傳

高君不騫字查客世稱小湖先生松江華亭人曾祖承
祚翰林院檢討祖秉藻贈通政參議父屑雲太常寺少
卿太常沒後十餘年

仁皇帝南巡至松詔求名士可備顧問者提帥張侯雲
翼以君對以布衣召試行在稱旨是日閱射畢
命獻詩及駢體序日已晡不創藻立成經進大悅詢知
雖宦家子素貧賜帑銀百兩又命張侯贍其家俾居

從入都既至 賜第西華門俱奉 內廷脩翰詹諸臣
纂書南薰殿累朝秘書多貯皇史宬人莫至 命君乘
厖馬入宸檢書 御衣御書御硯內府珍味賜資與諸
臣班紀 恩詩屢奏未嘗不稱善也如是者九年

上以君効力久欲予翰林官諭掌院事揆學士敘有現
缺以高不濤補授時中允缺官當補而事關銓曹不下
君亦退讓不願躡取通顯遂授翰林院待詔兼 三朝
國史館收掌官纂書如故君乞 旨勅所司引行釋褐
禮許之人以爲榮居官二年所纂方輿考畧月令輯要
分註 御選唐詩既成因乞假葬母遂予假歸里不復

唐堂集

卷三

三

出初太常未第時不治生產遊京師入秦蜀君奉母吳
家居幼多疾十三始識字十五畢四書五經通其義及
太常通籍君已冠且有室治家有法不屑習舉子業
述程古作者一摩闕省父旋奉母歸後聞太常疾適徂
入侍中塗訃至兼道奔喪哀痛踰禮太常貧貸人財不
能償君羈訟詣臺對簿久始解扶柩抵郊郡守以凶事
不令入城君謂先人仕宦十四年不歸今奉符馳驛歸
葬顧從閒道行耶請殯市橋俟 朝命守不能屈葬之
日會弔者畢至咸曰知禮而君之力已竭矣無何又喪
母服除挾詩文遊吳越間當是時學成而名益盛朱檢

討彝尊高學士士奇咸推轂君太史何焯張大受輩交
莫逆所至文壇騷幟傾其座人然不求聞達自署葦鄉
釣師以見志是故行年將五十而後受知

天子也及其歸也年及耆矣園廬數椽從深竹間入俯
臨荷池數畝敗壁頽垣圖史充積左右蕭然自得也問
字求詩筆書翰者限幾穿肆應留霍蔑不滿志去亦以
是給朝夕與搢紳文學說古今典禮据經援史罪罪不
已大吏莅斯土及四方使輅至者恒造廬君必延見精
力健王善劇談騁從饑疲徙倚窺賓主方促膝抵掌民
事損益邦邑利弊留連未能別也林下二十九年如是

唐堂集

卷三

古

者以爲常娶徐氏生二子俱前卒六十四側室生子羽
翼府學生求作傳者也八十生子爲人後八十四生子
木李君教子以窮經博古勿專尙舉業羽翼十六始冠
行筮日黠客之禮近代未聞也君食椒而壽冬至後無
病卒年八十七所著商榷集羅裙草傳天集松珏書屋
集晚歲爲詩尤典奧必自注釋來處

論曰予始居鄉聞小湖名見其書慕若古人及解后燕
市誦所新作九日登高詩始相識順天解首除名之歲
也別久之予遷居西郭小湖居東郭歲時過從數就問
朝廟掌故手錄其詩關世教者示紙數十番歸然我郡

文獻韓子所謂古之鄉先生沒而可祭于社者也昔吳郡文徵仲官待詔年九十名德重海內小湖何酷似耶至其遭逢隆盛直內廷久因事陳說多裨時政而慎密精審無譴呵彈劾之及或比之東方曼倩云

國子監助教程君傳

程君名儀千字言遠枳軒其號休寧山斗人大父遷松江之朱涇父爲婁學生遂籍婁貢太學未仕以君仕知縣贈如其官君少入金山衛學旋食廩乃適吳閶從蔡息關遊交其賢豪長者又受業當湖陸清獻之門稱其文語語皆先儒正脈流品中最難得載于困勉錄及年

唐堂集

卷三

五

譜當是時聲騰江浙間有族長者占商籍廣西召君君奉父命往遂以上思州籍諸生舉其鄉冠一經後改歸婁五赴禮闈數薦不第始筮仕知泌陽縣年逾艾矣泌陽自明季罹寇躪至再我朝生聚久稱簡缺君不事苛煩一治之以誠吏民無所庸詐允繕城郭修黉校設羽豐書院以訓士子同考河南鄉試舉解首等六人咸得人遇雹災豫籌荒政民不困西陲用兵派購馬贏或緣以爲利君不吝捐備無纖毫累民夏值蝗督捕尤力禱于神忽盤古山一路集烏鴉千百啄蝗盡秋乃大稔雞鳴等山產礦四方亡命走險盜開嘯聚漸夥君協同

營弁驅除弁意縮故張其事以需南陽鎮益兵君先單騎往瀝誠曉譬利害衆感悟四散空其巢迨兵至而境內已帖然矣報最行取擢刑部河南司主事君以吏治稱入爲曹郎剖決庶務綽如也願性簡直不能中部大臣意奏調國子監助教仍食主事祿君曰舍桁楊親觚翰固所願已勤厥職文章砥厲與司業興縣孫公善儒宮煙火慕昌黎於千古未幾乞休處林下幾二十年生平守儒道事父母得其歡先後遭喪盡禮爲庶母邀旌典友諸弟白首無間仲叔咸八十餘綺皓集一門課子孫論文不尙風氣之說曰文可轉移風氣豈隨風氣

唐堂集

卷三

六

徐明經傳

君徐姓名誕命字葭在先世居湖州椿樹里曾祖某爲贅壻雲間之上海遂家新場今析縣爲南滙人幼貧不

能延師附里中塾習舉業沈潛嗜學嘗端午赴塾請題
師曰他學子皆以節日不至子猶作文耶深器之更父
母喪孤苦無以自立去而學賈又學醫既冠慨然日程
子六七歲即以聖人爲必可爲丈夫貴立志吾舍儒奚
學矣復理故業寢饋朱子書夏納兩足甕中夜映月讀
史五年學大就入金山衛諸生籍屢歲科試居首學使
者版鏤其牘風馳海內門人日進館舍至不能容凡後
生恂恂文有矩矱者度必徐先生弟子詢之果然掇科
日食廩餼采芹藻者指不勝屈君制義貫穿有明

唐堂集

續

卷三

七

歲貢需次學博以老可憫也是故遇家祭輒流涕誦祭
而豐不如養之薄語嘗拊几呼父母曰百年報效止於
此乎因嗚咽失聲母族周氏無後諸子命名俱列周字
誌不泯畜兩幼弟連債累百以束脩所入盡償之親鄰
緩急必濟有疾病爲治藥餌手錄經驗良方以救人備
販必浮其直書買筆工價尤不校謂能讀能書所獲多
矣巨室肆筵邀諸師將擇以教子君與焉酒半命優童
侑酒合坐盡歡君斂容卻之遂獨重君三請周辭是時
江左諸郡名士林立威與君聲氣通願不喜與同相標
榜嘗謂朱子占賁卦嫌文有餘故晦庵自號吾願學焉

蓋其爲人好間修或媚其勝已加以橫逆君謝不敏則
心愧而去遇公事輒忼慨執言無所異懦然一不干謁
偃室故有司重之所著四書講義選迥傳鈔紙爲之貴
子周桂周模周栢咸世其家學有聲

舊史氏曰曩以試事遇君逆旅持憲執奉質君披抉瑕
類謂好古矜博志在傳世不利應時予大警發自是連
試高等食廩十餘年後視閩學延致幕中益薰其道氣
君七十時予贈言東海著書多歲月南州下榻共晨昏
指此予幸尙存而君墓已宿草模栢造予求立傳敘其
實報君於冥冥無一諛辭焉

唐堂集

續

卷三

六

曹節婦傳

上海曹培甲妻施氏南匯人大同太守惟訓女年十九
而嫁舅賴縣令炯曾病痺偏廢姑先卒庶姑三人夫之
姊妹贅於家者二人未字者三人施事舅相夫子有禮
處衆有道門內井然二年而培甲歿無子施哀毀甚舅
虞其殉也慰諭再三許爲立後施亦念舅長子先天夫
以兄子入嗣又亡孰代子職者乃茹淚秉家政舅病久
乖躁頗難事則養志善體得其歡心周旋庶姑間調羹
進膳無間言視夫姊妹如已姊妹問遺其已嫁友愛其
在室者治中饋待賓戚使婢僕咸有法舅歿喪葬盡禮

以不逮事姑祭必哀舅先爲長子立嗣孫大孔同居相依及遭喪凡事施身任不以諉猶子施固望族內則靈儀行之油油然人皆曰曹大家復出也居恒念未有嗣輒慘然不樂夫之同母兄培年舉次子錫桐始喜動顏色曰未亡人有後矣告於先祠請於伯姒而立之爲己子與乳媪迭寘於懷稍長延師而教之蓋自其寡也以迄于茲三十餘載矣乾隆八年鄉黨士庶公頌有司請旌則蹙然曰生不幸敢濫盛典朝廷旣允建坊里人徵詩以紀之則又曰曷可以庸行要譽於士林投贈卷軸日積羣從將遴梓則又曰悔不蚤殉以有今日之紛

唐堂集

卷三

論

紛也衆爲感動其識超輩流如此

論曰昔吾友曹黃門一士嘗惜其從弟早亡幸有妻賢孝善事其舅謂施也今曹中翰錫寶復稱其從叔母施從容立孤爲其難者茲合例受旌乞爲傳垂家乘予疑古無生而立傳者其戚錢君長悅曰詩旣以節婦言而止徵信惟傳耳海上翕然謂非史筆不稱爰采公舉之辭證以先後兩曹君語覈實而書然使節婦聞之必又曰無庸也

論

盤庚不改國號論

盤庚遷殷而史謂改國號曰殷者非也堯封契於商歷五百餘年至湯以爲有天下之號又三百六十餘祀至盤庚賢聖之君一旦舉國號而革之有是理乎自司馬遷作殷本紀改爲殷契漢儒始有盤庚改殷之說當以詩書斷之商書盤庚三篇但數稱新邑並不稱殷唯上序言盤庚將治亳殷蓋湯舊都後王因河決屢遷而盤庚復從先王居若改號則盡遂改號毫尙存不忘先王之意乃舉毫別名爲號以自絕於商耶中篇殷降大虐爾雅殷中也承古我前后言孔傳作殷家解蔡沈註不

唐堂集

卷三

論

取蓋時未至殷烏得遽稱殷且旣遷則奠厥攸居易云降虐下篇作於旣遷之後亦不言殷三傳至武丁作說命尙曰有商及高宗彤日俱不言殷至商頌那烈祖長發亦俱不言殷唯祀高宗樂生商宅殷土連說一指代一指地商先后殷受命殷武商邑互見一詩申培詩說謂作於帝乙之世宋世家謂襄公時追美而作後人雖駁其誤然必遷殷之後已閱二百餘祀臣民習稱其都邑云猶戰國魏都梁稱梁王韓都鄭稱鄭王人稱之耳國仍魏韓也至紂時見於書者西伯戡黎微子篇始有殷命殷邦殷民之語是時天下歸心文王但知有周忌

其爲商故但稱殷紂而其臣亦自稱殷耳國仍商也尙書必曰商書不曰殷書父師亦曰商其有災商其淪喪詩必曰商頌不曰殷頌是國號不改也故武王伐紂必曰商王受曰商郊曰伐商曰來自商曰克商曰反商政至封祿父爲殷後使管叔監殷而後大誥以下諸書始稱商爲殷然猶殷與商互舉其見於詩者若大雅商孫子殷士亦互見一詩自彼殷商殷商之旅咨女殷商則雙言之殷商云者猶言蜀漢昭烈國號漢而都蜀陳壽志三國遂就所都稱蜀後世詩文因稱蜀主蜀相蜀將軍而出師表固曰漢室楊戲作武侯五十四人贊固曰

唐堂集

卷三

三

季漢輔臣是昭烈雖崛起偏安實不改國號爲蜀也而謂盤庚世有天下而爲之乎自詩書而後易繫辭考工記禮記論語孟子之書始但稱殷不復稱商孔子亦自謂殷人孔子從周者也周代紂而有天下故曰周受殷於是史記遽改殷契然亦未言商改爲殷至安國傳盤庚篇遂曰殷王名至孔穎達正義在盤庚篇則既引鄭元云商家自徙此而號曰殷又以殷降大虐謂將遷于殷先正其號知於此號爲殷然猶曰雖兼號爲殷而商名不改在商頌譜則曰盤庚遷殷以後或呼爲殷又引書序盤庚將治亳殷注云商改號曰殷然猶曰雖或稱

殷不是全改商號至司馬貞索隱於殷本紀云契始封商盤庚遷殷遂爲天下號至金履祥編通鑑遂大書盤庚改國號曰殷而詩書所載易嘗有是哉或曰若地名非國號則豈相耿邪皆都邑何獨稱殷曰前四遷在三四十祀間不若殷之久而習稱也或曰武乙復遷河北矣非國號何以尙稱殷曰武乙三傳至紂僅七十餘祀而滅不若殷之習稱而莫之改也且書亦言妹邦妹土猶言殷邦殷土俱不可據以爲國號也或曰殷卽亳非國號何不稱亳曰周立亡國之社固以殷社爲亳社矣愈證其俱非國號也或曰堯封稷于郃千有餘年至古

唐堂集

卷三

三

公遷岐改國號曰周與盤庚事同日周自岐以上止侯國數播遷太王翦商後遂爲有天下之號盤庚世有天下而奚改焉周雖遷豐遷鎬至平王遷洛猶不改稱而盤庚奚改焉古者更姓改物然羿之窮浞之寒不能改夏莽之新不能改漢聖之周不能改唐而盤庚世有天下因遷殷而改商決不爲也

唐堂集續卷四

卷四

書

華亭 黃之雋 石牧

答顧小厓書

閏夏得手書第二函閱旬得第一函歎拙集流布識與不識未有若先生之披尋詳細錫之題句加以發疑察邇詢芻蕘者用心不同如此流俗汗下罕不好諛護前雋不爲也來教首言性情蹤跡遭逢卷舒吾兩人相若又言試鴻博則行召協律則止出處正而臨幾決固知小厓非謬人者實深顏淵附驥之幸鮑子知我之感至唐堂集續 卷四 書 一

謂自謙辭章之學此卽聞道之語孟子登東山一章是論辭章之關於聖學彌服讀書卓見察乎上下也中列三疑汨羅之沈首陽之餓詩小序之當遑妮妮數百言明正曉暢若親警欬自慙學問蕭陋穿鑿膠執無可置喙卽擬報牋鳴謝欬益值遣嫁孫女支絀禮俗捋茶不遑遷延逮今非淫霖淫漏卽炎歊熾逼應酬牽率文墨碎碎懼蹈緩情之咎臨風作答有不可徒寒暄問而已者少喜誦離騷作屈原說謂死于汨羅而不死于沈不過一時騁辭後爲九歌解序引之謂其辭甚辨然未免於鑿固已自供不諱三閭之忠若揭日月雖槁死牖下

封墓畢如無損其爲忠汨濤之父渡河之夫忠安在乎故謂沈死忠可也謂不死于沈卽不得爲忠不可也首陽之節亦然故連類及之曾作餓于首陽之下時藝暢論其但餓非死王介甫說實未之見非勦襲傳會也來教謂論語上文死之日貫下按夷齊景對餓首陽有馬千駟對稱之無稱對到于今正與死之日對顯是相形並論非蒙上互文朱註全是此意且夫論語至朱子而其義始一耳朱子以前三月不知肉味或解三月乃音字之訛連上讀浴乎沂浴作沿有婦人焉婦字乃殷字之訛韓退之謂是膠鬲天祿永終班叔皮作無窮解唐堂集續 卷四 書 二

七十從心所欲柳子厚謂孔子六十九未嘗縱心加我數年邢叔明謂孔子是年四十七今皆不從然其說尙存宇宙間雋之鑿智亦存而不論可也商周人事雖爲時甚近載記亦多異同春秋聖經也邾黑肱以濫來奔傳者謂賢叔術之讓國詩柏舟淇澳聖經也世家載衛武公攻其兄共伯自殺而居其位公羊司馬之書今存也沈死忠餓死節誠有關係乃不死于沈與餓而忠與節固在也賢叔術而妻嫂叔聖武公而篡兄而以之傳經作史其關係更何如則吾說之尙不繆于聖人之旨較如矣切讀詩關雎小序樂淫哀傷怪其增益孔子語

而無理鄭風刺忽詈其君爲狡童爲狂且大雅刺厲王
斥王爲小子爲爾汝訕君犯上全失溫柔敦厚之意則
毛傳作偏之過鄭箋孔疏唯毛是徇辭又加甚焉心輒
不然之至讀朱子詩序辨始語語愜心然朱子采用毛
說甚夥尤服其心之平論之公也來教謂小序合者多
不合者少則亦未嘗謂小序盡合也雋寡經學以漢儒
爲準其文字實未見古人之心故不敢多論僅見
齊記與詹言二條則怪鄭孔依傍大毛於楚莢諸篇
陳美盛而以今王不能故刺之作結一似詩爲反射
後之所爲者來教專引甫田大田二詩爲刺幽王傷
唐堂集 卷四 書 三

之隙而謂之刺王夫意主刺時則凡美善之詩皆可作
傷今思古解關雎三百篇之首漢世以爲刺康王之詩
杜欽謂佩玉宴鳴關雎歎之見諸賡牘明帝謂應門失
守關雎刺世見諸詔令范曄謂康王宴朝關雎作諷見
諸后紀史遷亦言周室衰而關雎作又曰仁義陵遲鹿
鳴刺焉風雅之始辭義正大明於天日而皆謂刺時則
唯傷今思古之意可通而文王太姒之詩美且不加刺
於何有其不可爲訓彰彰矣則甫田大田毛鄭以爲刺
時思古與關雎鹿鳴以爲刺時思古者正一例獨奉爲
不易之解乎傷今思古本毛序古指成王時孝孫曾孫
唐堂集 卷四 書 四

今思古之作論斷西東周盛衰之故謂以詩代史鋪張
告痛哭且引宋制及蘇子瞻語無名氏過宋仁宗昭陵
詩作証謂卽此二詩之旨循諷數過心腑感觸詞意切
近將無有慨於仕宦而終窶者而因小序以發之耶然
謂二詩爲刺王實所未愜周禮篇章幽雅幽頌無明文
康成卽以七月一篇分而爲三學者不取至朱子所引
楚莢以下四篇爲幽雅載芟良耜等篇爲幽頌謂出於
或說載各詩之下而未定其是否今讀甫田大田鄉田
祖樂田畯之文確與祈年合箋疏亦引篇章幽雅以釋
之今卽未定爲幽雅爲祭祀之樂亦安所得一句一字

指成王本鄭箋公卿有田祿奉祭祀孝孫曾孫指主祭
者本朱註來教旣以傷今思古用毛鄭又謂詩不言王
室而言公卿不言國政而言家事則用朱子將何所適
從然卽此見朱說之未嘗不可采矣先生嘗著毛朱合
輯謂老不復成書盍以林下餘閒緝尋蠹葉平心公論
而繕完之爲說詩標準可藉以闢我茅塞爲大快事也
奉教以來自惟前二者穿鑿之病後一者膠執之病因
病受疑因疑發藥療治之惠深矣所以言者非敢護前
譬諸腐中窺日一隙之明抒所見而已教我者其掖而
致之場谷謗別紙一邑晨賦攸繫已于五月朔郡齋晤

言數旬間濶未知叩之有鳴否作此書竟適聞五月舉
雄之喜吮毫神羨疏廣桓榮老而能辭祿不聞其能生
子也操券預知事更奇驗老彭在東浦矣不暇製弄璋
之詩卽因報章兼申慶賀

戲爲管城子與孔方兄絕交書

僕與足下判然清濁殊塗而行不相謀也足下能令人
富僕亦能令人貴不相下也致富之術百試而不一失
而貴不甚效致人於富卽能兼貴而或致人於貴則不
必能兼富且貴而幸交足下亦能致富脫不幸交僕將
并貴失之時會使然相形相軋誠不可與一朝居已足

唐堂集

卷四

五

下得姓於金戈之族而冒宗尼山圓轉隨人而方寸之
地甚窄無長人之德而弟畜一切徒以產自官家生而
華廬聲價日重騰出朱提氏之上操其十僅足當七
兩當錢七百宜其橫蜚捷走而莫之抗衡而遽以是驕僕則
不可也僕勲勞之大閱閱之久族類之繁聞望之盛何
一不如足下或相需而成或相困而至呂相淮王介爾
以招予長卿退之媒我以羅汝萍蓬麇聚邂逅一室迢
託異姓之鴈行亦以兄造就於賢侯布列於歷代利用
於民生所從來者遠且自附於文字以爲名故折節縮
交而兄同流合汙深結貪夫俗子之歡箕斂賁盈附益

悴入估其專寵而奴役我於簿書會計之間冠敝首禿

棄擲勿復顧洵所謂勢賄交者耶兄將曰是主人之爲

於我何尤今世士大夫嗜好誠不齊厚此則薄彼親甲

者疏乙有人於此僕髮卯之好白首而不渝者也而足

下以僕之故若浼而去之卽間一再至亦蕭寥稀疎未

嘗引類呼朋雲集響應也吾竭力以飲其匱乏區區之

誠庶幾感召足下而乃潤貳參而乾八九今其人衰憊

矣亦數厭棄予每嘗予耗厥心血至矢誓以相戒倘足

下頓迴顧盼空囊充滿可以售稊苓儲甘脆補其榮衛

養其精神殘年強健必能不遺故舊周旋如昔而爾趨

唐堂集

卷四

六

炎逐羶相率遠颺蓋其爲人雖落落不屑守爾如虜亦
經經未敢揮爾如土也而奈何忍置若是田蚡藐魏其
而灌仲孺不平焦謚違段公而尹少榮大罵僕所以疾
首裂眦旁觀而發憤者矣僕之親炙古聖昔賢而効毫
末之力則筆則削其職也鮑叔分財夷吾引爲知我華
歆捉金切安爲之割席審是非明取舍我家範寔然今
不難饒湘水之竹拔中山之豪移文以責錢龍草檄而
征銅馬逞其鋒穎一掃凶饕顧君子不出惡聲於交絕
柯劭阿堵適自遺臭可憫耳烏足污我三寸弱翰哉
若填寫兩家事實以侈富贍便非管城子飢腸本色

但恐孔方兄怒而愈疏我未必非此書激之吾行與子絕矣或云孔方字也管城地也書皆誤指爲姓曰題固戲耳魯韓先之矣認真卽鑄成大錯自跋

雜著

辭赴律呂正義館呈

竊惟國家程節而授事臣工量力以備員恭逢 明良一德庶歌之朝禮樂百年大興之日現開律呂館用人纂修咸前制作誠非庸陋所能仰贊萬一今二月十九日奉 部文准律呂正義館奉 旨行文咨取黃之雋等示以襄館事等因由撫藩行府到縣聞命之下不勝

唐堂集

續

卷四 雜著

七

悚惕伏念之雋晚年一第蒙

聖祖仁皇帝選入翰林繼蒙

世宗憲皇帝連擢講官坊僚學政撰文修史因試冊錯誤羅議罷歸游受 國恩涓埃莫報誠宜乘未填溝壑之年勉竭犬馬之力實以聲律一道毫無見解曩因久困諸生偶有撰著本於宮譜茫昧況復年遠拋荒現今七十五歲耳鳴眼昏心血枯耗頭暈手麻痰嗽足軟諸病不時間發乾隆元年

御試博學鴻詞時年未七十精力尙可勉強暮寒繕寫臂指麻強黃鐘一論竟難構思遂不完卷老邁荒廢此

其明徵又經七載去年秋冬一病更加衰憊

聖朝釐定樂章倫夔盈列之雋桑榆短景蒲柳殘姿必致覆餗詒譏濫竽獲戾爲此瀝情懇辭伏乞矜全朽質

據詞代奏俾得以吠畝餘年歌衢擊壤沒齒感切

普濟堂疏代楊郡侯

天生人地生物以養人而其事已畢必使人長少壯而不老長健而不疾病長生而不死古今無是天地也則聖人起而助之禮曰矜寡孤獨廢疾者有養是已我朝列聖繼承 詔舉養老育嬰諸仁政下所司郡縣領帑建堂蓋天地生民之事可畢人主愛民之事無時而畢

唐堂集

續

卷四 雜著

八

也有司奉行宣上德求民瘼而徒以具文畢乃事豈唯不敢且不忍松郡舊有育嬰普濟二堂久而漸廢育嬰廢而已舉者衆善之力也普濟廢而方舉而尙有待者衆善之力未同也郡紳士以經費之不足則立勸輸之冊顏曰善與人同以余守是邦乞序而倡之書曰作善降之百祥易曰積善之家必有余慶仁人義士行其德于桑梓憚獨顛連有所倚賴而董事者皆懷忠抱信底于可久善莫大於是已起而振之之謂作繼而示之之謂積而百祥萃其身餘慶綿其家樂莫大於是已夫樂善必好施其大者 朝廷方優敘以爵秩次亦邀院司

大臣華袞之褒矧善本天性非有所慕而爲之雲間禮義邦一國之善士聚焉力能爲之者之所在不乏哉假而曰吾何知仁義吾何樂於慶祥之加我天下必無是人也衆善之心同隨力之大小出之則衆善之力亦同余亟圖斯事之集故發明善與人同之說引經以諗于衆

文昌閣玉帶河勸捐築濬引 代王郡侯

溯科目以來名臣碩儒繇其塗者不可勝數矧雲間大郡人文之淵藪哉迺自邇歲每鄉會屆期郡城之赴試者雲蒸雷動猶昔也而歌鹿鳴題鴈塢寥落如晨星則

唐堂集 續 卷四 雜著 九

何以故或言郡縣學宮之問舊有文昌閣蓋然而峙今有址而已玉帶河沛然而流今有迹而已築濬之不可緩也余按郡志炳焉可據躬履其所寒煙荒草涓涓者辱矣慨然於陵谷廢興之不常圖有以復之故爲文以倡好義者夫士當殖學砥行求無愧於科名以俟命不固地之形勝爲盛衰然而詩有之相其陰陽觀其流泉閣之方隅嚮背河之原委貫注象文明而通脈絡風氣之所萃也秀靈之所滙也所助於學者亦鉅且亟多士生禮義之邦遐承顧陸邇接陳夏文學蓋其天性遭右文之 朝教化淪浹郁郁彬彬雄視諸鄰郡徒以春秋

兩闌近科頻脫落意氣不免少挫焉則使一旦崇閣巍崑長河湯湯揖讓於宮牆俎豆間者有不俛仰顧之而愉快奮發者乎然則鳩工興役之費宜邦人之踴躍欣助以蚤底厥成哉

煙戒

歷驗老壽無癖煙者作此自戒

幼駭所見折蘆爲簫捲紙於首納煙於中或就火吸忽若中風閉睫流涎謂醉之功久而盛行徧種斯草曬葉剝絲匪甘匪飽銅竹鏤工荷囊製巧纓弁橫街脂鬟斜蔽吾獨違衆誓不沾牙嫉如冶葛 食之立死見本草經作野葛

唐堂集 續 卷四 雜著 十

即鉤 屏若顛茄 百粵間有草結實如小穗俗名顛茄服之則心狂見賢奕編 有里前輩嚮予褒嘉不逐流俗非君子耶逮三十五暨陽舟次歲暮曉寒擁衾不寐叩友津津曰煖且醉遽喪其守索而嘗試入唇三嚙啓齒一呼四肢軟美八脈敷舒相遇恨晚大智若愚四十餘載暑刻必需亦潤文心亦綿詩力思之不置棄之可惜如惑狐媚如蠱妖色一朝覺寤忍爲殘賊昔韓尙書嗜酒與煙不得已立二者何先答曰去酒佳話流傳 事載分甘餘話 曩予附和今不謂然咽喉寸膚食草吞火非獸非鬼奚頤之朵熏舌尙可焚腸殺我老耄作戒銘諸座左

書陶詩黃子廉

靖節詠貧士自榮啓期至張仲蔚而卒章曰昔在黃子廉彈冠佐名州一朝辭吏歸清貧略難備三國黃蓋傳注云南陽太守黃子廉之後劉潛夫詩話云子廉之名僅見蓋傳元黃文獻潛作雜辨曰後漢尚書令香之孫名守亮字子廉舉孫而遺祖殆未深考且子廉是字非名云云然不言出何書則亦無憑參覈也漢書載香子瓊瓊孫琬琬少孤故其父不見於史卽別子有孫然平帝時王莽奏令中國不得有二名公羊傳春秋譏二名故莽效之自是後漢三國人盡單名唯方術傳謝夷吾唐堂集續卷四雜著

唐堂集續

卷四

雜著

辨韓嚴非嚴遂

高誘註戰國策韓傀俠累也嚴遂字仲子竹書紀年韓

山堅賊其君哀侯索隱並引以註史記甚明國策載韓烈侯時嚴遂使聶政刺韓傀適有東孟之會君相皆在政直入階刺殺傀傀走抱烈侯兼中烈侯又載韓釐王時嚴遂東孟之會聶政陽堅高誘註堅政之副猶秦舞陽刺相兼君許異嚴烈侯而殪之高誘註嚴猶留侯躡漢王足也蓋使之伴死立以爲鄭君故烈侯爲君而許異終剪相焉是雖兼中烈侯得許異而不死稱鄭君者韓哀侯滅鄭徙都鄭故戰國策謂韓王爲鄭王猶魏都大梁稱梁王亦韓客追述之辭故韓世家載聶政事在烈侯三年又十年烈侯卒歷文侯至哀侯六年韓嚴弑其君無刺相兼君事六國年表亦同載唐堂集續卷四雜著

唐堂集續

卷四

雜著

主

別非嚴遂無疑矣

論通鑑不載文人

日知錄因通鑑不載屈原謂此書本以資治何暇錄及文人引唐文宗以時諺謂杜甫李白輩爲四絕問翰林學士丁居晦居晦曰此非君相要知之事遂擢御史中丞爲證愚謂漢有經學宋有道學而孔門先有文學經學之文訓詁道學之文語錄體製殊耳若屈原辭章騷頌之文未嘗不可有經載道且明於治亂竭智盡忠楚王信讒棄賢身危國削爲千古炯鑒資治莫加焉史遷所稱與日月爭光而文人乎哉朱子以秦執楚君槐楚唐堂集續卷四雜著

圭

立太子橫爲綱而錄屈原於目有以也

題辭

四白倡和題辭

離騷芳草以明忠小雅白華以言孝故比興取焉雨露之滋水土之膏結根而抽榮非至性至情之人遇焉勿愛也何況掃穠豔爲縞素浣脂澤以冰雪神人化人之所託寄詎凡俗能闕其樊者耶東于曹子少游賦洛之才倡爲四白詩濂溪所說水陸草木之花三者存焉而益其一悅而和者若響應聲哀成帙以脉予玳散而璧合也粵稽葩蒨之理競以色勝唯白以香勝諸君子鏤

冰琢月以爲此也若曰涅而不緇昭其潔也淡而不厭昭其質也蒼黃反覆而不之變朱紫錯選而不之奪粉黛天冶而不之汙丹青盡績而不之受物理達乎忠孝而詩人感其性情則羣有取焉爾勝之於蕊珠無甲乙刻之於茗華無左右寶積光流石倉不能秘其藏而白亭之騷雅追鄴下矣

花信風詩題辭

風行於天花發於地兩間精氣相薄而化工出人爲萬物之靈俯仰而覲之嚮焉莫領其趣蕙焉不敢與造化者分其權安見其能靈哉吾郡詩人以心發其花以筆

唐堂集續卷四題辭

西

行其風聚同志八子而分詠焉人一候三信合編以脉予梁元帝纂要二十四風通一歲言夏而烈日秋而稟霜豈無損於草木之蕤不若荆楚歲時所記肇小寒殿穀雨由斂而舒相嬗而及而花事已備而吟風者亦備世無風人孰勾天籟世無葩詩孰揭物華是故參化工者詩人也南雅之詠華也人倫繫焉君臣皇皇裳裳夫婦灼灼兄弟韡韡八子嚶鳴而奏和平之聲其在朋友乎朋友有信詠花風者詠其信也

題顧侍講自爲墓志銘

交小厓先生四十年相對頭須皓矣修而臞道德之氣

滿大宅近攜所自撰墓志銘相証其意視海內他日無足志其墓者中郎猶愧昌黎猶諛故自敘學術遭際出處不矜不飾可備史乘小匡宗三學源流深長詩文以理勝剖析經旨若芒刃鈺然而出之晚歲遇

主盡抒其所得無隱與人居溫然久而不渝跡其生平盛世之傳人哉七十三舉子年未可量何預銘墓異時賜安駟躋老更恩澤逮舒祺壽藏圖嬰札今志所未及者尙俟補書未知予及見之否

題林氏所藏遺翰冊

閩中林吉人中翰妙詩文書法交徧海內尺素贈答充

唐堂集

續

卷四 題辭

五

麓舊矣令子鹽大使洙雲搜擇于蝨蝕霉爛之餘裝潢爲二冊厚三寸許上冊自王新城尙書陳澤州相國而下得十八人五十四紙下冊自蔣儀部靜山繆少司寇湘芷而下得二十二人五十一紙遇予揚州乞題識其後歎洙雲之孝思永矣思其先人因思其所嗜好平昔交遊寒暄問訊之語一一如接謦欬焉安知先生生前不蓄念萃朋友一倫於紙上而未及爲待賢嗣以成未竟之志乃今靈爽下囑而喜可知也又旁注羣公氏號爵里某條爲某事粲如犁如用力勤矣柳州表其考神道附先友姓名行事於石而洙雲并先友之口吻手蹟

而傳之所謂不置不更大哉予同年謝學士古梅先生出也未獲介以納交逮予至閩而先生已沒今又二十餘年幸繫名於冊史公執鞭之慕不必晏子而在也

縹緲邨居記跋

昔有登化人之宮而入秦人之源者使逐據而居之則此中真境自能親切言之已惜遠返其故處而徒追思曰此何境也他人述之而羣以爲寓言曰實無此境也夏蟲不語冰澤鯢不見海乃謂世無冰與海可乎石觚胡子縹緲邨而居之作記示人人未嘗至其地也翹

唐堂集

續

卷四 跋

六

而慕之謂異境焉夫業已造之於其心而又筆之於其書則石觚實居是邨偕其妻孥友朋童僕鄰里爲日用尋常之觀游而安所爲異境哉則又驚喜其文而詫之謂異書焉吾見其記山川方位實禹貢職方氏記寒暑氣候實月令記鳥獸草木蟲魚實毛詩楚騷記器用實石工記記宮室臺榭陂池實史漢而大指歸於仁智實語皆習見之理其由之道而又安所爲異書

跋楊義士傳

義予在桂林作楊碩父傳後讀平湖陸清獻三魚堂集有楊碩甫詩序言辛酉歲春遇於虞山出詩一編其貌

厚真樸詩瀟灑自得無俗氣云始知瞿張沒後碩父
歸里歷三十餘年尙存且能詩而傳中未之及又讀寧
化李元仲寒文集有張別山傳亦紀釋性因上定南書
吳江楊碩甫收殮事唯吳江虞山少異史載道隱仕
永明王攬權結黨與丁時魁蒙正發輩號五虎被劾遣
戍蓋露才負氣人也讀其所著澹歸集初爲僧募緣引
水詩小說揆十分光爲喻還杭時已嫁女索貨醜詆之
俱載於文字豈釋子語哉獨定南一書爲不朽盛事耳
清獻論神仙浮屠之說天資高者不能汨其忠義之性
碩甫自言曾遇異人故能知未來事瞿公好其說惜其
居堂集 續 卷四 跋 七

跋馮南江訓子手書

明御史南江馮公訓子手書十餘紙在穆廟初拜大理
寺丞致仕時年七十餘矣歷五十餘年其曾孫斗如孝
行可道卿登賢書判應天咸甫之言曰大父示先考京
兆公諸書則大受已珍藏故未之見此卷皆示衆子教
以作文講學慎疾崇儉修身涉世成大益求民瘼諸要
言未幾時可元成成進士歷官臬使主文柄其第八子

也餘皆有聞雲來繩蟄閱今二百餘年之久而此卷嘗
失去其裔孫敦忠方山復購得之方山歿歸其叔守鈞
約存奉持造予乞識一言繼文湛元諸先生後公南
北郊華星二疏載史傳而此卷僅家藏未與馬援柳玘
等書並垂國史故見者罕予幸留几案五十餘日類漱
莊展如見商銘周籀不能釋因以歎忠孝之後瓜綿椒
衍克守大訓於勿替可敬慕也同時楊忠愍彈劾權貴
直言觸禍亦有訓二子書二千餘言見遺集今未知其
後人何如以視公之否往泰來富壽多男子受福于天
一何厚哉

九日行龔文譙圖跋

馬君嶢谷跡予九日行龔文譙圖一卷九日紀時行龔
紀地文譙紀事圖紀人是日也奉陶靖節先生像集四
方名士祀之繼以觴詠而繪之凡十有六人踵蘭亭西
園之盛緬昔東籬下子然淵明無聊摘菊荷白衣不至
則持醪靡由誦九日閒居詩寂寞可想美哉此一時也
羣賢濟蹕各適乎秋爽酒不需送而旨液盈罍菊不需
采而芳蕤滿庭析韻授簡流傳丹青一淵明化爲十六
淵明視白描像設孰謂今人不古若哉迺計日甫十七
甲子已逝其一洵陶公所謂世短意恒多斯人樂久生

者如之何不及時任運以相歡樂耶桓溫宋公陟山登
臺置酒高會孟嘉孫盛靈運宜遠輩極賓客之選惜當
時無畫之者後人憑弔於清風冷煙尙徬徨追慕不能
已矧茲傳神寫照長留天地間異時把卷而遐思者更
當何如也抑其地謝太傅故居今以毫素易絲竹超矣
林氏所藏徐興公四冊跋

右明季閩徐勳興公之友自宰相王孫朝士以至布衣
凡三十餘人所投贈赤牘詩札也候官林君洙雲得而
編次之付工裝褫釐爲四冊斷爛一新如未觸手此百
餘年物耳氣味古穆若遇魏晉而上繙玩不舍想見承

唐堂集

續 卷四 跋

九

平日久士大夫湛浸於文酒交遊之懽精華隨處發洩
至時會遷流激楚變徵亦相繼而起故一紙一墨可以
觀人觀世是日也泚筆書貞冊之尾觸緒慨然

楊氏雙忠傳跋

忠勇成於性智謀本於才而成敗利鈍係於時與命若
明都督贈宮保楊公國柱及其兄子都督公振先後死
難於松山明史附金國鳳傳而生平驍勇善戰練兵恤
卒設謀制勝詳見南昌彭厚惠所撰楊氏雙忠傳中郁
督之曾孫長樂令儒臣以示予乞書其後兩楊公雄武
奚讓古名將然明之亡已魚爛癰潰而不可收拾我

太宗文皇帝因時乘勢動于九天彼高爵厚祿擁重兵
關外者相率崩角降附爲我用而兩公視死如歸一破
擒不屈死一力戰死可不爲痛惜哉幸逢不諱之

朝國史家乘揭於日月勃勃乎忠義之氣固不得而泯
也儒臣之祖副將懋紱父總兵官鈞皆以武勲著曾叔
祖少保昭武將軍捷以平閩功尤顯都督振同母弟也
將種一門遭逢

聖世故克抒壯猷以揚其家聲於乎時與命所係顧不
重哉

跋雅俗文

唐堂集

續 卷四 跋

十

世但稱雅俗相戾楊子顯若以字學之賸餘爲此書專
以雅詮俗土俗習俗之謂俗非俗不可譬之俗鄉談俚
語是也人習焉不察而楊子察之以爲是皆雅言矣雅
常也謂常常道之云爾非大雅不羣之雅說文小篆咸
有其字人不求甚解而楊子解之以爲是卽俗所云云
者矣此雅俗文之所爲作也蓋字形有定爲雅馴之文
而字聲可轉以諧土俗之文充其類如渾淪之渾爲鵠
骨董之骨爲古團樂之團爲突多許幾許之許音若聞
多時之多音若打平聲儂轉去聲我儂指我單言儂則
指爾或轉爲耨音渠儂則指彼卷阿之阿烏甲翻呼人

發語辭有那之那奴向翻問辭凡此類難觀舉然猶有
字若有音無字者亦能翻切出之顧自惡謫陋不如楊
子讀書識字夥貫弗於音義熟故削札纂言屨前跡而
拓後胷也第此就吳下語音脫滇粵楚閩秦晉齊豫間
各產一楊子達其土音而雅言之而轅爲一大部書無
輟軒鉛槧之勞有象胥重譯之便非大飽快事耶

唐堂集續卷五

華亭 黃之雋 石牧

贊

老嫗騎牛圖贊

有序

此明隆萬間范玉川先生寫其孫貫玉翁稽故實曾孫
武功丈徵題詠錢學士詩康熙癸亥作距今乾隆癸亥
正六十年則前此之六十已屢矣則後此之六十又不
知其幾矣元孫耕南齒亦七十二重爲暉褫示予紀歲
月以詒子孫紙墨皆精神積久彌發美哉傳家之珍乎
敬系以贊曰

坤爲母地閭丑牛星牛柳星柳富嫗騎之柳下走作圖
象歷年久往而復明季兵燹失而復得澤在手孫曾元來代相授
范氏世祿此不朽

題贊後偶見雜記載新淦范夫人讀書能詩宣德時
以楊文貞薦選女學師召入宮數年一日題老嫗騎
牛圖詩宣廟聞之曰不樂居此矣封爲夫人厚資遣
歸玉川先生作畫當因同姓故事未可知而他書載
高帝征陳友諒在康山遇騎牛老嫗助米後追憶爲
圖題詩與范氏詩同貫玉翁識祖畫則引此

自記

王樓山遺像贊

冠佩之大臣而笠屐是循霖雨乎蒼生而霑塗及身此東坡之遺式也圖樓山者謂擬人必於其倫望之容貌如生也卽之而笑語不親嗟乎而已返其真而我猶爲人猗

六孩戲彌勒畫贊

眼耳鼻舌身意費盡智巧機關六賊伎倆有限彌勒安坐如山確然有個定力但未免著迹防閑假如拋下箬笠不顧掉却布袋不還脚底之鞵不踏腰間之帶不擐一切空諸所有無從落手牽攀看汝曹何處使氣力逞刁頑只須捧腹呵呵笑餘事糾纏付等閒

唐堂集 續

卷五 贊

二

銘

藤杖銘

不識爲何藤不杖於朝而之草野之賸以立以行以扶以憑以贊我股肱

墓志銘

馬少尹墓志銘

馬君之孤騰介其婦翁趙君潤川來謁不值明日又介其姊婿汪君三旃來昏暮未見也明日獨來再拜言曰鵬二歲喪父十二喪母幼未克襄大事今葬有日惟先生載筆能使逝者如生乞文其瘞幽之石以不朽貌戚

哀爰諾而志之君諱晟字景良號西屏先世居吳縣洞庭東山祖文能遷雲間之廣富林父繼龍又遷涇涇故涇涇馬氏大著君昆弟三人伯蚤世仲昂君季也少工舉子業年十六登黌馮觀察繁陽時以庶常旋里招與論文大欣賞以恩撫甥女張氏妻焉長博通詩古文旁及晉唐法書章草飛白貢成均謁選司訓改授縣少尹名聞交遊間所著四書闡微得洛閩遺意凡此皆有以見君之文學也天性孝少長不離親側母喪泣血柴瘠歸葬洞庭廬墓左風雨晦冥恒繞墓泣在京師聞父訃徒跣奔喪廬墓號泣如母喪恨不獲躬視含殮遇享

唐堂集 續

卷五 墓志銘

三

祀慘戚如始喪其事親有如此者父歿仲兄秉家政析箸日以舊居爽塏讓兄而別構屋與兄隣事必咨於兄唯命又讓腴畝而泯其迹待兄子如子是故騰孤而仲父諸兄撫翼至成立以報君之德其事兄有如此者兩鄉宗族緩急必應兩鄉戚友稱貸者有大故或歉歲不能償則焚其券捐佃租之無償者亦如之歲疫製藥以施療歲飢煮粥以施振涇涇入郡縣保生橋新橋傾壞病涉則庀材而葺之其好行德於鄉黨有如此者凡此皆有以見君之行誼也君之文行孚著鄉國使授一官一邑必推湊措施以表見於時乃僅屈首需次消耗其

歲月逮

世宗下保舉之令有猷有爲有守孝廉方正樂善好施諸塗一登薦剡出而仕矣惜乎君以雍正元年卒而不及待也年五十有八耳卒前一日書偈綾幘云本來何所有歸去未嘗無蓋又通禪旨云張孺人相夫事舅稱賢孝生三子皆不育置側室王氏生騰在襁而孤孺人保抱若已出稍長延師嚴誨而自以慈訓濟之騰之彬彬有文皆母教也而距君卒之十年而又卒年六十有五當是時騰以怙恃俱失之藐孤儼然衰絰一綫之緒危不得紹其可悲已乃今且冠有室有白晢之譽者非唐堂集 續 卷五 墓志銘 四

君夫婦積善餘慶烏能底是哉乾隆七年四月八日合葬于東山祖塋之次而予系以銘曰

莫釐之嶺屹兮故土可安依其先人以佑其後人兮乘雲馭風以往還是故體龜藏此兮而神遊東山泗水之間

通議大夫太常寺卿順天學政林先生墓志銘

太常林先生諱令旭字豫仲一字晴江先世自閩遷吳遂爲婁縣人明太僕卿景陽五世孫父企俊庠士考授州同贈翰林院編修太常其次子也雍正八年進士改庶吉士授編修乾隆五年陞侍講轉侍讀充 日講官

起居注六年五月陞鴻臚寺卿十月陞右通政十二月提督順天等處學政七年擢太常寺卿階通議大夫督學如故太常擅經濟文學敦氣誼當未仕宛平王侍郎景曾延於家常總督熊於兩江法撫軍敏於楚於蜀朱太守必階於大名皆延於幕 怡賢親王奉

世宗命延於邸咸贊佐有勳既仕仍教讀 嗣王有成分校京闈能拔尤至是勤其官巡試深州而卒八年二月丙午也距生康熙十七年十月壬辰年六十有六太常視學僅逾歲士心悅服如淪浹之久所至如一單車按部忘其盡瘁觀南返一舟蕭然號哭而奔送者則紛唐堂集 續 卷五 墓志銘 五

沓夾岸甚盛其化澤可徵推而施之沛如已器宇闊達須眉軒舉雄視騷壇文玷間吐露肝膽遇事抵掌而決天乃老其材而後用又不竟其用所著詩古文醇肆有法寫花萼如生皆可傳娶李氏封淑人側室何氏子五人德塘國學生德奎由府學入國學直 武英殿兼律呂館校錄德垓國學生德階乾隆 恩科舉人病而罹大故以卒德均國學生女三人適焦紹祖王德森字張熊者先卒孫二人克鎮克鎬孫女三人以乾隆九年正月乙巳葬於華亭縣九保二區八畝寒字圩之原德奎先期乞銘太常少子十年相顧精力盛衰判矣迺以後

死志其墓念昔交遊欲無感痛得乎銘曰

濟時之才惜晚達也遭際

兩朝茹以拔也卿月文星光交發也甫大厥施天遠奪也蘊苞鴻鉅而莫之豁也體歸其藏神戀闕也松柏之陰陰蔭世間也

大學士陳公生妣黃太夫人改葬墓志銘

乾隆八年冬文淵閣大學士海寧陳公以改葬生妣疏於朝乞八月之假

上軫念孝思允所請九年春歸里相地跋履山水間幾廢餐寢乃以形家言就所葬兆域距一里而遷焉是年

唐堂集

續卷五 墓志銘

六

七月二十二日也公於之雋爲鄉試座主師門母範知之良稔命爲文志其幽距始葬二十年矣始葬志銘公曰三郎墨黃學士鴻中爲之甚詳謹按太夫人黃氏海寧硤石人年十四有賢能聲公嫡母查太夫人以禮納之以侍奉清恪公清恪公性嚴重太夫人事之五十年無纖失宦京師撫楚皆隨侍中閭攝內政秩如也其在家凡查太夫人分委鉅細事不辭勞勩相得甚驩族黨交稱之歿之日查太夫人哭之慟若失左右手所生孝廉公暨大學士公幼卽期以遠大公官翰林扈蹕歸省戒勉備至及官中允例得封郵書止之不敢比于嫡

孝廉公舉浙聞諸孫奕奕太夫人益冲謹陶母洪周母

李能毓其子於名位輝赫史冊而其嫡無聞太夫人則

嘗抑然推讓以爲清恪公與查太夫人之教也人愈服

其德故沒至今三十年矣而誦述者不衰然孝廉公夫

婦繼亡子源生登賢書又早世季子克光嗣大學士公

工舉業詩文儷體復逾冠天公每顧其長君念其兄子

輒隱憂門祚之不蕃不得已而有今日之舉也孔子謂

古不修墓就封土言而改葬之禮見于儀禮穀梁韓愈

之文朱子遷葬獻靖亦謂懼親之體鬼不安公取法昔

賢陳情

唐堂集

續卷五 墓志銘

七

聖主克襄大事乃今而後校于心而無遺憾矣太夫人始封宜人以公官副都御史遇覃恩贈夫人儲贈一品太夫人順治壬辰歲九月十三日生康熙甲午歲十月十五日卒年六十有三子二人一爲孝廉公世儼辛卯舉人揀選知縣娶周孺人俱卒一卽大學士公世倌由壬午舉人癸未進士歷今官娶顧夫人先卒孫幾人某某曾孫幾人某某之雋謁公里第受面命不敢辭謹志其大者而系以銘曰

坤母地道一氣感通先鬼既妥後裔其豐歲甲在午母以壽終歲甲在辰而葬歲甲在子而改葬墓地一易而

氣象不同唯護之樹也深厚而椒之衍也無窮鬱葱乎相國之母之幽宮

中議大夫湖南督理糧儲道布政使司參政王君

墓志銘

當雍正之元年

憲皇帝開明史館詔舉諸生有文行者偕翰林臣爲纂修官相國朱文端公首薦君品行端方詩文工敏引見稱旨遂錄用時甫逾四十先是公撫浙延君教子且商軍國重務公內陞出振山陝咸與偕故深器君可大用及在史館舉京兆試會今相國福公亦撫浙遷楚督唐堂集 續 卷五 墓志銘 八

上命君往贊其幕丁未禮闈甫畢試召見

上親詢全楚吏治民生利弊奏對詳晰大說謂幕府需人可速馳傳往迨榜發有名未與殿試 特恩賜二甲進士立授常德知府常德衝繁大郡例新府至各行戶換照入四千金君革仍前照或言蓋啓臺司充公費君曰歸公必按歲徵納累民多一正供矣勒石若爲令值水災潰防沒禾親履勘修築三月而完固至今賴焉上游爲辰州有關稅木時建議移關常德君恐累民請仍舊制不以綱七百里木稅爲利革役十餘人繆爲公差駕大扁泊湖江間誘估客博塞以漁利復使其黨繆爲

巡役掩捕之飽欲始釋君廉得其跡悉寘之法杖殺府役之窩盜者其行法雖豪貴犯者不貸而題旌沅江民之入世同居者以礪俗保舉優行生員爲邑令咸得人興學校資厥膏火捐俸以免武陵之因役食銀而株連無罪者連攝岳辰二府岳常道篆政聲如常德居六載擢分巡辰永靖道駐鎮算苗疆初闢君至清林箐增汛規規模肅然而所轄綏寧城步犬牙黔省克苗不靖相繼殺君率數騎持酒肉鹽煙循行苗寨苗人歡迎謂上官親我因召諸頭目集教場賞花紅銀牌宣上德勸以禮義同鎮臣大閱武耀軍容羣苗帖服署按察使秋審

唐堂集 續

卷五

墓志銘

九

畢實授糧儲道各屬解送漕費例三千金君悉以歸公黔苗方蠢動大兵進剿軍需急君馳駐辰州飛芻輓粟刻期而辦綏寧苗應黔爲逆君條狀苗疆事宜皆中大吏鑒焉以苗事委君而乙卯丙辰科連提調鄉試出關卽赴綏寧節制剿苗文武員弁王事馳驅三年中無煖席忘其勞勤也俄觸嵐霧致疾尙力疾視事山僻罕醫藥遂於乾隆元年十一月三日卒邸舍年僅五十有五君少失怙恃以兄爲師弱冠籍諸生試高等家貧授徒教其子弟門弟子先行誼後文藝族黨咸迂之曰焉用聖人後卒薰其德其學有體有用措諸經濟恢恢也故

倫物修于家治化施於邦歷仕十年未竟其用朝野爲之惜博雅工著述古文詩賦儼體逼古作者陳朝雙檜賦孔雀賦皆傳誦君諱葉滋字槐青號我亭華亭人高祖明時明萬歷進士河南按察副使祖鍾彥明天啓舉人工部員外死難無子弟之子玉泓嗣痛父殉國終身不仕生五子師旦康熙進士穀城知縣師曾舉人君中子也事庶母如母撫兩弟如同母配陸恭人生五子萬齡國學生萬祿候選縣丞萬誠永椿俱國學生萬協幼君病綏寧時齡祿皆鄉試椿自幼撫於君舅氏未隨任行誠侍適命往武岡置軍器待其歸而後與諸孤歸柩唐堂集續

卷五

墓志銘

十

墓表

贈儒林郎內閣典籍葉君墓表

昔葉忠節公殉楚難日季子東亭君六歲從母兄脫歸

撫於舅氏海寧陳文簡公又七年入學爲博士弟子又七年爲梅崖李公館甥從楚藩撫江右常侍側又十年省文簡公於粵西歸二年而患瘍以歿又十六年憲皇帝召忠節子孫授官君之子鳳毛拜內閣中書舍人轉典籍贈君如其官又十七年而葬君南滙之七竈港乞其師東邨朱先生銘其幽復乞予文揭於墓蓋君之在古今若霞起雲爛一瞬耳而姓氏不朽誠足以綿竹素壽金石也予在桂林周旋久稔君言行得於三黨夫人先生之訓者根柢深而自然出之餘事及詩筆翰墨工而不銜偕歸應萬壽科鄉試同舟行五千里凡唐堂集續

卷五

墓表

七

閱月一舉動必曰我舅氏當此何如措施昭合而後已及忠節公殉難事輒嗚咽人不忍問喜說李公居官清介酷倣古人慨喟世情炎冷謂不足責質高明而氣精銳與予論議無遜者謙抑如一日性不飲爲予每夕設旨酒予無僕命其僕每日左右給使令理篋酬贈詩投之江獨存予數紙曰可爲法歸抵君廬命蒼頭抱郎君出拜黃先生郎君問何客而令我拜之及見肅恭有禮甫四齡知爲偉器卽今典籍君也噫三十餘年矣予交君昆弟間伯氏南田太守勇仲氏霽園員外芳觀天顏霑國恩至今皆耄耄無恙獨君終喪子天於顏

子之年人爲之惜顧伯仲咸未有子君獨有子自藐孤
迄於成立欲然於仕宦之蚤請急還鄉養其材以儲大
用則天之報施曷嘗不厚哉忠節公爲之父典籍君爲
之子君承先啓後晦而彰促而永壽年位而豐譽問可
含笑九原之下矣君諱子房字沛臣東亭其號南涯人
祖有聲明都御史考映榴湖廣布政參議贈工部侍郎
諡忠節一子鳳毛內閣典籍二女少詹事朱良表河南
布政使王興吾其壻也生卒皆在康熙中葬以乾隆十
二年某月日予表君墓如沈子明編長吉遺集話言嬉
遊一處所一物候一觴一飯顯顯然無有忘棄者不覺
唐堂集 墓表 卷五 墓表 三

候選學正楊君墓表

學正君既歿十餘年孤孫晉拔奉行狀以告曰先大父
墓木將拱而未敢礱石以表之者懼非其人不足傳家
乘願得先生文揭於阡庶徵信焉予已戒筆墨不果作
越一載復申前請不克辭君姓楊氏諱朝藩字奕韓號
滌山松之金山人曾祖元道鄉飲賓祖國訓贈奉政大
夫父黼奉政大夫臨江府同知署知府事君七歲能自
句讀四書講義十六侍父入都肄業國子監遊於溧陽

吳太史公鶴齡之門不與羣少伍二十試吏部郝太宰
賞其文置州佐前列時海寧族父少司馬公雍建官通
政而臨江君始筮仕爲鴻臚寺序班相聚京邸君以子
姪執弟子禮從學數年日有名卿大夫爭物色之會臨
江出宰湯陰君亦隨任邑當九省之衝大僚過賓車騎
絡繹值滇黔軍需羽檄旁午幾無煖席而邑之政務鉅
細井井四境以治君筦內幕與有力焉固城壩有劫商
者實鄰邑相錯湯陰保甲不以聞無憑詳報撫臣遂以
疎防劾奏君疾馳赴部爲父訟寃竟得昭雪縣試童子
君閱卷所取士或成進士取解首登賢書中州稱湯陰
唐堂集 墓表 卷五 墓表 三

得人先是戊午秋君應京兆試族弟閣學公瑄方以編
修爲考官榜發見遺人服君不事請託至是復赴北闕
雍試第一俗謂之監元主司採望輒售而仍安命以失
之遂循例入貲爲學正時尊人已擢臨江郡司馬君復
侍行旋攝郡篆凡佐佑贊畫如湯陰而加整暇焉朝夕
不暫離迨臨江致政歸尤以愛日故久不謁選臨江九
十考終孺慕不衰服闋而年亦垂六十矣遂優游里門
不復出嘗從錢塘高文恪爲詩古文之學所著未庵集
二卷滌山詩藁一卷四書尙書制義三百餘首書法學
晉人惜屢試不遇未展其懷抱徒以文學孝友稱於交

遊鄉黨間相知多鉅公又恬澹不屑藉援手以弋名位而逡巡不仕以老也當雍正之十年語人曰吾生甲午今歲在子子午交戰若月又逢子吾殆不免至十一月朔果卒年七十有九又二年葬於金山縣不該字圩黃沙石梁之西配莊孺人一子開鄉國子生哭父苦次卒一孫晉拔國子生卽乞弓表墓者弓與君增徐令滑君孫增程令有成君外孫趙倬駿烈素相識晚交君之華從太學錫履進士錫恒太學錫觀嘗登其堂君居秦查兩山間獨未造廬握手爲缺事乃今表君之行而後如見其爲人也

唐堂集

卷五 祭文

西

祭文

祭浙江王方伯文

乾隆七年十月壬寅浙方伯樓山王公卒於位越九日辛亥同年華亭黃之傳聞訃賦悼索日夕和淚漬墨爲文侑儀以告其靈曰兄之通籍廿又二年仕宦三朝人物四川昉登翰院旋入中銓棘闈桃李貴苑琅玕玉衡霜簡於臺於垣自廷轉外持節乘軒湖北江南漕輓職專擢治東粵繇臬陟藩遂撫全閩左遷今官所至封疆勲猷炳焉奄忽卽世棟梁所闕予伏草野如坐井觀焉操史筆金石雕刊唯志交誼古處勿諛心血髦枯挂

十漏千兄年四十相識杏園康熙之季恩波浩寬蓬池鳳沼冷署清班從容退食巷居相連蟾背鴉曉接踵隨肩書以分課酒以合歡過規奇賞裨益多端如親昆弟目聚一廛不知其樂娛娛閒開雍正之初風散日暄兄改郎曹政務殷繁予視閩學道塗渺漫如親昆弟分路爭先各營其業以免曠瘼前此之萃如綏繫冠後此之睽如矢別弦楚中行部吳下歸田通無鱗羽問缺寒暄兄年五十觀察江安筦轄十郡駐節長干會開志局予忝聘延篤嗜予文觚牘丹鉛增影樓上釋志亭邊銘瑟一記題像數篇盡簪之樂如篋叶埴如親昆弟逆旅團

唐堂集

卷五 祭文

五

藥暑徂冰至志榮告竣邀留下榻如穉如蕃爲營親葬式歸其遺人生幾何別易會艱歲月不居乾隆紀元兄又移粵逝矣百蠻及門沈生幸依慕蓮每發家郵必寓手翰一飯念餐一衣念寒如遊嶺徼親荷纏綿兄年六十開府三山予積撰著欣賞刻鏤且興鼇峰絳帳青氍毹札三致語出肺肝日閩多士如飢渴然舊遊之邦鼓舞欲前精衰道遠實憚風湍量力達心忍而舍旃旣聞赴關虎阜棧船亟呼一權出而晤言夏五炎熱病亦未痊前旌密邇邇不及攀唯投尺素以達寸丹此之踴躍如雉繫樊九秋閱報莅浙旬宣吳淞錢塘一颿可懸

此之踴躍如魚近淵背秋涉冬風霜蹢躅擬待發春躬
叩崇轅豈知一旦賓客遽捐下車以來月僅兩圓實以
日計四旬未完爲公事出俄輿疾還變起須臾不知病
源甫開七秩天喪此賢如親昆弟骨肉彫殘卒不視含
殮不憑棺不如沈生久厠賓筵親送其終瞑目長眠老
母弱子泣血漣漣窶貧蕭索囊無餘錢拮据扶輿萬里
川巒峽鳴有猿蜀啼有鵲兄歸之途賜所血濺半生清
宦二品大員人生到此徒光史編上狀太常卹贈竚
頌功在四國名在兩間予敘私情唯私實難朋友道喪
誰能不愆愴絕慟餘記昔周旋謂兄姓名合明三原才
唐堂集續 卷五 祭文 夫

德相埒齒爵可援而不盡符搔首問天焚一瓣香升於
青煙酹一卮酒滴於黃泉靈兮未遙鑒予衰孱白首拾
呼腑裂心酸靈其入夢落月照顏

唐堂集續卷六

華亭 黃之雋 石牧

五言古詩

壬戌歲九日作

碧宇朗以潔仰瞻不測高扶老策前除曠若登亭阜朱
鱗與翠鳥水草偕遊翔憂樂來無端米貴聞鴻帑切奪
逞姦狡積儲恣富豪彼此兩干法訟獄紛相撓下江淮
揚徐上江潁泗濠淇流潰堤廬廬敗沉狂濤量量實不
德鞠凶斯游遭上廬九重慮下馳百辟勞江西湖南
北州郡水亦滔賑卹力不遺澹灾迴天膏吾鄉稻將穫
唐堂集續 卷六 五言古詩 一

豐稔券可操秋旻實閱覆

皇澤霑吾曹雖少負郭田平價沽市醪待把霜後菊香
草箋離騷

古風贈楊使君紫川

漢重二千石郡守爲公侯後世權稍輕親民效易收偉
哉楊使君下車八月秋雙鹿擁輪轂五馬駐旌旂吾郡
湖唐宋縣隸蘇秀州元代墜作府雄與大郡侔余干峙
巖壑泖浦通渠溝滄海環其東時有衝溢憂建甯橋
國朝附郭華亭婁外爲上青邑賦甲東南暇四以加
倍因時而初謀提封實綺錯戶版如雲稠要缺繁疲難

分別良有繇使君揚仁風萬姓仰新猷予一老部民衰
頹疾甫瘳曷敢事請謁空谷干鳴騶念昔叨同榜接跡
嘗應酬契濶十八霜相逢互咨諏君是潮陽彥翔步登
瀛洲始校禮闈士首得清慤劉劉大司寇吳龍謚清慤
歷郎官御史在在超輩流時予出使閩鱗羽斷書郵不
知廷諍事奚遽朝簪投解后泉漳間風颿駕扁舟南溟
尙月息矧我同鸞鳩還轍赴北闕負耒歸西疇君亦敘
別況屈指歲月悠粵秀主講席學徒資脯脩期以傳吾
道經術靡不搜遭際乾隆初

聖主勞旁求 召見膺 寵命邊郡需綢繆武都北地

唐堂集

卷六 五言古詩

二

聞馳驅爲宦遊今又蒞南國 恩旨重山邱夙夜矢報
精力能勝任不恭聆使君語謙慎無愆尤當今

皇化洽敷政殊優優所虞僻一隅風俗移窳偷百昌雨
露中生長雜薰蕕士習本馴謹不無染澆浮培植其元
氣庶幾皆薪樞農業劇艱苦亦有強壓柔莠民或騎桀
鹵莽生戈矛訟師織貝錦厥性如狼彪能逞惡才智變
幻興蜃樓兩造混是非黑白紛相操利口辭奪理拙者
關其喉藉非懸秦鏡胡能洞隱幽更有游手徒生計無
一籌賭禁奉 明詔而習葉子殼凡可供博進湛溺百
不休昏喪尙奢靡朴儉俗所羞但夸目前費不顧飢寒

愁胥徒倘黠猾難寄耳目周迴億術誠淺明遠人焉廋
使君四知裔清白承前修此來人嚮風甘澍隨華輶東
吳米騰貴人心幾踴躍幸遽稊稻熟豐兆盈車簞淮揚
水災重有司疲卹賙吾土幸無患況遇龔黃儔堂上琴
隨鶴境內劔易牛織使安機杼耕使勤鋤耰民俗入南
幽儒風廻魯鄒佇見邦大夫頌聲起羔裘前守數汪德
雅善 遷擢不得留同年多高位中外乘軒輅願祝使
君兄勲名居上頭 宸衷倚毗切海寓胥蒙庥福星連
斗台榮光照衰眸尙能蓬葦下扶杖歌且謳

約沈大學子盧二月川小飲值雪

唐堂集

卷六 五言古詩

三

夜雪不入夢晨起羊裘寒勞吾有涯生難得此靜觀空
庭但娛雀柴扉無俗干東郊約二彥期作樽酒歡遙度
兩郭門風緊同雲漫來固愜佳賞不來慎勿歎國風離
騷中懷人傷肺肝

薄暮沈盧冒雪乘舟而來因招王二印川同飲願
十珠懷不至

雪花何飄揚門泊一篙水攜手同入門便得寂感理剪
燈呼酒伴醉鄉東臯子華陽畏蕉葉不躡東郭屐就席
皆大戶氣可吞百觴瓦盆煖不永簾外雪未已促膝選
觴政列時鼎三趾主人雖衰頹心亦見獵喜始爲文字

飲既亦廢監史暝坐立游楊情事隔千里

元夕後大雪不止風雨繼作阻望湖涇金氏莊

首春赴嘉宴天氣正凝結畫舫速客來綺筵連夕設絲竹勸杯竿歌舞足娛悅不知戶外寒新雪壓舊雪坐待見睨消青雲吐晴潔何期風雨肆以補雪之缺盈盈一浦通阻若萬里絕淹留費中厨肴核日羅列羣賢此間樂頗不思話別樓窗眺寬閒遊戲戀瑣屑孤懷徒一往困人悔未決五行關民事變理豈無說朝昏酣飲中層陰失時節我欲衝浪歸濕篷帶煙揭

甲子歲穀日

唐堂集

續

卷六 五言古詩

四

紅旭煦萬象青雲熨千里晃朗臨階除草絲綠羅靡春迴半月餘鳥睂新年始晴辰占有秋豫爲田畯喜穀豐能活入昨日陰偶爾雪象漸銷芒煌煌仰華晷

聖德握乾運璇幹起甲子野老薰太和安坐增一齒悔行七又七紙筆廢生理耕稼力已衰倚杖牧羊豕三四日俱晴董勛

立秋日病中作

黃藥斲作軀黃連鑊作肉加以一尺茶厥味苦逾毒吾生直破日潰裂稟在夙矧今老病貧三苦鼎峙足乖離首親戚畔散繼僮僕朋友巷陌人近不入我屋問胡忍

底斯道理本燭熟既乏勢利招又罕名德服匹如荒祠偶焉能造禍福掉頭而去之彼哉子然獨緬昔贈史公巖巖儼耆宿壽七十又七徂暑至秋肅遘疾空顧天至今痛風木不孝歲亦符未秋病先伏一生無樹立百憂自纏束日昃大耋嗟視蔭不爲促二子三童孫膝前繞眷屬勿效汝父祖自問實慚惡懇苦未畢辭肝膽流滿幅剝心如燥泥著地只一掬

尋樂

負郭無郊園近市無鄉邨欲乘新霽佳病起娛心竟秋雲湛空碧秋水直到門擬議出蓬戶浩蕩神飛驚恨乏

唐堂集

續

卷六 五言古詩

五

舟艇費又無儻從煩暫思鳥決籠終類抵觸藩且支五尺藤緩步臨前軒假山翠有景盆沼綠有痕化其大小見逍遙如鵬鯢苦中尋樂趣得意而忘言

章廣文荀禔張侍御有懷郊遊還過舍道桂華極盛知窘遠步故不相挈

門前咫尺土秋至久未出晴野徒心馳衰慵守圭節兩翁雖較小各踰六七秩精神注秋香縱步往與懸歸徑過我室殷勤爲我述良辰美景間人得我獨失今朝許行人竟其齒長予一顏童脚力健揖罷語造膝惜其遠別去未叩養生術逢人嬰鑠多彌愧蒲柳質安得東方

朔踵門贈桃實食之長少年老輩莫我匹

秀水朱稼翁過訪言刻其祖遺書於揚州

著書不朽事恒待久始出大史遺藁多篋衍富卷帙丹
鉛一寸心光燄貫天日既詒孫子賢不慮篇章逸難揚
有義舉梨棗廣傳述工費極浩繁雕鏤未易畢霜露時
序更甫竣三之一何來窺豹管欲窺麟筆家書亦埋
竹壁經亦藏漆手澤重家珍抱之歸石室幸值文明
朝從無挾書律購獻發秘本燁煌暢儒術膏饒所沾丐
海內肆充溢

金研廬搗樽醉白池用康樂登池上樓詩韻
唐堂集 卷六 五言古詩 六

一月三至此習聞歌嘯音響變氣曠闊緣沼光深沈隔
水有佳士觴詠肩所任行厨載酒肴盍簪就園林客符
淮南數招隱相過臨叢桂方徘徊小山亦欽歎列席天
香底環坐清秋陰穿符出游儵翻葉下飛禽窺我高陽
豪哉兼醉吟俄驚風雨勢益助騷雅心自傳如有知
恨不生今

近重陽尙無菊花消息用陶詩擬古韻

雅愛隱逸花性情同五柳節氣惜較遲風雨斷已久相
思月上弦如約隔歲友相見未行期渺懷寄尊酒涼絃
傲霜心晚香不吾負物理躁斯淺天道緩則厚不嫌今

日無但願來日有

花間草堂雅集得飛字

秋光老谷陽嘉會良不稀甫違池上跡又款花間扉賓
筵既卜晝清談何罪霏餘事吟與奕花陰流夕暉華鏗
燭觥竿豐膳羅甘肥酒政相遞嬗羽觴不停飛牆頭可
追謬何況綺席依瑤衡欣咫尺不辭扶醉歸

寓梅花書院同查編修張學錄野步觀民圃芍藥
綠陰減花事紅藥盛發舒豈必翻當階聊依老圃居根
葉浩盈畝葩萼何稀疎藝植以爲業此其剪舊餘圃人
僕且謙謂供茗飲虛折花獻微悃香氣隨衣裾城北饒
唐堂集 卷六 五言古詩 七

野趣葭籬間草廬清池利灌溉曠土足耰鉏奚但花木
佳芳菲及園蔬杖藜一以眺城中應不如

凌少司馬淮上歸附家書

不自憐白髮旅牕事眠餐翔鳳幸過之南飛順羽翰再
拜託寄書書中無所言到此月一匝稍苦酬應煩投報
費懷刺來往勞乘軒息我以陰雨扶我以藥丸北郭喜
岑寂池風起微瀾東籬亦繁華有葵復有萱衰顏有時
健閱境頗尋歡附書七百里蔽之曰平安

池上坐月惜何子未陳和叔

陶然罷晚酌散步以怡情蔬畦瓜圃間翠綠滋發榮暝

色上着字弦月當頭生池光湛我前靜涵天一泓遊友
坐對之隔林孤炬明泗兒解游泳持竿逐鴨行間見隨
所觸天機浩縱橫莊惠恣談古滄浪可濯纓涼氣沁單
綈杯茗有餘清逍遙出塵世何必方蓬瀛次日兩詩皆
有次韻詩陳
云所提舊風景尙剩螢火明何云揚州久無鶴即
此登蓬瀛皆切其地予獨不及蓋忘其爲異鄉也

行盒納涼主人置酒極樂用杜晚登漢上堂韻

炎歊滿揚州到此涼氣擁喬木龍鱗竊奇藤蚪頃動傳
是謂傅宅千年未邱壠時賢構別墅淨土青蓮湧林深
晚眺音門寂雅穢踵竹裏出行厨脫畧弛肅拱雅彥羣
鳳鸞壽僧孤鶴聲四座習風灑然掃塵冗有登永井
唐堂集續卷六五言古詩八

昔至

昔至喜北牕徙牀據東壁結樊蔽其外莠卉彌其隙終
日坐對之涼風狎閒寂節序潛遷變始爲塞瑾謀籬花
泥彫落何以供目遊南榮日色佳無復尋陰幽非不愛
久長胡遽易嚮背天道順自然人事迭相代因時而不
知至理昭然在顧茲感羈旅歸思亟不禁桑下縱三宿
曷生繫戀心鳳皇不終翔鵲返深林

觀梅小集

徐明府招同王臬使周比部陳中翰
陳蔡盧三孝廉顧司訓金太學茂才

望之幾樹雪日炙乾嶢嶢俄聞逗暖香知是花信梅春
工逞驕性一昔心怒開如期冠蓋集爲花卜畫來沛然
觴政行酣嬉雜喧趣花竊簷外笑竟忘澆一杯酒雖不
爾澆詩必爲爾裁造物葆元氣莫令風雨催

接門人陸畏蒼演中詩札

點蒼萬里外光景移目前遊子陟配思家邨到湖喚懷
人爲故舊貽我三寸箋云始與計偕下第羞言旌節榮
旌輦轂忽忽四五年風吹蓬科轉又落西南天不言東
道誰觀客知主賢庚樓風月盛檢府芙蓉鮮荊州王仲
宣淮南杜樊川當其依人目文采多流傳翰墨兼勲績

唐堂集

續卷六五言古詩

九

登瀛且凌煙門風紹清獻濂洛遙溯沿凡斯不朽事夙
昔能勉旃吾衰百無成攬鏡媿霜顛寄語雲間月清光
往照滇明春杏花候 帝里揚金鞭

和姚稼邨崇善堂種竹詩

梁帥康熙初平疇構華屋材堅樓峙三歲久甲逾六今
入延陵手屢游吳興日喜臨四面流惜少一林竹園丁
帶雨移秋圃蔭修緣俄成竹里館髮髯簪管谷喧雷抽
筍萌涼月棲羽族鄰僧老農輩隔水往來睦北眺峰巒
佳白雲紛起伏東離城市塵朱門厭梁肉吾思此靜坐
蕭灑若新沐行將數擎舟高吟頻與續

七言古詩

題顧仲瑛倪元鎮小影畫冊

嘉定王太學家藏索題

我逢顧倪二老天上落不在玉山草堂清閨閣乃在白
描圖畫中石樵絹揭貌如昨當年貴厚揮金多兩家騷
雅翰墨窠割地淮張不能屈揆天老鐵相和歌命代風
流歷江左大名享久髮盡皤暫作遺民洪武初後先彫
謝歸山阿青田浦江遭際美佐命皆因舊名士天生二
老爲元人不入興朝佩青紫後儒紀載每借賢名列明
詩附明史崑雲錫月四百年秋飄蕩吟魂呼不起嚶城世
家嗜好奇刻珉怡聚雙鬢著摩挲栩栩影欲活爲我薰
磨堂集續卷六七言古詩十

醉白池醉歌

風雪陰雨埋一春壓我兩眉無日伸畏寒襲裘坐鬱邑
況聞長安彫故人林太常自念頽齡十年長那不尋樂徒
悲辛急攜酒伴縱野步亭午晴和乘令辰芳郊引人不
停脚醉白池頭好邱壑主人把臂笑口開東風吹來天
上落朱欄春水綠淡沱碧檻桃花紅綽約黃蘗清淺行
魚蝦竹樹濃深喧鳥雀裙腰夾岸沿草痕屐齒通廊露
山罅刺蒿纔泛昨蟻舟卷簾又設鷗鷺竹隔溪招朋朋
不磨似厭從遊濠上樂主既能爲咄嗟辦客翻不肯倉

卒諾使我銜杯百感生二境人情異今昨雍正之末乾
隆初此間騷雅擅名區倡和編中彙可數十人祖謝良
足吁吳廣文異沈邑侯維垣陳徵君崑陸太學榮范徐
明經是役姚觀察培和孝廉培衷劉維謙李廷郁
茂才三者蓋簪漸契潤卽今邀致猶踟躕照入斜暉兩
三影習家賸有高陽徒就君痛飲酒滿壺明日韶光知
有無欲不爛醉胡爲乎

王宮詹激川分惠 御賜克食用玉川子酬孟諫
議寄新茶韻賦謝

蓬萊宮前春氣濃

天子垂注瑯琊公因賁奏人報春信福字 御書玉璽

磨堂集續卷六七言古詩

土

印鄭重賜衣如覲面 內府織成雲錦片更頒玉食瑤
函裏馬上馳歸麴塵起宮端稽首三錫加紀 恩屢濕
鏤管花九霄盛事隔凡界林下久不萌枯芽忽荷分甘
到圭簞啓緘五色羅紛奢備嘗珍味不辨識但覺身似
登天家白頭老牧出誇客未餉兒孫先飽嚙衰年欲患
腰膂斷俄喜精華溢於面膚肉發其潤肝鬲豁其悶就
中馬乳酥註明在書卷馬駒飲其漣多力成血汗能使
四肢強并祛百病散緬追侍從直西清曾向
先皇邀寵靈十六年餘伏草野食此能無感慨生遙睇
五雲最多處天上神仙自來去達尊 予告念鄉土風

入春風雨人雨凍蠅逢暖微作鳴銘惠不辭作詩苦液
楠終恥社櫟材匠石可施繩削否

葉員外緘示花前倡和詩次韻却寄

江城花事晴不遲排日譙遊參以差弘農席次遇風雨

四月九日楊翁榮素招實壯丹風雨暴至是日吳江電災增妍如浴華清肌筍里此

時習成癖君家紅紫選嘉客逢花逢酒必有詩浦口鯉

魚寄消息女夷漏洩造物情子墨翻騰化工迹三分壁

壘爭雄長千古葩騷恣采擇歌疊新聲不厭繁韵逢險

步何愁踣野夫惜阻一水遙脈脈無由壓元白徒使流

涎奪目精十排明珠天外擲

唐堂集

卷六 七言古詩

三

題張寶甫仿黃鶴山樵破窓風雨圖

溈然雲氣冒空濕吹動林霏竹斜立檐茅樨紙愁漂搖

誰坐漏痕繙秘笈華屋不聞吾伊聲練螢梯月皆趁晴

破窗颯颯非人境風雨冷冷非世情此中可望不可至

依稀冬夜雨寮事冬夜雨寮予陶宅讀書處不信崢嶸蕭瑟間乃是

筆瀋墨濤之所寄叔明寫胎劉性初流傳寶繪勝瓊琚

閱四百年有寶甫揮灑雲煙化為古臨摹以貌必以神

姚子得之為家珍每逢佳士誇向說我即窗中把卷人

南滙黃氏父子詩藁顧侍講索題

詩人豈能聚一門唯謝兄弟杜祖孫乃如宋儒文肅之

後昆理學源流風雅尊老鳳清聲鶴子和蕩搖滄海摩
崑崙小厓月旦推同里兩世葩騷能濟美煙霞閣峙黃
浦濤吟而慕之隔一水同姓詩家盛如此

旌烈詩

詔旌烈婦東郭氏乃是覺羅隆德妻二十喪夫以軀殉

冰霜炎月凝一閨約髮之帕血所織雉經不復聞鵲啼

嫁夫未期身獨棲葬夫未旬魂互攜冥漠有天地皎皎

精靈入地風淒淒生則命如朝露速死則名與泰岱齊

巾幘大倫耿銀漢 絲綸苦節輝金泥我從史後詩紀

實千古流傳備考稽

唐堂集

卷六 七言古詩

三

酬寄舟上人乞食江邨詩

詩有青眼低尋今日路白頭高戴舊時天句深

寄舟寄我江邨詩詩與老杜相感觸我昔鴻博試不成

貧舌孫公園外屋出門衝雪冷壓帽入戶燒煤清煮粥

徙倚旅窗唯詠詩賦得杜句作題目杜云往時文彩動

人主此日飢寒趨路旁我會代 言蒙激賞時乎不再

金無光因之感觸此兩句頗與寄舟此詩語意相頗頗

李塢延壽寺寄舟卓錫於其地人知上人來自京詩學

禪學書畫總靈異瑜伽一倡爭皈依檀越十方饒布施

胡為篇中吹出徵羽聲落日沉江自謝戲低眉向人青

眼看削髮自詒白頭累乞糧頻催慙頭船迷懷徒寫叙
股字舊時袈裟染 御煙攀髯不及悲戴天寶山空手
刺瓢笠紺圓枵腹談竺乾寄公寄公何不學羅什聚針
食又何不學懶殘煨芋甾有鉢盛米供伊蒲有厨炊飯
滿香積西枝十笏且閉關東柯一燈可而壁強似蘆花
釣渚邊高低兩難天路窄獨不見乾坤腐儒今老夫嘯
強不肯學浮屠拙於爲政官俸斷毫不要書信穀無頭
非不能高而遭命所歷眼非不欲低而畏俗所汗饑雖
驅我任顛倒我去何之衰病老朱少詹四十七歲命何
殊林太常六十六歲逝亦早徐郎中八十三今朝送葬

唐堂集

卷六

七言古詩

古

衣冠竊高待詔八十七昨日聞訃音容杳松江一年連
喪四指紳我猶活在未枯槁且甘藜藿守澹泊敢對鉅
壘難缺少亦不結緣尋覓幸宮亦不訪道尋蓬萊島阿
家翁要癡聾兀坐空房戒煩惱有時得一碎發方愁填
闕塞胸隔飽江氏憤榔不爲吝蘇家毳似不爲狡賴有
撐腸拄腹五千卷渴當茗漿餓當膳胡取不稼不穡三
百囷菊英可餐李可嚙寄語寄公學我法泉明乞食何
須羨但恐儒釋兩教不相通勸學我法安肯從姑妄言
之取叶韻詩意不同感遇同不同今中消息問寄公
元夕前二日楊葆素招飲

草元先生負郭居院有花木室有書中年蒙難 恩赦
除雍正初侍尊人閣學萬里遼陽返故閭白頭行樂翔
容與良辰嘉讌不肯虛歲在甲子春王初設席選晴來
召予野航並載王川張勳徐醒齋賓主五人集一廬計年
三百三十餘珍錯食品卑雞魚精治羹臠及果蔬口腹
之量恨不如頭盤觴政交紛挐毋戰喧嗷爭奮祛高談
清座皆軒渠公卿衮衮駟馬車今日之興其有諸我曹
已落隍水淤浮雲變遷遞瞻瞻蟾蜍緩步相送安以舒城北
歸燒燈火疎夜深高枕尋華胥夢中猶泥酒滿裾

唐堂集

卷六

七言古詩

五

送常熱趙八進士父子入都

與君結交未第初長安重聚今復疎懷人忽泊江邊樞
話別仍驅闕下車甲科賢良晁董策乙覽時務嚴徐書
漢中著萬年保泰文章經濟通籍晚材老以充 盛世
鴻謨會經 御覽儲蒼生獨對召宣室雛鳳相隨翔石渠器梅文毅遺直
待抒展太平功名恢有餘君乘風雲我草野衰老力不
勝犁鋤倘遇故人寒暄問爲言懶答雙鯉魚

豆棚歌

孔孟大人小耕稼我今胡爲豆棚下家僮構此歲一新
縛竹結繩檐上架綠蔓當天方丈陰白華滿地三秋謝

雨風飄其顛日月漏其罅頗諧隱逸趣差足農圃亞既
無雕甍網戶潭潭居又無高軒結駟填門閭豆葉蔽之
有嘉蔭豆莢采之美可茹髣髴陶風第六章之景物風
淳俗朴安田廬世有大人口襲孔孟之言者睨而過之
曰吾不如

明宣宗賜沈學士墨歌

爲葉員外作

古人珍玩比珠玉功效不如濡與粟大雅嗜好與俗殊
上墨風流急收錄南陽之壻吳興裔得其家蓄龍香劑
始因磨汁可療嬰審知物自明章帝大小學士書絕倫
三朝侍從爲名臣殿中親賜款識細宣德八年字若新
唐堂集續卷六 七言古詩 六

藏弄遷流失復得今作澹宜

爲堂名堂上珍我持俗論以

藏弄遷流失復得今作澹宜
字號雖遠會經壁經研朱亦可讀周易能供實用無
錢需佳異新陳復何擇乃自仲將思總傳秘方膠煉犀
麝壁而光南唐宋元紛習尙選出新意爭擅長李超父
子造詣絕張遇柴刊潘谷沈珪相頡頏藏墨之壽壽無
算半笏可直千金強此尤貴重出御府鄉先賢物非尋
常遭逢賞鑒倍愛惜綾襲錦蒙防損傷吾知此墨無價
寶較勝虹丹雲液好既彰磨汁治疾功有用用之必以
道豈不見吾儒席珍在卷舒濟人利物恨不早何常默

默享重名韜跡養高以終老

飛鴻堂觀梅過醉白池留飲訂東軒之約

乾隆十年二月七晨起卜得郊遊吉春寒待信勒未開
試探飛鴻趁暄日策杖呼朋叩朱戶縱橫大枝小枝出
欽紅吐綠發衆香冰雪風霜空媚嫉環注日光射雙樹
此樹精神故無匹若非鼓勇決計來忍使韶華眼中失
塵譚茗飲坐移時餘興還臨醉白池池頭嘉言忽羅列
梅蕊乍拆春風肌勾留唯恐斜陽下白髮訕顏傾十卮
座客自言釣詩處東軒又與梅相期排日出門隨地好
及時行樂已不早索居嘗歎氣力衰逢酒逢花不知老
唐堂集續卷六 七言古詩 七

東軒紀飲

乾隆十年二月九蔽野狂風撼坤紐尋思前日梅花邊
預訂東軒今置酒叩門人至三四邀瑟縮畏寒懶趨走
風雖猛烈天則晴側身東望流涎久人生隙日過自聊
世事浮雲變蒼狗眼前時物感慨多當樂不樂徒皓首
垂簾讀史完午課且待夕陽風靜否薄暮盤興昇我行
衰翁閉置如新婦到門棋聲斂入燈酒伴吟朋滿戶隔
急造花所花笑迎似笑來遲真漫叟人定勝天天息怒
地賴調刁寂無有高談豪飲四座歡月在梅梢杯在手
淳于其誇量一石康樂未試才一斗
詩是必分題

公五六十歲人環視慙予最老醜謬爲彊健主賜政大
羞顏然歌鼓缶醉歸不顧夜禁嚴更柝已聞喧巷口

小餅雜供秋花喜詠

宮錦細黃玉簪白海棠輕紅金鳳赤膽磁水養當盡看
宇宙之秋縮咫尺儒者徒嗤花艸微高瞻濶步頌松柏
豈知芸生大塊中鉅細皆藏造化迹老夫斗室隱几靜
脂粉綺羅狎晨夕人生快意取目前素位而行適其適
君不見朝生日及名亦傳況此澹雅標芳妍若敘植物
去纖卉狹小不成雨露天

中秋燒香曲

唐堂集

卷六 七言古詩

文

月波夜洗天質青姮娥當空不隱形頻瞞人間萬閨媛
家家拜月羅中庭金猊火鳳列文几氍毹貼地蓮花蕊
晚妝待久始出來心以騎鸞女自比纖指親熏甲煎煙
雲鬟柳腰跪起妍小姑未字亦端肅胸中私語語不傳
香霧細縕氣騰上月華因依爲蕩漾外間三市連九衢
綺結層臺屹相向競奮清音絲竹肉細唱霓裳太平曲
珠箔捲看露似珠玉樓倚聽肌如玉一老久戴星月光
醉扶藁鼎也燒香秋晴歲歲若今夕不負此生歡笑場

西陸村桂樹歌

西陸村中陸氏家西齋池西佳正花當未花時樹已嘉

大枝如龍小枝如蟠空樛結紛攪拏而況花繁形官窠

秋晴爛漫蒸黃霞仰之參霄俯蔽沙昨聞蔡孝廉王才

川遊且誇云是廣寒之分芽八月晦日日始斜我偕周

比部顧明經遊僧御寺緩步不憚道路賒入門迴廊

曲折遮嘉樹迎人立水涯午逢唯有驚客嗟金粟飄墮

闌砌窪餘香尙堪載滿車倘疑種子從月華人天未免

毫釐差傍無玉免金蝦蟇遙尋樹背沿竹筴疑興橫溢

窮搜爬盤根出土本五極支幹巧配相交加化工扶得

高杈枒望如獨樹攢萬葩坐使嘉名播四遐百年正直

驅妖邪一掃衆木機雲余淮南騷句美無瑕小山叢生

唐堂集

卷六 七言古詩

尤

倚磨殿此樹豈其苗裔耶不然氣體何豪奢對之能消
七椀茶歌之奇芳流齒牙

九日詩

禁事

三三五五連七七佳節皆因月加日年年物候每遞增
九九風光又重出白帝纔臨六甲餘黎民漸務三時畢
上弦昨夜已過期無射初旬先應律堯莢經霜八更添
羿弓中日雙何必當空遲見圓蟾蜍在戶蚤聞寒蟬蟬
天氣金行最後庚地支夏正交逢戌著增奇畫參以三
葭室陽生倍其一詰旦休催上澣周良辰尙接中秋密
金風玉露滋晚花紫蟹黃雞釀新補楚客篇篇騷激揚

齊州點點煙蕭瑟肯教鰲詠專暮春翻奏清商自描筆

丙寅上元雪繼以雨長歌舒悶

今日緣燈以爲節燈情宜月不宜雪雪泥欲汨火樹昏
月彩能昭夜珠潔昧且打窗漸瀝聲平明曙色無融徹
起視瓦溝萬白鱗剪水作花霏不絕驚毛鴉片亂撲簷
玉宇瑤林篋爲屑病餘未敢翫清景天海高寒縮吟舌
翻觸嬾遊兒女懷深愁冷落華鐙缺雨師乘隙恣狼籍
玉壁風光亦漸滅中秋晴與上元通始悟俗占皆謬說
節不節一場歡境摧半勾情瀾竭此時豈少豪富家蚤
唐堂集 卷六 七言古詩 子

哭歸衛氏女

父年七十九女年三十七翻使白頭哭少年天迢茫茫
無定律路遙百里春嚴寒老病不能憑汝棺汝兄到後
目始瞑汝父聞之摧肺肝

登細林山

細林山南好墓田贈公遷葬俄九年爾時我已七十一

自此逢春來泊船但勤祭掃松柏地何暇賞翫清明天
老夫濟勝久無力舊遊不復躋其巔今朝禮畢既食饌
逆風暫橫山麓前兒子欲登吾心動芒屨試踏峯頭煙
悔未攜持藤杖出一童扶腋相挽牽斜蹊狹磴頗使汝
廣殿長廊仍自便點易臺邊聯駐足友誼亭畔還息肩
彭翁遺塚神龜館一泓春水涵甘泉明人八詠景粗備
梁帝一銘志誤傳松院虛窗雲氣潑茗爐活火清聲煎
俗情到此想羽化心疑道士皆僇佗獨不見山腹山背
累累者野花蔓草埋荒阡

細林山名神山梁簡文神山寺碑見全集其銘序稱

皇太子殿下似爲昭明太子之所別有寺名神山非

唐堂集 卷六 七言古詩 子

此山也故顧東江不以入志而陳志不知何據矣改
序文云本名秀林山或稱辰山列九峯第四按九峯
唐宋未顯元以後始有詩人題咏次序安得預見梁
代又言余以幾暇遊覽未識大通元年庚午春三月
哀喪骨立淚漬席爛甫百餘日安得聘懷佳勝且是
歲爲丁未若庚午正簡文大寶元年方見通侯景未
幾罹害安得千里遊觀仲醇未見原序四神山二字
偶合遂傳會杜撰貽誤後人予蓋過志發刻者遠從
初葉未削去爲恨故曰梁帝一銘志誤傳以正之從
隆丙寅春自注

庭前紫牡丹盛開邀吟侶酌之

紫衣笑倚春風午十花五花費酒脯鉤簾卷幔寒素家
鴈詠依然列賓主點綴何須金谷園色香也合天彭譜
須臾青帝換綠陰 前二日 汗漫輕鷗逐柔艣 將往揚州

芍藥洵大觀先就家庭酌牡丹當年手植偏情重不比
繁華客裏看

漢宮瓦頭歌 有序

按王禕硯記漢未央宮諸殿瓦身如半筒而覆簷際
者其頭有面外向徑五寸圍一尺六寸強而至背厚
一寸弱背平可研墨唐宋人得之去其身以爲硯今
夏得交吳郡何堂子未示予一冊乃摹印瓦頭之而
有長樂未央四字古香浮紙玩之意消於珠玉何有
哉佳詠如林勉綴卑音於末

唐堂集

續

卷六 七言古詩

五

片瓦如見簷阿翔瓦頭有背亦有面背能受墨以爲硯
錫花雷斧未足奇面文突起先秦篆土蝕煙銷字不磨
何君一日三摩挲墨香印作銅儀樣賤滑揮成石鼓歌
博古圖中壓卷軸秘之不到庸人目對此能令感慨生
瓦文直當漢書讀

程午橋太史箋義山詩見贈賦酬

文選樓空一千載雕龍召霍騰五采誰瀉金壺作鄭箋
水蘭吟鬼朝真寧溫段楊劉國體工西崑塞路無人過
豈知葩騷貫血脈迢溯小雅兼國風離朱之眼巨靈手
梳櫛直從始到終石林吳江業陳項草創方覺勞無功

冢中活呼玉溪起唐代情形瞭如指虞山箋杜宇宙間
光燄交垂兩詩史

題何子未擔經小照

所擔何經佛經也我識斯人固儒者六經腹笥不用擔
博文餘力肩瞿曇中塗地下便歇脚默坐尋思無處著
連日雨

農人得雨嫌未足旅人得雨愁卷跼踞棲東壁對一籬
濕卉嬌紅蔓絲綠坐過六時頻捲簾餐來三頓空糜粟
不求甚解海外書 學問空際致人身說無可與言室
中僕欲登西閣連西亭跬步似隔郊與坰笠屐荒荒無

唐堂集

續

卷六 七言古詩

五

借所歷替雨意方沉冥
酬程聖貽諸刻

蓉槎蠡說如千篇夙仰筆追魏晉前與嶠始疑古作者
讀漁洋序知今賢漁洋門牆才彥藪如君博雅誰或先
我來邗上清和天皓首相逢神燧然把臂恨晚徐序齒
戊申吾降欣齊年蒲柳迴輪松柏健舉雄數數同彭箋
昔官宦遊徧遼遼還荒嵐霧衝輪舩投簪林下不知老
七畧書堂 名堂 書塞椽昨貽數書咸舊刻棗繡云香溢賸
墨校讐細入絲髮心鉤畫光騰珠貝色長齡不倦藏山
業盛典宜邀稽古力歸然新安文獻存我返海隅望南

極

彈指閣前藤纏古樹歌

老龍出土幾百尺力欲擎雲破空碧大地旁起繖繞之
歲久兩身通血脈入門乍見心膽寒急避行庵閣上觀
始知蛇者古藤龍者樹根榦柯條相結蟠一何纏綿不
可解愈老精神愈瀟灑突兀長吞日月華堅強不受風
霆駭噫嘻一彈指頃世事屢變遷夢幻泡影誰長年植
物如此令我肅而拜如見冥靈大椿春秋五百與八千
題願遊黃海圖爲凌春藻別駕

黃海鋪雲天下奇未歸故山親見之唯讀雁公雁黃松上人

唐堂集

卷六

七言古詩

詩

石畫亦敘南華張宮詹天扉遊覽詩兩人親踏黃山頂向予
誇說黃山景有時見海不見山白雲茫茫一萬頃聽之
神往起妒心家珍翻被遊客侵何時大發桑梓願三十
六峯一一尋逢君脉我好盡冊願入此中著遊屐軒轅
臺下同故鄉春中浦邊同寄籍翩翩公子才國華妙年
看徧曲江花他日輪軒過珂里便酬此願良不賒吾衰
兩耳尙聰聽羅縷不妨向我誇

張三銘邀飲飛鴻堂大木東亭不至有懷後至

梅花主人招有期酒伴相知因不辭半日老養待已久
一門諸阮來何遲開樽忽覺日易暝列炬莫教春暗移

層陰壓簷電光瞥啓蟄雷聲又催別不愁昏黑不到家
只愁雨洗枝上花

夏夕喜雨

火雲擁日落峯外樹頭無風頑暮靄油然黑清西北關
急望作勢東南趨輕颺俄挾一陣雨爽氣已足涼肌膚
雖未浸淫穀與蔬亦省老農老圃一夕樺挈囊抱之勤
勛願天夜夜興此陣歲必大熟饑饉無君不見九重
爲民頻禱雩百姓得雨如得珠兒曹薄產無膏腴老夫
藝花聊自娛藥欄竹屏地丈潤女蘿綠潤牽牛活

風潮牆壞修築作歌

唐堂集 卷六 七言古詩 詩

夷則律吹殺伐聲夜排牆倒噩夢驚嚮北隔戶撒屏蔽
洞然風雨中空明待晴拮据事修補物力方艱心最苦
漸聞瀕海報水災十萬人煙殉風雨官府奔馳廊廟憂
吾廬一牆奚足數悲天憫人且未遑不廢商歌出環堵

閩鄉試錄

南榜同登父子胡北榜同登兄弟吳茸城一時謂盛事
尤異故里皆天都安定仍屬徽歛貫延陵又隸大興縣
譬諸星宿其一垣飛流入聚隨方現譬諸桑梓本一鄉
遷地能良未嘗變九峰煙黛申江潮人物鍾靈門地超
寓公往往參土著前六十年曾奪標諸君今又非此例

家在雲間籍不繫石觚吾友命代才餘各妙年鼓精銳
春風連轡馬蹄驕佳話三鄉誇擢第獨不見新安朱子
倚產閩科名履歷如常人何故紹興戊辰之試錄至今
欣慕讀若新明年亦戊辰科

唐堂集續

卷六 七言古詩

美

唐堂集續卷七

華亭 黃之雋 石牧

五言律詩

壬戌新年

雖臘已成春東風吹亦仁閒庭一俯仰大塊相鮮新河
患弭有日天心矜此民願同乘獻歲戶樂太平身

卽事

雅不喜醫藥屈於諸病侵衰因增馬齒貧敢問人穫時
過精神薄春寒風雨深鏡中宜自愛樂處莫辭尋

忙裏

唐堂集續

卷七 五言律詩

忙裏著工夫拋荒幾藥書泥培新益菊水換舊缸魚僮
助功勞淺賓來禮數疎血衰增一事搔癢夕陽餘

擾擾

擾擾成何事死生文字間筆乾難潤水紙費若堆山老
尙爲人役天偏不我閒秋容方澹蕩雲出鳥飛還

東軒春雨冥集

嘉會招吟侶愆期半盞簪梅花到處濕蕩笠此相尋雨
氣臨牕暗棋聲隔院深壺觴待燈火春酌夜沈沈

立夏前二日醉白池爲留春之飲二首

況是白頭人如何忍送春歡逢池上酌悔失壯時身花

弄紅不斷園亭綠又新尙留百餘刻風浴莫逡巡

九十多風雨於人終有情就中逢霽旭分外感春榮且

樂此間飲莫嗟明日行縱教炎熱至爛醉不知迎

人將至有議紳士迎接者

鉶花

何人親折枝持贈春風時生慙入銅鏡落英侵硯池揮毫不忍掃注水尙盈瓷簾外窺蜂蝶遙憐白髮宜

檢王少宗伯遺翰泣然

相知已白頭無幾作賡酬十日九詩至一朝千古休字防蕭翼取文待所忠求舊贈諸賤札裝池新淚流

唐堂集

續卷七 五言律詩

二

蚤起

水薄見寒曉霜濃知暖天伸眉朝膳後曝背小牕前衰氣暫充足初陽方幹旋此時貧乞者一體著黃綿

宋人爲黃綿

無錫顧同年震滄過舍

以所著春秋左傳大事表及詩箋見示

閩遊重聚難京國暫盤桓歎息舊兄弟別離頻暑寒單

思老經富餘勇命駭壇白首幸相對樽前加一餐

初秋醉白池避暑五首

蟬嘶高樹梢人坐綠陰交口影闕巖壑水痕涼酒看煙波似南浦河朔在西郊熱客遊何向忍令良會拋

客有達約

而越境謁時幸者得交字

方池在入境吾意卽方瀛映水須眉濕臨風絺綌輕天

猶張暑燄地已敞秋清肯讓遊仙若水桃碧藕情

乘蚤到池頭逍遙竟日留性靈狎流水心緒付滄洲若

萍已驅鴟梧桐徒報秋趨炎非我事只憇樹根休

不忿逢秋吳餘威愈赫曦陰涼何處域澹蕩此中池菱

芡葉盤水松篁風壓枝妨予北窗卧清簟一枰棋

疇昔此林柯十年離合多猶逢舊雨在奈若晨星何節

候復流火風光同逝波無忘樂郊樂一醉一高歌

賦得別業居幽處

唐堂集

續卷七 五言律詩

三

駟馬七香車寥寥此處疎只緣蹊徑僻不比市朝居疑

別有天地喜無多屋廬誰能問渡者我是武陵漁

次韻答周郎中

東山臥不出西陸村名伴行吟道氣流觚翰交情合芥針

秋隨藜杖遠香坐桂華深到處供尋樂無遐空谷心

聞蟋蟀

枕上耳偏聰秋聲入夜蟲何曾催懶婦獨易感衰翁姬

孔俱相識唐幽各有風吾生不逮汝名載聖經中

重陽前一日立甫招集潭上草堂遇雨

預趁晴相約偏隨雨到門不逢今日飲安證古人言

客

滿城風雨近重紅蠟燭花濕白龍潭影昏醉翁連夕醉
陽句欲以命題秋興健壺樽

病起

連陰積雪厚封閉蛤腮前寒向火爲日病求棧作天
言醫
發能活人然較康熙問領倍身心一室靜苦樂百情捐
從不止貧士不敢過而問焉
莫信長生訣彭聃有盡年

新年臘盡日 張文敬公葬病未能會

八年前臘盡天氣極晴暄閒鼓橫雲檝歡遊司寇園今
日成千古明公下九原病餘寒雨路未逐挽歌喧

枕上作

唐堂集 續

卷七 五言律詩

四

朝來疑曙色私喜必新晴童子推牕看天公積雪明擁
衾仍臥穩添絮與寒爭且待紅輪出起來呼更生

酌酒催梅花

陰雨羈春事梅花風信乖憑將一樽賞催得數枝佳火
速乘韶節寒香慰渴懷底須煩羯鼓紅紫漸盈堦

卽景

二月晦春分前一日雪
三月初十日食次日陰晴

雪霽太陽蝕春分春不知寒深裘力淺陰盛酒情衰食
坐筇稀策嫌癯鏡罷覩詰期眞上已未必采蘭嬉 古以
初已爲上巳今歲三
月三日是已巳日

大風雨泊黃浦

無端來渡頭桮杌繫孤舟急雨催天暝狂飈挾浪愁春
寒偏轉劇人老只宜休三十里如此那堪更遠遊 時有
揚州

夜行枕上作

安臥覺舟行風帆颿有聲不知江月黑曾否夜潮平捩
柁喧三老挑燈話四更正酣童僕夢猶認渡頭橫

月

今夕又逢月二分春已徂光輝寒色淨佇立老懷孤陰
雨有時有閒愁無日無明蟾應與約圓處一傾壺

梅花書院次查星南太史韻四首

唐堂集 續

卷七 五言律詩

五

到此意超然風花別有天南岡忠義塚西寺辟支禪萬
樹綠陰直一池青鏡圓最宜凭閣望茅屋起炊煙
亭子環梅樹來遲不見花殘香猶客裏斷夢已江涯羣
木紛成蔭餘蔬競茁芽結廬人境僻何減武陵家
來雨兼今舊涉江相後先一時同硯席此地足林泉白
日垂簾過紅塵隔水捐古賢多別業名勝藉人傳
旅窓靜無事墨瀋涸毫尖嘗茗試清苦垂帷尋黑甜門
庭芳草合晴雨熟梅兼爲客忘衰醜不知明鏡添
悠然

風吹別院門簾額捲波痕偶看砌葵落又聞鶯雀喧延

青來樹杪抽綠上籬根觸景悠然趣生機活潑有

梅里邀同吳劉蕭曹四翁泛舟城北

吳生招五老同上木蘭舟四百十餘歲丙寅七月秋綠
尊娛野水白髮醉揚州一日足行樂詩垂千古留

紅橋王氏園

艇繫紅橋畔人扶綠竹間高深途曲折天地景清閒花
後荷秋水香初桂小山遙看風雨勢坐嬾不知還

蓮性寺新亭子

御題蓮性寺水邊藕花多小憩喜新築斜陽明逝波飄
存紅白瓣開臉兩三荷誰嗜瀝溪癖遊人汗漫過

唐堂集

卷七 五言律詩

六

地近空王水面色香皆悟道
花開君子溪心風月有傳人

歸舟大雨泊葑園不得入

恣遊不畏雨雨重滯舟行新漲濶平岸疎林高隱城園
亭闕秋色笠屐動鄉情載酒且豪飲燈花濕一檠

次韻寄題尹制府新築二首

蔣山重駐節山色望中延

望山處署
中齋名

左右兩江水東南

半壁天勲勞酬樂事雅頌積吟編上下牀懸絕何當風

雨連

不繫舟何處

新某齋名
不繫舟

神馳在目前收颿風力駛張幔

日華穿檻納三山翠牕臨萬戶煙都人依戀切且覓綠

楊邊

蘇揚族大承顧談及新築索題且謂與歐公
畫舫齋名似指殊蓋寓意於踪跡之無定也

夜泊瓜洲吳步李郡丞餞於江邨別墅

載月槎孤舟真成秉燭遊歸心牽別墅回首隔揚州林
壑惜已暝壺觴歡未休深情過千尺淼淼大江流

寒月

時歸自
廣陵

白首見明月清光如少年少年逝不返相對一凄然客
裏尋常照歸來懶情眠今宵扶醉出寒重怯霜天

懷陶宅舊居寄弟子兄孫二首

先人遺敝廬踪跡數年疎鄰有酒家幘門無長者車場
榆高幾許園竹蔭何如念爾俱謀食莫輕違里閭

唐堂集

卷七 五言律詩

七

自我谷陽遷鄉居餘數椽衡門三世聚老屋百年傳垣
牖須頻葺樊籬莫放穿東西總流寓祖德荷綿延

范魯望仿昔年送盆蘭盆梅而不索詩仍答之

又見雙花到如逢六載前歲華增老醜時并轉清妍入
室韵超絕臨風思渺然芳馨勞寄贈春發五湖船

賦得開瓊筵以坐花

金太學齋同王東使周
北都徐明府題文

布席花相向風吹香氣迴青陽無限好紅樹一齊催序
歲差肩列分曹促膝陪僊僊莫起舞覓句正銜杯

薛石

愛向東庭坐怡情薛石間綠香微借雨蒼潤小疑山屏

對如橫畫湘行憶曉鬢平生數遊跡寓目當躋攀

盆池

一勺易盈盈江潭亦此形魚輕不起浪雨重欲開萍盆
沼今棲跡瀛洲昔荆亭渺然亭下水感觸夢中經翰林院有
蘇軾亭閣學使署子以養心亭爲小瀛洲亭有記

門前

門前張雀羅雖雀亦稀過五日况煙雨一樽還嘯歌蒲
葵生氣足水石野情多俗子絕不到清風如澗阿

閔邸抄巴陵同年黃御史賁君逝齒錄已九十

同榜敦同姓湖南南極星羣公紛後起廿載卓前型碩

唐堂集

卷七 五言律詩

八

果彫林下春風咽洞庭吾衰亦大耋枯淚爲君零

臥疾

孤旦飛騰過羸軀深中寒采薪唯臥疾辟穀竟忘餐醫
用回生劑吾思葆道丹寥天方寸裏紅旭太和團

冬至

純陰前用事寒疾祟人多便向一陽活已沉連月疴釣
天無夢到滄海斷仙過只享日華暖其如五九何

七言律詩

宋節婦孝行詩 有序

顧氏石筍里農家女適宋九蘭早寡無子力事舅姑

姑亡舅以老諸生貧甚又病廢失館婦極苦孝皆人

子所不能爲者舅既壽終婦欲嚮所居以葬三喪而

後目可瞑也葉員外霽園捐地姚秀才景青倡募葬

資以存其廬

未亡人既乏遺孤尙有高堂不殉夫代子渾忘身是婦
事親能奉舅如姑食貧困壁心膏竭送死三棺血淚枯
似此窮嫠兼節孝搜尋列女傳中無

張大木六十初度在七月移九月會橫雲山三首

碧澱波縈學圃居鳴珂里第有經畬風塵馬首耽歸隱
歲月龍鱗老著書三十年華登榜後五千文字出關初

唐堂集

卷七 七言律詩

九

金飈吹處傳瑤札人在蓬壺鶴駕車

降辰初度火西流且待蟾光一再週變露爲霜天氣改
登山渡水物華收桑蓬內則雖移月且菽豢風總繫秋
纔過重陽堪載酒介眉餘事作佳遊

寥陽香案記前身甲子塵凡甫一巡地有丹楓天有月
秋爲白帝酒爲春君真喫紙騎驢者我亦尋羊叱石人
仙籍也分衰健在寒蟬不比鶴精神

蘆花帶和霽園二首

汀洲折取雁銜餘一束霜花拂拭初風絮剝猶飄几樹
煙埃侵不到琴書松枝椹葉清相亞塵尾麟鬚儉弗如

縱有敝時常握手茆茨長物稱幽居右短

掃地頻教丈室清蒼兼白露記前生輕微不中陳蕃使

勞苦常隨魏勃行畫字荻灰能滅迹註經若見帶注疏慣

知名落花落叶颺颺淨猶帶秋江風雨聲右長

苦雨

今年豐稔十分過晴到重陽雨水多穀貴久煩官奏疏
秋收已迫吏催科東籬酒可遲尋菊南畝霖將損刈禾
老耳未聾愁不寐夜深敲枕聽滂沱

重過東洲葉筠客移尊黃雪山莊分得無字

白雲紅葉泛東湖又引吟肩入畫圖泉石更添三徑好

唐堂集續卷七 七言律詩 十

松篁却忘一花無小山桂後新驛客大阮林中舊酒徒
情洽景暄據盡醉斜陽筇影不須扶

張東亭新居

分宅採花涇一灣乘春才子此怡顏圖書水陸幾回載
樓館高深多許間太史占星當北斗蒼生望雨即東山
谷陽橋遠勞相憶容我扶藤來叩關

雨中梅花限十蒸韻

笠屐來探策短藤林霏炯碎點窗棂江南欲折香難贈
水外相逢笑不膺春淺華清隨意浴波寒洛浦一時淩
翻驚落處沾泥早玉笛聲中吹未曾

四白倡和詩既題簡端亦次韻四首

難得東皇超世情獨推太素壓繁英遊蜂戲蝶誰家檻

姹紫嫣紅何處棚楚客空摹神女賦號姨枉占麗人行

清平三字瑤臺月端合拈來註小名右白

洛浦盈盈曳素裳江皋脈脈洗紅妝恰逢避暑空凡豔

相新綠舟入妙香窺見水簾真淡遠夢回火宅也清涼

變風陳鄭無分別菡萏荷華補一章右白

小砌幽花白露前羞將顏色逞纖妍相思漫寄綃中淚

半睡閒拋鏡裏鈿名借春風分澹泊命隨秋雨散勾圓

夜深瞥見唯螢火心地惺惺不受憐右白

唐堂集續卷七 七言律詩 二

最宜涼月白紛紛耐久朝暉與夕曛老圃乾堆千片雪

疎籬淡養一痕雲九秋素影鶴無語三徑寒香僧欲聞

相對餐英人獨自鬢絲慵入少年羣右白

海寧謁陳相國時以遷葬事暫假在里

京國門牆隔歲年親承色笑錦堂前兩朝鈞軸家聯武

雍正朝文簡六相臣鄰浙並肩大學士滿漢六人錢閱

公爲叔父公爲叔父視河防行禹甸指陳星象在堯天莫因負土荒調變蚤

爲蒼生赴日邊

俞廣文歸泰州步韻送之二首
一篋之書謗樂羊由來宦拙挂彈章君今已免離黃口

人亦咸知清白腸初日團團空見奪諸公袞袞有何長
川塗蛟鱷山豺虎最穩生涯是故鄉

煙火儒宮自懺除不愁風雨蔽先廬河東早說盧遵學
繆淵正先生周旋京邸君姊壻也柳州有送內弟盧遵序州裏猶傳胡瑗居同里便
趁孤尊鱸膾去肯謀雁鷺稻梁餘吳陵泉石幽棲好莫
話堂前三鱸魚

送章荀儔之銅陵

單舸輕帆楊柳津大江北去物華新名區寥落徒千古
太白登臨有後身門外寒消三尺雪堂前風入半池春
莫虛此地銅官冶爲待經師來鑄人

唐堂集

續 卷七 七言律詩

三

喜晤尹尙書督府以公事莅松四首

蘆中驚喜得雙魚天際遙傳尺素書
數日前計日郵程貽手札
瞻莅止臨風官舫謁興居重逢北斗光輝接大慰東雲
契濶餘忘分部民慙朽鈍緣陰郊外賸干旌

聖朝中外仗公才勲績全從學問來幾萬里皆沾雨露
歷滇黔川陝
重督兩江
十三年又炙風裁波濤手障洪河曲帆檣
躬巡滄海隈知爲封疆勞勩久精神翻勝昔追陪

授簡叨承文字交秦淮嘉話盛傳鈔滇旌別後人催迫
吳艇歸來局混淆磨蝎命遭圭有玷塗鴉心負硯成坳
若書歲月空回首敘入閒談當解嘲
或遂指補

診痛誠之傳然不能代人任咎也生間談及爲笑

江城閱武奏鳴笳雉堞周遭百萬家士馬六營原整暇
葵榴五月也光華占星暫駐嫖姚幕遶海親乘博望槎
目送旌旗楊柳外風雲一路擁高牙

九日集蔣明經詒久書堂

絳帷弟子登高去便作東籬詩酒場三徑客來無俗樂
九秋月出最清光主人話舊情如昨太史譚經坐此堂
昔王宮贊館此詒久未冠今授徒滿堂爲碩師
花觴

丙寅歲上巳

唐堂集

續 卷七 七言律詩

三

上元霏雪花朝暉佳節春寒未是佳今日禩辰如此雨
昔賢遊跡一時埋三三祓水祥何益六六調陽政已乖
閒却樽前辭賦手氣清天朗繫胃懷

閏上巳

風風雨雨太昏酣先後相逢三月三故事未修應續舉
良辰可補又空談桃花流水春何在草色寒煙望不堪
長嘯倚欄人寂寞亂紅飄處滿江南

史閣部墓

在梅花嶺下

碧血青燐幾夕曛蕪城戰壘久耕耘當年半壁支無力
此地孤忠哭不聞閭外尙餘亡國恨淮南未奏出師勲

十三陵下歸魂香只傍梅花香滿墳

蕃釐觀

亭臺無恙女貞枝大耋重來非昔時閣待萬金螭有吻
彌羅閣北商捐萬金方鳩工重葺門留雙鐵獸無頤鐵獅歲深風霜自口俱缺
記瓊花曲車馬誰過后土祠見說玉勾遺井在寒泉秋草不禁思

酬別諸相識

朝來準擬上征艤歸夢連宵已渡江萍跡喜從千里合
鐘聲愁聽五更鐘山川古意餘樽酒風雅新篇滿客臆
珍重諸君紛惜別衰情慙愧說無雙

唐堂集

卷七

七言律詩

古

登一覽樓

四五老友暨小孫光那同登

一覽樓頭春靄初雨花堂後午鐘餘慈雲縹緲梯相接
老景婆娑杖不挈大海東南連蜃氣九山西北拱僊居
和風暖日借童叟登眺之間意豁如

賦得二月春風似剪刀

韶景平分九十春風催花信幾番新阿姨大展裁縫手
少女親爲擘畫人飛燕也捎雙尾急垂楊初剖萬絲勻
吹噓一夕江南徧翻勝隋宮樹樹真

海棠牡丹相繼開以詩代酒賞之

繁華不斷逐時開整日紛紛紅紫陪老子頓忘寒骨相

女夷頻逞豔身材淺深地媪滋膏發先後天孫組織來
等是春風花裏坐輪他金谷倒尊罍

客述綠牡丹因詠

歐陽洛下何曾記太白沉香那得逢郎國衣裁渾閒色
石家樓起稱嬌容枝頭想像樓么鳳葉底參差誤蜜蜂
穀雨池塘春未了名花先試綠陰濃

長夏閒居自述四首

藜藿楚然罕足音階除曳杖自行吟故人音問炎涼絕
老我周旋歲月深薄宦煙銷春夕夢浮名灰燼暮年心
鏡中憔悴添如許那不偷閒擲寸陰

唐堂集

卷七

七言律詩

五

俗塵未免近郊廬養拙終須樂靜便筋骨貨財空自髮
風雲月露自青天秋聲木葉相間外春色桃花不礙邊
佳興逐時閒領取炎長日爲誰煎

曉涼催起憇庭隅默溯行藏可繪圖全局祇成書裏蠹
勞生空過日中駒乾坤事閱三朝迹君父恩慙七尺
軀幸列大清人姓氏茫茫懷葛勝虛無

八十老翁無所干灌花莧草課程完時親枕簟銷炎暑
設想冰霜託歲寒孫送書聲知在壁客投詩卷怕登壇
尙賒一事營生曠突兀何年到眼看

高倉

山水新安天下稀高倉吾土念依依祖宗祠墓憑誰展
子弟郵程代我歸登第後歸官京師命季弟之梓里粉
鄉身未到白巖黃海興空飛蹉跎下成枯瘠魂魄他
年誓不違

耆詩有序

爾雅曰耆老也郭璞注八十為耆易曰不鼓缶而歌
則大耋之嗟詩曰今者不樂逝者其耆予境於嗟隣
於逝戒兒輩無舉觴而朋戚向以禮幣相餽遺間投
風雅是日也俄而樂如聞韶籥俄而歌如和陽阿俄
而歌與樂亦逝矣樂括為唐律以存之

唐堂集續

卷七 七言律詩

夫

三十孤辰詩僅存十三卷俄躋大莪長兒孫應酬衰
甚不為禮故舊情多仍到門菊澹經霜秋愈傲人臞類
鶴病猶驚墨緣硯債都償畢從此安閒吾道尊

病起

沉疴初起慕遊仙縹緲清虛息世緣水踏十洲平似掌
雲包五嶽小於拳雌雄劍倚青天外金石丹成黃帝前
忽記爛柯嫌晷促不如詩境度餘年

次韻答姚安圃

氣調騷壘建旌幢管領煙霞在海邦行卷光芒珠照十
贈篇珍重玉雕雙老成風動鸞花社與小庄需周東寒

女春回冰雪應徵宋節婦朽質自甘三舍避毫鋒鈔利
敢相撞

唐堂集續

卷七 七言律詩

七

唐堂集續卷八

華亭 黃之雋 石牧

五言排律

東軒詠寒月限韻

皎皎東軒月寒芒徧海邦揮杯一以勸對影未相降菊
暗陶家圃主人會楓明蕭寺幢寺鄰經宵行北陸耐
冷渡西江古戍悽吹管歸漁空載纓娥鸞無熱態霓羽
罷秋腔霜洗光如一潭清印亦雙冰輪催玉杵水鏡拚
銀缸霄迴時間雁年豐不吠龍萬家方夜作偏照此吟
應

唐堂集續

卷八 五言排律

生日對菊創爲一韻體成六百字

斟酌送來酒勸酬澆此花孤芳標九月清品冠千花南
斗吾初降東籬爾正花秋容占晚節春夢憶浮花微命
書中蠹纖長筆底花螢囊頻替火雪案慣堆花陶宅蕭
蕭竹申江瑟瑟花嗜違羊矢棗踏欠馬蹄花飄蕩隨風
絮優游逐浪花乾坤鄉外客山水道旁花湘楚天如畫
場吳女似花鳥啼薊門柳鸚語日南花記室蠻牋檄歌
場羯鼓花家書轉魚雁旅邸度鶯花日月雙九矢星霜
兩鬢花淬磨歐冶劒攀折廣寒花辛苦從闍棘蜚騰附
榜花始窺中秘署能賦上林花玉作排班筭金爲歸院

花趨 朝五更漏傑直八甌花 御硯端州石 宮袍

漢府花承 恩香滿袖奉使錦添花官廨三條燭征輶

四照花黃鏞巡泮水衡鑑拔江花曲曲灘流路番番風

信花雲形無定影機樣不同花絳闕仍依日元都重看

花驚廳吹斷梗凍霧著薦花宦拙顛盈霞精衰目炫花

竟辭公廩粟還對故園花田僅供鉏菜溪應比浣花晴

隱乾墨藩雨几落燈花徐市神仙藥尙平兒友花生涯

殊草草世界儘花花醉白池邊樹飛鴻堂裏花杖藜扶

足力啜茗潤心花天竺尋湖艇長干訪雨花漫遊爪印

雪微笑手拈花志館叢殘葉詞壇爛漫花纂修既陳迹

唐堂集續

卷八 五言排律

二

宏博又虛花協律心通籟談經舌湧花料難迴槁木翻
使發鮮花學殖多荒莽辭條乏粲花功名草頭露事業
眼前花花入莊生蝶幻開湘子花後彫存碩果前劫付
殘花晉代姬名葉唐朝將姓花也成墳上土差勝濶中
花東野歌留句詩人命屬花相逢須痛飲欲醉必名花
庚漸垂八秩甲逾周一花今年秋又盡老圃昨初花葭
白一方露楓紅二月花重陽過風雨旬日斷煙花天到
隨陽鳥地生延壽花稽之古月令明是我家花徑掃非
緣客筵空亦坐花幾叢霜下藥十色盎中花豈祝期頤
算聊娛隱逸花頽齡當素節幽賞答黃花

賦得日長如小年十六韻

夏律薰風裏梅花書院深舒長因靜坐消遣費閒吟子
午殊修短朝昏閱昔今一清平旦氣未凜歲寒心隨地
留義谷何人逐邵林隙駒過緩緩野馬動情情延佇窺
籬竇流連憶水潯戈揮三舍復縈縈六時臨柯欲瀾樵
斧杵應磨女針星躔纔幾度書刻也千金壽考倍而得
神仙思不禁驕陽宣子避涼夢孝先尋茂樹難移影微
會修作音蟻行方右旋烏蟻背西沉測暑永已極程功
勞未任若非緣老懶能不惜分陰

鄉行涉申江遲友不至舟次成二十四韻

唐堂集

卷八

五言排律

三

陰霖忽放晴知我作江行菜麥農家盡煙波漁子情問
塗甘里遠遶渚一舟輕草木獻新色鳬鷺尋舊盟眼隨
天影曠心喜浪痕平曩歲頻于役長川吁可驚湖湘翻
海狀閩粵險灘聲底事依帆櫓無端逐利名韶華隳白
髮藥餌闕黃精回首今安枕乘流此濯纓茸芳野潤
泯泯古渠清岸豎看驅犢船孺聽賣螳青泉花港釣綠
隴柳灣耕有客朝來約相期水次迎不知篷脚滯何處
渡頭橫日晷中而具春潮落又生泊厓終杳杳隔浦但
盈盈田遠何人宅林藏誰氏塋東風寒食近西崦夕陽
傾篋取韵書檢囊攜詩卷評因閒消坐臥無侶省酬賡

斷炭焚婆律名香深孟酌女貞名酒水涼飄燭短應與漏星
明倦寢宜多夢荒涯不報更

七言排律

送侯元經調任江寧丞二十八韻

浙東才士知名久文采風流致自佳百軸雕龍推手筆
萬言倚馬抒襟懷吐光璧社珠初現射斗豐城劍不埋
駿骨有涓珂作勒蛾眉無灼楮爲釵待撻鐵網充方貢
始赴金閨與計偕上客夷門爭汲引卑官柳下且安排
老大逖跡甘尊餉少尹多情治韭鮭黃歇浦邊針芥合
侯芭字裏筦弦諧哦松清暇頻垂盼采杞賢勞忽奉差

唐堂集

卷八

七言排律

四

歲序變更徒夢想寒暄問訊總聯乖花封乍攝潘安策
畫舸重懸米轍牌蒞止九峯增氣色昭言三徑忘形骸
人如玉樹棲鸞鳳邑是金山革虎豺時署金山令社稷民人
朞月可文章政事一時皆量移復折臨岐柳遺蔭猶依
聽訟槐帆席乘風辭滬瀆樓臺近水赴秦淮梅舒白下
城隅寺月朗烏衣巷口街六代關河真繡壤羣公碑碣
儘磨崖雖君未改張晴位此去應超李白階恰遇大賢
今督府總督尹尚書會招下走昔衙齋十年別已丰儀隔八
表衰非少壯儕敢達魚書千炳蔚祇憑鳬舄頌雖階扶
搖紫氣腰間組翔步青雲足下鞦大匠所收咸柱棟巨

川欲濟豈桴薄爾縻好爵鳴陰鶴今子登辛我困荒江

跳坎蛙離緒扁舟維曉岸嚴程殘雪長春荻牽衣一紙

方揮草判袂雙扉又閉柴倘荷舊逋詢近況漁竿樵斧

倦生涯

詠牽牛花十四韻

寓齋賸斯花澹雅可愛題贈一小詞連朝盛開不已

若婿予求益者放筆爲此少酬其意

花史秋花非一種牽牛小卉擅輕纖綠絲幔淺媚媚出

碧玉杯圓薄薄佔爲喜依人開藥圖每教待旦捲筠簾

此中空洞唯承露與我周旋不附炎珠斗三霄躔次隔

唐堂集

卷八 七言排律

五

銀河一水別離兼凌晨吐氣張瓶口昨暮含胎點筆尖

只恐驕陽熏翕赫何妨微雨沐霰霰未遭青女新涼嫩

好借黃姑小字添欲哀詩香雖漠漠便耽野趣也沾沾

嘉名尙少雙星配長命從無一日淹紺紫相因非色染

紺則紫紫則紺耕犁勿用且身潛籬頭立處藤爲藉階面飄來

蒂不粘而落高寄獨窺東壁瓦淡交長對北牕簷風流

小雅吟蓑笠老牧人呼定莫嫌

五言絕句

詠諸葛菜花

春蔬未忍擷任爾長根芽遺植思忠武千年碧血花

吉祥草

吉祥花作叢結子珊瑚紅老夫親昏水折供膳瓶銅

谷陽門內觀桃花

傳說小西湖西湖今已無桃花千百樹遺豔此城隅

絡緯

絡緯終夜聲布帛無一縷可憐被虛名竭力徒振羽

渡江

天青日出時江水綠漪漪船在金山過山僧睡不知

東壁雜詩三十首 有序

予出門所寓皆東壁見前集東壁記今夏至揚下榻

唐堂集

卷八 五言絕句

六

梅花書院之中堂嫌太闊徹詰且周視亭館廬舍廊

廡堂塗見東偏有屋十數間幸幽寂宜予性亟徙居

焉贈聯所謂北郊詩境池邊草東壁書香嶺外梅者

也書院在城北隅門外有池西有梅花嶺故云蓋東

壁至是而五矣居六閱月凡所得五言絕句咸次第

係之

高軒騶從來踏損碧階苔稍喜東隅僻有時門不開

藤蔓穿籬弱動搖煙露中何時北窗坐一面綠屏風

急雨洗炎過斜陽生霽餘獨行花影裏涼意上衣裾

診脈身無疾談星運未衰客言姑自慰家信以相貽

門外荻籬笆問鄰思乞花相逢莫相避吾亦老農家
當天赤日長架作一棚涼人惜遮牕暗吾能養目光
指爪衰無力卷衣搔背癢不知雨欲來一陣瀟瀟響
家家業灌園野意入黃昏戀此踟躕立休令早閉門

皆以種
花爲業

西園蕉葉綠閒映一空亭可惜昨宵雨不移窗外聽
諸君日日逢衫履不須恭西閣坐移晷遙林聞暝鐘
院中夏木繁惜少數竿竹吾思趁雨栽寒碧蔭書屋
隋錄曾酣誦唐篇亦豔吟如何棲宿地只是起歸心
酷暑及清旦出門勞應酬東籬問幽草閒裏笑人不
唐堂集 續

卷八 五言絕句

七

北戶迎風入結籬如短垣不嫌方尺地日涉卽吾園
飛來夏木棲音澀尙能啼相逢惜遲暮今始識黃鸝
六月雨生寒絺衣便覺單僮奴不相問行笥自尋看
蟲清宵絡緯花淡曉牽牛涼意無人覺一籬風露秋
養石慣添水供瓶常換花物情觀不盡小几足精華
徂暑晝方酷涼秋渺何處北牕蝴蝶來相約夢中去
小門東壁東一徑野田通婦孺經過處蔬畦如畫中
一枕避秋暑北風驅雨來寧使几硯濕洞然牕戶開
鄰家種秋色欲買不可得剪送多錢翁能令倍其直
人皆與友俱我自客窗孤明月來簾外清風入座隅

天晴畏秋暑天涼厭秋雨豈是做天難人心漫無主
雙忠祠裏樹孝子墓前花蟬噪夏陰歇蛩吟秋月斜

宋李庭芝美才孝子本朝
蕭日曠祠墓皆在書院中

素面不施粉紅顏仍淡妝相見舊相識小名秋海棠
照水白髮短照鏡白髮長呼工整容貌削淨一頭霜
客醒枕邊夢蟲鳴階下秋隔窗不相涉偏惹五更愁
擁衾寒不寐知降五更霜殘夢續初醒朝暉紅上牆
東壁判年留南柯一枕遊昔曾填樂府唱徹夢揚州

夜雨

窗濕一燈昏瀟瀟春雨繁海棠枝上水滴醒睡時魂

唐堂集 續

卷八 五言絕句

八

采蓮詞二首

采蓮復采蓮姊妹共乘船權入花深處莫逢人岸邊
葉東采蓮花葉西采蓮子采采何不盈所思在秋水

楓葉

楓葉城城語霜華非我心不願爲紅樹願爲青楓林

六言絕句

池上雨過口占

蕭蕭一陣清響颼颼三分薄寒散入水陰無迹飄來秋
氣成團

東軒桂下小集

窺客籬邊小鳥留人樹外斜陽盡圖醉態吟態氣味花香酒香

落花

鴈外落如紅雨花前減却青春不能拾起還樹且喜飄來上身

偕同人晚步田野四首

脫帽單衫閒出落霞斜照暮遊今日尋常行處昔賢盛

說揚州

此地園池擅昔多年田舍無春陌上偶行懷古路旁常

立看人

明萬歷間僧樂圖故址

唐堂集

續

卷八

六言絕句

九

同人于野隋堤十畝之間竹西領畧秋郊風景豆棚瓜

架蔬畦

籬犬池鷺不俗牆花岸草俱佳樂莫樂今秋意適其適

耳旅懷

稍葺詩境為課孫之塾

一室風光及春半庭竹石宜人詩書中有真樂筆墨外

無俗賓

七言絕句

山行

山徑踏來嫌未平旁人扶過石橋行松風乍靜客無語

黃葉堆邊策杖聲

題曹采荇詩藁代序四首

給事吟壇舊往來久聞嬌女在瑤臺魏朝父子多風雅却少閨中繡虎才

寄興花光與月華性情流露德柔嘉賤毫不數班彪女

名媛豐生是一家

曹豐生班昭增殊有才慧

掃蒼才藻擅春江佳儷遙知玉一雙著得國風詩首卷

墨花吹出綠紗窗

列林傳示此琳瑯四百餘篇一一搜却笑玉臺新詠序

未曾窺見晚晴樓

葉以樓名

唐堂集

續

卷八

七言絕句

十

見里中赴南省鄉試憶舊感今六首

曾賦金陵懷古篇報恩塢頂蔣陵巔孫升到處誇趨境

此事於今六十年

白門幾度赴如家巷陌亭橋記不差老去却忘誰氏館

隔簾鸚鵡慣呼茶

茉莉穿燈臺跨街簫聲月色鬧秦淮吾衰縱使移家去

桃葉渡頭無好懷

制府風流舊往還當年記載有無間

尹尚書商定省志後人恣竄改易

江未溯雙魚便何處滄桑問小山

志餘所築

同榜雲龍我索居星輅如夢美莊虛江南桃李新栽好

古貌修髯鄧悔廬今典試南省

老人門外久張羅赴試紛紛不我過寄語夕陽衰草外
六朝風味菜傭多

楓葉盆景

雅人載酒泛舟吟俗子徵歌鼓櫂爭赴橫山看紅葉
磨堂安坐對楓林

新植西府海棠春無花立冬後開數枝一月不斷
霜枝十月海棠紅點綴疎疎淡淡中知爲主人榮晚節
不將顏色媚春風

海棠

磨堂集續卷八七言絕句

士

閒庭蠡蜨趁韶光開擁紅雲一樹棠得意春風君莫妬
曾經辛苦試冰霜客冬如花

食冬瓜作

冬瓜入饌本常蔬場屋親嘗一月餘十鄉試一會今日試每三場

老人驚此味香湯皮枕記當初

朱運使招同人載酒自紅橋法海寺至蜀岡而返

得詩六首

城北沿濠長荻芽葑園臨水是誰家停船相訪不能去
肯負欄邊芍藥花

萬綠陰陰擁盡橈載將詩意過紅橋柳絲荷葉今無恙

白髮遊情未寂寥

逶迤西北水之隈蔓草纍纍萬土堆何必隋唐弔遺蹟
眼前樂事只銜杯

祇林翻似百花莊載酒來登春雨堂檻外畫船油壁過
樊川風味惹思量

平山堂倚萬松顛泉外重開第五泉六一有靈應記憶
舊遊三十七年前

松間人影出斜陽一路肩輿下蜀岡芳草多情加倍綠
水邊橋外爲誰忙

題賀吳村嘉蓮圖小影二首

磨堂集續卷八七言絕句

士

紅橋西去梵王家四月陂塘藕未花異樣色香先入畫
水風吹繞碧臙紗

菡萏香中水一隅柳絲影裏坐雙趺會過春雨堂前飲
悔不相逢賀鑑湖

謝馬嘯谷餉酒兼柬全謝山時寓馬所

磁蓋雙鉗鄭重封香橙清醖五加釀步兵厨下分甘處
曾否先澆磊砢胸

西閣

城陰樓閣一枝偏屋外鳴蜩午樹圓久未往登西閣望
不知秋色到誰邊

由篠園步至平山堂歸飲舟中載月而行

策杖堂前不厭頻隔江山色澹迎人尙餘遊興攜尊在
醉看船頭月半輪

野圃訪菊

杖藜陶經訪花來未到重陽次第開老圃不知黃菊貴
等閒紅紫一畦栽

題秋色上蕪城畫冊

春餘夏始此間遊過眼雲煙到九秋感觸年光如畫裏
丹楓黃菊是揚州

雪

唐堂集續

卷八

七言絕句

三

久旱田塍菜麥乾雪花深處滿城寒也愁貧士無衣褐
且喜農占豐歲看

諭花

風雨春城颯沓來庭花都是昔親栽芳心爲我包藏好
選個晴天緩緩開

郊行

訪友春郊扶杖行家家不值少人迎草痕水影沿歸路
只有東皇一片情

牡丹

枝枝穀雨帶香開日日春風坐百迴新疊檻邊坡子石

好安花底醉翁杯

午日

西郊演劇構一臺輒費數十金工麗相角勝自春迄
夏未已也而龍潭競渡竟廢

歌舞風流狂殺人更無人弔屈靈均老夫一掬離騷淚
空澗白龍潭水濱

大水詠黃雀酒各係一絕句索次韻二首

秋山珍品趁鮮嘗味敵霜鱸稍蟹強殘齒不妨頻下箸
流涎何暇更銜觴

飲興衰頽減一秋解醒五斗不如劉好傾餘瀝澆黃菊

唐堂集續

卷八

七言絕句

西

傲態酣來也化柔

冬月甚佳臥疾不見

慣見霜天月印空耐寒相對賞秋同而今月也欺人病
不遣清光照夢中

詞

五綵結同心 邵文玉納姬

春生白苧花發青溪恰聚傾城名士紅閣吹簫處路人
向五色瓜邊遙指蠟籠翡翠香霏屑彷彿在雲階月地
想到得定情良夜論斛珍珠消費 攜來錦帆涇水笑
南都粉黛東鄰羅綺淡掃蛾眉又何必怕悲勗酸滋

味風流寫偏櫻桃柳是下筆郎君本事從此信寓真安
樂接著溫柔鄉裏文玉肆業紫陽書院因納吳姬昔范丈武功好為詞年四十戒絕子老人
作此迫于張進
士大木之索也

瑤臺第一層 題家貫芬得得龜圖

聞說滄溟南滙鶻騷人構一龕林巒詩料亭橋畫葉隨
境而探色飛思隔水恨未能入坐清談問何幸已筆尖
描出投示瓊函 奇男浦東風雅春申同譜舊曾諳涪
翁吟格大癡繪事待子而三老農雖倦矣話勝情遊興
猶愁訂江帆泛扁舟百里飽看雲嵐

惜秋華 咏牽牛花

唐堂集 續 卷八 詞

五

綠蔓縈絲看籬邊嫩碧染花新吐小立無言嫣然向無
人處似曾相識當年應倩個星名呼汝河鼓問無情有
情五更煙雨 木待客應曙伴藤陰絡緯一聲聲棧杵
清淺玉壺消受露珠少許亭亭推過朝陽便羞縮久難
延佇秋圃惹相思一痕涼趣予寓東蓮新成牽牛花滿籬可愛佳勝郡守曹侯以
付人寶施先生珂雪詞見贈中有此題賦物
意切荒毫技癢即填此調聊用消遣客懷
滿庭芳 屋上鳳仙花

綠卉纖妍紅粧點染但許呈媚階庭綴髮塗爪兒女小
腮情怪煞凌空寄託憑高望越逞輕盈几秋色黃葵紫
蓼卑近不如卿 虛名人尚說鳳翔阿閣仙駐尉城向

瓦縫簷溝暫過今生我道飄飄相墜溷隨緣去休太分明
霜華到纔看傲菊籬下挺孤馨

柳初新 重昭陸南香貽白蕉詞續集

東湖記與銜盃處夜剪燭聽街鼓我家小阮晉望君家
大阮太史皓髮黑髭相顧揮灑風流吟塵未多時同歸
黃土 剩有寥寥舊雨攜新聲竹西萍遇歲華如夢秋
容易老醒眼大晟樂府貯滿篋玉苗金縷帶濃香伴儂
歸去

唐堂集 續

卷八 詞

六

唐堂集附刻

冬錄

序曰冬錄者冬而錄之也自始生至逾冠如春壯強至
艾如夏五十外至七十如秋耄耋冬矣冬而錄之可包
春夏秋而錄之也古無年譜昉自宋人若洪興祖於昌
黎文安禮於柳州呂大防於子美薛仲邕於太白樓鑰
於范文正薛齊諒於歐陽何綸於三蘇黃魯於山谷李
方子於紫陽必也立三不朽之人人誦其遺文而編次
之無自爲年譜者近昉有之然徐文長畸譜李元仲歲
紀雖編年自作不以年譜名充其類其諸王充自紀陶
唐堂集 冬錄 一

黃氏望出江夏世系見贈公權厝志九世祖 諱政公元
時自林寧之上黃遷高倉立規約十則皆格言政公長
子 諱高公高公叔子 諱音保公音保公次子 諱高公顯
高倉諸蘭公季子 諱仕興公仕興公次子 諱顯高公顯
高公長子 諱天賜公生三子析箸手書訓辭深厚文古

字勁藏于家長 諱君叟公生五子第五子 諱福思公生
五子其次贈翰林院編修 諱文遠公 之 諱父也 國初
奉祖母程氏暨諸伯叔父遷松江之華亭棠子橋徙陶
宅生母贈孺人王氏以康熙七年戊申歲九月二十日
歲時生 之 諱小名吉生昔韓退之楊用修皆生戊申長
而慕金之

二

六歲就傅先是有同母兄 諱幼慧贈公他出痘薨於是
益憐 之 諱每出輒攜自隨一日舟經中浦命以指蘸水
畫几書龍龍二字 之 諱摘蓬上敗蘆片隨手折長短排
唐堂集 冬錄 二

成監本體無訛缺夙解四聲蒙師徐瞻生 而 先生當
識會詔客客指席上蛤蜊曰蛤字平作何讀應聲曰甘
未解曰甘感紺蛤他日有舉古語天子聖哲者因舉經
書數語 如康子饋藥何以報德妻于好女於釋珂月稱
爲神童同里路孝廉蒼霖先生 過館塾有銅水中丞
範士人倚酒缸像路持玩曰此畢吏部耶 之 諱進離席
起徐師方怒對客失規則繙綱鑑畢卓事呈覽皆悅同
塾弟姪從兄姪曹聚齒相若春爲秋蟬羣哄爲嬉戲趨
不顧也初誦荷祿校人仲子之類輒從燈下說于邱嫂
伯姊前至左國史漢可喜愕事尤以俗語演述始末咸

謂小子辦說書迄夜分給茗飲餅餌以爲常九歲時塾師張敷五世寬先生每錄唐詩作餘課既讀史記倣游俠傳爲古文師見而喜未冠作金陵懷古屏花等賦父見無妨舉業不之禁

三

路先生著三泖秋濤賦六百餘言過誦一遍歸而背錄之不誤一字路大驚喜其壻董晴川溶貢才少可見之馬文曰陶宅撮土乃產珍異弱冠讀書城南學士里族父武進教諭辰如先生樞語贈公曰是子必亢宗惜吾汝不及見也至三十不遇明經郁覺關羅善月旦人物

唐堂集

冬錄

三

一日大會衆問吾郡近推何人郁云目中見一奇士尙湮沒衆問誰曰陶宅黃某也有與坐者述於之馬曰郁先生士無足當意者君何以得此范太學笏溪先生籍於他所見所著詩詞四六題爲才子仙學使韓城張公試擬陸士衡文賦見而評曰石牧浦東才子而名不傳於浦西甚矣識者之少也風簷走筆頃刻千餘言呈之摩醯首羅必當首肯時蕭縣訓導徐十峯集亦壁賦字爲詩文和者甚衆之亦戲作幽蘭孤鶴等十二賦徐刻入同聲集一時風行海寧陳文簡公時爲宮詹來雲間訪士於笏溪以之馬對蓬延致家塾少作詩餘一

卷名篋弄藁曹十經先生重爲序陶溪黃子申浦才人

之樂架堆萬軸不辭煩瑣之勞詩旨幽奇一字雅有壺觴瘦賦才浩瀚言言陸海潘江夫學工帖括便想看花述寄膠庠選論夢草年經月緯沉迷理障之中雪案風簷扞格騷壇之外何以雕龍吐鳳子獨能兼途使璧合珠聯衆皆莫逮既擅文章之能事復工樂府以倚聲一編長弄清真不減竹山百闕詩餘緜麗在迥漁笛何嫌倚語溫助發亦紅蠟填詞若墮凡音薛侍郎金銀篋製曲况乎兩中芍藥嬌日成愁月下琵琶驚心感恨香鏡而人羞鬢白說筆而客怨彩青于焉寫對鬱鬱生香以此言情情深易醉筆少即嗜音老猶見銀酒錯茶龜依陋巷以爲家窮筌絲竿泛野航而結友相逢剪燭示黃絹之斯辭暫輟鳴榔話紅牙之舊事君推獨步余願從遊燕支傳至千秋浩翁有兩問諸四海江夏無雙後見笏溪尤激賞且指曹序言此老無嗣著述零落幸存之之窮處鄉僻恥驚名泛交今諸君皆宿草拱木矣用志

唐堂集

冬錄

四

疇昔知己時南滙顧侍講成天方爲諸生未相識集赤壁字爲三絕句遙致傾慕亦次韻答之俱見同聲集贈者概不錄遂成知己歷今三十餘年猶白頭往來作雲霞交也

四

贈公三子之仲也公三分其產而仲季俱幼委伯兄操家政兄好行義周急產半耗季弟既長欲自治產不以煩兄兄力不能全給又欲留爲之馬地弟不從兄乃辭家避之之作書慰留願損已以足弟伯兄持書而泣告其友路孝遷路曰此俗情所難君可無出矣既析

居唯瘠田百餘畝宅後竹園一畝躬自莪菽採木棉種
瓜蒞蔬與妻王氏灌園以養父然不善治生父既歿又
遷外海里中鍾袁二姓別比以業耕事與弟棄舊百畝
畝一金既滅恒產始舌耕筆耒為活歲丁丑授徒於家
歲庚辰館傅氏歲壬午祭未館程氏歲甲申乙酉丙戌
館盛氏戊之夏海寧文簡公見招之雋以授祭三載一
旦去而他就於誼未安期以冬赴自是館陳氏

五

年四十三始遊京師應文簡公招也繇水程自八月至
十月每日作詩題曰萍蓬至臨清疾作漸篤同舟杭州

唐堂集

冬錄

五

徐知事嘉定薛巡檢咸虞不起平河姚衡麓太學炎亦
文簡公招同伴行朝夕護視且曰有所言否之雋曰予
固不死也天生我未一用於世豈遽死我哉至泊頭鎮
昏不醒值水涸同人登岸寓石氏宅昇之雋臥榻蒙被
而入至夜頓甦姚乃延醫吳清臣高郵人療治陳公亦
遣與僕來迎貽人參羊裘句有餘日始愈吳謂疾由嘔
心戒勿作詩然仍賦詩為酬曰旅舍蕭然一病身起於
野鶴稿於塵觀濤路遠逢吳客聽樂緣深得越人沁雪
梅花能入腑經霜蒲柳漸回春知君肘後方書秘曾與
軒轅作外臣既至都查查浦詞琬周寒谿錄雨太史首

為延譽先是丁亥歲春

聖祖南巡之雋

集唐詩九十首欲獻未果太倉相因總

裁省方盛典欲編入以未經進呈而止寒谿從臾付

梓為作序云吾郡以詩鳴者始自張季鷹陸士衡兄弟

藩獨標典會泊陳臥子夏藝仲以沉鬱閎麗之筆提唱

壇址願往語盡而意無餘效之者風容色澤外強中

乾海內至有雲間派之曰黃子不敗弱冠即能詩好著

古詩以杜韓為準的暇則出其餘力奮粹唐七律九十首

策無不如意丁亥春大駕南幸有集唐七律九十首

于是乎在願未之獻也而一時好事頗有傳誦之者今

趙京師余謂之曰子之詩不求知於人而人自知之如

玉生於山珠藏於淵石潤川輝不可得而揜矣南巡詩

蜀不梓以問世此鄉黨不朽之榮也洪武初顧謙中以

翻易詩太初亦有和章至今文人墨士傳為美談是皆

唐堂集

冬錄

六

六

吾郡詩人故實也石叢以余同里然終未梓手書如新
序內舊稗唐句數語指香屑集少壯時屢困場屋發憤
游戲為香奩體千首也

次年辛卯歲八月應北闈試九月初文簡公以吏部侍

郎巡撫廣西謂之雋必中式欲招長洲鄭季雅錢偕行

及榜發知卷在施中翰蓋房已薦而落遂辭鄭而攜之

往既屢試失志輪蹄塵沙中作南行日歷山燕豫入

楚所紀山林風土名勝古蹟頗仿鄭注至武昌水行鄰

舟有借鈔者爭閱之或奪而投洪爐中燼矣至粵西則

縱遊山水間搜奇抉隱歸以告公公即命駕往詩篇石
刻徧于巖洞時復負氣使酒觸事忤物唯公相賞於世
俗之外在粵先後七年中間祭已甲午兩科應舉還江
南往來道塗必四閱月公必遣使送迎豐其資斧厥後
丁酉科五十之年已至浮雲野鶴場屋念灰矣

七

次年戊戌歲從西粵歸葺席堂以自號欲息遊爲鄉人
終老讀朱子書思有所著述會文簡公入爲工部尙書
仍見招爲援例入監遂以明年九月至和又明年庚子
歲應順天試祭酒蔚州李公周望季考超等司業孝感

唐堂集

冬錄

七

涂公天相月課第一鄉試中式第十三座主都察院副
都御史孝感屠公翰林院侍讀今大學士海寧陳公同
考編修陽城田公嘉穀中書今祭酒滿洲國公建辛丑
科會試中式第二十七座主大學士時爲吏部尙書遂
寧張文瑞公大學士時爲戶部尙書陽城田文瑞公戶
部侍郎儀封張清恪公副都御史臨川李公同考檢討
全州蔣公綱檢討新安李公如騖時有五策通場第一
之評臨川公曰儲大文張符驤馮詠輩策俱佳至于章
局勻練起伏轉折得古文之法唯子爲備殿試第二甲
第二人 欽選庶吉士查中翰雲標預夢之雋中四十

五名鄉榜發不驗及合三試而名數適符

八

康熙後壬寅歲十一月十三日

聖祖仁皇帝升遐二十日

世宗憲皇帝卽位大禮鉅典例由翰林編檢以上撰文
院長靜海勵文恭公詢於青陽吳文簡公日記新庶常

有一善四六文者吳曰華亭黃某乎公立傳之雋授數

題每奏多稱 旨庶吉士撰文自此始于是同年平湖

陸坡星奎勳嘉興錢香樹陳羣繼之時之雋仍館陳文

簡公所至是文恭言于文簡欲招之雋文簡許之遂移

唐堂集

冬錄

八

館勵氏雍正元年七月奏呈中元祭

聖祖文大稱 旨次日 召見養心殿 賜貂出授職

編修他日

上命檢檔案凡撰文稱很好稱好者列名給賞時陳編

修萬策鄧修撰鍾岳陸錢二庶常皆 賜內府緞一匹

之雋得二匹八月充 日講官起居注凡一月遇 聖

乾清宮早朝雨大 禮特班躬觀其盛有詔重修明史用纂修官二十人

之雋與焉引見西暖閣奉 旨以中贊卽用九月 特

簡提督福建學政

上嘗言黃之雋係朕特用並不由人薦舉云十月祝

萬壽節次日陛辭而請

聖訓 賜視而出

榮君賜敬名其機

遂行自都入閩道由嘉興

距家百里奉

王事不敢過里門後自閩還都亦然時

文簡公寓書謂縮十年于俄頃躡三遷于旦夕蓋由庶常至開坊及視學皆荷 特恩異數也

九

雍正二年甲辰二月恩科鄉試

之雋

正月望後到任即

錄遺通省前任時漳州士變科試不行至是應檄雲集

闈榜發多錄遺前列者四月首巡興化府府屬縣二曰

莆田曰仙遊初莆人海遭海患徙居仙者四十八家遠

唐堂集

冬錄

九

自明近 國初久之蕃衍廬墓昏嫁從師皆在仙遊至

考試則擯之曰爾莆田人也不得冒吾籍雖翁婿師弟

不少假及試莆則莆人拒之曰爾仙遊人也互相攻擊

至鬪毆殺傷不悔雖督撫學屢勸諭禁約終不止

之雋稽故籍興化故有二衛既廢衛童應試併入莆故莆童

倍仙而徙仙者入籍久不宜復闢入莆若又禁不仙試

是終身錮之也於是明倫堂講書畢呼仙遊廩生暨錄

遺月課拔取者環立諭之語音未了則具紙筆相問答

往復盡十餘紙始尙強辭既翕然服四十八家者得試

仙邑自此始明年科試經楓亭驛見穹碑道左鏤頌德

政時三學諸生送者數百人暨兩邑令諸學博咸在丞
命刻去至乾隆元年在都遇仙遊舉人陳荆協云長生
位奉紫陽書院中益慙駭流汗也

十

先是文武大僚相沿習關說學政

之雋深守

聖訓自將軍制府以下咸相諒無所干始蒞興化鎮臣

朱君文循故事屬府言兵造甲無資可謀於學政否

之雋曰諸生寒不向鎮臣求給衣而學臣乃爲兵給甲乎

朱大悅服結歡去時學臣未有養廉而閩例新生有蔬

贊俗稱鹽菜錢是猶夫子行束修之意獨存此以資日給由

唐堂集

冬錄

十

興化至泉州試畢紳士呈請宮保陸路提督吳公題

留再任時安溪相國叔父左都督李公日煜在籍年八

十餘謂歷來學使咸辱往來投分黃君乃吾子光與同

譜而清介寡合洵吾鄉模楷遂首倡之吳公亦言心儀

學使俟三年報滿領留時有馳會城呈總督覺羅滿公

保者亦云由泉達漳而汀汀州鎮陳總兵有功入某游

擊言有銳心屬汀同知李君時攝府事爲提調官也

李峻拒曰是烏可使聞耶陳遂銜李而伺之雋短無纖

毫隙某游擊適與李會飲醉而詆之雋李君曰自吾在

山西逮隨父任江南今仕閩閱學使多矣如此公絕罕

某益爭幾攘臂悻悻騎去離汀日陳餞於郊伶人樂作之傳 酌一杯而起陳耳語曰公考試固盡善惜爲李同知所誤之傳 曰吾固非李所能誤李亦安肯誤我陳語塞後福寧鎮顏總兵光祿 亦然既拒之乃挾武童事伴怒其監射屬員以撼之傳 不能動則踵門謝

十一

由汀州巡邵武度歲是年七月蒙 恩陞右春坊右中允明年歷延平建寧福寧最遠例於歲試後連科試遂旋會歲試福州府五月蒙 恩轉左春坊左中允以歲考畢造冊報部駐福州將行錄科事疾羈久之始

唐堂集

冬錄

士

廖遂於八月徵齊興化生童候試時黃撫軍國材 綠事去代者毛文銓 昔知潯州府之傳 在廣撫幕聞其人至是刻期按臨不及待毛至遣役候問而已自九月至十二月由興而泉而漳而汀皆畢試在汀度歲明年由邵而建而延三月二十三日自延平還會城途次接部文奉有調回京之 旨獨福州府未科試

十二

在閩凡政事竭心力以圖報稱見於文移案牘者必手撰發吏存稿欲於兩試竣後彙取錄之會 召還不及今偶檢笥見漳州科試後諭士文一通云立品敦行是

唐堂集

冬錄

士

諸生第一切要事兩載以來業屢諄諭幾於焦唇乾舌現在訪核優劣分別勸懲倘有抗彊健訟種種犯科作奸等事一經督撫咨革府縣詳覆使者立即依允不能寬宥諸生各宜自愛并與子弟親族朋友凡列子矜者互相丁寧告戒勉爲聖賢之徒至文章千古事有志者必思爲榮世傳世之業爾諸生既錄科秋闈伊邇各宜閉戶加功七義務研究本文體認傳註辭必已出不可稍事剽勦論表判策務平日熟古文爲根柢不可延至臨場徒覓坊刻時務擬本副急使者房師田侍御主試浙江尤重經藝座師李中丞總裁會試及典鄉試尤重後場故入彀皆真才夙學期爾諸生皆爲真才夙學毋襲取一時以微不可必之倖也四書文大約記誦多而性靈少習染深而講究淺如昨試某題云云解題及作文法詞多 不至抄寫刻文似其通病童卷尤多登反以此爲能事而誇其讀文甚富之效耶甚至對題直抄尤無恥敗類有於他題文可套用者必連片寫入雖通人不免殆習慣使然所當銘座痛戒者也文藝乃出身之階梯可現品行勉旃毋忽蓋歲科試每一郡畢生童例謁見既就各屬所宜言者指切面諭懇語音不習又錄於紙俾首名傳通學編觀此漳郡諸學博雕板印布故存

十三

閩俗聚族而居族有命盜欠糧詞訟等事雖平民必株及生監謂其主使包攬咨詳褫革而後審訊迨事雖昭雪身家已毀開復已難反不若編氓之無此一累也之仰體

聖主養士德意詳慎體察然後施行而有司以為掣肘力更以為執拗然未嘗姑息任內亦黜四十餘生矣毛燕軍蒞任未幾於四年正月四日具密摺馳奏曰奏為密請

聖恩事竊查閩省文武生員抗糧不法不比尋常大小

唐堂集

冬錄

主

各官悉心整理猶懼此風不能頓改若再欲於伊等面上討好沽名曲加庇護地方即不可問矣學臣黃之雋凡各屬或因抗糧或因人命詳請斥革必批行再審卒不除名夫既犯抗糧既干人命刑訊猶且不招若有護符反肯吐露實情此必無之事也之雋若不痛改前非則將來文武生員之抗糧不法勢無底止至於文武生員即文武臣工之階級臣敢不實心樂育而肯苛刻待之乎但法若一弛則諸弊叢生不可救藥伏懇

皇上密諭學臣黃之雋嗣後務勿仍前庇護以致寢長頽風貽患海疆地方幸甚奉

殊批果如此將黃之雋調回亦可借此以警戒天下學臣何必屑屑密諭為耶非不得人之缺可比也

十四

部文至閩省中先得報自延平至省士子絡繹夾岸擁舟不前爭先慰問或攜畫師求寫真欲塑像慈峯書院者凡幾輩咸堅却之三月二十四日至署見轅外樹長幅大書宗師清苦輪助路費轎下設匱已一日矣丞傳府閩候三學教官速令撤還次日猶不止則欲劾教官始撤匱各視封識給本生至有儒童樂輸者閩紳士公論謂能兼心齋沈公涵之公思白汪公徽之明三歲中

唐堂集

冬錄

古

各郡贈言不勝載今錄二序以例其餘漳浦蔡梁村先以來條敘一新閩多士爭自濯磨以承德意按校所部自與暨泉若素黍而程之要以致向行誼融貫經史格遵程朱為式凡拾非聖之言纂述異之製者積弗詳閩上謂標之如正鵠操之如鐵石照之如水鑑平之如量衡所謂舉劾懲戒足發皇耳目淳固思慮而又退然不無異辭者及蒞漳其政如與泉加意食諸生感公深邦書試者二萬人公晝夜月餘幾忘寢食諸生感公深邦書乞余言以將頌余德余謂學一脈莫盛于考亭朱子符同安知漳州多政績余謂學一脈莫盛于考亭朱子符為之門緒振鐸之邦又在朱子過化之地崇獎正學身鄭人之誦曰我子弟子產海之吾漳得公何幸哉候動于巡撫謂公介守謹嚴鑒精當杜苞苴罕驥崇尚六經振興古學條敷所至若風之靡草水之注川也夫超冲濤之表者不可涸以埃壙凝瑤璣之質者不可索以疵玷公之清苦自持勞勩勿恤所以仰酬聖天子

特達之知解不忘當日之憂勤蓋公之志在公宜無難者而余獨有以服公之大焉吾聞他承平休養之久士之忠者遂一切束濕治之士風憂勤靡矣公視諸生如家人父子開心見誠諄諄提命自非大不得已未嘗擅一士于宮牆施一拂于衿佩而凡感其意者慮無不為多公以探之明以行之寬而有所制肅肅以和是公之大有造宜其出于自然而不能已也撫軍慮失士心示期二十八日觀風士相語誦說文宗去者撫軍也傳約勿一人往同年李庶常開葉在籍其子亦諸生李誠之曰是益撫軍怒而發憤於學使也速徧告同袍姑往應試試之日毛命福守胡君承謀泉守張君无咎值場事數問學使者何如同儕稱美又問三年內豈無弊兩君曰無唯

唐堂集

冬錄

五

性頗執拗耳毛無可吹索而止四月二日啓行送者四集出閩境始返有號泣者

十五

六月十日至京詰朝赴 圓明園復 命奉 旨革退中允仍在翰林院編修行走先是充明史纂修官而史局未設已出使是歲十月始赴館承修楊給事爾德未修之書撰文如前是月例試天下貢監上欽點魏宗伯方泰以下及之雋等十人在午門命題閱卷凡講官署理者出使歸不補之雋徐實授講官應補原缺值有缺人謂宜求掌院啓奏之雋謝不敏後亦

不問以何人充也五年春偶過大司寇勵公公方手摺紳緡閱諸翰林逐行指詢某某文行如何之雋所知者以實對不知者闕如既出人謂主會試必勵公是欲擇同考何不自託之雋謝不敏而已蓋近科同考官皆既榜發

上命大臣同翰林數人閱落卷擇取可授教職者之雋又與焉是年春以黃河清蒙 恩加一級祭告景陵之雋亦派隨 王大臣後陪祀

十六

府州縣學廩生支給廩膳有定額丁憂出缺他人頂補則廩膳銀歸現廩謂之實廩而丁憂者無廩膳為虛廩亦稱候廩無定額服闋試前列遇缺則收廩不則仍為候廩考試等第冊各省沿舊例如川福等省無論虛廩實廩俱填廩字以出缺頂補支給廩銀年月起止另有冊報明也五年春禮科給事中齊格湯之旭先疏劾四川學政今大宗伯任公爾茂四月又劾之雋皆以試冊浮多廩生既違定例復動國帑為言任已部議罰俸半年而之雋則部議照溺職例革職仍行文福撫確查有無侵動錢糧到日再議以八月七日奏次日奉 旨依議時部院大臣俱在 朝房辦事許考功均持案呈堂大學士朱文端公有造冊事等也一謂俸而一乃革

唐堂集

冬錄

六

職耶之語或言部如此
議耳思出自上達奏在史館僅數月撰建文臣鐵鉉

張昂等傳十五篇凡五十三人藥已上永樂臣姚廣孝

張玉張輔等傳藥未上九月出都惟欽宋山人和客邸

作詩三首送行浮萍載此身期谷口一劍失延津

豈為專美熟不聲錢逐臣達者同出處莊生齊是非何

妨金馬客去掃釣魚磯怪石幽人瘦清鳴白水肥歸田

食一硯數口可無饑君歸吾未返揚子一空亭顧影惜

明月輝杯勸客是清流人似醉混跡眼誰青幾點秋花

落相看十月抵松江兒輩已遷居西郊谷陽橋南杜門

謝客後福建常撫軍資容覆吏部云查造報部冊向無

註明候廩字樣相沿已久候廩生員既經出缺即無支

給所缺廩糧遞年奏銷各學師生俸廩冊內造報扣缺

唐堂集 冬錄 七

解司竝無逾額侵動錢糧之處相應咨達部議查該撫

既稱黃之雋浮開原生竝無逾額侵動錢糧等語應無

庸議附入彙題時國子監學正仁和何君名世謂既據

覆則宜特題開復數走吏部言之徒奮熱腸而已後湯

與何會飲陳文簡公所談及斯事湯言彼時誤聽吏言

幸黃先生恬退不校也

十七

歸里後謁恩姑山墓謀遷葬近地出入峯泖間寫真作

漁樵農牧四圖以見志集古人嵇阮以下迄元人為題

詠禮部侍郎漳浦蔡文勤公雅服之之雋視學欲薦舉于

朝寓書達意報書堅辭之會有 詔修各省通志雍正

九年秋兩江總督高文良公江蘇尹撫軍繼善安徽程

撫軍元章公聘之雋及邵編修泰總裁江南通志十月

開局秦淮尹已遷制府相聚商榷是歲在辛亥歷壬子

癸丑當事屢易迫欲告竣遂以草藁已成辭歸陳文簡

公於癸丑歲冬致仕歸海寧居遂初園之雋常櫂舟造

之必下榻信宿賦詩如昔日時安撫遷浙督因浙志將

付梓甲寅歲冬聘之雋屬閱定自乙卯歲正月至八月

而成丙辰歲為乾隆元年江省鍾山書院山長缺春正

月趙總督弘恩以名刺聘幣屬王副使恕沈太守起元

唐堂集 冬錄 六

作書遣使敦請因遷葬先人擇地未得辭不赴

十八

世宗憲皇帝詔舉博學鴻儒既賓天

今上奉行協辦大學士事刑部尚書今大學士錢塘徐

公奏稱原任中允黃之雋係學問素優文詞華瞻之員

從前罷職尚無劣跡歸田以後更復安靜可否准其一

體考試

上報可部文知照蘇撫文檄敦迫之雋自念年衰學荒

無可應召恭逢

聖主改元一瞻宮闕亦餘生之幸時已買得地謀遷葬

拘陰陽家言年月需期遂於八月入都九月 御試既

不終卷亟欲歸友朋謂天漸寒留俟春暄而行適 果

親王欲延文學之士詢於勵少司寇 宗萬以之雋對

王召見辭不往他日 王以之雋 姓名問詹事穆堂李

公公極口稱譽 王又使禮部郎戴君 臨傳命必欲一

見乃偕往謁 王於邸叩經史之業以老廢學而辭

王命題賦得古人已用三冬足七言律 之雋 出而應教

云從古三餘宜讀書况逢冬乃歲之餘為嫌晷短焚膏

繼那避天寒映雪初朔吹聲中吟互答梅花香裏味堪

咀金門曼倩饒文史竊愧衰遲學不如 王謂戴曰此

唐堂集

冬錄

九

人謙言衰老荒廢者不欲留也不必強之鄒侍講 升恒

送行詩不上朱門設醴筵句指此先是有 詔凡參革

被寬者許赴愬都察院察其冤抑情實可開復者大臣

驗看引見 御定用否今大學士陳公時為副都御史

夙知之雋 被誣移咨吏禮二部查案覆實合例矣既而

聞凡驗看大學士都察院吏部堂官左右列坐其人長

跪門外謁履歷則歎曰老膝不能屈矣徑僱車出京是

日正值驗看期 之雋 居首不至時乾隆二年四月也途

中做東坡集歸去來辭字作七言律十四首名南歸詩

存外 前輩張東亭 夢微 見之亦集辭中字作時文一首

集

題其後 觀南歸之詩知其無入而不自得焉夫世無知

以有是詩乎今夫吾人之入世亦安往而不得其為我

乎時之或去或來委之於天而我之可出而歸自其

是而巳矣吾觀於南歸之詩而知之夫其老成自命既

有人以告於內將復荷任焉以之經世成物而奚有退

道世矯矯而願為遠引乃既已出矣而今何若歸乎始

知可得而不得者人事之無常欲休而不休者世情之

未化是而可以求我而人將僕僕於將迎矣而不休者

命焉世可以求我而人將僕僕於將迎矣而不休者

來矣而子以悅心而無事乎人或不我知而天亦不我知

詩書可以悅心而無事乎人或不我知而天亦不我知

矣即園可以悅心而無事乎人或不我知而天亦不我知

輕矣雖其退還不及者將以萬物為吾與而知老農之

不可為而於其去無疑者不以三事易良貴而何衡門

之不可樂於其去無疑者不以三事易良貴而何衡門

言之期乎行遠而詩以成焉吾觀其詩自出而門以及

車而登臨之倚其僕交遊之密其人易入乎是猶賦東

田時而猶遠寄懷無盡其感人而易入乎是猶賦東

唐堂集 冬錄 三

歸者于室于宇善言其情之往而復已自登車以及人

空而流泉飛鳥之觀遊化日光天之心事歸田而農經

可問扶杖而春酒可攜任天以行不既極景而自怡乎

觀夫懷西歸者非風非車遠不及今之安以樂已雲之

舒吾以知其無心風之流吾以知其入物子得之而去

來無常非出乎清非出乎任其將乘於時而幾於化者

矣前之求不倦非書有曉今之人復引賦以言歸子有

之遺者乎而世人未之或知矣世無相知其將引我為

十九

自幼為舉子業隨手散失今所刻焦南浦曹謬廷評選
唐堂制義六十四篇未刻詩經義三十六篇是也生平
篤守程朱之言為津筏以溯四子不習陸王學慮高明

之病易中於嗜好故流弊傳染背朱而馳尤不能爲二氏言所交詩僧大涵在粵撫座上無錫呂明經簡村出途中詩有過觀音灘作大涵睨而言曰呂先生此詩極形容灘險念彼觀音力而後濟可謂依佛矣然不逮黃先生送大兄之補陀詩落句云雄才屈首飯淨土小弟中心爲不平崛強門外漢詩却佳罷官城居倡和諸老友若焦南浦袁蘆朱楞心霞陳慧香鵲陸香林榮和徐今吾是微張寶華澤城皆喜佛書禪旨焦尤精究入微今吾作詩戲東之偶云聞得木犀香也未晦堂一語契

唐堂集

冬錄

三

乏人近推南浦得其真已聞交臂成知己可舉三乘一之偶一詢之偶答和云漏洩婆心句子中健椎唱醒白頭翁蓮花座下狐疑甚十丈長幡一陣風枯木寒巖不見人木樨消息幾曾真談空說法非吾事且讓支公與許詢徐評云牢不可破真有定力之偶有孫光義八歲瘡瘍焦信詩其二云百輩蘇張舌不存迂愚况敢進芻言文章種子誠無盡且可低心向佛門徐故及之

二十

自丁未歲冬歸里雖童僕散去而食指漸繁所稍積館穀官俸以分族戚之貧者乾隆元年二子元度元音授

田各五十畝而已唯清白孝友不聽婦言爲傳家之要三年冬遷葬考妣大事已完七十後始抱三孫元度舉一子光邦元音舉二子光炎光奉甚慰老懷生平室無勝侍每客歸獨宿如客宦歸亦然嗜書及酒親友餽二物則受顧晚年書不多讀多則倦酒不多飲多則醉夕磨飲十餘小杯陶然就枕然延年養生之道無一焉省思慮心不能泯感觸情不能杜應酬境不能餌藥物力不能習導引悟禪悅學不能其唯尋樂乎日譬曰退曰耐曰悔其庶幾乎

二十一

唐堂集

冬錄

三

之偶初名兆森字若木年十五萊陽趙公翁督學入府庠吉水李公振祿歲試高等補增廣生韓城張公延樞歲試古學超等蔚州魏公學誠歲試高等補廩膳生又試古學超等第一科試復第一古田余公正健歲試高等昆明謝公履厚歲試月課古學皆超等第一爲諸生垂四十年凡鄉試甲子丁卯癸酉壬午乙酉戊子辛卯癸巳甲午共九科唯庚午丁生母憂丙子丁父憂巳卯背瘍丁酉羈粵不試時庠友有同字者故改今字入國子監遂改今名李公彙征錄張公古學魏公試牘存真謝公江南風雅及考卷各選本皆刻原名查編修慎行

敬業堂集儲進士雄文浮青水榭集皆刻原字徐訓導

基同聲集皆刻原名原字今校唐堂集皆追改如史傳

劉向更重服虔重趙岐嘉宋庠郊之屬皆不稱初名嘗就

初名拆其文爲十八者三合之爲五十四伯叔父從兄

年皆止此少時課樵陶宅之野仰見歸鴉羣飛默數以

自卜齒適五十四歸告大兄兄笑爲愚至五十三改名

登仕籍六十歸田居谷陽門外又十餘春秋矣暮年自

稱石翁又稱老牧云

二十二

五年十月閏撫王忽樓山遣校致書請主龍峯書院書

唐堂集

冬錄

三

言弟謬以非才猥蒙 朝寄畀以一路撫安之職養民

育士責任並重閩中龍峯書院創自張清恪公比奉

世宗皇帝恩旨開設特賜帑金以資膏火振興培植原

爲儲畜人材而現在負笈寥寥下車之後親臨督課收

閱試卷率皆不中繩墨夫立竿以表景吹律以求聲欲

人士之蔚興必名賢之督率因與藩臬諸君互相籌酌

皆以年長兄當代醇儒詞林耆宿乘輶奉使舊蒞此邦

化雨所遺子衿感泣弟按試時體察士心推尋與論當

年之懋茂今日之謳思異口同辭洵爲僅見伏想聖人

長德爲世而生必以樂育人才爲願况七閩之士向沐

裁成今深思慕倘念菁莪之什載懷桃李之陰亦必殷

然皇然矣敬當布幣奉延車乘卽弟輩惓惓之悃不足

言而多士戀戀之忱殊可念也之僞以年衰路逆辭不

赴恒念既籍華亭自祖墓以上成在高倉贈公遷居託

之族昆弟切望之僞成名一還故里而不肖無似奔走

衣食及晚登第羈宦京師命兒子元音代往休寧祭墓

謁祠而之僞自歸田後遷葬父母就近擇地卒卒罔暇

雍正十三年族孫太學生鳴鳳自徽來措貲買田充祭

掃費而已昔朱子貫建州兩歸新安省墓而葬父崇安

葬母建陽身居閩以終之僞日就衰耄故鄉未嘗一至

唐堂集

冬錄

三

倘疆健未卽真溝壑當聚三月糧以酬夙心不能爲四

二十三

先是 朝廷修 國史部檄各省索 三朝文集上史

館備藝文志目采擇乾隆四年春郡邑徵及之僞因未

有刻本鈔四之一上之衙門荒徑頗多問字者咸勸付

梓乃取少壯時詩文經郁范兩君所評論厥後歛宋介

三和武進蔣東委汾功錢塘陸勉之邦所無錫顧震滄

棟高華豫原希開通州李心構堂華亭徐今吾是微所

點定之文宜興儲沅雲雄文海寧楊東野嗣震長洲許

子遜廷錄太倉沈子大起元上海曹謬廷一士青浦邵

樹百成正所閱選之詩編爲五十卷五年夏姪魯望法

自開封同知丁艱歸捐貲雕板一二同年伙之閱歲始

成向所手鈔選本經史子集四十卷三家詩選三卷古

文後場四卷唐詩四十家宋十子詞選仕詩鈔閩中校

士錄已刻歲試五八閩古學江南古今地名考略詩經

時藝唐堂外集其已刻者集及詞義外香屑集十八卷

焦徵君袁序陳編修邦直跋刻於海寧行樂圖題詠

四卷顧侍講成天陸檢討奎序姪海跋刻於平湖樂

府六卷前四卷陳文簡公叢學使謝王太守吉武沈編

唐堂集冬錄五

修樹本序刻於桂林後二卷文簡公序刻於平湖則嬉

戲無聊不關大業讀者可以觀遇焉

二十四以下續

冬錄成於乾隆之六年至暮冬疾病杜門諸事廢值

朝廷開律呂正義館大總裁莊親王張大司寇文敏

公舉列纂修官八人之舊與焉奏稱原任中允黃之舊

素善詞章所著鬱輪袍忠孝福等樂府流傳民間內

廷索閱購得刻本以進七年春部檄下南省方伯今江

撫安公寧遣官致書敦促先是淮安守李君肅建淮陰

書院奉漕督今浙撫常公安名刺聘幣延之爲山長

一驅之便已諾之矣會疾作辭不赴而部文適至乃具

呈當事瀝陳衰病及未精音律狀駿催再三清河家郵

中從臾尤甚有謂機會不可失朝命不可違者自揆

心力學問萬難勝任永矢愚誠而憂懷彌劇幸郡守今

閩臬使雅公爾哈親驗醫藥据實覆明至五月初封司

寇公得文敏書言某日便殿獨對時

皇上垂問黃之雋能來京否答奏黃之雋從無書札到

臣實緣衰病遂得奉免其來京之旨

聖恩體恤老疾得所而後安臥養病入爽秋而始有起

色也方病時甫辭淮約而廣東撫院今大宗伯王公安

唐堂集冬錄五

國按察使今安撫潘公思亦各致書招主粵秀書院

路遙難險猶閩也強健無事且憚行辭不再計決矣

二十五

乙丑歲夏兩淮都轉運使朱君續具書幣延主揚州

安定書院雖較淮近然齒又增且胡公實盡入師經師

之道至今尸祝而近世僅課時文爲尙則之荒惰不

能也遂以酷暑憚行謝不就時松郡守王君敏欲舉

修府志自康熙二年郭守廷重葺後二十二年魯守

起復修而其本不行所有唯顧陳郭三志蓋失修八十

餘載其間翠華之巡幸屬邑之分析海關之駐設

患之隄防大政繁賾亟宜載筆傳後乃徇衆論推之
總其事則懼不能往復峻拒值王君移守潁州遂止
都運因之之既辭掌教復以修淮鹽志見招期以春和
難於屢卻許之以閏三月杪至揚鹽政入覲歸請
旨開局同事海寧查編修祥等四人刻期集事念之雋
衰老不甚以筆削相督凡六閱月草藁甫定而歸諸君
皆相繼散去聞將校刊矣鹽政別述邦士經歲富易而
都運已遷官黔省未及觀厥成也

二十六

邇年視舟楫爲畏途唯會葬館師宮傳陳文簡公及謁
席堂集
冬集

座主大學士陳公兩至海寧訪陳明府以剛於嘉善弔
姪郡丞洪於當湖若邦江其最選者自是杜門不出新
安祖墓夢中耳中州大梁書院王方伯與吾手牋商約
遙謝而已氣血雙耗孟冬後大病三閱月始瘳筋冒於
膚索索不見肉臥則臂摩脅有聲明年開九秩而所謂
歲制時制月制者咸闕焉況營一坵如趙岐姚勗何可
速得哉世緣盡掃唯溺於文久潤宅爲活亦自茲謝絕
矣而從前有作或可質來者備藝林無徒供蟬鼠爲也
前刻五十卷外又刻補遺二卷續八卷皆自序前刻初
小臣有讀席堂集題句詩云昔浮洞庭彭蠡江湖之頭
蘇雲夢曾中差不小每思天上瀉銀潢閬風縣國丹黃

德又會陟衡霍歷九疑東遊齊魯境西越古飛狐巖洞
搜奇極深窺空闊海外有三山不得凌雲跨縹緲方珪
圓璧寶氣陳發瑟瑟明珠秀膚晶若教關入水晶宮崇
瑤闕猶猶新乙乙無句讀未了老眼虛中作勝遊天門
談蕩蓬萊香五都百物備凶豐不是震珍被謁少上下
千欣貫中雄分沙漏石流清漱鴻才馳聘經史間揮霍
不踰敵國表我慙奔陋費墨影時地追惟情前稍
埋作齊煙九點中光華四合扶桑曉左氏二傳參同十
傳頭著穢幸勿嗤拂日攀枝直到杪
五卷未刻少時蓄四願結友四五人以講學仕七八品
以從政齒六七十歲以閱世著書數卷以傳世見二十
路西既而隨其時地以成淡交益者不乏官曾六品壽
駕書已八十集且六十卷皆溢於始願天之所與之雋者厚
矣雖貧病其亦樂而忘諸
冬集

席堂集

冬集

冬

唐堂集六十一卷

江蘇巡撫
採進本

國朝黃之雋撰之雋有香屑集已著錄是集凡五十
卷又補遺二卷續集八卷皆之雋所手編各有自
序末附冬錄一卷則所自撰年譜也之雋之學排
陸王而尊程朱多散見所作諸文中持論甚正而
綜覽浩博才華富贍興之所至下筆不能自休往
往溢爲狡獪遊戲之文不免詞人之結習又名譽
旣盛贈答遂繁牽率應酬不能割愛榛楛勿翦所
存者不盡精華譬之古人殆陸機之患才多矣